




2<sup>o</sup> Th Sch  
83



+



*In usu senectutis Joſeph Auguſta.*

GASPARIS  
CONTARENI  
CARDINALIS  
OPERA.



PARISIIS.

(Apud Sebastianum Niuellium) sub Ciconiis in via Jacobæ.

1571

CVM PRIVILEGIO REGIS.

# CANTON

CHINA

1850

1850



CHINA

CHINA

1850

CANTON



ALEXANDRO FARNESIO  
CARDINALI AMPLIS-  
SIMO ALOISIVS CON-

TARENVS. S. P. D.



**I**N HOC volumine libri sunt eius, quem tu singulari quadam benevolentia profectus es, qui tibi dedistissimus fuit, quem Paulus III. Pontif. Max. auius tuus, sacri collegij honore decorauit, & ad maxima, grauissimâq. negotia sibi consiliarium, ac ministrum esse voluit, Gasparu Cötarenu patrui mei. Quos tibi gratissimos fore spero iū propter hominis memoriâ, tum propter officium, quo ego, & omnes mei adducti sumus, ut eos tibi potissimū offerremus, cum hoc testimonio quamuis leui, nostram in te obseruantia, atque animi grati volūtatem ostendere vellemus. Ex hoc numero quidam iam antea impressi fuerant, non sua quidem voluntate, sed coacti, & in alienas manus nescio quo pacto delapsi: reliqui apud nos iacebant, vix audentes lucem aspicere, tanquam filij sic à patre instituti, ut verecundiam sibi colendam in primis arbitrentur. Qui tamen nobis hortantibus atque impellentibus, tui nominis amplitudine, tuâque auctoritate recti atque confisi, tandem in publicum prodire vnâ cum aliis non dubitauerunt. Omnes enim in vnum coëgimus, atque coniunximus, eum ordinem in iū collocandis adhibentes, quo ipsum ferè in scribendū vsu esse sciebamur: consueuerat enim ille studia sua ei vitæ generi, in quo versabatur accōmodare. Itaq. cū primū philosophiæ operam dedisset, deinde ad Rempub. accessisset, postremò ad sacros ordines vocatus fuisset, in vnoquoque vitæ statu, quanquam legationibus, & aliis publicis muneribus pro sua, Christianâque Repub. obeundis semper ferè fuerit occupatus; ea scripsit, quæ temporis, & viuendi instituto conuenirent. Quocirca primo loco ea posuimus quæ ad philosophiam spectant, videlicet de Elementiis, de Prima philosophia, de Anime immortalitate, nonnullâque alia. Secundo loco quæ ad res ciuiles pertinent, de Magistratibus inquam, & Repub. Venetorum. Postremo ea, in quibus de rebus sacris agit. hi sunt libri de Sacramentis, de Officio Episcopi, scholia in Epistolas D. Pauli, Summa conciliorū magis illustrium, quem librum ad Pont. Max. auium tuum misi, aliâq. variorum argumentorū opuscula. Hos igitur libros ad te mitimus, & quasi pupillos quosdam tuæ tutela tradimus. Tu pro tuâ benignitate eos libenter accipies, quamq. in tuis solis necessariis amplectendis ac fouendis, tandem in his protegendis atq. ornandis consuetudinem seruabis. Vale.

INDEX OPERVM  
GASPARIS CONTARENI  
CARD. QVÆ HOC VOLV-  
MINE CONTINENTVR.

De Elementis libri v. pag. 1.

Primæ philosophiæ compendij libri v. pag. 91.

De immortalitate animæ libri ii. pag. 177.

Non dari quartam figuram syl. pag. 233.

De Homocentricis. pag. 238.

De Ratione anni. pag. 253.

De Magistratibus & Repub. Venetorum lib. v. pag. 259.

De Sacramentis Christianæ legi & Catholice Ecclesiæ lib. iiii. pag. 327.

De Officio Episcopi libri ii. pag. 401.

Scholia in epistolas Dini Pauli pag. 433.

Catechismus. pag. 533.

Conciliorum magis illustrium summa. pag. 546.

Confutatio articulorum seu questionum Luth. pag. 564.

De potestate Pontificis. pag. 581.

De Iustificacione. pag. 588.

De libero arbitrio. pag. 597.

De predestinatione. pag. 604.

Explanatio in psalmum, Ad te leuani. pag. 623.

# GASPARIS CONTARENI

OPERV M CATALOGVS TVM EORVM,

QVÆ ANTEA IMPRESSA FVERE, TVM

*eorum, quæ nunc primum in lucem edita sunt, cum testimoniis*

*Doctorem Theologicæ facultatis Parisiensis, quibus*

*hæc à se probari & christiana veri-*

*tate nihil discrepare,*

*asseuerans.*

LIBRIV. de Elementis fuerunt impressi Parisiis per Nicolaum Diuitem. 1548.

Item per Andream Vuechelum. 1564.

Libri VII. primæ philosophiæ compendij, fuerunt impressi Parisiis ex typographia Gulielmi Nigri. 1556.

Liber primus de immortalitate animæ fuit impressus Venetiis apud hæredes Octauiani Scoti. 1525.

De libro secundo. Ego Simon Vigoreus doctor Theologus canonicus Ecclesiæ Parisiensis attestor me in posteriore Apologia illustrissimi domini cardinalis Contareni, quam scripsit de immortalitate animæ, nihil offendisse, quod meo iudicio christianæ fidei aduerfetur, in cuius rei fidem syngrapha hac attestationem meam confirmaui. 1570. 14. Octobris.

S. VIGOR.

De quarta figura, de Homocentricis. Ego subscriptus certifico me supra scripta satis diligenter perlegisse, in quibus nihil puto alienum esse à verâ, & catholica religione, quod hæc ad Astrologiâ, & Dialecticâ spectet, in cuius rei fidem hæc propria magno signavi. anno domini. 1570. die 2. Nouëb.

DE MOCHARES.

De ratione anni Epistolæ fuerunt impressæ Lugduni apud hæredes Sebastiani Grijphij. 1561.

Libri v. de Magistratibus, & Repub. Venetorum fuerunt impressi Parisiis apud Michaëlem Vascosanum. 1543.

Item Basilæ apud Forbenium, & Episcopium. 1547.

Item Venetiis apud Baldum Sabinum. 1551.

Fuerunt impressi Flotentia } Libri IIII. de Sacramentis christianæ legis, & catholicæ Ecclesiæ.

apud Laurétium Turren- } Catechismus siue christiana instructio.

tinum. 1553. } De potestate Pontificis.

} Conciliorum magis illustrium summa.

Nos subscripti Doctores regētes Theologicæ facultatis Parisiensis ingenue, sanctæque testamur prælecta accurate, & diligenter à nobis esse ea quæ sequuntur reuerendissimi & illustrissimi Cardinalis Gasparis Contareni cōmentaria, & opuscula, nimirum comment. in D. Pauli epistolas ad Ro-

manos, Corinthios, Galatas, Ephesios, Philippenses, Collossenses, Thessalonicenses, Timotheum, Titum, Hebræos. nec non in epistolam D. Iacobi. Item epistolam de iustificatione; cōsutationem articulorum seu quæstionum Lutheri, commentarium in psalmum, ad te leuavi oculos meos. Tractatum de officio Episcopi. Epistolam de libero arbitrio. quibus in omnibus nihil comperire licuit, quod sit catholicæ Ecclesiæ, aut sacrosanctis patrum sanctionibus dissonum, quodque possit pium quemquam, & christianum lectorem offendere, in cuius rei testimonium syngrapham nostram hic duximus apponendam. Kalend. decembr. anno salutis restitutæ M. D. LXX.

HVGONIS.

AYMONIS.

Nos subscripti Doctores regentes Theologicæ facultatis Parisiensis ingenue, sanctèque testamur, prælecta accurate, & diligenter à nobis esse ea quæ sequuntur reuerendissimi & illustrissimi cardinalis Gasparis Contareni commentaria, & opuscula, nimirum commētaria in D. Pauli epistolas ad Romanos, Corinthios, Galatas, Ephesios, Philippenses, Colossenses, Thessalonicenses, Timotheum, Titum, Hebræos, nec non in epistolam D. Iacobi. Item epistolam de iustificatione, cōsutationem articulorum, seu quæstionum Lutheri, commentarium in psalmum ad te leuavi oculos meos, &c. Tractatum de officio Episcopi, epistolam de libero arbitrio, & epistolam de prædestinatione, quibus in omnibus nihil comperire licuit, quod sit catholicæ Ecclesiæ, aut sacrosanctis patrum sanctionibus dissonum, quodque possit pium quemquam, & christianum lectorem offendere, in cuius rei testimonium syngrapha nostra hic duximus apponenda, anno salutis restitutæ 1571. tertio Idus Februarij.

DAHY.

HVGONIS.



PRIVILEGII SVMM A.

**C**AROLI IX. Galliarum Regis singulari privilegio cautum est, ne quis opera Gaspari Contareni Cardinalis, partim olim seorsum impressa, partim nunc primum prelo data, & multis ab authore locis aucta & castigatiora facta, ante decennium à die primæ editionis numerandum, præter Sebastianum Nivellium, imprimat, nèue alibi impressa diuendat. secus qui faxit, penis ex sanctione privilegij, quam litera vberiores ab eius maiestate Lutetia 16. Martij anno domini 1571. impetrata continent, multabitur.





# GASPARIS CONTARENI

## VITA

A IOANNE CASA CONSCRIPTA.



VM permultum inter laudationem atque historiam, in-  
teresse oportere facile intelligerē; propterea quod illa vir-  
tutis modo præconium quarit; hæc veritatis in utranque  
partem testimonium continet; sæpe mihi de Gasparo Cō-  
tarenī vita cogitanti in mentē veniebat, vereri, ne, si cam-  
literis mādassē, laudare me hominem magis quam, qui  
eius vitæ cursus fuisset, narrare voluisse, multū arbitrarē-  
tur, qui cum commemoratum à me de illo nihil viderent,  
quod esset à laude seiūctum, quæ reprehensionem habitu-  
ra fuissent, dedita opera à me prætermissa esse existima-  
rent. Sed cum laudatorū sit, de cuius laude dicit, eius bona verbis amplificare, aliquid  
etiam alieni adfingere; vitia oratione attenuare, aut etiam silentio præterire: in altero  
facile prestare possum, ut hic meus commentarius plurimum à laudatione dissentiat: nec  
enim sermone nostro Contarenī virtutem augere comandum nobis est, in altero, ut de  
eius vituperatione indicem nihil, non nos, sed res ipsa laudationi persimilem narratio-  
nem nostram efficiet. Quod si qui erunt, qui cum plus de aliena virtute predicari sen-  
siant, quam quantum de sua ipsi sibi polliceri soleant; aut agre id ferant, aut orationi  
meæ fidem non habeant, ij sic cogitare debebunt; dici hæc à nobis de eo, qui iam non su-  
quique cum suæ ciuitatis probis viris omnibus, tum aliarū gentium, cæterarūque na-  
tionum clarissimis quibūque hominibus notus, beneque cognitus fuerit: quorū cum ma-  
gna pars sit superstes, nulla nobis causa est, cur de mortuo mentientes, tot viutorum, illu-  
strum præsertim hominum, vanitatis impudentiæque nostræ testimonia colligere ve-  
limus: clarorum autem virorum laudibus fauere potius quam obtrahere omnes debe-  
bunt. mihi certe aut de Contareno tacendum fuit: aut de eo, ni mentiri forte maluissē,  
cum laude dicendum. Venetorum ciuitas optime morata, optimeque constituta est, id ex  
eo intelligere licet, quod una temperatione, vniū legibus, sine ulla seditione, sine vilo in-  
testino malo, annos eorum Respublica amplius mille manet, quodque à paruis initiis  
profecta ad eam opulentiā, atque ad id imperium, quod videmus peruenit: complures  
urbes, æsq; claras atque florentes socias veltigalesq; habet: Corcyra, Creta, Cypro, mul-  
tis magnisque insulis, transmarinisq; provinciis dominatur: classē instructā paratāq;  
habet, quantā nullus Rex, nullæ nationes valeant cōparare, ea ciuitas una omnium, de

quibus memoria proditū sit, libertatū, æquabilitatūque maximè amans, maximèque retinens est: quippe quæ durissimis quondā Italia temporibus seruientem fugiens, & continenti sese in undas æstusq; cōiecerit; fortunisque omnibus relictū, vnam modò secum exculerit libertatē, atq; in ea tuenda tot seculorum spatium versata studiū voluntatēque vsu etiam atque exercitatione corroborauit. Itaque libertatis fortasse nomen alibi quoque gentiū inuenias; libertatem ipsam purā atque incorruptā, ab omniq; metu vacuum, vrinā aspiciere in aliis ciuitatibus, vti quondā fuerat, decorum nobis beneficio aliquando liceat, illud salutare institutū mordicus à Venetis retentū est, vt Reipub. attingenda, præterquā iis, qui initio in ciuitatem cōuenerunt, quique Germani, Veneti & tanquā ab origines sunt, potestatem præterea facerēt nemini, nisi si quādo deliberata re, bene de Repub. meritis, eius vrbis inquilinū, alijsue quibusdā, id ius nominatim ad hodiernū diem cōcessum est. Ex eo igitur prisorū genere ciuiū Aloisius Cōtarenus fuit, cū prudens paterfamilias & locuples, tum præstans Senator & nobilis: atq; is Polyxenam Malipetriā in matrimonio habuit, sceminā primariā. Ea, cum aliquot iam peperisset pueros, neq; ij diutius viuerent, ad amicas æqualesq; dicitur rursus pregnans retulisse, à quibus, vt sunt pleræq; mulieres religiose admonita esse dicitur, vti qui natus esset puer, ei nomen imponeretur vnū ex iū nominibus, quibus vocati ij Reges sunt, qui ad Christū Deum nostrū paruulū ac lactātem venerunt fore enim vt vitalis esset. Cum salua igitur paucis post mensibus peperisset, puerū nominari Gasparem iussit, qui primus eius familie hoc nomine appellatus est. Is vbi adoleuit, magna in eo ingenij indoles erat, magna ad literarū studia propensio: itaque faciliè Aloisius pater consiliū, quod de puero ceperat, mutauit; mercaturū enim illū faciendis reiq; augenda, (quippe cui multe atque ample multis in locis res ratione q; cū multis essent cōtracte) filiū scilicet natū maximū Venetiis destinauerat: est enim ferè in liberis ciuitatibus, mercaturis rem querere, nobilitati quoque nō modò non turpe, sed si bono modo fiat, etiā honestū. Verum vbi pueri ingenij naturamq; maius quiddā spectare atque polliceri intellectū est, consiliū illud de mercatura funditus pater abiecit; neq; vlla in re filij voluntati ac studio defuit. Is, vbi quod satis esset, operæ Antonio Iustiniano, Laurentioq; Bragadeno Venetijs visus est dedisse: (nā ij publicè à ciuitate cōstituti erant, qui iuuentutem in dialecticis, atq; in philosophia erudirent) Pataviū profectus, Petro Pöponatio Mātuario, magno nobiliq; philosopho in disciplinā sese tradidit. Erat in adolescēte natura vis peracris illa quidē, & vt mihi videbatur, peracris, sed tamen nescio quo modo magnitudine & firmitate, potius præstans; & quod maximè rem continet, ad sapientia studia accommodatum, & tanquam phlosofū inerat ingenium: memoria omnino valebat plurimū. huc accedebat animi ac victus vitæq; totius constantia quedā, vt, quam semel instituisset rationē, de ea non defatigatione, non pigritia, non voluptate depelleretur. Opinio est in omni vita re Venerea illum omnino vsum esse nunquam. defixa mens scilicet in eo studio, cui se ab ineunte ætate dederat, eoque pasta atque alta, nihil præterea concupierat. Itaque celeriter affectus est, vt equalium magister, grandiorum natū magistrorūque tanquam æqualis, & compar haberetur. Certum temporis spatium, horarū sanè haud amplius trium, meditationi & bibliotheca attributum, & tanquam sepositum habuisse dicitur, cui tempori nec vnquam quicquam detraheret, nec ferè adderet, qui reliquus erat dies in cōgregationibus amicorum, colloctionibusq; cōsumebatur: ea de literis scilicet

cet erat, ut in suo studio, ne cum vacare quidem videretur cessaret, idque ipsum nihil agens, ageret tamen vgeretque propositum, & tamen animū à cōtentionibus relaxaret. Illud etiam narrari nobis ab eo ipso meminimus, cum diceret nunquā se in omni adolescentia cōmisisse, ut mane aliquid postredie aggrederetur ediscere, quin prius ea que pridie percepiisset, diligētissimē reminiscendo recordatus esset: vitandā enim a sotorum cōsuetudinem aiebat, qui erudi se tamen ingurgitant, quoque magis cibo replentur, oneranturque minus viriū, minus valetudinis habent. In eo igitur cursu cum sedulit ate magis quam cōtentione aut labore admirabiles progressus efficeres: atque eos, qui in eodē curriculum erat, longo intervallo antecederet, mox Aloisius pater obiit. duodevigesimi ille annos natus erat eo tempore, liberorum autem magnū sanē numerū filios septem, quatuor filias, præterea magna cum multis cōtracta implicitaque negotia Aloisius reliquerat. atque odiosum omnino negotiū est homini in cogitationis ac doctrinæ studiū occupato, familiaris rei procuratio, ut minus mihi mirū videri soleat, Democritum, nobilem quondā philosophū, ut ea cura eoque impedimento liberaretur, omnes fortunas suas, sicuti literis proditū est, abieciisse. Veruntamen quanquā iniuius ac merens discedebat à literis, tamen Patavio profectus est: atque eandem illam animi moderationē aequabilitatēq, adhibens, fratribus partim in Apaliā, partim in Alexandria, (ibi enim magnas societates Aloisius pater habuerat) distribuit, partim Venetiis relictis, bene domi cōstitutis rebus Pataviū reuersus est: studiūq, haudquaquā longo intervallo à se intermissum, cupidē renouauit. in ea vrbe doctissimorū hominum plena, ac liberalibus artibus affluēt, aliquot annos cōmoratus est: cum in principibus iam philosophis numeraretur, atque eius nomē plurimū in dies increbresceret. Atque hoc loco postulari exigiq, à nobis arbitrati sumus, ut, qui eius progressus, & quale tanquam iter ad percipiendas fuerit disciplinas, deuōstraremus. A primis igitur dialecticæ elementis profectus sic omnem philosophiā perlustrauit, ut illius singulas tanquā oras non videret modō atq, inspiceret, quod plerique facimus, sed in vnaquaque etiā illius quasi regione cōmoraretur, & habitaret. Itaque illud assecutus est, nihil in ea ut arte, ita copiosa & magna atque varia, tam esset magnū atque arduum, aut tam minutū atque paruum, quod eius aut diligentiam lateret, aut fugeret intelligentiā: nihil autem tam abstrusum aut reconditū, quin prōptum illi expositumque quāuis subito esset atque ex tempore. Eius nos rei per magnū quondā specimē cepimus. nā cum Florentiæ fortē essemus, quā ille Roma profectus, iter in Germaniam habebat ad Casarem, erant in ea vrbe, cum alij cōpures in ea philosophia, quæ de natura est, docti atq, exercitati, sum duo præter ceteros, Petrus Viçtorius & Fraciscus Medices, quorū erat viriūque & natura admirabilis, & exquisita doctrina, sum studium ardens in vtroque ac peracre vigeat, flagrantq, & singularis in vtroque industria: sed alterius breue tempus doctrinæ augendæ, & declarandæ fuit: Viçtorius qualis vir, quāvisque iam tū esset, ea, quæ nūc est, eius doctrina, libriq, ab eo editi declarāt. Li per eos dies ad Cōtarenū sanē ventitabāt, à quo nos quoq, non ferē discedebamus: hoc affirmare possum, cum omnis inter eos sermo esset de phisicis, nullius rei mentionem esse factā à summis illis viris, ingenio præstantibus, animo vacuo, otio abūdantibus, studio incensis, tempore paratis, à bibl. otheca, & literis recentibus, quin eā Cōtarenus, & memoria teneret, & intelligentiā cōprehensam haberet, & oratione tā facili explicaret, q, quæ facillima sunt. Præstabat id non tā credo memoria, quæ tamen valebat, ut antea dictū est (natura quoq, plurimum ille excellenti fuit) quā ipsa, via ac ratione percepta do-

Erina. Sic enim eum ipsum dicere solitum esse accepimus: non modò certam artium multarum inter se quandam naturalem esse dispositionem, ut alià alia suo quoque loco deinceps tanquàm subsequatur, & cum priori posterior quasi coagmentetur: sed unius quoque eiusdemque cuiusvis scientiæ si quis ordinem & tanquàm seriem conturbauerit, atque interfecerit, ad exitum perveniri non posse: magnòque in errore versatos superioris ætatis homines aiebat esse, qui multa properantes transirent; aut ullam artem edificare se posse dissipatà arbitrarentur, aut mutilà atque hiantē: amputatū enim intercessisq; disciplinis progredi perveniriq; ad scientiā non magis posse, quàm interruptis iter pōnibus cōfici. Unū autē omnino sibi comitē ac monitōrē ad Aristotelis iter, multus sæpe obstruētū disscultrationibus, Thomam Aquinatē asciuerat, hominē non cōtentionis, sed veritatis amantem; qui & subtilitatē habeat, nec ultra, quàm par est, progrediatur acumine, atque idē articulatim paritēq; ac distribute doceat. Doctus etiā Græcis Latinisq; literis erat, Pœtas, Horatū, Virgiliū, Lucretiū, Horatiū lectitauerat atque didicerat. Itaque cum non artis faciliandæ, sed eruditionis liberalisq; doctrinæ fructuæ causā, philosophiæ se dedidisset, omnes tamen artifices, magistrosq; omnes, nō scientiā modò, sed famā quoq; & celebritatē facile superabat. Erat hominis vita atque victus nō tam excultus atque expolitus, quā cum gravitate quadam, simplex ac lenis placatusq;: oratio inculta illa quidem atque inornata, sed hoc ipso, quod omni careret fūco splendida atque iucunda, pura, ac naturali suo tanquàm colore amabilis pellucens, plenāq; autoritatis ac fidei, nulla mollities, nulla, ne in adolescentia quidē animi aut corporis delitiæ, sermo nulla assentatione suffusus, nulla animus malevolentia infuscatus, & cum festiuitas lepōsque haud magnopere adesse, aberat etiā rusticitas atque aversitia. Quin etiā hoc ab eo dici meminī, deorare sese certorum hominū qui in aliqua vite parte claudicaret, incōmoda aut etiā vitia solere simulac de bonis, quibus illi excelleret, aliquid degustasset. Accū Galeatius Florimontius, qui nunc Suesse Episcopus est, vir cum omnibus honestis artibus perpolitus, tum præcipuē castus atque integer, tū religione ac pietate in primis incensus, in notandis autem reprehendendisq; amicorum vitiis vnus omnium maximē acer ac liber, castigator nonnunquā etiam subamarior (atque is à Cōtarenō in fratris locū diligebatur.) cū ille igitur nobis audientibus nequire se satis mirari diceret, illum, qui omnium esset mundissimus ac sanissimus, cum hominibus quibusdā, quo si ipse appellabāt, id quod nobis minimē necesse est, qui turpitudine aliqua, tanquàm morbo affecti atque inquinati haberentur, tam sæpe cōsultari. Quæ ille cum sanē cōmotus ac stomachans diceret, quid nos, inquit Cōtarenus, nunquām ne absynthio aut scamone radice curari nos patimur? quid nī? inquit ille. Ergo, inquit Cōtarenus, earū potionū exorbemus sapores terribissimos, ut succo epoto illius iuuemur visalutari: horū vitia, si qua sunt, nō deuorabimus, & tāquam amaritū perferemus atque exorbebimus, ut illorū tanquàm vescamur virtute, atq; aliamur bonis? quid autē ipsis nobis fiet, si amādū statuerimus, nisi qui perfectus absolutusq; fuerit, esse neminē? laudare se, quod in quoque probaret, libenter aiebat, quod reprehenderet, vituperare nō se necesse habere. Hanc animi equitatē, hanc tam præclaram maximari artium doctrinā, alia lōpē iis maiora bona decorabāt, summa integritas, summa innocentia, pietas, nō hæc quæ facie motu, amictu cōmendatur, quā in multis cernimus, simulata, & specie atq; oratione hominū opinionē captās, sed solida pudā, sincerāque in mēte atque in animo inerat, quibus ille rebus instructus, cum magnum eius esset

nomē

nomen, magnâq; non solû laus, sed etiam admiratio, aliquanto citius, quàm cõstituerat Pataviu decessit. Nam cum omnis propè dixerim terrarum orbis eo tempore cõtra Venetos conspirasset, periculosisimûmque ei ciuitati bellum intulisset, afflictis Venetorum opibus, Pataviu ipso obfesso, nec multò post amisso, maturinus omnino, quàm in animo habebat, inuiuis, nondû discendi sibi scilicet expleta, domû sese recipere coactus est. Erat eius ætas nondum firmata, ut Reipub. operâ nauare posset, itaque in iisdem sese studiis aliquot annos continuit, cum eius domus, tanquâ bonarum artium gymnasiu quoddam, ab iis, qui doctrinæ desiderio tenebantur, frequentaretur. Veruntamen ad Rẽpub. ubi primum accessit, eius ingeniu, quod de Hortensio est memorie proditum, tanquâ Phidie signum, simul aspectum ac probatum est. Itaque cû septem & triginta tum haberet annos, à ciuitate ad Cæsarem Carolum hunc quintum in Germaniam orator (sic enim Veneti appellant) est missus. legationis munus magnâ apud Venetos habet dignitatem, magnam ad summos honores, magistratûsque adipiscendos commendationem, sepèque à multis vnâ petitur, & in comitiis suffragiis oratores magna ambitione creantur. Gerebat illi temporibus in Italia bellû Cæsar cum Rege Gallis, cum quo illi antea quoque cõtinencia bella intercesserant, atque cum eo Pontifex maximus Leo x. sese cõiunxerat, cum Rege Veneti conspirauerant, atque omnis impetu belli ad Mediolanû considerat, nam eam urbem Gallis Venetisque defendentibus, Cæsaris ac Leonis copiæ oppugnabant. Ad eum, quicum bellum suæ erat ciuitati, planèque ad hostem ire se Contarenus intelligebat, apud quem exploratoris nō legati locum obtinere eum necesse esset, atque ipsa res cogere. Accedebat etiâ quod Cæsarem, quibuscum inimicitias exercebat, iis solere esse amariorem audierat, illisque maximè qui Gallorum faueret rebus. Itaque animo sane cõmoto ad Cæsarem aduissè dicitur: nâ & ipse ipse sua verecundus, ingenuo quodam quod tamen siue segnitia esset pudore fuit. Verum eadem illa doctrinæ, castitatis, ingenuitatis, innocentie opinio, multò ante eius aduentum ad exterar quoque nationes perlata, Cæsaris illi animum volutatemque conciliauerat. nâ amare ille plurimum ingenuos aperiòsque hominum animos dicitur. Itaque ut semel in primo illo, qui ei cum Cæsare fuit, congressu, hilari vultu acceptus & comiter appellatus est, faciles ad eum deinde semper aditus habuit, & illo, quanquam ciuitati erat iratus, non modò pacato, sed etiam propitio vsus est. ac paulatim, cum eâ, quæ antea de se fuerat, opinionem magis ac magis in dies confirmaret atque auget, iam ipsi Cæsari non modò gratus, sed etiâ familiaris erat, Itaq; cum certior factus esset, Gallorum Venetorumq; copias Insubribus fusas superatâsque, Gallos ex oppido esse expulsos, cedere & fuga suorum; qui eam rem nuntiarent, Cõtarenus misisse dicitur, atque iu præcepisse, ut de incõmodo, quod Veneti acceperant, reciderent, neque illorum copias in eo prælio dicerent interfuisse: eam in illo sese corporis imbecillitatem aspicere, ut excruciatu eum illam noctem suæ tanta illa patriæ clade nunciata nolit. In Hispaniam Cæsar constituerat reueri, neque per Gallorum fines, quæ proximum erat iter, quod exercitum non habebat, ire poterat. itaque per Belgas profectus ad Oceanum perrexit; ibique nauibus conscensis in Britanniam appulsi, paucisque intermissis diebus rursus naues soluit, atque in Hispaniam contendit. Toto hoc itinere cum Contarenus profectus est: cumque in Hispaniam peruenissent, bienniu apud eum est commoratus, atque in ea legatione omnino quinquennio consumpro Venetiâs rediit, cum illud re confirmasset, quod à Grecis qui-

bus dā Poëtis mandatū versibus video, magnā gratiosi nuntij esse vilitatem. Nā cum omne id temporis spatium inimico inter se animo Caesar & Veneti essent, ac ferē continenter bello inter se consenderent: multa ille tamen ob eam, qua suo nomine erat apud Caesarem, gratiam obtinuit; multa sue ciuitati mandata confecit: magno quoque vsui Reipublica fuit. simulque illud est assequutus, ut multarum magnarumque rerum diuturna consuetudine ac tractatione, tot nationum naturis, moribus, institutis cognitis atque pereceptis, magnum rerum agendarum vsus, magnamque haberet prudentiam. Itaque cum diligentiam, operam, curam, prudentiamque suam ciuitati mirifice probasset, absens & in Senatum lectus est: qui honos Venetorum legibus non ferē diuturnior anno & mensibus quatuor est: & quod olim, exiguis etiam tunc ciuitatis rebus, precibus rogandi erant, qui domesticis suis relictis negotiis, ad consiliū de publicis capiendum conuenirent, rogatorum concilium appellatur: cuiusque per magna & potestas est & dignitas; quippe cui omnis Respublica permissa sit, vicissimque in hac ciuitatis amplitudine ac dignitate à clarissimis quibusque ciuibz summis opibus, summa contentione expectiunt, magna præterea autoritatis est in ea ciuitate magistratus, cui ab eo nomen inditum est, quod præcipua, magna atque ampla procuratio demandata illi est, ararij ac vestigalium; quæ in continentis Veneti magna atque ampla habent. nam cum magistratus illi sapientes terra firma appellant. hanc quoque potestatem Contarenius statim renuntiata legatione, maxima totius ciuitatis voluntate omnibus suffragijs adeptus est. habuit de ea ipsa legatione, more maiorum, orationem in Senatu, vberem ac plenam, cum de Caesaris ingenio, voluntate, institutis, opibus, copiisque disserteres; earumque nationum, ad quas adisset, mores, leges, facultates, consilia exponeret: qua cum ab eo distinctius scilicet acque eruditius dicerentur, quam Venetorum hominum aures audire ad eam diem consueissent, tanta diligentia, tantoque silentio atque attentione audiebatur, ut vocis bonitas, qua ille sanē exili fuit, non magnopere desideraretur. Non sum vulgi opinionis, iudicijque nescius: arbitrantur enim philosophiam hominum, vitæque huius communis quasi corruptelam esse quandam, atque eos qui in studiis cogitationis ac doctrinæ, paulo vltius progrediente ætate versati sint homines in solitudine atque in angulis educatos, curiæ lucem aspicere, aut in huius ciuilibz turbe ac fori strepitu & concursatione, & in rerum agendarum tumultu, & tanquam acie sine magna animi situbatione negant ausuros esse consistere, hominum consuetudinis imperitos, legum, morum, sei monum, voluntatumque ignaros, atque à communi vita & hominum sensibus, vixitūque longē multumque abhorrentes. sic vulgo existimant. sed falluntur sane, multoque id aliter euenit, nam, qui, tanquam intermes, ad prælium & pugnam; sic nullis aut leuibus doctrinæ præceptis, quasi armis, instructi ad Rempublicam accedunt, ij artem, quam facere intendunt, vnam quidem omnium maximā ac difficillimam, Reipublicæ patriæque periculo discere coguntur, atque, ut in vetere Græcorum proverbio est, Dolio faciundo sigillam aggrediuntur percipere, idque ipsum de malis auctoribus magistrisque sane in seipsis atque improbis, vulgo & foro, quanquam nobilitari homines ijdem Græci in foro aiunt: qui si hoc sentiunt, virtutem, ut in maiore luce posita locatæque sit, ita magis magisque splendescere, atque illustrari, ipsi sanē videant, ubi nam eam potissimum in bono lumine collocent, sin illud præcipuum, a populo, bene viuendi rationem, tuendarumque ciuitatum disciplinam peti oportere, aut in foro cum reliquis mercibus

expo-



expositam virtutem venire, ne ego mihi locum modò demonstrari, magno emere pos-  
 sum: sed non est ita. Nam sponte quidem sua, aut prudentiam hominum animus at-  
 que ingenia non magnopere gignunt: aut huius nobis ætatis, tanquam sterilitas qua-  
 dam vehementer lamentanda est. Quibus autem opinionibus imbutæ eorum mentes,  
 Et tanquam confusa, ad Rempublicam è populi disciplina, Et quasi cultura prodire  
 soleant, operæpretium est attendere. Nam ij qui animum philosophiæ præceptis ex-  
 coluerunt, regendarumque ciuitatum artem edidicerunt, neque timidi sunt, quod sci-  
 entia earum rerum, quas quisque tractet, animum addere, non adimere solet, neque au-  
 daces ac temerarij, quod stultitia ac temeritas plurimum ab arte ac sapientia dissidet.  
 Reipublica verò gubernator ille de populo, nec ignauiam à verecundia segregare, neque  
 præcipitem aut pertinacem ciuem seiungere à forti atque constanti magnopere nouit;  
 nisi vsu demum atque experientia doctus, cum sepe lapsus, sepe deceptus multa in Re-  
 publica offenderit, Et ciuitatis periculo ac detrimento (vt antea à me dictum est) pru-  
 dentia didicerit. Philosophia autem, quæ vel maxime in effugiendis, atque ad virtu-  
 tem conformandis, hominum sensibus atque motibus occupata sit, Et vt vt illi moratù  
 tandem sint, quemadmodum cum iis consiliari non incommodè queamus, vias ratio-  
 nisque tradat, neque ab hominum abhorret moribus, Et qui sit optimus Reipublica  
 status, intelligit, Et quibus artibus inclinata, et mentesque ciuitates subleuentur, tenet,  
 Et ideasque non optimis institutis ac legibus temperata sint, accommodari sese ta-  
 men non recusat remediisque temporum, locorum, casuumque incommodi adhibet sa-  
 lutaria: eadem multa de hominum vitiis, quæque eorum cautiones sint, præcipit, eadem  
 qui cuique arti, cuique fortune, cuique animi aut corporis affectioni, mores sensusque  
 comitari soleant commonet. ad eam doctrinam tam fructuosam, tamque optimam, vbi  
 vsus quoque atque exercitatio accessit, tum verò præclari illi ac singulares ciues existunt:  
 qualis vel imprimis Conarenius sua in Republica fuit: qui cum iugentiarum artium in  
 gremio educatus Et tanquam Philosophiæ alumnus quidam ad agendum descendisset,  
 maximoque sibi vsuica præcepta, quæ olim imbiberat esse intelligeret, suos ciues hortari  
 non desisteat, vt ea peruestigarent, quæ de naturis humani generis, deque rerum publi-  
 carum gubernationibus à philosophis explicantur. nec verò occultabat hoc ipse dese.  
 Nam à principio cum primum a senatum lectus fuis, sepe factum esse aiebat, vt in sug-  
 gestum ascendere, sententiæ dicendæ causâ, cum cuperet, ausus non sit; quod pudore quo-  
 dam Et rei insolentia retraheretur, eamque rem magno sibi dolori esse solitam; itaque  
 in animo habuisse, nisi cum animi timorem ac verecundiam peruinceret, ad Rempub.  
 post hac non accedere, suumque locum aliis concessurum, quibus ad dicendum ani-  
 mus non desset: nec enim verum esse, fortibus ac strenuis ciuibz ab ignauis ti-  
 midisque locum præripi. verum nihil necesse fuit, talis ciuis prudentia, ac concilio Rem-  
 publicam priuari: nam paucis mensibus, cum sese animo facile confirmasset, sic senten-  
 tiam dicebat, vt neminem magis prudenter, magisque compositè loquutum vnquâ fuisse  
 constaret, docebat ille quidem verbis, quam maxime poterat, propriis, cum paritè ac  
 distinctè, cum memoriter ac copiose animos autem cum oratione minimè conaretur  
 impellere, autoritate ipsa vehementer permouebat Et fide, lingua celeri ac volubili le-  
 pore atque ornatum illum oratorium neque adhibebat, neque adhiberi æquum esse  
 censebat: mentes enim ciuium instillat, atque incitari, quo maxime tempore sedatos te-

Etosque eos esse oporteres, cum concilium capturi de Republica essent, turpe atque inutile esse existimabat, atque eos qui magno quodam conatu orationis vim ad sensus atque impetus animorum atque motus commouendos admoherent, si id sua priuata utilitatis causa susceperent, improbe si Reipublica causa, arroganter sine controuersia facere aiebat: quod tantum sibi sumant, ut non communi Reipublicam concilio regi velint, sed suo: quàmque ipsi probarent sententiam in eam ceteros ciues non adducere, sed compellere studerent. Eodem tempore Contarenus Brixia praefectus renunciatus est, cum magistratum capitaneum veneti appellant. quò cum proficisci cogitaret, iamque impedimenta imposita in lintrem haberet, repente horribilis nuntius adfertur: Romam à Caesaris militibus eaptam, Pontificem maximum in arcem compulsum, urbem ipsam diripi ac vastari, quibus rebus Venetias nuntiatus, magnus subito cum dolor, tum etiam terror inuasit. Itaque mutato concilio Contarenus, cum vereretur aliis armis Brixiam egere, quàm quibus sese ipse assuefecerat, concilio atque auctoritate, eum magistratum recusauit, atque interim otium à Republica nactus, studiis scilicet suis, illis pristinis obsequabatur. Bellum cum grauis hæc plaga accepta est, cum Cesare veneti, ac Clemens vii Pontifex maximus cõmuniter gerebant, sed totius imperij summa tradita erat Francisco Maria vrbis natum Principi, quem illi ducem appellant. Eum veneti suarum copiarum seorsum Ducem habebant: nam ciuem terrestres copias ducere per leges non licet, ac cum deditione facta Clemens iam complures menses in custodia à Caesaris militibus asseruaretur, cumque vrbis depulanda, vastanda, incendenda modum homines feri ac barbari, sibi statuerent nullum, cui rei Casarem quod longè abesset gentium cum maxime cuperet, negant potuisse occurrere: commoti rei indignitate atque acerbitate Christianorum Principes plerique omnes inter se de Pontifice maximo è custodia educendo conspirauerunt, eius rei causa, concilium Ferraria indictum est, quod Alphonsum Estensem, qui eius vrbis imperium, à maioribus acceptum, eo tempore obtinebat, maximi animi hominem, rei que militaris peritissimum, adiungi sibi vehementer studebant: à quo cum propter concilium, ac virtutem, tum propter oppidi opportunitatem, opes bellicue instrumenta, quibus ille abundaret, earumque rerum omnium facultates quæ ad bellum vsui erant, multa, magnaque auxilia subministrari sibi ad id bellum intelligebant posse. Eo Gallia Britaniamque Reges legatos miserunt cum mandatu homines nobilissimos, idem et ij, quibus Pontifici maximi salus priuatim curæ erat, fecerunt, et Mediolanensis Dux Franciscus Sfortia. Eodem veneti Contarenum mittunt: maxime enim eorum Reipublica intererat eam confici rem, propterea quod cum Pontifice, quemadmodum dictum à me est, societate et fœdere coniuncti, continenti- bus bellis non longè à suis finibus cum Cesare contendere. eo concilio peracto, atque haud ita multo post Pontifice liberato, ad eum Contarenus, sue ciuitatis iussu, legatus profectus est. Magna erat eo tempore omnium rerum perturbatio, magni Gallie, Italiaeque totius videbantur motus impendere, quod et Clemens ipse iniquissimo animo controuersiam, quam acceperat, ferre existimabatur, quod per pacis simulationem circumuicinus in hostium potestatem venisset, quod superbe crudeliuérque tractatus, et in deditione receptus, à diu in custodia fuisset reuentus, atque ad extremum quod non dimissus, sed elapsus è manibus et catenis esset, quod omnia exempla cruciatuque in suis edita Romæ atque in omnibus vicis et oppidis essent. Accedebat quod Florentini Hip-  
politum

politum atque Alexandrum Pontificis fratrum filios, qui ipsius potentia in ea vrbe imperium antea obtinuisſent, è ciuitate eiecerat: quod ille grauiffime, atq; indigniffime ferebat. eius dolor quam in parte erumperet, expectabatur ab omnibus. Eadem Gallia Regis cauſa erat, atque conditio. Nam & bello ſuperatus captiſque, tantum ſe de veteris virtutis opinione, deq; bellica gloria deperdidiffe, maximo erat illi dolori, & ſui, libertonumque fuorum marcatu (vt ipſe exiſtimabat) nundinationeque illa Caſaris, hoſtiliſcilicet in eum odio excarſerat. Tum Veneti multis de cauſis Franciſcum Sfortiam in regnum reſtitui volebant, atque eam rem ad ſuam rempublicam magnopere pertinere arbitrabantur: quibus omnibus rebus efficiebatur, vt in tanta animorum mutatione & diſcordia renouari in Italia bellum neceſſe eſſe omnibus videretur. Interim Clemens cum Caſare in gratiam redierat, amicitiamque conciliauerat: & quò liberius patriam inuadendam exercere poſſet; iuſtiſſimas ſuas ſuas in Caſarem minuerat inimicitias, & ſuas illi iniurias, aut condonauerat, aut viciffim pacis ſimulatione, idoneum doloris ſui vlcificendi tempus expectabat. Atque cū Caſaris duces & exercitus, illius nomine Florentiam oppugnarent, faciendum ſibi eſſe exiſtimauit, vt propius ipſe accederet, itaque Bononiam ſe contulerat. eò Caſar quoque ex Hiſpania venit, vt à Pontifice maximo, cuius vnus ea poteſtas eſt, diadema cateraque imperij inſignia acciperet. atque ei aduenienti cum obuiam Contarenus extra urbem proceſſiſſet, dicitur cum Caſar per quam longo ſanè interuallo à ſe viſum agnouiffet, atque iis oculis eaque vultu hilariſſime eum aſpexiſſe vt id à multitudine, qua viſendi cauſa prodierat, & omnes vias oppleuerat, animaduerneretur: atque ex eare coniectura fieret, rem inter Caſarem & venetos conuenturam: id quod exitus comprobauit. Nam prater omniū opinionem, in tanta animorum incitatione, & diſcordia, tot vltro citroque illatis acceptiſque iniuriis ac detrimentis, cum pacificationi locus vix ullus videretur eſſe relictus, reſeſſum tamen ab armis eſt, paxque inter omnes conſtituta, qua res per Contarenum acta magna ex parte, & conſecta, cum ſua ciuitati gratiſſima atque optatiſſima accidiſſet, mirifice eius & gloriam, & autoritatem auxit, vt nullam rem tantam, aut tam diſſicilem eſſe cenſerent, quin eam ille animo & cogitatione ſuſcipere, & concilio tueri, & auctoritate atque induſtria conſicere poſſet memoria. teneſ me Romam illis temporibus veniſſe, tantus erat omnium, qui in ea vrbe tunc aderant, de Contareni doctrina, prudentia, continentia, pietate conſenſus, tantaque admiratio: vt non amarent modo eum, qui tunc erant ciuitatis principes, ſed etiam venerentur & colerent. atque omnino multa præclarè legibus ſancita ſunt apud venetos, in hi quod vetantur legari ab iis ad quos miſſi ſunt, vlla aut munera, aut beneficia accipere. quod vtinam alie quaedam ciuitates aut reperiffent, aut reperiunt à venetiſ, imitari ſaltem vellent, ne ſuos ciues (id quod vſu fore euenit) plerique ſoris venales, domi hoſtes haberent; quandiu enim abſunt neglecta, quam ſuſceperunt, rei pub. cura, ſocupleſtari ſe ſperant, eorum gratiam aucupantur, atque iis ſeſe venditant: iidem domum reuerſi beneficiis ac muneribus alligati atque deuincti quam patriæ chariſſatem debent, eam alienis, ſape etiam hoſtibus præſtare, ac perſoluere coguntur. ita dum alij aliorum aut Regum aut nationum rem gerunt, deſerta nimirum à ciuibus publica res eorum iam pridem labat & corruiſt. At Contarenum ea ciuitates, apud quas magna cura, ſummique fide ac diligetia rem ſuam publicam geſſit, præclariffimis muneribus donauerunt: tot enim tamque vanarum

genium constantissimo consensu mirifice probatum, summoque laudatum opere, maxima dignitate, existimatione, gloria, muneratum ditatūque domum dimiserunt. seuerissimis legibus venetiis ambitus restrictus est, suffragium ne per se, neque per alium quenkquam rogari interdictum est. itaque cum a ciuitate ipsa vniuersa non a singularibus ciuibz nominatim petendi magistratus sint, idque sepe (iisdem enim eosdem magistratus, certis intermissis temporibus, crebro gerunt) vna virtute mixta omnium ciuium ambitionem esse oportet, ut quisque sepius amplissimas dignitates adepti sint, ij non amicorum, aut propinquorum diligentie, aut tenuiorum hominum officij, aut etiam fortasse auaritie, sed ipsius Reipublice, certissimum de se testimonium habeant, nam multi locū reprehendendi erroris sui, ciuitati facultas datur, itaque sepe vsu euenit, ut, qui semel primo aliquem honorem cunctis suffragiis affecti sint; iidem, iterum petentes, repulsam ferant, quod maior eorum ciuium splendor est, qui omnium dignitatum cursum & tanquam spatia & circuitum iterum & sepius sine ulla offensione consecuerint, ij clarissimi apud ciuitatem sunt: iis homines ab omnibus etatibus, omnibusque ordinibus habetur, ij cum opibus & potentia ne infimos quidem cives antecendant, dignitate, existimatione, auctoritate, gloria, anteferuntur omnibus; eadem est enim ciuium omnium parsque species, vna toga, eaque simplex, nullus omnino non modo comitatus, sed ne comes quidem, ut primi ciuitatis (si quis illorum consuetudinis ignarus interuenit) vni de multis facile videri possint, sed ij quoquo venerint, saluantur, appetuntur, iis in viis deceditur, obuiam itur in curia, in foro assurgitur: ut mihi virtus nudata phaleris omnibus & aduentitiis ornamentis exuta, in vna ea ciuitate sua ipsa pulchritudine & lumine nitere ac splendescere semper sit visa. Profus visenda Venetie sunt, non propter vrbis modo eximiam pulchritudinem nouitatēque; antea inuiditā, etenim maximā formosissimāque, urbem in mediū excitatam a sibus sese fluctibus erigere, quis non mireretur? naues onerarias maximas passim ad priuatorum ianuam religatam, triremes in plateis nauigantes, quis sine magna admiratione ac voluptate aspexerit? mihi quidem sic videtur, hanc profecto urbem si conspiciata modo esset antiquitas, Neptunum nimirum aliquem ex profundo ac latebris excitasset, atque eum celsissima illa tecta struentem ac fabricantem sciscisset: qui tamen si nullus scilicet vnquam fuit, tamen si sit, aut esse si possit aliquis, nullum illi attribui munus aut opus, illa vrbe preclarius posset, aut quod magis diuina conuenit natura. Sed hac oculorum, illa animi ex eius vrbis cognitione voluptas capitur, ut equidem sentio, vel maxima, quod vna dominantur apud eos leges: ijs & magistratus obtemperant, & ciues eque ad vnum omnes: atque eo vsque mihi potentiam execrata prudentissima ciuitas videtur, ut neminem vnum illi magistratui praeesse passa sit. Terni, quini, seni, deni imperia, potestates, singulos magistratus gerunt, ut non solum Domini os, quo nulla tetrior, nulla oculis detestabilior obuii species potest, aspiciendū ciuibz nō sit, sed ne Domini quidē imago similitudo, aut effigies, quā obrem spectatum exterae nationes alacri animo Venetias eant: nec vrbis modo causa, quod dicere institueram, sed vel maxime ciuitatis pulcherrimo totius orbis terrarum spectacula sese ad eam diem caruisse profecto intelliget. Postquam Roma Contrarenus rediit, confestim ad summos honorum gradus sine ulla dubitatione vel controuersia elatus est, nam & maturius quā ciuitatis consuetudo antea tulisset, sapiens magnus factus est, & consiliarius, qui duo Magistratus summi apud

venetos

Venetos sunt, neque dubium erat, quin si quis ex diui Marci procuratorum collegio demortuus esset, eius Contarenus in locum substitueretur. ea vna procuratio perpetua Venetorum legibus est, id vnum ad honorum perfectionem Contareno abfuit. Itaque sic in Republica versabatur, vt etiam si literas omnino non didicisset; illustriissimum tamen ciuitatis locum obtinere cum necesse esset. Sic autem doctrine gloria celebrabatur, vt tametsi Rempublicam attigisset nunquam, ciuium omnium, qui fama ac nomine excellunt, clarissimus suo tamen nomine fuisset futurus. accedebat Christiana Theologie singularis quedam atque exquisita cognitio: eaque non scientia modo aut ostentationis disceptationisue, sed vite, ac disciplina causa comparata; ad eius enim precepta animum mentemque referens, omnes suas cogitationes, consilia, actiones, vitam denique omnem conformauerat atque direxerat: vt non modo ad Philosophorum regulas bene beateque, sed etiam ad Christianorum diuinum hoc prescriptum pie sancteque viueret. Est Venetiis quidam quasi Romanorum, qui quondam fuit, campus ille atque comitium, quod magnum ab illis concilium nominatur, ad id concilium omnes quibus ferre suffragium per atatem licet, statutis diebus conueniunt. ibi cum Contarenus forte esset consiliarius, custosque posuius fortibus quibus veneti in petendis Magistratibus vtuntur, nam quorum fors exiit, ij pronuntiant quem potissimum sua sententia ei Magistratui, cuius comitia habentur, gerendo idoneum esse existiment: itaque mirifico casu accidit, vt ibi cum esset, in vniuersa ciuitatis conspectu atque oculis, publica Roma allata litera sint, in quibus res omnibus noua, omnibus inopinata; illi quidem certe ipsi prorsus incredibilis scripta esset, coopratum Contarenum a Paulo Pontifice Maximo in Cardinalium collegium esse. Legerunt eas inter se literas, primum eius collega, a quibus satis magno interposito ille intervallo ad sortium vnas, vt dixi, aspidebat. itaque excepta interlegendum vox ab iis, qui proximi confederant, susurro primum Et rumore dubio bonam euenire, felicem faustamque eam illi dignitatem precante, ad aures Contareni prosiluit. ille vero respondere, nec adduci posse, vt eam sibi rem narrari saltem pateretur, atque omnino ne aures quidem audiendum praeberet, verum recitatis palam literis magna vniuersae frequentia approbatione ac letitia, inter se colloqui consurrexerunt collega, atque ad eum cum magna cum letitia, sum etiam obseruantia significatione adierunt, quod ille cum vehementer commotus recusaret, ac sese id atati ad aliud vite genus negaret posse traduci, ad curia vestibulum ab iis vniuerso eo concilio comitatus; deductus est. Cumque collega, hominis honestandi studio, domum reducere cum summa contentione pergerent, prorsus non tulit. erat eo tempore inter collegas Aloisius Moranicus grandior natu vir, qui apud ciuitatem gratissimus cum esset, princepsque concilij publici haberetur, saepe a Contareno de Republica dissenferat. in ad eum gratulatum cum aliis non adit, credo quod pedibus erat admodum infirmis. hic clara voce, vt a cuncto exaudiretur Senatu, rei nouitate percitus, adiurans, cum frontem feriret, ac Paulo malediceret, adfirmasse dicitur. maximam ab eo ciuitati iniuriam fieri, quod eam ciue priuaret, quem illa vnum omnium habuisset optimum. concilio dimisso ( id enim is conuentus nomen habet ) vniuersa ciuitas domum ad Contarenum lata atque alacris consuere cepit. ille vero suspensio animo, incertusque etiam nunc quid ageret, minus multo erat, quam ceteri hilares, ac nec mehercule iniuria: quid enim honos ille homini in re sua familiari ampla, atque illustri, in Republica principi, in toto orbe terrarum claro atque

nobili, afferebat: præter molestias ac labores? mutanda, vita victusque quinquagesimo demum anno ratio tota & consuetudo, suæ ciuitatis dediscendi mores, alienæ ediscendi, haud parua quidem ab ea, ad quam ille sese exercuerat, disciplina abhorrentes; viuendum ad vnius hominū non semper prudentissimi penè arbitrium atque nutū; comitatus magni alendi, sepe diu eodem censu, alia cogitationes, consilia, instituta, officia, actiones, persona suscipienda prorsus alia. Sunt hæc homini, æquabilitatis ac dignitatis potentius, quàm potentie atque opum cupido, incommoda vehementer odiosa grauias ac molestas, præsertim si quis ante partis honoribus tanquam exsaturatus, & parua iam gloria contentus est. Sæpe mihi narrauit vir omnium clarissimus atque grauissimus, quem Roma huius paucis annis à sua ciuitate legatum, summa apud duos Pontifices: Max. auctoritate summæque gratia vidimus Paulum & Iulium tertios (in vtriusque enim tempora eius legatio incidit) Matthæum Dandalu sese, cum vehementer auctor Contareno fuisset eius honoris accipiendi, qui non ab eo expetitus, sed ad eum delatus esset, magna contentione ratiocinandoque vix ægre ad extremū homini persuasisse, ne committeret, ut Pauli consilium, in quod non ille temere incurrisset, sed sine ulla dubitatione duce Deo deuenisset aspernari videretur: præsertim his Reipublice Christianæ temporibus: multos enim fore, qui eam rem aliorum acciperent, atque ille faceret: quique in Romanam Ecclesiam impietatis scelerisque nefarii Gasparem Contarenum, virum vnum omnium maxime pium, maximèque religiosum, subscriptorem habere gloriatursi, seseque in eo impudentissime iactaturi essent, quippe qui, cum à Pontifice Max. ne beneficium quidem accipiendum sibi esse statueret, quid de causa illa tota iudicaret nemini dubium relinqueret. Hæc cum Dandalu diceret, adderetque, eos, qui Contareno æquissimi futuri essent, suspicatos iam esse non ob animi magnitudinem atque æquabilitatem, tantam illum dignitatem à se remouisse, sed propter imbecilitatem atque ignauiam defugisse: perucit homo grauis atque eloquens, omnique necessitudinis genere cum eo ab adolescentia coniunctus, cum propter affinitatem, tum præcipue propter morum voluntatum, studiorum similitudinem ut dubitantem confirmaret: atque in suam sententiam diu multumque cunctantem ac tergiversantem perduceret, qui maximam partem eorum quæ à me posita in hoc commentario sunt, nos docuit, omnino verum id est, quod ait apud Euripidem Theſeus, cum Hercule, quo tempore ille à Athenas in exilium venit, multis honoribus ac beneficiis prosequeretur: sic enim ait: laudem feremus omnium pulcherrimā, vniuersa à Græcia, Fecisse cum memorabimur bonis bene, quod ille Græce optime, nos Latine ut potuimus, verumtamen is est virtutis splendor. ut nō modo ij, qui eius compotes sint, honore digni habeantur, sed etiam si qui honorem illis qui adepti eam sint, habeant, honorati ipsi & clari ob eam rem euadant, id, quod Theſeus de se sperabat, Paulus etiam assequutus est. nec enim dici potest, quantum in Contareni dignitate amplificanda suam ipse gloriā propagarit, quāquā fuit ille suo quoque nomine insignibus laudibus ornatus, virque egregie magnanimus & plane maximus. Ab hoc tempore aliud tanquā vitæ exordium, & quasi origo, Contareno nascitur. Antiquiores habentur Veneti mores, propterea quod inquinari se externis consuetudinibus ea ciuitas passa non est. victu & cultu non modo à luxuria longe absunt, sed etiam de lauitiis hac quæ plerāque Italiae ciuitates nuper inuasit, permultum circumscripserunt: quippe qui prius more esse se principes, quā videri malunt. Consuetudo autem eorum moderatioque

moderatioque vite quotidiana discrepat illa quidem fortasse non nihil, sed ita, ut ad summam expolationem desit forsitan aliquid, firmum autem quiddam ac solidum certe subsit, & leuitate atque ineptiis vacet. quod Romæ contra mihi visum est fieri: aptiores enim in conspectu & congressionibus Romani homines sunt: sed accersito quodam interdum genere minimèque vernaculo. vita autem cultus lauior est, atque ut video nonnullos existimare, etiam delicatior. in Principibus quidem luxus pane Regali, magnus equorum, iumentorumque numerus, multiuero familiarum, lauta, splendida, sumptuosa suppellex; ut dedisse mihi operam videantur non modo re magni ut essent, atque clari, sed etiam specie atque pompa. neque eo hoc dico, quod exterarum rerum, quæ ad dignitatem ac decorum pertinent, rationem non habendam esse existimem, aut quò mihi id arrogem ut virius ciuitatis studia rectoria sunt diiudicare me posse profusear. Sed illud affirmo, hanc quasi migrationem è sua in alienam, non illam quidem deterius, sed longe longèque aliter moratam ciuitatem Contareno ingrauescente iam ætate, subitam ac repentinam necessario molestam fuisse. Veruntamen, ita vita victusque mutatio facta ab eo est; ut ingenium tamen, institutaque sua vna pristina retineret: nec ullos spiritus, tanta facta accessione dignitatis atque fortuna, sibi sumeret: sed probitas, affabilitas, & eadem quæ in priuato fuerat, facilitas atque humanitas (quamquam inuidiosa illa, tantòque opere à multis expectata purpura recens induta erat) in regum mentis inuoluta, & quasi personata: elucebat tamen, & agnoscebatur ab omnibus. Nam cum interpestiui ipsi complures, molestique sæpe essent, propterea quod omnibus præsto ille semper erat, admonitus est à suis, non tam se faciles eius ordinis ceteros se præbere consueuisse, sed certam diei horam constitutam habere, ante quam adiri ad se non paterentur, neque cuiquam sui potestatem facerent. quibus ille respondit non se putare honorem illum sibi soli esse datum, sed eius partem amicis, parem inopes homines, & egenes iure sibi optimo vindicare, ad quorum arbitrium viuendum sibi esse statueret, non ad suum; nec enim æquum esse amicorum clieniumque negociis, tempus, idoneum quod sit, à se præscribi, sed ab iis ipsis, quid rerum suarum occasiones ac momenta exigant, statui oportere: itaque ut quique ad eum veniebant, statim admittebantur, ac quibus operam suam semel esset pollicitus, fidem in eo religiosissime seruabat; ut sæpe tenuium aut miserorum hominum causa ad summos Reges iterum & sæpius adire non dubitauerit: cum id præcipue Christiani esse officij contenderet, id maxime hominum genus auxilio iuuare quod maxime opus & auxiliij egeret. Quod iudicium ipsius etiam faciebat, ut reliquias Græcæ nationis, multis grauiusque malis conflictatas, foueret, ac quibuscunque rebus posset, subleuaret. accedebat autem huic animi propensione erga illos, ut miseros & durissima seruitutis oppressos, quod memor erat veterum beneficiorum, quæ vniuersi mortales ab erudita ea gente accepissent: inde natiue & bonas artes, & cuncta ingenua studia profecta per omnes terras manasse affirmabat. nam quin maiores eorum pietatem Christianam, cultumque hunc optimum nostræ vitæ strenuè adiuuissent, dubitari non posse dicebat. cum Basilii, Chrysostomi, Nazianzeni quasi signiferi huius sanctissimi doctorum hominum gregis fuissent, qui pectora nostra excoluerunt, ac scriptis laboribusque suis veros ritus, explosis inde falsis opinionibus, ed infecerunt. quare oportere nos si grati esse veli-



mus, lapides etiam stirpesque eius telluris amplexari, nedum homines, cum quibus  
tor arctissimis vinculis coniuncti sumus, omni amore prosequi non debeamus. vigeat  
autem eo magis in animo ipsius hac opinio, quia illos ipsos summos Theologos quos ap-  
pellavi, ut Philosophos quoque eiusdem gentis, quorundem in manibus habebas, & eorum  
laboribus vigilisque se instructum esse recordabatur. Quod proximum erat, fidem di-  
ligentissime præstabat, ut ad diem, quibus deberet, semper persolveret. quæ res à po-  
tentioribus non paucis neglecta efficere solet, ut multum in locis sit fides angustior. neque  
hoc tantum maioribus in nominibus custodiebat: ad tempusque iis qui se grandiori pec-  
cunia inuissent, respondebat (quod tamen ut faceret egre & urgente tantum aliqua  
necessitate committebat) verum etiam aduersus tenues homines, quibus aliquid deberet,  
se talem præbebat: quæ culpa moribus eorumdem inherens, inquinat non parum eo-  
rum splendorem; multosque illos creditores ad desperationem & laqueum aliquando  
adigit, declarat quamopere maculam hanc fugeret, quamque omni in re iustitiam co-  
leret, vox edita aliquando ab ipso, quum forte audisset diacerem suum iubere minu-  
tum quandam opificem eras redire: castigatum enim illum iussit pecuniam eam statim  
dissoluere, addiditque: si vnde id faceret, non esset, sumeret ex abaco vas, ipsumque diuēde-  
ret: arbitrari enim se tenuem illum hominem magis in cruce sua, quam se argento illo,  
mensaque ornatu egere. eodemque pacto toto animo abhorrebat ab indigni graui &  
honesto viro questibus. non pauci enim ne desit ipsis pecunia in minime necessariis sum-  
ptibus, & ut inanem splendorem retinere possint, cogunt illam illiberalissima quauis  
ratione ac sordidissima, quum igitur eo tempore, quo Bononiam legati nomine obtine-  
bas, qui pari illius muneris obeundi, illatarum iniuriarum causas audiebas, ita eum co-  
egisset (putabat enim Constantinum eiusdem animi esse, cuius plerumque sunt, qui nego-  
tiis illis implicantur.) esurimus profecto: nullum enim emolumentum paris imposi-  
ta mihi cura: cunctaque in ciuitate concordie atque otij plena sunt: inquit ille, volupta-  
tem magnam mihi nuntias, cupioque hunc statum rerum permanere, videreque diem  
illum, quo ego, ut habeam sumptum vnde faciam, mu'am etiam, qua vehor, cum omni  
ornatu proscribere cogar. Non putavi autem alienum esse, has etiam ipsius voces me-  
moriam mandare, quum præsertim huiusmodi breuia dicta, quia ab intimis sensibus  
proficiscuntur, subitoque prolata sunt, in singulis factum, ac motibus animi, ut reliquis  
etiam casibus humanis, videantur imprimi mores voluntatemque eorum, vnde erum-  
punt, iudicare: eademque voces multum valere, non sine causa semper existimate sint  
ad homines informandos, illosque etiam emendandos, qui contrariis vitiis tenentur.  
Quam causam fuisse puto, cur plures & docti & prudentes viri sedulo multas colle-  
gerint, & volumina etiam ex ipsis confecerint, sepe multumque incunte adolescentia  
cum iracundia, quæ paulo sibi consueuisset esse molestior, quasi luctatum, ad extremum  
prostratam illam & domitam aiebat oppressisse: non modo enim turpe, sed etiam mi-  
serum sibi semper visum, ira incitatos à consilio atque à nobismetipsis abscedere: quod  
de se Terentianus ille predicaret, præ iracundia Menedeme non sum apud me; Bibu-  
lum autem illum, qui cum Libone fuit ad Oricum, (quamquam hoc scribonio ab inimi-  
cissimo homine memoria traditum est, & qui quacunque re potuit existimatione eius  
semper violauit) sibi nullius pretij hominem videri fuisse, qui cum de compositione  
agendum esset cum Casare, ad colloquium non prodit, ob eam rem, quod furter consueuisset,  
irasci



irasci; ne res maxima sp̄ci, maximeque utilitatis eius, iracundia impedirentur. itaque non modo stomachantem, sed ne commotum quidem visum illum unquam esse, qui cum eo familiarissime vixerunt, affirmat: ut nimirum prope patiens ac lenius existimaretur; neque iis, qui in epulis, in cubiculo ipsi ministrarent, saepe cessantibus, saepe etiam peccantibus, non modo non conuiuium faceret, sed ne verbo quidem malediceret. Quod igitur de nonnullis doctis viris memoria proditum est; ut Socrate, Scilpone Megaro; quum illi natura propensi essent ad aliquod vitium, effecisse tantum eos studio ac diligentia sua ut nullum unquam in vita ipsorum vestigium rerum illarum appareret; id vero de hoc nostro predicari potest: in illisque sine dubio Contarenius enumerari debet, qui viciosam naturam compresserint: ac quicquid illis aliquod maius malum sibi creuisset, ferre potuisset, tenerum adhuc & imbecillum frugerint, & omnes eius fibras extirparint. Superbiorem ipsum (de quo etiam supra non nihil significatum est) copia bonorum, que aut à fortuna acceperat, aut ipse suo labore, industriae que suserat, non fecerat: in quod vitium passim multi, minoribus multò laudibus commendati, ruunt. Et sane hanc culpam, ille, ut scopulum aliquem, magnopere vitabat: quod si unquam in sermone aliquo aliquid à se forte probatum intelligeret, quod tenuem modo umbram illius mali retineret, valde dolebat. Ut contigit quodam tempore, cum enim Paulus tertius loqueretur cum ipso de augendo numero summorum Antistitum, ostendisseque se in animo habere quosdam in eum ordinem cooptare, Contareno minime probatos (quod ille etiam praeferbat, atque id tunc palam dicebat) videns ipsam suae voluntati refragari Pontifex Maximus inquit, iū ipsis verbis insitum fuit semper Cardinalibus, ut nouis repugnarent, ne sibi aliis dignitate exequenter, respondit igitur ille commotior quam solebat. Noli sanctissime Pater ita de me existimare: cognitum enim tibi est, quos ego nominarim, idoneam prorsus materiam huic operi efficiendo: & unde fingi possint personae tantae dignitati sustinende aptae: nani quod ad me attinet, non puto purpuram hanc maximum esse eorum, quos in vita assequutus sum honorem. extrema hac verba, illa occasione à se edita, statim ut domum rediit, doluit sibi excidisse. ut qui noluisse vtrique datum speciem aliquid à se aut superbi hominis aut inanis huius honoris & gloriae cupidi. Quin etiam dictitabat, amplissima sacerdotia plus in se oneris, quam splendoris habere: quoque maiora illa forent, eo molestia plus sollicitudinisque continere. Quare se saepe vicem dolere solitum eorum, qui Pontifices Maximi creati forent, quia pondus Aetnae grauius humeris suis sustinerent. Cuius iudicij Selucius quoque Rex quondam fuit: ille nanque dixit; Quae vox eius monumentis literarum mandata est à doctis viris, ut errorem eorum coarguerent, qui falso putant opulentissimos quosque homines beatos esse, magnisque semper voluptatibus frui, cernentes splendorem vitae illius ac florem: inquit igitur ille, nescire primas illius status incommoda: ideoque magnopere falli in iudicio de illo faciendo. quod si scirent tantum, quam arduum sit, ac molestiae plenum, tot epistolas scribere, ac legere, futurum prorsus ut diadema abiectum iaceret sine honore ullo: nec quemquam inuentum iri tam stultum, qui ipsum tolleret ac capiti suo imponeret, nec tamen non multo maioribus grauioribusque curis premi necessario illos, si munus suum fideliter

obire vellent, qui vitam mortisque eorum, quibus præsunt, regendos susceperunt; animosque ab omni labe purgandos, quam qui in eo tantum eximio statu rerum suarum, regnoque conservando, occupati sunt. Quum igitur hoc crimen Contarenus vehementer reformidaret, ac, si quis vere existimare posset, vacuus prorsus ab ipso foret, non tamen penitus potuit ea suspitione carere. Erat ille in omni sermone suo, factoque integer, ac liber, remotus ab omnibus blanditiis orationis: acerrimus inimicus vanitatis illius, assentionisque, qua nunc in locum invasit simplicis veritatis, libertatisque loquendi, merito quondam magnopere probata. ob quod etiam ingenij bonum ferunt cum Carolo Cesari valde acceptum fuisse, quum ob alias etiam animi doctes ab eo diligeretur. Hac igitur probitas nuda, experteque omni facie ac fallacia: quaque dei eo venerat, ita se Roma in longe aliis moribus, institutisque conservarat, causa fuit, ut superbia à non nullis insimularetur. quasi ille contemnens ceteros prae se, quidquid sentiret de omni re contra commoda illorum diceret: nec sua quicquam interesse putaret potentioribus aduersari. quam ansam quidam arripientes, ipsum ut contumacem & inhumanum apud Paulum III criminati sunt. quod nimis libere in Senatu contra ipsum sententiam diceret, atque honestissimos quosque viros offenderet. ipse vero, id diverso consilio faciebat: neque ut impediret commoda aliquorum, sed ut religionis suae; & ei, quod rectum esse sentiebat, serviret. ut autem, quod non verum esset, nec ordine factum, quamvis intelligeret se apud aliquos offensurum, accusabat, ita gratiam aliorum astuta simulataque oratione non aucupabatur: cui rei ostendenda in utramque partem exemplum hoc satis accommodatum erit. Contigit aliquando, ut eo astante in Senatu ageretur de Camarino in potestatem tradendo vni alicui Pontificis Maximi nepotum, eo genere iuris, quod feudum appellant. admonuit igitur Contarenus Paulum, ut antequam de tanta re quicquam statueretur, colenda iustitiae causa, vacuaeque à culpa conservanda sanctissima sedis, mandaret ut iura Varanae familiae, quae diu in possessione eius oppidi fuerat, diligenter noscerentur: ne iniuria aliquid ipsa in ea re acciperet. Haec sententia, praesenti animo ducta, illa ipsa die per urbem sparsa disseminataque est: quare Hercules Varanus, qui Roma tunc erat, statim domum ad Contarenum venit, gratiasque illi maximas egit, causamque totam ei commendavit; cui quidem ille, eadem animi simplicitate, quod tamen quidam ab agresti inhumanoque ingenio profectum potius dicerent respondit, Non oportebat te mihi isto nomine gratias agere: quod enim feci tunc, ut aequitati officioque meo satisfacerem, feci, nec quicquam amplius cogitationis suscipiam de ista re, praeter id quod mihi fides mea praescripserit, nisi aliquid à Pontifice ipso, quod eo faciat, cura mea mandatum fuerit. Blandus aliquis, illa occasione usus, studuisset gratiae illi, sine villo suo labore parte, novam gratiam addere: animiūque honesti viri inani se, falsisque pollicitationibus lactasset. Quare mihi venit in mentem arbitrari, non paucis in rebus simile fuisse Contareni ingenium naturae moribusque Dionis Syracusani: ut enim reliqua, in quibus ipsis inter se magnopere convenit, taceam; non deerant etiam in Regia illa, Dionysij filij (ut ab eruditissimis viris memoria proditum est) qui castissimi illius & integerrimi viri maximas virtutes, & sane easdem has propinquis vitiorum vocabulis deformarent; ac gravitatem superbiā

superbiam esse dicens: libertatemque loquendi contumaciam vocaret. Qui Dion, cum induci non posset, ut una cum aliis peccaret, qui se omni genere vitiorum contaminarent, eorum peccata videbatur dissimilitudine visa coarguere. fertur tamen ille durior fuisse natura, tristiorque. unde temperare indolem illam summo studio ipsum debere à doctissimo viro, studiosissimoque gloriæ ipsius elegantissima voce dictum est: hortatus est enim Plato, ut gratius hostias immolaret, suasque ut aliquid etiam daret moribus suorum temporum, institutisque reliquorum mortalium: non quia id omnino verum esset, sed quia ad congressus hominum frequentandos, benevolentiamque eorumdem retinendam, obsequium saepe necessarium foret. atque hæc privati officij sunt, illa publici; quod malas consuetudines tollendas curauit, illas veteres renouandas; quod multarum legum præclarissimam auctor suamque fuit; quod in dicenda sententia nunquā inuidiam reformidauit, multaque contra collegarū suorum commodū sepe suscepit, atque perfecit. vitiosa quadam consuetudine duabus, saepe etiam pluribus ciuitatibus vnus & idem dabatur custos, qui Græco verbo, Episcopi appellantur: neque in iis ipsi ætatis progressus expectabatur, qui annalibus Pontificum maximorum legibus constitutus est; adolescentuli, saepe pueri maximis administrationibus præficiebantur. has atque huiusmodi alias prauas corruptasque consuetudines sua Contarenius sententia delebat: morēsque sacerdotum hominum, nimium non nunquam deformatos emendabat, magnaque sua ipse offensione communem Reipublicæ lenabat inuidiam. Non eadem conditione est collegium Cardinalium, cæterarumque ciuitatum Senatus aut consilium; nam illa ex ea, quam habent, ciuium copia in suos Senatus, qui apertissimi visi sint, legunt, in collegium verò Cardinaliū à toto orbe terrarum, qui aut doctrina, aut nobilitate, aut prudentia, aut probitate, religione, pietate excellunt, si Pontifici maximo visum sit, eos cooptare licet: eoque factum est, ut summa esset ordo amplitudine, summa auctoritate, summo splendore, omni ille quidem tempore fuerit; quippe, è Christianorum flore decerptus atque collectus; veruntamen iis, de quibus institutus mihi sermo est, temporibus præcipuum quoddam in eo lumen emittit: propterea quod Paulus Pontifex Maximus magni atque acris iudicij vir, eximia singularique virtute homines nactus, ad eam illos dignitatem vltro ipse euocauerat. vti ei collegio, quod per se antea esset clarissimum, ea re lucis tamen permultum attulisse videretur. ex hac virorum clarissimorum copia, cum mittendus ad Cæsarem legatus esset, Contarenius potissimum ad id munus delectus est: causa mittendi ea fuit. vrhementer erat Cæsar anxius sollicitusque, quod Germani, qui plurimum armis possunt, neque præsto illi in bellis erant, neque eum pecunia iuuabant: propterea quod maximis inter se seditionibus de religione contendebant, atque intestinis dissentionibus distenti, nullo illi vsui esse poterant. abiectionem quidam perditique ac desperati homines, quadraginta fere ab hinc annis, iam pridem receptas ratasque discipline Christiana sententias in controuersiam reuocauerunt; multitudinique persuaserunt imperite, vti à Romano Pontifice, quod caput Christiana Reipublicæ, atque Ecclesiæ est, desciscerent: seseque in libertatem vindicarent. quod malum tarde initio serpens, ab iis neglectum, à quibus opprimid & poterat & debebat: paulatim infima plebis, vulgique mulierum animis

legum vinculis laxandis & dissoluendis, pollicendaque cupiditatem multarum licentia in fraudem inductis, paucis annis opinione magis adcreuit. idemque nefarius furor, postquam populare existimari ceptum est, pietatem euertit, multos quoque principes inuasit alios metus impellebat, veritos ne a suis defererentur si ab illis dissentire pergerent, partim rerum nouarum studio, partim lenitate & stultitia, quod Deo immortalis, legibusque spernendis fortitudinis opinionem facere sese desc. nonnulli arbitrantur, partim etiam auaritia, quod Sacerdotum maximas amplissimisque, possessiones publicatas, inter se patiebantur. multi tamen, quibus esset Deus pro sua ipsorum pietate propitius, veram integramque pietatem constantissime complexi, nullus per mulceri illecebris, nullis illiis premiis, nullo timore depelli sese passi sunt. eaque, à maioribus, quæ acceperunt instituta, ad hoc usque tempus fortissimo animo retinuerunt. Sed tanta inter utroque exstitit non modo contentio, ac desceptatio, sed etiam concertatio, atque pugna, tantumque exarsit odiū, ut maxima, bellicosissima, florentissima, atque adeo ante hunc furorem religiosissima, optimaque de Republica meritis nationis, vires, opes, & copie absumpta, in sese ipsa consicienda atque delenda sint, quibus rebus permotus Cæsar animo & cogitatione in ea cura defigebatur, si per compositionem minui id malum, sedarique discordia possent. quæ de re cum omni cōtentione cum Germania ciuitatibus ageret; primo Christianorum omnium concilium in iū maxime locis indicī postularunt, quò adire tuto ipsi possent. is erat locus nunquam gentium: quippe cum ab omnibus defecissent, nec ullis sese gentibus committere auderent, præterquam in eorum ipsorum finibus. ad id concilium venturos, cuiusque decretis iudiciisque staturos sese pollicentur, id eo ab illis consilio fiebat, quod Pontificem maximum nunquam eò descensurum sibi persuaferant: verum ubi probari à Paulo III conditionem, ac ne de loco quidem, cuius iniquitate deterritum iri eum maxime sperabant, recusari senserunt, paulatim regredi, neque in eo quod ultro ipsi postularant, manere, dirimi controversias per colloquium posse, id breuius, expeditius certiusque esse, dicere longum esse expectare, dum ex ultimis terris conueniretur. omnia sibi Cæsar experienda existimabat, si vlla ratione mederi ei tanto malo posset. Itaque deliguntur homines docti ex utroque numero vndeni ad colloquium venitur; magna contentione, magna pertinacia ab iis, qui se ipsi protestantes appellant, disputatur atque in omni genere calumnia delirescit. eos ij, qui ratas veteres sententias esse volunt, Catholicique appellantur, acriter refellunt, constantissimeque in sententia perseverant. ad extremum, cum concertationum exitus nullus reperiretur, nec quicquam inter eos conueniret, prorsus disiectis discordiisque opinionibus, infecta re, à colloquio discedunt quod quoniam se absente factum erat, Cæsar sperans Germanos suum aspectum atque auctoritatem reuerituros, aliquid de pertinacia, atque calumniis remissuros, iterum deligi homines iubet, qui colloquendi causa Ratisbonam conueniant: atque eò ipse proficiscitur, ut maiore auctoritate de concordia ageretur, simulque magnopere à Paulo III per literas petit, legatum ut ad se mitteret, qui ad rem tantam & tam grauem maxime esset idoneus. Paulus è tantis præclarissimorum hominum facultate & copia Contarenum sine vlla dubitatione delegit, atque hominem in Germaniam mittit: quod is magnum iam antea eius gentis propter eas causas, quæ commemorata nobis sunt, haberet usum, & Cæsari esset gratissimus: idemque innocentia, doctrina, prudentia,

dentia, facilitati, animique moderationis magna apud Germanos opinione ex-  
 celleret; quique ( id quod Caesar magnopere postulauerat, maximèque ad rem per-  
 tinere arbitrabatur ) in disputando minime esset ambiciosus, minimèque perti-  
 nax. eò cum venisses mirabiliter acceptus à Germania est, & maximo in honore apud  
 Caesarem fuit: nam cum omnes Germanie Principes, tum Rex Romanorum ipse, offi-  
 cij, honorisque, honestandique hominis causa domum ad eum venit; & in sacri cerimo-  
 niisque solenibus datus ei locus est secundùm Caesarem primus: nihilque earum rerum, quæ  
 ad homines magnos honestâdos adhiberi consueverunt, in eo prætermisum est. quæ, ta-  
 mes si ordini scilicet debebantur, & dignitati, tamen cum alacrius aliquantulum, tum etiam  
 cumulatius quàm antea solita sint persone dicuntur esse persoluta; accebat quod Cæ-  
 sar inuendissima eius consuetudine & sermonibus delectatus, sæpe hominem ad se ex-  
 tra ordinem vocabat: cūque de grauioribus negotiis, deque Republica colloqui in-  
 ter se essent, multa ad eum Cæsar de sui priuati rebus referebat: multa de Geome-  
 tria, multa de Geographia querebat, quibus ille sciētis, quod ea ad rem militarem ( quæ  
 illi spectanda erat maximè ) pertinent, operam multā illis temporibus dabat. illa autem  
 cum in promptu Contareni haberet, quod puerili disciplina erat in iis artibus studiose  
 versatus, omnia scilicet certa, dilucidāque respōdebat. Quæ cum de Contareni apud Cæ-  
 sarem familiaritate ac gratia, apud omnem autem Germaniā auctoritate & fama, Ro-  
 manæ essent allata; ventum est in spem fore, ut res conueniret, mitigatisque Contareni  
 lenitate & prudentia Germanorū animis, terribilis discordiæ tollerentur. quæ res quo-  
 niam maiorem in modum illi gloria futura erat, homini vehementer inuidenter captum  
 est. Nec deerant etiam Romæ, qui dicerent nulla alia de causa ipsum Germanis gratū  
 acceptūque esse, nisi quia aduersariis indulgisset: ac decreta, quæ pugnacissime defen-  
 dere debebat, isdem prodidisset. Hæc verò graues acerbæque voces ab iis, qui equo ani-  
 mo laudem gloriāque Contareni non ferebant, emanabant: nec tantum illis, ubi plu-  
 rimum ipsi obesse poterant, improbe mittebantur, verum etiam per omnem Italiam fu-  
 se ac disseminata, magnopere illius exiimationem ac dignitatem ledebant. quas ta-  
 men ille, magno animo præditus, rei que ipsius nature non ignarus, primo contempsit: ad  
 eum namque maleuoli hi sermones inuidorum in Germaniam usque delati sunt; si-  
 mulque sperabat exitum earum rerum innocentiam suam fidemque patefacturum: cui  
 sane ipse toto animo incumberebat. Contigit tamen tunc, quod sæpe in magnis arduisque  
 rebus usu venit, ut negotium illud, Christiana Reipublica magnopere vtile, atque adeo  
 salutare, in medio cursu fractum ac dissipatum sit. id autem magna ex parte factum  
 est malitia, fraudēque illorum, qui Cæsari potentiam, quæ multum compositis rebus,  
 Germaniæque pacata creuisset, suspectam habebant, suisque rebus periculosam existi-  
 mabant. Hi namque non modo veterum discordiarum fibras, ut oportebat, commu-  
 nis utilitatis causa non euellabant, verum etiam nouarum simulatrum semina occulte  
 iaciebant, in aures eorum, quibus commissa res erat, insusurrantes, ac falsos quosdā me-  
 tus eò inferentes. Ut autem astuta hæc consilia rem remorabātur, & ne ad exitum ad-  
 duceretur impediabant, ita subito exortum est, quod animos Germanorum ad longe a-  
 lias curas traheretur, sinēque disputationi illi ac colloquio faceret. Hoc autem fuit in-  
 cursus Turcarum Regis in Pannoniam cum maximis copiis, communisque hostis metus:  
 nec enim effecit tunc timor ille, quod plerumque consuevit, magnopere exacerbatis animis,

ut stimulum periculum tantum admoueret ad odia exinguenda, & gratiam reconciliandam: sed potius spem, quacunque erat, malorum illorum sed adorum eo tempore iniercidit, ac sustulit. Atque igitur sermonibus illis, quod factum est extremo mense quintili, ceperunt Germani arma: totosque se ad impetum illum coercedum, sineque suos tuendos contulerunt. Caesar vero aliam rationem inuit eius periculi callido consilio propulsandi, quod à veteribus etiam ducibus non semel usurpatum fuit, & satis tui semper utileque cognitum est: statuit enim cum classe, quam maximam edificauerat, ornaueratque in Africam navigare. magno namque spatio Solimanus inde remotus, auxilium illis locis ferre nullo modo poterat, & ne maiorem etiam aliquam plagam in Grecia acciperet, non sine causa metueri debebat. urgebant præterea Carolum, ut hoc faceret, assidue preces Hispanorum, crebraque damna stimula bant, quæ cuncta illa maritima regio cotidie accipiebat ob frequentem irruptionem piratarum, adeo ut mare pene omne clausum illis foret. quare ut tam grauius malis regnum illud suum liberaret, deleteretque maculam, quam sibi videbatur suscipere ob tantam licentiam prædonum, statuit, ut dictum est, apparatus illius belli non desse, sedemque nefariorum hominum, si posset omni ratione euertere: quamuis inimici timoris ipsum arguerent, quod ferocissimum hostem declinaret, ac tellurem quam maxime tueri debebat, tanto impendente periculo destitueret. in Italiam igitur celeriter venit, cum vero muneri, quod sustinebat, non sine magna animi sui molestia finem factum esse vidisset Contarenius, nec se posse amplius nauare operam Reipublicæ, una cum Casare reuersus est. Postea vero quam Tridentum vetum est, Imperatorem, ut se dimitteret, rogauit: velle enim se, quam commodè id facere posset, Ecclesiam suæ fidei commissam, quæ non longè inde abesset, inuisere: ac postquam publice non posset, priuatim religioni, officioque suo seruire. venerunt tamen eo tempore Roma à Pontifice maximo literæ, quæ iuberent ipsum persona legati retenta, apud Imperatorem esse, & Mediolanumque una cum eo proficisci, in quâ urbem ille, ut veteris imperij iuris, non multo ante receptam, volebat (ut moris est) cum pompa ingredi, indeque Lucam accedere. quo in loco Pontifex ipse Casarque statuerant simul congregi, ac de communibus rebus studiose agere. accidit hoc in itinere res, quæ vehementer animum optimi viri commoueret. cum enim Brixiam ventum esset, ciuis eius loci, honestus sanè vir, ac vetus amicus Contareni, qui ad ipsum salutatum venerat, quaesuit ex eo simplici, quæ mens ipsum impulsisset, ut capita, quæ ferrentur prolata ab aduersariis, adeo absurda, & à vera ratione aliena, in Germania comprobaret. cui statim respondit ille, eas esse meras nugas, rumoresque prorsus inanes, & quos omnium aures respicere deberent, se namque, nedum anceps quod esset, & in quo scrupulus, aliquis resideret, sine auctoritate Pontif. max. concessurus aduersariis fuisse, eam etiam quæ rata in primis sunt, & firma aliter recepturum non fuisse. non destitit auctor eius sermonis, sed addidit rem aliter atque ille putaret se habere: neque enim incertam esse ac nullo auctore prolatam famam illam: se namque literas vidisse ab eius ordinis homine scriptas, summo viro, quem etiam nominauit, quæ id commemorarent, ac verum esse contenderent. non poris tunc homo lenissimus sibi temperare, quin stomacharetur exelamaréque, digna verò merces hæc est meorum laborum, si vera sunt, quæ narras, statimque ut innocenciam suam estimationemque tueretur, misit Epistolam ad Pontificem maximum, quæ valde quaesius est de iniuria illa, sermonemque improbiissimo, quem Roma profectum, ac per omnem

Italiam

Italiam ab iniquissimis dissipatum, contra dignitatem suam comperisset: rogauitque formal, ut, si penitus eum non aspernaretur, saltem se indicta causa ne condemnaret: nec quidquam de illa re secum statueret, antequam ipse ad eum peruenisset: sperare enim se facile causam suam probaturum, ostensurumque laude se ac premio, non reprehensione aut pena ulla ob ea, quae in Germania gessisset, dignum esse. cum Mediolanum perueniret, quae ciuitas omni genere letitiae, magnificentiaeque apparatus Caesarem excepit, mirifice factis suis quodam Cotarenum Carolus decorauit, ac, quid sentiret de virtute, singularique probitate hominis, notum testaturumque omnibus esse voluit: lateri enim suo ipsum in omni ea pompa herere voluit: cumque hoc ille modestia causa recusaret, sequereturque aliquanto post, mandauit humanissimus princeps uni e famulis, ut paene inuitum ipsum traheret, ac propè se collocaret, omnèque id tempus, donec eo perueniret, quò paratum illi hospitium erat, consumpsit cum eo iucundissimis sermonibus: id vero cum persona, dignitateque datum non sine causa aliqui arbitrari posset, licet tamè existimare, multum etiam ad hoc valuisse iudicium, quod fecerat de homine, quod putaret, ut qui vera gloria non ignarus esset, eam rem non minus sibi, quam Cotareno laudi & honori futuram. Et sane literis mandatum est, eius nominis primum Augustum Caesarem, quum primum Alexandream, quam bello ceperat, ingressus est, in magna copia honestorum, ac clarorum virorum Arcum grauisimum & eruditissimum hominem, sibi adiunxisse: familiariterque cum eo solo in tanta letitia, fortunaeque magnitudine loquutus esse, quem etiam, ut magis cum ciues sui suspicerent ac fortunatum iudicarent, manu teneret: erat enim philosophus ille Alexandrinus: sed aliae quoque res, dum illic mansit indicio esse potuerunt; quantopere Cotarenum diligeret: id quod animaduersum ab alijs opulentijs viris, qui in eo comitatu erant, fecit ut omnes ipsum colerent, ac de illo celebrando quasi inter se contenderent. Caesar, qui, ut supra ostendi, mare transire statuerat, quae ad cursum illum necessaria erant, studiose parabat: imperaturusque ut Genuam classis, propinquosque in portus cogeretur, quare, ut id celerius fieret, statim sibi in eam urbem accedendum, indeque Lucam eundem, quò Pont. max. se venturum significarat. Cotarenum igitur breuiore via se Lucam contulit, atque illic, quod maxime cupiebat, post paucos dies Pontificem maximum vidit; qui sanè hilari vultu, nulloque signo edito offensionis, ipsum accepit. nec multo post eodem Imperator venit, qui non cessauit etiam in alijs magnis rebus, quas cum Paulo i i. egit, multa praedicare de prudentia, industria, probitate legati, quibus omnibus virtutibus, in munere illo obeundo usus fuerat in Germania: nec non questus est, quod Roma multa falso iactata forent contra fidem & dignitatem ipsius, quum ille integre sincerèque personam eam sustinuisset; ac negotia cuncta cum fide administrasset. cui statim sapientissimus senex: qui quae ignarus non erat artium malorum, quibus plerique Romae viuunt, aut inuidia commoti, aut, si alios deprefferint, sperantes se in locum illorum inuasuros, respondit, sibi eximia cognitam esse ac probatam Cotareni virtutem; seque eam ob causam ipsum tunc in Germaniam misisse: tamenque oneris ei imposuisse; facturumque etiam breui, ut nemo dubitare possit de beneuolentia sua erga illum, ac quo denique loco eum haberet, se omnibus declaraturum. Non contentus autem hoc Pontifex, ut omnem scrupulum ex animo Cotareni euelleret, gauderetque ille secum tam prompto erga se animo fortunatissimi hominis ac tam praclaro testimonio suarum virtutum, notum esse voluit ipsi eum ser-



monem: simulque suavis illi, ut contemneret maleuolas voces improborum, nec putaret eas quicquam valere ad existimationem suam violandam, fontem etiam huius mali aperire volens, testimonium citauit veterum poetarum, qui naturam inuidia versibus suis expresserant; morēque illam habere tradiderunt, ut summa loca feriret, non minus quā venti editissima quaeque appetere, ac violentius verberare consuerunt: omnisque demum ratione, qua potuit, ostendit se eum valde carū habere; cumq; etiam gratias amanter egisset pro susceptis laboribus, fecit ei potestatem, ut tot itineribus defatigatus Romam rescindi sui causa breuiore via accederet: ipse nanque vicinitate inuitatus, Bononiam profectus est; indeque Ariminum venit, ac Flaminia denique via Romam reuersus est. nondum autem duobus mensibus transactū, memor eius quod dixerat de augenda dignitate Contareni, legatum ipsum Bononia declarauit: qua publica cura prouinciāque reliquas omnes superat, quas intra suos fines imperiūque status Reipublica possidet. ille igitur hoc nouo onere sibi imposto, ut qui non minus rebus gerendū, quā contemplandū factus erat, Martio mense in prouinciā contulit. factūq; est ut v. l. Kal. Aprilis in urbē ingrederetur. qui dies apud eos maxime celebris agitur, consecratus genitrici eius, qui salutem nobis dedit: summa igitur letitia totius ciuitatis exceptus est. conatūque est illa, quā spem cōceperat animo de probitate & prudentia ipsius, externis etiā rebus, honoribūsq; omnibus indicare: certo enim sciebat futurum sibi illum potius esse, optimum parentem, quā durum aliquem & auarum dominum, aut etiam fortunarum suarum expilatorem. in quo certe illi falsi non sunt: ut primum enim res illas attingit, nullo negotio cognitum est, non minus ipsum in rebus iudicandū clementia uti & aequitate, quā summo illo iure, quod sepe merito reprehenditur, ac si quis vere existimet, quod alio nomine appelletur, dignum est. Totus dies ille causis audiendū, conouerfisq; tollendū operam dabat: nec unquā molesto sanē hoc, & odiofo munere, praesertim homini in aliū curis studiisque educato, defatigabatur. hoc autem faciebat, naturāque ille suam, consuetudinēque flecebat, quia vere gloriae deditus erat, ac prodesse mortalibus quacunque re poterat, studebat. quare quodcunque munus obiret, dignū viribus operaque sua, in ipsum rota mente incubebat. Erant haec cura cogitationesq; hoc tempore Contareni; procurabātque ille commoda eius nobilissima ciuitatis: cum repente inopinante illo, Roma litrae venerunt, quae ipsum ad aliud munus traducerent, in quo sanē ille diutius versatus fueras, quodque omnes numeros honestatus in se habebat. cum enim sedari nunquam potuissent, vlla vilius opera ire inter Franciscum Gallorum Regem, & Carolum v. Imperatorem, sed quotidie magis nouis iniuriis inferendū inflammarentur eorum animi, gerereurque aut pararetur ab ipsis semper bellum terribissimum, quod in singulos dies Reipublice christiana grauisima vulnera imponeret, & ad internecionem denique redigeret maxime pias nationes, officij sui esse ratus est Paulus Pontif. max. tanto malo, si vlla ratione posset mederi: tantumque & tam saeuum incendium extinguere. quare mittendos sibi esse censuit scorum ad ambos potentissimos reges, legatos, prudentissimos viros, & tanto oneri sustinendo pares: praecclare enim sciebat, quanta vis esset in ministris ad vnā quamque rem efficiendam: hancque curā, omnium maximam requirere personas in primis sapientia & auctoritate praeditas atque ornatas. & non minus gratas acceptasque principibus iis, quorum animos detinere ac fletere deberent. elegit igitur, quem ad Caesarem in Hispaniis



nisi tunc degentem miseret Gasparem Contarenum, & ad Gallorum Regem ire voluit Iacobum Sadoletum; ambos viros probos, atque omni ingenij laude florentes; & ut collegas in amplissimo sacerdotio, ita multis honestis artibus inter se coniunctos, ac maxime bonis omnibus probatos, quæ res gesta est sextili mense. Erat eo tempore Sadoletus Romæ, quare significavit per literas Pontifex Contareno quod de illo statuisset: mandavitque, ut, quæ ad iter necessaria erant, expediret: socium namque ipsius in honestissimo illo munere intra paucos dies in viam se daturum. Hoc accepto nuntio ille; qui nullum unquam utilitatis aliorum causâ laborem recusarat, quâvis ætate iam confectus esset, & satis imbecilla valetudine, æquo animo tulit sibi onus illud imponi. quod si animam etiam in ea legatione se profusurum esse certo scisset tanta erat pietate prædatus, & ita dicto audiens esse summo Pontifici cupiebat, ut ipsam protus repudiaturum non fuerit. appropinquabat sane illi mors, quæ tamen longe alia ratione, & ubi minime expectabatur, ipsum oppressit. nec enim (ut à me nunc diligenter narrabitur,) aut laboribus, aut defatigationibus novus accelerata est. Agebat Contarenius ætatis suæ annum LIX. in huius curis, quas ostendi, toto animo occupatus: partem tamen illarum iam in id munus, quod instabat, derivans. incumbens igitur illis, quæ multæ perfectio ac graves erant, molesto anni tempore, ut par esset ipsis sustinendis, aliquando reficiendi sue causâ se in propinquum ubi locum conferebat: ubi manens & æstû declinaret, quo conficiebatur domi; & aliquantulum à perpetuis suis laboribus animum relaxaret. nam siquid maioris momenti subito evenisset, facile illuc adibatur, ubi etiam potestatem sui omnibus faciebat. Locus autem valde animo ipsius, temporique illi accommodatus, ac quo plurimum variis de causis delectabatur, erat sacellum diuæ Mariæ à mûte vocatæ, cuius possessio procuratioq; est sodalium diuæ Iustine. acciderat autem, ut illis ipsis diebus, qui primi sextilis menses fuere, fratris filius illius salutandi & visendi causâ Bononiam veniret, qui superiore anno Patauij inter sodales illos receptus fuerat: vocabatur vero nouo nomine, ut consuetudo est eorum qui se sacris aliquibus initiant, Placidus. cum autem probus adolescens esset, seminâque nonnullarum virtutum in se contineret, à Contareno diligebatur. ille igitur primo apud suos in urbe mansit in diui Proculi dicaro ipsis domicilio: ut tamen eo facilius frui posset Contarenius, ipseque itidē sitim suam expleret visendi viri, quem maxime optabat, secum sanguine coniunctum, cuius etiam visendi alienigenæ desiderio flagrabant, impetravit à suis, ut se illic esse paterentur. Quæ causâ reliquis causis addita est frequentandi recessum eum, diutiusque illic commorandi. hic collis ab urbe abest spatium mille passuum, amoenissimus, & natura & arte factus ad animum multis modis pascendum, atque omni honesta voluptate explendum & sanè qui desideria optimi huius viri gaudia quæ cognita haberet, quod non magno negotio omnibus cõingere potuit, qui familiariter cum eo vixissent: facile iudicaret, paucos illos dies, quos illic traduxit iucundissimos ei fuisse omnium, quos in vita unquam gustasset: vivebat enim cum sui amatissimo fratris filio, cumque aliis nonnullis comitibus illius; eorundemque sacrorum sociis, honestis sane viris & eruditis rem diuinam crebro faciebat, omnisque sermo illic erat de rebus, quibus maxime capiebat. Cum igitur ut traditum à me est, calores essent maximi, crebrò in porticulam quandam declinandorum illorum causâ veniebat, & ut illic frequentius deambulabant, ita etiam aliquando posita mensa cibum capiebant: vergit enim illa ad septentriones, urbemque ipsam quasi ante pedes posita prospici-

cit, planitiemque omnem, quæ ipsam cingit. Quin etiam remotiores urbes illinc commo-  
de cernuntur Mutina, Ferraria, aliæque nobilia oppida. quare non sine causa expetitur  
prospectus ille, pariterque oculis incredibilem voluptatem: quamvis tunc capto incun-  
ditate illius Comitatus, nihil tale timent, exitium comparauerit. aura enim illa lenis, quæ  
flabat, frigidusculisque aer, cum temperamentum corporis ipsius rarius esset: paruoque  
momento sepe commoueretur, facile ad imas partes penetrans, sanguineque inflamma-  
to abscessum in latere creauit e genere eorum quæ ἀποστήματα Græci vocant. quare sta-  
tim febri confecta est, quæ septimo die ipsam consumpsit; quamvis magna diligentia  
summorum medicorum curatus sit: simul ac enim primum cognouit se egrotare, Bono-  
niam reuersus est. ipse autem in primis naturam, vniueque eius morbi mature perspexit:  
tribus namque diebus, antequam animam efflaret, omnem rem Ludouico Beccarello vni  
e familiaribus suis, quo plurimum in rebus maioris ponderis utebatur, enarrauit. dixit  
igitur grauitatem eius morbi non apparere, reconditæque corporis partes magis ipsum  
oppressisse, quam exteriores male habere, in promptuque esse. ad diditque genus id morbi  
periculum magnum in se continere: quod si vires corporis ea forent, ut spatium trium qua-  
tuorue dierum resisterent, sine dubio morbum ipsum impetum suum remissurum: se  
tamen magnopere vereri, ne contra ipse deficiat, naturæque penitus frangatur: intelligere  
enim se vena motum valde imbecillum esse. cui ille, qui saluti ipsius prospiciebat respo-  
dit rogans, ut abduceret animum ab his molestis cogitationibus, rationemque omnem  
sui curandi in prudentia diligentiaque medicorum posita esse vellet: affirmans præterea  
Deum optimum maximum, quæ semper ille pie coluisset, ipsi præsidio futurum: esse autem  
accurate incumbendum valetudini recuperandæ, ut cito munus mandatum obiret, iter-  
que ad Imperatorem faceret ille vero statim hilari vultu, ad alium longe maiorem Im-  
peratoris sibi iter instare, dixit, idque ipsos breui cognituros: neque tamen se hoc dicere,  
quia mortem valde perhorrescat, parumque animo æquo ferat se è vita discedere: in-  
telligere enim se præclare quot quantæque beneficia à Deo acceperit, quorum etiam ple-  
raque commemorauit, non gloriæ causa, ostentationisque, cui tunc locus minimè erat, ve-  
rum ut se gratum esse, erga auctorem illorum significaret, inquit igitur, se ortum esse ea  
in ciuitate, quæ nulli earum cederet, quæ in vniuerso terrarum orbe existunt: è familiæ-  
que, quæ haud postremum locum in ea Republica teneret: consecutumque, idem illic esse  
honores non paruos: Et, ut domi, ita etiam foris gradus maximis dignitatis adeptum  
esse: veramque viam se cum laude aliqua coluisse: Et eam quæ in contemplatione rerum  
versatur, Et eam quæ rebus agendis incumbit: peruenisse ad ætatis annum LIX. quem  
terminum vitæ non multi attingere potuerunt: quare secum quoque hac parte non ma-  
le actum esse, canereque se debere vna cum sacro Hebræorum vate carmen, quod ad æ-  
quum gratumque animum significandum pertinet, noménque illius laude gloriæque cu-  
mulandum, quia non tam liberaliter se gesserit erga multos, neque tot bonis expleuerit  
omnem populum gentemque: vnum tantum sibi molestum esse, quod, ut optabas, commo-  
dis quorundam tenuiorum hominum non prospexerit, qui sibi, postquam ad sacrum illum  
honoris gradum ascenderis, fideliter ministrarint: sperare tamen se, Deum optimum  
max. Pontificemque, cuius dignitati toto animo inferuerit, fortunas eorum subleuatu-  
ros. nec oblitum est suo opportunoque tempore mādare custodi ipsius, ut priuilegiū, quod  
beneficij loco à Pontifice impetrarat ad delicta penitus abstergenda traditum, sibi lege-  
ret,

ret, dum mente orationeque confisteret. cum hac animo versaret, sanè constanti ac fortis atque hoc sermone semet consolaretur suos, qui præsentes aderant, (ij autem eras, ut quibus maxime illi acceptus, probatusque fuerat) agebat, atque ita perturbabat, ut lachrymas vix tenere possent: à quibus tamen sibi diligenter temperabant; quamvis intelligerent ne magna quidem copia ipsarum spectante illo effusarum, posse ipsum commoveri, & è statu illo animi deici. Eadem verò hominū providentia in intelligendo, predicensque suis vite sue fine, exitu ipso comprobata est, quæ in cæteris rebus iudicandis significandisque sæpe apparuerat: crescente enim semper vi morbi, remediisque omnibus superatis, oppressus ille est: animamque efflavit 1 x. Kal. Septembris meridie. Quāvis autē horas circiter sex antea voce orbatus esset, nō tamen sensu animi, intelligentiāque extremo illo tempore caruit, ut certis quibusdam notis indicijque perspectū est: confiditque clementia conservatoris nostri, ut Christianum virum decet; & cum aliter non posset, se spem omnem suam in eo collocatam habere nutu admonitus diligenter de hoc significavit. ut vero se constantem in hoc, maximēque pium præbuit, ita, quæ moris est consuetudinisque, non solum magno, verum etiam alacri animo geri custodiri que passus est. quæ sanè, ut nuntia moris perterrefaciunt plerūque; ac valde omnes, qui non firmas radices egerunt in persuasionem christianam, perturbant. Reliquit verò ille discessu suo suos omnes maioris ac luctus, plenissimos: ut uniuersam quoque ciuitatem dolore magno adfectam, quæ sanè, quacunque ratione potuit, funus illius honestauit, & quā molestia ipsi optimi custodis mors fuisset, planum fecit. die autem, quæ sequuta est mortem ipsius, funus ductum est. orationem de laudibus eiusdem, & honeste acta cuncta vita, habuit Romulus Amæus, disertus & nobilis orator, qui tunc in ea vrbe, domicilio quodam vetere omnium disciplinarum, & humaniores literas docebat, & negotia publica Reipublice administrabat. Corpus in diui Proculi dispositum est, eo concilio ut Venetias postea comportaretur, in sepulchrūque maiorū ipsius clarissimorum virorum collocaretur. Paulus tertius nuntio allato de obitu Cōtarenī ager admodum illum iulius: declarauitque, quanti hominem fecisset, omni genere liberalitatis vsus erga deum illius: nec tantum Pontifex max. qui sæpe opera ipsius fideli & utili vsus fuerat, verum etiā Romæ cæteri probi viri morte ipsius vehementer constucti sunt. nam quantum luctum eadem in patria excitari non facile dici potest. omnes denique qui aliquando doctrinam illius gustarent, singularisque probitatis hominis specimen aliquod acceperant, publicam illam cladem existimauerunt. Cuius autem collegæque ipsius in amplissimo sacerdotio Petrus Bembus quantum dolorem cepisset ex graui morbo Contarenī, desperatūque iam à medicis salute, notum omnibus esse voluit: in Epistola enim ad Flaminium Tomarotium quomodo affectus animo esset audito casu illo, & propinqua morte optimi & honestissimi viri, diligenter narrauit. verbis ipsis, quam illustri loco posita sint, aliisque sermone edita, super se deo: possem etiam aliorum multorum, doctōrum & excellentium virorum testimonia citare, qui quantum damnum morte illius factū esset, scriptis suis testati sunt: in quibus etiam nonnulli, qui ab eo vehementer dissentiebant de ratione viuendi, verūque cultu christiani hominis, & acerrimi aduersarij opinionū, quas ille in Germania defendit, existerūt. magnifice tamen de eruditione continentiāq; illius, in illis ipsis libris, quibus sententias ipsius oppugnabant, loquuti sunt: quod ferè vsu venire non solet, ut à quibus de veritate homines dissentiant, non eosdem etiam conentur

deformare, atque ita auctoritate omni ipsos spoliare. & quoniam de dolore, quem illo tempore cepit Paulus 111 mentionem feci, libet etiam commemorare, quod ab eodem illo familiari Contareni, & omnibus officiis cum eo cōiuncto, Ludonico Beccarello, honesto in primis & fide digno viro, accepi, ad id confirmandum vehementer accommodatum: declaras enim mansisse diu in animo Pontifici egritudinem hanc, ac leui quaque momento refricari solitam tantam plagam. nisi forte aliquis putes sapientissimum illum senem quotidie magis, in magna penuria talium virorum, cognouisse, quantum incommodum olim acceptum fueris obitu eius viri, qui ut quietorum temporum ornamentum ingens, ita perturbatorum praesidium firmum erat. quū enim ad se illū euocasset, opera ipsius quibusdam in rebus usus, diligēter ex eo quasuis, an praesens forte ille adfuisset, quum fato Contarenius functus est: rogauitque, ut diceret, aliquid de institutis & vita illius. cui statim, mihi affirmavit ille, se respondisse id, quod erat: mirificam fuisse Contareni integritatem, fidemque in iis omnibus gerendis, qua mandata illi ab ipso forent, intelligere: & ipse sua sponte, facere ad dignitatem Romanae Reipublicae cōseruandam; virūque illum vera probitate praeditum fuisse, non ficta ac simulata, quam personam plerique, ut eō perueniant, quō cupiunt, sibi callide imponunt: unūque omnium Contarenū veteres ac maxime ratas opiniones & animo probasse, & verbis etiam semper defendisse: quo sermone accepto commotum Pōtifficem Max. qui deambulabat, stitisse, manūque iterum percussisse mensam propē positam, dixisseque non sine gemitu quodam ac suspirio (quod indicauit, euulsam esse penitus omnem ex animo ipsius suspicionem, qua quondam ei inculcata de illo vocibus maleuolorum fuerat) Amisimus profecto magnum virum, ac valde vtilē Reipub. nostrae ciuem. sed, ut alia, ita hoc magno constantique animo ferendum. Quoniā autem non semel dictum est in hac vita de magna labe animi quorundam, quum ab ipso illo vitio magnopere Cōtarenus abhorretet, quī alienam personam induentes (vnde Greco vocabulo, sumpto ab actoribus fabularum, vulgo *imongrai* appellatur) & eam quidem semper meliorem, vel optimam potius omnium, longe alij videri volunt, quam vere sint; atque ita magnū in rebus imponunt simplicibus hominibus, nihil inde mali suspicātibus, vnde plurimū ipsos expectare oportebat, non alienum esse duxi de hoc etiam disserere: etsi enim nunquam defuerunt, qui fallacias & dolos horum nefariorum hominum aperirent, ac maxime illos esse cauedos in vita admonerent, nunquam tamen ita probi viri eruditi & instructi fuerunt, ut satis possent artes eorum intelligere, atque insidias etiam vitare. in primis autem in pietatem nostram christianam, qua tota in simplicitate animi fundata est, radices egit, atque incommoda sepe magna apud nos peperit hac fraus, quo maiore odio digni sunt hi pessimi mortales, qui in re, qua quō magis pura integraque est, eō magis probatur, astutus consiliū vtuntur, ac dolos malos exercent. Hoc etiā aliquo modo significasse videtur doctissimus vir Plato, qui hoc genus hominū notās, inquit, postremam iniustitiam esse, videri velle optimū virum, quum minime sis, idēque ab Aeschilo, non solum graui poëta, sed etiam docto in disciplina Pythagorea prolatus est, quum ferret in cælū magnū laudibus Amphiarum, summum illum augurē, eundemque sanctissimum virum: inquit enim ipsum non studuisse quod multi faciunt, ut videretur optimus, verum ut esset. nam quod nos, malū multis doctos, reddunt etiam aliquando dubios & incertos: faciuntque, ut probos honestosq. viros ab improbis & impuris distinguere nequeamus, non dici etiā

potest

potest quantopere hoc pacto obsint, cum apud *Emripidem* etiā sapiens antea semper habuim *Tibesces*, eo nomine suspectam habuerit eximiam probitatem, castitatēque filij: insimulatus enim falso *hypolitum*, quod cabile ipsius violasset, quum se ille apud eū purgaret, quod vitia sua ab eo scelere valde remora esset, fide ea de causa non fecit: timuit enim pater ne remū victus cultusque quo filius delectabatur, abstinentiāque a vescendis animalibus simulata foret: simulque ne disciplina *orpei*, quam ille proficiebatur, familiaritasque demum *Dianæ* in qua se valde iactabat, ficta esset. quare in alteram partē miserabiliter peccauit, sed eō redeamus vnde digressi sumus. idem etiam intimus consilij *Contareni*, nec minus studiosus famæ existimationisq; huius optimi ac prudentissimi viri, quem sibi in vita tanquam viuum quoddam exemplar probitatis proposuerat, notam, quam improbe vitæ ipsius incurrere præposterum quidam amicus studuit, hoc pacto delent. narrat enim forte euenisse, vt illo ipso tempore, quo grauius *Contarenius* egrorabat, *Bernardinus Ochinus*, ille nona condenda *Franciscana* familie dux et auctor *Bononiam* venerit, *Romam* ad causam dicendam euocatus: insimulabatur enim in iis concionibus, quas *Veneriis* habuerat, nonnulla dixisse, quæ veteribus decretis *Romanæ Reipublicæ* aduersabatur: addiditque habuisse illum literas ad se scriptas à *Giberto Episcopo Veronensi*, quibus à se petebat, vt diligenter ageret cum Legato, vt hortaretur hominem ad sistendum se in iudicio: coramque ad ea, quæ ipsi obieciiebantur, defendenda. quum cognouisset ipsum timide ad id descendere, egerēque stimulo quopiam et auctoritate magni alicuius et grauis viri: neque enim adhuc *Gibertus* hominis leuitatem inconstantiamque perspexerat. Is autem vesperi venerat, quum iam canassent omnes, legatus tamen adhuc in lectulo vigilaret: qui, quum speraret morbum postmodum leuiorem fore, vt commodius eum audire posset, loquique cum ipso familiariter, iussit vt præberentur illi, quæ ad curandum corpus pertinerent: contigisse vero contra, vt ea nocte morbus ingrauesceret: quare mane legatum totum distentum fuisse in remedij, quæ medici adhibenda insserant, sumendis, nonisque curationibus: vnde factum fuerit, vt neque de hospite illo, neque de alia vlla re agi cum eo potuerit. *Bernardinus* interim, cui in primis mala sua mens, malisque animis cognitis erat: atque ymbras etiā, vt, qui sibi alicuius sceleris cōsij sunt, faciunt, reformidabat, cepit vereri ne astute illic detineretur: putabat enim fingere morbum legatum. quo metu homo oppressus (nam hoc verū esse nō multo post eōsilio, quod cepit, perspectum est) non cessabat *Ludovicum* vrgerē, vt rogaret legatum, potestatem sibi faceret abeundi, in quo ille ipsi non obtemperabat, putās breui fore vt melius esset legato: videbatur enim sibi perpexisse, cupere illum magnopere eum *Bernardino* loqui: qui sanē vsque ad id tempus magnum sibi nomen ex fauultare illa dicendi, et opinione sanctitatis conciliarat. Cum autem, magis magisque semper timore crecente, instaret, *Ludovicus* importuno sanē tempore, coactus est, eum assu febris in lectulo legatus iactaretur, eō irrumperē: rogareque vt pateretur ipsum abire: in quo sane hūm amissimus vir ei morē gessit: quūq; ad eū *Bernardinus* introductus esset, hæc ipsa verba protulit. Vides, quo in statu sim, excusatio hac apud te iusta sit, et ora, vt *Deus* opt. max. mihi propitius sit, feliciterque institutum iter perage. cui ille tantum demisso (vt moris est) capite respondit, se prorsus ita facturum: illicoque abiit. Hic est sermo, quem *Bononia* habuit, eum sanctissimo et modestissimo viro *Bernardinus*. nec verbum præterea additum est qui tamen postea quum susceptā vitæ rationem deseruisset, acer-

riminque se hostem Pontificia potestatis praeuississet, ut se sapienter id fecisse ostenderes, à perditaque causa & flagitii multum contaminata, merito defecisse habereque se multos socios eius consilij probare vellet, non veritus est, criminari amicum, memoriaque ac literis prodere, quæstum secum esse eo tempore Contarenum de moribus institutisque Romanorum amissum, & infestatione sua atque iniusta bonorum: huiusmodique alia multa scribere prorsus inania, & quæ non solum à veritate abhorrerent, sed etiam vitæ eius, cui adficta erant, nullo modo conuenirent. Quæ cuncta Ludouicus (ut est vir optimus, & omni officij, quod in amicitia coli debeat, obseruantissimus) assenerat, refellendi eius mendacij causa, & purgande innocentia viri illius mortui, quem viuum magnopere dilexerat: nec tantum hoc se ita habere testimonio suo confirmabat, sed alios etiam testes huius rei producebat, qui præsentibus illis adfuerant: in quibus etiam nominabat Iulium Contarenum fratris legati filium, qui post eius mortem & natura probitate, & commendatione patris creatus est Pontifex ciuitatis, cui præfectura regenda præpositus antea fuerat, cum hoc tanti momenti sit, ad integritatem Contareni ostendendam, abstergendamque maculam illi falso aspersam, volui totam rem, ut factam eam accepi, ac pene iisdem verbis quibus, mihi exposita est, commemorare. rebus autem gestis ab eo, dum vixit, enarratis, nunc quæ monimenta ingenij reliquerit, fructusque omnes ipsius indicabo. prius tamen, quod adhuc valet aliquid ad confirmandam doctrinam homini, testimonium de ea re grauissimi & eruditissimi viri citabo: quod additum superioribus testimoniis, quæ prodidi de eximio ingenio ipsius, præstantique cognitione omnium disciplinarum, vera esse declarabit: simulque non sinet quempiam dubitare, quomodo ille, in vita plerumque occupata, tot tamque præclara opera efficere potuerit, quæ factam etiam posteris proficiat, perpetuamque testentur, qualis ille, quantisque vir fuerit. Ludonicus igitur, cui cognomen ferri oris fuerit, nobili philosophus, & qui multos annos in Bononiensi gymnasio, summa cum laude & admiratione omnium, qui aliquando ipsum disputantem audierunt, matrem eam omnium optimarum artium coluit. mortuo Contareno, quum sermo ipse esset institutus cum honestis quibusdam viris de damno, quod eo tempore factum esset interitu illius, plurimisque animi dotibus, ac maximè virtutibus una cum eo extinctis, inquit doloris plenus (nam virum cum valde dilexerat: in familiaritate etiamque se eius insinuarat illo tempore, quo legati nomine urbem eam rexerat.) Ego, quod mihi videor meo iure facere posse, nec enim malum me omnino esse existimarem harum rerum arbitror, adfirmo hunc hominem omnitus, quos aliquando cognoui in philosophia studiis merito laudatos, qui sanè non pauci fuerunt, præstitisse & scientia multarum rerum, & iudicij firmitate: ipsumque vere philosophi grauissimo nomine dignum fuisse iudico. Certe cum ego de aliqua re, propria eius studij, cum eo disserterem, videbar mihi præ illo minus quidam philosophus esse, vel potius nouus quispian auditor, & plane rudis eius artis quam proficetur. quare ad ipsum sæpe me conferebam, ubi locus aliquis obscurior mihi negotium faceretur: in qua questione quum paulo antea ipse toto animo versatus essem, & aliquas etiam horas, euolutis pluribus voluminibus, præterito de consumpsissem: ille verò, ut existimari potest, spatio multarum annorum, nullam cogitationem de ipsa suscepisset, ita tamen apte & exquisitè notando, illos dissoluebat, ut videretur diu multumque non multo antea de ea cogitasse. quare (inquit) sæpe ego pene stupidus euasi; mihi que potius cum celesti aliqua natura, quam

quàm cum mortali homine visus sum loqui: idque nunc, quia res ita se habet, verum-  
que id prorsus est, prædico, nulla alia causa impulsus: quis enim non videt assentationi  
nunc locum non esse, quæ præterea à persona, quam sustineo, longe semper abesse debet?  
hæc assueverant tunc ab illo prolata quum essent, auxerunt magnopere opinionem, quâ  
qui aderant, de præstanti Contareni ingenio antea in animi habebant. Sed etiam feri-  
pta quanta fuerit eruditio ipsius, ætati quæ sanè ut ordine à me tradantur, hæc sunt:  
Edidit igitur iuuenis adhuc (x x x enim tertium ætatis tunc annum agebas) librum con-  
tra iudicium Petri Mætiani doctoris sui. Nec tamen ea de causa minus pius, quam-  
vis contra pietatem facere videretur, fuit: ille enim in omni sermone suo affirmare soli-  
tus erat, ex opinione, sententiâque Aristotelis existimari debere animos nostros esse  
mortales. Quum contra ipse sedulo aduersus eum disputans, citatus multis locis, & tan-  
quam tabulu obsignatus, ostenderit longe aliter principem Peripateticorum de ea re  
sensisse: viderique potius immortalitate donatos ipsos Aristotelem esse voluisse, cuius  
opinionis antea Plato, vnde didicerat, sine ulla dubitatione fuerat, argumenta autem  
illa firma ad probandum & grauius fuisse, opusque totum valde elaboratum, perspicitur:  
quia acutissimus ille Physicus in libro, quo defendit opinionem illam suam, acriter  
oppugnatam ab eo, quem instruxerat, tradit eum librum & doctissimum omnium &  
vberissimum esse, qui omni tempore materiam illam persequuti sunt, additque videri  
prorsus eum diuina opera & manu fabricatum fuisse. Scripsit etiam de elementis li-  
bros quinque, in quibus viam omnem, rationemque Aristotelis diligenter expressit: mi-  
sit autem illos ad Mattheum Dandalum sororis suæ virum: cuius hic supra mentio cum  
magnis verisque ipsius laudibus facta est. addidit hu in altiore philosophia parte, libros  
septem, quos dicitur Paulo Iustiniانو, nobilissimo & clarissimo suo cuius qui odio rerum  
humanarum, quum petasum esset varietatu ipsarum, ut facilius diuinas contempla-  
retur, Deoque ipso toto animo secutus, in Petruscos montes, cæterumque Camaldulensium  
se contulerat. Hi libri ei qui attente legerit, nullo negotio patefacient, quæ fuerit vis  
animi ipsius, & quanta prudentia in rebus grauioribus tractandis: sed idem etiam (ut  
melius adhuc intelligatur factum illum natura & studio fuisse ad personam eam susti-  
nendam, quam ipsi multo postea sapientissimus Pontifex, multumque semper omni in re  
providens, imposuit) iuuenis adhuc, vitamque colens solutam ac nullis sacris astrictam,  
occasionem hanc eius rei nactus, quod familiaris ipsius Pontifex Bergomas destinatus  
fuerat, ipsum instituere cupiens, duos libros scripsit de officiis eorum sacerdotum: finxit-  
que ita, atque informauit talem virum, qualis si forent quibus tantum hodie commis-  
sum est, non laboraremus: quis enim non fateatur pias in primis castasque fuisse cogita-  
tiones ipsius, totaque mente ac studio solidum esse in illis volutari optimum virum,  
postquam alium instruere & ornare in ea vita ausus est, quam ipse adhuc non attige-  
rat, nec unquam cogitabat, præcepta illa sibi vitia aliquando futura? præterea quum  
orta quæstio esset in Senatu de Pontificis Max. potestate, diuinitus ne illa stabili-  
ta foret, an humanis consiliis regeretur: quumque multum de ea re illic in vtramque par-  
tem disputatum esset, domum reuersus, ut quid ipse de eo sentiret, ostenderet, omni-  
bus erroribus suis liberaret, spatio vnius noctis libellum confecit, qui non excusus in ma-  
nibus versatur, sed ut iisdem etiam in suo proprioque ipsorum munere prodesset: effigi-  
amque eius Reipublica, in qua natus erat, exprimeret, quinque libros confecit de ma-



gistratibus, reque publica Venetorum, qui iidem diuulgati sunt postquam vero in amplissimorum antistitum collegium coopeatus est, perfectius diligenter Synodus amibitur, quae variis temporibus ob emendandum statum Christianae Reipublice doctae sunt, in breue quoddam corpus grauissimas quasque ipsarum collegit: seruato temporum ordine, materiæque omni, quam persequuta, sunt, demonstrata. Vtile vero mirifice esse posuit volumen illud ei Synodo, de qua tunc summis contentionibus agebatur: quæque Paulus III aduersarii, reconciliandorum animorum gratia, proponebat, multumque opis asserere illis omnibus, qui in eo certamine versari deberent, misit autem opus hoc multarum vigiliarum ad emendandam maxime intererat, quid de ea res fieret: Et qui eo tempore tota mente in illam curam incumberebat, absoluto autem illo, par huius opus, Et quod eundem finem haberet, aggressus est: scripsit enim quatuor libros de ritibus ceremonisque nostrae religionis, persuasionisque Christianae, quae Sacramenta appellant: quibus libris complexus est materiam illam omnem, Et quæ radice usque ipsarum fuisset, declarauit: quidque deum pie credi, Et custodiri de illis deberet, veris rationibus argumentisque satis firmis confirmauit: nam ipsum argumento hoc sumpto, si quod pollicitus erat, praestare voluisset, debuisset omnem quaestionem, de qua nunc tot tantaque licet Et concertationes intr disidentes partes Reipublica existunt, explicare, planum Et exploratum est, quare sic quoque praeclare instruxit Et armauit illos, qui pro veritate cominus congressuri erant cum hominibus magno errore inflatis, Et causam eam malam obstinate defendentibus, ut autem libellus alius admodum vtilem prauis opinionibus ex animis hominum euellendis conficeret, occasionem hanc habuit, factum est, quum ille Bononiam legati nomine obtineret, ut vir prudens salutisque gregi illius, qui fidei ipsius potestateque commissus foret, ut pastorem bonum decet, valde studiosus, ad eum veniret, medicinam ab eo petens, rationemque accipere cupiens, quæ saluum ipsum incolumemque redderet, quum grauiter agrotare non paruum partem ipsius cognosset: quam tamen totam rem ille ita tractari volebat, quum honestam nobilemque ciuitatem regeret, ut ne ignominia illa notaretur, Et tamen remedium cito adhiberet, ne magis malum serperet, consilium ipsius quum mirifice probasset Contarenus, multa animo reuoluens, ut erat summus Et accuratus medicus huius pestilentis morbi, statuit demum ita rem esse agendam, confecit tanquam institutionem quandam breuem Christiani hominis, collegitque quæ magis mordere animum debent, proba omnia, Et ita ut aperire ipsa oporteat cum dolore sacerdoti, illum autem commentariolum *apologia* appellauit, qui sane non vni illi ciuitati sananda factus videretur, sed Christianis omnibus in officio retinendis, Et ab illa contagione liberandis. Eum vero grauis ille vir ad suos comportauit, diuulgatumque studio quodam Et arte effecit, ut vulgo reciperetur, cunctique se via illi tenenda, legibusque seruandis astringerent: statim enim probatur fuit omnibus, exceptis paucis illis, qui plane periti ac desperati forent: posteaque Et ipse formis excussus est. Quum autem, ut gesta tunc res est, temporique illi aptum fuit, nomē Et ciuitatis Et praefecti ipsius in sacris rebus curandis calauerim, illa postea perfecta, quum incommodi nihil amplius inde nasci possit, debere puto personam etiam a me indicari. Moronus enim Mutinensium Episcopus is fuit, qui Et ipse non multo post ob singularem prudentiam in rebus gerendis, praeclarasque alias animi dotes, auctus dignitate est a Pontifice maximo: cuius amplissimi sacerdotij



*cerdotij insigne Bononiæ manibus suis legatus capiti ipsius imposuit. Illustravit etiam scholiis quibusdam suis Contarenius multos obscuros locos in Epistolis divi Pauli, quum ipsas accurate legeret. quo sane in studio toto animo occupatus erat, cum mors eum oppressit. Sed etiam Epistolas ipse non paucas conscripsit etuditas, & optimorum præceptorum plenas, ut libellos etiam nonnullos alios, aliquam occasionem illorum conscribendorum nactus, præcipue autem studiis amicorum, variisque eorum temporibus serviens, in quibus est quæstio diligenter explicata, perdifficilis sane, magnique semper momenti habita ad vitam bene beatæque degendam: qua traditur liberam esse potestatem nostram, omnique nexu causarum ac necessitate solutam, Vereres illi πει τὴν ἰσ' ἑμὴν ipsam vocabant: & qui de fato differunt, re huic contraria, necessario de ipsa disputationem suscipiunt. eum vero librum misit ad victoriam Columnam, feminam lectissimam, & quæ ob eximium amorem erga virum mortuum, admirabilemque ingenij laudem in condendo carmine maximo quoque honore digna est, sed etiam, ut sorori suæ, quæ se in castissimum carum mulierum Muranarum coniecerat, morem gereret, animûmque ipsius suavisimo cibo aleret in ea solitudine, cui se dicauerat, interpretatus est, duos Thebraorum illorum cantus Italico nostræ ætatis sermone: cum enim ille doctrina ingenioque suo prodesse quoque alicuius studeret, non visus sibi est posse suis vlllo modo deesse. Quin etiam, eodem honesto desiderio incensus ut utilitatibus fratrum suorum serviret, qui crebro, mercaturis faciendû operam dâtes, nauigabant, confecit libellum de æstu maris, & quam causam reciproca illa fluctuum agitatio haberet, diligenter monstravit: quâ tamen liber amico ipsius commodatus, magno adhibito studio recuperari nunquam potuit. Sed ne omnia diligenter minutiora ipsius opera, quæ plurima sunt enumerem: in quibus tamen appareret specimen illius doctrinæ ac iudicij, sinem faciam. possum enim vere asfirmare, quodcunque temporis vacuum à negotiis nanciscebatur, in his rebus ipsum consumere solitum: omnesque vigilas suas eum consuisse temporibus amicorum necessariorumque suorum consecrare: neque enim ostentationis & gloriæ causâ huiuscemodi descriptiones suscipiebat, in hisque se dies atque noctes macerabat: quoniam iustus inde honos, nec magnopere reprehendendus consequatur: sed, ut dixi, voluntati amicorum, commodisque indulgens, siue studiis suis, memoriæque serviens, à scribendo nunquam cessabat.*





# DE ELEMENTIS.

## LIBER PRIMVS.

- A** **N**emo est hominum, Matthæ Dandule; ingenij à deo tardi, ac ferè stupidi, qui nō singularem quandā voluptatem capiat ex rerū naturę cōtemplatione, cuius vel species ipsa oculis obiecta sui splēdore ac pulchritudine summopere nos delectare cōsueverit. Quo effectum est, vt plurimi excellētiōri animo, sublimiorique ingenio præditi, quibus fortuna huiusmodi ociū nō inuidit, omnibus aliis voluptatibus spretis, omīssa etiam cura rei familiaris, ac pene sui ipsorū obliiti, se rotos dederint huic philosophiæ parti, in qua tradūtur à sapientibus viris in lucem proditę rerū natura constantium causę, ac in huiusmodi studijs omnem ætatē consumpserint: in quibus cum ego adolescentiæ ac iuuentutis annos impenderim, postquam ad tempubli. accessi, nulla ex re maiore soleo capere voluptatem, magisque mederi molestijs, quibus plerūque afficior in muneribus publicis obeundis, quàm si quando per succursiuas horas antiqua hæc mea studia repeto. Tūc etenim mihi videor sæciles horas agere, tūc immortalium deorum vitam æmulari. Neque interdum hoc tātum me iuuat, si sumpsero in manus monimenta summorum virorum, commentāque eorum excellentissima memoria repetiero: verum si quidpiam maioris otij mihi contigerit consueui non solum illa iucūdislime meditari, sed etiam interdum literis mandare, si qua à nobis in eis meditandis inuenta sunt, simūlque commentis priscorum philosophorum obscurioribus lucē ac splendorem quēdā scriptis nostris adferre, ac sparsa colligere in vnum: hac etenim ratione, nostra opera, quod præstantissimos authores diligenter fecisse cōstat, philosophiæ mysteria magis obuia sunt his, quos nimius labor & longior deterreret ab excellentium alioqui monumentorum lēctione. Quamobrem decreui mi Matthæ ne ab instituto meo recederem, nunc cum aliquot horas vacem à negocijs reipublicæ singulis quibūsq; diebus, omne illud tempus impendere in conscribenda ea philosophiæ naturalis parte, quę verisatur circa elementa, ex quibus mundus hic constat, eorūque mixtionē: ex qua tam magnam rerū varietatem cernimus effectam esse: ac demum de iis agere, quæ mixtionem elementorum plerunque consequuntur, vt tā-

dem oratio nostra consistat citra formas metallorum & lapidum, ac similes partes corporum viventium, quæ propinquissimæ sunt mixtionem elementorum: quæ physica philosophiæ pars etiam continet principia & radices totius scientiæ, quæ circa species & naturas proprias mixtorum omnium versatur, maximèque facit ad omnem medicæ disciplinæ notionem, parum culta ferè ab omnibus est, qui physicen profitentur, quod sæpe mecum es questus. Hæc pars igitur si nostra opera in vnum colligatur, dilucidèque tractetur, arbitror non incassum has nobis horas abituras, neque operis huiusce nostri pœnitere nos posse. Verum ut omissa longiori præfatione ad rem deueniam, illud tantum lectorem admonitum esse volo, nos huic opusculo nullum eloquentiæ fucum aut verborum ornatum esse adhibiturum, sed satis nos facturos putare, si res aliqui difficiles atque obscuræ suapte natura tractentur à nobis ea dicendi forma, eoque orationis genere, ut intelligi dilucidè queant. Ut autem in hoc à nobis opete instituto progrediamur ea ratione & via, quæ scientiæ cuius tradendæ maximè conuenire solet, incipimus ab expositione definitionis elementi. Omnis namque cuiusque rei doctrina primum tradere debet quidnam illud sit, de quo ipsi est agendum: ac deinde proprias subiecti affectiones, partes demum ac proprietates partiū, ut Aristoteles dicit in posterioribus. Elementum verò id esse, ex quo fiat aliquid, cui insit, & sit indiuisibile secundum speciem, Aristoteles idem auctor est in quinto libro Primæ philosophiæ. Namque si ex eo aliquid non fiat, nullius utique rei elementum esse poterit. Omne etenim elementum pertinet ad genus causæ materialis, materia verò omnis inest in re cuius est materia. Nam id ex quo fit aliquid cum tamen rei effectus non insit, sed deperit, habet rationem & modum priuationis, non autem materiæ, & ad priuationem pertinet, quam distinguere definitione & natura à materia, in primo physicorum euentibus rationibus probatum est. Simulque eo in loco edocemur materiam à priuatione differe, quod materia remanet post rem factam, priuatio verò minime. Inest ergo elementum, quid ad genus materiæ pertinet, in ea re cuius est elementum. Verum quoniam materia prima, quæ nullam suapte natura formam propriam habet, elementum dici non consuevit (omne enim elementum aliquid actu est) neque etiam materiæ secundæ illæ, quæ in priora corpora resoluuntur, & ex prioribus corporibus constituta sunt, elementa iure dici queunt, sed tantum prima corpora, ex quibus aliqua constant, hoc vendicare sibi videntur, ut elementa sint: idcirco additum est, in ea, quam attulimus, elementi definitione, quod est indiuisibile secundum speciem. Materia prima etenim, quæ non habet speciem ullam, dici non potest indiuisibilis secundum speciem, neque etiam aliæ materiæ posteriores post prima corpora indiuisibiles sunt secundum speciem, cum in priora corpora resolui queant. Eadem ratione nullum corpus dissimilium partium poterit dici elementum, quoniam eo priores sunt partes illæ similes, ex quibus est constitutum: quo fit ut non sit indiuisibile secundum speciem. Cōsimili prorsus ratione orationis, quæ voce pronuntiatur elementa

- A menta sunt literæ. Ex literis nanque fit oratio, quæ in ea insunt, speciemque aliquam secundum se habent literæ omnes, neque in priores voces resoluntur. Dictiones verò ac syllabæ, quamvis ex eis etiam oratio constituta sit, ac in oratione insint, elementa tamen dici minime possunt, quia in literis priores resoluntur. Verum quoniam elementa corpora quædam sunt prima, ex quibus aliud quiddam corpus constituitur, constitui verò quiddam ex alijs potest vel nullo modo immutatis, aut alteratis inuicem ac permutatis: idcirco ut dilucidior sit tractatio nostra, ac ordine apto procedat, priora elementa appellabimus elemēta compositionis, sicut lateres domus, aut grana acetui. Alia dicemus elementa mixtionis, ut in oxymelle acetum & mel. Ex his, quæ à nobis dicta sunt, cuius compertum esse potest, elementa simplicia corpora esse. Sed quoniam eorum tantum modo simplicia sunt elementa, quod non sunt mixta ex prioribus corporibus, non tamen simplicia sunt ea ratione, ut non composita sint ex materia & forma, quæadmodum infra euidentissima ratione probabimus. Antiquorum philosophorum multi, quibus nondum erat comperta huiusmodi compositio ex actu scilicet & materia, cum perspicerent ea, quæ appellare consueuimus elemēta, non omnino simplicia esse, existimauere illa esse composita ex prioribus quibusdam corporibus. Plaro verò in Timæo (sic ea quæ in eo opere literis inuaduit sunt potius ad eius dogmata referenda, quam ad Pythagoricorum disciplinam) putauit elementa hæc esse composita ex superficiebus. Quam eius viri sententiam Aristoteles multis in locis confutare conatur. Anaxagoras (ut ab eo ordiamur) cum existimasset corpora similitum partium esse primam omnium rerum materiam, videretque ex his corporibus, quæ nos elementa vocare consueuimus omnia generari, existimauit in hisce elementis præcipue esse omnium similes partes, & quasi rerum omnium semina, ex quibus itidem omnes res generari possent & oriri. Qua de re minime omnium huiusmodi corpora, ignis scilicet, aer, aqua, & terra appellationem elementi mereri possent: si ea, quam supra attulimus, est elementi natura ac definitio. Verum Anaxagoræ sententia certissimis argumentis in primo physicorum ab Aristotele confutata fuit: ideo ne ineptus iure haberi queam, nihil mihi amplius dicendum esse duxi de huius philosophi dogmate. Democritus verò quem sequutus est Epicurus, dixit omnium rerum materiā esse corpora indiuisibilia, quæ Atoma appellauit, figuris distincta inuicem. Ex his atomis constituta esse voluit elemēta hæc omnia: ex quibus sequitur, ut etiam sententia Democriti corpora hæc, quæ diximus, ex quibus hic mundus constat vere elemēta dici non possint: quoniā constant ex corporibus prioribus, quibus proculdubio conuenit definitio elementi superius à nobis exposita. Democriti hæc positio ab Aristotele multis rationibus euidentibusque argumentis confutata in tertio libro de Cælo, ut alios locos omit tam, tandem loco cedere coacta est. Nobis ergo erit etiam abstinendum ab huius philosophi dogmate confutando, ne videamur officere velle Aristotelis gloriæ, si noua argumenta excogitare forte vellemus, aut lectorem

tadidio afficere & acta agere, si repeteremus hoc in loco Aristotelis argu-  
 menta contra Democritum. Platonis vero sententia in Timæo, siue ea  
 Platonis sit, siue Pythagoricorum, ea est, ut velit prima principia constituē-  
 tia elementa esse, duo genera triangulorum, isoscelem scilicet triangulū, &  
 scalenū. Nam cum censerent Pythagorici corpora ex superficiebus consti-  
 tuta esse, prima corpora utique ex primis cōstare superficiebus censebāt ne-  
 cessario sequi. Primæ verò superficies seu figuræ planæ species sunt trianguli:  
 prætereo circulū, qui rectis corporibus cuiusmodi sunt elementa, accommoda-  
 dari non potest. Elementa ergo constituta esse ex triāgulis necessario sequi  
 putabant. At in triangulorū speciebus eas rebantur esse priores, quæ angulū  
 rectum haberent: rectus namque angulus natura prior est acuto, & obtuso F  
 angulo, ut ex eorū definitione liquidò patet. Nec non etiam, quoniam re-  
 ctus vnus naturā refert, cum variari non queat, sed semper sibi sit par, om-  
 nēsque recti anguli inter se æquales sint. At acutus obtusūque angulus ma-  
 gis ac magis, minūque etiā ac minus acutus obtusūque fieri potest. Neque  
 sibi sunt pares obtuli omnes acutique anguli. Quamobrem precipuè elegit  
 Plato triangulos rectangulos, Isosceles scilicet, & scalenū, præterito æquila-  
 tero, in quo nullus rectus angulus esse potest. Verū quoniā isosceles, qui  
 rectangulus est, vnus tām est modi (nam rectū vnum angulū haber, duos  
 verò semirectos, neque vnquā ab eo mēsu deduci possunt isoscelis anguli)  
 ideo nihil amplius fuit in isoscele quærēdū. At scalenus etiam si semper an-  
 gulum vnum rectū haberet, quod tamen minime perpetuū est, infinitis vti-  
 que modis duos, qui supersunt, varios ac diversos habere potest. Idcirco cō-  
 stituenda fuit certa scaleni ratio ac species, quæ elementis constituendis ac-  
 commodanda esset. Sed cum proportio anguli recti ad semirectum alteru-  
 trum in isoscele triāgulo sit proportio prima in numeris dupla inquam, quæ  
 scilicet est duorum ad vnum; neque hæc proportio in scaleno triangulo in-  
 ueniri queat, quamuis rectum vnum angulum habeat: duo etenim qui su-  
 persunt, inæquales inter se sunt. Ideo post isoscelē, in quo est dupla propor-  
 tio, duorum inquam ad vnum; præcipuam habuit Plato eam scaleni speciē, G  
 in qua angulus vnus esset rectus; inter omnes autem angulos esset propor-  
 tio, quæ in numeris sequitur proportionē duplam, eam scilicet, quæ est triū,  
 duorum, ac vnus inter se; in qua duorum ad vnum proportio dupla est, at  
 trium ad duo, sesqui altera: trium autem ad vnum tripla. Elegit igitur Plato  
 illud scaleni genus, quod rectum vnum angulum haberet, eamque inter la-  
 tera proportionem, ut maximum latus sit in potentia ad proximum, in pro-  
 portione sesqui altera; ad tertium verò omnium minimum latus, medium  
 sit in potētia in proportione dupla. Et (ut more Ptolemæi loquamur, & à la-  
 teribus veniamus ad angulos eos descriptos in circulo; quibus ea latera cō-  
 traposita sunt, à quibus sumitur laterum potentia,) erit in hoc scaleni gene-  
 re, quod selegimus, vnus angulus rectus, centum scilicet & octoginta gra-  
 duum: alter verò huic proximus continebit duas tertias partes recti anguli  
 ac propterea erit centum & viginti graduū: tertius autem angulus, qui reli-  
 quus

- A quus est, necesse est vt tertiæ partis vnus recti sit, quæ supet est ad perficiendos duos angulos rectos: quibus sunt æquales tres anguli cuiuscunque trianguli; quo fit vt tertius hic angulus sit graduum sexaginta. Erunt ergo in hisce gradibus & angulis eæ proportionēs, quas diximus, sesquialtera scilicet, triū videlicet ad duo, inter centum & octoginta, & centum & viginti. Dupla verò, duorum inquam ad vnum, inter cētum & viginti, & sexaginta. Atque tripla, trium inquam ad vnum, inter centum & octoginta, & sexaginta. Ex quibus efficitur vt eadem etiam sit potentia laterum, quæ opponuntur angulis illis. Ab angulis nanque hæc sumitur potentia laterum illis oppositorum. Hanc rationem, vt arbitror, Plato in Timæo innuit, quamvis ipsam
- B subtraheret, maiorisque negotij esse dixerit, quam vt ibi explicari potuerit; cui s. Deus elegerit illud scaleni genus; quod postea diuersa quadam ratione exponit. Inquit enim in eo scaleno vnum latus esse in potentia triplum ad minus. Et aliquanto infra inquit, in eo hypotenusam esse lōgitudine duplam ad minorem lineam. Hoc autem est in eo scaleni genere, cuius meminimus, in quo ordine quodam est proportio trium, duorum & vnus. Nam hypotenusæ est verbi gratia sex cubitorum, minima linea trium erit, vt ostendam. Quadratum hypotenusæ erit triginta sex. minoris verò lineæ quadratum erit nouem: quæ si demantur à triginta sex, reliquēt viginti septem, quod erit quadratum tertię lineæ; quæ simul cum minori continet angulum rectum: viginti septem verò sunt tripla ad nouem. Hoc patet, quoniā
- C in triangulo rectangulo quadratum hypotenusæ est æquale duobus quadratis simul sumptis duarum linearum continentium angulum rectum. Quod autem hypotenusæ sit dupla longitudine minoris lineæ, ostenditur: nam si scaleno circumscribatur circulus, vtique hypotenusæ erit diameter, centum inquam & triginta graduum: minor linea quæ est chorda sexaginta graduum, est latus hexagoni descripti in eodem circulo. Erit igitur semidiameter sexaginta scilicet graduum; vt ostēsum est in Geometria. Erit igitur hypotenusæ dupla lōgitudine minoris lineæ. Huius generis ergo si sex trianguli scaleni æquales inter se in vnum coniungantur ita, quod anguli qui sunt centum & viginti graduum, in eodem puncto velut centro conueniant, ex duobus verò angulis sexaginta graduum inuicem compactis
- D efficiatur vnus angulus centum & viginti, ac recti duo in medio laterum coniuncti ex duobus lateribus scalenorum, vnum tantum efficiant latus. ex sex scalenis hoc modo coniunctis efficietur triangulus vnus æquilaterus. Hæc igitur duæ triangulorum species, æquilaterus scilicet, qui ex sex scalenis constitutus est, & isosceles rectangulus (alij etenim modi isoscelis indefiniti sunt & natura posteriores rectangulo) omnium figurarum rectilinearum videntur primi & perfectissimi. Quamobrem Plato seu Pythagorici posuerunt duos hos triangulorum modos principia esse quatuor elementorum, ex quibus mundus hic constat, hoc inquam pacto: nam quatuor trianguli isosceles si in vnum compingantur, ita quod recti anguli in centro coeant, vtique quadratum efficiant, vt quiuīs per se facillè intelligere potest: sex ve-

rò quadrata corpus cubum efficiunt, nullaque alia figura solida ex quadra- E  
 ris cõponi potest. Corpus autem cubicum Plato terræ attribuit, utpote quæ  
 stabilis sit, neque ob suum pondus facillè dimoueri possit. Neque præterea  
 ex isoscele triangulo, seu ex quadratis superficiebus aliud corpus effici po-  
 test præter cubicum. At trianguli æquilateri, qui modus reliquus est, & tres  
 in vnum compacti solidum angulum efficiunt: quibus si quartus addatur,  
 pyramis oritur æquilatera, quæ cum acutissima omnium figurarum soli-  
 darum sit, igni adscribatur à Platone. Item quatuor trianguli coniuncti,  
 inuicemque complicati constituunt angulum solidum; quorum octo effi-  
 ciunt figuram solidam octahedram, seu octo basium: hæc Plato aëri adscri-  
 psit. Demum quinque trianguli æquilateri inuicem annecti queunt, con- F  
 stituuntque solidum angulum: ex quibus si compleatur corpus vt Stereoi-  
 metra ostendunt, efficitur corpus viginti basium. hoc aquæ Plato imposuit,  
 utpote quæ sit aëre crassior. Ex pluribus autem triangulis, quàm quinque  
 in vnum compactis effici angulus solidus præterea nequit. Ideoque dice-  
 bat nullum aliud corpus simplex inueniri, præter ea quatuor, quæ sensibus  
 etiam expõsita sunt nostris. Sed quoniam præter has quatuor solidas figu-  
 ras regulares, quinta etiam constitui potest ex pentagonis, quorum tria in  
 vnum compacta angulum solidum faciunt, sicque duodecim figuram cõ-  
 plent duodecim basium, vt omnino corpora, quæ natura constant, respon-  
 derent mathematicis, quæ Pythagorici principia esse naturalium censebant,  
 vniuerso hanc duodecim basium figuram adscribere. Ex quo facillè conici G  
 potest, hæc Pythagoricorum fuisse sententiam, non Platonis: quoniam Pla-  
 to in eodem opere attribuit vniuerso seu cœlo figuram circularem & sphæ-  
 ricam: cum de constitutione animæ vniuersi verba facit. At quoniam prin-  
 cipia trium elementorum, ignis scilicet, aquæ, & aëris sunt trianguli scaleni,  
 terræ verò isosceles seu æquicrures trianguli: idcirco sequitur quòd tria  
 priora elementa inuicem transmutari queunt; terræ verò, quæ ex eisdem prin-  
 cipis non constat, minimè possit in alia elementa transmutari: quod etiam  
 Aristoteles in hac positione reprehendit. Hæc de elementis Platonis seu  
 Pythagoricorum sententia, quam latius explicari opetæ precium esse duxi-  
 mus, quoniã in Timæo paucis obscurèque traditur, ab Aristotele verò vix  
 tangitur; euidentissimis argumentis refelli potest. Nam præter quàm quòd H  
 natura constantium corporum mathematica principia facit, primis scientia-  
 rum mathematicarum principiis contradicit. Nam suppositio est in Geo-  
 metria, lineam diuidi in infinitum, ac propterea non constitui ex punctis:  
 item superficiem diuidi in infinitum, corpora quoque pari ratione semper  
 diuidi, atque diuisiones nullibi sistere. Quamobrem sequitur neque super-  
 ficielem constare ex lineis, neque corpora confici atque compingi ex planis  
 figuris, quæ sunt in superficie, eamque ambiunt. Præterea nutritio, auditio,  
 generatio, mixtorum corporum præcipuè fieri solet ex terra, quam pro-  
 pterea matrem omnium appellauere præci omnes; non ergo terræ conue-  
 nit in alia minime mutabilem esse. Ad hæc commentitium ac figmentum  
 procul-



- A proculdubio videtur, figuram duodecim basium attribuere vniuerso, quòd sphaericum esse ostenditur certissimis rationibus. Amplius tum hæc Pythagoricorum sententia, tum Democriti positio de atomis, vnica ratione euidenter refellitur: Ea, quæ pati & immutari nequeunt à sui natura, sunt elementa compositionis tantum, nequeunt tamen esse elementa mixtionis; neque ex illis quidpiam constitui potest, quod sit aliud præter ea, aliàmque ab illis naturam, & qualitatem habeat; quæ actu non sit in elementis componentibus: vt ratione & inductione cuius compertum esse potest. Si ergo atomi hique trianguli Pythagorici sunt immutabiles, neque aliquid pati possunt; vtique mixtio vlla fieri nequit: mixtumque nullum erit: sed tantum compositio quedam & congeries atomorum corporum seu triangulorum. Nam illud, cuius quæcunque pars est à quavis passione immunis, vtique totum quoque omnis est passionis expers. Verùm & ab Aristotele in tertio de cælo, & à Galeno in libro de elementis multis rationibus horum sententiæ sunt confutæ: ideo nobis hæc dixisse sufficiat. Igitur quoniam elementa neque constant ex atomis, neque ex triangulis, id nobis discutiendum restat, an sint omnino incompressa, an potius aliquam habeant compositionem. Aliquibus videri posset quoniam hæc prima sunt corpora, aliorumque omnium elementa, ac propterea in priora quæpiam corpora resolui nequeunt, ea vtique incompressa esse. Attamen quemadmodum non grauare concedendum est, prima hæc elementa non esse composita compositione mixtionis, quia simplicia sunt ac immixta; neque etiam ea compositione, qua cõfecta sunt corpora dissimilium partium; ita fatendum est ea composita esse ex materia & forma substantiali, per quam sunt, & à qua nomen habent & definitionem, necnon etiam quam sequuntur qualitates vnicuique illorum propriæ. Nec tamen propterea verendum est, ne potius materia & forma sint elementa, quàm hæc, quæ ex his constituta sunt, corpora: quoniam neque materia corpus est, neque speciem habet; neque forma corpus est, neque speciem habet per se. Horum igitur vtrunque principium est elementorum simplicium, non autem elementum. Nec difficile est ratione probare corpora prima, simplicia elementa inquam, ex forma & materia constare. Nam omne, quod est actu, vel est actus per se existens, vel habet actum, per quem existit: nullum autem corpus esse potest actus per se existens: nam actus per se existens est forma abstracta & separata à materia: necesse est ergo vt elementa, quæ sunt corpora per se existentia, habeant actum, per quem sint. Etunt ergo composita ex materia & actu seu forma substantiali, per quam sunt. Huic addamus quòd elementa sunt corpora composita, non tamen immortalia, quæ. Non sint obnoxia generationi & corruptioni; sed generari & corrumpi queant. Hoc etiam ratione probatur. Nam elementa secundum naturam mouentur motu recto, recti verò motus inuicem contrarij sunt: erunt ergo elementa inter se contraria; at substantia omnis habens contrarium, corruptibilis est: erunt igitur elementa corruptibilia corpora. Neque tamen propterea quicquam suspicetur poni à nobis substantiæ aliquid contrarium esse per se & se-

cundum substantiam. Verum hæc elementorum contrarietas est in qualita- E  
 tibus eorum propriis, sine quibus esse non possunt. Præterea, si elementa es-  
 sent incorruptibilia, utique ex his mixtum corpus fieri non posset, quod a-  
 liam quandam naturam haberet, præter eas, quæ actu sunt in elementis. Quã-  
 obrem proculdubio in eas recideremus angustias, à quibus sese explicare non  
 posse Democritum & Pythagoricos supra ostendimus: qui constituunt ele-  
 menta ex atomis & triangulis immutabilibus. Sequitur ergo ex his, quòd e-  
 lementa vicissim inter se generantur & corrumpuntur. Materiam ergo pri-  
 mam communem inter se habent atque eandem: differunt autem forma &  
 specie: nec non etiam qualitatibus illis quæ sunt dispositiones propriæ ac fe-  
 rè veluti proprietates elementorum cuiusque. Verum quoniam elementa F  
 mixtorum omnium corporum materia sunt; necesse est ut substantialiù for-  
 marum omnium elementares formæ imperfectissimæ sint, ac maximè pro-  
 pinquæ naturæ materiæ & accidentium. Hæc de elementis in vniuersum di-  
 cta sunt satis. Cæterum quoniam elementa hæc, de quibus tractare insti-  
 tuimus, & elementa sunt vniuersi; quod ex ipsis constat: & etiam elementa  
 sunt mixtorum corporum, utraque ratione de his à nobis agendum est. Prius  
 autem tractabimus de elementis, tanquam de partibus, ex quibus constitu-  
 tum est vniuersum; deinde perscrutabimur omnia ea, quæ pertinent ad ele-  
 menta ea ratione, qua sunt materia mixtorum corporum, tractaturi demum  
 de iis, quæ mixtiones elementorum consequuntur; ut tamen sistamus citra  
 formas & naturas proprias metallorum, & lapidum, ac etiam simularum G  
 omnium partium; ex quibus constant animata corpora. Sed antequam quid-  
 piam aliud dicam; illud nobis sumendum est ex prima philosophia, atque ex  
 prioribus tractatibus scientiæ naturalis: Inferiora hæc elementa, vniuersum-  
 que hunc inferiorem mundum ob imperfectionem, quam habet, (plurimū  
 nanque distat à primo principio) esse omni mutatione obnoxium, multum-  
 que multitudinis ac inordinationis in se habere; quia plurimum recedit ab  
 vno: quod est status omnis ac ordinis principium atque origo. Quod fit ut  
 multa contingant in elementis à casu, & præter ordinem naturalium agen-  
 tium, quæ non possunt verè referri ad aliam causam, præterquam ad priua-  
 tionem & non ens: in quo est abyssus illa multitudinis & inordinationis, ut  
 in compendio primæ philosophiæ, quod scripsimus, satis luculenter à nobis H  
 est expositum è sententia Platonis in sophista. Nullus ergo mirari debet si  
 in plurimis elementorum mixtionibus, quas natura inchoat, non tamen ab-  
 soluit; quin diuersa alia via, vel rursus dissoluuntur, vel in monstra quædam  
 desinunt, aut in alias mixtiones recedunt longè diuersas à prioribus. Utendū  
 nobis est hac causa, priuationis inquam seu imperfectionis & non entis, à  
 qua est omne ens per accidens, omnisque fortuna & casus: quam diuinato-  
 res ignorantes putant se ex cœlesti corpore posse adferre omnium effectuum,  
 qui hic producuntur, causas & rationes. Hanc non entis causam etiam Ari-  
 stoteles in primo physicorum libro dicit esse rerum natura constantiū cau-  
 sam, quæ generationi & corruptioni sunt obnoxia, per accidens tamen: licet

- A à posterioribus Peripateticis in reddendis causis effectuum, qui sunt interdum ob hanc causam, omnino fuerit ommissa. Vnde etiam nonnulli eorum coacti sint fateri, omnia euenire ex necessitate propter cœlestes ac superiores causas necessarias. Inde nata est Astrologia hæc diuinatrix, cæteræque huiusmodi inanes artes. Alterum quod velim lectores attentè animaduertere, id est, quod Aristoteles dicit in Meteoris, hæc elementa inferiorémque mundum sese habere veluti materiam, corpora verò cœlestia ac superiores mentes esse causam efficientem, quæ. s. imprimant motum suo lumine, & tempore illo, qui affecit est luminis, diuerso quodam à calore elementari & igneo; quem iure appellare possumus teporem æthereum. Hunc Platonici &
- B antiquiores philosophi putauerunt esse corpus quoddam æthereum tenuissimum omnia penetrans: quod etiam magnum naturæ seminatum nonnulli eorum vocare consueuerunt apud Aristotelem: quoniam corpus nullum quamuis tenuissimum, quin etiam mathematicum aliud corpus penetrare potest: vtique nullum tale est corpus permeans inferiora hæc elementa: sed cœleste corpus æthereum est, ab elemētis separatum: cuius naturalis motus est circularis: ab hoc tamen corpore in elementa profluit lumen, motus, & hic quem diximus tepor æthereus, non corpus, sed ætherea qualitas, quæ omnia penetrat & permeat elementa. huius teporis meminit in libris de generatione animalium, quem dicit ibidem non esse calorem ignis, sed proportionatum elemento stellarum. Cum ergo elementa sint matetia, quæ formatur à corporibus cœlestibus, eorūque mentibus, nulli est ambigendum, quin multa fiant in elementis, quorum causam referre non possumus in naturas formæ sue elementorum proprias: sed referatur omnis eorum causa necesse est in cœlestia corpora; quorum vim & actionem elementa recipiunt, hancque eis legem optimus naturæ institutor imposuit, vt cœlis pareant, ac eorum veluti dicto inserviant. Hæc rectè animaduersa fuisse opera, precium est, antequam ad tractationem de elementis deueniremus. In qua is à nobis ordo seruabitur, vt prius de eis agamus, quatenus sunt elementa vniuersa; ex quibus mundus hic inferior constet: postmodum de mixtionibus eorūque naturis dicendum erit, prout scilicet elementa mixtionis sunt. Nullūque mirari debet, si ea diximus esse vniuersi elementa; quoniam mundum componunt & constituunt, nulla tamen sui mixtione. Nam pari ratione dicimus literas esse vocum elementa, quia voces cōponunt, nulla tamen mixtione, sed tantum compositione quadam non dissimili; quin potius eadem propemodum ratione Aristoteles vsus in primo Meteororum appellauit corpus cœleste elementum: inquit enim, lato primo elemento circulariter, quod propinquum est inferioris mundi motu disgregatum accenditur. Elementa igitur hæc vniuersi sunt, quoniam componunt & constituunt vniuersum: verum hoc tantum modo vniuersum componunt; quoniam in propriis locis natura sui quiescunt, & ad locos illos natura etiam mouentur. sic partes animalis constituunt animal: quoniam quæque in suis collocatæ sunt locis, à quibus si recesserint vsipiam, confestim animal agrè se habet, dolo-
- D

rémq̃ue sentit: qui sedatur cum rursus fuerint restituta positioni illi, quæ na-  
 turæ earum conueniat. Ex hic illud perspicuum est tractatui, qui est de ele-  
 mentis prout vniuersum constituunt, maximè conuenite, vt primum paucis  
 ea percurramus, quæ spectant ad motum & quietem elementorum: ex qui-  
 bus inuestigabimus an ex motu quietéque elementorum, eorum numerus  
 à nobis inueniri queat, qui præcipuè accommodandus sit ad congruam vni-  
 uersi constitutionem. tum demum paucis perstringemus ea ferè omnia, quæ  
 singulis eorum conueniunt, prout sunt partes vniuersi: quod congressu suo  
 constituunt. Elementa simplicia corpora esse supra satis perspicuè, vt reor,  
 ostensum est: corpori autem simplici secundum naturam conuenit motus  
 simplex. Genera verò simplicium motuum, si Aristotelem sequimur in primo  
 libro de cælo, sumuntur à generibus figurarum simplicium; quæ duo  
 sunt, recta inquam & circularis. Sed ne ratio hæc calumniam patiatur, quod  
 videamur ex principiis geometricis in philosophia naturali conclusionem  
 quampiam demonstrare, hocque pacto de genere descendere ad aliud genus;  
 addamus rationi Aristotelis id quod sensus experitur. Nam per se quibus in-  
 tueri potest obiectam oculis speciem vniuersi, ac deprehendere in cælesti-  
 bus corporibus motum circulem: in elementis verò reliquis, ac mixtis  
 pro elementi alicuius in quouis mixto excellentia, motum rectum, vel ad  
 superiores mundi partes cælique circumferentiam, vel ad centrum infimū-  
 que locum vniuersi. Genera igitur simplicium motuum duo sunt: rectus. sc.  
 & circularis. Motus circularis natura conuenit corpori cælesti, quod neque  
 graue est neque leue, nullique generationi aut passioni obnoxium absque  
 labore villo suapte natura perpetua circulatione circumagitur; de quo nihil  
 à nobis dicendū esse instituimus. Superior nanque mundus diuino illo cor-  
 pore plenus est. nostrum autem institutum est agere de elementis, ex quibus  
 constat inferior hic mundus. Motus simplex rectus, duplex est: à medio v-  
 nus, alter ad medium. Natura igitur quoduis elementū vel mouetur ad me-  
 dium; ad quod cum peruenit, quiescit: aut contrā natura recedit à medio,  
 ad supernasque euolat sedes. Motus huiusce recti quodnam principium sit,  
 iure ambigere quispiam potest: an scilicet elemento intinsecum, an potius extrin-  
 secum quodpiam. Nam in octauo lib. physicorum Aristoteles videtur con-  
 numerare elementa ac omnia grauiā & leuiā inter ea, quæ mouentur ab alio: ex  
 se etenim moueti, videtur solum animalibus posse attribui, quæ etiā  
 ex se quiescere queant. Præterea ea, quæ ex se mouentur, diuiduntur in partē  
 per se mouentem, & partem per se motam; quod nec elementis, nec denique  
 vlli corpori graui leuique conuenire potest. Nam neque ex se quiescunt cum  
 eis libuerit: imò mouentur motu continuo, nisi quid obstitit, quousque  
 peruenierint ad proprium naturalēque locum. neque diuiduntur, vt anima-  
 lia, in partem per se mouentem, & partem per se motam: constant enim ex  
 forma imperfectissima, & materia prima tantum: quæ est ens in pura poten-  
 tia. Non ergo mouentur elementa ex se: quæ de re efficitur, vt ab alio mo-  
 ueantur, nisi velis ea immobilia efficere. Contra hæc esse videntur, quoniam  
 elementa

- A elementa mouentur motu naturali, imò motus eorum simplex est: quia forma simplex est principium motus simplicis: illud autem principium motus quod est natura; est principium eius in quo est, vt dicit Aristoteles in secundo Physicorum. Non ergo elementa videntur moueri ab extrinseco & ab alio; sed à principio quod intra ea sit. Præterea mouens proximū, & motum sunt simul, vt ostenditur à philosopho in septimo Physicorum: cum autem grauia deorsum ferantur, & sursum leuia; nullum extrinsecum deprehendi potest, nec etiam fingi, quod ea moueat: non ergo mouentur à principio villo quod sit extra ipsa. Hanc questionem non est admodum difficile soluere; si attentè dispiciamus ea, quæ dicuntur ab Aristotele in octauo Physicorum, & in quarto libro de Cælo. Nam illud maximè verum est: Elementa grauiā & leuiā naturali motu non moueri ab villo, quod extra ipsa sit, quodque sit efficiens proximum illorum motus: imò mouentur à propria forma, propriāque leuitate seu grauitate, tãquam à principio proximo motus; quæ in maiori mole maior est & efficacius mouet, id est velocius. Hòc verò est adeo perspicuum, vt sensui etiam sit exploratum: quâuis nulla ratione comprobaretur. Mouentur igitur elementa à principio intrinseco: non tamè propterea mouentur ex se, vt animalia; sed ea de causa mouentur ab alio, quoniam proximum principium motus est inclinatio ad locum, ad quem vnaquæque res mouetur: inclinatio verò in elementis propria eorum grauitas seu leuitas est, qua deorsum sursumue tendunt. in animalibus verò propria inclinatio est appetitus siue rationalis, siue sensitiuus; vt ostendit Aristoteles in tertio de anima. Appetitus autem quicunque animalis sequitur apprehensionem siue boni siue mali: at apprehensio omnis est propria & intrinseca animalis operatio; ideo animal rationale ex se mouetur, quia sibi ipsum est causa illius inclinationis, appetitus inquam quo mouetur. Sed in elementis nihil est quod queat esse causa grauitatis leuitatisque, quarum nixu mouentur: verum generans elementum tribuit ei simul cum forma inclinationem hanc, quam habet ad proprium naturalemque locum: ideo non mouentur ex se elementa vt animalia; sed ab alio, à generante inquam; à quo inest eis propria naturalisque inclinatio ad locum proprium; ad quem semper tendunt, & si à re quapiam detineantur ne eo ferantur, semper premunt, & rem illam vrgent, quæ obstitit; vt pote quæ propria inclinatione semper ad proprium locum tendant. Igitur non ex se mouentur, sed à generante: habent tamen nihilominus principium proximum motus intra se, inclinationem videlicet illam, cuius nixu feruntur ad suum quæque locum. Hac de principio motus elementorum questione soluta, rursus alia suboritur questio: An scilicet grauitas hæc vel leuitas, qua elementa feruntur sursum deorsumue veluti à principio intrinseco, sint formæ quædam, quæ sint substantiæ, quibusque natura & species elementorum constituentur: an potius sint accedentia quædam, quæ formas & naturas elementorum consequantur. Nonnulli, qui Auerroï primas partes attribuunt in philosophia naturali, ex quibusdam locis, quos in eius auctoris monumentis annotatuit, pronuntiauerunt ex Auer-
- B
- C
- D

rois sententia gravitatem & levitatē formas esse pertinentes ad substantiam E  
 & elementorum speciem constituentes, quod etiam ratione adstruere cona-  
 ti sunt. Nam natura est principium motus eius, in quo est, cum verò gravitas  
 & levitas sint principia motus naturalis intrinseca elementis, erūt igitur eo-  
 rum natura, sed non materia, ut perspicuum est. Nam in materia elementa  
 conveniunt (vna etenim omniū est) at in gravitate & levitate differūt: ergo  
 erunt natura, quæ est forma. Cæterum quamvis hæc doctissimorum philo-  
 sophorum sententia sit, nobis tamen videtur non satis convenire iis, quæ Ari-  
 st. tradidit, & ratio suadet. Etenim nulla substantia est per se sensibilis, quod  
 Aristoteles inquit in secundo libro de anima. Sensus nanque circa cortices  
 substantiarum versantur, id est, circa accidentia: sola verò mens ad nucleum F  
 id est ad substantiam penetrat, sed gravitas & levitas per se à sensu cōprehen-  
 duntur, ut quivis experitur ac sentit; nec minus comprehenduntur à brutis  
 animalibus quàm ab homine: quin muli quidam & cameli ferè omnes, qui  
 impedimenta ac merces gerunt, cum sentiunt sibi plus iusto oneris imposi-  
 tum fuisse, excutere conantur clitellas, ac onus impositum, calcibūque &  
 uniuerso gestu corporis significant se iniquo pondere premi. Per se ergo sen-  
 su percipiuntur tum gravitas tum levitas. igitur substantiæ non sunt, sed ac-  
 cidentia. Præterea Aristoteles in secundo libro de partibus animalium con-  
 venerat accidentia elementorum, ac post caliditatem & frigiditatē mentio-  
 nem facit de gravitate & levitate. accidentia ergo, non substantiæ sunt gravi-  
 tas & levitas. Neque difficilis admodum solutio rationū, quæ adductæ sunt. G  
 Nam natura præterquam quòd est principium eius in quo est, & intrinsecū,  
 est principium primum; ut in eius definitione dicitur, cui coniunctum est in-  
 strumentum proprium, id est accidens proprium, quo natura agit. Gravitas  
 ergo & levitas, quia non sunt prima principia, non sunt naturæ. verū quo-  
 niam consequuntur naturam, iure dici possunt inesse secundū naturam ele-  
 mentis; quemadmodum etiam motus, qui ex eis principiis consequuntur, se-  
 cundum naturam insunt elementis. ignis enim secundum naturam levis est,  
 itēque secundum naturam sursum euolat. E contrariò terra gravis secun-  
 dum naturam, itēque pari modo ad centrum tendit. Neque etiam loci de  
 Auerroe adducti multum me mouent, ut credam Auerroem ita sensisse. ete-  
 nim sæpenumero cum naturæ rerum propriis nominibus careant, utimur in H  
 eis explicandis vocabulis accidentium, quæ notiora nobis sunt, & sensui ma-  
 gis familiaria; à quibus oritur cognitio intellectus. Hæc satis sunt dicta de  
 principio motus intrinseco, grauium & leuium elemētorum. Nunc paucis  
 ea quæstio est à nobis pertractāda; an scilicet elementa in motu naturali, quo  
 feruntur, per se indigeant medio, & quonā pacto moueantur. Arist. in quar-  
 to physicorum, ubi agit de vacuo, inquit, quòd in spatio vacuo grauiā & le-  
 uia mouerentur in tempore indiuisibili, id est in instanti & momento, quod  
 impossibile est. Ergo ad motum grauium & leuium per se requiritur mediū:  
 in vacuo etiam spatio moueri non possent. Nam qualis est proportio subtili-  
 tatis, aut spissitudinis mediij ad mediū, talis est ratio etiam quòd æquè graue,  
 eadem

- A eadē figura magnitudinēq; præditū velocius seu tardius moueatur, alia re itē æquē graui eiusedēque figuræ & magnitudinis. Pleni verò spatij ad vacuū nulla est proportio; sicuti linēæ ad punctum. In nulla igitur tēporis parte mouebitur æquē graue in spatio vacuo; sed in eo tempore, quod ita se habet ad tēpus, sicuti punctū ad linēā: quo efficitur vt in instanti moueatur: hoc autē fieri nequit, quia omnis motus est in tēpore quoopiā, vt in sexto libro eiusedē operis certissimis rationibus ostenditur. Hæc Aristotelis ratio ab Auē Pace viro doctissimo habita est veluti sophistica: inquit enim, quod sicuti in motoribus corporū cœlestiū, vbi nullū est mediū, nihilque quod corū motū impediatur, velocitas motus sequitur motoris excellentiā & virtutē: ita etiam in grauius & leuius corporibus excellentiā grauitatis sequitur velox descēsus, leuitatis præstantiā velox ascensus. Igitur per se grauius velocius descēdet eo, quod est minus graue: æquē verò grauiā, æquē velociter. Per accidēs tamen in motu grauiū & leuiū cōtingit aliud impedimentū ex medio allatum; quod cum ægrē patiatur se diuidi, (vnumquodque etenim sicut natura appetit esse, ita appetit vnitatē, quæ in diuisione cōstat) resistit proculdubio mediū & impedit motū tum grauiū corporū, tum etiā leuiū: ex quo contingit motū fieri tardiorē. non tamen propterea sequitur, si fiat medium, quod prius erat spissius, longē subtilius, crescere etiam motus velocitatē, in ea proportionē, qua medium fuerit factū subtilius; sed sequitur in ea proportionē decretere tarditatē quæ per accidens addita fuerat ex mediij densitate, naturali motui: qui sequitur naturā illius corporis grauis: sicut si pedali linēæ addatur itē quantitas pedalis extranea, bipedalis tota efficitur: à qua si auferatur dimidiū linēæ addita, remaneatque dimidiū tantū prioris linēæ addita, quæ subdupla est eius pedalis linēæ, quæ adiuncta fuerat, non tamen proportio totius prioris linēæ bipedalis inquā ad totā, quæ remanet, pedale scilicet cū dimidia, erit proportio dupla. Aristotelis igitur rationē inefficacē esse putauit Auen. Paces, quin potius fallacē & sophisticā. Beatus Thomas vir item doctissimus & nunquā satis laudatus, existimauit rationē illā fuisse factā ad hominē, & ex principiis priscorū philosophorū procedere; qui adeo addicti erāt vacuo, vt absq; vacuo existimarēt nullius rei motū fieri posse. Quod ex præclarissimo poemate Lucretij, q̃ Epicuri & Democriti sententiā de vacuo conatur adstruere, quibus facile perspicere pōt. Dicit ergo beat<sup>us</sup> Thomas in vacuo motū in instanti & momento minime fieri posse, sed omnē motū in vacuo etiam spacio futurū in tēpore. Nā fieri non potest, vi in eodē tēporis momento corpus quodpiā sit in duobus locis, quorū alter distet ab altero. Igitur si gleba quæpiā terræ quieuerit in loco quoopiā, à quo incipiat spatiū vacuū, vtique dat vltimum instans huiusce quietis, vt in sexto libro Physicorum ostensum est. Quod si gleba hæc moueatur & perueniat ad locū illum, vbi vacuū esse desinit; dabitur etiā primum instans, in quo incipit esse in loco eo, qui terminus est, ad quē motu peruenit. motus nanque omnis datur vltimū, in quo mobile mutātū est. vel ergo hæc instantia momentāque tēporis re idē sunt, cogitationēque tantū distinguuntur: vel re diuersa erunt mo-



mēta. Si dicas q̄ re idē sint, & cogitatione solū differant, efficitur proculdu- E  
 bio, vt in eodē momento tēporis gleba hęc sit in duobus locis distantibus,  
 quo nihil magis est impossibile. Sin verò eadē momenta non sint, vt necesse  
 est fateri, intēque duo quāuis momēta, quāuis proxima, tēpus mediū sit (nā  
 neque linea ex punctis, neque tēpus ex momentis confici potest) in eo igitur  
 tēporis spatio motus per vacuū erit. Aristotelis ergo ratio (inquit Thomas)  
 iis nititur, quæ ab aduersario posita sunt: idcircoque cōtra eū efficax est. sed  
 ad motū grauiū & leuiū mediū non est per se necessariū, quia in spatio etiā  
 vacuo moueri possent. Auerrois verò in quarto physicorū, qui maximē ex-  
 celluit ingenio, vñsque est incredibili perspicacia in eruēdis Aristotelis sen-  
 tentiis, inquit, rationē Aristotelis esse efficacissimā, & mediū spatiū adeo ef- F  
 fectū necessariū in motu grauiū & leuium, vt sine medio moueri nullo modo  
 possint. quæ res vt melius intelligatur, pauca quædā præfabimur. Ex defini-  
 tione motus quiuvis faciliē intueri potest (vt alias rationes omittā) quemlibet  
 motū esse continuū: motus etenim est actus entis in potentia, quatenus est  
 in potentia. Si ergo per motū mobile est in potentia ad vltiorē actū, perfe-  
 ctū inquā, necesse est vt motu ipso mobile tendat ad vltiorē actū, neque  
 vñlo pacto sistat. Continuus ergo motus omnis est, nullūque motus est in-  
 diuisibilis, & in momento tēporis factus Non potest autē esse in motu cōti-  
 nuatio hęc ex sola virtute mouentis, nisi fuerit etiā resistentia aliqua, quam  
 virtus mouentis superet. Itaque secundū eā proportionē, qua virtus mouen-  
 tis superat resistentiā, motus quoque velox est: atque in his moribus, in qui- G  
 bus proportio maior est, est maior celeritas: vbi minor proportio, tarditas  
 maior est. Vbi autē virtus mouentis non superat resistentiā, aut non secūdū  
 certū & à natura cōstitutū excessum superat, nullus efficitur motus. de qua  
 re in septimo physicorū lib. ab Aristo. luculentissimē est tractatū. Ex quibus  
 sequitur propositionē sumptā ab Auen Pace minimē verā esse: velocitatē. s.  
 motus sequi tantū virtutē mouentis, nulla facta de resistentia mētione. Nō  
 tamē propterea quispiā putet resistentiā esse nō posse, nisi vbi vis inferatur,  
 & fiat motus cōtra inclinationē rei mobilis. Nā interdū resistentia est cū vi,  
 quādoq; autē potest esse resistentia sine vlla vi. Si enim mobile à natura ita  
 sit factū, vt in motū quēpiā inclinetur, in ipso autē non sit principiū actiui  
 motus, sed passiuū tantū, vtique absque mouēte nō mouebitur, quāuis sua- H  
 pte natura tēdat in eū motū. Sicuti autē à natura in eū motū inclinatum est  
 mobile, vt à mouente naturaliter moueatur eo motu, & nō alio: ita etiā à  
 natura, quā habet, effectū est, vt ab vñlo mouente moueri nequeat, nisi quod  
 certo excessu excederit virtutē mobilis, & actū, quē mobile habet; eoq; ex-  
 cessu certa quadā velocitate moueat, ampliori verò excessu celerius quoq;  
 moueat. Mobile ergo, quod certā naturā habet, quāuis ea natura inclinetur  
 ad motū quēpiā, resistit tamen mouenti per eādē naturā & actū sine vlla vi,  
 ne veloci tardiusve moueatur, q̄ deceat excessū eū, quo exceditur à virtute  
 mouētis. Necesse est ergo in omni motu esse resistentiā. aliter nanque cōti-  
 nuus motus esse non posset, resistentia tamen esse potest sine vi vlla. Quo fit  
 vt in



- A** vt in corporibus celestibus, cum actum quendam habeant certamque naturam, qua ad certum motum inclinantur, velocitas motus sequatur proportionem excessus virtutis mouentis, quo superat naturam & perfectionem propriam mobilis; licet ibi nulla sit vis, omniaque fiant secundum naturam. Ideo Aristoteles in secundo libro de celo inquit: Si stella adderetur cuiuspiam orbi, aut orbis ille ab eo motore non moueretur, aut tardius moueretur. Nam ex perfectione stelle addite non amplius motor eo excessu superaret mobile, sed minori. At in elementis, quae sunt compositae ex duobus tantum principijs simplicissimis, forma scilicet simplici & materia prima, quae est ens in pura potentia, neque determinata est a quapiam natura, utique principium actiuum motus eorum forma est, & grauitas seu leuitas. Materia vero, quae principium passiuum est, nullum habet actum, nullamque naturam: Ideoque ex ea, resistentia nulla sumi potest siue cum vi, siue sine vi, resistentia velis. Nam vis esse nequit, ubi nulla est natura, nullus actus; contra cuius nixum vis fiat. Nulla ite est ad motum quempiam determinatum & certum inclinatio, ubi non est determinata natura, ac certus quispiam actus. Ergo in motu naturali elementorum, si principia tantum intueamur, ex quibus elementa constant, nullam inueniemus resistentiam; quae tamen necessaria est in quouis motu, nisi fuerit motus indiuisibilis: quod esse non posse supra ostendimus ex definitione motus. Cogimur ergo inuenire resistentiam in medio, quod vi diuiditur ac dissipatur ex impressione elementi. Idcirco Aristoteli verissima ratione usus est in quarto
- C** Physicorum, velocitatemque motus elementi tantum sumpsit ex similitudine ac raritate medij, neque illa addita est naturali velocitati, ut dicit Auenpace vir alioqui doctissimus. quia si demas medium, nulla est velocitas motus, quin potius nulla continuitas, cum nulla ibi sit resistentia. Quod vero acutissimè inquit beatus Thomas, non diffitemur, impossibile esse vacuum quodpiam spatium esse in rerum natura. Quod si quis esse posuerit, nihil esse absurdum videri debet, si positioni impossibili addideris veras propositiones sequi posse contradictoria. Ex positione igitur vacui, sequitur in eo vacuo spatio fieri motum non posse, nisi indiuisibile; quoniam in inani nulla est resistentia. Itè sequitur motum esse in tempore, quia fit per spatium extensum, & quantum, & a loco in locum alium. Per se ergo medium requiritur ad motum elementorum: quod nisi sit, utique moueri non possunt. Quae de re quidam philosophi nostra tempestate illustres dixere elementa per accides moueri, quoniam mouetur ad motum alterius, medij scilicet. Nos vero dicimus elementa non simpliciter moueri per accides, sed per se moueri: quod tamen modo commodè posse dici elementa moueri per accidens. Illud namque propriè & simpliciter mouetur per accidens, quod ita mouetur & fertur, sicuti is qui in curru vehitur aut in navi. In quinto Physicorum commodè de hoc agitur. Si ergo elementa simpliciter moueretur per accidens; nimirum oporteret elementa per se neque sursum ferri neque deorsum; verum inhaerere alicui quod per se moueretur illis motibus. Constat tamè elementa non ita moueri, sed ipsa suo nixu rendunt deorsum sursumue. Neque fingere est quodpiam aliud, in quo haereant; quod eis motibus per se mo-

ueatur, aliquo tamen modo per accidens elementa mouētur, quoniam pro-  
 pterea mouentur, quoniam medium disrumpitur & diuiditur ex illorum ni-  
 xu: & quo citius medium sectum fuerit, eo celerius mouentur, neque aliunde  
 resistentiam habent, præterquam ex medio. Hac ergo ratione non iniu-  
 ria concedere possumus elementa naturali motu moueri per accidens. Dis-  
 cussa hac quaestione, alia suboritur: Cur scilicet elementa grauius leuiusque  
 omnia, quæ mouentur, prout natura fert elemēti, quod in eis præ cæteris do-  
 minatur, citius & celerius semper moueantur, quousque eò peruenerint quo  
 tendunt. Huius rei causam nonnulli adscribunt impetui. Inquiunt enim ma-  
 iori semper impetu hæc omnia ferri, ideoque etiam celerius moueri. Sed cū  
 eos magis vrget, interrogasque quidnam sit hic impetus? quæ qualitas? vnde  
 veniat in elementa? vel tacent, vel confingunt commenta quedam, quæ non  
 satis intelligi queunt, nedum sunt. Nonnulli alterari atque affici elementa pu-  
 tant à proprio naturalique loco: quæ quo magis eò appropinquant, eo ma-  
 gis afficiuntur: vnumquodque etenim magis afficit propinquam rem, quàm  
 distantem. Cæterum si ab his quæras, cur nam, si idem lapis seu eadem terræ  
 gleba delata fuerit deorsum, spatioque quinque passuum tantum descen-  
 derit, eademque iterum sublata è solo, in quod decidit, idem solum repetat v-  
 nius tantum passus spatio delata, postrema inquam parte prioris spatij quin-  
 que passuum; longè celerius per eum passum postremū priori motu descen-  
 derit, quàm posteriori hoc; cum tamen à centro eodem interuallo distet &  
 hoc posteriore motu, & priore, cum ferebatur per postremum hunc passum  
 quintum inquam: nimirum silent, neque aliquid habent, quo positionē cau-  
 samque suam tueantur. Ideo dicimus nos huiusce rei plures causas esse, quæ  
 (vt reor) in vnum conueniunt, faciuntque motum velociorem ad finem vs-  
 que. Primo nanque, vt in octauo Physicorum Arist. dicit, vbi tractat de mo-  
 tu eorum, quæ proiecta per se mouentur, inquiritur à quonam moueantur,  
 postquam liquerint proicientem hominem, seu machinam: anima duertend-  
 um est eam esse naturam aeris & aquæ, vt in propria naturalique sui ipso: ū  
 sphaera, si à quopiam impellantur quoquo versus suo nixu post impulsū  
 eum primum aliquo spatio feruntur, ac aliquantisper motum citiorem fa-  
 ciunt: deinde paulatim motum sistunt, donec planè cōquiescant. huic addas,  
 quoniam vacuum spatium esse quodpiam natura maximè abhorret, ne mū-  
 di vnitas tollatur. Idcirco cum in aqua vel in aere quidpiam mouetur, simul  
 ad illius terga cōcurrūt partes proximæ aeris vel aquæ, quæ prius pulsæ pro-  
 prio deinde nixu pellunt, & vltra promouēt. hæc verò, quo plures fuerint ma-  
 iorique nixu pulsæ, eo citius & vehementius concurrentes ad terga mobilis  
 illius, illud impellunt ac mouent. Cum ergo gleba terræ deorsum descen-  
 derit, vtrique aerem secat, & deorsum pellit, partes verò aeris diuulsæ cōcurrunt  
 ad terga glebæ, eamque vicissim deorsum pellūt: quo fit vt naturali nixui e-  
 tiam hic addatur, ac propterea velocius gleba moueatur, quæ item velocius  
 mota maiore nixu aerē pellit, & secat, vehementius diuulsæ aeris partes con-  
 currentes ad terga, & plures quàm priores & velocius motæ magis adhuc &  
 magis glebam impellunt: quo fit vt citius gleba descendat, parique ratione

- A** semper citius; quousque ad solum peruenerit in quo quiescit. Hęc causa verissima est, vt quiuis faciliè intelligere potest, cur grauiā & leuiā, quanto magis accesserint ad suum quāque locum, tanto moueantur celerius. Præter hanc est & alia causa. Nam res mota in aëre, præterquam quòd aërem secat, impellit etiam deorsum inferiorem aëris partem, antequam descendēs amplius ipsam quoque secuerit. Nulli autem dubium est, quin medius aër, si in contrariam partem moueatur, magis obsistat ei, quod contra eius impetum mouetur; quā si quiescat: Item si quiescat, magis resistit descendenti glebæ, quā si in eandem partem moueatur, ad quam fertur elementum seu gleba, quæ deorsum per eum aërem fertur. Quin etenim perspicuū est quòd
- B** quanto celerius aër fertur in eandem partem, tanto minus obsistit. Cum ergo terræ gleba ad partem illam aëris, quā iam vi, nixūque suo deorsum impulit; cettissimum est quòd ob minorem obsistentiam velocius descendet: quamobrem magis propellet proximam aëris partem; ad quam cum deuenit, ob minorem eius resistētiā adhuc velocius mouebitur quā prius. Itaque hac ratione semper motus fiet velocior, quousque peruenerit ad locum eum, in quo secundum naturam quiescit. Dux hæ rationes mihi videtur verissimè adduci posse, Cur scilicet grauium & leuium corporum naturalis motus semper fiat velocior, quousque ad finem peruenerit. Nonnulli præterea addunt hanc quoque rationem tertiam: Inquiunt etenim, Cum natura omnis ab intelligentia dirigatur; nihil absurdum esse, si in operationibus naturalium agentium interdum perspiciamus aliqua rationis vestigia: hinc esse, (vt alia innumera omittam, quæ omnibus obuia sunt, in generatione animalium & plantarum, earumque operationibus atque accidentibus) quòd videmus aquam calefactam citius ab aëre frigido frīgescere & coagulari, quā frigidā: quoniam scilicet magis imprimit frigiditas in contrarium, quā in simile. Sic fiūt antiperistales, complurāque huius generis mira. Hæc ergo de causa euenire dicunt, quòd res grauis seu leuis quanto diutius mota fuerit secundum naturam, locoque natura sibi debito propinqua fuerit; tanto magis niti & premere, nulla tamen propterea addita qualitate aut pondere, sed eodem naturali pondere magis ac vehementius niti, quanto longiori spatio delata fuerit, & fini propinquior. Hanc causam neque improbandam neque adprobendam mihi sumo. Sed cum dux suprà expositæ optime mihi satisfacere videantur, ac sine ope intelligentiæ ac rationis cuiuspiam, ex accidentibus eorū motuum, causam adferre, satis mihi sint dux priores causæ. Postquam à nobis ferè omnia exposita ad motum rectum & simplicem elementorum, inuestigemus quónam sint elementa, ex quibus constituitur vniuersum, præter primum corpus æthereum, quod mouetur motu circulari sempiterno atque perpetuo. Plato in Timæo, mundum hunc corporeum quidem, maximè tamē pulchrum, inquit factum fuisse à primorū omnium opifice: quamobrem & tactu & oculis comprehensibilem esse effectum: nihil autē oculis percipi posse absque luce, neque tactui obsistere, & palpabile esse posse absque terra: ex terra ergo mundū constare & igne.

Nam lucem ab igne prodire, imò quādam ignis speciem esse putauit Plato. E  
 Duo ergo hæc corpora extrema sunt, ex quibus constat vniuersum. Verum  
 extrema indigent medio, quo veluti vinculo & nodo fiant vnum, & inuicē  
 coniungantur. Medium verò illud maximè est secundum naturam; quod et-  
 iam maximè vnum est cum vtroque extremo. Tale autem medium reper-  
 tur in proportionē geometrica. Nam in ea proportionē mediū alterutri ex-  
 tremorum collatum statim refert naturā alterius extremi; vt puta, duo, qua-  
 tuor, octo. nam octo ad quatuor duplam habet proportionē: item quatuor  
 ad duo, duplam. Contrā, duo ad quatuor collata: subduplā: quatuor item ad  
 octo, pari modo subduplū est. Huiusmodi ergo medio contraria seu extre-  
 ma maximè efficiuntur vnum. Ignis igitur & terræ mundi elemēta extrema F  
 huius rationis medio coniungi opus est; si mūdus maximè vnus effici debet.  
 Verū, vt à geometris demonstratur, inter duas superficies planas vnū tan-  
 tum mediū in hac geometrica proportionē inueniri potest: at in corporibus  
 solidis hoc fieri nequit, vnico medio corpore: quod ita se habeat ad extre-  
 ma corpora, quemadmodū supra diximus quatuor se habere ad duo atque  
 ad octo. Sed duo corpora oportet esse media, quibus extrema vniantur hac  
 proportionē geometrica. Hoc Euclides euidentissimè demonstrat. Igitur in  
 mundi cōstitutione ignis & terra si cōiungi optima ratione debeāt, duobus  
 indigēt corporibus mediis. Merito ergo ab optimo & sapientissimo rerum  
 opifice aēr & aqua collata fuerunt inter ignem & terram. Mundus igitur  
 summa ratione ex quatuor his elementis constat, igne, aère, aqua, & terra. G  
 Hæc Plato in Timæo. Nobis verò neque illud in præsentia discutiendū du-  
 cimur, an scilicet lux absque igne esse queat: nihilque tactu percipi sine ter-  
 ra. Itēque an corpus æthereum cœlorum inquam sit igneum, vt sensisse e-  
 tiam hoc in loco videtur Plato. Id tantum dicemus, hanc Platonis rationem  
 de mediis elementis inter ignem & terram, non esse sumptam ex principiis  
 propriis: quæ per se conueniant corporibus naturalibus; sed sumptam fuisse  
 à qualitatibus mathematicis. Itaque de genere in genus aliud processisse vi-  
 detur Plato. Cæterum quoniam consimili argumentationis genere videtur  
 Aristoteli. vsus fuisse in primo de cœlo in ostēdendis generibus motuum sim-  
 plicium: Rationē etenim sumit à figuris geometricis, vt superius adnotaui-  
 mus. Quoniam tamen ea ratione sequebatur id, quod sensu cōspicimus, ve-  
 rum esse: duos scilicet esse motus simplicium corporū & simplices, rectum H  
 inquam & circularem: sic etiam concedamus Platoni rationem sumptam à  
 geometris de duobus elementis mediis: quandoquidē constat sensūque de-  
 prehenditur, duo esse elementa media inter ignem & terram, aërem scilicet  
 atque aquam. Nos verò in ostēdendo elementorum numero vtimur ratio-  
 ne Physica, sumpta à natura motus recti: Duo sunt genera motus recti; ad  
 medium videlicet alter, & alter à medio. Nam sphærica figura duos hosce  
 veluti terminos habet, centrum inquam & circumferentiam. Corpus ergo  
 vnum est simplex, quod etiam appellamus elementū, quod ad medium fer-  
 tur, alterum à medio ad circumferentiam tendit. Prius omnino & simpli-  
 citer

- A** cter graue est; posterius omnino & simpliciter leue, terra scilicet & ignis. Verum quoriam natura; quantum fieri potuit, conata est etiam in diuersis & contrariis generibus referre vnitatem; miroque artificio omnia ita inuicem colligauit, vt postremum superioris generis maximè propinquum sit supremo generis inferioris: vt hac ratione vniuersa entia indiuisa inter se quodammodo essent, & vnā speciem vniuersi facerent. Necessè ergo fuit ad mundi vnus constitutionem, vt hæc duo extrema elementa, graue inquam simpliciter, & leue simpliciter medio quodam vincerentur. huiusmodi verò medium vnum tantum esse non potuit. Nam locus vnus corporis medij; qui ei natura deberetur, nimirum medius esset inter centrum & circumferentiam æque inter ea extrema medius. Hoc ergo medium corpus absolute dici non posset, quod natura tenderet ad medium, neque natura recederet à medio: sed vterque horum motuum pari & æqua ratione ei corpori conueniret, & ab eodem negari posset. Nam cum natura moueretur ad locum hunc medium æquo distantem interuallo ab illorum vtroque, circumferentia scilicet & centro; vtique locus ille non magis pertineret ad mediū, quàm ad circumferentiam attineret. Motus ergo huius corporis simplicis recti ad neutram speciem motus recti referri posset; ac propterea verè ac propriè motus rectus nequiret esse. Omnis nanque motus rectus vel est ad medium vel à medio: neque dici posset absolute aut graue aut leue. Quamobrem efficitur, si recti motus naturam seruare vulerimus in quolibet simplici corpore recto; vt vnum tantum medium esse nequeat inter ignem & terram.
- C** Erunt ergo duo media, quorum vtrunque graue est & leue: vtrunque & à medio, & ad medium mouetur: absolute tamen alterum eorum leue est, & secundum quid graue: Item absolute mouetur à medio, & secundum quid ad medium tendit. Alterum verò absolute est graue, & secundum quid leue: Item absolute mouetur ad medium, & secundum quid mouetur à medio: quod in vno tantum medio inter extrema dici non potest; vt modò ostendimus. Duo igitur necesse est esse media elementa; si natura definitione motus simplicis recti est accommodanda mediis elementis. Quantum verò elementum inter quatuor hæc medium esse nequit eadem de causa, qua vnum tantum tertium diximus esse non posse. Nam quinto huic medio motus rectus nullus accommodari posset, neque absolute graue esset, neque absolute leue; si grauitas & leuitatis in eo essent pares. Plura verò quàm quinque si quis fingere vellet: iam sensu ipso conuinceretur longè falli, & tota (vt aiunt) errare via. Quatuor igitur elementa hunc vniuersum componunt: Ignis, Aer, Aqua, & Terra: ex quibus sigillatim nonnulla percurreremus infra. Attamen primo huic volumini modum statuemus, si superius constitutis de motu grauium & leuium addiderimus id, quod Aristot. dicit in quarto libro de cælo: Terræ scilicet, quoniam omnino grauis est, nullibi leuitatem conuenire: Ignem verò, quoniam levis est, nullibi grauem esse: Aeris verò & Aquæ elementis mediis vtrunque accommodari: nam alicubi graues sunt, alicubi leues. Aqua etenim in ignis loco & aeris, grauis est: in ter-

ræ, levis Aër in terra, & aqua levis, in igne grauis. Præterea tum aqua, tum E  
 aër in propriis naturalibusq; locis alio quodâ modo sunt & graues & leues:  
 magis tamen vterque grauis, quàm levis: quod quâuis vtriq; conueniat ma-  
 gis tamē conuenit aquæ, quàm aëri: sunt in quâ graues & leues in locis pro-  
 priis alia quadâ ratione, quàm extra locos proprios. Nam extra proprios lo-  
 cos tum aqua tum aër cōstituti violenter quiescunt, & ab eis recedere nitū-  
 tur, ad naturalēq; locos tendere. At in locis propriis eorū vtrumque corporum  
 secundum naturā quiescit, indēque moueri non appetit. Verū si im-  
 pellantur tam aqua quàm aër in propriis cōstituti locis, suo nixu mouen-  
 tur quoque uersus in latus scilicet, sursumque & deorsum: facilius tamen &  
 pronius deorsum feruntur, quàm sursum. Ideo hac ratione in locis propriis F  
 & graues sunt & leues, magis tamen graues quàm leues. Quod si etiam par-  
 tem aquæ seu terræ summoueris contingentem corpus æreum, aër facile in  
 eum locum descendit: facilius adhuc & pronius descendit aqua, si terra sub-  
 tracta fuerit. Contrā si aër superior aquam pertingens recesserit sublatūque  
 fuerit, difficilē magnāque vi aqua sursum euehitur. Parem rationem credi-  
 bile est, si ignis aëre superior ipsūque tāgens remoueretur, futuram in æ-  
 ris ascensū, licet minore fortasse vi aër in locum ignis succederet, quàm aqua  
 in locum aëris. Sicuti econtra aqua procliuior est ad descendendum quàm  
 aër. Huiusce rei Auerois præclarissimus auctor duas causas adfert. Cum  
 mixta omnia generentur in mundi imo: ex elementis verò mixta constituā-  
 tur; recte à natura factum esse in elementis, quæ non sunt omnino leuia, sed G  
 aliquam grauitatem habent, vt proniora sint ad descendendum ad locum  
 medium, quàm ad recedendum ab eodem loco medio. Hæc ratio sumitur  
 à causa ea, quæ finis est. Aliam præterea addit, inquitque: humiditatem ma-  
 gis affinem esse grauitati quàm leuitati. Res nāque omnes factas humidio-  
 res, pariter fieri grauiiores. Cum ergo tum aër, tum aqua humidissima sint  
 corpora; hinc esse quòd proniora sunt ad grauitatis nixum, quàm ad eum,  
 qui est leuitatis. Præter hanc, quā attulimus rationem, quòd elementa qua-  
 tuor sint, ignis scilicet, aër, aqua, & terra, Aristot. in primo Meteororum a-  
 liam adducit sumptam ab analogia, & proportionē, quæ inter elementa esse  
 debet quo ad materiam. Nam elementa contraria sunt: quamobrem si eorū  
 quodpiam fuerit maius iusto, nimirum actione & vi sua corrumpet &  
 destruet elementa ipsi contraria: ideo eam oportet esse inter ea corpora a-  
 nalogiam, vt aqua sit in omnibus materiæ portio; quamuis rarioribus den-  
 sioribusve dimensionibus, vel compacta in vnum, vel expansa & resoluta,  
 prout cuiusque eorum natura exigit. Quo fieri vt præter aquam & terram  
 sensibus manifesta, id quod reliquum est spatium infra cælum vno tantum  
 corpore plenum esse non possit; sed duo sint oportet. Planius ac diffusius  
 quisque hæc legere poterit apud Aristot. in Meteor. Quamobrem nobis sa-  
 tis sit hanc postremam innuisse rationem. Quæ verò de singulis elementis  
 dicenda sunt, in sequens volumen differantur. H



# DE ELEMENTIS

## LIBER SECVNDVS.

- A **Q**UAM ita natura comparatum, sit ac certissima ratio nobis persua-deat, vnumquodque, quod ab aliqua causa in lucem pro-dit, quātum fieri potest pro natura suā captū, referre imaginem ac speciem illius causæ, à qua effectum fuerit: mundūque hic vniuersus esse & naturam quam habet, acceperit, semperque accipiat à primo terū principio, quod maxime omnium vnum esse est demonstratum in prima philosophia: idcirco maxime quoque vnus est mundus. Quamuisque multa & innumera ferè intra se contineat, ea tamen ita inuicem cōiuncta sunt, ac superioribus ea, quæ
- B deinceps sunt, adeo coherrent, vt quiuis, qui aciem mentis paulum intenderit, perspiciat, facileque deprehendat auctoris vnitatem mira hac pattium coniunctione luculentissime vniuersum prō sui natura referre, ac mirificè æmulari. Ideo cum post corpus æthereum diuinū, & immortale primo loco collocatus sit ignis (vt in priori libro ostendimus) maxime elementorum omnium, quātum mortalis natura imitari potuit immortalem, propinquus est ignis cœlesti & æthereo corpori. Nam & naturali motu ignis ad cœlum tendit, tanquam ad proprium locum, naturaque sibi debitum; à quo præcipue foueatur & conseruetur. obtinet etiam qualitatem & virtutem degenerantem quidem ab ætheris qualitate, & diuino eo repōre æthereo; ei tamen propinquam; caliditatem. s. summam, quam etiam calor ille æthereus
- C ac lumen cœleste generat, si fuerit paulò intensius. Caliditas hæc ignea qualitas omnium primarum maxime actiua est: hac item mater rerum omnium natura vtitur, vt præcipuo instrumento in generatione & cōseruatione mixtorum omnium; eorum præcipue, quæ animata sunt, aliisque perfectiora: de qua infra plurima dicenda supersunt; quæ hoc in loco omittimus. Ignis item purus hic & elemētaris, maximam inter res mortales omnes obtinet raritatem; & propterea minimum materiei habet; vtpote qui præcipue accedat ad naturam formæ; ac veluti absolutus sit à crassitie materiæ: suapte etiam natura, non aliunde lucet, lumenque naturale habet non aliunde mutuum: quamuis non adeo magnum, vt aliis quoque rebus corporibusque propinquis valeat lumen impartiri; si in propria naturalique raritate persi-



terit. Verùm cum primum fuerit adscitus ad materiam densiorem, quæ tamen non sit omnino opaca, sed lumini peruia, confestim lumen emittit. Calore igitur & lumine ac raritate substantiæ, proindeque paucitate materiæ, formæque præstantiæ, actionis quoque vi, ad generationem mixtorum omnium proculdubio ignis summopere æmulatur præstantiam cælestis corporis. Ideoque quemadmodum vniuersa hæc elementorum sphaera se habet veluti quædam materiæ massa & moles, quam corpus cæleste effingit & formæ ita cætera tria elementa, si igni comparentur, habent se tanquam materia: ignis verò forma eorum est & figulus, qui ex illis mixta omnia efficiat. Verùm hæc à nobis inferius aptiori loco diffusius differentur, cum de mixtione elementorum verba faciemus. Præterea ignis magnitudine sua, qua in immensum diffunditur, imitatur corpora cælestia. Nam cum elemēta proportionem hanc inter se habeant, vt æqua sit materia omnium, eamque proportionem habeat elementum vniuersum ignis ad terræ elementum, quam habet ad certam quandam glebam terræ ignis ille, qui ex ea generari potest, nimirum omnibus perspicuum est, vel ex minima ligni parte, quod terra longè est rarius, tam magnam ignis copiam generari, vt si perdurare tota ea vis ignis posset, simulque cōspici, incredibilis quædam moles diffusa esse videretur; quæ ex pusillo ligni stipite prodiiisset. Hæc ergo ratione perspicuum esse reor, sphaeram ignis eximiæ magnitudinis esse. Præterea ex astrologorum rationibus qui metiuntur quantum luna à nobis distet, quæ infima omnium syderum est, facile cuius compertum erit sphaeram ignis maximam esse oportere. Amplius ex cœli motu & vertigine idem proculdubio persuaderi potest. Nam motus disgregatione calorem facit, ac nimium calefaciendo, ignem: vt sensus testatur. Cum igitur cœli vertigo ferè pertingat etiā ad vniuersum aërem, qui est supra altissimos montes constitutus; nulli vti que dubium esse debet, quin maxima pars illius totius corporis circumacti motu rapidissimo disgregata accendatur, & ignis fiat, seu in natura ignis cōseruetur. Elementum ergo ignis longè superat magnitudine alia elementa omnia: ideoque hac quoque ratione naturam cælestis corporis imitatur. Ad hæc ignis elementum particeps quodammodo est motus circularis, qui proprius cælorum est. De quo paulo latius est à nobis differendum. Sphaera ignis vniuersa circumagitur, motusque in circulum semper vertitur: huius motus tamen causa non est à natura, formæque huius elemēti: neque hic motus verè circularis est & simplex, vt aliquibus videri potest. Nam vnus corporis simplicis vnus tantum motus simplex naturalis est: ignis corpus esse simplex constat, naturæque ferri à medio sursum versus: non ergo potest motu circulari moueri secundum naturam: neque etiam motu circulari simplici potest violenter moueri. Nam motus violentus est naturali contrarius, motui autem circulari nullus motus simplex contrarius esse potest. Vni etenim vnum tantum cōtrarium est: at motui naturali, qui est à medio sursum versus, quem diximus natura conuenire igni, contrarius est motus simplex rectus, qui est ad medium. Motus igitur circularis simplex neque secundum natu-



- A ram neque contra naturā igni alterive corpori simplici attribui potest, præterquam corpori cœlesti: cuius naturalis est motus. Igitur motus, quo circū-agitur elementum ignis, non est motus simplex, neque proprio nomine atque appellatione circularis appellari potest: sed vertiginis motus est quidā & circularis seu circumactionis, compositus ex pulsu & tractu: quo fit ut eo motu tota ignis sphaera non moueatur vniformi, eadēque velocitate & passu; sed quædam ignei elementi partes velocius, nonnullæ lentius vertiginem illam consequantur: aliæ inuicē impingantur & conglobentur, contrā aliæ dissoluantur. Quamuis autem minimè concedamus motum hunc non simplicem, quo ignis circumagitur, esse naturalem igni; quia corpus simplex natura motu simplici mouetur, non autem motu composito: non tamen motus is violentus est. Nihil etenim violentum potest perpetuò perseuerare: perpetua tamen vertigine elementum ignis circumagitur: erit igitur motus hic igni neque contra naturam eius, neque secundum naturam; sed ut ita dicam est præter naturam, nec non etiam præter violentiam. Causa verò efficiens huiusce motus, nulli dubium quin sit corpus cœleste circulariter motum. Quo pacto autem cælum mouere queat ignis sphaeram, cum simplicissimo circulari motu moueatur, neque vnquam magis vergat in quampiam partem, quàm in aliam: itémque habeat superficiem concuam læuissimam; in qua nulla est ruga; nihil est quod emineat, aut intrò recedat; dubitare aliquis merito posset. Verùm si rectè attendamus ea,
- C quæ loco naturali conueniunt, non difficile erit nobis hanc quæstionem dissoluere. Locus naturalis cum contineat locatum, se habet ad corpus contentum, ut forma ad materiam, seu ut totum ad partem. Mirum ergo nulli esse debet, si nulla vi ex connexionem tamen, quæ est inter ignem & cœli concuum, locum inquam naturalem ignis: cælum in gyrum moueat igneum corpus sibi proximum. Ab extrinseco igitur principio est hic motus, à cœlo inquam: quod secum ducit ignem coniunctum. Possemus huic non ægrè addere aliam causam, qualitatem scilicet cœlestem illam, qua omnia elementa fouentur, & mixta corpora generantur: quæ cum è cœlo fluat continenter, ab eoque conseruetur; ut in lumine conspicimus: nimirum incredibile nequaquam est, si circumactio cœlo, ac
- D propterea circumacta qualitate hac, ab ea ignis moueatur in gyrum. Nam in motu quoque aquei elementi & maris oceani, ut infrà docebimus; nulla alia causa afferri potest, præter huiusmodi qualitatem: cuius vi omnia elementa imitantur motum cœli circularem, præter naturam tamen cuiusque eorum, nec minus præter violentiam vllam: terram excipio, & eam elementorum portionem, quæ continetur intra terræ recessus. Nam terra, tum quoniam gerit vicem centri, quod in motu sphaeræ est immobile; tum etiam suo pondere & constipatione, motui cuius inepta est, si in proprio naturalique loco constiterit: sola ergo non adficitur terra cœlorum motu; cum illis, quæ intra eius recessus continentur, & intercipiuntur, ab eius partibus eminentissimis, summis scilicet montibus. Motu hoc circulari difformi &

inæquali sphaera ignis circumacta necesse est interdum partes eius cōglobari & constipari: quod cum accidit, confestim splendorē emittunt & illustres fiunt, quod prius pro summa ignei corporis raritate facere non poterant; sicque imitantur speciem flammæ. Verum cum corpus igneum natura tendat in suam raritatem, calorque cōstipatus resoluat & rarefaciat; rursus dissolvitur partes illæ, & flammæ species evanescit. Quinetiam motus & vertigo cœli, cuius vi constipatae sunt, eas demū eadem vi dissolvit & rarefacit: accidit interdum tamē ut exhalatio sicca à terra resoluta, cum ad regionem ignis ascenderit, sphaeræ motu inflammetur, ignisque ab eius extremo ad finem vsque breui percutrat, hocque modo fiunt stellæ currētes. Exprimitur etiam quandoque ex constipatione superioris aëris, seu vaporis frigidi exhalatio ea arida terram versus, quæ motu accēsa speciem stellæ cadentis nobis refert. Verum cum in sphaera ignis facta fuerit ea constipatio partium (ut oratio redeat vnde digressa est) quæ tam magna multaque sit, ut nō facile dissolvatur: exhalatioque item à terra resoluta fomentū illi præstet: tunc fit cometa, cæteraque illius generis. Cometæ duæ sunt species. Altera eorum quæ consistunt in parte huius elemēti ignei, de quo agimus, inferiori. hi cometæ per se apparent nulli errantium fixarūve stellarum coniuncti, ac quamvis circulari motu moveantur, deficiunt tamen à motu cœli, semperque retrocedere videntur. Imò observavi ego proximis annis huius generis cometā, qui quovis vesperi videbarur magis accessisse ad polum septentrionem versus. Cuius rei causa in prōptu est (ut reor ego). Nam verisimile est cum ignis sphaera circumagatur à cœli vertigine, difformi tamen motu, inferiorē eius partem tardius moveri quàm superiorē. Neque etiam mirū est, si à vertigine maxima æquinoctialis circuli, cœlique mediij propellantur eius partes septentrionem versus, vbi vertigo est minor. Altera autē cometarum species fit, si cōstipatio partium ignis illa, quā diximus, facta fuerit in superiori parte elementi ignei, cœlōque propinquiōri, vbi cōmodē lumen cuiuspiā stellæ fixæ errātisue in ea veluti in speculo; quod figuram quidem non referat, sed solum lumen, reflectatur: qua flexione luminis radius in seipsum redeat, ac visibilis fiat. tunc etenim videtur stellæ erranti seu mobili addita cauda, siue crinis adiunctus: quomodo fiunt cometæ alterius ordinis; consequiturque cometa motum stellæ, aut adeo parum deficit, ut sensu, nisi post certum temporis spatium deprehendi non queat. Huiusce rei ratio illa est, quoniā constipata ea pars ignea sita est in suprema regione ignei elementi, quæ cœlo propinqua omnes alias cognatas partes celeritate superat. Potest attamen interdum accidere, ut priori destituta & resoluta, alia pars stellā versus constipetur, sicque nobis eandem speciem referat: quamvis alia, non autem eadem verē existat. Eiusdem modi existimavit Aristot. esse viam lacteam: sed quoniam eius viæ species perpetua est, & inmutabilis, posteriores Peripatetici & complures eo in loco præceptorem minimē sequuti sunt. Mirum namque & incredibile visum est eis consistentiam corporis ignei in via illa semper eodem modo perseverare, neque in parte vlla unquam immutari.

Ideo

- A Ideo hi omnes in eam sententiam deducti sunt, vt putarent viam lacteam accides quoddam esse corporis ætherei ob multitudinem innumeram stellarum ibidem existentium; quæ adeo sunt minutæ, vt earum corpora à nobis sigillatim perspicere nequeant: simul tamen conspiciantur confusa omnia earum lumina, quæ nobis referunt candorem illum, fortasse etiam dẽsiores ibi partes sunt cœli, in quibus lumen earum stellarum refractum fulgeat, vt in lunam à sole deductum lumen. Præterea ipsæ quoque cœli partes densiores, suapte natura splendidiore sunt, ideoque non tantum fulgent alieno lumine, verum etiam per se splendent. Sed de his satis, ne egrediamur institutum à nobis opus de elementis. His quæ hæcenus diximus de ignis elemento si hoc vnum additum fuerit, satis hoc loco dictum fuisse de igne, vt elementum est vniuersum constituens, videri poterit. Simplex scilicet & purum huius elementi corpus inueniri tantum iuxta orbis æthereos. Nam quæ parte ærẽm attingit, in dubium verti non debet, quin ignis impurus sit. sicuti etiam cætera omnia elementa apud nos impura sunt, vt infra dicemus: nisi fortasse ea pars terræ sit pura, quæ iuxta centrum sita in se compacta vim actionemque aliorum elementorum non admittit. Effacaci ratione cuius facile hoc persuaderi potest. Nam cum elementa vicissim aduersa & contraria sint, naturaque contrarium omne agat in rem contrariam, quæ non magis ab eo distat, quam vt eò vis eius possit pertingere: vtique ær, qui maxime humidus est, proculdubio sui humiditate afficiet proximum ignem; qui propterea grauior factus ad frigidiorẽ locum descendens magis ac magis grauiscens cum grauioribus æris partibus cum vapore mixtis in centrum hoc delatus mixtarum rerum generationem facit. Is namque, qui apud nos est ignis, omnis impurus existit, alienæque materiæ immixtus, siue fumus accensus flammam effecerit, aut carbo huiusmodique alia incensa fuerint. Sed inferius longè plura de his. Hoc ergo elementum igneum impurum est quæ pertinet ad ærẽ: contra verò quæ corpus cœlestes attingit, verisimile est purum simplexque esse. Nam ibi nihil contrarium est igni, quod ipsum afficere queat: imò in loco naturali est situs, & eo, qui maxime aptus sit fouere igneum corpus, tum lumine & qualitate à se dimissa, tempore inquam æthereo, tum motu celerrimo & vertigine rapidissima.
- D Quod si quæris, an partes illæ ignis puræ perpetuò immortales perseuerent: aut si mortales sint, quonam pacto corrumpantur, cum nullum ibi contrarium existat, à quo corrumpi queant. Respondemus, quod verigo illa, qua circumducitur ignis, difformis est: ac propterea partes ignis fluctuant, ex quo fiat vt deorsum pellantur partes ignis illæ etiam, quæ corpus æthereum contingunt, quæ tandem trudentur ærẽm versus: à quo affectæ descendant, deorsumque ad terram ferantur: sicque corrumpantur & intereant. Hæc de ignis elemento, prout vniuersum constituit, satis sint dicta. Post corpus igneum æris elementum nobis occurrit: quod suprà diximus non omnino leue esse, sed secundum quid graue. Nam ær in ignis sphaera descendit: in proprio etiam naturalique loco si impellatur,

pronius deorsum fertur, quàm sursum. Elementum hoc aëris positum **E**  
 situmque est inter ignem, aquam, & terram, nulla sui parte (vt reor ego)  
 simplex & purum, sed vel aliena qualitate affectum, vel alienis corpori-  
 bus immixtum. Regio namque ea aëris, quæ igni proxima est, ab igne sem-  
 per afficitur, vicissimque ignem afficit, vt supra diximus; quamobrem sic-  
 cior est iusto. itémque à cœli vertigine disgregata, etiam fortasse iusto est  
 rarior. At pars ea aëris, quæ terram & aquam contingit, à frigidissimis ele-  
 mentis præter naturam afficitur eximia frigiditate, adeo vt frigidissima esse  
 sentiat: vbi radij solis incipiunt in immensum diffundi, nec sic in vnum  
 coguntur, vt calorem efficiant. Præterea cum sydetum omnium solisque  
 radij cogantur & coeant in centro, reflectanturque à terræ spissitudine, **F**  
 rificè efficiunt aërem. Item cum vi radiorum & teporis cœlestis, tum ex  
 terra perpetuò resoluatur exhalatio quædam arida, tum ex aqua & terræ  
 locis vliginosis & palustribus aqueus vapor, qui serè est aqua, vicissimque  
 mixta hæc in aëtem diffundantur; proculdubio continenter & ex omni  
 parte aliena hæc corpora immixta sunt aëri. Quamobrem reor ego his ra-  
 tionibus satis efficaciter ostensum esse vniuersum impurum esse, ac for-  
 tasse nullam eius partem superesse, quæ non sit alienis corporibus immix-  
 ta, aut aliena qualitate affecta. Idem sensus testatur: nam & ea quæ in  
 aëre apparent, vt iris, area, virgæ; & ea, quæ descendunt in terras, grandi-  
 nes inquam, pruinæ, pluuiæ, rores, ventorum quoque impetus, nubes, to-  
 nitrua, fulmina, currentes stelle sereno cœlo, certissima argumenta sunt ma- **G**  
 gnæ alienorum corporum copiarum aëri immixtorum. simplicem verò aërem  
 si ratione & mente dispiciamus (quandoquidem sensibus simplex offerri  
 non potest) corpus quoddam calidum erit, præcipueque humidum, igne  
 densius, sed longè rarius aqua & etiam vapore aqueo: quod neque ita ef-  
 ficax est in agendo, sicut ignis. humiditate etenim calor obtunditur: neque  
 ita obuium passioni, vt ignis; vtpote quod magis contumax de materia,  
 & crassius sit quàm ignis. Hoc è duobus medijs elementis prius est; quo  
 ignis aquæ & terræ coniungitur. Nam calidum est, ac propterea igni  
 cognatum: item humidum est, ac ideo cum aqua conuenit: necnon cum  
 terra etiam quandam habet affinitatem, quamuis terra arida sit, & aër  
 humidus; quoniam humiditas magis est affinis frigiditati, quàm calori, **H**  
 quem hebetat: quæ de re ob humiditatem aër quodammodo conuenit  
 cum terra, quæ est frigida. Huiusce corporis accidentia, quæ quotidie fe-  
 rè sese nobis offerunt, paucis perstringemus. Horum quædam visuntur  
 tantum & apparent, nulli verò in aëre constant. Nonnulla autem verè in  
 aëre consistunt, ac in eo efficiuntur. Prioris generis sunt Iris, area, soles  
 gemini, ac terni interdum, virgæque. Omnium horum vna quædam ge-  
 nere est causa, reflexio inquam radiorum solis ac interdum lunæ, itém-  
 que aliorum syderum insigniorum, rarius tamen. Nam cum circa lu-  
 nam ac nonnunquam circa solem; quamuis id rarò de sole contingat, con-  
 stiterit caliginosus aër exhalationi vaporique immixtus, adeoque ex mi-  
 nutis

- A nutis corporibus compactus, vt eorum singula efficiantur veluti specula; quæ colorem tantum syderis referant, circa quod sunt; figuram verò nequeant referre ob exiguitatem: tunc circa id sydus area conspicitur: cuius figuræ ratio in Meteoris ab Aristotele ex propositionibus mathematicis est explicata. Quòd si quando ita fuerit compactus aër exhalatiõe, vt interius valde opaca sit, exterius verò diaphana & læuis, adeoque simul coacta, vt non plura specula efficiantur, sed vnum tantum: nimirum speculum illud & colorem & figuram syderis refert. ea propter inspiciuntur quandoque plures soles, gemini inquam, terniue: quod sæpenumero habitum fuisse in prodigiis historici referunt. Nubes
- B verò plena rore post imbrem plerunque soli obiecta irim facit in semicirculi speciem, figuræ ratio ex geometricis propositionibus fusè ostenditur, vt ab Aristotele in Meteoris. Virgæ sunt veluti imperfectæ Irides. Hæc, atque huius generis, si qua alia sunt, speciem tantum quamdam oculis obiciunt: nullibi tamen consistunt. Ea verò, quæ præterquam quòd nobis apparent, constant etiam in superiori quidem aëris parte, sunt stellæ currentes: quæ tunc fiunt, cum exhalatio sicca vstioni apta eò peruenit, & à vertigine incenditur. interdum quoque hæ currentes stellæ fiunt in parte aëris inferiore; cum exhalatio arida inclusa vaporì frigido in inferiorem locum exprimitur, ob id quòd vapor in superiori sui parte constingitur, sicque infra se exprimit exhalationem quam continet. expressa hæc, si vehementiori motu feratur, ignem concipit, stellæque cadentis speciem refert. At nubes densa valdeque opaca posita secus lucidiorem nubem lumini peruiam, imaginem quandam nobis refert hiatus & specus. Nam vt ostendunt perspectiui, quanto quæque res longius sita est, tanto magis nigricat & ad opacitatem tendit. Etenim, cum visus deficere incipit, cuiusque rei color videtur vergere ad opacitatem & tenebras. Quo fit vt vicissim contrà rem commear visus ac imaginatio iudicet: vt scilicet res, quarum species nigrior sit, longius sitæ sint, interiùsque recedant. Quod pictores imitati ludificant oculos spectantium, hoc in picturis artificio videntes, à perspectiui mutuo. Hiatus ergo ac foveæ, quamuis non sunt in aëre, vt visus esse putat: esse tamen videntur, propter eam quam diximus causam. constat tamen in aëre nubes illa opaca, quæ speciem hiatus refert. Itaque stellæ currentes & hiatus hi, quamuis consistant in aëre; attamen maximè cognata sunt his, quæ suprà diximus apparere tantum, & non consistere: quoniam non secundum eam speciem consistunt, quam referunt. Ea verò quæ verè consistunt in aëre; neque oculos deludunt, sunt nubes, pluuia, grandines, rores, nix, pruina, fulmina, ventorum impetus, nonnullaque alia huiusce generis: horum omnium causa est exhalatio duplex: altera sicca, altera humida: prior à terra, posterior ab aqua, aqueisque locis resoluitur. vi solis & syderum: quæ quamuis semper mixta inuicem sint;
- C ij

nihilominus absolutè trahuntur ad genus illud, quod in eis magis fuerat abundans. Vapor cum in superiorem aëris partem peruenerit, interdū destitutus ab eo calore, à quo sursum tractus, & vi fuerat rarefactus, iterū sensim concrefcit descenditque minutissimis guttulis coactus in rorem. Interdum verò ab aëris frigiditate cogitur primò in nubē, deinde in aquam, coactisque inuicem minimis guttulis iam maiores factę deferuntur interram, pluuiamque efficiunt. Quòd si fuerit adeo frigidas in vnum coacta ex calore aëris circumstante, vt antequam aqua deorsum cadat, in glaciē concrefcant, grandines fiunt. Sin verò ex nimia aëris frigiditate non in vnum coacta locum tantum, sed vbique per aërem sparsa, siccitatēque frigori adiuncta vapor antequam cogatur in aquam, inspissetur & concrefcant, fiunt niues & pruina: quæ inter se eam habent proportionem, quam rores ad pluuias: vt scilicet pruina rori, nix pluuiæ respondeat. In aëre hæc solent effici à vapore, qui semper vi solis & syderū à terra aquaque resoluitur: rursusque immutatus in ea, quæ dicta sunt, defertur in terram & aquam. Quam vaporis circuitionem Homerus (si Aristoteli credimus) expressit fluuiio illo Oceano, quem posuit terram circumfluere. Exhalatio verò sicca è terra resoluta cum occurrerit vaporibus exhalationibusque frigefactis, quę deorsum ad terram sensim semper feruntur, eis immixta, cum neque ab illis deprimi queat deorsum, neque attollere sursum versus eas possit, vi percita ex insito sibi cōtrario nixu in transuersum fertur. Inde euenit, vt maximus fiat ventorum impetus: cum magna extiterit in aëre exhalationis vaporūque, quos diximus, copia. At lenes autem excitantur, cum minor huiusce generis rerū vis copiaque in aëre fuerit. Item si nubibus vaporibusque inclusa fuerit exhalatio hæc arida, & vi coactis supernè nubibus detrusa fuerit terram versus, Ecnephiæ fiunt, venti in quā flantes è nubibus, & procellæ. Sin autem nõ satis in vnum coacta, sed dispersa per nubes eruperit; accenditur, atque efficit fulgura & tonitrua. At in vnum constipata, vaporique frigido implicita, magna que vi explosa fit fulmen: cuius non vnum tantum genus est, vt in Meteoris ostensum est. Nobis hæc recensuisse sufficiat in enumeratione accidentium aëris, quatenus elementum quoddam est vniuersum constituens. Infi autem verò cum de mixtione elementorum differemus, longè subtilius inuestigabimus causas accidētium horum omnium. Sequitur aër aqua: de qua paucis ea quodque dicenda sunt à nobis, quæ faciunt ad hanc tractationem. Aqua elementum infra aërem positum versus licet nonnulla habeat leuitatem, quia terra superstat; absolutè tamen est grauis; ea propè ratione, qua supra diximus aërem absolutè leuem esse: sed vt reor ego, etiam magis aqua grauis est, quàm aër leuis: quoniam aër in propria sphaera grauitatem illam habet, de qua supra meminimus; ex qua nonnihil demitur de eius leuitate. Aqua verò maiorem habet in propria sphaera eam grauitatem quàm aër: quæ sicuti officit leuitati aëris, ita videtur addere ad grauitatem aquæ. Quamobrem iure vnusquisque pronunciare potest; aquam esse magis grauem, quàm aër sit leuis. Item aqua natura frigidissima est; & maxi-

- A maxime huiusmodi. Verū ratio cuius facili perſuadet nullibi inueniri aquā purā, ſeu neque aëre purū. Nam ab aëre ſemper aqua afficitur, magiſq; & adhuc magis a terra, cui implicata eſt, & veluti in globū compacta. Exhalationes item vi ſyderū ē terra reſoluta, aquę immiſcentur: adhuc pluuię, vti rores, huiusmodiq; generis cetera, quę ab aëre in mare decidunt, proculdubio aquā inſiciunt, ac (vt ita dicā) impurant. His ego ducor, vt reat aquā purā nullibi locorū eſſe rationi ſenſus cōſonat. Etenim aquā omnē ſapore quodam affectā eſſe guſtu deprehēdimus; at ſapor omnis admixtione quadā terreſtris partis cum humido aqueo efficitur, vt infra docebimus. Maria omnia falſa eſſe quis ambigat? Lacus quidē, itemque fontes & ſalſi & amari ē terra ſcatēt. Nonnulli ſaporē aluminis, alij bituminis referunt. Dulces quoque aquę, quamuis intenſiorē ſaporem non habent vllum, occultum tamen ipſę quoque proculdubio ſaporē grarūque habēt. Ex his facili ſibi quiſq; perſuadere poteſt, aquam omnē impuram eſſe; ac nuſquam locorū fortaiſe aquam puram inueniri, niſi fortē quiſpiam velit minimas quaſdam aquę purę particulas, ac per ſe inſenſibiles immixtas eſſe mari, lacubus ac fluminibus: cui neque pertinaciter repugnare volumus, neque leuiter aſſentiri. Sint autē eſſe poſſint: dum modo minimę ſint & inſenſibiles exiſtant. Aquę elementum verum, cuiuſque locum proprium Plato voluit tartarus tamen ipſe viſcere terra ſitum; a quo veluti aquarum omnium fonte & maria, & lacus, fontēſque veloti per fiſtulas quaſdam erumpant. Ægyptij Chaldaique forſitan idem ſenſere, adeo vt nonnulli Moſi etiam hanc ſententiam abſcribat; cum in Geneſi diluuium factum temporibus Noë deſcribens, mentionem facit de magna abyſſo. Contrā Ariſtoteles ſenſit maria eſſe aqueum elementum, ibidemque exiſtere aquę locum natura debitum. fontiumque origines & fluminum in aliam cauſam refert: cui ratio & ſenſus magis adſtipulatur. Nam ſi locus aquę naturalis eſſet tartarus intra viſcera terrę locus, ſeu potius iuxta centrum ſitus: nimirum ſecundum naturam aqua eſſet grauior terra; quoniam locus aquę naturalis eſt infra terram iuxta centrum ſitus, Non tamen diſſidendum eſt intra terram hanc, quam colimus, eſſe maximas ſpecus aqua & aëre plenas: cuius rei certiſſimum argumentū ſunt terrę motus, qui quandoque totas prouincias ſimul cum altiſſimis montibus quatunt: vnde & terras ſubſidere, ac mergi inſulas, alias emergere & naſci ē mari viſum ſit. Quemadmodum igitur negamus tartarum illum Platonis; ſic cōcedimus intra terram eſſe aquarum copiam magnam in ſpecubus ingentibus contentam: ſub quibus deinde terra in ſe ſtipata ad cētrum vſque: in quo natura terra quieſcit. Pręterea terrę, quam incolimus, magna aquę copia eſt immixta: ex qua ſit vt terra plantis omnibus & animalibus quibuſcunque pabulum, nutrimentūque præbeat. Si etiam terram foderis, niſi ſolum admodum ſit aridum ac ſterile; continuō in foueam, quam feceris, conſequent aquę, quę prius terrę immixtę quieſcebāt, deinde in inferiorem locum deſcunt. Quinimō nonnullis in locis quantamcunque aquę copiam ē puteo, quem foderis, exhaurias, confeſtim tantundem



è terra circumfluens aquæ copiam refarcit. Necnon aëri terræ proximo magna vis aquæ est immixta: utpote qui plenus est vaporibus. Vapor autè nihil aliud est, quàm aquæ disgregatio, seu potius aqua rarefacta. Quapropter, ut suprà adnotauimus, Homerus cecinit fluuium quendam Oceanum vniuersam terram circūfluere. hæc aquæ copia terræ, aërique immixta dulcis est in morem fluminum, non falsa. Ideo Philo vir doctissimus in libello, quem composuit de factiōe mundi, inquit Moſen in Genesi, cum ait, in medio paradisi esse fontem, ex quo emanant flumina, quæ irrigant vniuersam faciem terræ, nihil aliud innuisse, præterquam hanc dulcium aquarum copiam; quæ & alia est à mari falso; quod deus à terra disiunxerat; & terræ vniuersa est immixta, & è fontibus defluens in flumina irrigat vniuersam faciem terræ, ac terram efficit aptam mixtioni, ac propterea genetationi mixtorum omnium valde commodam, & ferendo pabulo animalium plantarumque idoneam. Marium omnium Oceanus, qui extra columnas Heculeas diffunditur, terramque ambit, longè maximus est. Post eum est mare Mediterraneum intra terras receptum; quod per fretum Herculeum cum Oceano coniungitur. Horum vtrumque magnos efficit sinus: qua terra recedens curuatur, & mari aditum præstat. Caspium vnum mare videtur, & omni ex parte terra circūcludi. Nonnulli tamen probatissimi auctores geographi hoc quoque mare sinum quēdam fecere Oceani: quod etiam Arist. in opusculo de mundo ad Alexandrum sentire videtur: in Meteoris tamen secus dicit. Horum marium nomina situs, magnitudines, ceteraque eius generis scrutari potius pertinet ad Cosmographiam, seu Chorographiā, quàm ad hoc à nobis institutum opus de elementis. Sic de fluminibus ac de lacubus tractatio alterius operis est. Illud tantum huic nostro negotio videtur reliquum esse: ut pauca quēdam perstringamus de motibus, qui in mari esse deprehenduntur. Nam flumina quis nesciat è superiori loco secundum naturam defluere in inferiorem? In mari Oceano, quod extra columnas Herculeas latè est fūsum, ambitque vniuersam terram continentem, duo visuntur motus: quorum alter non est admodum conspicuus, potculdubio tamè dignoscitur in eo mari esse. Aqua in Oceano mouetur continenti ac perpetuo lapsu ab oriente in occidens. Motum hunc nauæ, qui Oceanum navigant, certissimè deprehendunt. Nam si soluerint à Nerito Hispaniæ promontorio, & vela fecerint Britanniam versus ad orientem solem, longè tardius procedunt, quàm si ex Britannia nauigauerint in Hispaniam ad occidentem solem: quod asserunt accidere ob aquarum cursum ad occasum solis. illi quoque qui ab Hispania navigant ad eas insulas, terramque continentem: quas nostris temporibus Columbus Genuensis inuenit ad occidentem solem, vigintiquatuor diebus citcirer iter perficiunt: quòd si inde reuerti in Hispaniam velint, ob aquarum rixum in contrariam partem, tribus totis mensibus, quatuorve vix perficiunt institutum iter. Idem animaduertunt quorannis Lusitani, qui circūflecentes Africæ oram; promontoriumque cui Bonæ spei nomen indiderunt; tendunt in Indiam ad orientem solem.



- A De his audiui ego, cum essem in Hispania, ac legatione fungerer apud Carolum quintum Cæsarem, ni secundos ventos vehementius spirantes habeat, superare se non posse promontorium illud, ac rectâ in Indiam tendere, ob maris motum occasum versus. Vnus hic est Oceani motus. Alter quotidianus æstus, quo sex horis mare mirificè extollitur & diffunditur: rursus sex horis retrocedit & deprimitur. Hic æstus adeo magnus est in Oceano, ut qui ipsi non in inspexerint, ægrè credant aliis narrantibus. Vidi ego in Belgica, quæ nunc Flandria nuncupatur, flumina crescente maris æstu retrofluere; eorûmque refluxum percipi in locis etiam à mari valde distantibus. In Britannia vidi Tamisim fluvium ingentem Londini, quod à mari distat quinquaginta ferè millibus passuum, sursum ad fontes refluxere cursu præcipiti, sexque horarum spatio intumescere tribus penè passibus: tã magnus est impetus æstuantis maris, quod actum & pulsus vi æstus ad terras diffunditur. In mari Oceano duo hi deprehenduntur aquæ motus. In mari mediterraneo item duo visuntur motus. Nam & æstus conspicitur immutati singulis quibûsque sex horis, quod nos quotidie Venetiis conspiciamus, multisque aliis in locis maris accolæ idem experiuntur. Verum in hoc mari Mediterraneo hic æstus exiguus est, si Oceani æstui conferatur: Ita tamen cerius est sicut ille. Attamen non ubique locorum deprehenditur hic æstus in pelago Mediterraneo. Nam Tyrrheni maris accolæ Ligures, Galli, qui Provinciam, Narbonensemve Galliam incolunt oram Hispaniæ quæ hoc mari alluitur,
- C nullum prorsus sentiunt æstum. Id ego, cum essem Barchinonæ, diligentissime quæsiui ab incolis: necnon cum iter facerem per Narbonensem Galliã, diligenter percõtatus sum Gallos maris accolæ; qui omnes constantissimè asserebant illis in locis nullum percipi maris æstum. Præter hunc æstum in mari Mediterraneo alium motum observamus. Nam in sinu hoc nostro. Adriatico siquis legerit oram Dalmatiæ, Histriæ, Illyridisque totius, sentiet maris motum perpetuum esse versus occidentem solem: ac deinde in intimo hoc recessu ubi Venetiæ sunt sitæ, flecti ad meridiem versus Flamminiã indèque flecti Apuliam versus ad orientem solem. Is maris motus iuxta littora à solertibus nautis ubique ferè deprehenditur in mari hoc mediterraneo: quo videri potest mare hoc veluti in gyrum moveri. Nam ab Hellespõto occidentem versus flectitur, ac perpetuo eius cursus tenore circumvniuersam oram continentis ad columnas vsque Herculeas: inde verò per oras Africæ, Ægypti, Syriæ flectitur ad solis ortum. Horum motuum eas causas adferemus, quæ nobis videbuntur magis verisimiles esse: vno in loco fatebimur ingenuè, nullam ad hanc diem causam verisimilem deprehendi à nobis potuisse: ideo perspicaciores excitabimus: nobis dubitasse satis erit. Eius motus, qui in Oceano conspicitur perpetuus esse ad occidentem solem, nullam aliam esse posse causam existimamus præter motum diurnum cælorum; cuius vi sphæræ etiam ignis aerisque bona pars circunducitur. Ficti etenim nõ potest ut naturaliter aqua hoc motu moveatur. Nam vnus corporis simplicis vnus tantum est motus simplex secundum naturam. Motus hic ergo à
- C iij

motore extrinseco est. Nullum tamen conspiciamus corpus quod aquam cō  
tingat & vi circunducat. Illud ergo restat vt moueatur Oceanus hoc motu  
vi qualitatis in eum defluentis ab extrinseco quopiam corpore: Hanc autē  
verisimile est nullam aliam esse posse, præter cœlestem illam qualitatem de-  
fluentem in omnia elementa: de qua statim in exordio huius opusculi feci-  
mus mentionem; quæ in modum luminis dependet cōseruaturque à cœ-  
lo. Ideoque circunvoluto cœlesti corpore, ipsa quoque (vt ita dicam) circun-  
uoluitur; secūmque ignis sphaeram, acrisque magnam partem & oceanum  
circunducit. Quamuis etiam, vt suprà dixi, ignis cōtinuūque illi aer, quo-  
niam cœlum contingit, à cœlo queat ipso moueri & circumuolui: hæc (vt  
reor) causa est motus illius perpetui maris Oceani occidentem versus. Ean-  
dem puto causam esse eius motus, qui in mari Mediterraneo deprehendit-  
ur iuxta terrarum oras, quas alluit, quo (vt paulo ante diximus) versus fretū  
Gaditanum per littora Europæ mouetur, rursusque redit versus orientem  
solem per oras Africæ atque Asiæ. Nam quoniam conclusum inter has ter-  
ras pelagus perpetuo tenore moueri non potest ab oriente in occasum, ob-  
stant etenim littora continentis: ea ratione, qua potest, imitatur motum cir-  
cularem: Ideoque in gyrum voluitur, & nostra littora vniuersa lustrat. Alter  
motus reliquus est, quem maris æstus nūcupamus, quēque in nostra hac  
patria quotidie experimur: in Oceano verò mari est maximus. Hunc maris  
motum, vt ex æstus nomine atque etymologia antiquiores sensisse credibi-  
le est, nihil aliud esse, præterquam rarefactionem quandam & tumefactionem  
maris, ausim asserere. ob eam causam crescente æstu mare vndique ter-  
ram petit, & circumquaque supra litus effunditur: rursus decrecente æstu  
intra se cogitur, & vndique à terra recedit: quod fit condensatione quadam.  
hoc ita se habere sensu ferè percipi facile potest. Etenim nullus, quamuis fin-  
gere vellet, proferre posset vnde tam repente adeo magna aquæ aduentitiæ  
copia erumperet in mare, ex qua mare tumesceret: aut rursus, quoniam se  
reciperet decrecente æstu, cum mare se contrahit. Hoc ergo constituto, æ-  
stum scilicet maris nihil aliud esse, nisi tumefactionem quandam, vicissim-  
que constipationem aquei elementi; restat vt inuestigemus à quoniam fiat  
vicissim huiusmodi rarefactio & condensatio. Nullus sanæ mentis in dubiū  
vertere potest, quin rarefactio tumefactioque omnis fiat vi caloris; quo defi-  
ciente cesset, vicissimque efficiatur constipatio vi frigiditatis seu inistæ, seu  
aduentitiæ. Id nobis quotidie intruere licet in ahenis feruenti ad ignem, rur-  
susque residente imminuto ablatōe igne. Igitur vi cuiusdam caloris fiunt  
maris æstus. Atqui experimento euidenter comprehendimus vim hanc ca-  
loris, qua mare tumescit, pendere à luna: cuius tepor præcipuè videtur hu-  
mori accommodatus esse, & cuiuscunque rei humorem afficere. Si ergo cœ-  
lum diuiserimus in quatuor partes æquales, duobus maximis circulis, meri-  
diano scilicet, & horizonte recto; qui à polis secet meridianum ad angulos  
rectos sphaerales: in æquinoctiali autem Circulo secet horizonem obliquū  
cuiusvis regionis, nam æstus maris non fiunt vbique eodem tem-  
poris

- A poris momento, sed pro modo meridiani circuli & illius recti horizontis, de quo meminimus, cuiusque regionis. ita igitur secto cœlo, cum luna à pũcto horizontis recti, quem constituimus, ad meridianũ mouetur supra horizontem; tumescit aqua & diffunditur. Cum autem à meridiano tendit ad alteram aduersamque partem horizontis recti ad occasum; refluit mare, aquaque decrescit. Rursus cum ab eo horizontis recti pũcto, quod est in occasu, mouetur infra terram sub pedibus ad oppositam meridiani partẽ, punctum inquam noctis mediæ: iterum tumescit aqua, æstusque crescit. A pũcto rursus mediæ noctis recedente luna ad punctum horizontis recti in oriente situm, à quo moueri cœperat; defluit aqua, æstusque imminuitur. Hoc
- B scilicet ferè modo deprehendes aquam moueri, si attentè animaduertetis; sequique lunæ periodos; nisi quando solis motus obsiterit, vt paulò post dicam. Vi ergo teporis lunæ accommodati aqueis omnibus fiunt maris æstus. Quo verò pacto id fiat, perscrutandum restat. Non admodum arduum est causam inuenire, cur mota luna & ascendente ab oriente in meridiem, aqua tumescat: rursusque decrescat, luna descendente à meridie in occasum. nã lumen repõque ille cœlestis à luna defluens luminis comes, quanto magis accesserit ad lineam perpendicularem & ad angulos rectos, tanto maiorem vim habet & magis calefacit. Contrà verò cum à perpendiculari linea & ab angulo recto recesserit, angulũque obtusiorẽ effecerit, tanto minoris est vis. Hoc in solis radiis experimus, & apud perspectiuos competissimũ est.
- C Ob hanc causam ascendente luna ab oriente in meridiem, accedentẽque eius lumine ab obtuso ad angulum rectiorẽ, aqua tumescit: recedente autẽ à meridie occasum versus, ab angulo recto ad obtusum, defluit & decrescit. At reddere causam, cur accedente luna ab occasu ad noctis medium, aqua tumescat; rursus decrescat recedente luna à noctis medio, orientem versus infra horizontem; id verò difficillimum est. Mihi hac in re valde obscura fatis erit si referam quæ legi apud probatos auctores: lectores iudicabunt rectene an perperam dicantur. Nonnulli dicunt partem cœli appositam radiis lunaribus ab eis affici & mutuare eandẽ propè vim, quam ipsi habeant: ideoque cum occidente luna pars cœli opposita oriatur, & feratur ab oriente ad meridianum circulum, aquam tumescere, quasi per reflexionem quãdam lunaris luminis ab ea cœli parte centrum versus. Sic recedente luna à mediæ noctis puncto, in circulo meridiano infra horizontem, partem cœli oppositam moueri à pũcto meridiani occidentem versus; ideoque aquam decrescere. Quamobrem tunc etiã matris æstus à luna pendet: non tamen quatenus fertur sub horizonte circulo: sed quatenus eius lumen reflectitur à parte cœli lunæ opposita terram marẽque versus. Contra hanc quam adduximus, causam ambigere quispiam merito posset: quoniam cum luna longè sit minor, quàm terra; vmbra terræ prodiens à radiis & lumine lunæ, quanto magis à terra recesserit, tanto etiam magis crescit, neque vnquam minui potest: quo fiat vt lunæ radij nõquam pertingere queant partem cœli lunæ oppositam: ideoque ab ea parte reflecti non possunt terram marẽque versus.
- D

Obiectioni huic nonnulli respondent, inquiuntque: Cum terra, si cœlo conferatur, obtineat vicem pûcti; eius vmbra, quamvis magna, exiguam admodum cœli partem offuscare potest; ac propterea à propinquis partibus fieri reflexionem, quam diximus. Lumen etenim ad omne pûctum diffunditur. Illud quoque attentè considerandum est: Cum celeste corpus diaphanum sit & perspicuum, agrè ab eo lumen reflecti posse. præterea mirum est cur non oculis dispiciamus in obscurissimis noctibus vel exiguam quandā imaginem reflexionis huius. Quæ de re dicere cogemur non lumen, sed aliam quandam qualitatem reflecti; cuius vi fiat maris æstus. Nobis in hac parte satis fuerit dubitare, cum ad hanc diem nullam causam inuenerimus, neque acceperimus ab aliis proditam, quæ animum nostrum impleat. Illud etiam ad hanc diem ignoramus; cur scilicet in mari Tyrrheno neque apud Ligures, neque apud Gallos Narbonensis provincie incolæ, atque apud Barchinonem in Celtiberia, vt alios omittam, nullus vnquā maris æstus accesserit; cum tamen & in mari Oceano maximi fiant æstus, & in nonnullis locis maris Mediterranei, vt in sinu Adriatico, euidenter sint. Verum (vt negotium totum hoc de maris æstu expediamus) duo recensenda restant, quæ digna notatu esse sciam. Æstum maris pendere à luna omnibus propemodum cōpertum est. Cæterum nonnihil etiam sol facit ad concitandum maris hunc æstum: quod singulis quibusque mensibus obseruamus in quadratis lunæ. Nam cum post plenilunium nonaginta gradibus ad solem luna accesserit; necesse est eodem temporis vestigo lunam ab orientis puncto in horizonte eo recto quem constituimus, ascendere ad meridianum; solémque à puncto mediæ noctis versus orientem descendere, vt ita dicam: sicque deinceps eadem propè ratione post lunæ coitum, cum luna ab oriente eodem puncto ascendit ad meridianum circulum, sol à meridiano descendit versus occasum. quo tempore, bis inquam singulis mensibus, exploratum Venetis omnibus est, vel nullos fieri æstus, vel incertos quosdam. Ex quo quiuvis facile coniicere potest, solem etiam nonnihil operari ad concitandum & sedandū maris æstum. Aliud scitu dignum reor esse, æstum maris incipere ab eius fundo, ac subinde ferri versus superficiem. Hanc rem ego facili coniectura deprehendi ex nostris nautis, & iis qui obseruant ostium portus nostri; vbi adificatæ sunt duæ turres illæ, quas duo castella vocamus. obseruant hi quotidie, cum æstu mare intumescit, insinuatque per illud ostium in hæc nostra æstuarium, post sex circiter horas adhuc aqua maris in nostra æstuarium influente, qui motus est crescentis æstus, aquam tamen iuxta turrium muros demitti, ac iam per semipedem ferè aut paulominus aquam decreuisse, antequam incipiat refluerè, ac in mare ex æstuariis retrocedere. Cum ergo simul decrescat, & superior maris pars oculis subiecta insinuat, nulli dubium esse potest quin principium recessus & constipationis aquæ sit in fundo. Hactenus dixisse nobis sufficiat de elemento aquæ. Nam cur aqua semper ex Bosphoro & Hellesponto defluat, nunquam refluat: omnes sciunt fieri ex copia fluuiorum, qui in pontum insinuant. Nunc ad terram postremam omnium descendamus.

- A scendamus. Terra infimo mundi loco in centro inquam sita grauissima est in qua nullum sit leuitatis vestigium. Sicca quoque est & frigida, maximèque omnia constipata & densa. sicuti enim raritas ignis maxima est omnium; ita terræ densitas est summa. Item natura est neque lucida neque diaphana, sed maximè omnium opaca & imperuia lumini: necnon maximè omnium est inepta ad motum lationemque omnem. Vnde semper immobilis perseverat. Terram puram, neque aliena qualitate adfectam, neque immixtam alienis corporibus inueniri posse iuxta mundi centrum, sicut igne purum iuxta cœli concavum, facile nobis persuadere possumus. Nam cum pars ea terræ nullum corpus contrarium attingat, à quo affici queat, cuique possit immisceri, & ibi maximè sit constipata & imperuia; non est mirum si diuturno tempore ibidem pura & intacta perseverat. semper enim rei corruptibilem immortalem perseverare impossibile est. Propterea credendum est maxima vi terræ motuum, huiusque generis accidentium, ut omittā cœlestes radios & vim cœlestis qualitatis, interdum fieri ut alieni corporis vis ad centrum usque perducatur, à qua partes illæ afficiantur, affectæque & è loco moueantur, aliis succedentibus; & demum corrumpantur. Verum post ingentia temporum intervalla hæc fieri censendum est. Terra igitur iuxta centrum constipata pura est, ideoque proportionem quadam respondet igni; grauissimum scilicet leuissimo. Supra has terræ partes, quæ centro propinquæ sunt, quicquid reliquum est terræ, plurimum aquæ admixtum habet, nonnihilque aeris. Nam & maria intra terræ oras continentur; & sub terra maximæ sunt specus longè latèque diffuse, aqua & aëre plene; adeo ut maxima terræ pars supra aquas emineat. Quod ab optimo sapientissimoque rerum omnium opifice factum esse iure quilibet existimare potest, ob salutem animalium omnium perfectorum; quæ ob spirandi necessitatem, naturæque eorum qualitatem, neque vivere, neque ali, neque generari possent. Etenim quamuis, si per se naturam spectes elementorum grauium & leuium, terra omnis undique aquis obruta circumfusaque esse deberet: sicuti omni ex parte aër aquas ambit, aëremque ignis, itemque igneum elementum corpus adhaerere: Nihilominus ratione finis ad conseruationem scilicet animalium perfectorum, factum est à natura, præter horum corporum nixum; ut terræ hæc superficies emineat. Quemadmodum in paruo mundo, animali inquam; multa consistunt præter naturam materiæ, ratione finis. Ut sicut os durissimum & maximè terreum, ac propterea graue positum in suprema parte hominis. Cæterum præter hanc rationem à fine sumptam, alia etiam (ut reor) non incommode adduci potest. Etenim cum solis, Lunæ, cæterorumque omnium syderum radij, quin potius vniuersi cœli lumina in vnum cogantur in hoc mundi centro, ubi terram aqua attingit; nimirum necessum est vi caloris syderum fieri quandam terræ & aquæ mixtionem, ac quadam terræ elementi fermentatione exteriorem hanc terræ partem rarefcere & intumescere: quod quotidie fieri cernimus in panis cōfectione à pistoribus fermento appposito. Quin omnis ratio colèdorum agrorum ad hoc præcipue spectat;
- B
- C
- D

vt arationibus, stercorationibus, pastinationibusque terram fermentet, ra- F  
 ramque efficiat, ac peruiam aëri, aquæ, radiis solaribus, aliisque huiusmodi:  
 vt horum omnium mixtione & opera ali, generarique valeant fruges & plan-  
 tæ. Igitur vi caloris syderum tumefacta terra aquæ immixta, aqueoque hu-  
 more & terreis partibus in vapores & exhalationes resolutis impulsæ est vn-  
 dique superficies terræ in exteriorē partem, adeo vt in plurimis locis aquæ  
 emineat, & ingētes specus intra se habeat, aqua & aëre plenas. Itaque ratio-  
 ni finis accommodata fuit natura & situs causarum agētium, quod semper  
 natura sagacissimè facit. Nullus namq; mihi persuaserit quorundam senten-  
 tiam; qui aquæ marisque superficiem esse terra eminenti orē, vique quadam  
 diuina contineri aquas ne terrā vndique obruant. Nam & suader ratio, nihil F  
 violentū esse posse perpetuum: & sensus testatur, cum vndique flumina de-  
 fluant in mare, proculdubio mare depressius esse superficiē hanc terræ, quam  
 colimus. His ergo de causis terra mari eminet, & si alia quadam ratione dici  
 posset aquam circunquaque terrā ambire. Nant cum aër hic, quē colimus,  
 omni ex parte semper innumeris vaporibus plenus sit, vapor verò sit aquę  
 disgregatio: nimirum hoc pacto hæc quoque terre superficies, quam maria  
 non tegunt, ambitur aquis, id est, vaporibus qui sunt aqua disgregata & ra-  
 rior effecta. Ex hoc facillè etiam diluere valemus aliam quæstionem. Cum  
 enim ea debeat esse inter elementa, proportio, vt æqualia sint secundum ma-  
 teriā, aqua autē sit longè rarior terra; vtique elementum aqueum longè ma-  
 ius esse debet terra. Attamen cum nostris temporibus ex Hispanorum na- G  
 uigationibus compertum sit vnde quaque à terra Oceanum ambi, liquidò  
 apparet terram non solum non esse aqua minorem in ea, quam diximus  
 proportionē, sed fortasse maiorem: quo fit, vt rectè dixerimus in mari mi-  
 nimè contineri omnem aquarum copiam, sed infra terram in maximis il-  
 lis specubus maximam vim aquæ contineri. Item vniuersam hanc, quam  
 incolimus, terram, quæ tot fontibus, tot fluminibus rigatur, quæ vbique  
 vestitur herbis & plantis, aqua plenam esse veluti spongiam quandam:  
 Præterea vniuersus hic aër plenus vaporibus est, vnde Homerus cecinit  
 (vt bis superius diximus) fluuium Oceanum vndique terram circunfluere.  
 Propterea facillè nobis persuadere possumus, si omnis hæc aquæ copia in  
 vnum colligeretur, aquam longè maiorem terra futuram esse; pulchrèque H  
 seruari eam proportionem inter hæc duo elementa, qua mundus perdura-  
 re queat. Terra hæc omnis, quæ diuina providentia ac coitione syderū in  
 hoc cætro super aquas eminet, est instar animalis cōstituta, vt mater omnium  
 mixtorum, ac præcipuè viuentium, esse queat. Nam & dulci aqua plena  
 est, vt animal sanguine: qui vt per venas diductus totum corpus alit, ita a-  
 queus humor per fontes, per flumina, terræque fistulas ac meatus mini-  
 mos vniuersam hanc terram rigat & alit. Et quemadmodum animalis cor-  
 pus vbique fouetur spiritu; sic hæc terra plurimum intra se continet athe-  
 rei vaporis, & ignæ exhalationis; quibus immixta & generare & nutri-  
 mentum præstare omnibus potest. Aër quippe sponte subit meatus terræ,  
 cum

- A cūm ei aditus patet. Nam, vt suprà ostendimus, aër facillè trahitur inferius: natura enim pròrior est ad grauitatem, quàm ad leuitatem. Itémque ignea pars vaporimmixta deorsum in terram fertur. necnon vi solis & syderum è terra generatur exhalatio ignea. Quinetiam in subterraneis specubus flantes venti vehementiori motu accenduntur, flammáque concipiunt quæ à pluribus terræ locis erumpunt; vt ex Æthna Siciliae monte & ex insulis Æoliis. hinc fontes calidi scaturiunt è terra, quorum aqua iter facit per loca ignita, terrámque sulphuream. Habet etiám vniuersa hæc terra habitabilis ossa sua in vicem animalis; quibus sustentata non facillè dehiscit: Montes scilicet ferè continuos; qui (vt arbi tror) mira quadam natura prouidentia & arte effecti sunt, tum vt sustentent terram, tum vt ex eis profluant flumina, quæ maximam vtilitatem præstant omnibus, quæ ex terra oriuntur & aluntur, vñbúsque humanis plurimum inferuiunt. Causas verò & matetiam, ex quibus montes constituti sunt, non quæremus lógus. Etenim fingamus vel nunc primū ortum esse infetiozem hunc mundum, vel illius partem aliquam. Nam quamuis Peripateticorum sententia mundus perpetuus est; eius tamen partes vicissim oriuntur & occidunt. Eleuetur ergo ea, quam diximus, ratione vi syderum calorisque concepti pars terræ aliqua, seu tota hæc habitabilis terra, ex aqñisque prodeat: nulli dubium esse debet, quin inæquali superficie tota prodeat. Etenim vniformis hæc species, cœlestibus conuenit non terrestribus; in quibus multum est ppuationis & multitudinis. In superficie ergo inæquali nonnullæ partes depressiores erunt, aliæ eminentiores: quod ita esse experientiaprehendunt, qui terram peruagantur. Nam præter valles & colles, accliuia & decliuia sola, vnaqueque continens terra inter duo maria sita medio sui plurimum adsurgit, sensim verò vtrinque versus maria demittitur. Hoc ego animaduerti ita esse & in Germania, & in Hispania. Nam Venetiis profectus, cūm à mari hoc nostro Adriarico iter facerem in Germaniam, vtrique sensu percepi ex modo itinerum vsque ad eam planitiem, in qua sita est Augusta Vindelicorum, terram accliuem esse: Inde profectus Belgicam versus animaduerti sensim terram demitti, humiliorémque fieri ad Oceanum vsque. Idem obseruauit in Hispania cūm ex Toletó ciuitate in medio cōtinentis illius sita Venetias redirem defunctus legatione pro nostra Republica apud Cæsarem. nam deprehendi in medio continentem illam eminentiorem esse, quàm campi sint Cathelaunici & Barchinon ciuitas. Cūm ergo ita res se habeat, illè terræ partes, quæ aliis eminentiores prodire, aqua vdè, ac intra se concipientes terrestris exhalationis copiam vi caloris concoctæ tandem actione ac vi frigidi aëris concresecunt in lapidem & saxa: vt nunc omittam cœlestem vim, quæ prima effectrix est omnium mixtorum corporum, com modèque dici posset esse similis caloris animæ nutritiue, qui cibi partem conuertit in ossa, partem in carnem, in neruos, cartilaginésque partem: vt ex omnibus sui partibus integrum animal constet. Huius ergo generis



causæ sunt montiū effectrices: qui paulatim minuuntur vi imbrum & vëtorum; vicissimque appositione materiæ, quæ apta est in saxa conuerti, augentur: vt in lapidicinis cõplunibus est obseruatum. nam & in fontibus lacubusque nonnullis, & in certis terræ locis comperimus hanc vim, esse ad generandos lapides. Hactenus de montibus. Verum sicuti vi caloris terra fermentatur, montesque & insulæ oriuntur impulsu eiusdem impetus: sic contrà aliquibus in locis terra concussa disrumpitur, ac repente provincie interdum non exiguæ, vrbesque cum populis demerguntur. De Athalanta insula vastæ magnitudinis refert Plato in Critia; quòd concussa maximo terræ motu obruta est, ac forsân mari Athlantico nomen dedit. Insulas quoque nonnullas subito è mari natas prodiisse memoriæ proditum est; contràque vicissim alias submersas. quam ob causam nihil perpetuum in terra perseuerat, sed omnia commutantur: vt omittam diluua, conflagrationesque prouinciarum, seu vi imbrum ignisve ex oris supernis demissi, ob quæpiam tumultum & vim in eis regionibus ignem deorsum impellentes; seu etiam igne è terra prodeunte, aut aquarum copia impetu quodam è mari delata in terram, siue fluminibus crescentibus obstructis eorum ostiis, aut terra disrumpa aquam eructante. Sicuti hac tempestate apud Valentiam accidisse accepimus, dum essemus in Hispania. Nam improuisa quadam & occulta vi cælo sereno confestim nullis sentientibus maxima aquarum copia, quæ ingentes fluuios superaret, è continenti delata eam urbem versus: nisi clausis portis & obicibus oppositis iter in mare diuertisset, magnam ciuitati calamitatem intulisset. Nullusque vnquam comprehendere valuit videntiam magnæ aquarum vis eruperit. Nos credimus, aliique plurimi rerum naturæ periti, eam aquarum vim erupisse è quopiam specu subterraneo: terra dehiscente, ac confestim post eam vim, qua & terra hiatus fecit, & aqua erupit, iterum restituta in eandem speciem. Hæc de terra in vniuersum sint dicta. De habitabili nunc pauca quædam addemus, quæ pertinent ad climata habitationi commoda incommodave. Aristoteles antiquioresque authores omnes censuere, totam eam terræ zonam, quæ subiecta est polo, ei que propinquat, inhabitabilem esse ob nimium frigus geluque continuum: quoniam maximè omnium à sole distat, radibusque adeo obliquis sol eam attingit, vt nihil ferè virium habeant ad generandum faciendūve calorem. Contrà arbitrati sunt vniuersam eam terræ zonam, quæ subiacer æquinoctiali circulo & à tropicis includitur, torridam esse, & ob nimios æstus inhabitabilem: quoniam sol directis aut parum obliquis radiis vniuersam eam partem illustrat. Inter has mediam temperatā, & habitationi idoneam posuere zonam, nostram inquam habitabilem. Rationi hac in re sensus attestari videbatur. Nam si iter feceris Septentrionem versus, semper adibis regiones magis ac subinde magis frigidas, quāto magis ad septentrionem accesseris: adeo vt postremæ illa tempestate cognitæ triginta & septem gradibus distantes à polo vix habitari conspicerentur ob frigoris intemperiem. Sic cōtrā, si æquinoctialem



- A noctialem versus proficisceris, semper occurrēt tibi regiones magis ac magis calidae, tantōque feruētiores, quanto magis accesseris ad tropicum Cancri, iuxta quem in Africa comperies Æthiōpas & Troglodytas habitare sub terra in fossas & cauetnas, ob nimios æstus. Quo argumento sibi facillē persuaserunt vltra hos terminos esse terræ zonas inhabitabiles, ob nimium frigus alteram, alteram verò ob ingentes feruores. Pari ratione versus polum antarcticum posuere inhabitabilem regionem ob ingentes algores, ac deinceps temperatam zonam pertinentem ferē ad tropicum vsque Capricorni. In nostra autē habitabili zona Aristoteles existimauit quartum Clima esse omnium temperatissimum, sub quo est magna Græciæ pars. Hæc antiquorum sententiā fuit. Auicennas vir summus hac in parte ab Aristotele dissentit: existimauit enim ad feruorē & æstum regionis non tantum facere directionem radiorum solis, quantum nimiam moram solis. Quam obrem cum circa tropicos sol diutius moretur propter obliquitatem & flexum zodiaci, in æquinoctiali verò circulo vix (vt ita dicam) momento temporis perseuetet, sed confestim vltius progrediatur: existimauit Auicenna sub æquinoctiali circulo esse habitationem non inhabitabilem, propter nimium calorem: quin potius omnium tēperatissimam, & maximē idoneā hominum habitationi, ob eam causam quod ibi est perpetuū æquinoctium. Hanc Auicennæ positionem Auerrois eius viri laudis æmulus, acerrimūque insectator plurimis rationibus conatur euertere in ea paraphrasi quā edidit in Metheora Aristotelis. Inquit enim: Cū nullus diffiteri queat, quin directio radiorum solis calorē maximum faciat, itēmq; sensu & experimento cōpertum sit post solstitiū plurimis diebus maiores fieri æstus, quā in ipso solstitio, eo quod aēr iam concepto in se calore citius & vehementius inflammat a sole etiam magis distante, quā in solstitio. His ita constitutis putauit Auerrois liquidò patere posse, sub æquinoctiali circulo esse æstus intolerabiles. Nam sol in æquinoctiis perpendiculares radios iacit, ac propterea magnos calores citè deinde iam feruens æstus aēr, quāuis sol per viginti quatuor ferē gradus recedat, & non amplius maiores æstus concipit. Post quos non subit autumnus & hyems, vt apud nos; sed iterū sol incipit accedere ad eorū verticem, quamobrē augetur potius æstus, quā imminuatur; donec
- D iterum radij redeant ad perpendicularem lineam: quem continuum modum motus cum semper sol feruet, nimirum sequitur sub æquinoctiali circulo esse æstuantem regionem. Hæc Auerrois. Hanc quæstionem, quæ multis iam annis versata est inter maximos philosophos, nostris temporibus experientia dissoluit. Nam ex hac noua Hispanorum ac præcipue Lusitanorum navigatione compertum est sub circulo æquinoctiali & inter tropicos habitationem esse, innumerāque gentes ea loca incolere subfusas, non omnino atras vt Æthiōpes sunt. Quin sub eo circulo, sub quo in Africa inueniuntur Æthiōpes, nusquam locorum sub eodem circulo Æthiōpes omnino inuenti sunt. Ergo sub æquinoctiali circulo est habitatio, quod nemo negare potest. Non tamen temperatissima omnium,

vt putauit Auicenna: quod ex colore atque ex operationibus earū gētium, E  
 quæ incolæ sunt eorum locorū, facile coniici potest. Nam & imbelles sunt,  
 & timidi, neque ingenij dotibus cum Græcis cōferendi; qui incolunt quar-  
 tum clima. Sub tropicis verò sunt regiones feruentiores, quàm sub æquino-  
 ctiali, non tamen inhabitabiles præter solitudines Africæ arena plenas; in  
 quibus (ne vacuè omnino sint) incolunt Æthiopes & Troglodytæ. Ex his  
 sensu atque experientia compertis possumus commodè rationem reddere,  
 cur sub æquinoctiali sit habitatio; cum tamen solis radij ita perpēdicularēs  
 sint bis singulis quibūsq; annis. Etenim hoc incommodum ex perpēdi-  
 cularibus radiis illatū illis regionibus refarciunt nulla ferè mora solis in cir-  
 culo æquinoctiali, directus enim ibi zodiacus est, non flexus vt in tropicis: F  
 Item noctes continuis tēporibus horarum duodecim; ac postremo recessus  
 solis ab eorū horizonte qui præceps descendit, ac rectè fertur sub pedes eo-  
 rum populotum. Contrà sub tropicis iuxtaque tropicos mora solis ob ste-  
 rum zodiacij longiores dies æstiuī, nec tam magnus descēsus solis sub hori-  
 zonte faciunt æstatem feruentiorem, quàm sub æquinoctiali. De Æthiopi-  
 bus verò cur in Africa tantum inueniantur & nusquam alibi, illud puto esse  
 in causa, quod præcipuum reor esse ad cōmoditatem, incommoditatēque  
 regionum omnium: qualitas scilicet & conditio subiectæ telluris; an scilicet  
 sit plana, vel frequens montibus: an rigetur fluminibus, an contrà arida sit:  
 an saxea, an arenosa vel pinguis soli. Etenim omnia hæc summo opere faciūt  
 ad regionis tempetiem intemperiemve. Illud quoque non omittendū, quibū- G  
 sūnam ventorū flatibus sit exposita, vnde ferantur venti, quibus perflatur:  
 an scilicet à locis vliginosis, an à feruentibus vel à frigidis. Hæc vique adeo  
 immutant totam rationem habitationum, vt interdum comperias propin-  
 quas inter se terras sub eadem plaga cœli sitas, quarum altera calida sit, altera  
 frigida: salubris vna, altera morbosa. ob hanc causam fit (vt reor ego) vt in  
 Lybia, vbi maxima est planities arenosa, nulli verò fontes, ea loca maximū  
 concipi int à sole calorem, vicissimque aërem calefaciant: vnde immutetur  
 complexio hominum eas regiones incolentium, efficiāturque Æthiopes. In  
 aliis verò locis t tropico subiectis, aut vicinis, itriguis fontibus, mōtibus fre-  
 quētibus, & solo vliginoso, id non item fiat, ibique nascātur homines fuscī,  
 non tamen Æthiopes. Mirum namque quantum in generatione rerum om- H  
 nium faciāt materia, ceteræque causæ proximæ, quæ sunt sub cœlo. Quan-  
 obrem pletunque euenit, vt qui ex causis tantum cœlestibus rationes harū  
 rerum mortaliū contemplari voluerit, non habita ratione marerit, cetera-  
 rumq; causarū mortaliū, quæ sepe numero euariāt, facile labatur, plurimūm-  
 que erret. Sicuti ergo causa cœlestis nō est omittēda ita nō sunt negligēdæ  
 aliæ causæ, & qualitates materiæ subiectæ in rationibus rerū mortaliū con-  
 templandis, qui cōtēplandi modus, cum ab Astrologia diuinatrice omnino  
 dimittatur, liquidò patet vniuersam eam artem veracē esse non posse. De  
 quatuor igitur elemētis, quatenus ex eis mūdus hic inferior cōstituitur, satis  
 dictū esse reor, pro modo huius opusculi, quod instituimus; ideo finē faciā.



## DE ELEMENTIS

### LIBER TERTIVS.

B



A ratione à sapientissimo optimoque rerum omnium principio sub æthereo globo mundus hic inferior est constitutus; vt elementa, quæ illum componerēt, ea temperatura inuicem commisceri valerent, vt ex eis omnia corpora mixta generari possent. Ideo statim in exordio huius operis proposuimus nonnulla esse elemēta compositionis, vt sunt literæ dictionum orationumque elementa: alia verò esse elementa mixtionis, vt acētū & mel elementa sunt oxymellis. Vtiusque gene-

C

ris elementa sunt hæc mundum constituenta corpora, de quibus tractare instituimus. Postquam ergo de eis egimus, prout componunt & cōstituunt hoc vniuersum: reliquus nobis tractatus est de hisce elementis, quatenus sunt principia constituenta cuiusque generis mixta. Aggrediamur etgo, primūque dicamus, Elementum vnum tantum esse, ex quo mixta omnia corpora generentur, impossibile esse, ratione euidentissima demonstrari. Nam si vnum tantum esset elementum, inueniri non posset corpus ei contrarium: nullum nanque aliud corpus esse præter hoc simplex elementum fingere possemus, quod ei esset contrarium: neque etiam in elemento ipso contrarium quidpiam esse potest. Etenim (vt in libro primo ostendimus) elementum corpus simplex est & vniforme: nihil igitur vni illi elemento esset contrarium: quare neque alterari, neque aliqua in parte immutari posset.

D

Ex quibus sequitur nullum posse effici ex eo mixtum corpus: quin potius sequitur omnia esse vnum; quemadmodum Melissus dicere consueuerat; quamuis multa & innumera esse viderentur. Cū ergo vnum elementum esse non possit, plura sunt ergo elementa. Quot autem sint, Aristoteles in secundo libro de generatione acutissima simul verissimāque ratione inuestigat. Etenim elemēta ob eam causam cōficiunt mixta omnia, quoniam inuicē immutātur & alterantur. Omnis autē alteratio pēdet ex qualitatibus primis sibi inuicē cōtrariis. Nā secundæ qualitates pendent à primis, sicuti à principiis. Primæ qualitates sunt tactu perceptibiles, maximeq; omniū actiue. Huius generis qualitates quatuor sunt: caliditas scilicet frigiditas, humiditas, & siccitas. cū igitur sit impossibile aliquod corpus inueniri in quo vna

tantū sit harū qualitas, opus est ad omnes mixtiones faciēdas quodlibet ho-  
 rum elementorum à quolibet pati & immutari posse. Sensus item hoc atte-  
 statur. Nunquam etenim visum est corpus calidum, nullo tamen pacto hu-  
 midum siccumve; aut frigidum, neque humidum neque aridum. Sic de sic-  
 citate & humiditate sensu comprehendes, neutram earum disiunctam esse  
 à caliditate frigiditatē. Ex coniunctionibus harum qualitatum primarū  
 & simplicium inueniri commodē potest numerus elementorum compo-  
 nentium mixta corpora omnia. Hæ verò quatuor qualitates sex cōiunctio-  
 nibus cogitatione inuicem componi possunt, quarum duas impossibile est  
 esse in terū natura. quī enim fieri potest vt summa caliditas sit cum summa  
 frigiditate? aut summa humiditas cū summa siccitate? nequeunt enim  
 contraria simul esse in eodem subiecto corpore. Quòd si has qualitates sumpse-  
 ris non summas, vt. s. vnum idēque corpus & caliditatis partem & frigi-  
 ditatis portionem obtineat: iam corpus illud nō amplius simplex, sed mix-  
 tum est. in corpore namq; simplici, simplices & puras qualitates esse oportet,  
 non immixtas & imputas. Restant ergo quatuor copulationes, calidita-  
 tis inquam & humiditatis; item caliditatis & siccitatis; frigiditatis & humi-  
 ditatis; item frigiditatis & siccitatis. Quatuor ergo elemēta erūt. Hoc quod  
 ratio persuadet, sensus testatur. Nam ignis, aer, aqua, & terra, quæ communi  
 omnium consensu sūt elementa mixtorum omniū, hiscē qualitatibus affe-  
 cta sunt, in hunc modum cōiunctis. Ignis namque calidissimus est & siccis-  
 simus. Aer item calidissimus & maximē humidus. Aqua frigidissima est,  
 nature frigidissima est & siccissima. Verū  
 antequā accedamus ad tractationem mixtionis horum elemētorum, vt re-  
 cto ordine perscrutatio disciplināque nostra procedat, quædā prius in vni-  
 uersum de elementis, & qualitatibus his primis dicemus, quæ ad tractatio-  
 nem hanc plurimum faciunt: sigillatim deinde de natura harum primarum  
 qualitatum, necnon sigillatim de quatuor elemētis ea dicemus, quæ si quis  
 ignoret, mixtionis rationē probē intelligere nō poterit. Primum ergo quod  
 de qualitatibus primis venite in dubium potest, illud est: An scilicet quali-  
 tates hæ primæ sint elemētorum substantiæ & nature & formæ, per quas  
 elementa sint; vt Alexander Aphrodisæus illustris author in scholis Peripare-  
 ticorum opinatus est. Paucis huic quæstioni respondemus, qualitates has  
 primas, substantiales formas & naturas elementorum esse non posse. Nam  
 nulla substantia est sensibilis per se, vt dicit Philosophus in secundo de Ani-  
 ma. Nulli autem dubium est, quin hæ primæ qualitates sint perceptibiles  
 tactui & sensibiles: substantiæ ergo esse nequeunt. Item cū vnumquodque  
 elementum simplex duas habeat qualitates (vt diximus) vel ergo vna tan-  
 tum earum erit forma substantialis, & altera qualitas & accidens; aut  
 vtræque erit elementi forma. Si vnam tantum dixeris esse formam, &  
 alteram accidens: statim apparet figmentum id esse. Cur etenim eadem  
 ratione altera quoque non erit qualitas? Item cū quatuor sint ele-  
 menta necesse erit vnumquodque eorum vnam sibi qualitatem ven-  
 dicare,

- A dicat, vt substantiam & naturam : at qui fieri potest : vt, verbi gratia, siccitas sit natura terræ eiusque substantia, eadem tamen siccitas pura & immixta in igne sit accidens : sic caliditas in igne substantia, in aëre qualitas. Amplius, si ex terra generetur ignis, frigiditas tantum pellitur, siccitas remanet : forma ergo terræ substantialis remanebit . Quo pacto terra ignis esse poterit? Quod si dixeris vtramque qualitatem esse elementi substantiam, nimirum vnamquamque formam & actum suum esse consequitur : vtrâque igitur harum qualitarum suum esse substantiale consequetur . At cum esse & vnumquodque vnum dicant eandem naturam elementum erit non vna, sed duæ substantiæ : vnâque & eadem materiæ portio erit, atque existet per duo esse : quod omnium maximè est impossibile . iurêque equidem ineptus haberi possem, si vellem in hoc ostendendo diutius immorari. Vnumquodque igitur elementum corpus est simplex, compositum ex materia simplici & formâ maximè simplici; habetque suam gravitatem & leuitatem; quibus mouetur ad locum natura sibi debitum, & in eo quiescit : habet item duas qualitates primas; quarum vi agit & patitur, generatur, corrumpitur, & mixtionem facit mixtorum omnium. hoc in loco illud non est prætereundum qualitates has primas esse in elementis simplicibus intensissimas, & secundum omnem earum latitudinem, non tamen secundum omnem agendi vim. Etenim si in elemento quopiam aliqua earum remissa esset, vel ergo hoc contingeret quod mixtionem qualitatis contrariæ, vel absque vlla contrarij mixtione. Sicuti contingit in lumine, quod remissius est interdum, nullum tamen contrarium habet. Si prius dixeris; statim sequitur corpus illud simplex non esse: non enim in puto simplici elemento quâpiam mixtio esse potest. Si secundum dixeris; id contingit primo absurdum, quod in qualitatibus primis habentibus contrarium ponitur remissio absque mixtione contrarij, quod etiam in secundis Aristot. negat: inquit enim in Topicorum libro tertio: Albius est id, quod est nigro impermixtius. Et Galenus in libro complexionum in compluribus locis. Deinde si verbi gratia ignis propinquet aëri, utique cum caliditas ignis sit summa, aëris vero remissa, ignis aërem calefaciet in momento temporis. Nam vbi non est contrarietas, nequit esse resistentia : & vbi non est resistentia, non potest esse motus continuus,
- D & quantum : vt supra diximus, dum loqueremur de motu elementorum in vacuo. Calefactio autem omnis, alteratio est. Nam in tertia specie qualitatis est motus alterationis : alteratio ergo quâpiam erit in momento temporis. Amplius, calefactus aër ab igne ad summum vsque gradum eritne purus aër, an impurus? Imputus dici non potest, nulla etenim in eo est qualitarum mixtio. Purus ergo aër erit summe calidus. Amplius, si ex aëre & terra corrupta humiditate aëris, & terræ frigiditate, fiat ignis, vt dixit philosophus in secundo lib. de generatione, & corruptione; eritne caliditas ea summa? diffiteri non potes; quoniam est ignea : at ea erat in aëre corrupto. in aëre igitur est summa caliditas. Quod si queris cur aër non ita calefaciat vt ignis: Dicimus hoc fieri ob humiditatem adiunctam, quæ caliditatem obtundit,

& siccitatem igneam, quæ calorem acuit. Sed de hoc latius infra. Cæterum, E  
 quoniam mixta corpora fiunt ex elementis, in quibus ostendimus esse substantiales formas; & præterea qualitates primas præter gravitatem & levitatem: confestim quæstio insurgit, An scilicet, cum ex elementis mixtione quapiam fuerit corpus mixtum generatum, formæ substantiales elementorum, & qualitates primæ remaneant in eo mixto corpore, an potius tum formæ, tum qualitates primæ corrumpantur. Ac demum quoniam pacto sint in mixto? Auicenna vir summus, ut Auerrois refert in libro tertio de celo, quoniam elementa sunt mixtorum materia, arbitratus est in mixto corpore elementa esse in actu perfectio, quantum attinet ad formas substantiales: neque in formis illis fieri mixtionem; sed elemēta inuicem misceri ob primas qualitates, illisque mutua actione redactis ad temperaturam; quæ complexionī cuiusdam corporis mixti conveniat, generari mixtū illud corpus. Hæc viri aliqui magni positio evidentiissima ratione confutatur. Nam si in actu perfectio formæ substantiales elementorum remanent in mixto corpore, utique fieri non posset, ut in eo mixto alia esset forma substantiæ præter illas. Quicquid enim advenit enti & substantiæ in actu per se existēti, accidens est, non substantia. Nisi vellemus concedere vnum, idēque corpus habere duplex esse, ac propterea non esse vnum. Itaque sequitur ex positione Auicennæ, mixta corpora omnia non esse vna, nisi ob complexionem & secundum accidens; absolute verò & simpliciter vnumquodque mixtum esse plures substantias; non autem vnam. Quamobrem beatus Thomas vir G  
 doctissimus, omnesque fere Latini senserunt in mixtis corporibus non remanere formas elementorum in actu; sed tantum in potentia & virtute (ut sic dicam). Est ergo horum sentētia, in vnoquoque mixto corpore, terra est aqua, itēque aer & ignis; non tamē actu. Nam in mixto nullius elementorum est forma & substantia, sed potentia & virtute: quoniam forma cuiusque mixti, pro eius temperie continet vim & perfectionem omnium elementorum. Hæc sententia licet non possit improbari ratione ita evidenti, quemadmodum Auicennæ positio: non tamen omnino satisfacit rationi mixtionis, & definitioni elementi; quam in frōte huius opusculi posuimus. Etenim ea, ex quibus componitur mixtum, materia quædam sunt mixti illius corporis. Materia verò differt à contrario & à priuatione; quia materia remanet post generationem factam: cōtrarium verò & priuatio non remanent. Qui ergo dicit quòd formæ & substantiæ elementorū secundum suum esse omnino non remanent, sed omnino pereunt, videtur auferte rationem & naturam miscibilem; ac potius facere miscibilia contraria quædam; ex quibus mixtum generetur, quàm vllam materiam mixtorum. Præterea elementum id esse diximus, ex quo fit aliquid, cum insit. Quo igitur pacto elementum erit, si omnino secundum sui esse non insit? Amplius, mixtū omne dissolui potest in elementa, ex quibus est mixtum: atqui quomodo dissolui in ea poterit, si in ipso omnino non sint? eaque mutatio si fiat, dissolutio appellari non poterit: sed mixti corruptio, & elementorum generatio. Iccirco

- A reor ego Auerrois de hac re sententiam magis verisimilem esse, rationique magis consentaneam. Inquit is auctor in tertio libro de cœlo, Formas elementorum esse formatum omnium substantialium imperfectissimas: ideoque plurimum recedere à natura substantiæ, & accedere ad naturam accidentium: ex quo fieri, vt more accidentium frangi, imminui & remitti queant, rursumque si contingat, intendi & fieri perfectiores. Sicuti conspiciamus calidum intensius & remissius, item frigidum magis minùsve fieri. Cum ergo more accidentium possint formæ elementorū frangi, & minui, vtique, quamuis destituantur per certam imminutionem qualitātū ab esse substantiali, remanent tamen formæ illæ in quopiam actu. nam cum ab esse substantiali recesserint, iam sunt ita imperfectæ, vt amplius prestare non queāt materiæ, in qua sunt, esse substantiale. Itaque si, verbi gratia, ignis immutatus sit adeo, vt formam eius substantialem, esse substantiale destituat, geret forma ignis immutata vicem accidentis; sicque igne corrupto mixtum generabitur, quod tamen iure poterat dici igneum, seu ignitum ob formam ignis ipsi inexistētē, imperfectam tamen & refractam. Quæ tamen non in eam sententiam accipi volumus, vt scilicet fateamur dari certum quēdam gradum, quo minimo consistent elementa; sub minori verò constare non queant. Nam rei & substantiæ per se existentis daretur vltimum instans, in quod est: quod tamen falsum esse Aristoteles ostendit in octauo physicorum. sed in bonum sensum capias velim nostra hæc dicta, quisquis legeris ea.
- C Imminutio verò & infractio hæc elementorum seu formarum elementarium multis innumerisque modis fieri potest. Nam tum fir immutatione vtriusque qualitatis, tum tantum alterius. quinetiam rarefactione & condensatione, diuisione nimia, cæterisque huius generis immutationibus compluribus. Cum ergo mutua actione passionēque elementa sic inuicem fracta fuerint, & impurata, vt nullum eorum propriū esse, per quod est, conseruare queat: tunc vi caloris proprii & cœlestis qualitatis (vt infra dicam) constatur forma media mixti corporis, generaturque mixtum: in quo sunt elementa in actu, non perfectio, vt posuit Auicenna; nec non corrupto, vt Latini ferè omnes Petipatetici senserunt; sed refracto, adeo vt illæ formæ vicem potius habeant accidentium quàm substantiarum. Nec illud ab hac sententia deducere nos debet, quod substantia magis & minus non recipit (vt in prædicamentis dicit Philosophus) nam elementa in genere substantiæ imperfectissima sunt, acceduntque ad naturam accidentium: inde fit vt vtriusque naturæ proprietatem referant. Nam quoniam elementorum formæ substantiæ sunt; hoc habent quod secundum certum & constitutum quendam earum gradum dent esse simpliciter & substantiale materiæ, in qua sunt; cōstituuntque indiuiduum per se existens in determinata substantiæ specie. isque gradus summus est & indiuisibilis, non recipiens magis minùsve. fieri nanque nullo modo potest, vt rectè inquit Diuus Thomas, vt species vlla seu differentia specifica prædicetur secundum magis & minus de indiuiduis subiectis: quod proculdubio cōtingeret si forma illa, per quam materia & subiectum
- D



in specie & natura cōstituitur, reciperet magis minúſve. Nam ſi forma ignis, E  
 quatenus ignem conſtituit, reciperet magis & minus; aliquis ignis eſſet ma-  
 gis ignis, alter verò minus ignis. ideóque differentia ſubſtantialis, non eſſet  
 ſicuti vnitas & ſpecies, vt numeri: quod tamen Ariſtoteles docet in oſtauo  
 lib. Methaphyſices. Natura enim vniuſcuiuſque rei in indiuiſibili differen-  
 tia conſiſtit. Ens etenim & vnum dicunt eandem naturam. Sunt ergo formę  
 elementorum ſubſtantię ſecundum gradū illum indiuiſibilem; in quo con-  
 ſtitutę dant eſſe ſubſtantiale, & indiuiduum ſubſtantiale ſuę ſpeciei conſti-  
 tuunt. Cū verò ab eo indiuiſibili receſſetint per alterationem qualitatum;  
 quia modum qualitatum habent, & naturam accidētium referunt; non pe-  
 nitur intereunt more ſubſtantiarum perfectarum; ſed remanent, vt acciden- F  
 tia quardam materiam diſponentia ad receptionem formę mixti perfectio-  
 ris elementorum natura. Et hoc pacto vt elementa mixtum conſtituunt:  
 priori modo ſunt ſubſtantię, ex quibus corruptis generatur corpus mixtū.  
 Illud verò quod penè omnes Auerroi adſcribunt, ac ferè ab eo authore ex-  
 primitur in tertio lib. de cœlo, qualitates ſcilicet primas eſſe proprias ele-  
 mentorum affectiones; ita quòd ad inductionem qualitatis pariter induci-  
 tur forma elementis; itēque ad remiſſionem remittatur, pariſque paſſu pro-  
 cedant formę & qualitates hę primę: mihi non placet. Nam cū vnaquę-  
 que qualitas prima duobus elementis conueniat; vtique neutrius erit pro-  
 pria paſſio: ſi proprium accipiat in quarto ſignificato; quod ſcilicet omni,  
 ſoli, & ſemper conuenit: ſed erit proprium ſuperioris cuiuſdam generis in- G  
 nominati. At cū genus non ſit præter generis ſpecies: vtique innominata  
 natura generis induci non poteſt, niſi inducta forma alterius elementorum  
 vel vtriuſque. Si vtriuſque dixeris, certè impoſſibile eſt ſimul duas ſubſtan-  
 tias eadem ſimplicique alteratione in eadem ſubiecta materia generari: Si  
 verò alteram tantum dicas, vtra tandem hæc erit? Etenim ea qualitas non  
 minus huic, quàm alteri conuenit. Quòd ſi dixeris illius elementi formam  
 induci, quod tūc agit ea qualitate: vt puta ſi caliditate agat ignis, induci ſub-  
 inde formam ignis; ſi aër agat, aëris formam: nimirum hoc dici nō poteſt.  
 Nam interdū ex duobus extremis elementis tertium medium generatur: vt  
 Ariſtot. dicit in ſecūdo lib. de generatione, vt puta ſi aqua humiditate ſupe-  
 rauerit ſiccitatē ignis; contrà ſi ignis caliditate ſuperauerit aquę frigiditatē; H  
 vtique fiet aër, non aut aqua aut ignis. Quo pacto igitur dici poteſt caleſ-  
 ctione ignis inductā eſſe formam ignis; & humectatione aquę inductā eſſe  
 formam aquę: ſi perfecta abſolutaque alteratione neutrum ſit generatū, ſed  
 tertium elementū medium, aër ſcilicet? Ex his efficitur, ſi aqua pura caleſcat  
 ab igne; caliditatē in ea recipi, diminuique frigiditatē ad certum vſque gra-  
 dum: ſub quo ſtare non poteſt forma aquę: ad quem cū peruenerit altera-  
 tio, vel fiet ignem, ſicque nihil prioris formę remanere. Etenim nullum ele-  
 mentum poteſt eſſe, vt elementū in altero elemento: omnia nanque eiufdem  
 ordinis ſunt ſimplicia, non mixta; vel fieri mixtum quoddam tertium, in  
 quo remanet forma aquę in gradu remiſſo, qui variat pro natura mixti, vt ac-  
 cidens



- A** cidens quoddam in ea aquæ portione, & tunc immisceri cum aliorum formis elementorum: non enim substantiæ amplius sunt; adeo ut in portione aquæ recipiatur forma ignis, vicissimque in portione ignis forma aquæ: sicque fieri mixtionem elementorum non tantum secundum qualitates, sed etiam secundum substantias. Itaque in primo illo momento in quo incipit esse mixtum, incipiunt etiam esse formæ elementorum, restatque tamen pro natura mixti in vnaquaque mixti portione: ita tamen, ut vnaquæque in suæ materiæ portione longè magis inhaereat rei, in qua fixa sit, quam in portionibus comparium elementorum. Quo fit, ut in dissolutionem mixti longè facilius vnaquæque portio elementi ad naturam pristinam reuertatur, quam
- B** ad alienam, alterius videlicet elementi. Postquam satis dictum puto de proposita questione, quoniam pacto scilicet elementa sunt in mixto corpore, quod ex eis generatur: pauca perstringenda sunt de qualitatibus primis; ex quibus conficitur complexio; secunda scilicet quædam qualitas primis proxima. De primis qualitatibus id primum inquiri debet quod proximum atque affine est ei; quod iam peregrinus de elementis. An scilicet, cum ex quatuor primis efficiatur complexio, secunda inquam qualitas conflata ex mixtione primarum, remaneant qualitates primæ, an potius corrumpantur: & si remaneant, quoniam pacto remaneant. Puto enim nullum ambigere qualitates primas post conflata complexione remanere aliquo pacto, nec omnino intercidere. Nam experimur mixta corpora; quorum vnumquodque
- C** suam habet complexionem; calefacere, frigefacere, humectare, & exicare pro cuiusque natura. hæ autem actiones fieri non possent, nisi in eis esset vis caloris caterarumque primarum qualitatum. non ergo intercidunt. Verum nonnulli arbitrantur remanere quidem in complexione qualitates primas, non tamen actu, sed virtute, ita scilicet, ut conflata complexione confestim corrumpantur qualitates omnes primæ: solæque complexio remaneat; in qua vis sit omnium qualitatum illarum: itaque complexionis vi mixta corpora agere actiones omnes primarum qualitatum. Horum positio, meo iudicio, & experimento sensus, & rationi contradicit. Etenim sensus nullus circa proprium sensibile decipitur; si & medium & organum sensus secundum naturam se habeant. Cum ergo sensu tactus, si mixta corpora tetigerimus,
- D** percipiamus qualitates illas primas; calorem inquam & frigus, humorem & siccitatem: velle contrarium adstruere, asserereque nullam ibi actu esse harum qualitatum, sed virtute tantum: est experimento sensuique contradicere. Ratio etiam idem nobis suadet. Nam qualitates primæ sunt veluti elementa quædam complexionis; ex illis etenim conficitur complexio, sicuti mixtum ex elementis. Inesse ergo actu oportet in complexione qualitates primas. Amplius, dispositiones, quæ faciunt materiam quamque propriam esse formæ cuiuslibet mixti, saltem in prima mixtione elementorum, sunt qualitates primæ ad certum gradum, modumque redactæ. Dispositio verò, quæ facit materiam propriam cuiuspiam formæ, non corrumpitur, esseve definit adueniente formæ; imò remanet & ab ea conferuatur forma in illa

materie portione: ita ut illa dispositione recedente pereat forma. Igitur in prima elementorum mixtione adueniente forma mixti remanent primæ qualitates: quamobrem remanebunt etiam cum complexione propria illi mixto. Parique ratione in aliis mixtis secundis tertiisque remanebunt. Dicendum ergo nobis est sub complexione qualibet remanere actu qualitates primas, refractas tamen inuicemque mixtas ea temperatura, quæ complexioni conueniat. His expositis nunc à nobis sigillarim agendum est primum de quatuor primis qualitatibus, deinde de quatuor elementis: eaque de ipsis paucis exponenda, quæ faciunt ad institutum mixtionum negotium. Nam si naturæ eorum omnium diligenter rectèque fuerint à nobis inuestigata, magna nobis fundamenta iacta erunt ad superstruendam omnem tractationem de mixtione. Exordium sumam à caliditate, quæ omnibus iure est præferenda: quoniam longè præstantior est cæteris omnibus. Caliditas omnium primarum qualitarum præstantissima quodam modo æmulatur excellentiam cælestis qualitatis. Nam & maximè actiua est, omnium quoque mixtorum generatrix: utpote quæ primum sit proximùmque instrumentum cælestis virtutis, & qualitatis: omnia etiam, quæ mixta sunt, dissoluit: adeoque cæteris primis qualitatibus præstat, ut si cõferantur caliditati, omnes habeant vicem materiæ & patientis, calor verò sit ut efficiens causa, & ut forma. Ut autem in summa concludam: Natura caliditatis hæc est; ad agendum, omnium est efficacissima & potentissima: contrà ad resistendum, omnium maximè infirma, & imbecillis. vim caliditatis in agendo præter rationem, quam tetigimus, ex ipsius perfectione & cognatione quadam ad cælestem vim, sensu & experimento quilibet facile experitur. Si conferatur ergo caliditas frigiditati, cæteris omnibus paribus, virtus caloris in agendo longè longèque maior est, quàm virtus in agendo frigiditatis. Itè virtus actiua caliditatis superat non tantum virtutem in agendo frigiditatis, sed etiã in resistendo. quo fit, ut caliditas ut quatuor, & ut tria (sumendo gradus latitudinis harum qualitarum, non gradus virtutis, seu in agendo, seu resistendo) aget & superabit frigiditatem ut quatuor, imò fortasse etiam frigiditatem ut quinque. Quoniã virtus actiua caliditatis superat virtutē resistendi frigiditatis etiã maioris latitudinis, quoad intentionem qualitatis inquam, non autem actionis, siue (ut ita dicam) actiuitatis. Hi namque gradus differunt inter se: ut infra ostendam. Caliditas, quæ tam magnæ virtutis est in agendo, minimè tamen omnium resistit corruptenti. hoc tum rationibus, tum experimento probatur. Etenim quiuis experitur, si fuerit vis frigiditatis superans caliditatem, dicto citius rem calidam frigesieri, confestimque caliditatem corrumpi. non item hoc videbit in frigiditate, aliãve qualitate. Mira etiam ratione hoc natura efficit. Nam cum proportio par debeat esse in elementis, si elemētum ignis, in quo præcipuè viget calor, in resistendo non deficeret tantum, quātum superat cætera in agendo; proculdubio omnia iam conflagrassent vi ignis absumpta. Item cum resistētia sit ex forma, quatenus est in materia; sicut actio pendet à forma, prout est à materia absoluta: cum caliditas sua natura

parum

- A** parum habeat materie, ab eaque multū sit absoluta: accirco meritō in agendo efficacissima est, in resistēdo verō parum potens. Nā eius materia vtpote pauca & disgregata, habēnsque formā absolutiorem, materialē tamen: citō vincitur ab agente alio, sicque facillē exuit caliditatē. Item calor, si frigori cōferatur, habet rationē naturæ vitæ, & habitus: frigiditas verō, priuationis & interitus: quod clarius patebit cū loquimur de mixtione. Si verō conferatur caliditas humiditati, & siccitati, actiua est caliditas, & forma; duo hęc passiva & materia. Caloris etenim est cōponere & congregare homogenea per concoctionem, aliena verō separare. Hęc de calore in vniuersum dicta sunt; quæ, cū de mixtione tractabimus, magis illustrabuntur. Sequitur calorē frigiditas; quę item actiua est qualitas, habetque suā vim in agēdo; itēque in resistēdo, longē tamen diuersā ab vtraque vi istiusmodi vi caliditatis. Nā quamuis frigiditas magnā habeat in agendo efficaciam, minimē tamen cōferenda est cum vi caliditatis. in resistēdo verō cōtrā longē superat resistētiam caliditatis. sicque natura proportionē quadam cōpensat ac librat vim vtriusque qualitatis: quę cū sunt inter se contrariæ; altera que alterius interitum machinetur; hac moderatione libratur, vt perpetuō perseuerēt. Ceterū cū eam, quam diximus, in agendo vim habeat frigiditas; longē tamen diuersa est caloris frigorisque actio. Nam calor veluti instrumentū est primum & per se totius naturæ cœlestisque qualitatis; quo congregantur homogenea ad generationē cōseruationēque mixtorum omnium. Frigiditas cōtrā cū sit veluti priuatio, habet etiā in agēdo vim priuatiuā. Nam frigus cōgregat tam homogenea, quā heterogenea, cōstipatque omnia & vniūquodque reddit suapte natura immobile ac veluti mortuum, vt ita dicam. Etenim sicuti motus indicium est vitæ; ita immobilitas mortis & interitus. Qua de causā suprā diximus calorem collatū frigori habere rationē naturæ & vitæ; frigus verō interitus. Per accidens tamen frigoris actiua vis facit ad operationem naturæ. Etenim cū calor non quilibet, sed temperatus varia, pro rerum naturis, tēperatione fiat naturalis & accōmodus omnibus mixtorum generibus (quod latius infrā explicabitur) huiusmodi tēperatio nullius alterius vi fieri potest, præterquā frigiditatis. Ea nanque sola calorem refrāgit & temperat. Item facta mixtione ex cōcoctione caloris naturalis, massa tota vi frigoris cōstipatur & cogitur, sicque perficitur & diutius perseuerat.
- D** Sæpenumero etiā vi frigoris circunquaque obfistētis per antiperistalsim calor cogitur in vnum, multa que & generat & concoquit. qua de causā rigore hyemis & niuiū terra melius fermētatur coactō intra se calore; & frugum radices augentur robūque capiunt, vberibus inde segetibus frumenta proueniunt. Insuper alia quoque ratione frigus operatur ad rerum cōseruationem: quoniam vi frigoris arcetur calor extraneus, à quo est corruptio putrefactioque mixtorum omnium. Multis ergo modis, per accidens tamen & secunda quadam actione frigiditas plurimum facit ad naturæ actiones. Quamobrem merito dicere valemus frigiditatem quoque quodammodo esse instrumentum naturæ non primum & per se, vt est calor;

sed secundum & per accidens. Post frigus humiditas sequitur & siccitas, E  
 par alterum primarum qualitatum : quæ sunt inuicem contrariæ, vt caliditas & frigiditas. vis humiditatis in agendo longè inferior est vi frigiditatis, & maximè vi caliditatis : in resistendo tamen superat vim vtriusque : adeo, vt nonnulli existiment si in quopiam corpore fuerit humiditas coniuncta calori aut frigori : si qua ab eo corpore humida fiât, non ab humiditate fieri eam actionem, sed à frigoris calorisque vi ob adiunctam sibi humiditatem. Aristotelisque in exordio statim quarti Meteor. si verba tantum spectentur, videtur hoc dicere ; similisque ratione produnt de exiccatione. Verum cum ratio & sensus conuincant nos, vt fateamur, si fuerint duo corpora vicissim æqualia in calido & frigido, quorum alterum sit longè humidius F  
 altero, & maius mole ; proculdubio humectari siccus ab humidiori. Contrarium nanque omne in contrarium agit, si potentius fuerit. Aristotelis verò dicta in eam sententiam sunt accipienda, vt calor exiccat per resolutionem & euaporationem partis aqueæ humidæ factam vi caloris. parique ratione humefaciat per colliuationem partis aqueæ coagulatæ prius. sic frigus quoque exiccat & humectat, non quòd humiditatem per se aut siccitatem generet : sed quòd vel vaporem in aquam cogit, aut calorem fugat & exprimit, quem propria humiditas veluti formam materia consequitur pariterque euaporat. Sic ergo calor & frigus humefaciant & exiccant : per se autem humiditas humidum facit, & siccitas siccum. vis ergo humiditatis in agendo non est admodum magna. in resistendo contrà humiditas vim magnam habet : qua ratione quodammodo rependitur debilitati G  
 infirmitatque eius in agendo. humiditas verò collata caliditati eam vim habet, vt obtundat calorem, sicuti contrà siccitas acuit. Qua de re aer quamuis nihil habet frigiditatis (corpus nanque simplex est) ac propterea nequeat vi frigiditatis calor in eo remitti ; ob humiditatem tamen sibi propriam longè obtusorem calorem habet, quàm ignis. obtundit igitur calorem humiditas. attamen (vt infra dicemus) propria materia caloris, qua nutritur & seruatur, est humidum. Inde euenit vt natura calor vim habeat trahendi ad se humidum : vicissimque humidum vim non habeat non attrahendi, sed consequendi calidum : inter se nanque se habent calidum & humidum, vt perfectio & perfectibile, frigori collata humiditas non eo pacto H  
 eam obtundit, quo calorem ; sed quoniā crassiorē reddit frigiditatem, ac propterea parum idoneam penetrationi. Iccirco non per se, sed per accidens frigiditatē obtundit humiditas : siccitatē verò humiditas formabilē facit, vt infra dicā. Per humiditatem nanque corpora omnia facile terminantur termino alieno, proprio verò minimè. hæc de humore. Sequitur siccitas : quæ minimā omnium vim habet in agendo, maximā omnium in resistēdo. Quæ ratione vt in aliis, ita in sicco fit cōpensatio quædā virium. vtrūmq; experimēto faciliē cōprehenditur. Nam si siccā rem quampiam, vt lignū, marmor, pumicē, proximam feceris rei humidæ ; utiq; humiditas longè citius afficiet lignum aut pumicē, quàm patiatur ab eorū siccitate. facilius tamē humidum illud

- A** illud corpus arefcet, quàm ficcum vertatur in aqueum. hæc funt ficcitatís vi-  
tes. Ideoque ficcum definiunt eſſe illud, quod terminatur proprio termino,  
difficile verò alieno termino definitur. verùm quidam hoc in loco dubita-  
tionem adferunt. Nam ignis ficciſſimus eſt, tamen formatur & terminatur  
facile termino alieno, continentis inquam. Nonnulli ſummi viri quæſtio-  
nem hæc ita ſoluunt: inquiuntque propterea ficcū ignis & terræ non termi-  
nari termino alieno: humidū verò aquæ, & aëris facile terminari poſſe: quo-  
niā ignis licet poſſit denſari, rareſceri tamen amplius nequit. maxima etenim  
raritas omnium corporum, eſt raritas ignis. item terra quamvis poſſit fieri  
rarior; fieri tamen denſior nequit: denſiſſima nanque omnium eſt. Contrà  
humiditas aquæ & aëris poſſunt deduci in vtram partem volueris; vel ſcili-  
cet ad maiorem raritatem, vel ad maiorem denſitatem: Ideoque termina-  
bilis eſt alieno termino. Hanc ego ſolutionem non improbo: verùm quo-  
niam, ſi rectè diligentérque res diſpiciatur; proculdubio videbimus non in  
eam ſententiam definitiones illas humidi & ficci adductas eſſe: ſed procul-  
dubio referri ad formationem & terminationem, quæ ſit à continente. ideo  
id addam: Siccitati ſuapte natura & per ſe conuenire, vt conſtipet corpus il-  
lud; in quo primò per ſe eſt: indèque efficiat vt agrè terminari queat, & de-  
finiri termino alieno: ſed vt proprium terminum ſuamque finitionem obri-  
neat, alienam reſpuat. Sicubi verò ſit ſiccitas, non primo, ſed per ſequelam  
quandam, vbi id quod primo ineſt illi corpori, obſtiterit conſtipationi ſic-  
citatís: nil mirum ſi corpus id alieno termino terminabile eſt. Quamobrem
- C** cū ſiccitas per ſe inſit terræ, vtique terram conſtipat; quæ cū à frigidita-  
te adiuncta non diſgregetur, in ea remanet id quod eſt ſiccitatís. Ideoque  
non terminabilis aut finibilis eſt terra termino alieno: in igne verò ſiccitas  
eſt ſecundario quaſi aſſecta caloris. Etenim ignis primo & per ſe calidiſſi-  
mus eſt; at ſiccitas calorem acuit: ideo oportuit ignem eſſe ſiccum; non ta-  
men à ſiccitate conſtipatur: imò ob caliditatem ſummam omnium corpo-  
rum rariſſimum eſt corpus igneum, ob quam cauſam bene terminabile eſt  
termino alieno. Dicendum eſt igitur ad propoſitam quæſtionem: Siccita-  
tem per ſe facere conſtipationē, & per conſtipationē efficere corpus, cui in-  
eſt, interminabile: vbi ergo prohibetur conſtipationem facere, vt in igne, in-
- D** quo calor eius qualitas maximè naturalis obſtat, facere nequit corpus illud  
interminabile. Collata calori ſiccitas mirificè, quin potius omnī maximè  
calorem acuit. Eſt etiā ſiccitas admixta humiditati caloris ignei pabulum,  
vt infrà dicam. frigiditatem autē ſiccitas non obtundit: quòd ſi fecerit eam  
magis penetrantem acuit. humiditatem verò ſuapte natura fluidā continet,  
& in vnū cogit. Hæc de ſicco. Illud verò in vniuerſum admonendus eſt mi-  
hi lector. Corpus dici alio calidius frigidiū ſve, aut humidius ſiccīū ſve, non  
ſimplici quadam, ſed multiplici ratione. Nam interdum dicimus calidius, id  
quod eſt aſſectū maiori caloris gradu. Interdū calidius dicitur eſſe aliquod,  
quod quamvis maiorem non habeat caliditatis gradum, habet tamen ſecū-  
dum quandam extensionem plus caloris: nam quoniā denſius eſt, plus obti-

net materiei : ideoque plus etiā formæ, quæ est in ea materia, obtinet secundum extensionem quandā huius qualitatis . Aliquando calidius propterea dicimus, quia magis calefacit, quoniam siccior: siccitas namque calorē acuit. Præterea calidius dicitur id, quod intra se, porosque suos plus continet corporis calidi : licet fortasse remissiùs caleat. Insuper calidius id dicitur, quod facilius potest calefieri. Amplius, nonnulla sunt calida, quæ sensu percipimus frigere: tamen si manducentur, intra nos calorem cōcipiunt; eūque interdum maximū, nōsque mirificè calefaciunt . Infrā tangā huius rei causam. Totidem modis frigidum frigidiusve, humidum humidiusve, siccū sicciusve dici solere omnibus perspicuum est . Postquam satis accuratè à nobis exposita est natura quatuor qualitatum primarum; agendum est sigillatim de quatuor elementis , prout sunt elementa mixtionis : primūque ab igne exordium sumemus . Ignis ( vt suprā dixi ) natura calidissimus est , ac propterea siccissimus , omni prorsus humiditate carens; quæ calorem obtundit. Item habet corpus omnium rarissimum ; ac propterea parum materiæ continet: habet etiam in se lumen; quamvis simplex purusque ignis non splendeat, vllūve lumen emittat ob maximam sui raritatem . Hæc natura puri ignis, quem in propria sphaera iuxta orbem lunæ credimus existere. alibi ignis, quem sentimus, impurus est aliis corporibus immixtus, & alienis qualitatibus affectus: est tamē ignis, quia habet formā & naturam ignis. Ex proprietatibus ignis, quas modò recensuimus, iure ea sequi videntur, quæ sensu experimur inesse igni. Primum quod ignis omniū sit elementorum maximè efficacis ad agendum: obtinet enim, maximèque naturæ suæ propinquā habet caliditatem: cuius in agendo efficaciam suprā exposui : eamque habet adiūctam siccitatē, quæ veluti cos quædam est calorem acuens. Sequitur item ignem minimā resistentiē esse, tum ob naturam caliditatis: cuius vim in resistendo suprā diximus esse omnium minimam; tum ob maximam raritatem paucitatemque materiæ. Nam forma materialis omnis sustinetur à materia, neque resistit corrūpenti ; nisi quatenus materia ei subiecta non vincitur ab alienis substantiis . Paucissima verò materia & rarissima, quæ ob raritatem suā dispersa est; ac totam se exponit viribus agētis omnibus; quod non faceret si in se constipata esset, & collecta: facillè vincitur & corrumpitur vi corporis alieni. Non ergo mirum alicui videri debet si ignis præ aliis elementis omnibus sit iniuriæ & corruptioni expositus. Leuissimus etiam est & rarissimus: qua de causa contineri non potest, ne euolet ad superas oras. Ex omnibus his facillè illud sequitur, quod ita esse experientia nos docet; ignē. scilicet apud nos existentem, præterquā quod est impurus, non posse tamē per se manere diutiusque constare; sicuti constat terræ gleba, aquæ situla, aerisque portio quædam; sed confestim euolare; ideoque statim corrumpi & interciderē: ac propterea fieri vt ignis indigeat continuo nutrimento, ex quo possit continuato tenore generari, atque fluere, veluti ex quodam fonte, ex quo in sublime, vt fluuius quidam feratur, pauloque post intercitat ab aëre aliisve corporibus alienis corruptus ob sui tenuitatem, atque in resistendo imbecil-

- A becillitatem . Proximum ignis alimentum est vapor aëreus , præsertim si immixtus fuerit terrestri siccitati , seu terræ exhalationi . Vt ergo ignis à combustibili corpore resoluatur vapor istiusmodi ; qui statim correptus ab igne flamma efficitur , hæc ab eo fonte , vbi vapor ille resoluatur , fluit continuato lapsu , ad supernaque euolat , ac confestim intercidit . Ignem hunc impurum hoc pacto tantum apud nos existere ; neque alibi purum ignē inueniri atque consistentem præterquam in propria sphaera impossibile est . Quamobrem cum ignis adeo sit expositus corruptioni & iniuriæ , natura omnium parens solertissima plures modos viasque adinuenit , quibus ignis generari potest . Nam & ab igne ignis generatur , & ab radiis solis coeuntibus in vnum , vt fieri
- B videmus à speculis concavis ; à quibus radij reflexi in vnum punctum coeuntes ignem generant , resque in eo puncto positas inflammant . Item rarefactione & disgregatione aëris ; siue motu quopiam , siue contritione quadam corporum solidorum rareseat , confestim generatur ignis : quæ ratione certa accidunt . Nam lumen qualitas cœlestis proxima est calori : ideoque caliditatem generat . Ad caliditatem autem intensiorem sequitur forma ignis , sicuti ad propinquissimam dispositionem . Item rarefactionem sequitur caliditas : sese etenim vicissim comitantur raritas & caliditas . Quare sicuti ad caliditatem illico sequitur rarefactio ; ita contrà ad rarefactionem sequitur caliditas : eam ignis consequitur . His ergo tribus modis ignis apud nos generatur ; qui statim generatus perit nisi habeat nutrimentum , ex quo semper
- C nouus ignis prodeat , affectus tamen qualitate illius nutrimenti , id est , vaporis aut exhalationis : ex qua fit , illique semper immixtus fluit . Hinc fit vt apud nos sint variae ignis species , tum colore & aspectu , tum viribus diuersæ . Hinc fit etiam , vt magnus ignis paruum extinguat aut imminuat : quam ob causam ligna incensa lucernæque ardentes æstate & sub sole positæ diutius durent , quam per hyemem , & in vmbra . hinc fit , vt interdum aqua ignem non extinguat , quem ramen extinguit oleum alioqui idoneum vt accendatur & inflammetur . aliquando acetum id faciat , quod aqua nequit . hinc fit , vt sub cinere consequentur prunæ , quæ rebus aliis obrutæ extinguuntur : aëri verò expositæ penitus consumantur & redigantur in cineres . hinc metalla liquefiunt interdum ab igne exiguo , quæ à feruentissima aqua liquefcere minimè possunt . Hinc est quòd calore leuiore solis offuscantur corpora , quæ tamen ignis non offuscat . Inde fit vt cadauer totum vi ignis non queat absumi & in cineres resolui , quin aliquid reliquum sit : inclusum tamen sepulchro confecto ex lapide sarcophago breui temporis spatio totum in cineres redigatur . Horum omnium causæ petendæ sunt ex his , quæ diximus de nostrate igne . Nam cum alimento continuo egeat ignis , & fontem habeat à quo profluat : nil mirum si magnus ignis vi sua arrepto & consumpto fomento exigui ignis , ipsum extinguat . Item cum exiguus ignis fonticulus sit corpus quoddam immixtum vaporis & exhalationi , totus fit veluti pabulum maioris ignis , ideoque ab eo consumitur & euanescit . Eadem proportionem cum per ætatem & sub sole vis ignis ob eam (quam diximus) cau-



fam flaccescat, nil mirum si minus cōsumit & vrit. ignis quoque suapte natura lucidus magis minúsve immixtus atro fumo diuersas refert coloris species; viribus quoque diuersæ sunt ignis species pro subiecti varietate & materia. Plurimum nanque refert an inflammata ignitæque materia densa sit an tæra; siccior an humidior; an poros latos habeat multosque, an ætios & paucos. Quod aqua quandoque ignem non extinguat, oleum verò extinguat, in causa est quod aqua quia fluida est, interdum non attingit ignis fonticulum, sed præterlabitur: aut si attigerit, citò defluit: oleum verò lentius & tenacius non ita labitur, sed obturat ignis fonticulum, adeo vt profluere ignis non possit, consumptoque exiguo illo nutrimento cōfestim flaccescat, & extinguitur. Acetum autem tum ob frigiditatem, tum quia partes aliquas acutas habet, præcipuè si fuerit mixtum oleo cuius lentore detineatur, potius est aqua in extinguendo ignem. Prunæ verò cinete tectæ conseruantur, quoniam cinis rarus est, adeo vt per intermedios cineres efflare queat vapor fumisque igneus prunarum: qui, cū crasso densoque corpore tectæ fuerint prunæ, coactus in vnum, absumpto momento ferè temporis alimento proximo, seipsum cōficit & interimit, sicque extinguitur. Aër etiam frigidus ad contactas cinere prunas penetrare non potest, atque ignem extinguere: necnon prohibet nimius defluxus vaporis igniti à cineribus. quas ob causas prunæ cinere contactæ conseruantur. Metalla liquefcunt ab igne, non autem ab aqua etiam feruentissima; quoniam aquea sunt: ægrè igitur ab aqua patiuntur. Præterea partes aquæ calidæ crassiores subire nequeunt poros metallorum ætiores, ita vt totam massam subeant ac ita dissoluant. Ignis verò siccior, & magis agit in contrariam materiam, & etiam per poros vndique penetrat massam metalli; eoque pacto faciliè dissoluit. Vnde calor quoque solis, seu aër à sole calefactus subit tenuissimos cutis poros; resolutoque vapore, cutéque exiccata fulcos reddit. Ignis verò, qui est in crassiori matetia, offuscari non potest. Consimilis propè est caloris vis in lapide sarcophago, quo cadauera tota resoluuntur in cinetes. Varia etgo est vis ignis, diuersæque species ob diuersam materiam, in qua est. Sed vt tandem redeam vnde diuertit: Ignis collatus cæteris elementis mixtionis se habet vt agens & vt forma; cætera verò vt materia & vt patiens. Nam proprium ignis, quia calidissimus est, est componere & congregare homogenea, alienaque ab eis separare. Hoc autem pacto necesse est, vt fiat mixtorum corporum generatio, vt scilicet vi agentis ea in vnum componantur, quæ naturæ mixti conueniant; aliena verò abiiciantur & secludantur. est etiam (vt dixi) veluti forma aliorum elementorum miscibilem. nam vi caloris seu ignis continentur in vnum ea quæ sunt inuicem composita, & commixta, vt inferius lucidius explicabitur. Aër ignem sequitur, qui medius est inter elementa duo, quæ præcipuè pertinent ad materiam mixtorum corporum, & ignem qui est veluti eorum forma. etenim aër sui humiditate interdum temperat siccitatem ignis, interdum lōgè etiam imminuit. Nam quorundam mixtorum generatio, itémque digestio quædam & concoctio fit à calore sicco per modum



A modum cuiusdam affationis. Quædam verò sit à calore humido, per modum cuiusdam elixationis. Aër igitur humiditate sibi insita temperate ignis siccitatem potest; sicque ad formam pertinet: ad materiam item non minus aër pertinet, quam ad formam, imò fortasse longè magis. Nam quoniam ignis fomento indiget, ut supra dixi: terra autem & aqua cum sint maxime frigida, proculdubio præcipue sunt igni contraria. Quamobrem nisi prius molliantur, ignis partem propinquam extinguunt, non nutriunt: indigent ergo alterius corporis ope, ut igni præstare fomentum possint. Id verò aër commodissimè facit. nam innata caliditate temperat utriusque illorum frigiditatem; adeo ut terra aquaque aëri immixtæ compositzque pabulum

B suppedirent igni, quo foueatur & conseruetur: tenuitate etiam aëris massa aquæ & terræ cōpacta setmentatur adeo, ut vis ignis totam queat permicare & concoquere. Aqua verò & terra sunt materia mixtorum omnium corporum perfectorum; eorum inquam, quæ habent formam mixti corporis: per quam in propria specie constituantur. Etenim sine magna terræ copia nullum corpus constans esse posset; sed diffunderet passimque in minutissimas partes deduceretur ob vim eorum quibus occurreret: nullum item terminum seu finitionē propriam haberet. At terræ partes sine aqua inuicem hærere minimè possent; sicuti farinæ ramenta sine aqua nequeunt inter se hærere. ad compactionem ergo mixti opus est aqua & terra. Amplius, aër terræ per se misceri minimè posset, nisi aqua quasi medio quodam & veluti internuntio conueniret cum terra: per se autem neque etiam fingi posset,

C qua ratione aër terræ misceri valeret. Amplius, præterquam quòd corpus ex aqua & aëre compactum sine terra nequiret per se constare: duo ea elementa cum sint maximè humida, non præstarent pabulum igni conueniens, quo ali posset. sicuti ergo caliditate aëris temperatur aqua & terra frigiditas; ita siccitate terræ temperatur aqua & aeris humiditas: hocque pacto paratur fomentum igni, quo ali possit & sustentari. Rationi experientia concordat. Nam ea mixta corpora, quæ sunt aërea & terrea, sunt etiā aptissima vstioni, facillimèque comburi possunt. Hæc tetigisse de elementis pro modo huius libelli satis sit, prout apta sunt mixtioni, & mixtionis elementa appellari queunt. Nunc ad differendum de mixtione accedamus. Mixta ex

D elementis duplicia sunt: Quædam enim sunt imperfecta, nonnulla verò perfecta sunt. Item perfecta mixta duplicia: etenim nonnulla prima statim compositione componuntur ex elementis, aliqua verò secunda, tertiavè, imò quarta & pluribus compositionibus ex elementis constituuntur. Mixta imperfecta ea appello; quæ non habent aliam substantialem formam, per quam sint, præter elementorum ipsorum formas: huiusmodi verò imperfecta mixta duobus modis fiunt, duplicisque generis sunt. Nam illorū quædam vnius tantum elementi formam habent, aliorum verò elementorum qualitate & affectionibus impurata sunt & affecta: nihil verò, aut ad modum exiguum aliorum elementorum in eis est immixtum: sicuti aqua maris salsa, item niues, rores, pluuia. Nonnulla verò imperfecta mixta ex pluribus elementis

constant in vnum coactis : non tamen formam aliam substantialem mixti E  
habent : sed sunt veluti quædam congeries elementorum inuicem compa-  
ctorum impuratorumque. Prior mixtionis modus consimilis est illi mix-  
tioni, de qua Aristoteles mentionem facit in primo libro de generatione &  
corruptione. inquit enim in mixtione corporum interdum vnum eorum  
tantum conseruari, alterum verò euanesce: sed tantum affectionem quan-  
dam & qualitatem eius remanere ; qua prius illud quod constat & conser-  
uatur fit affectum. Sicuti ex duobus metallis interdum mixtio quædam fieri  
solet, qua vnum euanescit; alterum verò remanet colore prioris intinctum.  
Non dissimili ratione mare salsum est, ob mixtionem partis terrestris adu-  
læ, quæ tamen potius aquâ inficit, quàm iusta mixtione cum aqua miscea- F  
tur. Sic sunt pluuiæ aqua quædam infecta & impura. Alterius generis mix-  
ta imperfecta ob mixtionem aliorum elementorum non tantum suam spe-  
ciem retinentia inficiuntur: verumetiam cum aliis compacta quoddam ter-  
tium efficere videntur: licet reuera ibi non sit nisi quædam elementorum  
congeries inuicem compactorum. Huius generis ( vt puto ) sunt grandines,  
niues, pruinæ. mixtæque huius generis sunt plerumque vi frigoris: nam pro-  
prium frigoris est congregare heterogenea ; contra caloris natura est hete-  
rogenera disungere & separare. Post mixta imperfecta sequuntur mixta per-  
fecta; in quibus propter mixtionem variamque inter se mixtorum elementorum  
alterationem refractis elementorum formis, ac propterea secundum  
esse substantiale corruptis emergit forma mixti media : qua tota illa massa G  
vnum fit quoddam præter elementa : sicque secundum substantiam etiam  
elementa miscetur, ita tamen, vt cuiusque forma magis infixæ sit in sua ptiori  
materia, quàm in aduentitia. Ideoque facilius ad pristinam naturam ele-  
menti commutatur, quàm ad alteram. In mixtis hisce perfectis cum elemen-  
ta cœquata esse oporteat, maximæque sit vis ignea, omniumque præcipua;  
portio ignis mole aliis est minor, eadem propè ratione portio aëris non est  
mole admodum magna. huic adde, quòd constare non possent, sed statim  
dilaberentur: si mole, aër & ignis, terram aquamque superaret. Terra etiam  
in mixtis omnibus, quæ constantia sunt non fluida, superat aquam mole:  
quamobrem Aristoteles dicit in secundo libro de generatione, omnia mix- H  
ta supra terram consistentia esse terrea mole. s. & magnitudine partis terre-  
stris ex qua constant. Nonnulla etiam aquea sunt ( vt reor ego ) ea inquam  
quæ fluida sunt, vt lac, sanguis, huiusmodique alia, in his præsertim anima-  
libus, quorum sanguis fibras non habet. Verùm pro diuersa natura mixto-  
rum corporum diuersæ sunt etiam elementorum portiones, tum mole, tum  
mixtione, & temperatura; necnon etiam raritate & densitate, aliisque huius-  
modi. Quo fit vt formæ elementorum corrumpi queant, non vno tantum  
modo alterationis, vt sit necesse vnum tantum modum mixtorum fieri: sed  
longè diuersis, vt pro alterationum diuersitate, mixtura seu complexione  
& nexu elementorum inuicem, item mole & modo substantiæ fiant mixto-  
rum diuersa genera. Horum ratione exposita accedamus ad rationem ex-  
plicandam,

- A plicandam, qua & generentur mixta omnia perfecta, & corrumpantur. Superius, cum exponeremus vim qualitaturn omnium primarum, diximus calorem & frigus qualitates esse actiuas: contrà verò humiditatem & siccitatem, passiuas: non tamen ea de causa, quòd hæc duæ posteriores non agerent, siue quòd priores duæ non paterentur; sed quoniam in generatione mixtorum corporum, eorundemque mixtione duæ posteriores qualitates, humidum. s. & siccum, seu (vt rectius dicamus) corpora hisce duabus qualitatibus affecta ex natura & vi harum duarum qualitaturn inuicem componerentur & miscerentur. Contrà verò vi caliditatis ac frigiditatis fieret eorum inuicem mixtio & coniunctio: quod patere liquidò potest, ex harum qualitaturn definitionibus. Nam calor est, cuius vi cōgregantur homogenea: frigus, cuius vi congregantur tum homogenea tum heterogenea: humidum verò quod facillè terminabile est termino alieno: contrà siccum id est, quod difficile termino alieno definitur; suo verò facillè. Caterum à qualitatibus ad elementa deueniamus, in quibus hæc vigent qualitates, & quorum est mixtio. Cum terra, aqua, aer, ignis inuicem miscentur, ex hisque mixta corpora generantur; mixtionē eam primo & per se fieri nō posse, nisi vi corporis calidi, ignis inquam. si prima fiat elementorum mixtio, seu corporis ignei: si secunda, tertiæ, aut aliq̃ deinceps fiant; & ratio & experientia nobis persuadent. Nā si debeat fieri mixtio accommodata naturæ cuiuspiam mixti, necesse est vt ea inuicem componantur, quæ conueniunt naturæ illius mixti corporis: aliena verò separentur. At hoc caloris proprium est, congregat etenim calor homogenea, aliena separat: frigus verò omnia indiscrète constipat & in vnum aceruum cogit. Quæ de re cōstat frigus ineptissimum esse, vt primo ac per se eius vi fiat mixtio, generatiōque mixtorum corporum. Præterea cōmodè mixtio fieri nequit, nisi miscibilia corpora diuidantur in minutissimas partes; ac deinde inuicem partibus illis minutissimis vniantur, separatis paulatim alienis; & mixtioni illi ineptis. id verò fieri non potest, nisi per concoctionem quandam: omnis autem concoctio est à calore, & à corpore calido. Itē actio vera & generatio vera, quæ est ad formā, debet primo & per se attribui illi qualitati, quæ se habet vt habitus & forma: ei verò, quæ se habet vt priuatio, attribui nō potest nisi per accidēs, & secunda quadam intentione. sed caliditas si conferatur frigiditati, se habet vt habitus & perfectio; frigiditas verò vt priuatio. igitur per se & primo frigiditati adscribi nequit mixtorum corporum generatio. Item suprà diximus primum instrumentū & natura proximum cœlesti tepori, in quo est magnum omnium seminarium, vt Platonici dicunt, esse caliditatem. experientiā rationibus hisce attestatur. Nam quotcunque mixtorum generationes fieri sensu perspicimus; eas omnes videmus fieri per concoctionem quandam vi caloris. quin omnes mixtiones, quæ artificijs quibusdam fiunt (quæ sunt quamplurimæ) calore adhibito, & per concoctionem quandam fieri experimur. Neque vllus artifex, seu pharmacorum & esculentotū, poculentotūque confector, seu metallorum compositor quidpiam mixtionis attentaret, ex
- B
- C
- D

qua noua complexio nouaque massa fieret, si adimeres eis vsum ignis. Vi E  
 igitur caloris primo & per se fiunt generationes mixtorum omnium. nihil  
 ominus secunda quadam intensione etiam frigori attribui potest mixtorum  
 generatio. Nam præterquam quod calor non efficitur proprius & natura-  
 lis (vt infra dicemus) nisi temperamēto quodam certo; quod efficitur mix-  
 tione frigoris, vt infra dicam: in concoctione mixtionēque ipsa necesse est  
 sæpenumero id fieri à natura; quod fieri conspiciamus à fabris ferrariis, qui  
 ferro, ex quo ensem aut hastæ cuspidem efficere volunt, certum tempera-  
 mentum adhibeant: quamuis per se primo vtantur vi ignis, tamen certis in-  
 teruallis id ferrum quod voluunt in fornace forcipe, & malleis tūdunt; aqua  
 frigida intingunt. sic natura frigefactione interdum præparat materiam, F  
 quæ, nisi id fieret, inepta esset illi temperamento, mixtionēque illi; quam vult  
 efficere: idque sæpenumero facere more fabri verisimile est. Amplius, post  
 concoctionem & mixtionem perfectā, totam eam massam frigiditate con-  
 stipat & cogit, cum id exegerit illius mixti natura; vt in metallis factum esse  
 conspiciamus. Generatio ergo mixtorum omnium calori per se primo est  
 attribuēda & igni; qui fons est caloris cuiuscunque: itēque aëri vt efficien-  
 tibus: terræ vero & aquæ, vt materiæ. Verum cum calor sit causa generatio-  
 nis mixtorum, quæri potest, quænam sit causa corruptionis horum mixto-  
 rum, quæ caloris vi generantur. Possetque alicui videri frigori attribuēdam  
 esse corruptionis causam. Nam contrariorum contrariæ videntur esse cau-  
 sæ. Contrā verò esse videtur efficax ratio. Nam sicuti generatio mixtorum G  
 fit per compositionem quandam; ita corruptio fit per resolutionem & sepa-  
 rationem corporum componentium mixtum: at frigus semper congregat  
 & cōstipat omnia, tum homogenea tum heterogenea: igitur per se à frigo-  
 re resolutio & separatio esse nequit. Quamobrem neque etiam mixtorum  
 corruptio attribui potest frigori primo & per se. Verum frigus primo &  
 per se si caloris actionē impediat nimia sui vi immixti cuiuspiam factione,  
 generationem succedere nō sinet. hoc pacto impedit etiam frigus digestio-  
 nem seu concoctionem caloris, & indigestionem cruditatēque facit. Cui  
 igitur primo & per se attribuenda erit mixti corporis dissolutio & corru-  
 ptio? Perspectum est cuique acutius inuestiganti nulli attribui posse disso-  
 lutionem præterquam calori. A calore ergo mixta generantur, & compo-  
 nuntur. item à calore mixta dissoluuntur, & corrumpuntur. quā fieri potest, H  
 vt ab eadem causa prodeant effectus contrarij per se primo? Nimirum mi-  
 nimè omnium. ex hisce efficitur, aliū esse calorem à quo est generatio; item  
 alium eum, à quo est corruptio & dissolutio mixti corporis. priorem dici-  
 mus naturalem & proprium: posteriorem alienum & extraneum. Fiunt au-  
 tem hi calores, seu hæc corpora calida diuersa ob mixtionem frigiditatis,  
 seu humiditatis, siccitatisve, aut maiorem minoremve illius calidi copiam,  
 quam par sit: seu densatione aut rarefactione nimia. Sicuti ergo certa qua-  
 dam temperie calor corpūse calidum fit naturale (nunc etenim in hoc sen-  
 su vtimur caloris nomine) ita diuersa temperatura fit calor extraneus &

- A** alienus. Duoque hi calores inter se pugnant, alterque ab altero dissolvitur, soluto seu extra naturæ limites affecto naturali calore, à calore extraneo mixtum corrumpitur. Nam forma mixti primo inest calori naturali, ac per eum continet reliqua elementa omnia invicem mixta. Evanescente forma, resolutoque calore humidum aqueū aëreūque simul euaporant: est enim caloris fomentum & materia. Tertia pars demum dispergitur & dissolvitur in cineres. Calor autem extraneus calorem naturalem corrumpit seu resolvit duobus modis: per putrefactionem videlicet mixti, aut per exustionem. Putrefactio corruptio est caloris naturalis à calore extraneo in humido. Necessè est ergo ut in putrefactione post immutationem caloris naturalis humidum remaneat aliquantisper, neque statim resoluatur. At in exustione simul cum calore naturali resolvitur humidum & evanescit. Quamobrem plerunque putrefactio fit à calore extraneo humido non admodum vehementi. At exustio contrà fit vi caloris sicci vehementis. Quo fit ut quoniam natura sensum res mixtas infirmat, & ad interitum ducit, nihilque violenter agit, ut corruptio naturalis cuiusque mixti fiat putrefactione quadà. Quod etiam perspicue ostendunt & senectus animalium, & exicatio plantarum. Nam harum utraque via est quadam ad putrefactionem. Qua de re facile coniici potest naturam ducere res mixtas ad interitum per putrefactionem. Satis expositum sit hæcenus de calore extraneo, redeamus ad calorem naturalem, vi cuius supra ostendimus mixta corpora generari. Dubitare quispiam potest non immerito, cum calor naturalis sit pars corporis mixti, quin potius cum forma mixti primo inest calori naturali, ac per eum contineat reliqua elementa; prima & præcipua pars est mixti: agens verò & materiam numero esse nequeant, nihil enim seipsum format & efficit: quo ergo pacto dici potuit mixta generari à calore naturali? Ut hanc quaestionē diluamus, illud est animaduertendum; non omnino dissimilem esse generationem corporum mixtorum à generatione animalium plantarumque; quamvis in plurimis dissideant. Nam sicut in generatione animalium est quædam certa materia, in qua inducitur anima, quæ primo inexistit participaturque à calido naturali, sibi que proprio, ac per eum membra format: ita in generatione mixti corporis est forma, quæ inducitur in sua materia, & primo inest in calido naturali. Item quemadmodum in generatione animalis præter calidum, in quo est anima, existit etiam semen, in quo est vis generandi animal à parente deducta: Ita in generatione mixtorum omnium est qualitas celestis, in qua veluti in quodā magno seminario est vis generatiua mixtorum omnium deducta à corpore celesti & à mētibus illis cælorum morticibus. Hac vi veluti quadam arte à suprema illa arte deriuata, & dispensantur elementa in mixtorum generatione, & forma mixti inducitur. Etenim si hoc pacto nobis fingamus mixta generari; non arbitror longè nos à veritate aberrare. Cocunt in vnum elementa in mixtis; quæ prima mixtione ex elementis, fiunt; vique hac celesti, pro qualitate materię & loci partes maiores, minoresve densiores, rarioreve, varia etiam alteratione impuræ in vnum cocunt,
- B**
- C**
- D**

inuicemq; alterātur, & cōponuntur: Ita tamen vt vis ignea eiūſque elemēti E  
 pars ſit veluti organū primū cōleſtis qualitatis: Sicque cū omnia viciffim  
 omnia vicerint, victāque ſint, iam coneocta & in vnum mixta vi cōleſtis  
 qualitatis, & complexio & forma mixti inducitur: quā primo recepta in  
 calido proprio, ſeu in parte ignea deriuatur ad alia elementa. Hoc pacto  
 vi caloris naturalis fit mixtio & cōcoctio; & in calore naturali forma mixti  
 recipitur à cōleſti qualitate omnium effeſtrice. Si verò mixtum fiat ab ele-  
 mentis non prima mixtione, ſed ſecunda, aut tertia quartāve compositione;  
 idem propemodum dicendū eſt. nam vicem ignis obtinebit corpus igneū,  
 quod propriam complexionem habebit accommodam mixto corpori ge-  
 nerando; vicem terræ & aquæ corpus mixtum craſſius, ſic vicem aëris item F  
 corpus mixtum aëreum. viciffim igitur agent patientūque hæc corpora;  
 fiētque ex illis mixtum tertiu vi qualitatis cōleſtis, corruptis prioribus for-  
 mis mixtorum, non reſraſtis; eo quòd imperfectiora illa, priorāque mixta  
 non ſunt elementa aut materia poſterioris. ſed quoniam hoc vtitur ordine  
 hūncque ſemper ſeruat tenorem natura, vt ab extremo ſenſim producat res  
 omnes ad extremum aliud; non ſtatim & repente: inde effectum eſt, vt in  
 generatione animalium, eorūque nutritione, non continuo ex elementis,  
 aut ex inanimis etiam animal perfectum generet: verū multa media po-  
 ſuit imperfecta; in quibus tamen non ſiſtit, ſed per ea animal perfectum fa-  
 cit. Etenim in libris de generatione animalium Ariſtor. dicit, quod animal  
 prius viuut vita plantæ, forma ſcilicet quadam imperfecta; in qua non ſiſtit G  
 natura, vim tamen habet ea forma vegetandi; deinde ea exuta viuut vita ani-  
 malis; in qua prior forma eſt virtute & potentia; tādē viuut vita bouis, aut  
 aſini, ad perfectūque peruenit & in ea natura ſiſtit. Sic in corrumpendo  
 animal non conſeſtim reſoluit illud in elementa, ſed ſenſim agit per for-  
 mam cadauetis, ceterāſque nobis non notas. In nutritione autem vtitur na-  
 tura mixtis aliis perfectis, vt fructibus, frugibus, animalibūſque ad animaliu  
 alimentum. Non diſſimili ratione exiſtimādum eſt naturam operari mixto-  
 rum corporum perfectorum generatione; licet media, per quæ natura pro-  
 cedit in his, obſcuriora ſint, quā à nobis ſciri aut dici potuerunt. Attamen  
 in metallorum generatione nullus ambigit, quin omnia fiant ex argento vi-  
 uo & ſulphure. hoc igitur pacto mixta ſunt à proprio naturalique calore. H  
 Si quis verò vellet aſſerere quòd præter corpus illud calidum, quod rema-  
 net in mixto corpore, poſtquam generatum eſt mixtum; aliqua etiam eius  
 portio, qua vt agēte instrumentōque proprio vſa eſt cōleſtis qualitas, rema-  
 neret; neque mixtionem ingrederetur, & poſtea euaneſceret, vel aliud quid-  
 piam ex eo fieret à natura: vt de ſpīitu & calore exiſtente in ſemine maris  
 Ariſtoteles dicit, poſtquam eius vi generatus eſt fœtus: vt reor, neque eui-  
 denti argumento improbari poſſet, neque ipſe poſitionem ſuam poſſet ad-  
 ſtruere efficaci ratione.



## DE ELEMENTIS

### LIBER QVARTVS.

**B** Atis à nobis exposita fuisse videri potest ratio mixtionis, & generatio mixtorum omnium vniuersali quadam doctrina. Id etenim instituti nostri fuit, quemadmodum in exordio statim diximus; tractationem, scilicet nos facturos de elementis, & de elementorū mixtionibus in vniuersum; ita oratio nostra sibi constiterit citra formas metallorum & lapidū proprias; itēque citra naturas proprias partium similarium; ex quibus constant animalia & plantæ. Verū quoniam generatio mixtorum fit



**C** vi caloris naturalis; corruptio contrarij caloris extranei: Itēque mixta omnia perfecta sunt ex aqua & terra, tanquam ex materia, quorum alterum est siccissimum, alterum humidum valde & fluidum: nimirum tractatio hæc imperfecta videri haberique iure posset, nisi à nobis exponeretur tū actiones caloris naturalis sigillatim, tum accidentia illa, quæ per se cōsequuntur mixtionem: quorum quædam tangibilia sunt, & ad passionem impassibilitatēque mixtorum referuntur: alia ad actionem in sensus alios præter tactum accommodantur. Nam qualitates primæ, illæque, quæ eas sequuntur; quibus mixta sunt affecta; sunt tactiles qualitates, vt sapor, odor, color; quibus præponenda est complexio; quoniam mixtioni propinquissima est, statimque ex qualitatibus primis conflatur, earūque vim maximè obtinet. Nemo ignorat operationes caloris naturalis proprias esse, concoctionē seu digestionē, maturationē, elixationē, & assationē, nō quidē illas tantum, quæ sunt arte, sed eis cōsimiles à natura factas. Concoctio seu digestio, vt Latini auctores dicūt, est perfectio à proprio, naturali; calido ex oppositis passivis. quæ definitio adaptari potest ad terminū cōcoctionis: tunc enim perfectio inest passivis elemētis, seu mixtis vicem elementorū præstātibus, cū fuerint cōcocta vi caloris naturalis. Potest etiā hæc definitio referri ad motū ipsum, quo fit concoctio & digestio; ad quē si referatur, dicenda est esse perfectio; quoniā est via ad perfectionē. Motus nanq; est eiūsdē speciei cuius est ipsius terminus. Quamvis autem & humidum & siccum concurrant vt materia ad concoctionem: propior tamen materia concoctionis est humidum, quā siccum. Illud etenim, quod interminatum erat, cōcoctione termina-



tur, & eo veluti medio siccū mollescit, sicque inuicē miscentur. Maturatio E  
 propriè est digestio alimenti in fructibus. Etenim tunc fructus maturi dicun-  
 tur & sunt, cum in fructu alimentum concoctum est. Per metaphoram  
 verò quondam multa etiam alia matura dicuntur per concoctionem quan-  
 dam: quorum nonnulla esui, potui alia, expulsiōi alia apta sunt: tuncque  
 dicuntur digesta & matura. Animaduertendum hoc in loco est omnem di-  
 gestionem, itēque maturationem per se fieri à calore: à frigore verò fieri  
 per accidens tantum. Item notandum est per se id, quod digestum primo &  
 maturatum est, crassius fieri per digestionem, horum vtriusque ratio sa-  
 tis euident est, & in promptu. Nam maturatio digestio quædam est; omnis  
 autem digestio est concoctio, seu per concoctionem fit; quæ proculdubio F  
 per se est à calore. Item digestio perfectio quædam est; calor verò per se prin-  
 cipium est perfectionis & generationis: sicuti contrā frigiditas est per se prin-  
 cipium interitus: per accidens autem frigiditas facit ad digestionem. Tum  
 quoniam digestio fit à calido naturali, quod definitione quadam & remis-  
 sione fit naturale: remissio verò caliditatis per frigiditatem fit. Item frigore  
 in vnum cogitur calor; & fit validior per antiperistalsim. Præterea sæpenu-  
 ro accidit, ut massa mixtorū non sit apta certi generis cōcoctioni, nisi prius  
 passa fuerit à frigido: idque à natura sæpe fieri supra diximus more fabto-  
 rum, qui ferrum cudunt & temperant. Accidit etiam in multis mixtis, ut  
 post completam digestionem à calido, frigiditate afficiantur pro cuiusque  
 natura, & ob eam causam frigidiora apparēt post digestionem. ut lac quod G  
 fit per digestionem sanguinis, est tamen frigidius sanguine. Quamuis alia  
 etiā ratione cōtingete posset, ut post digestionem à calido factam, ea tamen  
 res digestionē perfectā frigidior euaderet; per ablationem inquam partis  
 calidioris. Nam vi caloris naturalis & proprii sicuti in vnum constantur ho-  
 mogenea, id est apra naturæ illius generis mixti; ita extranea separantur &  
 amouentur. Itaque partibus calidioribus amotis, quæ extabant in materia  
 generationis mixti frigidioris naturæ, id quod remanet, quamuis calore sit  
 concoctum non frigore, frigidius tamen erit sua ipsius materia, ex qua  
 confectum est. Ex his satis perspicuè reor apparere digestionem maturatio-  
 nēque omnem per se primo fieri à calido; non autem à frigido nisi  
 per accidens. Quod verò omne id, quod primo digestionem maturatio- H  
 nēve recipit, fiat crassius, euidenti ratione ostenditur. Nam id, quod pri-  
 mo recipit digestionem, est humidum; eoque veluti medio siccū terrestre  
 mollescit, & fit mixtioni idoneum: humidum verò propterea concoctio-  
 nem & maturationem recipit, eo quod vi caloris miscetur terreo. Quare so-  
 quitur id, quod primo maturatur & digeritur, humidum. Propter admixtio-  
 nē terrestris partis, necesse esse ut efficiatur crassius. Quod si qua mixta post  
 digestionē subtiliora facta esse videantur; hoc utique nō fit diuersa ratione  
 ab ea, quā supra exposui, per amotionem. scilicet partium terrestrium ei mixtionis  
 digestionisve generi non accommodatarū. Post expositā digestionem & ma-  
 turationē accedamus ad alias caloris naturalis operationes; quæ diuersę sunt  
 ob naturam passiue qualitatis coniunctæ calori naturali, à quo digestio fit.

- A Nam talis ille calor vel est humiditati cōiunctus, aut siccitati. Si humiditati cōiunctus est calor ille, sic ab eo fit digestio per modū elixationis. Sin verò cōiunctus fuerit siccitati, fit digestio per modū assationis. hæc verò plurimorum diuersorumque generum sunt pro intensiori aut remissiori humiditate siccitatē. Quæ omnia natura tēperat insita diuina arte, quā intellectus humanus ad vngūē attingere nequit: sed generali quadā notione mira hæc naturæ opera scrutatur & cognoscit. Sicuti verò à frigiditate impedita digestionē indigestio fit: Ita impedita maturatione sequitur cruditas dicta in fructibus propriè, in aliis secūda quadā significatione. Impedita verò elixatione & imperfecta, sequitur dispositio quā Græci & Aristoteles, iniquationē appellant, cum. s. à caliditate humida in re elixada motus humor aqueus interminatus adhuc & imperfectus se ipse cogit, simulque poros constringit, in quibus inhibitus & coactus est; sicque elixandæ res sunt duriores, quam fuerint antequā elixari inciperent. Assationē imperfectā sequitur dispositio quā latino vocabulo nescirè ego explicare, Græci appellant *νεκρωσις*. Hæ actiones sunt caloris naturalis. Caloris verò extranei operationes singulæ à nobis nō ita perfectè cognoscuntur, quoniā pertinet ad corruptionē & interitum. Sed genere quodā duplices sunt, putrefactio inquam & exultio. De quibus satis sint ea, quæ superiore libro sunt exposita. Nunc tēpus est, vt paucis percurramus differentias, quibus corpora mixta homogenea humida siccāve differūt inter se. Primūque exordiemur ab his qualitatibus, quas passiuus affines cōiunctasque cōsueuimus appellare ob id, quod per eas corpora homogenea apta vel inepta sunt aliquo passionis genere affici. Accedemus deinde ad complexionē & qualitates eas, quibus agunt, passionēque sensibus ingerūt. Sumemus autē exordiū à coagulatione & liquefactione, à quibus etiam Aristoteles in quarto Meteororum orditur: quoniam corpora omnia tam dura quàm mollia constant & conflata sunt quadam coagulatione. Coagulatio omnis fit exsiccatione quadam: sicuti contrā liquefactio efficitur per humectationem. Quoniam siccus est terminari definitque: sicuti contrā humidus est diffluere & proprio termino nō contineri. Necessè igitur est, vt id, à quo res coagulatur, siccitatem faciat. Siccitas verò duobus modis in aliquo effici potest: vel scilicet alteratione quadam noua inducta siccitate, vel per ablationem partium humidarum: quæ scilicet aut lateant compressæ & contentæ in terrestribus partibus siccioribus, aut euolent resolutæ in vaporem, sicque euanescent. Non dissimili ratione necesse est, vt id, à quo res quæpiam liquefit, humiditatem efficiat. Pluribus item modis humiditas in re quapiā potest effici: aut enim alteratione fit, qua ea res exuat siccitatem priorem & induat humiditatem nouam; aut resolutione quadam partium aquearum, quæ compressæ constipatæque prius erant, vel coactione vaporis in aqueam naturam; siue per subingressum in poros partium aquearū, dissolutionēque terrestrium prius in vnum coactarum. His expositis dicendum coagulationē interdum fieri à calido per se, si calidum illud fuerit etiam siccum, tum inducēdo nouam siccitatem, quatenus est siccum,

rum componendo partes aqueas aeræ&væ,& humidas cum terrestribus sic- E  
cis,necnon resoluēdo partes aqueas in vaporē,qui euolet & euanescat. Hoc  
pactō calidum coagulationem facit per se. Interdum calidum etiam per ac-  
cidens efficit coagulationem;cū per antiperistatim cogit in vnū frigidum;  
quemadmodum in grandinis generatione contingit. Frigidum autē coagu-  
lationem per se facit exiccādo, si fuerit coniunctum siccitati,item conden-  
sando partes aqueas in vnūque cogendo cum partibus terrestribus, à qui-  
bus fortius condensatæ etiam continentur, maiorēque soliditatem acci-  
piunt. Per accidens verò frigidum etiam coagulat exprimēdo partes calidas  
subtiliores immixtas humido; cum quibus humidum quoque implicitum  
euanesceit. Item per accidens coagulationem facit frigidum, si vi caloris hu- F  
midum resoluatur, qui in vnum cogitur, circūstante & cōstipante frigido.  
Ceterum ea coagulatio, quæ fit mixtione quadam complexioni cuius apta  
partium terrestrium cum aqueis & aquearū resolutione, frigidum per se attri-  
bui nō potest. hæc etenim per concoctionem fit; quæ est à calido per se, non  
autem à frigido, vt suprà diximus. Ideo Aristoteles in quarto Meteororū in  
quo primo agit de coagulatione, quæ sequitur mixtionē, quæ duræ res mol-  
lesque fiunt, nō facit mentionem de ea coagulatione, quæ fit per se à frigido;  
sed meminit de ea tantū, quæ fit à calido per se, à frigido verò per accidens.  
Ea verò coagulatio, quæ fit per se à frigido, cōuenit mixtis illis imperfectis,  
quæ non sunt vnum per formam quandam substantialē tertiam cōstatam ex  
elementorum mixtione, sicut grando, nix, pruina, cæteræque huiusmodi. Ea G  
nanque per se fiunt à frigido, nō tantū quia calidū exprimat, simulque hu-  
midum; sed quoniā vi sua humidū aqueum seu vaporē condensat, & in vnū  
cogit, partēque terrestriores congregat; quæ tenacius solidiūque detinent  
partes aqueas aut vaporibus cōstipatas. De huiusmodi coagulatione infe-  
rius Aristoteles dicit, quod fit per remotionē calidi, nō autē humidi; de quo  
non meminit. Nam frigidū ideo coagulat, quia frigefaciendo condensat, &  
cōstipat humidum aqueū vel vaporosum; frigiditas verò, quæ coagulationē  
facit, quandoque extrinseca est ab illo mixto corpore, quod coagulatur &  
præter illius naturā: quandoque secundū naturā & intrinseca. Præter naturā  
est in mixtis imperfectis illis, de quibus suprà fecimus mentionē. In metallis  
verò & lapidibus est intrinseca & naturæ eorum propria. Quo fit, vt glacies, H  
grādo, nix liquefactæ permaneāt fluidæ. Metalla verò liquefacta ignis vi cū  
primum vis illa ignea cessauerit, cōfestim nulla vi frigiditatis extrinsecæ, sed  
proprio intrinsecōq; nixu cogūtur & durescūt. Qualis verò & cuiusmodi sit  
hæc vis latitās, infra dicemus, cū tractabimus de cōplexionibus. Hæc de co-  
agulatione sint satis. Coagulata verò liquefiunt per se à calido; quoniā cali-  
dum partes in vnū coactas à frigido rarefacit & disgregat simulq; disiungit  
partes terrestres, quæ vi frigoris arctius cōrinebāt partes aqueas. Necnō cali-  
dū etiā per accidens liquefacit, quādo scilicet resoluit partes aqueas in va-  
porē, simulq; in vnū cogit partes frigiditas per antiperistatim, quarū vi vapor  
ille disgregatus in aquā cogitur vi frigiditatis in vnum coactæ. A frigido ve-  
rò

A rō per se liquefieri dici possunt, improprie tamen: vapor enim in aquam co-  
gitur & frigore, sicque condensando & coagulādo frigidum liquefacit. Item  
à frigido humido liquefunt sal, nitrum, eiuſque generis cetera: quoniā hu-  
midum aqueum frigidum eorum poros subit, sicque discindit partes terre-  
stres exiccatas & in vnum coactas vi caloris. Per accidēs verò à frigido quæ-  
dam liquefunt; quoniā à frigido expellitur calidum, cuius vi fit crassitudo  
in aliquo corpore, & impingatio quædā vt sperma, quod à frigido lique-  
scit euanescente & euaporato calido, cuius vi crassius effectum erat. Non-  
nulla verò corpora sunt, quæ nequeūt coagulari neque à calido neque à fri-  
gido: ab utroque tamen crassescunt. Quædam verò neque coagulari neque  
crassescere possunt; sed semper fluida perseverant. Ea, quæ aëris plurimum  
B habent, habentque etiam lentorem, crassescunt à calido & à frigido, à neu-  
tro durefunt, vt oleum. In quo multum est aëris, ideoque aquæ supernatat,  
crassescit interdum aliquatenus à calido, quoniam partes nonnullæ aqueæ  
vi caloris resolvuntur; cogi tamen & durefcere non potest, quia non habet  
multum terræ, sed plurimum aëris, quo præcipue natura olei cōstat. à fri-  
gido verò nō durefcit; quoniam aëris vis superat, qui ob frigus crassescit, vt in  
niue & in pruina conspicitur: non autem durefcit, vt grādo, quæ ex aqua ef-  
ficitur. itaque conspicimus oleum frigore coactum habere quandā speciem  
niuis viridis. Nonnulla etiā quamuis non sint aërea, quia tamen valde tena-  
cia & glutinosa sunt, nequeunt durefcere, sed crassescūt, vt mel; eo quod ne-  
C que caliditas eique iūcta humiditas exprimi potest vi frigoris propter tena-  
citatē & lentorem; neque etiā vi caloris partes aqueæ resoluti queūt ob ten-  
acitatē. Postremo loco nōnulla sunt corpora fluida, quæ neque caloris ne-  
que frigoris vi durefcūt, crassiorave fiunt, vt acetū: in quo quamuis paucissi-  
ma sint partes terrestres, itēque calor ille, à quo acutum saporē habet, a-  
deo implicitus est, per totūque diffusus, vt vi frigoris exprimi non possit.  
Ideoque continet partes aqueas, ne densentur à frigore, & ob paucitatē par-  
tium terrestrium contineri non possunt partes aqueæ, ne dissoluant. Quapro-  
pter neque etiā à calido durefcere crassescere potest acetum ob exiguitatē  
partis terrestis. Nam quæ coagulantur à calido, necesse est, vt habeant terrę  
plurimum, quod consistare possit parte aquea ob calorem resoluta. Præter  
D hæc, quæ hætenus à nobis exposita sunt, quædam inveniuntur coagulata,  
quæ prius à frigido coacta sunt, deinde à calido perfectam capiunt duri-  
tiem & compactionem, vt fictilia omnia. Nonnulla contra prius compin-  
guntur in vnum à calido; demum post actionem & concoctionem calidi  
perfectam coagulationem capiunt à frigido. huiusmodi à natura sunt me-  
talla & lapides; quorum duritiei extremam manum imponit frigidum; li-  
cet eorum mixtio & coactio facta prius fuerit à calido. Ex his, quæ ha-  
ctenus à nobis sunt exposita, facile intelligi potest, quænam mixta potius  
sint terrea, quæ item potius aquea, item quæ potius aërea. Coagulationem.  
liquefactionē, crassationēque mixtorū corporum sequuntur plurimę alię  
dispositiones; quibus apta vel inepta sunt mixta corpora certis quibusdam

passionibus. Quædam etenim dura corpora molliri possunt & inflecti, quædam minimè. Ea inquam, in quibus humor aqueus propter coagulationem non ita resolutus est atque euanuit, quin tantum eius reliquum sit, & in tota ea massa dispersum, ut vi ignis dissolui nequeat, & si ob paucitatem multasque partes terreas, quibus est implicatum, nequeat fluere. hæc utique igne mollescunt, ut ferrum, & cornu: quamvis ferrum violentiori igne adhibito liquefeat. Item nonnulla mixta aqua aspersa madescunt, ut lana & huius generis alia; liquefcere tamen non possunt. Quædam contrà in aqua posita liquefcunt; ægè tamen madescunt, ut nitrum, sal. Nonnulla in aqua & madescunt & liquefcunt, ut later nondum in fornace coctus, similiaque terrea mixta. Ea, quorum partes terreæ glutino tenaci inuicem compactæ sunt, poros tamen habent maiores, aquæ globulis, in aqua posita madescunt, non autem possunt liquefcere. Contrà quorum partes terreæ lentore glutinòque carent, poros tamen habet neque ita exiguos, ut sint aquæ imperuij, neque adeo magnos, ut sine iniuria & scissione aqua per eos meare possit: in aqua posita non madescunt, sed soluta ab aqua liquefcunt. Terrea verò, quia glutinum habent, & poros latos, madescere possunt, ut lateres incocti. rursus quia compacta sunt glutino non admodum tenaci, aliisque minores poros habent, quos subiens aqua diuellit, liquefcunt & soluuntur ab aqua. nonnulla flexibilia sunt; còtra aliqua flecti nequeunt. Flexibilia ob humiditatem flecti queunt, ut iunci, virgæque virides. inflexibilia non possunt flecti ob siccitatem. Nam humidum est terminabile termino alieno; sic cum contrà: neutra tamen horum igne mollescere possunt ut ferrum: quia in lignis terra & æt superant humorem aqueum, non superinfusum dico, sed intrinsicum, ex quo compositum est lignum. Nonnulla frangibilia sunt in partes magnas, nonnulla comminui facillè queunt in partes exiguas & minutas. Item quædam scindi possunt, necnon etiam frangi, ut ligna: lapides verò frangi queunt, non autem scindi. Omnis huius generis accidentium causa est in poris, eorùmque situ; item in modo, quo partes terreæ inuicem coherent. Nam quorum pori in longum sunt protracti, partèsque terreæ glutino aqueo tenaci per longum inuicem compactæ, scindi possunt, non item frangi. Quòd si humoris glutinosi pars resoluta sit ob nimiam siccitatem; pori noui fiunt etiam in latitudine; sicque frangibilia fiunt. Lapidum verò pori, ubi rari sunt & in omnem partem diffusi, faciunt lapides frangibiles: ubi verò crebri & frequentes, comminuibiles lapides efficiunt, non scissiles autem, quia non certo ordine in longitudinè protracti sunt: neque etià, ut diximus, in lapidibus partes terreæ coherent tenaci glutino aqueo, ut in lignis. Pari ratione, atque ex eadem causa quædà sunt malleabilia, ut plumbum, ferrum, & pleraque omnia metalla: quædam minimè. Quod còtingit ex humiditate aquea, constipata tamen à frigiditate intrinseca; in qua est lètor & glutinum. Illa verò, quæ sunt terrea aut aquea absque lentore, malleo extendi non possunt. Quòd si cum humido aqueo glutinoso fuerit etià admixtū aeris, quantum sit satis, minusque terre habeant, fiunt corpora, quæ etià mani-

- A manibus fingi possunt in diuersas formas, quas retinent, vt cera huiusque generis alia: hæc poros habent inttaneos, intra quos partes compressæ recipere se queunt & contineri. Item præter has qualitates, & huiusmodi alias nonnulla mixta accendi & inflammari non possunt; licet ferueant, vt omnia aquea: quædam contrà inflantur, sed flammam non emittunt, carbonēsque ex eis fiunt, huius ordinis sunt ea, in quibus plurimum est terræ, & nonnihil crassioris ætis; porosque habent, quos ignis subire potest. Illa verò, in quibus plurimum est aeris terræ admixtum & aquæ modicæ inflantur & flammam emittunt. Nonnulla quoque per se ægrè inflantur: coniuncta verò ligno arido, aut lino confectum flammam concipiunt & emittunt: in hisce aëreo humido admixtus est aqueus plusquam modicus parumque terre: idcirco per se ob humiditatem nimiam inflantur ægrè; adiuncta verò siccæ rei citò flammam concipiunt, eo quòd ignis suapte natura sicus est. Ideo cum multa humiditate, quamuis aërea sit, parum est sicci, ægrè prodit flamma, hæc superius latius à nobis exposta sunt, cum de mixtione tetrei elementi loqueremur. Item ad ignem nonnulla apposita vaporem emittunt, aliqua fumum, suffitum alia, nonnulla nidorem, alia fuliginem. Vaporem aquea, fumum & suffitum quæ aërea sunt, nidorem vñ uosa vt oleum; fuliginem ea quæ cum aëre lentorēque plusquam modicum terrestris partis habent. Hæc ferè sunt qualitates, seu dispositiones mixtorum corporum, quibus pro materiæ & agentis qualitate inuicem differunt, aptæque vel ineptæ sunt ad patiendum. Ex quibus faciliè dignosci potest & materia & efficiens eorum, ac propterea qualisnam sit eorum cuiusque complexio. Quam partem Aristot. in quarto Meteo. præclare complexus est. Ego paulò infrà pauca quædam perstringam. Accedo nunc ad cōplexionem, cuiusque genera: paucisque hanc rem omnem perstringam: quandoquidem accuratè latèque de complexionibus tractauit Galen. opete ad eam rem industriè confecto, & de complexionibus inscripto. Complexio secunda qualitas est cōflata ex mixtionibus primarum qualitatum, qua mixtum corpus agit certa actione, & patitur certa passione. Nam, cum temperamento primarum qualitatum fiat complexio, nonnullæ verò actiuz sint vt caliditas & frigiditas, duæ quæ supersunt passiuz; humiditas scilicet & siccitas: necesse est, vt hatum omnium natura reluceat in complexione, quæ ex ipsis constat. Per complexionem etgo mixtum corpus & certa actione agat pro cuiusque temperamento, & certa item passione patietur. Complexionum genera Galenus nouem posuit: quorum vnumquodque latissimum est, innumerōsque gradus sub se continet. Prima omnium est temperata, quæ duobus modis potest intelligi: aut scilicet complexio, in qua qualitates primæ quatuor coarquant inuicem sunt, adeò vt ne puncto quidem aliqua earum alias excedat, sed posita sit in medio. Alio modo dicimus complexionem temperatam & æquam eam, quæ operationi maxime omnium sit accommodata, & præcipuè cuique generi conueniat: sicuti solemus dicere quidpiam æquum esse secundum proportionem & æqualitatem geometricam,

in qua cōstituta est iustitia distributiva; vt in quinto lib. Ethico. Aristot. tra- E  
dit. Sic ergo dicimus complexionem temperatam & æquam, quæ operatio-  
ni cuiusque speciei conueniat. Prior illa complexio temperata vna est tan-  
tum; quia consistit in medio rerum, id est, qualitatum; quod vnum est tan-  
tum. Posterior hæc temperata est multiplex, pro natura scilicet quarumcū-  
que rerum. Prior illa, si ita medium affectat, vt cōtrariæ qualitates ita libra-  
tæ sint, & elementa cōtraria, quod vnum in aliud compar non habeat pro-  
portionem maioris inæqualitatis minorisve: nimirum huiusmodi tempe-  
rata complexio in rerum natura inueniri nequit. Nam complexio constatur  
ex mutua actione qualitatum cōtrariarum: hic verò ita libratæ ponūtur, vt  
vna in alteram comparem agere nequeat. Item si caliditas frigiditatem lon- F  
gè superat in agendo, in resistendo verò magnopere superatur, utique non  
possunt ita inter se cōquari, & librari, vt neutra in alteram agat. Quod si  
huiusmodi æqualitas attendatur penes quantitatem & molem elementor-  
um, ex quibus mixtum componitur; sic etiam complexio temperata effici  
non potest. Nam cū elemēta actiua ignis videlicet, ærque maiorem vim  
habeant quàm passiua: necesse est vt mole passiua superent actiua; ideo ma-  
teria mixtorum corporum sunt aqua & terra, & maior terre copia existit in  
plerisque omnibus quàm aquæ. mole igitur terra & aqua longè superant ig-  
nem & ærem. Amplius, cū omnia mixta constantiam quandā habeant,  
impossibile est constantiam hanc fieri; nisi terra & aqua ærem ignemque  
in eis superauerint. Nullo ergo pacto in rerum natura inueniri potest huius G  
generis temperata & librata complexio. Proximā tamen huic complexioni  
temperatæ, in qua scilicet virtute & gradu qualitates primæ maximè sint co-  
æquatæ, arbitratur Galenus esse hominis complexionem: quod efficaci (vt  
reor) argumento adstruit. Inquit enim: Cū sensus tactus non percipiat qua-  
litates tangibiles, nisi excedat gradu & intensiōe qualitates, ex quibus cō-  
stat & confectum est organum tactus; oportet enim recipiens catere ea na-  
tura, quam recepturum est. Idcirco necesse est tanto præstantiorem esse ta-  
ctum, quanto magis recesserit à qualitibus extremis, & redactus ad me-  
dium sit: sed homo præstantissimum omnium tactum habet, vnde est etiam  
prudentissimum animalium: Igitur necesse est, vt eius complexio sit pro-  
pinqua complexioni illi mediæ, in qua libratæ sint & cōæquatæ qualitates H  
eo, quo diximus, modo. Quod si secus esset (vt nonnulli perhibent) & recederet  
humana complexio plurimum à medio versus calidum & humidum;  
frigidiora animalia, & sicciora homine, quæ plurima sunt, excederent etiam  
hominem tactus perfectione. Verū de hominis complexione magis prop-  
riè differere ad hoc negotium institutumque nostrum nō pertinet. sequa-  
mur ergo in hac parte Galenum, constituamusque complexionem hominis  
maximè accedere ad temperiem, in hocque superare omnia mixta corpora:  
Hocque mensū quodā lato amploque dicamus. Quoniam in hominis cō-  
plexione magna est latitudo, adeo vt hominum aliqui dicantur complexio-  
nis temperatæ, qui sunt admodum rari: reliqui vero homines sint comple-  
xionum



- A xionum tecedentium à temperie versus aliquod extremum, magnoperéque inter se discrepant. Sed nos crassiori minerua ponemus humanam complexionem esse maximè temperatam : aliorum verò corporum mixtorum intemperatā esse. Intemperatarum genera à Galeno ponuntur esse octo in homine: parique ratione à nobis poni possunt octo genera complexionum intemperatarum, quæ mixtis corporibus præter hominem conveniunt. cuius speciei solum temperatam complexionem adscripsimus: quamvis vniuscuiusque speciei mixtorum corporum complexio temperata sit, & æqua operationi, quam natura habet. Octo genera intemperatæ complexionis hæc sunt, calida inquam tantum, aut tantum frigida : humida quoque tantum, aut sicca tantum, hæc quatuor vnica tantum qualitate recedunt à temperamento. Aliæ quatuor in vtraque qualitate intemperiem habent. Quædam enim est calida & humida, alia calida & sicca : Item aliqua frigida & humida, alia frigida & sicca. Quæ si colligantur, octo erunt intemperatæ complexionis genera. Inueniri autem posse complexiones intemperatas, propterea quod vnica tantum qualitate excedunt temperamentum, facile probatur. Nam si calidum inueniri potest cum summè humido, itémque cum summè sicco, cur ergo si fuerit æqualitas inter siccum & humidum, calidum exuperare & excedere temperamentum non potest? Consimilis est ratio de frigido : item de humido & sicco, comparatis calido & frigido. Auerrois tamè in opere, quod pulcherrimum fecit de medicina, conatur Galenum refellere, quod libenter facit cum potest : diligentemque operam præstat, vt demonstrat Galenum errasse. Inquit igitur Auerrois in eo opere quatuor tantum esse genera complexionum intemperatarum ; ea scilicet in quibus excessus est in duabus qualitatibus. Nam inquit, Cum humidum & siccum sint materia calidi & frigidi (vt nos etiam suprà ostendimus) impossibile esse inueniri formā sine materia ptopria: quare necesse esse si calidum excedat, pariter excedere temperiem, aut humidum aut siccum: parique ratione si humidum aut siccum excedit, excedere calidum aut frigidum. Hæc Auerrois ratio si referatur ad gradum caliditatis, seu frigiditatis, quomodo Galenus posuit excessum in complexionibus inæqualibus; omnino inefficax est. Verùm si referatur ad gradum actionis, eiúsque vim, efficaciam habet. Nam si posuerimus duo mixta esse, in quibus caliditatis & frigiditatis gradus idem sit, item idem sit gradus humiditatis & siccitatis: deinde alterum eorū efficiatur siccior: proculdubio gradus caliditatis idem erit post exiccationem; qui & antea, attamen vis agendi maior erit in exiccato, quàm in altero mixto, quod mutatum non est; ac etiam maior quàm erat in eodem mixto, antequam esset exiccatum. Sin verò contrà efficiatur humidius, cum humiditas obtundat actionem caloris, minus erit efficax in actione, quàm alterum mixtum; ac etiam quàm esset, antequā fuisset factum humidius. non ergo, quantum ad vim actionis pertinet gradumque simul, fieri potest, vt sit æqualitas in calido & frigido, sit autem excessus in sicco aut humido; quia semper siccior calidum erit acutius, calidū humidius erit
- B
- C
- D

obtusius. Sic etiam siccitas calori adiuncta efficacior est in agendo; quia calidum resoluit humidum aqueum; ideoque maior apparet exiccationis vis in calido, quam in frigido. contra frigidum cogit vaporem in aquam, si fuerit humidum; ideoque humiditas videtur maioris efficaciz in humefaciendo cōiuncta frigori, quam calori. Nam & si calor liquefaciat coagulata; per accidens humectat; sed per se exicat: quia resoluit tandem liquefactum humorem aqueum & exicat. Hanc arbitror ego fuisse Auerrois rationem, eiusque sententiam; quæ non discrepat à dogmate Galeni, quod confutat. Nam Galenus non loquitur de qualitate efficaciz actionis; sed de æqualitate graduum & latitudinis qualitarum. Quo ad gradus ergo octo sunt genera complexionum intemperatarum, quorum vnumquodque in rerū mixtarum natura amplissimū est, multasque ac ferè innumeras sub se species continet. Ex accidentibus tamen & differentiis mixtorum corporum, quas supra memorauimus, materia cognita, itemque agente; facile etiam formula quadam tenui dignoscere poterimus complexionem corporum homogeneorum. Nam cum eorum materia sint terra & aqua, ac in nonnullis aer, calor verò & frigus coagulantia: nonnulla autem liquida sint & fluant, fluida aquea sunt ob materiā, ideoque frigida & humida: sed si immixtum aerem habeant, aut vaporem igneum, calida erunt ob vim caliditatis. Quo interdum exhalante & euanescente cum à propria natura recesserint, remanent frigida. Itemque ob eandem causam, licet fluant, vim tamen habent exiccandi ob partes terrestres adustas in fluore illo inclusas. Coagulata terrea, si à calido sint coagulata, calida sunt ob calorem impressum ab actione calidi, & ob resolutionem aquei frigidi. itemque sicca sunt tum ratione materiæ terrestris, tum ratione agentis calidi. Sin autem à frigido coagulata sint, frigida sunt actūque sicca: sed virtute etiam erunt sicca, si coagulata sunt à frigore; postquam mixta fuerint & compacta in vnum à calido, vt saxa, marmora, ceteraque huiusmodi. Glacies verò & metalla actu sicca sunt ob coagulationem, virtute tamen sunt humida: quoniam priora abscessu caloris & humoris, qui partim à calore resolutus est & reliquus omnis ferè vi frigoris simul cum calore expressus est, ob terræ naturam, quæ remanet, sicca sunt: posteriora verò, quoniam aqueam naturam retinet compressam à frigido, necnon contentā à terreo; quod in eis est, potētia sunt humida, licet tactu & actu sicca sint & appareant. Hæc pauca de his libasse sit satis nostro operi. alij latius de hisce edisserunt. Sed ambigere aliquis potest in mixtis illis quæ sunt valde frigida, quoniam pacto à calore confecta esse queant, ab eoque contineri. Etenim supra diximus mixta omnia generari cōseruarique à proprio naturalique cuiusque rei calido. Item ambigi dubitarique potest qua vi fieri queat, vt pleraque mixta huiusmodi sint, vt neque calida neque frigida admodum videantur; apposita tamen corpori aut intro suscepta, nonnulla summopere calefaciant; alia contra frigefaciant; exiccant alia; aliaque humectent. Si rectè memoria repetantur ea, quæ à nobis de natura caloris supra exposita sunt, itemque de natura cœlestis qualitatis; quam etiam magnum

- A** genus seminariū appellauimus secuti Platonicos : non ita tamen, vt ponamus seminario hoc esse corpus æthereum omnia permeans : sed accidens qualitatemque à corpore celesti defluentem, omniaque penetrantem: Lacta videbuntur fundamētum esse solutionis prioris quæstionis. Diximus etenim caloris eant esse vim in agendo; vt etiam si fuerit minoris latitudinis quo ad gradus, tantæ tamen est efficacia & vis, vt superet frigus maioris gradus non tantum quo ad efficaciam agendi, verum etiam quo ad vim resistendi ipsius frigoris. Item diximus præter vim calefactionis, quæ est in calore, inesse etiā in calore vim cogendi homogenea: idēque vi caloris naturalis fieri concoctionem & mixtionem. Item diximus in mixtorum generatione calorem naturalem esse organum celestis qualitatis, in qua est seminario mixtorum omniū. Itaque ex his non est difficile soluere priorem quæstionem. Nam illorum mixtorum complexio licet sit frigida ob maiorem latitudinem gradus frigiditatis, quàm caliditatis, tamen minor calor potuit vi agendi superare & actionem, & resistantiam frigoris: sed multò magis potuit facere inixtionem & congregare homogenea, id est, conuenientia illius mixti naturæ & speciei. Idque amplius potuit ob virtutem celestis qualitatis, cuius calor naturalis est organum. his addas id, quod est potissimum in mixtis frigidis: quod post mixtionem factam à calore compacta sunt & coagulata à frigido: cuius vi expressa est magna pars illius caloris, qui mixtionem fecerat, & quæ exiguæ, qui reliquus est crasso & terreo mixtio coniuetur. Secunda verò quæstionem difficilius est soluere. Nam si nihil agit præter eum gradum, quem habet: omne etenim agens agit quatenus est actio, & ex non ente nihil fit. item si forma non agit in subiectum, in quo est, ipsum alterando; quia idē non agit in seipsum, neque simile in simile, vt ostendit Aristot. in primo lib. de generatione; difficillimum est inuenire quānam ratione hæc mixta calefaciant, frige faciantve longè magis quàm ipsa illis qualitatibus sint affecta. Dicam ego quid sentiam; alij perspicaciores fortasse quidpiam aliud inuenient. Cum mixtio elementorum sit; quamuis per contrarias alterationes formæ elementorum corrumpantur secundum esse substantiale, & remaneant in esse refracto, non tamen putandum est qualitatem elementi propriam vni formi ratione, eodēque gradu remitti in tota ea portione materię; in qua est forma illius elementi; sed diuersa difformique ratione, adeo vt in aqua particula insensibili portionis illius remaneat qualitas elementi propria secundum gradum valde intensum: cui proxima particula eamque circumfluitans remissiori gradu, intenso tamē est affecta; sicque deinceps. Ex quibus efficitur, quod in aliquibus mixtis esse queant particule calidissimæ, in aliis frigidissimæ, disunctæ tamen, intraque alias cōtentæ, adeo vt sensu percipi nequeant. Vi tamen caloris, aut etiam frigoris per antipristasim illar, quæ sunt solutiones, possunt in vnum cogi: nam calidi est congregare homogenea, idēque in vnum coactæ aut calefaciunt vehementer, aut frige faciunt summo opere. Hinc est quod nonnulla tactu non percipiuntur esse calida, aut frigida; cum tamen in ea calor naturalis egerit, siue appo-
- B**
- C**
- D**

ta sunt corpori, seu intra corpus suscepta, coactæ in vnum vi caloris particulæ illæ frigidissimæ aut calidissimæ vehementissimos æstus aut rigores faciunt & sæpenumero interficiant. Nam si nihil agit præter gradum proprium, proculdubio à calore naturali remissiori generari non potuit vehementioris maiorisque gradus caliditas, longèque minus frigiditas per se à calido generari potest. Neque etiam à forma mixti aut elementi potest proprium subiectum & materia, in qua sunt formæ illæ, alterari; sicque fieri vehementior caliditas frigiditasve in ipsis. Dicemus igitur propterea fieri vehementiorem; quia particulæ illæ vi caloris in vnum coguntur actionemque faciunt, quam facere separatæ, exiguæ, aliisque abruptæ non poterant. Huius rei exemplum in promptu est. Calx si tangatur, videtur esse frigida, nihilque vehementioris caloris in calce sentitur; quòd si fuerit aspersa aqua frigida, per antiperistasis à frigido particulæ calidæ & igneæ dispersæ prius & insensibiles in vnum coguntur. Nam solutiores aliquanto sunt, quàm in aliis mixtis eiusdem ordinis, & vehementem calorem faciunt. Quo fit, ut si calx vetustior fuerit, aut non habuerit maiores glebas, sed comminuta sit, aut non calefiat, aut non ita vehementer, ut calx recens non comminuta, quoniam in comminuta plurimæ partes igneæ exhalarunt, in veteri extinctæ sunt ob temporis diuturnitatem. Id ergo, quod sensu fieri videmus in calce, cur ratio nobis non persuadeat fieri etiam in mixtis aliis vi caloris naturalis in vnum cogentis homogenea? Alia etiam causa adduci potest, si vellemus ascendere supra qualitates primas & complexionem, ad potentias videlicet naturales & proprias cuiusque corporis mixti, quæ sunt secundæ speciei in coordinatione qualitatis, & sequuntur formas proprias mixtorum. Hæc etenim naturales potentie vim habent maximam etiam agendi ea, quæ inferiores qualitates agere possunt. Quid enim mirum est, si inferioris virtus cõtineatur in superiori & excellentiori? Dicemus ergo, quòd mixta illa per naturales potentias seu proprietates agunt, cum calorem, seu rigorem: multaque alia præter hæc, de quibus medici tractant. Non autem aptæ sunt cogere huiusmodi effectus, nisi excitatæ fuerint à calore animalis: qui similis est æthereo tepori, à quo vires omnium excitantur & promouentur ad suas quæque actiones. Hæc de complexionibus hactenus dicta sint instituto operi satis.

DE



## DE ELEMENTIS

### LIBER QUINTVS.

**B** **P**ERVENIMVS iam ad postremam partem suscepti à nobis operis: In qua reliquū est, vt tractemus de saporibus, odoribus, & coloribus: hæc etenim accidentia complexionem consequuntur, proximèque ad mixtionem accedunt. Verū primum ordiemur à saporibus: nam sapor maximè affinis est qualitatibus tangibilibus, sicuti etiam gustus tactui. Etenim (vt dicam inferius) odoris generatio saporem sequitur: nec dispari ratione odorandi vis gustum. Saporis naturam nulli simplicium elementorum conuenire, tum per se manifestum est, tum ratione ita esse probatur. Nam sapor sequitur nutrimentum; nihil autem nutriri aliè potest simplici elemento. **C** sicuti enim mixtum est corpus animatum, quod alitur: ita etiam oportet alimentum mixtum corpus esse: à simili namque vnumquodque nutritur. Sapor ergo nequit accidens esse simplicis elementi. Saporis naturam Democritus accommodauit figuris; & pro diuersitate figurarum voluit esse diuersas saporum species: sed Democriti placita de figuris multis in locis ab Aristotele sunt confutata. Quantum verò ad saporis naturam attinet, pauca hæc sufficient. figura sensibile commune est, quod per se percipitur ab vnoquoque sensu; sed præsertim à visu & tactu. Sapor verò est sensibile proprium sensus gustus; neque ab vllō alio sensu per se percipi potest. item figuræ nihil est contrarium; infinitæque enumerari figuræ possunt. At saporis species finitæ, inter seque contrariæ sunt. dulcis etenim sapor contrarius est amaro. reiciendæ ergo sunt Democriti figuræ. **D** Empedocles verò, qui posuit quatuor elementa esse omnium rerum principia simul cum lite & amicitia, voluit sapores non fieri mixtione & alteratione mutua elementorum: sed præexistere in terra, in qua putauit esse omnium saporum semina: ex qua deriuarentur in plantas fructusque, indeque in animalia, quæ natis è terra nutriuntur. Ceterum positio Empedoclis quoque de principijs rerum confutata est alijs in locis philosophiæ naturalis: hoc verò, quod de saporibus, eorumque generatione dicit, experimento deprehenditur falsum esse. Nam si sapores generarentur, vt Empedocles dicit, nouus sapor fieri non posset, nisi noua pars terrestris accederet: neque etiam prior sapor posset abijci, nisi quæpiam pars terrestris recederet. at contrà fieri

videmus, in fructibus ab arbore decerptis per concoctionem, & alterationem novos saporés generari mitiores & dulciores, prioribus omnino intercidentibus: generantur ergo noui saporés, non prius extabant. Saporés igitur non præexistunt, neque sunt figuræ quædam, neque etiam in corporibus simplicibus elementotum scilicet inueniuntur. Erit ergo sapor accidens sequens mixtionem: in mixtionibus autem, vt in superioribus libris diximus, aqua & terra se habent, vt materia, ex illisque præcipuè constant mixta corpora: aer verò & ignis vt efficiens & forma; licet aer magis attineat ad materiam, quàm ignis. Sapor qui accommodatus est materiæ, propterea quòd est accidens elementi, pertinebit ad mixtionem terræ & aquæ. verùm cum aqua ob sui naturam magis formabilem quàm terra, potius F pertinet ad alimentum quàm terra: nam & maxima pars terrestris natura veluti excrementum à nutrimento secernitur. Saporis natura magis etiam accommodata aquæ quàm terræ; ex admixtione tamen terrestris naturæ facta per concoctionem à calido. Erit igitur sapor abstractio quædam, seu percolatio patris terrestris sicca per humidum aqueum facta à calido; quæ potest afficere gustum, eumque ex potentia in actum operationemque propriam deducere. Fostema hæc particula diffentia postrema quoque est constituens naturam & speciem saporis. Nam sapor proprium sensibile est sensus gustus. Qua de re Plato in Timæo, cum saporis diffiniret species, non aliunde definitiones earum sumpsit, quàm ab affectu, quem in lingua, eiusque venulis & meatibus humoribusque saporés faciunt. Verùm definitiones omnes illæ sunt sumptæ ab alterationibus materialibus & naturalibus, G quæ non per se pertinent ad potentiam gustus, sed per accidens. Attingunt autem per se gustus organa: sed id per se saporem in gustu facere posse dicimus, vt scilicet spiritali specie gustandi potentiam efficiat actu gustantem, vt ita dicam. Sensus etenim susceptiuus est specietum sine materia. Ex his facile confutatur quorundam sententia, qui putauerunt (vt ait Theophrastus in opere de causis plantarum) eandem rem posse homini dulcem esse, cani autem seu cuiuspiam alteri animali amatam. Nam cum gustus potentia eiusdem naturæ sit in omnibus animalibus, quatenus gustatiua est & saporum perceptiua; sensusque rectè dispositus non fallatur circa sensibile proprium: impossibile est, quin eandem dulcedinem omnium animalium gustus iudicet dulcedinem esse, si organa fuerint secundum naturam disposita: nihil attamen obstat quin dulcedo eadem aliquibus animalibus suaui sit & salubris, aliis verò insuaui & incommoda. quis nescit cassiam fistulam dulcem esse? nulli tamen hominum ea dulcedo suaui est: quin potius contrà omnes homines eam oderunt & auertantur. Contrà nonnulla alioqui amara suaui sunt, vt intubi radices. Idem de aliis saporum generibus est sentiendum: nisi quispiam velleret Cratilli, eiusque sectæ philosophorum sententiam sequi, qui putabant, eo quòd omnia semper mouentur, nec momento quidem temporis quidpiam consisteret; nihil esse suaute natura dulce aut amarum, album nigrumve: sed omnia hæc fieri, cum H sentiunt-

- A** sentiuntur ex coniunctione ad sensum gustus visivse: quorum dogma perbellè deridet Plato in Theæreto, Aristoteles etià in nonnullis locis. Postquam constitutum est quid sit sapor, accedemus ad explicanda enumerandaque præcipua saporum genera; quorum vnumquodque amplissimum est, innumetâsq; ferè sub se differentias continet. Saporis genera sunt septem, octôve; dulce, pingue, acidum, austrum, acerbum, acutum, salsum, & amarum. E quibus quoniam dulce & pingue propinqua valde sunt, vno tantum genere contineri perhibentur; quamvis reuera duo sint genera. Hæc saporum genera nonnulli ita distinxere, vt eorum quædam pertinere dicant ad speciem; alia ad priuationem quandam & naturæ specièque dependent. Dulcis sapor (inquiunt) pinguis, huiusque generis alij ad speciem pertinent: Acidus, amarus, salus ad priuationem. cæterum cum multa inueniantur, in plantis præsertim earumque fructibus, quæ cum ad perfectionem specièque suam perfectam peruenierint, huiusmodi sapores habent, quinimò indigesta & imperfecta cum fuerint, quadam veluti dulcedine sunt affecta; deinde ampliori digestionem perueniant ad amarum, austrum, acidumve saporem: proculdubio non est ita absolute pronunciandum saporum hæc genera pertinere ad priuationem & naturæ defectum. Quamvis vt in pluribus res ita se habeat, quòd dulcis pinguisque sapor digestionem fiant & perfectionem consistant. Verum, vt expositione nostra tota hæc res fiat illustrior, altius ordiamur. Dicamus igitur in vniuersum tres esse saporis ordines. quidam enim veluti priuationes & corruptiones naturæ sunt: alij contrà sunt veluti exordia quadam naturæ saporum; in quibus natura non sistit, sed ab eis ad perfectionem progreditur. Nonnulli verò sapores perfecti sunt, in quibus natura sistit. Primi duo ordines saporum scilicet crudorum & putrescentium consimiles sunt formis illis mixtorum imperfectis: per quas medias natura progreditur ad generationem perfectiorum mixtorum: itèmq; ab specie perfectioneque mixtorum regreditur per dissolutionem ad elemèta. Hi sapores quoniam nutritioni inutiles sunt, neque per se, primâque intentione à natura effecti, innominati sunt, nobisque ferè incogniti: quamvis eorum nonnulli ferè consimiles sint specièbus saporum; quos inueniri etià in mixtis perfectis, fierique per perfectam mixtorum concoctionem suprâ exposuimus. Omisiss ergo duobus illis ordinibus, qui incerti incognitique sunt, nec à natura intenti per se, tractabimus de his septem generibus pauca quædam. qua in parte lectorem admonitum esse volo, sapenumero contingere & in mixtorum substantia- lium perfectiorum generatione, & in saporibus, odoribus, coloribus, omnibusque tandem, quæ progressionem quadam naturæ perficit, ex priuationis & non entis natura, vt ita dicam, in rebus his inferioribus immixta, vt ad perfectionem non veniant: imò in contrarium mutantur, aut etiam dissoluantur. Iudit etenim in mortalibus rebus casus & fortuna, multaque per accidens fiunt ob priuationes, & non entis naturam hæc inferioribus immixta. Sed reuertamur ad saporis naturas explicandas.



Summa ergo saporum genera sunt dulce, pingue seu vñctuosum, acutum, E  
amarum, salsum, acidum, austerum, acerbum vel acre. Hæc genera septem  
sunt, si pingue cum dulci coniunxeris; nam admodum affinia genera sunt,  
& vtraque alimento aptissima: Quidam his generibus addiderunt saporem  
vinosum & insipidum. attamen vinosus sapor plerumque pertinet ad ali-  
quod generum superius expositorum. nam dulcis est; vel acris, vel auste-  
rus. Etenim si hoc pacto per singula distinguenda genera saporum essent,  
pari ratione in medium adduci posset lacteus sapor, qui tamen vel dulcis  
vel pinguis est. Nostri verò instituti est referre tantum summa & amplifi-  
sima saporum genera. Insuper autem sapor non est; sed veluti saporis pri-  
uatio, quæ gustu percipitur, sicuti visu percipiuntur lumen & tenebræ. Dul- F  
cis sapor (vt ab eo ordiamur) fit ex admixtione partis terrestris cum aqueo,  
côcoctione & percolatione facta à calore paulo plus quàm mediocri. Ideo  
homini, cuius complexio propinqua est medio, dulcia sunt calida. Non  
tamen propterea quispiam existimet, si res quæpiam videatur affecta sapore  
dulci, confestim totam eam rem esse calidam. Nam fieri potest, vt, quam-  
uis nonnullæ partes sint calidæ, illæ inquam in quibus dulcis sapor apparet;  
plurimæ alix sint sapore carentes valde frigidæ. non enim necesse est quod-  
libet mixtum corpus saporem habere: idcôque vniuersam eam rem esse  
non calidam, sed frigidam: quamuis paucas quasdam particulas habeat  
dulces ac propterea temperatè calidas. Sapor vñctuosus seu pinguis plus  
aëris obtinet quàm ignis, caloréque obtusiore, id est, magis aëreo consistit, G  
quàm dulcis sapor. Est etiam plerumque dilutior quàm dulcis ob eam cau-  
sam, quod maiorem habeat aquæ copiam: affinis tamen est dulci sapor. Sa-  
por acutus fit à calido sicco subtili, & parum continet humidi aquei; qua-  
re vergit ad calidam & siccam complexionem: & per se est calidior dulci  
sapore. Nil tamen obstat, quin per accidens aliquod dulcis saporis sit cali-  
dus alia quapiam re saporis acuti ratione superius exposita. Salsus sapor fit  
à calido sicco non admodum subtili: sed terrestre illud, quo pars aquea per-  
colatur, est adustum, parumque in eo superest aquei humoris. Tale quid-  
piam est illud, in quo primo est sapor salus. verum ab exiguo huiusmodi  
potest infici magna aquæ copia, totaque salia fieri ex admixtione exiguæ  
portionis salis. Salia ergo, in quibus primo inest salsedo, sunt sicca & calida; H  
non tamen habent calorem adeo tenuem, vt aromata quæ sunt saporis acu-  
ti. Amarus sapor per se siccior est salso, magisque terrestris. siccitas illa  
amari saporis interdum est à frigido, sed plerumque est à calido. Quo fit  
vt pleraque amara sint calida: nonnulla verò contrà sint valde frigida, vt  
opium, quod amarum est, adeo tamen est frigidum, vt resolutionem  
membrorum faciat, & nimia frigiditate interficiat. Quod si quæras quod-  
nam amarum fiat à calido, & quodnam à frigido: Mihi hac in parte Auer-  
rois sententia vehementer probatur. inquit enim eam amaritudinem fie-  
ri à frigido, quæ rudimentum quoddam est aliorum saporum: quod con-  
spicimus in fructibus plantarum, qui principio sunt amari sicque valde

- A** & frigidi; vapore qui sunt imperfectissimi; postea humore & siccio adueniente sunt acerbis; ac deinde austeri & dulces: horum amaritudo nimium; ut constat est à frigido: Si Verò amaritudo sit alicuius naturæ perfectio non rudimentum, ut in absinthio, in aloë, in multis aliis: utique in plerisque omnibus amaritudo illa est à calido; & huiusmodi omnia ferè sunt calida: nisi habuerint partes alias frigidiores inspidas, ex quarum vi contringat rem totam esse amatam & frigidam. Horum uterque; amarus inquam & salus sapor, eo quod sunt valde siccis, plurimumque terræ habent, ineptissimi omnium sunt nutrimento: vapore qui minime omnium superari & immutari possint: ite reo reijciuntur à calido naturali; & subsident in excrementis; nec alimento immiscentur, vapore quos natura aspernetur & reiciat. Nec etiam ea, quæ in mari nascuntur & degunt, nutrimento salso per se, sed pro alimento attrahunt dulcem humorem; qui salso est immixtus. ac propterea fit, ut nulla arbor plantæve alia fructum efficiat saporis salsi: quamvis nonnullæ plantæ attrahant cum alimento quidpiam etiam salsi; non quo alantur, sed quo corticem aspergant, ut cicer; sic enim à putrefactione seruat: aut quo humiditatem superfluum & nimiam consumant, ut brassica; cui ob eam causam prodest salsedo: proptereaque sunt mitioris saporis à salsedine, quæ, cum consumpserit nimiam humiditatem quæ non poterat à calore naturali bene concoqui, reliquum humiditatis reddit concoctioni idoneum: ideoque mitioris saporis fit. Sal verò aspergitur radicibus palmarum (ut inquit Theophrastus) non ut sale alantur palmaræ, sed ut salis vi meatus aperiantur, quibus facilius queant humorem attrahere, necnon ut vi salis extimulata vis attractiua efficacior fiat ad alimentum attrahendum. Satis de salso. Sapor acidus fit à calore diminuto, id est, qui non plenè concoxit & miscuit humidum aqueum cum terrestri sicco; vel qui propterea diminutus est, quod ex mixto illo corpore arido exhalauit pars calida purior, seu mitior, aëre inquam. Hoc saporis genus propinquum est dulci saporis, & ei præcipuè dulci, qui vinosus est: quo fit ut intueamur in uvis, & moris, cæterisque vinosis fructibus, quod cum sunt maturi, postquam deserunt esse acerbis, neque adhuc sunt dulces, acidi saporis esse ob imperfectionem caloris & digestionis. Item si vi quadam calor aëreus exhalet, sunt acidi. Sic ex vino fit acetum. Acidus ergo sapor frigidus est; quamvis contineat aliquas partes calidas adustiores, & terrestriores; ac propterea earum vi abstergat, mordicat, consumat, exiccet. Austerus & acerbis sapor frigidi sunt, magisque acerbis austero. Insipidus autem propriè non est sapor; sed saporis priuatio. non tamen ita ut omne inspidum omni prorsus sapore careat: sed quod plurima sint parum admodum sapida, ut vix sentiantur. Insipida ferè omnia sunt aquea & dilutiora. Ea nanque natura est aquæ, ut per se careat sapore omni; susceptiua tamen sit, veluti prima saporum materies, cuiuscunque saporis generis. Hactenus satis sit explicatū de saporum generibus, quantum cōueniet huic nostro operi instituto. Dux tantum supersunt quæstiones soluendæ. Prior

de saporum contrarietate, an scilicet maximè contrarij saporès sint dulcis & E  
amarus, an potius acutus & acerbus. Altera quæstio est, an saporès medij  
componantur ex saporibus extremis contrariis, veluti ex quibusdam prin-  
cipiis & elementis saporum. Galenus putavit saporès maximè contrarios  
esse acutum & acerbum; quoniam acutus omnium calidissimus est, acerbus  
contrà omnium frigidissimus. Sed quoniam contrarietas in quouis genere  
sumenda est ab ea distantia maxima quæ per se pertinet ad illud genus: non  
autè ab ea distantia maxima, quæ pertinet ad illud genus per accidens: ideo  
contrarietas in saporibus non est sumenda à distantia in qualitatibus primis:  
quæ sunt tactiles; non autem gustu per se perceptibile: sed sumenda est ab  
affectu gustus. Cum ergo cuilibet compertum sit gustus affectum à dulci F  
sapore inditum gustui maximè distare ab affectu gustui indito ab amaro;  
ideo pronunciandum est dulcem saporèm maximè contrarium esse amaro,  
non autem acerbum acuto. quamvis ratione sumpta à calido & à frigido, vt  
censuit Galenus, magis inter se distent acutus & acerbus, quàm dulcis & a-  
marus. Quantum verò attinet ad alteram quæstionem, in decimo libro pri-  
mæ philosophiæ ostensum est, in vnoquoque genere maximam quandam  
distantiam esse secundum habitum & priuationem, non quidem absolute  
sumptam, sed in eo genere determinatà: cum autem cuiusque distantie duo  
tantum esse extrema possint; ideo in vnoquoque genere duæ sunt differen-  
tiæ contrariæ: quarum altera ad habitum pertinet, altera veluti priuatio est  
quædam. In eo tamen genere, à quibus duæ constituuntur species, quæ G  
simplicissimæ omnium sunt in extremis illius generis constitutæ. cæteræ diffe-  
rentiæ contrahentes genus, quamvis oppositæ sint & quodammodo con-  
trariæ, non tamen maximè contrariæ sunt, quoniam non maximè distant.  
Ideoque species ab eis constitutæ non censentur esse adeo simplices, vt prio-  
res. Sed quoniã medium comparatum extremis rationem habet vtriusque  
extremi; ideo species illæ mediæ dici cõsuevere esse compositæ ex extre-  
mis simplicibus; non tamen propterea necesse est, vt sit in eis vera compo-  
sitio tanquam mixti ex elementis, aut complexionis ex qualitatibus primis.  
Vt autem veniamus ad dissoluendam quæstionem de saporibus propo-  
sitam: Dulce & amarum contrarij sunt saporis species, ac propterea maximè  
simplices omnium. reliquæ verò mediæ species sunt veluti ex his compo- H  
sitæ: quoniam habent in sui natura quandam vtriusque participationem.  
Non tamen ex dulci & amaro, tanquam ex elementis, aliæ saporum species  
componuntur. Quid euidenti ratione confirmo. Nam si austerus acutiusve  
sapor componerentur ex dulci & amaro, veluti ex elementis, vtique opor-  
teret semper antequam saporès illi medij à natura efficerentur, præexistisse  
saporès extremos, inuicemque commixtos fuisse, ex iisque nõ corruptis, sed  
imminutis & refractis factos fuisse saporès eos medios. id tamen non fieri à  
natura in saporum generatione euidenter deprehendimus. quin potius con-  
trà præexistere videmus in fructibus saporèm acerbum austerumve, ex qui-  
bus processu digestionis & perfectionis sit sapor dulcis. Artificio tamen no-  
stro

- A**stro misceri quæit præexistentes à natura facti sapores; itaque arte nostra ex eis fieri plurimos medios, quos natura plerunque non facit. Huius generis quamplurimos ars coquinaria humanæ gulæ deseruiens adinuenit. Hactenus de saporibus dixisse sit satis. Post sapores sequuntur odores; qui adeo natura saporibus coniuncti sunt ab eis quæ pendent, vt in re insipida nullus odor inesse possit. Quo efficitur, vt nullum elementorū simplicium odorē habeat, quoniam saporē caret. Item metalla, quæ sapore carēt, nullum odorem emittunt. Sequitur ergo odor saporem; interque accidentia alia omnia post sapores odor maximè pertinet ad nutrimentum, vt paulò infrà dicam.
- B**Odoris natura etiā, sicut saporis, non est sine siccitate: etenim quāuis nonnulla odora humida sint, vt aqua vaporve humidus: attamen nisi affecta fuerint, alteratāque à sicco, nullū prorsus odorē haberēt. Quo fit vt perspiciamus dilutiora parū odora existere. Ex his colligi facile potest odoris definitio. Est igitur odor passio & affectio facta à sicco terrestri lapido in humido aëreo aqueove, quatenus odoris susceptiuum est. Ex quo perspicuum est sicuti natura odoris perfectior est quā saporis; neque odor tamen, neque sapor fit absque digestionē facta à calido: omniū namque efficiens est calor.
- C**Ideoquē odorifera pariter & sapida modicè apteque calefacta illustriores reddunt & odores & sapores. Odorū genera & modi tres sunt eiusdē ordinis: quem in saporibus suprā recensuimus. Nam quidam odores sunt veluti inchoationes & rudimenta naturæ; per quæ natura tanquam per media deducit inodora ad perfectos odores. Nonnulli sunt tanquam priuationes, vt putrefactorum odores tetri. Horum medij perfecti sunt; in quibus natura sistit concoctione & digestionē perfectā. horum species innominatæ ferè sunt, parūque homini notæ: quoniam hunc sensum odoris valde imperfectum homo habet. Sed ad species odorū explicandas plerunque vtimur saporum vocabulis: dicimus enim odorem suauem seu dulcem; item acutum odorem, grauēve, aut lenem. Interdum commiscemus vocabula, vt dicamus quæpiam odorem suauem quidem esse, sed grauem: sicuti nonnulla dulcia sunt, quæ habent nescio quid amaritudinis. In summa verò duo odoris genera esse ponimus; quorum alterum per se sequitur alimentum, idèquē nobis per se non adfert voluptatem tristitiāve, sed tantum per accidens. Nam famescentibus nidor carniū gratissimus est: plenīs verò & saturis ingratus & nauseam faciens. Hoc vnum est odoris genus quod brutæ animantes exquisitissimè sentiunt; omnesque huius generis modos sagaciter dignoscunt: nos non item. Aliud est odorū genus, quod per se alimentum non sequitur; licet non sit absque sapore. nullus etenim est odor rei insipidæ. Huiusmodi sunt florum, coronariorūque odores. hoc odoris genus soli homines videntur sentire; cætera verò animalia nullum habere.

re sensum huius generis odorem Aristoteles putavit: vix potest quæ ventri de- E  
 dita sensum non habeant eorum, quæ per se non faciunt ad alimentum.  
 quod si quæ videntur duci odoribus, ut canes venatici, qui in pratis floren-  
 tibus non sentiunt odorem leporum: quædam item odorem sulphuris æ-  
 greferunt intereuntque, id per accidens fieri Aristoteles idem auctor est.  
 Nam aspectus florum canes oblectat, ideoque diuertuntur ab sensu odoris.  
 Grauitas etiam, quæ sulphuris odorem comitatur, malè afficit ac interimit  
 nonnulla animalia; sicuti carbonum fumus homines strangulat, & interfici-  
 cit hæc Aristoteles. Verum si ea, quæ de pardali referuntur, vera sunt, quod  
 scilicet odore sui aliis animalibus suauissimo alliciat ad se cætera animalia;  
 quibus vescatur, nimirum necesse est fateri à brutis animalibus sentiri quo- F  
 que hoc odorum genus. Amplius ratione etiam idem possumus nobis fa-  
 cile persuadere. Nam cum potentia olfactus eiusdem sit naturæ in anima-  
 libus, quæ eam habent; potentia verò distinguantur per actus, & actus  
 per obiecta: impossibile ferè videtur, quod bruta, quæ olfactum habent  
 longè præstantiorem hominè; obiectum verò olfactus sit odor, non perci-  
 piant hanc odoris speciem; quæ sub obiecto illius potentia, quam habent,  
 continetur. Quamobrem fortasse dicendum Theophrastum melius ex-  
 pressisse Aristotelis præceptoris sententiam, rei que naturam. inquit enim  
 is author in sexto libro de causis plantarum, animalia bruta non duci ab  
 hoc odoris genere; sicuti etiam à vetustate colorum non ducuntur; quam-  
 uis eos colores perspiciant: neque pulchras formas mirantur, cum tamen G  
 eas visu percipiant. Nec mirum. Nam cum natura effinxisset animalia bru-  
 ta ventri Venerique dedita, ea omnia, quæ sensu percipiunt, nec tamen fa-  
 ciunt ad gulæ illecebras Venereæque voluptatem; ne animaduertunt qui-  
 dem, sed percepta prætereunt, & quasi præteruolant. Hoc ergo genus  
 odorum si animalia bruta percipiunt (ut ratio nobis persuadet) non tamen  
 hisce odoribus tanguntur, vllòve pacto afficiuntur: quoniam gulæ non in-  
 feruiunt, adeo ut ab eis non sentiri dici possint. Homini verò mirificè con-  
 ferunt ad sanitatem, tempetant enim nimiam cetebrî frigiditatem & hu-  
 miditatem. Ut autem redeamus ad naturâ odoris: Odor fit à siccò sapido  
 percolato per humidû aqueû aëreûque, ut est odoris susceptiuû aut odori  
 peruiû, vi caloris. Ex his perspicuû esse reor, odorem esse nò posse sine vlla H  
 humiditate, neque etiâ sine sic citate, sicuti sapor. verum odor magis attinet  
 ad siccitatē quâ sapor. Itē materia & subiectû odoris propriû est lōgè sub-  
 tilius, quâ saporis materia. Nā huius, saporis scilicet, subiectû est humidum  
 aqueû: illius, odoris inquam, est aqueû aëreûque; sed mediû quoddâ inter  
 aquam & aërem, aqua subtilius, aëre crassius, ut inquit Plato in Timæo.  
 Duo verò hæc odorum genera, de quibus meminimus, ita se habent, ut  
 odores illi, qui per se consequuntur esculenta & poculenta, plerique om-  
 nes magis sint aquei, eorûque materia sit crassior, accedens. scilicet ad natu-  
 ram aquei elementi. Alterius verò generis odores, florum inquam, radi-  
 cum, corticum, lachrymarum, & huius ordinis alij, magis aërei sint, sub-  
 tiliorumque

- A tilioremque materiam habent, & pletunque sicciorem. hinc fit vt hoc odorum genus consequatur. potius sapores amaros, stypticos, acutos, austerosque, quam dulces aut pingues. Nam sapores illi sunt magis sicci, subtilioremque exhalationem emittunt. Inde est quod nullum ferè animal benè olet hoc odoris genere, præter Pardalim seu Pantheram; si vera sunt, quæ de eo animali feruntur. Contrà arbores, plantæ, radices, flores, rami, lachrymæque plantarum multarum optimè olent, sicciore enim sunt: animalia verò humidiora magisque aquea. Inde etiã est, quod multi flores si atterantur, odorem emittunt: contrà multa non olent, nisi atterantur. Quædã insuper torreantur necesse est. Item quædã remotiora suauius olent: admota propè, grauius. In locis item siccis & calidis odorata nascuntur. Necnon si capæ & allia ferantur iuxta odoras plantas & coronaria, suauius olera illas plantas agricolæ asserunt. Horum omnium ea est causã, quod odores accidentia sunt corporis sicciore & subtilioris, quod tamen humiditate non careat, sed quod, cum suapte natura sit humidum, afficiatur vi caloris commiscens à substantia partis terrestis, sicca & sapida. Inde accidit, quod flores, in quorum superficie vapor is subtilis est, non autem interior, bene olent statim: quod si terantur, euanescebat fumus ille odor. Is verò, qui interius latet, vapor, & ex interioribus partibus prodit, nequaquam est odor: ideo si terantur non olent, aut grauius olent: aliis contrà, corpus id tenue vapor. inquam odor intraneus est, parùmque eiusexistit in superficie;
- C quæ terantur opus est, si excuti debet vapor ille odor. Quod si compressiores poros habeat, valdeque compactum sit, magis magisque contritione eget; & in aliquibus non nisi vi ignis resoluitur & euaporat. Item in aliis, quæ latiores poros habent, simul cum puro eo vapore odore exit terrestrior fumus parum odor: ideo cum purus ille vapor subtilior longius diffunditur, terreus uerò propius; iccirco remotiora melius olent: purus namque vapor tantum sentitur: propius verò admota halant terreum fumum immixtum vaporis odorifero; ideo olent grauius. Eadem de causa loca sicca & calida odoratiores plantas ferunt, quoniam odor à siccitate est vi caloris percolata. Quidam putant ob eandem causam capas & allia fata iuxta plantas odoras eas efficere odoratiores: quoniam calida sunt &
- D sicca. Exiccant ergo & calefaciunt propinquum solum, sicque odorem promouent. Aliqui verò aliam causam adferunt; inquit enim: Cum vnumquodque à simili nutriatur; ideo cum capæ & allium grauius oleant, ab eis trahi vaporem & nutrimentum malè olidum: quo efficiatur, vt plantæ odoræ habeant purius nutrimentum, vt pote purgatum extracto excremento ab allio, capæque malè olentibus. hinc etiam fit, quod vinum caliditate sua faciliè attrahat, & densitate contineat & conferuet vaporem hunc odorum, facilièque afficitur odore rerum propinquarum. oleum item densitate sua & glutino conseruat odores. sunt etiam artificio vnguentariorum olea, referentia odorem quorumcunque florum, aliarumque rerum odoratarum, prius tamen purgant oleum à nimio illo lentore, & glu-

tino pinguisque. Etenim si ea fuerint in oleo nimia; prohibent oleum affici E  
 externis odoribus: contumacius nanque est ad patiendum, nisi sit effectum  
 mollius. Iris etiam, ut ferunt, si incubuerit ubi est adusta materia, odorem  
 elicit. Eius nanque vapor humidus & roridus affectus siccitate adusta ma-  
 teriæ, temperamentum sortitur quandoque odori commodum. Vestigia  
 etiam leporum, si terra fuerit aliqua humiditate affecta, melius odorem  
 continent, & produnt leporem. Aqua inepta est ad odores recipiendos ex-  
 traneos; eo quod per rariorem substantiam statim diffuat vapor odor. Hanc  
 ob rem antiquiores putarunt odorem esse exhalationem quandam. Non tamen  
 exhalatio est, sed est sensibile accidens inhærens exhalationi. Neque necesse  
 est si odor sentiri debeat, ut exhalatio tangat odoris sensum, F  
 olfactum inquam, ut arbitrati sunt antiqui, sed spiritali specie multiplicatur  
 odor à vapore odoro per ærem medium seu aquam pro cuiuscunque  
 odoris vi, sicque sensum afficiunt. Nam olfactus non est tactus quidam ut  
 gustus; ideo medio extrinseco eget, ut sentiat, licet non tam magno, ut  
 visus auditusve. Hoc odoris genus, quod bruta vel non sentiunt, vel non  
 aduertunt, quodque diximus in sicciori materia existere, quam prius,  
 quod saporem alimenti sequitur, si non nutrit, ut Pythagorici putarunt,  
 accommodatum tamen est sanitati, bonæque valetudini humani cerebri,  
 ut pote quod aliquanto magis declinat ad frigidum & humidum. Siccitate  
 ergo & caliditate mediocri huius generis odorum temperatur & melius  
 se habet. Odorum species singulæ, quia innominatæ & incognitæ nobis G  
 sunt, non possunt certo numero comprehendi. Id tantum dixisse repetitis-  
 seque nobis sufficiat, odores illos dilutos, esse rudimenta quædam odoris  
 perfecti, sicut sapor insipidus saporum aliorum perfectorum rudimentum  
 & materia est. Odores verò putridos & tetros veluti corruptiones quas-  
 dam esse; nisi si quæ res natura suapte putrem odorem habeant, ut cimices.  
 Nec etiam omnia, quæ oriuntur ex putridis rebus, tetrum odorem  
 habent, ut fungi nati è stercore, non tamen propterea malè olidi sunt. Mi-  
 scentur arte hominum odores, ut sapor; plurimique medij humano artifi-  
 cio fiunt ex elementis, id est odoribus natura constantibus. de his vnguen-  
 tiorum negotium est: sicuti coqui artifices sunt condiendorum miscen-  
 dorumque saporum. Hi verò odores perfecti, qui natura constant, ha-  
 bent & ipsi species contrarias, ut sapor, mediâque; verum nobis ignotæ H  
 innominatæque sunt, eo quod præve olfaciat homo. idcirco satis hucusque  
 de odoribus dictum videri debet. Sequitur ut agamus de colore. Colo-  
 ris natura longius distat à qualitatibus primis, quam saporis odorisque  
 species. Non enim color per se efficitur ex admixtione qualitatum prima-  
 rum, ut sapor & odor; sed si fiat ex eorum mixtione color, per accidens  
 non per se efficitur. Per se verò coloris natura sequitur admixtionem  
 luminis in ea natura, quæ est luminis receptiva. huiusmodi verò natura  
 est diaphanum. Itaque color nihil aliud est, quam extremum & termi-  
 nus diaphani eius, quod est lumine affectum. Extremum verò in diapha-  
 no



- A no interminato esse non potest. Quo etenim pacto poterit esse quispiam terminus interminatæ rei? color autem terminus est. diaphani ergo terminati terminus per se est color. Attamen quamuis diaphanum omne corpus sit, corporisque terminus sit superficies: color vtique superficies non erit, sed est in superficie. Aliud enim est extremum corporis, quatenus quantum corpus est, & aliud extremum corporis diaphani, quatenus diaphanum est: extremum tamen diaphanum est in superficie corporis. Color igitur est in superficie, non autem est superficies. Diaphanum verò nullum terminū habet, nisi quatenus opacum est. illud enim diaphanum, quod opacitate omnino caret, suapte natura terminum non habet, sed est & lumini & visui peruium. Admixtio igitur luminis cum diaphano corpore scilicet luminis receptiuo opacitatem habente in extremo illius corporis colorem efficit. Nam natura diaphani non æquē est in corporibus omnibus, quæ sunt eius naturæ capacia. Verū in quibusdam perfectius inest; in aliis imperfectius. in diaphanis interminatis perfectius, quæ etiam, cum extremum nullum habeant quo visus nitatur, colorem sui natura nullum habent; sed vndique penitusque sunt lumine illustrata, vt ær perlucidus. Nonnulla, quæ imperfectius sunt diaphana, ac propterea aliquo pacto opaca, si lumine perfundantur, quamuis visui peruia sunt, ob opacitatem tamen extremum habent; in quo visus quoquo modo figi potest: videnturque colore aliquo affecta. vitrum, aquarum cōplures huius ordinis sunt: in quibus deprehenditur aliqua species coloris. alia verò diaphana, id est, luminis receptiua, & à lumine affecta multam habent opacitatem; ideoque sunt imperuia visui, statimque in extrema eorum superficie visus figitur. hæc tantum colorata videntur, & non diaphana. Ex his perspicue sequitur colorem fieri ex admixtione luminis cum opaco: coloremque esse, vt Aristoteles inquit, extremum diaphani terminati. Quamobrem Auen Pace arbitratus est coloris naturam & speciem non differre à natura luminis, ideoque colorem & lumen putauit esse eiusdem speciei; nihilque aliud colorem esse, nisi extremum luminis: huic addidit colores in tenebris nihil esse actu, sed tantum esse in potentia, id est, inchoatione quadam; quos postmodum perficeret præsentia luminis illius, quod expelleret tenebras. Ratione verò hac dictum fuisse Auen Pace verissimile est; quoniam non animaduertit in corporibus coloratis intrinsecus aliquid luminis esse. Verū celsuit omne extrinsecus accedere à præsentia corporis lucidi. Auerrois in secundo libro de anima, acuta ratione refellit hanc sententiam Auen Paces. Nam inquit, color est motuius diaphani secundum actum, id est eius diaphani, quod actu est diaphanum. Actus autem diaphani lumen est. Sequitur ergo quod diaphanum, quatenus lumen habet, sit per se mobile à colore. Sed omne susceptiuum, receptiuumque per se alicuius naturæ, caret natura & specie rei quam recipit. Ergo color, qui per se motuius est diaphani, quatenus est lumine illustratum, non est eiusdem speciei cum lumine. Pulchra sanè & efficax ratio. Præterea Auen Pace agere causam
- B
- C
- D

reddere posset, cur est quòd magnum lumen offuscat lumen minus, adeo E  
quòd præsente re valde lucida, vix ægréque percipiamus rem minus luci-  
dam. Inde fit, vt lucernæ lumen vix appareat sub lumine solis: stellæ quo-  
que interdiu non videntur ob eandem causam; colorem verò magnum lu-  
men non offuscat, sed illustrat & euidentius apparere facit: si color nihil  
aliud est, quàm lumen debile in extremo diaphani existens. Coloris ergo  
natura alia est à natura luminis: & licet originem, formamque habeat à lu-  
mine, degenerat tamen à luminis specie in speciem lumine inferiorem &  
imperfectiorem. Sic tepor cœlestis efficit interdum calorem elementarem,  
qui est infra naturam illius teporis. in obscuro autem & in tenebris colo-  
res actu sunt non potentia; quia res coloratæ componuntur ex elementis, F  
in quibus ex se natura lumen est: vt de igne exploratum est omnibus. Quid  
de aëre & de aqua statuendum, infra dicemus. Color igitur est extre-  
mum diaphani terminati, non tamen lumen est, nisi participatione qua-  
dam & deriuatione à lumine: sed species & natura quædam est degene-  
rans à luminis perfectione. Duplicis verò generis est color. Nam qui-  
dem colores sunt secundum apparentiam tantum, id est, qui nobis vi-  
deantur inesse rebus, non tamen insint. Nonnulli verò perfectam speciem  
habent in rebus; & verè, non ex oculorum illecebra res affectæ sunt illis  
coloribus. Primi generis colores illi sunt, quibus visus eluditur. Nam quo-  
niam color est extremum diaphani terminati, contingit interdum, vt dia-  
phanum re vera interminatū sit, ac propterea re nullum terminū habeat; ac G  
ideo nullum colorem. color etenim extremum est & terminus. Nobis  
verò ob accidens aliquod diaphanum illud videbitur terminum habere,  
seu quòd deficiat visus, neque vltra certum terminum extendi queat, sed  
in eo figatur: siue ob aliam quandam causam. Tunc vtrique nobis apparet  
in eo diaphano certus quidem color, cæruleus inquam, aut purpureus pro  
qualitate scilicet diaphani; qui tamen reuera non est. Nihil enim refert,  
quantum ad apparentiam pertinet, an sit in eo diaphano opacitas, ac pro-  
pterea mixtio luminis cum opaco & terminus diaphani; an re vera non  
sit, sed nobis ob accidens aliquod esse videatur. colores igitur huius ordi-  
nis esse apparent, cum tamen non sint; pendentque ex lumine extrinsecus  
influyente in diaphanum illud, & variam speciem præbent propinquis re-  
motisque oblique & rectè spectantibus. Ea de causa cœlum videtur cæru-  
leum; itémque colles & montes, si distent multum à nobis, præ se ferunt  
colorem cæruleum, interdumque cyaneum. disiciente enim visu ob spa-  
cium longinquum aër opacior videtur; itémque terminum quendam of-  
fert, in quo figitur visus, admixtioque illa luminis cum opaco colorem  
cæruleum refert, seu cyaneum, si maior opacitas inesse apparebit. Hoc ergo  
coloris genus secundum apparentiam, & phantasiam quandam est, non  
secundum existentiam. Id enim, quod existit, lumen est, non color: elu-  
ditur tamen ob eas visus, quas diximus, causas, & colorem putat se vide-  
re. Nam species luminis deficiens colorem refert. Quandoque etiam vi-  
detur

- A detur diaphanum infici alieno colore; cum scilicet illustratur lumine, quod refrangitur à re quapiam illustri colore colorata. Sic quandoque cubiculum apparet viride aut rubeum, si vitrea fenestra fuerit viridis cæruleve coloris; per quam intra thalamum radij transmittuntur. Sic à nobis res citrinæ videntur, si oculus infectus fuerit colore citrino. Aliud coloris est genus secundum existentiam; quoniam scilicet reuera plurima corpora sui natura sunt affecta colore quopiam. Nam, cum componantur ex rebus lumen habentibus, quo tota afficiuntur, proculdubio diaphana sunt, id est susceptiva luminis: sed cum sint imperuia visui, terminata item sunt, non autem interminata. Sunt ergo suapte natura diaphana terminata; ideo-
- B que sua etiam natura eorum corporum diaphanum terminum habebit. Sed, ut suprâ definiuimus colorem, nihil aliud est color, nisi terminus est extremum diaphani terminati. Erunt ergo natura & secundum existentiam huiusmodi res coloratæ. Species verò coloris innumerae sunt: attamen ad septem quasdam illustriores rediguntur referunturque omnes: Album scilicet Flauumque, Cæruleum, Viride, Purpureum, Puniceum, Croceum Luteumve, Nigrum Fuscumque. Horum colorum extremae species contrariæque sunt album & nigrum, quibus affines sunt fuscum & flauum: Flauum scilicet albo, & fuscum nigro. Album in colorum genere se habet ut habitus; nigrum ut priuatio. ideo cum lumen sit forma coloris, à quo scilicet coloris natura per degenerationem quandam descendat, in albo est plurimum luminis, pertinetque album ad lumen: in nigro exiguum luminis est, plurimumque opaci; pertinetque nigrum ad tenebras. Quæ de re tenebræ ubicunque fuerint, nigricare videntur. Non tamen propterea putandum est nigri coloris naturam esse priuationem omnem luminis, tenebræque ipsas. Nam nullus visu percipit neque quàm magnæ sint tenebræ, neque quali figura præditæ sint. At niger color & quàm magnus sit, percipitur, & cuius sit figura, quotusque numero etiam sit. Ideo ergo visum percipiuntur tenebræ, quia visum non mouent, non autem quoniam sui specie visum afficiant. Sic silentium auditu, & insipidum gustu percipitur. At nigrum sui specie visum mouet; ideo nigrarum rerum & figura & numerus percipitur visu. Niger tamen color, quia pertinet ad priuationem, sit veluti per luminis extinctionem quandam in opaco, contra color albus sit per præsentiam luminis & illustrationem opaci. Nigri verò speciem referunt & tenebræ, quoniam visum non mouent, & percipiuntur ut priuatio, & res opaca, in quibus lumen offuscatur est, & tenebricosum effectum ob opacitatem; ac propterea extrinsecum lumen, ab eo ad visum non reflectitur. Ea etiam, in quibus parum est luminis, eiusque exiguum reflectitur ad visum, nigricare videntur, ut vmbrae omnes & vmbrosa loca. in his etenim lumen est, sed exiguum & opacitate obrutum refrangitur ad visum. Fuscæ item res eiusdem ordinis esse videntur. Duo hæc extrema sunt, & contraria colorum genera; quæ lata amplaque

sunt pro diuerso gradu opacitatis luminisque illius veluti extincti in nigro E  
 vel etiam copia & quantitate luminosi corporis existentis in albo corpore. namque opacitatis intensio remissiove, eiusdemque amplitudo aut exiguitas coloris nigri modus euariant. contrà in colore albo copia vel intensio vigentis luminis, aut contrà paucitas remissiove, seu copia paucitâque opaci lumine illo illustrari, varios longèque diuersos faciunt albedinis modos. Aristoteles in opusculo de coloribus, quod eius nomini inscriptum ad nos peruenit, attribuit colorem album aëri, aquæ, itémque terræ: ignem verò & solem flauum facit. Nigrum verò colorem attribuit aquæ aut aqueo vaporì, cùm siccescit, vel vi ignis, vel etiam sensim vi siccæ alterantis & exicantis. Vnde in mutatione quadam aquæ ad siccitatem colorem nigrum consistere dicit. hinc fieri prædicat, quod in puteis parietes, qui sub aqua sunt, nigredinem contrahunt. Hinc fumus lignorum humidorû ater est, carbonisq; atrî sunt fumo scilicet illo crassiori & aqueo intincti. Qui, si exurantur còsumpto vapore eo nigro resoluti in cinerè, redeunt ad albedinem; quamvis cinis aliquid adhuc retineat illius tincturæ, ac propterea sit pallidus. Quæ si omnino vi ignis consumpta fuerit, vt in calce, tunc conspiciunt purus nitor & candor. Hanc summi philosophi sententiam si improbare auderem, iure haberi possem audacissimus. Adferam tamen dubitationes eas, quæ me aliquanto acrius vrgent; easque, quas potero, soluam; alias verò peritioribus soluendas relinquam. Id, quod primum Aristoteles dicit, aërem scilicet & aquam esse coloris candidi sui naturæ; G  
 non videtur admodum exploratum esse. Nam si aër & aqua sui naturæ sunt alba corpora; ergo etiam sui naturæ luminosa sunt corpora: quî namque fieri potest, vt sit color quispiam, ac præsertim albus sine lumine, imò sine copia luminis? Quòd si duo ea elementa ingenitum lumen haberent, nimirum non essent diaphana in potentia alterius scilicet indiga luminis; sed sui naturæ essent actu diaphana. lumen enim est actus diaphani, cui tamen rei sensus contradicit. Quilibet enim facillè experitur amotis luminibus cæterisque rebus lucentibus, aërem summopere fieri tenebricosum: nec minus aquam, nullo prorsus apparente luminis vestigio. Contrà verò adstruere Aristotelis sententiam videtur id, quod experientia nos docet; aërem scilicet aut aquam seu vaporem aqueum, si densiora facta fuerint, continuò referre colorem candidum, vt perspicuum est in niue & pruina. H  
 Quis enim diceret niuis pruinaque candorem esse à corpore igneo incluso? cùm nix & pruina coganrur per expressionem corporis calidi, in eisque summa sentiatur esse frigiditas? Iecirco quantum pertinet ad hanc quæstionem, fortasse non ineptè dicere possemus in aëre & aqua quoddam lumen esse inchoatum: potiùsque in aëre quàm in aqua, vt pote qui magis accedat ad perfectionem ignis quàm aqua: non tamen adeo magnum est, vt perfectum sit lumen, actûsque diaphani esse queat; sed hæc natura in aqua & aëre inchoationem tantum luminis facit, id est, diaphaneitatem, vt ita dicam,

- A** cam, quæ inchoatio quædam est perfecti luminis. Etenim actus & potentia pertinet ad idem genus. Cum ergo aer & aqua diaphana sint corpora; natura sui quandam habent luminis inchoationem: quæ caret terra. Hæc verò perspicuitas illorum corporum ab extrinseca luce perficitur. Sicuti ergo ignis ob sui raritatem non lucet, densatus autem & coactus in vnum lucetæ incipit; & lumen emittere: ita aer aqueusque vapor, cum habeant inchoationem quædam naturæ luminis, non autem perfectionem aliquam, ut ignis; cum rara sunt, neque lucem emittunt, neque color perui sunt: in quo deficiunt ab igne, qui sui natura actu diaphanus est. At cum vtrumque eorum corporum, aer inquam & aqua, densatum fuerit; non equidem lucet, aut lumen emittit, quod facit ignis: sed ob perspicuitatem, id est; naturam luminis inchoatam efficiuntur colorata eo colore, qui ad naturam luminis maxime accedit, candore inquam & albedine. Hæc non incommodè mihi videntur dici posse super hac quæstione. Altera verò mihi longè difficilior videtur esse in eo, quod Aristoteles statuit terram sui natura esse candidam, & colorem nigrum fieri mutatione aquæ, seu vaporis aquei in siccitatem. Nam si color sit vltimum diaphani terminati; terræ verò natura maxime remota sit à perspicuitate ob sui opacitatem & densitatem; quoniam pacto poterit terræ naturæ attribui coloris, qui in se omnium maxime lumen contineat, albedo scilicet & candor? Item suboritur alia quæstio, qua ratione fieri possit, ut aqua siccescens efficiatur atra. Nam si terræ natura candida est; ignis item flauus, vel lucidus, & splendens; in illa mutatione, qua aqua tendit ad naturam terræ, siue mutetur ut ignis, siue ut sicci alterantis aquam, cum agens omne faciat passum sibi simile; nescio ego perspicere à quoniam fiat nigredo illa, cum & terra natura sit candida, & ignis plusquam candidus; splendet enim. equidem ingenuè fateor quæstiones has mihi difficilimas videri, adeo ut in dubium mihi reuocent non iudicium Aristotelis, sed auctorem operis illius: nescioque an falsò nomen Aristotelis adscriptum fuerit. Quare peritiores me soluent has quæstiones. Ego verò potius sentirem (si libera mihi daretur optio) terram sui natura esse maxime tenebrosam & carentem lumine; ac propterea nobis referre colorem maxime atrum; qui potius ob lumen extrinsecum refractum à superficie terræ rationem habet coloris, quam ex natura terræ. Ea nanque potius dicenda esset tenebrosa quam nigra. Verum ob id quod lumen diaphani, in quo terra videtur, pertingit & quodammodo admiscetur opacæ illi superficie: ideo colorem atrum facit. Nec me moueret ratio de calce & cinere adducta. Nam reor in vtraque plurimum esse vis igneæ, ac propterea luminis; quam ob causam calx candida est, cinis subalbidus, in quo minus sit ignis quam in calce. His constitutis accedamus ad colores alios, eorumque naturam explicandam. Nigerimus ergo est color terræ: aqua etiam aqueusque vapor, si siccescat protinquierque fiat naturæ terræ, nigrescit. Eo quod siccitate opacior fiat

aqua: ea tamen nigredo minor est, quàm nigredo terrea, quia inibi minor E  
 quoque opacitas est. Albedo verò propinqua est lumini, licet latissimè pateat, multòsque sub se modos contineat. quòd si maiori fuerit lumine illustrata, ferè splendet; sed proculdubio flauescit. Vt igitur ordiamur, colorum mediorum primus cæruleus est. Fit hic color ab opaco admodum raro & diaphano à remissiori quodam lumine illustrato. Hinc est quòd & cælum videtur cæruleum & mare. Nam opacum id, ex quo fit cæruleum, propinquum est illi nigro, quod diximus esse in vmbra; minus tamen & remissius. Quòd si opacum fuerit densius priore, magisque nigrescat, quemadmodum aqua cùm siccasset fit nigra, admixtúmque fuerit nigro opacòve illi aqueo lumen mediocre, fit color viridis; cuius plurimi sunt modi. Ob F  
 hanc causam omnes plantæ sunt coloris viridis; quoniam nutriuntur humore aqueo radiis solis exiccato illisque admixto. Quòd si cæruleus color fiat magis opacus; aut in quopiam mixto corpore sit maior opacitas quàm in cæruleo, lumenque intensius quàm in cæruleo & viridi, magisque densum fuerit: efficitur color purpureus. Quòd si opaco densiori & terrestri mixta fuerit magna copia luminis intensiorisque gradus, fit color puniceus: indicio sunt carbonēs, qui nigerrimi sunt; accensi tamen efficiuntur coloris punicej. Viridis color si siccet vertitur in luteum: inde videmus frumenta, paleas, frondēsque cùm arescunt flauescere, ac fieri coloris lutei: licet nonnulla, in quibus maior est humoris copia, antequam fiant coloris lutei, rubeant. hæc in summa est horum colorum natura; quorum quilibet amplissimus est: multòsque sub se modos continet pro temperatura opaci & luminis; quorum singulos enumerare neque est instituti nostri, neque ferè possibile. Tum sciat si quis intuebitur colores plantarum virides omnes, innumeros tamen. colores florum ferè infinitos. Modos etiam temperamenti in singulis, solius dei est nosse & facere. Præclare Plato in Timæo; qui hæc (inquit) facere quærit, ignorat quid intersit inter deum & hominem. Ille nanque & nouit mensuras omnium & temperat; rursumque facillè dissoluit: homo neque præstare hoc potest opere ipso; neque nosse. Huiusmodi est colorum natura. Verùm non semper species cuiusque coloris oculis nostris offertur talis, qualis sua natura est; sed lumen diaphani, quo medio videntur colores & illustrantur, plurimum facit ad cuiusque coloris apparentiam: hinc fit quòd multa, quæ interdum apparent viridia, noctu cærulei seu purpurei coloris esse videntur. Item lumen ipsum sæpenumero afficitur colore diaphani, per quod pertuenit ad colorē, qui videtur; sicque color dupliciter inficitur. Nā & qualitate luminis, quo illustratur, afficitur; & aduenticio illo colore, quo lumen affectum est. hinc fit quòd rarò tales nobis appareant colores, quales reuera sunt. Euenit illud etiam quādoque, vt in re quapiam multi propinquisque sint pori, qui aliquo colore tincti infectique sunt: ideoque tota ea res videatur esse illius coloris, quo tincti sunt pori; cùm tamē ea res interius natura sui aliū colorē habeat. hinc

F

G

H

- A** hinc est quòd videmus nonnullos lapides atti coloris trahere lineas candidas, eo quod eorum pori tincti sunt atro colore fumi, à quo concoctus est lapis, & postea coactione lapidis per minutissimos illos poros expressus: quamobrem ater videtur esse lapis; cum tamen sui natura & interius sit candidus. Is color conspicitur; cum comminutis poris in linea protracta, partes tantum & ramenta lapidis sunt. Contrà alia ob tincturam flauì coloris videntur esse: cum ramen minimæ particulæ, ex quibus constituta sunt, colorem atrum habeant. Non dissimili ratione ea, quæ arte tinguntur, ingrediente ac subeunte colore intra poros propinquos adeo & sic implicitos, vt interualla non persentiantur, tincturam capiunt; quæ in multis adeo est renax, vt dilui non queant. Hæc colorum genera, innumeraque species artificio à pictoribus temperantur & commiscentur; interdum alij aliis euidentioribus superponuntur, adeo vt infinitos ferè faciant colorum modos. Natura quoque in animalium villis, in plantis, earumque fructibus & floribus ita commiscet & digetit, vt omnes præstantiori ingenio præditos summa admiratio capiat oblectatióque non mediocris; cum solertiam naturæ in illis contemplantur. videtur autem natura tum materia varia, tum digestionem diuersa in efficiendis tot coloribus. Sed color villorum in animalibus plerumque sequitur naturam eorum pellis: nam plerumque sunt pili intra poros cutis. In fructibus verò & floribus plantarum multum faciunt solis radij, qui admixti coloribus plantarum pro copia & qualitate nutrimenti, & natura plantarum pulcherrimos varióque colores effingunt. Hinc est quòd plerumque in animalibus colores virides, punicei, lutei, innumerique alij conspiciuntur; qui passim sunt in folijs, fructibus, & floribus plantarum. Quòd si quæ aues, vt pauones, columbæ, galli hisce coloribus sunt pictæ, cum plumæ ex cute exeunt vtiq; eis non sunt infectæ coloribus, sed postea illustratæ radiis solis & lumine aëris, quem inbibunt, quæ idoneam naturam habent coloribus illis pinguntur. Sed de coloribus plantarum & animalium sigillatim tractare non est instituti huius à nobis operis; sed ad eam philosophiæ partem pertinet, quæ tractat de animalibus & plantis. Nobis hæcenus dixisse sit satis; sicque deo bene iuuante ad calcem instituti à nobis operis peruenimus, Nam &
- D** de elementis, quatenus mundum constituunt, itémque quatenus mixta conficiunt, tractationem peregrimus: itémque de eorum mixtione, & qualitatibus mixtionem facientibus: necnon de qualitatibus mixtionem consequentibus; quibus vel apta vel inepta sunt mixta ad passionem quampiam recipiendam. Adiunximus breuem tractatum de complexionibus, quæ mixtionem sequuntur, quibus tum agunt, tum etiam patiuntur mixta corpora. Postremo tractauimus de saporibus, odoribus & coloribus; quæ communia quædam accidentia sunt mixtorum ferè omnium: & quibus mixta immutare sensus possunt; vbi constitit pressitque gradum nostrum hoc opusculum: quemadmodum in fronte statim lectoribus proposueram.



Supra hæc sunt naturæ & propria accidentia mixtorum corporum homogeneorum; ac deinde natura plantarum & animalium: quorum corpora organica sunt. Horum formationis & figurationis causa superat vires calidi frigidi humidi & sicci, mixtionemque elementorum: sed naturæ artificivique generatiuæ est attribuenda. Hæc omnia contemplatur philosophia; ex hisque ad vim cælestium corporum & mentium illa mouentium; indeque subuehitur ad primam rerum omnium causam. Quare nunquam satis dignè prout de hominum genere merita est, laudari poterit diuina hæc scientia; quæ homines euehit ad deorum immortalium commercium quoddam, & ad supremi summique boni cognitionem.

Quod tota natura appetit: cuiusque præstantiam & excellentiam exprimere, & imitari conatur pro viribus sibi tributis. Cui semper agenda sunt gratiæ, & laudes decantandæ pro ineffabili eius bonitate & innumeris bonis naturæ hominum præstitis. quorum præstantissimum iure existimari debet philosophia, quæ nos efficit propè diuinos.

GASPARIS

FINIS.





GASPARIS  
CONTARENI  
PRIMAE PHILOSOPHIAE  
COMPENDIVM.

✂

I

ИЗДАНИЕ  
ИЗДАНИЕ

ИЗДАНИЕ  
ИЗДАНИЕ



# GASPAR CONTARENVS REVERENDO FRATRI PAVLO

IUSTINIANO EREMITÆ

Camaldulensi S.



REVERENDE pater. cū superioribus mensibus Gaspar Perusinus monachus, ac theologus praeclarus tuas mihi literas attulit, simul cum epistola, quam scripseras ad Marcum Anronium Flaminium iuvenem elegantissimum, ac nostri studiosum, cui verò observantissimum: quibus à me petebas, ut compendium illud Primæ Philosophiæ, quod composueram dum in Hispania pro repub. nostra legatione fungerer apud Carolum Casarem, tibi transcribendum, ac mittendum curarem, adeo eram animo consternatus ex acerbissimo obitu Augustini Pisauri,

C ut mihi vix satū ipse constarem. Etenim quidnam magis molestū mihi accidere potuisset: aut quamnam tantā iacturam facerem, ut cum eo infortunio cōferri potueris? Nec mea tantū causa mihi dolendum eo casu esse sciebam: verū etiam amicorum omnium, ac præcipuē nostræ civitatū. Amiseram ego amicissimū hominem, à quo vehementissimè me diligere noveram, cuiusque multa præclara officia in me collata plurimū dignitatem nostram auxerant: cuius vel consuetudine sola & iucunda mihi vita videbatur, & in bonis artibus virtutūque omnium genere adeo me proficere sentiebam: ut cogitationes omnes meæ uniusque vivendi ratio ex eo homine penderent: cum quo tum bonarum artium studia, tum civiles curæ, ac priuata negotia, cessationēque mihi cōmunes erant: cuius denique amicitia mihi ipse felix esse videbar. Hac mihi priuata doloris ratio, ac publica quam ingens, quā penè intolerabilis? Cuiem amicissimus animi adeo excelsi, ut nihil rerum mortalium admiraretur, honores hosce vulgi, quos tantopere suspicimus, diuitias quas tam magno studio colimus, magistratus quos misere ambimus, vitam denique ipsam mortale despiceret, nihilque faciendū esse existimaret: interdum irridebat, modo misericordia prosequeretur vulgi studia. Econtra adeo pietatem erga Deum optimum maximū colebat: adeo patria boni studiosus erat, relique christiana, ac religioni tantū addictus, honestatis verò, qua virtutis quonvis genere continetur, tam magnus admirator, ut nihil aliud animo versaret: de nulla alia re libentius audiret, verbāque faceret. Quid dicam de illius hominis modestia, quem omnium modestissimum, hācque laude præ aliis præcipuē dignum omnes existimabāt? Erat in eo præterea prudentia singularis, comitas verò tam magna, tan-

tāque affabilitas, ut iudicio omnium delitia huius nostrae ciuitatis haberetur, atque etiā E  
 ore omnium predicaretur. Quid dicam de literis? quid de scientiarum peritia? utriusque  
 linguae peritissimus erat; ingenium verò tā acre, tam sibi constans, iudicium adeo gra-  
 ue; ut nullū aliū libentius consuleremus, si quis nodus in literis incidisset. at officiorum  
 omnium erga amicos, ac cōsanguineos tam ingens studium, tantāque sedulitas; ut non  
 solum rerum cōmodorumque suorum obliuisceretur, verum etiā bonā valetudinē, ac vi-  
 tam denique negligeret; ne ulli officio unquā defuisse videri posset. cui rei dum studet,  
 per grauissimos aestus aestus, in febrē eam incidit, qua diē extremū clausit. Harū rerū  
 memoria, ac propterea ingēs mēror eo tēpore penitus animo insederant; quo Venetiū ad  
 me perlatae tua illa littera fuerūt. Rus enim cōcesseram, ut amānitare celi illius, rusti-  
 cisque delitiū, quibus miscē oblectari soleo, eam a gritudine lenirem saltē, si penitus F  
 ex animo amouere non possem. qua de re minimē valui tibi tunc satisficere, cui ma-  
 ximē cupiebam. verū cū paulatim aliquantulū animū eo dolore leuasset, alia cura  
 confestim mētem subiit. Nam instabat tēpū eundē ad praefecturam Brixinensem; qui  
 magistratus pridem (cum adhuc in Hispania essem) mihi fuerat a Senatu manda-  
 tus: iam suppellectile omnē instruxeram, conductamque nauē onerauerā, cum subito in  
 febrē incidī, qua multos dies laboraui: sed tādē febrē liberatus, adeo etiam mē acie  
 cōfectus, adeoq; valetudine parum firma; ut medicorū ac cognatorū amicorūque cō-  
 silio coactus fuero ei magistratu, quamuis honestissimo, renūtiare. Cū primū verò  
 melius me habere capī, publicisque occupationibus vacuus in ocio esse, statim in mēte  
 venit occasiō mihi praestita esse eius rei agendae; quam pridē pollicitus tibi eram me  
 facturum, simulque tibi, qui cuperes has nostras lucubrationes vidēre, & mihi, qui eas G  
 qualescumque essent tibi recognoscēdas castigandasque mittere summo pere desiderarē,  
 hac una opera faciēdi satū. Itaq; in manus hoc opusculū sumpsi, relegi, paucisque im-  
 mutatis tibi transcribendum curauī: in quo multi delicatioris stomachi in re literaria,  
 quā nos simus, reprehēdent fortasse quod omnē ornatū orationū, omnēque eloquē-  
 tiaē splendore neglexerimus: imo quod saepius & si fuerimus & nominibus & dicēdi figu-  
 rā, quae latine linguae nō sint, sed potius ex media barbarie sumptae videantur. Quibus  
 illud respōdendū cōsemus, in primisq; ingenuē fatendū, nos quidē eloquētiaē studia at-  
 tigiisse: ne verò penitus tārum inde hausserimus, quantū ipsi vellent (ut omittam publi-  
 cas & priuatas occupationes) praecleariora studia philosophiae inquātum humanū tum  
 diuinū impedimento nobis fuisse: indēque nos auocasse ad sui splendore, ad quē potissi-  
 mum contuendū a natura homines progenitos esse nullus sanae mentiū ambigat. Erat H  
 etiam alia difficultas: nam auctore latinū nullū habemus, qui de hysce rebus scripserit,  
 a quo vocabula seligere potuerim, modōque dicendi mutare, qui huic disciplinae pro-  
 prij sint: in aliena verò lingua nō satū tutum mihi videbatur, si per me vocabula sin-  
 gerem magis apta, quibus uter; quin potius temerarij hominū esse arbitrabar id spe-  
 rare, nedum tētare. Ea ratio propterea me plurimū mouit, quod cū de rebus perquam  
 arduis eminentissimisque tractaturus essem, quae attentissimi etiā lectoris mētem, nedū  
 illecebrū eloquentiae, aut verborū inuolucrū, circūuisionib; occupari facile effugere  
 solent: valde verebar, ne si paulo ornatior esse vellē, fierē magis obscurus: atque ea quae  
 suapte natura difficilima obscurissimāque sunt, facerem oratione eloquutionisq; genere  
 abstrusiora, & quae in luccem promi vix possent. Grauiissimus etiā auctor Aristoteles  
 idem



- A. idem mihi persuadebat: qui inquit in eo opusculo, quod præclarissimum nobis reliquit de arte poetica, non oportere, si quando poeta sententia quapiã grauiori vii voluerit, ea in parte adhibere orationis splendorem: nã lector facile abduci poterit à grauitate sententiae illius percipienda, ad splendoreẽ cum, ornatumque orationis: quo primo statim cõgressu delinitus, occupatusque ad interiorem sensum peruenire minime poterit. Quid quod parens eloquentiae Cicero in tercio libro de Finibus pertabet, ubi loci philosophiae abstrusiores tractantur, consecrari elegãtiora vocabula, vellegue ornate dicere, puerile quoddam studiũ esse: verum perspicue ac dilucide dicere, id demum esse docti & intelligentiũ viri. Huius ergo rationibus adductus neque dum essem in Hispania, ac inter publicas occupationes grauiissimas, me quãdoque cõferrem ad quã pridem ex philosophiae fontibus hauseram, literarum monumẽtis mandanda: vt animũ curus molestiũque hac ratione leuare, recreareque: neque nunc, cum magis ociosus essem, nunquã mihi hanc operam adsumẽdam esse decreui, vt opusculum hoc nostrũ elegantius fecerem, vllumue in eo orationis sucũ adhibere. Verũ in eo tantum elaborandũ mihi esse duxi, vt quãtum possem, ac compẽdij modus pateretur, perspicue dicerem de rebus hisce eminentissimĩs, & quã suapte natura obscuræ nobis sint, aciemque mentis facile effugiat. Nec sine magna ratione hanc potissimũ philosophiae partem quamuis altissimam selegimus, ac literũ mandadã esse censuimus. Nam, vt probẽ nosti, quamuis omnes philosophiae partes, ac loci animũ hominũ mirifice perficiant; caterisque quibuscumque artibus, ac fortunarum copiis longẽ antecellant: multũ tamen partibus diuina scientia, seu primã philosophiã (seu sapienciã appellare malueris, philosophiã partibus alijs praeferenda est: ac in eius præcipue functione hominũ felicitas consistẽda: qua imbutus diuinã quodãmodo viã emulari potest, atque attingere. Quapropter in nulla philosophiã parte explicãda maius studiũ impendi oportere reor, quam in hac longẽ omnĩ præstantissima. At, vt veritatis maiorẽ rationẽ habeam, quã pudorũ, nullus philosophiæ locus ieiunius ab Aristotele tractatus est; nullibi plura desiderantur, quã in prima Philosophia. Nec tamen propterea reprehendendum arbitror totius philosophiæ parentem, verũ iustũ de causis opinor parciorẽ eũ fuisse in hac parte explicãda: quas in hoc loco asserere fortasse non sit opus. Ideo cũ plurima animaduertissem in Platonũ monumentũ, antiquiorumq; philosophorũ decretis, quæ huius sciẽtiæ essent; nonnullaque assidua cogitatione harũ rerũ mihi assequutus esse videret, quæ alios fortasse præterisissent, statui me operæ pretiũ facturum si vniuersa, quæ ad hanc sciẽtiã pertinent, ordine quodã ac serie distribuerẽ, in vnũque cõpendium colligerem; vt alij doctiores planius explicare, diffusiusque tractare possent, quæ ego succincte tantũ attigissem. Dedi igitur operã, vt hoc opusculo id conficerem. Primum verò de præstãtia huius disciplinæ, & de quẽ auditoire eius idoneo mihi dicendũ esse visum est: omniãque explicui, quæ officere possint viro sapienciæ studioso. Hæc præstãda præmonstrandaque censui, quæ mihi videbãtur pertinere ad peritiã huius disciplinæ, atque sciẽtiã antecedere. In secundo verò ac tercio volumine iam sciẽtiã aggressus de ente, de vno, itẽ de vero, ac bono, necnon de actũ & potẽtia, ea collegi quæ maxime ad rem facere existimaui, & quæ difficiliora esse arbitratus sum. In quarto postmodũ accessi ad primũ rerum omnium principiũ, eaque tantũ de eo attigi, quæ rationi naturali lumine nobis cõperta esse poterant, omisissẽ illi, quæ à religione hominibusque diuino excellentiori que numine afflatũ tradita per ma-

nus accepimus. Etenim constantissime statuerā i ntra rationis limites me continere, ex-  
 peririq; quantum lumen menti nostræ à natura inditum valeret ad cognitionem ex-  
 cipiendam, seu potius eruendam de rebus eminentissimis maximèq; remotis ab omni  
 sensuum vi. Digressi à primæ rerum causâ, in quinto volumine generali quadam ratio-  
 ne exposuimus, quonā pacto omnia entia à primo principio effluerint, quòque modo  
 causâ primâ entium causâ esse existimanda sit. Deinde ad intellectus naturam expo-  
 nendam accessimus. In sexto verò libro descendimus ad animas cœlestium corporum,  
 ad naturâq; colorum exponendam. Vniuersam demum tractatum de inferioribus  
 entibus septimus liber continet: necnon etiam quid sentiendum sit de naturâ, seu essen-  
 tiâ rerum, quæ speciei generisq; appellationem habent. Ac tandē, ne quid tractationi  
 de entibus, quatenus entia sunt, deesse videri posset, tetigimus tum entia rationis, F  
 tum etiam artium opera, ac figmenta; ut in non ente postremo omnium ac infimo sermo  
 defunderet. Hæc vniuersi operis series, in quo pictores imitati delineatione quadam vi-  
 demur effinxisse formam huius præexcellentiſsimæ scientiæ; quam alij doctiores ma-  
 gisq; ocioso perficerēt. Quamobrem nihil mihi optatius accidere potuisset: quàm ut tu  
 id à me peteres, quod ego maximè cupiebam. nam cūm recognosci castigariq; hoc  
 opusculum nostrum summopere desiderabam à viro, qui nos amaret, summâq; erudi-  
 tionis esset; tum magis adhuc atque magis cupiebam aliquē sese nobis offerre, qui vellet  
 ac præstare posset, ut hæc disciplina aliarū omnium facili princeps, quam nos lineamē-  
 tu quibusdam complexi sumus, opera atque industria sua perfectâ in publicū prodiret.  
 Quibus in rebus nullum puto magis votis nostris satisfacere potuisse te vno; qui olim à  
 prima iuuentute maxima mihi necessitudine coniunctus es: à quo etiam tantū amari G  
 me sentio, quantum nec optare ausim: Et qui omnium bonarum artium sis peritis-  
 simus: sapientiam verò adeo colas, ut neglectis quibuscumque fortuna bonis, ac corpo-  
 ris cōmodis, in eius te arce collocaueris: indeq; curas mortalium vanâq; studia despi-  
 cias quotidie, assiduûq; ad Deum optimū precibus, ac iugi diuinarū rerum medita-  
 tione animum purissimum habeas, nulli perturbationi obnoxium, quæ te auocet à sa-  
 pientiæ cultu: aut officiat menti tuæ oculis, ne veritatis tenues etiā semitas inuestigare  
 valeas, atque deprehendere. Dabis igitur operam primum, ut libellum hunc nostrum  
 recognoscas, emēdes, ac quidnam de eo statuas me per literas certiorum facias. Deinde,  
 ut vniuersam hæc scientiam omnium præclarissimam, quam nos vix attigimus, ampli-  
 fices, atque compleas; nobisq; hac retaliationē respondeas in officio. quàm maximè  
 etenim cupio hoc officium, quantumcumque sit, à nobis tibi feneratum iri. Vale, ac  
 me tui obseruantissimum ama. Venetiis M. D. XXVII. 112. Calen. Septemb. H



# PRIMAE PHILOSOPHIAE COMPENDIUM

## LIBER PRIMVS.



PRIMA Philosophia iure merito sapientiae ac diuinae scientiae nomen obtinuit: nam in vnoquoque artis disciplinæque genere is sapiens appellari solet; qui non partem aliquam artis nouerit; sed vniuersam eam teneat; causâque eius generis non ignoret, quod arti illi subiectum sit: vt sapiens medicus ille & est, & habetur, non qui genus aliquod morbi curare idoneus fuerit; sed is, qui omnium ægritudinum remedia nouerit; earumque causas atque accidentia vniuersa perspecta habuerit. Eadem

ratione sapiens pictor omnem picturæ modum ac genus teneat opus est; si verè in pingendo sapiens existimari velit. Idem in artibus quibuscunque licet intueri: pari ratione ergo ille etiam non in aliquo genere, sed absolute sapiens est habendus; qui non genus aliquod rerum tantum calleat, eiusque causas nouerit; sed totius Entis peritus sit, supremasque causas omnium, ac prima principia vniuersitatis rerum, quatenus homini fas fuerit, habeat explorata. Ad videri alicui posset, hoc præstare non esse vnius cuiusdã scientiæ; sed plurium, aut potius omnium. Nam vna scientia vnius tantum est generis; à quò, vt philosophi dicunt, habet vt vna sit: plura ergo rerum genera, quæ in vniuerso sunt, non videntur ab vna tantum scientia comprehendì posse; verum id plurimarum artium opus esse. Ceterum non difficile fuerit hæc questionem dissoluere, de eadem re speculationem ad plures scientias pertinere posse, secundum tamen diuersam rationem, & ex aliis aliisque principiis: de homine etenim medicus tractat, in quantum est sanitatis atque ægritudinis capax: Item civilis philosophus agit de homine ea ratione, qua ad virtutem instrui potest, & ad civilem societatem institui. Itaque de Entibus agere secundum propriam quãdam rationem diuersorum generum ad particulares scientias pertinet. verum tractare de entibus, quatenus entia sunt, primæque eorum principia speculari; à quibus esse in vniuersitate rerum deducitur, vnius scientiæ officium esse; eius inquam, quam nõ iniuria sapien-

tiam dici profitemur: & qua imbutus non certa quapiam disciplina sapiens E  
 sed absolute ac nullo addito, sapiens haberi debet. Diuinæ etiam scientiæ,  
 seu theologiæ appellationem merito sortita est. Prima namque philosophia  
 præcipue de Deo agit. Non inficias eo, physicen, quæ de natura speculatur  
 Deum ac primum principium quodam modo attingere, cum ostendit dif-  
 formes hosce rerum natura constantium motus ad vniformem cælestium  
 corporum circularem motum referri, atque ab eo contineri; cum verò ne-  
 quaquam eodem semper tenore circumduci posse, nisi à principio penderet,  
 quod omnino immobile sit, nullique mutationi obnoxium; quæ proprietates  
 Deo optimo maximo præcipue conuenit; quamuis etiam supremæ mentes  
 in diuini numinis vestibulo cõstitutæ immunes sint cuiuscunque mutatio- F  
 nis. Compertum satis ex his esse potest, physicen veluti per somnium at-  
 tingere primum rerum principium; cum nihil de eo tradat nisi quod immobi-  
 le sit ac materiæ expers. Hoc verò supremis etiam intelligentiis, imò anima-  
 bus cælestium corporum conuenit. Sed eam principij excellentiam, qua  
 omnibus Entibus, mobilibus inquam ac mutationis expertibus antecellit,  
 ac qua omnium Entium cuiusque modi suprema est causa, is, qui certi cu-  
 iuspiam generis peritus fuerit, minimè attingere potest; verum si ad tam exi-  
 miam lucem oculos verterit, cæcutit ac exigua quædam persentit totius ex-  
 cellentiæ ignarus: nec dissimili ratione uti videtur, ac si quis rusticus, qui  
 nunquam rure discessisset, ex his, quæ ruri aguntur, atque ex ratione, mo- G  
 dôve totius illius rectionis, regium culmen contemplari velit. Modica cer-  
 tè sunt sensibilia omnia, si amplitudini totius Entis conferatur. Theologia  
 ergo propriè scientia hæc, de qua agimus, dici debet; cum præcipuum eius  
 opus sit Deum contemplari, & ad supremam entium omnium causam eue-  
 hi: quæ, cum in latibulo arcanoque suo lateat, ac supra intellectum sit, ut in-  
 frà docebimus, ipsa se verè nouit atque comprehendit, cæteris omnibus  
 ignorata. Idcirco huiusmodi ratione hac præterea Theologia nuncupa-  
 bitur, quasi scientiam dixeris; quæ verè Deo conueniat: aliis verò mentibus,  
 quæ participes Dei esse queunt, inferiori quadam nota. Nobilissima quoque  
 ac maximè cetta omnium aliarum disciplinarum atque artium merito exi-  
 stimanda est. Nulli namque dubium aut incompertum esse potest, quin cõ-  
 templatiuæ disciplinæ factiuis artibus atque actiuis sint præferendæ: cum H  
 hæc alterius gratia institutæ sint, finemque opus quodpiam habeant aut actio-  
 nem; à qua perfectionem suam quæque nanciscitur: contemplatiuæ verò  
 disciplinæ sui ipsius gratia expetuntur, nulli præterea seruiunt. Harum cum  
 nonnullæ aliis antecellant, quæ scilicet circa nobilius genus versantur, his,  
 quæ ignobilioribus student; hæc proculdubio nobilissimæ omnium sunt ha-  
 bendæ; quæ de rebus maximè eximiis tractant. Quid verò tantopere egre-  
 gium, ut cum primis entium causis conferri possit? Quamobrem comper-  
 tissimum cuiuslibet esse debet, primam philosophiam cæteris omnibus disci-  
 plinis longè præstare; cuius qui compos fuerit, ad diuinam, quantum homi-  
 ni licet, sublimitatem tendit; tantoque magis eam adsequitur, quanto ma-  
 gis

A  
gis promouerit atque profecerit in hac diuina scientia. Quæ suapte natura est etiam cæterarum certissima. Nam rei mutationi obnoxia certa notitia minimè esse potest. Quo enim pacto id certò vnquam sciueris, quod in dies aut in horas mutatur, aliudque sit? Hoc verò in rebus omnibus licet intueri, quæ natura constant, de quibus differunt phisici. Mathematicæ autem disciplinæ, quamuis circa immobilia versantur, quia magnitudines ac numeros cogitatione à motu mobilitarèque separant, nihilominus re mobilis est vnaquæque magnitudo. præterea omnis ea cognitio non maximè nititur vi intelligendi: cuius propria perfectio est scientia, verum quàm maximè imaginatione, quam semper sibi comitem adsciscit. Hac qui valet, is profectò in eiusmodi disciplinis excellit. At prima philosophia primum ea contemplatur, quæ penitus immobilia sunt, & ab omni sensu imaginationeque remotissima: quorum notitiam qui voluerit aliqua in parte attingere, ei certè opus est, vt quàm maximam operâ det, ne imaginatione nitatur: verum vt, quantum fieri potest, ab imaginatione sensûque omni recedat. à quibus ni cauerit, quàm sôgissimè à rerum intelligibiliû cognitione retrahetur. Quo-  
C  
circa Timæus apud Platonem naturalem philosophiam ac mathematicas disciplinas nomine atque appellatione scientiæ non dignatur; sed appellat disciplinas, quæ opinionem fidemve pariant, non autem certam scientiam. Res enim, quæ natura constant, sensibiles sunt atque mutabiles. Cæterum quia ab immutabili principio pendent, aliqua in parte, secundum formam inquam, immutabilitatis participes sunt, atque vnitatis: quam intellectus vi intelligibilis luminis in rebus hisce deprehendens, licet sordibus inætiæ obrutam, multitudine inquam, mutatione, atque contractione, eruit tamè, atque interna vi rerum sensibilibum concipit intelligibiles notiones; sicque scientiam earum constituit: in qua tamè aliquid semper remanet, quod materiam atque mutabilitatem sapit. At mathematicæ quantitates, quia magis à materia sunt abstractæ, ad immobilitatem magis accedunt; quæ de causa sunt etiam certiores. Ideo Plato in libris de Repub. appellauit mathematica exempla quædam ac imagines ideatum; quæ eius philosophi sententia perse intelligibiles sunt: plurimùmque hortatur eos, qui in diuinis excellere voluerint, vt sese exercent in mathematicis disciplinis; à quibus asserit facilem ascensum esse ad diuina. Suapte ergo natura prima philosophia certitudine longè cæteris disciplinis antecellit: atque adeò nobilis excellensque est, vt eius potissimum adeptione homines adspirent ad diuinam quandam similitudinem, quam adepti in Deum quodammodo transeant, ac diuina felicitate sint ipsi quoque felices. Non tamen quiuis eius supremæ scientiæ erit auditor idoneus, neque mentis aciem poterit figere in tam immensa luce; nisi prius cæteris scientiis fuerit imbutus atque prauis purgatus affectibus. Nam impuro purum tangere non licet, vt inquit Plato. Quæ enim machinatione animus additus studio pecuniar, aut ventosæ gloriæ, aut obscenæ voluptatibus seruiens capax erit altissimarum causarum; quæ non tantum à materia mortalibusque rebus longissimè distant; verum etiana

quamuis purgati animi aciem effugiunt? Is ergo non in cassum tam magna provincie se accinget, qui spretis affectibus atque animi perturbationibus superatis maxime omnium honestatem affectat, eiusque precipuo amore detinetur. nec non etiam physicae scientiae peritus sit, quae proculdubio hominum generi, quorum cognitio à sensu pendet, semitam ostendit, quae ad intelligibilia entia mutationisque cuiuscunque expertia peruenitur. Mathematicae etiam disciplinae mirum in modum faciunt ad hanc, de qua agimus, primam philosophiam. Nam cum in eis imago quaedam sit rerum penitus immobilium, his mens assuefacta, ut inquit Plato, facilius ad prima principia entium ascendere poterit. Opus autem est, ut is auditor, quem effingimus, auctoribus non quibuscunque, sed quam lectissimis usus sit: quibus nixus paulatim dialecticas rationes à demonstratiuis discernere sciat, atque acie mentis, veritatem rerum etiam inter dialecticas rationes perspiciat, ac tandem id consequutus sit, ut ea, quibus prius assentiebatur ex auctoritate egregij cuiuspiam philosophi, iam per se intueri incipiat; ac acie mentis roborata, non amplius multum nitatur aliorum sententiae, sed conetur suis, non alienis oculis veritatem rerum perspicere. Ceterum modeste maturaeque hoc, quod diximus, praestandum est. Nam si inualidis adhuc viribus id quispiam attentauerit, proculdubio longè deuius à veritate feretur; ac ignorantia pro scientia imbutus sibi tantum sapiens erit. Caveat etiam oportet ab impedimentis, quae menti hominum obistere solent, ne ad veritatem perueniat, quae suapte natura perspicua est. primum quidem cum intellectus noster in quacunque actione intelligendi indigeat phantasia, ac in phantasmatibus sensibilibus rerum, cuiusque etiam altissimae causae, veritatem cōtempletur; saepenumero id euenire consuevit, ut ea, quae sensibilibus ac phantasmatum sunt, mixta putemus intelligibilibus entibus; eorumque naturam more sensibilibus perscrutemur. inde fit, ut plurimi intelligere non queant aliqua entia esse, quae nusquam sunt; neque in aliquo temporis intervallo aut momento. Nam cum phantasmatibus immixtum sit tempus, ac locus semper adiunctus, at in illis veluti in speculis intueamur intelligibilia abstractaque entia, ægrè disungere valemus quod phantasmatum est, à rebus, quas in eis speculamur: ac si quis in speculo viridi seu rubeo homines, ædium edificia, animantes brutas, ceteraque id genus intueretur, facile decipi posset, ac colorem speculi attribueret hisce rebus, quas in speculo intueretur. Adnitatur ergo philosophus purae veritatis contemplator ea, quae phantasmatum ac sensibilibus sunt, secernere à natura rerum, quam in eis contemplatur. Non minus impedimentum mens sibi praestare solet in veritate perspicienda, quam phantasia. Nam cum receptum in recipiente sit secundum modum recipientis: intellectus verò mediam quandam naturam sortitus sit inter intelligibilia sensibiliaque entia; is etenim superior est. intelligibilibus verò longè inferior: idcirco saepenumero in utroque intellectiois genere fallitur. Nam sensibilia putat esse supra id quod re vera sunt; intelligibilia verò minora facit, ac longè inferiora censet, quoniam eorum naturae cōueniat. Hinc de

- A de Ideis sententia ortum duxit. Nam cùm intellectus apprehēdat formam rei, quæ à materia contracta est, ac propterea sensibilis absque affectibus materiæ, quam facultatem habet tum ex vi interni luminis, intelligibilis inquam, tum ex natura sui, est nanque separatus à materia: nonnulli existimauēre talem quoque formam esse, qualem eam intellectus intelligit: Nec non etiam asseruerunt re vera abstractas esse à materia sensibiliquia eo modo intellectus eas concipit. Videndum ergo atque diligenter in hisce sensibilibus rebus est perspicendum rem, quæ intelligitur, extra mentem existere, modum tamen intellectiōis pendēre à natura intellectus; in quo res intellecta recipitur, qui supra materiam est, suæque vi ea, quæ re cōiuncta sunt,
- B discernit, ac separat. nec tamē propterea disiūcta sunt re, quia intellectus separatim, ac vt disiūcta percipit. nec etiā ob eam rem mēdacium aut falsitas vlla in ea est cognitione, quæ simplicium rerum apprehensio est, qua neque ita esse neque non esse mens debet, sed rem tantum per se concipit: non dissimili ratione, immo multo ad fallaciam procliuiori erramus, cùm speculamur abstracta entia, quæ supra nos sunt, ac maxime si aciem animi conuerterimus ad primam omnium causam contemplandam, vt infrā docebimus. Nam cùm intellectus humanus sit illis longē inferior, semper minus de eis concipit, ac imperfectius quàm sit: deinde cùm à sensibilibus cognitionem accipiat, in quibus etiam semper versatur, idem censet de intelligibilibus iudicandum, quod in sensibilibus expertus est. hinc fit, vt concretum & abstractum, indiuiduum, & natura in abstractis differre videantur: cùm tamen minime differant. nec potest intelligētiam eorum atque appetitum discernere ab ea cognitione & desiderio, quod sentit in se ipso esse. quamobrem summopere cauendum est ei, qui legitime philosophari voluerit, vt vllō huiusce generis offendiculo seu obice distineatur, ac propterea longē à veritate perspicienda distrahatur. Is igitur, qui decipulas hasce nouerit ac purgati animi fuerit, meritò ad diuinam hanc philosophiam admitti poterit; atque idoneus eius auditqr haberi. Nos Deo duce compendium tantæ rei faciendum nobis duximus; vt inter tot negotia Reipublicæ, quibus iam quadriennium occupatissimi fuimus, dum legatione hac fungimur apud Carolum quintum Cæsarem, Hispaniarumque Regem, aliquando in parentis nostræ philosophiæ deliciis, dum liceat, respiremus.
- C





## LIBER SECVNDVS.



SCIENTIAM hanc vniuersalem atque omnia cō-  
 plectentem, quam etiam sapientiæ nomine hone-  
 stamus, de ente agere ac inquirere prima principia, F  
 ac primas entium causas, satis pro huius operis cō-  
 pendio à nobis superius expositum est. Primum  
 ergo officium eius erit perscrutari quonam pacto  
 ens se habeat ad ea, quæ habent esse. Nam ea con-  
 templatio, quæ præferri cæteris solet, huic negotio  
 minimè conuenit: vt scilicet diffinitio ac ratio En-  
 tis primo loco exponatur: Hoc etenim tentandum  
 minimè nobis est, cùm ens primū omnium percipiatur ab intellectu; neque  
 aliud quicquam notius inueniri queat, quo ens innotescat; idcirco ea tracta-  
 tione omiſſa; primum omnium inuestigabimus, quonam modo ens se ha-  
 beat ad entia omnia. Quidam, vt licet intueri apud Platonem in Parmenide, G  
 ac itidem in Sophiste; cùm sibi persuassissent eo modo res esse atque existe-  
 re, quo ab intellectu cōcipiuntur; purauerunt vniuersalia, præsertim species  
 ipsas rerum, sub quibus multa, quin potius innumera individua continen-  
 tur, per se existere in rerum vniuersitate, earumque participatione indivi-  
 dua in eis contineri, atque harum appellationem nancisci. quo effectum est,  
 vt cùm Ens de omnibus prædicetur; pari modo etiā de ente enunciaue-  
 rint: Ens scilicet vnum esse, quod de omnibus entibus dicitur; à cuius parti-  
 cipatione entia sunt, & appellationem entis habent. inde palām asseruerunt;  
 quamuis entia sensui plura ac infinita ferè videantur; vnum tamen tantum  
 modo Ens esse ab intellectu probè intelligi. Addebat præterea rationē Par-  
 menides eiusmodi: quicquid præter id, quod verè ens esset, poneretur esse, H  
 proculdubio non esse; atque non ens nihil esse: ex quibus adsumptionibus  
 effici putabat, ens tantum vnum esse. Nam si plura entia essent, iam aliquid  
 haberet esse, quod diuersum esset, atque alienum ab ente. quapropter effica-  
 cissimè comprobatum esse dicebat Parmenides huiuscemodi argumento,  
 entia non esse multa; sed vnum tantum ens esse. Melissus eiusdem sententiæ  
 fuit. verum quoniam physico potius argumento nitebatur, quàm rationi-  
 bus primæ philosophiæ propriis; idcirco prætereundam duximus hac in par-  
 te eius viri sententiā. Cæterum, vt ad Parmenidem redeamus, præter quā  
 quòd sensu perspicuum cuilibet esse potest multa entia esse, non vnum tan-  
 tum; nihilominus agendum quoque ratione est. Exploratum est omnibus  
 vnum-

- A vnumquodque in quantum est, operari: id enim quod ab esse deficit, pariter deficit ab operatione; & quatenus deficit ab esse, deficit etiam ab actione. si ergo omnium rerum esset idem esse, quin magis si omnia essent vnum ens; omnium ergo eadem esset operatio. quod manifestè falsum esse perspicitur. Adhæc, quis tam amens vnquam fuerit, vt putaret contraria esse inuicem vnum; calidum inquam frigido, aut humidum sicco, albumve nigro? Præterea vbi multitudo non est, neque ordo vllus, aut ornatus esse potest: nec fingi vnquam potest, ni multa sint, alia esse quæ pareant, alia quæ imperent, alia quæ agant & perficiant, alia quæ patiantur & perficiantur. Amplius, generatum esset idem corrupto: & cum corruptum recedat ab esse, generatum verò accedat, & esse acquirat; idem ergo ab vno esse recedet & accedet, perdet & acquirit. quibus certè nihil magis absconum excogitari potest. Rationes verò Parmenidis soluere non admodum difficile est, nam neque vniuersalia, aut ideæ per se subsistunt à singularibus abstracta, quamuis eo modo à mente concipiuntur. Hæc nanque decipula ex eo est fonte erroris, quem plerumque intellectus nobis adfert; vt in priori libro iam exposuimus. Rationem etiam alteram diluere paruum negotium est. Nam & aliquod esse potest, quod tamen est præter aliquod; quod verè est propter diuersas rationes entis. Ac etiam si ens vno modo diceretur de entibus; illud quod esset præter aliquod singulare ens, posset ipsum quocumque sub ente contineri, ac de eo verè dici quod sit ens, sicut in homine & cæteris indiuiduis, quæ sunt eiusdem speciei, intueri licet. Habitus est Parmenides quibusque ferè temporibus in magna exultatione, vt ex Platonis monumentis colligitur, idcirco nonnulli, quamuis Ens, quod de omnibus prædicatur, eorum sententiâ non sit vnum subsistens in omnibus; arbitrati tamen sunt præter naturam, atque essentiam cuiusque rei, vnâquaque rem existere per ipsum esse; quod secundum rem distinguitur, & à materia & à forma cuiusque cõpositi, ad quod totum cõpositum est in potetia, quemadmodum materia ad formam: idque dixerunt esse actum totius, per quem totum existat. Et hoc pacto dixere vnumquodque esse per participationem ipsius esse; quod per se existit solum in primo rerum principio, vt infra docebimus. in cæteris verò, quæ sunt entia per participationem, asserunt ipsum esse formam quandam, seu actum quandam totius, per quem totum existat. nec absque ratione in huiusmodi sententiam videntur deuenisse: nam de quacumque re possumus intelligere quidnam sit, & eius essentiam seu naturam comprehendere. Cum tamen incompertum sit nobis, si ne res illa necne, hoc tamen impossibile videri potest, si per formam à qua res quæuis naturam atque essentiam sortitur, etiam existat. Amplius, cum vnumquodque perfectè naturam atque essentiam suam obtineat, si natura aut essentia esset ipsum esse rei, vnâquæque res perfectè obtineret ipsum esse; & sic non existeret per participationem ipsius esse; sed haberet plenitudinem essendi. hoc verò penitus impossibile est alicui attribui, præterquam primo Enti, vt infra dicemus. Ex hisce colligi putant, quod asserere oporteat,

in vnaquaque re esse ipsum secundum rem ab essentia distingui. Hæc pos-  
 itio quauis doctissimorum virorum fuerit, quibus me multum in bonis ar-  
 tibus ac disciplinis debere fateor, nihilominus omni ex parte animum, men-  
 temque meam non implet: Nam quæstiones omnes, quæ de forma adfe-  
 runtur, ne ipsa scilicet sit esse rei, cuius est forma seu natura, mihi probè ad-  
 duci posse videntur de ipso esse participato. Nam quæro, an ipsum hoc esse  
 ex sui natura sit, an ipsum quoque actu alio indigeat, per quem sit. si ex na-  
 тура sua est; vtique non potest non esse; nec perit per corruptionem rei cu-  
 ius est actus. Præterea si ex natura sua est, continet omnem plenitudinem es-  
 sendi. est ergo primum esse, & primum principium essendi: sicque paulatim  
 decidemus in sententiam Parmenidis, à qua tamen auctores huius positionis  
 sunt maximè alieni. Amplius, quiuis potest sicuti naturam & essentiam rei  
 cuiuspiam, ita etiam hoc ipsum esse participatum comprehendere: propter  
 quod, vt hi dicunt, res ea existit; nec tamen propterea compertum habebit,  
 an res ea sit, an non sit. Sin verò fateantur ipsum hoc esse participatum indi-  
 gere alio actu, per quem sit, redibit rursus quæstio ad actum illum: ac sic ra-  
 tio in infinitum procedet. Ea verò, quæ dici possent de hoc esse participa-  
 to, quòd scilicet in re illa participatum sit; sed si in natura sua consideretur,  
 in qua per se existit; ea omnia, quæ adduximus, iure ei adscribi posse, quæ ta-  
 men non conueniunt esse prout est participatum, atque à natura sua defi-  
 ciens. nos probè dicemus de forma. Nec minus me mouet, vt ab hac senten-  
 tia dissentiam, natura formæ: nam si cuiusque rei esse participatum est actus  
 ille totius secundum rem à forma distinctus; quòdnam dicemus de forma  
 per se sumpta? eritne quædam participatio primi esse, primi actus, ac summi  
 boni? an omnia hæc amoueantur à forma? amoueri certè non possunt,  
 vt cuique sanæ mentis compertissimum est: cur ergo ad aliud esse partici-  
 patum recurrimus præter formam? Præterea ista esse, vt sic diqam, in rebus  
 diuersæ speciei, eruntne eiusdem naturæ vel differentis? si differentis, rei  
 ergo natura non complebitur per formam, sed hoc insuper actu indigemus.  
 sin eiusdem; Ens dicetur de omnibus, quæ sunt secundum vnā rationem.  
 Amplius, cum vnumquodque operetur, inquantū est, & esse in omnibus sit  
 eiusdē naturæ: omnium ergo erit eadē operatio. quo argumento iam vsi su-  
 mus contra Parmenidē. Quo autem modo soluantur rationes, quibus hi a-  
 lioqui excellentissimi philosophi nituntur, tunc dicemus, quādo exponemus  
 quonā pacto censeamus ens se habere ad entia. Post hos, recentiores nonnul-  
 li licet non existiment ens tantum vnū esse, vt Parmenides, neque esse cuius-  
 que rei secundū rem distingui ab eius rei natura, vt illi, de quibus suprā me-  
 minimus, credunt tamē Ens de omnibus Entibus vniuocè dici: adeo vt non  
 solum de substantia & accidēte, verum etiam de prima rerum omnium cau-  
 sa, ac de cæteris entibus existiment Ens dici vniuocè: multaque in medium  
 adferunt, quibus hanc positionem suam conantur adstruere. nobis verò,  
 qui compendium facimus, ac potissimum breuitati studemus; pauca tan-  
 tum, quæ potiora sunt, tetigisse satis fuerit. Inquiunt ergo primam philoso-  
 phiam

- A phiam hâc, de qua agimus, vnam quandam scientiâ esse omnes fateri: vnam verò scientiam vnus esse generis, vt perhibet Aristoteles in posterioribus Analyticis. vnitas namque scientiæ sumitur à subiecto genere, de quo agit: Cùm ergo prima philosophia circa ens versetur, quod commune est omnibus entibus, necesse est Ens secundum vnam rationem atque vniuocè dici de entibus. Amplius comparationes in æquiuocis prædicatis fieri nequeunt: cùm ergo dicimus substantiam esse magis ens, quàm accidens, ac Deum, quàm cætera quæque: manifestum ergo erit compertumque omnibus, Ens vniuocè dici de entibus. sed meo iudicio præterquam quòd hæc positio aliena est ab Aristotelis sententia, vt pluribus locis eius auctoris liquidò colligi potest, veritati minimè conuenire videtur. Nam id, quod vniuocè dicitur, secundum eandem rationem dici non potest de Entibus: alia est enim ratio, secundum quam substantia est Ens, & alia ratione accidens ens est. Nam vnumquodque est per propriam naturam seu formam: quò fit, vt cùm rerum naturæ diuersæ sint, diuersa sit quoque ratio, per quam sunt entia. neque simile est iudicium de ente, & de quouis alio genere; quia genus sumitur ab eo, quod est in potentia, in naturis, quæ genete conueniunt, & specie differunt: neque genus est actu, nisi per differentias. Animal namque non est actu, nisi aut rationale, aut irrationale: at vnumquodque dicitur Ens per id, quo est actu, & diuersa ratione ab ea, qua genus cōtrahitur per differentias, est entis contractio: illa enim per actum, hæc per potentiam fit, & per imperfectionem, qua res ab esse deficiunt. Ex quo clarè constat diuersam esse rationem generis, quod vniuocè de rebus differentibus specie prædicatur; & entis. vnde sicuti si quodpiam prædicatum de homine diceretur secundum quod rationalis est, & de equo secundum quod est irrationalis, seu hinnitui habilis; impossibile esset illud prædicatum vniuocè prædicari de vtroque. Ita etiam cùm vnumquodque dicatur Ens per propriam naturam atque formam; ac differentium specie diuersæ quoque naturæ sint & formæ, fieri nequit, vt ens vniuocè dicatur de entibus; non tamen omnino æquiuocè dicitur: Nam neque scientia vlla de ente esset, neque in ente comparatio fieret aliqua. Ex hisce colligitur Ens de entibus haud aliter, quàm analogicè prædicari posse. huiusmodi autè prædicata, sicuti dicit Aristot. in quarto Metaphysices libro, quâuis non dicantur secundum idem, vt vniuocæ; dicuntur tamen ad idē, id est, licet prædicentur non secundū eandem rationem, sed diuersam, ad eandem tamen rationē omnia dicantur, sicuti sanū, quod dicitur de animali, de pharmaco, & de lotio, secundū diuersam rationē; quæ tamen omnes rationes referuntur ad sanū: quod de animali dicitur; cuius sanitatis pharmacum factiuum est; at lotium eandē sanitatem colore ac tenuitate tēperata significat. Nō dissimili ratione Ens de entibus dicitur secundum diuersas rationes; quæ tamen ita diuersæ sunt, vt ad vnū, idēque habeant habitudinē, quod verè atque absolutè Ens est: cætera verò dicuntur entia, quatenus vnumquodque suapte natura atque forma illius verè entis particeps fuerit. Ex quo liquet facile solui posse argu-

menta, quibus posteriores quidam decepti à maioribus descivere; posue-  
runtque Ens vniuocè dici de entibus. Neque videntur reuera distinxisse in-  
ter modum, quo ens dicitur de entibus, & eum quo genus dicitur de specie-  
bus, quæ sub eo continentur. Nam manifestum est illius, quod non vniuocè  
prædicatur, sed analogicè, vnam posse scientià esse: etenim quamuis id non  
dicatur secundum vnam rationem, sed diuersis rationibus; nihilominus quo-  
niam diuersæ eæ rationes ad idem dicuntur, quodam modo eadem sunt.  
Quamobrem & genus scientiæ illi subiectum vnum erit, & vnam habere  
rationem poterit, à qua scientia vnitatem capiet. quemadmodum de sano  
vna est scientia, medicina inquam: quamuis sanum non dicatur secundum  
vnam rationem, vt liquido patet. pari ratione in huiusmodi analago pos-  
sunt commodissimè fieri comparationes; immo longè commodius quàm  
in vniuoco illo, quod non fuerit specialissima, vt ita dicam, seu vltima spe-  
cies: illud enim, in quo analogiam habentia comparantur, est verè vnum, &  
vnam verè rationem habet per accessum & recessum, à qua analogata con-  
feruntur inter se: idem enim est dicere, substantia est magis ens, ac si quis  
diceret, substantia natura sua magis accedit ad id, quod verè est; quàm ac-  
cidens. In vniuoco verò, quod est genus, vel superius genere; quemadmo-  
dum est Ens apud eos; qui ponunt Ens esse vniuocum, non possunt com-  
modè comparationes vllæ fieri, quemadmodum docet Aristoteles in septi-  
mo libro Physicæ auscultationis. Dimissis igitur aliorum sententiis, faten-  
dum nobis erit, Ens analogicè seu secundum proportionem quãdam se ha-  
bere ad Entia; ac de eis dici rationibus diuersis; quæ tamen omnes ad pri-  
mum ens, quod verè est, & in quo est plenitudo essendi, habitudinem ha-  
beant. Huiusmodi verò primum ens, quamuis inferius de ipso nonnulla  
dicere ac effari tentabimus; attamen, vt inquit Plato & cæteri omnes, qui  
elati viribus mentis, aliisque animi diuinorum periti habiti sunt, à nobis mi-  
nimè intelligi, nedù dici potest, quid, quale, quantumve in se sit: verum eo  
modo neque nomen neque conceptus vllus illius est, sed sacro silentio  
tantummodo venerandum est, atque excolendum: Eius nanque sedes ob  
splendorem nimium nobis inaccessa est. Ideo non amplius de eo nunc a-  
gatur: at posterius pauca quædam. Cæterum cum eadem sit contrario-  
rum scientia, neque satis commodè contrarium quodpiam intelligi pos-  
sit altero comparique contrario ignorato, postquam hætenus de Ente tra-  
ctatum est, subdemus pauca quædam de non Ente. Non Ens ad ea, de qui-  
bus dicitur, non dissimili ratione se habet, qua Ens ad entia. Prætereamus  
nunc id eius significatum; quod tum falsa enunciatione, tum falsa men-  
tis conceptione prolatum non ens dici solet; vt diametrum commensura-  
bilem esse lateri quadrati. sicuti etiam Ens illud consuevit appellari, quod  
vera enunciatione mentisque cogitatione profertur. Nam cum de verò  
& falso agatur, tunc etiam de ea re commodus locus tractationis erit.  
Dicimus igitur vnumquodque Ens præter primum, iure posse appellari  
non Ens, quatenus scilicet deficit ab essendi perfectione: qua de causa exi-  
stimo

- A stimo dictum esse à doctissimis viris, omne ens, præter primum, esse compositum (quauis plurimi aliter interpretentur, ij inquam, qui posuerunt esse secundum rem distinguere ab essentia cuiusque rei) vt videlicet perfectio, quæ accedit ad ipsum verè Ens, sit veluti vna eius pars: at imperfectio, quæ recedit à verè ente, sit quodam modo altera pars. Hoc verò cum contingat cuiuslibet Enti, præter primum, idcirco nō absque ratione dictum existimari potest, vnumquodque Entium, præter primum, esse compositum. Hoc igitur modo non ens conuenit cuiuslibet rei præter primam omnium causam: nec non etiam alio modo quodlibet Entium, præter primum, iure non Ens dici potest; quia scilicet esse, perfectionemque, quæ obtinet, à se nō habet, sed per emanationem & influxum primi entis, à quo etiam omnia in sua natura ac perfectione conseruantur. vnde sibiipsis si relinquerentur, in nihilum tenderent. quomobrem omnia non entia dici queunt in sui natura sumpta. Amplius, non ens magis propriè conuenit illis, quæ ea perfectione priuata sunt, quæ eis priuata sit, & ad quā natura tendit, præsertim si eo tempore ac loco, quibus ea perfectio rebus illis debebatur, destituta sint. Præterea, adhuc magis magisque propriè non Ens dicitur, quod est tantum in potentia, & caret esse, seu actu, per quem existat. Alia quoque est significatio non entis. Ens etenim per accidens non ens dicitur: Nam cum vnum sequatur naturam entis; id quod non est vnum nisi secundum quid, neque etiā Ens verè dici potest, sed est non Ens indeterminatum ac infinitum; quò fit, vt nulla scientia tractet de Ente per accidens, neque ad vllam naturalem causam effectus per accidens referri potest. Quapropter totum hoc de Ente per accidens negotium derelictum est sophistæ, qui sæpenumero se atque alios decipit paralogismo accidentis, qui ideo dictus est versari circa non Ens, quia plerumque ea assumit ac colligit in suis argumentationibus, quæ per accidens sunt. Postremo, non ens dicimus illud, quod neque actu neque potentia, nulloque tandem pacto est; pura inquam, entis priuatio; quæ certè, vt inquit Plato in Sophistæ, neque verbis explicari, neque cogitatione attingi potest. id enim, quod eloquimur aut cogitamus, saltè rationis Ens est, & habet esse in mente ipsa à qua intelligitur. is enim modus est intellectus nostri, vt ea, quæ intra se sint, altiori modo intelligat, quàm suapte natura existant. Ac etiā cum
- D mentis obiectum sit ens, nequaquam cogitatione attingere poterit id, quod omni ex parte entis est expertus; nisi efficiat quodā modo etiā eam priuationem entis ens quodpiā. Pura verò entis priuatio prout in se est, attingi animo nequit, neque voce exponi, residetque in tenebris, ad quas non est mēti aditus. Ideo primū hoc ac purum non ens nescio qua ratione æmulatur primū ens, vt scilicet vtrūque inexcogitabile sit: illud, propter lucē splendoremque nimium: hoc propter tenebras longè densissimas, atque aciei mentis imperuias. Caterum de vtroque plura inferius, in præsentia hæc de non ente dicta sint satis. Consequens huic tractatui de ente est, vt agamus de vno, quod ita videtur annexum enti, vt longè difficillimum sit eorum inter se differentiam intueri. Vnius autem naturam Platonici adeò extulere, vt non solum

æqualem enti posuerint, veniet etiam ente superiore. Nam & materiam primam, & primum omnium principium vnum esse confessi sunt; neutrum tamen eorum cōcessere esse ens. Nos hac quæstione interim omissa, rei veritatē, quantum adsequi potuimus, exponemus. Vnū ergo licet multipliciter dicatur quemadmodū ens: nam & vnum genere quædam esse dicimus; nonnulla vnum esse specie; quædā vnum numero; aliqua proportionē vnum; ac multi præterea modi eorum sunt, quæ dicuntur vna numero; nec non etiam eorū, quæ alia ratione sunt vna. Multa etiam sunt vnū, causa vel loco vel tēpote. quamuis ergo tot modi vnus sint; si quis tamen rectē animaduertat, sicut inquit Aristoteles, horum quique vnum videntur esse, & dici ea ratione, qua indiuisiōnem præ se ferunt ac significant. & idcirco satis exploratum esse videtur, quod vnum nihil aliud significet, quā ens indiuisum. ac ita videtur vnum licet secundum rem nihil addat ad ens ipsum, addere tamen secundum rationem intellectuum, seu conceptum indiuisiōnis. Nec perturbare nos debet, cum vnum prius sit, & multitudine omni & diuisiōne, ac indiuisiō priuationem diuisiōnis significet, priuatio verō sit posterior habitu, & pugnare sibi inuicem existimetur hæc, quæ de vno diximus. Nam eo modo significamus ea, quæ concipimus, non quo sunt, sed quo à nobis intelliguntur. Et quoniam sensibilia, in quibus est multitudo ac diuisiō, prius intelligimus, quā abstracta à sensibus; in quibus clarior est vnitas ac indiuisiō: idcirco etiam hæc, quæ nobis familiaria sunt, magis nomine habitus significamus ac ita concipimus. Remota verō à nobis enunciamus priuationis nomine, ac sub priuationis ratione concipimus. Re autem vnum vt habitus quidam censi debet, diuisiō verō ac multitudo vt priuatio: nam, vt in principio huius opusculi diximus, natura intellectus, in quo intellecta recipiuntur, plerumque nobis occasione erroris adfert. Vt ergo reuertatur oratio vnde digressa est, dicimus vnum eandem cum ente naturam significare, verū addere secundum rationem conceptum indiuisiōnis: neque secundum rem aliud est esse & aliud esse indiuisum; sed id, quod re est, idem non assequimur totum, neque perfectē vnico conceptu mentis, verū pluribus nitamur conceptibus opus est; si eo, quo valemus modo, id assequi velimus, quod secundum rem simplicissimum atque idem est. itaque interdum concipimus ipsum vt vnum, modō vt ens; nonnunquam vt perfectum seu bonum; modō vt verum. Si quis tamen contulerit conceptionis hosce modos inuicem; proculdubio intueri poterit conceptum entis simpliciotem esse conceptu vnus: quia vnum proculdubio addit supra naturam entis, indiuisiōnis rationem. Platonici verō, cum non dissentirent à Parmenide hac in parte, posuerunt ipsi quoque ens dici secundum vnā rationem de entibus. quamobrem ea, quæ illius rationis expertia sunt, asseruerunt esse non entia; quibus tamen competat esse vnum. verū entis ratio censebatur ab eis eiusmodi esse; vt ens id diceretur, quod haberet esse: Et quia prima materia secundum se cōsiderata, cum cateat forma, caret etiam esse: idcirco materiam absolutē fassi sunt esse non ens, neque distinxerunt  
inter



- A inter materiam & priuationem, vt colligitur ex primo libro Physicorum Aristotelis, nō tamen propterea dixerunt materiam esse nihil; immo & esse aliquid, & esse vnum confitebantur. nam nihil susceptiuum actus esse non poterat; quod tamen de materia diffiteri nequibant. Pari ratione cū primum principiū simplicissimum sit; id verò quod habet esse, videatur esse compositū ex esse scilicet quod habetur, & ex eo, in quo est ipsum esse; ideo etiam negauerūt primum principiū esse ens, sed quia simplicissimum existit, arbitrati sunt vnus rationem & nomen ei maximè conuenire. Amplius quoniam primum principium est causa equiuoca rerum omnium, sicuti sol plantarum & animalium; efficit autem esse rerum aliarum, ideo dicebant non conuenire primæ causæ ipsum esse; cuius ea esset causa æquiuoca: sed primo principio conuenire vnum; sicque posuerunt & communius ente & ente superius. Nobis verò nō difficile est reicere in auctores ipsos hæc omnia eorum argumenta. Primò nanque quī fieri potest, cū vnum indiuisiōnem dicat, vt quodpiam indiuisum sit, nisi sit etiam? deinde materia prima sicuti est susceptiua actus, quem sequitur esse, ita etiam susceptiua est actus, quem sequitur sua indiuisio. sicuti ergo secluso actu non habet esse; ita non habet indiuisiōnem: non ergo poterit dici vnum, sicuti eorum sentētia non potest dici ens. Quòd si dixerint propter indiuisiōnē, quæ sequitur actum, habere ipsam suam propriam indiuisiōnem, qua dici vnum poterit; ita etiā nos dicimus, propter esse, quod sequitur actū, habere materiam suum esse propriū: quia scilicet potentia est. quod esse quamuis sit diminutum à vero esse actus, est tamen aliquod esse sicuti vnum, quod est secundum eos in materia per se sumpta, quamuis sit diminutum ab vnitatem formæ; est tamen aliquod vnum, ac tandem compellentur fateri ens non dici secundum vnā rationem. De primo verò rerum omnium principio dicimus, quod quemadmodum est vnum, non tanquam habens vnitatem (sic enim sua ipsorum ratione in eo esset compositio) sed sicuti simplicissima vnitates longè superexcellens vnitates, quas nos intelligimus; ita etiam non est ens quasi habens esse, sic vt esse in ipso sit contractum ad aliquam naturam, quemadmodum in cæteris rebus, quoniam est ipsum esse per se subsistens, eminenter ens dictum, modòque excepto ab omnibus aliis, quæ sunt atque dicuntur entia. Verū longè melius atque enucleatius omnia hæc discutiētur processu operis. Nunc redeamus eò vnde diuertimus. Afferimus igitur vnum eandem non aliam naturam dicere quàm ens; addere verò secundum rationem intellectum indiuisiōnis: vt vnū scilicet nobis explicet ens indiuisum: ac quatenus indiuisum est quodpiam, eatenus etiam dicitur esse vnum, sed præter hoc vnum, quod cum ente conuertitur, est vnum principium numeri, ex quo multiplicato fit numerus, ipsumque est numeri pars. hoc posterius vnum addit supra prius vnum, ac supra ens, rationem mensuræ, in qua includitur ratio quantitatis. Est ergo hoc vnum quantum, quoddam indiuisum, ac ad numerum se habet sicuti mensura, quæ aliquoties repetita totum metitur, atque hac ratione fit pars numeri. Alio præterea modo se ha-

bet ad multitudinem oppositam sibi vnum, de quo prius egimus. atque hoc vnum, quod est principium numeri ad sibi comparem multitudinem: illud vt priuatio vel vt contrarium, vicissimque multitudo ea vt contraria, vel vt priuatiue opposita vni illi. Ad hoc vnum posterius, principium inquam numeri, secundum propriam rationem, qua pertinet ad quantitatem, opponitur suae multitudini, numero inquam secundum oppositionem relatiuam; quae est tertij modi, qua mensura & mensuratum vicissim relatiue opponuntur, quemadmodum latius de hoc relatiuorum modo Aristoteles differit in quinto Primae philosophiae, atque in decimo eiusdem operis de hoc vno & numero tractans. Non tamen propterea diffitendum est prius vnum, quod cum ente conuertitur, in primo eorum, cui couenit tum vnum, tum ens, scilicet in prima entium causa, non habere rationem mensurae respectu ceterorum omnium, quae sicuti deficiunt ab entitate ac admixta sunt potentiae, & non entia, ita etiam deficiunt a vera vnitatem & ad multitudinem accedunt. alio tamen modo hoc vnum primum ceterorum mensura est, & vnum pars numeri est mensura numeri. nam vnum posterius, est mensura numeri tanquam vnius existens generis cum numero, atque vt aliquoties repetitum metiatur quemcunque numerum, sitque, vt diximus, pars numeri. At primum illud vnum, quod primum etiam Ens est, mensura ceterorum est entium, tanquam exceptum ab entibus aliis, & a ceteris, quae sunt vna: ad quod quanto magis quidpiam accesserit, tanto magis erit vnum & ens eadem prope ratione, qua solemus dicere scopum, ad quem sagittarum arcus dirigunt, esse mensuram ictuum sagittarum. non enim scopus mensura est, vt scilicet repetitus aliquoties iactus sagittarum metiatur, sed quoniam quanto magis sagitta iacta fuerit prope scopum, tanto perfectior sit iactus; imperfectior vero si remotius. Ex quo etiam liquere illud potest, intensiorem ac remissionem cuiusque formae non debere censi, vt quidam perhibent, per recessum a non gradu, sed per accessum ad summum gradum, & recessum ab eo. nam non ens mensura statui non potest; vt pote quod suapte natura infinitum sit, incertum atque ignoratum ac fluctuans. e contra perfectissimum in quoque genere, est etiam maxime certum & maxime finitum ac maxime vnum, sicuti scopus sagittam iaculanti. Qualis vero sit hic accessus ad summum & recessus, alterius perscrutationis est; ideoque a nobis mittitur. Est ergo primum ens ac primum vnum cuiusque ceterorum mensura eo modo, quem diximus, qui longe diuersus est ab ea ratione, qua vnum est mensura numeri. Postquam de vno haecenus dictum est, de numero ac multitudine pauca quaedam sunt perstringenda: demum nonnulla de modis, seu speciebus tum vnius, tum multitudinis. Multitudo sicuti supra diximus, quamuis secundum nostrum modum intelligendi videatur in sui ratione includere habitum, diuisionem inquam, seu diuisibilitatem, vt ita dicam: vnum vero priuationem, indiuisiorem videlicet: attamen secundum rem ipsam vnum perfectionis est, multitudo vero imperfectionis ac priuationis. Vnde ab eo, quod vere vnum est, per deficientem quandam modum rerum

- A rerum multitudo effluit, quæ tamen congruentia & ordine vnum sunt, atque earum quælibet per se sumpta, quamuis sit vna; non tamen est absque multitudine vna; vt infra latius exponetur. quo fit, vt quemadmodum vnum attinet enti, ita multitudo attineat non enti: & sicuti non ens, quod esse aut etiam intelligi possit, semper existit in aliquo ente, atque alicui enti coniunctum est, cuius ratione existat, ac intelligatur; pari modo multitudo neque esse neque concipi potest, nisi coniuncta fuerit vni; ratione cuius existat ac intelligatur. ea namque multitudo, quæ ab vnitatem penitus & secundum se & secundum partes suas destituta fuerit, vtique neque esse neque intelligi potest: verum abyssum quandam obscurissimam impermeabilemque cuique præ se fert eodem propè modo, quo etiam à nobis supra expositum est de non ente; quod penitus à quocunque esse disiunctum sit. Etenim cum primum cui, entis, vnitatis, veri, ac boni ratio conuenit, & ex cuius deficienti similitudine reliqua omnia entia vna, vera, & bona sunt, ac dicuntur, ab intellectu nostro perfectè attingi nequeat; idcirco id, quod in se simplicissimum est, pluribus conceptibus conatur mens effingere; qui tamen ordinem quandam inter se habeant, ac ita, vt in vno reliqui eliceant, vicissimque alius ex alio pateat. Quo fit, vt demonstrationes entis plerumque sumantur ab vno & vnus vicissim ab ente. idemque de vero & bono censendum est; vt infra docebitur. Horum quoque priuationes, seu contraria malueris dicere pari pacto inuicem habent, quemadmodum & habitus inter se. Nunc ad multitudinem redeamus. Multitudo aliquibus conuenit plurali numero; hoc modo dicimus multos homines in foro esse, ac multas animantes in pratis, multasque res nunciatas esse. Nonnullis conuenit multitudo numero singulari sic dicere consueuimus multum aërem, multam aquam, ac multum ignem. Aliis verò conuenit multitudo, quamuis non in seculo aut secundum modum prædicati; obliquè tamen; vt Socrates vnus tantum est, non multi, nec multus, ei verò conuenit multitudo ratione partium, ex quibus constituitur, ac etiam ratione accidentium, atque effectuum; nec non etiam ratione operationum: nihilque tadem existit in rerum natura, præter primam omnium causam, in quo non sit aliquo pacto multitudo. Verum omnes hi multitudinis modi ab vnitatem continentur; quæ perfectiori modo existit in rebus perfectioribus, vt pote quæ etiam à multitudine magis distant. imperfectiora verò, quanto minus vnitatis habuerint, magis participant multitudinis. Illa igitur, vt à primis ordiamur, quibus conuenit multitudo plurali numero, vnus sunt vnitatem prædicati vniuersalis; vt multi homines vnum sunt in homine de ipsis prædicato; & multa animalia vnum in animali; & multe res vnum in re. Sunt præterea hæc omnia vnum propter determinationem, ac finitionem multitudinis sui. nulla nanque multitudo actu est finita: finitio verò in multitudine est ab vnitatem non tamen ab ea vnitatem, quæ principium est numeri (in præsentia etenim neque de multitudine loquimur, prout est numerus, neque de vnitatem illa, quæ est principium numeri) sed ab vnitatem, de qua nunc loquimur, quæ cum ente conuertitur. nam per hanc
- B
- C
- D

vnitatem septem sunt tantum septē, & decem tantum decem, non bis quinque aut quatuor & sex, vt rectē dicit Auicenna, i. quod ab hac vnitare quælibet multitudo ad certam naturam diffinitamque contrahitur, ne infinitum & indeterminatum defluat. ac contra vnitas ipsa, quæ absoluta est, & eminenter continet omnem multitudinem, contrahitur & determinatur ad certas & diffinitas naturas multitudinum. Quamobrem diuinus Plato multa de naturis rerum ab Arithmetica mutuatus est. nam quamuis numerus & vnitas, de quibus tractat Arithmeticus, diuersum quodpiam sit ab hac multitudine & vnitare, de quibus nunc à nobis agitur, nihilominus & harum proprietates in numeris & vnitare perspiciuntur. Hinc etiam Pythagorici posuere numeros esse substantiam rerum. Aliàs latius de hisce dicitur. Ea igitur, quibus multitudo cōuenit numero plurali duobus his modis de quibus meminimus supra, sunt vnum: ac præterea eorum vnumquodque per se sumptum est vnum: neque vlllo pacto consistere multitudo posset, nisi ex hisce constaret; quorum quodlibet per se sumptum esset vnum. Illa verò, quibus multum conuenit singulari numero, sicut dicitur multus aër, multa aqua, ac multus ignis, & cætera huiusmodi, sunt magis vna, quàm superius dicta: Nam præterquam quod conueniunt in vniuersali prædicato, sunt etiā vnum numero. verum quoniam faciliè diuidi queunt in plura numero eiusdem speciei ac nature; idcirco multum singulari numero eis conuenit: vt eo pacto significetur vnitatem illam numeralem propinquam esse multitudi- ni: & quamuis actu indiuisum sit eorum vnumquodque, tamen potentia diuisibile est in plura eiusdē nature. quo fit, vt commodè dicere queamus, magnam aquam, magnūque aërem, simulque vtrumque eorum multum. maxime omnium autem vnitas illis conuenit, de quibus multitudo neque plurali neque singulari numero prædicatur, vt vnus homo Socrates ac Plato, cæteraque eiusdem modi: quamuis in his quoque insit pluribus modis multitudo. Nam & ex multis partibus constituta sunt, plurimisque affectibus prædita, ac demum in operationes functionesque varias distributa: ac in ea diuisione entis, qua in vnum & multa diuiditur, harum rerum vnitas accipitur, vt opposita multitudini. At illud vnum, quod enti æquale est, conuenit quibuscunque multis; neque vlla multitudo ab ea vnitare penitus diiuncta esse potest. E contra hoc vnum, quod competit tantum rebus illis, quæ & actu indiuisæ sunt, necnon potentia diuidi non queunt in plura eiusdem nature; id est quod capitur vt pars entis, atque multitudini opponitur, quæ & plurali & singulari numero prædicatur de nonnullis entibus, vt superius diximus. ea verò, quibus e contra vnitatem multitudini oppositam conuenire asseruimus, longè inter se differunt in modo vnitatis: nam pleraque omnia, in quibus scilicet inest aliquo pacto multitudo, totius rationem habent, dummodo perfectæ sint; ac tota sunt quædam. id verò, quod ab omni est multitudine exceptum, totum dici minimè potest, cum partes nullo modo habeat. id verò tantum conuenit primo principio. Cæterum ea, quibus conuenit ratio totius, quædam sunt ante partes suas, ac sese in parte explicant;

- A plicant, quas intra suam colligūt vnitatem, qualem Platonici perhibent esse intellectum, qui sese in ideas rerū omnium explicat, quas etiam intra se colligit continētque. Nonnulla verò tota, quamuis sint ante partes suas, non tamen omnino eas intra se colligunt, immo sese in aliena fundunt. Huiusmodi sunt animæ celestium corporum, quæ corporibus illis actum, ac esse præstant; sub has rationales hominū animi, qui non tantum sunt actus corporum humanorum; verum etiam multas virium suarum explicant in corpora, vt sensitivas potentias omnes ac vegetatiuas vites. Hunc modū amulantur brutorum quoque animalium animæ, quæ perfectiora sunt: quod Aristoteles in priori libro de Generatione, cū de augmentatione tractaret, annotauit. Infrā hæc sunt tota, quæ sunt post partes suas; in quorum numero absolutè constituendæ sunt etiam brutorum animæ: hæc constanter ex suis partibus, ac item vnaquæque partium ex suis quæque particulis. in hisce infinitas materiæ apparet. Huius generis sunt omnes formæ materiales, quæ ea de causa sunt fatigabiles ac finitæ, tandēque corruptibiles: à quarum ordine Aristoteles in octauo Physicorum vult eximere primum motorem eiusque argumentationis vim, qua hoc adstruit, si quis hæc quæ diximus, non animaduernerit, proculdubio non attinget. necnon etiam ea, quæ in Parmenide Plato ludit, cū cōtraria elicere videatur, ac sequi ostendat, si vnum sit; si hæc oscitans quispiam legerit, minimè explicare poterit. Sed reuertamur ad multitudinem, à qua diuertimus. Est præterea alius modus multitudinis, quæ scilicet non multitudini, sed paucitati opponitur relatiue, ac id est multum, & dicitur, quod habet multitudinem excedentem id, quod satis esse videatur. Ecōtta paucum illud appellatur, quod deficientem ab ea mensura, quæ satis est, multitudinem habet. Horūque propè ea ratio est, quæ magno & paruo inesse conspicitur. Accedamus demum ad eam multitudinem, quæ est numerus, vt commodius postea de modis vnus ac de modis multitudinis, quos nunc interim præterimus, separato quasi tractatu agere queamus. Numerus quædam multitudo est; quam vnitates metiuntur. quamobrem nonnulla conueniunt numero ratione multitudinis, quæ veluti quoddam genus est numeri: quædam verò ratione sui ipsius, quatenus scilicet est numerus. numero ratione multitudinis diuisio conuenit, nec vllus numerus esse potest, qui sit indiuisibilis. Et quoniam multitudo existere nequit, vt suprā diximus, nisi ab vnitare cōtineatur; idcirco quilibet numerus suam habet vnitatem, qua multitudo numeri conspescitur ac diffinitur, eaque quilibet numerus ab aliis numeris differt, vicissimque ipsa vnitas contrahitur ad certam naturam vnitatis, vt in septenario est vnitas septenarij & nō quinarij aut denarij numeri. Præterea quælibet pars numeri à sua vnitare continetur. Illud enim, cū diuisio non sistit in aliquid actu indiuisum, neque ex illis constare partibus potest, neque ipsum actu consistere. Hæc igitur cōueniunt numero, quatenus est multitudo quædam in rerum natura existens. At secundum propriam ipsius numeri rationem ei conuenit, quod vnitas aliquoties repetita eum vt mensura metiatur. id-
- B
- C
- D

circo & numerus & vnitas, quæ mensura est numeri, pertinet ad quantita- E  
 tem: illud enim, quod in vnaquaque re per se subiaceret mensuræ, est quanti-  
 tas: quam cum metiatur, item aliquod sui generis, necesse est vnitatem eam,  
 quæ mensura est numeri, ad quantitatem pertinere. Mensura etenim omnis,  
 vniogenea est mensurato. hæc de re effectum est, vt nonnulli ex prisca philo-  
 sophis non infimi ordinis viri non distinguentes inter numerum & multi-  
 tudinem, necnon inter eam vnitatem quæ est principium numeri; & eam  
 quæ cum ente conuertitur, posuerint substantiam rerum esse numeros; ac  
 potissimum philosophati sint de naturis rerum ex numeris. Nos verò, sicuti  
 non diffitemur à numeris & ab vnitatem, quatenus multitudines sunt quæ- F  
 dam, & quatenus vnum eandem enti naturam dicit; multa sumi posse ar-  
 gumenta, quæ naturis rerum conueniant. Hæc enim ascendunt omnia, vt  
 sæpe diximus, eandem naturam significant, quam eorum quodlibet non  
 perfecte sua significatione explicat. Verum in vnoquoque horum alia relu-  
 cent. Idcircoque commodissimæ demonstraciones de vno ab aliis sumuntur,  
 ac vicissim aliorum ab vno: quomodo nos quoque processu operis vtetur.  
 sicuti hæc inquam minimè diffitemur, ita censemus erroneum esse, nume-  
 ros asserere rerum substantiam: cum numeri, vt diximus, secundum propriam  
 rationem pertineant ad certum genus, quantitatis inquam. Numerus verò,  
 quidam est numeratus numerus, quidam numerus numerans. Numerans  
 numerus est discreta quantitas abstracta secundum rationem à quauis ma-  
 teria, vt vnū, duo, tria, & cætera eiusmodi: numerus verò numeratus est e- G  
 dem quantitas certæ materiæ applicata, vt decem homines, decem dolia, de-  
 cem domus, aliaque huiusmodi: in quorum serie est tempus. Cæterum de  
 hisce omnibus latius ab Aristotele in quarto Physicorum tractatur. Accedamus  
 nunc ad modos vnius, itemque ad modos multitudinis, quos supra  
 omiseram, atque ad hunc locum distuleram. Idem, æquale, ac simile perti-  
 nent ad vnitatem: dissimile, inæquale, differens ac diuersum, multitudini con-  
 ueniunt. Simile vnum significat in qualitate: ea nanque similia esse dicimus,  
 quæ eadem sunt prædicta qualitate. æquale item vnum in quantitate dicit.  
 econtra dissimilia sunt ea, quæ multa sunt in qualitate, vt si vnum album sit,  
 alterum nigrum. inæqualia verò ea, quæ multa sunt in quantitate, vt si vnum  
 maius, alterum minus fuerit. Eadem verò sunt illa, quæ sunt vnum substan- H  
 tia. Horum multi sunt modi: Nam quædam eadem sunt, siue vnū substan-  
 tia ratione prædicati; quia scilicet idem habeant prædicatum, quod pertineat  
 ad eorum substantiam: Contrà nonnulla sunt vnum substantia, siue eadem  
 ratione subiecti, in quo sunt aut de quo dicuntur. hinc fit, vt quædam eadem  
 sint genere, nonnulla eadē specie, alia eadem proportionē. Item aliqua cau-  
 sa atque origine, postremo nonnulla eadem numero sunt. Illa quæ sub vno  
 genere continentur, eadem sunt genere: at eadem specie sunt illa, quæ vna  
 vltima specie continetur. hæc in forma conueniunt ac vnū sunt forma: nam  
 à forma rei species sumitur. Eadem verò proportionē, quæ conueniunt in  
 prædicato vno secundum proportionem de eis dicto, sicuti opus & spina sunt  
 proportionē

- A proportione eadem; quoniam eā proportionem, quam habet os ad animal, habet spina ad piscē. Illa autē dicuntur numero eadem, quæ conueniunt in materia seu in subiecto. Atque huiusmodi quandoque magis vnità significatur, interdum remorius, vnità, cum vtrumque eorum, quæ dicimus esse eadem numero, pertinet ad substantiam eandem, vt Socrates & filius Coriscī; hic homo & hoc animal rationale. magis remorē, cum alterum pertinet ad substantiam, alterum ad accidens. quod si accidens id fuerit proprium, magis vnità dicuntur eadem, quàm si accidens fuerit accidens per accidēs. Exemplū prioris, vt hic homo & hoc risibile: Posterioris, vt hic homo, albus hic seu magnus hic. Remotissimè verò dicuntur eadem numero ea, quorum vtrumque significat accidens, vt magnus & albus eadem sunt, si Socrates vnus vtraque fuerit præditus qualitate. id quod opponitur eidem est aliud seu diuersum, arque ad multitudinem pertinet. Et quoniam quorū modis dicitur vnum oppositorum, totidem dicitur alterum; tot sunt modi diuersitatis quot sunt identitatis: quorum explicatio satis comperta esse potest ex his, quæ diximus de modis eiusdem. Verū est illud animaduertendū, quòd quædam tantum sunt alia ac diuersa; quædam verò cum hoc quòd sunt diuersa, dicuntur etiam differentia. Diuersa tantum ac nō differentia ea dicuntur, quæ non cōueniunt in aliquo vno prædicato, quod scilicet sit ad essentiam eorum pertinens; neque sit vnum vt ad eandem coordinationem spectet: vt si dixerō substantiam esse diuersam à qualitate, probè dixerō: si autem dicam substantiam à qualitate differentem, non probè; nisi aliquid addidero, ratione cuius licet non ita propriè, vsitatè ramen possumus proferre substantiam à qualitate differre, aut lineam ab albedine; vt scilicet si addidero, quòd differunt genere: nam vtrique conuenit esse in genere, seu esse genus quoddam. aliud tamen genus est substantia, aliud quantitas. sic coordinatione prædicamenti differunt; quoniam tum substantia, tum quantitas pertinet ad coordinationem prædicamenti, quāuis melius diceretur, quòd diuersa sint genere seu coordinatione; quàm quòd differant: tamen & ille modus loquendi receptus est in vsu. sed si absolutè nullo addito protuleris, minimè dices substantiam differre à qualitate aut lineam ab albedine, sed diuersam esse. Differentia igitur significat vnum quodpiam esse, quod vtrumque rerum differentiam spectet, in quo tamen differant. quare si absolutè nullòque addito differre quæpiam dicantur; necesse est, vt sint in eadem coordinatione, in qua ramen differentiam habeant. quod si eiusdem coordinationis non fuerint, aliquid addatur necesse est, quod vnum vtrique eorū conueniat, in quo deinde differentiam habeant. Contingit autē in rebus tum diuersitas tum differentia ratione imperfectionis; secundum quam accedunt ad multitudinem, ac ab vno recedunt deficiuntque: in eo namque omnia vnū sunt, à quo cum recesserint, iam incipit apparere diuersitas & oppositio in rebus; secundum quā dicitur de quaque re quod est ipsa & quod non est ipsa; verbi gratia, de homine quòd sit homo & quod nō sit nō homo, id est quod nō sit res



quæpiam alia ab homine, de qua non homo prædicari queat. nam in ipso  
 vno, homo est non homo, id est res quæ est homo est illudmet ac vnum  
 cum rebus quæ non sunt homo: Etenim omnia in ipso sunt vnũ, vt infrã plu-  
 ribus docturi sumus. Ecce ergo quonã pacto oppositio, quæ in rebus appa-  
 ret, originem traxit: quæ primò conspicitur secundum modum contradi-  
 ctionis; deinde paulatim accedit ad habitum ac priuationem, præterea ad  
 contrarietatem, demum ad relatiuè opposita. de quibus operæpretium erit  
 si pauca quædam disseramus, quando de multitudine loquimur, quæ oppo-  
 sitionũ origo est. Oppositio contradictionis, quæ omnium maxima est, &  
 qua alij nituntur oppositionum modi, apparet inter ens & non ens. & quo-  
 niam non ens purum nihil est in rebus, sed tantum conceptione intellectus, F  
 idcirco huiuscemodi contradictionis oppositio primò ab intellectu ortũ ha-  
 buit; deinde cum ab vno atque ab ente accedimus ad multitudinem, & ad  
 res alias, de quibus non ens dici potest ob imperfectionem eis admixtam;  
 intellectus rebus etiam huiuscemodi opposiutionem adaptauit secundum  
 affirmationem & negationem. vt scilicet quemadmodum ens primum est  
 ipsummet ens, non est autem non ens; ita vnaquæque res si tantum ipsamet,  
 non autem aliquid aliorum, quæ non sunt ipsa, siue entia siue non entia fue-  
 rint; quibus conuenit negatio illiusmet rei; vt sicuti verum est hominẽ esse  
 hominem, ita falsum sit hominem non esse hominem, cum tamen non esse  
 hominem cæteris omnibus conueniat præter hominem. Hæc igitur oppo-  
 sitio contradictionis perfecte nõ est in rebus: sed licet à re originem habeat, G  
 perficitur tamen ab intellectu, ac præcipuè in secunda sui operatione, ad quã  
 pertinet affirmatio & negatio. Ideo nullam rem inuenias cõtradiçtoriè op-  
 positam alteri, quamuis de rebus illis cõtradiçtoria verè dici possunt; quam  
 intellectus primò inuenit in ente & non ente puro; deinde transtulit ad cæ-  
 teras quoque res. Incipit ergo statim cū intellectu seu conceptu diuisionis,  
 quam mens concepit, esse inter ens & non ens: deinde adaptata est rebus, in  
 quibus diuisio erat, ac multitudo. huiusmodi prima oppositiõ, contradiçti-  
 onis inquã, rebus applicata diuersitatem rerum fecit, easque inter se diuer-  
 sas constituit. Substantia namque ea ratione diuersa est à qualitate; quia de  
 substantia vetum est dicere quòd sit substantia: ac de qualitate, hoc falsum  
 est: verum autem quòd non sit substantia. vicissim de qualitate verum est H  
 dicere quòd sit qualitas, quod tamen falsum est de substantia, sed vera ne-  
 gatio huius est, substantiam scilicet non esse qualitatem. Ecce ergo quam-  
 uis res diuersæ non opponantur contradiçtoriè: id tamen, quod inuenitur  
 in rebus præter intellectum huiusmodi oppositionis, est rerum diuersitas.  
 Cõtradiçtio igitur statim orta in intellectu post conceptum diuisionis quæ  
 est inter ens & non ens, quæ etiam tantum secundum rationem est, secundum  
 rem minimè; quoniam non ens in re esse nequit, sed tantum ratione  
 concipitur, veluti quoddam ens, enti verò oppositum, cõcomitatur veram  
 diuisionem, ac multitudinem rerum; quam nos non probè concipimus, ni-  
 si contradictione innixam. Hactenus satis sint ea quæ ad contradictionem  
 pertinent.

- A pertinent. Post contradictionis oppositionem sequitur oppositio quæ est inter habitum & priuationem; in qua quamuis priuatio sit non ens oppositum habitui, nihilominus in intellectu priuationis connotatur subiectum capax illius habitus; cui opposita fuerit priuatio. Habitus ergo & priuatio cum in subiecto contineantur, quod à priuatione significatur; minus inter se discrepant, quàm contradictoriè opposita: quæ, quatenus sic opposita intelliguntur, in nullo conueniunt, sicuti non ens in sui ratione nihil dicit, quod enti conueniens sit. At cæcum notar oculum, qui sicuti cæcitat, ira visus subiectum sit; sic surdum dicit aurem, eadèmq; ratio est de omnibus priuationibus. Quamobrem deficiunt priuatiuè opposita ab oppositione contradictoriæ. priuationes verò in duplici sunt differentia, vt Dicit Aristoteles: nam quædam primò respiciunt formam & significant in subiecto eo proprio corruptionem quandam seu deprauationem formæ; quæ natura subiecto illi debetur, ordinemque ad formam habere: nonnullæ verò priuationes primò respiciunt subiectum, ad quod ordinem primum habent: neque in eo subiecto oportet præexistisse formam, deinde corruptam esse aut saltem in generatione deprauatam. sic tenebræ se habent ad lumen, & immusicum ad musicum, in albumque, vt ita dicam, ad album. huiusmodi verò priuationes posteriores illæ sunt, ex quibus generatio, ac quæ ab Aristotele in primo Physicorum dicuntur. Tertium principium esse rerum generabilem & corruptibilem, licet per accidens principium
- C sint. ex prioribus verò priuationibus habitus proprii generatio nunquàm fuerit, immo à priuatione ad habitum non est regressus, quæadmodum in Prædicamentorum libello Aristoteles dicit, nisi prius resolutio fiat ad materiã priorè: verbi gratia, ex cæco secundum naturam nullus potest fieri vidēs, aut ex mortuo viuum. Qua in re satis mirari non possum Platonem in Phædone hanc rationem adduxisse ad animæ immortalitatem adstruendam: ac si sicuti mortuum fit ex viuo, ita & viuum ex mortuo fieret; cum generationes sint ex oppositis. nimirum ea ratio præterquam quod in aliis assumptionibus, quas assumit, non satis certa est, in hoc tamen lōgè videretur nos fallere, quod accipiat generationem habitus esse ex illis priuationibus, ex quibus secundum naturam, vt dixi, non est regressus ad habitum. Priuatiua hæc oppositio si adhuc magis recesserit à non ente, atque ad ens accesserit, parit oppositionem contrariorū: nam cum formæ seu perfectionis cuiuspiam priuatio non tantum nobis significauerit atque inuenerit commune quoddam subiectum cum habitu, seu communem quandam naturam, seu præterea distantiam quampiam ab habitu seu ab forma opposita; iam incipit subori ac apparere contrarietas, secundum quã alterum contrariorum se habet vt forma atque vt habitus; alterum verò vt priuatio illius habitus in ea natura, non tamen vt quæuis priuatio, sed vt priuatio, quæ ab habitu distet: distantia verò esse non potest nisi priuatione illa aliquid positium significetur: nam inter ens & non ens nulla est distantia nisi secundum rationem. at distantia ea quæ secundum rem fit, necesse est vt existat inter entia. Hæc igitur ratio-

ne priuatio ad contrariū descendit, sicuti ergo priuatiue opposita efficiunt ab oppositis contradictoriē, quia priuatio accedit ad ens; ita contraria efficiunt à priuatiue oppositis; cum necesse sit cōtrariorum vtrumque ens esse. Ac licet quauis distantia in eadem potentia seu natura generis contrarietatem aliquam faciat; vera tamen contrarietas existit in maxima distantia. Vnde licet nobis diffinire contraria ea esse, quæ sunt opposita maxima inter se distantia. Ex qua diffinitione colligitur huiusmodi vera cōtrarietate vnū tantum esse vni contrarium, quia vnus distantia duo tantum extrema esse possunt. ea verò, quæ maximè distant, extrema sunt; reliquorū nullum alteri collatum maximè ab eo distare dici potest. Ideo cuius cōpertum esse hac ratione debet vnum tantum vni contrarium esse, reliqua verò inter illa duo extrema posita, quauis oppositionē inter se contrariam habeant, contraria tamen inuicem non sunt; nisi sicuti medium medio aut extremo itidem medium. Ex his palam est illud effici, omnia contraria esse in eodem genere, ac differre secundum formam seu secundum speciem: genus namque potentiam dicit, quam eiusdem naturæ esse oportet in his, quæ sunt eiusdem generis: ac quoniam potentia sumitur à materia, necesse est ea quæ sunt eiusdem generis conuenire in materia. genus ergo quamquam significat compositum ex materia & forma; vnde prædicatur in recto de specie; id compositum tamen exponit secundum indeterminationem quandam, quæ pertinet ad potentiam & determinatur postmodum ac diffinitur per differentias, per quas indeterminatio illa, vt ita dicā, ac potētia ad diffinitas species contrahitur. nec eiusdē speciei est genus contractū ad vnā speciem cū ipsomet genere ad aliā speciem determinato: non enim animal in homine eiusdē est speciei cū animali, quod est in boue, quia indeterminatū genus, vt puta animal nullius per se est speciei determinatæ, sed cōtrahitur differentis ad speciem determinatā. Quamobrē manifestum est quā falsā sit eorum positio, qui voluerunt genus dicere formam quandam propriam re distinctam à forma speciei. Nam hi fateantur etiam oportet, speciem non dicere eandem naturam cum genere, sed naturam quandam super additam, nec differentias contrahentes esse per se illius generis, sed extraneas ac per accidens: sicuti si quantū diuideretur per albū & nigrū. Vnā ergo eandemque naturam fateamur significatā genere & à specie sed à specie determinatam & in actu, à genere indeterminatam & in potentia. Verū de his satis. Reuertamur ad contraria, quæ propriè sumpta sunt eiusdem generis, differuntque secundum formam & speciem. Hisce illud addendum est, quamuis genus semper diuidatur per differentias contrarias, quæ scilicet se habent per modum habitus & priuationis, licet priuatio illa distantiam quandā dicat ab habitu ac propterea significet posituum quodpiam; non tamen semper species differentis contrariis constitutas inuicem contrarias esse. Nā differentia cōparantur generibus per modū formæ cōtrahentis. sicuti ergo qualitates contrariæ idē subiectū informāt ac cōtrahūt, altera vt habitus, altera vt priuatio; ita vidētur differentia habere se ad genus quapropter

- A** propter in eis, est semper cōtrarietas. at species constitutę multoties non sic vicissim habēt. quā de causā dicimus substantiā nihil esse cōtrarium, nec non quātitati. proprię cōtraria sunt hęc, quę descripsimus. Nōnulla verō cōtraria etiā dicuntur, quę tamē pertinent ad eandē speciē, aliqua verō etiam genere differunt. Prioris modi sunt masculus & fœmina, quę eiusdem sunt speciei, neque forma differunt, sed tantū his, quę pertinent ad materiam: nam aliquibus partibus corporis discrepant quę ad materiam pertinent. Corruptibile verō & incorruptibile dicuntur contraria; tamen differunt genere, quia differunt in potentia, quę ad genus pertinet: nam corruptibile id est & dicitur quod potentiam habeat ad corruptionem, & hęc à materia est. Incorruptibile verō dicitur, quia huiusmodi potentiam non habet, quare nec eandem materiam. Ecce ergo quā ratione genere differunt; nam à materia sumitur genus, & hanc eiusdem rationis oportet esse in omnibus, quę sunt eiusdem generis: differunt ergo genere necesse est corruptibile & incorruptibile. Nec contrarietas proprię huiusmodi attribuitur, nisi secundū rationem; quia ratio accipit illud, in quo conueniunt: vt vnum, licet re non sit vnum, verbī gratia vt dicamus corpus seu natura corruptibilis ac incorruptibilis, similiter in masculo & fœmina accipit sexum, vt ita dicam, tāquam genus, quod contrahatur differentiis maris & fœminę, tanquam formis diuersis. Quamobrem vnum & multa non dissimili ratione contraria dicere possumus: quia videlicet ratio nostra accipit ens vt vnum quodpiam, quod contrariis quasi differentiis diuidatur. Hactenus de cōtrariis dicta sufficiāt.
- C** Accedamus ad relatiuē opposita, de quibus pauca quædam perstringenda sunt. Cū entia, quę à primo principio effluxere, multa diuersęque sint: quædam ita se inuicem habent vt mutuū quendam ordinem mutuūque habitudinem præ se ferant. nonnulla verō quamuis ordinem quendam atque habitudinem habeant ad alia; non tamen contrā vicissim hęc ad illa ordinem vllum habitudinēve vllam obtinent. Inter quędam demum secundum naturam neque mutuus est ordo, neque altera ex parte tantū; nisi si quando ab intellectu nostro concipiantur, veluti ordinem inter se habentia. hinc ortum ducit omnis relatio, omniāque opposita ad aliquid dicta sunt ex hoc fonte. Inter ea, quibus vicissim secundum naturā habitudo est, etiam
- D** relatio existit secundū rem. huiusmodi verō habitudo vel est ratione actionis & passionis; vel nititur vnitati ac multitudine. Relatio ea, cuius fundamentum est actio & passio, vel nititur actione & passione, veluti quę adsit & præsens sit, vel tanquam quę præterierit, aut demum potentia ac facultate istiusmodi actionis passionisve. Exemplū primi modi est vt calefaciens & calefactū, amans atque amatū, cæteraque, eiusmodi, quę actionē & passionē dicūt. secūdi ordinis relationē exemplū, vt pater & filius: Pater namque dicitur non quia generet, sed quoniā generauit filiū. filius verō quod generatus sit. tercij modi exemplū, vt dominus ac seruus: dicitur etenim dominus propter facultatē agēdi in seruū, seruus verō quia pati potest à domino. Hęc prima est species seu modus eorū, quę sunt ad aliquid. secunda, vt diximus,

nititur vnitate multitudinē: res enim multæ ac diuersæ, quæ vnitatem  
 quandam inter se habeant, seu in substantia seu in quantitate seu in qualita-  
 te sit hæc vnitas, inter se habent habitudinem vnitatis. Huius generis sunt  
 similia, æqualia, eadem siue genere siue specie seu ob materiam ac subiectū  
 eadem fuerint. Ecce quorundam habitudo est secundum multitudinem  
 ac diuisionem quandam, vt inæqualia, dissimilia, differentia seu diuersa.  
 Tertiū relatiuorum modus ille est atque inter ea, in quibus ex vna tantū  
 parte est habitudo secundum rem, ex altera verò parte habitudo non est,  
 neque ordo vllus respondet nisi secundum rationem nostram nostrūque  
 intelligendi modum. huiusmodi verò relatiua dicuntur se habere vt men-  
 sura & mensuratum: nam mensuratum in quantum huiusmodi habitudinē  
 ac ordinem habet ad mensuram sui: contra verò mensuræ ad mensuram re  
 nulla est habitudo; sed si fuerit aliqua, est secundum rationem nostram. huius  
 rei exempla frequentia nobis occurrunt quotidie in hac ciuili vita, vt omit-  
 tam interim rerum naturam. Si quis enim Regem comitatur, is equidem  
 comes est Regis, atque habitudo ipsius ad Regem est secundum rem: con-  
 tra verò si dicamus Regem priuati comitem esse, qui officij gratia Regem  
 domo deducit, hæc vtique habitudo seu relatio Regis ad priuatum comi-  
 tem nō est nisi secundum rationem. hoc pacto cætera res omnes se habent  
 ad Deum optimum; quoniam relatio rerum ad primam causam est secun-  
 dum rem: At relatio vicissim primæ causæ ad res alias non est nisi secun-  
 dum rationem. nec tamen propterea concedendum est Deum esse cau-  
 sam rerum aut dominum nō re sed ratione nostra. Nam re quidem est cau-  
 sa ac dominus; quia re terminus quidam est habitudinis ac relationis alia-  
 rum rerum ad ipsum: sicut enim cætera re habent ad Deum habitudinem;  
 ita etiam re non ratione Deus est illius habitudinis terminus, ac propterea  
 re dominus est & causa omnium. Quod si hisce nominibus velimus signi-  
 ficare habitudinem Dei ad res alias, quam nos concipimus & quam more  
 aliorū relatiuorū adaptamus primo principio; vtique hæc non erit secundū  
 rem, sed ratione nostra apposita. quomodo etiam dicere possemus Regem  
 comitem esse cuiuspiā priuati. Ecce ergo quonam pacto in hoc tertio mo-  
 do relatiuorum non est relatio secundum rem, præterquam ex vna tantū  
 parte, ex altera verò vicissim non respondet relatio nisi rationis. Eis verò, in  
 quibus non est quispiam ordo neque aliqua habitudo secundum rem, si re-  
 lationes affingantur, rationis opus erit. similiter si quis eandem rem conce-  
 perit duobus modis, ac eo pacto videatur eiusdem ad se relationem esse;  
 certè non erit nisi secundum rationem nostram: quia habitudo, quæ re sit,  
 requirit ea, inter quæ sit habitudo, esse etiam re distincta. Illam verò qua-  
 sitionem, an scilicet relatio in re, quæ relatiuè dicitur, aliquid addat præter  
 fundamentum relationis: & si non addat, quonā pacto relatio ab aliis præ-  
 dicamentis distinguatur, nunc omitendum reor: infra fortasse nonnulla.



LIBER TERTIUS

**T**RACTATV: de vno atque ente ea speculatio proxima esse iure videri potest, quæ fuerit de vero ac bono: nam omnes res, quæ quoquo pacto sunt, vtriusque eorum sunt etiã participes. etenim Aristoteles in secundo libro Primæ philosophiæ inquit, Vnumquodque ita se habere ad veritatem, sicuti se habet ad esse. & in primo Ethicorum itidem dicit, bonum dici æqualiter enti. idcirco nobis, quibus institutum est tractare de omnibus entibus, ac de eorum principiis, quatenus sunt entia, nequaquam sunt omittenda illa, quæ cuique enti conueniunt: præsertim quoniam, vt diximus superius, cùm nequeamus vnico conceptu attingere id; quod in primo ente est simplex atque vnicum, pluribus, quorum quilibet deficiens est, id assequi conamur. Verum autem ac bonum primò videtur deducta ad entia ex facultatibus animæ, intellectu inquam & voluntate; quarum neutra est determinati cuiusdam generis, sed omnia entia pertingit. ac intellectus ea ratione videtur attingere respiceréque ens, quæ scilicet verum est. voluntas verò in omne ens fertur, quatenus boni rationem habet. hinc vtriusque conceptus atque appellatio emanauit ad entia omnia, inde postmodum euenit, vt propria etiam ratione vtrumque conspexerimus esse in entibus; longè priori illa, qua inesse entibus vtrumque eorum diximus ex facultatibus animæ sumpta. Ceterum, quoniam intellectus prior est voluntate, videtur etiam tractatio de vero eam præcedere debere, quæ est de bono. At e contra, quoniam res non intelliguntur nisi secundum quòd sunt in intellectu; voluntas verò fertur in bonum secundum quòd est extra voluntatem & in rebus ipsis extat (quod ita esse asserit Aristoteles in sexto libro Primæ philosophiæ: inquit enim, verum & falsum sunt in intellectu, bonum & malum sunt in rebus) res verò omnes prius in se ipsis sunt, quam in intellectu: idcirco alicui videri posset, tractatus de bono ei præferri debere, qui est de vero. sed quoniam nos de vtroque eorum nobis agendum duximus, eo præcipuè modo quo conueniunt entibus, qui alius est ab eo quo è facultatibus animæ vtrumque eorum deductum est, ad entia: ac ratio veri hoc pacto sumpta, vt videbimus infra, maxime coniuncta sit rationi vnius: idcirco putamus de vero prius agendum esse, postmodum accedemus ad tractationem de bono. Verum igitur primo apparuit in intellectu, nec ta-

men promiscuè in quavis eius operatione, sed in ea, quæ compositio ac diuisio dici consuevit, in qua etià est affirmatio & negatio. nã vt Aristoteles in pluribus locis testatur, ac luculenter Plato in Cratylo, conceptu simplici neque dicitur verum neque falsum: vt puta si quis dicat hominem aut pecudem, siue marmor, ac si plurium rerum imagines depictas habeas, ac earum quamuis depromas, certè nec veritas nec falsitas ibi conspicitur in simplici ea prolatione imaginum. At si experis imagines adaptare rebus, atque cum exemplaribus componere, & bouis imaginem adaptaueris equo, alter verò boui, confestim prodit veritas ac falsitas; tuamque compositionem, seu adaptationem malueris, dicemus falsam: alterius verò qui bouis imaginem coniunxerit boui, vt exemplari, asseremus veram fuisse: non dissimili ratione si bouem aut equum hominemve conceperis mente, vtique in ea conceptione nec falsitas nec veritas vlla apparet. at si mente incipias alteram alteri componere, vel secundum affirmationem, aut secundum negationem, iam incipiet tibi elucere veritas falsitasque. Sed postmodum cum primæ operationis intellectus simplex conceptus ab aliqua re sit deductus, & cuiusdam entis imago sit, dicimus quidem simplicium intellectum verum esse; quia eo attingimus rem illam, cuius conceptum habemus: non tamen propterea confitendum est in simplici conceptu veritatem vllam esse. Multum namque hæc differunt, quoniam simplici illa intelligentia non exprimimus, quòd attingamus rem cuius conceptum gerimus; seu quòd non attingamus. non est ergo in conceptu simplici veritas vlla, licet conceptus simplex sit verus, quemadmodum in tertio libro de Anima Aristoteles dicit asseuerans intellectum ipsius quod quid est semper esse verum. Hic tamè aduertendum, quòd veritati huiusmodi simplicis intelligentiæ non opponitur falsitas, sed ignorantia: quemadmodum item Aristoteles testatur in nono Primæ philosophiæ: nisi simplex is conceptus compositionem aliquam in se habeat, ratione cuius dici possit falsus: vt si quis existimaret definitionem alicuius rei esse animal insensibile. huiusmodi ergo est veritas intellectus, quæ primum nobis illuxit: inde deducta est veritas ad res ipsas; ex habitudine tamen quæ habent ad intellectum prius, deinde postea diuersa etiam quadem ratione, quæ exponemus paulò inferius. Ad intellectum verò res duobus modis referri possunt, aut sicuti effectus illius intellectus, ad quem referuntur; seu sicuti causæ intellectiōis ac scientiæ. Res omnes, quæ natura constant intellectui nostro collatæ se habent vt causæ intellectiōis ac scientiæ: nam cognitio nostra gignitur à rebus à quibus intellectiōem haurimus. At res artificio confectæ intellectui artificis collatæ se habent vt effectus ad causam: nam secundum ideam seu formam domus mente artificis conceptam domus constituitur: simili ratione statua omniâque huiusmodi constant. Ab intellectu igitur ad res ipsas deducta est veritas, vt quædam veræ dicantur res, quædam falsæ. ad illas res, quæ natura constant, ac sunt causa intellectiōis nostræ, veritas ac falsitas quodammodo per accidens ac remotè attribuantur; quoniam res non per se habent habitudinem



- A tudinem ad intellectionem nostram, sed sicuti mensura ad mēsuratum, de quo modo habitudinum suprà diximus. Veræ ergo res dicuntur, quæ aptæ natæ sunt gignere in nobis cognitionē veram. at falsæ, quæ in se aliquid habent, unde facile decipi possumus: sic dicimus verum hominem: pictum verò, dicimus falsum hominem. Eadem ratione verum aurum, & aurum pigmentum dicimus aurum falsum. falsum etiam hominem appellamus mēdacem & fictum ratione non dissimili. Hoc ergo pacto ab intellectu nostro ad res natura constantes deducta est veritas ac falsitas. Ar ea quæ arte confecta sunt, cum sint effectus mentis artificis arte præditi, ac ab arte pendeant, magis propriè atque intimius vera falsæve dici queunt ex intellectione nostra. dicimus namque veram domum, quæ respondet ideæ domus cōceptæ; falsam verò domum, quæ deficit ab idea illa. à quo modo paulatim latius serpit veritas ac falsitas. Nam cum vnaquisque effectus similitudinem gerat sui principij, is effectus, qui principio suo accedit, verus appellari potest: at ille qui deficit, falsus; ac quanto magis effectus accesserit ad causam, tanto plus etiam veritatis obtinebit: quanto verò defecerit, tanto quoque magis obtinebit falsitatis. Cæterum quoniam omnia entia dependent à primo ente, tāquam à causa efficiente (vt infra lucidissimè efficacissimisque rationibus probabimus) ac quandam entis primi similitudinem adsequantur. idcirco veritas adæquata est entitati, vt vnumquodque ens etiam verum dicatur: atque ea ratione, qua ens vnumquodque deficit ab ente primo, tanto etiam minus compos sit veritatis: atque ad falsitatem accedat, sicuti accedit ad non esse: Hinc apparet illud, quod paulo antè dicebamus, verum valde propinquum esse vni. Nanque quanto effectus magis est vnus cum causa, tanto etiam magis obtinebit veritatis. inde fit, vt quoniam primum principium est, maximè sibiipso vnus, neque ad aliud, sed ad seipsum refertur; sicuti est maximè ens, ac maximè vnum, ita etiam sit maximè ac præcipuè verum; vtpote quòd sit omnibus aliis causa entitatis, vnitatis ac veritatis: ipsum verò sibiipso, & à seipso sit ens, vnum ac verum. Quapropter Aristoteles in secūdo libro Primæ philosophiæ inquit eandem esse in vnoquoque dispositionem entitatis ac veritatis, quem locum suprà adduximus. Quamobrem prima quæque principia entium quia sunt maximè entia, maximè quoque vera esse. Ergo ex hīce compertum cuilibet esse potest, verum dici æqualiter enti. de quo quoniam satis dictum videri potest, pro modo huiusce compendij, paucis à nobis agendum est de falso, quod opponitur vero. Falsum, sicuti etiam verum, primò deprehendimus in intellectu, ac in secunda operatione intellectus, quæ siue fiat compositione siue diuisione ac negatione; si non respondet rei, quam significat, falsa est & nuncupatur. prima verò & simplex mentis intelligentia licet dicatur vera, falsa tamen meritò dici non potest, nisi per accidens, ratione alicuius compositionis in ea existentis, vt suprà diximus. Quamobrem in nono Primæ philosophiæ libro Aristoteles dicit, huiusmodi veritati primorum intellectum non opponi falsitatem, sed ignorantiam. Ad res postmodum deducta
- B
- C
- D

est falsitas. Ac primum falsæ quædam dicuntur, eo quòd natæ sunt deceptionem pàrere ac falsitatem, vt falsum aurum auri pigmentum, & fel, falsum mel: inde falsitas etiam transferri potest ad effectus illos, qui deficiunt à causa sua, vt sicuti quatenus causam adsequuntur, dici possunt veri; ita etiam, quatenus à causa deficiunt, falsi nuncupantur ac veluti spurij. de huiusmodi falsitate tractare pertinet ad primum philosophum, quemadmodum etiam tractatio de vero, quod falso huic opponitur, est philosophiæ primæ. Hoc igitur falsum ad multitudinem pertinet, & ad non esse. nam sicuti verum dicit indiuisiōem & vnitatem effectus cum causa; ita contrà falsum diuisiōem significat, quæ multitudinis est & non entis: & quemadmodum ea ratione, qua vnumquodque assequitur aliquam similitudinem entis, dicitur ens, ac e contra, qua ratione deficit à perfectà ratione entis, dici potest non ens: ita etiam quatenus vnumquodque attingit ad ens, dicitur & concipitur vt verum: quia tamen quoduis à perfectà ratione entis deficit; idcirco in vnoquoque est falsitas, præterquam in primo principio omnium. & sicuti non ens non existit nisi in quopiam ente, & multitudo non constat nisi in quapiam vnitatem; ita etiam falsum minimè constat præterquam in quopiam vero, vt exploratum cuilibet facillè esse potest. illud autem quod penitus falsum est, neque in vlla parte nititur vero, vtique neque dici neque intelligi potest, verum pertinet ad abyssum illam multitudinis, à qua omnis vnitatis sit remota, & ad densissimas tenebras non entis, nequaquam ab acie mentis penetrabiles. de vero & falso hætenus. postremo nunc loco de bono nobis agendum est. Boni conceptus, quæadmodum suprà diximus, principio deductus est ab appetitu, quod superius annotauimus, vt id scilicet diceretur bonum, in quod appetitus fertur. quamobrem Aristoteles in principio Ethicorum dixit, bonum esse quod omnia appetunt. Sed quoniam appetitus tendit in res prout in se sunt, non autem secundum quod sunt in appetitu; ideo bonum magis attinet ad res ipsas, quàm verum: quoniam intellectus rem quampiam non intellegit, nisi prout res est in intellectu intelligente. Bonum igitur significat id quod appetibile est. Verum postmodum cum ad vltiora intellectus processit, inspexitque nihil esse appetibile præterquam perfectum, & in quantum perfectionem quandam habet, post primum illum conceptum boni & post rationem appetibilis, adinuenit atque applicuit conceptum boni perfecti, rei cuiusque, quæ perfectionis esset compos. Et cum omne ens, quatenus est particeps entis, sit etiam perfectionis esse cuiuspiam particeps, omne ens concepit vt bonum quodpiam: sicque bonum enti æquum factum fuit; quamuis aliam rationem dicat ens, aliam verò bonum: id namque, quod suprà dictum est, pluries quoque est repetendum, eo quòd intellectus nostri conceptus deficiunt à simplici illo, cui hæc omnia primò conueniunt: idcirco ad id quod simplici intelligentia adsequi non potuimus, multis conceptibus peruenire conamur. Bonum ergo idem est cum ente & vno: sed ratio boni alia quædam est ab vtriusque eorum ratione. nam bonum perfe-

- A perfectum quoddam dicitur: hoc verò neque ens, neque vnum primò significat, licet, vt saepe diximus, in vniuscuiusque eorum ratione appareat ratio aliorum. Cùm igitur ita se habeat ratio boni ad entis rationem: hinc est vt quamuis bonum æqualiter enti dicatur, nihilominus ens simpliciter, & bonum simpliciter differant: nam per eum actum, quo vnumquodque existit, id est, per actum & formam substantialem res est simpliciter: per actum secundum & vltimam perfectionem res est secundum quid, non simpliciter: is namque actus posterior accidens est. e contra verò per vltimam perfectionem & actum secundum res est bona simpliciter: per actum verò substantialem est secundum quid bona: quoniam ratio entis sumitur ab eo, idque primò significat, quo aliquid existit. at ratio boni sumitur ab eo, quo quodpiam perfectum sit & consummatum. idcirco cùm actum substantiali res existant, actu verò secundo, qui accidens est, minimè; sunt quoque entia simpliciter & absolute ab actu substantiali, non ab actu secundo. At quoniam vnaquæque res consummata & perfecta est sua operatione actûque secundo, non autem forma substantiali & actu primo; ideo vnumquodque est simpliciter bonum per actum secundum, qui posterior est, non autem per priorem substantialem scilicet. Quoniam etgo ratio boni in perfectione consistit, perfectum verò quatenus est perfectum, & est appetibile, & perfectionem suam communicat eis quæ capacia illius sunt: ita namque Aristoteles dicit in secundo ac tertio libro de Anima, quòd animatum cùm ad perfectionem peruenerit, gignituum est sui similis: idcirco bonum meo iudicio præter rationem finis, quam dicit, est enim appetibile, significat præterea rationem causæ efficientis: quoniam, vt diximus, perfecti est suam perfectionem capacibus eius impartiri. atque ex hac boni ratione deductum est vt dicatur bonum esse communicabile, boni non esse inuidere, boni esse amare. Huiusmodi omnia, vt ego censeo, non ita videntur cõuenire bono, prout est appetibile, & prout dicit rationem finis; quemadmodum conueniunt bono, quatenus perfectum est: perfecti namque est perficere, ac suam perfectionem aliis impartiri. Omnia verò hæc præcipuè inueniuntur in primo & summo bono, in cæteris verò bonis, prout sunt bona, pro cuiusque captu. Hisce hæctenus demonstratis competum iam cuiusque esse potest, quantum vnumquodque quod est, quatenus particeps est entitatis, esse etiam particeps bonitatis: non tamen propterea verè & propriè posse dici bonum nisi perfectionem eam adeptum fuerit, quæ ipsi natura debeatur. ea verò, quæ deficiunt à perfectione natura sibi conueniente, nequaquam posse dici propriè bona: ideo ex huiusmodi priuatione malum originem habet, vt inferius ostendemus. Bonum igitur, quoniam appetibile est, & quia ex perfectionis redundantia impartiri his, quæ capacia sunt, bonitatem suam quærit; ideo ex bono originem trahit amor, quem iuxta duplicem eam boni rationem duplicem quoque non iniuria ponemus: nam quoniam bonum appetibile est, idcirco vnumquodque appetit amare bonum suum. hic autem amor non omnino plenus est, sed natus, vt inquit Plato in Conui-
- C
- D

uiu, ex abundantia & penuria. Etenim quoniam amans perfectionis & boni-  
 nitatis capax est, ideo hac in parte videtur abundans esse: (nam quoddam  
 bonum est quædāque perfectio esse boni capax) quatenus vero eo caret  
 quod assequi cupit, videtur esse indigens. quando verò bonum quod appe-  
 rebat, fuerit quodpiam consecutum, atque in eo quiescat, cessat prior ille  
 amor, qui desiderium quoddam est illius potiundi, & voluptas consequi-  
 tur, quæ est quædam quies in bono concupito prius, cuius compos sit fa-  
 ctum. Alter verò amor radicem habet in bono, non quatenus appetibile  
 est, sed ratione qua perfectum est. Huic amoris in amante nulla est cognitio  
 cum indigentia, immo totus est in perfectione & redundantia perfectionis  
 constitutus: sed si locus fuerit in indigentia, erit in re amata, modo potius  
 prioris amoris speciei opposito. nam in amante indigentia erat, in amato a-  
 bundantia. Hic econtra est, ac quidem longè perfectior est posterior hic a-  
 moris modus. ille namque qui amat priori eo amoris genere, bonum quod  
 appetit, sibi, non amato cupit. At illud, quod perfectum in se est amaturque ut  
 impertiatur bonum quod possidet, verè ac propriè non se amat, neque sibi  
 bonum cupit, sed alteri. huiusmodi verò amor naturam boni consequitur,  
 sicuti risibilitas naturam hominis. Qua in re mihi videtur Auicenna valde  
 laborare, neque satis attigisse huius amoris naturam. ac propterea neque sa-  
 tis perspexisse quam sit boni, ac perfectione redundantis natura. In eo nā-  
 que loco ubi tractat quomodo res à primo principio productæ fuerint, vi-  
 detur non posse satis intelligere, quonam pacto agens quodpiam ex propo-  
 sito in agendo sibi ipsi bonum non quærat: multumque in hoc nodo verti-  
 tur, tanquam amor omnis significet in amante indigentiam quandam, cuius  
 perficiendæ gratia amet. At nos dicimus perfectum ac redundans bonum a-  
 mare, atque ex amore agere, non ut sibi bonum cupiat aut quærat, verum  
 ut his impertiatur, quæ capacia sunt. Quinimmo hic amor in bono existens  
 excitat secundum amorem in indigente; facitque ut indigens ac perfectibi-  
 le perfectionem ac bonum suum cupiat, quærat, ac tandem adipiscatur. Lō-  
 gè melius Plato in Timæo, Causam etenim productionis rerum cum ad-  
 ferret, inquit, conditor optimus erat: ac optimi non est inuidere: nam inui-  
 dia procul abest à natura perfecti & à natura potioris illius amoris, quo bo-  
 num aliis quæritur: sed cum eo amore, qui indigentis est, satis conuenire  
 inuidia potest: qui si expellere voluerit inuidentiæ virus, necesse est ut pro  
 viribus priorem illum amorem æmuletur, ut scilicet qui amat bonum cu-  
 piat capacibus boni, siue id iam adepta sint, siue desiderio in id ferantur,  
 quod ab ipso tribui illis queat, vel ab alio quopiam. Cæterum de modo pro-  
 ductionis rerum à prima causa, ac de amore plura processu operis à nobis  
 dicentur. Negotio de quo in præsentia agimus, hæc sint satis, si illud tantum  
 adiunxerimus utrumque amorem extasim amantis facere. Nam in poste-  
 riore amoris genere, quo aliquid cupitur ut bonum & appetibile, amatum  
 sit forma amantis, qua ratione nescio quonam pacto amans in amatum trans-  
 formatur, ac extra se fit. Nō dissimili modo in priori quoque amoris genere,  
 quo

- A** quo bonum amat ea quæ sunt perfectionis capacia suamque eis bonitatem impertit, extra se sit bonum : ac nescio quonam modo incipit esse in altero, eo scilicet cui se impertit. Consequens tractatui de bono est, ut nonnulla de malo differamus, quod bono opponitur, ceu falsum vero, & vni multum. Nonnulli existimavere, in quibus Pythagorici fuisse videntur, malum esse naturam quandam bono oppositam. At cum ea, quæ sunt effectus, ad primas causas, primæque principia quædam reducantur, inueniuntur principia prima malorum diuersa, quin potius opposita principiis bonorum. At quoniam Pythagorici magni faciebant numeros, atque inter cæteros denarium; ideo constituere decem malorum principia; de quibus Aristoteles meminit in primo libro Metaphysices: sed Themistius latius in tertio Physicorum. Ab hisce nonnulli dissentire. Ac quoniam multitudo omnis ad vnitatem reduci, ad eamque tendere videbatur, vnum quoque dixerunt principium malorum oppositum primo bonorum principio. Hanc positionem longius refellere si vellem, acta, ut dici solet, agerem: cum à summis viris, magnis pulcherrimisque operibus sint huiusmodi positiones confutatae. Nobis tantum id sufficiat dixisse, Omnem naturam, quatenus esse habet, bonam esse; neque omnino ab appetitu boni recedere posse: quamvis fortasse à potiori bono ad inferius retrocedat; fieri tamen nequit, ut omnino ab appetitu bono destituatur, néve ipsa quodpiam bonum non sit. Sed dicet quispiam, Si malum natura nulla est, quo modo ergo erit malum in rebus, quæ tamen plurima esse quilibet exploratum habet? huic respondemus, malum non esse in rebus veluti naturam, sed tanquam priuationem quandam, ratione cuius subiectum, in quo est, atque natura cui adiuncta est huiusmodi carentia, mala dici consuevere. sicuti ergo non ens non existit, nisi coniunctum alicui enti, quomodo namque non ens per se existat? ita malum esse nequit præterquam bonum coniunctum. Nam cum ab ipso bono recedimus, iam in particularibus bonis incipit apparere perfecti boni defectus ac priuatio; quoddam videlicet vestigium mali. quod si adhuc infra tetenderimus, inueniemus in bonis contractioribus non tantum defectum summi absolutique boni, verumetiam defectum boni; quod alioqui nature illi deberetur. ac tunc primum tum videri, tum esse malum incipit. Propriè namque id malum dicere solemus, cui deest quodpiam bonum, quod illi natura debetur: ut id scilicet sit malum, quod à natura sua degenerat. Præterea bona hæc contracta ob imperfectionem & contractionem sui, simul esse non possunt, sed vnius adeptionem consequutionemque sequitur abolitio corruptioque; alterius: immo inuicem incipiunt esse inimica, aduersantia atque contraria: inde fit ut alterum alteri corruptione atque interitum molitur. Hinc turba illa malorum prodit: quæ tamen omnia licet vicissim sibi sint mala ac perniciofa, attamen absolutè mala non sunt, sed contracta bona. Ex defectu ergo & priuatione malum, neque habet per se causam efficientem, sed, ut probè inquit Augustinus, malum causam habet deficientem, nisi fortasse per accidens: quoniam causa generationis cuiuspiam rei, item causa est

corruptionis alterius rei per accidens : idcirco etiam mali & privationis per  
 accidens causa est . Malum igitur non opponitur bono , vt natura quædam,  
 sed vt priuatio ; quæ tamē non existeret nisi in bono : esset & bono cuiuspiam  
 adiuncta . Verū cū in operatione cuiuspiam defectus , & priuatio huius-  
 modi fuerit , id propriē peccatum dici solet . Vnde etiam natura peccare di-  
 citur , cū monstrum generatur . Sin verō ea actio agentis rationalis fuerit ,  
 iam non tantū peccatum , sed etiam culpa est . inde habitus ac dispositio-  
 nes ad huiusmodi operationes vel rectas vel prauas , dicuntur virtutes ac vi-  
 tia : Ac iam inter bona malæque huiusce ordinis incipit apparere contrarie-  
 tas , vt malum non tantū boni priuatio sit , sed etiam bono cōtrarium . Cæ-  
 terū quoniā de bono & malo generi morum propriū non est primæ phi-  
 losophiæ speculari , sed illius doctrinæ , quæ moralis seu civilis dici solet : id-  
 circo hæc in præsentia missa faciamus , dicamūque quamuis malum prop-  
 riē sumptum nō sit quicumque defectus boni , sed priuatio , id est , defectus  
 boni , quod alioqui naturæ illi deberetur : tamen latius si rationem mali ex-  
 tendamus ; quicumque boni defectus poterit dici malum . atque hoc pacto  
 nullum ens præter primum erit immune à malo ; sicuti etiam nullum ens à  
 primo immune est multitudinis non entis , & falsi , vt supra ostendimus . Ac  
 sicuti non ens purum immixtum enti , id est , in quo nihil omnino sit entis , &  
 ea multitudo , quæ omnino sit expers cuiuscunque vnitatis , & falsum , in quo  
 nihil vlla in parte sit veri , non tantū existere non possunt , sed neque etiam  
 intelligi : ita malum illud , quod omni ex parte sit boni expers ; non tantū  
 existere suapte vi poterit , sed neque percipi mente poterit . Hæc ferē prodita  
 sunt ab antiquioribus philosophis tanquam enti æqualia . Auicēna post prif-  
 cos excellens autor , quatuor hisce addit , rem & aliquid . Sed quoniam res  
 dicitur tanquam quæ esse ratum habeat ; & aliquid veluti non aliud quid à  
 seipso , sed sibi indiuisum ; ideo res attinens quoddam , agnatūque enti vi-  
 detur : aliquid verō vni , nam non esse aliud quid à seipso si quis dixerit , dicit  
 vtique illud esse à se ipso indiuisum , quod est vñum esse . Quamobrem cū  
 satis supetius tractatum à nobis sit tum de ente tum de vno , non est quod  
 præterea vel de re vel de aliquo quidpiam sit addendum . Verū quoniam  
 præcipua entis diuisio deductioque est per actum & potentiam , operæpre-  
 cium erit , maximēque ad primam philosophiam accommodatum , vt pau-  
 ca quædam perstringamus de vtroque horum . Nam si plurimum vellem in  
 ea re immorari , de qua Aristoteles summus philosophus accuratē luculen-  
 tēque disseruit in nono libro Primæ philosophiæ ; ineptus merito haberi  
 possem . Potentia propriē sumpta duplex est , actiua inquam & passiua . acti-  
 ua potentia est principium agendi in alterum , in quantum alterum . poten-  
 tia verō passiua est principium , quo quodpiam potest ab altero pati , in quan-  
 tum alterum . Non dicimus transmutandi , vt Aristoteles , ne pressius acci-  
 pere potentiam videamur : eam scilicet , quæ est in rebus mobilibus . hīc et-  
 enim etiam actionem & passionem latissimē capimus , non eam pressam  
 quæ non est absque alteratione . Potentia verō actiua , quæ est agendi prin-  
 cipium ,

- A** cipium, primò quidem duplex est, rationalis scilicet & irrationalis : irrationalis potentia est tantum ad vnum, vt puta potentia calefaciendi in igne & frigefaciendi in aqua. Rationalis verò potentia eadem est contrariorum, quoniam eadem etiam est ratio contrariorum, eadèmq; scientia. idcirco huiusmodi rationalis potentia cum simul agere contraria nequeant, ex se verò sit indeterminata ad contraria, in actum non prodit, nisi per electionem definiatur ad alterutrum. Passiua verò potentia, quæ est principium patiendi, quædam quæ magis propriè etiam potentia esse & dici consuevit, ea est quæ actum excludit. Alia verò potentia est, quæ actum non excludit; id est, quæ esse nequit absque actu suo, cui subiicitur : & ideo potentia & sit & dicatur. Prioris ordinis potentia passiua eadem est contrariorum : non enim carere actu vnius contrarij potest, nisi perficiatur ab altero comparique contrario : & idcirco eadem est quæ ab utroque contrariorum, quamuis non simul potest perfici. Contraria namque, vt suprà diximus, conueniunt in eodem genere atque in eodem subiecto. non tamen inficias iuerim, hanc potentiam, quæ contrariorum est, magis propensam naturam esse, potiusque habere id contrarium ex duobus quòd se habet vt habitus, & perfectius est, quàm alterum quòd vel imperfectius est, vel vt priuatio se habeat. At illa potentia quæ actum non excludit, sed subiicitur actui proprio, ab eoque perficitur; eadem non est contrariorum; quia eorum alterum tantum sibi adiciuit vt proprium : ac huiusmodi potentia inuenitur in corporibus cœlestibus; necnon etiam in substantiis illis, quas proprietatibus quibusdam natura insigniuit, vt puta ignem caliditate & aquam humiditate. quocirca Aristoteles in Prædicamentis cum dixisset illorum esse aliquid medium, quorum non est necessarium alterum inesse susceptibili, subdit, nisi si qua eorum alterum natura sibi præscribat. In hisce tamen vbi vera est contrarietas, quamuis eadem substantia completa, vt puta ignis vel aqua, non sit susceptiua contrariorum; materia tamen ex qua constant huiusmodi substantiæ, eadem susceptiua est contrariorum. Tot igitur sunt potentiæ species, quibus illud commune est vt sint quædam inchoationes actus ac perfectionis : quamobrem inchoatio & potentia ad imperfectionem, seu ad priuationem & corruptionem à nobis potètia non dicetur, sed impotentia. Nam quemadmodum illud, quod non potest quapiam perfectione perfici, impotens & est & dicitur; ita etiam illud, quod potest imperfici, seu perfectione quapiam priuari, impotens est, ac per impotentiam imbecillitatèmq; non autem per potentiam, dicitur posse incommodum illud pati. e contra resistere ac repugnare corrumpenti imperfectiue est ex potentia. Vt ergo diximus, vera potentia est quædam actus inchoatio, diuersa tamen ratione inchoatio actus intelligitur in potentia passiua & in actiua. Nam passiua potentia inchoatio quædam est actus, qui pertinet ad id in quo est potentia, immo qui perfectio est illius potentiæ. At is actus, cuius inchoatio est potentia actiua, non est perfectio agentis aut potentiæ actiue, sed patientis ac passiue potentiæ. &



ideo potentia passiva imperfectionē quandam significat in eo in quo est, cuius actus proprius perfectio est. At potentia actiua nullā dicit imperfectionē in agente, immo ex perfectione est. Non enim est inchoatio actus seu perfectionis agentis in agenteque, sed est inchoatio effectus agētis. Nam effectus omnis antequam fiat, sicuti est in potentia patiētis, ita quoque est in virtute agentis. & idcirco in vtroque inchoationē quandam habet. Sed diuersa est hæc inchoatio, quia in patiente est imperfectio capax perfectionis, in agente verò est perfectio & virtus agentis. Verū tamen potentia hæc agētis, quā diximus inchoationē effectus, tanquam quæ effectum cōtineat, triplici modo se habere potest ad effectum. Nam vel continet effectum secundū eam rationem, secundum quā effectus producitur ac existit; vt ignis qui ignem generat, vel effectus continetur in potentia agentis, non eadē ratione qua in se est. hoc verò adhuc duplici ratione accidere potest; nam vel imperfectiori modo cōtinetur effectus in agente quā ipse in se est, vel modo & ratione perfectiori. Exemplū prioris, sicuti semē in quo est vis productiua animalis vel plātæ, seu serra in qua est vis factiua scāni. Posterioris modi exemplū, vt in sole est vis plātæ productrix, & in corporibus cœlestibus vis est horū inferiorū generabilium effectiua: non quòd in eorū potentia sit forma plāre aut cuiuspiā generabilis secundū eandem rationē, qua est in plāta aut in quopiā alio generato, nec secundum rationē inferiorē, vt in instrumēto, sed quoniā inest secundum eminentiā & excellentiam quandā. Quo in loco illud nō est prætereundū, agentia illa, in quibus est effectus forma, seu secundum eandem rationē, seu secundum inferiorē rationē, esse veluti instrumenta quædam, & indigere ad actionē quæque suā, superioris agentis fomento, cuius ratio est, primò quātum ad illa agentia; in quibus effectus est secundū inferiorē modum; quia ex nihilo nihil fit: idcirco nihil potest actione sua pertingere ad id quod est perfectius se. Quamobrem si effectus in quopiā fuerit secundum rationem inferiorē, impossibile est id agens virtute propria pertingere ad eū effectum producendum; sed indiget superiori agente, in quo effectus perfectiori modo sit, cuius posterius hoc agens veluti instrumentum sit. At agētis, in quo effectus sit secundū eandem rationem, illa est conditio, vt esse nō queat effectus causa, præterquam dum sit, seu in fieri, non autem in esse; eò quòd non est causa formæ illius per se, id est in quantum talis forma est: sic enim sui ipsius esset causa. indiget ergo superiori agēte, quod sit causa per se illius formæ. Etenim cū effici queat, causam habeat necesse est. Aliter etiam eandem rationē formemus, Omne in quo aliqua perfectio existit secundum participationē, indiget vt foueatur ab aliquo, in quo forma illa perfecte secundum se totam existat; id est cōpletē & non participatione quadam. Tale autem agens opus est, vt contineat formam illam eminentiori modo & ratione potiori; iam enim idæ repudiāt sunt. Ecce quonam pacto colligitur illud agens, in quo est forma effectus secundum eandem rationem, indigere superiori quodam agente à quo foueatur, eo inquam in quo forma effectus non sit secundum participationem, sed secundum eminentiam. Satis iam ar-

bitur

**A** biror expositum esse quonam pacto diuersa ratione inchoatio actus sit in potentia passiuā & in potentia actiua . sed quoniā ratio & definitio potētiae sumitur ab actu, vt perfectius intelligātur ea, quae dicta sunt de potētia; pauca quaedā de actu subiicienda sunt his, quae de potentia tractata sunt . Actus omnis perfectionē dicit, perfectio verò multiplex est: nam quaedā sunt perfectiones, quae cōplent substantiam per se existentem . ac eiusmodi perfectiones dicuntur formae seu actus substantiales , à quibus substantia esse habet. quaedā verò perfectiones adueniūt substantiae iam existenti: & haec actus accidentales nuncupantur: hi verò quidā perfecti sunt, quidā imperfecti, id est, semper admixti potentiae . perfecti, vt albedo, nigredo, figura, ac huiusmodi. imperfecti, vt motus & tempus : nunquā enim horū actus perfectus est, sed semper potentiae admixtus. quare si quis omnē ab eis potentiam auferat, auferet etiam proculdubio quēuis actum vt omnibus constat. Ex actibus illis qui perfecti sunt, quidam secundum esse & secundum speciem sunt imperfectiores substantia, sicuti accidentia per accidens & proprietates quae substantiam quampiam consequuntur : Nonnulli verò actus qui itidem accidentia sunt, quamuis secundum esse imperfectiores existant substantia , cuius sunt actus; tamē ratione propriae speciei perfectiores sunt substantia illa cuius sunt actus . huiusmodi sunt operationes & habitus perfectiui substantiarum , vt scientia & intelligere intellectui cōparata: quae quoniam accidentia sunt, utique imperfectius etiā esse habebunt quā substantia, utpote quae per se existit. Attamen secundū rationem propriae speciei sunt substantia perfectiores; quia sunt quaedam participationes naturae substantiaeque longē superioris ac potioris intellectu, in qua natura utique substantiae sunt. at in natura inferiori, à modo propriae speciei degenerāt, atque accidentia fiūt, participationesque sunt naturae longē praestantioris, per quae intellectus quodam modo attingit ea, quae ipso praestantiora eminentioraque existunt . Actus verò si cōparatur ad potentiam, prior est & diffinitione & natura & perfectione, nec non etiā tempore, si potentia tēporaria fuerit, non aeterna. Quod actus perfectior sit potentia, perspicuū est: nam potentia est inchoatio actus, actus verò perfectio potentiae. Quod etiā natura prior sit actus, manifestū est, nam perfectū natura prius est imperfecto; imperfectū etenim tum dicitur, cum existit per deficientiam à perfecto. Quod etiam diffinitione prior sit actus, nulli ambiguum esse potest: nam potentia neque definiri potest neque intelligi nisi per actum: actus verò non eget in sui diffinitione potentia. At quod tēpore prior sit actus potentia temporaria, neminem latet : nam potentia illa non potuit deduci de non esse ad esse, nisi à quopiam quod actu esset. Ceterum in his, quae de potentia ad actum deducuntur, potentia tēpore est prior actu illo, non autem actu absolute, quoniam effectus nullus de potentia ad actum deducitur, nisi ab aliquo existente in actu . Quamquam longē plura dici possent de potentia & actu, nihilominus compēdio huic nostro ea, quae hactenus diximus, satis videri debent.



## LIBER QVARTVS.



**S**APIENTIAM non circa partem quampiam entis, ut cæteras scientias, sed circa ens ipsum versari, atque agere de primis principiis entium, quatenus entia sunt, iam statim in exordio huius opusculi exposuimus. necnon etiam ostendimus ens de entibus dici, non eadem ratione, neque penitus diuersa, sed ad eandem, quæ primis entium conueniat. ob utramque igitur causam aggredienda à nobis tractatio est de primis principiis entium; ex quibus deductum derivatumque est ipsum esse, in cætera omnia quæ sunt. Primum verò omnium id breui ratione probandum est in principiis entium, cuiuscunque illa fuerint ordinis, non posse in infinitum procedi, sed ad quædam principia deueniri, quæ sunt prima, & in quibus, sisti oporteat: quod certissimo argumento ita se habere conuincitur. Nam in vnoquoque genere principiorum, in quo principia quampiam fuerint priora; quædam verò posteriora & veluti secunda principia, semper omnis vis posterioris dependet à priori causa in eo genere, illique innititur. exempli causa, in genere principij efficientis, si duo agentia fuerint, alterum posterius, alterum prius; posterius agens semper innititur vi prioris: quæ si cessaret, posterius utique agens nihil posset agere. sic ferra nihil agit nisi ad sit faber lignarius; neque plantæ semen aut animalis absque vi cœlestium corporum. Eadem propemodum ratio est in genere causæ materialis: materia namque secunda opus est ut primæ inhærescat; ex qua vim habeat, ut materia & esse, & dici queat. sic in finibus, medij etenim propter vltimū finem expetuntur. Non dissimilis modus est formæ; omnes namque differentiæ superiores continentur in vltima differentia; atque ab ea complentur. quæ obrem vniuersali quadam ratione probatum satis videri potest, medias quasque causas veluti instrumenta quædam esse priorum sui generis: instrumenta verò non agunt, neque vim vllam habent, si virtus primi agentis cessauerit. Ex his liquidò, & luce clarius colligitur, infinita principia esse non posse; sed ad prima deueniri. nam in infinitis principiis nullum constitui primum potest, sed omnia media sunt, ac veluti instrumenta: instrumentum verò agere quo dpiam nequit virtute primi principij cessante. igitur ad prima deueniendum est, à quibus vis in posteriora defluat. Aristoteles in secundo libro Metaphysices rationes adducit, quibus sigillatim in vnoquoque genere cau-

A te causę id probet, quas in eo loco facillè quilibet poterit intueri, vt omittam ea, quę dicuntur in octauo Physicorum de causā mouente, & in primo Posteriorum de causā formali, quam explicat definitio. Cū ergo omnino repudiandus sit processus ad infinita, & ad prima principia deueniendum; vtique etiam entium, quatenus entia sunt, prima aliqua principia cōstituenda sunt. Verū quoniam tum intrinsecę causę principia appellantur, tum extrinsecę vt efficientes & fines: si qua fuerint principia, causę seu intrinsecę seu extrinsecę, quę pēdeant ab aliis causis: ea nimirum principia prima entium neque esse neque dici iure poterunt. De primis ergo principiis entium (omisso interim an vnū sint, an plura) primum scrutari conemur, quid non sint:

B deinde verò pro tenuitate ingenij nostri eo quo poterimus pacto tentabimus leui significatione innuere quid sint. Principium primum entium corpus esse non potest, multis de causis: nam corpus omne mobile est, motus verò generatio quędam, qua de quodam nō esse tenditur ad quoddam esse: à primo verò principio totius esse, maximè alienum est non esse. Amplius motus omnis actus est entis in potētia. Cū autem actus prior sit potentia qualibet, vt superius comprobatum est, primo enti potentia conuenire non potest, quamobrem neque corpus esse. Præterea omne mobile à motore quodam mouetur, qui est prior & perfectior mobili: primum verò à nullo mouetur, neque ab vilo pendet: ergo primum principium non potest esse mobile, quare neque corpus. Amplius, omne corpus cōstat ex partibus,

C quarum quęvis saltem per se sumpta secundum rem à toto distinguitur: dependet igitur quodlibet corpus ab aliis à se: primum verò principium non potest pendere ab alio à se: nam si dependeret ab alio, nō esset primum: non ergo primum principium corpus esse poterit. Idem quoque probari potest rationibus sumptis ab vno: nā quauis multitudine prius est vnū, corpus autem omne maximè addictū est multitudinī, multitudinēque præcipuè præ se fert igitur corpus primum locum in entibus nequaquam tenere potest. Minor propositio huius rationis adstruitur, ne quis dubitet; tum quia corpus omne multitudinem, immo infinitatem quandam partium habet: tum quia cū mobile sit, de esse quoque ad aliud tendit, eoque pacto quandam, vt ita dixerim, essendi multitudinem secum defert. Quod si ex

D ratione boni rem hanc scrutatus fueris, idem proculdubio tibi liquebit, illud etenim quod continuus quodam tenore semper generatur, & nunquam est, vt inquit Plato in Timæo, certè ex omni parte perfectum atque absolutum esse nequit: mobile autem omne, cuius ordinis est corpus, semper generatur, quoniam ex vna essendi dispositione ad aliam tendit, simul eas omnes minimè possidere potest: ergo mobile nullum perfectè atque absolutè bonum potest esse. Item cū actus sit perfectio potētis, id quod aliquo pacto est in potentia, non potest esse omnino perfectum: sed omne corpus quia mobile est, est in potentia: motus nanque est actus entis in potentia; igitur nullum corpus est absolutè perfectum. Amplius corpus omne constat ex partibus: partes autem habent esse deficiens, & esse in potentia:

ergo ratione partium quamvis alia deessent, in quolibet corpore est potentia: quare nullum corpus est absolutè bonum. Ex veri etiam natura idem colligitur, nam verum id est, quod est conforme suo principio. Primum ergo verum est id quod sibi ipsi tantum conforme est, & à nullo pendet: hoc enim modo erit prima radix & prima origo veritatis. Corpus autem nullū rationibus iam expositis apparet tale esse posse, ut sit omnino independens. neque igitur prima veritatis origo seu fons esse poterit. Ecce ergo quàm luculenter probatum est primum entium principium corpus esse non posse. Nequit etiam fieri, ut primum principium entium sit forma aliqua corporea, seu materialis, nam huiusmodi forma duplex est, accidentalis inquam, & quæ substantiam constituit. Exploratum cuicumque est primum entium principium nulla ratione fieri posse, ut sit accidentalis forma; quoniam acci-  
dens omne posterius est substantia; primum verò principium est omnium primum. Amplius, accidens propriè non est, quia ipsum sit, sed quoniam eo aliquod est affectum. Primum verò principium entium maximè propriè est. Item, ens posterius dicitur de accidente quàm de substantia: at de primo principio, sicuti maximè, ita primò etiam dicitur; de aliis, verò entibus per habitudinem ad primum. Certissimis ergo rationibus constat, evidentissimisque argumentis, primum principium non esse formam accidentalem. Sed neque natura formæ materialis, quæ substantiam constituit, ac propterea substantialis forma dici consuevit, primo principio còvenire potest: forma namque materialis à materia dependet, tanquam à causa in suo esse: sed primum principium à nullo dependet: quí namque fieri posset ut esset primum igitur forma materialis minimè omnium erit. Præterea omnis forma materialis habet esse incompletum; ac propterea non est per se, neque etiam definiri intelligi perfecte potest, nisi cū materia. At primo principio convenit esse maximè omnium perfectissimum: igitur primum principium forma materialis esse non poterit. Amplius omnis forma materialis dividitur, prout dividitur etiam materia, in qua est; & à qua in esse dependet. at divisibilitas repugnat primo; sicuti etiam multitudo, quoniam est maximè unus; de cuius ratione est indivisio. Amplius; quæcunque forma materialis est definitiva per materiam ad certum locum, certumque tēpus: quamobrem actionem quoque definitam habet certò que loco, temporisve accommodata: sed primi principij actio minimè definita est, atque ad omnia pertinet. Ad hæc, omnis forma materialis est mobilis, atque ad subiecti mutationem immutatur: Sed primum principium est omnino expers mutationis, ut superius demonstratum est, fieri ergo nullo modo potest, ut primum principium sit forma materialis. Est præter istas ratio Aristotelis in octavo Physicorum. nam rationibus physicis satis ei philosopho probatum esse videbatur, motum æternum esse, atque continuum: ex quo colligi putabat virtutem mouentem non esse virtutem in corpore, sed indivisibilem. virtus namque omnis divisibilis tēpore finito movet, infinito autem minimè est enim virtus quæcunque divisibilis, quæ item corporea est, in corpore finito: nequit

- A quit enim corpus aliquod infinitum esse, virtus vetò corporea finiti corporis est finitæ actionis. nam eius pars, quia esse deficiens habet in minori tempore mouebit, quam tota virtus: eo namque modo res quæuis agit quo est, ergo pars tempore finito mouebit. At tota virtus ea proportionem, qua partem excedit, maiori quoque tempore mouebit, quam obrem colligitur eam etiã finiri tempore moturam esse, non autem infinito: nam infiniti ad finitum tempus quo pars mouet, nulla est proportio, nullaque comparatio; quam tamen esse opus est inrer totum & partem. Sic ergo omnibus exploratum esse potest primum principium entium, quod etiam cuiusque motus, prima causa, primumque principium existit, virtutem corpoream seu diuisibilem esse non posse: in qua, vt superius tetigimus, totum est post partes ac à partibus pendet, à quibus etiam constat, ac ad infinitatem materiæ non ensis tendit. Sed ratione quoque satis efficaci conuincitur primam hanc entium causam neque etiam esse posse formam corporis abstractam à materia incorpoream, atque indiuisibilem: quales sunt animæ corporum celestium. Anima nanque omnis quoniam forma est corporis, proportionem habet ad corpus illud, cuius est forma: corpus autem omne diuisibile est, idcirco omnis anima vel est diuisibilis, vt ex quæ materiales sunt: vel quandam sapiunt præ se feruntque diuisibilitatis naturam, vt ex quæ sunt immateriales & abstractæ, qua de re Plato in Thimeo dicit animam constitutam esse ex indiuisibili & diuisibili, substantiæque, siue essentiam dicere malueris: ac si diceret essentiam animæ consistere inter ea quæ penitus indiuisibilia sunt, & ea, quæ penitus sunt diuisibilia, corporea inquam: ac propterea utrorumque naturam referre, vt indiuisibili suo attingat ea quæ indiuisibilia sunt animæque natura præstantiora: diuisibili verò item suo attingat corporea diuisibilia, quibus conuenire eam oportet, vt pote quæ eorum sit forma. Præterea omnis anima, quia est actus corporis, non agit in exteriora, præterquam vtens corpore cuius est forma, tanquam instrumento actionis: & idcirco non agit nisi per motum. Omnis verò huiusmodi actio definita ac terminata est, neque se extendere potest ad omnia entia: ideo primū entium principium anima esse non potest. Verum neque etiam est intellectus purus superior animæ, is scilicet, qui secundum proprietatem, & non eminentiam quadam dici debeat intellectus seu intelligentia (nam secundum quandam eminentiam principium entium esse & dici intellectum infra ostendemus) in eo etenim, qui propriè intellectus est, quamuis omnia sint, attamen definito determinatoque modo sunt: ratione scilicet intelligibili, eius quoque intellectus esse ad certam quandam naturam determinatum est, intelligentiæ inquam seu intelligibilitatis, vt ita dicam, quamobrem in eo ipsum esse est secundum quandam essendi participationem. At id, quod est quadam essendi participatione, primum entium esse non potest: sed necesse est vt ab eo pendeat, in quo sit esse perfectum; quinimo quod sit ipsum esse per se existens, non contractum ad quampiam naturam essentiamve. Præterea omne agens, in quo natura aliqua existit secundum participationem, non potest
- B
- C
- D

eandem naturam alteri impertiri, nisi foueatur à superiori agente, in quo eadem natura eminentiori modo fuerit. nam cùm in ipso natura ea sit participatione quadam, ipsum nequit esse causa per se illius naturæ, sed à superiori agente, quod sit per se causa illius naturæ, foueatur necesse est. Hoc experimento ita esse comprehendimus in agentibus hisce inferioribus vniuersis: ignis namque ignem minimè generaret, neque planta plantam, aut animal animal, nisi à corporibus cœlestibus fouerentur, in quibus formæ omnes hæc inferiores & corruptibiles existunt eminentiori modo. Agens igitur, vt reuertamur vnde digressi sumus, in quo est aliqua natura secundum participationem, non potest esse omnino primum, sed superiori indiget; in quo ea natura sit eminentius. si ergo in intellectu puro esse ipsum participatione quadam est, intellectus vtique primum principium entium esse non poterit; immo is intellectus erit à primo, quod ipsum eo esse impertit. Amplius vbi est diffinitio & contractio essendi, ibi est multitudo atque imperfectio: primum verò vt ostendimus, cuiusque imperfectio est expers. Hactenus satis explicatum ac rationibus comprobatum esse videtur, quid non sit primum principium entium. Nunc verò tentandum nobis duco, idque verè cūde si quo modo pro ingenij nostri imbecillitate possumus attingere quidnam sit. Tentabimus hoc equidē, ea præfatione tamē, vt nobis id cōstet, id quod ipsum in se est, effugere & superegredi omnem intelligentiam ac cuiuscunque cognitionem. Verum quoniam hominis felicitas, vt philosophi Christianique perhibent, in eius contemplatione præcipuè sita est, ac huius primæ philosophiæ, de qua agimus, negotium illud eximium est, vt de Deo notitiam tradat, eisque cognitioni summam operam impendat, vt in exordio huiusce operis diximus, qua de re Theologiæ etiam appellationem obtinuit, pauca hæc libabimus. Illud igitur primò dicendum est, primum principium entium esse ipsum esse per se existens, ad nullamque naturam siue essentiam contractum. hoc ratione comprobatur. Nam omnis natura, quæ pluribus conuenit secundum analogiam quandam, perfectè atque absolute inuenitur in primo, ratione cuius in cæteris quoque quæ ad eam analogiā pertinent ea natura inuenitur. at ens dicitur de entibus per analogiam, vt in secundo libro ostensum est. Ergo absolute conuenit primo enti, ac primæ entium causæ, non autem ex contractione quadam. Amplius, illud cui natura quæpiam secundum participationem conuenit, dependet ab eo cui ea natura inest eminentiori modo siue per essentiam: Sed primum principium entium à nullo pendet: igitur esse participatum seu contractum ipsi conuenire non potest. est igitur ipsum esse per se subsistens. Amplius, omne id in quo esse contractum est, quandam multitudinem præ se fert, illius scilicet naturæ cuius est atque ipsius esse, quod contractum definitumque est ad eam naturā: multitudine verò quacunque prior est vnitas: ideo necesse est vt hoc, in quo apparet multitudo, non sit omnium primum. Præterea, vbi est contractio, ibi non est absoluta atque omnibus modis completa perfectio seu bonitas: imperfectum verò quodlibet à perfectio pendet: dicitur namque



- A namque imperfectum secundum diminutionem perfecti, ergo in primo principio entium nulla esse potest essendi contractio. Erit igitur ipsum esse per se existens, ad nullamque naturam contractum, sed omnem perfectionem essendi in se continens. Post hoc id etiam : asserimus, primum rerum omnium principium esse ipsum vnum atque ipsum bonum ipsumque verum. Cum autē dicimus primum principium esse ipsum vnum, utique nō intelligimus vnū illud, quod est principium numeri quodque ad genus quantitatis pertinet, sed vnum quod eandem naturam cum ente significat; quamvis secundum rationem ab ente distingatur, ut expositum fuit satis luculenter in secundo huius operis libro. Probatur hoc quod proposuimus ratione. Nam
- B si primum principium est vnum participatione quadam, non autem ipsum vnum, non esset primum. id enim quod alicuius naturæ est particeps, semper indiget superiori natura, à qua contineatur ac foueatur, ac in qua demum ea natura cuius ipsum est particeps, eminenter contineatur. Adhæc si primum principium non esset ipsum vnum, sed participatione vnum, in eo vtique videretur esse aliqua compositio ac multitudo; ex vno scilicet cuius est particeps, & ex sui ipsius natura: sed tum compositio tum multitudo maximè aliena sunt à primo entium. ergo primum entium est ipsum vnum. Præterea nisi esset ipsum vnum, vtique neque etiam esset ipsum ens; infirmareque opus esset omnes eas rationes, quas paulo antè attulimus: vnū etenim atque eas eandem naturam significant obtinentque, licet deficienter & ægrè eam vtrunque eorum explicet. Illud igitur, de quo iam constat quod est ipsum esse, proculdubio erit etiam ipsum vnum. Item quicquid sit illud, quod ipsum vnum explicet, nimirum pertinet ad esse quodpiam: illud verò de quo constat, quod sit ipsum esse, continet omnia, quæ pertinent ad quemcunque essendi modum. in ipso ergo continetur etiam ipsum vnum, quicquid sit illud. Amplius, vt elegantissimè differt Boëtius in aureo opusculo de Philosophica consolatione, siue sapientiam seu bonitatem siue potentiam dixeris, mancum quoddam ac deficient dixeris, nisi posueris ea omnia vnum esse simplicissimum, omnisque compositionis expert. si ergo primum principium non esset ipsum vnum simplicissimum, mancum quodpiam & deficient in eo esset: quamobrem neque primum constitui illud oportet. Est præterea ipsum verum: nam si veritatis esset particeps, ob id propterea veritatis participatione esset verum, quoniam principio suo conforme esset, à quo pendere: sed primum à nullo pendet: non ergo veritatis particeps est, sed est ipsa veritas ipsumque verum: sibi namque ipsi est vnum atque idem. Nec dissimili ratione est ipsum bonum: nam cum bonum, vt suprà diximus, habeat rationem appetibilis; id quod appetitur ab omnibus omniaque appetibilia cætera propterea appetuntur, quia quandam similitudinem illius gerūt: ac demum id propter quod omnia appetuntur, ipsum verò nequaquam propter quidpiam aliud; est certè ipsum appetibile, ideoque ipsum bonum. Ad hæc si bonum sumatur prout perfectum est, & secundum rationem perfecti; idem de primo principio adhuc magis consta-
- C
- D

bit. Nā si bonum esset participatione quadā bonitatis, non esset omnino, E  
 atque absolute perfectū. Itē cū omnis bonitas pertineat ad aliquod esse, id  
 quod est ipsū esse, est etiā ipsū bonū: pari ratione qua superius vñ sumus de  
 vno. Præterea cū multitudo imperfectionis sit, vnitas verò perfectionis ac  
 bonitatis, proculdubio illud quod est ipsum vnum, est etiam ipsum bonum.  
 quod argumentum latius ac luculentius tractatum est à Boëtio in eodem  
 libello de Philosophica consolatione. Est etiam primum principium maxi-  
 mē intelligens ac maximē viuens, maximēque potens, ac propterea maxi-  
 mē infinitum, ac iterum maximē omnium finitum. Sed antequam ad hu-  
 iusmodi magis explicanda veniamus, id nobis probandum est, primum  
 principium entium esse vnum tantum: minimē verò omnium fieri posse, F  
 vt prima principia entium sint plura, id quod superius in hunc locum di-  
 stulimus: sic enim perfecte colligi poterit primum principium esse ipsum  
 vnum; cæterāque prima principia in suo quæque genere, de quibus Phy-  
 sici perhibent, ab hoc supremo omnium pendere atque effluere. Neque  
 difficile arduūque erit hanc rem certissimis euidentissimisque rationi-  
 bus adstruere. Nam si plura sunt prima principia, verbi gratia, duo, quo-  
 rum neutrum ab altero pendeat, nimirum vtrumque erit ipsum esse, &  
 necesse esse. hoc enim conuenire præcipuè omnium primo principio iam  
 superius ostensum est. Quòd si perucax quispiam dixerit, eorum alterum  
 esse ipsum esse, seu necesse ex se esse; alterum verò minimē; seu neutrum  
 esse ipsum esse, fateatur quoque opus est, eorum alterum tantum esse G  
 primum principium, illud inquam, quod est ipsum esse: alterum verò, in  
 quo esse inest participatione quadam, pendere à primo principio, nequa-  
 quam verò esse primum principium. Quòd si neutrum fuerit ipsum esse,  
 confestim sequitur neutrum etiam esse primum entium principium; sed  
 eorum vtrumque dependere à tertio quodam vtriusque priori. quibus ar-  
 gumentis coactis si concesserit eorum vtrumque esse ipsum esse, & ex  
 se necesse esse, vtique cū differant inter se, duo namque sunt, proculdu-  
 bio quopiam alio different, quàm ipso esse, quod ex æquo vtriusque con-  
 uenire concessum est. non enim plura esse ac distingui eo poterunt quo  
 conueniunt. Ea itaque, quibus vicissim distinguuntur, vel proprietates  
 quædam erunt, quæ ab ipso esse effluunt, vel ab extrinseco aliquo inflictæ: H  
 si fluunt ab esse ipso, cum conueniant hæc prima principia in natura ipsius  
 esse, fieri non potest vt differant à proprietatibus quæ ab eadem natura flu-  
 xerint: sin verò per accidens ab extrinseco inflictæ fuerint, necesse est eo-  
 rum vtrumque si extitutum sit, indigere tertio, ac à tertio quodam depen-  
 dere. sicque res in easdem angustias redibit. Nam neutrum primum prin-  
 cipium erit, cū à priori pendeant. Amplius in eorum vtroque esset compo-  
 sitio & potentia, si proprietates aliæ ab vtriusque natura inessent vtri-  
 que: itaque prima esse non possent: iam enim compositionem atque po-  
 tentiam exclusimus à natura primi. Colligamus igitur certissimo argumen-  
 to, cū ipsum esse per illud idem sit indiuiduum, & hoc per quod est  
 esse

- A esse, fieri minimè posse, vt ipsum esse in plura vna distrahat, pluribùsque vno conueniat. Præterea sicuti inquit Aristoteles ex sententia Homeri, qui peritissimus omnium ab antiquitate habitus est, multitudo principum mala: multi namque nisi conueniant, & quodam modo fiant vnum, distrahunt & corrumpunt ea quibus præfunt: quod ergo multi bene præfideant non iis per se conuenit, sed per accidens; quatenus scilicet hi multi principes quodam modo fiunt vnum: per se igitur multitudo principum mala est. id verò quod per accidens est, fieri nequit vt sit primum principium. Ideo cum entium vniuersitas neque sit, neque esse queat malè disposita, vnus tantum erit princeps non multi. Amplius ratio Parmenidis efficacissimè meo iudicio hoc probat. Nam quicquid est præter ipsum ens, id est præter ipsum esse, quod solùm verè est ens, est non ens: ac huiusmodi non ens nihil est: quò nāque fieri potest vt quidpiam sit præter ipsum esse? etenim reliqua quæ sunt, non sunt præter ipsum esse, quinimo sunt participatione ipsius esse, ab eoque continentur. ens igitur, id est ipsum per se ens, & per se esse, est vnum tantum: nam si plura essent, aliquid id ergo existeret, & esset præter ipsum esse. Hoc verò adeò falsum est, vt intellectu capi non queat. Hoc igitur modo, atque huiusmodi interpretatione, sententia ratioque Parmenidis est adeò certa atque efficax, vt nihil euidētius esse queat. Nihil enim est propter vnum esse, nam cætera omnia, quæ participatione essendi sunt, vique non existunt, seu sunt
- C præter ipsum esse, cuius participatione existunt, fouentur, ac conseruantur. Nunc reuertamur ad eas primi principij proprietates à quibus recensendis confirmandisque superius digressa oratio est. Primum entium principium esse maximè intelligens eo argumento constat. Nam quemadmodum formæ actiue contractio, definitioque per materiam, intelligentiam omnium impedit; sic e contra abstractio à materia intelligentiam rerum earum profert ac promouet: quapropter vis sensitiua quoniam coniuncta materiæ est, atque in sui actione utitur corporeo instrumento, nequaquam intelligentiæ est capax. Formæ etiam materiales, quia sunt in materia, non sunt actu intelligibiles. Intellectus verò eò, quod abstractus est à materia intelligit: formæ quoque materiales, cum vi intellectus agentis abstractæ fuerint, eadem vi efficiuntur actu intelligibiles. At intellectus intelligit suapte vi: quanto ergo quidpiam magis fuerit à materia abstractum, tanto etiam magis intellectus intellectiōisq; erit capax. Sed primum principium maximè omnium est abstractum; ei ergo maximè omnium conuenit esse intelligēs. Est præterea maximè potens, nā agere propriū est actus, ac vnumquodque agit, quatenus in actu est: potentia ergo agēdi cōuenit actui. illud ergo est maximè potens agēdi, quod maximè est in actu. Sed primū principij entiu præ omnibus est in actu, quia potius est purissimus actus nullius prorsus admixtione potētæ infectus. Igitur primū principiu est maximè potēs agendi, passiuā verò potentia cū ad imperfectionem pertineat, & ad inchoationē quandā perfectionis, omnino aliena est à

primo principio. Ex his sequitur liquidò hoc primum principium esse ma-  
 ximè viuens & maximè infinitum. viuens maximè propterea, quoniam il-  
 lud est viuens, in quo fuerint vitæ operationes: præcipuè verò vitæ opera-  
 tionum sunt, intelligere ac velle; quas suprà ostendimus præcipuas esse in  
 primo principio. primum ergo principium maximè est viuens. Am-  
 plius viuens à non viuento in hoc distinguitur, quòd viuens ex se ipso, suo-  
 que nixu mouetur; non viuens verò alieno: vnde ea etiam viuentia nomi-  
 nare consueuimus, in quibus conspiciamus esse huiusmodi principium mo-  
 tus intrinsecum, non aliunde accersitum. Deus verò seu primum entium,  
 neque etiam fingi potest alieno impulsu mouere atque agere; sed quacun-  
 que operatur, ex se maximè omnium agit. igitur summè ac præ omnibus F  
 viuens est. alia namque viuentia etsi habent principium intrinsecum, quo  
 seipsa mouent, non tamen quicquam agere queunt, nisi præterea ab ex-  
 trinseco principio moveantur, ac dirigantur: nam & à fine mouentur tan-  
 quam ab appetibili; & diuersi variisque voluntatis motus sensuumve à prin-  
 cipio extrinsecè immobili omnino diriguntur ac continentur, proferun-  
 tûrque, vt in Ethicis ad Eudemum Aristoteles præclarissimus philosophus  
 testatur. Amplius effectus nullus perfectione antecellere potest causæ suæ:  
 ille namque excessus ex nihilo esset: in mundo verò multa viuentia conspi-  
 cimus, necnon intelligentia plerâque. Primum igitur horum omnium cæ-  
 terorumque entium principium, nisi illa ex nihilo extiterint, præ omni-  
 bus viuit atque intelligit. Ratio hæc Socratis latius explicatur à Xeno- G  
 phonte gratissimo discipulo in primo libro Dictorum factorumque So-  
 cratis memoria dignorum. Infinitum verò propterea est primum prin-  
 cipium; non ea infinitudine inquam, quæ pertinet ad materiam, ad im-  
 perfectionem atque ad multitudinem; immo, vt infra dicturi sumus, ab  
 ea infinitate penitus alienum est, ac ob eam causam maximè finitum,  
 sed infinitate ea, quæ perfectionis est & ad formam pertinere potest: mate-  
 ria namque & forma sese inuicem contrahunt, ac vtrique vtriusque infi-  
 nitudinem compescit. forma infinitudinem, materiæ, qua materia ad multi-  
 tudinem, non entisque infinitatem tendit, cohibet, ad certamque natu-  
 ram contrahit: materia e contra formam, quæ neque loco vlli aut tempo-  
 ri suapte natura obnoxia est, contrahit ad certum finitumque locum, H  
 tempusve. Huius rei similitudinem perspicuè licet intueri in numeris: in  
 quolibet etenim numero vnitas multitudinem compescit, ne defluat ad in-  
 determinabilem infinitatē; e contra multitudo vnitatem definit ac cohibet  
 ad certam definitamque naturam numeri. in septenario etenim seu denario  
 numero vnitas ac natura, qua ille septenarius est, & hic denarius (nā vt bene  
 dicit Auicenna, septē sunt solummodo septem, nō autem duo & quinque,  
 aut quatuor ac tria) cōpescit multitudinē certamq; ei naturam tribuit, quæ  
 suo ingenio indefinita est: vicissim multitudo cohibet vnitatē, vt scilicet  
 efficiatur propria denario septenariōve, aliis verò numeris minimè cōueniat.  
 Eadē fermè ratio est in materia & forma: nā forma infinitū illud ac indet-  
 minatum

- A minatum materiei compescit, certamque ei naturam ac speciem tribuit; econtra materia formam ipsam, quæ alioqui per se esset indeterminata, certo loco adscribit infraq̃ue certum tempus coërcet eiq̃ue eandem adiicit. Vt autem reuertamur vnde diuertimus, primum principium entium est maximè infinitum, quia in eo nulla omnino est definitio coarctatioque: neque enim certo tempoti locove adiicitur ex materia. suprà nanque liquidò constituit primum entium neque esse corpus compositum ex materia & forma, neque formam materialem seu corpoream esse posse. neque etiam in eo est vlla contractio ipsius esse ad quampiam definitam naturam essentialēve. Nam superius ostensum est efficacissimis rationibus, argumentisq̃ue evidentissimis persuasum, primum entium principium esse ipsum esse per se subsistens, ad nullam naturam contractum: esse insuper ipsum vnum, non autem alicuius multitudinis vnitatem. pari modo esse ipsum bonum, non autem bonum, siue perfectum alicuius naturæ & essentialis. Ecce ergo quàm luculenter ostensum est, primum principium esse maximè omnium infinitum, eorum etiam, quæ infinitam virtutem habere possent in quapiam natura, vt si ignis infinitus esset, virtus quoque calefaciendi esset infinita; non autem simpliciter absolutēque infinita esset, sed in ea natura calefaciendi, scilicet esset infinita: sic in infinita aqua vis inesset frigefaciendi infinita: primum verò principium est absolutè infinitum, non autem in aliqua certa determinatāque natura. ideoque est præ omnibus infinitum. Econtra maximè omnium est etiam finitum, quoniam præ omnibus alienum est ab infinitate materiei ac multitudinis: in eo nanque nullum est materiei multitudinisve vestigium, immo vt suprà ostendimus, est ipsum vnum: vt scilicet non propterea sit vnum, quia vnitatis est particeps, sed quoniam eius essentia est ipsa vnitas. Cùm ergo quanto in numeris magis ad vnitatem accesserimus, tanto etiam finitudini magis propinqui efficiamur, illud, quod ita accedit ad vnitatem, vt sit ipsa essentia vnitatis, erit proculdubio maximè omnium finitum. Hactenus multa videmur in medium attulisse, quæ conueniant primo principio entium.
- Atqui obiiat quispiam, Qui fieri potest, si tot tantæque conueniant primo entium, nisi synonyma quædam vocabula congestimus, vt in primo principio non sit aliqua multiplicitas? verùm his respondendum est, conceptus hosce omnes esse eiusdem simplicissimæ rei, sed deficere ad vnum omnes ab eius perfectione, excellentiāque: idcirco intellectum nostrum eniti vt multiplicitate ac difformitate sua attingat, hisce conceptibus pluribus deficientibus tamen & mancis eam simplicitatem vnicam & primā, eoque pacto veluti diuidere id quod in semetipso vnum est, suæque naturæ multiplici, multis quoq; cōceptibus accommodare illud quod vnum ac simplicissimū sit: idcirco veluti à principio repetentes retextentesque asserimus nihil eorū, quæ attulimus, cōuenire primo principio, nisi per eminentiā quandā Arcanū quippe illud diuinū, quod est maximè simplex atq; vnicū, plurimis conceptibus deficientibus à rebus sumptis, inter quas versamur,

quarū ipsum causa est: proindeque nonnullā gerunt auctoris similitudinē, E  
 intellectus nostri acies infirma quoquo pacto in se effingere nititur: ipsum  
 tamen in se super omnia ea est, quaecunque nostra aut etiam quāvis alia  
 mens concipere potest. ipsum tamen quicquid est, minimē ab vllius in-  
 tellectu comprehenditur. Cuius rei illa ratio est; nam quicquid intelli-  
 gimus, definita quadam ac certa specie, quā intellectus nostri forma est,  
 intelligimus: quamobrem illud, quod supra quancumque definitam nat-  
 uram est, immo supra quamvis definitionem, minimē potest ab intelle-  
 ctu attingi, nisi deficienti notione: quicquid ergo de ipso dicimus, noui-  
 mus ac concipimus, infra ipsum est. Amplius alia etiam ratione efficaci-  
 ter probatur primum principium entium esse supra ipsum esse, supra vnum, F  
 supra verum, ac supra bonum, ac item supra vitam, supra potentiam, ac  
 intelligentiam omnem, atque hęc omnia excellere: adēo vt magis prop-  
 riē ab eo remoueantur, quā de ipso asserantur: ea remotione inquam,  
 non quā priuationem dicat, sed quē eminentiam significet. Nam quā-  
 cumque causa cuiuspiā naturā, quā alterū impertiat, si contineat hanc na-  
 turam, quā alteri impartitur vel imperfectē vel perfectē etiam, sed se-  
 cundum eandem rationem, quā illa natura effectui illius causę conuenit,  
 ea equidem causa, vt superius diximus atque ostendimus, indiget supe-  
 riori causa, à qua foueatur, neque simpliciter constitui potest causa esse  
 illius natura, quā suo effectui impartita est; sed tantū causa est, vt in  
 eo effectū generetur & insit. sic homo qui hominem generat, & ignis qui G  
 ignem, ac planta que item plantam gignit, indigent corporibus cœlesti-  
 bus, in quibus omnes eā naturā secundum eminentiam continentur. Ve-  
 rissima etgo est ea propositio, quā sumpsimus, eam videlicet causam  
 non esse primam, in qua natura effectui tributa insit secundum eam ratio-  
 nem, qua existit in effectū. huic alteram addamus, esse, vnum, verum, bo-  
 num, omnibus conuenire, quā quouis modo sunt, vitam perfectionibus,  
 intelligentiam perfectissimis. Ea igitur entium causa, cui hęc omnia con-  
 uenirent secundum proportionem, nullo pacto esse posset prima causa, sed  
 egeret priore à qua foueretur, vt ita dixerim. Ecce quonam pacto, vt  
 reor, luculententer ostensum est omnia hęc conuenire primo principio  
 entium, non secundum proprietatem sed secundum eminentiam: quam H  
 obrē verius ab eo remoueri, quā de eo asseri. De primo igitur ente, quod  
 item omnium entium principium est, hactenus dicta sint satis: arcanum  
 nanque ipsius, cū verba ac cogitationes deficiant, sacro silentio est vene-  
 randum: qua de re diuinus Plato & in epistolis & in Sophiste pluribusque  
 aliis locis se de primo principio nihil dicere posse asseuerat: acie nanq; intel-  
 lectus tā magna luce offusam hebescere atq; hallucinari. A quo fortasse ac-  
 cepit Dionysius, qui in libro de Mystica theologia inquit, Quāto magis de  
 primo principio loquimur per ea, quā multū ab eo distāt, tāto etiā pluribus  
 nos verbis vti, immo verba nulla satis esse: & ecōtra, quāto magis ad ipsū mō-  
 te accesserimus, tāto pauciora quoq; verba nobis suppettere, quod si ad ip-  
 sum

**A** sum, vt in se est, accedamus, tunc silentio penitus vtendum esse. Nam & verba & conceptus nulli sunt, quibus sufficiamus id effingere aut referre.

Nunc consentaneum est, quando hanc abyssum entis supremi, quo valui-  
mus pacto enarrauimus, vt abyssum aliam pertentemus, non entis in-  
quam: non eius, quod aliquo pacto est, cum tamen alio non sit, sed eius  
quod penitus atque omnino non sit. huiusmodi non ens quadam propor-  
tione opposita tamen respondet primo entium. nam quemadmodum pri-  
mum entium non est cuiuspiam naturæ seu essentiae definitæ, sed cui-  
cunque naturæ antecellit; ita etiam huiusmodi non ens nullus est definitæ na-  
turæ, seu certæ essentiae; quoniam à quauis natura, & si imperfectissima,

**B** deficit, ac infra est. Item quemadmodum ipsum ens non est contractum  
ad certum locum aut tempus, quia non est aliquid corporeum, materiae  
vlli obnoxium; ita etiam hoc non ens nullius est certi loci seu tempo-  
ris: quoniam etiam natura materiae primæ, quæ omnium est infima ab  
eo excluditur, ac infra ipsam est hoc non ens. verum vt primum ens excedit,  
ac constitutum est supra locum & tempus; ita primum hoc non ens defi-  
cit à loco & à tempore, atque infra locum omnem tempusque est. Præ-  
terea, vt superius ostendimus, primum ens est maximè infinitum in infinitate  
ea, quæ est vnitatis ac perfectionis: ac maximè finitum, quia sum-  
mopere alienum est ab infinitate multitudinis & imperfectionis. Non dis-  
simili ratione primum non ens est maximè infinitum, ac maximè finitum,

**C** opposito tamen modo: nam infinitate ea, quæ multitudinis est atque im-  
perfectionis, summè infinitum est; quinimo est ipsa infinitudo, imperfec-  
tioque ac multitudinis abyssus; quippe quod non tantum non adfurgit  
ad naturam aut essentiam quampiam verumetiam deficit à potentia & ab  
inchoatione naturæ cuiuscunque. Sic ergo maximè indeterminatum est ac  
præcipuè infinitum. est etiam econtra summè finitum, id est coarctatum  
& contractum: vt pote quod non solum sit infra ea, quæ superant locum  
ac tempus; verumetiam existat infra omnem locum & tempus, id est in-  
fra materialia corporeaque omnia, quæ certo loco, certoque tempore  
sunt definita; ac demum sit infra materiam primam, quæ saltem potentia  
est in certo loco & tempore. Est etiam in primo hoc non ente natura fal-  
sitate ac malitiæ, vt pote quod sit maximè alienum à vero & à bono: à

**D** bono inquam, quoniam omnino imperfectum est, ac penitus deficiens,  
minimèque appetibile; immo cui appetitus omnis aduersetur maximè: à  
vero autem, quoniam penitus disforme est atque omnino diuersum.  
Demum quemadmodum primum entium propriè non est aliquid eo-  
rum, quæ sunt de eo dicta, sed ea omnia superexcedit; ita etiam hoc non  
ens nihil eorum est, quæ hætenus de ipso diximus; immo adhuc deficit ab  
omni eo quod de ipso dici excogitare potest: ac sicuti primum ens ab in-  
tellectu comprehendere nequit; nec vllis verbis explicari; sic etiam primum  
hoc non ens nec vllis nominibus, nec vlllo conceptu effingi potest, vt probè  
inquit Plato in Sophiste. Ratio vtriusque consimilis est, quoniam omne



quod intellectus attingit, determinata quadam intelligibili specie attingit. Primum verò ens, ut supra ostendimus, omnem superexcedit speciem, omnemque naturam anteit; idcirco ab intellectu pertingi nequaquam potest. sed deficienter minùsque intelligitur quàm in se sit: hoc verò primum non ens, quia est infra quamcunque speciem, & quamlibet naturam, immo etiam infra speciei cuiusvis inchoationem; ideo ab intellectu nequit pertingi ut in se est, sed potius ut in se non est, neque vllis vocibus effingi; sed est in intelligibile ac ineloquibile, ut ita dicā, infraque omne, quod intelligi potest, aut voce explicari. Comper-  
tum igitur nobis esse potest intellectum nostrum nos fru-  
strari in harum rerum cognitione: nam quadam  
concepit infra id quod sunt; e contra nonnul-  
la alia supra id quod sunt, quod in pri-  
mo libro annotauimus.



LIBER



## LIBER QVINTVS.

**B** **G**ENVS humanum ita natura est institutum, vt mirari soleat ea, quæ viderit, audiuerit, aut quouis alio sensu perceperit, cum causam ignorauerit: quæ admiratione, veluti stimulo quopiam, adactū tandem scrutari ac secum putare rem eam nō desinat, donec vel certa ratione causam consequatur, vel saltem quapiam cōiectura eliciat. Huiusmodi admirationem solum homini natura indidit, nulli præterea cæterorū animalium; eò quòd solus homo rationis ac sciētīæ capax est; cæteræ verò brutiæ ani mantes sensibus tantum ac memoriis necnon existimatione quadam naturæ ali ea, quæ profutura ipsis sunt, prosequuntur: aliena verò, noxiæque vitant; omniæque vel ad tuendum corpus, vel ad sensuum illecebras referunt: cognitionis cuiuscunque ac sciētīæ securæ. sic homines post cataclysmum a, re domestica, ac ciuili quoquomodo constitutis, continuo ex admiratione rerum natura constantium, ac totius huius vniuersitatis rerum ornatus: contemplatione, ij qui cæteris ingenio & solertia antecellebant, totos se earum speculationi tradiderunt: ac primū obuiā confestim eis fuit causæ materialis quæ vel ἀρχή, vel infinitum chaos, vel elementorum quodpiæ: aut ἐμπροσθεν prodiderunt; in eaque morati, alia causarum genera aut penitus ignorarunt aut leuiter tetigerunt. quo effectum est vt axioma illud, Ex nihilo scilicet nihil fieri, videlicet nihil fieri absque causa (hoc namque pacto intellectum axioma verè est & per se notum) retulerint ad genus causæ materialis, vt scilicet nihil existere posset vel in lucem prodire absque materia ex qua fieret. Post materiam maximè ac primam causarum omnium enituit effectrix causa. Hanc Empedocles amicitiam & litem: Anaxagoras intellectum esse perhibuerunt. Deinde veritate ipsa ac rerum natura viam pandente, formam primò tenuiter attigerunt: postmodum perspicacius inspexerunt. postrema omnium cognita est ratio boni, ac finis, quam tamen potissimam ac præcipuam causarum esse constat. Nam materia à forma speciem sumit: at agens formam in materia efficit: nullum verò est agens, quod propter finem non agat. prima ergo causarum omnium atque penitus independens, atque immobilis est ipsum bonum. Ratio namque finis constituta est in appetibili: id autem quod omnia appetunt est bonum. Itaque hac

semita atque hoc progressu philosophia paulatim incrementa suscepit. Nos E  
 in hoc opere rerum naturam imitati, nō autem humanum ingenium (quippe qui non rudibus physices disciplinæ scribamus) continuo cœpimus ab ipso bono, eaque paucis perstrinximus, quæ maximè convenire primæ philosophiæ videbantur. Namque agendum nobis sumpsimus de ente ipso: hoc verò iam ostendimus non convenire his quæ sunt eadem ratione, neque etiam ratione penitus diuersa; sed diuersis rationibus ad idem relatis: sicuti sanum de lotio, de pharmaco, atque de animali dici solet. Quamobrem cum cæterorum omnium quæ sunt, ratio deducatur à primo entium, ad idque referatur, utique minimè fieri poterat, ut ignorato primo entium, de aliis quæ sunt, cognitio aliqua haberetur, quatenus inquam entia sunt. id eò F  
 que cum hæctenus satis tractatum sit de primo entium, ad cætera nobis est accedendum: primūque communi quadam ratione, postmodum magis propria utemur. Omnia entia pendere quodam modo à primo, nulli prioris, qui philosophiæ factis fuerit initiatus, cōtrouersum cum aliis fuit. Nam neque entia constitui poterant inconnexa & plura prima principia haberes & ratio Parmenidis urgebat: Quo namque pacto vnquam fieri poterit, ut quidpiam sit, quod tamen existat præter ipsum esse? sed hoc proculdubio contingeret, si aliquod ens à primo non penderet, quod iam satis in superiori libro demonstratum fuit esse ipsum esse per se subsistens: illud namque quod nullo pacto dependeret à primo, esset utique præter ipsum esse. Hisce rationibus nulli vnquam dubium fuit omnia quæ sunt aliquo pacto pendere à primo entium. Verū nonnulli, immo complures cum ratione natura illis constitisset plurima entia neque generationi neque corruptioni ulli obnoxia esse, hanc rerum omnium à primo dependentiam habitudinē inue veluti à fine esse prodiderunt. omnia namque agere perhibent propter illud bonum amatum & desideratum ab omnibus, ut suis actionibus muniūtque, pro naturæ suæ capto, quæcunque id attingant, aliquāque eius similitudinem adsequantur. Nam necessaria æternaque entia quonam pacto causam efficientem habere possent, minimè intelligebant. hæc verò duæ tantum causæ extrinsecæ sunt. Sed horum, etsi præstantissimi fuerint, sententiæ neminè assentiendum esse reor. Etenim cum omnia, præter primum, habeant esse participatione quadam, necesse est ut id ab eo sortita sint, quod per se & per H  
 essentiam sit ipsum esse: sic omnia ignita ab igne ignita sunt, omnia item, quæ illuminata sunt, ab eo utique lumen acceperunt, quod suapte natura est luminosum. Amplius vnumquodque operatur secundum quod est: si ergo cuiuspiam esse omnino est independens, & à se est, neque ab alio quopiam, quonam pacto fieri aut intelligi potest, ut finem quempiam alium à se operatione sua adfecet? Quamobrem rectè Auerrois inquit in libello de Substantia orbis, finem significare agentem significatione necessaria impossibile namque est, ut quippiam operetur propter finem alium à se, quod secundum esse suum à nullo prorsus dependeat. Eorum verò, qui secus sentiunt, rationem soluere non admodum difficile est. nam æterna quamvis causam habere

- A** habere nequeant, quæ ea effecerit motu seu mutatione aliqua (hæc namque sine nouitate effectus rei non queunt esse) attamen efficientem causam habeant per emanationem quandam simplicem & effluxum quandam, nihil absurdum est. Necessaria etiam duplicia sunt: quædam namque sunt necessaria à se, quæ scilicet nullam habeant causam necessitatis suæ: quædam verò, quamuis sint necessaria, sunt tamen necessaria ab alio, & causam necessitatis suæ habent. huiusce rei exemplum aptissimum adfert Aristoteles in quinto *Metaphysices*: conclusiones namque demonstrationum necessariæ sunt, itémque prima demonstrationum principia sunt necessaria; verumtamen principia prima à se sunt. neque causam habent suæ necessitatis vllam.
- B** At conclusiones demonstrationum sunt ab alio necessariæ, quoniam à primis principiis dependent, eaque habent necessitatis suæ causam: nihil ergo prohibet necessaria causam habere, à qua sint. Colligamus igitur ex dictis hæctenus, omnia entia præter primum dependere à primo, tum in genere causæ finalis, tum in genere causæ efficiētis. De finali causâ, quamuis omnes in ea consenserint, adferamus tamen rationem. Omnia quæcunque quidpiâ agunt, propter finem aliquem operantur. finis verò habet rationem appetibilis, & ex consequenti rationem boni. omnia igitur agunt propter bonum. Sed iam superius declaratum est ipsum esse, ac primum principium entium esse etiam ipsum bonum: omnia verò alia bona participatione quadam existere ipsius boni. Necesse ergo est vt omnia quæ agunt, actione sua adfectent
- C** quandam similitudinem ipsius boni: sicque causa finalis omnium est primum principium entium. quòd autem sit causa efficiens paulo antè probauimus. Verum illud restat explicandum, quonam pacto sit causa efficiens, & quonammodo efficiat reliqua entia: ac præterea id quod suprâ omisimus exponendum nobis est, quonam scilicet pacto entia omnia præter primum se habeant ad ipsum esse. Et vt soluamus rationes quas in secundo attulimus, ac quibus nonnulli rétur efficaciter probatum esse, in quouis entium præter primum esse secundum rem distingui ab essentia cuiusque. Primum principium (vt rem iam ordiamur) eminentiori quadam ratione, atque excellentiori modo, causa est efficiens, quàm causæ hæc, quas nos efficientes esse dicimus: etenim efficientes hæc causæ nobis familiares non sunt ex omni parte,
- D** neque omnium suorum effectuum causæ: non enim efficiunt nisi per motum, trāsmutando materiam: atque effectus ipse, id scilicet, quod est factum secundum se totum, non est ab agente causa: materiam namque ex qua effectus constat, agens causa præsupponit, non autem efficit: deinde forma, quæ iure videbatur posse sibi id assumere, ac vendicare, vt scilicet esset à causa efficiente, sustentatur ac pendet à materia, cum qua simul est. Præterea pleraque efficientes causæ huiusmodi sunt, vt postquam ab eis effectus productus in lucem fuerit, non amplius indigeat vlla opera causæ, à qua effectus est. Sic mortuo patre viuit superstes filius: & ædificatore vita functo, remanet ædificium. At primum principium entium, à quo est omne esse, non efficit motu mutationeue aliqua, quæ videntur moram adferre agenti; & id-

circo imperfectionem agentis arguunt; sed statim continuoque entia in esse protulit, immo profert potius, ut dicemus. Præterea effectus secundum se totū ab hoc agente dependet: nam siue effectus sint per se subsistentes, actus inquam simplices, seu ea quæ in esse proferuntur composita fuerint ex materia & forma, secundum se tota à primo principio pendēt. Omne namque, quod quouis modo est particeps ipsius esse, est à primo, quod per naturam & essentiam est ipsum esse. quare tum forma tum materia quæ entia sunt, dependent & sunt à primo principio entium. Amplius id, quod factum est semper pendet, immo ut rectius loquar, semper fit à primo principio, adeo ut si mouendo aliquo deficeret actio primæ causæ, in nihilum vnumquodque entium redigeretur. Hoc verò ratione comprobatur. Nā effectus quicumque, in quo forma agētis secundum esse perfectum quo est in agēte, esse non potest, indiget continua conseruatione continuoque effluxu agentis. Hoc licet intueri in lumine; nam quoniam lumen est propria qualitas corporis luminosi, diaphanum verò cum lumine effunditur, eam naturam non recipit, sed participatione quadam fit capax luminis: idcirco ad hoc ut aër, seu quoduis aliud diaphanum corpus lumine perfusum maneat, cōtinuum fomentum adsit oportet, continuusque effluxus à luce solis, seu alterius corporis lucidi; qui si paululum cessauerit, confestim lumen diaphani intercidit. Idem comperies in imagine, quæ in corpore leni apparens deperit, abeunte illo cuius imago erat. Sic cum cætera membra omnia viuunt, quoniam participat animæ vim, quæ tota & integra est in corde, non tamen adsequuntur perfectam naturam cordis, pereunt, vitæque funguntur euestigio cum effluxus à corde cessauerit. Omnis ergo effectus, qui est ab aliqua causa, participatione quadam, nec perfectè adsequi naturam causæ valet, continuo fomento causæ suæ eget; quæ si desierit, eodem momento effectus pariter perit. Cum ergo omnia, quæ habēt esse à primo entium participatione quadam ita se habeant ut nullum eorū possit perfectè adsequi ipsum esse, necesse est ut continuo quodam effluxu ac efficientia ab ipso ente seu esse emanante conseruentur; quin potius ut continentet efficiantur. qua in re adhuc efficientia primi superat solis effectiōnem, qui aërem illustrat: nam lumen, quia actus diaphani est, licet à sole pendeat, pendet etiam à diaphano, in quo est. At à primo ea, quæ sunt, tantum pendunt, à nullo præterea: neque enim ea quæ sunt, extra ipsum sunt, sed in ipso continentur ac consistunt. Ecce ergo quantopere deficiunt causæ efficientes nostri ordinis à primo efficiente. quod nonnulli, parum animaduertentes eum cum perspexissent efficiētiam nostri ordinis rebus æternis, ac primo principio minime adcommodari posse, negauerunt Deum optimum causam esse effectricem totius entis, cum acciem mentis in tam magna luce nequaquam figere potuissent: nos autem comperimus huiusmodi omnem efficientiam, quam nouimus & sentimus, simulachrum quoddam esse illius primæ efficientis. causæ, quod tamen ab eius excellentia atque præstantia valde deficiat. Ex his, quæ hætenus dicta sunt, non cum magna difficultate disquirere poterimus ac inuestigare, quoniam

- A** nam pacto entia omnia præter primum, se habeant ad ipsum esse: necnon qua via soluatur rationes, quibus nonnulli, alioqui præstantes viri nixi enunciauere, esse secundum rem distinguere ab essentia omnium rerum præter primum. Quantum pertinet ad primum, quod inuestigandum nobis proposuimus, videtur mihi commodum exemplum adferri posse, quo facile intuebimur quonam pacto entia se habeant ad ipsum esse. colores pendere à lumine, specie tamen & natura à lumine differre sit nobis suppositum, licet nonnulli graues authores dissentiant: hæc tamen positio meo iudicio magis ratione nititur. Item supponantur colores in obscuro ac tenebricoso loco non esse colores nisi in potentia, actu autem non existere, nisi per illustrationem luminis, quod sensit Auempace: quamuis Auerrois in commentariis secundi libri de anima dissentiat. verum, quicquid de hac re statuendum sit, supponamus rem hanc ita se habere, vt hoc tanquam accommodatissimo exemplo vtamur, in quo intueri possimus, & luculenter, vt mihi videtur, quonam modo entia se habeant ad ipsum esse. Ponamus lumen esse primum esse, per se existens, primumque ipsum esse principium; opacum verò esse non ens, colores autem sicuti cætera entia, lumen ipsum in se clarum esse splendidum nihil habens opaci suapte natura: ideoque superius ac eminentius esse habet, quam vt dici queat color; nisi dicatur color secundum eminentiam & præstantiam quandam; quoniam superexcellenter continet colores omnes, licet diuersos specie, vnica tamen ratione longè colorum naturis præstantiori eos omnes comprehendit. Quod si à lumine puro immixtioneque discesseris ad lumen mixtum opaco, iam degenerat lumen à perfectione sui atque contrahitur ad certam quandam coloris naturam; quæ etiam certæ cuiusdam essentiae est. verbi gratia albedo aut color viridis seu luteus siue niger, lumen tamen nequaquam est nisi participatione quadam: ac inter colores quæadmodum quisque magis præstat, ita etiam magis est particeps luminis; nulla tamen ex hisce colorum naturis in actu existit nisi per effluxum & illustrationem à lumine; atque illustratio illa in re colore affecta nihil aliud est nisi essentia coloris in actu existens à lumine: quæ tamen certa quædã natura est infra essentiam & naturam luminis ad opacum accedens atque opaco mixta. Nunc à coloribus & à lumine orationem mentisque aciem conuertamus ad entia atque ad ipsum esse. Primum esse est tantum esse purum, cuiuslibet non enti immixtum, veluti lumen nulli opacitati. quod si à primo esse recesserimus, ac non esse ceu quoddam opacum attigerimus, iam nobis apparere incipiunt reliqua entia, veluti quidam colores, in quibus ipsum esse contractum est ad certam quandam naturam atque essentiam, quam nimirum perfecte obtinet: esse tamen in eis existit participatione quadam, non quod in illis aliud sit essentia quam perfecte obtinent, & esse quo existunt: sua namque essentia eorum quodlibet existit. Sed quoniam id, quod est perfecta huius rei essentia, est esse imperfectum & contractum; sicuti id, quod est albedo, aut viridis color, imperfectum est & participatum lumen: verum tamen sicut essentia coloris non existit actu, nisi à lumine & ab influentia luminis; sic ef-
- B**
- C**
- D**

sentia eorum quæ sunt, non existunt actu, nisi ex perenni influentia ipsius esse, à quo sunt & cuius participatione existunt: non tamen quòd in ipsis entibus alia res sit earum natura, & alia res sit influentia ipsius esse; immo vna atque eadem res sunt vtraque: quemadmodum in re colorata idem diximus esse colorem & influentiam luminis, per quam color est in actu: vnaquæque ergo natura, secundum quod in se est, quædam est natura, in qua esse contractum est ex admixtione non entis, ceu in natura coloris est contractum lumen ab opacitate ad naturam quandam. Attamen quoniam à se non est neque à se conseruari potest in esse, cum sit imperfectum esse, & quod degenerauerit in inferiorem naturam; idcirco non actu existit natura illa, nisi habitudinem habeat ad primum perfectumque esse, à quo semper emanet atque actu sit. Satis commodè mihi videtur hæcenus expositum esse, quoniam pacto entia se habeant ad ipsum esse: & quomodo quamuis essentia cuiusque sit esse participatum, quo intrinsecè vnumquodque existit, tamen actu nullius essentiam existere nisi ab alio primo inquam, à quo pendet: neque etiam quamuis à nobis cuiuspiam rei essentia intelligatur, intelligi tamen posse ipsum actu existere, nisi intelligatur habere influentiam ab ipso esse, sicuti essentia coloris non potest percipi quod actu existat, præterquam ex influentia luminis, & hoc modo esse existere cuiusque rei secundum rationem distinguitur ab essentia illius rei: nam ea natura in se considerata est essentia; illa eadem quoque est esse existere eius rei, prout intelligitur emanare à primo ente ex cuius influxu efficiètiæque actu existit. Reliquum modò est, vt soluamus rationes eas, quibus quidam probasse se putant, esse vniuscuiusque præter primum secundum re distingui ab eiusdem rei essentia: has namque in secundo libro omiseramus, in huncque locum distuleramus. Dux fuere rationes adductæ, prior quoniam cuiusque rei essentia perfectè intelligi potest, cum tamen de ea re ignoremus sit, an non sit. altera ratio, quoniam cum vnumquodque perfectè obtineat suam essentiam ac naturam, si natura non distinguitur ab esse cuiusque; vtiq; vnumquodque perfectè obtinebit ipsum esse. Quamobrem non erit ens participatione sed per essentiam; quod tantum conuenit primo entium, vt demonstratum est. Hæ sunt rationes quas ex dictis hæcenus nõ est admodum difficile soluere. Ad primam dicimus, quòd ea ratione non probatur, nisi quòd essentia secundum rationem distinguitur ab esse cuiusque per quod est: secundum rem verò distinguatur item cuiusque essentia ab esse à quo est in se: namque intellecta essentia concipimus quidnam sit. Quòd si eadem essentia intelligatur emanationem & effluxum actu habere à primo entium, iam concipimus eam actu existere; quemadmodum opus est authores huius positionis dicere, ac eadem propemodum solutione vtire de ipso esse participatū cuiusque rei, quod constituunt esse actum essentia: ipsum etenim non actu existit in se ipso, sed tantum per emanationem à primo entium: itaque intelligi concipi que potest, multæque de eo disputationes fieri; cum tamen interim lateat an ipsum actu existat necne, quoniam ab alio est & per emanationem



- A** tionem à primo entium existit; in quo simpliciter atque absolute est, non autem participatione quadam. Eisdem ferè verbis vniur nos cum de essentia alicuius rei differimus, quam ponimus esse participationem ipsius esse priori. Iuxta Aristotelem tamen in posterioribus Analyticis possemus etiam aliter rationem eam dissoluere, dicerèque quòd de nulla re potest intelligi quid rei, nisi de qua constiterit quòd existat: sed de qua id non constat, intelligitur quid nominis, quamvis quādoque eidem sit quid rei & quid nominis. verumtamen ille, cui non constiterit rem esse, ac tenet quid rei, non percipit quid rei, nisi secundum accidens: sed ei illud quid rei est quid nominis. Alteram etiā rationem facile diluimus: nam quoniam modum coloribus vnaquæque coloris species, vtputa albedo seu rubedo, perfectè obtinet suam essentiam naturāque: ea tamen natura, quæ in se perfectā est atque absoluta, est lumen diminutum. Lumen namque admixtum, opaco in naturam degenerat inferioris notæ, quæ tamen in sua specie perfectā sit. Ita dicimus quòd essentia vniuscuiusque est ipsum suum esse, per quod est: non tamen sequitur quòd sicuti perfectè continet suam essentiam, ita perfectè obtineat ipsum esse: quia essentia cuiusque in se perfectā est esse, diminutum: quod cum à sua simplicitate recesserit, & non enti admixtum fuerit, degenerat in naturam atque essentiam inferioris ordinis; quæ in sua specie perfectā est, attamen est esse diminutum. Idem ferè videtur Aristoteles sentire in nono libro Primæ philosophiæ: inquit enim quòd cum vnumquodque sit quatenus actus est, illa entia quæ sunt actus tantum, per se & ex se sunt: nec oportet quærere per quid existant, vt scilicet dicamus ceu Parmenides vel vt Plato, quòd scilicet existant per esse aut per vnum, seu per numeros: per se namque actus est. Cæterum cum ad hunc vsque locum satis accuratè discussum à nobis sit, quonā pacto entia se habeant ad ipsum esse, & quòd à primo entium pendent, non tantum tāquam à fine, quem omnia pro cuiusque natura & capto attingere conātur, verum etiam tanquā à prima causa omnium effectrice. Illud quoque satis luculèter expositū à nobis fuit, efficientiam primi principij esse veram ac summam efficientiam; à qua cæteræ agētes causæ omnes deficiunt, cum eam tamen omnes æmulentur. Nūc reliquū est vt paucis tangamus quæstionē eam, quæ multos exercuit, quonā pacto scilicet primū principium agat, an videlicet ex necessitate nature agat, an ex voluntate: qualisq; sit ea voluntas. Primū id asserimus, primū principium non agere ex necessitate nature, quēadmodum cætera agentia natura cōspicimus agere. Nā cætera agentia naturalia quæ natura agunt, neque sine sibi præstitutū neque se dirigunt ad præstitutū finem, verum à causa ea, quæ omnium naturam dirigit, certa quadam via certisq; mediis vnumquodque ad finem suum mouetur. Ex quo liquet huiusmodi mouentia non sese ipsa agere, sed agi. Hoc verò maximè alienum esse à primo principio entium illi quæ summè repugnans esse quis ignoret? qui namque primum omnium esset, si ab alio moueretur? neque etiam prima hæc causa agit voluntate arbitrioue tali, vt quādoque agat, interdū ab actione cesset, aut vna omissa ad aliā

actionem se conferat, sicuti conspiciamus agere homines, qui voluntate & arbitrio agunt: nam omne agens huiusmodi est mutabile, & idcirco alio atque alio modo se habet: qua de re interdum aggreditur, quæ nuper omisit, neque etiam ea necessitate voluntatis agit, qua voluntas fertur in suum finem, ac in ea quæ faciunt ad eum finem consequendum. Omne namque huiusmodi agens perfectionem suam nanciscitur ab alio, neque eam in se obtinet. At Deus optimus in se atque ex se omnino perfectus est, nullique obnoxius, ut superius euidentissime ostendimus. Modus ergo diuinæ actionis exceptus est atque excellit efficientiam cuiuscumque alterius causæ efficientis, neque à nobis satis comprehendi potest, ceu etiam eius esse ab omnibus exceptum nequaquam potest à nobis attingi: dicemus autem quæ possumus. Agit primum principium ex sui bonitate, nam superexcellentissimæ illius bonitatis ac superfluentis non erat in se contineri, aliorumque bono inuidere, ut præclare inquit Plato in Timæo. agit autem, ut cætera omnia, quæ esse queunt, pro cuiusque captu suæ faciat bonitatis participia: non autem ut propterea sibi quicquam accrescat cui nihil deest: hoc enim est amoris, qui est in ipso bono, ut supra tetigimus. quem modum miror Auicennam alioqui excellentissimum philosophum latuisse. Ac quoniam eius bonitas eius quoque voluntas est, & eius intellectus in quo huiusmodi facultates non sunt, nisi secundum quandam eminentiam, idcirco & intellectu voluntatēque & natura agit, non tamen ea natura, quæ ab alio agatur, sed quæ seipsam agat. quamobrem neque collocari potest in ordine aliarum causarum naturalium. Agit præterea voluntate liberōque arbitrio, non tamen voluntate mutabili; de qua dubitari possit, ne quandoque ab agendo desistat, aut ut eum actionis suæ pœniteat, ac propterea omnia in nihilum redigantur: neque etiam voluntate ita necessaria, sicuti voluntas humana perhibetur necessario finem atque perfectionem suam appetere, cæteraque, quæ nos ad perfectionem nostram perducunt. Primum namque principium in se perfectum nullius eget. Hæc atque huiusmodi sunt, quæ à nobis dici excogitariue possunt de actione primi principij: verum qualis ac cuiusmodi ea in se sit, nulli profecto compertum est utpote quæ omnem intellectum exuperet. Cum ergo hæcenus ostensum fuerit, entia dependere à primo ut à supremo fine & à prima præcipuāque causa effectrice, non omittendum nobis est, cætera quoque entia se habere ad primum ut ad formam omnium primam. Id ex superioribus satis cuius exploratum esse potest. Nam si vnumquodque ens eousque veritatis est particeps, quousque attingit principium à quo est: in primo ergo principio est veluti exemplar quoddam vniuscuiusque rei, quod vnumquodque attingere conatur, ut in se quantum possit ceu in quadam imagine exprimat exemplar illud. Exemplar verò omne veluti causa formalis est, & prima forma omnium imaginum, quæ ab eo fuerint deductæ, aut deduci queant: non propterea quod imagines formet, sed quoniam ab eo exemplari deductæ efficianturque sint. Est præterea tanquam causa materialis omnium rerum, ea scilicet conditione materiæ, qua similis videtur loco: est  
namque

E

F

G

H

- A namque & locatum in loco & forma in materia. Itaque cū nihil sit extra Deum maximum: omnia namque ipse continet ac sustinet modo ac ratione, quam satis verbis explicare nequimus: ideo nescio quomodo in ipso exprimitur quadam imitatio materialis causæ, in eo scilicet, quod perfectionis in ea est amotis conditionibus, quæ imperfectionem continent: neque enim in potentia est actus purissimus, neque pars vllius id quod perfectione excedit omne totum. Satis iam videri possumus verborum fecisse pro compendij nostri modulo de primo principio entium, à quo quæcumque & sunt, & entium nuncupationem habent. Nunc tempus poscere videtur vt ad persequutionem tractatūque cæterorū entium accedamus,
- B quatenus scilicet entia sunt, vt oratio nostra progrediatur ea via, quæ huic scientiæ propria est, atque à primo entium ad ea, quæ maximè ipsi propinqua sunt, descendamus. Entia nōnulla immaterialia esse atque abstracta, efficacissimè, vt reor, probatum est ratione Aristotelis in octauo libro Physicorum sumpta à motu. Ac quamquam de primo entium absque ea ratione, quæ sumitur à motu ex ratione entis, vnius, boni, euidentissimè demonstrari arbitremur, non tantū quòd immateriale sit, verum etiam quòd superet omnem naturam, atque essentiam cæterāque quæ à nobis suprā de ipso demonstrata sunt certissimis rationibus: tamen de alijs abstractis entibus à materia, meo iudicio, ratio efficax sumpta ab ente inueniri non potest, quæ certitudinem nobis faciat, nisi supponat rationem à motu sumptam, cui nitatur quodpiam aliud ens præter primum, abstractum esse à materia. Neque vt idem arbitret ac in eodem calculo ponā rationes, quibus vsi sumus, cū de primo principio tractāremus, mouet me argumentum Auerois præstantissimi philosophi, qui hæc in parte reprehendit Auicennam in calce expositionis primi Physicorum: inquit enim, Nulla scientia probat suū subiectū esse, sed supponit: ens verò primum abstractūque entia sunt subiecta primæ philosophiæ: non igitur eius scientiæ erit hoc ostendere, sed physices. Cui dicimus, quamquam prima philosophia agat de primis causis entium, vt in præmio Metaphysices dicit Aristoteles, nihilominus supposito quòd sint aliqua prima principia, primæque entium causæ, de eis scrutari potest primus philosophus, quænam & qualia sint: sicuti de primis principiis
- D rerum naturalium in libris Physicorum supponimus quòd sint, scrutamur attamen & ratione agimus, quænam & qualia sint. Dicimus ergo, vt redeamus vnde deflexit oratio, post primum ens esse alia entia abstracta à materia. Hoc ratione comprobatur à motu sumpta. Nam cū hæc, quæ cernimus quandoque moueri interdūque quiescere, necesse est, vt dependeant à corporibus, quæ sempiterno motu circumsferantur: motus verò sempiternus non possit esse penderēque à motore mobili: nam ex mutabilitate, varietatēque causæ sequeretur mutatio in effectu, id est variatio in motu. Amplius causa motorue diuisibilis non potest mouere motu infinito ac perpetuo: nam pars eius, cū habeat esse deficiens à totius perfectione, mouebit tempore minori quàm totum, id est finito tempore: totum

verò cùm finitam proportionem habeat ad partē, tempore etiam finito mouebit: necesse est igitur virtutem mouentem tēpore infinito esse impartibilem. At virtus impartibilis atque immobilis materialis esse nullo modo potest. Nam virtus materialis quæcunque quoniam in esse sui depēdet à materia, diuisione etiam matris afficitur atque diuiditur: necnon etiam mouetur motu eius corporis cuius forma fuerit seu virtus. ergo necesse est motores corporum cœlestium esse formas immateriales atque abstractas, formas inquam; quoniā certissimis quoque rationibus adstruit colligiturq; hosce motores æternos, esse animas dātes esse corporibus cœlestibus. Nam cœli mouentur ex se, non autem ab alio: quoniam id quod mouetur ex se, prius est eo quod mouetur ab extrinseco seu ab alio. motor ergo corporum cœlestium, quæ sunt omnium mobilium prima ac suprema, intrinsecus est corpori mobili. Amplius si ab extrinseco motore mouerentur, circuitione quadam mouerentur, motu videlicet composito ex pulsu & tractu: At corpora simplicia secundum naturam mouentur motu simplici. Præterea nisi motores ij immateriales essent animæ cœlorum, necesse vtique esset corpora cœlestia habere quandam aliam formam, qua existerent: omne namque quod actu existit vel est actus simplex per se existens immaterialisque forma; vel actum habet per quem est: ea verò forma ni anima esse dicatur, materialis erit atque corporea, necnon natuta corporis simplicis, cœli scilicet. At natura corporis simplicis est principium motus simplicis: erit ergo forma hæc principium motus simplicis, non circularis; quoniam motus circularis infinitus est, & perpetuus, neque effluere potest à virtute quapiam finita ac diuisibili, vt paulò antè ostendimus: esset igitur ea forma principium motus recti: proindeque necesse esset fateri corpus cœleste esse corpus graue aut leue. Hisce rationibus igitur, quæ à physicis latius ac vberius tractantur, satis compertum cuius esse potest, entia quædam abstracta à materia esse in rerum natura, quæ sunt animæ cœlorum. An verò infra primum rerum omnium principium sit quodpiam quod præstātius sit animabus corporum cœlestiū, magna equidem dubitatio est. neque reor ego hac in re rationem naturalem vllam nobis afferre certitudinē posse. Quamobrem breui perstringā summorum philosophorū sententias, itēque cur præ aliis positio Platonis mihi probabilior videatur, ceterisq; præferēda. demū optionē lectori dabo, vt eam præligat quæ ceteris potior sibi esse videatur. Auerrois in duodecimo Metaphysices videtur opinari, nullum ens abstractū esse à materia præter animas cœlorum. Deūque opt. nihil aliud cōstituere videtur, præterquam animam octauæ sphaeræ, quæ mouetur motu diurno, ac esse, seu quandam artem vniuersalem, cuius fini plurimæ particulares artes inferuiunt. Nam sicuti equestri arti complures inferiores artes inferuiunt; ita etiam ei fini, quem primus motor constituit, motūque diurno adfectat, reliquæ cœlorum animæ, planetatum videlicet seu errantium syderum propriis suisque motibus inferuiunt. Hæc sententia meo iudicio falsissima est: nam quemadmodum ex iis quæ superius ostēsa sunt, quilibet liquidò intueri potest

- A** rest tantum abest, vt primum principium nedum sit anima, quæ cum proportionem habeat ad corpus, cuius est forma, quandam diuibilitatem præ se fert; quod neque vllius certæ naturæ, definitæue essentia constitui potest; sed est ipsum esse per se existens. Præterea efficientia primi principij longè præstantior est, quàm vt motu agitationeque cœli efficere omnia poterit. Amplius cuiuscunque ordinis institutor est supra eum ordinem, quem instituit, vtpote ab eo exceptus. Primum ergo principium absurdè constituitur in serie classèue motorum seu animarum cœlestium: id quod videtur quoque sentire Aristoteles in duodecimo primæ philosophiæ libro, in eo loco vbi inquit, quod in vniuerso præter cuiusque bonum, quod vnumquodque sua natura affectat, est præterea bonum extra vniuersum, propter quod omnia agunt. sicuti in exercitu dux est, propter quem tandem omnes, qui in exercitu sunt, operantur. in quo loco, si quis diligenter animaduertent, perspicere faciliè poterit ipsum quoque Aristotelem ponere bonum per se existens extra seriem vniuersi, supraque quæuis entia. Alpharabius in libello de intelligentiis ponit primum principium entium esse supra animas cœlorum: nullum tamen præterea ponit ens abstractum, in materia verè esse. Huius philosophi sententia, vt reor, nullo efficaci argumento reprehendi posset, quamuis, vt infra dicam, ratio Platonis mihi valde probabilis videatur. Auicenna in Metaphysicis libris præter primum principium, quod ipse nominat necesse esse, itemque præter animas corporum cœlestium, totidem ponit intellectus puros, qui non sunt animæ, quot sunt motus cœlestes. Huius positionis rationem adfert. nam cum finis præstantior sit his, quæ sunt ad finem, nimirum dici non potest motores cœlorum monere suos orbes propter hæc inferiora, quæ rebus cœlestibus longè sunt ignobiliora. necesse ergo est vt nobiliora fines affectet suis motibus. Hi verò & multi sint oportet, quoniam diuersi varique item sunt cœlorum motus; quibus efficitur Auicennæ sententia, vt fines totidem constitui oporteat supra cœlorum animas, quot sunt motus cœlestes, qui intellectus puri immixtisque omnino sint: nihil namque percipi potest, esse supra animum intellectualem, ac infra necesse esse præter intellectus puros. Huic sententiæ ad stipulari videtur Aristoteles in duodecimo Metaphysicis. quamuis dignosci satis nō queat, an cum
- D** Auicenna, an cum Alpharabio sentiat. Attamen vt ego puto, ratio, quam attulit Auicenna, non est adeò euidens, vt ei concedere debeamus, quoniam illa agentia, quæ perfectæ sunt atque ex affluentia bonitatis agunt, non ob eam causam operantur, vt sibi aliquid suis actionibus accrescat, sed vt res indigentes impertiant sua bonitate. dicemus igitur Auicennæ, cum animæ corporum cœlestium in se perfectæ sint, præcipuamque bonitatis partem sortitæ sint à primo principio, prima intentione agunt ex sui bonitate: deinde ob vtilitatem harum inferiorum rerum. Non igitur ponendi sunt superiores quidam intellectus, cum animæ cœlorum ipsæ sibi sint primi fines: secundum verò hæc inferiores res. Præterea, omnes hæc animæ operantur ac mouent ob eam potissimam causam, vt inserviant primo principio, idque pro

naturæ cuiusque captu æmulentur, à quo esse & perfectio totius vniuersi intenditur. Hac ergo ratione etiam sequitur animas cælorum agere prima intentione propter finem excellentiorem. Diuersitas verò motuum est ex diuersa variæque natura animarum mouentium: quam rationem videtur Plato significasse in Thimæo. Nam postquam exposuisset quam ratione animæ omnes & omnis natura immortalis formata esset à primo principio, dicit omnium parentem cōuersum ad minores Deos hæc eis præcepisse. Cùm reliqua, quæ ad vniuersi absolutionem supersunt, mortalia sint, ideo à me cōtinuò ea fieri non possunt: neque enim fas est: immortalia namque essent si tantùm à me fierent. Idcirco vos imitantes eam, quam in me perspicietis efficiendi vim, quæ supersunt mortalia efficere conemini. Illi verò, inquit idem Plato, minores dij, cùm mandatum patris intellexissent, confestim ad res inferiores efficiendas conuersi sunt, ac motum circularem pro cuiusque natura proprium quisque molitus est. Ecce quàm præclare Plato protulit minores deos, animas scilicet cælorum, vt parentem imperio patris, atque vt eius bonitatem imitarentur, cœpisse suum quemque orbē mouere. Propter igitur summum bonum, veluti tanquam propter vltimum, postremū, summūque finem, animæ cælorum suos orbēs agitat: motus verò diuersi sunt pro cuiusque natura, atque vt rerum infetiorum generatio & incolumitas exigit. Postrema omnium sententia est Platonis, vt arbitror, esse scilicet infra primum principium ac supra animas corporum cœlestium, intellectus seu mundum intelligibilem: cuius ratio, ni fallor, fuit. anima, vt superius diximus, duplicem præ se fert naturam, diuisibilem scilicet, qua corporeæ naturæ affinis est, nam forma est corporis: & indiuisibilem, quatenus intellectus est & intelligibilia attingit. sicuti ergo infra animam est corpus naturæ penitus diuisibilis, ita par est supra animam esse intellectum purum naturæ omnino indiuisibilis. Huiusmodi verò intellectus necesse est vt sit infra primum principium: id namque est ipsum esse per se existens, nulli naturæ ad dictum: in intellectu verò esse est contractum ad intelligibilitatem, vt ita dicam, seu ad intellectionem. quapropter Plato posuit hunc intellectum esse causam exemplarem in qua sint idex rerum omnium. Nam in primo principio res altiori modo sunt, quam vt in eo exēplaria rerum constitui queāt. exemplar etenim omne cognosci potest, & quatenus exemplar est comprehendi quit. At in primo principio res sunt supra cognoscibilitatem (vt planius explicem quod volo, sic eam libeat appellare) ac in arcana sitæ, quod minimè petuium est cuius intellectui. Quamobrem Plato, vt reor, posuit causam exemplarem in secundo ente, in quo esse contractum est ac definitum ad naturam intelligibilem. quod etiam quoquo pacto innuit Dionysius in libello de Cœlesti hierarchia: inquit enim supremos intellectus nuncupatos esse angelos, id est nuncios, quoniam arcanum illud diuinum incomprehensibile primi enunciant. Hac ratione meo iudicio satis probabile fit, supra animas corporum cœlestium esse intellectum. Nam imbecillitati mentis nostræ, cuius acies in tā clara luce non figitur, de rebus altissimis certissi-

- A** certissima ratio esse non potest. Idcirco contenti probabili argumento & sapientissimorum hominum sententia, qui acrioris ingenij fuerunt quā nos, dicamus supra animas celorum esse intellectum, in quo res sint secundum esse intelligibile. Quot verò sunt ij intellectus, si quis scire cupiat, animaduertendum illi est Platonicos nonnullos ponere hosce intellectus ferè innumeros: Platonem tamen vnius tantum mentionem facere in Timæo, cum de fabricatione mundi verba facit. Beatus Thomas rationem satis probabilem adfert, quæ efficiatur ut pene innumeri sint. Etenim inquit Deum optimum cum agat ex bonitate insita, quam aliis impartiri vult, optimas ac perfectiores res. maiori quoque vbertate produxisse: ac proinde corpora cælestia adeo ingentia effecit, ut generabiles corruptionisq; obnoxie res ipsis collata, nullius ferè sint magnitudinis. Idcirco pari ratione perfectissimos entium intellectus innumeros fecisse. id quod sacræ etiam literæ testantur. Nos quibus institutum est nihil asserere, nisi ex certa ratione, hac in parte nihil asseuerandum nobis esse ducimus: ea enim est natura intellectus humani, ut certos terminos in cognitione rerum non egrediatur: quos qui egredi volunt veluti oculis mentis allucinati, in multis decerrant, compluræque incomperta pro compertis habent. Nonnulli diuersa ratione dum ea quæ sunt ultra fines à natura nobis præscriptos incerta esse vident, de rei cuiuscumque cognitione vel modica desperant. Nos medium iter tenentes, ea tågemus quæ ratione naturali comperta sunt; incerta verò, atque ea ad quæ lumen intellectus nostri non pertingit, linquimus pro incomptis. Cum ergo præter summorum philosophorum auctoritatem, qui magis quàm nos in rerum contemplatione exercitati, luculentius etiam veritatem intueri potuerunt, ratione etiam satis efficaci seu mauis probabili, nobis constiterit supra animas cælestium corporum esse intellectum seu vnus is sit, seu plures; ea quæ naturalis hominis ratio de intellectu comperta habere potest, paucis perstringamus. Esse ipsum atque ipsum vnum, quod ex superfluenti bonitate extra se in alias quoque naturas defluxit, paulatim delapsum est, ac veluti per gradus processit à perfectissimis naturis in imperfectissimas: & demum desit in materiam primam, quæ propè nihil esse videtur. Primum igitur, in quod esse ipsum à puritate sui degenerat, est intellectus, qui iam aliqua natura est non esse purum, verum tam latè fusa, ut in se suo tamen modo omnes quoque res alias atque naturas comprehendat: qua in parte æmulatur ipsum esse, deficienti tamen ratione. Nā in primo principio res omnes sunt secundum vnicum esse eminens ac præexcellens quibuscumque naturis ac cuius rerum modo. At in intellectu res omnes sunt, secundum determinatam tamen rationem & definitum modum, id est secundum esse intelligibile: ea namque est natura intellectus ipsius. Quamobrem licet coniunctus sit cum primo esse, utpote cui proximus existat; nihilominus primum esse in intellectu est secundum modum intelligibilem; non quòd per speciem quampiam ab intellectu intelligatur, sed per essentiam suam intelligitur; quæ perfectio atque actus quidam est primi intellectus: in eo tamen habet modum quandam vi-



delicet intelligibilitatis, vt sic dicam, ac hoc pacto degenerat ab esse quo est in se ipso. idcirco intellectus, quamuis diuinitatis sit particeps, quoniam est vndique plenus Deo; attamen longè excellentiori modo, immo in immensum excelsiori, est Deus in se ipso, quàm sit in intellectu, in quo iam incipit esse secundum modum intelligibilem. ac propterea à primo esse res omnes primò in intellectum effluerunt, secundum esse intelligibile; quod est longè perfectius quàm esse id quo res in sui natura subsistunt; vtpote quod proximum sit esse sui, quo sunt in primo rerum omnium principio. Primus ergo intellectus ipse quoque est omnia, sicuti primum ens; sed modo vt declarauimus deficienti: ac quemadmodum intellectus deficit ab ipso esse, quoniam in naturam certam degenerat; ita etiam deficit ab ipso vno ac degenerat in multitudinem: nam in eo primum incipit apparere multitudo quoniam rerum species in eo multæ sunt: atque has Plato, vt arbitror, ideas fecit: ac propterea in hoc intellectu posuit causam exemplarè vniuersi sensibilis, quod asseruit animatum esse, vt ex Timæo liquido quiuisset intueri potest: qua de causa is intellectus à Platonicijs appellari solet mundus intelligibilis, tanquam in quo res vniuersæ sint secundum esse intelligibile. nominatur etiam à nonnullis vnum multa; vtpote quod in se vnum sit ac designat in multitudinem rerum intelligibilium: ita tamen vt vnitas superet multitudinem, ac multitudo in eo colligatur in vnum, tanquam in verticem. ac proinde is intellectus totum quoddam est, ac primum totum, quod tamen sit ante partes neque dependeat à partibus, aut ab eis cõstituatur, vt tota hæc materialia in quibus versamur: quam rem annotauimus supra, cum de vno verba faceremus. Dixerunt ergo intellectum vnum multa, animam verò quæ inferiore sortita est, gradum, perhibent esse vnum & multa, tanquam vtriusque naturæ participem, ac magis propinquam multitudinè quàm intellectus sit: an verò hæc mens suprema intelligat singularia sensibilia: & si intelligit, an præsentia tantum intelligat, an etiam futura omnia, putato ex vi mentis humanæ nobis incomptum esse. ideo quamuis de hac re maximè sint inter philosophos altercationes; nos cõtenti humanis limitibus omnes eas omitemus, ac perspicacioribus hominibus hanc operam concedemus. Post intellectum sunt animæ corporum cœlestium, de quibus proximo volumine à nobis dicetur.





## LIBER SEXTVS.

- B** Donec primæ philosophiæ auditor is iure existimari debet, qui naturali scientiæ non tantum operam dederit, verum etiam in ea excelluerit: innata namque nobis via doctrinæ est à notioribus nobis. Huiusmodi autem sunt sensibilia entia: omnis enim nostra cognitio ortum habet à sensu. Repetamus ergo à Physicis, indeque id quod superest ordiamur. Omne quod mouetur, ab alio mouetur: ita quod motor alius est à re mobili, præterea ea, quæ moueri videntur, quædam ab alio extrinseco videlicet motore mouentur, nonnulla ex se. huiusmodi autem sunt animata. Cum ergo in illis, quæ ab extrinseco mouentur, non possit res in infinitum protrahi, tandem ad motum ex se perducetur: mota verò ex se, generabilia & corruptioni obnoxia utique neque consistere possent neque eorum generatio infinito tempore perdurare, nisi à moto ex se æterno continerentur, cuius fomente semper egēt. id quod suprascriptius sumpsimus. Hoc verò motum ex se æternum sensu comprehendimus esse corpus cœleste, quod ex motu circulari sempiterno convincimus componi ex duabus naturis, quarum altera est forma, altera materia: forma verò anima est immaterialis, indiuisibilis atque immobilis; quæ post intellectum, de quo iam tractatum est, proximum primo enti locum tenet inter entia, ac in ea maior quædam species, multitudinis iam sese nobis offerre incipit. Nam cum forma omnis actus sit materiæ quædam congruentia seu conformitas formæ cum materia sit oportet. Quamobrem cum diuisibilis sit & extensa, non dico oportere formam esse diuisibilem, atque
- D** extensam: hoc etenim non nisi formæ materiali conuenit, quæ in esse à materia dependet: sed necesse est, ut natura formæ quamuis immaterialis sit, nonnullam referat diuisibilitatem; id est ut quodammodo affinis sit extensioni diuisionive: idcirco descendendo à primo principio, quod vnum omnino est ad intellectum in quo est vnitas contracta ad naturam intelligibilem, ac propterea etiam ad quandam multitudinem, ab eo deinceps descendimus ad animam, in qua maior est multitudinis species, propter affinitatem ad corpora. Cum ergo nobis constiterit esse cœlestium corporum animam, ac superficie tenus qualisnam naturæ ea sit; nunc dicendum est à nobis, an causam efficientem habeat, & quænam ea sit. Auicenna præstantissimus philosophus opinatus est, quoniam ab vno non est nisi vnum, à primo principio

entium esse tantum primum intellectum, tanquam à causa effectrice : à primo deinde intellectu , in quo est quædam compositio ex actu & potentia, seu ex perfecto & imperfecto : in quantum intelligit primum principium emanare atque effluere secundum intellectum : in quantum verò intelligit eam, quam obtinet, perfectionem, effluere animam primi cœli : ac quatenus intelligit imperfectionem adiunctam sibi, effluere substantiam primi orbis, sicque deinceps à secundo intellectu emanare tertiam mentem, ac animam secundi orbis orbemque suum, item à tertio quartum, quousque deuentum sit ad mentem præsidentem hisce inferioribus generationi corruptionique obnoxiiis; à qua perhibet tum omnes formas esse generabilium rerum, tum etiam intelligibiles species . Hanc Avicennæ positionem diuus Thomas excellentissimus vir ac nunquam satis laudatus satis efficaci ratione reprehendit : inquit enim , si generatio vniuersi ita constaret & hoc pacto procederet, vtique ordo vniuersi esset à casu, non autem ab aliquo per se intentus: verum oportet fateri accidisse vniuersum ita constitutum esse ex diuersis multorum agentium intentionibus; quæ tamen à nullo excitata sint, aut mota ad hunc ordinem conficiendum . ac propterea inquit Thomas omnem factionem cuiusque rei , quæ non sit per transmutationem motumve aliquem: sed per simplicem emanationem totius eius quod sit quodque per se existat, esse à primo principio, nõ autè ab aliqua causa secunda, argumetõque nititur satis valido : nam sicuti agens per artẽ præsupponit in sui factione re à natura constitutã ac natura cõstantẽ quoniã is agēs posterior est agēte naturali; ira quælibet secunda causa præsupponit in effectu, quem agit, aliquid iam inchoatum à prima causa, quod ipsa perficiat : At in emanatione totius entis per se existentis nihil supponitur, si quid enim supponeretur, iam non totum emanaret ab ea causa: non ergo à secunda causa quapiam hæc emanatio esse potest. Neque etiam confugere ad illud possumus, effectum cum scilicet esse à causa secunda, veluti ab instrumẽto primæ: nam causa omnis, quæ vicem instrumenti habet, licet ex se non attingat productionem effectus, cuius factionis dicitur instrumentum esse, tamẽ actione quadam, quæ ipsius formæ naturæve conuenit, à superiori agente directã ad effectus sui productionem peruenit; cuius effectiõnis instrumentum nominatur: sic serra, quæ organum est fabri lignarij ad factionem scamni seu lectuli, quamvis vi propria nõ attingat ad inductionem effectiõnemve formæ scamni illius seu lectuli, attamen secando ac incidendo, quæ actiones formæ serræ conueniunt, à fabro artifice directã pertingit ad efficiendam formam scamni, quæ proculdubio emanat à mente artificis . eadem ratione calor naturalis animalis calefaciendo, quod suæ vis est, carnem procreat ossaque, ac membra denique; quorum forma est ab anima . Ex inductione hac colligitur necesse esse causam instrumentariam quamcunque actione suæ naturæ propria, directã tamen à causa superiori, pertingere productionem effectus sui. sed in emanatione totius entis per se existentis, cum nullum subiectum sit eius effectiõnis, nulla etiam actione ne fingi quidem, nedum esse potest cuiuspiam

- A** iuspiam instrumentariæ causæ, qua pertingat ad effectiõnem totius entis per se existentis, quæ est à prima causa rerum omnium: vt nulli vnquam pro dubio fuit. Idcirco emanatio entium omnium per se existentium non est ab vlla causa secunda, sed tantum à primo principio entium, à quo etiam sunt animæ corporum cœlestium: ideoque Plato in Timæo posuit vniuersum totum esse à primo principio ranquam à causa efficiente, quam etiam patrem omnium appellat: inquitque patrem hunc supremum animam ex essentia diuisibili indiuisibilique constasse. Verum quoniam superiora quoque pro suæ naturæ captu efficiendis inferioribus operam suam præstant, vt summi boni bonitatem æmulentur, idcirco posuit intellectum seu mundum intelligibilem esse causam exemplarem vniuersi. Itaque statuit primū rerum omnium autorem, iuxta illud exemplar, mundum perfectum effecisse. Erit ergo, iuxta sententiam Platonis, intellectus rerum causa non efficiens, à qua sint entia in prima rerum emanatione, qua in suo quæque esse subsistunt, sed causa exemplaris, per quam primum animo, deinde totum vniuersum effecta sint: necnon etiam illud Platonem mouit, quod suprà tetigimus, quoniam exemplar habet rationem intelligibilis; ideo in eo, quod superat omnem naturam cum sensibilem tum intelligibilem nos non possemus satis percipere rationem exemplaris: qua de re non in prima causa sed in prima natura, intelligibili inquam, hoc genus causæ Plato constituit. Ex qua positione ratio Auicennæ facile solui potest. Nam ab vno, id est à primo principio immediatè non est nisi vnum, intellectus videlicet ac mundus intelligibilis. Verum post intelligibilem hunc mundum, quem dicimus primum rerum principium non vt vnum sed vt multa, iuxta multitudinē, quæ est in exemplari, multa constituit, ac in vnū vniuersum cōflauit. Nō tamen propterea censuerim ego Platonē arbitratum fuisse Deum supremum indigentem fuisse, vt scilicet exemplari alio à se indiguerit in rerum productione, cum in eo supereminenter sit exemplar cuiuscumque exemplaris, & in quo vno est multitudo omnis eminenter: immo etiā quodammodo abyssus ille nō entis, sicuti priuatio est in habitu: sed ea ratione arbitror causam eam exemplarem in secundo ente posuisse; quoniam primum principium à nobis capi non potest, cum superet intellectum. Exemplaris verò ratio ac definitio in hoc est vt intelligibile sit: quare ratio Auicennæ alio quoque modo commodè solui potest, quod scilicet ab vno in quantum vnum non est nisi vnum: sed ab vno in quo eminenter est omnis multitudo & in quo natura non distinguitur ab intellectu & voluntate; ac propterea per intellectum ac voluntatem agit quemadmodum per naturam vt supra diximus, nullum inconueniens est si multitudo effluat, in vnum tamen ordinem redacta. Hæc de causa effectrice animarum cœlestiū. nunc melius diligentiusque inuestigemus, qualesnam sint & cuiusmodi sit earū operatio. Animos cœlorum esse abstractos à materia, iam superius constitit. Quoniam verò forma abstracta est intellectus ac intelligibilis, vt ex iis, quæ de anima dicta sunt in phisicis planè constat: Animæ ergo corporum cœlestium sunt actū
- B**
- C**
- D**

intellectus & intellectus: ac cum vnumquodque ideo intelligatur, quoniam forma eius coniuncta est cum intellectu, ac vnum cum eo effecta, sibi ipsi autem actu coniuncta, idemque sunt animae corporum celestium; idcirco seipsas per suam essentiam intelligunt. Reliqua verò, quae item à materia abstracta sunt, ut intellectus ac superiores animas, ea ratione intelligunt inferiores, quoniam superiorum formas, ut perfectiones quasdam sui in seipsis recipiunt. Quamobrem superiores quoque intelligunt per essentiam superiorum, qua formantur: nam superiores formae cum sint actu intellectus & perfectiores inferioribus, nimirum formare inferiores possunt, ac eo pacto per suas ipsarum essentias ab eis intelligi. E contra verò minimè commeat ratio, ut scilicet superiores intelligant inferiores, eò quòd earum essentia informentur: nam forma semper, ac in quacunque re perfectio quaedam est rei formatae: sic etiam animae corporum celestium non intelligunt inferiora haec entia corruptibilia, eò quòd ab ipsis recipiant impressionem ullà, quoniam semper agens est nobilius patiente, ac principium materiae, formaeque subiecto. Nec tamen dicendum propterea est quòd haec inferiora ignoret quorū sunt causae ac moderatrices cōsilio quodā ac intellectu, immo perfectiori modo intelligunt, eoque perfectius, quò superiores atque excellentiores fuerint. Nā sicuti in supremo esse sunt omnia modo nobis ignoto; ita in intellectu omnia sunt secundū modū intelligibilem ac perfectiori modo in intellectibus perfectioribus, deterius verò in inferioribus: obiectum namque intellectus est ens. Amplius si humanus intellectus, qui est omnium infimus, quodammodo intelligit omnia, & quodammodo est omnia, multo magis asseuerandum est hoc de supremis illis intellectibus. Quamobrem superiores animae inferiores intelligunt, ac omnia etiam infima entia generationi corruptionisque obnoxia per formas ab intellectu primo in eas influentes, ac vicissim à superioribus traditas, inferioribusque excellentiori modo ac ratione magis una sunt in his quae superiores sunt: in inferioribus verò magis multae ac magis diuisae: neque enim earum capaces essent, nisi ipsis magis dearticulatae fuerint, tanquam imbecillioribus, & quae magis recedant à perfectione vnius, atque ad multitudinem accedant: sic inter homines accidere videmus, ut ea quae praestantes ingenio statim ac vno nutu admoniti percipiunt, imbecilliores ac magis tardi capere nequeant, nisi eadem eis fuerint distincta & dearticulata. non dissimili omnino ratione se habent mentes illae supremae, huius verò non aequè perceptionis ratio in promptu est, nam receptum omne est in recipiente secundum recipientis modum: quanto ergo recipiens magis accesserit, ad multitudinem, ab vnòque recesserit, tanto etiam oportet receptas species in eo magis esse multiplices inferiorisque notae. Sic ergo omnis celestium corporum anima omnia intelligit, se ipsam per sui essentiam, superiora entia per eorum essentias, quas in se ut perfectiones intelligibiles recipit: inferiora verò per species ab intellectu supremo, in eam animam emanantes; ordine tamen certo progressuque seruato, ut scilicet species ex prius proximiusque

- A** ximiúsque defluant in animas superiores, quæ intellectui propinquæ sunt magis, ac per eas deriuent in animas inferiores. Ac utrique præter hunc modum alius quoque non incommodus adferri potest, quòd uidelicet superiores animæ inferiores intelligant per sui essentiam, quæ inferiorum forma est intelligibilis: nam cum forma, & perfectio quælibet subiectam sibi materiam penetret, ut ita dixerim, superioresque mentes inferiores informant, ac in eis recipiantur (qua via fieri diximus, ut inferiores mentes superiores intelligant per superiorum essentias ipsas formantium) neutiquam absurdum esset, si superiores quæ vnum sunt cum inferioribus eas formando, per suammet essentiam inferiores intelligerent. Si enim intellectus humanus, ut Aristoteles testatur, se ipsum intelligit per formas alias intelligibiles, per quas actu sit intellectus, qui conueniens esset: si quis assereret, supposito eas formas intelligibiles esse formas, quæ per se subsisterent, atque esse actu intellectus, per se ipsas eas quoque intelligere intellectum humanum per suam ipsarum essentiam. quandoquidem intellectus humanus se intelligit per eas formas intelligibiles. Primum verò entium omnes pro captu suo attingunt, quòd se cuiusque capacitati accommodet: ac ea ratione id quod in se incomprehensibile est in prædictis intellectu esse incipit secundum modum intelligibilem: excellentius quidem in excellentioribus, deterius in inferioribus. sicque omnes eæ mentes diuinæ sunt, quoniam capaces sunt diuinitatis, ac vnum factæ cum Deo, qui in eis omnibus est.
- C** Præterea in eis summus quidam est amor, quo sese inuicem mirifice connectunt. Nam intellectum quemcumque sequitur intellectualis appetitus, qui in ratione est, & à philosophis voluntas nominatur. appetitus verò huius primus motus ac præcipuus est amor; cuius obiectum est bonum. ubi ergo excellentissimi sunt intellectus, ac summum bonum intellectum, ibi maximum oportet amorem esse: inferiores ergo mentes superiores intellectus, ut potiora bona, sibi que benefica, summum verò bonum tantum amant, quantum nec excogitari potest; superiores verò vicissim amant inferiores ex suæ bonitatis ratione ac natura, non ex indigentia, ipsisque bonitatem, ac perfectionem suam communicant, seque eis insinuant pro earum captu. hic namque perfectissimus est amoris modus, ut supra ostendimus, sitque
- D** hoc pacto mirus quidam, inexplicabilisque supernarum mentium contextus. His hæc tenus expositis, nunc illud reliquum est, ut differamus quoniam scilicet modo superiores hæc mentes causæ sunt rerum inferiorum. In eis est species boni, à quo sunt: boni verò ea est natura, ut perfectione sua imperiat ea omnia quæ capacia fuerint: non enim est boni inuidere, ac intra se bona sua continere, sed effundere ac effluere. Cum ergo in supremis hisce mentibus sit lucida forma summi boni, non offuscata tenebris non entis, nec dissimilitudinis labyrinthis inuoluta, nimirum valde cupiunt emulari pro viribus summum bonum, ac rebus aliis bonitatem suam elargiri, ad idem à summo etiam bono agunt, quod intra res omnes est, ac interius in eis operatur. Etenim omnia operantur quatenus sunt, ac ut supra ostendimus, nec momento esse possent

quæcunque sunt, nisi à primo esse continuè eorum essendi vigor emanaret, qui motus rebus intrinsicè à primo bono effluens, à Platone in Thimeo significari videtur: cùm inquit, patrem omnium ad minores Deos conuersum eis præcepisse, vt in factione inferiorum rerum, quam eis demandauerat, se imitarentur. Cupiunt ergo hæ supremæ mentes elargiri aliis perfectionem suam: verùm ad eum modum effectiōnis, quo primum agit, quòque res omnes à principio rerum omnium emanant secundum se totas, ac consistunt; attingere non queunt; idcirco conantur deteriori nota eum tamen efficentia modum æmulari, ac per motum corporum celestium formas effingunt in hac inferiori materia, quas ab intellectu acceperunt veluti quidam naturæ artifices: quamobrem in effectiōne rerum inferiores omnes concurrunt quædam perfectius, imperfectius aliæ. Intellectus supremus, à quo in animas cælorum effluunt omnes formæ, patris vicem gerit, animæ ipsæ vicem matris, ac inferiora hæc entia sunt veluti fœtus, quos in lucem edunt cœli motu & lumine medio, tanquam instrumētis quibusdam suorum fœtuum pariendorum; sic ergo per motum localem ac lumen cælorum materia hæc inferiorum formatur his formis, quas animæ ab intellectu conceperūt. Et hæc vt reor, est sententia Platonis in Timæo. hęc idē sensus quoque nobis ostendit & ratio persuadet, vt ex naturali philosophia cuique perspicuum esse liquido potest. Satis iam disputatum est de incorporeis entibus pro huiusce opusculi modo, ac prout humanæ rationis imbecillitas attingere valet, quæ suapte natura manifestissima sunt, atque in maxima luce constituta. Paulatim in entium ordine res à primo principio degenerant, sensim dilabuntur. ideo post natam animæ, quæ suo modo præ se fert diuisibilitatem quandam est natura corporis quod ab anima formatur. Hoc verò primū est corpus, id est cælum, quod & diuisibile est, licet maximè inter corpora ad vnitatem accedat: nisi enim diuisibile esset & extensum, vtique corpus nō esset, ac propterea etiā est mobile, nā omne corpus mobile est, nō enim corp⁹ vllū infinitū esse potest, attamen ingenerabile & incorruptibile est, nec diminutionem, aut augmentum vllum recipit, penitusque cuiusvis alterationis est expers; vt naturales philosophi demonstrant: quate ex generibus motuum solum localem motum admittit. est præterea simplex ac purissimum corpus: magis namque ad vnitatem accedit simplex compositio. figuram habet maximè simplicem, sphæricam inquam, quæ vna tantum superficie continetur: mouetur motu locali maximè simplici, circulari inquam. agit simplici qualitate, quæ est præditum, lumine videlicet, quod caliditatem quandam annexam habet, quæ se habet ad cæteras qualitates sensibiles vt lumen ad colores omnes. Itaque calor is cœlestis omnes alias qualitates sensibiles viriute sua fouet ac continet; licet cùm à puritate sua degenerat, confestim decadat in calorem elementarem, qui calori cœlesti magis propinquus est, atque magis attinet, quàm vlla alia qualitas simplicium corporum; sic lumen cùm à primo degenerat, in albedinem migrat. hinc est quod interdum pro

materiæ



- A** materiæ captu calor cœlestis vr̃at, arque perniciem adferat, cùm tamen sui natura vitam præstet omnibus, omniæque foueat ac conseruet. verùm cùm pro materiæ captu degenerarit, in calorem elementarem migrat, cuius ea propria munera sunt. Hunc calorem affeclam luminis cœlestis, alium à calore elementari, vel ob eam rationem censuerim ego statuendum esse. (committam nunc interim alia, præteribóque complura dicta philosophorum præstantium in hâc sententiam) quod si secus esset, vtique satis intelligi non potest quonam pacto calor elemētorum, qui intra viscera terræ, & in seminibus est conclusus, constitui posset esse lustramentum cœlestium corporū, ab eisque moueri (omnium etenim mixtorum generationes cōseruationis causa est calor naturalis, vt Aristoteles inquit in quarto Meteororū libro) nisi ab ipsis itidem tangeretur. mouens nanque proximum & motū simul sunt: quod luculenter Aristoteles testificatur in septimo physicorum volumine. Tangi autem quī potest? cùm tāto opere distent, nisi qualitate quadam, ac virtute à cœlis emanante ac omnia permeante. Lumen verò tantum diaphani est actus, opaca non penetrat, ideo affecla luminis alia est virtus omnia penetrans, ac omnia formās. Hunc nos calorem cœlestem dicimus aliū ab elemētari. Platonici dixere corpus hoc esse æthereum vehiculum animæ mundi cæterarūque animarum omnium. cæterum quoniam corpus nulum cætera corpora penetrare potest, qualitatem quādam hāc oportet, quam ponimus, vt artificem motricēque aliarum qualitatū omnium, ac vt vehiculum quoddam virtutis animæ. Hæc verò omnia quæ inesse corpori cœlesti diximus, ac perspicimus, ab anima ei proculdubio insunt. Nā materiam conuenire formæ opus est. Ast animæ cœlorum maximè sunt æternitatis capaces, nulliq; obnoxie mutationi; idcirco corpora etiā fortitæ sunt immortalia, ac immutabilia mutatione quæ pertineat ad intrinseca. Hæ præterea animæ simplicissimæ sunt, suāq; operatione spiritalē quendā circulem motū exprimūt referuntve. Circuli nanq; spirituales quidā sunt nexus illi superiorū mentiū: quia & mutuò se intelligūt, ac mutuò se ardēt nedum amāt, ideo corpora quoq; habēt simplicia, circularisq; figuræ, circulari quoque motu agitata. insuper hoc lumen, cui calor cōiunctus est, nō elemētari sed cœlestis, efflux<sup>9</sup> quidā est in cœlestia corpora ab animarū intelligibili lumine, atq; ab amore illo, quo ardēt: id enim est lumē in corpore, quod intelligētia in anima, id est calor hic omnia generās ac cōseruans, quod in anima amor. sunt ergo hæc omnia imagines quēdam corporeæ proprietatū animæ immaterialium; quod, vt puto, Boëtius vir doctissimus sentit: cùm inquit de cœli anima, mentēque profundam circuit, ac similī cōuertit imagine cœlum. Inter cœlos autem supremum obtinet locum supremāque dignitatē octaua sphaera, quæ innumeris fulgoribus est illustrata, ac motu velocissimo maximēque vniformi mouetur: diurno inquam ab oriēte in occidens. quāuis non me lateat astologos Platone & Aristotele iuniores cōmentos fuisse primò nonā, deinde decimā quoq; sphaeram, cui diurnum motum attribuerent alium item tardissimum: octauæ verò sphaeræ attribuunt monstruo-

sum quendam motum titubationis seu accessus & recessus. Verum & in his & in planetarum circulis commenta, seu potius figmenta Astrologorum à nobis omittantur, ac sequamur potiores philosophos, Aristotelem videlicet & Platonem. Hunc diurnum motum Plato in Timæo vocat motum similitudinis seu vniformitatis: & Aristoteles in secundo libro de cælo, à dextro in sinistrum permeantem motum eum esse dicit, utpote qui perfectus sit, & ad vnitatem accedat, quem motum cæteri quoque planetæ sequuntur, vel ex natura propria motoris à quo mouentur, vel quatenus motores planetarum formati à prima anima octauæ sphaeræ motrice, motum illius proprium, perfectissimum tamen omnium in suis sphaeris effingunt. Hic verò diurnus motus causa est, quod generatio corruptioque istorum inferiorum sempiterno tempore conseruetur ac perduret. Post octauam sphaeram planetæ sunt, orbésque eis accommodati, in quibus quoniam ad multitudinem atque ad dissimilitudinem magis accedunt præter motum diurnum, qui est similitudinis, alius quoque inest motus, qui dissimilitudinis à Platone appellatur, & ab Aristotele perhibetur esse veluti à sinistro in dextrum: dextrum nanque, à quo est motus ille, sinistrum est vniuersi: deficit ergo ab eo quòd est secundum naturam in vniuerso, cùm præposterè procedat hic verò planetarum motus obliquus sub zodiaco, causa est ut generatio ac corruptio euariet: quòd verò generatio inferiorum quamuis varians, semper eundem tenorem seruet, à motu diurno est. Inter planetas verò nobiliores sunt, si antiquis philosophis assentiamur, illi qui sunt superiores elatiorésque: inferiores autem ac depressiores econtra imperfectiores. cuius rationem adferunt, quoniam continens est nobilius contento: contentumque ad continens se habet tanquam matetia ad formam, & perfectibile ad perfectionem. verumtamen si ab effectu ad causam intelligendam nobis est via, difficile mihi persuaderi potest planetas cæteros superiores esse præstantiores sole, quem potissimum inspicimus causam esse harum inferiorum rerum, ab eòque variari anni tempora, cæteraque, quæ hic inferius aguntur. Cæteri verò planetæ vel nihil vel insensibile quodpià videtur adferre. Præterea si lux est qualitas, qua cælum agit, ac defluxus quidam à lumine intelligibili in ipsum corpus cæleste, id corpus, in quo præstantior lux est, excellentius existimari debet cæteris quæ non adeò luce decora sunt neque adeò luce pollent. At solis lux quantum lucem aliorum planetarum precellat, omnibus præterquam cæcis compertum est. Præcipuus ergo sol erit meo iudicio, cui sententiæ etiam astrologi ad stipulari videntur; qui inquiunt planetas cæteros dirigi ac temperari à sole ac quasi cooperarios solis esse: qua de causa Venerem Mercuriumque non recedere à sole nisi parum, siue antecesserint siue ponè fuerint. Lunam verò agere prout à sole illustratur: trium præterea superiorum motum planetarum rationem habere ad motum solis. Antiquorum verò philosophorum argumentum nō difficile est soluere: nā recipimus cōtinens perfectius esse cōtento, si cætera paria fuerint: at si cætera præualeant præponderantque

- A rântque , non semper continens absolute perfectius censendum est esse contento, sicuti in animali cor non est imperfectius membrum aliis à quibus continetur. At in sole cætera longè præualêt, vt cuius exploratissimum est. Sol ergo præstantissimus est ac perfectissimus planetarum omnium, luna imperfectissima, quæ à sole lumen mutuatur, ac veluti terra cœlestis est, vt inquit Alexander Aphrodiseus. Reliquorum planetarum stellarumve numeros ac gradus perfectè dignoscere supra humanum caput est. Nam qui perfectè cognoscit aliqua, etiam differentias & gradus eorum sigillatim dignoscit. Nos verò imperfectè cognoscimus superiora, ac à nobis remotissima entia: quamobrem etiam communia quædam, generaliâve non nulla ipsorum cognoscimus, non tamen valemus minuta quæque attingere. Hactenus ergo de corporibus cœlestibus dixisse sufficiat, nunc accedendū nobis est ad entia generationi ac corruptioni obnoxia, in quibus iâ magna turbatio est, plurimûsque tumultus, quoniâ ab vnitæte atque ab esse maximè recedunt, ac ad multitudinem & non esse accedunt quam proximè, multamque eorum partem habent. Hic verò tum entia vicissim contraria, tum contingentia, ac fortuna casûsque appatent, seseque nobis offerunt quæ omnino à superioribus sunt aliena: nam & in supremis mentibus, & in cœlis nihil est contingens, nullâ ibi contrarietas, sed summus omnium consensus, nihil fortuitû, verum omnia summa ac certa ratione procedunt. Etenim propinqua sunt ea primo entiu, cuius similitudinem referunt; longissimè verò distant ab infinitate & contractione non entis; de quo supra est facta à nobis mentio. e contra in hisce que sunt infra cœlum, contingentia est: nam propter contumaciam ac inequabilitatem, vt ita dicam, materiæ, quæ non enti propinquissima est, vt dicetur infra, effectus non omnino respondet impressioni ac efficienti agentis, quamobrem quamvis cœlorum influxus & impressio ad bonum & ad perfectum sit; tamen quoniam materia ob imperfectionem contumax, diuersa atque inæqualis est, effectus minimè respondet impressioni agentis, inde contingentia est. Amplius quoniam præter materiam, in qua effectus recipitur: concurrunt etiam particularia agenda præter cœlum, quæ materialia sunt, & propterea eorum concursus inter se certam causam non habet, ideo multa contingunt, neque necessario omnia conueniunt. Ratio igitur contingentia in inferioribus est ex imperfectione seu a non ente, cui infima hæc entia propinquiora sunt, quam superiora, eadem de causâ vicissim quoque contraria sunt inferiora hæc quæ infra cœlū esse cōspicimus: nam ex contractione entis incipit primo diuersitas, deinde contrarietas, vt superius docuimus. Quoniâ ergo in hisce inferioribus ens & bonum valde cōtracta coarctatâq; sunt, idcirco alterum alteri incipiunt non tantum diuersa esse, verum etiam vicissim contraria; ac ea, quæ in vno ac in bono vniuersali cōueniebant, iam inuicem pugnant, quoniam alterius priuatio alteri cōiuncta est. hinc corruptiones sunt ac mutæ generationes. ob eandem causam plurima fortuitò, atque casu eueniunt, quæ nullam habeant causam per se, sed temere fiant, ad

causasque infinitas ac indeterminatas, quæ sunt per accidens causæ, redu- E  
 ducuntur. Nam ex infinitate & diuersitate non entis, quæ summopere vi-  
 get in hoc mundo inferiori multa præter intentionem agentium particula-  
 rium, & præter intentionem cælestium corporum nonnulla sunt: nam  
 cum id quod est per accidens non sit vnum nisi secundum quid, ab agen-  
 te naturali, quod vnum intendit, non potest effectus per accidens intentus  
 esse: ludit ergo in rebus hisce fortuna ac temeritas ex indeterminatione &  
 inequalitate non entis: non tamen propterea diffidendum est à superiori-  
 bus causis præsertim à prima omnium causâ etiam effectus fortuitos conti-  
 neri, à qua abyssus quoque non entis continetur, eique perspicua  
 est. Quamobrem ea, quæ inordinata sunt suapte natura atque F  
 inæqualia; tandem à summo bono, cuius limites transgredi  
 nequeunt, in vnum concentum atque in vnum bonum  
 pulchritudinemque vniuersi nectuntur, vt hisce,  
 quæ non ad partem aliquam, sed totum ordi-  
 nem vniuersi perspicere queunt, com-  
 pertissimum est: cuius partes reli-  
 quas paucis infra percurremus



LIBER



## LIBER SEPTIMVS.

**N** VILA in rebus hisce, quæ infra lunam agitantur, substantia simplex est, sed omnis ex duabus partibus constat; quarum alteram dicimus formam, alteram vero materiam: forma æctus, perfectio, ac propria vniuscuiusque rei natura est; per quã substantia cõstituitur, ac per se existit, vnde etiã æctus substantialis appellari cõsuevit. Materia est veluti inchoatio quædam substantiæ per se existentis, de qua tractabitur infra; posteaquam tractatũ de substantiis completis, ac per se existentibus finem imposuerimus. Duplici vero de causã substantia quæcunque inferior lunæ orbe composita est, ac nulla simplex existit; primo quidem quoniam propinqua non enti cũ sit, tendit etiã suapte natura ad non esse: in nihilũ vero substantiam quampiam redigi, atque funditus interire bonitas primi principij, à quo omnia sunt, non permittit. Idcirco hisce substantiis cõstitutum est fundamentum, in quo omnia hæc inferiora inchoationem quandam habent, atque cũ his interitus contingit, in id resoluuntur, nullumque redigitur ad nihilũ; quamuis intereat, neque ex omni parte perit. Altera etiã ratio est, cur constant ex materia omnia ea, quæ sunt infra lunam. Nam cũ ista omnia non immediatè, statimque fiant à primo principio, sed à corporibus cœlestibus, eorũque mentibus medio motu; necesse fuit, aliquod subiectum præexistere, in quo superiorum corporum agentium impressio, ac motus reciperetur. Constant ideo omnes hæc substantiæ ex forma & materia: ac propterea cũ natura essentiãq; vniuscuiusque rei sit æctus, & forma, natura nulla in his inferioribus per se est; sed vnaquæque contracta est ad indiuiduas, singulãrẽsque substantias; quæ tum certo loco, tum definito tempore continentur: omnesque eiusdem sunt generis; quoniam in eadem materia cõueniunt, à qua genus sumitur, vicissimque omnes mutantur tandem in omnes, ac sic interitus alterius alter instauratur omnisq; hic demum tumultus generationis, corruptionis, alterationis ab optimo opifice, in vniuersi pulcherimum ordinem temperatur. Paulatim verò ac sensim natura à superiori genere ad inferius descendit, ac media quædam semper statuit, quæ vtriusque quodammodo partem habet. ideo, inter substantias inferiores homo supremum locum obtinet, qui suprema sui parte etiã cœlestes mentes quadam ratione attingit. huic omnia inferiora deseruiunt, ac vt ita

dicam, obtemperant. Eius forma, intellectus inquam, immaterialis est ac immortalis, ut opusculis duobus quibus respondimus excellentissimo huius ætatis philosopho Petro Pomponatio præceptorî nostro, ostendimus. Sed quoniam humanus intellectus supremi illius luminis statim capax non est ob imbecillitatē intelligibilis luminis, quod natura sortitus est, nisi prius, veluti solent cæcutientes oculi in rerum sensibilibus opacitate fuerit exercitatus. idcirco corpori, in quo vires sensitiuæ præexcellentes & edificatæ essent, coniunctus fuit, à quibus cognitionem sensibilem rerum nansciceretur, per quam ascenderet ad capiendas immateriales abstractasque formas. sic ergo intellectus humanus imitatur ipsum bonum; in quo sunt omnia, sed eminenti modo ac supra cognoscibilitatem. intellectus autem & mentes bono proxima, sunt & ipsæ omnia, verum secundum determinatam naturam, & secundum quandam multitudinem, ut superius exposuimus, id est secundum naturam intelligibilem corpus cœleste, quia habet esse ab anima, in qua sunt omnium formæ, & quoniam in ipso est lux, calorque ille non elementaris, sed æthereus, in quo virtute sunt formæ omnium inferiorum, ipsum quoque quodammodo est omnia; intellectus verò humanus est, & ipse omnia, non actu sed potentia, quia scilicet capax est omnium. Ob excellentiam ac perfectionem hoc habent quædam formæ, ut non tantum sint id, quod sunt, secundum esse naturale; verumetiam ut possint aliarum naturam & formam induere, ea ratione quod capaces formarum cæterorum entium secundum esse spirituale. Intellectus igitur humanus inter hæc formas, quæ actu non sunt id tantum quod sunt secundum esse naturale sunt, sed potentiam habent, ut fiant etiā alia secundum esse spirituale, primum præcipuumque locum obtinet, quia omnia fieri potest. Post intellectum est anima sensibilis, quæ etiam non contenta finibus essendi, quod à natura sortita est, in alia se trāsformat: verum non in omnia, sed sensibilem tantum formarum, atque accidentalium capax est, multasque differentias, ac species huius animæ comperias; quarum quædam perfectiores existunt, ac quadam ratione ad hominem accedunt, quædam imperfectiores; adeoque imperfectæ alia, ut plantis quam proxima sint. quemadmodum ex historiis animalium cui libet potest exploratum esse. Animæ subiectum, corpus est; quod quantum fieri potest, temperiem æqualitatēque cœlestis corporis imitatur. idcirco elementa ad maximam æqualitatem in eo constituendo sunt mixta; ac præterea in eo calorem esse oportet, qui adeo sit temperatus, ut caloris illius, seu teporis cœlestis aptissimum subiectum esse queat; à quo perpetuò in membra terrestria, ac crassiora dispositio quædam huiusce cœlestis qualitatís quodam modo permanet & influat; quæ maximè propinqua est animæ naturæ, ac quæ item nisi perpetuò foveatur à calore illo, confestim evanescit, animæque aptum subiectum corpus illud amplius minimè esse potest. ut ergo corpus, quod est subiectum animæ, sit maximè vnum, id est, capax vnus illius cœlestis qualitatís, propterea etiam maximè mixtum est. Post animalia in hac vniuersi scena sunt plantæ, in quibus vestigium quoddam animæ

- A** nimæ est, augmenti inquam ac nutritionis motus. Mouere namque corpus in quo est secundum circulařem motum, proprium est animæ quæ circulos illos intelligibiles potissimum imitatur. Hoc verò præcipuè adsequitur corporum cœlestium anima; animalia cætera ipsa quoque suo tamen modo circulari motu mouentur, quoniam non versus vnā tantū partem, vt inanimata corpora grauiā inquam & leuiā moueantur, verū ad omnem loci differentiam vt dextrořum & sinistrořum, sursum deorsum, anteriū & retro; plantę autem non queunt locali motu ex se moueri, sed motu augmēti ac nutritionis in omnem loci differentiam sese explicāt, superius inquam & inferius, & vndique in latus. Plantarum anima est tantū id quod est secundum esse naturale; neque est capax aliarum formarum secundum spirituale esse; corpus verò crassius habent quam animalia in quo plurimum sit terrenę fecis, calorem tamen etiā ipsę obtinent, qui instrumentum est animæ cuiusque. in plantis magna est latitudo ac diuersitas; adeo vt quędam videantur accedere proximē ad naturā animalium. nonnullę autem sunt in quibus ambigas an sint radices an metalla. Post plantas inferiorem adhuc in entibus locum tenēt mixta inanimata, vt metallorum genere, in quibus quidam putauerunt nullā aliā esse formā nisi complexionem tantū ex mixtione elementorū confectā. Ego tamen verius esse existimaui in metallis, præter qualitatem illā secundā, complexionem etiā videlicet, quę resultat ex mixtione qualitatum primarum, esse etiā substantialem formā conflata quodāmodo ex formis elementorum: diuersę namque operationes metallorum disparēsque vires ostendunt formā etiam, ac naturā eorū diuersā esse; parum tamen in eis forma elucet, elementa verò mixta sunt in eorū quibusdā secunda ac tertia mixtione: in nonnullis verò prima quasi mixtione: nam argentum viuū statim videtur ex aqua & terra compactis & comixtis tepore cœlesti conflatum esse in quo parum sit tum aëris tum ignis. Sulphur autem quędam terrę species censetur esse, duo autem hæc videntur postmodum materia esse, ex quibus constant cætera metalla: quamuis sulphur, vt perhibent Physici, gerat vicem patris atque agentis, argentum viuū verò sit tāquam materia ac mater. hæc in nonnullis metallis, vt in auro maxima ac perfectissima mixtione conflata in vnum sunt: etenim in eo metallo preciosissimo omnium sic partes terrę continent aqueas, & aquę perfundunt terreas, vt nulla vi ignis tum aquę euanescere seu in vaporem diffundi nequeant, tum terrę ab aqueis destituta à te fieri. in aliis metallis mixtura est solutior. Eandē formę rationem comperias in lapidibus & lapillis, quamuis eorū principia non sint argentum viuū ac sulphur; magis namque terreā naturā præ se ferunt: cōtra metalla aqueā. Infra huiusmodi mixta inanimata, quę tamē perfectā mixtione sunt mixta, ea inquam quę vnum medium ex mixtis elementis tandem referat sunt imperfecta quędam mixta, in quibus præter complexionem quādam nulla est natura seu forma alia præterquam elementorum, grandines huiusmodi sunt pluuię venti ac fulmina. Tandem
- B**
- C**
- D**



in substantiis prestremum ac infimum gradum tenent elementa, in quibus ignis perfectissimus est adeo, ut ipse se habeat ad alia elementa, sicuti agens ad materiam, in eoque plurimum formæ, & minimum materiæ appareat; terra maximè omnium crassa est ac seculenta, & quæ maximè videatur mixtorum omnium materia. Aër ad modum ignis accedit. Aqua verò terræ proxima est, his simplicibus corporibus locus quoque à natura tributus est, prout perfectio naturæ cuiusque eorum exigebat; infimum locum terra obtinuit, supremum ignis. Terra verò maximè commoda visa est, in qua omnia mixta tam animata quam inanimata essent ac generarentur, tum ob eam causam quòd in omnibus mixtis terræ plus est quàm aliorum elementorum; tum quoniam radij stellarum ex omni parte còveniunt in centrum, in quo vniuntur, ac propterea efficaciores sunt ad agendum. Plura tradere de harum rerum natura est physices disciplinæ non autem diuinæ scientiæ, quæ de entibus omnibus ea duntaxat ratione tractat, quatenus entia sunt, id est secundum habitudinem quam habent ad primum ens & secundum gradum quem sortita sunt in entibus. Postquam disseruimus de substantiis cuiusque modi ac generis, restat ut pauca quædam dicamus de entibus illis, quæ non per se sunt, ac propterea substantiæ dici nequeunt. huiusmodi sunt accidentia ac materia prima. Cæterùm quoniam materia potentia est, accidentia actus, licet non simpliciter, sed secundum quid sint actus, de accidentibus pauca prius, posterius de materia ea perstringemus, quæ huiusce negotij fuerint. Accidens neque est, neque dicitur ens: quoniam ipsum sit, sed quoniam alicuius entis est: quamobrem egregiè dicit Aristoteles in septimo primæ philosophiæ, melius, ac verius dici album, seu magnum esse quam albedinem esse, aut magnitudinem: incompletum namque ens accidens est, & idcirco per se esse non potest, nec etiam per se perfectè intelligi quit, sed in eius ratione necesse est subiectum apparere: accidentium verò nonnulla magis attinent ad formam, nonnulla magis ad materiam. affinis materiæ est quantitas, qualitas verò formæ; ideoque instrumenta quædam actionis sunt qualitates, quantitas autem actiui principium minimè est, quoniam formæ est agere, materiæ verò pati. hac etiam de causa quantitas ex sui natura indeterminata est, habet autem terminum à forma; atque ut infra docebimus, materia per quantitatem sit apta ad recipiendum impressionem agentis; qualitas verò ad formam pertinet: qua de re est, ut modò dixi, principium actiui, formæ namque est agere. Infima qualitatis species est ea, quæ longè ab est à principio agendi, ac maximè accedit ad quantitatem: huiusmodi est forma ac figura, quam solent philosophi appellare quantitatem circa quantitatem; licet enim in motu locali figura reddat subiectum in quo est, magis minúsve aptum ad motum: non tamen propterea est principium actiui localis motus, quod in quarto libro de cœlo pulcherrimè Aristoteles ostendit. Est præter hanc qualitatis speciem naturalis potentia, quæ agendi seu patiendi principium est, passionem, nunc eam dico quæ ad perfectionem pertineat, nam potentia ad perpetiendum id quod corruptionem

- A** nem adferat, impotentia naturalis non potentia cēfenda est. habitus verò seu dispositio est potentia naturalis, perfectio autem impotentia naturalis accidens, si prauus fuerit habitus ac potentia naturalis deprauatio; passibiles autem qualitates non tantum actionis, sed etiam alterationis principium sunt; quæ peculiari quadam ratione solet actio nominari, ac secundum eam passio propria est. Verum de his magis est physice disciplinæ tractare, quàm prima philosophiæ. Reliqua accidentium genera ab hisce re nequaquam distincta sunt, sed ratione ac modo nostro intelligendi: eadem namque res, quæ est albedo est item similitudo prout est alteri albedini, vna cum specie tum gradu; item eadem dissimilitudo est prout à nigredine diuersa est; eadem quoque quatenus sit atque est ab agente actio est; ac prout recipitur in quopiam patiente, passionis rationem habet; sic, vbi nihil aliud est quam superficies, prout locarum continet ac denominat. sic tempus est, quando, vt ea quæ in tempore sunt, ambit ac denominat. de situ atque habitu eadem ferme est ratio. hisce autem generibus omnibus imperfectio annexa est, corruptibilibus verò insuper priuatio. Quamobrem tria quoque horum accidentium principia esse ab Aristotele dicuntur, subiectum scilicet in quo existunt ac fiunt, forma quæ sunt, ac priuatio semper formæ annexa. materia prima reliqua est, quæ vltimum in entibus locum sortita est, ac iuxta non ens collocata, adeò vt multi in quibus Platonici eam non ens esse dixerint, vt superius à nobis expositum est. Hæc nullum habet entitatis & substantiæ modum, nisi potentia. Est namque potentia substantiæ, ac si dixeris inchoatio quædā substantiæ, hoc tamen quod est in potentia actu obtinet; sicuti enim non est aliqua multitudo, quæ omnino careat vnitatem, neque contingens vllum, in quo non sit necessitas aliqua, ita nulla potentia nedum esse, sed neque intelligi potest; quæ omnem rationem actus excludat. est ergo materia actu in potentia, hanc nonnulli pronunciauere eandem esse quantitati, ita vt materia nihil aliud sit quàm quātitas sensibilibus qualitatibus priuata. eiusmodi antiqui posuere esse vacuum. Cæterum aliter mihi videtur sentiendum esse: nam quantitas est per se sensibilis, materia verò quoniam pars substantiæ est, non potest esse per se sensibilis. Amplius quoniam potentia distinguitur per actus ac perfectiones proprias, actus verò materiæ est forma substantialis, figura verò siue terminus est actus quantitatis. Efficitur ex his materiam non esse quantitatem. idem etiam videtur sentire Aristoteles, qui in septimo Metaphysices inquit, materiam primam non esse, neque quid, neque quale, neque quantum, sed omnia hæc in potentia. Ex his tamen ambigere quispiam possit, si materia non sit quantitas, ac omne quod in certo loco constituitur, sit quantum: neque enim indiuisibili loco aliquo constitui potest, quod non sit quantum, in indiuisibili verò situ id quod est puncti instar habet. Punctum autem omne terminus est quantitatis continuæ. Ecce ergo effectum materiam primam si non sit quantitas per se non esse in certo loco; omne verò huiusmodi videtur abstractum esse, atque existere supra locum & tempus. Effecimus ergo materiam primam secundum sui
- B**
- C**
- D**

naturam abstractam à materia. soluenda est adducta quaestio, ac dicendum materiam primam secundum naturam suam non esse in certo loco, hoc namque habet à quantitate, ut ratio ostendit; neque tamen propterea concedimus materiam esse supra locum, ut abstracta esse queat, sed dicimus materiam suapte natura esse infra locum & tempus, utpote quae sit propè non ens; quod superius ostendimus eiusmodi esse, ut infra locum & tempus sit. Primoque materia eleuatur à quantitate, per quam certum locum adipiscitur, in quo constituta impressionem ab agente recipere potest. Non enim agens ad eam demitti valeret, nisi prius erecta esset à quantitate ad certum locum. Haecenus de materia ne fines huius scientiae egredi videamur. Itaque perfectus est vniuersus, ac totius entis ordo; in quo nihil relictum videri potest à primo entium usque ad extremam non entis abyssum. Verum quoniam omnis substantia secundum id quod est, emanat à primo ente, ac versus non ens redit; nimirum necesse est si vnumquodque pro suo capto perfectum futurum sit, ut etiam unicuique à natura inditae sint vires, quibus rursus conuertatur ad ens à quo est. Hac namque ratione efficitur circulus solidus atque perfectus. Nam processus cuiusque rei ab ente est, veluti linea quaedam recta, quae imperfecta existit sui natura; ideoque si perfecta futura sit, necesse est, ut in circulum flectatur. Vnumquodque igitur vires quasdam proprias habet, quibus operationem pro sui natura promit, qua maxime Deum æmulatur atque attingit. Nonnullae verò perfectius hoc adsequuntur, ac interiorem quendam circulum peragunt valde propinquum entis centro immobili: quaedam verò exteriorem, ac longius à centro distantem circulum. Imperfectissima verò reflexam quendam lineam æmulantur quae ad perfectionem circuli minime peruenit. ac ideo sententia Dionysij in libro de coelesti Hierarchia non temere à philosopho est reiicienda, ubi inquit in natura coelestium mentium esse substantiam, virtutem & operationem. Nam cum substantia à primo ente procedat, non videtur commode reflexio fieri posse nisi in substantia sit virtus, per quam promatur operatio; operatione autem, quae est postremus actus, attingat vnumquodque entium primum omnium principium à quo est, prout est vniuscuiusque eorum captus, inferiora verò entia ob imperfectionem multam adiunctam eorum naturae, saepenumero deficiunt ab operatione ac functione ea, quae alioqui sibi natura deberetur, constant enim ex materia, ac propterea degenerant ad superiora in quibus plus est unitatis: è contra multitudinis, diuersitatis atque imperfectionis minus: nequaquam deficiunt ab operatione ea quae conueniat eorum naturae. Satis haecenus disseruimus de entibus quae natura constât quatenus entia sunt: reliquum est ut pauca quaedam perstringamus, de quod quid est esse rerum cæterisque vniuersalibus, quae de pluribus dicuntur, ac praeterea de entibus rationis figmentisque animi. Platonici existimasse videntur, eo modo res existere, quo ab intellectu concipiuntur; quamobrem cum intellectus concipiat species à singularibus abstractas, sic etiam censuere ideas substantias quaedam esse abstractas ab indiuiduis omnibus

- A** nibus; quæ singularium horum, quæ sensu percipiuntur, species sint, ac de eis prædicantur. Hanc Platonis sententiam Aristoteles pluribus in locis reprehendit, sed præcipuè in septimo libro primæ philosophiæ; multasque adfert rationes quarum non ignarus videtur fuisse Plato, cum earum complures recitet in Parmenide. Sed proculdubio fieri non posse iure quicumque arbitrabitur, ut una quædam substantia per se existens prædicetur de pluribus substantiis distinctis numero, ea prædicatione, qua hoc dicitur esse hoc, sicuti Socrates homo, ac item Plato homo. Idcirco existimauerim ego Platonem posuisse Ideas esse rationes rerum inferiorum, quæ sunt in primo intellectu, quem etiam appellat mundum intelligibilem, ac causam exemplarem constituit, quemadmodum supra pluribus ostendi, ac intellectum nostrum à sensu ac phantasmatibus inferiorum sensibilium excitari, ut ad rationes rerum cōuertatur, quæ sunt in superioribus intellectibus. Quam sententiam Auicenna secutus est, verum Aristoteles censuit intellectiōnem vniuersalem, ac ipsius quicquid est fieri per abstractionem à sensibilibus virtute intellectus agentis. Sed iam quasi à proposito digressi videmur. Quod quid est ergo ac species rerum inferiorum singularium non habent esse extra intellectum eo modo, quo ab intellectu concipiuntur, sed præter mentem singularia sunt, non abstracta à singularibus vniuersalia, nec tamen ob id figmenta quædam sunt, aut entia rationis, quoniam mentis cōceptus huiusmodi originem habet ab ipsa re. Vnaquæque enim substantia materialis composita est ex forma atque materia. forma omnis suapte natura non est determinata ad certum locum & tempus, sed forma hanc diffinitionem loci & temporis habet à materia, à qua in esse dependet propter imperfectionem suam. Si quis ergo conceperit mente compositum secundum modum formæ abstrahendo à materia, id est non concipiendo modum, quem ex natura materiæ compositum ac forma habet, concipiet utique speciem vniuersalem ab indiuiduis abstractam: nec ideo mendacium vllum est, quoniam hoc fit simplici operatione intellectus, non compositione aut diuisione, neque enim mentitur visus si in lacte concipiat albedinem non concipiendo dulcedinem. Forma ergo est principium vniuersalis, sicut materia singularium: sic ergo in quod quid est ac in vniuersali id quod intelligitur,
- D** est in re ut homo, equus, asinus: modus verò est ab intellectu, qui tamen originem ducit à re, id est à natura formæ. Post conceptiones rerum istiusmodi ab intellectu nobis sese offerunt entia rationis, de quibus est negotium logicum; Genus inquam, species, differentia, prædicatum, subiectum, ac huiusmodi alia, quæ sunt habitudines quædam rerum inter se non secundum esse naturale in quo existunt, sed secundum esse intelligibile, quo à mente concipiuntur. Postremum locum habent ea quæ intellectus per se cōtingit ex speciebus ac intellectibus natura constantium rerum, quarum quædam artificio exprimit, ac promittit in exteriorem materiam, ut naui formam, aut domus, aliorumque huiusmodi quæ ab arte efficiuntur: quædam verò pura figmenta sunt, quæ neque natura esse queunt, neque vlla arte effici, ut Cen-

tauri ac Chimeræ species. Nobis hæc delibasse sufficiat ex fontibus primæ philosophiæ, ac de toto entis genere, ac de non ente quædam dixisse, quæ fortasse & Pythagorici & aliorum priscorum plerique sensisse videtur, præterquam quod naturam quandam posuerunt non entis, quæ nulla est: ac secuti ipsi quoque videntur intellectum nostrum, qui non ens, cæteraque illi proxima apprehendit modo altiori, quàm is sit quo re vera sunt. Alij doctiores ac minus occupati ciuilibus negociis rem perficiant: Nostrum namque institutum fuit, vt potius aliis præscriberemus quonam pacto disciplinarum omnium facile princeps philosophia, scilicet hæc prima, seu sapientiam appellare malueris, tractari debeat, quam vt nostro labore id fieret, cui impares nos esse sentimus, maiusque ociû poscit, quàm nobis inter tot bellorum procellas, atque publicas occupationes, hinc indèque occurrentes in hoc legationis munere, quo fungimur, præstari possit.

F I N I S.

DE IMMOR-

DE  
IMMORTALITA-  
TE ANIMAE ADVER-  
SVS PETRVM POMPO-  
NATIVM.

OF  
MEMORIALS  
TO THE HOUSE OF  
REPRESENTATIVES  
IN THE  
UNITED STATES





## DE IMMORTALITATE ANIMAE

B

LIBER PRIMVS.



C

**A**D HIBVI excellentissime vir ferè ab ineunte aetate, te præceptore atque duce Philosophiæ studiis operam; quamvisque parùm, vel potius nihil in eis profecisse me sentiam, mihi tamen ipse non defui, quin ea vterer diligentia, quam vires nostræ præstare poterant. Verùm cum in plerisque omnibus philosophiæ quæstionibus id ferè præstiterim, nulla tamen in re tam diu moratus sum, tantamque diligentiam adhibui, quàm in quæstione de animi humani immortalitate mihi ipsi explicanda. Ea

D

namque mihi quæstio huiusmodi visa est, vt ab eius explicatione totius humanæ vitæ ratio sumi debeat. Maximè namque diuersam putabam viuendi rationem fore, si mortalis anima statuatur, ab ea, quæ immortalis naturæ debetur. Quo effectum est, vt multis annis quotidie ferè mecum ipse hanc quæstionem tractarim, diutiusque in eius rei consideratione moratus sim. Cæterùm cum Patuij essem, quo in gymnasio totius Italiæ celeberrimo Auerrois commentatoris nomē, atque auctoritas plurimum poterat, omnēque eius auctoritatis positionibus assentiebantur, easque velut oracula quædam cernui excipiebat. Plurimùm, vt nosti celebris erat apud omnes eius de vnitæ intellectus positio, idè vt qui aliter sentirent, neque peripatetici neque philosophi nomine digni putarentur. Ego verò (ingenuè fatebor) quàmquam aliis omnibus inagni nominis philosophis palàm contradicere verebar, nunquam tamen mihi persuadere potui, id Auerrois commentum verum esse, atque rationi consentaneum; Aristotelisque sententiæ conueniens illis quoque, qui arbitrantur animos immortales esse ac multos, minimè assentiendum putabam. Cum propter multas rationes, quæ positionem eam mihi resellere videbantur, tum etiam quod nulla mihi videbatur ratio efficax esse ad efficiendam de animi immortalitate scientiam. Quare Alexandri Aphrodisæi sententiam omnibus aliis præferendam existimabam, licet multis Aristotelis dictis non planè consentientē. Interim tamen animum meum lacepsbat quam plurimorum excellentissimorum auctoritas, quos friuolis qui-

Q iij

busdam argumentationibus manus dedisse, ac tam leuiter tantam rem asse- E  
 uerasse, incredibile certè sano homini videri potest. In hac dubitatione con-  
 stitutus cepti animo mecum vtrorumque rationes perpendere, penitùsque  
 eas perferutari. Nōnullas rationes perspiciebā eorum, qui immortalem ani-  
 mum affirmant, quas non satis intelligebam. E contra, eorum, qui asserunt  
 animum mortalem, maximam omnium rationem existimabā, quod cūm  
 nulla adferri posset demonstratio ad immortalitatem comptobandam, nul-  
 liquē assentiendum sī viro philosopho, quod neque per se sit notum, neque  
 efficaci ratione comprobatum, cōcludendum apud philosophos videretur  
 animum non esse immortalem, sed mortalem. Tum ego mecum, cur nō fie- F  
 ri potest, inquam, cūm hi negent animum esse immortalem, quia nullam ad  
 hoc comprobandum argumentationē inspiciant efficacem: contra illi asse-  
 rant esse animum immortalem, idque certis rationibus comprobati asseue-  
 rent, vt priores illos licet excellentes viros rationes istorū aufugerint, easque  
 non rectè perceperint; quo factum sit, vt negarint animæ immortalitatem.  
 Posterioribus verò istis, cūm asserant se id inspiciere certis rationibus, cur nō  
 porius adhibenda sit fides. Pari namque ratione iudicandi vteremur, si duo  
 perspicacis admodum visus, cūm in longinquum locum aliquem aciem in-  
 tendissent; alter verò assereret, eo in loco hominem esse, se namque eum vi-  
 dere: alter verò negaret ibi hominem esse, quoniam nihil à se eo in loco vi-  
 deretur: magis certè adhibemus fidē illi qui asserit, quàm illi qui negat: fieri  
 namque facilius posse iudicaremus, vt posterior hic, cūm imbecillioris sit G  
 visus, non attingat ad illud inspiciendum, quàm quod sanæ mentis vir per-  
 spicacisvisus non videat id, quod se videre affirmat. Hac ego ratione du-  
 ctus mecum sæpius repetebam argumentationes eas, quibus excellentes illi  
 philosophi demonstrasse se putabant animi immortalitatem; cūmque id se-  
 dulò facerem, tota re diligentius perspecta, in eam tandem deueni senten-  
 tiam, quam paulò post pluribus explicabimus. A qua excellentissime præ-  
 ceptor cūm pulcherrima, luculentissimisque illa tua de animi immortalitate  
 disputatio, quam mihi pro tua humanitate proximis hisce diebus miseris,  
 nonnullis in locis discrepet; rem mihi maximè vtilem facturum me arbitra-  
 tus sum, si quid mihi de animi immortalitate sentiēdum esse videretur, qui- H  
 busque in locis libelli tui dubitarem, tibi per literas significarem. Hac enim  
 ratione rem tibi gratissimam simulque mihi non inutilem facturum puta-  
 ui. Nam pro ea qua me semper benevolentia profecutus es, si quid rectè à  
 nobis diceretur, id tu tanquam tuum agnosces: quicquid enim illud erit, tibi  
 acceptum referimus. Si qua verò in te errauero, noui te humanissimè ac dili-  
 gentissimè discipuli tui errores castigaturum. Quo fit, vt omnem hanc no-  
 stam lucubrationem tibi in voluptatem non mediocrem, mihi verò in ma-  
 ximam vtilitatem concessuram putem. Nec est quod in nostro hoc libello  
 vllum dicendi nitorem requiras, cūm in eam rem contulerim ingētem ope-  
 ram, vt quàm maximè me accommodarem stylo huic Parisiensī, quo video  
 Latinos omnes Peripateticos vsos esse: rem itaque aggrediar.

- A** DE animi humani immortalitate scientiam cenſeo ego ratione naturali haberi poſſe, atque ex Ariſtotelis dictis colligi: Verum multa, quæ ad animi immortalitatem conſequuntur, illique ſunt annexa, naturali ratione perfectè percipi non poſſe exiſtimo, licet nonnullis coniecturis naturalibus vti poſſimus in illis explicandis, quæ fidem potius faciunt, quàm veram ſcientiam pariant. Exempli cauſa, Si anima immortalis ſit, quænam ſit eius diſpoſitio poſt mortem, & an ante corpus illud fuerit cuius eſt anima, necne. puto ego rationem naturalem minimè ſufficere, ad horum inueſtigationem, licet nonnullis coniecturis vti poſſimus ad huiuſcemodi quæſtiones explicandas. Quo ſit, vt ſano homini credendum putè, cum in re tam neceſſaria defectum humanæ rationis agnouerit, diuinitus aliqua fuiſſe hominibus reuelata, ex quibus ea cognoscere poſſint, in quibus cognoscendis naturale intellectus lumen deſiciebat. Duo verò, quemadmodum puto ego, de intellectu humano naturalis efficaciffimè oſtendit. Horum alterum eſt, quòd intellectus humanus vnicus in omnibus hominibus eſſe non poteſt, vt putauit Auerroës. Alterum verò, quòd anima hominis ſimpliciter ſit immortalis, licet deſiciat ab intelligentiarum immortalitate. Neque arbitror in duobus his Ariſtotelem dubitaſſe vllò pacto: In aliis verò, ad quæ diximus rationem naturalem non pertingere niſi per coniecturas, cenſeo Ariſtotelem valde ambiguum fuiſſe. Verum quoniam ſcientia non ex auctoritate, ſed ex demonſtratione procedit. (Nam ſi quis Ariſtotelis vel alicuius alterius auctoritati innixus, alicui quantumcunque veræ conſuſioni conſenſerit, veram eum opinionem habere, ſcientiam verò minimè dicimus.) Idcirco ab auctoritatibus nunc nobis abſtinendum ducò, ſed ſolis rationibus, quibus tamen Philoſophi veteres vſi fuerunt, inſiſtendum. Poſtmodum verò, quidnam de duabus cõcluſionibus illis, quas ratione naturali probari poſſe cenſemus, Ariſtoteles ſenſerit, ex eius viri dictis hinc inde colligimus, Prima conſuſio, quòd intellectus ſcilicet non ſit vnicus, quemadmodum exiſtimauit Auerroës, ea ratione, quam tangit etiam excellentia tua, efficaciffimè probari puto. Nam intellectus ille vnicus, vel eſt forma dans eſſe ſubſtantiale ſingulis hominibus, vel non. Si dicatur quod non, cum intellectio ſit actio immanens in intellectu, ſicuti viſio eſt actio immanens in oculo: intellectus verò non ſit in nobis, vtique neque intellectio, neque operationes illæ quæ ſequuntur intellectiõem, vt voluntas & electio, vllò pacto pertinebunt ad nos: neque poſſumus recurrere ad phantaſmata exiſtentia in nobis, quia in phantaſmatibus non eſt intellectio, ſed phantaſmata mouent intellectum ad intellectiõem, ſicut color mouet viſum ad viſionem. Si verò dicatur, quod intellectus ille vnicus ſit forma dans eſſe homini, quemadmodum ſanus quiſque dicit, tunc ſequitur, quod omnium hominum ſit vnum eſſe ſecundum numerum, imò quod Socrates ſit ille, qui eſt Plato, quod omni impoſſibili impoſſibilius eſt. Conſequentia probatur, quia cum eſſe inſequatur formam ſubſtantialem, vnã formam numero inſequitur vnum eſſe: quo efficitur, vt omnium hominum ſit vnũ eſſe numero: deinde

cùm compositum quodque maximè sit principalis compositi pars, & præcipuè cùm ab ea omnes aliæ in esse dependent, sequitur quod Socrates maximè sit intellectus, qui est eius forma, ad quam sequitur esse in toto Socrate, & præfertim cùm sit forma per se subsistens apud Auerroëm, Socrates ergo maximè est intellectus ille vnicus. Idem dicemus de Platone ac Cicerone. Sequitur ergo omnes homines esse eundem hominem, quo quid solidius concedi possit non video. Sunt præter hanc etiam aliæ rationes: sed hanc puto ego omnium validissimam, & eam quæ nullo pacto ea ratione, quæ est interius, cuius interest cognoscere, ac assentiri principiis demonstrationis; sicut dicit Aristoteles, infringi possit. Secundam verò conclusionem, in qua non penitus idem sentio cum excellentia tua, ostendemus, si prius nonnulla, ex quibus huiusce rei probatio omnis pendet, perstringemus. Ens quod neque per accidens est, neque veritatem propositionis significat, à philosophis diuisum est in substantiam & accidens. Differt verò ab accidente substantia, quòd substantia per se subsistit, & per se est. Accidentis verò esse est in alio esse. Deinde cùm ad considerationem substantiæ conuersi philosophi fuissent, multasque substantias viderent generationi atque corruptioni obnoxias esse; ratione coacti dissoluerunt substantiam per se subsistentem in duas naturas, quarum alteram appellarunt formam: alteram verò materiam. Illarum deinde diuersitatem inter se contemplati sunt, ac materiam, quia subiectum generationis est, diuersasque formas substantiales recipit, appellarunt potentiam in genere substantiæ scilicet inchoationem quandam per se incompletam illius substantiæ quæ per se existit: formam verò dixerunt esse actum seu complementum substantiæ per se subsistentis; & cùm pro tanto vnumquodque verè sit, pro quâto est in actu, pronunciarunt quod formam substantialem insequitur esse substantiale. Verùm cùm omnium ferè substantiarum generabilium operationes contemplati essent materiam non transcendere, formas seu actus huiusmodi substantiarum appellarunt formas materiales, tanquam eas quæ non sint per se in actu, neque habeant esse per se completum. Ex quibus concluderunt, quod esse substantiale, quod facit per se esse, licet sequatur formam veluti principium quoddam, non tamen est in forma tanquam in subiecto primo, quia forma per se non est sed existit in cõposito ex materia & forma. Hoc enim per se existit & per se est. Cùm verò operari præsupponar esse illud, verè operabitur quod verè est. Sed cùm formæ huiusmodi non sint, vt diximus, sed compositum sit, illud, quod per se est: dixerunt nullo pacto formam operari, aut agere, siue inoueri, aut corrumpi, aut generari. Sed composito deberi hæc omnia & compositum esse illud quod ageret, noueretur ac corrumperetur. Cùm verò compositum constitutum sit ex materia & forma, existimauerunt quod in operatione ea, quæ est propria speciei alicuius quam compositum operatur, cõcurrant & materia & forma, ex quibus compositum constitutum est. Verùm diuersimodè: nam formam dixerunt esse principium actionis illius, materiam verò esse veluti organum quoddam operationis; ex quibus concluderunt,

- A** concluderunt formam materialem esse virtutem organicam large extendendo nomen organici ( propriè namque loquendo organicum corpus est, quod habet diuersitatem in partibus, quale est corpus, quod est subiectum animæ ) deinde de huiusmodi forma materiali dixerunt, quod cum per se non sit, sed indigeat materia, tanquam sustentaculo quodam in quo sit, quod materia est causa in essendo talis formæ. Sustentat namque ipsam. Cum autem affectiones causæ in essendo, illius inquam causæ, quæ & ipsa non per se est, pertingant ad illud, cuius est causa: affectiones vtique materiæ pertingent ad ipsam formam: quarum cum materia secundum se sit diuisibilis, talis etiam forma erit diuisibilis, & extensa ad extensionem subiecti; & cum materia sit limitata ad certum locum, & tempus, talis etiam forma limitata erit, & comprehensa à certo loco ac tempore: non enim aliter fieri potest, cum huiusmodi forma non sit in actu, neque per se sit, sed sit tantum actus quo compositum est, indigeatque in essendo materia sibi intrinseca, à qua dependet velut à sustentaculo in suo esse. Ex his ergò breuiter colligamus; quod formæ materialis conditiones, quia non est in actu, sed est tantum actus, sunt hæc non esse illud quod operatur, sed esse principium operationis organo indigens, atque esse formam limitatam & extensam ad limitationem & extensionem subiecti, à quo dependet tanquam ab intrinseco quodam sustentaculo in essendo. His hæcenus declaratis præterea addamus Philosophos ratione sumpta non à generatione & corruptione, sed à motu & operatione, cuius principium est forma; deuenisse ad cognitionem formarum alterius cuiusdam generis. Nam cum vidissent substantias naturales moueri; has quidè viderunt moueri ab alio, veluti à principio; Illas verò viderunt moueri ex se. Mouetur ab alio omnia quæ violèter mouetur, & omnia quæ inanimata sunt: nam in motu eorum naturali de potentia accidentali mouentur à remouente prohibens: de potentia verò essentiali mouentur à generante: quare cum non sit in infinitum procedere in mouentibus & motis, ab his, quæ ab alio mouetur, necesse est peruenire ad motum aliquid ex se: Huiusmodi verò sunt animata, vt manifestum est. Hæc autem mota ex se, quæ animata sunt, simplicia esse non possunt; nā nihil se ipsū promouet. Idè namque esset in potètia & in actu respectu eiusdem quod contradictionem claudit. Sed diuiduntur in duo principia ex quibus componuntur, per quorum alterum mouent, per alterū verò mouentur. Verū cū mota ex se, quæ hīc infra orbem lunæ videmus, generentur & corrumpantur, sicque in infinitum procedant: nullum ipsorum singulatim, neque omnia simul possunt esse causa continuæ huius successionis & infinitæ; quia in omni essentiali causarum ordine, vbi primum non agunt, neque media agere possunt, at in infinito non est primum: quamobrem necesse est vt omnia hæc mota ex se generabilia contineantur ab aliquo moto ex se æterno, siue vnum sit, siue plura. Hoc verò motum ex se æternum distinguetur etiā ipsum, sicuti alia mota ex se, in duo principia; quorum alterum est mouens & alterum motum. Verū mouens principium per tempus infinitum non
- B**
- C**
- D**

potest esse virtus materialis, quia omnis virtus huiusmodi per intrinsecam, E  
 à qua in essendo dependet, est terminata, vt superius diximus, quare sequitur,  
 quod non est virtus, aut forma in materia, sed vt virtus abstracta, per se  
 existens in actu, neque in suo esse indigens materia, à qua subsisteret. Ex  
 quibus omnibus colligitur quod per viam motus philosophi deueniunt  
 in cognitionem alicuius generis formarum, quæ perficiunt & actuant, vt ita  
 dicam, materiam & sunt actus: cum hoc tamen quod à materia in esse non  
 dependent, & sunt in actu per se ita quod esse, per quod ipsæ subsistunt, com-  
 municant materiæ actuando & perficiendo ipsam, in qua re differunt à for-  
 mis materialibus, quia ipsæ non sunt per esse, quod eas insequitur; Sed sunt  
 principium, per quod compositum est. Huiusmodi verò immateriales formæ F  
 cum hoc quod sunt principium, per quod materia est actuando ipsam,  
 ipsæ etiam per se sunt. Neque affectiones materiæ pertingunt ad tales for-  
 mas, quia in essendo non dependent à materia, sicuti formæ materiales de-  
 pendent; quo fit vt tales formæ non sint diuisibiles aut extensæ ad extensio-  
 nem materiæ, neque limitentur ad certum locum & tempus, à quo com-  
 prehendantur, imò sunt supra locum & tempus, in suisque operationibus  
 intrinsecis non indigent organo corporeo: quia cum operatio insequatur  
 esse. Istæ verò formæ per se sint, absque materia in suo esse intrinseca: idcir-  
 co per se etiam absque organo intrinsecas operationes exercent, hæcque for-  
 mæ sunt simpliciter immortales, vt paulò post declarabimus; Materiales ve-  
 rò formæ sunt mortales, vt certis argumentis probabimus. Nunc illud de- G  
 declaremus ex sententia Aristotelis (quod an verum sit Theologis iudican-  
 dum relinquimus) quod formæ dantes esse corporibus cœlestibus sunt hu-  
 iusmodi; id est sunt immateriales formæ. Hoc quidem ex his quæ supra di-  
 xi satis perspicuum esse potest, quia corpus cœleste est illud primum mo-  
 tum ex se, ad quod deueniendum: motum verò ex se est illud, in quo prin-  
 cipium actiui motus est intrinsecum mobili: quo fit vt principiū actiui  
 motus cœlestis sit intrinsecum corpori cœlesti; quod fieri non potest, nisi  
 det ei corpori esse: Omnis enim forma substantialis intrinseca alicui materiæ  
 esse non potest, nisi illi tribuat esse. Præterea si cœlum moueretur ab intrin-  
 secis, vel ergo pulsū, vel tractū, vel vertigine moueretur, quod esse nō potest:  
 quia omnes hi motus sunt violenti: tum etiam quia vertigo, quæ motus cœ- H  
 lesti maximè accommodari posset, est motus compositus, cœlum verò mo-  
 uetur motu simplici. Amplius si cœlū sit per se subsistens absq. intelligētia,  
 cum omne quod est actū, vel sit actus, vel habeat actum; Cœlum verò non  
 possit esse actus, vt manifestum est, ergo habebit actum, id est formam sub-  
 stantialem præter intelligentiam: cum verò natura, id est forma corporis  
 simplicis, sit principium actiui motus simplicis, hæc vtique forma erit  
 principium actiui motus simplicis; non recti, ergo circularis. Is verò mo-  
 tus est infinitus; & virtus materialis non potest mouere tempore infinito.  
 Quare sequitur talem virtutem esse immaterialem & intelligentiam. Con-  
 cludamus ergo quoniam motus cœli est motus simplex naturalis illi cor-  
 pori,

- A** por, principiū illius motus est forma substācialis, quę est natura illius corporis: at quoniam est infinitus, sequitur eam formam esse immaterialem & per se subsistentem. Adducerem nunc multos Aristotelis locos, ex quibus hoc manifestē colligitur. Quin etiam beatus Augustinus in libris de ciuitate Dei ab hac positione non est alienus, quod videlicet angeli sint animę corporum cœlestium. Vt tūc nolo ab instituto discedere, atque alicuius auctoritati inniti, præsertim cū tu id fatearis. Quorsum hæc tāta? ad hoc inquam, ne alicui videatur impossibile aliquem esse actum seu formam perficientem aliquam materiam, quę sit hoc aliquid, & quę sit per se subsistens. Nam quauis forma huiusmodi sit in actu & per se perfecta: est tamen actus. Quāobrem perficere, & vt crassius loquar, in re difficili, actuare potest. Ad Thomam verō, qui aliter sentit hoc non negatur, quia repugnet actui per se subsistenti actuare. Sed quia materia ordinatur ad formam, & ad vtilitatem formę referri debet, quod non est in intelligentiis apud ipsum. Verūm si in alicuius formę per se subsistentis vtilitatem cedere posset aliqua materia, per se subsistere nullum impedimentum adferret, quin ea forma actus esset materię illius. His autem positis reuertamur ad probandum id, quod superius non probatum dimisimus. Hoc autem est, quod formę materiales sint mortales. Formę verō immateriales sunt immortales & incorruptibiles: hoc verō sic ostenditur. Omne quod corrumpitur, per se corrumpitur, vel per accidens: per se corrumpitur id, quod per se est, quando amittit ac perdit actum, per quem est. Per accidens verō corrumpitur actus ille, qui est in ente per se, non tamē ipse est per se impossibile namque est aliquid esse, quin vel per se sit, vel sit in aliquo per se ente. Omne autem compositum ex materia & forma materiali, cum forma ea non sit in materia illa nisi disposita qualitativus habentibus contrarium; corruptis dispositionibus illis à cōtrario, actum suum amittere potest, quia & esse quod insequitur actum; ex quo sequitur, quod corruptibile sit. Forma verō illa seu actus, cū amplius non sit in ente per se, ipse verō per se non sit, definit etiam ipse esse; sicque mortalis est. Quamobrem dicit Aristoteles de formis, quę sunt & non sunt absque generatione & corruptione ipsarum. Ex his ergo manifestum est, quod omnis forma materialis est mortalis. Probemus modò, quod forma immaterialis, quę per se est, est simpliciter immortalis. Nullum Ens in actu, quod amittere non possit actum, per quem est, deduci potest ad non esse; quoniam esse, actum insequitur. Sed huiusmodi formę, quę sunt per se in actu, non possunt amittere actum, per quem sunt; ergo sunt simpliciter incorruptibiles & immortales. Maior est manifesta, vt dixi, nihil enim potest perdere esse, quod non perdit actum, per quem est; Minor probatur, quia istę formę sibi ipsis sunt actus: nihil autem se ipsum perdere potest; quare sequitur absque dubio, quod formę immateriales, quia sunt in actu, & sunt actus sibi ipsis, simpliciter incorruptibiles sint, sibi nāque ipsis sunt vigor essendi. Omnibus his certissimis, vt puto, rationibus comprobatis, accedamus modò ad propositam animi immortalitatem inuestigandam. Principium huius per-
- B**
- C**
- D**



scrutationis certum ac finum esse hoc existimo cuius causa omnia supe- E  
 riora strictim tetigimus. Palam est intellectum esse substantiam, & esse ho-  
 minis formam; non repugnat autem formae, quae est actus, esse in actu, ut proba-  
 uimus. Innata vero nobis est via ex notioribus nobis. Notiores vero nobis  
 sunt operationes, quam essentiae. Idcirco ab operationibus intellectus pro-  
 cedamus, consideremusque an ex operationibus eius probari possit istum  
 esse formam per se stantem & actu essentem: an potius e contra ex illis con-  
 cludatur, intellectum non esse per se stantem neque per se actu, sed tantum  
 actum corporis. Nam si prius concludetur: sequitur proculdubio intelle-  
 ctum esse immortalem simpliciter. Si vero secundum, intellectus proculdu-  
 bio erit simpliciter mortalis, quae est sententia tua. Verum quoniam vana F  
 omnis esset perscrutatio nostra, si animam esse immortalem esset articulus  
 fidei, quod dicit excellentia tua. Nam lumen naturale hominis non pertin-  
 git ad articulos fidei ostendendos; verum ex supernaturali tantum lumine  
 cognoscuntur. Dicimus igitur, quod fides aliquorum per se est, aliquorum  
 vero per accidens. Fides per se illorum est, atque nullo pacto ratio naturalis  
 attingit, verbi gratia, Deum esse trinum & unum: per accidens vero fides  
 multorum est, quae licet à sapientibus per demonstrationem sciatur; homi-  
 nibus tamen crassioris ingenij, & qui philosophiae non vacarunt, proponun-  
 tur credenda ex fide: verbi gratia, Deum esse unum est probatum demon-  
 stratione naturali; proponitur tamen credendum statim in principio sym- G  
 boli cum dicitur, Credo in unum deum; Sic dicimus, quod credere resurre-  
 ctionem corporum, est articulus fidei, qui ratione naturali probari non potest.  
 Illud vero quod est suppositum ab hoc articulo scilicet animam esse im-  
 mortalem, pertinet per accidens, non per se ad fidem; sicuti etiam unum  
 Deum esse. Quamobrem non vana erit inquisitio nostra, si inuestigabimus,  
 an hoc ratione naturali probari queat. His ergo declaratis quae necessaria  
 erant bene intelligere ad rationes, quas subdemus, percipiendas: quo effectum  
 est, ut aliquandiu immorati simus in eis explicandis: accedamus ad proban-  
 dam conclusionem nostram, scilicet quod intellectus humanus simpliciter  
 sit immortalis, ita quod remaneat post corruptionem compositi. Duæ sunt  
 operationes propriae animae intellectivae, quatenus intellectiva est, harum al-  
 tera est intelligere, altera vero quae pertinet ad appetitum sequentem intellectum H  
 est velle atque eligere. Dico ego, quod ex utraque ostenditur intellectum esse sim-  
 pliciter immortalem. Primum ergo procedamus ab intellectione, utamur-  
 velle atque ratione Aristotelis; nolo tamen ut auctoritas Aristotelis nos aliquo  
 pacto moueat, sed tantum consideremus rationis vim. Forma illa, quae  
 omnia intelligit, est per se stans atque non mixta materiae. Sed intelle-  
 ctus omnia intelligit; ergo intellectus est forma per se stans, & non mixta  
 materiae. Maior probatur tripliciter seu quadrupliciter. Primum sic; For-  
 ma quae omnia intelligit, vniuersalia intelligit, & quicquid est eorum in-  
 telligit. Omnis autem huiusmodi est per se stans & immaterialis, ergo  
 forma omnia intelligens est per se stans & immaterialis. Huius rationis  
 minor

- A** minor est nota: Nam oppositum prædicati infert oppositum subiecti. Maior probatur; quia omnis cognitio vel est idem præcise cum forma existente in potentia cognoscitiua secundum esse spirituale: vel est actio innuens cuius principium est forma illa: vel est comprehensio ac veluti quidam continentia illius formæ à potentia cognoscente: quodcumque horum statuatur, modus cognitionis necessario sequitur esse formæ cognoscibilis in virtute cognoscente. Nam si cognitio sit ipsamet forma, manifestum est id quod diximus. Si verò fuerit actio, cuius principium est forma illa, manifestum etiam est, quod sequetur modum atque esse formæ, quæ ipsius est principium. Si verò sit comprehensio formæ illius, manifestum etiam est, quod forma eo modo comprehendetur à potentia, quo habet esse in potentia illa. idem hoc etiam experimento comprobari potest, quia oculus citrinus iudicat omnia esse coloris citrini, quia secundum illud esse forma visibilis est in oculo: oculus etiam eius qui mouetur iudicat res stantes moueri, quia secundum illud esse forma visibilis est in oculo eius qui mouetur. His declaratis accedamus ad probationem maioris. in virtute seu forma cognoscente vniuersale & ipsum quod quid est necesse est formam rei intellectæ esse secundum esse abstractum ab hic & nunc: aliter per eam vniuersale aut quod quid est intelligi non posset vt demonstrauimus. Sed forma secundum esse abstractum impossibile est vt sit in corpore aut vlla parte corporis: quia omne corpus limitatum est: receptum verò est in recipiente secundum modum recipientis, vt est per se notum. Ergo hæc forma erit in intellectu tantum, non autem in corpore: quod si esset, de necessitate sequitur, quod intellectus sit per se stans. Si enim non per se esset, sed haberet intrinsecam materiam à qua dependeret in essendo, penitus impossibile esset, aliquid esse in intellectu & non esse in corpore seu materia. Nam forma & materia, vt diximus superius, non sunt partes integrantes; ita quod vna possit esse extra aliam. Sed sicuti forma actiua materiam est in quacunque parte materiæ, & totam materiam penetrat vt ita dixerim, ita quod nihil est materiæ, quin illud actuetur à forma. Ita etiam forma, quæ est tantum actus & non est in actu, sed dependet in esse à materia, necesse est, vt secundum totam penetretur, vt ita dixerim, à materia, ita quod nihil sit inuenire formæ illius, in quo intrinsecè non sit materia. Nam si aliquid formæ inueniamus, in quo non intresca esset materia, illud certè per se staret neque in esse dependeret à materia. Sicuti etiam aliquid materiæ si inueniremus, quod non actuetur à forma, necesse esset dicere, quod illud per se stat absque forma, quod accidere in materia, quæ est tantum potentia, implicat contradictionem, vt manifestum est. Reuertamur ergo ad probationem nostram, & dicamus quod cum forma intelligibilis, quæ est principiū intellectiōis vniuersalis seu ipsius quod quid est, sit in virtute, sic cognoscente secundum esse abstractum, vt probauimus, necesse est vt talis forma nullo pacto sit in corpore; sed tantum sit in virtute

illa vniuersali cognoscente. Quare necesse est illam virtutem per se esse in actu sine corporis mixtionē. Alio etiam modo hoc idem deduci potest. Forma intelligibilis est in virtute illa secundum esse abstractum: Ergo etiam ea virtus habet esse abstractum: quod si fuerit, ergo affectio materiæ; quæ est hic & nunc, non pertingit ad ipsam. Ergo, vt probauimus superius, in esse non dependet à materia, quare per se est. Efficacissima igitur ratione ostensum est, quod virtus comprehendens quod quid est & vniuersale, per se stat. Ex quo sequitur quod virtus cognoscens omnia per se sit. Secunda ratio quia probatur maior illius primi syllogismi, scilicet quod forma comprehendens omnia per se stat, virtus comprehendens omnia, comprehendit omnia organa corporea. Sed virtus comprehendens omnia organa corporea, non est mixta alicui organo, quare per se est: ergo virtus comprehendens omnia per se est, & hæc est maior primi syllogismi. Huius rationis minor est per se nota: maior probatur; quia organum, quo aliqua virtus de necessitate vtitur, in sua operatione, semper est medium inter obiectum, circa quod virtus operatur, & ipsam virtutem. Quare impossibile est eam virtutem circa organum illud operari; verbi gratia, si in scribendo necessarius est calamus impossibile esset virtutem illam, cui annexus esset calamus scribere circa illum calamum, & sic in aliis, per inductionem manifestum est. quamobrem virtus, quæ intelligit & comprehendit omnia organa corporea, in sui operatione non vtitur organo corporeo; quo fit vt etiam in esse mixta non sit organo corporeo: res enim non potest operari nisi eo modo quo est; sequitur ergo quod per se sit. Quare probata maiore nostræ rationis sequitur nostra conclusio, quæ erat maior illius primi syllogismi, quod scilicet forma comprehendens omnia per se sit. Tertia ratio qua probatur eadem maior: virtus comprehendens omnia se ipsam comprehendit & suas operationes intrinsecas; sed nulla virtus comprehendens seipsam vtitur organo aliquo, quia semper organum (vt diximus per inductionem esse manifestum) est medium inter obiectum, circa quod operatur virtus, & ipsam virtutem. Ergo virtus cognoscens omnia non est virtus organica: quare in esse non dependet ab organo aliquo corporeo. Organum namque corporeum illud, à quo in esse dependeret, esset intrinsecè admixtum ipsi, quare sine ipso operari non posset: sequitur ergo quod per se sit. Quarta ratio, qua eadem maior probatur illius primi syllogismi: virtus cognoscens omnia cognoscit omnes formas materiales: sed forma comprehendens omnes formas materiales non potest esse in genere formarum materialium, & mixtarum materiæ, ergo. forma cognoscens omnia non est mixta materiæ: quamobrem per se est. Minor est manifesta, maior probatur, quia recipiens est denu datum à natura rei receptæ: non enim recipit nisi quatenus est in potentia ad naturam rei receptæ: quare actu secundum essentiam siue naturam suam non est in genere rei receptæ. Hoc autem præter rationem est manifestum

- A** manifestum inductione: nam nulla figura alicuius speciei est subiectum recipiens alias figuras, neque subiectum recipiens colores secundum essentiam potest esse in aliqua specie coloris. Materia etiam prima, quia recipit formas substantiales, in sui natura non habet aliquam formam substantialem. Ex quo sequitur, quod virtus recipiens omnes formas materiales non sit in genere formarum materialium, ergo erit non mixta materię: quare per se stans sine materia; omnis igitur virtus cognoscens omnia, est virtus per se stans. Probata ergo est efficacissimis rationibus maior primi Syllogismi. Minor autem, quod scilicet intellectus cognoscat omnia, est nota ex inductione: nam vniuersalia & quod
- B** quid est cognoscit: imò quod quid est, est obiectum proprium intellectus; cognoscit & inuestigat naturam omnium organorum corporeorum, seipsum & suas operationes inquirat & comprehendit, omnes quoque formas materiales perscrutatur, vt manifestum est ex hominibus, quorum aliqui in disciplina certi cuiusdam generis sunt excellentes, alij verò in disciplina alterius generis, & sic de omnibus rerum generibus. Concludamus ergo cum philosopho & dicamus, quod necesse est, non probabile inquam aut rationabile, sed necesse est intellectum esse non mixtum materię secundum esse. nam intus apparens in materia, quę ipsum intrinsece penetraret; si ab ipsa in esse dependeret, alienum prohibebit, & obstruet: obstruet namque cognitionem vniuersalis & quod
- C** quid est: hoc enim est alienum à natura materię, prohibebit cognitionem organorum omnium corporeorum, & sui ipsius. Hoc enim est alienum à natura in cuius esse est materia; prohiberet cognitionem formarum materialium, quibus necesse est ipsum non esse mixtum, & esse immaterialem. Carterum cur morer in huius rei ostensione, cum excellentia tua concedat, quod nec intellectio, neque forma intelligibilis sit in organo corporeo, Sed duo adiungit excellentia tua, quibus positus, propter ea quę diximus, non videtur tolli mortalitas ab intellectu: primum quod dicit, est, quod pro tanto dicitur intellectio aut forma intelligibilis non esse in organo corporeo; non quia non sit in corpore, nam videtur esse impossibile, cum anima, in qua est intellectio, sit in corpore; quod forma intelligibilis non sit in corpore: Sed propterea quod recipitur in anima indiuisibiliter, non autem extense: quo fit vt intellectus possit seipsum supra se reflectere, & se intelligere. Alterum, quod dicit excellentia tua, est hoc, quod licet intellectio non sit in organo corporeo possumus tamen dicere, quod totum corpus sit organum ipsius intellectus, & concurrat ad intellectionem, quia concurrat ad esse intellectus, in quo est intellectio. Ex quo postremo dicto mihi videtur excellentiam tuam inferre velle, quod licet intellectio sit tantum in intellectu, & non in corpore, intellectus tamen per separationem à corpore perit, sicut exempli gratia, si quis diceret manum esse non mixtam brachio, & illud quod est in manu, nò esse

in brachio : manus tamen per separationem à brachio corrumpitur & E  
 perit . Sequitur ergo , quod licet intellectio non sit in organo corpo-  
 reo , sed tantum in intellectu , non tamen concluditur , quin intellectus  
 separatus à corpore pereat . Ad primum horum respondeo , interro-  
 gando excellentiam tuam quid intelligat per esse formæ indiuisibile in  
 intellectu . Nam indiuisibile , quantum spectat ad propositum , dicitur  
 duobus modis : punctum namque indiuisibile dicimus vno modo : quia  
 pertinens ad quantitatem non habet partes , in quas diuidatur . Alio ve-  
 rò modo dicimus intelligentiam esse indiuisibilem , non sicuti punctum :  
 nam punctum habet determinatam positionem in quantitate continua .  
 Sed dicitur intelligentia indiuisibilis , sicuti vox dicitur inuisibilis : quia F  
 scilicet non est ex eorum genere , quæ videri possunt : ita etiam intel-  
 ligentia indiuisibilis , quia nullo pacto pertinet ad genus , in quod cadit  
 aut per se , aut per accidens diuisio : forma ergo intelligibilis , quæ est  
 in intellectu indiuisibiliter & indiuisibilis , vel erit indiuisibilis sicuti  
 punctum , aut secundum modum , quo diximus de intelligentia . Si primo  
 modo , statim sequitur , quod intellectus sit virtus organica , quia  
 illud punctum corporis secundum determinatam positionem , cuius forma  
 intelligibilis est indiuisibilis , erit organum intellectus , quod est contra  
 ea , quæ demonstrauimus , & contra ea , quæ dicit excellentia tua : po-  
 stea necesse erit assignare in qua parte corporis sit hoc punctum , an  
 scilicet in corde , an in cerebro , aut in aliqua alia corporis parte , ibique G  
 dicemus esse organum intellectus : si verò excellentia tua dicat formam  
 esse in intellectu indiuisibilem , sicuti dicimus intelligentiam esse in-  
 diuisibilem , cum receptum sit in recipiente secundum esse recipientis ,  
 erit ergo intellectus etiam sic indiuisibilis : omnis autem forma sic indi-  
 uisibilis est forma immaterialis , quia affectio materiæ ad ipsam per-  
 tingere non potest : vt manifestum est ex fine octauæ Physicorum . Ad  
 secundum quod videtur dicere excellentia tua , manifestum est , quod  
 id quod potest dici de manu abscissa , aut aliquo alio corpore , nullo pa-  
 cto potest applicari intellectui , qui ponitur per se esse , & actuare corpus ,  
 quia manus abscissa corrumpitur , eo quod perdit actum suum : perdit  
 autem suum actum per corruptionem dispositionum convenientium il-  
 li actui : sed intellectus : qui ponitur esse in actu , & per se esse , cum H  
 ipse sibi sit actus , amittere suum actum non potest : vt superius demon-  
 strauimus : quare sequitur : quod simpliciter sit immortalis . Hactenus  
 ostensum est , quod animus hominis sit simpliciter immortalis ; rationi-  
 bus sumptis ab ea operatione , quæ est intelligere . Nunc verò tentemus  
 an etiam ex operationibus appetitus intellectui , id est voluntatis hoc  
 idem ostendi possit . Voluntas , sicuti dicit Philosophus , differt ab appe-  
 titu sensitivo in eo , quod appetitus sensitivus est particularis cuiusdam bo-  
 ni : voluntas autem est boni vniuersalis : huiusque ratio est in promptu : quia  
 appetitus

- A appetitus retinet naturam potentiae cognoscitivae, quàm insequitur: sensus autem singularium est, intellectus verò vniuersalium: quo fit vt voluntas appetat honestum, quod in se absolutè bonum: appetitus verò sensitivus appetat bonum ipsi delectabile, voluntas autem circa bonum quod appetit, duas habet operationes quarum altera est ipsius finis, & huiusmodi operationi applicatur nomen ipsius potentiae, diciturque & ipsa voluntas seu velle. Altera verò est eorum bonorum, quae sunt ad finem, & istorum, est electio, diciturque intellectus ea eligere, & circa hæc est liberum arbitrium. Modo sicuti se habet intellectus circa principia prima & conclusiones, ita se habet voluntas circa ea quae appetit. Nam sicuti veritas absque vlla falsitate, & omnium tandem veritas continetur in primis principiis: quo fit vt intellectus statim eis assentiatur neque ab illis dissentire queat: conclusionibus verò assentitur necessariò his quidem quae necessariam consequentiam habere videntur ex principiis: alijs verò conclusionibus in quibus hæc necessaria consequentia non inspicitur, non penitus assentitur intellectus: sic quoque voluntas in ipsum finem vltimum de necessitate fertur: illis autem quae sunt ad finem, & sunt omnia alia bona quae appetit; nisi necessariam videantur apertè habere dependentiam à fine vltimo, quia sunt bona & habent etiam aliquem boni defectum; potest voluntas in ea fieri, & ea renuere; quo fit vt se ipsam agat in illis prosequendis. His positis argumentamur primo ex parte operationis voluntatis, quae est circa vltimum finem; deinde ex parte operationis eius quae est electio; quòd intellectus hominis est immortalis. Argumentum ergo, bonum, quod voluntas appetit vt vltimum finem, est bonum quod voluntas renuere non potest, & quod omni ex parte voluntatem implet. Sed huiusmodi bonum esse non potest nisi bonum illud, quod continet omne bonum, vel status omnium bonorum aggregatione perfectus; ergo bonum, quod est finis vltimus voluntatis nostrae, est bonum continens omne bonum. Antequam vltius procedamus, declaremus propositiones illius syllogismi. Minor propositio quae primo est posita, quantum ad primam eius partem, scilicet quod bonum, quod est vltimus finis voluntatis, est bonum in quod necessario fertur voluntas, manifesta est ex superius dictis: quia voluntas eodem modo se habet ad illud bonum appetendum: quo intellectus se habet ad assentiendum primis principiis. Quantum verò ad secundam partem quòd scilicet illud bonum est bonum, quod omni ex parte implet voluntatem, probatur. Deus & natura non dedit appetitum rebus, nisi vt per illum inclinarentur ad finem atque ad perfectionem sibi conuenientem: Quo fit vt in omnibus rebus appetitus correspondeat perfectioni, adeò vt neque sit maior, neque sit minor perfectione, ad quam res illa est ordinata. Non enim fecit natura intrinseca repugnantia extrinsecis, sicut dicit Philosophus in primo de Caelo contra Platonem: quapropter corruptibili dedit causas extrinsecas ipsum

corrumpentes. Illud vetò, cui non dedit causas extrinsecas corrumpentes fecit natura incorruptibile: appetitus ergo non excedit ultimam rei perfectionem neque ab ea deficit; sed cum ad ea peruenit res; appetitus quiescit & vndique est satur, vt ita dixerim: antequam vetò ad eam perueniat, semper inclinatur & mouetur, ac quasi rem stimulat ad perfectionem suam, quantumcunque res illa extrinsecis fulcimentis sustentata quiescat. Hoc, vetò sensu comprehendimus in rebus omnibus naturalibus, graue nunquam quiescit, nisi cum ad centrum petuenerit; tunc enim planè quiescit; antequam vetò quantiscunque fulcimentis sustentatum quiescat, semper tamen vergit ad centrum, resque ipsum sustinentes premit. Minor ergo propositio assumpta est manifesta, quòd bonum, quod voluntas appetit vt finem, est bonum, quod voluntas renuere non potest, & quod omni ex parte voluntatem implet. Maior vetò, quòd huiusmodi bonum, est bonum continens omne bonum, & est status omnium bonorum aggregatione perfectus. probatur: quia bonum illud quod non continet omne bonum, sed aliqua ex parte deficit; quia defectus boni habetur pro malo, voluntas renuere potest, nisi in eo necessaria dependentia ad finem ultimum appareat; quod non potest esse in ultimo fine, qui à nullo alio fine dependet: quare voluntas in illud necessariò fetetur, ac propterea non erit ultimus finis: tale etiam bonum, quod non continet omne bonum, non omni ex parte implet appetitum nostrum, vt quilibet in se ipso experiri potest: interroget vnusquisque se ipsum, an in quauis cognitione ex scientiis habita, aut in quauis alia virtutis operatione omni ex parte quiescat, & videbit quod non quiescit, licet magis quiescat in illis, quàm in rebus alijs, quia petit illas ad finem suum tendit, non autem petat res alias, sicuti graue si moueatur ad centrum, magis secundum naturam se habet in illo motu, & magis eius appetitus quiescit, quàm si moueatur sursum, aut si sursum detineatur; non tamen penitus quiescit, sicuti quiescit in centro; quia ad centrum tendit; consimile quoddam in se ipso vnusquisque rectè considerans intuebitur. Cum ergo conclusum sit, quod finis in quem tendit voluntas sit bonum quod continet omne bonum, & sit status omnium bonorum aggregatione perfectus: huic cõclusioni adiungamus quod virtuti mortali & formæ materiali huiusmodi finis conuenire minime potest, quod probatur: quia virtuti limitatæ conuenit bonum limitatum cuiusmodi non est bonum quod diximus: Præterea rei bonum esse non potest, quod nunquam res illa assequi valet. Sed huiusmodi bonum nec à te mortali, nec à nobis ante mortem pertingi potest: ergo sequitur quod animus humanus, cuius finis ille est continens omne bonum, sit immaterialis & immortalis. Secunda operatio volutatis est electio rerù, & ex hac inspiciamus, si colligere possimus animi humani immaterialitatē & immortalitatem. principii cuiuscunque motus secundum naturam est aliqua inclinatio seu appetitus illius quod mouetur. Appetitus autem est, triplex, quidam est naturalis, quidam sensiti-



- A** uus, quidam intellectiuus, sicuti est electio. Ea, quæ appetitu naturali tantum mouetur, neque cognoscunt finem, neque ea quæ sunt ad finem, sed à superiori causa diriguntur per conuenientia media ad suum finem. Illa quæ mouentur appetitu sensitiuo, licet cognoscant id, ad quod proximè mouentur, secundum tamen impressionem formæ obiecti mouentur, non autem ipsa consulant, aut deliberant; quare absolute non se agunt, sed aguntur, quæ verò mouentur electione, non aguntur, sed se ipsa agunt, & dominantur suis actibus. His declaratis dicamus, quod anima est principium motus ex se cuiusdam intrinseci in re animata, vt manifestū est, & hoc est propriū animæ, agere inquam, è contra corporis proprium est moueri & agi. Quamobrem
- B** & corpora omnia inanimata ponuntur inter ea, quæ mouentur ab alio. His suppositis argumentamur hoc pacto: sicut anima illa, quæ in operatione sua tantū agitur, penitus corporea est, & ea quæ quoquo modo se agit, absolute tamen agitur, licet quoquo modo incorporea est; absolute tamen corporea. Ita anima illa, quæ se ipsam absolute agit, absolute incorporea erit, & absolute anima non mixta corpori. Hæc propositio est manifesta ex proprietate animæ, & ex proprietate corporis, quas diximus. Sed anima intellectiua sola se ipsam agit in eligendo, cum sit domina sui actus, liberūque arbitrium habeat: reliqua verò vt negatiua tantum agitur, cum appetitu naturali feratur; Et sensituiua, quæ absolute agitur, licet quoquo modo se agat, cum ex cognitione mouetur: ipsa certè erit sola absolute incorporea; & absolute anima immixta corpori. Et fortasse hanc rationem tetigit Plato, cum dixit, animam esse immortalem, cum se ipsam moueat. Ecce ergo quod ex electione libera voluntatis, sequitur humanum animū per se esse sine corpore: quare & absolute immortalem. Si quis etiam se ipsum consideret, poterit hoc perspicue comprehendere: interroget enim se quisque, quis sum ego? videbit vtrique se non esse cerebrum, neque cor, neque aliquam corporis partem, sed superius quoddam partibus omnibus corporis superstans. Ex his igitur rationibus iudicio meo constantissimè ostenditur animi humani immortalitas: adeo vt putem quamcunque aliam demonstrationem factā in philosophia naturali facilius infringi posse, quàm has. excipio semper illas sexti Physicorum, & primi de cælo in tractatu de infinito, & si quæ huiusmodi sunt: quæ potius dicendæ sunt mathematicæ, quàm naturales.
- D** His hætenus discussis immortalitatem hanc animæ demonstratam meo iudicio circumstant multa, ad quæ demonstranda ratio naturalis, vt puto, perfecte attingere non potest; sed quibusdam tantum vti potest coniecturis in eis tractandis. Talia autem sunt de statu animarum post mortem, & an præcedant corpora, quorum sunt animæ, an secus res habeat. Ista vt puto demonstrari non possunt ratione naturali; quod probatur: quia ratio naturalis ad investigationem cuiusque rei ex sensatis procedit: at nullæ sunt operationes animæ quæ sentiri possunt, aut sensu comprehendi post mortem, atque ante generationem hominis. Nam intelligere & velle sensu comprehendi non possunt, quo fit, cum neque anima separata sit sensibilis, neque operationes

eius sensibiles, quod ratione naturali perfecte ad statum eius post mortem, aut ante generationem pertingere non possumus; quibusdam tamen coniecturis quidam vñ dixerunt, quod anima humana cum inter formas abstractas non deuenit ad tantam perfectionem, vt statim sit capax supremi luminis: in quo omnis intelligentia est felix; necesse est vt prius acquirat dispositiones quasdam, per quas disponatur ad perfectionem illam acquirendam, sicuti materia prima non induit formam quampiam, nisi prius disposita sit dispositionibus formæ illi cōuenientibus: dispositiones verò, per quas animus humanus fit deiformis, vt ita dixerim, id est dispositus ad attingendum Deum, sunt scientiæ ac virtutes. vetum cū has acquirere non possit à rebus propter materialitatem rerum sensibiliū, suāque immaterialitatem, necesse fuit, vt mediante sensu eas adipisceretur; in quo formæ sensibilibus habent esse medium inter esse materiale & esse intelligibile, potentia verò sensitua, cum sit organica, indiget corpore nobilissimæ complexionis: ad corporis verò salutem & conseruationem multæ aliæ potentiæ requiruntur, vt vegetatiua cæteræque facultates. Iccirco anima propter bonum ipsius fuit coniuncta corpori. Et hucusque dicta sunt maxime naturali rationi conuenientia. non enim puto secundum rationem dici, corpus esse carcer animæ; & quod anima sit in se perfecta antequam ingrediatur corpus: quia materia est propter formam; & natura instituit imperfectum ad perfectum, non autem perfectum ad imperfectum. Ex his perspicuo sequitur, quod post mortem animæ, quæ dispositiones conuenientes suæ perfectioni acquisuerint; suæ item perfectioni, id est, summo bono cōiungantur, & in eo sint felices, quamuis quædam clarius quædam obscurius. Illæ verò, quæ deprauatæ diuersa via incesserint, sine suo frustratæ infelices degunt. Ex quibus etiam rationabiliter videtur sequi, quod anima non sit ante corpus, cuius est anima; sed simul incipiat esse cum ipso. Verum econtra quis scit, an cū tales dispositiones, quas diximus in anima fieri ad supremum lumen capiendum, sint extrinsecus acquisitæ, id est, à sensibilibus rebus, an post longissimum tempus paulatim abolescant: quod cum fuerit factum, tunc animæ veluti potantes lætheum flumen, incipiant in corpora velle reuerti, vt iterum dispositiones induant pro sua perfectione facientes: sicuti videmus contingere in materia prima, quæ modo vnā, modo aliam formam recipit. Et hoc pacto animæ non perfecte, sed imperfecte propter bonum suum iterum corpori coniungantur: atque huiusmodi ratione esse eas ante corpus nil prohibeat: ceterè ista ratione naturali certa & comperta esse non possunt. iccirco puto ego sani hominis esse agnoscere defectum naturalis luminis, & credere necessariam homini fuisse doctrinam quandam superiori lumini innitentem: ex qua hæc nobis naturaliter ignota, comperta esse possint: in hacque parte consensio ego excellentiæ tuæ necessarium esse lumen fidei, sed ad ostendendam animi immortalitatem puto sufficere rationem naturalem, vt dixi. Postremo restat, quantum ad hanc pertinet partem, vt soluamus rationes eas quas adducit excellentia tua ad improbandam animi immortalitatem

- A** tem simpliciter, ita quod post mortem non remaneat anima. Argumentatur autem excellentia tua multis rationibus: primo hoc pacto intelligere nō est sine phantasia, ut patet: ergo anima non est separata nec immortalis. secundo, cum plures operationes indicent animam esse mortalem quā immortalē, ut operationes omnes potentia vegetatiua, & sensitiua, quę non sunt sine organo corporeo; & à superabundāti debeat fieri denominatio: cur potius simpliciter dicenda est anima immortalis quā mortalis. Tercio, nostra scientia est potius ignorantia vel negationis vel dispositionis quā scientia appellāda; cur ergo tam magni facere debemus intellectum nostrū ut faciamus ipsum immortalē? Quarto, anima post separationem, cum habeat naturalem inclinationē ad corpus, cuius fuit forma, vel reuietur, vel non: si reuietur, incidemus in resurrectionē & in fabulas Pithagoreas, de quibus dicitur in primo de anima: si non reuietur, aptitudo illa erit frustra. Quinto, si non reuietur non seruabitur ordo naturę, quia finiti ad infinitum nulla est proportio. Sexto, anima separata vel ociabitur vel intelliget; non est dicendū ociaturā, nulla enim est forma, à qua nō sit actio aliqua: si verò intelliget; vel à phātsmate, vel sine phātsmate: cum phātsmate dici nō potest; quia separata est à corpore. si sine phātsmate, dico quod hoc esse non potest, quia diuersus modus operandi indicat diuersitatem in essentia, & in specie. quare anima coniuncta & separata non erit eiusdem speciei, quod est impossibile. Septimo, post separationē animę à corpore, si amplius anima non reuniatur corpori, potētia sensitiua & vegetatiua, quę radicaliter sunt in anima, erūt frustra; operari namque nunquam poterunt, cum careant organo corporeo. Octauo, illud quod est hoc aliquid nullius esse potest actus, sed si anima sit immortalis simpliciter, erit hoc aliquid: quare non erit actus corporis, quod est contra definitionē animę. Nono, post separationē animę à corpore, quid dicemus de esse cōpositi? remanebitne? an corrūpetur? Decimo, si animę tot sunt quot sunt indiuidua, erūt ergo formę materiales, quia omnis multiplicatio in eadē specie est per materiā. Vndecimo, si animę sūt immortales nec reuniuntur corpori; & mūdus sit æternus, animę essent actu infinitę, quod videtur impossibile. Duodecimo, si anima est immortalis, & incipit esse cū corpore, creatur à Deo, & sic daretur creatio noua; quod est contra omnes philosophos. Decimotercio, si anima est incorruptibilis, est ingēnita, quia omne incorruptibile est ingēnitū apud philosophos. Decimoquarto, nullū est signum probās intellectum intelligere sine phantasmate; ergo non debet cōcedi à philosopho: & per consequens neque cōcedi debet animā esse immortalem. Decimoquinto: Anima humana non est intellectus nisi per participationem; ergo non erit immortalis nisi per participationem, nō ergo erit absolute immortalis. Hęc, ni fallor, sunt rationes excellentia tuę. Auctoritates verò philosophi in secundam partem huius tractatus differemus, in qua persequetabimur, quid nam de hac re senserit Aristoteles. Ad has ergo, prout poterimus, respondebimus. Ad primā dico, quod vel excellentia tua loquitur de intellectu intellectus coniuncti corpori; vel separati: si separati, ne-

go quod intellectio illa non sit sine phātasia, imò est, vt latius dicemus inferius. Si vero de intellectu cōiuncti loquatur, sic nego consequentiā, concessio antecedenti: sufficit enim ad ostendendā immaterialitatē & immortalitatē intellectus, quod intellectio non sit in organo corporeo, vt ex rationibus nostris patere potest: quòd dependeat à phantasmate, non conuincit ipsum non posse separari, & non esse per se sine phātasia; sicuti oculus, quāuis in videndo dependeat à colore, per se est tamen absque re colorata, & à coloribus separatus per se agit. Ad secundam dicimus, quod quāuis omnes operationes præter vnā cōuincerent animam esse formā materiale, vna verò tantum cōuinceret illam esse immaterialē; debemus dicere, quod absolute est immaterialis, & secundum quid materialis: cuius ratio est, quia forma materialis nunquam potest ascendere ad operationem immaterialē, sed forma immaterialis potest descendere per potentias organici affixas ad operationes formæ materialis. sicuti etiam anima sensitua descendit per potentiam, quam continet, ad opera vegetatiua, vegetatiua autem ad opera sensituius ascendere non potest. Vel etiā dicimus, quod natura essentia specificæ debet dignosci ab his, quæ sunt propria illi speciei, non ab his, quæ species illa continet communia cum aliis speciebus. proprium autem hominis in eo, quod homo, est intelligere, & velle, quo fit vt in illis operationibus philosophus inquirat hominis felicitàtem: reliquæ vero operationes, quas connumerat excellentia tua, sunt cōmunes homini & bruto; quare ab illis & non ab istis debet sumi natura propria humani animi. Ad tertiā dicimus, quod licet nostra intellectio comparata intelligentiis sit valde debilis, animalibus verò aliis cōparata est admodum magna; & est eius natura, vt superius ostēdimus, quod ex ea apertissime colligitur immaterialitas intellectus nostri. quia in re illud etiam in capacitate naturalem humani animi agnoscēdam inducere nos potest: quod scientiam hanc, quam habet, non magnam putat. ex quo colligitur, quod multo perfectioris scientiæ capax est: in qua summa eius perfectio cōsistit. Ad quartā dicimus, quòd certitudo illius, quod queritur, ratione naturali haberi non potest: vtrūque tamē probabiliter sustineri potest: possumus namque dicere, quòd reuniatur alteri cuidā corpori humano, per generationem factam ab homine & à sole. Er sic non erit resurrectio illa, quæ superat vires naturæ; de qua est fides: neque incidimus in fabulas Pythagoreas, de quibus in primo de anima: quia non ponimus animam hominis formare corpus bruti alicuius animalis, sicuti Pythagoras dicebat. possumus etiam probabiliter dicere, quòd nō reuniatur, neque aptitudo illa ad corpus erit frustra: quia iam anima adepta est finē, propter quem habuit aptitudinem, vt corpori vniretur: illud enim dicitur frustra, quod finē intentum non est adeptū. Ad quintā dicimus, quòd licet possemus dicere probabiliter, quod animæ reuniuntur corporibus, vt superius diximus. si etiā non reunirentur, nō tolleretur ordo naturæ: imò hoc maxime est secundū naturam, vt labor & motus finitus sit ordinatus ad quietem infinitam, tanquā ad finē. Contrarius verò ordo posset videri contra naturam, si infinitus aut longus

- A** gus labor ad paruum quietem aut momentaneam esset ordinatus; quemadmodum necesse est dicere illis, qui ponunt animam mortalem. Ad sextam dicimus, quod diuersæ operationes secundum essentiam in rebus eodē modo se habentibus fortasse indicarent diuersitatem naturæ: sed diuersitas operationū accidentalī in rebus præsertim non eodem modo se habentibus, non arguit diuersitatem essentiae. imò videmus in rebus naturalibus naturam, quæ est principium naturalis motus, alio atque alio modo operari, secundum diuersum scilicet modum rei in qua est: natura namque grauis, quæ est principium motus descensus: dum graue est extra locum proprium: illa eadem est causa, quod graue in loco proprio quiescat. quies tamen & motus videntur contraria si secundum se considerentur. quantum vero ad modum accidentalem, quod diuersificentur operationes eiusdem naturæ manifestum ferè in omnibus est. Accedendo ergo ad intellectionem dicimus; quod intellectus semper intelligit per formam rei intellectæ; neque in hoc sibi ipsi vnquam diuersus est: verum quandoque perfectius: quandoque imperfectius; & hoc est antequam perfectionem suā attigerit. Cum est in corpore, indiget phantasmate, à quo hauriat intellectionem. postquā verò perfectus est, secundum cursum naturalem inquam; ex comparatis (vt ita dicam) thesauris sibi ipsi sufficiens est ad intellectionem; imò ad altiore intellectionem eleuatur, neque indiget phantasmate. Huius verò rei exemplum commodissimum intueri possumus in animalibus, quæ antequam perfecta corroboratæque membra habeant, nutriuntur ex sanguine menstruo digesto à matre per vmbelicum; matrisque adhæreant necesse est; à qua nutrimentum capiunt: postquam verò perfectus est fœtus, ex vtero matris in lucem prodit, sibi que ipsi sufficit ad capiendum & digerendum cibum. Sic in proposito intellectus donec imbecillis est, & ad supremam lucem recipiendam ineptus; intellectionē veluti cibum digestum prius in phantasia recipit; postquam vero perfectus est, iam per se sibi sufficit; neque amplius indiget phantasia. Ad septimam dicendum, quod corrumpuntur. & si non corrumpuntur; quod cum vegetatiua & sensitiua potentia ordinatæ sint ad intellectiuam tanquam ad finem; cum ea perfecta fuerit, suum finem adeptæ sunt: quare non sunt frustra: sicuti etiam potentia augmentatiua, quæ post ætatem cōsistentiæ non operatur; non dicitur frustra esse in animato, quia finem suum attingit. Si vero dicemus probabiliter, quod animæ reuniuntur corporibus: ratio nullo pacto procederet. Ad octauam, patet per ea, quæ demonstrata sunt, quod hoc aliquid, cum est actus, potest esse alicuius actus; neque hoc inconuenit: imò ostendimus; quod actus corporum cœlestium sunt actus qui sunt hoc aliquid. id vero, quod obicitur ex beato Thoma, non est ad propositum; quia apud ipsum actus, qui sunt in actu per se, & quātum ad actum primum essendi, id est, ad esse, & quantum ad actum secundum, id est, ad perfectionem, non sunt vniti materiæ; quia talis vnio in nullam cederet vtilitatem formæ: materia verò cum sit propter formam, debet cedere in vtilitatem formæ. actus verò noster, qui est hoc aliquid; quia in principio
- B**
- C**
- D**

Indiget corpore pro sua operatione, vt diximus; conuenientissime vnitus est **E** corpori. Ad nonam, de esse compositi, respondeo quod in composito non est aliud esse, quàm esse quod insequitur formam, quod, quando forma per se non est in actu, insequitur formam tanquam principium tantum; est tamen in composito veluti in primo subiecto, & per illud esse compositum actu est. quãdo verò forma est in actu, illud esse non tantum insequitur formam tanquam principium, sed est in forma tanquam in subiecto: communicaturque composito. quo fit vt per illud idem esse, per quod forma est, ex communicatione formæ compositum etiam sit. quo fit, vt post corruptionem compositi, esse compositi non pereat: sed sit in forma; in qua etiam primò erat. Neque in composito est aliud esse præter hoc. Et hæc est sententia **F** diui Thomæ in quarto sententiarum, vbi tractat de resurrectione. Ad decimam dicendum, quod quamuis anima humana per se sit sine corpore, cum tamen vnumquodque, cuius est aliquid opus; sit propter suum opus, vt dicitur à philosopho in secundo de cælo; illud quod per se operari non potest, connumeratur inter ea, quæ per se non habent esse completum: talis autem est anima humana; quæ, vt diximus, propter infirmitatem luminis intelligibilis indiget prius, vt exerceatur in rebus istis sensibilibus, in eisque prius superiora illa intueatur: postmodum per has res disposita superioribus illis perficiatur. hoc autem facere non potest sine corpore: quare inter eas formas connumeranda est, quæ omnino per se non habent esse completum; sicque cum proportionata materiæ esse debeat, poterit multiplicari per **G** materiam: quod in formis penitus & omnino abstractis dici nõ potest. Ad vndecimam dicendum, quod si probabiliter teneamus reunionem illam, ratio non procedit, vt est manifestum. quod si illam non teneamus: mundumque putemus esse æternum: non putauit inconueniens Algazel vir excellentissimus, quod in rebus incorporeis, quæ sunt indiuisibiles & transcendunt tempus & locum neque ordinatæ sint essentialiter; sit actu infinitum. quo fit, vt videamus Aristotelem in tertio Physicorum in tractatu de infinito, secludere à persequutione sua entia abstracta, & immaterialia: quod si quis etiam interius consideret, ac teneat mundum æternum, teneaturque vt necesse est fateri asserenti Deum esse penitus immutabilem; æternitatem comprehendere, & continere totum tempus quatumcunque infinitum, necesse est, **H** vt hic fateatur, quod licet ea, quæ à finito quodã tempore contineantur, sint actu finita, neque possint esse actu infinita; in indiuisibili tamen æternitate illa necesse est, veli nolit, vt fateatur actu contineri infinita, si actu simulque totum tempus infinitum & omnia, quæ sunt in tempore in æternitatis illa abyssu, ad quam intellectus noster nequaquam attingit, continetur. quid ergo prohibebit animas quæ sunt supra tempus & locum, esse infinitas: verum hoc argumentum quærit illud, de quo humana ratione certi esse non possumus: vt sæpe superius diximus quamobrem sani hominis est censere, huic naturalis luminis defectui supernaturali quodam adminiculo prouisum esse à Deo: cui etiam, secundum philosophos, est de omnibus prouidentia. quare

- A** quare si quis teneat id, quod fides Christiana ponit, nullum inconueniens sequetur. Ad duodecimam dicendum, quod, si quis rectè consideret, hæc animæ creatio nequaquam philosophiæ repugnat. Nam priores philosophi adeo putauerunt hanc propositionem (ex nihilo nihil fit.) esse veram, ut dicerent generationem nihil aliud esse, quàm extractionem quandam rerum latitantium, & actu existentium; veriti, ne si concessissent res generatas prius actu non fuisse; cogerentur negare principium illud, ex nihilo nihil fit: paulò posteriores melius considerantes viderunt principium illud id tantum innuere, quod nihil fit ex nihilo: quia factio, quæ mutatio quædam est, non potest esse sine subiecto; verum, cum putassent subiectum esse substantiam quandam in esse completam: putarunt quod mutatio esset in accidentibus: & quod accidentia fierent cum prius non latitarent; sed cum prius actu non essent. ecce quomodo recesserunt à crasso intellectu eorum, qui concedebant latitationem rerum; ne negarear ex nihilo fieri. post hos Aristoteles dissoluit substantiam completam in esse, in duo principia, materiam scilicet & formam, putaruntque formam substantialem esse, postquam prius actu non erat absque latitatione illa; neque necessarium esse dixit subiectum factionis illius esse substantiam completam: sed materiam primam. postmodum interius res considerantes; videntésque omnia præter primum, esse per participationem ipsius esse: solum autem primum, esse per essentiam: concluderunt omnia entia, ut totum entis genus materiamque primam ceteraque omnia esse à primo, tanquam à causa efficiente, non quidem per generationem, sed per simplicem emanationem. ecce quomodo paulatim deuenierunt ad hanc factionem; quæ est sine aliquo subiecto. Verum cum ab agente æterno apud ipsos non possit peruenire noua actio: nisi alia quædam nouitas præcesserit, putarunt hanc simplicem emanationem totius entis à primo, esse æternam non nouam. Ecce ergo quod apud philosophos non est inconueniens, quod aliquod ens emanet à Deo, non per generationem, sed quod hoc fiat nulla nouitate præcedente, hoc putant ipsi inconueniens: modo nos in ipsa anima humana dicimus, quod est à Deo per creationem vel per simplicem emanationem (idem namque hæc sunt) mutationibus præcedentibus, & hæc sunt dispositiones materiæ factæ à sole & ab homine, quo fit, ut quoquo pacto concedere possemus, quod ad esse animæ cōcurrat sol & homo, veluti instrumēta quædam valde remota tamē. Hocq; modo animæ productio media est inter veram puramq; creationē, & generationem: licet enim fiat anima in se: fit tamē etiā simul in materia, quod pertinet ad generationē; sine qua materia anima in suo primo ortu secundū naturā, ut diximus, esse nō potest. quare quoquo pacto actio hominis & solis pertingit ad esse animæ: cū per alterationes factas à sole & ab homine sit anima in materia illa; sine qua secundū naturam fieri nō poterat. Ecce ergo, quod hoc, quod ponitur de factione animæ, nullo pacto, si quis rectè cōsideret, repugnat rationi naturali. sed si quis teneat reuentionē illam, argumentum nullā haberet vim. Ad decimā tertiam dicendū,



quòd impossibile est aliqua ad inuicem comparari, nisi conueniant in eo, in quo comparantur: quare cum in primo de cælo Aristoteles comparet ea, quæ semper sunt, ad ea quæ quandoque sunt & quandoque non sunt, necesse est ergo vt conueniant in mensura durationis, in qua comparantur. Cum autem mensura durationis eorum, quæ quandoque sunt & quandoque non sunt, sit tempus, vt manifestum est; necesse est ergo, vt philosophus accipiat ea quæ semper sunt, & sunt in tempore; non quòd infinitum possit tempore mensurari: quia nec motus infinitus mensuratur tempore, vt dicitur in quarto Physicorum: sed quia extenditur secundum extensionem temporis duratio illa. Sed cum eo modo debeant accipi termini in conclusionem, quo accipiuntur in propositionibus: ratio philosophi hanc conclusionem concludet, quod ea, quæ quandoque sunt & quandoque non sunt, siue per generationem non esse præcesserit eorum esse: siue per corruptionem non esse sequatur esse: non possunt semper esse, id est, eorum duratio extendi non potest per tempus infinitum. Non autem sequitur, quod illud quod semper est, cuius duratio non mensuratur, neque extenditur tempore, sed tota est simul, licet desiciat ab æternitate primi entis: non potuerit, cum prius fuerit in tempore, incipere esse & desinere esse in tempore: postea verò esse extra tempus in æternitate. nos ergo de anima humana dicimus, quod si incepisset esse in tempore, cum prius non fuisset; postea verò nunquam desineret esse in tempore; sed eius duratio extenderetur per tempus infinitum: hoc posset videri inconueniens. Sed hoc nos non dicimus; imò concedimus, quod sicuti incipit esse in tempore: ita definit esse in tempore. post verò semper est æquiuoce: quia non subest tempori; quod de motu, & ordinatione mundi per motum, Plato dicere non poterat; quia motus est sub tempore, & extenditur ad extensionem temporis. Si verò teneamus reunionem illam, argumētum nullam vim habet. Ad decimam quartā dicendum, quod est signum demonstratiuum concludens, quod intellectus intelligit sine phantasmate: Nam si ex eo, quod intellectio non est in organo corporeo, demonstratur intellectum per se esse & per se subsistere: post separationem à corpore erit; quare & operabitur suam propriam actionem, quæ est intelligere, neque cum phantasmate: quia corpori vnitus non est. ecce quomodo ratio hoc conuincit. Sed dicet aliquis hoc sensu non comprehenditur aut experimento; respondeo, quod stultum est velle ea experiri sensu, quorum non est sensus; sicuti stultum esset, si quis vellet vocem oculis intueri. neque hoc est principium; sed conclusio, ad quam necesse est peruenire ratione: quæ conclusiones non vident in seipsis, sed in suis principiis, & per sua principia: quemadmodum est in hac re. hæc enim est conclusio scita per comprehensionem naturæ intellectus, naturam verò intellectus comprehendimus per operationem, quam agit dum est in corpore. Est ergo philosopho concedendum, quod intellectus sine phantasmate intelligit. Ad decimam quintam dicimus, quod licet humanus animus non sit intellectus, nisi per participationem, est tamen ratio-

- A** nalis per essentiam: ratio vero est operatio, ad quam forma materialis non pertingit, vt ostendimus; licet ratio sit intellectus obumbratus. Est enim, vt recte inquit excellentia tua, humanus animus medius inter formas materiales & immateriales puras. quare particeps est proprietatum vtriusque generis, neque est ita abstractus sicuti intelligentia, quia in principio ad suam operationem indiget corpore; suæque operatio deficit à perfectione intellectus. neque est ita immortalis & æternus, sicuti est intelligentia, quia quandoque est in corpore & quandoque non est: simulque esse incipit cum corpore. Est tamen absolute connumerandus inter formas immateriales; sicuti conspiciamus in his mediis, per quæ natura ab vno genere in aliud descendit sensim: ea namque omnia media videmus simpliciter pertinere ad genus superius; licet imperfectissimum obtineat gradum in eo genere, media illa de quibus dicit Aristoteles, quod dubitamus an sint radices an metalla; absolute sunt in genere vegetabilium: licet operationes animæ vegetatiuæ in eis sint valde obscuræ, & imperfectæ: sic zoophyta, quæ sunt inter animalia & plantas, vt spongiæ atque vrticæ, absolute sunt in genere animalium, non plantarum: quamuis operationes animæ sensitivæ sint in illis valde obscuræ. quare & intellectus humanus medius inter formas materiales & immateriales absolute ponendus est in genere immaterialium: licet operationes intellectuales sint in eo valde obscuræ & imperfectæ. Huiusque rei ratio in promptu est: quia inferius genus nullo pacto potest pertingere ad operationes generis superioris. Sic ergo concludamus, quod intellectum humanum esse absolute immortalem; multiplicatumque secundum hominum multiplicationem, sciri potest rationibus naturalibus. Ea verò, quæ ad immortalitatem intellectus consequuntur, scilicet quid & quomodo post mortem operetur, an fuerit ante corpus necne, nequaquam ratio naturalis attingit; nisi quibusdam persuasionibus probabilibus. quamobrem existimio maxime esse sani hominis; cum in his rebus; quarum cognitio præcipue facit ad finem suum hominibus attingendum, ratio naturalis deficiat, credere quod Deus optimus, cuius interest omnibus providere: hoc autem est, omnia ad fines suos conveniētibus mediis dirigere, aliam quandam homini cognitionem dedit harum rerum ex supernaturali revelatione, superque naturali lumine fidei; à quo, vt reor, nemo nisi aut non intelligēs, aut valde arrogans, ob idque non parum perspicuus, dissentire potest. Nunc postquam rem hanc explicuimus rationi naturali tantū innixi, nullius verò auctoritati, videamus quidnam de hac re Aristotelē sensisse ex eius dictis colligere possimus. Cum verò in omnibus ferè locis Aristotelis dicta de hac re non sint parui faciēda: omniū tamē maxime ea sunt animaduertēda: quæ dicit in tertio de Anima, in eo loco; in quo inuestigat definitionē & naturā intellectus. ibi etgo, cum declarasset, quod intellectus est virtus susceptiva speciei, in quo cū sensu cōuenit, tanquam in genere quodā, quia intelligere est sicut sentire: statim inuestigat propriā differentiā intellectus; per quā differt à sensu; dicitq; necesse est immixtū esse, sicuti dicit Anaxagoras, vt imperet, hoc est, vt cognoscat,

intus namque apparens alienum prohibebit & obstruet. De nulla vero forma mortali siue materiali (idem namque sunt) vt clamat Auerrois, hoc dici potest; quod scilicet sit immixta; neque vlla forma materialis habet eam comparationem ad materialia & corporea: quam habet intellectus apud Anaxagoram. Ex quibus cum postmodum concludisset, quod nullam habet naturam: nisi quod possibilis vocatus est, & cetera, subdit, quocirca neque cum corpore mixtum esse rationi consentaneum est; Nam formarum sensibiles pertinerent ad illum; & sic non esset tantum possibilis: neque habet aliquod instrumentum: sed est locus specierum. Paulò inferius deinde inquit, quod sensus ex vehementer sensibili sit imbecillior: intellectus verò ex valde intelligibili aliquo sit validior ad intelligenda minora, inferioraque. cuius rationem subdens inquit, sensitiuum enim non sine corpore; at intellectus ab eodem separabilis est. quis per Deum non exanderet? quemadmodum Auerrois Alexandro: qui positionem suam adaptare Aristotelis dictis volebat? inferius deinde declarans quomodo intellectus seipsum intelligat: intelligendo alia, inquit, In his enim quæ sunt sine materia intelligens & id quod intelligitur est idem. ac si dicat, cum intellectus sit sine materia; sit res intellecta: quamobrem intelligendo rem illam, seipsum intelligit. Et hoc reuera ita se habet; nam nullus recte iudicium facere potest de intellectu: nisi qui multa intellexerit; valdeque peritus sit; & in diuinis exercitatus; ac puræ mentis fuerit. hic certe conspicit diuinitatem intellectus in rebus illis, quas contemplatur. qui verò impura mente est, ac circa corporea tantum intendens; iudicat intellectum esse eiusdem naturæ cum rebus; in quibus semper versatur: ac quibus vehementer est affectus. Ex quo fit, vt tam diuersæ sint sententiæ de animi natura: eam namque vnusquisque talem iudicat, qualem cernit: cernit autem eam in rebus: quas contemplatur; quare ex diuersitate rerum diuersum etiam de animi natura iudicium fit. Sed de his satis. reuertamur ad Aristotelem in secundo de Anima, in textu vigesimo primo ita inquit. de intellectu alia ratio est: sed videtur hoc genus animæ esse diuersum: idque solum perinde atque perpetuum ex eo quod accidit seiungi separarique potest. Et ne quis diceret Aristotelem locutum de intellectu intelligentiarum: subdit, cæteras autem partes separabiles quidem non esse, vt quidam dixerunt, ex his patet; ratione verò differre non obsecrum videtur; namque sensitiui ratio diuersa est à ratione principij opinandi, siquidem sentire? & opinari sunt diuersa. ecce quàm clare dicat quod intellectus, quæ dixit separari à corpore, & esse perpetuū, sit principium opinandi; differatq; ratione à partibus sensitiuis, quæ non sunt separabiles. Sed quid moror in re tam clara? innumeros certe adducere possem Aristotelis locos hoc explicantes: ab quibus abstinere volo. Nunc respondeamus ad duos trésvé locos, quos adducit excellentia tua. primus locus est in tertio de Anima, vbi dicit quod intellectus agens solum est immortalis verè ac separatus; & quod non recordamur post mortem, quia intellectus passibilis corruptibilis est: & sine hoc nihil intelligit

- A** ligit anima. Alius locus est ex primo de Anima, quod si intelligere phantasia fuerit, aut non sine phantasia, non contingit ipsum separari. Tertius verò locus est in tertio de Anima in trigésimo tertio textu, ubi inquit, utrum autem ipsum nō separatum à magnitudine intelligat aliquid abstractorum, inferius est perscrutandum, ex quo videtur colligi, quod intellectus non separaretur à magnitudine. Ad primum dicendum, quod ea verba adeo sunt obscura, ut variis modis commode exponi possint: nulla tamen expositio sit adeò clara, ut aliis repudiatis, possimus dicere Aristotelem id tantum sensisse. quomocunque tamen exponatur; non colligitur ex eo loco animam esse mortalem: imò potius oppositum. Nam ea verba, hoc solum est immortale & perpetuum, possunt referri ad intellectum agentem vel ad possibilem. Si referantur ad possibilem, sunt pro nobis, ut clarum est. Si verò referantur ad agentem intellectum; & intellectus agens sit pars animæ humanæ, ut clarissimi ex Peripateticis dixerunt, faciunt etiam nobiscum. Si verò referantur ad intellectum agentem: dicamúsque intellectum agentem esse vel Deum vel aliquam ex intelligentiis; recte intellecta verba illa non faciunt contra nos. inquit enim, separatus verò, id est solum quod est. ac si dicat, cum intellectus possibilis quandoque intelligat & quandoque non: & intellectus efficiatur res intellecta, non est solum id quod est: imò varias formas suscipit. hic verò intellectus agens separatus, quia est intellectus in actu & non in potentia; est id solum quod est: quare subdit, atque id solum est immateriale ac perpetuum: quia mutatio secundum varias formas est quædam veluti corruptio intellectus speculativi, seu intellectus in actu. idcirco vere ac proprie intellectus agens est immortalis & perpetuus; quia semper eodem modo est intellectus in actu: neque de potetia ad actum venit, aut ab actu in potentiam; quod contigit possibili intellectui; quo fit, ut incipiat esse cum corpore. ex quibus manifeste colligitur quantum deficiat à vera immortalitate intellectus agēis. Sic ergo, ut diximus, hoc solū, id est, intellectus agens est vere immortale & perpetuū: non autem ex hoc vult intellectū possibilem corrumpi per corruptionē hominis. quod manifeste & aperte verba, quæ sequuntur, ostendunt. dubitat namque cur est quod post mortē nullus recordatur amicorum aut filiorum vel inimicorū. Hæc certè quæstio, si conclusum esset superius, quod intellectus possibilis est mortalis, nullo pacto fuisset inducta ab Aristotele. manifestū namque esset ex se: cur hoc contingeret. sed quæstio contingit: quia oppositum dictum est statim ab exordio tertij vsque ad eum locum, sed quid moror amplius? ex solutione quæstionis patet hæc res, inquit enim, idcirco non recordamur post mortem amicorum, & cætera, quia intellectus passivus corruptibilis est: & sine hoc anima nihil intelligit. quantum autem differant non tantum in significato, sed etiā in appellatione intellectus possibilis ab intellectu passivo; manifestum ac notum est cuius vel mediocriter in Græcis literis erudito. Non ergo recordamur non ob eam causam: quod intellectus possibilis est corruptibilis; sed quia corruptibilis est intellectus passivus, id est, vis interior sen-

fitiua, in qua sunt animæ perturbationes. Et per conuersionem ad quam in-  
 tellectus per formam intelligibilem intelligit singulare. Sine hoc ergo pas-  
 sivo intellectu neque restat amor aut odium: neque etiam singularium co-  
 gnitio. Et hoc consonat illi, quod dicitur in primo Ethicorum, quod infe-  
 rius tangemus. Ecce quomodo ex hac auctoritate expresse colligitur, quod  
 intellectus possibilis remaneat post mortem: licet deficiat ab immortalitate  
 intellectus agentis. nam & ego consentio excellentiæ tuæ in hoc: quod dicis  
 intellectum agentem, de quo hoc in loco meminit Aristoteles, non esse ani-  
 mæ partem, sed superiorem quandam intellectum. Ad secundam possemus  
 dicere, quod ibi, cum non sit locus, in quo tractetur ex proposito ab Aristo-  
 tele de intellectu, non est facienda magna vis. Hæc enim est cōsuetudo Ari-  
 stotelis, ut non loquatur exacte de naturis rerū, nisi in propriis locis. verū hæc  
 à nobis solutio absit. Dicendū ergo quod operationes seu passionēs animæ  
 possunt ipsi soli attribui duobus modis, vel secundum esse quod significat  
 essentiam, vel secundum esse quod significat existentiam, verbi gratia, sicuti  
 dicimus formam esse actum ut actuare materiam, & dicimus formam vel  
 generari, vel corrumpi, vel mouere. aut aliquid agere. priora prædicata, quæ  
 attribuuntur formæ, coniunguntur formæ per esse, quod significat essen-  
 tiam; & idcirco attribuuntur formæ, non autem composito; nam forma est  
 actus, non autem compositum est actus; & forma actuat, non autem com-  
 positum actuat. non tamen propterea conuincunt formam esse separaram;  
 quia licet forma sola sit actus & actuet, non tamen actuat aut est actus nisi  
 existendo in composito, non autem existendo per se: si autem attribuamus  
 posteriora prædicata formæ per se, quod scilicet ipsa sit id quod mouet aut  
 corrumpitur; cum hæc actiones præsupponant existere illius quod agit aut  
 patitur: statim sequitur quod forma per se sit actus; & separabilis à compo-  
 sito. modo eo in loco, ut palam esse potest recte intuenti; Aristoteles loquitur  
 de passionibus seu operationibus prout attribuuntur animæ secundum esse  
 quod significat essentiam; non autem secundum esse quod significat existi-  
 entiam. Deinde adiungit id quod pertinet ad existentiam quod clarissimum  
 est contextum ipsius consideranti. inquit enim, non solum oportet conside-  
 rare quid est anima, sed etiam accidentia & passionēs animæ: quæ reuera in  
 conclusionē scientifica secundum essentiam attribuuntur subiecto; sed ex  
 passionibus & operationibus animæ quædam animæ soli attribui non pos-  
 sunt; ut irasci, lætari, & cætera. sed sunt corpori animæque communes: quæ-  
 dam verò videntur attribui soli animæ, ut intelligere: modo inquit ipse, si  
 hoc intelligere, quod attribuimus soli animæ sit phantasia; aut non sine phā-  
 tasia, id est, quod licet attribuatur tantum intellectui non tamen ipsi attri-  
 buatur nisi ut est phantasie coniunctus; non potest separari: ac si diceremus  
 forma esse actum & materiam actuare, licet attribuatur soli formæ, & non  
 composito: Si autem alicui formæ non attribuitur siue composito, id est  
 nisi in quantum coniuncta est composito, quamuis soli formæ attribuatur,  
 non contingit talem formam separari. Non ergo voluit philosophus quod  
 si in-

- A** si intelligere non sit sine phantasia non contingat intellectum separari, id est, quod si non sit sine phantasmate tanquam mouente intellectus non possit separari. Hoc enim, ut ostendimus superius, separationem intellectus non prohibet. Sed si intelligere, quod attribuitur soli intellectui, non attribuitur ipsi sine phantasia, id est in quantum est coniunctus phantasie attribuitur (sic enim intellectus esset virtus materialis) non poterit intellectus separari: quod autem ita intellexerit, ex sequentibus patere poterit; statim namque subdit. Namque si aliqua animæ operationum propria est, contingit ipsam separari. Hic quæro ego an id verbum, sit, dicat essentiam vel existentiam: si dicat existentiam, ita quod iste sit sensus. si aliqua operatio propria sit animæ, ita quod anima per se absque corpore eam operetur, dico quod falso dixisset quod contingit eam separari: imò necesse est eam separari: quod si id verbum, sit, dicat essentiam: tunc reuera dici potest, quod possibile est eam separari, non autem necesse est. quia secundum existentiam anima cuius est propria operatio, si erit per se, erit separata; si coniuncta & dependens à corpore non poterit separari: si verò nulla operatio tantum animæ attribui potest, impossibile est ipsam separari: quod si anima non sit separata, ex passionibus quæ tantum ipsi videntur competere, erunt sicuti in recto: cui in quantum rectum & per se, quod est secundum essentiam: competunt multa, verbi gratia, tangere spheram in puncto; secundum tamen existentiam nunquam tanget separatum à materia sensibili. Si ergo in proposito intelligere secundum essentiam attribuitur tantum intellectui, non tamen secundum existentiam existenti sine phantasia; utique separari non poterit intellectus. Ecce quam clare hoc exemplum, quod adducit Aristoteles de recto, nobis indicat quoniam pacto locutus fuerit superius de intelligere, quod scilicet non sit sine phantasia. in tertio verò declarat, ut ostendimus, quod intelligere attribuitur intellectui existenti sine phantasia, id est, per se existenti, & immixto materiæ nulloque utenti organo; quare erit separatus. possumus etiam dicere quod Philosophus dixit, intelligere non esse sine phantasia; si non transcederet genus imaginabilium phantasia: sic enim non esset separatus. Possumus etiam dilucidius eam obiectionem soluere, nullus est qui ignoret Aristotelem gloriæ Platonis æmulum, ingenij vires in eam rem semper intendisse, ut ea, quæ Plato dixerat, refelleret, præsertim si qua in re non rectè sensisse Platonem animaduertisset. Plato de anima non sensit eam esse formam & actum corporis, sed à corpore separatam, non inquam immaterialem tantum & immortalem ac propterea separatam: verum etiam separatam, id est corpori non inhaerentem, neque dantem esse, sed se habentem ad corpus ea ratione, quæ nauta ad nauem se habet. Hoc ergo Platonis placitum seu dogma hoc in loco Aristoteles vult reprobare, inquitque, cum vnumquodque operetur eo modo quo est: Si anima esset à corpore separata, non ut immaterialem formam dicimus separabilem, sed ut tu Plato asseris animam separatam, id est minime corpori inhaerentem, atque aliquam comprehendereimus animæ operationem, in qua corpus partem nullam ha-

beret. Verùm si singula opera animæ scrutatus fueris, nullam eiusmodi in-  
 ueneris: quin intelligere, quod maximè alienum à corpore videtur, non est  
 sine phantasia, vt experimur in nobis ipsis, non ergo erit anima separata eo  
 modo quo Plato sensit, vt scilicet se habeat ad corpus vt nauta ad nauem.  
 Nam fieri nequit omnino, vt operatio alicuius potentia ei immanens adiu-  
 uet operationem alterius potentia etiam immanentem in ea: nisi vtraque  
 operatio pertineat ad eandem formam & in ea sit veluti in radice quadam.  
 Cum ergo phantasia sit operatio potentia, quæ est actus corporis, vt perspi-  
 cum est: vtrique non posset opem ferre, vt ita dicam, neque adiuuare intel-  
 lectionem, quæ est in intellectu: Nisi etiam intellectus esset à forma: quæ est  
 actus corporis. Manifestum ergo est intellectum non posse esse separatum  
 à corpore, vt Plato posuit, id est, vt sit extrinsecus, non autem sit actus cor-  
 poris, sed ita se habens ad corpus vt nauta ad nauem, per æquiuocationem,  
 ergo peccant hi qui eo loco Aristotelis nituntur. Nam ibi non accipit  
 formam & actum separatum à materia, id est, immaterialem, & per se exi-  
 stentem: sed accipit separatum actum à corpore, pro eo actu: quia non sit  
 actus corporis animati: sed se habeat ad corpus vt nauta ad nauem. Et hæc  
 proculdubio sententia Aristotelis in hoc loco. Ad tertiam dicendum, quod  
 ex eo loco Tertij de anima potius conuincitur intellectum esse separabilem  
 à corpore: quàm quod sit inseparabilis. Nā si esset inseparabilis, Aristoteles  
 absolute quæstionem illam proposuisset, dixissetque: an verò intellectus in-  
 telligat aliquid abstractorum considerandum est nullo addito: Nunc verò  
 cum dicat: vtrum autē cōtingat intellectum non separatum à magnitudine  
 intelligere aliquid abstractorum: innuit duos modos essendi intellectus: in  
 quorū altero nō cōtingat quæstio, in altero verò cōtingat. Nā quādo intel-  
 lectus separatus est à magnitudine, nō est dubiū, an intelligat abstracta, imò  
 manifestū esse potest, quod intelligat. Sed dubitatio est, an intellectus, dū est  
 cōiunctus corpori, peruenit ad tantā perfectionē, vt aliquod abstractum in-  
 telligat. Hanc enim quæstionem proponunt etiam nostri Theologi: apud  
 quos non est dubium de separatione animæ. Ex hoc ergo non colligitur  
 Aristotelem voluisse intellectum non esse separabilem, imò potius colligi-  
 tur Aristotelem oppositum sensisse. Hanc verò quæstionem puto ego ab  
 Aristotele fuisse solutam in duodecimo Metaphysicæ in textu trigésimo  
 nono & quadragesimo. vbi inquit, dispositio qualis optima nobis quidem  
 paruo tempore, & cætera. Hic enim existimo Aristotelem illud innuisse,  
 quod dicit Algazel in sua Metaphysica: quod aliquando sapientum bono-  
 rumque virorum intellectus adeo eleuatur, vt pertingat ad fulgorem diui-  
 norum quandam capiendum: eisque diuina appareant, sed tanquam fulgur  
 quod cito pertranseat. sic quoque nos cito decidimus ab intellectione illorū.  
 Nam vt inquit Augustinus in Octauo de Trinitate, statim nobis se  
 obiciunt imagines & nubila phantasmatum sicque ab optima illa disposi-  
 tione decidimus. in Nono verò Metaphysicæ fortasse eam quæstionem solu-  
 uit, vbi inquit, quod ignorantia illa quæ opponitur veritati simplici, quæ est  
 in intelle-



- A** in intellectu abstractionum, non est in nobis ut cœlitus, & cœtera. Locus vero ille in duodecimo Metaphysicæ in textu decimo septimo est adeo perspicuus, ut ei, qui textum extorquere non vult; nihil possit esse clarius: nam ibi loquitur de mente, quæ est anima: & de anima, quæ est forma simul incipiens esse cum facto, id est composito. talem autem mentem inquit ipse nihil prohibet separari. Ecce quod apud Aristotelem nil obstat, quod sit actus corporis: quin possit separari, neque etiam quia simul incipit esse cum corpore, propterea separari non poterit. in Primo verò Ethicorum, ubi dubitat an felicitates ac infortunia amicorum pertineant ad defunctos; quid clarius dicere potuisset? inquit enim concludendo. Videntur autem tam
- B** prosperitates quàm aduersitates amicorum aliquid defunctis adferre; tale autem ac tantum ut neque felices infelices, nec quicquam aliud huiusmodi faciat. Sed aliquis dicit, paulò superius sub dubitatione locutus est. inquit enim, Si aliquis ex his ad illos perueniat; exile autem esse bonum aut contrarium. Respondeo, quod si quis rectè animaduertat, dictum illud sub dubitatione positum est propter illud quod dixit in primo de anima; quod nullus post mortem reminiscitur amicorum; quia amor odiûmque ac singularium cognitio est in intellectu per conuersionem ad intellectum possibilem; qui intellectus passiuus corruptibilis est: & post mortem non est. Et idcirco dixit, si peruenit ad illos non quia non sint: sed quia non sunt sensui coniuncti: per quam haurit intellectus cognitionem horum singularium.
- C** quamobrem vsus est hoc modo loquendi: ut diceret, Si peruenit ad illos: tanquam qui disuncti sint à rebus istis sensibilibus. in secundo verò Physicorum in textu vigesimo sexto, postquam dixit, quod consideratio naturalis stat ad formas, quæ specie sunt separata; sed existunt in materia, quia sol & homo generant hominem, id est, ad animas intellectiuas hominum, ut etiam exponit excellentia tua; subdit quomodo se habeat hæc separabilis, & quid sit, primæ philosophiæ est opus determinare. Et hoc consonat ei quod dicit in primo de partibus animalium, capite primo, quod agere de intellectu secundum omnem modum nõ est naturalis: interque alias rationes hanc adiungit, quia intellectus non est natura, quæ sit principium motus, principium enim vegetandi est anima vegetatiua; principium alterationis, quæ est secundum sensum, est anima sensitua. Principium delationis est aliud ab intellectu, nam delatio est in cæteris animalibus; intellectus verò non est; cum dicit intellectum non esse in cæteris animalibus, in quibus est delatio; secludit certè hominem, in quo vult esse intellectum; qui non est considerationis naturalis secundum omnem eius operationem: de quo etiã dicit statim postea, quod est abstractus: naturalis autem non considerat de formis abstractis. quomodo autem intellectus sit considerationis Physicæ, alterius est negotij perscrutari. In secundo verò de generatione animalium in capite tertio, ubi dubitant, an omnes animæ veniant in conceptum, qui est in potentia ad illas; cum ante fuerint, an nullæ veniant, cum ante fuerint. an aliquæ aut fuerint, & aliquæ non. Respondet his verbis. Cæterum omnes

ante esse impossibile his rationibus esse ostēditur. quorum enim principiorum actio est corporalis, hæc sine corpore in esse non posse certum est, verbi gratia, ambulare sine pedibus itaque ea extrinsecus venire impossibile est. nec enim ipsa per se accedere possunt cum inseparabilia sint: neque cum corpore: semen enim excrementum alimenti mutati est. Restat igitur ut mens sola extrinsecus accedat, eaque sola diuina est; nihil enim cum eius actione communicat actio corporalis. quid clarius dici potuisset; quam hæc mētis immaterialitas? Sed dicit aliquis, hīc videtur Aristoteles dicere, quod mens præcedit in esse corpus cōpositum; & quod venit in corpus cum ante fuerit. in duodecimo verò Metaphysicæ in textu decimo septimo, & est locus quem superius adduximus; videtur dicere, quod simul incipiat esse cum corpore, sed remaneat post corpus. Ad hoc respōdeo, quod de illo, ad quod ratio naturalis ex operatione intellectus pertingit, scilicet quod intellectus sit immaterialis, & ex consequenti immortalis simpliciter, Aristoteles non dubitauit. de his verò, ad quæ ratio naturalis nō pertingit per certitudinem. Aristoteles ambiguus fuit: & iccirco vno in loco videtur dicere, quod anima simul cum corpore incipiat esse, in alio verò quod extrinsecus veniat, in omnibus tamen sibi ipsi consentit, quod sit immixta materiæ, & quod actio sua sit incorporea; & quod per se sit, neque in suo esse indigeat corpore. qua de causâ neque de felicitàte post mortem locutus est. quia ad eam nō pertingit ratio naturalis, nisi per coniecturas: in Primo verò Ethicorum loquitur de felicitàte hominis compositi: & præcipuè de felicitàte politica, ut patet diligenter consideranti ea quæ dicit. Hac etiam de causâ in duodecimo Metaphysicæ, ubi loquitur non de animabus hominum, sed de intelligentiis, dixit, tot esse, quot sunt motus cœlestes, ad plures verò ratio naturalis non pertingit per certitudinem. Nec tamen propterea asseuerandum est non esse plures: quia hanc negatiuam non demonstrat ratio naturalis: quamobrem in eo loco dicit rationabile est tot esse: necessarium verò fortioribus relinquatur. Quamuis autem præter hos alij etiam loci adduci possent ex Aristotele, hos tamen puto satis esse: Ex quibus meo iudicio colligitur Aristotelem de immortalitate animæ dubium non fuisse. Verum de eius operatione post mortem: an antecedit corpus nec ne: cum ratio naturalis ad hæc per certitudinem non pertingat; puto eum fuisse ambiguum, propterea quæ parum aut nihil de rebus illis locutum fuisse: non enim fuit Aristoteles tam insipiens; quemadmodum multi ex his, qui nunc philosophantur; ut putaret quicquid nesciret ipse non esse, ita ut metiretur esse rerum sua cognitione ac scientia. imò nec naturali hominis cognitione metiendum, esse rerum dicit ipse in locis plurimis: nullus ergo miretur si de statu animarum post mortem locutus non est: quamuis putarit animas post mortem remanere: quod si putasset, eas post mortem non remanere, nulli dubium cum omnes fere oppositū crederent temporibus Aristotelis, quod in eum retorqueri posset ratio; quam adducit ipse in secūdo Physicorum contra antiquos, qui de casu & fortuna mentionem non fecerunt, inquit enim.

- A enim. Si non putarunt casum & fortunam aliquid esse; hoc eis declarandum fuit. cum omnes contrariam habeant existimationem, putentque casum & fortunam aliquid esse. Sic nos quoque diceremus in Aristotelem, si non putat animam post mortem remanere; cum omnes existiment eam esse immortalem; aperiendus fuit hic error viro philosopho. praesertim cum Plato quem in omnibus reprehendere conatur; tam clara voce tot & tanta de animabus dicat; cur non aliquo in loco figmenta Platonis ab Aristotele non reprehenduntur: Mirum reuera hoc esset; si putasset Aristoteles illa fuisse penitus figmenta. At dicet aliquis veritus est leges. Respondemus: quod Epicurei ac Cirenaici non verebantur leges; dicebantque sine periculo animam esse mortalem: at in aliis Aristoteles veritus estne leges? in secundo Metaphysicæ, ubi inquit, quantum valeat consuetudo leges ostendunt; in quibus fabularia & puerilia magis creduntur, quam per se manifesta. in duodecimo, ubi deridet facientes Deos humana forma; veritus ne est leges? minime. Non ergo etiam in hac re veritus fuisset leges. Multa adhuc indiscussa supersunt ab excellentia tua dicta. an scilicet homo naturaliter appetat immortalitatem: an posita anima mortali aliquis debeat mortem eligere: an miracula possint fieri à corporibus cœlestibus: an impossibile sit homines ad proprium finem dirigere absque mendacio. Verum satis superque censeo abusum me fuisse humanitate tua: cum tam longis nugis te detinuerim ac fatigarim: in quibus noui ego multa esse quæ castigatione indigant: quo factum est, ut tibi tanquam medico cuidam animorum excellentissimo nostrique amantissimo, quicquid carcinomatis aut vlceris intus geram; palam fateri non erubuerim; quo enim pacto medellam quærat; qui medico vlcus tegit? Tu verò pro ea, qua me semper beneuolentia profecutus es, benigno animo & sereno vultu; quicquid id totum est accipe: bona tanquam tua cognoscas: mala verò tanquam mea castiges ac corrigas. Vale præceptor ac pater honorandissime.





## LIBER SECVNDVS.



**L** G I excellentissime præceptor magna animi at-  
tentione diuinam apologiam tuam; in qua mortalita-  
tem humani intellectus rationibus astruere, simul-  
que ea refellere conaris, quæ immortalem esse ani-  
mam videntur asserere. Visum sanè mihi est opus  
adeò præclarum & insigne, vt cum in cæteris operi-  
bus tuis, quæ edita sunt, recenitiores omnes scripto-  
res longe superes; in hoc te ipsū planè superasse vi-  
dearis. Nam tam magna rationum copia, aculeisq;  
tam acutis vndequaque aduersarios vrges, ac op-  
primis: vt nec respirandi quidem facultas præsto illis esse queat. ingenuè fa-  
tebor ego, cui persuasissimum est immortalem esse animam, inter legen-  
dum sæpè numero adeò me rationibus obrutum sentiebam; vt certissima  
res in dubium mihi reuocari videretur. plurimis verò in locis mirabar  
in nostro tractatu ea fuisse: quæ rationibus validissimis refelli videbam. Ver-  
rùm cum mentē, animūque à lectione reuocassem, excipissēque mecum  
putare hinc inderationes, dicam ingenuè, (non enim nostrum est opinari ac  
assentiri cui voluerimus) multa inueniebam; in quibus nondum mihi ipse  
satisfacere poteram; quod ex tarditate ingenij, mei mihi contingere facilè  
posse existimo. quo effectum est, vt diutius mecum ipse ambigerem an scri-  
ptis mandanda, tibi que mittenda à nobis essent. quæcunque dubitamus; an  
potius silentio transeunda, ne toties abuterer humanitate tua, ineptisque  
disputationibus nostris obtunderem purgatissimas aures tuas; cæterum me  
animi dubium ad scribendum plurima compulserunt, in quibus non minima  
nec postrema ratio fuit; quod in fide primi libri luculentissimæ apologiæ  
humanissimis verbis me ad scribendum inuitas; Si quid adhuc superfuerit,  
quod dubitem; deinde quoniam cum non ambitionis sed indagandæ verita-  
tis gratia huius mihi quæstionis disputatio sit instituta, cui libet licere sine  
arrogantiæ nota censendum est quid sentiat profiteri; quemadmodum in  
Senatoribus ciuibus qui de republica consulunt, nam vtrouque de com-  
muni agitur bono, paritèrque licere cuique, nulla personarum habita ratio-  
ne, veritatem à quocūque in lucē edita fuerit, amplecti ac venerari. Vnicus  
namque eius in lucem prodendæ auctor Deus, qui hominibus interdum in-  
spicientibus veluti quibusdam instrumentis vtitur in ostendenda veritate,  
quamobrem nullus ex hac re gloriam sibi deberi existimet, sed optimo ma-  
ximo

**A**ximo Deo tantum gratias agat, quas potest; veritatemque à quouis editam tanquam à Deo prodierit, veneretur ac amplectatur. postremo si in quouis rectè instituta Republica lege sancitum est, ne reus quispiam habeatur, nisi prius suam ipse aliùve eius causam egerit; quod si quandoque contingat ob inopiam, reum oratorem ad suam causam tuendam conducere non posse, tunc publico salario oratores ad huiusmodi munus à Republica conducti, inopum reorum coram iudicibus vel in nequissimis sceleribus causas tuentur: certè gravissimorum virorum sententiam hanc de animæ mortalitate, absque defensore ream agi nullo pacto à viris philosophis permittendum est. Quamobrem præceptor ac pater nunquam sine honoris præfatione appellande, quicquid id erit quod leges, æqui bonique consules, inscribimusque meam castiges ac corrigas; nulloque pacto in animum inducas tuum, me ambitione motum ad hæc scribenda. Nam ut sileam de impietate, insanus proculdubio furisque agitatus haberi possem, si certandi animo hæc à me provincia suscepta esset: quid enim, ut Lucretius inquit, facere tremulis artibus ludi consimili incursum possunt & fortis equi vis. Verum ne te multis detineam, ad rem deveniam, & quia infinita ferè adducta sunt ab excellentia tua; multaque sæpius, repetita; quæ omnia si discutienda essent, & longissimum volumem expolerent, & ociosissimum hominem, nec modicum tempus: quæ cum ego præstare nec velim, nec per occupationes familiares possim:

**C**icero ea tantum brevi oratione perstringam, quæ maximè ad rem facere videbuntur, ommissis interim cæteris, quæ fere omnia in libello nostro de animi immortalitate continentur, verum strictim adeò, ut nisi à solerti lectore colligi nequeant; de quo libello id vere dicam, nequaquam à nobis conscriptum eo animo fuisse, ut in lucem prodiret, sed ea tantum ratione, ut abs te legeretur & castigaretur. qua de re maxima in eo componendo negligentia usus sum, paucisque diebus, vel paucis potius horis conditum, ita ut erat primo calamo scriptus, transcribendum tradidi; nec recognitum ad te misi, quo effectum est ut multis in locis multa desint à scriptore omissa; nonnullaque perperam posita. Verum nunquam mihi persuaserim tam negligentem fuisse qui scripserit, tamque ignarum: ut is quem impressum video; tibi legendum missus sit, in quo plures certè errores conspicio, quàm verba, ut omittam quæ desunt, nam aliquibus in locis tres quatuorve lineæ desiderantur. Sed de hoc satis. Ad rem accedam, ne te amplius morer: eoque utar ordine, qui accommodatior mihi videtur. Non incipiam ab argumentis tuis, cum argumenta ac solutiones pendeant ex rationibus nostris ad astruendam animæ immortalitatem. ideo à suppositis ac rationibus nostris ordiar, deinde an argumenta excellentiæ tuæ procedat pauca dicam, postmodum nonnulla de philosophi dictis, postremo de tertia illa conclusionem, quæ excellentia tua erronea & ridiculosam appellat, utrumque; quàm maxima brevitatem. Primum suppositum, quod dicit excellentia tua nos fecisse est, quod omnis forma materialis est extensa ad extensionem subiecti. Hoc verò dicis esse falsissimum,

imò formæ materiales quædā sūt indiuisibiles sicuti vox est inuisibilis: quod E  
 probat multorū præclarissimorū vitorū auctoritatibus, deinde rationibus.  
 Nā vegetatiua & sensitiua in homine cū idēptificētur, secundū positionem  
 nostrā intellectuæ sunt indiuisibiles, & tamē sunt formæ materiales, vt ma-  
 nifestū est. postea sicuti forma immaterialis, dat esse extensū, cur è cōtra for-  
 ma materialis nō poterit esse inextēsa? deinde subdis gradus quoddā forma-  
 rum materialium, dicisq̃ue quasdam esse extensas secundum essentiam  
 & potentias, quasdam verò inextensas secundum essentiam, extensas ve-  
 rò secundum omnes potentias, vt brutarum animæ. quasdam verò in-  
 extensas secundum essentiam & aliquas potentias, vt anima intellectu-  
 ua. illæ verò formæ, quæ secundum essentiam & omnes potentias sunt F  
 inextensæ, sunt immateriales simpliciter; huiusmodi verò sunt intelli-  
 gentiæ. Hæc fere quantum colligere potui, dicta sunt circa hoc suppo-  
 situm. in quibus magna mihi dubitatio est. Nam nec rationes excellen-  
 tiæ tuæ cogere, nec rationes probantes hoc suppositum facilē solui posse  
 videntur. qua in re valde miror, cum hoc suppositum apud excellen-  
 tiam tuam, dum philosophiam profiteretur in gymnasio Patavinio, com-  
 pertissimum esset; nec centies sed decies milies ego id ab ea audierim tan-  
 quam axioma quoddam afferri; quid in causa fuerit, quod nunc sententiam  
 mutauerit. Verū quicquid sit de hoc, accedamus ad rem hanc dis-  
 cutiendam. quantum ad auctoritates pertinet; quia mihi ocium non est  
 tot auctores voluere ( licet viderim diuum Thomam in prima parte & in G  
 libro contra gentiles ) qui mihi loqui videtur de anima intellectiua de qua  
 tractat, & per animalia perfectā videtur mihi intelligere animalia habentia  
 animam perfectam, non partem animæ: huiusmodi verò sunt homi-  
 nes non bruta; quæ habent partem animæ non perfectam animam. deinde si  
 standum est auctoritatibus eorum, quos adducit excellentia tua, cum  
 dixerint omnes illi animam esse immortalem: idem quoque profiteamur nos;  
 nec etiam pauciores adducerem ego auctoritates ex Auerroë excellentissimo viro  
 oppositum dicente expressissimè, vt nouit excellentia tua. verū quoniam non est  
 viri Philosophi auctoritatibus inniti; sed rationibus: iccirco abstinebo ab auctoritatibus, solisq̃ue  
 rationibus contendam. Prima ergo ratio adducta meo iudicio non pro-  
 cedit. quia per vegetatiuam, & sensitiuam quæ sunt in homine, vel in-  
 telligis potentias & facultates humani animi, vel essentiam ipsius animi  
 humani, qui forma substantialis quædam est. Si potentias, falsum est  
 quod assumitur, illas scilicet esse indiuisibiles; imò sunt potentie quæ-  
 dam de secunda specie qualitatis, affixæ organis corporeis; & extensæ  
 ad extensionem subiecti; quæ etiam corrumpuntur per corruptionem  
 compositi: si verò intelligis essentiam, à qua fluunt illæ potentie, sic fal-  
 sum est illam esse formam materialem: imò forma immaterialis est, & iccirco  
 immortalis. Ad secundum dico, quod esse extensum non est in mate-  
 ria ab ipsa forma, sed extēsis est de accidentibus proprijs materiæ, ipsamque  
 insequen-

- A** in sequentibus. nec pertingit ad formam, nisi ea fuerit mixta cum materia, licet extensionis limitatio & terminatio, quæ ex diuifibilitate formæ procedit; & veluti indiuisibilitas quædam est extensionem compescens, sit à forma. Verùm quia non sufficit soluere aduersantes rationes: Sed ad astruendam positionem aliquam non per se notam, oportet præterea adducere in medium rationes eam probantes: iccirco, vt puto firmissima adducemus argumenta probantia suppositum nostrum. primò igitur nulla forma, quæ habet esse non in se, sed mixtum cum materia; est indiuisibilis vt vox inuisibilis: sed forma materialis habet esse non in se, sed mixtum cum materia; vt manifestum est ex quid nominis formæ materialis: ergo nulla forma materialis est eo modo indiuisibilis. maior probatur ex ratione mixti, à qua sumpta trāslatione dixerunt formam aliquam mixtam cum materia, & aliquam immixtam. quomodo enim intelligibile est aliquod alteri esse mixtum, nisi qualitas & dispositio eius cui miscetur, ad ipsum pertigerit? nec hoc dissimile est ab eo, si diceremus mel mixtum esse aceto, non tam acutum illum aceti soporem inficere mellis dulcedinem. Postea omnis forma materialis est hîc, id est, est comprehensa à certo loco, & veluti digito demonstrari potest; nulla forma indiuisibilis eo pacto est comprehensa à certo loco, nec digito ostendi potest; ergo nulla forma materialis potest esse eo modo indiuisibilis: prima propositio est nata ex conditionibus formæ materialis; nam
- C** forma, quæ non est hîc, est forma abstracta. Altera propositio probatur. Nam omne quod comprehenditur à certo loco, & quod digito ostendi potest, determinatam positionem habet, vt notum est: nam huius oppositum est intelligibile: omne verò quod determinatam positionem habet, est affectum quantitate: quale non est indiuisibile vt vox est inuisibilis. Postea omne accidens, quod est non per abstractionem intellectus, sed per realem existentiam in ea forma, quæ non est per se in actu, sed est tantum actus, afficit materiam quæ illius formæ est subiectum, & ab illo materia denominationem sumit. Non enim oppositum est intelligibile, sed forma materialis est tantum actus per se existens; ergo eius accidens afficiet materiam vt subiectum, & ab eo materia denominabitur. Si ergo aliqua forma materialis secundum realem existentiam sit indiuisibilis vt vox inuisibilis, etiam materia ea indiuisibilitate afficietur: erit ergo & materia ipsa sic indiuisibilis. at ex altera parte est extensa propter quantitatem inhaerentem. Simul ergo erit extensa & indiuisibilis, quod implicat contradictionem. Postea cum vnum & ens eandem dicant naturam ex quarto Metaphysicâ; illa quorum vnitates sunt permixta, nec etiam sunt mixta secundum esse, sed vnitas rei secundum realem existentiam indiuisibilis vt vox est inuisibilis, nequit esse permixta cum vnitate rei existentis continuè, qualis est materia, vt manifestum est & notissimum: ergo talis forma non poterit habere esse mixtum cum materia. postea, secundum ea, quæ dicit excellentia tua, potentia & facultas



formæ alicuius, quæ facultas est indiuisibilis vt vox inuisibilis, est immaterialis: cur ergo forma substantialis, quæ eo modo est indiuisibilis, non erit immaterialis? certè nulla ratio adferri potest. Amplius circa gradus illos formarum adductos, demonstratio octauæ physicorum per se sumpta erit insufficiens ad probandum abstracta esse, nisi fulciatur per locos topicos à minori, vt eam fulsit excellentia tua, qui etiam sunt insufficientes. nam quis scit an aliqua potentia alia nobis non nota sit intelligentia mouens cælum affixa materiæ? quum adhuc sumus dubij an secundum essentiam intelligentia sit abstracta. Quamobrem certissimum est apud me nullam formam materialem posse esse indiuisibilem vt vox est inuisibilis. Hæc de primo supposito. Postmodum inquit excellentia tua nos. supposuisse intelligentiam esse formam corporis cælestis, quod falsum est, primo quia tunc cælum esset in pura potentia: quorum subiectum motus esse non posset, cum ex quinto Physicorum generatio ideo non sit motus, quia materia, quæ est subiectum generationis, est in pura potètia. Postea sequeretur quod intelligentia esset pars essentialis cæli: & ita diffiniretur per orbem. Postea intellectus quæ intellectus, non est actus alicuius corporis; intelligentia verò non habet de viribus animæ, nisi vim intellectiuam & appetitum insequentem intellectum. postea motum ex se diuiditur in partem per se mouentem & partem per se motam; cælum est motum ex se: ergo pars mota per se est: quare non potest habere esse à mouente parte tanquam à formali causa. amplius forma & materia ex secundo Physicorum, sunt sibi inuicem causæ: Si ergo intelligentia est forma cæli, dependeret à materia tanquam à causa. Sunt deinde plures loci Auerrois hoc dicentis, quod cælum est medium inter ens simpliciter & puram potentiam: quare verius dicitur subiectum quàm materia. quapropter dicit excellentia tua falsissimum esse intelligentiam esse formam dantem esse corpori cælesti, vt præclare ostendit beatus Thomas rationibus adductis. Non possum etiam hoc in loco clarissimè præceptor non mirari, quod etiam hac in re mutaueris eam sententiam, quam clarissima voce profitebaris in Gymnasio Patauino. imò cum memoria repeto acerrimas disputationes tuas cum Antonio Trachanciano de hac re; qui renebat intelligentiam non esse formam dantem esse corpori cælesti: neque non obstupescere, quod sententiam mutaueris. Caterum quicquid huiusce rei causa fuerit, ad rem accedamus. & quia satis supérque rationem ad hæc probandum adduximus in nostro tractatu, illæ sint satis. Soluam tantummodo rationes quas adducis. Ad primam ergo dicendum, quod recedendo à non gradu entis, magis distat ab eo corpus cæleste, quàm materia prima. quare cum recessus à non ente sit per actum quendam: corpus cæleste non est in pura potentia, sicuti materia prima: Sed est in actu si comparetur materiæ. Non tamen habet esse completum, ita quod per se existat, sed ab intelligentia hoc sortitur: quamobrem habet esse ab intelligentia; habet tamen tantum actus; quod sufficere possit ad hoc, vt sit subiectum

- A** iectum motus. Ad secundū dicendum, quod cū esse partis sit esse deficiēs, intelligentia verò habeat esse omnino completum, non habet rationem partis: licet det & communicet suum esse alteri, nam communicare esse non est perfici sed perficere, quare etiam non sequitur, quod diffiniretur per orbem. Ad tertiam dicendum, quod cum dicimus intellectum, quā intellectus, non esse actum corporis, noluimus dicere formam substantialem, quæ est intellectiua; non esse actum corporis, id est, perficientem corpus: Sed quod virtus intellectiua non est affixa corpori, aut eius parti, tanquam ab ea in esse & in operari dependens. quare hoc non tollit, intelligentiam posse informare corpus cœleste. Ad quartam dicendum, quod ea ratio est adducta pro nostra suppositione. nam non est imaginabile aliquid posse dici motū ex se, nisi pars mouens & mota sint cōprehensa sub vno esse: neque oportet quod pars mouēs per se sit tanquā suppositum quoddā, & pars mota per se sit tanquam alterum quoddā suppositum. Hac enim ratione nullum animal posset dici motum ex se, nisi cōstaret ex duobus suppositis, quæ nequeūt esse vnum. Sed sensus est quod in moto ex se aliqua est pars mota per se, id est distincta à mouēte, & aliqua est pars mouēs distincta à mobili, quæ ex propria inclinatione nō insequēte naturā sed cognitionē mouet. oportet eas vtrāsq; partes sub vno esse cōprehēdi, aliter motū esse dici nō posset. Ad quintā dicimus, quod ibi Philosophus inquit nō esse incōueniens, cum plura sint genera causarū, causas sibi inuicē esse causas. nō autē dicit quod sit necesse, quod clarū est: nā & de materia & forma loquitur, quæ sunt inuicē causæ & de efficiēte & fine. Modo non est necesse causā finālē actionis depēdere ab agēte tanquā à causā efficiēte, vt patet de fine operationū totius vniuersi, cuius causa efficiens nō est aliquid agens in vniuerso: cuius tamen ipse est finis. Verū non inconuenit aliquādo efficiens & finē sibi esse inuicē causas in diuersis generibus. illud, quod addebat excellentia tua, quod forma & efficiens non coincidunt in idem numero: quamuis solui posset, quod intelligitur de forma terminante generationem: quia tamen in solutione argumenti de creatione, dicis æterna non habere causam efficientem, sed conseruantem, non procedit etiam secundum sententiam tuam. Auctoritates verò Auerrois mirum quā faciant pro nostra sententia. Nam verum est,
- D** vt diximus, cœlum esse medium inter puram potentiam & ens in actu simpliciter, & secundum positionem tuam esset ens in actu simpliciter, quia per se existeret seclusa intelligentia. Verū ab auctoritatibus nobis abstinendū ducimus in hoc opere, vt diximus in præfatione. nam quilibet textum vidēs melius iudiciū asserre potest, quā ex alicuius scriptis. Caterum hoc, quod dicitur de beato Thoma; scio beatum Thomam non assentiri huic sententia: non tamen apud ipsum inconuenit actum per se existentem, qui habet esse deficiens, posse dare esse materiæ, quare si eius auctoritati est standum nil curo de hoc supposito an sit verū necne, dummodò alterum concedamus, quod ipse habet pro compertissimo. hæc satis de his suppositis: illud verò vbi tota vis est, omnisque de hac re perscrutatio inniti debet scilicet

quod considerandum est, an anima intellectiua sit actus tantum, an actus  
 qui est in actu; ad quod etiam omnes nostrae rationes tendunt. miror omis-  
 sum fuisse ab excellentia tua, ibi enim est cardo totius huiusce quaestio-  
 nis. Hæc de suppositis. Nunc accedamus ad solutiones argumentorum pro-  
 bantium animam esse immortalem. Primum accedis ad soluendam ratio-  
 nem, quā adduximus ex Auerroë in tertio de Anima, quod scilicet intelle-  
 ctus non est forma materialis, quia recipit omnes formas materiales. soluit  
 hanc rationem excellentia tua, licetque multa dicat, in summa tamen vide-  
 ris mihi dicere, quod materialitas citra gradum vegetatiuum impedit co-  
 gnitionem. Ultra verò non impedit cognitionem, adeò vt secundum aucto-  
 rem huius rationis, quam nos adducimus, Auerroëm inquam, in virtutibus  
 sensitiuis materialibus deueniatur ad virtutem cogitatiuam humanam, quæ  
 comprehendit indiuidua omnium generum; substantiamque cognoscit  
 absque sensibili; cōmuni & proprio. ex quo etiam videtur quod intelligat  
 vniuersale. quare valde miraris quod Auerroes, cum hæc dixisset in secundo  
 de Anima; postmodum in tertio adduxerit eam rationem ad probandum  
 intellectum esse virtutem abstractam. Ego verò excellentissime præceptor  
 (ingenuè loquor) quanquam etiam miratus sum; adeò vt sui oblitum &  
 ebrium existimarem Auerroë. verū cōtrā incredibile mihi videbatur, quod  
 excellētissim⁹ philosophus omniumq; iudicio præclarus in eodē opere adeò  
 se ipso dissentiret; tanquam futilem rationem adduxisset in tanta re: quam  
 ipse adeo compertam habuerit: vt non sit veritus fateri intellectum huma-  
 num esse vnicum in omnibus hominibus: ne fateretur eum esse materialem.  
 quāobrem interius re prospecta mihi proculdubio videtur eam rationem  
 esse validissimā: si quis eam rectè consideret. dicimus ergo, quod cum virtus  
 receptiua comparatur ad suum obiectum proprium, vt potentia ad actum:  
 de ratione verò potentia est, vt secundum naturā & essentiā suam careat  
 actu, quem respicit: iccirco virtus receptiua obiecti proprii, quod respicit  
 per se; debet secundum naturam & essentiā non esse in genere sui obiecti  
 (an verò secundum existentiam quoque oporteat vt obiecti natura careat,  
 in præsens quando breuitati studemus, differatur.) His addamus, quod pro-  
 prium obiectum intellectus nostri est, quod quid est rei materialis, quod  
 sententia Aristotelis in tertio de Anima, ita se habet ad intellectum, sicut  
 sensibile proprium ad particularem sensum: quo fit vt sicuti sensus semper  
 sit verus circa proprium sensibile, ita intellectus circa quod quid semper  
 sit verus. id autem experimento comprehendimus. nam percepta re  
 quāpiam sentimus impulsū intellectus quærentis quid sit res illa. Verū  
 quoniam quod quid est rei, ac propriè est forma rei quæ est verè natura rei:  
 quare & Philosophus semper ferè appellat causā formālē quod quid erat  
 esse. iccirco ex his sequitur, quod intellectus respiciat formas materiales tā-  
 quā propriū obiectū; quæ ita se habeāt ad intellectū sicuti sensibile propriū  
 se habet ad sensū particulare. Ex quibus sequitur meo iudicio efficacissimè,  
 quod intellectus secundū naturā & essentiā non sit in genere formarū ma-  
 terialium

- A** terialium. illud verò, quod adducitur ex Auerroe de virtute cogitativa, est valde dissimile, ut puto. Nam virtus cogitativa, dato quod deueniat ad cognitionē individui substantiæ, ex accidentibus id cognoscit: licetque ipsum distinguat ab accidentibus; cognoscit tamen in quantum individuum est, quod esse non completur nisi per aliqua accidentia. verbi gratia, quantitatē; neque de individuo comprehendit, aut inquirat quid sit, neque secundum rationem vniuersalem, neque secundum rationem individualement, ut dicit commentator in secundo de Anima, commento sexagesimo quinto: & est locus quem adducit excellentia tua. igitur non respicit formas materiales, tanquam obiectum proprium, sicuti diximus de intellectu. Hæc de prima solutione. De alia verò ratione nostra, quod scilicet intellectus est immaterialis, quia intelligit vniuersalia, nihil hic dicam: cum satis dictum sit in nostro tractatu: conferant qui legerint argumentum solutioni, & ut cuique videbitur, adhareant. Illud tamen non omittendum reor, mirum mihi videri, quod argumentum illud reflectatur ab excellentia tua: ac si idem sequatur ponentibus animam esse immortalem, scilicet quod intellectus sit in materia; nam apud ponentes animam immortalem, anima est actus qui per se est, neque habet esse mixtum cum materia: igitur nil prohibet intellectionem esse in intellectu, non autem in corpore tanquam in subiecto. Neque anima est in materia, nisi tanquam perficiens materiam secundum esse substantialem: non autem secundum eas perfectiones, quas habet in se. Sed apud ponentes animam mortalem, anima est forma, quæ non est in actu per se, sed est tantum actus. modo implicat contradictionem, neque intelligibile est, quod secundum tealem existentiam aliquid sit in actu, qui est tantum actus, non autem per se est: tanquam in subiecto. & est ratio, cuius solutionem sæpius quaesivi ab excellentia tua; ob tarditatem tamen ingenij neque in apologia neque in priori tractatu tuo, eam deprehendere potui. Hæc satis de hac solutione. Accedit postmodum excellentia tua ad soluenda simul duo argumenta nostra, quæ reuera eandem habent vim: scilicet quod intellectus est reflexius supra se suasque operationes, & se intelligit organice: ergo est virtus non organica, & per consequens immaterialis. Hic dicit excellentia tua utramque consequentiam falsam esse, scilicet quod virtus organica non est reflexiua supra se, imò sensus exterior percipit se sentire, ut dicunt plurimi clarissimi auctores, in quibus est beatus Thomas nunquam satis laudatus. neque vera est illa propositio, quod organum semper sit medium inter virtutem vtemen organo, & obiectum illius virtutis. Sed hoc habet veritatem tantum in virtute non affixa organo & obiecto primo. altera etiam consequentia est falsa: non est virtus organica, ergo est immaterialis: quia apud excellentiam tuam intellectus non est virtus organica, tamen simpliciter est materialis. neque verus est citulus in intellectione, qua intellectus se intelligit: quia non primò, sed intelligit se, intelligendo alia. Nos verò dicimus utramque consequentiam videri nobis necessariam. Primò namque prima necessaria est. sicut enim omne, quod localiter mouetur, est quatum; ita om-

ne, quod operatur est; at in motu locali corpora, quæ mouentur motu recto sunt quantitatis rectæ: quæ verò circulari motu mouentur, sunt circularis quantitatis. Nam figura, quæ est qualitas, in quantitate proportionatur motui naturali locali: qui est per se in subiecto quanto. Cum ergo operari præsupponat esse, illa quorum operatio est per modum motus recti; esse quoque habent per modum linearæ rectæ: quæ ab vno puncto incipit, & ad aliud tendit. Sic in his esse incipit à forma rei tanquam à principio, & desinit in compositum, non autem in formam; nam compositum est illud, quod est. forma verò non est illud quod est, sed est principium essendi. in illis verò, quorū operatio est per modum motus circularis, esse quoque debet esse per modū circuli, ita quod in illud desinat, à quo incipit. talia verò sunt formæ per se subsistentes & immateriales. Virtus ergo, quæ est reflexiua supra se, non potest esse organica. postea id quod se cognoscit perfectè, oportet vt secundum se totū sit intelligibile; & secundū se totū sit intelligis, materia verò cū sit à cognitione & cognoscibilitate aliena, nequit esse intrinseca & mixta ei, quod se cognoscit. At in virtute organica cū id quod operatur & cognoscit, sit id quod est: cōpositum ex potētia & organo cognoscit, quia cū intrinsecam habeat materiā se perfectè cognoscere non poterit. quod verò subdit excellētia tua quod sensus sentit suam operationē: dato quod hoc esset verū (dicā tamē paulò infra de hoc) nō tamen propterea est virtus reflexiua supra se, & mediāte organo suam operationē cognoscit, dato quod ea cognoscit: mediātque semper organum inter id quod sensus cognoscit, & ipsum sensum. quod probatur ratione primū, deinde auctoritate philosophi. primò ergo, cum sensus sentit suam operationem, vel vitur organo vel non. si non vitur, ergo essentialiter non est virtus organica: illud enim, quod separabile est ab aliquo, essentialē nō est. Si vitur, cum de ratione organi hoc sit, quod scilicet sit illud quo agens operatur, de necessitate sequitur organū esse medium inter virtutem sentientem & ipsam sensationem. postea illud quod intrinsecum est esse alicuius, magis illi est propinquum, quā eius accidens. sed in sensu organum est principium intrinsecum sui esse; est enim materia, sensatio verò est accidens. ergo magis propinquum est organum virtuti sentienti; quā ipsa sensatio: medium ergo est organum inter virtutem sentientem & ipsam sensationem. Ex qua ratione apparet secundum rationem cōtingere oppositum eius quod dicis. inquis enim, virtus non affixa organo habet hoc quod organum est medium inter ipsam virtutē, & id, circa quod operatur. at in virtute affixa hæc propositio est falsā, ex ratione verò, quam adduximus, apparet; quod ex hoc quod est affixa organo, & non per se est, sequitur de necessitate, quod organum sit illi magis proximum, & per consequens medium inter ipsam, & id circa quod operatur. Philosophus etiam dicit in libello de somno & vigilia, & in libris de anima sæpius, quod sentire est motus animæ per corpus, ac si corpus sit medium. nunc reuertamur ad id, quod supra dimisimus, an scilicet sensus sentiat suam operationem, licet beatus Thomas in aliquibus locis id dicat: tamen in secundo de anima vult

- A** ex eoque quod per sensum percipimus nos sentire, hoc autē non possit sensus exterior, quod detur sensus cōmunis, sed quicquid sit de opinione Thomæ; certē philosophus in libello de somno & vigilia adducit hanc rationem ad probandum dari sensum communem, dicitque eā ad verbum quæ subdo, est autem quædam & communis potentia, quæ sequitur omnes scilicet quinque sensus, quia & quod videt & audit sentit, non enim visu videt quoniā videt & iudicat, itaque potest discernere alba à dulcibus, &c. ecce quā clare dicat philosophus sensu communi, non autem visu nos iudicare quoniam videmus. Verū quicquid sit de hac re, cū non multum faciat ad præsens negotium, omittatur: De secunda verò consequentia, quod non sequitur si non sit organica quod sit immaterialis, & quod intellectiōe, qua intellectus se intelligit, non est perfectus circulus. primo, dicimus de secundo. quamvis intellectus intelligat se, intelligendo alia, facit tamē perfectum circulum; quia perfectē se inquit & cognoscit. & hoc est de ratione circuli, quod ab vno puncto incipiat, à quo primo disjungetur, postmodum verò ad illud idem perfectē reuertatur; ex quo conuincitur intellectiōem, qua intellectus se intelligit, esse maximē similem circulo. intelligentiæ verò, quæ se primò intelligunt, habent potius modum vnitatis, quā circuli: cū à se non exeant vt ad se reuertantur: sed in seipsis maneant. De consequentia verò quod scilicet si non est virtus organica est materialis, dicam ingenuē, meo iudicio oppositum intelligi non potest. Nam cū res eo modo operetur quo est; si qua forma per se non sit, sed si actus tārū quo compositum est; neque per se sine materia in qua est operari poterit. illa ergo virtus, quæ per se sine vilo corpore seu organo corporeo operatur, mihi videtur quod etiā per se sit; quare quod etiā sit immaterialis; intelligant alij oppositum. fateor, apud me non esse illud intelligibile. id verò quod postmodum veluti in trāseursu & obiter quærit excellentia tua, cur scilicet apud tenētes animā immortalem, sicuti anima afficitur passionibus concupiscibilis & irascibilis, quæ sunt materiales; non ita possit affici quātitate & qualitate. ad quod dico quod longē est diuersa ratio in vtrisque. Nam irascibilis & concupiscibilis raditantur in anima, cuius sunt potentie: & iccirco earum affectiones pertingunt ad animam, licet inducere contra imperium rationis eam non possint. quantitas verò & qualitates sunt dispositiones materiæ, à qua anima secundum esse non dependet. post hæc pergit excellentia tua ad soluendas rationes nostras sumptas ab operatione voluntatis: primò eam soluit, quæ sumitur ab appetitu vltimi finis, in qua nihil mihi amplius dicendum; conferant qui legerint, ei quæ adhiereant, ubi libitum erit. Vnum tamen subdit excellentia tua ex beato Thomā, de pueris qui sunt in limbo, in quibus nulla est poena sensus, quamvis privati sint vltimo fine; quia scilicet inquit Thomas is finis secundum naturam non sibi debebatur, sed est finis, qui improporcionatus est humanæ naturæ. Ad hoc dico quod finis vltimus intellectus ratione suæ receptionis, seu, vt clariùs loquar, ratione potentie receptiæ, qui sibi naturaliter debetur; non solum apud philosophos, sed etiam apud

Christianos, est Deus gloriosus, in quo est omne bonum. nonne, inquit Augustinus in libro confessionum, Domine creasti nos ad te, & inquietum est cor nostrum donec quiescat in te. & in psalmo, satiabor cum apparuerit gloria tua. Verum quò ad principium actuum, quod est lumen naturale, finis hic secundum philosophos est etiam naturæ intellectus proportionatus, ut patet ex Auicenna & Algazel. licet Auicenna posuerit quod in Colcotea illi copuletur noster intellectus. idem etiā patet ex Auerroë: qui voluit quod post perfectionem intellectus speculatiui cursu naturæ deueniat homo ad eam copulationem. At nostri Theologi voluerunt, quod ratione nostri luminis finis hic sit naturæ nostræ improporcionatus; requiraturque ad eum attingendum gratia & gloriæ lumen. quare etiam dicunt in limbo pueros propter defectum habilitatis ad gratiam capescendam carere pœna sensus, licet habeant pœnam damni. De solutione argumenti nostri sumpta ab electione id tantum dicam. Si intellectus & voluntas, quatenus materialis est, subditur corpori cœlesti, carêque libero arbitrio. quatenus verò immaterialis est liber, quod cum simpliciter sit materialis & secundum quid immaterialis, sequitur quod simpliciter careat libero arbitrio, neque sit dominus suorum actuum, quod, an sit verum, alij considerent. An verò solutio rationem nostram soluat, iudicent qui rationem & solutionem viderint, ac inuicem contulerint. Hæc de solutionibus nostrarum rationum. Reliquum modò est ut breuiter ac strictim percurramus destructiones nostrarum responsionum ad argumenta tua. quo in loco præfatione mihi vtêdum duco, quæ etiam in nostro tractatu quodammodò sumus vsi. Nos scilicet ad ea argumenta, quæ directè probabant animam esse mortalem, certas etiam dedisse responsiones. ad ea verò, quæ procedebant ex statu animæ post mortem, aliisque quæ circumstant immortalitatem, dedisse responsiones non certas, sed probabiles. huiusce rei ista ratio est, quia meo iudicio animam esse immortalem sciri potest ratione naturali. ea verò, quæ sunt huic annexa, de statu scilicet animæ post mortem, de operatione eius an reuniatur corpori necne, non possunt sciri ratione naturali: & iccirco non certæ, sed dubiæ quædam solutiones dantur, quare quædam ex omni parte non satisfaciunt. Neque propterea, quamuis ad plenum satisfieri non possit rationibus, quæ sunt circa consequentia ad animæ immortalitatem, debemus dicere repugnare rationi naturali animam esse immortalem; quia naturale lumen in plerisque pertingit ad cognitionem alicuius antecedentis, licet de consequentibus, ex quibus particularior cognitio haberetur illius antecedentis, ex defectu cognitionis omnium accidentium illius rei, non sibi satisfacere vndequeque possit. Quam rem ne quis miretur, clarissima exempla adferam. Scitur ratione naturali corpora cœlestia esse sphærica, rationem non assero, cum nullus eam ignoret, quare scitur corpus cœleste, in quo est sol, esse sphæricum. Verum cum de diffinitione sphæræ est quod habeat centrum, corpus ergo hoc solem deferens sphæricum habebit centrum. Vel ergo centrum huius corporis est centrum mundi vel aliquid aliud punctum. hæc certè diffundiu necessaria-



- A** necessariò sequitur ex eo antecedente quod orbis solem deferens sit sphaericus. quod si dicas hoc cētrum solis esse aliud punctum à centro mundi: hoc certè est contra principia naturalia. primò quia omnis motus simplex, vel est à medio mundi, vel ad medium, vel circa medium mundi: quare cūm motus solis circularis sit motus simplex, erit ergo circa mūdi medium, & sphaera mouetur circa suum centrum: quod est penitus immobile; ergo centrum huius sphaeræ est centrum mundi; non ergo aliud punctum. postea si esset aliud pūctum, vel oporteret esse vacuum vel dari penetrationem corporum, vel oporteret ponere corpora quædam cœlestia non verè sphaerica, sed veluti mōstra quædam ex vna parte grossiora, & ex altera parte tenuiora. quemadmodum ponit Ptolomæus esse duo corpora deferentia augem solis, quæ omnia ridicula sunt & repugnantia principiis naturalibus. ergo centrum huius corporis non est aliud punctum à centro mundi. At ex altera parte, obseruatum est certissimis obseruatiis, solem duos dies (ni fallor) amplius morari in motu qui est ab æquinoctio verno, scilicet à primo puncto arietis per æstatem & cancrum vsque ad autumnale æquinoctium, id est, ad primum punctum libræ; quàm à primo puncto libræ per hyemem & capricornunt vsque ad vernum æquinoctium. quæ tamen spacia sunt omninò æqualia in octaua sphaera. Vel ergo motus solis est irregularis, aliquando scilicet velocior & aliquando tardior, quod est impossibile: vel maior pars sui orbis est ab ariete ad libram per cancrum, minor verò à libra per capricornum ad arietem. quamobrem sequitur quod orbis solis sit accentricus, aliudque centrum habet à centro mundi. Ex illo ergo antecedente, quod scimus scilicet quod sit sphaericus, sequitur quod sit excentricus & non concentricus, & quod neque sit excentricus neque concentricus, quod implicat contradictionem. quia ergo de consequenti verificari non possumus, negemus antecedens. dicamúsque quod repugnat principiis naturalibus orbem solis esse sphaericum. certè hæc res esset viri immoderanter philosophia & cognitione naturali vrentis, at si quis dicat nos quidem lumine naturali scire antecedēs, de disiunctiua verò illa consequente certos esse non posse, quia sicut dicit Aristoteles in secundo de cœlo, pauca habemus accidentia cœlestis corporis propter distantiam, iccirco particularis admodum scientia haberi à nobis non potest, vniuersalis tamen habetur. quo fit, vt de illo antecedente sumus certi, de disiunctiua consequente incerti. Hæc certè solutio videri meo iudicio potest esse viri grauis & eruditi: dignoscentisque quid sciri potest ab eo quod sciri non potest ex defectu cognitionis accidentium rei, de qua est quæstio. Similiter certū est ratione naturali altra nō posse moueri, sed infixæ esse corpori, in quo mouentur. nā per se neque in vacuo neque in pleno moueri queunt. Nunc rationem omittam quæ notissima est. Luna ergo mouetur infixæ alteri corpori. Vel ergo hoc corpus, in quo infixæ est luna, est epiciclus, vel orbis ipsam deferens. aliud enim dari non potest. si dicas quod est epiciclus, certè hoc repugnat principiis naturalibus. primò, quia esset aliqua sphaera mota motu simplici; quæ circa mediū mundi non moueretur: deinde
- B**
- C**
- D**

quia corpora cœlestia, orbis inquam, essent perforata. postea quia cùm plenilunium contingat, vt etiam concedunt astrologi, luna existente quandoque in auge epicicli, quandoque in opposito augis, interdum verò in latitudinibus mediis, si luna moueretur in epiciclo, facies in luna non semper eodem modo videretur se habere, sicuti videtur. non ergo infixæ est epiciclo. at contra, luna quandoque est altior, quandoque depressior, quod manifestum per eclipses, nam in eodem puncto longitudinis & latitudinis existens, quandoque magis subintrat vmbra terræ, magisque eclipsatur, quandoque minus: quod certissimis obseruationibus comprehenditur, ergo est infixæ epiciclo. Aliæ etiam ad hoc validissimæ rationes adduci possunt, quas dimitto gratia breuitatis. ergo ex illo antecedente, quod scilicet nō per se mouetur luna, sequitur contradictio, quod scilicet sit infixæ epiciclo, & quod non sit infixæ epiciclo, sed orbi ipsam deferenti. quare cùm de consequenti certi esse non possumus: imò vtraque pars consequentis disunctiua habeat contradictiones naturales, à quibus nescimus euadere. destruamus ergo antecedens, dicamúsque lunam per se vagari, modò subliniorem, modò depressiorem, certè hoc non esset sani ac grauis philosphi: imò quilibet sanus diceret se de antecedente certum esse, de disunctiua consequente incertum: quia habet cognitionem huiusce rei vniuersalem, particularem verò habere non potest, ex defectu accidentium propter distantiam cœlestis corporis (alia huiusmodi exēpla adduci possent, sed hæc sint satis.) Si ergo hæc solutio & responsio grauis sapientisque viri est in corpore cœlesti, quod est corpus sensibile, cuius motum & lumen sensu conspiciamus: quæ ergo mirum videri debet si de humano intellectu dicimus; quod sciri potest ratione naturali ex eius operatione, quæ experimur dum viuimus, eum esse immortalem. de statu verò eius post mortem an vniatur corpori necne, nos illud scire nō posse ex defectu accidentium; quia certissimum est omnibus, animo existenti immortali, quod eius separati nullum accidens à nobis perfingi potest. quo fit vt certè euadere non possimus contradictiones naturales, quæ adduci possunt ad ea, quæ circumstant animæ immortalitatem. Neque propterea debemus destruere antecedens, scilicet animum esse immortalem. Hoc meo iudicio est recte ac sobrie philosophari: ille verò qui ex eo quod in particulari cognitionem habere non potest de re quapiam, destruere etiam cognitionem in vniuersali, facile destruere posset omnem philosophiam & omnem cognitionem naturalem. Hæc præfatus reuertor vnde digressus sum. Solutiones ergo ad argumenta, quæ directè impugnant animum esse immortalem, certæ dantur nec dubiæ meo iudicio. Solutiones verò, quæ dantur ad argumenta, quæ destruunt immortalitatem animi ex cōsequentibus ad illud antecedens, non sunt certæ, sed probabiles & dubiæ. cuius ratio est, quia cum rectum sit iudex sui & obliqui, de priori verò simus certi, certæ etiam resolutiones dantur: de secundo verò cum simus incerti, non certæ, sed probabiles & dubiæ resolutiones dari possunt. Accedamus ergo ad argumentationes tuas contra solutiones nostras, erimúsque quàm maximè breues. De prima ergo

impu-

- A** impugnatione nil amplius dicā, cum tota pendeat, an ex hoc solum, quod intellectio non sit in corpore tanquam in subiecto, ostendi possit animam esse immortalem, necne. De secūda impugnatione solutionis dicimus optimē conuenire, id quod diximus de vegetatiuo & sensitiuo, materiali & immateriali virtute. Nam sicuti vegetatiuum per se sumptum constituit plantā, quæ repugnat animali, quod constituitur per sensitiuum; tamen anima sensitiua continet virtute vegetatiuam; neque esset intelligibile aliquid simpliciter esse in genere plantæ, & habere potentiam sensitiuam. ita sensitiuum per se sumptum constituit materiale, quod est mortale & repugnat, immateriali; tamen forma immaterialis, qualis est intellectus, continet virtutem materialem, quæ qualitas quædam est ab ipsa anima fluens, existens tamen in corpore tanquam in subiecto. Non est autem apud me intelligibile, quod forma simpliciter materialis habeat potentiam immaterialem, quia secundum modum essendi nunquam potentia est supra essentiam; sicuti etiam non est intelligibile aliquid esse in genere plantæ simpliciter, habere tamen potentiam sensitiuam. quod verò dicis, quod potentia non potest separari ab essentia: à qua fluit: quod tamen contingit in anima intellectiua secundum nos; nam potentia sensitiua & vegetatiua corrumpuntur à remanente: dicimus nos quod potentia, quæ est in essentia tanquam in subiecto, non potest separari ab essentia; at illa, quæ est ab essentia tanquam à principio, est tamen compositi vt subiecti, & est affixa corpori, potest separari ab essentia à qua fluit: quod etiam secundum positionem tuam manifestè sequitur. Nam potentia visiua cum sit affixa oculo, corrumpitur per euulsionem oculi, tamen essentia animæ inuisibilis illa remanet. Ecce ergo quod secundum positionem excellentiæ tuæ idem dici oportet. cætera quæ dicuntur in impugnatione, & an impugnatio procedat, alij considerēt.
- C** De tertia oppugnatione nil dicam, quia supponit id quod est in cōtrouersia, an scilicet intellectio, quæ non est in corpore tanquam in subiecto, conuincat animam esse immortalem: idē ad eam rationem lector dimittatur. De quarta oppugnatione, hoc in loco applicāda est præfatio, quam fecimus. dicendum nos probabiliter, non certē respōsuros. pro solutione verò aduertendum est, quod pars & totum in hoc differunt: quod pars habet de ratione sui esse deficiēs, totum verò habet esse perfectum: quare dicitur in primo de cælo, quod omne, totum, & perfectum sunt idem secundum ideam, licet differant in subiectis. quando ergo aliquod habet esse deficiens, habet ratione partis: quando verò non habet esse deficiēs, habet ratione totius nō autē partis. Hoc supposito dicimus probabiliter quod utraq; pars potest sustineri. dicimus ergo quod dici potest, quod nō reuietur. Cum autem argumētari, est pars, ergo reuietur. dicimus quod licet in principio habuerit esse deficiens, & idē vnita fuit corpori: quare tunc etiam habuit rationem partis; postquam perfecta est, amplius non habet rationem partis, sed totius: idcirco secundum naturam non appetit reuisionem: sicuti surculus arboris, cum est in arbore habet rationem partis, quia habet esse deficiens: at

auulsus ab arbore sulcôque traditus, actis radicibus, quia per se sibi sufficit, E  
 non habet amplius rationem partis, sed totius; neque appetit reuniri arbori. Ad id verò quod adducitur ex beato Thoma & reliquis Theologis dicentibus oppositum, respondemus quod Theologi postquam per lumen fidei intellexere resurrectionem futuram, cum verum vero consonare debeat ex omni parte, iccirco dixerunt, quemadmodum reuera est, quod anima separata habet rationem partis. tamen non posita resurrectione, quæ innotuit lumine fidei, sic dixissent vt Agazel & Auicenna dixerunt. possemus probabiliter & alteram partem tueri, quod retinetur per nouam generationem, cum inceperit habere esse deficiens abolitis dispositionibus prius acquisitis à materia, (licet prior pars sit mihi magis probabilis) neque ista F  
 transmigratio est motus localis, quia non sunt in loco animæ separatae, eritque nouus homo quantum ad partem principalem idem homo, licet non absolute sit idem propter variationem aliarum partium: circumstantiæ verò alia, quæ quærentur, sciri non possunt. dicimus tamen non esse inconueniens per aliquot tempus animam morari sine aliqua intellectiōe, & iccirco non est inconueniens si non statim vniatur corpori. Ratio verò cur potius isti quàm illi vniatur, assignari non potest; sicuti etiam non potest assignari ratio, cur in determinata aliqua parte materiæ prius fuerit, a. indiuiduum bouis, verbi gratia, & b. indiuiduum alterum fuerit posterius; nisi quis ponat ordinem essentialem in generationibus indiuiduorum; sicut videtur sequi ex dictis Marsilij in quæstionibus primi de generatione. & secundum hanc positionem licet anima separata sit immunis à motu cæli, & ab eo tempore: tamen & ipsa habet suas mutationes & mensuram durationis quandam, quæ deficit ab æternitate. Neque inconuenit quod terminet generationem factam à sole & ab homine, quamuis sit immaterialis, sicuti non incōuenit apud Auerroem, quod intellectus ille vnicus terminet generationem factam à sole & ab homine. Quod verò ex beato Augustino contra Porphyrium obiicis, quod tali posita reunitiōe cum anima reparata sciat se non esse firmam & stabilem in ea felicitate, in qua fruitur optimo, nunquam ergo erit verè fœlix. dico quod hoc maximum mihi videtur argumentum, neque mihi satisfacio in solutione. quare alterā partem, vt sæpè dixi puto probabiliorē. tamen dici potest quod cum anima sciat illud fieri post longa sæcula, noritque etiam se non perpetuò priuandam ea felicitate, iccirco propterea infœlix tunc dici non potest, cum optimo fruitur; præsertim cum eius ordini tunc maximè obtemperare cupit. illud verò quod subdit excellentia tua miraculosum esse, animam separatam per se existere, sicut etiam est de accidentibus in sacramento altaris; fateor me nunquam id antehac nec apud Theologum aliquem vidisse, neque secundum Christianum dogma dici audiuisse. fortasse id vidisti tu, ego nunquam audiui nec vidi. Hæc de hac quarta solutione satis sint, de qua re certa solutio, vt puto, adferri non potest. De quinta solutione & impugnatiōe dicimus, quod vtrumque tempus & separationis & vnitiois ad corpus est H

- A** est animæ naturale, sicuti naturalis est rei grauis, & motus ad centrum & quies in centro. Quod si quæras, cur anima potius definitur per esse actum corporis, quàm per esse separatam quod habet. dicimus ad hoc, quod cùm definitiones dentur vt res definita innotescat, anima verò secundum esse cōiunctum sit nobis nota, secundum esse separatam ignota; iccirco potius definitur secundum esse coniunctum quàm secundum esse separatam: illud verò, quod subdis, perfectionem rerum non consistere in quiete, sed in operatione. nos quoque dicimus verum id esse. neque nos per quietem intellexisse priuationem operationum, sed adimpletionem quandam appetitus per conuenientem & omnino sibi proportionatam operationem. De
- B** sexta solutione impugnationeque nil mihi dicendum amplius iudico: conferant qui legerint solutionem nostram impugnationi, adhæreantque cui libitum fuerit. id verò, quod subditur, quod si intelligit sine phantasmate, tunc non erit rationalis, sed intellectus; possumus & negare consequentiam, & etiam concedere consequens. Nam cùm ratio sit intellectus obumbratus, quid mirum si post rationem perfectam anima deueniat ad cognitionem, quæ dici possit intellectus? imò ferè hoc accidit in viris, qui exercitatissimi sunt in scientiis, vt dicit beatus Thomas in pluribus locis. Hæc de sexta. Nunc dicendum de septima solutione impugnationeque: dicimus quod desunt quædam verba in solutione nostra, quod scilicet potentia illæ corrumpuntur, vt manifestum est. sunt enim affixæ organis & materiales. quod verò dicis quod corrumpi nequeunt, quia essentia nequit separari à potentia, diximus supra, quod ab illis potentiis, quæ non sunt in ipsa tanquam in subiecto, sed in composito, & sunt affixæ materiæ, potest essentia separari, quod sequitur etiam secundum positionem tuam. Nam si cui eruantur oculi, potentia visua corrumpitur, quæ affixa erat illi organo, licet essentia animæ remaneat. De eo verò quod dicis, quod quoniam potentia ordinatur ad actum, esset frustra, si semper suo priuaretur actu. dicimus, quod quando actus illius potentia ad aliquid aliud ordinatur tanquam ad finem, cùm potentia per suum actum comparauit ei, cuius potentia est, illud, ad quod ordinabatur eius actus, non dicitur esse frustra, licet postmodum careat actu; quia suum assecuta est finem, vt patet de augmentatiua. De octaua solutione impugnationeque satis dictum in secundo supposito, quoniam intelligentia det esse orbi. iccirco non repeto. Id verò quod in fine dicis de beato Thoma, qui dixit intelligentiam esse formam cæli in secundo contra Gentiles, capite septuagesimo, in quo nihil dicit de hac re, ego non satis intelligo quid dicas, puro fuisse impressoris vitium. De nona solutione, impugnationeque, quia illa solutio, quam impugnat excellentia tua, non est nostra solutio, vt manifestum est legenti, iccirco nil mihi dicendum est. de eo, quod subdis an hominē verè corrumpatur, patet quod non ita verè corrumpitur sicuti cætera quorum formæ desinant esse. De solutione impugnationeque decima dicimus, quod quamuis Scotus excellentissimus vir tenuerit, indiuidua

eiusdem speciei inuicem distingui per proprietates indiuiduales, non autem per materiam, & nos eam solutionem retulerimus ad eam partem, quam putamus magis probabilem, quod scilicet reunitio non detur: tamen sustinendo, quod fiat illa reunitio, & etiam tenendo quod distinctio indiuiduorum, in eadem specie fiat per materiam (hoc enim putamus magis Aristotelicum) dicimus, quod cum per illud, per quod aliquid constituitur in specie, habet esse completum; per illud idem est hoc aliquid, id est, indiuiduum; quare cum idem nequeat esse causa ac principium indistinctionis seu idemprimitatis & distinctionis, iccirco in vna specie vnicum tantum est indiuiduum. At quando per illud, per quod aliquid constituitur in specie, non habet esse omnino completum, sed habet esse deficiens; cum defectus ille completetur per materiam, in qua recipitur, & secundum quam habet esse omnino completum, utique principium per quod est indiuiduum, & per quod distinguitur ab aliis indiuiduis eiusdem speciei est materia; attamen ipsae formae secundum se intrinsece distinguuntur; licet prima radix, origoque distinctionis, sicut & indiuiduationis sit ipsa materia, propter esse deficiens ipsius formae, quod vel habet actu, vel habet aptitudine, id est, non quod habitura est, sed quod habuit ex sua natura. Hoc stante dicimus, quod animae separatae distinguuntur secundum se; origo tamen illius distinctionis fuit materia, quam informarunt: quod si fuerit eadem portio materiae primae nil refert. Nam cum non simul, sed diuersis temporibus, & diuersis dispositionibus affectam materiam informarint, neque materia sit causa distinctionis in esse & in conseruari: nam, ut diximus, distinguuntur secundum se, separatae animae non inconueniunt duas animas distinctas ab eadem materia sumplisse distinctionem. si etiam teneamus reunionem, idem dicimus quod animae quia sunt aptae naturae habere esse deficiens, quod completetur per materiam, sunt multiplicatae in eadem specie, & prius secundum naturam, intelligitur anima vnita corpori, quam separata, licet neutrum esse sit altero absolute prius tempore, posita mundi aeternitate: sicuti secundum naturam gallina est prior ouo, quia perfectum quoddam est, ouum imperfectum, tempore vero absolute neutrum altero prius est, nec inconueniunt, quod eandem vel diuersam materiam informant. Nam, ut dixi, distinguuntur secundum se licet origo illius distinctionis sit materia: tamen priorem partem, quod scilicet non reuniatur, tenemus magis esse probabilem. Rationes, quas adducis contra tenentes materiam esse indiuiduationis principium, non est nostri negotij soluere. De vndecima solutione impugnationeque dicimus, quod ea ratio de infinito procedit directe circa aeternitatem immortalitatis. iccirco probabiliter respondemus, nam secundum veritatem fidei nulla est ambiguitas, dicimus ergo quod infinito esse aliquid maius ea parte qua finitum est, non inconueniunt: nec etiam inconueniunt duo esse infinita, quae secundum quid sint finita; sicuti est de praeterito tempore infinito, & futuro infinito; quorum utrumque in aeternitate est in actu, licet in duratione hac temporali sit in potentia. id vero quod postea subdit

- A** subdit excellentia tua de infinitate Dei, & cætera: quia id nos non diximus, neque eam assignauimus rationem, vt legens inspicere potest: à nobis omitatur. De duodecima verò, decimatertia, decimaquarta & decimaquinta solutionibus nostris oppugnationibusque tuis nil mihi dicendum superest, cõferant qui legerint, adhæreantque cui libuerit. Nunc accedendum nobis esset ad textus Aristotelis, in quibus vel de immortalitate vel de mortalitate loqui videretur. Sed quoniam ex lectione textus, & ex his quæ antecedunt & consequuntur quilibet melius sibi satisfacere potest, quàm ex alicuius interpretationibus seorsum scriptis: ideo lectores ad textum mittatur, ipsique dijudicent vter sensus de mortalitate scilicet an de immortalitate magis accommodari queat: nos verò tantum quosdam locos notabimus, qui sunt omnes ferè extra textum. primum ergo quod dicas nos dixisse eò quod Aristoteles in secundo de anima dixerit opinatiuum esse alterum à sensitiuo, voluisse ex eo loco intellectum, quo opinamur, esse immortalem, reuera nõ est ita: sed ex superiori textu, vbi dicit de intellectu & perceptiua potentia altera ratio est, &c. nos diximus hoc colligi. Sed quod ibi locutus sit de intellectu humano colligitur ex eo, quod immediate subdit de opinatiuo & sensitiuo, quæ ratione distinguuntur. Alter locus in quo me taxat excellentia tua, est in textu vigesimo tertij de anima, vbi dicitur quod hoc solum est immortale. inquis si hoc solum referatur ad intellectum possibilem, quem admodum dicis in vna tuarum expositionum, sequitur quod agens intellectus sit corruptibilis; nos verò dicimus hoc non sequi. Nam cum suprà dixerit agens esse nobilius patiente, & principium materia, particula ea solum licet referatur ad possibilem, non habet relationem ad agentem, quem dixerat nobiliorem possibilem; sed ad alias partes animæ in eodem textu vbi nos diximus Aristotelem loqui de reminiscencia horum singularium, id est, sensibilem. infinita ferè dicit excellètia tua, cur scilicet anima separata per species hinc acquisitas non intelligit singulare, sicut intelligit vniuersale; cuius rationem dimitto, quia omnibus est obuia. quod verò dicis quod se intelligit, & Deum, quæ singularia quædam sunt, miror quod non differentiam facias inter singularia abstracta & sensibilia, quorum est sensus, & quæ intellectus non intelligit nisi per reflexionem ad sensum. quare etiam Theologi nostri inquirunt, quod anima separata intelligit hæc singularia sensibilia, non per species acquisitas hinc, sed per species infusas intelligunt, vt dicit diuus Thomas in prima parte, vbi etiam dicit pulcherrimè de intellectione abortorum ac infantium. quomodo verò expositio nostra quadret, vnusquisque ex Themistio colligere poterit, à quo nos etiam sumpsimus eam expositionem. Alter etiam locus notandus, dicit excellentia tua, quod in primo de Anima, vbi philosophus dicit, si anima habet operationem propriam, contingit ipsam separari. quod accepit, contingit, pro necesse est. Sed videat excellentia tua; quòd hoc stare non potest cum inferius positis, vbi inquit, si non habet operationem propriam, non contingit ipsam separari. vbi, non contingit, non significat, non necesse, quod tamen oporteret secundum ex-



positionem tuam : sed significat impossibile seu non possibile. ex quo colligitur, quod suprà acceperat, contingit, pro possibile est, ut nos exposuimus. Alius locus est in quinquagesimo sexto textu tertij de Anima, ubi dicis nos dixisse, quod an separata anima à magnitudine intelligat abstracta, philosophus omisit, tanquam rem manifestam. hic dicis nos nobis contradicere, ubi diximus quod de operatione animæ separatæ sciri non potest qualis sit. hic nos dicimus reuera nos accepisse manifestum, pro minus dubio. deinde stat, quemadmodum puto, quod sit manifestum, quod intelligat abstracta, tamen quo pacto hoc fiat, & qualis sit hæc intellectio, non esse comperit nobis. quare nulla secundum rei veritatem est in dictis nostris contradictio; licet qui in malum sensum omnia trahit, inuenire possit nodum in scirpo, ut dicitur in proverbio. de eo verò loco in primo Ethicorum, ubi dicis, nos nobis contradicere, non possum satis mirari; quàm in finistrum sensum dictum nostrum acceperis, nec totum sed partem recites. diximus, quemadmodum reuera est, philosophum dixisse, quod infortunia nepotum & amicorum non faciunt felices & infelices defunctos, si ad eos pertingunt. Hoc enim subditur in textu & à nobis; quam conditionem diximus apposuisse philosophum; quia in tertio de Anima in textu vigesimo, declarauit quod non pertingunt, quia intellectus passibilis corruptibilis est. Estne hæc contradictio? repugnant ne hæc dicta dicenti quod non reminiscuntur mortui singularium sensibilibus? Reuera si alius nostra dicta ita perperam interpretatus esset, ac legenda in publicum tradidisset; non possem eum non arguere malignitatis & impietatis. Verùm de me potius quàm de te hoc suspicarer, quem noui mei amantissimum esse. de illo autem loco, quod quidditatem animæ separatæ diximus pertinere ad primum philosophum, cum tamen in alio loco dixerimus, sola fide hoc sciri posse, neque lumen naturale ad id pertingere, dicimus nos, quod cum prima philosophia, sicut dicit philosophus in primo Metaphysicæ, sit scientia de Deo, & quam maxime Deus habet; multa pertinent ad primam philosophiam secundum se consideratam, quæ tamen à nobis lumine naturali capi non possunt, neque tradi queunt in philosophia prima participata ab homine: nam cum sit scientia de Deo, & quam maxime Deus habet: præcipuè ad ipsam pertinet tradere quid sit Deus; tamen à nobis pertingi non potest quid sit Deus, ut etiam tu in multis locis dicis. quare non mireris si hoc spectat ad primam philosophiam secundum se, ut etiam videtur dicere Themistius in prologo Physicorum, non tamen à nobis pertingi possit. de opinione verò Solonis, quam Aristoteles taxat in primo Ethicorum, & ex quo loco vult excellentia tua non fuisse à philosopho reprehendendum Solonem, si anima est immortalis, quia secundum hanc positionem dictum Solonis est verum, quod scilicet vltima semper expectanda dies homini; dicique beatus ante obitum nemo supremæque funera debet. Nihil meo iudicio est clarius quàm huius rei solutio. Nolebat Solon aliquem in obitu esse felicem, quia post obitum ei cōtingeret felicitas, neque de alia felicitate locutus est, quàm de felicitate politi-

A politica, verum tunc eum dicebat felicem propter exactas operationes & fortunas, à quibus in obitu amplius non poterat decidere in infortunia. & hoc reprehendit Aristoteles, & contra hunc sensum procedunt rationes ipsius. inquit enim, quomodo in obitu verè dici potest qui fuit felix; cum nunquam antea de presenti vetè dici potuerit eum esse felicem, &c. Deo eo verò, quod dicis extasim esse infirmitatē cerebri, quia à præclarissimis viris disputatum abunde est, quod inter sit inter ægritudinem cerebri & diuinum afflatum illum, quem præter Paulum & Moysen, quos ob reuerentiā fidei excellentiā tua excipit, plurimis excellentissimis viris contigisse memoriæ proditū est, inter quos Plotino summo philosopho & præclarissimi hominis viro: nunc à nobis nihil dicendū dūco. quod verò inquis conatū beati Thomæ fuisse ut iaceret Aristotelem Christianum, mirum quod in octauo Physicorum hoc non fuerit conatus; imò reprehendat eos qui dicunt Aristotelem adduxisse rationes eas ad probandum motum esse æternū, non tanquam necessarias, sed tanquam probabiles: mirum etiam, quod Theophrastus eius discipulus, quique viam eius vocem complures annos audiuit, & relictus successor in Academia fuerit, Themistius innumerisque alij conati fuerint Aristotelem Christianum facere. quod autem dicas dictum nostrū, quod scilicet anima esse immortalis probari potest ratione naturali, sit contra fidem; qui ex hoc probari posset resurrectio. Ergo & beatus Thomas, Augustinus, omnesque ferè Christiani, qui hoc censuerunt, contra fidem sunt locuti. Mirum certe; imò dicimus hoc maximè esse secundum fidem, quæ proficitur lumen supernaturale nō esse contrarium lumini naturali, sed esse perfectionem quādam defectus luminis naturalis. Maximè ergo secundum fidem est, ut id quod inchoauit lumen naturale, neque perficere potuit, lumine supernaturali fidei perficiatur. Cum ergo lumen naturale probet animā esse immortalem: de statu verò animarum post mortem fluctuet, nihilque certi afferre possit; maximè congruum est, ut id lumine supernaturali perficiatur; neque hoc quod perfectum est, disconuenit ei quod lumine naturali inchoatum est. Ecce quā pulchrè & commodè conueniant omnia secundum nostram positionem: at secundum positionem oppositam, quæ vult lumen naturale perfectum esse, nihilque inchoare quin perficiat, valde periculosum est ne lumen supernaturale ponatur, non perfectionem, sed destructionem naturalis luminis. itaque cum nobis sint comperta ea, quæ lumine naturali scimus, periculum est ne putemus fabulas esse ea, quæ dicuntur fieri lumine supernaturali: hocque lumen figmentum quoddam censamus. quod verò subdis Platonem sensisse animæ mortalitatem, à quodamque Græco te id audiuisse, qui Platonē ac Platonicos viderit, iudicet. Ego ex hoc minus miror, quod etiam Aristoteli qui pressius est locutus, attribatur hæc sententia. In postrema parte nequeo satis obstupescere quod dixeris nos postremis verbis nostri tractatus arguisse te insufficientiæ. Mirum certe, dixeram ego quod multa mihi supererant, quæ facta fuerant in tuo tractatu: in quibus dubitationes esse possent. Verum nolle me abuti humanitate tua:

cum suprà multa fecissem verba, certè mirandum quod in tam malum sensum omnia nostra amicè ad te missa vt castigarentur, interpretatus sis, notumque postmodum omnibus esse volueris. Nunc superest vt de tertià illa conclusione ridiculosa & erronea paucissimè dicam. Primum ridiculosa est ratio probans conclusionis primam partem, quod scilicet non possit sciri status animarum post mortem. Nam dicebamus quod ratio ducens ad hoc essent animarum operationes, scire scilicet & velle; quæ cum non sint sensibiles ex illis sciri nõ poterit. Quare inquit excellètia tua: hæc ratio contra auctore retorquetur. nam cum nulla sit via ad sciendū immortalitatē animarum, nisi ex intelligere & velle, & hæc non sint sensata, ergo frustra nitimur ea intelligere, & velle probare animam esse immortalem. Erronea ergo & ridiculosa ratio per Deum, nisi fortasse contradicendi desiderio hæc sunt abs te dicta; fateor me esse ebrīū, cui nil ridiculosum hīc videatur, admodūque debilis reflexio & ratio lōgè dispar videatur: intelligere & velle, ex quibus infertur animarum immortalitas, est illud intelligere & velle, quæ in nobis experimur dū viuimus, & quæ, licet non sint sensata, ex sensatis cognoscuntur. at intelligere & velle ex quibus possumus esse certi de statu animarum post obitum, est velle & intelligere ipsarum; ad quæ diximus pertingi à nobis non posse, quia nec sunt sensata, nec connexionem habent cum sensatis, quis non videat tam disparem rationem. Alterum quoque ridiculum est quod diximus, quod sani hominis est credere aliqua fuisse diuinitus reuelata, quibus sumus certi de re dubia, quæ scitu tamen necessaria est. Nos autem diximus hoc esse necessariò consequens ad dicta nostra, & esse verum secundum se, & esse necessarium secundum dicta excellentiæ tuæ. diximus nos, quod animam esse immortalem scitur ratione naturali: status animarum post mortem sciri non potest. attamen stātibus his, quæ diximus, cum felicitas nostra maximè sit potest obitum; cognitio verò felicitatis tanquam vltimi finis omnium operationum maximè sit homini necessaria. Deus autem, cui de omnibus est prouidentia etiam secundum philosophos; non deficiat in necessariis: cur ergo non est sani credere fuisse aliqua diuinitus reuelata: putet qui velit hoc non esse sani hominis, ego puto. itaque profiteor putare me, sanctissimi hominis, hoc esse. Amplius hoc est verum secundum se lumine naturali, intellectus se cognoscit & suum lumen, at ex suo lumine secundum rei veritatem inchoatio quædam est cognitionis, quod perficitur lumine fidei: ergo intellectus comprehendit se inchoare cognitionem quædam, quam perficere non potest, & ad quam naturalem inclinationem in se sentit. cum autem nihil sit mancum in natura, aliquo alio lumine sibi opus esse noscit. quòd autem dicis ad lumen fidei ac ad gratiam nullam deberi in homine præparationem; dicimus nos quod quamuis nullam operationem homo operari queat sine influentia primæ causæ; tamē ad habitualement gratiā acquirendam requiritur præparatio in anima secundum Theologos, licet & huius præparationis sicuti cuiuslibet rectæ actionis, primus auctor est Deus. quare Dicit dominus per Prophetam, conuertimini ad me, & ego cōuertar

- A uertat ad vos. & de hoc videas beatū Thomā in finē primæ secūdx hoc pulcherrimē declarāre. Postremō ex dictis tuis ī tractatu de īmortalitate animę, capite vltimo, nōne hoc expresse sequitur? inquis enim, quod animā esse immortālē aut mortālē, sciri nō potest ratione naturali. subdis postea, quod ali<sup>o</sup> statuēdus finis, si anima mortalis, ali<sup>o</sup> verō si immortalis. Ex his dictis sequitur quod homo ex lumine naturali de suo fine est incertus; at si est incertus de fine qui est mēsurā omniū actionū; erit etiā de aliis actionibus incertus; at cū diuina prouidētia secundū Philosophos vniciq; speciei nō desit in necessariis, sicut dicit Philosophus; ergo secundū tuā sententiā scimus nobis opus esse aliquo alio lumine à naturali; nōne hoc sequitur ex dictis excellentię tuę?
- B quā potius hoc quasi expresse dicit: hoc non appono, verba tua qui legeris, iudicet. Finē hīc faciā, & breuiter colligā in duobus nos inuicē discere. quātum ad modū abstractionis intellectus à materia, in omnibus, vt video, conuenimus. ponimus vnū intellectū secundū essentiam esse indiuisibilē, ponimūque vnum non esse comprehensum à certo loco & tempore. item ponimus quod intellectio sit in intellectu tantūm tanquam in subiecto, nō tamen in corpore tanquam in subiecto. at apud me qui concedit ista de intellectu, de necessitate debet concedere ipsam esse formā, quæ non sit actus tantūm; sed sit actus, qui per se est, & est in actu; quod consequens, vt credo, euitari nō potest. at omnis talis forma de necessitate est incorruptibilis. Excellentia verō tua nescio quonam pacto quamuis eam abstractionem concedat in intellectu, ponit eum esse mortalem. Hoc verō ego capere nequeo.
- C In altero deinde differimus, quod non putamus inconueniens, lumine naturali nos peruenire ad scientiam alicuius antecedentis; cū tamen de consequētibus, eodē lumine certificari non possimus; de qua re superius longum sermonē fecim<sup>o</sup>. Hocque putamus esse verē philosophari; hancque philosophiam, quę suūm noscit defectum, perfectionem animi esse censemus. illam verō quę putat lumen naturale sibi debere in omnibus sufficere, negātque sciētiā eius inchoatā, quia nequit pertingere ad perfectā; putamus nos esse philosophiam admodum periculosā, & quæ instillare animo possit pestiferum & noxium infidelitatis impietatisque venenum. & quamuis se cādidam dicat, atque sub legibus viuētem, veremur nos ne inflata sit ac tumida.
- D Hæc ferē summa est eorū, in quibus vicissim dissentimus. Qua in re me ad modū hinc mouet auctoritas tua, quę philosophorū nostræ ætatis principē puto, grauissimęque iudicij virū; inde verō me rationes cogūt, quas cōmodē solui posse non video. quāobrem cū me ipse colligo, cū assentior tuæ auctoritati, opinionē verā habere me arbitror: & ex altera parte cū me cōuerto ad rationes, ignorātiā mihi dispositionis adesse puto. quo fit vt omnibus cōsulā tuæ potius auctoritati assentiri, quā nostris ineptiis; quas, excellentissimē vir, putato tanquā præludiū quoddā fuisse veræ pugnæ ac certaminis: quod tibi futurū cōiicio ex his quæ dicis in luculētissima hac apologia, cū clarissimo philosopho Augustino Sueslano, cū quo veram pugnam ineas oportet. Nos satis superque prælusimus: tu benigno vultu, quicquid id est, perlege ac castiga. Vale præceptor mi honorandissime.





## NON DARI QVARTAM FI- GVRAM SYLLOGISMORVM

B SECVNDVM OPINIONEM

*Galenus, Ad Oddum de oddis.*

C **E**TSI (vt probè nosti) sum publicis adeò occupationibus implicatus, vt vix respirandi spatium habeam, non potui tamen manum memoria continere, quin pauca hæc conscriberem, quæ memoria repetere potui, ex antiquis studiis meis longo iam diuturnoque temporis spatio intermissis; nam euoluendi codicem aliquem tempus vllum non habeo. Vidi quæ accuratè sanè doctèque abs te scripta sunt, vt sententiam haberi probares de quarta syllogismorum figura. ego è contra pauca quædam conscribam sumpta è mediâ Aristotelis disciplina, in quibus facile cuius cõpertum esse poterit, eam terminorum complexionem, quam adinuenit Galenus, neque secundum naturam esse posse, neque etiam ex ea complexione, seu syllogismo illam conclusionem sequi secundum materiam, quam existimauit Galenus: paucis rem agam, cum parum habeam ocij. Nullus ignorat omnem artem, omnemque disciplinam primò versari circa ea, quæ sunt per se, & secundum naturam; ea verò quæ sunt per accidens, non nisi ex sequela quadam, quatenus scilicet ordinem quandam habent ad ea, quæ sunt per se, & secundum naturam à scientiis disciplinisque omnibus considerari: Huic addas id, quod dicit Philosophus in primo posteriorū, vbi probat, quod in terminis non possumus in infinitum procedere, quod etiam tangit in septimo libro Metaphisices: prædicationes. scilicet eas, in quibus prædicatum formam dicit, & subiectum materiam, esse per se, id est, secundum naturam; illas verò esse per accidens, in quibus aut subiectum de accidente prædicatur, aut accidens de accidente alio. homo est musicus, si quis dicat, prædicationem per se, & naturalem adfert, è cõtra si dixerit, album esse hominem, aut musicum esse album, per accidens prædicationes in medium profert; non enim musicus est homo, quia homo insit musico; sed quoniam est cui accidit musicum esse, est homo. sic item albus est musicus, quia is, cui accidit esse album, est

musicus. pari ratione quoniam vniuersalia habent rationem formæ, minus vniuersalia materiæ, ideo secundum naturam, & per se superiora in eadem coordinatione de inferioribus prædicantur; inferiora verò de superioribus minimè, vt inquit Porphyrius. quamobrem indirectæ prædicationes dicendæ sunt, nisi secundum quid; absolutè verò pronuntiandum est speciem de genere nò posse prædicari, neque inferius aliquid de superiori. His addatur tertium in definitione syllogismi, cum dicitur syllogismus orationem esse in qua quibusdam positis necesse est aliud euenire, & cet. illud aliud, quod euenit quibusdam positis, nihil aliud est, nisi ea conclusio, quæ per se primò sequitur ex præmissis illis. quod si qua ex consequenti sequatur, ac veluti per primum, non est dicendum sequi ex propositionibus illis per se, & secundum naturam, sed artificio quodam, neque de ea aliquam considerationem esse debere, cum figuræ constituuntur, sed tantùm de prima conclusione, quæ primò sequitur quibusdam positis, &c. hæc omnia sunt veluti principia quædam logices disciplinæ, quæ nullus, qui Peripateticus dici velit, ignorare debet: quibus constitutis facile quicumque intelligere poterit, quartam figuram secundum naturam esse non posse, duabus de causis: nam neque ea complexione terminis secundum naturam, & vera prædicatione dispositis, vllò pacto accommodari potest, neque etiam si accommodaretur, ex ea complexione terminorum primò, & secundum naturam deduci potest ea conclusio, quam putat Galenus, sed alia in prima figura. primum euidentissima ratione probatur, nam si A. de C. vera prædicatione, & secundum naturam prædicatur: impossibile est, quòd illud, quod est còsequens ad A. id est quod de A. secundum naturam prædicetur, sit antecedens secundum naturam ad C. ita quod C. secundum naturam de eo prædicetur: nam quidquid prædicatur de prædicato, prædicatur etiam de subiecto, vt dicit Aristoteles in prædicamentis. & si prædicatur B. de A. prædicabitur etiam de C. non ergo. C. de eo poterit secundum naturam prædicari; nihil namque est prius, & posterius seipso. ecce ergo quàm euidenti ratione demonstratum est, eam terminorum compositionem nullo pacto posse accommodari terminis secundum naturam dispositis; & ideo eam figuram naturalem esse nò posse, & ideo ab Aristotele omissam. non enim fuit philosophorum omnium princeps tam tardi, ac hebetis ingenij, vt facillè intueri nò potuerit, præter tres complexiones terminorum, de quibus mentionem fecit, hanc quartam reliquam esse, nam vt dicit ipse in primo priorum, vbi tractat de inuentione medij; si consequens maiorem extremitatem repugnabit minori, vel consequens minorè repugnabit, ac oppositum erit maiori, sit syllogismus in secunda figura negatiuus hæc ergo complexio est naturalis. vel medius terminus vtrique extremitati subiicitur, & hæc compositio est tertie figuræ, & est naturalis; nam antecedens maiorem est idem cum antecedente minorem, & est syllogismus particularis in tertia figura, & vtraque figura est syllogismorum imperfectorum, qui scilicet aliquibus egent, vt videatur necessarii. neque statim euidentes sunt per dictum de omni, & dictum de nullo; naturales tamen, quia illæ



- A** illæ complexiones terminorum accommodari possunt terminis secundum naturam dispositis, alia complexio terminorum est, si medius terminus prædicetur de minori, & subiiciatur maiori, verèque sit medium inter extremitates positus, & complexio est primæ figuræ omnium perfectissimæ, cuius syllogismi nullo egent, ut videantur necessarij, sed contestim evidentes sunt per dictum de omni, & dictum de nullo. nec refert, si quando hæ figuræ accommodentur terminis etiam præposterè, & contra naturam dispositis, ut si dicam, omne animal homo, omne corpus animal, ergo omne corpus homo: hoc. n. simile est, ut si re quapiam naturali vteretur aliqua ars, eamque vsui suo accommodaret: nec tamen propterea dicendum esset, eam rem non constare natura, quamvis arti accommodata esset. quartam complexionem reliquam esse ex vi terminorum trium, nulli vel tardioris ingenij non compertum esse potest, ut scilicet medius terminus subiiciatur minori, & prædicetur de maiori. hanc Aristoteles reliquit, arripuit Galenus. Omisit summus philosophus, quoniam illa complexio terminis secundum naturam dispositis, de quibus primo, & per se agit logicus, nequit vlllo pacto accommodari: arripuit Galenus, ut videretur in medium attulisse rem nouam quæ Aristotelem latuisset, danda venia tanto viro, nam plerique omnes, & excellentes homines studiosi gloriæ esse solent etiam plus iusto. Hactenus probatum est eam terminorum complexionem non esse naturalem, quia terminis secundum naturam dispositis nullo modo accommodari potest. nunc perspicuè ostendā, ex ea cōplexione terminorū nō fieri syllogismum, ex quo primò, & per se sequatur illa cōclusio, quā putat Galenus sequi in quarta figura: verū ut totum hoc melius intelligatur, paucis repetam ea, quæ dicit philosophus in secundo priorum statim in vestibulo eius libri, vbi agit de potentia syllogismorum. inquit ibi, quosdam esse syllogismos, ex quibus plures conclusiones sequuntur, quosdam verò, ex quibus vna tantum conclusio sequitur. omnes syllogismi, quibus concluditur conclusio vniuersalis affirmatiua, seu vniuersalis negatiua, seu particularis affirmatiua, plures cōclusiones efficere possunt, quæ secundæ sunt, & per primam sequuntur, conuersæ scilicet conclusionis primæ, & subalternæ vniuersalium conclusionū. at syllogismus, quo cōcluditur particularis negatiua, in vnā tantum conclusionē potest, nā particularis negatiua non conuertitur. Hæc Aristoteles nūc ad rem deueniam, si quis syllogismū hūc cōstituatur, omne. C. est. B. omne. B. est. A. (dicit Galen.) quod sequitur in quarta figura secundum naturam, & per se, quod aliquod. A. est. C. Nos verò dicimus, quod cuius etiam cōiunctibus oculis intuenti perspicuum est, quod per se, & primò non sequitur quod aliquod. A. est. C. Sed quod omne. C. est. A. & cōclusionis sequela euidentis est per dictum de omni, per hanc conclusionem sequitur, & eius conuersa, scilicet quod aliquod A. est. C. non per quartam figuram, sed per primam, cuius potentia est, ut primus eius modus ad plures conclusiones se extendat, quarum vna tantum per se primò sequitur ex ea terminorum complexione, aliæ vero per accidens, id est, per primam conclusionem. hoc adeò clarum est ut

nulla egeat probatione. quis enim ambigere potest vir sanæ mentis in re  
 tam perspicua? non igitur hæc quarta figura naturalis est, tum quia ea  
 complexio accommodari non potest terminis secundum naturam dif-  
 positis; tum quoniam ea conclusio, quam putat Galenus, non sequitur  
 secundum naturam, id est, per se, & primo, sed alia in prima figura, &  
 hoc per accidens; non in quarta, sed in prima figura, ut ex his quæ di-  
 cit Aristoteles in secundo priorum quibus intueri potest. Reliquum est,  
 ut pertingam ea, quæ obiciis de quibusdam syllogismorum modis; quos  
 quia inutiles sunt in tribus figuris, vis tu reducere ad figuram quartam. nam  
 si dicam nullum C. est B. omne B. est A. proculdubio in prima figura nil  
 sequitur, sequitur tamen in quarta, quod aliquod .A. non est C. laudo ve-  
 hementer ingenium tuum, singularemque observantiam, qua Galenum  
 medicorum excellentissimum merito quodam iure prosequeris; vellem  
 tamen ut rationem haberes summi philosophi, quem omnis antiquitas  
 semper est admirata, cumque sibi præcipuum magistrum ascuerit. non la-  
 tuit Syllogismorum modus ille Aristotelem; nam in primo priorum in-  
 quit, si altera propositionum fuerit vniuersalis negatiua, & altera affirma-  
 tiua, siue posterior hæc vniuersalis sit, & particularis, fieri syllogismum  
 vel per se, & secundum naturam maioris extremitatis ad minorem in mo-  
 dis vtilibus; vel minoris ad maiorem in modis inutilibus; nam conuer-  
 sis propositionibus, vel eorum altera, & transpositis, si opus fuerit, om-  
 nes modi illi reducuntur ad primam figuram, ad modum .f. quo maior est  
 vniuersalis negatiua, & minor particularis affirmatiua: hæc ferè Aristote-  
 les. Ad rationem nunc deuenio: si dicam nullum .C. est B. omne B.  
 est A. ergo, & .C. dico hunc modum, & hanc complexionem esse non  
 quartæ, sed primæ figuræ, & esse inutilem; quia mutatis terminis sequitur  
 conclusio vniuersalis negatiua, & vniuersalis affirmatiua, arte tamen qua-  
 dam efficitur vtilis si fiat syllogismus minoris extremitatis ad maiorem; ut  
 si colligam aliquod .A. non est .C. quamvis ergo in confusione .A. sit subie-  
 ctum, & C. prædicatum, non tamen in ea complexione terminorum .A. est  
 minor extremitas, & C. maior, sed e contra, quia secundum naturam mi-  
 nor extremitas non potest medium continere, quod prædicetur de maiori.  
 fit ergo syllogismus in prima figura inutilis, si queramus conclusionem na-  
 turalem, in qua maior de minori prædicetur; sed vtilis, si fiat præposita  
 prædicatio, minoris .f. de maiori: neque propterea dicemus hunc modum  
 esse in alia figura, quàm in prima; quia est inutilis ad conclusionem per se,  
 & ideo applicandum esse figuræ non primæ; nam pari ratione si dicam, ali-  
 quod B. est A. nullum C. est A. ergo & .C. utique modus hic inutilis est in  
 secunda figura; quia maior propositio est particularis, neque potest colligi  
 conclusio, necessariò sequens maioris ad minorem extremitatem; fit tamen  
 conclusio minoris extremitatis ad maiorem ex regula à philosopho habita,  
 de qua superius memini. an propterea dicemus hunc modum, quoniam  
 artificio quodam efficitur vtilis, non esse in secunda figura? minimè om-  
 nium

**A** nium: nam non possumus modum hunc accommodare quartæ figuræ, vt perspicuum est; erit ergo in secunda figura per se inutilis, per accidens vt-  
 lis. pari modo si dicam omne. C. est. A. nullum. C. est. B. ergo, & C. vtique  
 modus hic syllogismi inutilis est in tertia figura, quia minorem habet ne-  
 gatiuam, & nulla conclusio deduci potest maioris extremitatis ad mino-  
 rem; vtalis tamen est in cōclusionē præpostera, minoris scilicet ad maiorem.  
 erit ne modus hic in quarta figura, quia inutilis est in tertia figura? minimè  
 omnium, sed erit modus tertiar figuræ per se incommodus, commodus per  
 accidens. pari ergo ratione modus ille primus, si dicam, nullum. C.

**B** est. B. omne B. est. A. est modus primæ figuræ inutilis per se, ad  
 conclusionem præposteram vtalis. Nō ergo propterea conclu-  
 dendum est, ergo dari figuram quartam syllogismo-  
 rum naturalem. Hæc sunt quæ memoria repetere  
 potui ex studiis, quæ per xxv. annos inter mili. do-  
 ctiores, & minus occupati quàm ego plu-  
 ra præstare poterunt, vix pauca hæc  
 ego calamo præcipuè conscri-  
 bere potui.

Vale.





DE HOMOCENTRICIS AD  
HIERONYMVM FRA-  
GASTORIVM.



**D**OANNE Baptista Ramusius nostri amantissimus, tuique in primis studiosus, mihi legendum tradidit opusculum tuum, in quo præclare complexus es vniuersam cælestium motuum rationem, nullis adhibitis eccentricis orbibus, aut epiciclis spheris: cuius operis lectioni (quamvis summo opere cupiebam intelligere ea, quæ tu ac Turrius noster summo ingenio, ac singulari bonarum artium pericia præditi super ea re commenti eratis;) superioribus tamen mensibus dare operam non potui propter maximas occupationes publicas, quibus detinebar. proximis verò diebus, cum à collegio nostro decem virum impetrassem, ut rus concedere possem, aliquotque dierum vacatione haberem; nihil mihi prius fuit, quam omnes holsæ dies consumere in præclarissimi huius operis tui lectione. ac equidem satis verbis adsequi non possem, quam magnam ceperim voluptatem, quantasque Deo immortalis gratias egerim, quod nostra tempestate deformitas ea ac turpis, ut ita dicam, ignominia, quam priorum astrologorum auctoritas diuinis corporibus illis iusserat, opera vestra ablata sit. mihi certe, ut verum fatear, nunquam potuit à grauissimis etiam auctoribus persuaderi, eam esse figuram, eoque motus cælestium corporum, quales Ptolomæus cæterique astrologi prodiderant nobis: ac ex eo motu cuius poli essent in Zodiaco, cuique Aristoteles attribuit motum planetarum in latitudine, præfagebat animus posse fortasse quidpiam reperiri, quod in hanc rem esset. quare de re sæpe memini me locutum fuisse cum nostro Turrio. perlegi igitur totum opusculum tuum hisce diebus, quibus rusticatus sum cum Marco Antonio Flaminio elegantissimi ingenij viro, quem nosti. admiror equidem vniuersam hanc quam commenti estis, rationem, nihilque omisum puto, quod faciat ad perspicuitatem ordinemque totius operis. verum ut amici officio tecum fungar, ac ne problem ea quæ non satis intelligo; nonnulla sunt in tuo hoc opusculo, quæ mihi non satis sunt explorata, ea paucis perstringam

A perstringam, tum vt tua opera ea ego melius intelligam, tum vt tutè operam des, ne quid sit in hoc opusculo tuo (multos etenim aduersarios est habiturum) quod iure reprehendi queat. scis quantopere omnes nouis inuentis, ac aliorum gloriæ soleant inuidere, & quam ægrè illi, qui in quapiam disciplina consenuerint, senes fateantur ea delenda esse, quæ imberbes didiscere; ne ego pluribus te detineam, paucis singula quæque annotabo, quæ mihi dubitationem faciunt.

B Dicis in prima suppositione, tres esse motus quibus recta corpora ferantur, ante, & retro, sursum deorsum, destrorsum, sinistrorsum; vide ne hoc calumniam patiatur; nam motus hi non videntur inesse natura rectis corporibus, sed animalibus quæ secundū locum mouentur, quæ ratione anima videtur quodammodo attingere motum circularem, cum secundum omnes differentias positionis moueat, vt ex secundo libro de cælo à Philosopho colligi potest.

C Dicis item quod secundum naturam tres sunt motus circulares, diurnus inquam, & is cuius poli sunt in coluro superiori, isque cuius poli sunt in Æquinoctiis, motum verò obliquum, quo nunc mouentur planetæ, esse per accidens in natura. Vide ne nonnullis videaris vtj principiis geometricis in demonstratione conclusionis Physicæ; simulque ne videaris contradicere Aristoteli & Platoni summis philosophis, qui cum doceant nos, plures motus cœlestes esse ob generationem, & corruptionem horum inferiorum entium, præcipuè tamen attribuunt vicissitudinem hanc motui huic obliquo, sic Aristoteles in secundo libro de generatione, & Plato in Timeo, qui etiam attribuit animæ torius, postquam per numeros harmonicos eam distinxerat, figuram græcæ literæ .X. quæ postea in orbem conuoluta, duos hos motus nobis refert, diurnum inquam, & obliquum sub Zodiaci circulo: quod si Sol Planetaque ceteri per se & secundum naturam mouerentur, vel sub æquinoctiali circulo, vel sub vtro volueris coluro, maximè certè incòmodus esset motus ille vicissitudini huic generationis, & corruptionis: nam sub æquinoctiali si fuerit ad nullam inquam partiū terræ accederet, nec ab vlla recederet Sol, verum eodè modo omnes semper respiceret. si verò sub vtrovis coluro moueretur, & æstate continuus dies esset habitantibus ferè omnibus citra æquinoctialem plurium inensum, pauciorumvè, hyeme verò continua nox. itidem vicissim habitantibus ultra æquinoctialem, hic verò solis planetarumque motus, vt quiuis perspicere facillè potest, maximè incòmodus esset generationi, cōseruationiq; rerum generabilium, quamuis ergo ratione geometrica propter tres lineas tantum quæ se interfecari possunt in centro ad angulos rectos, aliqua coniectura fieri posset eius quod tu dicis, ratio tamen hæc non est ex propriis naturæ principiis sumpta; imò natura offit ob ea quæ dixim⁹, & quāuis Aristoteles in primo libro de Cælo ex figuris simplicibus eliciat motus simplices: consonat tamen conclusio ea sensui, nam circularem, & rectum motum inesse conspiciamus simplicibus corporibus, quare non est

par in vtraque argumentatione ratio.

Dicis in suppositione secūda, quod impossibile est eundem orbem moueri per se à duobus intellectibus, quia idem simplexque corpus duas naturas habere non potest. vide ne hæc ratio plurimis necessaria non appareat. Nam cū inferiores intellectus intelligant primū per essentiam primi, quæ est in omnibus sicut forma intelligibilis in intellectu intelligente, nihil videtur officere, quin intellectus seu anima primi orbis, quæ est forma aliarum inferiorum moueat per se inferiores orbes, siue is motus immediate sit à prima anima siue à propria cuiusque orbis pro vt formatur à prima, præferim cum motus circulares, quemadmodum dicit Philosophus in secundo libro de Cælo, non differant specie, sed tantum numero.

Dicis in tertia suppositione, quod inferior sphaera à superiori non per se mouetur, sed per accidens, & quod motus ille est vectio, ad quam in sphaeris illis sufficit solus contactus, cum nulla sit in eis repugnantia & contrarietas. Vide ne hæc suppositio, nisi aliud addatur, calumniam patiat, nam secundum sententiam philosophi in libello de motibus animalium, id quod mouetur indiget aliquo quiescente, nam & niti, seu quiescere oportet rem mobilem in eo, à quo motus immediate ad ipsam peruenit, atque etiam præter hanc quietem extrinseco quodam eget quiescente, cui motor nitatur, nisi in se ipso immobilis fuerit, si ergo sphaera quæpiam inferior moueatur super polos. A. & B. motus verò sit in C. impossibile est meo iudicio, quod super eisdem polis vehatur sphaera hæc in partem oppositam, verbi gratia in D. nam in eo motu vectiois secundum nullam ipsius punctum quiescit seu nititur in superiori sphaera. imò secundum omne punctum in oppositam partem mouetur. quamobrem puto ego motum huc vectiois accommodari posse omnibus sphaeris aliis, præterquam illis orbibus, quos tu ponis, & supra octauam sphaeram, si mouetur octaua super polis Zodiaci, & in quibusdam planetis, ne scilicet A. vehantur in latitudinem, illi enim duo motus oppositi sunt super eisdem polis, & tamen inferior orbis vehitur à superiori immediate in partem oppositam illi, ad quam per se mouetur, cæteris verò accommodari potest meo iudicio. Nam poli circumducentis octauæ sphaeræ non sunt sub polis primi orbis, qui diurno motu mouet, sed sub æquinoctiis, poli item circitoris, qui proximus est circumducenti, non sunt sub æquinoctiis, sed sub volucto superiori, quare alter alterum vehere potest, cum secundum polos quiescat in proximo sibi orbe superiore à quo vehitur, at in illis duobus in contrariam partem motis, ne inferior planeta, seu sphaera octaua moueatur, in latitudinem hoc dici non potest, vt ostendimus.

Nollem in xij capitulo irrideres eos, qui dicunt Deum pluuiæ causam, & quæ subdis de prophetis, ne arguaris impietatis ab illis, qui omnia in malam partem accipiunt.

Item reprehendi posset id quod dicis habitantes sub polis, quibus dies est sex mensium habere certum meridianum.

Item



**A** Item quod dicis recedente sole à Tropico diminuitur calor, quinimo augetur propter dispositionem poli.

Dicis ne orbis planetæ à circumducente moveatur in latitudinem simul cum circitore, esse supra planetam orbem contranitentem. dubitationem habet motus hic cōtranitens, nācūm omnis motus circularis sit circa centrum, idque intēdat motor, is qui circulariter mouet vt cētrum ambiat, motus hic contranitens nunquā adsequitur quod intendit: nam nunquam cētrum ambit motu suo, quin potius retrocedit, vt dicis: hāc enim causam ponis quod declinationes ab Æquinoctiali minuuntur, præter motum octauæ spheræ.

**B** In his quæ dicis de motu solis, dubitatio est, si poli motus proprii solis sunt poli eclipticæ, cur per motum circitoris sol non pellatur modo in Meridiem ab ecliptica, modo in Septentrionem: nam contranitens nihil officere pōterit, cum medius circulos circitoris respiciat polos contranitens, qui sunt sub æquinoctiis.

In his quæ dicta sunt de luna, orbis ille infra lunam positus, cuius pars densior sicut zona lunæ obuia in quadratis aspectibus facit lunā maiorem; & nobis propinquiorem videri, dubitationem habet, cur cum singulis quibusque mensibus soli aliisque stellis sit obuius, non faciat eandem apparentiam, ac nos fallant quemadmodum luna.

**C** In his quæ de Ioue sunt dicta, orbis ille supremus suppositus satutno ne motus Saturni Iouem pertingat, dubitationē habet: nam si vnus orbis vnus item est motus, orbis hic vnico per se mouetur motu: vnus autē motus non videtur, posse officere nisi vnico Saturni motu, ne is scilicet Iouē pettingat. Saturnus verò pluribus mouetur motibus, vt manifestum est, cur ergo alij motus Saturni præter illum cui officit ille orbis non perueniunt ad Iouem? eadēque dubitatio est in omnibus aliis planetis.

**D** In motu omnium planetarum, qui retrocedunt ob circitoris motum, dubitatio est, cur per motum circitoris non moueantur in latitudinem tot gradibus vt minimū, quot retrocedunt, nam cum æquali, & vniformi motu circitor moueatur, ac circūducatur, item à circumducente motu vniformi sphericæque figura sibi omni ex parte æqualis sit, ac eadem: vtique circitor motu suo deberet in latitudinem vehere planetam, cuiusque polos, per totidem gradus, & amplius, quot cum retrocedere facit, nam proprius planetæ motus obstat retrogradationi, motui vero in latius nihil officit.

Dubitatio est in tatione quā adducis contra eccentricos, inquis, n. quòd sol non æqualiter recederet ab æquinoctiali, in hyeme, cum est in antapside, & in æstate, cum est in apside: ratio hæc calumniam patitur, nam respōderet Ptolemæus, licet sol non æquali spacio recedat, recedit tamē æquali, & proportionali parte circuli, seu spheræ, nam si à cētro terræ ad antapsidē protrahatur linea, eaq; semidiameter describat circulū, item si à cētro terræ protrahatur linea ad apsidem eāque semidiameter describat circulū, longe maior erit hic posterior circulus priore, quare si protrahatur linea à centro terræ



ad punctum prioris circuli, quod est sub æquinoctiali, item ad punctū antap-  
 sidis à cætro terræ altera linea, in priore circulo, itidem in posteriore circulo,  
 qui maior est, si protrahatur linea ad punctum eius circuli quod est sub  
 æquinoctiali, & ad punctum apsidis alteri: utique pars inter duas lineas in  
 priori circulo, qui minor est, est minor, ea quæ intercipitur inter duas lineas,  
 in posteriore, & maiori circulo, proportionales tamen inter se sunt, eandem  
 etenim proportionem utraque habet ad suum circulum, quod ratione manifesta  
 probatur, nam si priores duæ lineæ fuerint protractæ ad octauam vsque  
 spheram, & item posteriores duæ ad octauam spheram, pars meridiani  
 intercepta inter duas priores ab æquinoctiali scilicet & tropico capricorni,  
 est æqualis portioni Meridiani interceptæ inter duas posteriores, ab æqui-  
 noctiali inquam, & tropico cæcri, & hoc voluit Ptolemæus, cum dixit, quod  
 vtrunque recedit ab æquinoctiali per spaciū æquale, id est, proportionale:  
 nam cū moueatur velocius versus antapsidem, quàm versus apsidem sequi  
 putat Ptolemæus, quod peragat minus spaciū, & iccirco etiā quod minus  
 cedat ab æquinoctiali, proportionale tamen est minus illud spaciū maiori.

Hæc sunt, quæ præstare possum ego pro iure amicitiae, quæ mihi tecum  
 intercedit, ego inquit, qui occupationibus multis detineor, & qui iam quin-  
 decim, & amplius annos hæc studia intermisi, quæ nunc penè oblita, ut po-  
 tui in memoriam reuocaui. tu pro tua peritia in omni disciplinarum gene-  
 re acutius rem omnem perpendes, dabisque operam, ut hoc opusculum in  
 lucem prodeat nulli calumniæ obnoxium, quod ut facilius facias, dicā quæ  
 mihi addenda videretur in suppositionibus tuis; nam non vereor ne tecum  
 possim transgredi pudoris terminos. An motus obliquus sit per accidens,  
 an per se in natura, tute hoc considerabis, hoc namque inventioni tuæ ne-  
 gotium nullum facit, sed quæ magis efficiunt, sunt, ut reor dubitationes eæ,  
 cur scilicet motus superioris planetæ non pertingant inferiorem, cur circi-  
 tor non moueat planetam, in latitudinem per spaciū per quod retrocedit,  
 & huiusmodi alia; iccirco quamuis recte, ut reor, supposueris vnicum mo-  
 tum ab vno intellectu primo & per se esse, & quod intellectus moueat mo-  
 tu vniformi, nam diiformi motu mouere non posset, neque etiam diuerso  
 motu, nisi in mobili, vel in motore esset mutatio, maiori etenim nixu, ut ita  
 dicam, moueret cum velocius citat, quàm cum tardius; hæc rite supposita  
 sunt; non mihi displicet illud etiam quod solo contactu superior orbis ve-  
 hat inferiorem, cum scilicet polus inferioris vehi potest à superiori, vellem  
 tamen illud addi, quod sicut solo contactu vehere potest, potest etiam non  
 vehere, nam cum leuissimæ sint superficies eorum corporum, conuexa in-  
 ferioris, & concava superioris, nihil obstat inferiorem non vehi à superiori.  
 vellem itidem aliud addi, causæ genus, finalis inquam, nam corpora cæle-  
 stia, ut dicit philosophus in secundo de Cælo, non mouentur à natura tan-  
 tum, sed ab anima, & intellectu, qui mouet secundum præconceptum finem,  
 totque motibus, & his motibus suum quæque orbem citat, quot quibusque  
 attingere queat finem præconceptum, his addendum puto, id quod dicit A-  
 uerroës

- A** uerroes in duodecimo metaphysicæ, quod scilicet motus vniuscuiusq; planetæ, est sicuti motus particularis artis quæ deseruit motui primi motoris tanquam principi arti, & architectonicæ. Hæc si quis supposuerit præter ea, quæ tu supponis ex causa finali, poterit soluere dubitationes, quæ inuentioni tuæ officere possunt; quandoquidem non est necesse superiorem inferiorem vehere, neque secundum omnem partem eodem modo vehere, sed potest in tantum hoc facere, in quantum ratio finis præconcepti id exigit. ideoque planetæ qui veluti artes quædam particulares sunt inter se diuisæ, proprium quæque finem habentes, non ita se habent, vt superioris motus inferiorem attingat, neque etiam necesse erit ponere contranitentes, neque
- B** deduci poterit, quod in latitudinem moueantur per spaciū, per quod retrocedunt. Hæc ego adderem; verum tu perspicacius totam rem perpendes, mihi que rescribes quid sentias, nam vehementer cupio exploratum habere, quid sit sentiendum de his cælestibus motibus.



## HIERONYMVS FRACASTORIVS

GASPARI CONTARENO S.



VOD tam benignè, tamque sedulò commentaria F  
 nostra de stellis perlegisti clarissime Gaspar, ego  
 quidem & maximas tibi gratias habeo, & tecum  
 magnopere gaudeo: & tu enim maximam quandā,  
 & non vulgarem in me benevolentiam ostendis, &  
 ego id mihi cumulatè videor cōsecutus, quod me-  
 cum semper desideravi. nam cū noua admodum  
 ea essent, quæ circa stellas scripsissem, in quibus nec  
 mihi satis fidēdum soli esset, semper quidem opta-  
 ui aliquem dari mihi, qui ea posset, ac vellet diligē-  
 ter examinare: in quo qui te magis idoneus videretur, ego quidem neminem  
 cognoscebam. non solum enim astronomo, quod & aliqui alij fortasse præ- G  
 stent, sed & philosopho ea res indigere videbatur, quorum vtrumque in te  
 esse longè supra communem consuetudinem pernoscebam: quamobrem  
 ipse quidem tecum optabam id negotij ad te deferri, poscere autem nun-  
 quam ausus fuisset, tum quadam qua te prosequor, reuerētia, tum quod in  
 iis te videbam occupatissimum, quæ ad Reip. administrationem pertinent,  
 præsertim eo in decemuiratu grauissimo, ac laboriosissimo cōstitutum. igitur  
 hoc magno quidē, sed tacito desiderio plures dies perductus fui: quum  
 tu vltro & librum à me poposcisti, & otium legendi captasti, voluisti que nō  
 solum primum legendi laborem subire, sed & secundum scribendi quæcū-  
 que aut à maleuolis carpi, aut vlli suspecta esse possent, aut demenda, aut ad-  
 denda viderentur, ne tu vlla in re aut honori meo, aut benevolentiz deesses, H  
 quo neque humanius quicquam, neque mihi gratius fieri potuisset. cum vero  
 præclarissimam illam epistolam tuam Ramusius mibi aliquantisper se-  
 rus dedisset, audiuissemque iam te Venetias rediisse, atque in publicis occu-  
 pationibus detineri, tecum diu anceps fui, num ad te respondens tertium  
 tibi laborem iniungerem, quod certè tum inhumanum, tum temerarium vi-  
 debatur, cum nec nisi longissima epistola fieri posset. tecum tamen ipse cō-  
 siderans quanta parsimonia, quantaque diligentia horas partiri soleas, esseque  
 id ingenij tibi, quod & Reipub. simul, & literarum studiis facere satis pos-  
 sit, volui ad te rescribere, vt & simul significarem, quanto me officio obliga-  
 ueris, & eorum, si possem, rationem redderem, quæ tu in dubium reuocasti,  
 quæ

A quæ quoniam serie scripta à te sunt, eodem ego ordine recensabo, ac tecum, quo potero breuius examinabo.

Scribebam in primis sphericorum corporum motus tres principales esse, qui sese ad rectos angulos secant ea inter alia ratione, quòd spherica corpora remini sunt rectorum, recta autem cum moueantur, secundum tres dimensiones, & spherica similiter moueri. hanc tu rationem infringi posse scribis, quoniam similitudo non sit inter ea recta, quæ ad tres dimensiones mouentur, & spherica: horum enim motus naturales sunt, illorum autem animales. moueri enim ad tres positionis differentias tantum animalium est. illud autem te in primis scire velim, me rationes illas induxisse, non quidem ut omnes demonstratiuas putarem, sed si rationi consonas attulissem satis visus mihi sum fecisse; inter quas hæc plurimum probabilis, & consentanea videtur, in qua ego quidem non solum è natura animalium, sed à tota rectorum natura similitudinem, & proportionem capio sic; rectorum corporum tres sunt dimensiones, igitur & sphericorum, qui termini sunt rectorum, tres proportionaliter erunt, quasi vniuersum ipsum, quod ex rectis, & sphericis constat, atque vnum sit, tribus totum dimensionibus terminetur: si igitur huius totius pars vna, hoc est tota rectorum natura secundum illas tres dimensiones motus suos habet, utique & altera pars, hoc est sphericorum natura proportionabiliter secundum tres illas dimensiones mouebitur, præsertim quum pars hæc habeat ad aliam attributionem, conseruetque, atque influat in illam,

B quæ omnia mediante motu facit; quod autem non animalia tantum, sed & simplicia quoque & tota rectorum natura secundum tres dimensiones moueantur, palam est diuiso toto vniuerso secundum tres illas dimensiones: quælibet enim pars ignis, & aeris, quæ ascendit, & quælibet aquæ, & terræ, quæ descendit, per aliquam illarum mouetur, ad quas omnes alij intermedij motus reducuntur, sicut & in motu animalis, vnde, & ad circulum desinunt: ita igitur, & res erunt in sphericis motus, qui rectos terminabunt, desinent autem & ipsi in circulum si in latitudinem circumferantur, ut ponimus, ac sic vbique, & vndeque influent.

C Quod autem scribis videndum esse mihi ne ex principiis mathematicis putem naturalè conclusionem deducere, non certè me latet, scire aliter se habere mathematica, aliter naturalia, neque enim si contactus duorum circulorum mathematicus in puncto sit, ita etiam & naturalis esse debet, at in multis tamen se consequitur, ut si circulus capacissima figurarum, & corporum quoque capacissimum erit circulare, ita ex natura linearum, quæ sese secant, videtur mihi, & natura, & numerus naturalium axium capi consimili ratione, sicut enim illæ tantum res esse possunt, quæ terminatæ sint, illæ scilicet quæ sese ad rectos secant, ita & axes qui possunt esse terminati ac certi tres tantum sint, quare & tres tantum motus determinati: plures enim si dentur pari ratione infiniti esse possunt in sphaera, pauciores autem si sint contra naturam sphaeræ fiet, si enim is est, qui est per a. b. cur non sit & ille qui per c. d. & c.

Ex quibus sequitur situm quem nunc planetæ habent naturalem non esse

neque perpetuum, neque solem habere per se, vt semper per eclipticam feratur, cui & sensus consentit, videmus enim eum circulum continuè ad æquinoctialem appellere, & arcum inter tropicos interceptum corripi, cum autem dicimus situm eius naturalem esse sub æquinoctiali, aut coluro inferiori, non ita intelligimus, vt illic semper manere debeat, aut essentialè eum habeat situm, si quidem nullum certum habere debet propter generationes, sed omnes successiue, sic enim melius quàm eo pacto quo scribis sit omnia, quæ fieri possibilia sunt. nam certè si circulo solis sub coluro constituto alia, & longè diuersa gignenda sunt, quàm nunc fiant, necesse quâdoque futurum, vt sol illic se habeat, alioquin non omnia fiant quæ possibilia sunt. quanquam autem nullus determinatus sit situs, si tamè orbes proprie situarentur, & naturali suo ordine, subalterni essent planetæ omnes, aut æquinoctiali, aut coluris, fortasse autem & temperatissimus esset solis situs sub æquinoctiali, dum nō semper illic maneret, vbi pariter horarum vbique esset, & aspectus eius vbique: in coluto autem inferiori si esset, faceret quidè helicem circa totam terram in anno vno, & bis perpendicularis fieret ad omne punctum. quod vero scribis, Aristotelem, Platonemque dicere solis circulum factum esse obliquum, quo melius generationes hant, possem quidem ego respondere eos nihil aliud voluisse nisi vt is circulus non necessariò relictus sit, cum primo mobili, sed oportere obliquum fieri propter generationes, quanquam sic esset magis eorum verba quam mētem interpretari: quare puto eos existimasse eum solis situm perpetuum esse, quum nondum obseruata fuissent, quæ mox à posterioribus notata sunt. acciperunt autem, & alia aliter, ac mox cognita sunt, vt quod Aplane esset primus orbis, & alia.

.. Scribebā in secunda suppositione, vnum orbem non nisi vnum motum habere, quoniam simplex quum sit vnum omnino est, vnum autem vnā naturam habet, vna vero natura, tantum vnum facit, hanc rationem dicis posse non necessariam videri, quoniam inferiores intellectus per essentiam primi intelligunt, veluti per formam intelligibilem existentem in intelligente: quare nihil prohibet per animam primi moueri inferiorem orbem, & per propriam, siue immediate animā primi moueat, vt videtur Auer. velle, siue utatur alio intellectu vt instrumento; at vero si necessaria ratio nostra non est, videtur quidem mihi ex iis, quæ parum absunt à necessariis, ac primum quidem ex parte mobilis, si simplex est, cælum vnum omnino erit, vnum autem tantum vnā inclinationem habet, & ad vnum motum, & ad vnum motorem per se: ex parte autem mouentis, si primus intellectus, eo quod sit forma intelligibilis inferioris mouet eius orbem, mouebit quidem non vnum magis quàm alium, sed omnes, hoc autem impossibile videtur, quoniam specie differunt inter se orbes, qui & si non mouentur quidem per resistentiam quam habeant motori, proportionem tamen quandam habent singuli ad ipsum indiuisibilem: impossibile autem est vnum ad multos differentes specie orbes pariter proportionè habere, specierum enim hæc quidem perfectior, illa minus: amplius si omnes orbes mouet vnus intellectus, nullū per se, aut saltem

- A saltem nullum primo mouebit, sed aggregatū, & totum primo, partes autē, aut per accidens, aut secundario. oportebit igitur intellectū illum esse formā eius aggregatū, quod esse quidē non potest, quū vnum per se non sit; præterea si secundus intellectus per primū mouet, sic ergo, & tertius per primū, & secundū mouebit, vnde fiet, vt vltimus per omnes moueat: si igitur quot sunt orbes, tot sunt & intellectus, sunt autē orbes penē sexaginta, fiet quidem, vt vnus intellectus modis sexaginta moueat, & illis quidem per se, quod valde quidem alienum à ratione videtur. Quod autem postremo inconuincibile videtur mihi, illud est, quod si vnus orbis mouetur, & à proprio intellectu, & à communi, alterum certē illorum frustrari necesse est, cōtrarij enim sunt motus, & in opposita inferiorum orbium, & superiorum. necesse igitur est, aut superiorem ab eo frustrari quem intendit, aut inferiorem, aut vtrumque. nec soluit, quod dici possit, oppositos illos motus non esse subalternos, sed obliquos, ac super diuersis polis: primum quidem quia apparentia saluari non possunt, nisi ponantur contranitentes orbes, qui per eandem causam sunt; deinde quia mutatio propriorum versus æquinoctialem ostendit fore quandoque, vt sol feratur per æquinoctialem primo mobili subalternus, sed vt ista non sint, dici tamen non potest, quin obliquus motus oppositionem recto non habeat, obliquus enim quum in latus totaliter non sit ad rectos angulos, partim quidē recti, partim lateralis habet; quanquā inquam recto non opponatur quatenus lateralis habet; ei tamen opponitur quatenus recti habet; cuius signum est, quod planetæ omnes simpliciter ab ortu ad occasum mouentur, & motum suū non exercent, nisi quatenus in latus mouentur, quare omniho frustrantur aliquo modo; quod si dicas per se habere illos solum, vt in latus moueantur, quid ergo dicemus de puncto medio inter sectiones, hoc est de tropico puncto, qui nullo modo in latus mouetur, sed in rectum solum æquidistanter æquinoctiali, frustrari quidem necesse est motum eius, quanquam enim velocitati mouete cum intendat intellectus proprius, frustra quidem intendet, si quidem impiedietur à superiori, esse autem impedimentum vnus ad alterum in diuinis, & aliquid frustra non videtur rationabile. propter hæc igitur necessaria mihi videtur ratio à nobis adducta, loquendo quidem de necessitate ordinaria, qua intelligentiæ ordine naturæ mouent orbes suos, nō de eo quod per voluntatē Dei fieri possit. scimus enim quando sibi libuerit firmari etiā cælos omnes posse.
- D In tertia suppositione scribis te intelligere non posse, vehi inferiorem orbem à superiori, proptio tamen motu moueri in oppositum posse super eisdem polis ac subalternum, quoniam omne quod mouetur quiescente aliquo indiget in quo nitatur, & in quo aliquo modo quiescat, in vecto autem orbe nullus est punctus, qui in vehente niti possit si in oppositum agitur per eandem lineam.

Verū placet primo vt examinemus, quid est quod dicitur omne motum indigere quiescente: multiplex enim videtur mihi, & scio variè accipienda autem cum sint circa motum; termini à quo, & ad quem, id super quo

fit motus, & motor, potest in primis intelligere, quod omne motum indi- E  
 geat terminis quiescentibus, hoc est, quod terminus à quo, & ad quem ra-  
 tionem habeant firmi: alioquin si fixum aliquid non imaginemur, à quo  
 recedat, aut accedat motum, impossibile est ipsum motum intelligere; &  
 sic potest esse dubium quo modo sphaera vecta possit in oppositum per se  
 moueri. dato enim quocunque fixo in vniuerso, ad illud neque accedit, ne-  
 que recedit per proprium motum, sed solum per vectiōem: quo quidem  
 pacto si intelligis, ego in eisdem suppositionibus declaravi simpliciter, &  
 ad comparationem partium vniuersi verum esse non posse fieri proprium  
 motum sphaeræ vectæ, sed tantum secundum quid, & comparatione par-  
 tium vehentis fieri: & hoc sufficit ad proprium motum exercendum. nam F  
 & qui vehitur à navi si in ea deambulet, quis neget eum per se moueri, quā-  
 quam simpliciter solum vehatur, ita & orbis in orbe vehi potest, ac per se  
 moueri: & ita termini à quo, & ad quem rationem firmi habent. aliter potes  
 intelligere, quod omne motum indiget quiescente, eo scilicet super quo  
 mouetur, vt recta quidem corpora super ambiente in quo nituntur, firmo  
 quidem quatenus in eo firmantur, sphaerica verò circa centrum, & terram.  
 ac sic quoque dubium esse potest quomodo vecta sphaera motū proprium  
 habeat in oppositum: cum enim locus sphaerarum sit centrū, & motus earū  
 circa centrum, hoc autem nunquam acquirat sphaera vecta per propriū mo-  
 tum, videtur quidē per se nō moueri, sed solū vehi: ad quod dicimus, eo dato  
 quod locus sphaericorum omniū sit centrum, tamen nihil prohibet per acci- G  
 dens quandoq; fieri, vt non circa centrū vertantur dum nō semper id sit, in-  
 cōueniens enim esset, sed rarò, quū scilicet accidit medios circulos subalter-  
 nos esse cum primo ac in oppositū ducit: tunc enim & si finē non cōsequatur,  
 fiet tamen vt mox, & vt plurimū consequantur, positis circūducentibus or-  
 bibus. quod si quādoq; eo sine careant non tamen tunc sequitur, vt nō exer-  
 ceant proprios motus: non enim sequitur, non vertitur circa centrum motu  
 proprio, ergo non mouetur proprio motu, sed solum sequitur, ergo nō mo-  
 uetur simpliciter. diximus enim ad motum proprium exercendū sufficere id  
 quod secundū quid mouetur; vel dicamus clariū centrū esse locum sphae-  
 rarū quatenus simpliciter mouetur, contentarum autē proprium locum esse  
 cōtinentes sphaeras, in quibus quandoq; simpliciter mouentur, quandoq; solū H  
 secundū quid, quod si quæras in quo nituntur, cum secundū quid mouen-  
 tur, dicimus totū in toto niti, sed quodā modo æquiuocū est quod dicimus  
 niti, in rectis corporibus, & circularibus: in rectis enim id niti dicitur, quod  
 per motum suum inclinatur in certam partem, sed à cōtinente prohibetur, per  
 quā prohibitionē in eo stat. vt graue dicitur inniti terræ, quia ab ea prohibitū  
 deorsum ferri stat in ea, & ignis ascendēs prohibetur ab aëre, & in eo stat &  
 in quantum nititur quiescit; in circularibus autē niti non dicitur hoc modo,  
 vt prohibeatur à motu proprio, à continente, sed sufficit quod contineantur  
 solum, & contingant, & sic nituntur, non aliter. & ita sola hæc possunt vehi,  
 & moueri suis motibus in oppositum sine vlla repugnantia, & cōtrarietate,  
 recta



A recta autē, si vehi debent, violentia indigent; potes quoque intelligere, quòd omne motum indigeat quiescente vt motore, hoc est quòd motor sit simul cum moto, vel vt forma si sit motus naturalis, vel alligatum si sit motus non naturalis, vt sagitta alligata est aëri vehenti illam, & ambulans in naui alligatus est per gravitatem in ea, & ita etiam potest esse dubium in orbibus: vehens enim neque est forma vecti, neque alligatus est illi, ad quod eadem dicimus in iis non aliam alligationem requiri, nisi contactum & continentiam.

Quod vero scribis me in fine xiiij. cap. irridere eos qui dicunt Deum causam esse pluuiæ, & quod prophetæ non tenent rationem eorum quæ dicunt, quorum alterum impium est, alterum etiam hæreticum; valde quidē indolui te rem non accepisse vt à me scripta fuerat; puto quæ abhorrens primo aspectu vîsa sit, fecisse, vt non potueris accuratius considerare. absit enim vt ego, & tam impius animo sim, vt ita putem, & tam ineptus vt scribam; assimilabam autem pueris eos qui particulares, & proprias causas rerum; aut ignorantes, aut nollentes inuestigare, ad multa respondent per primas vniuersalissimas, ac remotissimas, vt pueri, qui si de pluuiâ, aut alio intertogenrur, quomodo fiat, à Deo fieri respondent, ita, & qui motum trepidationis dicunt inesse per se octauæ sphæræ, si interrogentur quomodo fiat, respondent ita fieri ab intelligentia, eosdem fortasse similes prophetis dicebam, qui ea quæ futura sunt prædicunt, nescientes ea. ita, & qui de motu trepidationis locuti sunt, de re quidem vera locuti sunt nescientes quo pacto esset, & quid dicerent, quasi de iis per figurâ locuti. quæso hæreticum ne videatur tibi dicere; eos rationem non tenere eorum, quæ Deus in ipsis loquitur quæque ipse solus scit, an putas necessarium qui de Christo prophetizarunt cognouisse ipsum, non ne & prophetæ fuerunt etiam multi alioquin mali? similiter impium ne dices si quis de pueris rideat, qui interrogati quomodo fiat pluuiâ, à Deo respōdeant, est ne hoc negare Deum facere pluuiam, certè nō, immò asserere, sed tamen de quæsitis non esse respondendum per vniuersales, & primas causas, vt multi faciunt. eorum quippe quæ querimus, quædā causæ sunt propinquissimæ, & particularissimæ, quædam verò vniuersalissimæ, ac remotissimæ, quædam vero inter has mediæ, propinquissimas igitur & particularissimas attingere difficillimum est, & in multis vanum inquirere, vt pote quòd inuentu pene impossibile sit; vniuersalissimas autem, & remotissimas assignare, nec vltra quætere, negligentis; aut puerilis ingenij est medias vero perquirere philosophi esse puto, & qui magis proprias tenere, hos magis philosophos arbitror; certum est Deum, & pluuias, & omnia reliqua facere, qui & vniuersum fecit, ipse tamen idem Deus naturas rerum fecit, & secundas, & tertias causas, quas vult à nobis perquiri, vt pote opera eius. quare in iis quæ causas suas habet, si quis ob pietatē recurrat in omnibus ad Deum, nō vltra cogitans, hunc ego non pium, sed negligentem dicā, in iis verò quorum nulla alia causa esse potest quàm Dei optimi, & prouidentis voluntas, impium puto, & sceleratum Deo non dare, quod nullius alterius esse potest. quare obsecro, ne me eius impietatis arguas, etenim si libellus ille quicquam impij mihi iniustus sit, inuram ego potius ipsum.

Recte præterea id notas, quod contranitentem orbem melius est facere E  
non æqualem circumducenti, sed cedentem insensibiliter, quæ possit finem  
sphæræ quandoque consequi, quod est circa centrum verti.

Id quoque in sole à te diligentissimè annotatur, quod ego de industria præ-  
termisi, ne tot orbibus multiplicatis confusionem, ac fastidium ingererem.  
certum enim est medium circulum solis in punctis æquinoctiis debere in la-  
titudinem pelli à circitore, qui ea respicit puncta, nisi illic ponantur duo  
alii contranitentes, hoc est circūdūcens, & contranitens, quibus positis tol-  
litur difficultas: sed tamen, & non positis potest esse modus quomodo mo-  
ueantur ea puncta in latitudinem à circitore, nec tamen sensibile à nobis sit. F  
videre enim in sphæra solis eum motum non possumus, cū de tota illa sphæ-  
ra nihil præter stellam videamus, per solem autem deprehendere non datur,  
quoniam ea est proportio, vt cum æquinoctium vernum in Septentrionem  
pellitur, tum, & sol ab eodem puncto in eandem partem per se mouetur.  
quare insensibile est si vlla mutatio sit eius puncti in latitudinem, similiter fit  
& in alio puncto, quod cum dici posset, prætermitti contranitentes, fortasse  
autem non esset malum difficultatem annotare.

In iis quæ de luna scribimus, dubitationem affers in eo orbe, quem lunæ  
supponimus parte densa in quadraturis. ais enim sic oportere & stellæ quas-  
dam tunc minores videri, quæcumque per zonam densam reflectunt lumē,  
ad id dicimus oportere hoc obseruari, necne sit, quam obseruationem diffi-  
cilè admodum puto propter multa, quæ aspectum euariant, & propter pa-  
uitatem stellarum, & distantiam: dato autem, quod ita non obseruetur in G  
stellis vt in luna, nihil mirum videri debet. nam media densa diuersimode  
multum representat in diuersis distantis, quod licet in specillis, siue ocula-  
ribus aspicere, quæ si prope literas ponas, minores videbis literas, quàm si  
in media distantia ponas vbi maximæ videbuntur, minores verò rursus si  
propè oculos eadem statuas. sunt porro quædam ocularia, quæ propè rem  
posita maiorem representant, minorem verò mox continuè, quantò magis  
à re amota fuerint. quare valde varia est densorum representia, in sibi pro-  
pinquis, & distantibus.


In iis, quæ de Ioue scripta sunt ponimus sub Saturno orbem contranité-  
tè per longitudinē, alioquin videretur simul & sphæra Iouis circūuerti cum H  
Saturno: per hunc autem cōtranitentem dicis tu saluari forte posse motum  
vnum Saturni, ne ad Iouē pertingat, quod scilicet si in longitudinē directus:  
alios autē non quos Saturnus habet, habet enim & in latitudinē motum, &  
retrogradationē, meminisse autem primū oportet, nos in Ioue ponere cir-  
citores duos, & consequenter contranitentes duos cum eius circumducenti-  
bus, alterum per puncta media, alterum per sectiones; qui igitur fiunt motus  
in latitudinē à Saturno, non pertingunt ad Iouem propter cōtranitentes, qui  
tam in sectionibus, quàm in punctis mediis cōtra operantur, potēiores qui-  
dē motu Saturni. qui autē in longitudinē fit motus, si quidē medius motus  
sumatur, nullo pacto ad Iouē peruenit propter contranitentē; si autē verus  
motus sumatur, cuius vna pars est velox motus, altera motus retrogradus cōce

**A** dendum fortasse est in Ioue fieri aliquam diuersitatem, & cum velox mouetur Saturnus, & cum retrogradus; cuius indicium est, quod obseruant reuolutiones eius inæqualitatis, quæ directionē, & retrogradationem facit nō æquales esse, quod licet soluetur prout accidit fieri in medietate vbi est punctus mox tarditatis, & medietate vbi est punctus maximæ velocitatis, tamē posset contingere, & propter prædictam causam motus Saturni, sed hoc obseruari oporteret, nondum enim omnia esse obseruata circa stellas arbitror.

Quæris præterea, quod cōmune est planetis omnibus, cur circitor non tantum moueat in latitudinem, quantum in longitudinē retroducit, cum tamē in latitudinē etiam magis mouere debeat, vbi proprius motus planetæ nō resistit, ad quod dicimus per se ita esse oportere, per accidens tamen fit ne tantum in latitudinem moueat, imò interdum nihil propter citūdūcentes orbes, & contranitentes, quos ponimus, tum in punctis mediis, tum in sectionibus, in quibus fieri latitudo potest, si igitur circitor motu proprio tardior, & debilior sit, quàm contranitens, & circumducēs, nihil in latitudinem mouet, si verò fortior, tantum quidem mouet quantum proportionem ad ipsos habet modo maiore, modo minorem, quare neque latitudines æquales sunt, quod verò dicis venerem nonaginta quatuor grad. retrogradari, Mercurium quadraginta octo, non ita est, sed tantum solum abest à sole vterque, non autem tantum retrogradatur quantum abest.

Respondes postremo ad eam demonstrationem, quā ego aduersus eccentricum solis faciebā quod scilicet sequeretur tropicos nō æqualiter ab æquinoctiali distare, & diem maximā non esse æquale maximæ nocti, quod cōtra experientiā est: huic rationi nitetis tu respōdere, sed certè (vt rudiatē meam fatear) nō possum responsionē aptare rationi, quare (nisi molestus sum) placeat rursus eandem demonstrationē iterare, vt videamus qualis responsio sit, (ergo sit æquinoctialis A. B. C. linea apsidis B. D. linea antapsidis B. C. orizō noster F. G. protrahaturq; parallelus quē sol ducit faciēs diem & noctē cum est in apside h. d. K. L. deinde & parallelus facit in antapsidem M. N. E. O. paralleli igitur apsidis arcus diurnus erit H. K. qui supra orizōtem est, arcus autem nocturnus erit K. L. qui est infra orizōtē, paralleli autem antapsidis arcus diurnus erit m. n. nocturnus N. O. vide igitur quod sequatur posito sic eccentrico, primum N. minimus dies M. N. inæqualis est minimæ nocti K. L. & maximus dies H. K. inæqualis maximæ nocti N. O. quod aliter esse debet, amplius tropici in quibus nostro tēpore sunt apsis, & antapsis non æqualiter distant ab æquinoctiali, quomodo ergo accipiemus quantitatem latitudinum ciuitatum, quæ certè inconuenientia sunt: sciuntur autem ad positionem eccentrici. cum verò loquimur hic de arcu diurno, & nocturno, intelligimus diem qui mensuratur per horas æquinoctiales, ratio igitur nostra hæc erat, quam quidem quanto magis considero, tanto minus respōsionem possum coprehendere, quæ dicit, licet sol per minus spaciū recedat, ab æquinoctiali in antapside, quam in apside, spacia tamen illa proportionē æqualia sunt, ego quidē non intelligo quomodo æqualia proportionē sint, nisi quod

respectu zodiaci, æqualiter diuidunt ipsum, quamuis ipsa inæqualia sint: sed hoc nō soluit quod dicebam; procedebat enim ratio de arcu diurno, & nocturno in apside facto, & antapside, qui æquales esse non possunt, quoniam alter magis distat ab æquinoctiali, quare ad orientē inæqualiter se habet, &



in altero nox erit horarum septē, dies horarum x v i l in altero nox horarū x v. dies horarum nouē, quæ secatur dato eccentrico in sole, nisi fallor ego.

Mones postremò suppositiones duas addendas esse nostris, quæ si additæ fuerint difficultates omnes tollant, quarum altera est, quod orbis superior, inferiorem vehat, non tamen necessariò, sed possit & non vehere cum expedit; altera est, quod motus à propriis intellectibus non merè naturaliter fiat, sed per intellectum, & voluntatem prout præconceptus exposcit finis. quas suppositiones ego quidē diligentius cōsiderabo: amplexendæ enim quālibetissimè erunt si cunctas difficultates soluāt, sed vereor ne prioribus cōtradiciant, & cum iis non cōcordent; considerabimus tamen, & de hac re vel vna aliàs loquemur, vel ad te scribā quid senserim. fecit autē epistola tua, vt libellū relegerim, & multa auferenda decreuerim, nōnulla addenda iudicauerim, quædā aliter ordinanda, alia melius declaranda, nuper quoque, & duas dubitationes. à D. Federico Astronomicæ lectore accepti: alterā de orbe lunæ supposito, quod sibi videtur frustra esse, cum nihil aliud facturus sit, nisi diuersitatē aspectus lunæ in quadraturis. alteram quod sibi videtur circitorē debere in longitudinem circūducere cōtranitentem sibi suppositum: quod non sequitur, vt scilicet circumducatur, sed solummodo deprimatur, modò eleuetur quantum & orbis planetæ. hæc sunt quæ ad te scribenda putavi, ignoscas autem, si aut importunus, aut audax tibi videbor, cui me plurimum cōmendo. Vale à Capliys die i. Iulij M. D. x x x i.

GASPAR



## GASPAR CARDINALIS

## CONTARENVS

IOANNI GENESIO.

SEPVLVEDAE. S. D.



CCEPI opusculum tuum, de ratione anni, simul cum epistola mihi scripta plena singularis cuiusdā erga me beneuolētiz, & eximīz humanitatis: quādoquidem seriō iudicium meum de tuo hoc opere requiris; nec ludis, vt plerique nostra hac grāte facere consuerunt, qui post libros publicatos, & editos laudari potius volunt, quā fidum consiliū habere. Quamobrem meas partes esse duxi (quamuis parum peritus, ac propterea minus idoneus sim afferre iudicium de operibus praeclarorū


hominum, qualem te esse omnes nouerunt) si nō doctum, saltem tibi fidum me amicū praeferre. Mihi visum est opusculum tuum hoc multis in partibus illustre. Ea quoque quae in calce dicis de Aera, mihi valde verisimilia visa sunt, ac diligenter notata: causa etiam illa prior, cur annus noster euarier, verissima est, & quam nullus negare queat. Altera verō, quam addis, ac miraris praeteritam esse ab aliis, non mihi videtur satis constans. Ego diu sepe numero dubitavi hoc in loco, in quo video te herere, cur scilicet annus, cum à Bruma sumat initium, non etiam coeperit à die Brumae, sed octaua post Brumam die, iam à temporibus Augusti. Rebar ego id, quod tu reris, errandi fuisse nescio qua ratione: nec tamen coniecere poteram, quae fuisset errandi causa. Post nonnullos annos tandem deprehendi id, quod Forosempronensis Episcopus Astrologiae peritissimus mihi illustre fecit. Iulius Caesar, Genesi, in anno constituēdo habuit rationem solis, in mensibus verē putauit habendam rationem Lunae, à qua etiam dicti sunt menses: aureūque numerum xix. annorum collocandum putauit in mensibus sui anni. Idcirco post Brumam, nouam Lunam expectauit, à qua primum mēsem inchoaret, & fuit octaua die post Brumam. Sicque in suis factis constituit aureum numerum, vnum inquam, post xx. dies Ianuarij ad diem pridie Cal. Februarij, sicque secundum aureum numerum, vnum inquam post xxix. dies men-

se imperfecto, seu octavo Cal. Scilicet Martij. Hæc ergo ratio fuit, cur calen-  
 da Ianuarij fuerint protracta octo diebus post Brumam. Tuum erit iudi-  
 cium. Ego cū Forosempronienſi Episcopo ſentio hac in re. Id verò, quod af-  
 fers de anno corrigendo, ve ſcilicet ſtatim, ac ſimul tot diebus annum  
 vnum minorem faciamus, quot errauimus, cū non vulgaris turbatio tum  
 faſtorum, tum negotiorū videri poſſit, ſi id fiat: minùs mihi probatur, quàm  
 ſi dimiſſa diei intercalatione totidem annis, quot ſufficiant ſarci-  
 endis diebus illis, quibus anteuertimus, ſenſim ratio anni vel inſti-  
 tuta à Iulio Cæſare, vel quæ extabat Nicæni Concilij tempo-  
 re, reſtituatur, multo minore turbatione, hoc pacto (vt  
 reor) res tota proceſſurà eſt, verum non ita tueor  
 ſententiam meam hanc, quin facile ſim con-  
 ceſſurus tuæ. Hæc notāda viſa ſunt in tuo  
 præclaro hoc opere. Tu pro ſingulari  
 tua eruditione rectius omnia iudi-  
 cabis, & ſtatues. Vale Romæ Vij.  
 Cal. Maij. Anno M. D. xxxix.



## GASPAR CONT. IOANNI GENESIO

S E P V L V E D A E S. D.

- B**  VILLO pacto tibi persuadeas velim, Sepulueda doctissime, vlla negligentia, aut obliuione tui factum esse, vt tam diu respondere distulerim tuis literis amoris, & officij erga me plenis. verum cum nonnulli amici mei, tui nominis studiosi à me legenda petiissent, atque habuissent, eisq; per manus traditas, cum mihi redditas esse arbitraret, sedulo inter meas schedas inquitens, nusquam reperissem: ea in re dum ego, & mei diligentiam adhiberemus, demum ad hanc diem res est protracta, nec tamen litera inuentæ. Quamobrem duxi non amplius mihi differendum esse: ne, dum vellem officiosus esse, & singulis earum partibus respondere, tibi iure videri possem parum officio satisfaciens. Legi igitur, & Galeni locum in primo Epidemiarum, quem citas, & Ouidij in primo Fastorum. in græco codice Galeni res est magis expressa, quàm in latino: ibi enim Februarius *ἡμέρας μὲν τὰς ἡμετέρας τρεῖς* mensis dictus est, & Ianuarius, primus: vbi planè videre potetis, nostræ sententiæ locum illum nihil ob stare. Etenim nos quoque putamus, prima post Brumam Luna fuisse. Cal. Ianuarii, in Ouidii verò versu, quod sol nouus, & annus nouus eat Cal. Ianuarij non fuisse seruatum exactum illud quod Græci dicunt, vt scilicet propterea velimus eam fuisse diem Brumæ, cum sol Capricornum attingit, perspicuum ostendit author idem inferius, qui scribit secundo. post carmentalia die, xvi. scilicet.
- D** Cal. Februarij ingressum solis in Aquarium, qui vtique esse nulla ratione posset, si ipsis Cal. Sol primum attigisset Capricornum. Columella grauis author, qui floruit tempore Augusti non multo post Iulium Cæsarem, libro ix. de re rustica cap. xiiij. inquit ab occasu Vergiliarum Brumam, quæ ferè conficitur circa viij. Cal. Ianuar. in octaua parte Capricorni condito melle vtutur examina. Dicit octaua parte capricorni octauæ spheræ, quæ processerat Orientem versus. Libro xi. eiusdem operis. cap. altero, versus finem, idem dicit iuxta obseruationem Caldæorum, licet in codice impresso sit scriptum xi. Calend. Ianuar. Brumam esse, quem locum puto legendum viij. Calend. Verum vtro modo legatur, nihil refert, constat Brumam fuisse, ante Cal. Ianuar. Plin. libro xvij. cap. xxv. de quatuor. cardinibus anni loquens, cum dixisset



fieri illos in octauis partibus signorum ea de causa, quam supra tetigimus, subdit, Bruma Capricorni octaua scilicet parte ab viij. cal. Ianuar. mihi certe loci hi, præter ea quæ priori epistola ad te scripsi, magnopere persuadent, Iulium Cæsarem non inchoasse annum à Bruma, sed à prima Luna post Brumam. Poteris tū & peritioris melius totam hanc rem diiudicare. Forosempronienfis Episcopus non citat authorē quempiā antiquum. Hæc pro iure amicitia nostræ volui tibi asserre, vt tota causa diligenter perspecta, statuas quid tibi sit sentiendum, & agendum de opusculo illo tuo eruditionis pleno, quo me honestare (quæ tua est humanitas) voluisti. Nos bene valeamus, ac tibi omnia bona optamus. Vale, Non. Februar. M. D. XL.



IOANN. GENESIVS SEPVLVEDA

GASPARI CONTARENO S. R. E.

*Cardinali amplissimo. S. P. D.*

QVOD tam longum fuerit mearum literarum interuallum, & de questione corrigendi anni silentium, mallem equidem aliqua mea desidia, vel obliuione commissum fuisset, & in eo culpam agnoscere, & deprecari, quàm ex vestra, hoc est, sacerdotum Romanorum (vt liberè loquar) negligentia, veram causam asserre, quos nimirum frigere, & nihil minus quàm de cogendo Concilio cogitare video: cuius vt spes me prius acuebat, & incitabat, sic desperatio iam pridem hebetat, atque retardat. Quos enim maximè, in publicam Ecclesiæ salutem excubare, atque eius dignitatis augendæ nullam occasionem prætermittere oportebat, ab iis Concilij rei salutaris, & si vnquam aliàs, nunc maximè necessariæ mentionem fieri non alio tempore video, quàm cum bellū aut geritur inter principes Christianos aut impeditur: ad summā cūm spes certa est horum discordia impediri posse. Nam cum pax rediit, & firma concordia, de nulla re maius est silentium: vt quid intempestiuus edictis alieno tempore caprēt, neminem, quamlibet tardum, ad intelligendum, dubitare patiantur. Sed quoniam in tanta multorum desidia, tua mihi singularis Reipublice cura explorata est, & studiū boni publici perspectum, redibo ad quæstionem de ratione mēsum, & anni quam, ad te misso libello, complexus sum: respondebōque ad ea, quæ obstrare meæ sententiæ

- A sententię tibi visa esse, proximis literis scripsisti, vel hoc ipso nauaturus operam, quod tecum viro doctissimo, religionis Antistite grauissimo, de rebus honestissimis, & ad bonum publicum pertinentibus tantisper colloquar. Scio (quod scribis, & admones) traditum esse tum à Columella, tum à Plinio Brumale solstitium, in octaua parte Capricorni cōfici ad octauum Cal. Ianuar. Sed illud non ignoro, quod te quoque, meminisse oportet, hęc eos non à Iulio Cæsare, aut Iuliano Sosigene sumpsisse, sed, vt ipse Columella declarat, Budoxo, & Metone veteribus astrologis, hoc est à Græcis Authoribus, apud quos diuersa ratio erat tum anni, quem à solstitio æstiuo inchoabant, tum mensium, quos ad Lunę motum accommodabāt: vt hi, sine magno errore, & inconstantia, ad Romanorum Cæsarisque menses interpretando referri nequaquam possint. Vnde Ouidij quoque manauit inconstantia qui planè testatus (id quod erat cōsuetudine Romanorum indubitatum) initium anni sumi à solstitio brumali, & vt par erat, Cal. Ianuar. in cuius mēsis principio, de fastis scribens, cūm hęc tradetet versabatur, paulò post ad Græcorū obseuationes redit, de transitu solis in Sagittariū xvi. Cal. Februa. in quo, vt Columella docet secutus est Hipparchum, cui placuisse refert solstitia & Equinoctia nō in octauis, vt Buxo, & Metoni, sed in primis partibus signorū cōfici, & Brumale solstitiū in xvj. Cal. Ianuar. incidere, tāta græcorū varietas est atque dissensio. Hęc cum ita sint, video tamē difficile factu fuisse, septē illos dies Brumę, & Cal. Ianuar. interiectos publico mortaliū errore, latēter obrepisse. Itaq; admonitu tuo re diligētius, & accuratius inspecta, venit mihi in mentem suspicari, id quod ipse initio tibi placere conscripseras, Iuliū Cæsarem, vel potius Sosigenē, principiū anno solstitiū brumale fecisse, Ianuario verò nouā Lunā, quę proximē secuta est, octauo scilicet post die, idque nō ob eā causam, quā ipse priore tua epistola, authore Forosemproniesi. Episcopo porposueras; quod Cæsari oportere visum fuerit, vt mēsum initium ad motū lunę, vnde scilicet nomē acceperūt, accommodaret, quē admodū anni ad solis circumactū. Hęc enim causa, quod ad mēseis attinet, inanis prorsus (quod pace Forosemproniesi Episcopi dixerim) mihi semper visa est, & ab instituto Cæsaris abhorre: qui varietatem superioris rationis, & inconstantia pertæsus, quę in mēsibus cōstituēdis lunę cursum sequebatur, vt annū itē mēseis ad solis motū referri voluit: vt annus intelligatur, spatium tēporis, quo sol totū signiferū peruagatur, mēsis verò vnus signi solis eiusdē peragratio. Non igitur hęc causam, quę nulla est, secutus Cæsar esse, vel Sosigenes videri potest, sed illam, quam solam mihi venit in mentem suspicari, quòd tum ad Fastorum sibi conficiendam rationem accommodatius, tum inueteratę sacrificiorum consuetudini, conuenientius visum est Cæsari, à noua Luna Ianuatium mensem inchoari, saltem eo anno, vnde xix. annorum circuli ab ipso traditi, principium sumendum, ac repetendum erat. Cui consuetudini quantopere soleant authores interdum seruire, docet Columella, qui libro de re rustica ix. cūm Hipparchi sententiam solstitia, & Equinoctia in primis signorum partibus confici docentis
- C
- D

probaret: se tamē profiteretur, iccirco Fastos Eudoxi atque Metonis vetustiorum Astrologorum in octauis tradētium, sequi, quod hi publicis sacrificiis essent aptati, & notior illa vetus agricolis concepta opinio. itaque Cæsari vel maxime fuit optandum, vt Lunæ cum sole congressus eo anno in Brumale solstitium incideret, ne scilicet quæ natura indiscreta sunt distraherentur, vtque annus naturalis, & ciuilis, eiusque primus mensis ab eodē principio repeterentur. Sed aliter cadente, nō putauit prorsus sibi esse à more maiorum, & sacrificiorum temporibus recedendum. Erat enim vetus Romanorū consuetudo (vt satis me puto in meo libello ex Ouidio, Simplicio, & aliis bonis authoribus docuisse) vt à brumali solstitio annū inchoarent. primum verò mensē, hoc est Ianuarium, à noua Luna, quæ proximè Brumam sequeretur: Februarium, à secunda, & cæteros eodē modo: vt Hæbræi mensē primum, à noua Luna post Æquinoctium vernum, quod eis erat initium anni, & Athenienses à noua Luna post solstitium æstiuum, vnde principium anni capiebant: quo fieri necesse erat etiam in maxima sacerdotum fide, ac diligentia, vt non semper in octauū post Brumam diem, aut alio certo numero Calendæ Ianuarij, sed plerunque citius, aut tardius pro varietate temporis Lunæ silentis inciderent. Cum igitur accidisset eo anno, quo noua ratio est à Cæsare instituta vt viij post Brumam die esset noua Luna: quo die superiore consuetudine Ianuarius hoc anno erat inchoandus: itidem sibi Cæsar faciendum ob eam, quam dixi causam, putauit: quæ vt illi pontifici Maximo propter vanæ religionis iam abolitos fastos grauis est visâ, sic apud nostræ religionis Antistites nullius debet esse pōderis, cū nihil faciat ad Christianorum Fastos: aut si quid facit, leue incommodum maxima commoditate pensetur: vt ob stare non debeat, quò minus in correctione anni, Calendæ Ianuarij, ad anni naturale principium, & diem Christi natalem, & hæc omnia ad brumale solstitium reuocentur, plana, luculenta, & plena dignitatis ratione inita: quæ nec à summa veteris Romanorum instituti abhorreat, & sit pax christianorum consuetudini à natali Christi, quem natum constat in ipsa Bruma, caput anni repetentium aptissima, sublata quorundam occasione. De quo quid sentias, erit humanitatis tuæ, & mihi gratissimum, vt rescribas. Nam si tibi probabileis causas, cur illud dierum, ex quacunque certe parum, aut nihil ad nos pertinente causa interiectorum, interuallum multifariam importunum tolli debeat, attulisse videbor: poterit fortasse non inutiliter libellus edi, paucis mutatis de spacij tēporis interiecti causa, de qua nobis fuit adhuc, nec erit amplius dissentio. Sequar enim te quocunque duxeris, hac in parte, modo ipse mihi in summa causâ ne refrageris. Vale.

GASPA.

GASPARIS CON-  
TARENI, DE MAGIS-  
TRATIBV'S ET RE-  
PVBLICA VENETORVM.

THE  
LIBRARY OF THE  
MUSEUM OF NATURAL HISTORY  
AND  
ZOOLOGY  
OF THE  
SMITHSONIAN INSTITUTION  
WASHINGTON, D. C.



DE MAGISTRATIBVS  
ET REPUBLICA  
VENETORVM,

LIBER PRIMVS.



AE PENVMERO animaduerti complures aduenas, prudentes homines, nec bonarum artium ignaros, quum primum Venetias venissent, atque amplitudinē eius urbis contemplati essent, tanta esse admiratione & veluti stupore quodam percussos, ut nihil mirandum magis, aut illustrius se unquam vidisse praeseferrent, ac totius oris significatione ostenderent. Non tamē omnes eiusdem rei capiebat admiratio. nam quibusdam mira quaedam res, ac prorsus incredibilis esse videbatur, tam magnā

mercium omnium copiam ex omnibus terrarum oris ac regionibus, perpetuo quodam ac constanti tenore, in hanc unam ciuitatem inuehi, indeque in longe diuersissimas gentes terra marique deduci. At alios detinebat urbis frequentia, & omnium propemodum gentium conuentus, veluti commune orbis emporium, una Veneta ciuitas esset. Nonnulli mirabantur magnitudinem imperij, latamque & terra & mari ditionem: at plerique omnes politioris & acrioris ingenij homines, hanc nouam situs urbis rationem adeo ad omnia opportunam, ut eorum immortalium potius, quam hominum opus atque inuentum fuisse arbitrarentur, & ob hanc potissimum causam Venetam urbem omnibus aliis praestare, quae aut hoc tempore usquam gentium sunt, aut unquam fuerint. Ac nimirum, si superiora perspexeris, etiam hac tempestate nonnullas urbes inuenire facile poteris, quas cum hac nostra conferas, non paucas verò seculis retroactis, quae & imperij magnitudine, & frequentia populi, rerumque omnium copia & magnificentia urbi Venetae longè praestitere. verum post hominum memoriam, nulla usquam gentium ciuitas extitit, quae tam opportuno, tam tuto situ, atque adeo superante omnium fidem, condita fuerit. Plerique in condenda urbe satis se fecisse arbitrati sunt, si locum delegissent, ad quem difficilis & incommodus

hostibus accessus esset ad eam inuadendam atque obsidendam. inde euenit E  
 vt complures ciuitates conditæ sint, aut in editoribus & præruptis, aspero  
 difficiliq; accessu, aut palustribus demissisque locis. diuersa quadam ratione  
 nonnulli nihil præferendū cēsuere commodo opportunoque situi ad impor-  
 tādā exportandāq; omnia, sine quibus sufficere ciuitas sibi nequeat, tum ad  
 necessitatē, tum ad molliorē atq; elegantiorē quendā vitæ cultū. Qui verò  
 vtriq; rei studuerint, paucos admodū inuenias, pauciores verò qui id præstite-  
 rint, nullos autē quos scīā, qui omni ex parte id fuerint assequuti. At Vene-  
 tianū sit<sup>9</sup> diuino potius quodā cōsilio, quā humana industria præter fidē eo-  
 rū omniū, qui eā ciuitatē nō videre, cū ab omni impetu terra mariq; tutissi-  
 mus est, tū etiā aptissimus omniū ad cuiusque rei copiā, siue ex mari, siue ex  
 cōtinente ciuibus suggerandā, atque ad cōmercia omnis generis merciorū, cū F  
 omnibus penē nationibus habēda. Nā in recessu penetralique Adriatici pe-  
 lagi est sita, vnde quā mare attinet ad continentē, magna æstuaria pāduntur,  
 miro artificio naturæ munita. Nam x i. millibus passuum à cōtinentē mare  
 incipit esse vadofū: intra vadofā breuiāq; littus assurgit veluti agger quidā.  
 Hæc fluctibus impetuique marino obsistentia, vniuersam eam stationē in-  
 teriorē, longe latēque fufam adeo tutā reddūt, vt non tantū maris impetus,  
 quū assurgit, valida tēpestate actus, fractis fluctibus retrocedat, verum etiā  
 neq; nauibus aduentantibus liber aditus pateat. Quin potius opus est, nisi  
 leues admodum fuerint, vt his in locis, vbi vadofum mare esse incipit, in an-  
 choris consistant: naçtæ deinde tranquillā tempestatē à peritisque guber- G  
 natoribus, seu potius vadorū exploratoribus circumactę, angusta quadā &  
 implicata via, quā scilicet altior est vnda, (hæc verò singulis ferē diebus æstu  
 maris mutatur & variat) tandē ad vrbē perueniāt. Littus illud quod assurgit  
 post vada, sexaginta fermē millibus passuū extēditur, atque interiora æstua-  
 ria concludit. Non ita tamen continuum est, vt non septem locis disruptum  
 mari aditum ad internam stationem præbeat. Distat autem à cōtinentē sex  
 millibus passuum. Hac ergo ratione Venetæ vrbis æstuaria hæc partim cōti-  
 nente terra, partim littore ac vadis cōclusa sunt; in quibus medijs, ea regione  
 quæ Rioulatus dicta à maioribus, in hunc vsque diē nomē serauit. cōdita  
 vrbis fuit Veneta quo tempore Hunni duce Attila totā oram Venetam, in-  
 signem Italix prouinciam, quæ hisce æstuariis finitima est, igne ac cædibus H  
 deuastabant. in quā calamitate Patavij, Aquileiæ, Opitergij, Concordiæ atq;  
 Altini, illustrium Venetiæ vrbium, ciues, qui & nobilitate, & diuitiis alijs  
 præstiterē, primum se cum familiis recepere in nonnullas insulas, seu potius  
 tumulos, qui in æstuariis hisce paululum è mari eminebant: ibidēque opi-  
 da extruxerē, in quibus tanquam in tutissimo portu turbulentissimam il-  
 lam Attilæ tempestatē effugerent. eodem autem tempore in littore (de  
 quo supra meminimus) nonnulla oppida condita fuere, eò convenienti-  
 bus eiusdem oræ incolis, qui patrias item sedes reliquerant, ab Hunnis  
 direptas, ac dirutas: tutūque locum quęsierāt vxoribus, liberisque, atque  
 (vt ita dicam) dijs penatibus. Postmodum Caroli Pipinique regū temporibus



A bus communi consilio omnes in Riualtum conuenere, veluti in locum  
 omnium tutissimum, & maxime commodum. ita eò conuenientibus om-  
 nibus, quibus vexationem & deuastationem eam Italiae ab immensi illa  
 barbarorum illuue illatam, effugere potuerunt, in eam magnitudinem  
 quam nunc cernimus excreuerunt Venerunt. Vrbis igitur Venetæ situm ma-  
 xime tutum esse liquere omnibus potest, vel ex ipsa ratione eius urbis con-  
 stituendæ, quum sibi homines illam condiderint, qui eam Italiae cladem a-  
 trocissimam effugere: ibique incolumes cum familiis in tantis calamitati-  
 bus perstitere. quin post ea tempora (quod nulli vnquam ciuitati legitus  
 contigisse) à prima urbis origine ad hæc vsque tempora per mille ferè ac  
 centum annos integra semper ab hostili vi vrbs Venera perseuerauit, quum  
 B tamen opulentissima ditissimæque auri argentique ac rerum omnium ci-  
 uitas ab extremis etiam orbis regionibus barbaros ad prædam potuerit in-  
 uitare. Quo fit, vt non male sentire existimem eos, qui vna hac ratione  
 Venetias cæteris ciuitatibus præstare censuere. Verum aliud quiddam est  
 in hac ciuitate, quod longe omnium præstantissimum censuerim ego: me-  
 cumque omnes, qui ciuitatem, non tantum mœnia ac domos esse putant,  
 sed ciuium conuētum atque ordinem potissimū hoc sibi nomen vindicare  
 existimāt. ea est Reipublicæ scilicet ratio & forma, ex qua beata vita homi-  
 nibus cōtingit. hoc ego reor esse eximium illud ac præclarum, quo Vene-  
 tiæ maxime enitere, atque omnem antiquitatem superare videantur, nam &  
 C si compertum est, nonnullas Respublicas extitisse, quæ imperio, ditione, tum  
 militiæ disciplina ac bellorum gloria Reipublicæ Venetæ longè præstiterint,  
 nulla tamen fuit, quæ institutione ac legibus ad bene beatæque viuendum  
 idoneis, cum hac nostra conferri possit: quo effectum esse perspicimus, vt  
 neque adeò diuturna vlla vnquam perstiterit. Quam rem cum mecum ipse  
 considero, magnopere mirari soleo maiorum nostrorum sapientiam, indu-  
 striam, excellentem animi virtutem, atque adeò incredibilem erga patriam  
 charitatem. Fuere Athenis Lacedæmone ac Romæ nonnulli ciues vitæ pro-  
 bitate, atque in rem publicam insignes pietate viri: sed adeò pauci, vt  
 multitudo obruti non multum rei patriæ profuerint. At maiores no-  
 stri, à quibus tam præclaram Rempublicam accepimus, omnes ad vnum  
 D consensere in studio patriæ firmandæ, & amplificandæ, nulla propè  
 priuati commodi & honoris habita ratione. Huiusce rei coniecturam  
 facere quiuisset facile poterit, minime inquam ambiciosos fuisse. Vene-  
 tos homines, sed patriæ commodo tantum studuisse: quod nulla, aut ad-  
 modum pauca, antiquorum monumenta Venetiis extant, cum tamen do-  
 mi forisque præclare se gesserint, optimæque de Republica meriti fue-  
 rint: non sepulchra, non equestres aut pedestres statuae, non rostra na-  
 uium, aut vexilla ab hostibus direpta, ingentibus præliis superatis. Vnum  
 ex innumeris gentilis mei Andreæ Contareni Ducis exemplum adferam.  
 Genuensi bello grauissimo, ac longè omnium periculosissimo, cū dux hic no-  
 stræ Reipublicæ præsesset, incredibili sapientia animiq; magnitudine singulari

rem patriam seruauit, hostesque iam victores maxima clade illata profligauit, omnesque ad vnum; aut trucidauit, aut captiuos fecit. conseruata patria; re aucta confirmataque Republica diem extremum clausit, ac testamento cavit, ne eius sepulchro, quod ad hunc vsque diem visitur iuxta templum diuo Stephano dicatum, vlla dueis insignia, vllæ gentis nostræ affigerentur. ne nomen quidem ibi tam magni ducis inscriptum videas. qua eius modestia effectum est, vt viri celeberrimi illustrissimi que principis monumentum plerique ignorent. certissimum hoc reor argumentum esse, non ambitionis ventosæque famæ maiores nostros studiosos fuisse, sed patriæ tantum bono, communique vtilitati consuluisse. hac ergo incredibili virtute animi, maiores nostri hanc Rempublicam instituere, qualem post hominum memoriam nullam extitisse, si quis hanc nostram cum celeberrimis antiquiorum conferat, facile animaduertat. quin adserere ausim, neque monumentis insignium philosophorum, qui pro animi voto formam Reipublicæ effinxere, tam recte formatam atque effectam vllam contineri. Quamobrem putauit ego exteris hominibus rem minimè ingratam atque inutilem me facturum, si tam præclaræ Reipublicæ institutionem literis mandarem, quum præsertim nullum his temporibus videam ex quamplurimis doctissimis viris, qui multum ingenio, eruditione rerum omnium, ac eloquentia valent, hanc rem literis illustrauisse. Cui licet nihil luminis ex oratione nostra afferri posse certò sciam, per se tamen est adeò illustris, vt non tantum sibi, verum etiam orationi alioquin tenui multum splendoris & dignitatis sit allatura. Quamobrem dum de hac nostra Republica scribere instituerim, vt quilibet facile discoscere queat, rectè ne an perperâ se habeat, hinc mihi potissimum exordium sumendum reor. Hominem scilicet à natura ciuile animal effectum esse, solum verò nedum rectè viuere, sed nec viuere posse: id quod quotidiana necessitas ac victus vestitusque ratio planè ostendit: ac ob eam causam, & à principio homines conuenisse in hanc ciuilem societatem, ac deinde perseuerasse, vt bene beatæque viuerent, hoc est, vt mutuo adiumento atque opera summum hominis bonum assequerentur, quoad fieri potest donec mortalem hanc vitam degimus. Quamobrem etiam vniuersa ratio ciuilis institutionis eò pertinet, vt qua faciliori via id fieri queat, ciues faciat felices vitæ compotes. At felix beatæque vita vsu virtutis præcipuè contineri à summis philosophis perhibetur, quod etiam probant certissimis rationibus, & argumentis euidentissimis. Verùm vsus virtutis & in muneribus bellicis elucet, & in functionibus pacis. Atqui quamuis laus bellica, totæque militaris ratio tum necessaria sit ciuitatibus pro conseruanda libertate, ac finibus tuendis, tum etiam dignitatis & splendoris plurimum habeat; nihilominus respuit communis hominum sensus officia bellica, (quibus cædes ac mortalium detrimenta imprimis procurantur,) esse per se expetenda, atque ad ea cætera omnia ciuilia munera esse referenda. ac crudelis quidem ingenij, vel potius ab humanitate abhorrentis hominis esset, optare prælia, cædes, incendia, hac duntaxat de causa,

vt in

- A** ut in re militari clarus sit, adde etiam si libeat, ut summi Imperatoris laudem consequatur. Quare omnes philosophi insignioris notæ in hanc sententiâ consensere, bellum propter pacem expetendâ esse, omnemque functionem virtutis militaris atque vniuersam laudem bellicam ad pacis officia esse referendam. Quamobrem is reipublicæ institutor, qui laude dignus haberi, & ut dici solet, omne puctum tulisse videri vulgarem moderationem adhibeat, ac eum ordinem tueatur, ut ad virtutem accommodata tota reipublicæ institutio videatur: atque ad pacis functiones magis quàm ad bellica mûnia spectare existimetur, bellicis interim & militaribus non neglectis. Nam plerumque & finibus tuendis & propagandis (dummodo id sine iniuria fiat) necessaria est militaris virtus. Cæterum iis, quæ diximus, constitutis, illud statim in controuersiam reuocari solet, gubernationi ciuitatis rectiusne vnus; an pauci præsideant, an potius vniuersa multitudo: qualem plerique effingunt statum illius, quæ propriè respublica vocari debeat. mihi quidem egregie statutum, sapienterque dictum videri solet, hominum gubernationem perperam homini cuiquam demâdari, sed diuinius aliquid esse oportere, cui officium istud incumbat: quod cognosci facile potest ex plerisque generibus animantium: gregem enim ouium ouis non regit, nec equorum aut bouum armentum bos equusve aliquis moderatur, sed animal quoddâ longè magis eximium tueretur, ac regit brutas animantes: homo inquam, qui quâ tum brutis antecellat, est omnibus compertissimum. Itaque non diuersa ratione hominem moderari ac regere debet quippiam homine præstâtius & diuinius, si ex animi sententia res successura sit. Sed cum in mundanis rebus, quæ sensu percipiuntur, inueniri minime possit melius ac præstâtius homine, ac homo varium quoddam sit animal, & longè diuersis partibus constet: inferioribus quippe animi viribus cum bellis communionem habet, ac supremis quodammodo deos immortales attingit: id rectè inter homines gubernatoris atque moderatoris locum tenere debet, quod est in homine diuinum. id verò omnium consensu est mens, diuini tanquam splendoris radius quidam à natura insitus hominum animis. Non ergo satis reipublicæ cõsultum erit, si gubernatio homini committatur, quem brutæ illæ vires sæpe perturbant, atque à recta semita reuocant rationis, sed menti puræ ac motionum animi experti, id munus deferendum est. Quamobrem diuino quodam consilio, cum alia ratione id fieri non posset, inuentis legibus hoc assequutum humanum genus videtur, ut menti tantum ac rationi nullis perturbationibus obnoxia, hoc regendi hominum cœtus officium demandatum sit. Quod sanè deorum munus, nescio an nullo inferius existimari debeat, si quis accurate secû reputet legum commoda. Primo nanque in sancendis, plurimi sapientes viri conueniunt, qui multarum rerum experientia docti, inuētis aliorum exemplisque veterum collatis, tandem post diurnam consultationem decernunt id quod optimum visum fuerit: neque odio tunc, aut amicitia, aliâve animi perturbatione à virtute deduci possunt, quum nullius priuati causâ agatur in legibus constituendis, quod in forensibus iudiciis semper accidere

solet. Post verò leges sancitas, si quis cōtra eas fecisse deprehendatur, easque E  
 poenas dederit, quas leges iusserint, iure nullum habere odio poterit. Proindeque metuendum non erit, ne qua seditio aut simulas inter ciues contrahatur, maxima & periculosissima rerum publicarum labes. Contrā plerunque cum hominum iudiciis non vi legum quispiam plectitur, discordiæ inimicitiaque gtaues ptoueniunt. Nam fieri vix potest vt non male affecti in eum simus, qui nobis detrimentum attulerit, quo circa haud scio, an hominum generi à natura omnium parente nihil hac legum inuentione maius concessum fuerit, quæ etiam iute diis immortalibus fuit ab antiquitate consecrata, quin quod magis mirum videatur, Aristoteles philosophorum facile princeps in eo libello, quem De mundo ad Alexandrum Macedonum regem scripsit, nil aliud reperit, cui similem Deum optimum faceret, præter antiquam legem, in ciuitate recte instituta: vt id propemodum tam magni philosophi sententia sit Deus in hac rerum vniuersitate, quod antiqua lex in ciuili societate. Ac in libris in quibus de republica tractat, legem inquit esse mentem sine appetitu: perinde ac si diceret mentem puram, lucidam, nullis affectuum morbis infectam, ex quibus effici illud, quod superius diximus maxime opportunum atque optimum esse, quilibet perspiciat homo etiam tardioris ingenij, vt scilicet diuinius quippià homine cætus hominum moderetur ac regat. Quod si huic gubernationis muneri præficiatur homo, quum rari admodum sint & prudentia & probitate præditi, itque plerunque ob affectuum animi vim cum in iudicando errent, tum maximè à recta animi sententia dimoueantur, non sine turbatione magna, ingentique periculo res processura est. quod etiam si fieri posset, vt hominem inueniremus, ad eò sapientem atque probum, atque adeò propositi tenacem, vt nulla animi perturbatione ab officio reuocaretur: vtique neque hac conditione optandus esset pro legum ptincipatu hominis dominatus, qui mortali fragilique natura præditus, diutius eo munere fungi nequitet, quum leges æternitatem (vt ita dixerim) æquare possint. Ex his iam persuasum esse reor, summā imperij commendandā esse legibus non homini: quàm paucissima verò, quando legibus comprehendi non possunt, hominis arbitrio permittēda. Verum necesse est, vt custos quispiam ac veluti vicarius & minister legibus constituatur, qui pro legis imperio rempublicam regat: & quoniam neque legibus comprehendi possunt omnia, tum quæ in iudicium veniunt, tum quæ consultanda sunt, arbiter sit huiusmodi omnium. rursusque eadem controuersia redit, quæ ex legum sanctione soluta esse alicui videri potuisset: an scilicet vnus melius, an pauci, an potius multitudo tuendis legibus, & his diiudicandis ad quæ satis esse leges non possunt, præferenda sit. Ac quamuis multorum sententia tegius dominatus alius habeatur præstantior, crediderim tamen ego, tametsi vnus principatus, qui vete regiam dignitatem ac iure sibi vendicaret, si res per se consideretur, optimus omnium est, nihilominus propter sapius in deteriore parte labile ingenium hominis ac vitæ breuitatem optimum omnium statum minimè esse sub regio principatu, sed multitudi-

- A titudinis gubernationem civili societati magis conuenire: idque experientia rerum omnium magistra luculenter docet. Nam nullum regium principatū apud veteres extitisse vnquam legimus, neque nostra tempestate conspeximus, qui non breui in tyrannidem lapsus sit. Contrā plurimas respublicas multis seculis perdurasse ac pace & bello floruisse. Ac multitudo quidem omnis gubernationi per se inepta est, nisi in vnum quodāmodo coalescat: quando quidem neque multitudo vlla esse queat, nisi vnitare aliqua contineatur. Qua de re civilis quoque societas dissipabitur, quæ vnitare quadam constar, nisi quapiam ratione multitudo vnum efficiatur. Quo fit vt præclarissimi philosophi, qui de reipublicæ institutione accurate scripserunt, temperandam rempublicam censeant ex optimatum & populari statu, eo adhibito temperamento, vt incommoda vniuscuiusque gubernationis vitentur, commoda verò comparentur. Quocirca rempublicam Lacedæmoniorum summo opere laudant, in qua Reges, & Ephori, & Senatus effecerint mixtionem quandam, vt bene dignosci nequeat, sub quanam gubernationis specie fuerit ea respublica collocanda. Id tamen reprehendunt, quòd duntaxat ad belli munera instituta fuerit, nulla interim habita ratione officiorum pacis, atque otij, ex quo effectum esse vt respublica illa multis & clarissimis virtutibus insignis, vbi primum in otio esse cœpit, in deterius lapsa sit, ac demum corruerit. quod etiam Romanis accidisse eadem propè causa compertum est: nec id esse euenturum latuit præcipuos Romanos Senatores. ex quibus
- C Nafica censuit Carthaginem, tametsi Romani nominis æmulam, vel potius inimicam sempiternam, minimè diruendam esse: vt semper Romanus hostem haberet, cum quo agendū armis esset: ne inimico atque æmulo subla- to ea respublica instituta ad bellum, iuuentūsque in armis educata in sese arma conuerteret. Quod Nasicæ consilium, quamuis à Senatu tunc repudiatum fuerit contrāque eius sententiam decretum, rerum tamen ipsarum eue- tus prudentissimū fuisse ostendit. nam eversa Carthagine continuo ferè bel- la ciuilia exarsere, quibus tandem florentissima ac potentissima omnium quæ vnquam fuerunt respublica concidit, ac demum in Barbarorum prædā ces- sit opulentissima, seu potius rerum domina ciuitas. Sed vt aliquando ad in- stitutum opus veniamus, maiores nostros qui Venetam rempublicam insti- tuerunt, mira quadam sapientia atque egregia probitate præditos fuisse ap- paret, qui nihil prætermiserint, quod ad rectam reipublicæ institutionē per- tinere videretur. Primum namque ad vsum munerāque virtutis instituere omnem vitam functionemque suorum ciuium, semperque eis fuere potio- ra studia pacis quàm belli. Et in eam curam potissimum incubere, ne qua ratione concordia civilis solui posset, non neglectis interea officiis bellicis, his inquam quæ nostræ ciuitati maxime conuenirent, nam is est vrbs situs, vt valde idoneus sit maritimæ militiæ, terrestri verò parū aptus. Neque enini huic vrbi aliquo pacto accommodari queunt, aut equitum turmæ, aut pe- ditum acies, vt ex his quæ supra de vrbs situ à nobis accurate descripto di- ximus, perspicuè cōiici potest. Eam verò in hac repub. moderationē ac tem-
- D

peramētum adhibuere, eāque mixtionem omnium statuū, qui recti sunt, E  
 vt hæc vna Respublica, & regium principatum & optimatum gubernationem,  
 & ciuile item regimen referat: adeo vt omnium formas pari quodam  
 libramento commiscuisse videantur, quod clarè ex operis processu lique-  
 bit. Verum vt tandem Reipublicæ Venetæ institutionem aggrediamur,  
 summa totius ciuitatis auctoritas & ex cuius decretis & legibus, tum Se-  
 natus, tum magistratus omnes ius potestatemque habent, penes illud consi-  
 lium est, in quod nobiles omnes ciues conueniunt, qui annum x x v excef-  
 sere, nam plerique alij qui nondum id ætatis habent, vbi tamen annum x x  
 peregerint, hoc ius fortis beneficio adipiscuntur: de cuius rei vniuersa ratio-  
 ne inferius dicemus. Nunc à nobis illud primum omnium statuatur, probè F  
 à maioribus nostris cautum fuisse ne plebs admitteretur ad conuentum hūc  
 ciuium, in quo est summa reipublicæ potestas. Deinde non minore pruden-  
 tia factam fuisse ciuium hanc definitionem generis nobilitate potius quàm  
 facultatum censu, quemadmodum fieri cōsueuerat in priscis rebus. ac ple-  
 rique veteres philosophi præcipiunt esse faciendum. Ciuitas nanque ciuium  
 societas est: nec tamen omnes hi homines, quibus indiget ciuitas, aut qui in-  
 tra mœnia vrbs habitant, sunt habēdi pro ciuibus, neque iure in ciuium nu-  
 mero sunt collocandi. Opificibus enim cuius ciuitati est opus, aliisque per-  
 multis qui mercede operā suā locāt, ac priuatis demū seruis. at nullus ho-  
 rum ciuis vere dici potest. nam ciuis liber est homo: hi vero omnes seruitu-  
 tem seruiunt, vel priuatam, vel publicam. Mercenarij nāque & opifices om- G  
 nes veluti serui publici haberi debent. Etenim non dissimili modo à natura  
 constitutum fuisse animal putandum est, ac ciuitatem ab hominibus consti-  
 tuti oportere. In animante verò multæ sunt partes, quæ animatæ non sunt, il-  
 lis tamen indiget animal, vt viuat: sic in ciuium cœtu multis hominibus est  
 opus, qui tamen minimè partes ciuitatis aut esse aut haberi debeant, nec in  
 ciuium numero collocari. Quam obrem sapienter à maioribus nostris cau-  
 tum est, ne vniuersus populus summam potestatem habeat in hac republica,  
 quam longe optimam voluerunt. Summa enim turbatio popularisque tu-  
 multus frequenter concitātur in illis ciuitatibus, in quibus summa rerum est  
 apud populum: quod etiā in quibusdam rebus publicis obseruatum fuisse  
 legimus, & à nonnullis philosophis præceptum. hoc tamen rectè se posse as- H  
 sequi arbitrari sunt, si ius hoc administrandæ reipublicæ definiretur cēsu at-  
 que copia rei familiaris. Verum in maximas difficultates nec mediocria in-  
 commoda incidere. nam frequenter euenit, vt infimæ plebis homines com-  
 parent sibi ingentes facultates: quippe qui plerunque sordidis artibus offi-  
 ciisque minime liberalibus dant operam augendæ rei, neque vnquam sibi  
 parcunt, quin potius genium fraudant, vt opes accumulent. Contrā ingenui  
 ciues ac liberaliter educati pauperes fiunt, seu aduersa fortuna (vt frequen-  
 ter accidit) seu quòd liberalibus studiis addicti vniuersam hanc augendæ rei  
 familiaris operam negligūt. qua ratione fit vt sordidi homines, qui nil aliud  
 sapiunt quàm lucrum, bonarum verò artium expertes sunt, paulatim rem-  
 publicam capestant: ingenui verò ac liberaliter educati opibus sensum defi-

- A** ficientibus à iure ciuium decidant. Inde maximas seditiones oriri ac rempublicam turbari necesse est. Ideo maiores nostri sapientissimi homines, ne sua respublica quandoque in has calamitates incideret, hanc definitionem publici iuris, generis nobilitate longe melius fieri censuerunt, quàm magnitudine census: ea tamen temperatione, ne tantum supremæ nobilitatis viri hoc ius haberent (illud enim paucorum potentix fuisset, non reipublicæ) sed etià quicūque alij ciues non ignobiles. Itaque omnes qui aut genere nobiles extiterent, aut virtute insignes, aut de republica bene meriti, principio hoc ius ciuitatis regendæ adepti sunt. Quòd si post eum primum ciuium conuentum nobiles alij fuere, qui tum opibus, tum strenuis gestis rempublicam auxerint, nimirum illis omnibus ius administrandæ reipublicæ concessum fuit,
- B** id quod & temporibus nostris vidimus. nam nonnulli etiam aduenæ, externique homines in hunc numerum ciuium asciti sunt, vel ob eam causam, quòd nobilissimi, vel quòd officiosi erga rempublicam fuerint, eamque insigni quopiam facinore honestarint. Vniuersus ergo hic ciuium conuentus, seu (vt dicitur) magnum hoc consilium penes quod summum totius reipublicæ ius est, & à quo etiam Senatus magistratuūque omnium auctoritas pendet in hac republica vicem refert popularis status. Dux vero qui præfinitum imperandi tempus non habet, sed dum vixerit, præsidet, regiam præ se fert potestatem, præsertim cum regiam speciem habeat, ac gravitatem dignitatēque regis seruet. Reliqui verò ciues regia veneratione ducem prosequuntur, omniāque decreta & leges, tum etiam publicæ literæ, sub ducis nomine prodeunt. At Senatus, x viri, seniorūque seu præconsultorum collegium, qui apud nos vulgò sapientes appellantur, eorum inquam qui præconsultant, ac de republica ad Senatum referunt, ostendunt quandam optimatum speciem. Quæ cum sint præcipuæ reipublicæ huius partes, antequàm ad inferiores magistratus deueniamus, de iis primo sigillatim dicendum est. Initium verò sumatur à maiori consilio, à quo vniuersa pendet respublica. Omnes ordinis patricij iuuenes, qui x x annum exegere, ad magistratum, qui vulgò Aduocatorius dicitur, accedunt, cui præcipuè legum tutela demandata est, coram quo constituti cum patre, aut matre, si pater deceaserit, aut proximioris generis cognato, si vtroque parente orbatifuerint, adhibitis duobus testibus, honestis viris, sed alienis à matre probant sese natos ex eo,
- D** quem patrem profitentur, non spurios, sed matrimonio legibus statuto & ex matre honesta muliere. Testes vero in hæc verba iurant, sibi id comperitum esse ex omnium quos nouere attestatone, atque ex omnium assensu. Deinde pater seu mater vel consanguineus genere proximus, si fuerit is iuuenis vtroque parente orbatus, iureiurando asserit adolescentem x x annos excessisse. Quæ quum rite à scriba magistratus illius in codicem fuerint relata, diem quartam mensis Decembris operiuntur: eadēque die omnium horum adolescentum nomina, qui nondum sortis beneficio ius ciuis adepti sunt, nec vigesimum quintum annum excesserunt, in vnam coniiciuntur, & ad principem deferuntur: ibique coram consiliariis ea vrna constituitur. Pe-



nes quā est & altera, in qua tot sunt pilulæ seu globuli, quot nomina in priori fuerint, suis quæque notata sygraphis. Pilularum quinta pars aurea est, reliquæ omnes argenteæ. Extrahit princeps ex priori vna nomen, mox & ex altera pilulam: quæ si aurea fuerit, iuuenis is cuius nomen exierat, confestim publicæ potestatis ius habet, & in maius consilium admittitur: sin argentea, forte decedit, ac insequentis anni sortem operitur, nisi eo temporis spatio x x v annum exegerit. nam quicumque patricius ad id ætatis peruenierit, cōtinuò ius habet ciuis, publicæque potestatis est particeps, atque in hoc consilium maius admittitur. Hac igitur ratione quinta pars candidatorum iuuenum quotannis recipitur ad ius suffragij ferendi cum aliis ciuibus. Quòd si accidat vt cuiuspiā patricij pater atque auus, vel propterea quòd absentes fuerint, vel ob aliam causam nunquam hoc iure suffragij ferendi sint vsi, eorūque nomina nunquam fuerint relata in publicos codices, in quibus patriciorum omnium nomina sunt descripta: ne qua fraus confici posset, neue quispiam degener furtim obrepat in hunc nobilitatis cœtum, noluerunt arbitrio tantum Aduocatorij magistratus eam rem constitui ac decerni: sed lege cautum est, vt hi referētibus Aduocatoribus ad x x x x viros agnationem patriciam probent, atque testibus & scripturis publicis: sicque causa cognita disceptantibus quadraginta viris decernitur, an ad ordinem patricium admittendus sit. Ne autem quispiam impune tentare huiusmodi iudicium audeat, itidē decretū est, quicumque referre de nobilitate sua voluerit, ad eos iudices prius ad magistratū afferat quingētos nummos aureos qui in ætariū referūt si ille deciderit à causa. Ea fuit maiorū nostrorū diligētia, ne qua labe nobiliū hic cœtus inficeretur. qua de causa etiā illi ciues, qui vigesimūquintum annum excesserunt, non prius adipiscuntur ius suffragij ferendi, quàm coram Aduocatoribus constituti iureiurando patris seu matris aut proximioris consanguinei probauerint, se ad id ætatis deuenisse: ac duobus item testibus, se ex eo patricio genitos quem parentem profitentur, non spuriōs nec matre pudenda. Postquam omnis ferè ratio à nobis exposita est, qua ciuibus ad ius publicæ potestatis aditus fiat, illud animaduertēdum existimo, maiores nostros sensisse plurimum ad amicitiam & vnionem ciuium conciliandam & conseruandam conferre, si sæpius in vnū conuenirent. quare tum legibus, tum veteri consuetudine inoleuit mos ille, vt octauo ferè quolibet die, interdum etiam frequentius, consilium magnum cogeretur. Huius præcipuum munus est, vt omnes magistratus creet, tum eos, qui in vrbe ius dicunt & aliis reipublicæ muneribus funguntur, Senatū quoque & decem viros, tum etiam prætores, præfectos, quæstorēque oppidorum atque vrbiū quæ in societatem Veneti imperij sunt ascitæ, necnon custodes arcium, classis Imperatorem, Legatos, item classis triremium præfides, ac demum (vt vno complectar verbo) quoscunque qui domi vel foris ius habeant publicæ potestatis. Leges item omnes quæ ad constitutionem reipublicæ pertinent, huius consilij autoritate sanciantur. quod præcipuè fieri consuevit tempore interregni, cum scilicet mortuo duce nondum alius ei suffectus

- A** suffectus sit. sed inferius de interregno. Nunc omnis comitiorum habendorum ratio à nobis exponetur. Circa meridiem, quibusque ferè diebus festis consilium hoc cogitur sub amplo spacioſoque tecto, quod liceat appellare comitium. in eo decem sunt sedilia longiſſima, vrpote quæ longitudinem comitij penè æquent. ciues omnes vt quisque eò loci peruenerit, ſeſſum eunt, vt cuique libuerit. nulli enim ſtatutus eſt locus in comitio, præterquam quibuſdam magiſtratibus, qui comitiis præſunt. ij verò ſunt dux, conſiliarij, & x x x x virorũ præſides tres, qui in elatiori ſuggeſtu ſedent, atque ſoli ius habent referendi ad magnum conſilium. Poſt hos in mediis ferè ſubſelliis, quæ paulò elatiora ſunt ad parieres comitij poſita,
- B** certis ſtaturisque ſedibus, Aduocatores ſedent, trẽſque decem virũ præſides, ac demum quàm longiſſime à ſuggeſtu Ducis ſunt ſubſellia Auditorum veterum, ac recentium, de quibus omnibus magiſtratibus à nobis infra dicetur. cæteri verò ciues omnes (vt dicebam) promiſcuè pro animi arbitrio ſedent. ſtatuta deinde hora fores comitij clauduntur, ſerunturque clauẽs ad ſuggeſtum principis, & ad eius pedes locantur. tunc ſcriba primus, qui honos eſt non patriciorum, maximæ tamen dignitatis, aſſurgit, atque elatiore loco conſtitutus voce magna pronunciat magiſtratus, quorum ſunt eo die habenda comitia. pronunciatique magiſtratibus, continuo ex eo loco confert ſe ad ſuggeſtum in quo eſt princeps, altèque voce citat magiſtratus, præſides comitiorum quos ſupra memorauimus, vt ad principem ſeu conſiliarios, ſi princeps abſuerit, accedant. iuſſi conſeſtim accedunt, ibique iureiurando interpoſito pollicentur operam ſe daturus, vt leges comitiorum ſeruentur, pronunciaturoſque ciuem eum, qui contra decreta aliquid egerit, ac poena legibus conſtituta punituros. His peractis ad ſua quiſque loca reuertitur, præter vnum ex Aduocatoribus, ac vnum ex præſectis decem virũ, qui ad extremam partem attij ſe conferunt aduerſam principis ſuggeſtui, ibique deſtinatis ſedibus conſident. reliqui vero Aduocatores in dextro latere comitij, duo verò reliqui decem virũ præſides ſiniſtro latere è regione Aduocatorum ſe item locant. Conſimili ratione Auditores veteres & recentes extremo loco comitij, quem dicimus longiſſimè diſtare à ſuggeſtu principis, oppoſitis lateribus conſident, dextro inquam ac ſiniſtro: vt huiuſmodi magiſtratuum conſeſſu vniuerſo ciuium cõſilio omni ex parte appoſiti cuſtodes eſſe videantur, ne quis impune quippiam agere poſſit, contra leges & comitiorum decreta. Magiſtratibus hunc in modũ diſpoſitis tres vrnæ iuxta principis ſuggeſtum ſtatuuntur, in quibus conduntur globuli aurei argenteique: hocque modo diſpoſitæ, vt in medio ſuggeſtu ſit vna, ex vtroque latere itidem vna, in quarum vrâque triginta tantum ſunt globuli aurei, innumeri verò argentei. in media verò vrna x. tantum globuli conduntur, quorum triginta ſex aurei, argentei verò viginti quatuor: ſuntque aurei omnes globuli, certis literarum notis inſcripti, quas ſingulis comitiis ſorte educunt, ne qua poſſet ſubefſe

fraus. Locatis urnis tres consiliarij cæteris iuniores è suis sedibus surgunt, E  
 ac ad extremam partem suggestus iuxta tres eas urnas sessum eunt, ea ratione ut singulis singuli consiliarij assideant. his ita actis & dispositis fortes ducuntur, atque is ordo civium, cuius fors exierit, consurgit ex utroque comitij latere. Per attium enim quod longum est, decem sunt sedilium ordines dispositi, in quibus pro cuiusque arbitrio considerare ciues supra diximus, vnaque tantum fors duobus ordinibus inferuit, iis scilicet qui ex utroque latere comitij sibi respondent. is ergo ordo cuius fors exierit, magna præconis voce citatur, & ex utroque latere comitij, eo ordine quo sorti libuerit, consurgitur: ciuésque eo quo sedetint ordine, ad eas se urnas conferunt, quibus iuxta suggestum principis constituti consiliarij F  
 assident: ac manu imposita quisque globulum vnum educit: qui si argenteus sit, diuerso itinere ad sedile, vnde surrexerat, reuertitur. at qui aureum eduxerit, consilium consiliario, qui urnæ illi præest, conspiciendum tradit: ille diligenter notam agnoscit. illa notæ inscriptio ea ratione est inuenta, ne quisquam efferre domo secum posset aureum, quem manu furtim impositum videretur ex urna eduxisse, sicque per fraudem elector fieret. Is ergo cui fors aurei obtigerit continuo ad mediam urnam se confert, indeque alium globulum extrahit. qui si argenteus fuerit, impositi reuertitur ad eundem locum vnde discesserit, sin vero aureus fuerit, suggestum ascendit, atque è regione principis destinato loco sessum it. secundus qui eadem sorte usus fuerit, eodem etiam se recipit, ac item tertius: sicque deinceps cæteri, quousque nouem fuerint qui primum electorum ordinem complent, atque ita eo in ordine disponuntur, ut solius ætatis ratio habeatur, præterea nullius rei. Hoc loco institutum illud minime prætereundum est, illos qui sortis beneficio electores sunt facti, statim alta voce à scriba pronunciari solere, adeò ut omnes audiant: neque amplius facultatem ullam esse cuiquam eius consanguineo, aut affini arcta necessitudine coniuncto tentandi sortem, qua elector fieri queat: neque etiam pluribus quàm duobus gentilibus aditus patet ad ordines electorum, quod summa prudentia maiores nostri instituere, ut scilicet ad plures agnationes ac familias hoc munus eligendi perueniat, publicumque hoc beneficium latius pateat inter ciues: satis enim haberi debet, si ex H  
 vna familia fors duobus contingat, qua publicæ auctoritatis compotes efficiantur. Sed eò reuertatur, vnde nostra diuertit oratio. primus hic ordo electorum civium euestigio ut completus fuerit, è comitio egreditur, si mûlque nouem illi se in certum conclaue recipiunt. Hic scriba vnus à secretis Reipublicæ adest: primum electoribus nunciat ea, quæ legibus præscripta in magistratibus eligendis seruari debeant. leguntur item Senatusconsulta, ac cæteræ leges quibus cauetur, ne pecunia corrupti electores, seu quapiam mala arte & fraude eligant, vel, ut rectius dixerim, nuncupent eos, qui competitorum futuri sunt, ac suffragij consilij proponendi, disponuntur

**A** nuntur deinde nouem illi electores, pro cuiusque ætate, seniores scilicet digniori loco priorique sede: nullum enim aliud discrimen præterquam ætatis inter ciues Veneti esse volunt, quod seditionis nullius aut simularis vnamquam id causa fuerit: neque à summis philosophis, Aristotele inquam in Politicis, & Xenophonte in Cyri Persarum Regis institutione, opere longè celeberrimo, est prætermisum. Electoribus eo ordine dispositis, nouem item globuli in vnam conuiciuntur, numeris in quoque notatis, ab vno ad nouenarium. In pagina verò paululum longiore inscripti sunt magistratus, quorum habentur comitia suo ordine. Maximus natu electorum, ex vna sortem educit. numerus sortis inscriptus inspicitur, ac quotus fuerit numerus, in eo etiam magistratu, qui in pagina illo fuerit numero descriptus, pronuntiandi quem voluerit ciuem ius habet. Idem contingit secundo, tertio ac deinceps omnibus, vt scilicet ducta sorte quisque electorum proprii magistratus beneficio & arbitrio sortis sit pronuntiator effectus. Postmodum is, cui primi magistratus fors obtigerit, eum ciuem pronunciat quem voluerit. Itur in suffragia à nouem electoribus, si sex suffragia vel plura tulerit electus ab eo electorum ordine, in eo magistratu renuntiatur, ac eius nomen in pagina ea oblonga, in qua magistratus omnes, quorum habentur comitia, sunt inscripti, ab vno electorum subscribitur nota primi magistratus, quod si pauciora quam sex suffragia tulerit, quod rarissime evenit, iterum alius ab eodem electore proponitur, atque eadem ratione res deinde peragitur, & sic deinceps, quousque aliquis proponatur, qui approbetur sex electorum iudicio. Idem eligendi modus in secundo, tertio, omnibusque aliis feruatur, quoad ille electorum ordo in singulos magistratus singulos ciues elegerit. Interim verò dum hæc in conclau aguntur, reliqui ciues ordinem sortium in comitio ceptum non intermittunt sed ad urnas se conferunt, prout cuique sedilium ordini fors contigit: deinde globulos educunt, donec nouem alij sortem vtramque auream ex urna extraxerint. hi complent secundum electorum ordinem, qui habita (vt dictum est) ætatis ratione, & ipsi in conclave destinatum seorsum secedunt: quo in loco adest & alius scriba à secretis, qui ratione nulla in re dispari à priore, tum leges ac Senatusconsulta quæ seruanda illis sunt, recitat palam, tum suo quemque loco collocat: paginamque defert eisdem magistratibus, eademque serie, qua prior illa, quam in conclau primi electorum ordinis delatam fuisse supra diximus. Itidem sortes ab electoribus educuntur vt quisque suam educit, à singulis pronuntiantur ciues singuli in magistratibus quorum comitia fiunt, prout cuiusque electoris fors tulerit. ac eodem fermè modo post hos tertij nouem eadem ratione tertium ordinem complentes, in priuatum quoque conclave secedunt, in quo eadem adamussim obseruantur. Sic etiam quarti nouem in suum, atque hoc pacto explent numerum triginta sex ciuium. totidem enim fuerant globuli aurei in vna medio suggestu constituta. Quamobrem ex sexaginta ciuibz quibus ex primis urnis sexaginta pilulæ aureæ contigere, triginta sex electores fiunt, in quatuor

classes distributi: quatuor verò & viginti, qui ex media vrna globulos argenteos eduxerunt, spe frustrati sessum redeunt. Non me latet, perquam arduum esse minuta hæc à veterum Romanorum vsu longe remota, literis illustrare, sed potius inepti culpam mihi censo subeundam, quàm parum diligentis. ideo minima quæque etiam accurate sanè à nobis recensentur, adeo vt nihil amplius etiam ab homine diligenti desiderari queat. Nunc reuertamur vnde digressa est oratio. Cùm ergo in quolibet magistratu, cuius eo die habentur comitia, à classibus quatuor electorum quatuor item ciues electi sunt, à singulis inquam singuli: nisi fortè contingat vnum aliquem à duobus aut tribus ordinibus electorum renunciari, quod interdum accidit, sed plerumque cuiusque magistratus quatuor fiunt competitores: in nonnullis tamen paræ dignitatis ac inferioris notæ magistratibus duotantum fiunt competitores: duæ nanque priores electorum classes ius habent eligendi, ac pronunciandi competitores, in illis minoribus magistratibus, cum posteriores classes eo iure sint priuatæ. postquam magistratuum omnium competitores electi fuerint, ea quam suprà exposuimus ratione, confestim electores dimittuntur, neque suffragari ea die cuiquam possunt, nec etiam comitiis interesse. ac scriba magnus qui (vt dixi) patricius honos non est, sed tamen maximæ est existimationis, ex suggestu magna voce pronunciat competitores primi magistratus: ac sigillatim recitat, quis, & à quo electorum ordine electus sit, necnon quo electorum auctore, & in quo ordine vnusquisque competitorum nominatus fuerit. Quo mihi in loco illud nequaquam prætereundum existimò, legibus sancitum esse, vt elector ille, quo auctore quisque competitorum pronunciatus ac electus sit, veluti fideiussor eius habeatur: ac si contingat pronunciatum ciuem superatis competitoribus voti compotem magistratum eum adipisci quem petebat, ac in eo magistratu pecuniæ publicæ quippiam auerterit, ac damnatus fuerit peculatus, nec soluendo sit, is elector, quo auctore pronunciatu est, in ærarios referatur. igitur alta voce à magno scriba pronunciatu competitoribus primi magistratus, continuò pronunciatu, si adfuerint, cum gentilibus quisque suis ac maxime necessariis cognatis è comitio egrediuntur, & in conclaue destinatum se conferunt, ibique operiuntur donec illius magistratus habeantur comitia. His peractis idem magnus scriba omnes admonet, diuinis atque humanis legibus vnumquemque teneri, vt ei suffragetur, qui omnium optimus ac Reipublicæ vtilissimus fore videatur: deinde primum competitorum nominat, à primo scilicet electorum ordine electum, pro quo in suffragia eundum sit. continuò iuvenes tot consurgunt, vt vnicuique sedilium ordini bini inseruiant. Hi vrnas quasdam manibus gestant, miro artificio inter se coagmentatas, exterior est viridis, interior alba, vnico fornice superius testæ: in quem cum manum inieceris, liceat tibi in vtrum volueris suffragium demittere: cum tamen nullus, etiam qui adsit ac diligenter inspiciat, dignoscere queat, in vtram vnam suffragium siue calculum conteceris. nec fabis suffragantur, sed

- A sed pilulis quibusdam linteis, ne qua ratione ex sono, quem cadentes in vtram fabæ facturæ sint, dignosci possit, in vtram vnam calculus sit iactus. nam maiores nostri maximè Reipublicæ conducere existimauere, si libera iudicia fierent: idcircoque summam operam dedere, vt suffragia quàm occultissima essent. Iuuenes ergo illi cum suis quisque vris inuicem coagmetatis ad sedile suum concedunt, ac cuique ciuium eo quo sederunt ordine, urnas offerunt. quilibet vero ciuis palàm ostenso calculo manum in fornem imponit, ac in vtram voluerit urnam eum demittit: si suffragari velir, in interiorem albam: si vero refragari, in exteriorem viridem. simul in vnoquoque sedilium hac ratione atque eo quo diximus modo in suffragia itur.
- B Quo fit vt breui admodum temporis spatio ab vniuerso conuentu ciuium suffragatum sit. tunc urnæ deferuntur ad suggestum principis, ibique collecta suffragia effunduntur in duo vasa patula, ea videlicet quæ fuerunt in vris albis, & quæ fauerint, in vas candidum. at quæ in viridibus vris collecta sunt suffragia, quibus repellitur competitor ille ab eo magistratu, itidem in viride vas coniunguntur. Deinde ad consiliarios numeranda deferuntur, inter quos medius sedet princeps. candidi vasis suffragia, competitori fauentia, ab eis consiliariis numerantur, qui dextro principis latere assident. At collecta in vase viridi, quæ scilicet refragantur, ab his qui ad læuam principis federint, recognoscuntur. scribæ publici consiliariis adstant, statimque perscribunt numerum suffragiorum. Interea dum primi suffragia recensentur, eadem ratione pro secundo in suffragia itur, qui à secunda electorum classe fuerit electus. deferuntur itidem suffragia ad consiliarios. numerant illi, scribæ autem numerum suffragiorum scriptis mandant. sic pro tertio ac demum pro quarto, si tot fuerint competitores, in suffragia itur. Numeratis suffragiis, is qui plurima tulerit, dummodo dimidia excedant, pronuntiatur electus à magno scriba, quum peractis omnium magistratuum comitiis consilium dimittendum est. Sin autem eius magistratus competitorum nullus plura suffragia quàm dimidia omnium tulerit, præteriti hi omnes habentur, differturque electio ad altera comitia. Post primi magistratus comitia peracta pronuntiatur nomina electorum in secundo. discedunt in conclaue competitores cum gentilibus ac cognatis. At illi qui conclusi erant, primorū scilicet competitorum gentiles atque cognati, in comitium redeunt. Eadē ratione nulla in re dispari à priori, eodē ordine itur in suffragia pro secundi huiusce magistratus competitoribus. atque item numerantur à consiliariis. is electus habetur qui suffragiis alios superauit, dummodo plura dimidiis sint. sic pro tertio, item deinceps pro quarto, hoc demum in omnibus aliis magistratibus seruatur. Comitiis confectis, electorum nomina magna voce pronuntiantur à scriba magno, postea dimittitur consilium: neque omnino vltra solis occasum protrahi comitia queunt. Quod si ea solis occasus interceperit, statim renunciantur, qui ad eam horam fuerint electi: eorum, qui restant, nulla ratio haberi potest. Itaque beneficio, quod eis cum fors, tum electorum classes attulerant, exclusi tempore, minime frui queunt. fuit.

que hoc summa ratione decretum . nam haud facile factu esset, si res in no- E  
ctem protraheretur , vt tam magna ciuium multitudo à magistratibus , qui  
comitiis præfecti sunt, in officio contineri posset, vt tenebris fauentibus non  
aliquid cōtra leges agerent. iccirco maiores nostri sapientissimi viri, qui exi-  
mia prudētia & animi solertia omnia prospexisse vidētur, statuēte vltra solis  
occasum comitia ne protrahi liceret, néue vllō pacto lucernā vllam in atriū  
illud inferri , dum comitia haberentur . Hæc est omnis comitorum habē-  
dorum ratio. in qua minime est prætereundum, ita inter ciues distribui ma-  
gistratus, vt tamen duo eiusdem gentis, aut etiam consanguinei maxime ne-  
cessarij, in eodem magistratu esse non possint . Quemadmodum neque iis- F  
dem comitiis duo gentiles , aut agnati , maxime necessarij , sortis beneficio  
electores esse queunt , vt suprà ostendimus . quod summa quidem ratione  
statutum est , vt scilicet ius publicæ potestatis ad plures pertineat , non au-  
tem ad paucos necessarios contrahatur . nam hi potestatem adepti moliri  
aliquid facillè possent , rempublicamque turbare . plurimi præterea , hono-  
rum facti expertes, rempublicam oderint, rebûsque nouis studeant , necesse  
est . Eam verò rempublicam quam pars ciuium, eaque magna, non probat,  
diutius consistere posse, non videtur esse valde sperandum. magis autem rei-  
publicæ proprium nihil prorsus est , quàm publicam potestatem ad plures  
pertinere : nam cum Respublica ex iis planè ciuibz constet, quos inter sum-  
ma sit æqualitas, vt in honoribus adipiscendis dispares sint, minimè cōuenit.  
Etenim paucorum statum, quem Græci *ἀλιττοκρατία* dicunt , facillè cōstituūt, G  
qui ius publicum contrahunt ad paucos necessarios. Quamobrem in repū-  
blica Veneta ita magistratus inter ciues distribuuntur , vt quoad fieri possit,  
omnes familiæ agnationesque honorum munerumque Reipub. sint partici-  
pes : ea tamen ratione , vt non quiuvis , sed hi tantum viri qui & probitate &  
prudētia excellūt, Rempublicam administrent, ac muneribus publicis fun-  
gantur. Prior illa institutio populare quiddā sapit: altera verò optimatiū gu-  
bernationē, quare luce clarius intueri licet, omnes rectas gubernationes ciui-  
tatum in hac vna Repub. esse cōmistas. nam quāuis hoc magnū cōsiliū spe-  
ciem quandā referat popularis status, nihilominus in eo perspicitur cōmixtā  
esse rationē optimatiū gubernationis cum populari. nā forte elegi magistra-  
tus, populare est, in eo enim statu ciuitatis iustū atq; æquū æqualitate Arith- H  
metica metiuntur : atque ita reputant, quum vnusquisque è populo vnus sit  
ciuis, & liber, ac paribus paria debeantur, vnum quēque ex populo pari iure  
ac cōmodo frui debere in Republica: neq; esse causam , cur alius minus alio  
magistratus consequi possit. quū vero omnes simul nequeant imperare , sed  
per vices, æquum esse existimant, vt res sorti cōmittatur, vtq; imperet ij, qui-  
bus illa fauerit. Cōtrā in paucorū potentia, quæ aberrat à Repub. optimatiū  
vſu venit. quippe arbitratur, eum imparibus imparia debeāt, diuitesq; su-  
perēt, alios ciues copia rei familiaris, eis quoq; supremos honores deberi. in  
quo vtrique fallūtur , longēq; à veta ratione recedūt, licet verisimili nitātur.  
nam quod iniquiunt, paribus paria, aut imparibus imparia deberi, rectè sta-  
tuunt



- A** tuunt. In eo verò, quòd paritatem priores numero tantum, postetiores imparitatem solum diuitiis metiuntur, proculdubio perpetuà iudicant. Etenim qui numero pares sunt, aliqua in parte pares sunt, non omnino pares. Et qui diuitiis impares, non omnino impares censendi sunt, sed aliqua tantum ratione impares. Verum cum ciuiliſ societas ad bene viuendum sit instituta, virtus sola discrimen hoc efficit. his ergo qui virtute præstant, tanquam imparibus ac potioribus, supremi etiam honores in republica debentur: æqualibus verò virtute ac ciuili industria: æquales etiam honores. hic modus, hæc norma optimatum est. Sicuti ergo popolare est, vt sorte in electoribus constituendis: ita est optimatum, vt is qui virtute præstare iudicio consilij existimatus fuerit, potior habeatur, ac reliqui repulsam ferant, qui indigniores habiti sint. Quæ ex re faciliè perspicitur, in hac comitiorum habendorum ratione commixtam esse cum populari specie optimatum formam: eo tamen temperamento, vt id quod est optimatum superet rationem popularem. nam fors in electoribus tantum constituendis dominatur: cuius potestatis nequam etiam homines reipublicæ absque detrimẽto compotes esse queunt, parque ius habere cum optimis ciuibus. at in mandandis honoribus nil sortis est, totum in electione & iudicio positum est. Quo in loco nõ omittendum illud institutum censeo, in comitiis magistratuum, qui exigunt viros præcipua quadam bonitate ac solertia præditos, quatuor ordinibus electorum, de quibus supra memini, senatum velut quintum ordinem explere.
- C** nam dum ordines illi in conclauibus ad hoc munus destinatis eos pronunciant, quos voluerint competitores, si fiant comitia cuiuspiam horum, quos dixi, magistratuum, cogitur Senatus in minus atrium: ibique vnique senatori licet eum quẽ voluerit in cettis illis magistratibus nominare, pro quibus in suffragia itur. at is qui plura attulerit, pronunciat electus Senatus scrutinio, fitque quintus competitor. quamobrem liquidò apparet, præstantiorem esse in nostra Republica formam optimatum quam status popularis. Ceterum huiusmodi comitiorum modus ac ratio satis hætenus diligenter à nobis exposita est. Accedamus ad eam Reipublicæ partem, quæ veluti in fidibus ad constituendam *ad uerbum* consonantiam vox grauis proportionem quadam acuta respondet, sic etiam specie quadam regia parti populari respondeat, ac demum in vnum concentum optimæ Reipublicæ, iniectis mediis magistratibus, coalescat.
- D**



## LIBER SECVNDVS.



**N**VLVS est, qui ignoret principem in vrbe Veneta personam regis ac speciem regie gubernationis præ se ferre. idèd non absque ratione, postquam is à nobis conuentus ciuium est descriptus, qui populi formam habeat, si non satis pro rei ipsius dignitate, pro tenuitate tamen nostra non indiligenter, sequitur vt explicare aggrediamur, qua ratione ducti maiores nostri, optimi atque sapientissimi homines, principem vnum reipublicæ præesse voluerunt, tum verò, quibus tēporibus ac qualis fuerit huius principes præficiendi origo. Neminem puto latere, id quod à nobis sæpius hoc toto opere est repetendum, ciuitatem ciuilem quandā societatem esse, quæ per se sufficiat ad bene beatæque viuendum. Omnem verò societatem vnitatem quadam contineri, quis ambigat? cōtrā autem distractione dissolui. Quo effectum est, vt discordia ciuilique dissidio, maximæ & opulentissimæ ciuitates breui corruerint, funditūque euersæ sint. vnitatem verò commodè contineri nō potest, nisi ab vno, qui multitudini ciuium ac vniuersis magistratibus, quibus certę quædam functiones sint demandatæ, præsit, atque multitudinem quodammodo diffluentem colligat, atque in vnum conciliet. quod philosophi summi ac præcipui naturæ indagatores, cum in vniuersi constitutione, tum etiā in microcosmo hoc, id est animali, animaduertēte. Nam perspexerunt in hac rerum vniuersitate multos ac difformes motus prout scilicet vniuscuiusque natura fert, ab vno cœlesti, ac diuturno contineri: omnes etiam causas ab vna prima omnium causā: demum in vno animali plurima ac longe diuersa membra, quorum functiones variæ difformesque sunt, vna tamen anima & vnico membro, corde scilicet, comprehendī, atque in vnitatem quandam colligi. pari propemodum ratione multitudo ciuium ni ita fuerit legibus instituta, vt vnum quempiam præsidem velit, cui bonum commune omnium ac vniōis ciuilis cōseruandę cura præcipue incumbat, quòd vniuscuiusque ciuis, tum priuati, tum magistratu fungentis, actiones, tanquam ad vltimum finem & præcipuum referri debent: nimirum diutius non poterit cōseruari, sed in diuersas partes distracta decideret. quod vt nullius ciuis culpa aut iniuria contingat, ex singulorum quidem sedulitate circa proprium priuatūmq; munus accidere necesse erit, cum commune bonum nulli præcipue

- A** cipue sit demandatum. age rem spectemus in rei frumentarię præfectis. hi potissimum in hanc curam incumbeni, vt opera sua magna frumenti copia ex omnibus partibus inuehatur in urbem, sique tritici annona vilis. At hoc fortasse publicis vectigalibus officiet. Naualis quoque rei præfides, quod pulcherrimum habemus, non dissimili ratione maximè studebunt, vt quamplurimas triremes ædificent, omnibûsque bellicis & nauticis instrumentis exornent egrégiè, atque pecunias publicas vndique coactas in eum vsum expendant: ex qua forsitan sedulitate reliqui redditus publici, & reficiendis arcium & oppidorum mœnibus, & custodibus regionum satis esse non poterunt. quamobrem solutis compagibus Respublica distracta dilabitur, non
- B** vitio, sed studio ciuium, dum quisque perquam egrégiè munus suum obire studet. quòd si hisce incommodis effici videtur, vt operæ præcium sit boni cõmunis curam alicui præcipuè demandare, cuius nullum sit certũ quoddã officium, sed solum moderetur & dirigat cuiusque functionem ad commune bonum, & ad reipublicæ vnionem: pluribus æquè hoc negotium committi non reor expedire ciuitati. Etenim id quod pariter plures curant, omnes pariter negligunt, vt inquit Aristoteles, neque si quid perperam agatur culpa potest in vnum quendam præ aliis conferri. vt interim omitam emulationem ac similitates, quæ inter pares plerumque esse solent. sin verò vnus huic rei præficiatur, qui temporaneum hunc magistratum gerat, vtrũque annuum aut semestrem, non autem quoad vixerit: hic nimirum bene secum
- C** agi putabit, si tantisper Respublica feliciter agat, donec defunctus fuerit magistratu, securus quid postmodum sit eueturum, ac quo res casura sit. Quare contingit, vt male plerumque res cedat. Id quod certissimo experimento cõpertum esse potest, à plerisq; rebus publicis sumpto, quæ hoc gubernationis genere nostris temporibus vsæ sunt. Ideo à nostra ciuitate sapientissime institutum fuit, vt in hac republica cõstitueretur quædã species regis gubernationis, ad eò legibus temperata, vt quouis incommodo ac periculo, quæ reipublicæ imminere possent amoris, vtilitate verò & commodo, quod regia gubernatio habere solet, ascito; nihil relictum esse videretur, quod esset desiderandum, ac simul rempublicam liberrimam, & regem præsidem haberemus. Vnus ergo princeps eligitur, qui etiã habet ducis nomen. is quoad
- D** vixerit, reipublicæ præest: præcipue curam boni communis habet, quo maxime ciuitates contineri superius à nobis efficaci ratione probatũ esse reor. Huius nulla certa functio tamen est in vniuersa Republica, cuius experts esse debeat. hic cum vnumquẽque priuatum, tum etiam quoscunque magistratus ita debet in officio continere, atque ea ratione moderari, vt veluti quadam harmonia omnia consonent communi bono, atque ad vnionem ciuilem referantur: ne qua scilicet functio aut nimia sedulitate magis quàm opus sit intenta, aut negligentia remissa vtilitati cõmuni officiat. hoc igitur est principis munus, vt tanquam in quadam reipublicæ specula positus conspicietur, quid vnusquisque rerum agat, eorum præsertim qui publica auctoritate ornati fuerint: ac si quem perspiciat qui officio suo desit, accersitum

coram vniuerso collegio verbis primùm castiget; ac si res ita tulerit, adhibitis Aduocatoribus, seu x virum præfectis, mandet culpâ eius dignosci, ac de consilij sententia puniri. Ipse quoque dux si velit, tum Aduocatoris, tum præfecti x virum autoritate vti potest, atq; de cuiusque crimine & de multa infligenda ad consilium referre. Id quo more fieri soleat, infrâ docebimus, quum de iudiciis criminum agemus. Eam enim princeps obtinet potestatem, vt in quouis ciuium collegio sese adiungere collegam possit magistratui prædidi, parq; cum alijs præfectis ius habeat: vt hac potissimum ratione omnibus consulere queat. verum potestas hæc adeò est legibus contracta, vt nihil solus possit, alijs magistratibus adiunctus nō amplius autoritatis obtineat, quàm quiuus vnus eorum, qui eo magistratu funguntur. E  
 Quin etiam magistratuum ius adeò modicum est, vt nullus quamvis summus sit, quidquam statuere possit, quod alicuius momenti haberi debeat, nisi de consilij sententia. sed de his suo loco luculenter dicitur. In quouis præterea consilio princeps vnus tantum suffragij tanquam vnus ex illis ius habet. in magno item consilio in conuentu omnium ciuium dum eomitia magistratuum fiunt, neque gentili, neque consanguineo competitori suffragari potest, verum eodem parique iure cum omnibus vtitur. Ex his igitur puto quemcūque facillè intellecturum, Venetorum principi omnem ademptam esse facultatem principatu abutendi, & pro tyranno se gerendi. Quæ res diuturna, vetustissimaque consuetudine, à primis originibus vrbis ad hæc vsque tempora perducta, adeò inoleuit, ac confirmata est, vt nihil minus vrbi Venetæ timendum sit, quàm principem reipublicæ libertati vllum vnquam negocium facessere posse. Verum enimvero, cum maximos labores atque ingentem sollicitudinem animi ni aliqua tanquam merces adderetur, vniuersi reiecturi essent, potestatis dispendium principi repensum est, adhibitis honore, dignitate, ac specie regia. Nā ornatus corporis regius est, purpurea enim veste aut aurea semper vtitur. Capite gestat velamē linteum pro regio Diademate: id supra gestat capitiū purpureū, limbo aureo ornatum, cuius pars, quæ occiput tegit, in cornu formam assurgit, sedem in suggestu habet veluti regiam. omnes ciues tum priuati, tum magistratum gerentes, detecto capite ac stantes sedentem principem alloquuntur, honoris hac tempestate præcipuum signum. Nulli princeps assurgit. publicæ literæ omnes sub nomine ipsius prodeunt obsignanturque. Orator quiuus, prætor, præfectus, aut quilibet alius qui ad Senatum scribere voluerit literas, ad principem destinat: decretorū, legum, ac senatusconsultorū promulgationes nomine principis fiunt. Nummi omnes tam aurei quàm argentei cum nomine atque imagine principis excuduntur. Tandem vt paucis absoluam, vbique regis speciem intueri possis, potestatem nusquam sapientissimè hoc quidem in republica Veneta, vt cætera omnia, constitutum fuisse, nullus sane mentis inficiari ausit. Nam hac honoris mercede laboriosum alioquin principis munus rependitur, quod solum virtutis præmium esse vulgus prædicat, & summi Philosophi prodidere. Ex quibus Aristoteles in Ethicis F  
G  
H  
 inquit

- A** inquit, Quum hi qui rectè & sanctè magistratum gerunt, non suæ sed aliorum vtilitati consulant, nulla alia ratione æquum eis præmium tribui posse, præterquam vt honore alios antecellant. Præterea huiusce principis dignitas in primis facit, vt omnes ciues & castigationem eius maximè vereantur, & iniuncta munera maiori sedulitate perficiant. Adiuncti sunt principi sex consiliarii, ex senis tribubus in quas diuisa est vniuersa ciuitas, delecti ex singulis scilicet singuli, hi octimestrem magistratum gerunt, perpetuòque assident principi. omnia cum principe audiunt, nullæ literæ publicæ exeunt, nisi ex sententia quatuor consiliariorū, qui etiam nomina sua literis ascribunt, nō his tamen quæ prodeunt, sed illis quas scribæ reipublicæ primū scripserunt, atq; post exēpla edita seruant. in qua quidē re illud haud quaquā est prætereundū, hæc literæ, quæ nō ex decretō cōsiliij, sed iussu principis & cōsiliariorū datæ sunt ad quæpiā, vt res parui momēti modicè esse auctoritatis, sanè illud sæpius nobis repetendum est, omne ius omnēque potestatem consiliis esse duntaxat attributam: nullum verò magistratum per se amplam potestatem obtinere. sed de cōsiliariis infra dicitur. nunc ad principem, seu ducem, quidem oratio redeat. Hac igitur specie regia principi adfixa, quoniam plerumque contingerat, vt priuatæ opes satis nō essent ad tuendam eam dignitatem atque ad eum locum honestandum, ex publico ærario constituta sunt in singulos annos duci, tria milia & quingenti aureorū nummum. ac ne fortasse quisquam paulo auior in rem familiarem, neglecta dignitate atque vtilitate publica, eam pecuniæ summam conuerterat, iniuncta sunt illi munera quædam, quæ suis impensis obeat, suæque ipsius dignitati & vsui Reipublicæ consulat. quæ si vt pecuniis parcat, negligat, hæredibus adeò ingens pecuniæ mūlta est imposita, vt dum rei familiari augendæ princeps studere velit, & hæredibus prodesse, magnam eius iacturam faciat, si ob avaritiam dignitati suæ desit, hæreditariam quandam præterea ignominiam & dedecus posteris relicturus. Complures stipatores alit, inermes tamen, sericis vestibus semper utitur: domum habitat aulæis mirifice instructam: supellectilis argentæ copiam habet, cæteraque id genus quæ principi viro conueniunt. Singulis annis quater prandium parat, sexaginta & amplius ciuibus, laute atque opipare instructum. qua in re peruetustum Lacedæmoniorum morem atque Ctetensium ( quorum respUBLICæ illustres fuere ) moderatum tamen, maiores nostri in hanc nostram rempublicam transtulere. Nam quia summopere conducebat ad beneuolentiam ciuium conciliandam, conuentus ciuium frequens, conuiuia quædam publica impensis æratij fieri voluerunt, tum Lacedæmonij tum Cretenses: ad quæ cum ciues conuenirent, & vnusquisque faciliè quemuis dignoscere poterat, & necessitudine quadam arctiori ex consuetudine illa communi inuicem vinciebantur. verum cum omnes promiscue conuenirent, necesse erat plerūq; in cōuiuiis illis turbas ac tumultus excitari: quumque ij quorū ea cura erat, pro se quisque ciues laute excipere vellet, pecuniæ publicæ magnā iacturam faciebant. Quapropter correctione quadam modòque adhibito

vetus illud institutum etiam ad Venetos deductum est, omnéque id negocium principi demandatum. Quater ergo singulis annis ciues à principe adhibentur, lautis sanè sed non inuidiosis epulis. nec vnusquisque promiscuè accedit, sed hi tantum quos princeps ascierit, præter consiliarios & Aduocatores, præfectos quadraginta virum, ac x virum præsides, qui iure quodam eorum magistratum semper conuiuiis principum interfunt. cæteri ciues omnes inuitati accedunt. Hac autem ratione quatuor hæc conuiuia distributa sunt, ut seniores dignioresque ciues inuitati, circa brumam die diuo Stephano protomartyri dicato summo mane conueniant in ædes publicas, habitationi principum destinatas, ac solenni pompa domo principem deducant in ædem diui Marci: simulque ibi sacris intersint, quibus peractis ad ædes suas principem reducant, ibique simul epulentur. Aprili etiam mensæ die Marci Euangelistæ, cuius numen Veneti præcipuum habent, & quem patronum sibi ascierunt, posteaquam corporis eius reliquæ ex Alexandria, illustri vrbe Ægypti, Venetias delatæ sunt, ciues ætate & dignitate minores inuitati à principe, eodè more ac pompa celebratis sacris, ad principis prandium se conferunt. Ascensionis quoque die festo, quo die nundinæ Ventis fiunt, adhibentur à principe hi, qui virilem ætatem attigerunt. Hi item summo mane deducunt domo ducem, vnâque cum eo nauem conscendunt quam ornatissimè ad hos vsus cõstructam, quam Veneti Bucentaurum vocant: postquam verò æstuaria sunt egressi cum primum liberum apertumque mare intueri licet, antiquorum pontificum beneficio, qui hanc rem publicam pro rebus quamplurimis fortiter & egregiè gestis contra communes nominis Christiani hostes, honestare voluerunt, princeps iacto annulo aureo in mare, inquit totidem ferè verbis, se in signum veri perpetuæque imperij eo annulo mare despõsare. his adduntur ab vrbis præfule cærimonie quædam, quibus peractis descendunt in ædem diuo Nicolao dicatam, vetustam sanè, & quæ in littore condita est, quod mare ab æstuariis disternat. ibi sacra mysteria celebrantur: quibus rite peractis, conscensa rursus naui, Venetias reuersi, principem domum reducant, simulque conuiuantur. Quarto epulæ pertinent ad iuuenes ciues, qui duodecimo Calendas Iulias die dicata Vito & Modesto Martyribus, solenni pompa cum principe ad eorum templum accedunt, quod quidem templum ultra riuum magnum, qui urbem mediâ diuidit est situm, qui quidem riuus ponte iugitur supra tritemes ædificato, pro tẽporis ratione, ne immenso ferè circuitu iter illud cõficiendû sit. Templum igitur inuisunt, sacris intersunt, ac demum à principe domum reducto lauto sanè excipiuntur cõuiuio. Atque ad has epulas frequenter adhibentur saltatores, mimi, cantores egregij, qui conuiuias oblectent: intermiscuntur interdum ludi nonnulli, quibus minifce spectatores tenentur. sic igitur vetus illud institutum in Venetam rempublicam concessit, moderatum tamen. nam hac ratione cuiuscunque ferè ordinis ciues, pares tamen cum paribus, ad epulas accersuntur, sicque cum dignitati principis, tum etiâ maximè conciliandis inuicem ciuibus egregiè consultum esse videtur. Cæterum quoniâ ciues

- A** ciues patricij singulis quoque anno hisce epulis honestari non queunt, ne vllus præteritus videatur, veteri instituto ac lege constitutum est, vt hieme vnique cui, qui in maiori consilio suffragandi ius habeat, à principe imitantur quinque mense anates, veluti conuiuij quedam publici portio, quod etiam ad conciliandos ciues ducem nõ parum adiuuare censei potest. hisce impensis infumitur magna pecunie pars, quæ ex ætario principi quotannis numeratur. Quo fit, vt etiam si propter auaritiã velit, nequeat tamen Dux vllis auaritiæ sordibus se dare dignitatem atque amplitudinem loci quem tenet. Hoc loco quoniam ferè omnis potestas atque authoritas principis est à nobis explicata, referre opere precium est, quo initio quibuscumque temporibus ducis huiusce creandi Venetijs consilium initum fuerit: ac demum, quam sit ratio comitiõrum in duce eligendo. A primâ statim vrbis origine cum nobilissimi quique Venetiæ provinciæ ciues, Aquileia, Altino, Concordia, Opitergio, Patauio ac plerisque alijs vrbibus amplissimis atque opulentissimis, Hunnorum impetu euerfis, qui rege Attila duce maximam Italiæ cladem attulere, in ea æstuaria maris Adriatici conuenissent, in quibus postea Veneta vrbis condita est, ac in vicinioribus patriæ locis, quam liquerant, vnusquisque sedes suas posuissent, ædificata fuere circiter duo & viginti oppida, partim in littore eo, quod interiora æstuaria claudit, partim in tumulis quibusdã, qui ex æstuariis eminebant. ac primis initiis cum ea oppida neque per se satis munita essent. neque nauigiorum copia alicui oppido tanta suppetere, vt piratis ac prædonibus pro se quisque obistere posset, optimum fore censuere, si de omnibus in commune consulere, cum omnium eadem etiam fortuna esset: ac communi consilio prospicerent, cum annonæ, tritici, vini, frugumque omnium, quæ victui necessaria sunt, tum maxime propriorum larium securitati: ne quam iniuriam seu detrimentum acciperent à piratis, quibus nondum satis oppidis munitis expositi erant. Quamobrem cum prius vnumquodque oppidum præfectum ac præsidem sibi ex suis ciuibz delegisset, quem tribunũ vocabant, constitutum est inter omnes, vt certis diebus tribuni hi cõuenirent, ac de re cõmuni decernerent. Paulò post vsu cõpertum est, cũ vlli nemini præter ceteros cura hæc incumbere, ac propterea multa incommoda paterentur, commodissimam & vtilissimam rem omnibus fore, si vni cuiquam communis boni procuratio demandaretur, quem omnes alij vti principem agnoscerent. Itaque decretum est omnium oppidorum consensu, vt Dux seu princeps vnus eligeretur. huic principiõ constituta est sedes in oppido Heraclea nuncupato. situm id erat in intimis æstuariis, in insula quadam iuxta Plauis fluminis ostium, quæ nostris temporibus alluione fluij continenti coniuncta est. Postmodum verò cum locus is non satis idoneus videretur: nam cum in recessu eo esset, sæpenumero priusquam mali fama eò peruenisset, piratæ iam intra æstuaria penetrarant, ac vel imprudentes oppidanos oppræsserant, vel nauigia diripuerant: idcirco statuerunt satius fore, principem relicta Heraclea Melamocum concedere, oppidũ in medio littore situm, ex quo Dux facili



præsentire posset, si quid insidiarum à piratis strueretur, ac paruo negotio  
 adesse vbicumque opus fuisset. Demum quo tempore Pipinus cladem &  
 seruitutem iniit illis & quasi elementis Venetæ vrbis minabatur, cum om-  
 nes Riuaaltum ex omnibus oppidis concessissent, principis etiam sedes  
 eò loci translata est; quo cunctis oppidanis convenientibus in eam amplitu-  
 dinem quam cernimus Venetæ excreuere. sic igitur perpetuo quodam te-  
 nore à primis statim vrbis originibus vnus princeps reipublicæ Venetæ præ-  
 fuit. primi illi aliquanto maioris authoritatis fuere. postea verò vsu docente  
 paulatim sanctioribus institutis ac legibus potestas principis ad hanc, quam  
 cernimus, temperationem deducta est. Ratio verò eligendi ducis, qui prio-  
 ri vita functo successurus sit, primum quidem simplex fuit, nam cum ma-  
 iores nostri singulari quadà bonitate præditi, atque ab ambitione penitus a-  
 lienī essent, vnusquisque pro se eam sollicitudinem recusabat, quapropter ac-  
 clamatione populi, is qui omnium optimus ac prudentissimus haberetur,  
 princeps renunciabatur. Post prima ea tēpora aucta ciuitatē & populo am-  
 pliōre effecto, inutile fore reipublicæ visum est, si temeritati atque auræ  
 populari res tam magna committeretur decretum. itaque est, vt eligerentur  
 x i viri omniū probatissimi, qui creandi Ducis potestatem haberent; deinde  
 quum aliquantum simul cum imperio etiam ambitio excreuisset, instituta  
 sunt noua quædam atque inusitata comitia, ac perplexa quædam ducis eli-  
 gendi ratio inuenta. hanc nos ne quid incæpto operi desit, paucis exponē-  
 mus. Defuncto principe ac iustis piè honorificeque persolutis, consiliarij,  
 qui interregni illius tempore se in sedes publicas habitationi principis des-  
 tinatas continuo post principis obitum receperunt, magnum consilium  
 vocant: in eo primo post interitum ducis conuentu, eā ratione comitio-  
 rum quam suprà narrauimus, quinque ciues creantur, qui defuncti princi-  
 pis res gestas diligenter scrutari debeant, ac de consilij sententia, si quid ab  
 eo contra leges ac decreta sit factum, rescindant: si à quopiam etiam mu-  
 nus acceperit, ac statuta pepercerit impensa, ea quinque hisce referentibus  
 irrogatur hæredibus à consilio multa quam leges iusserint: Pecuniaria ea  
 est, eaque summa æris de hæreditate principis publicatur, atque in ærarium  
 refertur. Eisdem comitijs eliguntur quinque alij ciues, qui eodem mo-  
 mento quo renunciati sunt, recipiunt se in conclaue comitio adiunctum:  
 neque inde discedunt antequam inter eos re consultata, statuunt quid ipsis  
 de potestate principis detrahendum, aut addendum videatur. Re inter  
 eos discussa iterum cogitur consilium, quo coacto egrediuntur illi è con-  
 clauī (nam prius non licet) ac suam quisque sententiam ad cōsiliū refert de  
 principis iure atq; vniuersis ciuibz disceptantibus suffragiis decernitur, id  
 quod maximè reipublicæ vsui fore visum fuerit. Id decretū inter leges, quas  
 principes seruare debeant statim refertur constituta principis potestate. po-  
 stridie inquit perplexa illa comitiorum ratio, quibus princeps creati so-  
 let. conueniunt ciues omnes, qui x x. annos exceßerint. nam iuniores  
 eaque ætate minores veteri Reipublicæ instituto ad ea comitia non admit-  
 tuntur

- A** tuntur. numerantur deinde vniuersi ciues, ac totidem globuli in vnam con-  
 iiciuntur, quot ciues fuerint. ex his triginta sunt aurei, cæteri omnes argen-  
 tei. ea vna statuitur ante suggestum comitij vbi consiliarij confident. adstat  
 vna: puerulus qui sortes educat. subcellia ciuium vocantur. ad eam vnam  
 accedunt omnes eo, quo sederunt, ordine, nullus tamen quod in alijs comi-  
 tijs fieri consuevit, in vnam manum imponit, sed puer qui astat pro singulo  
 quoque globulum vnum educit. li quibus argenteus obtigerit, statim egre-  
 diuntur è comitio, at is cui fors fauerit, educto aureo globulo, à scriba alta  
 voce pronunciat. Continuo ille in certum conclaue secedit: eius verò gen-  
 tiles & consanguinei omnes arcta necessitudine coniuncti ex suo quisque  
 loco assurgit: vniuersique in partē atrij concedunt. numerantur ibidem, ac  
 totidē globuli argentei ex vna extrahuntur: exceduntque hi ex comitio hoc  
 pacto triginta, quibus sortis beneficio aureus globulus obtigerit, deligunt  
 ex vniuerso ciuium cœtu. quo peractō consilium dimittitur. Postquam om-  
 nes discessere, triginta illi è conclauī egrediuntur, ac coram consiliariis de-  
 nuo sortem subeunt, ita vt nouem quibus fors fauerit electores fiant, cæte-  
 risque dimissis in conclaue secedunt, huic muneri destinatum: ibique soli  
 concluduntur nullo prorsus, ne ministro quidem admissō: nulli copia fit eos  
 alloquendi, neque inde discedere possunt, priusquam x x x viros elegerint:  
 nullusque referri potest ab eis electus, nisi sex suffragia rulerit. quo fit, vt qua-  
 tuor refragantibus nullus electus pronuciari queat. quum primum qua-  
 draginta hosce viros elegerint, per internuncium custodem ac ianitorem  
**C** publicum certiores consiliarios faciunt se munus suum obisse. euestigio  
 consiliarij, nisi hora diei fuerit valde intempestiua, consilium magnum vo-  
 cant. Postquam ciues omnes in curiam conuenere profertur syngrapha ex  
 conclauī, in qua nomina descripta sunt ciuium electorum. Ac scriba primus  
 ascenso suggestu magna voce pronunciat x x x designatos ciues. horum  
 quisque si interfuerit, cum primum audierit se pronuciari, à loco vbi con-  
 sederat surgit, & ad suggestum consiliariorum, indeque in conclaue desti-  
 natum concedit. sin autem eorum quispiam absens fuerit confestim ab vno  
 ex consiliariis, ab vno item ex x x x virū præfectis vel per totam urbem  
 conquiritur. Inuentus primum ab iisdem magistratibus in comitium, deinde  
 in conclaue ad collegas deducitur, nulla interim aliquem conueniendi  
 aut alloquendi data facultate, ne vlla ambitioni occasio, aut aditus in his  
 comitiis concedatur, quæ sanctissima omnium maiores nostri esse volue-  
 runt. hac ratione x x x ciues designati de improviso conueniunt, vbi con-  
 uenerint, euestigio dimittitur consilium. tunc quadraginta hi egrediuntur è  
 conclauī, atque in atrium comitij amplissimum consiliarios adeunt: ibique  
 eodem sortium modo quem suprà ostēdimus, x i i ex ipsis decernuntur, vi-  
 ginti & octo qui supersunt ex quadraginta viris repudiatis. hi x i i viginti  
 quinque viros eligunt, quorū quisque necesse est vt octo suffragia ferat, pau-  
 cioribus nāque nullus eligi potest. re expedita consiliarios per internuncium

admonent. hi si tempestiua hora fuerit, consilium cogunt, eodemque modo viginti quinque illi de improviso coguntur. ac dimisso consilio eodem genere sortis nouem eliguntur, sexdecim reliqui discedunt. nouem hi quadraginta quinque creant, senis item suffragiis: qui pari pacto coacto consilio à scriba pronunciantur, & in conclaue coguntur. ij sortis eiusdem beneficio rediguntur ad vndecim, qui eligunt quadraginta & vnum, omnes viros ex primariis Senatoribus. qui subito vt pronunciat fuerint, secedunt in atrium destinatum: hi que ducis deligendi facultatem obtinent. non tamen duos eiusdem familie aut arcta necessitudine coniunctos in hac electorū classē admitti leges sinunt, qui mos perpetuus est apud Venetos in omnib<sup>9</sup> magistratibus. Tam perplexam & multiplicem eorum comitiorum rationem maiores nostri viri sapientissimi atque optimi homines esse voluerunt, ne ciuium multitudo omnino expers esset potestatis ducis creandi. Nam primi ordinis electores sorte fiunt, que omnibus ciuib<sup>9</sup> communis est. post eum ordinem miscuere sorti electionem, ita tamē vt electio sortem antecelleret. nulli enim fauere fors potest, nisi iudicio prioris ordinis fuerit comprobatus. at in postremo ordine à sorte recesserūt. statuerūt enim, qui principē electuri essent, nō esse omnes sortiuū temeritati cōmittēdos. ideoq; neq; multitudo omnino expers est huiusce autoritatis, neq; etiā prorsus ius hoc multitudini imperitæ tributum est, apud quam plerunque plus inanis quædam auram quam optimorum ac sapientissimorum hominum iudicium valet. Præterea cum nulli certi sint principis electores, sed res omnis ex eorum sententia pēdeat, qui sortis beneficio vsi sint, nullus ambitioni locus relinquitur. nam fieri facile potest vt hi nullum ius sint habituri, quos tu egregie ambieris. Nunc ad rem redeo. Peracta tandē ratione comitiorum, vbi iam creati fuerint xxxi principis electores, statim omnes, nullo interea ciuium salutaro, nedum compellato, cōueniunt in eam curiam, in quam cogi Senatus solet. ibi primum omnium sanctē ac piē diuina mysteria celebrantur, vniuersique tactis altaribus iureiurando Deo Optimo ac Reipublicæ pollicentur, eum sese ducem electuros, quem sanctitate, in patriam charitate, solertia, ac prudentia aliis præstantiorem esse duxerint. amotis deinde sacerdotibus, soli in curia concluduntur, neque famulo, neque quopiam alio ministro accito. tūc tres, qui cæteros ætate antecesserint, veluti præfecti, resident ad pararam mensam quandam ad hoc munus: super qua vrna quædam est constituta: hinc vnusquisque elector notat in syngrapha nomen eius, quem ducem pronunciat, ac notatam syngrapham in vnam iacit. iniectis omnium syngraphis vna educitur, quæ sorte in manum venerit exirahentis. lecta à præfectis syngrapha, is cuius nomen exierit, si præsens adsit, vt plerunque contingit, continuò egreditur è curia. tunc si quis eorum existimauerit eum ciuem minus idoneum, qui tam magnam dignitatem sustineat, aut ob quampiam aliam causam, non fore è Republica eum ducem esse consurgit, ac primo modeste præfatus ingenuè profert, quid de eo ciue sentiat, & quamobrem putet non esse

- A esse in rem patrie, eum ducem fieri. ubi finem is dicendi fecerit, præfecti nuncupatum adhibent: atque ex his maior natu omnia illi compendio repetit, quæ ei obiciuntur, auctore tamen suppresso. nam sacramento antea omnes perpetuo silentio se obstrinxere. refellit ille obiecta ut libuerit, Deinde iterum recedit è curia, quod si prior aut alius quispiam nouis rationibus adhuc arguere & accusare hominem velit, potestatem habet. rursus accersitus ille respondet, sicque vicissim res tractatur, donec accusatoribus nihil amplius relictum sit. tum demum in suffragia itur. ante hæc tempora, si is vigintiquinque suffragia tulisset, nulla amplius aliorum ratio habebatur, sed statim ille Dux renunciabatur. nostra tempestate in comitiis, quibus Andreas Gritus, amplissimus Senator, creatus est dux, hæc ratio immutata est. nam tametsi nullus electus princeps habeatur, nisi suffragia vigintiquinque tulerit, res tamen in eo non consistit, qui primus eum numerum suffragiorum expleuerit, ut antea fieri solebat: sed progreditur ad alios, ut si quispiam eum numerum suffragiorum excesserit, non ille prior, sed hic Dux renunciatur. Postquam itum est in suffragia pro eo cuius nomen primum exierat, alia item syngrapha ex urina educitur, atque omnia eodem quo antea, modo administrantur. sic in tertio, quarto, ac omnibus deinceps. quod si nullus ad eam summam suffragiorum peruenerit, nisi hora diei fuerit intemptiua, iterum eadem ratione comitia repetuntur: ne multa, electoribus non prius exeundi, conueniendi, alloquendi aliquem, qui aliunde adueniat, potestas sit, quam vigintiquinque eorum in principe eligendo conuenerint. quo renunciato confestim consilij in curam vocantur: hi omnium primino uum ducem salutant, ac venerantur. Post id fama per urbem vagatur, ubique discurritur. ciues omnes gaudere, à Deo Optimo Maximo supplices petere, ut reipublicæ felix faustumque id sit. familiares ac consanguinei ducis in curiam properant, nouo duci gratulantur. eodem temporis vestigio nummi cuduntur, inscripto nomine principis. atque imagine expressa: parantur omnia, quibus ad pompam opus est. interea Dux electoresque omnes ibidem operiuntur. instructis omnibus, descendunt è curia, ædemque diui Marci ei loco propinquam adeunt, augustum templum, magnisque opibus ornatum: Deum immortalem primo religiosè venerantur, & suggestum, ex porphyritide lapide confectum, omnes ascendunt. ex electoribus qui ceteros ætate anteit, is verba ad populum facit, denunciat creationem noui ducis, eumque modestè laudat. Post illum item Dux orationem habet, ac pauca de se prudenter præfatus, seruaturum se pollicetur omnia quæ bonum principem deceant, bonoque reipublicæ, nullius priuati commodi habita ratione consulturum, imprimis iustitiæ munus sanctè obiturum, daturumque operam, ut æquū ius omnibus administretur: non rei familiari, non labori ulli, non denique vitæ parsurum, si reipublicæ suis incommodis prospici possit. demum Deum Optimum Maximum, diuum Marcum (sub cuius numine ciuitas Veneta est) atque diuos omnes præcatur, ut sibi faueant aspirèntque læti, in tam magni muneris functione obeun-

da. Verba ducis vniuersus populus magno plausu excipit. Postquam Dux perorauit, omnes ex eo suggestu descendunt, ducemque ante aram maximam templi statuunt. ibi tactis euangelis iureiurando deo immortalis ac reipublice fidem suam astringit, se nil eorum omisurum, quæ legibus Dux Venetus præstare teneatur. His actis electores, qui eateus cum duce perstiterunt, discedunt omnes: at ipse ligneum pulpitum conscendit, adscito ex consanguineis eo quem omniū habet carissimū. Nautæ qui in precio habentur, pulpitum humeris attollunt, magnoque plausu insidentem ducem per totum forum diui Marci deferunt. Dux verò ex pulpito pecuniam suo nomine excusam iacit. Summa nulla certa statuta est pecunie effundendæ, sed is modus tenetur, quem rei familiaris copia, angustiaue aut ipsius Ducis ingenium statuerit, iactam plebs studiose colligit. tandem circūlustrato foro cum ad scalas ædium publicarum principis ventum est, pulpitum sistunt, è quo descendit princeps. mos inualuit, vt vestes quibus Dux est indutus, vasque argenteum, in quod populo effundenda pecunia congesta fuerat, nautis qui pulpitum humeris sublatum gestauerunt, dono dentur. Dux scalis ascensis excipitur à consiliariis, qui ibidem operiebantur, & caputio quod principis insigne suprà esse diximus; coronatur. hæc series est totius pompæ. Postridie Senatu in curiam coacto Dux orationem habet, Deo, ac patribus gratias agit, quod ad id. munus atque ad eum honorem euectus sit simulque operâ suam pollicetur nulli reipublicæ cōmodo defuturam. eiusmodi fere orationem habet coram vniuersis ciuibus, primis statim comitiis, quæ post se creatum ducem sunt. Hactenus de principe seu duce reipublicæ nostræ dictum sit. Illud proximum est, vt de consiliariis pauca perstringamus, quæ tamen satis exploratam facient omnem illius magistratus auctoritatem. assident principi consiliarij sex, quod suprà quoque diximus, singuli inquam ex vnaquaque vrbis regione. in sex enim regiones siue tribus diuisa est vniuersa ciuitas. harum tres sunt citra magnum riuum, qui mediam urbem diuidit, tres verò aliz vltra. ex vnaquaque vrbis regione consiliarius vnus eligitur eadem comitiorum ratione, qua omnes magistratus creari suprà abunde satis explicuimus. est magistratus iste octimestris simulque cum principe omnium rerum quæ ad rempublicam spectant curam habet. verum instituto admodum veteri vniuersa comitiorum ratio consiliariis potissimum incumbit. si qua etiam de re ad magnum consilium referendum, eiusque auctoritate sancendum sit, res tota consiliariis referentibus decernitur, vt pote qui soli id iuris obtineant. his tamen interdum adiunguntur quadraginta virum præfecti, quibus tamen solis referendi ius non esset. nulli præterea magistratui (Ducem semper excipio) concessa est ea potestas. possunt etiam si eis libeat de re omni & ad Senatum & ad decemuiros referre. Cæterum præconsultoribus ea precipuè cura demandata est, vt & Senatum cogāt & ad Senatum referant: quemadmodū & x virum præfectorum officium est, & x viros cogēdi, & ad eos referendi

- A** rendi: de quibus à nobis infrà tractabitur. At consilij ampliore autoritate sunt præditi, utpote qui in Senatu par ius habeant cum præconsultoribus, & in collegio decem virum cum illius collegij præfectis. Octo mensibus duci assident eoque munere funguntur, quod iam explicui. Quatuor vero menses intersunt, vel potius præsumunt, quadraginta viris quibus capitis grauiore causæ sunt demadate, eisque decernentibus iudicantur, de quibus suo quoque loco dicetur. Nunc postquam de magno consilio, quod popularem statum in hac Republica refert, & de principe qui regiam personam gerit, si minus eleganter, diligenter quidem tractatum est: institutum opus poscere videtur, ut de reliquis partibus huiusce gubernationis referamus, quæ optimarium regimen representant. huiusmodi enim gubernatio in Veneta ciuitate cæteris facile præstat, quam sequenti volumine Deo annuente integre explicabimus.
- B**



## LIBER TERTIVS.



**O**mnis hominum institutio, quæ quidem rectè se  
 habitura sit; naturam optimam rerum omnium  
 parentem imitari debet: quæ totius mundi vim, ra- F  
 tionemque omnem ita disposuit, ut res sensus in-  
 tellectusque expertes, ab iis quæ mente prædix  
 sunt, gubernentur. idem igitur setuandum est in  
 hoc hominum cœtu, quem civitatem appellamus:  
 senes enim iunioribus prudentia antecellunt, per-  
 turbationibus animi non æquè obnoxij atque illi,  
 & rerum plurimarum, quas in longiori vita experti  
 sunt, usu præditi. quare sapientissimè Aristoteles in Politicis ait. In vnaquaque  
 Republica quæ naturæ solertiam & sapientiam æmulari voluerit, senes præ-  
 ficiendi sunt summæ rerum: iuuenum vero officium esse debet, ea facere quæ-  
 cunque iusserint senes. neque, quādo hoc institutum maximè secundum na- G  
 turam est, seniorum impetum iuniores detrectare possunt, aut ob hanc rem  
 seditionem ullam cōcitare, quoniam in discrimine hoc quod ætas facit, nul-  
 lus invidiæ locus est, nullæque querela esse potest, quandoquidem iuniores  
 certò sperent sibi à minoribus vicem tepensum iri. Hanc Aristotelis senten-  
 tiam comprobant omnes Respublicæ, quæ quidem alicuius nominis fue-  
 runt. in iis enim gubernationi civitatis, rerumque omnium publicarum, se-  
 niorum consiliū præfectum est, quem Senatum etiam à seniotibus nomi-  
 narunt. hoc loco leges atque instituta Romanorum profertem; etiam Athe-  
 nienſium, & Lacedæmoniorum, & Carthaginensium plurimarumque alia-  
 rum civitatum leges, ni res notior esset, quàm vñ testibus indigeat. Pari igitur H  
 ratione in nostra Repub. institutus fuit Senatus ac Decēvirum consiliū,  
 qui in Venetæ civitate (cuius Rempub. mixtam esse dixi ex regio statu, popu-  
 lati & optimatum) refertunt optimatum statum, ac media quædam sunt,  
 quibus extremæ partes, status scilicet popularis, magnum cōsiliū, ac Prin-  
 cept, qui regis personam getit, invicem vincuntur. Sic inquit Plauto in Ti-  
 mæo extrema elemēta, terram ac ignem mediis elementis vinciri: sic in dia-  
 pason consonantia, extremæ voces mediis diatessaron ac diapente vocibus,  
 invicem nectuntur. Ut ergo cœptum iter peragamus, Senatus Venetus cen-  
 tum & viginti legitimis senatores habet: multi tamen præterea magistratus  
 obtinēt ius senatorium, adeò ut nostra tempestate ducenti & viginti & am-  
 plius ius habeant ferendi suffragium in Senatu. Senatores legitimi singulis  
 annis



- A annis ab vniuerso ciuium cœtu (quem magnum consilium nominari sæpius est repetitum) creantur. Nec tamen hic honos vacationem vllam habet, quemadmodum omnes alij magistratus. sed iudem si ita fors tulerit, & magno consilio visum fuerit, quod plerunq̃ue fit, singulis quibusq̃ue annis in eo munere versari queunt. Modus & ratio electionis supra à nobis expōsita est, cum formam omnem comitiorum explicaremus. Eo igitur pacto, Augusto ac Septembri mense singulis comitiis sex senatores eliguntur, quæ decies repetita, summam sexaginta electorum explent. sexaginta reliqui adiuncti, seu adscripti sunt prioribus, omnesq̃ue hi simul propriis quibusdam comitiis eliguntur. nam ad tertium Calendas Octobris cogitur Senatus. atque vnusquisq̃ue senatorum & quiuis alius, cui suffragij ius est, in senatu vnum ciuem nuncupat. Postdie illius diei mane ad horam diei tertiam conueniunt vniuersi ciues in comitium: prælectisq̃ue à scriba magno omnium ciuium nominibus, quos pridie Senatores nominauerint, coniecta in vnam omnium nomina sorte educuntur. mox in suffragia pro vnoquoque itur, ex omnibus his sexaginta, qui plura suffragia tulerint quàm cæteri, dummodo etiam dimidia excesserint, eo anno adscripti Senatui sunt, ea tamen lege, ne plures quàm duo eiusdem gentis in eorum numero sint. sic in numero legitimorum Senatorum tres tatum ex eadem gente esse queunt: qua lege opime consultum fuisse Reipub. existimari debet. nam nulla perniciosior pestis in Rempublicam obrepserit, quàm si quæpiam eius pars cæteris præualuerit. vbi enim æquum ius non seruatur, fieri non potest vt societas vlla cōcors inter ciues consistat. quod vsu euenire solet vbicunq̃e plura Reipub. munerà in vnum conueniunt. sic soluitur mixtum, si quodpiam elementorum, ex quibus corpus constat, alia superauerit: sic omnis consonantia dissonans fit, si fidem vnam seu vocem plus intenderis quàm par sit. Non impari ratione, si ciuitatem aut Rempublicam constare volueris, necesse est id imprimis seruari, ne qua pars aliis efficiatur potentior, sed omnes quoad fieri possit, publicæ potestatis participes sint. Quocirca perquam egregie maiores nostri sancitum esse voluere perpetuum hoc ius in Republica nostra, non modo in Senatu, sed neque in aliis magistratibus pluribus gētilibus locum esse, quàm ad seruandam æqualitatem opus esse videatur. Nec minus prudens institutio eligendi Senatus habenda est, vt scilicet sexaginta Senatores more comitiorum solito, sorte inquam electioni ac iudicio admixta, eligerentur, sexaginta verò adiuncti ratione diuersa, in qua scilicet nil esset fortis. Etenim si in omnibus par sorti locus esset, facilè accidere posset, vt aliquando præcipuorum ciuium ratio non haberetur, atque in eligendo Senatu præterirentur non sine Reipublicæ detrimento. Idcirco sexaginta patres ascriptos nulla sorte, singulis tamen annis eligi placuit. Senatus igitur primum ex hisce centum ac viginti constat, quorum sexaginta proprio vocabulo Senatores, reliqui adiuncti appellantur, quorum comitiis integra dies consumitur. præter hos centum & viginti legitimos Senatores pari iure in Senatum cum senatoribus veniunt (vt ducem & consiliarios præteream) decemuiui, quadra-
- B
- C
- D

ginta viri iudices capitalium causarum & criminum grauiorum, salis & annonæ frumentariæ præfecti, diui Marci procuratores, multique præterea magistratus, adeò vt nostris temporibus summa omnium ducetos ac viginti excedat. hi omnes ius senatorum obtinent. vniuersa gubernandæ Reipublicæ ratio ad Senatum pertinet. quicquid Senatus auctoritate decretum fuerit, id sanctum & ratum habetur. eo disceptante & decernente & paces fiunt & bella suscipiuntur. pecunia etiam omnis Reipublicæ, eius iussu exigitur, & impenditur. si res postulat, noua etiam tributa & decumæ, ex decreto tamen Senatus, tum imponuntur ciuibus, tum etiam exiguntur. si quando etiã visum sit è Repub. esse vt nouus quispiam magistratus pro tempore instituat, is à Senatu eligitur. Præterea Senatus quibuscunque temporibus perpetuum ius obtinuit eligendi oratores, qui ad principes exteros à Republica destinantur, eorum etiam collegium creandi, qui ius habent & cogendi Senatum & ad ipsum referendi. hos Aristoteles præconsultores nominat, nostri homines Sapientes, arrogantiore vocabulo vocant: quo interdum nobis quoque vtendum esse duximus, ne à communi loquendi consuetudine penitus abhorreere videamur. Comitia tamen hæc Senatus, quibus & oratores & præconsultores eliguntur, minus habent fortis. quàm ea quæ supra descripsi, magni scilicet consilij vniuersique ciuium cœtus. vnusquisque enim senatorum nominat quem voluerit, deinde pro singulis in suffragia itur: isque cui plura contigerint quàm reliquis, dummodo dimidium totius summæ excedant, electus renunciatur. Quòd si quandoque necessitas & vsus Reipublicæ poposcerit, vt inuito cuiuspiam munus aliquod publicum iniungatur, vnusquisque senatorum clàm in syngrapha eius nomē notat, quem maxime idoneum duxerit: deinde in urnam ad id paratam schedulam eam iacit. inde à scriba extrahuntur, palamque leguntur omnes, ac demum pro quolibet itur in suffragia: isque pronuntiatur electus cui plures suffragati fuerint, dummodo etiam sint plures dimidiis. Hic schedularum modus inuētus est, ne quispiam veritus inimicitias sibi alterius ciuis, aut odium parare, illum ad aliquod munus vocando, quod probè quidem sustinere ille possit, sed tamen imponi sibi iniquo animo ferat, abstineat ab eo nominando: sicque priuati commodi gratia Respublica detrimento afficiatur. Nunc modus nobis recensendus est, quo Senatus consulitur, eaque decernit & sancit quæ facienda sunt: & quo Senatus consulta fieri consueuerunt. Non latuit maiores nostros, si vnusquisque Senator promiscuè tum referre ad Senatū, tum sententiam dicere posset, atque hoc officium proprium nullius esset, magnam semper in Senatu turbationem fore. Præterea ita vsu compertum esse, vt id quod omnes pariter curant, omnes etiam pariter negligāt. Ideo legibus nostris statutum est, vt à Senatu sedecim ciues eligantur, quos vulgus propterea quòd maxime omnium sapere videantur, Sapientes appellat. nos Aristotelem imitari, eo quòd præconsultant illa de quibus cōsulendus est Senatus, præconsultores merito appellare possumus. hi ius habent & cogendi Senatum, & ad Senatum referendi. magistratus hic semestris est. Cæterum hi Sapientes

- A pientes in tres ordines sunt distributi, qui longissimo intervallo inter se differunt. In primo enim ordine sex sunt Senatores, primarij ciues, qui cum vltimum dignitate atque existimatione alios faciliè antecellunt, horum præcipuum munus est, vnde administranda Republica, de bello, de pace, atque alijs maioribus negotijs præconsultent atque Senatum consulant. In secundo autem ordine quinque sunt ciues, qui tamen si parem auctoritatem referendi ad Senatum habeant de rebus omnibus cum illis qui sunt primi ordinis, nihilominus sunt dignitate atque existimatione superioribus longe inferiores. ad eos pertinet in primis, cura militum, qui Reipublicæ stipendiò aluntur & merent sub Venetarum copiarum Imperatorem. Tertij quoque ordinis quinque sunt, quibus demandata est rei maritimæ cura, neque iis præterea ius est vlla de re ad Senatum referendi. hic ordo apud maiores nostros in precio habebatur, quo tempore apud Venetos res maritimæ florebant, Verum re maritima diminuta, nostrorumque studiis ad continentis imperium conuersis, cepit hic quoque magistratus non magni æstimari: adeo vt ætate nostra adolecentes ac vix puberes ad eum ordinem eligantur. hi ergo ciues sedecim, quorum conuentus apud Venetos proprio vocabulo collegium appellari consuevit, summo mane conueniunt cum principe ac consiliariis: primumque ad tertiam vsque diei horam priuatos homines audiunt, quibus aliquid rei est, aut cum Republica, aut cum aliquo magistratu; easque causas decernunt omnes simul, vel, si ita res poscere videatur, ad Senatum de illis referunt. sub tertiam diei horam omnes priuari à curia dimittuntur, confestimque ab aliquo scribarum, qui à secretis Reipublicæ sit, leguntur omnes epistolæ ad Senatū missæ postmodum, nisi ab oratore alicuius principis, qui ad duceam & collegium admitti velit, aut à quopiam maioris momenti negotio, quàm vt in aliud tempus differri possit, interpelletur, secedunt hi Sapientes, siue præconsultores in certum conclaue consultaturi de publicis negocijs. Postquam conuentum est, & confederunt omnes, is qui præfectus est (nam eorum vnusquisque septenos dies vicissim rerum administrandarum primum locum obtinet) rem proponit, de qua sit consilium ineundum. Deinde singulos sententiam rogat, eo seruato ordine, vt primæ classis præconsultores, primarij ciues, primi etiam sententiam rogentur, dicantque post eos quinque illi, quos in secundo ordine constituimus. Postremi, si res proposita maritima sit, sententiam dicunt tertix classis præconsultores, quibus earum rerum cura demandata est. Quod si ea res, quæ in consultationem venit, non spectet ad rem maritimam, hi postremi silent. in vnaquaque verò classe primus sententiam dicit, qui septem proximis diebus præfuit. deinde is qui natu maximus, deinceps alij prout ætate præstiterint. postremus omnium, qui alios rogat, remque deliberandam proposuit, qui que per eos septem dies præfectus fuerit, sententiam dicit. Re tandem inter ipsos propè discussa ac deliberata, siue omnes in eandem sententiam conuenerint, siue in duas aut tres diuersas, vt varia sunt hominum ingenia, diuisi fuerint, principem & consiliarios conueniunt, priusquam Senatum cogant. Ibi que
- B
- C
- D

omnium sententiæ recitantur : quibus si princeps aut consiliarius quispiam assentiri voluerit, sua quæ autoritate fauere, aut aliam nouam inuenerint, re iterum inter eos deliberata, tandem omnium sententiæ scriptis mandantur, id muneris ad eos spectat, qui vniuscuiusque horum trium ordinum sunt scribæ. sic negotiis, quæ Senatus autoritate decernenda sunt, consultatis, Senatum cogunt. vbi Senatores in curiam cõuenerint, primum recitantur omnes literæ, quæ alicuius sint momenti, quæve post dimissum proximum Senatum p̃ncipi & præcõsultoribus reddiæ fuerint, postea de his rebus, quæ à collegio præcõsultorum deliberatæ fuerint, primum sententiæ leguntur, siue illæ concordēs sint, siue inter se diuersæ, eodem serè pacto quo Plato significare videtur, apud Athenienses rogationes populi fieri solitas fuisse. F Nullus verò præter eos, quos à Venetis Sapientes vocari admonui, referendi ad Senatum ius habet, suamque sententiam illius ordinis autoritate confirmandi & sancienti. ducem tamen, & consiliarios, & quadraginta virum præfectos, de quibus infra dicemus, excipio. Lectis in Senatu omnium sententiis, primi ordinis sapientium hebdomadæ præfectus, si voluerit, surgit. sin minus, natu maximus, aut is, cui dicere volenti, alij concesserint, is elatiorem suggestum ad id factum conscendens, verba ad Senatum facit: rationes omnes quibus sententiam suam confirmet, dissidentesque refellat, in medium affert: modeste tamen & grauius, vt Senatorij ordinis virum decet. postquam is perorauit, surgit præcõsultor alius, qui à priori dissentiat, suamque ipse sententiam confirmat, priorem verò confutat, aliasque, si quæ G sunt præter priorem, quæ à sua discrepent, surgit deinde tertius, si tot sententiæ fuerint, eaque in medium adducit, quæ secum facere videntur: sicque deinceps res inter eos discutitur, quoad nullus eorum reliquus sit, qui verba facere velit: nulli enim senatori locus dicendi datur, quousque præcõsultores omnes qui id muneris subire voluerint, dicendi finem fecerint. sed postquam vltro citroque quantum visum fuerit, & orationibus & argumentis hi contenderint, aliis quoque senatoribus dicendi facultas datur. quòd si senatorum aliquis cuipiam ex dictis sententiis contradicere, aut earum quampiam tueri, siue nouam adferre velit, dicendi copiam habet. nullus tamen senatorum de ea sententia, cuius ipse est auctor, ius ad Senatum referendi habet: sed plerunque contingit, si consilium eius senatoris è Republica esse videatur, vt aliquis ex collegio siue consiliarius siue quadraginta virum præfectus, de ea sententia ad Senatum referat. Hoc ergo pacto re bene discussa & deliberata, suffragiis omnium, qui sunt eius ordinis, Senatus decernit, quam nã sententiã potissimum prober. non tamen pedibus in sententiã eunt, aut in contrariam partem discedunt, quem morem Romanos seruasse memoriz proditum est, neque palàm sententiam dicunt: sed vnus ac suffragiis rem decernunt, non dissimili ratione ab ea, quam in comitiis seruari suprà docuimus. Scribæ qui à secretis Senatui sunt, ferunt totidem vnas quot fuerint sententiæ, de quibus consultitur Senatus: vnãque viridem quæ eorum suffragia excipiat, qui sententias eas omnes repudiant. præterea vnã rubei colo-

- A** colotis, in quam iaciunt suffragia Senatores, quibus nondum liqueat. vnusquisque autem senatorum suffragium in eius urnam demittit, cuius sententiam p̄t̄ aliis probat. si vero omnes reiiciat, in viridem urnam. quòd si nondum liqueat, atque ambigatur, urna rubea p̄st̄o est. consiliarij suffragia numerant. id vero pro decreto habetur, cui plures, quàm dimidia senatorum pars fuerint suffragati. quòd si nullius sententia dimidium summæ excesserit, primum ea reiicitur, cui paucissimi fuerint assensi: de cæteris repetuntur suffragia, eodem modo postrema semper reiecta, controuersia ad duas deducitur: quarum altera necesse est, vt plura dimidijs ferat suffragia; in quam Senatusconsultum factum fuisse pronuntiatur. re vna
- B** expedita de alijs refertur, nisi hora diei intempestiua fuerit, idem in omnibus alijs modis seruatur. Si verò cuiuspiam principis orator ad Rempublicam Venetam accesserit, à principe, consiliarijs, vniuerso collegio excipitur, auditurque ab eis: deinde consultandi tempus petunt. quo dimisso, rēque à p̄consultoribus eo, quem sup̄rà diximus, modo deliberata, Senatus consultitur. princeps primum Senatui narrat, quæ petierit orator. deinde omnium, qui ius referendi ad Senatum habent, sententiæ leguntur. eadem ratione fit Senatusconsultum, quo petitioni oratoris respondetur. quo accito legitur ei Senatus decretum, sicque dimittitur. Hæc est ferè summa eorum, quæ tum ad Senatusconsulta tum ad vniuersam rationem atque ordinem consulendi Senatum pertinere videntur. arque hæcenus quidem
- C** à nobis explanata sunt cuncta membra, quæ maioris consilij sunt: quod in Veneta ciuitate formam habet status popularis: tum ea, quæ ad Ducem spectant, qui quodammodo speciem quandam regiam in hac Republica p̄t̄ se fert: ac demum vniuersa ratio habendi Senatus. de decemuiris deinceps dicendū videtur. Decem uirū hoc collegiū apud Venetos summæ est auctoritatis, & à quo non immeritò quis asserat Reipub. incolumitatem p̄stari: cuius origo, vt eius magistratus ratio omnis facilius intelligi possit, lōgius à nobis est repetenda. Diuina quadam animi prouidētia maiores nostri perspexere, quemadmodum in corpore humano, putrescente humore quoqiā, innumeri ac periculosissimi plerunque morbi accidunt, qui sæpe etiam interitum adferunt: ita etiam in Rebuspublicis existere interdum improbos ciues, qui negocium Reipub. facessant, dum potius prauè imperare volunt, quàm legibus parere, siue adducti ambitione ac regnandi cupiditate, siue ære alieno oppressi, seu etiam scelerum conscij, pœnæque ne à se exigantur, metuentes: quales Romæ legimus fuisse, Catilinā, Syllam, Marium, ac demū Iulium Cæsarem, qui tyrannide potitus Reipub. penitus euerit. In Græcorum etiam Rebuspublicis & quidem illustribus, eiusmodi ciues nonnullos exiisse memoriæ proditum est. Nostis vero temporibus compertum est, omnes ferè ciuitates Italiæ, quæ populari statu, aut etiam optimarium utbantur, tandem in cuiuspiam suorum ciuitum tyrannidem deuenisse. Quamobrem omnibus viribus maiores nostri sibi nitendum statuere, ne pulcherrime instituta Respubl. optimisque legibus confirmata, à quoquam huius-

modi monstro vexaretur. Nihil enim magis sibi metuendum esse duxerunt, quàm intestinum hostem & ciuium inter se similitatem. quare cum animaduertissent in Republica Lacedæmoniorum Ephoros summæ autoritatis fuisse, Athenis Areopagitas, Romæ decem viros, qui etiam leges cōdiderunt; opere præcium se quoque facturos crediderunt, si horum exemplum imitati, in dispari tamen causâ, magistratum summæ potestatis in hac nostra ciuitate instituerent; cui prouidendi præcipuè cura esset, ne qua inter ciues discordia, quæ seditionem faceret, oriretur: ne qua factio, aut ne quis perniciosus ciuis Reipublicæ insidias moliretur. quod si quispiam huiusmodi morbus malo fato in ciuitatem obreperet furtim, summam haberet auctoritatem in eos animaduertendi, ac procurandi ne quid Respublica detrimenti pateretur. tam magna verò potestas, neque paucissimis sine periculo committi poterat, neque formidabilis, si multis committeretur, futura erat. quocirca vt ab vtroque incommodo cauerent, hoc instituerunt decemuirale collegium. annuum hi gerunt magistratum, eamque vacationem habent, vt is qui vel per diem in eo magistratu fuerit, non tantum eo anno, sed futuro etiam eius muneris vacationem habeat, neque fas sit eius in comitiis decemuiralibus rationē haberi. quibus decemuiris principem quoque & consiliarios adiungere: ita vt vniuersum collegium summam decem & septem ciuium expleret, quibus hæc summa potestas tributa sit. ex decem viris, singulis mensibus tres dicuntur ab illis quibus fors obtigerit: hi principes collegij sunt, maternaque lingua capita decem virum appellari consueuerunt. ius habent cogendi decemuirale collegium, atque ad illud referendi certum conclaue habent, in quod quotidie conueniunt: certos etiam ministros, ianitores, apparitores ac stipatores: adeo vt nullius magistratus subsellia cum maiori obseruantia adeas. adeunt vero omnes, quibus cum decemuiris negotium est. literas quoque ad collegium scriptas legunt, & de illis ad idem referunt. ne tamen temere Senatus ille consulatur, non vnus tantum ex his principibus referendi ius habet, sed duo sint opus est, qui referre de eadem re velint, seu quatuor consiliarij. ob eandem etiam causam, ne quid temere à paucissimis ciuibz immutari possit, illud institutum est, ne, si quippiam quod iam sancitum sit, abrogare velint, id habeatur pro rato atque decreto, nisi duæ collegij partes suffragatæ sint. illum quoque morem obseruant, ne reum, cum de eo iudicium laturi sunt, in collegium admittant, neque cognitorem, aut oratorem quempiam, qui eius causam agat: quod tamen ius, cum apud alium magistratum causam dicunt, reis concessum est. ratio autem, quam in iudiciis exercendis seruant, hæc est. à principibus collegij reus auditur, eiusque dicta omnia scriptis mandantur. Cum autem causâ ad collegium deferretur, ipsi collegij principes alijque iudices qui intersunt, & accusatoris & rei vicem agunt: resque decernitur maxima semper adhibita iudicij moderatione. Initio decemuari huic tantum rei operam impendebant, ne quid existeret, quod Reipublicæ ciuilique concordiz posset officere. post-

- A** ea verò grauissima quædā crimina & enormia facinora huiusce iudicij seuoritati ac censuræ cōmissa fuere, vt si qui rei facti essent, vel quòd numos adulterinos cudissent, vel quòd venere mascula vñ essent. nostra etiā tempestate additū fuit, vt ab his iudicibus cōstitueretur multa ac iudiciū exerceretur in quosdā scelestissimos homines, qui maledictis Deum optimū vel beatā Virginē incessere ausi essent. nōnulla etiam, quæ maxime arcana essent, & ad summam Reipub. pertinerent, vt ad decemuiros deferrentur, institutum est, qui tamen nihil, quod maioris momenti sit, nisi de sententia totius Senatus, decernunt. res quoque pecuniariæ ab ipsis pleræque administrātur. quocirca ne de tot, tamque arduis negotiis potestas paucioribus, quàm par esset, ciuibz permitteretur, accersiti sunt in hoc collegium Sapientes primi ac secundi ordinis, Aduocatores quoque & Procuratores sancti Marci, qui magistratus summæ est venerationis: suntque præter hos huic collegio ascripti quindecim Senatores, quos adiunctos vocant, vniuersi tamen hi ius suffragij non habent, sed tantummodo decem & septem priores, & quindecim his adiuncti, aded vt omnes summam expleant x x x i i suffragantium. Cæteri etsi omnibus negotiis interfunt hoc iure priuati sunt. adiuncti quindecim neque à Senatu neque comitiis magni consilij eligi solebant: sed decemuiro, quos voluissent, Senatores quindecim collegas sibi adiungere consueuerant, qui tamen neque gentiles eorum, neque arcta necessitudine coniuncti fuissent. nunc verò. comitiis magni consilij eliguntur hi quindecim adiuncti. Maximā ex decemuirali collegio Reipub. Venetæ utilitatē extitisse, ipsa experientia rerum omniū magistra compertum est. nam anno ab hinc decimo supra ducentesimo, Marinus Phaletrus dux, qui tyrannidem moliebatur magnamque Reipublicæ turbationem allaturus fuerat, continuo decemuirū autoritate ac prudentia oppressus, temeritatis simul & sceleris pœnas dedit: disceptanteque hoc collegio capite multatus est vnā cum plerisque nobilissimis ciuibz, qui cum eo in perniciem libertatis conspirauerant, perpetuæque ignominia nota fuit affectus. in ea enim curiæ parte, in qua pictæ sunt imagines omnium principum cum elogiis rerum quas optimè pro Republica gesserint, Marini Phaletri sedes, imagine vacua, versiculis quibusdam inscripta est, quibus declaratur eum decem pro criminibus (vt nihil immutem) securi percussum fuisse. Perniciosissima certe, & quæ facile perniciem & exitum Reipublicæ allatura fuerat conspiratio, ni decemuiralis collegij autoritate statim oppressa fuisset. Nōnulli quoque ciues, qui ambitione ducti periculosas quasdam leges promulgauerant, vt auram popularem aucuparentur, cōtinuo decemuirū seueritate oppressi pœnas temeritatis atque immodicæ ambitionis Reipublicæ dederunt. Qua ratione effectum est deo Optimo fauente, vt nullus huiusmodi morbus nostram in ciuitatem autoritate huius collegij confirmata inuaderet. Iam præcipuæ Reipublicæ Venetæ partes, quibus vniuersa ferè gubernatio continetur, à nobis exposita sunt. Verum vt omni ex



parte institutum à nobis opus perfectum sit, de reliquis quoque magistratibus dicemus, à quibus tum iura dicuntur, tum pecuniæ publicæ administrantur: necnō de gubernatoribus ciuitatum, quæ sub Veneta ditione sunt, de quæ classium, exercituūque præfectis. Postremò nonnulla instituta exponam, quibus optime meo quidem iudicio cautū est, ne populus & plebs minutior ægreferat nullam sibi in hac Republica gubernationis partem esse. Docebimus item haudquaquam omissam fuisse, ut plerique existimant, publicam ad rem bellicam iuuentutis institutionem. Verum anrequam ad hanc rerum institutionem explicandam veniam, non ab re esse existimo, si lectorem admonuero, in ea ratione, qua supra dixi Senatum consuli sole-  
 re, ipsumque decem virum collegium, apparere perspicue mixtionem quā-  
 dam legum popularis status, & Reipublicæ optimatum. Nam quod nihil possit Senatus decernere, nisi de eo prius ad ipsum Senatum à præconsul-  
 toribus relatum sit, status optimatum est. Quod vero præconsultores nul-  
 lam habeant potestatem, nisi consulant Senatum, eorumque sententia il-  
 lius autoritate confirmata sit, profectò est popularis gubernationis insti-  
 tutum. Itaque non modò in vniuersa hac nostra Republica, verumetiam in  
 quacunque eius parte, qui recte perpendet, inueniet hanc quam dixi, mixtionem & temperiem, qua rectæ illæ gubernandi rationes, in vnam for-  
 mam atque speciem Reipublicæ nostræ coaluerint. sed illuc, vnde egressa  
 est nostra reuertatur oratio. Omnium vergo prima ea pars nobis exponen-  
 da est, quæ ad ius dicendum pertinet. Vniuersum igitur ius, quod à magi-  
 stratibus reddi solet, bifariam diuisum est. Nam aut in suppliciis cōsistit, quæ  
 sumenda sunt de hominibus facinorosis, qui patriam aut ciuem aliquem  
 insigni iniuria affecerint, vel in deos immortales impij extiterint; aut pos-  
 tum est in causis forensibus iudicandis. Idcirco etiam Venetiis duo genera  
 iudicum sunt, horum alterum causis forensibus, alterum verò iudicii re-  
 rum capitalium præficitur. Primum itaque de criminisorum hominum  
 iudiciis, mox de forensibus dicemus. ex delictis quædam minutiora, vel  
 suapte natura, vel peccantium hominum conditione habentur. nonnulla  
 grauiora & maioris momenti, aut genere ipso peccati, aut peccantium no-  
 bilitate. qua de causa duplices quoque sunt capitalium rerum magistratus  
 instituti. ad horum alteros grauiora causa & insigniora crimina deferun-  
 tur, ad alteros verò leuiora. In Republica quidem Veneta iudicia vniuersa  
 ad eam rationem, quam proposuimus, perquam egregie diuisa atque con-  
 stituta reperiuntur. nos de insignioribus primo: mox de aliis dicemus. Præ-  
 ter delicta quæ decem virum censuræ commissæ esse supra diximus, grauiora  
 omnia crimina Aduocatoribus referētibus collegioque quadraginta viri-  
 li disceptante, discerni solent, iisque pro crimine pœna constitui, qui in eis  
 deprehensi fuerint. quadraginta hi viri, qui criminū causis præfecti sunt, cri-  
 minales vulgò appellari consueuerunt. De vtrisque tractandū, sed primo de  
 Aduocatoribus. Aduocatus magisteratus præcis temporibus magnæ fuit

- A** autoritatis incredibilisq; existimationis. præcipuum eius munus est, legū custodia, ne aliqua scilicet in parte legibus officiat. Quamobrē quilibet eorum, qui in eo sunt magistratu, eam propè intercedendi potestatem habet, quam apud Romanos tribuni plebis obtinebant: sed illi ut tuerentur libertatem plebis Romanæ, nostri verò ut vim legum tueantur: quare non immerito tribuni legum vocari possent. Nos verò ne perspicuitati, cui præcipue operam damus, vlla in parte officiamus, à communi vſitatoque vocabulo non recedemus. Illi ad populum seu plebem referebant, nostri vero Aduocatores ad quadraginta viros quidem de leuioribus causis, de maioribus ad Senatum, de maximis interdum, si ita eis visum fuerit, ad maius cōsiliū referunt. Quamobrem antiquitus magna erat huius magistratus autoritas. Nunc verò quoniam decem virū potestas latius se dilatauit, ideo Aduocatorum auctoritas diminuta, existimatio obscurata est. Cæterum quum is magistratus tam amplam obtineat intercedendi potestatem, legumque custodia ad eum potissimum pertineat, qui autem facinus aliquod perpetrarint, maxime contra leges fecisse videantur, illustres præsertim ciues, ad quos præter alios atinet, Reipublicæ conseruandæ operam dare: idcirco peculiaris quodam modo huiusmodi delicta censura Aduocatorum visa sunt esse corrigenda, licet ipsi nullam habeant potestatem quippiam contra reos statuendi, præterquam in paruis quibusdam causis. cætera omnia de consilij sententia statuuntur. Hoc in loco non ab re futurum duco, si omnem iudiciorum capitalium rationem explicuero, quæ Aduocatoribus referentibus sunt: quandoquidem nullibi, quod sciam, modus hic seruari soleat: simulque (ut arbitror) perspicuum faciemus, quamnam autoritatem habeat hic Aduocatorius magistratus. Quum crimen aliquod ad Aduocatores delatum fuerit, si res digna censeatur eorum censura, confestim vel ab omnibus, vel etiam ab vno tantum (nam tres ei muneri præfecti sunt) interceditur, id est, reus efficitur ille, cuius nomen delatū sit. deinde ab intercessore refertur de eo crimine ad consilium illud, quod maluerit Aduocator, qui intercesserit, quamuis plerumque consulatur x l. virale collegium, quod iudicii capitalium criminum præfectum est. Ibi que causa recitata, de consilij sententia decernitur, an reus sit in carcerem coniiciendus, & quæstioni adhibendus, an potius solutus causam dicere debeat. reus postea ex consilij decreto accersitur, vel ab apparitoribus magistratus Aduocatorum clamprehenditur. causam dicit vel solutus, vel ex vinculis: de crimine interrogatur: respondet, testes vtrique citantur: quæcunque ille dixerit, siue sponte, siue tormentis coactus, tum quæ testes adducti coram magistratu se scire fassi fuerint, siue pro reo, siue contra reum, omnia scriptis mandantur. Hac ratione tota causa in codicem publicum relata, omnium, quæ scriptis mandata sunt, reo fit copia: constituiturque tempus, quo docere causam possit aduocatos atque oratores, quos sibi adhibuerit, illique possint omnia diligenter perspicere, quæ reo patrocinentur, & meditari quo pacto obiectum crimen testimoniaque reo aduersantia diluere possint. tandem causa incipit a-

gitari. Hac in parte non est reticendus mos maiorum ad nostra vsque tempora perductus. si enim fortè quispiam reus factus tam tenui re familiari fuerit, vt sumptum facere nequeat in conducendis aduocatis, qui partes suas tueantur, duo oratores, qui Reipub. stipendio conducti, id muneris habent, suscipiunt inopis illius rei partes tuendas. sic enim lege cautum est, ne vllus indicta causa puniatur. Postquam verò satisfactum fuisse reo videtur, neque ad eius defensionem quippiam amplius requiri, Aduocatores consilium indicunt, diemque reo constituunt, quo causam dicturus sit. Consilio coacto magistratus hic Aduocatorius accusatoris vice fungitur: eosque qui in eo sunt magistratu, maxime decet, vt accusatores acerrimos agant, qualis (dum modo id assequi possint) fuit Cicero in Verrè & in M. Antonium, ita tamen vt maledicta caueant, neque extra causam maledicendo vagentur. Nam is qui maledictis indulget, potius inimici & prauis hominis officium facere, quàm Reipublicæ causam agere videtur. Hac enim in parte apud Venetos longe secus res se habet, quàm apud Romanos. Olim Romæ quiuis ciuis alteri diem dicere poterat, eumque quàm acerrimè accusabat apud iudices. Venetiis verò nemo priuatus hoc munus obire potest, sed ex Reipublicæ lege officium illud est Aduocatorij magistratus. Qua in re magis naturam rerum imitati, sapientiusque concordiz ciuium consuluisse maiores nostri videri debent quàm Romani. Nam quoniam qui facinus aliquod perpetravit, maxime leges & Rempublicam læsit, ideoque præcipuè Reipublicæ pœnas dare debet, iure magistratus is qui tuendis legibus præstet, à facinoroso homine pœnas poscere, atque ad id omni studio eniti debet. Contrà priuati officium est illatas sibi iniurias obliuisci, facileque reo concedere. Præterea nullus priuatus ciuis potest accusatoris personam sibi sumere absque maxima inuidia & incredibili odio eius, cui diem dixerit: ex qua re facile seditiones oriuntur inter ciues. hoc igitur incommodum à nostris perquam egregiè vitatū est, vniuerso hoc accusandi munere magistratui demādato, qui non priuata similitudine ductus, sed ex legis præscripto id agat. quo effectum est, vt nunquam ferè auditum sit Aduocatorum cuiuspiam vicio datum fuisse, quòd vehementius in reum sit inuectus, aut nimis acrem accusatorē se gesserit. imò qui acriter in hoc officio versatur, magnā sibi laudem comparat apud vniuersos ciues. Sed ad inceptam iudiciorum rationem redeamus. Agit ergo coacto consilio Aduocator partes accusatoris, orationemque in reum habet acerrimam. crimina & facinora obicit primum, deinde testibus obiecta confirmat ac verisimilibus coniecturis corroborat. Postquam dicendi finem fecerit, agitur causa rei ab eo patrono, quem sibi asciuerit. deinde si Aduocatorum quispiam antequam iudices sententias rogentur adhuc vrgere reum voluerit, locum dicendi habet: similiter aduocati rei respondendi & obiecta crimina diluendi facultatem habet: eaque ratione causa vtrinque agitur, donec alter eorum, siue reus siue Aduocator, cui dicendi locus incumbit, se amplius dicere nolle pronunciauerit. Perorata causa reus eiusque patroni discedunt è curia iudicum. cum iudi-

- A** iudicibus clauduntur in conclaui Aduocatores eorúmque scribæ, præterea nullus. Aduocatores primum de puniendo reo ad iudices referunt, sententiaſq; rogant, an puniendus videatur, nulla tamen adhuc constituta certa pœna; quem morem Athenienses ferè seruabant. Athenis enim iudices duplices sententias ferebant. primis aut absoluebant reum, aut condemnabant: secundis, si prioribus condemnatus fuisset, pœna constituebatur, vt ex Apologia Socratis apud Platonem perspicue intueri licet. consimili iudiciorum ordine & propè pari nos quoque vtimur ratione. Refertur igitur primum ab Aduocatoribus de condemnando reo. iudices in suffragia eunt. omnia enim consilia apud Veneros res omnes suffragiis decernunt. tres vrnæ deferuntur, quarum vna reus condénatur, altera absoluitur penitus absque multa, tertia colliguntur suffragia eorum, quibus nondum liquet, vtum sit statuendum. Prima vrna qua condemnatur reus albi colotis est, secunda, qua absoluitur, viridis, tertia rubei. vnusquisq; iudicum, siue causa disceptatibus x l viris (vt pletunque) agatur, siue Senatus consulatur, quod raro accidit, in grauioribusq; causis tantum fieri solet, siue ad magnum consilium ab Aduocatoribus relatum sit, quod rarissime accidit, grauissimisq; in causis fieri consuevit, ne quis suffragium suum perspiciat, pilulam linteam in eam vrnam, quam maluerit demittit. Postea à præfectis consilij suffragia numerantur. Quod si plures dimidiis reum absoluerint, confestim pronunciatu Abolutus: estq; Aduocatorum rogatio repudiata. sin plures dimidiis dānauerint, illico pronunciant damnatum. At si neutri dimidium excedant, quod multi sint iudicum quibus nondum liqueat, pronunciant reum comperendinatum fuisse, iudicesq; causam amplius discuti velle. si absoluitur, nihil amplius negocij habet, sed euestigio liber dimittitur. si comperendinatur iudicibus & reo dies statuitur, qua denuo causa, Aduocatoribus accusantibus patronisq; obiecta crimina dilucribus agatur. Post dictam & peroratam causam iudicum suffragia repetuntur. Quod si etiam tum nihil decernatur, quod suffragia, quæ neutram in partem venerint, dimidium summæ non excedant, iterum pronunciant reum comperendinatum, & tertio consilium indicitur. Constituta die, qua tertio quoque causa eodem modo repetatur, demum in suffragia itur, nec tamen amplius ratio vlla eorum habetur, quibus nondum liqueat. Idcirco nisi paria fuerint suffragia, necesse est reum vel damari vel absolui. si absoluat, nihil amplius ei ne gocij est, vt dixi. sin pronuncietur damnatus, decernitur quam pœna in eum sit animaduertendum. de genere pœnæ referunt, tum Aduocatores, tum præfecti collegio iudicum. mos tamen est, vt Aduocatores eam pœnam proponant, quæ pro genere criminis videatur acerbissima. etenim huius magistratus officium est, vt ad seueritatem inclinet. Alij verò, consiliatij, inquam, ac præfecti quadraginta virum, quibus ius est ad id consilium iudicum referendi, leuiore pœnas proponere consueuerunt, nisi crimen fuerit adeò atrox vt elementari nullus sit locus, seu Aduocatores lenius egerint quàm eum magistratum deceat. propositis omnium sententiis eodem fermè modo decer-

nitur poena quia reus ille sit afficiendus, quo suprà diximus Senatuseſultum fieri ſolere, vbi præconſultorum ſententiæ variant. quam rationem ſi hoc in loco repetere vellem, importuneque tedio afficere lectorem, merito ineptus haberi poſſem. hoc tamen dixiſſe ſatis eſt, eam ſententiam iudicum pronunciari, quæ reiectis aliis plura dimidiis ſuffragia tulerit. Hoc in loco mihi videor non ab re facturus, ſi bina inſtituta annotauero prudentiſſimè à maioribus nobis tradita. Primum eſt quòd nullius rei ſeu iudicij quempiam magiſtratum ne dum ciuem ſine prouocatione arbitrium eſſe voluerunt, ſed omni in re ſummum ius atque arbitrium eſſe conſiliis ſeu collegiis tributum. Alterum verò ſuperiore illo non minus vtile eſt, idque eſt tale, quòd voluere iudices non ore ſententias dicere aut palàm ſtatucere quidnam ſentiant, ſed clàm ſuffragiis decernere quod maluerint. vtrumque ſanè meo iudicio, prudentiſſime. nam quod ſumma authoritas nulli magiſtratu conceda ſit, recte ſe habet. etenim præterquam quod periculolum eſt, ſummam alicuius rei, quæcûque ea ſit, committere paucis ciuibus: tum illud cauetur, ne ſi fortè res deliberata male ceſſerit, ciuitas de paucis ciuibus queri poſſit. Vt verò clàm decreta iudiciaque fiant non minore prudentia ſancitum eſt. iudices enim, huiusmodi ſuffragiorum inſtituta ratione, liberius iudicant, quàm ſi palam atque ore ſententiã ferrent. ex quo interdù vel propter ambitionem ab æquitate abducerentur, vel amici ac bene de ſe meriti ciuis offenſionem vererentur, vel potentioris indignationem extimeſcerent. Illud quoque prouiſum eſt, vt quiſque iudicum iudicium ſuum ſequatur, nec ab alterius iudicis authoritate pendeat: quod facilè accidere poſſet, ſi ille qui prior dixiſſet ſententiam prudentiſſimus ac ſcientiſſimus haberetur, quocirca nec etiam ab excellentiſſimis philoſophis genus hoc iudiciorum omiſſum eſt. ſed ad rem redeo. Poſtquam omnis iudiciorum ratio à nobis expoſita eſt, ad x x x capitalium cauſarum iudices de quibus dicendum inſtitueram, reuertar. Horù collegiũ à ciuitate noſtra ad quòd Aduocatores de cauſis capitalibus referant, eoque deliberante fontes puniantur inſtitutum eſt. Ideoque non niſi in cauſis grauiffimis, vbi etiam reipublicæ interſit, in vtram partem iudiciũ ceſſerit, Aduocatores Senatũ cõſulunt rariſſime verò maius cõſilium. Verùm omnes capitales cauſæ ad hoc quadragintauirole collegium deferuntur: cuius ſententiã rata eſt, nulluſque ab ea ampliùs eſt prouocationi locus. gerunt hi magiſtratum octimeſtrem, poſtquam ſedecim meſes expleuerint in forenſibus cauſis iudicandis. Tria nanque collegia in Republica Veneta ſunt, quòdlibet x x x x iudicibus, conſtat. duo forenſibus cauſis iudicandis præſecta ſunt, tertium, de quo agitur, capitalibus. hac tamen diſtributa ratione ſunt, vt cum primum functi fuerint magiſtratu capitales hi iudices, in ordinem ipſi redigantur, aliique x l. viri magni conſilij cõmitiis ſufficiantur. Non tamen hi ſuffecti, conſeſtim ad iudicandas capitales cauſas accedunt, ſed collegium illud x x x, virale, quod vrbaniſ cauſis decernendis octimeſtri eo temporis ſpatio præſectum fuit, ſubito in locum capitalium, qui iam deſuncti ſunt magiſtratu. his verò forenſibus atque vrbaniſ iudicibus ſuccedunt

- A succedunt tertij x x x viri, qui item eo octimestri intervallo exterorum causas iudicarunt, in eorumq; locum illi nuper suffecti subeunt. sicque per vices iidem iudices & de forensibus causis tum vrbanis tum exteris, & de capitalibus decernunt, ac totum biennium in his iudiciis versantur. Tria hæc collegia iudicum proprias habent appellationes. primum, ad quod exterae causæ deferuntur, nouum nominatur. secundum, quod vrbanis præficitur, vetus dicitur. tertium, quod de capite fontiu iudicat, criminale à criminibus nuncupatur. hi quadraginta viri criminales nuncupati præterquam quod in causis criminalibus siue capitalibus summam iudiciorum habet, admittuntur etiam in Senatum & ius suffragij in eo ordine obtinent. Habent præterea triumuiros ex suo ordine, qui singuli binis quibusque mensibus sorte educuntur, ac per vices semper assident duci & consiliariis, paremque illis auctoritatem ad Senatum referendi de quacunque re voluerint, habet; itemque ad magnum consilium, eo tamē modo quem suprā tetigi. nec absque ratione x x x hi iuniores viri Senatoribus, qui plerunque senes esse solent commixti sunt, vt scilicet naturalis senum frigiditas iuuenum calore temperetur. Non tamen iuniores hi senibus numero pares sunt, sed longe pauciores; tot tamen, vt aliquod caloris vestigium in Senatusconsultis apparere atque inesse queat: quod quandoque in rebus agendis perquam necessarium est. accedit etiam illud, quod senatoria auctoritate his x x x viris concessa, Reipublicæ administratio aliqua ex parte inferioris notæ ciuibus communicata videri potest, quales plerunque hi sunt qui quadragintaui ratum gerunt, in quo ordine populari quadam lege maiores nostri vti sunt. Nam tribus his x x x virum collegiis singulis quibusque diebus, quibus conueniunt, certum ex ærario stipendium constitutum est. Ideoque raro admodum diuites ciues hunc magistratum petunt, facileque, si petierint, repulsam ferunt. verum egenis ciuibus, probis tamē hominibus, facilis est ad hunc honorem accessus. Qua ratione tum inopiæ proborum ciuium aliqua ex parte consulitur: tum etiam reipublicæ administratio non solum diuitibus & insignioribus ciuibus, quod optimatum est status & paucorum potentie commissæ est: verum etiam aliqua ex parte, mediocri tamen, ciues inferioris ordinis ad Rempublicam accessum habent: qui mos pertinet ad popularem statum.
- D Ex his cuilibet compertum esse potest, in omni parte reipublicæ Venetæ tēperationem illam apparere, cui plurimum studuisse maiores nostros, in huius opusculi exordio diximus, vt scilicet popularis status ratio optimatum gubernationi permixta esset: eo tamen temperamento adhibito, vt plures optimatiū partes essent. satis itaque iam à nobis tum de Aduocatoribus tum de x x x viris causarū capitalium iudicibus dictū arbitror, qui ideo instituti sunt, vt in crimina, seu genere peccati seu conditione peccantiū insigniora, animaduertent. Nunc tēpus postulat vt de nonnullis inferioribus, magistratibus qui minutoribus, & genere ipso & hominū fortuna vlciscēdis delictis & maleficiis præsent, pauca quædā perstringamus. Hi quoque duplices sunt, alteri ius capitis habent. alteri non habent: quorum potestas eo tantum ex-

tenditur, vt in vilissimos homines, atque in meretrices animaduertat: quos E  
 vel virgis cædi iubent vel in carcerem coniici, prout quemq; peccasse cõsti-  
 terit. Potior verò ille magistratus qui capitis iudicium ferre potest, rursus bi-  
 partitus est. Nam non iidẽ iudices quærut de crimine, & quæstioni reum ad-  
 hibent ac sententiam ferunt: sed priores, noctis scilicet præfecti, totam prius  
 causam reorum agitant ac scriptis mandant, quæ testes dixerint, quæque rei  
 vel sponte vel coacti tormentis confessi fuerint: demum omnem causam ad  
 iudices proprietatum deferunt. diuersus à priori hic est magistratus, hiq;ue  
 sententiam ferunt, vbi de causa capitis agitur. quòd si leuius fuerit delictum  
 vt tantum virgis cædendus aut carcere aliquot menses coercendus reus esse  
 videatur, noctis præfecti totam causam expediunt, neque collegium qua- F  
 draginta virale consulunt, siue coniicere quempiam in carcerem voluerint,  
 siue quæstioni adhibere. quod ipsum ius tamen Aduocatorius magistratus  
 non habet, verum opus est, vt prius collegium consulat, atque auctoritate  
 decreti illius collegij nitatur. neque sine magna ratione hoc ita institutum  
 videtur fuisse. Nam si pro quolibet crimine & pro iis reis, qui homines nul-  
 lius prætij sunt, consilium consulendum esset, incredibile negotium Rei-  
 publicæ administrationi conflaretur: fontibus etiam viris maior peccandi  
 licentia tribueretur spe impunitatis maiore proposita. Vt ergo iudicia hu-  
 iusmodi expeditiora essent ac breuiora, Præfecti noctis etiam auctoritatem,  
 qua Aduocatores priuari sunt, obtinent. Hi noctis præfecti sex sunt: sex item  
 in minimo eo magistratu cui in infimos tantum homines, leuibusque in cri- G  
 minibus ius est. Capita tribuum ciuitatis appellantur hi, qui eum magistratũ  
 gerunt. quoniam ex vnaquaque tribu ( in sex enim tribus tota ciuitas diuisa  
 est ) tum præfectus noctis, tum caput tribus eligitur: quo more etiam in  
 consiliariis eligendis vti solemus, quod superius à nobis minime omissum  
 fuit. Vtriusque præterea magistratus officium est, vt nocturnas excubias per  
 suas tribus agant alternis noctibus, ac vicissim modo præfectus noctis, mo-  
 do caput tribus, suam tribum circumeant ad gallicinium vsque, cum publi-  
 cis stipatoribus & apparitoribus armatis, provideantque ne per nocturnas  
 tenebras quæ maiorem licentiam præstare hominibus scelestis solent, cuiuspiã  
 fiat iniuria: nèue fur clam domum quampiam fodiat, aut ne latro vllas per  
 vias grassetur in quenquam. in primis Venetæ vrbs originibus vterque hic H  
 magistratus magnæ existimationis erat. postmodũ adiunctis nouis Reipub.  
 magistratibus, prout ratio temporum & commoditas exigebat, horum di-  
 gnitas & auctoritas est obscurata: summaque potestate ad nouos magistra-  
 tus translata, parua quædam & viliora negotia veluti feces in eorum subsel-  
 liis resedere. Hactenus de magistratibus qui capitales causas decernunt di-  
 xisse sufficiat. De forensibus in sequenti volumine dicitur.





## LIBER QVARTVS.

**B** **M**o s ille in republica Veneta perpetuus semper fuit, ne quisquā magistratus in maioribus causis summam auctoritatem haberet: sed summum illud ius collegiorum seu consiliorum, vt vsitatus loquar, esse voluerunt. Ideo in forensibus quoque causis, quæ summā quinquagintaquinque nummorum aureorum excesserint, nullius magistratus iudiciū est, à quo non sit prouocatio ad auditores vrbani- rum causarum, qui lingua vernacula veteres appellātur, & ad collegia quadraginta virū de quibus suprà commemorauimus. Sed vt perspicue tota hæc iudiciorum forensium ratio intelligatur, ab auditoribus, qui quidem duplices sunt, ordiemur. noui enim siue recentes, atque veteres sunt. Veteres à vetustate nomen sortiti, quod hic magistratus apud Venetos multo vetustior sit quàm alter: qui non prius in hanc rempublicam inductus est, quàm continentis imperium habuerit, multis seculis post vrbem conditam. Veteres hi auditores eandem fere auctoritatem obtinent in iudiciis causarum forensium, quæ vrbani iudicibus disceptantibus diiudicantur, quàm Aduocatores in plerisque omnibus rebus, si qua in parte legibus officere videtur: intercedendi, inquam, potestatem habent. cum ergo à iudicibus vrbanis cōtra aliquem sententia lata fuerit, licet illi ab eorum iudicio ad auditores prouocare. Causa ad eorum subsellia deducta, & vltro citroque agitata ab his inter quos controuersia fuerit, nisi summam excedat quinquaginta aureorum nummūm, omnesque iudices in eādē sententiā conuenerint, possunt ipsi absque quadraginta virū collegio re decernere. quod si inter se dissenserint, vel vnus eorū potest intercedere: causaque illa apud minimū quoddam collegium agitur, in quod vterque auditorum magistratus, tresque alij iudices conueniunt, qui præfecti sunt iudiciis de inuentis rebus; ibique minores hæ causæ diiudicantur. Quod si vniuersa causa eam summam excedebat, ante nostram ætatem non poterat ad Quadraginta virū collegium res deduci, nisi aliquis auditorum latæ à iudicibus sententiæ intercessisset, de eaque ad quadraginta viros retulisset. Nostra verò tempestate lata lex est, qua conceditur illi, contra quem priores iudices sententiā pronunciauerint, vt post tres exactos menses, quamuis nullus auditorum intercesserit, possit diem aduer-

fario dicere, & ad collegiū prouocare. qua lege auditorum authoritas valde est imminuta; quæ tamen, cum intercedunt, non nihil ad causam obtinendam valet. nam neque tres menses operiri oportet, eorumque intercessio velut prerogatiua iudicij videtur esse. Si auditor intercesserit prioribus iudicibus diem dicit, collegium quadraginta virum aditur. Ante nostram ætatē vterque magistratus orabat coram collegio, sententiamque vterque suam tuebatur. paulatim verò segnitie quadam factum est, vt priores iudices quorum sententiæ intercessum sit non modo orent, sed ne intersint quidem cum apud quadraginta viros causa agitur, dictaque illis per tabellionem die, vt id, quod ius postulat, statuatur, respondeant. mos uerò ille, vt auditores primū referrent ad collegium de causa, cui intercessissent, orationemque haberent, F ad nostra vsque tempora deductus est. Nunc verò penitus intercidit, sed patroni tantum eorum, inter quos controuersia fuerit, hoc munus defunguntur, tuenturque suorum clientum causas: quibus rebus effectum est, vt dignitas auditorij magistratus, quæ diu illustris fuit nostris temporibus obscura admodum & imminuta sit. Quadraginta hi vrbanae causarum iudices eundem ferè morem seruant in iudicando, quæ à iudicibus quadraginta capitalium causarum seruari solere diximus. hoc tantum discrimen est, quod in causis, in quibus de capite agitur & fortunis reorum, nullum certum orandi tempus statutum est. In his verò vrbani litibus præscriptum est temporis interuallum, vltra quod orationem protendere non possunt: hora enim cum dimidia tantum cuiuslibet oranti concessa est. neque in forensibus iis causis iudicandis variæ referuntur sententiæ, vt eam collegium eligat, quam maluerit, quemadmodum in sumendis pœnis de nocētibus & parui prætij hominibus fieri solere superius dictum est: sed tantum refertur, an lata prius à iudicibus sententia confirmanda sit, vel potius abroganda. de abrogatione refertur si auditor quis intercesserit. quod si non fuerit intercessum, sed sine intercessore causa ad collegium fuerit deducta, præfecti collegij perorata vtrinque causa non de abroganda, sed de confirmanda lata sententia referunt. iurati iudices omnes in suffragia eunt. Tres item vrne deferuntur. viridi abrogatur id de quo relatum fuerit: candida approbatur: rubra verò eis destinata est, quibus nondū liqueat, sed velint causam ampliari. nihil autem decretum habetur, nisi plures quàm dimidij abrogauerint aut approbauerint. quod si iudicibus nondum liqueat, & in neutram partem iudicium factū sit, causa ampliata pronuntiatur ad alterā diem, qua eadē ferè repetuntur. quod si etiam eadem die iudicium pendeat, tertio cogitur collegium, causa repetitur. qua perorata vtrinque itur in suffragia, neque amplius vlla eorum iudicium, quibus nondum liqueat habetur ratio. quare nisi paria fuerint suffragia, in alteram partem fit decretum, siue de abroganda, siue de confirmanda sententia lata. Abrogata sententia nequaquam adimitur potestas actori, quin de eadem re iudicium repetere possit. nihil enim abrogatione statuitur, sed tantum lata sententia antiquatur. confirmatione verò & approbatione rata fit sententia, quam priores iudices pronunciauerunt neque amplius prouoca-

- A** prouocationi est locus, neque iudicium repeti potest super eadem re, nisi causæ quidpiam noui accedat. Atque satis hæcenus de auditoribus veteribus dictum sit: nunc pauca de recentioribus perstringamus. Hic magistratus in nostra republica non fuit prius institutus, quàm in continentem æstuariis hisce finitimâ Venetum imperium extendi cæpit. Ad hos à prætotum iudiciis prouocatio est, aliorumue magistratuum qui extra urbem populis, qui in nostram venerunt societatem ius dicunt. Veteres enim auditores virisque causis vrbæis scilicet & exteris, haudquaquam satisfacere poterant. Quamobrem eam appellationem etiam sortitus est, vt nouorum siue recentium diceretur. Nam post constitutam rempublicam imperium Venetum extendi cæpit in Venetiam oram, quæ ad veteres dominos veluti quoddam postliminio volens ac libens rediit. Etenim vt in exordio operis ostendimus, nobilissimi quique prouinciæ Venetiæ barbarorum impetum Italiæque totius deuastationem fugientes se in nostra æstuarium receperunt, urbemque hanc opulentissimam condidere. Cui etiam nomen Venetiæ indiderunt multitudinis numero: vt posteris testatum esset, florem nobilitatis omnium ciuitatum Venetiæ regionis eò cõuenisse. Igitur cum breui imperium Venetum creuisset in immensum, vnus haudquaquam magistratus vrbæis & exteris causis satis esse poterat. Idcirco nouus hic institutus est, nouumque quadraginta virale collegium. Prouocatio quoque quæ ab aliis qui foris ius dicunt fit, ad horum subsellia deferatur, atque hoc demum collegio disceptante omnes eiusmodi causæ discernuntur. eadem in omnibus ratio est, parque modus huius magistratus & collegij, quem paulo ante docuimus, ab auditoribus veteribus & collegio quadraginta virali, vrbæarum causarum iudice, seruari solere. illud tantum ius auditoribus recentibus additum est, quod in causis, quæ summam quadraginta nummorum aureorum non excefferint latam sententiam de qua ad eos sit prouocatum, moderari queunt, eiusque partem, si ita ipsis videatur, abrogare, partem verò comprobare, dum modo omnes in eandem sententiam conueniant. quod ea de causa institutum est, vt exteri homines & aduenæ, quorum præcipue rationem haberi debere summi philosophi tradidere molestia leuarentur, & sine magno rei familiaris dispendio litium exitum inuenirent. Hoc iure veteres priuati sunt. necesse enim illis est vt aut totam sententiam approbent, aut totam rescindant, atque irritam faciant. Si noui parti intercedere possunt reliquis non intercedere: at veteres contrà: aut enim toti intetcedunt, aut vniuersam integram dimitunt. Hocque pacto exterorum lites breuiori spacio dirimuntur, quàm causæ vrbææ: quamuis patronorum & iurisperitorum versutia, quæ nihil contra fas intactum relinquit, in immensum quæuis lites protrahuntur, quod vbique gentium fieri solet, vbi non temere sed statuto ordine iudicia fiunt. Explicata ferè à nobis est iudiciorum ratio, superest vt paucis perstringam eos magistratus, qui primi in causis vrbæis ius dicunt, à quibus ad veteres auditores prouocationes fiunt & ad collegium quadraginta virorum, quorum iudicium sex sunt subsellia pro qualitate causarum & perso-

narum distribuam, nam aut lites sunt de mercatura rebusque ad negociatores  
 spectantibus, vel de ædibus & fundis quæ intra æstuaria fuerint: aut de pos-  
 sessionibus & agris quæ in cōtinenti sunt, aut de quibusvis aliis contractibus  
 stipulationibusque: personæ autē quæ lites inter se conferunt, aut sunt ciues,  
 aut exteri, iiq; aut alterutri inter se, aut alteri cū alteris experiūtur: deniq; vel  
 cū pupillis res habetur, aut agūt viduæ scēminę post obitū mariti de dotibus  
 recuperandis. ne ergo inter tot diuersorum generum iudicia turbatio esset,  
 necue aliud alij impedimentum afferret, plura instituta fuere iudicum subse-  
 lla: ita vt quantum fieri posset vnusquisque pro ratione negocij & litis suos  
 iudices cognosceret. quæ enim lites ad ædes siue fundos intra fines Venetia-  
 rum id est in æstuariis positos pertinent, hæ omnes à iudicibus qui proprie-  
 tatum nominantur diiudicantur, quos etiam adeunt viduæ ab hæredibus  
 maritorū defunctorū, dotes repetere volentes. Hancque appellationem ha-  
 buerunt quod maiores nostri ea tātum ciuium suorum propria existimāt,  
 quæ in æstuariis sita essent, vtpote quæ ad alienos dominos non facile trans-  
 ferri possent. Cætera verò in cōtinenti existentia siue agri siue domus fuis-  
 sent, vt quæ facile inuitis dominis possent auferri, iniuriæque magis exposita  
 essent, mobilia dici voluerunt. quod si de fundis cōtinentiis orā controuer-  
 sia fuerit, iudices procuratorum sunt adēdi. iisdem iudicibus cum pupillis  
 qui adhuc tutores habent contenditur. qua ex re ipsi iudices nomē obtinue-  
 runt: nam apud Venetos curatores & tutores, & procuratores appellari cō-  
 sueverunt. Si item lis de mercimoniis inciderit & ad mereaturam spectet,  
 subseilia iudicum adeuntur, qui ex ea re iudices seu consules mercatorum  
 nominantur. hi maiori quodam compēdio iudicant, quàm alij forenses ma-  
 gistratus: quod ea ratione institutum est, ne longioribus litibus impedin-  
 tū moræ fieret negociis mercatorū, quæ assiduā quandā operā exigunt. At  
 si inter exteros homines lis fuerit, vel quispiam ciuiū hospiti diē dixerit, op-  
 est ad eos iudices accedat, qui ab aduenis nomē habēt. Cæteræ verò omnes  
 causæ contractus ac stipulari, ex quibus quispiā ab alieno sibi aliquid deberi  
 cōtendat, idque iudicio petat, iudicibus veniunt qui petitionū nūcupantur:  
 hipque prætoris vrbani vicē gerūt. Sūt præterea minimæ quædā, quibus di-  
 iudicandis præfecti sunt iudices mobiliū dicti. Est & præter hos magistratus  
 alius, qui si quid inuentum fuerit aut olim reconditum aut nuper amissum,  
 num ad ærarium aut ad priuatum quēpiam aut ad eū qui reperit, res ea per-  
 tineat decernit omnesque huiusmodi cōtrouerfias diiudicat. Expedita vni-  
 uersa iudiciorum ratione ad eos magistratus transeundum est, qui ærarij cu-  
 ram habent, quibusvē pecuniæ publicæ administratio commissā est. Hi for-  
 tasse plures quā par sit alicui esse videbūtur, cū pauciores vniuersę rei pecu-  
 niariæ satisficere possent. Verū hoc loco animaduertendū est patres nostros  
 summam diligentiam adhibuisse, ne in administrandis pecuniis publicis aliqua  
 fraus fieret. arbitrati enim sunt ex ærario veluti alimētū vniuersis reipublicę  
 partib; suppeditari, quo deficiēte seu imminuto deficere quoq; rēpublicam  
 aut

- A** aut minui opus esse. Quocirca lege sanxiūt, vt si quis ciuis peculatus dān-  
 rus fuerit, perpetua ignominia nota singulo quoque anno repetita inure-  
 tur. Maiori enim consilio coacto in concione ciuium omnium statuta die  
 ab Aduocatore omnes illo crimine damnati pronunciantur: vt qui tantum  
 scelus ausi sunt; perpetua ignominia penas luant. Sed ne ab instituto lon-  
 gius digrediamur, magistratus qui ætarij curam habent; duorum veluti ge-  
 nerum sunt. Quæ ratione publicæ quoque pecuniæ diuisæ sunt. nam vel ex  
 publicis vel ex vectigalibus in ætarium cōferuntur: vel interdum cum redi-  
 tus reipublicæ inhærens videtur satisfacere nō posse; à ciuibz pro cuiusquo  
 censu exiguntur id quod nō raro fieri necesse est, bellis, quibus ciuitas no-  
**B** stra frequenter vexari solet aut mari aut terra ingroëtibz, vel cum Turcæ in  
 nostram ditionem irruunt, quorum impetum non sine maximo detrimento  
 complures annos sustinimus, acerbissimumque hoste in vniuersam rem-  
 publicam Christianam sequentem continuimus, vel cum Principes Christia-  
 ni quibus imperij Veneti amplitudo quandoque officit; in perniciem no-  
 stram conspirant: quemadmodum anno ab hinc x v accidit, cum omnes fe-  
 rē Christiani principes inito inter se fœdere in exitum imperij nostri con-  
 spirarunt. sed diis bene iuuantibus omnes eorum impetus sunt repressi, ref-  
 que pene collapsa in integrum restituta est. Duplex ergo cum sit publicæ  
 pecuniæ genus, duplices quoque magistratus ei rei sunt præfecti. Quidam  
 enim pecuniæ ex censu ciuiū collatæ præficiuntur: alij verò redditibus & ve-  
**C** ctigalibus reipublicæ. Vectigalia quidem exiguntur ex iis quæ exportantur  
 ex vrbe, aut in eam importantur. Quædam verò ex ciuitatibus quæ in socie-  
 tatem imperij Veneti sunt adscitæ. Urbana porro vectigalia cū propter ma-  
 ximam mercium copiā mercatorumque conuentum, tum ob ingentem ho-  
 minum multitudinem, qui hanc ciuitatem incolunt, omni omnium opinio-  
 ne maiora sunt, ac mercium quidem rerumque vrbānarum varia sunt gene-  
 ra: ideo diuersi quoque magistratus sunt instituti, prout scilicet cōmodum  
 visum fuit iis qui his locandis atque exigendis vectigalibus præsumt: quos  
 singulos enumerare sanè putidum esset, fastidiumque potius afferret, quam  
 voluptatem. quam ob causam illos etiam magistratus qui perpetui non  
 sunt, sed cum res postulat, tum denique creantur, præmittendos esse duco.  
**D** In summa, horum omnium magistratuum officium illud est, vt caueant ne  
 per dolum aliquid pecuniæ publicæ auertatur, aut per inertiam pereat. om-  
 nes quoque controuersias quæ ad id genus pecuniæ pertinent, ipsi diiudicār.  
 pecuniā verò omnem, quam exegerint, cōtinuo ad gubernatores reddituum  
 publicorū deferunt. eā enim appellationē is magistratus obtinuit qui huic  
 rei præfectus est. Sed ea procuratio quoniam magna, atq; ampla est, non nisi  
 insignioribus ciuibz deferri solet. qui vt libentius hoc munus sibi deposce-  
 rent, neue demandatum reiicerent, oneri magno atq; graui magnū emolu-  
 mētum adiunctū est, summa quoq; tributa est auctoritas. hi enim apparito-  
 res, viatores, lictores, omneque id genus ministrorū reipublicæ creat, quibus  
 omnibus ex ære publico stipedium persoluitur. id verò quod reliquū fuerit,

ad quæstores vrbanos deferitur, ad quæ denique magistratû peruenit omnis summa æris publici, à quibuscunque quæstoribus siue magistratibus seu illi extra urbem seu in vrbe pecuniæ publicæ exigendæ curâ habeant, allata fuerit, at vrbanihi quæstores eam pecuniam ex Senatus decreto in vsus publicos impediunt, eamque in codices accepti & expensi referunt. quod munus quû operosum sit, laborisque non exigui, ideo ciuibz iunioribus cõmitti consuevit: qui tamen tum nobilitate generis, tum innocentia vitæ clari sint, ne scilicet ex publicum vlllo pacto in rem priuatâ auertatur: Quocirca vrbani quæstoribus ius senatoriû datû est, idem propemodû quod legitimi senatores habet. pecunia verò quæ in reipublicæ angustis ex censu à ciuibz cõferitur, quâuis tandem ad quæstores vrbanos omnis confluat, proprios tamen quosdam magistratus habet. Interdum enim de conferenda ex censu pecunia ea ratione fit senatusconsultum, vt nulla mētio habeatur neq; de restituendo eo ære, nec de aliquo emolumento ciuibz erogâdo, qui ex sua re priuata eam pecuniam cõtulerint. Quod tamen raro admodû fieri cõsuevit: nam plerunq; imò potius semper nisi res contrariû postulet, Senatus reipublicæ ita cõsulû esse vult, vt priuatorû res nō negligâtur. Promulgato igitur senatusconsulto, de pecunia ex censu cõferenda facto tēporeque quod commodum visum fuerit cõstituto, vnusquisque ciuiû intra id tempus eam summâ persoluit, quâ ex censu debet. exigunt autē gubernatores redituû deferuntq; ad quæstores vrbanos. at multo sapius eiusmodi senatusconsultum fit de pecunia ex censu conferenda, vt post certum temporis spacium ciuibz, qui eam persoluerint, restitui incipiat, aliquo etiam emolumento adiuncto: certaque in eam rem delegantur vectigalia. Interdum verò senatusconsultum de collatiis ex censu pecunia ante nostram tempestatem, ita fieri solebat, vt de reddenda nulla fieret mentio, neque vllum certum tempus constitueretur nisi id commodum reipublicæ fuisset. sed magistratus, qui præfectus mutuis dicebatur, quod nomen adhuc quoque retinet, acceptam ab vno quoque ciuium eam vim pecuniæ in codices referebat: interimque donec restitueretur, singulo quoque anno quini nummi aurei pro centenis collatis, veluti vectigalis loco, ciuibz creditoribus numerabantur: quem in vsu multa vectigalia erant assignata. Qua ratione priscis bellis facilis erat pecuniæ exactio, quæ ex censu soluebatur. neque verò iniquum existimari debet, ciuibz qui rem familiarem temporibus reipublicæ necessitatibus consumpserant, aut magna ex parte imminuerant, vicissim aliquid impendi ex redditibus publicis. Nam quemadmodum partes totius incolumitati consulere debent, ita natura comparatum est, vt totum curam habeat, ne partes magnum incommodum pariantur, sed pro viribus provideat, vt incolumes perdurent, alimentaque illis parata sint, quibus reficiantur & conseruentur. Verûm nostra ætate hoc æs alienum reipublicæ adeò ingens erat, vt in illud emolumentum quod diximus ciuibz erogari, trecenta fere nummorum aureorum milia singulis quibusque annis impenderentur. Quorum solutio proximis annis propter angustissima reipublicæ tempora

- A** pora quum intermissa fuisset, eodem quarto ab hinc anno, referentibus Dominico Triuifano Senatore amplissimo, atque Andrea Gritto, cuius ducis auspiciis nunc respublica Venera regitur, sapientissimo atque integerrimo Senatore, factum est senatusconsultum ut nulla amplius emolumenti erogandi mentio fieret, neque in codicibus publicis post id tempus id æris acceptum à ciuibus referretur. verum ne omnino à republica fraudati esse viderentur, capitis restitutioni, necnon etiam emolumenti quod ad eam diem eis debebatur, cum multa vectigalia assignata sunt, tum reipublicæ possessiones omnes in agro Rodigiensi posite, sunt distributæ. Cuius muneris maxima parte nos functi sumus, qui illo tempore magistratum gerebamus, qui ante nostra tempora institutus præcipue fuerat ad huiusmodi æs alienum reipublicæ minuendū, aut si fieri posset extinguendum: de quo pauca infra dicemus. sicque magna pars ingentis atq; incredibilis ferè publici æris alieni imminuta fuit, necnon priuatorum ciuium facultatibus satis commode cōsultum, ita tamen ut prior ac potior semper fuerit reipublicæ ratio quam priuati commodi. quod institutum à maioribus nostris ad hæc vsque tempora per manus deductum est. Ut ergo redeamus unde diuertit oratio, Præfecti mutuis eam pecuniā exigūt, quæ à priuatis ex censu in reipublicæ vsus necessarios confertur: acceptamque in suos codices referunt, ac demum vrbani quæstoribus numerant. iidemque præfecti curam habent exigendi à quæstoribus vrbani eā summā pecuniæ, quæ quotannis erogari solebat in vicem redditus ciuibus priuatis: eamque & acceptam & expensam in suos codices referebant. Pecunia verò quæ ea lege ex senatusconsulto erogatur, à priuatis ut certo tempore restitui debeat, à proprio quodam magistratu & exigi & restitui solebat. nunc vniuersum hoc munus gubernatoribus redditus demandatum est. Alius etiam præter hos est pecuniarius magistratus minime prætereundus, qui in eam cōram incumbit, ut ciues ætarios factos, eosque qui constitutam non persoluerunt pecuniam quam ex cēsu debent, inuestiget: eorumque bona publicet, & tandem sub hasta vendat. Nonnulli sunt præterea magistratus pecuniarij, à quibus ætarij ciues inuestigantur: rationesque in publicis codicibus priuatorum ac reipublicæ diligenter inspicuntur, ne qua fraus publicis redditibus atque ætario fieri possit: quos consulto prætereo ne tedio lectorem afficiam. neque enim momenti quippiam habent ad eam, quam potissimum hoc opere mihi exponendam reipublicæ gubernationem institui. Præter hos magistratus nonnulli etiam sunt, qui ad ciuitatis commodum, & ad bene beateque viuendum plurimum valent, ideoque à nobis minime sunt omittendi. Primi nobis se offerunt monetæ aureæ argentæque præfides, qua cum externis hominibus ciuium commercia & ipsorum inter se maximè cōtinentur: deinde annonæ triticeæ præfecti, itemque salubritati Venetæ ciuitatis præfecti, sine quibus vita constare non potest, præterea amplissimi Naualis præfides, Ædiles quoque qui viarum & pontium & huiusmodi rerum resarciendarum curam habent qui perquam necessarij sunt: postremo amplissimus magistratus, quem procu-



ratorum Veneti appellant, ciuitati nostræ longè opportunissimus. De præfectis monetæ nihil est quod plura dicamus. eius magistratus illa cura est, ne argentum aut aurū imperfectius aut impurius cudatur quàm lex statuit: neve nummi sint minores pondere, quàm lex iubet. quod sanctissime apud nos obseuatum fuit. quamobrem maximo in precio apud omnes nationes barbaras, nedū apud Christianos, Veneti nummi semper fuerunt, hodieque sunt. Cæteri namque principes plerique omnes impurius aliquanto argentum & aurum cuderunt, vt facilius impensis satisfacere possent. At nostri constantissime semper hac in re dignitatem à maioribus acceptam retinuerunt. Magistratus verò, qui annonæ triticæ præfectus est, ciuitati Venetæ perquam necessarius est. etenim cum nulla propè frumenti vis ex agro Veneto colligatur, quod omni ex parte vrbs æstuariis amplissimis continetur, ciuitasque hominum multitudine abundat, opus est rei frumentariæ magnam haberi curam: nequando populus, cuius commodo maiores nostri maximè consultum esse voluerunt, rei frumentariæ inopia laboret, nimisque annonæ caritate prematur. Idcirco rei frumentariæ tres sunt præfecti, qui xvi mensibus magistratum gerunt. horum est officium providere, ne ciuitas vnquam frumenti inopia laboret. quæ si quando timeatur, Principem Sapientumque collegium adeunt, reque inter eos discussa decernunt quæ ad frumenti copiam comparandam vsui esse videntur. Quandoque etiam solet certa merces ex ærario his constitui, qui ex longinquiorebus prouinciis frumentum Venetias aduexerint. Interdum ære publico triticum mercantur à negociatoribus, qui polliceantur certam vim frumenti statuto tempore, atque ex certis etiam prouinciis se Venetias delaturos: quod nisi præsent, pecuniaria multa plectuntur: quod, autem Respublica magno pretio emerit, vili vendit, vt commodo populi atque inopiæ consulatur: qua in re magnam interdum iacturam ærarium facit. De re frumentaria præterea plurimæ sunt leges pulcherrimæque instituta: quæ si in præsentia recenserè, longius quàm par sit ab instituto digrederer. sequitur magistratus is cui vrbs salubritas est curæ. huius præcipuum munus est, providere ne aliquo pacto ex contagione tabes in ciuitatem serpat. quod si clàm quâdoque obrepserit, vt nonnunquam solet accidere, sedulo operam dat, ne lōgius vagetur. Quare ædes publicæ amplissimæ in æstuariis ædificatæ sunt, intervallo trium millium passuum ab vrbe: quibus finitimi sunt horti lætissimi. eas in ædes, si quis ex plebe eo morbo agrotare cœperit, confestim cum tota familia deferitur. hi verò qui cum ægotante consuetudinem aliquam habuerant, opus est, ne alios inficiant, vt proprios lares deferant, concedantque ad alias ædes publicas, itidem extra urbem in eum vsum conditas, regione à prioribus longe diuersa; ibique xxx dies detinentur: in quibus si sani persisterint, ciuitati ac domesticis laribus restituntur. supellectilis quoque magna cura habetur, ne eius cōtagione quispiā inficiatur. hic quoque magistratus providet ne quid putridū aut quod incolumitati ciuitatis officere possit vëdatur: demū id sedulo curat vt quàm saluberrime Venetiis degatur. atque hoc præfectorū genus

- A** genus nō multo ante nostrā tempestatē institutū fuit: cum quidē antea creberrime vrbs pestilētia laboraret, adeō vt pleriq; omnes vi tabis scuiēte proprios quandoq; lares defererent, & in continentē proximam secederent, sed postquam nouo huic magistratui hæc cura demandata est, numine diuino fauente, nulla penē pestilentia fuit. interdum quidem, quod in magna hominum vndique confluentium frequentia vitari non potest, nonnullæ domus infectæ fuerunt, cura vero huius magistratus, Deique auxilio, latius vagari malum non potuit. Nunc de amplissimi naualis præfectis dicendū est: quod certē non solum Venetæ vrbi magno est ornamento, sed etiam vniuersæ Italiæ, non mediocrem dignitatem affert. immensum opus est & admiratione dignissimū, in ea vrbs regione quæ præter alias mari vicina est, & præterea maxime commoda, ædificatum, ac in tres sinus, seu si malueris, recessus excavatum: intra quos mare recipitur vnico tantū ostio tam lato vt etiam satis sit ad maximas triremes capiundas. Munirum est ostium duabus turribus ex vtraque parte, suntque hæc ponte sublicio iunctæ portisque cancellatis; quæ nunquam referantur nisi quum opus sit triremes educere, seu in nauale inducere. nullibi etiam aditus ad interiora naualis patet, præterquam hoc vno ostio ingredientibus. primus occurrit omnium quidem minimus, sed amplius tamen sinus, tectis circum ac contignationibus in modum fornacis vndique extructus: huc subducuntur è mari triremes, vt illis vtendum non sit, multos annos incolumes & illæsæ permanent. Nouas item sub eisdem tectis ædificant, veteres subducunt & resarciunt: magnum sanè opus, & inaximi ornamenti, & ad naues fabricandas vtilissimum. Post hunc sinum alius est interior amplissimus, omni ex parte circum eiusmodi tectis, vt dixi, instructus: nec vllum ex eis inspicias triremibus vacuum, sed aut binis plenum, si tecta fuerint latiora, aut singulis si angustiora. Tertius verò non minor secundo, paulò ante nostram ætatem superioribus additus fuit, isque mœnibus pulcherrimis circūseptus. in eo autem plura sunt tecta ædificata, quamuis non sint omni adhuc ex parte perfectæ: verum summa cum diligentia opera datur vt illi ædificationi manus imponatur extrema. Tres hi recessus inuicem sunt peruij, atque vnico muro ambiuntur nonnullis turribus distincto, in quibus vigiles excubias noctu agunt; ne quid detrimenti tam insigne opus vi ignis iniecti, seu dolo facinorosi cuiuspiam, seu casu quopiam, vt interdum euenire solet, accipiat. Intra mœnia tabernæ sunt armamentorum amplissimæ, vniuersæque nauticæ supellectilis fabri suas ibi omnis generis rerum quod ad rem naualem pertineat, officinas habent. Ibi funditur æs ad tormenta conficienda: magnaque in vsum tormentorum vis pulueris conficitur. vt rotum in pauca cōferam, nihil ad rem nauticam pertinet, quod non in eo nauali reperiat. ibi videre licet ingenrem fabrorum multitudinem, quorum quisque suo munere fungitur. Sunt præterea nonnulla atria beæe ampla, in quibus ingens armorum copia, tormentorum scilicet ac telorum, ad vsus bellicos seruatur, ingēs etiam velorum, remorū, armamentorumque

omnium, in suis quæque cellis condita est: ut cum Senatus armandam classem decreuerit, omnia quæ requiruntur ad eam rem, prompta atque parata habeantur. His rebus officiisque omnibus præfectus est magistratus, de quo dicere institueram, cuius consilio ac diligentia omnia, quæ ad nauale pertinent, administrantur. is fabros deligit cum lignarios tum ætarios ceterosque opifices qui ad opus faciundum admitti debent, ac ne quispiam desit officio suo, diligentissime curat. Huic magistratui pecunia ex ætario ad sustinendos sumptus navalis numeratur, collegio tamen prius consulto rationibusque, apud illos patres relatis. Apud maiores nostros, penes quos res maritimæ magno in precio erant, hic honor magnus habebatur: temporibus tamen nostris magistratus huius dignitas est imminuta, ac penè cecidit. itaque si quando aliqua res extiterit, quâ diligentius administrare oporteat, alios ciues ac Senatores, summæ dignitatis homines, Senatus navali præficit, qui ius in priores habeant, eisque veluti ministris utantur. Postremo loco sunt à nobis recensendi diui Marci procuratores, amplissimus omnium præter ducem magistratus: quippe qui præfinitum tempus non habeat, sed unâ cum vita terminetur. Huic honori coniuncta est perpetua Senatorij ordinis dignitas, ac ius suffragij ferendi æquum cum legitimis senatoribus. illud etiam præ aliis omnibus magistratibus obtinuerunt. nam cum ceteris à senioribus ciuibus non cedatur, nisi certis locis certisque subselliis, procuratoribus ubique idem honor præstat. quocunque enim loco sedeat, illis semper ceditur, digniori que sede semper honestantur: non secus ac si quouis in loco sui magistratus munere fungerentur. horum officium est tutelam pupillorum habere, quibus propter ætatem tutela indigentibus, nullus defuncto parente ex testamento tutor est institutus. veluti ergo publici quidam tutores à Republica sunt instituti. hi diui Marci procuratores dicuntur, quod munus cum egregiam fidem ac sanctitatem vitæ præcipuam requirat, hi ciues huic officio delegantur qui iam publicis ferè omnibus muneribus defuncti, spectataque sunt probitatis: in quo versantes tanquam milites emeriti perpetuam obtinent Reipublicæ administrationem. Priscis temporibus tam magna fuit non tantum Venetiis, verum etiam apud exterarum nationum, huius magistratus existimatio, ut plerique exteri homines, nedum indigenæ, testamento suo hosce procuratores hæredum suorum tutores ac totius rei domesticæ curatores instituerint. eorum fidei magna pecuniæ vis pauperibus eroganda commissæ est. adeo ut nostris quoque temporibus ingentes opes ab hoc magistratu administrantur, ac pro eorum arbitrio in usum pauperum distribuuntur. hic magistratus initio institutus fuit, ne hæreditates ciuium qui pro tuenda seu etiam pro amplificanda Republica apud exterarum nationum decederent, aut studio rei familiaris negotiis ac mercimoniis occupati peregrinè morentur, nullo condito testamento, per fraudem quampiam ab hæredibus pupillis auerterentur. Quæ de causa effectum est, ut ciuibus illis publice ea cura demandetur, de quorum probitate omnibus compertum sit. Principio tres fuere. deinde aucta ciuitate tres alij additi, hac tamen ratione distributi, ut veteres pupillorum, qui

- A qui citra riuum magnū qui urbem mediam interfuit habitant, curam habeant: tres item curent eos qui vltra riuum magnū proprios habent lares: dimidiam urbem alteri, item dimidiam posteriores curent. Tres verò præter hos patroni sunt amplissimi atque augustissimi templi, quod diuo Marco Euangelistæ dicatum est, sub cuius numine Veneta Respublica bonis legibus aucta est, in ditionemque imperij creuit. ab his postremis tanquā à nobilioribus nomē in omnes deductum est, vt diui Marci procuratores appellentur. De huius templi structura, de marmorum, columnarumque copia, de porphyritide ac prasio lapide, de opere tessellato atque aurato, quo tum laquearia, omnesque fornices confecti, tum vniuersum pauimentum stratum est, quia nemo ferè mortalium est quin vel visu cognouerit, vel tanta percepit, nihil mihi statui esse dicendum. huic instaurando tēplo, si qua in parte labascit, eiusque sacerdotibus, tres hi procuratores præsent, operamque dant vt pro ciuitatis dignitate & pro amplitudine patroni diui Marci Euangelistæ Deus optimus in eo templo pie atque magnifice colatur. hi sunt qui præter cæteros magistratus meo iudicio perquam necessarij videri debent ad bene beateque viuendum. Nam & monetæ cudendæ cura nequaquam negligenda est, qua omnium commercia ciuium continentur, annonæque triticeæ copia sedulo procuranda. nec minor bonæ valetudinis ciuium cura habenda minimeque omittenda viarum ac pontium idque genus ædificiorum instauratio. hæc communia cuique ciuitati. ista verò ad Venetias magis attinent, rei scilicet maritimæ procuratio ac pupillorum tutela, cum multi ciuium tum propter publica negocia, tum propter metcaturæ industriam peregrè profecti diem obeant. idcirco magistratus qui his muneribus incumbant publicè instituti sunt, vt nulla in parte maiores nostri communi bono defuisse videantur, si quis diligenter omnem huius Reipublicæ institutionem ad-
- nimaduertat.



## LIBER QVINTVS.



OSTQVAM omnis fere ratio gubernationis Rei-publicæ à nobis exposita est, omnesque recensiti magistratus urbani, non importunam alienamve ab opere rem facturus videbor, si de magistratibus exteris verba fecero: iis scilicet quibus ciuitates quæ in nostram venerunt societatem regi soleant: postea de militaribus imperiis, ac demum de muneribus aliorum ciuium, qui patricij non sunt ordinis. His etenim expositis extrema manus com-

mode operi instituto imposita videri poterit. Insignioribus ciuitatibus quæ in Veneri imperij societatem venerunt, quatuor magistratus præficiuntur. prætor vnus omnibus ius dicit, & forenses lites diuidi cat, atque in fontes animaduertit. habet is prætor in iudiciis proferendis assessores homines iurisperitos, quorum consilio vitur. & licet apud prætorem sit omnis autoritas, præter hunc est præfectus, qui militibus præest, qui urbem vel agros urbis coluerint. in hos prætori nullum est ius, sed præfectus tantum ius in eos habet. Arcis præterea, mœnium portarumque cura præfecto est demandata, vestigalium etiam ac reddituum omnium tum urbis, tum agri totius. præter hos quæstor vnus, aut duo. hic magistratus pecuniam publicam administrat, impendit & exigit, habetque codices rationum publicarum. nihil tamen ferè agit nisi ex mandato præfecti. ac interdum vtriusque, scilicet prætoris & præfecti. Ea enim ratio administrandæ utilior visa est, quàm si penes eundem esset & autoritas & administratio ærarij. facilius namque liceret per fraudem ærarium peculiari. id vero pecuniæ quod reliquum fuerit ab impensis, Venetias ad quæstores urbanos deferretur, ad quos vt suprâ diximus vndique pecuniæ publicæ conferuntur. Quartus qui in vnaquaque urbium magistratum obtineat, est custos arcium. alibi vnus, alibi plures sunt: hi que militibus præsident qui arcem tinentur, curamque habent armorum, commeatus, & tormetorum quæ ad munitionem contra hostes in arce posita sunt. neque tamè custos ita præest arci, quin præfecti imperio subiectus sit: cui quidè omne ius omnisque potestas in huius generis rebus curandis tributum est. In minoribus vero ciuitatibus seu urbibus nullus est præfectus, sed prætor vtriusque partes agit. in oppidis quoque quæ in agris maiorum urbium frequentia sunt, solus prætor est qui ius oppidanis dicat, nullus præterea magistratus. nam quæstores ac præ-

- A ac præfecti principum urbium in vniuerso quoque agro ius obtinēt. A prætoribus omnibus ad auditores novos prouocatio est. Aduocatores etiam quandoque sententiis capitalibus prætorum intercedere solebant: sed quoniam vsu plerumque euenire solitum erat vt iudicia protraherentur, neque fontes criminum ac scelerum pœnas darent: lata fuit lex à decemuirum collegio, minime id iuris Aduocatoribus amplius in sententiis esse, quæ à prætoribus assidentibus iurisperitis quos secum comites ducunt, vt suprà dixi, pronunciatæ essent. Et hæcenus quidem satis de magistratibus quibus Respublica tum domi tum foris administratur. Verum quoniam non tantum pacis, sed etiam belli gerendi ratio habenda est, quam vniuersam qui neglexere, vt inquit Plato in Politico, libertatem diutius tueri nequiverunt: ideo qui recte Reipub. institutionem posteris tradiderunt, illud imprimis admonuerunt, vt ciues instituantur ad vtrumque munus, vt scilicet bello gerendo idonei sint, & domi in pace legibus subiecti institutisque patriis in præclara aliqua functione viuant, ita vtramque rem amplectētes, vt virtutes artesque bellicæ referant ad studia pacis, tanquam ad potiora. vnaquæque etenim res eam habet à natura insitam vim, vt primum bonum sibi quisque cōueniens appetat: deinde vt contrario obstat, nitaturque quātum possit à se iniuriam propulsare: quæ res in animante natura omnium perfectissima, dilucidius dignoscuntur. Nam vnicuique animali tributa est vis appetendi, qua profequatur id quod naturæ suæ consentaneum fuerit. præter hanc vnicuique adiecta fuit vis irascendi, quam Plato in corde atque in præcordiis collocauit, vt scilicet animal quodcunque, eius virtutis stimulis actum, contrarium naturæque repugnans repelleret. Vtriusque igitur partis virtutes, quarum semina in animis hominum natura indidit, civilem virum fouere oportet, & ad frugem perducere, sicque & belli & pacis gerendæ rationem habere. Quæ ratio à maioribus nostris non fuit neglecta, vt quibusdam videri solet: sed quoniam initio in mari ædificata ciuitas, quæ multis annis imperium contempsit continentis, terrestris belli studiis detineri non potuit, vniuersam se ad maritimum bellum conuertit: in quo egregiam operam nauauit, & pro tuenda libertatē & in hostibus vlciscendis: multa que præclara Venetorum gesta ptiscis monumentis memoriæ prodita sunt, plurimique triumphi ex deuictis hostibus & eorum classibus superatis reportati: ex quibus facile quiuis intellexerit Venetos in re maritima longe alius præstitisse. Victa tandem post longum tempus superioris consilij sententia precibus finitimorum populorum, quorum quisque sui reguli tyrannidem, quam diutius passus fuit, amplius tolerare non poterat, adhibuit animum Senatus ad continentis imperium: vniuersamque Venetiæ regionem pulsus tyrannis, ac passim ciuibz deditionem facientibus, veluti postliminio recuperauit: quæ libenti animo redibat ad veteres incolas, eiectis tyrannis exteris, qui ex reliquiis barbarorum in tota regione confederāt, durissimæque seruitute victos eos populos premebant. Prolato igitur imperio in cōtinentem præterquam quod bonis legibus, & pacis studiis ij populi erant recreandi, qui nuper ve-
- B
- C
- D

mestica nonnihil consulebat ac proderat. Hæ priscæ leges & huiusmodi in-  
 stituta etiam nostra tempestate perdurant, licet plerique adolescentes am-  
 bitione aut luxu post ampliatus imperium corrupti patrias institutiones  
 neglexerint: ac civium copia adeo crevit ut nostra ætate ingruentibus bellis  
 ac retum domesticarum dispendiis longe plures effecti sint pauperes, quàm  
 ut satis consuli illis queat istius legis beneficio. Ita namque natura compara-  
 tum est, ut nihil inter homines perpetuum esse possit: verum cuncta quam-  
 uis initio perfecte constituta esse videantur, post aliquot annos natura in de-  
 terius labente instauratione indigent: adeò ut quemadmodum corpus præ-  
 dio saturatum diutius incolumitatem seruare non potest nisi post aliquot  
 horas cœna successerit: sic in vnaquaque re opitulari oporteat naturæ ad in-  
 teritum labenti, atque instaurationem adhibere. Huiusmodi rationem nos  
 quoque Deo bene iuuante imitabimur, ac aliquod remedium excogitabi-  
 mus. quo fit ut hac etiã in parte nihil sit in nostra Republica desiderandum.  
 sed de his hæcenus. Nunc à nobis recensendi sunt magistratus qui præfi-  
 ciuntur rei maritimæ. Vnaquæque triremis ad bellum instructa præfectum  
 habet virum patritium, qui in ea triremi omnium potestatem obtinet, præ-  
 tet quàm vltimi supplicij inferendi. veluti in terrestri militia Centurio, seu  
 acie præfectus eorum curam habent qui fuerint in sua acie. Hic triremis  
 præfectus nautas cunctaque quæ in sua triremi sunt, & quæ ad eius appara-  
 tum faciunt diligenter curat. Quotannis quamuis nulla necessitas sit, Vene-  
 ti aliquot triremes atmant, quæ reddant mare tutum nauigantibus; secu-  
 ramque nauigationem compressis piratis præstent viris bonis qui res suas a-  
 gunt sine alicuius iniuria. Præter triremium præses est totius classis lega-  
 tus, qui imperium habet in vniuersam classem, & in cunctos triremium  
 præfectos. hic veluti legatus exercitus, nisi adsit Imperator, ius habet &  
 capite mulctandi quos velit & dirigendi classem quò maluerit. hic quoque  
 magistratus semper ferè etiam pacis tempore creatur, præficiturque his tri-  
 remibus, quæ atmata sunt. Quòd si tempora Reipublicæ ita postulent ut  
 magna classis paranda sit, tunc vniuersæ classi præficiunt Imperatorem, qui  
 tum in classe tum in cunctis prouinciis maritimis amplissimam potestatem  
 habet; ac eam propè quam olim in Romana Republica Dictator retine-  
 bat, nisi quod omnibus in rebus paret auctoritati Senatus & Reipublicæ de-  
 cretis. summum tamen illi ius tributum est, cum in classem, præfectos, le-  
 gatove classis, tum in prætores ac magistratus omnes qui cum imperio  
 sunt in locis insulisque maritimis, ac munus publicum exercent: adeò ut  
 cum classis Imperator ad aliquam ciuitatem accesserit, continuo ei sacer-  
 dotum eleus obulam prodeat, clauis portatum & artium ei dentur, iura  
 prætorum fideant, ab omnibus magistratibus ad Imperatorem liceat pro-  
 uocare. Quin si ita ei libuerit, potest solus ius dicere, solus administrare  
 pecuniam publicam, ac denique solus omnium potestatem habet. nullus  
 est apud Venetos magistratus maioris auctoritatis, idcirco raro admodum  
 classi Imperator præficitur. Non enim temere nisi rerum necessitas ita exi-  
 gat



- A gat, alicui conceditur tam magna potestas vt omnia vnius ciuis arbitrio pēdeant. Hoc in loco ea lex non est à nobis prætermittenda, Imperatorem, Legatum, præfectumve classis vllum non posse cum triremibus armatis ingredi Veneram urbem, neque etiam tunc cum in patriam redit: sed cum primum Istriam peruenit, quæ prouincia centum ferè milibus passuum ab vrbe distat, stipendium nautis ex legis decretis solui debet, ibique omnes dimitti: deinde triremes à paucis Venerias deduci solebant, ac in nauale subuehi sub tecta in eum vltum ædificata, vbi tutæ seruantur à ventorum & pluuiarum iniuria: nunc lex hæc non ita omni ex parte seruat, quemadmodum patrum nostrorum temporibus seruabatur. Recensiti à nobis
- B sunt omnes ferè magistratus, quibus, veluti coronam & apicem maiores nostri imposuere eos, quos vernaculo vocabulo à Græca appellatione deducto, syndicos dicere consueuimus. nos eos appellamus recognitores, nouo fortasse nomine, sed satis idoneo ad idem munus explicandum. Hi post quatuor quinqueve annos creari solent, ac mitti tum in continentis oram nostræ ditionis, tum in regiones maritimas ac insulas: recognoscuntque gesta omnium prætorum atque aliorum qui foris publicam potestatem habuerint. In quos animaduertunt ea propemodum autoritate quæ Aduocatoribus tributa est. Nam vt sapienter Aristoteles inquit, hi qui in potestate sunt, nisi ex aliis pendeant, ægrè in officio persistunt propter iugentiam cuique malitiam. Peregimus iam omnes patritiorum hominum magistratus, quibus Respublica Veneta domi forisque administratur: reliquum est, vt ea ratio à nobis referatur, qua prudentissimi homines maiores nostri semper in officio plebem ac vniuersum populum continuerunt, rem certè supra omnium fidem, tot annos populum gubernationis publicæ expertem nunquam patritiorum imperium detrectasse aut ægrè tulisse, nec quippiam vnquam molitum esse vt mutata Reipublicæ forma ipse quoque ad ius publicum admitteretur, imò semper amantissimum atque obsequētissimum nobilitatis se præstitisse. Verum si quis præter sitis opportunitatem valde commodi ad Rempublicam tuendam, moderationem nostram in regendo animaduertit, comperiet populum non omnino repudiaturum fuisse: sed ad ea munera fuisse admissum, quæ ei committi poterant absque
- D rei communis detrimento. Ideoque facile perspicere poterit id in hac Respublica temperamentum extitisse, quod cæteris hominibus tum p̄scis tum iunioribus semper defuit. Quamobrem euenisse etiam comperiet, vt in cunctis aliis tumultus populares frequenter fuerint excitati, qui tandem omnes Respublicas euerterint. contra in nostra ciuitate ob eam causam nullum vnquam tumultum popularem aut seditionem extitisse. etenim necesse fuit, vt in exordio operis dixi, si recte Respublica instituenda erat, populum à gubernatione Reipublicæ excludi. qua in parte maiores nostri non tantum auctoritatem summorum philosophorum ac rationem secuti sunt, verumetiam imitati sunt Sesostrim antiquissimum Ægyptiorum legistatorem. qui vt in Politicis Aristoteles perhibet, genere distinctos vo-

luit esse eos qui à armis regionem tuerentur, quive de bono publico consulta-  
rent ac iudicia exercerent, ab agricolis mechanicasque artes exercentibus, ac  
mercenariam operam locantibus. Verum institutum hoc facile euertere, re-  
publicam poterat, nisi temperatio ea adhibita fuisset, quam maiores nostri  
sapientissimi homines adhibuere. Primum ergo apud Venetos constantissi-  
me hoc observatum fuit, ut omnibus æquum ius esset, neque ulli impunè li-  
ceret quenquam ne de plebe quidem vel infima iniuria afficere: patricium  
verò hominem contumeliam facere plebeio pro sacrilegio ac scelere maxi-  
mo semper habitum fuit. Quod si quis temerarius huiusmodi quippià per-  
petrate ausus unquam fuit, is sensit se impunè non abiisse: tantoque gravio-  
res pœnas dedit, quanto maioris existimationis dignitatisve fuit. Præterea  
diligenter à Senatu cōsultitur tum annonæ triticæ, tum omnium rerum co-  
piæ, quæ faciunt ad victum civium & ad incolumitatem totius populi: adeo  
ut magna interdum dispendia faciat publicum ærarium, ne civitas penuria  
laboret. quod cuilibet exploratum esse potest ex his quæ suprà à nobis dicta  
sunt, cum de præfectis annonæ triticæ ac de curatoribus publicæ salubritatis  
ageremus. Ac populi quidem hæc duo potissimum requirunt à rectoribus  
civitatum, ut scilicet commode vivant in rerum copia, neque obnoxij  
sint iniuriæ potentissimorum civium: quæ cum assecuti fuerint, res suas a-  
gunt cæterorum secuti. Nihil verò à maioribus nostris omissum fuit, quod  
ad ea duo pertineret, quin potius multa præterea addita sunt, quibus mirifi-  
ce consulitur populi commodo, arque eorum hominum inopiæ qui in stu-  
diis honestis Reipublicæ utilibus versantur, aut olim versati sunt, nec am-  
plius per ætatem aut imbecillitatem valetudinis id muneris obire queunt.  
Nam Venetiis innumeræ domus edificatæ sunt satis idoneæ aptæque rei do-  
mesticæ, quæ hominibus iisce gratis conceduntur, in quibus cum familia de-  
gant quoad vixerint sine rei familiaris dispendio. His adde quòd in navali  
amplissimo, quod vicem oppidi obtinet, constitutum stipendium est non  
mediocri hominum multitudini: qui tamen nil agunt seu propter senium  
seu ob incommodum acceptum; cum tamen tunc cum in florenti ætate es-  
sent, suum munus in edificandis trirēibus aut in huiusmodi quopiam ope-  
re Reipu. utili obierint. Præterea veteri instituto in contractibus emptionis  
venditionisq; mercium preciosisarum alteruter, emptor scilicet aut venditor,  
certum quippiam soluunt pro summa mercium: quod pauperibus nautis  
impartitur, qui amplius ei officio satisfacere minime possunt propter ætate,  
quam tamen in ea functione consumpserint. Cæterum præter hæc optima  
instituta ad continendam plebem in officio Reipublicæ nonnullas alias leges  
recensebimus, quæ sapientissime mihi à maioribus nostris inventæ videri  
solent, ut pro eorum hominum cōditione satisfactum pulcherrime sit ambi-  
tioni & honoris cupiditati, quæ in cunctorum animis natura insita est, nec  
tamen propterea gubernatio nobilitaris vlla in parte perturbetur. Vniuersus  
populus in duo geneta est distributus. nam quidam honestioris sunt ge-  
neris, alij vero ex infima plebe, ut artifices, & id genus hominum, quod ab  
Aristo-

- A** Aristotele in Politicis servorum publicorum esse perhibetur. vtrisque meo iudicio consultum est nec incommode nec inique. Nam plebeis hominibus qui suapte natura parum honori student, sed potius rei familiaris studio inferiunt, sua quædam iura concessa sunt, sui que honores: in tot enim classes distributi sunt, quot sunt artificia in quibus degunt, ac unicuique classis propriæ quædam datæ sunt leges, sub quibus sua quisque exercet officia. His præficiuntur totius classis suffragiis ex eorum numero nonnulli, qui non incommode: artificij illius præfecti appellari possunt. horum iussu multa præscribuntur, nonnullæque leuiores lites horum arbitrio dirimuntur. Quo fit ut pletique omnes artifices cum eius honoris compiores fuerint facti, in eo munere sibi placeant, putentque se non parum dignitatis esse assequutos, cum eo peruenerint, ut à sui ordinis hominibus ea præfectura digni habiti fuerint. Sunt præterea in vnaquaque classe quidam præfectis inferiores, qui tamen nonnullis existimationis sunt. hoc igitur modo magna in parte satis fit honoris cupiditati, quæ indita esse videtur animis etiam plebeiorem hominum atque infimæ plebis. Alterum populi genus honestius in Veneta ciuitate honorationem quoque locum habet, cui priuata quædam ac propria munera sunt constituta decora atque honesta, quibus patricij ordinis viri priuati sunt, nec ad ea vlla ratione accessum habet. quorum multa sunt, ut nec patricium hominem tum propter emolumentum tum honoris titulum eorum peruenire possit. Scribarum ordo honestissimus est, qui magistratibus quibusque assident. id munus plebeis tantum hominibus datur, patricio nulli: quod quamuis illustre non sit, est tamen honestum. eorum namque fidei & solertix codices scriptaque publica quibus res omnis priuata & publica continetur, commissa sunt. qua prouincia atque munere qui dignus habetur, is iure optimo & probi viri & industrij nomen habet, commendationemque apud homines non mediocrem. id autem eorum pletisque stipendium constitutum est, ut rei domesticæ non tantum tuendæ, sed etiam amplificandæ satis sit. Illi autem, qui sunt à secretis Senatus, omnes ex populo sunt, patricius nullus. Hic ordo superiore honestior est, idcirco illi ex populo qui nobiliori genere orti sunt, eo munere fungi solent. redditus habent ex ære publico non mediocres, neque vllum Senatusconsultum hos latet. semper nanque intersunt & collegij & Senatus consultationibus; ex quâ re in magno precio ab omnibus habentur. Ex his nonnulli seliguntur qui decemuiris ministrant, eorumque acta in codices referunt, ac consij omnium sunt quæ à collegio aguntur. quo in honore versantur quoad vixerint, non per vices quemadmodum patricij viri in suis magistratibus, quorum nullus præter procuratorium perpetuus est. Horum qui à secretis Senatus sunt, vnus primas partes tenet, ac Cancellarius Venetiarum nominatur, qui in maximo est honore. Nam à quouis patricio ei loco ceditur præterquam à procuratoribus. nullum is Reipublicæ ignorat atcanum: magni quoque sunt ei redditus ex ære Reipublicæ constituti: ac cum diem obierit, funebri oratione honestatur: quæ dignitas nulli in Veneta ciuitate defer-

ri consuevit, præterquam duci, aut cuiuspiam ciui qui sit extra aleam, vt dici solet, præterea nemini, quasi Cancellarius ducem ex populo referat. hic vnus creatur cõmitis magni cõsiliij. Cæteri omnes qui à secretis sunt à decẽviris eliguntur, atque subduntur eorum cẽsuræ, si quid in functione publica quam habent deliquerint. Omnes etiam populares cœtus, vt artificum classes & cuiusque artificij præfecti, nonnullique alij de quibus infrà dicemus, ex arbitrio decẽviriũ pendent atque eorũ ditioni subiecti sunt: illiusque collegij autoritate & initio cõstituti fuere & nunc continentur. quod sapientissime institutum fuit, vt is magistratus provideat, ne huiusmodi cœtus qui ad bonum publicũ sunt instituti, quandoque simulatione officij aliquid in Rempublicam moliantur: qui ad eius morbi cautionem initio creatus fuit, ne qua scilicet malorum ciuium cõspiratio faceretur negõcium Reipub. Sunt præterea Venetiis quinque societates initæ sub diuorum quorundã nomine & religione, in quibus innumeri homines sunt & plebei & patricij ordinis. Harum suas quæque vestes habet suæque insignia, quibus tamen non semper ac passim vtantur, sed cum simul coacti prodeunt, aut ad honestandum cuiuspiam funus, aut ad sacrum quodpiam munus. Festis diebus statutis cuncti ferre in suam societatem coguntur. ibi sacris primum interfunt. deinde inuisunt templa deorum immortalium, deumque optimum supplicationibus pompæque solenni venerantur. harum quæque societatum propriâ ædem habent, in qua amplum atrium ædificatum est, quò statutis diebus cõueniunt, vt exhibeant officij religioni quod debent. Etenim celebrant quandoque sacra mysteria, interdum simul coacti templum cuiuspiã diui inuisunt, sæpius exequias ac funus fratris exornant, cum eorum quispiã diem extremum clauserit: cuius etiam delicta expiant sacrificio ac precibus identidem repetitis. Præter amplissima illa atria singulæ destinatum conclaue habent, in quod coguntur societatum præfecti. qui magistratus est annuus, atque inter plebeios non mediocri dignitatis. hi simul congregati de agendis consultant, dantque operam ne qua in parte desint bono societatis. eorum quoque fidei magna vis pecuniæ pauperibus erogandæ commissã est. nam priscis temporibus tam ingentis fuerunt existimationis hæ societates, vt plurimi qui rem suam testamento legauerant in vsum pauperum distribuendam, hos potissimum tutores fecerint, quorum arbitrio ea pecunia erogaretur. quo effectũ est vt harum societatum aliquæ copia facultatum quæ in hos vsus quotãnis erogandæ sunt, procuratoribus diui Marci minime concedant: qui magistratus patricius amplissimus est. Ad hunc honorem, præfecturam scilicet istam societatu, patriciis viris nullus est accessus, quãuis sint è numero fratrum, sed plebei tantum homines illius dignitatis compotes esse queunt, vt hac etiam in parte populus nobilitatem æmuletur. hi enim societatum præfecti quodammodo in populo referunt procuratoriã dignitatem. Verum ne qua ratione huiusmodi societates atque hi præfecti Reipublicæ officerent, omnes sub potestate decẽviriũ continentur, vt ne quid immutare queant, aut in vnum cogi præter tempora statuta, nisi ex eorum arbitrio atque auctoritate.

Huius-

- A Huiusmodi honores in nostra Republica viris plebeis vtriusque ordinis constituti sunt, vt omnino expertes non essent iuris publici ac ciuiliū munerū, sed suæ honorum cupiditati ambitione hac ratione satisfacerent, neque statum nobilium aut odio haberent aut perturbarent. Quo gubernationis temperamento res publica nostra id cōsecuta est quod priscarum nulla alioquin illustrium nam à primis initiis vsque ad hæc tempora mille ac ducentis annis tuta permanfit, non tantum ab exterorum hominum dominatu, verumetiam à ciuili seditione quæ fuerit alicuius momenti, quod adepta est non vi vlla aut armatis satellitibus seu munita arce, sed æqua ac temperata ratione regendi: ad eò vt populus libenti animo pareat nobilitati: neque vllā
- B mutationem rerum optet, quin potius egregie sit affectus erga nobiles. Quæ res nostra tempestate potuit esse compertissima. Nam cum omnes Christiani principes conspirassent in perniciem atque exitium nominis Veneti, suscitauit nos exercitus fuisse à Ludouico Gallorum rege iuxta Cassanum oppidum agri Cremonensis ingenti clade, imminerentque inde Germani, hinc Iulius Romanus pontifex atque vniuersa penè cōtinentis ora ab imperio Veneto descississet: ea rerum angustia perturbatus Venetus populus, ad eò nihil in nobilitatem est molitus, vt lachrymantes omnes se suaque obtulerint ad reipublicæ defensionem, reque ipsa præstiterint. Nam Patauio vrbe propter incolarum animum erga nos egregie propensum nullo negotio recuperata, cum Maximilianus Imperator vndique contractis auxiliis ingenti exercitu eam urbem obsedisset, quàm plurimi nō tantum patricij verumetiam plebei ordinis sponte cum militibus stipendio eorum priuato conductis ad tuendam illam ciuitatem profecti sunt, egregiamque in ea expeditione operam nauarunt: ad eò vt imperator coactus fuerit reducere exercitum expugnatione vrbs non tentata. nec maiore negotio aliæ quoque ciuitates recuperatæ sunt, maximo populorum omnium fauore ex alieno imperio ad Venetum veluti ad portum tutissimum confugientium. clarissimum certè argumentum iustæ dominationis, cum volentibus imperatur. quod non absque ratione contigisse si quis bene attēderit, facile comperiet. Cuique enim ciuitati quæ in societatem Veneti impetij venit, municipales leges relictae sunt, multisque honoribus ciues in sua quisque ciuitate potiuntur: oppida autem non pauca in agris vrbiū sita à ciuibz ipsarum vrbiū ibi magistratum gerentibus gubernantur. His adde quòd pratoribus ciuitatum qui illustres sunt, assident cum ius populo dicunt homines iuris periti: quibus cum consultant antequam quippiam decernant. qui honos est non exiguus, nec modicum inde emolumentum ad eos venit. huius generis magistratibus fungi patricij Veneti non possunt, sed vel ex Veneto populo, vel vt plerunque, ex focis ciuitatibus deliguntur. Ex quibus facile quiuis intelliget, eam adhibitam fuisse in hac republica moderationem, quæ maximè videatur rerum naturam imitari. Nam in animantis corpore videndi officium respiciēdiq; munus solis oculis est attributum. reliqua verò munera ignobiliora cæteris membris relicta sunt quæ vsu videndi careant, sed pateant,

nec aliquo pacto obaudiāt his quæ ab oculis ita esse nunciata fuērint, néue aliò ferantur quàm quò oculi ea direxerint: sicquē optime vniuersum corpus consistit & conseruatur. Nō dissimili ratione in republica Veneta summa rerum gubernatio patritio ordini est demādata, veluti quibusdam oculis ciuitatis, ignobiliora officia cæteris ex populo: sicquē tāquam bene compactum corpus Veneti felicissime viuunt, cum oculi reipublicæ non sibi tantum sed vniuersis membris prospiciant: cæteræ verò ciuitatis partes, non tantum sui habeant rationem, verùm etiam hæc oculis veluti potioribus membris reipublicæ libentissime obtemperant. Quòd si in quapiam republica eò infanix venerint ciues, quod in plerisque cōtingit, vt populus videndi munere fungi velit atque oculorum officium vsurpet, continuo vniuersam rempublicam euertere necesse est. Quòd si etiam patricij ciues sibi tantum prospexerint, alia verò ciuitatis membra contempserint, irritato popu-

lo ad perniciem nobilitatis proculdubio male cum Republica atque adeò pessime agetur. nostri maiores naturam imitati vtri-

que incommodo prouidēre, illamque præstitere moderationem, vt nullus, nisi inuidus, locum habeat obtre-

ctandi tam rectæ tamque legitimæ institutioni. Quam

Deum optimū precamur diu seruet incolumem.

si enim quippiam boni à Deo immortali hominibus prouenire est credibile, hoc

præcipue diuinitus Venetæ vrbi ob-

tigisse persuasissimum esse

debet.



GASPARIS CON-  
TARENI S.R.E. CARDINA-  
LIS DE SACRAMENTIS  
CHRISTIANÆ LEGIS ET CA-  
THOLICÆ ECCLESIAE.



humanum genus, ac magis, magisque à Deo recederet, dæmonum malorum cultui emancipatum. Mansit tamen apud nonnullos homines, paucos quidem, sed opimos, & sanctissimos vnius veri dei cultus, ac diuino instinctu, Sacramenta, & sacrificia quædam instituta; quibus veluti signis fidei, quæ illis inerat, redemptionis nostræ per Christum, & expiabantur, & sanctificationem recipiebant. Moses his superuenit, per quem data est lex populo illi, semini, inquam, Abraham, Isaac, & Iacob, quibus promissum à Deo fuerat ex eis oriturum semen, in quo benedicerentur omnes gentes: in lege verò à Deo instituta fuerunt quædam Sacramenta, in quibus apertius significata fuit redemptio futura per Christum. In Mosaïcis Sacramentis præ aliis omnibus expiationibus, & lotionibus præcipuum obtinuit locum Circuncisio, quæ Abraham ante legem tradita fuerat, à lege verò summa cum veneratione accepta. Hæc, ut inquit Apostolus, fuit signaculum iustitiæ fidei, quæ fuerat etiã in preputio patris nostri Abraham. Expiabatur infans Circuncisione à labe peccati originalis ratione fidei, cuius signum fuerat Circuncisio. non ergo Circuncisio aliquo pacto efficiebat iustitiã, quæ occulte diuinitus infundebatur, sed tantum significabat reconciliationem, & expiationem, quæ tunc conferebatur diuina vi homini, Circunciso. Alias verò expiationes, quæ lotionibus, & asperisionibus fiebant, Apostolus appellat iustitias carnis, eò quod non pertinebant ad emundationem animæ, & spiritus purificationem, & peccatorum abolitionem; sed tantummodo ad expiationem immunditiæ carnis contractæ, vel ex contactu cadaveris, vel ex lepra, vel ex quapiã huiuscemodi causa, seu etiam ex peccato quopiam: significabant utique futuram expiationem animi, & eius figuræ erant, non tamen ad eam attingebant vllò pacto; quod tamen in Circuncisione factum fuisse, iam superius dictum à nobis est. Sacramenta ergo Veteris legis, proportionem quadam, legi ipsi respondebant. Nam sicuti lex non ducebat ad perfectum, sed finis eius erat ( quantum ad hanc partem, de qua agimus, quæ ad cæremonias spectat ) perducere homines ad cultum Dei spiritualem, per fidem Christi explicitam hoc carnali, & corporeo cultu: ita etiam Sacramenta legis, vel signa erant expiationis animi, quæ in aliquib<sup>9</sup> fiebat diuina vi, ut in Circuncisione, vel corpus expiabant ab irregularitate quadam contracta ex immunditia quapiam corporea, aut ex aliquo peccato, quo impediébatur à cœtu sacrorum, & populi. Post Moysen promulgato Evangelio per Christum, longe nobiliora ab ipso instituta sunt Sacramenta quæ & significarent expiationem, & sanctificationem, & significatione ipsa efficerent, de quibus à nobis hoc opus est institutum. Verum ut colligamus id, quod ex superioribus patere facile potest, communis quædam animi cõceptio semper fuit, Sacramenta ea esse, quibus spirituale quodpiam arcanum sub re sensibili contineretur: vnde à Græcis appellata fuisse Mystèria, id est, arcana. Illud hic animaduertendũ, ne decipiamur, ut quibusdam accidit. Nam apud Veteres, & in Sacris literis, sæpius Sacramentum dicitur id arcanum, quod latet, interdum verò sensibile signum illud, sub quo latet arcanum dictum est Sacramentum: non quòd ipsum

**A** ipsum sit arcanum, quippe quod patet sensui, sed quoniam sub se contineat arcanum, quod quidam ignorantes non intellexerunt locum Pauli in Epistola ad Ephesios, ac propterea negauerunt matrimonium esse Sacramentum, eo quod Paulus dicat, postquam disseruerat de vxore, & viro: Hoc autem magnum Sacramentum est, dico autem in Christo & Ecclesia; quasi ex his Pauli verbis sequatur, matrimonium non esse Sacramentum, sed coniunctio Christi cum Ecclesia; verum si accuratius animaduertent hi sciolii, inuenirent ferè semper in sacris literis Sacramentum appellari arcanum. hæc etenim magis propria est Sacramenti significatio, in qua Mystèrium à Græcis appellatur. Nà apud Thobiam angelus Raphael inquit capite duodecimo, Sacramentum regis abscondere, bonum; id est, arcanum; opera autem Dei prædicare conuenit. Item in libro sapientiæ de iniquis dicitur, qui irriserunt pios, nescierunt sacramenta Dei. Item apud Danielem. ut quererent misericordiam à Deo cœli super Sacramento isto. sic in Apocalypsidicam tibi Sacramentum. Quibus omnibus in locis Sacramentum dicitur arcanum. Verum apud Theologos posteriores immutata fuit huius nominis ratio, ac appellarunt Sacramentum signum illud sensibile, sub quo latet arcanum spirituale, arcanum verò id quod latet appellauerunt Sacramenti. Nobis ergo tractaturis de Sacramētis Christianæ legis & Catholicæ Ecclesiæ, illud exordiū est sumendum, nullū humano generi polluto per peccatū originis, quo infectus vnusquisq; nascitur, qui per seminale rationē, id est, paternā originē trahit ab Adā, itemque magis, ac magis polluto peccatis, quæ i se vnusquisq; adultæ ætatis admittit, nullum inquam, patere aditum ad peccatorum abolitionem, & expiationem, ad reconciliationem, & gratiam ineundam cum Deo, nisi per Christum Iesum dominum nostrum, qui vnus mediator est Dei, & hominum, ut ait Apostolus, neque aliud datum est nomen, in quo oporteat nos saluos fieri. Verum Christi redemptionem nobis applicamus per fidem in sanguine eius, ut item ait Apostolus. Oportuit igitur homini, qui ex sensibilibus ad intellectualia peruenit, & cui contigit salus per hominem Christum constantem ex corpore humano & sensibili, sanctificationem, & expiationem adhiberi quibusdam rebus sensibilibus, sub quibus lateret hæc sanctificatio, & gratia, qua spiritualiter à Deo per Christum sanctificatur; oportebat etiam accessum sensibilem, & corporeum hominis sanctificandi esse ad res illas sensibiles, quo testatum faceret, se fide accedere ad suscipiendam sanctificationem, & gratiam. Qua de re beatus Thomas excellentissimus Theologus sæpenumero appellat Sacramenta protestationes fidei, quauis etiam sint protestationes fidei in ministris, qui ex fide Ecclesiæ Sacramenta dispensant. His fundamentis iactis, accedamus ad institutum, ac prius ordiamur à definitione Sacramenti. Duas ponemus, quæ cū eandē vim habeant, posterior tamen est priore explicatio. Prior est Augustini, qui dicit Sacramentum esse inuisibilis gratiæ visibilē formā. posterior est Vgonis de S. Victore viri doctissimi qui definit Sacramentū esse sensibile elementū similitudine representās, institutione significās, & sanctificatione cōtinēs in-

nerant in nostram societatem, danda etiam opera fuit ut tueri libertatē pos-  
 sent in quam se asseruerant. Cæterum Venetæ vrbs situs utpote quæ condi-  
 ra est in medijs æstuariis, minime patiebatur nostros ciues impēsius operam  
 dare bello terrestri, illiūve studio diutius detineri, sine magno periculo se-  
 ditionis civilis. nam ciues illos qui terrestris belli studiis se dedissent, maio-  
 rem anni partem agere in continenti, ibique & equos alere, & terrestribus  
 certaminibus se exercere opus fuisset: quin ut peritiores rei militaris fierent,  
 opus fuerat si quando domi ocium ab armis fuisset externa bella adiuisent,  
 in iisq; animū pariter & corpora durassent, ut in ea functione cum laude  
 versari possent & patriæ prodesse: secus autem si fecissent, inepti profecto  
 non tantū Imperatores, verum etiam milites fuissent. Hæc vero frequens  
 consuetudo continētis vrbisq; intermissio factionem quandam ciuium  
 facile peperisset ab aliis ciuib; disiunctam, quapropter proculdubio res  
 Veneta breui ad factiones ac bella ciuilia deducta fuisset. Omitto interim  
 quā magnos spiritus animi ciuium cōcepissent, cum plurimum armis po-  
 tuissent, habuissentq; frequentes adsectatores: ut hominum natura semper  
 ad malitiam pronior est. quæ res, ut ex priscorum monumentis facile intel-  
 ligi potest, semper Romanam Rempublicam vexauit, contumacesq; non  
 paucos Romanos ciues Reipublicæ legibus & Senatū decretis reddidit, ac  
 demum Iulium Cæsarem tyrannum Romanū imperij fecit. Ne ergo hu-  
 iusmodi quispiam morbus in Venetam ciuitatem obreperet, satius maiores  
 nostri esse statuerunt, ut continētis imperium externo potius ac conducto  
 milite quā Veneto defenderetur. stipendium verò illis statuit ex vestigiali-  
 bus totius provincie. æquū enim erat eius regionis impēsis militem vivere,  
 qui ad eam tuendam accersitus fuerat. in hanc militiam plurimi socij dition-  
 is nostræ adscripti sunt: quorum nonnulli ad summam iūperij in nostro  
 exercitu deuenere, atque ob res egregie gestas Veneta ciuitate patricioq; iure  
 donati sunt. Viger adhuc nostra ætate nomen Bartholomæi Goionei  
 Bergomensis, viri illustrissimi & summi Imperatoris, qui multa præclara  
 bella confecit, ac Venetam ditionem auxit: quapropter equestri statua in ce-  
 lestri vrbis loco à Republica honestatus fuit. Ciues igitur Veneti ea de cau-  
 sa, quam ætuli, terrestris militiæ gloria priuari sunt, eaq; ad externos delata  
 est. siquidem lege cautum erat, nullum patricium Venerum pluribus quā  
 xxv militibus præesse posse. hæc tamen lex nostra tempestate ob bella fre-  
 quētia quibus vexati fuimus, vi cōsuetudinis tanquā abrogata est. Cum autē  
 terrestre bellum ingruit, nonnulli patricij ordinis, ciues in exercitum mittū-  
 tur, qui dum bellum vrget, temporarium magistratum gerunt. quæstores hi  
 sunt, item legati, qui Imperatori exercitus externo homini semper adsunt.  
 neque ei quicquam aut facere aut decernere licet, nisi ex legatorum cōsilio:  
 Bello finito utrique magistratus domum reuertuntur ac in ordinem redi-  
 guntur, nec quicquam amplius iūris habent, hæcque est belli terrestrius  
 militiæ ratio apud Venetos. Bello verò maritimo ac naturali nostra ciuitas  
 natura magis idonea est, cuius studiis semper Veneti studuere. nam vrbs in  
 mari

- A mari condita patum timere poterat terrestres copias, quæ ei negotium facerent: ac non modo iniquum, sed etiam valde incommodum erat, comparare exercitum ex ciuibus, quem in continentem traicerent, ac finitimos populos bello lacerarent. Verum à mari quoniam iniuria timenda erat, quodque illatam propulsare non erat difficile, ideo vniuersa ciuitas ad studia rei maritimæ conuersa est, eoque iuuentutem legibus instituit, ac totius vitæ consuetudine firmauit. hic enim mos instituendi patricios homines semper fuit, vt à teneris annis vsque ad pubertatem sub pædagogi disciplina degerent, ac Latinis literis imbuerentur pro cuiusque capiu: ab ea ætate, præter paucos quosdam qui literarum studiis se manciparant genio naturæ ducti, omnes serè rei maritimæ ac familiari operam darent, ac alij quidem nauigabant ad longinquas oras, vbi mercaturæ industria rem domesticam augebant, simulque efficiebantur periti morum ac consuetudinis, legumque multorum hominum. plurimi conscendebant triremes armatas atque à teneris annis & corpus laboribus firmabant, & animum excolebant rei maritimæ disciplina, ac nàualis belli peritia: quibus artibus semper Veneti excelluere. Quin lege cautum fuit, quæ vsque ad nostra tempora peruenit, vt in vnaquaque triremi armata stipendium ex ære publico non exiguum duobus adolescentibus daretur ordinis patricij: quorum officium nullum aliud esset, præterquam imbui disciplina rei maritimæ: vtque id facilius assequerentur, quædam illis assignantur exigua munera, quibus curandis se exercentes proficiunt, & ad maiora capessenda idonei fiunt: grauius vero triremibus siue ad classem & rem bellicam instructæ fuerint, siue priuatim ciuibus locatæ ad mercaturam, octoni cuique iuuenes patricij quandoque attribuuntur: nec mediocre eis stipendium constituitur, vel ex pecunia publica, vel ex ære priuato, si ad mercaturas locentur, qui nauticis ac bellicis studiis in eis assuescant. Quin etiam priuatorum nauibus hoc onus legibus impositum est ad publicam vtilitatem, vt ex ære domini priuati hominis, vni seu duobus si natis maior fuerit, patricijs adolescentibus stipendium soluatur, quorum aliud nullum officium sit præterquam exerceri munitis nauticis. Concessa quoque his adolescentibus facultas est, vt in triremibus onerariis ac in nauibus priuatorum quibus adscripti sunt, ferre queant certam mercium summam nullo nautico soluto: quam si non habeant, ius hoc suum aliis concedunt ac locant. Quæ lege consultum fuit non solum exercitationi iuuentutis, verum etiam vtilitati tenuiorum ciuium, qui angustia rei familiaris premeremur. Quare facile intelligi potest, rationem instituendæ iuuentutis minime à maioribus nostris neglectam fuisse, vt nonnullis videtur: imò in ea nauium triremium copia, ducum amplius nobiles adolescentes, legis istius beneficio, alienis impensis ad triremes nauticam instruebantur: præterquam quod ciuili consuetudine ac more patrio, quilibet patricius iuuenis aut literis aut studiis rei maritimæ operam dabat: in qua exercitatione tum sibi plurimum, tum rei do-

Ee

mesticæ nonnihil consulebat ac proderat. Hæ præscæ leges & huiusmodi in-  
 stituta etiam nostra tempestate perdurant, licet plerique adolescentes am-  
 bitione aut luxu post ampliandum imperium corrupti patrias institutiones  
 neglexerint: ac ciuium copia adeo creuit vt nostra ætate ingruentibus bellis  
 ac rerum domesticarum dispendiis longe plures effecti sint pauperes, quàm  
 vt satis consuli illis queat istius legis beneficio. Ita namque natura compara-  
 tum est, vt nihil inter homines perpetuum esse possit: verum cuncta quam-  
 uis initio perfecte constituta esse videantur, post aliquot annos natura in de-  
 terius labente instauratione indigent: adeò vt quemadmodum corpus præ-  
 dio saturatum diutius incolumitatem seruare non potest nisi post aliquot  
 horas cœna successerit: sic in vnaquaque re opitulari oporteat naturæ ad in-  
 teritum labenti, atque instaurationem adhibere. Huiusmodi rationem nos  
 quoque Deo bene iuuante imitabimur, ac aliquod remedium excogitabi-  
 mus. quo fit vt hac etiã in parte nihil sit in nostra Republica desiderandum.  
 sed de his hæctenus. Nunc à nobis recensendi sunt magistratus qui præfi-  
 ciuntur rei maritimæ. Vnaquæque triremis ad bellum instructa præfectum  
 habet virum patritium, qui in ea triremi omnium potestatem obtinet, præ-  
 terquàm vltimi supplicij inferendi. veluti in terrestri militia Centurio, seu  
 aciei præfectus eorum curam habent qui fuerint in sua acie. Hic triremis  
 præfectus nautas cunctaque quæ in sua triremi sunt, & quæ ad eius appa-  
 ratum faciunt diligenter curat. Quotannis quamuis nulla necessitas sit, Vene-  
 ti aliquot triremes armant, quæ reddant mare tutum nauigantibus; secu-  
 ramque nauigationem compressis piratis præstent viris bonis qui res suas a-  
 gunt sine alicuius iniuria. Præter triremium præsidet est totius classis lega-  
 tus, qui imperium habet in vniuersam classem, & in cunctos triremium  
 præfectos. hic veluti legatus exercitus, nisi adsit Imperator, ius habet &  
 capite mulctandi quos velit & dirigendi classem quò maluerit. hic quoque  
 magistratus semper ferè etiam pacis tempore creatur, præficiturque his tri-  
 remibus, quæ armatæ sunt. Quòd si tempora Reipublicæ ita postulent vt  
 magna classis paranda sit, tunc vniuersæ classi præficiunt Imperatorem, qui  
 tum in classe tum in cunctis prouinciis maritimis amplissimam potestatem  
 habet; ac eam propè quam olim in Romana Republica Dictator retine-  
 bat; nisi quod omnibus in rebus paret autoritati Senatus & Reipublicæ de-  
 cretis. summum tamen illi ius tributum est, cum in classem, præfectos, le-  
 gatòsve classis, tum in prætores ac magistratus omnes qui cum imperio  
 sunt in locis insulisque maritimis, ac munus publicum exercent: adeò vt  
 cum classis Imperator ad aliquam ciuitatem accesserit; continuo ei sacer-  
 dotum electus obulam prodeat, clauis portarum & artium ei dentur, iura  
 prætorum sileant, ab omnibus magistratibus ad Imperatorem liceat pro-  
 uocare. Quin si ita ei libererit, potest solus ius dicere, solus administrare  
 pecuniam publicam, ac denique solus omnium potestatem habet: nullus  
 est apud Venetos magistratus maioris autoritatis, idcirco raro admodum  
 classi Imperator præficitur. Non enim temere nisi rerum necessitas ita exi-  
 gat

- A gat, alicui conceditur tam magna potestas vt omnia vnus ciuis arbitrio pēdeant. Hoc in loco ea lex non est à nobis prætermittenda, Imperatorem, Legatum, præfectumve classis vllum non posse cum triremibus armatis ingredi Venetam urbem, neque etiam tunc cum in patriam redit: sed cum primum Istriam peruenit, quæ provincia centum ferè milibus passuum ab vrbe distat, stipendium nautis ex legis decretis solui debet, ibique omnes dimitti: deinde triremes à paucis Venetias deduci solebant, ac in nauale subuehi sub tecta in eum vltum ædificata, vbi tutæ seruantur à ventorum & pluuiarum iniuria: nunc lex hæc non ita omni ex parte seruatur, quemadmodum patrum nostrorum temporibus seruabatur. Recensiti à nobis
- B sunt omnes ferè magistratus, quibus, veluti coronam & apicem maiores nostri imposuere eos, quos vernaculo vocabulo à Græca appellatione deducto, syndicos dicere consueuimus. nos eos appellamus recognitores, nouo fortasse nomine, sed satis idoneo ad idem munus explicandum. Hi post quatuor quinqueve annos creati solent, ac miti tum in continentis oram nostræ ditionis, tum in regiones maritimas ac insulas: recognoscuntque gesta omnium prætorum atque aliorum qui foris publicam potestatem habuerint. In quos animaduertunt ea propemodum autoritate quæ Aduocatoribus tributa est. Nam vt sapienter Aristoteles inquit, hi qui in potestate sunt, nisi ex aliis pendeant, ægrè in officio persistunt propter ingentem cuique malitiam. Peregimus iam omnes patritiorum hominum
- C magistratus, quibus Respublica Veneta domi forisque administratur: reliquum est, vt ea ratio à nobis referatur, qua prudentissimi homines maiores nostri semper in officio plebem ac vniuersum populum continuerunt, rem certè supra omnium fidem, tot annos populum gubernationis publicæ expertem nunquam patritiorum imperium detrectasse aut ægrè tulisse, nec quippiam vnquam molitum esse vt mutata Reipublicæ forma ipse quoque ad ius publicum admitteretur, imò semper amantissimum atque obsequētissimum nobilitatis se præstitisse. Verum si quis præter situs opportunitatem valde commodi ad Rempublicam tuendam, moderationem nostram in regendo animaduertet, comperiet populum non omnino repudiatum fuisse: sed ad ea munera fuisse admissum, quæ ei committi poterant absque rei communis detrimento. Ideoque facile perspicere poterit id in hac Re-
- D publica temperamentum extitisse, quod cæteris hominibus tum præcis tum iunioribus semper defuit. Quamobrem euenisse etiam comperiet, vt in cunctis aliis tumultus populares frequenter fuerint excitati, qui tandem omnes Respublicas euerterint. contra in nostra ciuitate ob eam causam nullum vnquam tumultum popularem aut seditionem extitisse. ctenim necesse fuit, vt in exordio operis dixi, si recte Respublica instituenda erat, populum à gubernatione Reipublicæ excludi. qua in parte maiores nostri non tantum autotitatem summorum philosophorum ac rationem secuti sunt, verumetiam imitati sunt Sesostrim antiquissimum Ægyptiorum legislatorem. qui vt in Politicis Aristoteles perhibet, genere distinctos vo-

luit esse eos qui armis regionem tuerentur, quive de bono publico consultarent ac iudicia exercerent, ab agricolis mechanicasque artes exercentibus, ac mercenariam operam locantibus. Verum institutum hoc facile euertere republicam potest, nisi temperatio ea adhibita fuisset, quam maiores nostri sapientissimi homines adhibuerunt. Primum ergo apud Venetos constantissime hoc obsecrum fuit, ut omnibus æquum ius esset, neque ulli impune liceret quenquam ne de plebe quidem vel infima iniuria afficere: patricium verò hominem contumeliam facere plebeio pro sacrilegio ac scelere maximo semper habitum fuit. Quod si quis temerarius huiusmodi quippiam perpetrare ausus unquam fuit, is sensit se impune non abiisse: tantoque grauioribus poenas dedit, quanto maioris existimationis dignitatis fuit. Præterea diligenter à Senatu cōsultum tum annonæ triticæ, tum omnium rerum copia, quæ faciunt ad victum civium & ad incolumitatem totius populi: ad eò ut magna interdum dispendia faciat publicum ætarium, ne civitas penuria laboret. quod cuilibet exploratum esse potest ex his quæ suprà à nobis dicta sunt, cum de præfectis annonæ triticæ ac de curatoribus publicæ salubritatis ageremus. Ac populi quidem hæc duo potissimum requirunt à rectoribus civitatum, ut scilicet commode vivant in rerum copia, neque obnoxij sint iniuriæ potentissimorum civium: quæ cum assecuti fuerint, res suas agunt cæterorum secuti. Nihil verò à maioribus nostris omissum fuit, quod ad ea duo pertineret. quin potius multa præterea addita sunt, quibus mirifice consulitur populi commodo, atque eorum hominum inopiæ qui in studiis honestis Reipublicæ utilibus versantur, aut olim versati sunt, nec amplius per ætatem aut imbecillitatem valetudinis id muneris obire queunt. Nam Venetiis innumeræ domus edificatæ sunt satis idoneæ aptæque rei domesticæ, quæ hominibus iis gratis conceduntur, in quibus cum familia degant quoad vixerint sine rei familiaris dispendio. His adde quod in navali amplissimo, quod vicem oppidi obtinet, constitutum stipendium est non mediocri hominum multitudini: qui tamen nil agunt seu propter senium seu ob incommodum acceptum; cum tamen tunc cum in florenti ætate essent, suum munus in edificandis triremibus aut in huiusmodi quopiam opere Reipu. utili obierint. Præterea veteri instituto in contractibus emptionis venditionisq; mercium preciosarum alteruter, emptor scilicet aut venditor, certum quippiam soluunt pro summa mercium: quod pauperibus nautis impartitur, qui amplius ei officio satisfacere minime possint propter ætatem, quam tamen in ea functione consumpserint. Cæterum præter hæc optima instituta ad continendam plebem in officio Reipublicæ nonnullas alias leges recensebimus, quæ sapientissime mihi à maioribus nostris inuentæ videri solent, ut pro eorum hominum cōditione satisfactum pulcherrime sit ambitioni & honoris cupiditati, quæ in cunctorum animis natura insita est, nec tamen propterea gubernatio nobilitatis vlla in parte perturbetur. Vniuersus populus in duo genera est distributus. nam quidam honestioris sunt generis, alij vero ex infima plebe, ut artifices, & id genus hominum, quod ab

Aristo-



- A** Aristotele in Politicis seruorum publicorum esse perhibetur. vtrisque meo iudicio consultum est nec incommode nec inique: Nam plebeis hominibus qui suapte natura parum honori student, sed potius rei familiaris studio inferuiunt, sua quædam iura concessa sunt, suiique honores: in tot enim classes distributi sunt, quot sunt artificia in quibus degunt, ac vnicuique classi propriæ quædam datæ sunt leges, sub quibus sua quisque exercet officia. His præficiuntur totius classis suffragiis ex eorum numero nonnulli, qui non incommode artificij illius præfecti appellari possunt: horum iussu multa præscribuntur, nonnullæque leuiores lites horum arbitrio dirimuntur. Quo fit ut plerique omnes artifices cum eius honoris compotes fuerint facti, in eomunere sibi placeant, putentque se non parum dignitatis esse assequutos, cum eò peruenierint, ut à sui ordinis hominibus ea præfectura digni habiti fuerint. Sunt præterea in vnaquaque classe quidam præfectis inferiores, qui tamen nonnullis existimationis sunt. hoc igitur modo magna in parte satis fit honoris cupiditati, quæ indita esse videtur animis etiam plebeiorem hominum atque infimæ plebis. Alterum populi genus honestius in Veneta ciuitate honoratiorem quoque locum habet, cui priuata quædam ac propria munera sunt constituta decora atque honesta, quibus patricij ordinis viri priuati sunt, nec ad ea vlla ratione accessum habet. quorum multa sunt, ut nec patricium hominem tum propter emolumentum tum honoris titulum eorum peruenire possit. Scribatum ordo honestissimus est, qui magistratibus quibusque assident. id munus plebeis tantum hominibus datur, patricio nulli: quod quamuis illustre non sit, est tamen honestum. eorum namque fidei & solertix codices scriptæque publica quibus res omnis priuata & publica continetur, commissa sunt. qua prouincia atque munere qui dignus habetur, is iure optimo & probi viri & industrij nomen habet, commendationemque apud homines non mediocrem. id autem eorum plerisque stipendium constitutum est, ut rei domesticæ non tantum tuendæ, sed etiam amplificandæ satis sit. Illi autem, qui sunt à secretis Senatus, omnes ex populo sunt, patricius nullus. Hic ordo superiore honestior est, idcirco illi ex populo qui nobiliori genere orti sunt, eo munere fungi solent. redditus habent ex ære publico non mediocres, neque vllum Senatusconsultum hos latet. semper nanque interfunt & collegij & Senatus consultationibus, ex qua re in magno precio ab omnibus habentur. Ex his nonnulli seliguntur qui decemviris ministrant, eorumque acta in codices referunt, ac consij omnium sunt quæ à collegio aguntur. quo in honore versantur quoad vixerint, non per vices quemadmodum patricij viri in suis magistratibus, quorum nullus præter procuratorium perpetuus est. Horum qui à secretis Senatus sunt, vnus primas partes tenet, ac Cancellarius Venetiarum nominatur, qui in maximo est honore. Nam à quouis patricio ei loco ceditur præterquam à procuratoribus. nullum is Reipublicæ ignorat arcanum: magni quoque sunt ei redditus ex ære Reipublicæ constituti: ac cum diem obierit, funebri oratione honestatur: quæ dignitas nulli in Veneta ciuitate defer-

ri consuevit, præterquam duci; aut cuiuspiam cuius qui sit extra aleam, ut dici  
 solet, præterea nemini, quasi Cancellarius ducem ex populo referat. hic vnus  
 creatur comitis magni consilij. Cæteri omnes qui à secretis sunt à decemviris  
 eliguntur, atque subduntur eorum censure, si quid in functione publica quam  
 habent deliquerint. Omnes etiam populares cœtus, ut artificum classes &  
 cuiusque artificij præfecti, nonnullique alij de quibus infra dicemus, ex arbi-  
 trario decemvirum pendunt atque eorum ditioni subiecti sunt: illiusque collegij  
 autoritate & initio constituti fuere & nunc continentur. quod sapientissime  
 institutum fuit, ut is magistratus provideat, ne huiusmodi cœtus qui ad bo-  
 num publicum sunt instituti, quandoque simulatione officij aliquid in Rem-  
 publicam moliantur: qui ad eius morbi cautionem initio creatus fuit, ne qua  
 scilicet malorum civium conspiratio faceretur negotium Reipub. Sunt præ-  
 terea Venetiis quinque societates initæ sub diuorum quorundam nomine & re-  
 ligione, in quibus innumeri homines sunt & plebei & patricij ordinis. Ha-  
 rum suas quæque vestes habet suæque insignia, quibus tamen non semper ac-  
 passim utantur, sed cum simul coacti prodeunt, aut ad honestandum cuius-  
 piam funus, aut ad sacrum quodpiam munus. Festis diebus statutis cuncti fe-  
 re in suam societatem coguntur, ibi sacris primum intereunt. deinde inuisunt  
 templa deorum immortalium, deumque optimum supplicationibus pom-  
 paque solenni venerantur. harum quæque societatum propria ædem habent, in  
 qua amplum atrium ædificatum est, quod statutis diebus conveniunt, ut exhi-  
 beant officium religioni quod debent. Etenim celebrant quandoque sacra  
 mysteria, interdum simul coacti templum cuiuspiam diui inuisunt, sæpius ex-  
 equias ac funus fratris exornant, cum eorum quispiam diem extremum clau-  
 serit: cuius etiam delicta expiant sacrificio ac precibus identidem repetitis.  
 Præter amplissima illa atria singulæ destinatum conclaue habent, in quod  
 coguntur societatum præfecti. qui magistratus est annuus, atque inter ple-  
 beios non mediocris dignitatis. hi simul congregati de agendis consultant,  
 dantque operam ne qua in parte desint bono societatis. eorum quoque fidei  
 magna vis pecuniæ pauperibus erogandæ commissæ est. nam priscis tempo-  
 ribus tam ingentis fuerunt existimationis hæ societates, ut plurimi qui rem  
 suam testamento legauerant in usum pauperum distribuendam, hos potis-  
 simum tutores fecerint, quorum arbitrio ea pecunia erogaretur. quo effectum  
 est ut harum societatum aliquæ copia facultatum quæ in hos usus quotannis  
 erogandæ sunt, procuratoribus diui Marci minime concedant: qui magistra-  
 tus patricius amplissimus est. Ad hunc honorem, præfecturam scilicet istam  
 societatum, patricius viris nullus est accessus, quâvis sint è numero fratrum, sed  
 plebei tantum homines illius dignitatis compotes esse queunt, ut hac etiam  
 in parte populus nobilitatem æmuleretur. hi enim societatum præfecti quo-  
 dammodo in populo referunt procuratoriam dignitatem. Verum ne qua ra-  
 tione huiusmodi societates atque hi præfecti Reipublicæ officerent, omnes  
 sub potestate decemvirum continentur, ut ne quid immutare queant, aut in  
 vnum cogi præter tempora statuta, nisi ex eorum arbitrio atque autoritate.

Huius-

- A Huiusmodi honores in nostra Republica viris plebeis vtriusque ordinis constituti sunt, ut omnino expertes non essent iuris publici ac ciuilium munerum, sed suae honorum cupiditati ambitionive hac ratione satisfacerent, neque statum nobilium aut odio haberent aut perturbarent. Quo gubernationis temperamento respublica nostra id consecuta est quod priscarum nulla alioquin illustrium. nam a primis initiis usque ad haec tempora mille ac ducentis annis tuta permansit; non tantum ab exterorum hominum dominatu, verumetiam a ciuili seditione quae fuerit alicuius momenti, quod adepta est non vi vlla aut armatis satellitibus seu munita arce, sed aequa ac temperata ratione regenda: adeo ut populus libenti animo pareat nobilitati: neque vlla mutationem rerum optet, quin potius egregie sit affectus erga nobiles. Quae res nostra tempestate potuit esse compertissima. Nam cum omnes Christiani principes conspirassent in perniciem atque exitium nominis Veneti, susculque noster exercitus fuisset a Ludouico Gallorum rege iuxta Cassanum oppidum agri Cremonensis ingenti clade, imminerentque inde Germani, hinc Iulius Romanus pontifex atque vniuersa penes continetis ora ab imperio Veneto desciuisset: ea rerum angustia perturbatus Venetus populus, adeo nihil in nobilitatem est molitus, ut lachrymantes omnes se suaque obtulerint ad reipublicae defensionem, reque ipsa praestiterint. Nam Patauio vrbe propter incolarum animum erga nos egregie propensum nullo negotio recuperata, cum Maximilianus Imperator vndique contractis auxiliis ingenti exercitu eam urbem obsedisset, quam plurimi non tantum patricij verumetiam plebei ordinis sponte cum militibus stipendio eorum priuato conductis ad tuendam illam ciuitatem profecti sunt, egregiamque in ea expeditione operam nauarunt: adeo ut imperator coactus fuerit reducere exercitum expugnatione urbis non tentata. nec maiore negotio alia quoque ciuitates recuperatae sunt, maximo populorum omnium fauore ex alieno imperio ad Venetum veluti ad portum tutissimum confugientium. clarissimum certe argumentum iustae dominationis, cum volentibus imperatur. quod non absque ratione contigisse si quis bene attenderit, facile comperiet. Cuique enim ciuitati quae in societatem Veneti imperij venit, municipales leges relictae sunt, multisque honoribus ciues in sua quisque ciuitate potiuntur: opida autem non pauca in agris urbium sita a ciuibus ipsarum urbium ibi magistratum gerentibus gubernantur. His adde quod praetoribus ciuitatum qui illustres sunt, assident cum ius populo dicunt homines iurisperiti: quibusque consulant antequam quippiam decernant: qui honos est non exiguus, nec modicum inde emolumentum ad eos venit. huius generis magistratibus fungi patricij Veneti non possunt, sed vel ex Veneto populo, vel ut plerunque, ex sociis ciuitatibus deliguntur. Ex quibus facile quiuis intelliget, eam adhibitam fuisse in hac republica moderationem, quae maxime videatur rerum naturam imitari. Nam in animantis corpore videndi officium respiciendi que munus solis oculis est attributum. reliqua vero munera ignobiliora ceteris membris relicta sunt quae usu videndi careant, sed pareant,

nec aliquo pacto obaudiāt his quæ ab oculis ita esse nunciata fuerint, nèue  
 aliò ferantur quàm quò oculi ea direxerint: sicque optime vniuersum cor-  
 pus consistit & conseruatur. Nò dissimili ratione in republica Veneta sum-  
 ma rerum gubernatio patritio ordini est demàdata, veluti quibusdam ocu-  
 lis ciuitatis, ignobiliora officia cæteris ex populo: sicque tãquam bene com-  
 pactum corpus Veneti felicissime viuunt, cum oculi reipublice non sibi tan-  
 tum sed vniuersis membris prospiciant: cæteræ verò ciuitatis partes, non  
 tantum sui habeant rationem, verùm etiam hisce oculis veluti potioribus  
 membris reipublicæ libentissime obtemperent. Quòd si in quapiam republi-  
 ca eò infaniz venerint ciues, quod in plerisque cõtìngit, vt populus videndi  
 munere fungi velit atque oculorum officium vsurpet, continuo vniuersam  
 reipublicam euerti necesse est. Quòd si etiam patricij ciues sibi tantum  
 prospexerint, alia verò ciuitatis membra contempserint, irritato popu-  
 lo ad perniciem nobilitatis proculdubio male cum Republica at-  
 que adeò pessime agetur. nostri maiores naturam imitati vtri-  
 que incommodo providere, illamque præstitere modera-  
 tionem, vt nullus, nisi inuidus, locum habeat obtre-  
 ctandi tam recte tamque legitimæ institutioni. Quam  
 Deum optimũ precamur diu seruet incolumem.  
 si enim quippiam boni à Deo immortali ho-  
 minibus prouenire est credibile, hoc  
 præcipue diuinitus Venetę vrbi ob-  
 tiguisse persuasissimum esse

debet.



GASPA.

GASPARIS CON-  
TARENI S.R.E. CARDINA  
LIS DE SACRAMENTIS  
CHRISTIANÆ LEGIS ET CA-  
THOLICÆ ECCLESIAE.

GAZETTE  
JANUARY 1861  
LONDON  
PRINTED BY  
H. K. JONES



# DE SACRAMENTIS CHRISTIANÆ LEGIS, ET CATHOLICÆ ECCLESIAE.

LICÆ ECCLESIAE.

B

## LIBER PRIMVS.

C



AE PENUMERO mecum ipse animo reputans, solere plerunque accidere, ut viri probi, ac bonarum artium non ignari, præter eorum spem, & institutum vocentur ad munus Antistitum, ac Ecclesiis præficiantur Episcopi; quibus neque ocium est, neque faculas, ut dare diutius operam possint lectioni Theologorum, & Iuris pontificij peritorum; à quibus singula quæque doceantur, quæ pertineant ad officium præsulis; nam & diuturnus labor, & multi loci perplexi deterrent politioribus studiis

D

assuetos ab huiusmodi authorum lectione: idcirco nō putavi rem inutilem me facturum, si præcipuam totius huius muneris partem, eam inquam, quæ versatur circa Sacramenta, compendio quodam comprehendero, ac eam leuam adhibuero, ut cuius non ignaro bonarum artium, absque diuturno labore, aditus non difficilis pateat ad Sacramentorum rationem intelligendam; quam perspectam habere, & aliis posse tradere præcipuum est officium Episcoporum, ut inquit Dionysius in libro de Ecclesiastica hierarchia. Deum igitur optimum precor, ut cœptis nostris faueat, & efficiat, ut non indigne omnino pertractemus res tam magnas, & diuinas. Antiqua quædam fuit opinio, iam ferè à mūdi primis exordiis cum hominum genere nata, indigere humanum genus ad veram pietatem, & religionem puram expiatione quadam, & sanctificatione, quam pro hominum natura, etiam existimarent fieri verbis, & cæremoniis quibusdam: ita nanque natura institutum est humanum genus, ut ex sensibilibus rebus notionem etiam intelligibilem nanciscatur, nam veluti naturæ hominis vicem quæ & se pollutam esse sentiebat, & maiori quadam sanctificatione indigere, ut digne ad pietatem, & puritatem religionis accederet, inuertit in plerisque omnibus hominibus astutia dæmonum; qui sicuti veram religionem, ac vnius dei cultum peruerterunt, ac sibi pro Deo sacrificia exhiberi voluerunt; ita etiam expiationes quædam, ac sacra, eorum fallacia adinuenta sunt, quibus magis se pollueret



humanum genus, ac magis, magisque à Deo recederet, dæmonum malorum cultui emancipatum. Mansit tamen apud nonnullos homines, paucos quidem, sed optimos, & sanctissimos vnus veri dei cultus, ac diuino institutu, Sacramenta, & sacrificia quædam instituta, quibus veluti signis fidei, quæ illis inerat, redemptionis nostræ per Christum, & expiabantur, & sanctificationem recipiebant. Moses his superuenit, per quem data est lex populo illi, semini, inquam, Abraham, Isaac, & Jacob, quibus promissum à Deo fuerat ex eis oriturum semen, in quo benedicerentur omnes gentes: in lege verò à Deo instituta fuerunt quædam Sacramenta, in quibus apertius significata fuit redemptio futura per Christum. In Mosæicis Sacramentis præ aliis omnibus expiationibus, & lotionibus præcipuum obtinuit locum Circuncisio, quæ Abraham ante legem tradita fuerat, à lege verò summa cum veneratione accepta. Hæc, vt inquit Apostolus, fuit signaculum iustitiæ fidei, quæ fuerat etiã in præputio patris nostri Abraham. Expiabatur infans Circuncisione à labe peccati originalis ratione fidei, cuius signum fuerat Circuncisio. non ergo Circuncisio aliquo pacto efficiebat iustitiã, quæ occulte diuinitus infundebatur, sed tantum significabat reconciliationem, & expiationem, quæ tunc conferebatur diuina vi homini, Circunciso. Alias verò expiationes, quæ lotionibus, & asperсионibus fiebant, Apostolus appellat iustitias carnis, eò quòd non pertinebant ad emundationem animæ, & spiritus purificationem, & peccatorum abolitionem; sed tantummodo ad expiationem immunditiæ carnis contractæ, vel ex contactu cadaveris, vel ex lepra, vel ex quapiã huiuscemodi causa, seu etiam ex peccato quopiam: significabant vtique futuram expiationem animi, & eius figuræ erant, non tamen ad eam attingebant villo pacto; quod tamen in circuncisione factum fuisse, iam superius dictum à nobis est. Sacramenta ergo Veteris legis, proportionem quadam, legi ipsi respondebant. Nam sicuti lex non ducebat ad perfectum, sed finis eius erat ( quantum ad hanc partem, de qua agimus, quæ ad caeremonias spectat ) perducere homines ad cultum Dei spiritualem, per fidem Christi explicitam hoc carnali, & corporeo cultu: ita etiam Sacramenta legis, vel signa erant expiationis animi, quæ in aliquibus fiebat diuina vi, vt in Circuncisione, vel corpus expiabant ab irregularitate quadam contracta ex immunditia quapiam corporea, aut ex aliquo peccato, quo impediébatur à cœtu factorum, & populi. Post Mosem promulgato Euangelio per Christum, longe nobiliora ab ipso instituta sunt Sacramenta quæ & significarent expiationem, & sanctificationem & , significatione ipsa efficerent, de quibus à nobis hoc opus est institutum. Verum vt colligamus id, quod ex superioribus patere facile potest, communis quædam animi cõceptio semper fuit, Sacramenta ea esse, quibus spirituale quodpiam arcanum sub re sensibili contineretur; vnde à Græcis appellata fuere Mystèria, id est, arcana. Illud hic animaduertendũ, ne decipiamur, vt quibusdam accidit. Nam apud Veteres, & in Sacris literis, sæpius Sacramentum, dicitur id arcanum, quod latet; interdum verò sensibile signum illud, sub quo latet arcanum dictum est Sacramentum: non quòd ipsum

**A** ipsum sit arcanum, quippe quod patet sensui, sed quoniam sub se contineat arcanum, quod quidam ignorantes non intellexerunt locum Pauli in Epistola ad Ephesios, ac propterea negauerunt matrimonium esse Sacramentum, eo quod Paulus dicat, postquam disseruerat de vxore, & viro: Hoc autem magnum Sacramentum est, dico autem in Christo & Ecclesia; quasi ex his Pauli verbis sequatur, matrimonium non esse Sacramentum, sed coniunctio Christi cum Ecclesia; verum si accuratius animaduertent hi scio-  
**B** li, inuenirent ferè semper in sacris literis Sacramentum appellari arcanum. hæc etenim magis propria est Sacramenti significatio, in qua Mystèrium à Græcis appellatur. Nā apud Thobiam angelus Raphael inquit capite duodecimo, Sacramentum régis abscondere, bonum; id est, arcanum; opera autem Dei prædicare conuenit. Item in libro sapientiæ de iniquis dicitur, qui irriserunt pios, nescierunt sacramenta Dei. Item apud Danielem. vt quererent misericordiam à Deo cœli super Sacramento isto. sic in Apocalypsi dicam tibi Sacramentum. Quibus omnibus in locis Sacramentum dicitur arcanū. Verum apud Theologos posteriores immutata fuit huius nominis ratio, ac appellarunt Sacramentū signū illud sensibile, sub quo latet arcanū spirituale; arcanū verò id quod latet appellauerunt Sacramenti. Nobis ergo tractaturis de Sacramētis Christianæ legis & Catholicæ Ecclesiæ, illud exordiū est sumendum, nullū humano generi polluto per peccatū originis, quo infectus vnusquisq; nascitur, qui per seminale rationē, id est, paternā originē  
**C** trahit ab Adā, itemque magis, ac magis polluto peccatis, quæ i se vnusquisq; adultæ ætatis admisit, nullum inquam, patere aditum ad peccatorum abolitionem, & expiationem, ad reconciliationem, & gratiam ineundam cum Deo, nisi per Christum Iesum dominum nostrum, qui vnus mediator est Dei, & hominum, vt ait Apostolus, neque aliud datum est nomen, in quo oporteat nos saluos fieri. Verum Christi redemptionem nobis applicamus per fidem in sanguine eius, vt item ait Apostolus. Oportuit igitur homini, qui ex sensibilibus ad intellectualia peruenit, & cui contigit salus per hominem Christum constantem ex corpore humano & sensibili, sanctificationem, & expiationem adhiberi quibusdam rebus sensibilibus, sub quibus lateret hæc sanctificatio, & gratia, qua spiritualiter à Deo per Christū sanctificatur; oportebat etiam accessum sensibilem, & corporeum hominis sanctificandi esse ad res illas sensibiles, quo testatum faceret, se fide accedere ad suscipiendam sanctificationem, & gratiam. Qua de re beatus Thomas excellentissimus Theologus sæpenumero appellat Sacramenta protestationes fidei, quāuis etiam sint protestationes fidei in ministris, qui ex fide Ecclesiæ Sacramenta dispensant. His fundamentis iactis, accedamus ad institutum, ac prius ordiamur à definitione Sacramenti. Duas ponemus, quæ cū eandē vim habeant, posterior tamen est priore explicatio. Prior est Augustini, qui dicit Sacramentū esse inuisibilis gratiæ visibilē formā. posterior est Vgonis de S. Victore viri doctissimi qui definit Sacramentū esse sensibile elementū similitudine representās, institutione significās, & sanctificatione cōtinēs in-

uisibilem gratiam. Hæc, ut dixi, posterior, quamvis re eadem sit cum priori, est tamen longe explicatior, attamen vitur vocabulo hoc elementum pro sensibili re quacunq̃ue. Res ergo sensibilis est Sacramentum, quæ natura constat, & habeat oportet ex insitis à natura similitudinem quandam cum re, quæ spiritualiter agitur, ideo addidit Vgo, similitudine repræsentans. Verùm quoniam Sacramenta vim habent ex institutione Christi, ut infra dicemus, ideo adiunxit; institutione significans. Nam naturalis illa similitudo non significaret gratiam dari per rem sensibilem, nisi à Christo ita fuisset institutum; & quoniam, ut inferius dicemus, vnum quodque Sacramentum conficitur rebus, & verbis, in quibus continetur sanctificatio, & forma Sacramenti, ut itidem dicemus, ideo additum est, sanctifi-  
 catione continens gratiam spiritualem, qua sanctificamur. Ex hac definitione Sacramenti, cuilibet patere potest, institutionem Sacramentorum omnium non potuisse à quopiam homine fieri, præterquam à Christo, qui item Deus est. Nam cum Sacramenta contineant gratiam, & sanctificent, gratiam verò det Deus per Christum, nullus homo, neque etiam Ecclesia vniuersa, potuit instituire, & sanctificationem adhibere rei sensibili, ut per eam præstetur accedenti, & credenti gratia, & sanctificatio. Solus ergo Deus, qui dat gratiam, & non nisi per hominem Christum potuit instituire Sacramenta, quæ habeant hanc vim certam. Ex hac etiam definitione exploratum esse potest sensibilem Sacramentorum formam, signum esse diuinæ largitionis, qua nos per ea sanctificaret. Verùm ex parte accedentium ad ea, sunt fidei protestationes. Is enim accessus, quo quispiam adit Sacramenta, protestatio quædam est illius, quod credat, non tantum articulis fidei, sed etiam diuinæ promissioni, & institutioni, qua pollicitus est se per ea sanctificationem traditurum. Verùm, quoniam diximus Sacramenta sanctificari per verba, & quòd quodlibet Sacramentum constat ex rebus, & verbis; ideo totum illud est latius explicandum. Primum explicabimus id, quod supra tetigimus, Sacramenta iure constituta esse in rebus sensibilibus, tum ex parte instituentis, & in eis operantis, tum ex parte hominum, qui accedunt ad Sacramenta; ex parte instituentis, cum in redemptione humani generis verbum diuinum sibi assumpserit hominem; quo vti instrumento operaretur salutem nostram, qui corpus habet, & est sensibilis. quamobrem Damascenus in libris de fide, appellat corpus Christi organum diuinitatis coniunctum, scilicet, sicuti manus organum hominis est; inquit enim, tactu sanabat, aliaque mira operabatur, diuinitas vtiq̃ue sanabat, sanabat tamen tangendo, quod corporis erat, sicuti serra faber facit scamnum secando, vtiq̃ue forma scamni ab arte est, organum tamen est serra, cuius est secare, quia ergo secando facit scamnum faber, vtiq̃ue serra organum est artis. Redeamus eò, vnde sumus digressi. Cum organum diuinitatis fuerit humanum corpus sensibile, quod agendo, & patiando, ut organum diuinitatis operatum est salutem nostram, vtiq̃ue rationi consentaneum omnibus videri potest alia quoque organa

- A** organa, diſiunctiora, inquam, Sacramenta eſſe in rebus ſenſibilibus coſtituta. ex parte verò hominis per ea ſanctificandi, nulli dubium, quin maximè debeant Sacramenta eſſe in rebus ſenſibilibus conſtituta. Nam homo ita eſt à natura factus, vt ex rebus ſenſibilibus capiat notionem rerum intelligibilem. imò in his, in quibus hæſitatio eſſe poteſt, maximè homo fit certus ex ſignis ſenſibilibus, quale eſt in Euangelio cum dixiſſent phariſæi, quis eſt hic qui peccata dimittit: dominus noſter, vt eos certos redderet, reſpondit, quid eſt facilius dicere, dimittuntur tibi peccata tua, an dicere ſurge, & ambula; vt autem ſciatis filium hominis habere poteſtatem dimittendi peccata, conuerſus ad ægrotum illum dixit, ſurge, tolle grabatum tuum,
- B** & ambula; ecce ſigno ſenſibili reddidit illos certos rei inſenſibilis, in qua hæſitabant; ſic in hac ſanctificatione hominum, vt omnis hæſitatio à corde noſtro pelleretur, fuit neceſſe ſigno ſenſibili à Deo inſtituto animum hominis firmare; vt, ſcilicet, certus eſſet, niſi fictè accederet, ſe conſecutorum gratiam & reconciliationem per illud ſignum. facile ex his cuiſlibet apparere poteſt meritò Sacramēta eſſe in ſignis ſenſibilibus. Verùm quoniā Sacramēta inſtitutione ſignificāt, & ſanctificatione cōtinēt gratiā, oportuit ſignū Sacramēti ſenſibile duplex eſſe: alterū, in quo eſſet præcipua & prima vis ſignificādi, cuiusmodi ſūt verba: alterū verò in quo eſſet naturalis ſimilitudo repræſentās. Hui⁹ ordinis ſunt res alię natura cōſtātes, in quib⁹ apparet ſimilitudo, natura referēs id, quod inuiſibiliter fit interius: verba verò præcipuā habēt vim ſignificādi. Cōſtat ergo vnūquodq; Sacramētū ex rebus, & verbis vnde nec res ſine verbis, nec verba ſine rebus perficere queunt Sacramēta. Quomodo autē in vnoquoq; Sacramēto ſigillatim id fiat, infra, cum de vnoquoq; per ſe Sacramēto loquemur, liquidò explicabimus. Non enim omniū eſt idem modus, & eadem ratio. Cum igitur res, & verba vnum Sacramentum conſtituant, neceſſe fuit Theologiſ hoc in loco mutuare vocabula à Philoſophis, vnde appellarunt verba, formam Sacramenti res verò alias ſenſibiles, materiam, ea de cauſa, quòd materia per ſe indeterminata ſit, terminus verò fiat à forma. Itaque cum res, quibus vtimur in Sacramentis non ita determinatè repræſentent, & ſignificent quid agatur, determinatio verò fiat à verbis, dixere verba formam eſſe, alias res materiam.
- D** Verbi gratia, in baptiſmate aqua & ablutio diuerſa poſſunt referre, vt ſcilicet, mundetur corpus, vt ſanitati conſulatur, aliāque huiusmodi; verba addita, ſcilicet, ego te baptizo in nomine patris, & filij & ſpiritus ſancti, determinant, quid fiat ablutione illa. His expoſitis reſtat, vt explicemus tres quæſtiones, in quibus ſolent multum digladiari inuicem Theologi iuniores. Prima pertinet ad vim efficientem Sacramentorum, an, ſcilicet, ſint tantum ſigna rei ſpiritualis, quæ ſit; an & ipſa quippiam efficiant. Altera quæſtio eſt, de Sacramentorum effectibus, quorum prior eſt in quibuſdam Sacramentis character, quid nam, inquā, ſit is character. Altera verò eſt gratia, an, ſcilicet, Sacramentalis gratia ſit quippiā aliud à gratia illa, qua iuſtificamur, & à peccatis expiamur. In ea dubitatione, quā primo loco propoſuimus, inter iunio-

res Theologos controuersia est, nā nonnulli, vt Ioannes Scotus, quē in hac parte secutus est Durandus, putant, Sacramenta Ecclesiæ, esse tantum signa quædam gratiæ, & sanctificationis, quam nobis Deus solus, & immediate præstat, & in anima gignit, veluti ex pacto quodam nobiscum inito, quòd quādoque contingerit nos accedere ad Sacramenta, & eis initiari, ipse occultam nobis daturus est gratiam. huic sententiæ videtur Psalmus adstipulari, in quo dictum est, gratiam & gloriam dabit dominus. Præterea Charitas Dei, quæ est gratia, vel inseparabilis est à gratia, datur nobis, & infunditur per spiritum sanctum; item quemadmodum nihil potest igniri, id est fieri particeps naturæ igneæ, præterquam ab igne; ita nihil potest fieri particeps naturæ diuinæ, quod nobis contingit per gratiam, præterquam à Deo. Afferunt hi præterea alias rationes, quibus ostendere conantur, impossibile esse virtutem efficientem, etiam instrumentariam contineri in Sacramentis, quæ nec diuisibilis, nec indiuisibilis in eis constitui potest commode; & in verbis, neque permanentem, cum verba sequantur motum, neque successiuam, quæ in ultimo instanti prolationis verborum nulla esset, sicuti tunc nullus est motus, qui iam esse desit. Hæ ferè rationes potiores adduci solent à Theologis magni nominis, quas vt euitent in eam adducti sunt sententiam, vt dicerent Sacramenta non tantum veteris, sed etiam nouæ legis, & Christianæ ecclesiæ, esse tantum signa arcana gratiæ, & sanctificationis, quæ in illis præstatur. Verum beatus Thomas & doctissimus, & sanctissimus vir, cum animaduerneret dicta sanctorum, Augustini, inquam, qui, vt magister dicit in quarto libro, cum loqueretur de baptisinate, quæ est virtus, quæ tangit corpus & abluit cor, item omnium Theologorum suæ ætatis superiorum, qui dixere Sacramenta nouæ legis differre à Sacramentis legis Moysis, quia efficiunt id, quod significant, non est horum sententiæ assensus; sed dixit, præsertim in summa theologiæ, quâ postrema ætate cōposuit, in Sacramentis esse quandam causam effectricem sanctificationis, & gratiæ, non quidem primariam, sed instrumentalem. Nos quidem, quamuis non diffiteamur superiorum authorum sententiam posse deffendi, & euitare nodos earum rationum, quas attulimus; nihilominus putamus veriores esse, & magis consonam dictis sanctorum, nec alienam à progressu rerum naturæ Thomæ sententiam. Nam quamuis in aliis Sacramentis veteris legis dici posset non fuisse illa certa signa collatæ gratiæ, sicuti sunt Sacramenta Christiana in Circumcisione tamen hoc dicere non possunt; ideoque Circumcisio æquari poterit Sacramentis Christianis: nisi velint dicere, quòd maior gratiæ copia traditur in baptisinate, quàm in Circumcisione: quòd quamuis sit probabile, non tamen efficit in genere Sacramenti nostra esset potiora Circumcisione. Nam cum Sacramenti ratio significatione constet, oportet nostra Sacramenta in significatione quidpiam maius habere quàm signa esse; ideo significando efficiunt id, quod significant, eo tamen modo, quo virtus efficiendi est in instrumento. tota hæc res probè declaratur ab Aristotele in secundo libro de Generatione animalium. nos paucis curabimus

- A** rabimus hanc satis implicatam rem illustrare. Omne, quod fit, ab aliqua causa fit, quæ actu est id, quod facere debet, verum quædam statim absque vllō medio à causa sua fiunt, vt ignis, qui ex ligno generatur ab alio igne; quædam verò fiunt quibusdam organis, & instrumentis, in quibus id, quod fit, non est in actu ex propria ipsorum natura, & forma; sed tantummodo quatenus mouentur à causa mouente, & efficiente. Huius rei exemplum clarius sumi potest ab his, quæ ab arte fiunt: Vtique pictor, seu faber mente conceptam habent formam, quam volunt effingere; fit ergo res illa ex potetia, actu à forma concepta, quæ est in mente artificis; verum penicillo, & coloribus pictor; variis ferramentis faber: ea forma in illis instrumentis non est actu secundum eorum naturam, vt perspicuum est, sed quatenus mouentur ab artifice, & hic motus localis est, quare magis subiectus sensui, & visui; alio namque modo mouet penicillum pictor, cum vult effingere caput hominis, alio cum pingit pedem; sic facit faber quilibet, & modus ille motus accommodatus est formæ pingendæ, seu sculpendæ; vnde forma illa est in instrumentis per modum motus, id est, in quantum mouetur ab artifice, ideoque incompletè, ac veluti per transitum quendam, quo (vt ita dicam, gratia melius explicandi hunc locum) forma quæ est in mente artificis, transit per modum instrumentorum in materiam illam; non est ita re vera, sed modus quidam similis est. ab arte veniamus ad factionem naturæ, si animal generatur, vtique generatur ab animali alio actu existente, sed medio semine, veluti organo, in quo fit impressio quædam, & motus ab anima generantis, non localis, vt ab arte, sed alterationis cuiusdam sensu non perceptibilis, sed ratione secundum analogiam, & proportionem artis, quo motu medio generatur aliud animal. vtique, vt inquit Aristoteles in eo loco quem adduximus supra, anima non est actu in semine; sed in animali, à quo dicisum est semen; in semine verò est motus ille impressus à generante, in quo est anima, sicuti forma artis est in motu penicilli, aut ferramentorum. Explicatis his, quæ pertinent ad artem, & naturam, veniamus ad exponendam hanc vim efficientem, quam ponimus in Sacramentis nouæ legis; in quibus dicimus, esse vim instrumentalem, ad efficiendam sanctificationem. Verum, quoniam primum & proximum diuinitatis instrumentum est homo ille, id est, natura illa humana, quam verbum assumpsit, vt inquit Damascenus, in qua corpus est sensibile, cuius opera, vt instrumento miracula à diuinitate fiebant, sicuti tangendo sanauit leprosum, & expuendo cæcum, & vocando Lazarum suscitauit: in Christo primum speculemur hanc vim instrumentariam, & ab eo poterimus commodius accedere ad Sacramenta. Sanatur leprosus tactu Christi, non potest dici tactum illum fuisse tantum signum, imò vim habuit ad sanationem illam, nec possumus dicere primam vim efficientem miracula non esse in Deo, vis igitur in tactu corporeo fuit vis instrumenti: quare quemadmodum motus ille penicilli, in quantum dirigitur ab arte pictoris, habet vim efficiendi imaginem, quæ vis nihil aliud re est, quàm motus penicilli, quatenus scilicet ab arte dirigitur, ita

in semine impressio illa, seu alteratio facta ab anima generatis est vis instrumentaria, per quam fit aliud animal, & in ea est in potentia anima, non alia res ab ea impressione, sed ipsamet impressio, prout directa est, & impressa ab anima generantis; ita tactus ille corporeus Christi, qui prout dirigebatur à diuinitate, fuit vis instrumentaria, qua leprosus sanatus fuit, non alia res præter tactum; sicuti nec alia res præter motum penicilli est vis instrumentalis pictura: tactu ergo Christi sanauit diuinitas, sicuti motu penicilli pictor pingit, & diuerso motu diuersas quoque effingit imagines. His expostitis de Christo, in quo primum est diuinitatis organum, accedamus ad Sacramenta Euangelicæ legis. In Sacramentis est vis instrumentaria sanctificationis, verum, quoniam (vt diximus) vis instrumentaria nō est in instrumento secundum formam propriam, sed pro vt dirigitur, & mouetur ab agente: quare Aristoteles in eo, quem adduximus, loco de generatione animalium, inquit, formam rei factæ esse in motu instrumentorum; necesse est ergo vim hanc instrumentariam esse in signis sensibilibus, secundum aliquam eorum, vt ita dicam, actionem, vel actioni rem similem hæc verò in Sacramentis nihil aliud est, quàm significatio, vnde significando efficiunt; id est, vis diuina, Deus ipse, sicuti vsus est tactu corporeo Christi, vt vi instrumentali ad sanationem, ita in Sacramentis nouæ legis vtitur significatione eorū, vt vi, qua efficiat ipse id quod significant: significatio vero est relatio ad rem significatam, ex institutione Christi procedens, vt ex causa, & fundamento. Illa ergo Sacramenta, quæ tantum significant \* & quorum significatione G Deus non vtitur vt vi instrumentaria, sicuti vsus est tactu Christi, sunt tantum signa, cuiusmodi fuit Circuncisio: sic etiam fuit tactus Helisei, quando extendit se super cadauer filij Scennamitidis; non enim tactus ille habuit vllam vim efficiendi miraculum, vt tactus Christi: eodem pacto Sacramentis nouæ legis Deus dedit; vt significatione efficiant, sicuti voci Christi vim dedit, vt vocando suscitaret Lazarum. Hac re difficillima satis, vt puto explicata, & illustrata, nō est difficile soluere rationes cōtra sententium. Nam verum est solum Deum dare gratiam, vt agens principale, & primum, sicuti animal non generatur nisi ab animali; nihil tamen prohibet, quin Deus vtatur instrumento ad hoc efficiendum; sicuti animal semine vtitur, seu vi seminali ad generandum aliud animal. Ad ea quæ adducuntur de vi illa, an sit diuisibilis, an indiuisibilis &c. manifestum est, quod isti, quamuis grauissimi authores, non bene intellexer, quid sit vis instrumentaria, quæ in quibusdam est localis motus, in quibusdam alterationis, in quibusdam similis actione; in re igitur hac nostra, vis ista est significatio, quæ est relatio, quæ non semper est in re, quæ dicitur relatiue, vt ei inhaerens. ideo significatio, verbi gratia, sermonis, quoniam non est completa significatio, nisi in vltimo sermonis momēto, quodammodo indiuisibilis est; verum quoniā non est in eo completa, nisi ratione procedentium sermonis partiū, quodā alio modo est diuisibilis. hi verò putauerunt hanc vim esse quoddam accidens inhaerens rebus Sacramentorū, nec bene perceperunt modum, quo res,



- A** res, quæ efficitur, est in instrumento, & quàm diuersis modis sit in diuersi generis instrumentis, ideo in eas angustias inciderunt. Hac explicata quæstione, ad alteram accedamus exponendam: quoniam sunt quædam Sacramenta, quibus non tantum sanctificatio, sed etiam quædam consecratio adhibetur suscipientibus, quemadmodum baptizare, confirmatione, & ordinis Sacramento, quæ iterari non possunt, utique sancti auctores, in quibus Augustinus, & in sacris canonibus Pontifices dixere, his Sacramentis imprimi characterem suscipientibus: inde inter iuniores Theologos controuersia orta est, quidnam sit hic character. beatus Thomas putauit characterem nihil aliud esse, præterquam spirituales quandam qualitates, quæ pertineret ad potentiam, non naturalem, sed spirituales suscipiendi, vel agendi aliquod sacrum; non tamen completam, & perfectam, sed incompletam, instrumentalem, inquam, qua spiritus sanctus, ut instrumento utatur in actionibus sacris: hanc potentiam posuit Thomas in intellectu hominis, non autem in voluntate, aut in substantia animæ. Nam cum principium actionis, & passionis proximum sit animæ potentia, non autem essentia; ideo hæc qualitas spiritualis in essentia non erit. potentia autem mentis cum duæ sint, intellectus, inquam, & voluntas, subiectum huius potentia, seu characteris non potest esse voluntas, quia homo bene, vel male omnibus aliis utitur: non enim character efficit voluntatem bonam, & bonum hominem: non erit igitur perfectio voluntatis, sed erit perfectio intellectus, qua tum bene, tum male homo uti potest. hæc Thomæ sententia. contra Scotum existimat nulla firma ratione, aut autoritate niti hanc Thomæ sententiam; quamobrem putat ipse hunc characterem nihil aliud esse, nisi relationem quandam inhaerentem essentia animæ, qua is deputatus est, & respectum habet ad illud sacrum, quodcunque illud sit, sicuti in calice consecrato, nihil aliud est nisi relatio ad continendum sanguinem Christi. sic si quispiam in ciuitate fiat Consul, aut Prætor, nulla ei qualitas additur ex ea electione, sed relatio quædam noua acquiritur ad agenda illa, quæ pertinent ad Prætorem, vel Consulem, atque ad his potiundum, quæ Prætori, Consuliue debentur. Hæc Scoti opinio magis videtur conuenire philosophia principiis, præterquam quod ponit relationem necessariò esse rem quædam inhaerentem ei, quod dicitur secundum eam relationem, confestim illi inditam, cum primum incipit dici relative. Hoc meo iudicio non est satis Aristotelicum. Nam relatio aduenire potest alicui, & recedere, nulla in ipso facta mutatione. Verum hæc omittamus, quæ non multum faciunt ad hoc opus, quod de Sacramentis instituiamus; conuenit, inquam, hæc sententia philosophia, & principiis naturæ. Verum dictis Sanctorum mihi videtur prior sententia magis conuenire. Inquit Augustinus sæpenumero contra Donatistas, & præcipue in libro de unico baptismo. in hæreticis si videro notam, & characterem Christi, reicio id, quod est hæreseos, notam tamen domini ubicunque veneror, agnosco, & tueor: Hic sensus, & aliis fortasse verbis expressus. Primò non satis video quo nam pacto presbyter excommunicatus, suspensus, aut degradatus si consecret, verè

conficit corpus Christi, si character est tantum relatio, & non potius potentia quædã, per consecrationem impressã sacerdoti, qua illud sacrum agit, etiã peccans, etiã degradatus. Non eo inficias nostris rationibus his posse responderi ab his, qui aliam sententiã vellent tueri, attamen iudicio meo magis quadrat obiectio, quàm quadrat solutio. Tertia quæstio est de gratia sacramentali, quam Thomas posuit; aliqui vero posteriores nullã putant esse, præter primam illam gratiam, qua iustificamur. Paucis exponemus utranque sententiam. in anima hominis ab originali peccato, veluti vitium & vulnus quoddam, relicta est infirmitas quædam, & imbecillitas, ex qua facile deficimus, & ruimus in peccatum; quoniam vero, ut superius diximus, Sacramenta instituta sunt contra peccata, ad eorumque abolitionem, videtur probabile beato Thomæ, ex vi Sacramentorum, præter abolitionem reatus peccati, quo ad culpam, & ex gratia, qua iustificamur, quam sæpenumero habent accedentes ad Sacramenta, descendere etiã in vires animæ spiritualem quandam vigorem, quo firmentur vires animæ, ne adeo facile in peccatum labantur, & speciatim iuuentur ad certum sacrum munus obeundum. hanc appellat Thomas gratiã sacramentalẽ, ratione principij, & radicis, à qua profluit gratia, scilicet, iustificatõ. posteriores verò audiores fortasse gloriæ, seu acutiores, qui innuntantur hoc principio, non debere induci multitudinẽ rerum, & entium absq; necessitate, conantur ostendere non esse necessariã hanc gratiã, sed primã illam gratiã simul cum virtutibus ab ea procedentibus, quibus vires animæ perficiuntur, satis esse ad præstandum hanc firmitatẽ animæ hominum. nolo ego subtilius discutere hanc quæstionem, nullam etenim video cogentem rationem, ut alteri potius adhæream, quàm alteri: nihilominus, quando plura nobis dantur à Deo optimo adiumenta, ut & bona faciamus, & à malis abstinemus, tantò mihi videtur diuinius debere existimari, & maiores à nobis Deo optimo habendas esse gratias per Christum, per quem nobis tot, & talia bona concessit. His quæstionibus expositis, redeamus eò, unde digressi sumus. Dicebamus Sacramenta, quoniam significando agunt, constare ex sensibilibus signis duplicibus, ex rebus, inquam, & verbis; quorum, verba se habebant ut forma, res aliæ, ut materia; verum, quoniam verba primò significant conceptum, & intentionem proferentis, ideo oportet in Sacramentis esse præter ea, intentionem ministri, qui, cum sit minister Ecclesiæ, oportet, ut intendat id agere, quod Ecclesiæ agit, quamvis ipse putaret nihil illud esse, aut vanum, aut etiã impium. Hoc enim totum malum pertinet ad personam per se sumptam, non autem ad ministrum, quatenus minister est. cum ergo velit ipse subire personã ministri, & fungi Ecclesiæ ministerio, utique intendit etiam id agere, quod agit Ecclesiæ, qualecunque existimet esse illud. Quis autem in Sacramentis minister esse debeat, exponemus, cum sigillatim agemus de Sacramento quoque; nam alius, atque alius est in Sacramento quoque. verum primum in Sacramentis agens Deus est, Christus deinde per passionem suam, per quam meruit vim illam Sacramentorum, & potestatem habuit instituendi, unde per excellentiam quandam agit, minister

- A**ster homo postmodum, vt organum propinquum. Numerus Sacramento-  
rum nouæ legis, & Christianæ Ecclesiæ septem continetur: quorum tria  
pertinent ad regenerationem, seu generationem spiritualem in Christo, au-  
gmentum, & nutritionem; duo ad sanationem; item duo ad propagatio-  
nem, tum spiritualem, tum corpoream humani generis, seu, vt rectius di-  
cam, Christiani populi. Omnium perfectissimum est Eucharistiæ Sacramē-  
tum, in quo cōtinetur non gratia Christi, sed Christus ipse, in quo est omnis  
gratiæ plenitudo. maximè omnium necessarium ad salutē est baptisma, per  
quod renascimur in filios Dei: His addendum, quædam Sacramenta insti-  
tuta fuisse tantum ad maiorem sanctitatem acquirendam, vt Eucharistia,  
**B** quæ indirectè tamen peccata venialia abolet. Quædam ad expiationem pec-  
catorum, & sanctitatem acquirendam, vt poenitentia, cuius veluti perfectio,  
& consummatio est extrema vnctio. Quædam ad remedium peccati, & ali-  
quam sanctitatem, vt matrimonium. Quædam ad consecrationem, &  
maiorem quandam sanctitatem, vt sacri ordines, & Chrisma. Baptisma  
vero institutum est ad expiationem peccati originalis, item alio-  
rum, si qua fuerunt illi addita, insuper ad sanctificationem, &  
consecrationem. Nam in baptismo inferimur Chri-  
sto, per quem sanctificamur, & consecramur in  
genus regale, & sacerdotale. Hæc de  
Sacramentis in vniuersum di-  
cta sufficiant.



## LIBER SECVNDVS.

De Sacramento Baptismati CAP. I.



**N**VLIVM esse hominem puto ingenij paulò perspicacioris, præsertim si ingenuè fuerit philosophatus, ac in rerum naturæ contemplatione versatus, accesseritque ad Christianam philosophiam, qui non summopere miretur Christianæ doctrinæ ac religionis progressum, in quo, veluti in speculo, facile perspicit eundem fuisse Christianæ pietatis institutorem, qui etiam naturam rerum condiderit, adeo similes inter se progressiones habet. id quod perspicuè cuius patere potest in hoc, quod aggressi sumus Sacramentorū negotio. Apostolus Paulus, in prima ad Corinth. ca. 15, inquit. Primus homo de terra terrenus, secundus homo de cælo, cœlestis, sicuti portauimus imaginem terreni, ita portemus imaginē cœlestis. In Evangelio dominus noster Iesus dixit Nicodemo, oportere nos nasci denuò, si simus ad regnum cœlorum peruenturi, ex aqua, scilicet, & Spiritu Sancto. sicuti ergo cum primum in hanc lucem homo prodit, seu etiam cum in utero matris formatur, nasci dicitur homo; ita, ut fiat homo Christianus, Dei scilicet filius, oportet hominem iterum nasci; sed prior illa natiuitas corporæ est, ac propterea sensu percipitur, secūda hæc spiritalis est, ideò sensu capi non potest. item in priori natiuitate cum homo non generetur ex quopiā alio animante, quod mori oporteat, ut ex eo nascatur homo; in hac posteriore nascitur homo spiritalis, & diuin⁹ ex carnali homine, & terreno; ideo secūda hæc non tantum natiuitas est spiritalis hominis, sed etiam est interitus hominis carnalis. idcirco non tantum natiuitas, sed etiam regeneratio dicta est, item resurrectio, ut in Apocalypsi à Ioanne Apostolo nuncupatur resurrectio prima, ut præclare exponit Augustinus in libro vigesimo de ciuitate Dei. Verum sicuti hac generatione non efficitur totus homo spiritalis; ita etiam nō omnino moritur homo carnalis; sed quædam sit inchoatio huius vitæ, & illius mortis, quæ in die iudicii omnino perficietur, cum totus homo erit spiritalis, & nihil carneū remanebit, quo ad corruptionē, inquam, & malum, non quoad substantiam. Hoc arcanum, hoc mysterium, quod exposui, latet sub Sacramento baptismatis, quo sub aqua mergitur, ac sepelitur homo carnalis natus ex Adam, naturæ corruptæ, & carnez, filius iræ

- A** iræ, & indignationis Dei. Gerit hæc immersio imaginem sepulturæ Christi, qua sepulta fuit non caro peccati, vt nostra, quæ nunquam fuit in Christo, sed caro habens similitudinem carnis peccati, vt inquit Apostolus, ad Rom. cap. 8. deinde emergit nouus homo sanctificatus per aquam, & inuocationem trinitatis, quod Diuus Petrus Apostolus in Epistola prima appellat semen incorruptibile, quo nati sumus. Vide quàm hæc generatio respondeat generationi naturæ, cum Princeps Apostolorum appelleret verbum, quo baptizamur, semen incorruptibile. Hoc igitur arcanum latet sub hoc baptismatis Sacramento, generatio spiritualis, expiatio à peccatis, consecratio eius qui baptizatur, sepultura, & resurrectio Christi. Id verò, quod subiicitur sensui,
- B** quod patet omnibus, est ablutio, seu immersio, & emersio, aqua, & verba sacerdotis, ego, scilicet, te baptizo in nomine patris & filij & spiritus sancti, inuocatio, videlicet, trinitatis. Sacramentum baptismatis non est aqua, neque verbum, sed ipsa ablutio, & immersio sub certa hæc forma verborum expressa. Materia est, aqua elementalis, & natura constans, non arte vt rosea, seu quæuis alia huiusmodi. Nihil tamen differt siue fuerit calida aut frigida, aut quouis alio pacto alterata, dummodo aqua sit natura constans. Forma, sunt verba à sacerdote prolata. Vis baptismatis est conferre expiationem à peccato originali, & aliis omnibus; ita quòd neque reatus vllus culpæ, nec pœnæ remaneat, sed sit veluti nouus homo genitus, & in lucem editus vir baptizatus; suscipit enim in se totam mortem Christi; in aliis Sacramentis fit particeps eius. Item datur in baptismate participatio quædam diuinæ naturæ, efficimur enim in Christo Dei filij per baptismam, vt inquit Ioannes Apostolus in capite primo sui euangelij. dedit eis potestatem filios Dei fieri. Item vt idem Ioannes in epistola prima cap. 3. filij Dei sumus, & nondum apparuit quod erimus. Item Paulus ad Romanos cap. 8. dedit nobis spiritum clamantem abba pater. Innumeri alij sunt in scriptura loci idem asserentes. Præterea vi baptismatis imprimitur in mente nostra character per consecrationem, quo potentiam nanciscimur suscipiendi omnia Sacramenta, & obeundi omnia munera, quæ pertinet ad hominē Christianum. Hæc nobis in baptismate cōferuntur. Minister baptismatis proprius, est sacerdos, nā cum baptismate conferatur gratia, & sanctificatio, per quam præcipuè illuminamur; ideo minister est sacerdos, ad quem in hac Ecclesiastica hierarchia pertinet illuminare, vt inquit Dionysius, sicuti Episcopi est perficere, & Diaconi purgare; ex quo fit, vt etiam præsentē Episcopo Presbyter possit baptizare. Proprius enim hic minister est. Verum quoniam hoc Sacramentum est Sacramentum fidei, & adeo necessarium, quod sine ipso paruuli consequi salutē non possunt; ideo effectum est vt Diaconi, si Presbyteri copia non fuerit, laici viri, mulieres, etiam infidelis possit esse huius Sacramenti minister, dummodo intendat facere id, quod Ecclesia facit, & si putet illud nihil esse, vt diximus in priori libro, nam agit vt minister Ecclesiæ, & in fide Ecclesiæ. Est tamen aduertendum, quod hoc ministerium pertinet semper ad digniores, qui adsunt; quamobrem præsentē viro, scemina non debet fungi
- C**
- D**

hoc officio;adulto præsente,puer; item laicus,præsente diacono; aut diaconus,præsente presbytero: Presbyter verò etiam præsente Episcopo potest ritè baptizare,quia eius ministerium est. Quæ nõ accipi volumus in eam sententiam,vt paret quispiam,sic baptizatum,non esse vere baptizatum; est etenim vere baptizatus,sed non ritè,neque ex ordine.Narratur in historia Ecclesiastica ab Eusebio de Athanasio,qui puer in litore quosdam cathecumenos baptizauit eo ritu, quo viderat Episcopum Alexandrinum baptizare; qui de consilio illius Academiæ Alexandrinæ celeberrimæ non fuerunt iterum baptizati,cum Athanasius falsus fuisset,se voluisse facere id, quod Episcopus faciebat: Conferri debet hoc Sacramentum, & adultis, & paruulis; quia sicuti per alium contraxere peccatum originale, item etiam per alium remedium,& medicinam possunt capere. Præclare hoc tractat Augustinus vbi agit de baptismo paruulorum, in quos gratiam,& virtutes infundi secundum habitum,quorum postea vsum habeant, præcipui Theologi sentiunt. Anselmus verò in libro de conceptione virginis dicit, quod nihil recipiunt, sed tollitur culpa,& saluatur gratia,quæ non in ipsis, sed est in Christo,& fide Ecclesiæ,quibus sunt annexi per baptisma. non tamen propterea ab infidelibus parentibus inuitis, abstrahi debent paruuli, vt baptizentur inuitis illis,nam opus Christi non debet inchoari ab iniustitia:silij autem sunt in potestate parentum, quousque ad ætatem peruenerint, qua sint compotes rationis,quòd si baptizentur,putat Durandus,eos non esse vere baptizatos. ego tamen credo verius dici, quòd sunt baptizati. sufficit enim fides offerentis, quamuis vsurpent ius alienum,vt in decretis distinc.quarta. adultis vero accedentibus ad baptisma necessaria est præteritorum peccatorum pœnitentia,non dico pœnitentiam Sacramentum,sed animi motum, quo eos pœnitear vitæ præteritæ.& necessaria est etiam fides, qua credant sibi præstari redemptionem, & remissionem peccatorum per mysterium Christi, & per baptismatis Sacramentum; quorū alterum si defuerit,sicte accedunt,nec recipiunt gratiam,seu sanctificationem;recipiunt tamen characterem, & consecrationem,vi cuius,si postea fides,aut pœnitentia accesserit, sunt compotes gratiæ,& sanctificationis.præter hoc aquæ baptisma, à Theologis ponuntur duo baptismatum genera, spiritus, inquam, & sanguinis. spiritus baptisma, est animi,cum scilicet quis credit,& dolet de peccatis,cupit etiam baptizari, obit autem,antequam possit,baptizatus,hic obit,non aqua,sed spiritu.item, si quis nondum baptizatus, pro Christo moritur,funditque sanguinem,ne Christum neget baptizatus: hic obit, non aqua, sed sanguine. postremum hoc baptisma potius, & perfectius aliis est,nam verè, & non per similitudinem assimilatur morti Christi; & sicuti Christus lauit nos suo sanguine, ita hic non est lotus aqua, sed sui sanguine,quem fudit. tria hæc baptismatum genera dicta sunt, tamen non omnia verè sunt Sacramenta. primum per aquam Sacramentum est absque dubio,& eam habet vim,quam diximus.secundum baptisma,spiritus,inquam,verè non est Sacramentum,neq; eam vim habet,quam primum:nam & si reatus culpæ tollitur,vnde æquiualeat baptismum prio-

- A**mo priori, non tamen necesse est, ut eo tollatur omnis pœnæ reatus; verum, prout est in eo charitas, & contritio, & Sacramenti desyderium. De baptifmate tertio omnes ferè putant eandem esse rationem cum secundo. attamè, si interdum licet à magnis viris dissentire, ego putarem, hoc tertium veriorrem habere rationem Sacramenti. nam in eo est sensibile signum, mors inquam, & effusio sanguinis; in secundo vero nullum est sensibile signum. & etiam putandum omnè reatum culpæ, & pœnæ auferri hoc baptifmate: quòd si quis vellet adscribere martyrio, non autem vi baptifmatis, non essem multum pertinax; mihi tamen placeret, quod & vi martyrij, & vi baptifmatis, id est; significatione mortis Christi, in qua is vere motitur, tolleretur omnis
- B** reatus & culpæ, & pœnæ, quale fuit paruulorum innocentium ab Herode interfectorum. Nunc paucis agendum est de his, quæ necessaria sunt ad efficiendum Sacramentum baptifmatis; item, quæ sunt de præcepto, quæ si omitterantur non propterea reddunt Sacramentum inefficax. item, quæ pertineant ad solennitatem baptifmatis. Necessaria ad efficiendum verum baptifmatis Sacramentum, est primum materia, aqua, scilicet, habens speciem, & naturam aquæ; item, forma, quæ est à Christo instituta, & expressa in Evangelio secundum Mathæum. ite docete omnes gentes, baptizantes eos, in nomine patris, & filij, & spiritus sancti. quare dicendum est, ego te baptizo, in nomine patris, & filij, & spiritus sancti. Græci verò ut euitarent schisma illud, de quo meminit Apostolus in prima ad Corinthios. ego sum Petri, &c. dicunt, baptizatur seruus Christi, in nomine patris, & filij, & spiritus sancti.
- C** nec dubitandum quòd conferunt verum baptisma, quia maxime omnium primum, & præcipuum in baptifmate est sanctificatio, & consecratio per inuocationem trinitatis. si Latinus hac forma vtetur, grauissimè eum peccaturum certò scio, quia negligeret ritum suæ Ecclesiæ. non auderem tamen dicere, quòd verum baptisma non conferret, & quòd is rebaptizandus esset. mutatio verò in his verbis, si fieret ea ratione, ut nouus error introduceretur, nulli dubium, quin Sacramentum corrumperet: non enim minister seruaret intentionem agendi id, quod agit Ecclesia. si vero recta esset intentio, & fieret mutatio, quæ non tolleret significationem, qua per inuocationem trinitatis, cōsecratur baptisma iuxta fidem Ecclesiæ, vtique verum Sacramētum confert, ut in Decr. de consec. dist. 4. à Papa Zacharia scribitur. licet peccat ob incuriā, seu contēptum. dubitatio est, an si quis baptizaretur in nomine Christi, sicuti Apostoli legūtur baptisma cōtulisse in Actibus apostolorū, verè baptisma susciperet. Ambr. in lib. de Sacrament. cuius locū adducit Magister sententiarū in 4. lib. videtur sentire, quòd verè esset baptizatus. Scorus ibi dubitat. beatus Thomas sentit, quòd non verè ille esset baptizatus, nixus autoritate Pelagij Papæ ad Gaudētium Episcopū, qui locus adducitur de cōsecr. dist. 4. verum si diligēter animaduertas, is, quē Pelagius baptizatū in nomine Christi, præcipit rebaptizari, fuerat baptizatus ab hæreticis, in quibus fortasse nō erat vera fides trinitatis. attamen Thomæ sentētia est tutior. Mutatio verborū ex ignorantia proferentis, vel balbutiei, quæ sensum nō mutat,



quod præcipue contingit, si in fine verborum fiat, non reddit Sacramentum E  
 irritum. De ministro baptismatis supra diximus satis. illis addendum, quòd  
 nec se ipsum quispiam baptizare potest, vt habetur extra de baptismo. nec  
 nisi ab vno potest conferri baptismus, non autem à pluribus, de cõsecr. dist. 4.  
 nam sicuti vnus est Christus, cuius virtute consecratur baptismus; ita vnum  
 oportet ministrum esse. est enim anadochus, siue susceptor, qui baptizatus,  
 & confirmatus esse debet, ea. distin. c. in baptismate, & vnus ea. distin. c. non  
 plures. licet nunc plures coadiutores sumatur. dicitur quòd Ecclesia Roma-  
 na non eodem anadocho utebatur in baptismate, catechismo, & chrismate,  
 vt habetur in Decr. distin. 4. c. in catechismo, vidi tamen, & re non seruari.  
 De suscipientibus autem baptismus, supra diximus, quòd oportet voluntarie F  
 accedere ad baptismum. Voluntarium vero tollitur, vel per ignorantiam, vel  
 per coactionem; ideo dormientes adulti, aut amentes non debent baptizari,  
 nisi in eis apparuerit, cum erant mentis compotes, voluntas suscipiendi ba-  
 ptisma. vt extra de Bapt. c. maiores in fi. in paruulis sufficit voluntas offeren-  
 tis, vt in Decr. distin. 4. c. illud, & extra de bapt. c. maiores, hoc Innocentius  
 tertius statuit. coactio etiam, in qua nihil est voluntatis, tollit voluntarium,  
 quod requiritur in baptismate. si verò fuerit coactio mixta, de qua dicit Ari-  
 stoteles in tertio Ethicorum, vt si minis, & pœnis cogentur, vtique, quam-  
 uis non recte id fieret, susciperent tamen characterẽ baptismatis, & cogendi  
 essent ad vitam christianam, vt in Synodo Toletana decretum fuit, extra de  
 baptismo. Immersio vna, vel trina est, secundum morem Ecclesiæ cuiusque. G  
 Hæc ferè sunt, quæ vt necessaria requiruntur in baptismatis Sacramento: qui-  
 bus addidimus multa, quæ sunt præcepta, & quæ, si tamen non adsunt, pro-  
 pterea non reddunt Sacramentum irritum, & inane. Accedamus nunc ad  
 solennem ritum Sacramenti huius. Quantum ad materiam Sacramenti hu-  
 ius, solet in templis Episcoporum, ac in aliis præcipuis, die Sabbati maioris  
 hebdomadæ, vigilia, inquam, Paschatis benedici aqua, magna cum solenni-  
 tate, qua baptizandi sunt, qui ad hoc Sacramentum accedunt; inspergi etiam  
 in ea oleũ chrismatis. hac aqua ita benedicta debent baptizari, qui ad baptis-  
 ma accedunt. hic ritus spectat ad solennitatẽ sacramenti. Apud veteres patres  
 nostros mos erat, vt etiam in vigilia Pentecostes aqua baptismatis benedic-  
 retur; quoniã duobus his tẽporibus solebant catechumenos baptizare, adul-  
 tos, inquam, quorum tum magna erat copia: quos etiam ante diebus viginti H  
 exorcismis purgabant, & catechismis instruebant, vt habetur in Decr. de cõsec.  
 dist. 4. c. ante viginti dies. quod ordinatũ fuit ex consilio Bracarensi secũdo,  
 & Nicolai Papæ decreto. Iudeos vero etiam aliquot mensibus, vt habetur in  
 Decr. de consecr. dist. 4. c. Iudei. quod ordinatum fuit ex cõcilio Agathensi.  
 Nostra vero tempestate, qua pauci baptizantur adulti, sed plerique omnes in-  
 fantes, ommissa est hæc benedictio baptismatis in vigilia Pẽtecostes: sed in to-  
 tum annum sufficit aqua, quæ pridie Paschatis est benedicta. quantum vero  
 ad reliquum solennitatis morẽ, notus est mos nostræ Ecclesiæ, Romanæ in-  
 quam; nam anadochus ante fores templi, vice infantis respõdet interroganti  
 presby-

- A** presbytero, se fide petere, id est fidei Sacramentum, vngitur puellus dorsum inter spatulas, & vngitur pectus oleo ad hoc munus ab Episcopo cōsecrato, in signū crucis, vt athleta, cui sit in vita cum dæmone perpetua lucta. sal etiā, sapientiæ simulachrum, ori eius imponitur. Leguntur exorcismi, & insufflatur dæmon. leguntur catechismi, quibus in fide christiana instruitur. nares, & aures liniuntur salua, vt aperiantur ad audiendum, & odorē percipiendum fidei Christi. Profitetur symbolum fidei. interrogāti sacerdoti, petit baptizari: baptizatur trina immersione. in verticem vngitur oleo chrismatis. induitur deinde veste cādida. Dionisius in libro de Ecclesiastica hierarchia ritum describit huius Sacramenti, quod & baptismatis, & illuminationis appellat,
- B** quem puto etiam nostris temporibus ferè à Græcis seruari. verūm in adulatorum baptismate seruari ille ritus vniuersus potest, non item in baptismate paruulorum. adultus ibi adit hominē christianum, qui anadochus eius sit, id est veluti pronubus, is baptizandum petentē baptizari ducit ad Episcopum, cōuenit clerus, nomen baptizādi describitur, psalmi cātantur in exorcismis. versus ille, baptisma petens inquā, ad occidentē, renunciat cōtrariis potestatibus, deinde versus ad orientem expansis in cælum manibus, & Christi participem se esse, & sacram diuinitus traditarū benedictionū proficitur. Ter hoc facit. semi exutus vngitur ab Episcopo ter signo crucis, deinde totus exutus à reliquo clero ducitur ad baptismatis fontē ab Episcopo cōsecratum, ter immergitur, ac emergit sub inuocatione trinitatis. induitur clara veste.
- C** vngitur postremò ab Episcopo, ac sacræ eucharistiæ fit particeps. Hunc ritū Græci etiam in infantibus seruant, ob dictum Euāgelij secundum Ioan. c. 6. nisi māducaueritis &c. non habebitis vitā in vobis. Verūm, vt inquit Augustinus, ille manducat, qui fit particeps corporis Christi, cui inseritur per baptismum. Omnē totius huius ritus interpretationē, & mysteria præclare Dionisius exponit. Nos hic lōgiore esse nolumus, quā postulet ratio instituti à nobis operis. Hoc tātum dicemus, ritum hunc parū à nostro differre, imò nostrum huius imaginē valde similem esse. Horum vtroq; manifeste significatur prioris hominis, quē cōtraximus ex Adam, mortificatio, ac veluti sepultura; ac noui hominis regeneratio seu resurrectio, qualis fuit Christi, in quo baptizamur. Quamobrē Dionisius trinā illā immersionē, ac emersionē potius signū esse vult triduanæ domini sepulturæ, quā trium diuinarū personarū. Inquit Apost. ad Rom. c. 6. quicumq; baptizati sumus, in mortē ipsius baptizati sumus, cōsepulti enim sumus cum Christo in baptismo, vt in nouitate vitæ ambulemus. Circa quæstionē illam, de pueris existentibus in vtero matris, ibiq; mortuis, utrū sit pro eis orandū, & sperandū, q̄ futuri sint Christi participes: sicuti nō negamus Dei potentiā, & misericordiā, quodd interdū cōtulerit, & nūc cōferat rē Sacramēti sine Sacramēto; ita putamus, q̄ asserere illis pueris tribui à Deo gratiā ob nostras preces, & q̄ plures eorū salutem cōsequantur, non cōsentiat sanctorū doctrinæ, & catholicę veritati. De pueris, qui nondū toti egressi vterū matris baptizantur, si caput egressum baptizatur, credimus quodd vere sint baptizati, neque iterandum esse baptismum, vt

beatus Thomas dicit in tertia parte. q. 66. loquēs de baptismo paruulorum. E  
 si aliud membrum præter caput egressum baptizetur, non credimus verē  
 baptizatum puerum fuisse: quare si vixerit rebaptizatur. iudicium tamē cer-  
 tum Dei est. Reliquum est, vt pauca quædam perstringamus de Circunci-  
 sione, & de baptismo Ioannis Baptistæ: quo etiam dominus noster voluit  
 baptizari. præcesserunt baptismatis Sacramentum, quod Christi est, à quo-  
 cunque ministro tradatur, prius Circuncisio, quæ primum Abraham data fuit  
 veluti signaculum iustitiæ, quæ ei data erat per fidem, vt dicit Apostolus ad  
 Rom. cap. quarto. quæ proportionē quadam respondebat baptismati, licet  
 baptisma sit causa, vt instrumentum inuisibilis gratiæ, illa verò tantum signū,  
 & hoc præstet ampliorem gratiam, quàm illa. Verum vtrunque pertinet ad F  
 abolitionē peccati originalis, & sunt vtraque professiones fidei, ac per vtrum-  
 que suscipientes in cœtum fidelium aptantur. Quare non absque ratione,  
 expoliatio partis illius est in membro, in quo præcipue regnat concupiscibi-  
 lis vis, omnium maxime infecta, & corrupta peccato originali, vt scilicet si-  
 gnificaretur expoliatio corporis peccati, vt inquit Paulus ad Colloss. cap. 2.  
 in eo etiam membro tanquam generationis principio, totus homo contine-  
 tur, mas inquam, & femina. Ambrosius in epistola ad Constantium aliam  
 præter ea causam affert. Nam quoniam precium nostrum, quo à seruitute  
 Diaboli, & peccati redimendi eramus, futurum erat sanguis Christi, ideo  
 sanguinis effusio ante Christum exigebatur, saltē vt signum quoddā san-  
 guinis effundendi. ante Circuncisionem verò, non est dubitandum à Deo G  
 humano generi datum fuisse remedium aliquod ad peccati originalis remis-  
 sionem. Multi Theologorum putant fidem parentum satis fuisse. attamen,  
 quoniā ea fide omnes infantes poterant esse salutis compotes, cum nunc de-  
 fectu baptismatis multi pereāt, eorū cōditio videtur per Christū peior facta  
 fuisse, quàm fuerat futura, si Christus adhuc natus non fuisset; ideo sententia  
 Dutandi mihi non displicet, qui putat priores seniores, ac etiam Abraham,  
 quodam vsos fuisse signo sensibili, Deo inspirante, seu orationibus quibus-  
 dam, quo infantes Deo consecrabantur, & in cœtum fidelium adscribeban-  
 tur. Hugo de sancto Victore docuit Durandum. Augustinus libro 15. de Tri-  
 nitate. cap. 16. in dubio hanc rem ponit. nam idem dicit in libro de Sacramē-  
 tis. Hæc de Circuncisione. Ioannes Baptista, qui missus à Deo fuerat ante H  
 Christum in spiritu, & virtute Helix, Deo inspirate baptisma instituit in pœ-  
 nitentiā peccatorum, non autem in remissionem, & in abolitionem; quo &  
 Christus baptizatus fuit, vt aquas sui corporis tactu sanctificaret ad bap-  
 tisma. simul etiam ea ratione fuit institutum à Ioanne Baptista, vt eò acceden-  
 tibus prædicaret Christum, à quo accepturi essent spiritū sanctum, & remis-  
 sionē peccatorū, quam debet in adultis (vt supra diximus) præcedere pœnitē-  
 tia, ideo profitebatur Ioānes se baptizare in aqua, in medio verò ipsorū stare  
 eū, qui baptizaturus erat in spiritu sancto. Vnde etiā hoc baptisma, est appel-  
 latum Ioānis baptisma, quāuis à Deo fuisset institutū, quoniā nihil maius eo  
 cōferebatur, quàm id, quod est hominis, non Dei, prouocatio, scilicet ad pœ-  
 nitē-

**A** nitentiā. Accessit Christus ad Ioannis baptismā præter alias causas, vt aquā tactu corporis sanctissimi sanctificaret, vt earū immersione consequerentur homines remissionē peccatorum, & sanctificationem, quam Ioannis Baptista baptismā conferre non poterat. hoc baptismā Christi à quocunque ministro detur, etiam pessimo, & impiissimo, est efficax, ipse nanque baptizat. Hæc institutio fuit baptismatis Christi, vnde in Euangelio Ioannis cap. 4. legimus, quòd discipuli Christi baptizabant, & plures quàm Ioannes. Præceptum verò datum Apostolis fuit post resurrectionem, cum eis dixit, euntes baptizate omnes gentes in nomine patris, & filij, & spiritus sancti.

**B** *De Sacramento Confirmationis. CAP. II.*

**I**MITATUR, quemadmodum supra diximus, gratiæ, & vitæ christianæ progressus, naturæ rerum progressionem, quæ genitum animal, & in lucē editum infirmum adhuc, & imbecille prouehit ad firmiorem statum, in quo & per se gradiri possit, nec egeat fulcimento alio. item postquàm quispiam à mortuis resurrexerit in lucem christianæ vitæ, ac per baptismā renatus in hominem spiritualem, adhuc infirmis vitibus, & imbecillis, quasi intra vterum matris Ecclesiæ custoditur quousque crescat, & fiat firmior, quam firmitatem accipit melius, & vtilius per christiana Sacramenta, ideo baptismati succedit confirmationis Sacramentum, quo præstatur spiritalis vigor, & robur; quòd nec erubescencia, nec timor vllus vincat, quin palàm profiteatur nomen Christi. huius institutio sacramenti, excellentior fuit, signo magis, mitto, quàm id sit, quo nunc Ecclesia vitur. Nam quinquagesima post Pascha die missus, ac datus à Christo fuit Apostolis, & discipulis omnibus existentibus Hierosolymis, factò vehementi spiritu, & lingueis flammeis apparentibus Spiritus Sanctus; quo roborati cœpere palàm prædicare omnibus Euangelium, & fidem, quæ est per Iesum Christum, in Deum. à quo spiritu docta Ecclesia ex traditione Apostolorum materiam huic Sacramento accommodauit (non enim decet diuinam sapientiam vt semper, & vbique miracula faciat) qua maximè, & igneæ linguæ, & sonus spiritus significaretur. Nam oleo oliuarum, quod proprie est oleum, immiscuit balsamum, ac benedictione Episcopi consecrauit, quo frontes accedentium vngerentur; oleum enim & facile accendi potest, & mutari in ignem; item innato quodam splendore, & claritate lumen imitatur; balsamum vero odorem fragrantem emittit, & à putredine præseruat; quo, sono illi spiritus vehementis proportionē quadam respondet. Materia hæc ab Episcopo benedicitur, quod necessarium est in hoc Sacramento; non item in baptismate, cuius materia aqua, scilicet, sanctificata fuit tactu corporis Christi in Iordane. Materia hæc conuenit maxime vnctioni, vnctio vero sanctificationi per spiritum sanctum, vnde sæpe in sacris literis inuenitur hic vnctionis modus, vt in act. Apostolorum cap. primo. Quem Deus vnxit spiritu sancto. vnde Christus quasi vnctus, & christiani sunt appellati. cum ergo hoc Sa-

Gg iij

cramento conferatur Spiritus Sanctus, id est quædam amplior ipsius gratia, E  
iure vnctione conficitur, & materiam sumpsit vnctioni accommodam. minister vero consecrationis olei, seu chrismatism huius, est Episcopus, qui quinta feria maioris hebdomadæ, nudius quartus, inquam, ante Pascha, magna solennitate consecrat sanctum chrisma. Dionysius in libro de Ecclesiastica hierarchia præclare tractat vniuersum eum ritum, simulque arcanos sensus exponit. Item minister Sacramenti huius, de quo agimus, confirmationis, scilicet, est Episcopus, qui in Ecclesia est princeps. nam cum hoc Sacramento constituentur accedentes, in statu perfectiori christiani populi, utique hoc iure spectare videtur ad christiani populi præfides. nihilominus ut habetur, ex iussu Pontificis etiam presbyter potest hoc Sacramentum conferre: non posset tamen alij hoc committere, quam presbytero, cuius officium est in hac Ecclesiastica hierarchia illuminare, quod fit per gratiam, quæ traditur Sacramentis. Hæc Thomas tertia. quæst. 72. art. 2. Quamobrem sequi reor, hanc potestatem mediam esse inter potestatem ordinis, & iurisdictionis. nam quia committi potest non Episcopo, videtur iurisdictionis esse; quia vero non cuicunque clerico committi potest præterquam sacerdoti, videri iure potest esse ordinis potestas. Hæc de ministro. Forma vero Sacramenti huius, huiusmodi est, signo te Ioannes, seu Maria, signo crucis, & confirmo te chrismate salutis, in nomine patris, & filij, & spiritus sancti. horum, neutrum est Sacramentum, sicuti diximus de baptismo, sed quemadmodum ibi ablutio est baptismatis Sacramentum, non aqua, aut verba; ita in confirmatione inunctio est Sacramentum, & confirmatio; indigemus tamen & materia, de qua iam dictum est, & certa ea verborum forma. in fronte verò fit hæc vnctio, ut significetur palàm, & coràm omnibus nullo pudore vetante, nulla formidine, datum illi esse hac vnctione, ut nomen Christi confiteatur, vbi scilicet oportet, & quando oporteat, ceterisque seruatis circumstantiis, quæ requiruntur ad seruanda præcepta affirmatiua. Accedentes ad hoc Sacramentum necesse est, ut sint abluti baptismo, secus nihil acciperent; nam potentia, qua quis potest capere Ecclesiæ Sacramenta, traditur in baptismo, neque quispiam capit id, cuius capiendi potentiam non habet. si fuerit infans, sufficit si fuerit baptizatus; quod si adultus acceperit, requiritur insuper, ut sit confessus, si inquam fuerit sibi conscius alicuius culpæ mortalis. nam cum hoc Sacramento tribuatur accedenti amplior mensura Spiritus Sancti, is utique effugit fictum, neque habitat in anima subdita peccatis. In hoc Sacramento, itè, est anadochus, qui sustineat cõfirmandum, quoniã adhuc imbecillis est, & infirmus, ideo eget fulcimentis, cum quo cõtrahitur spiritualis cognatio sicuti in baptismo. verum, de hac cognatione late disseremus in tractatu de Sacramento matrimonij. Beatus Thomas tertia. q. 72. art. 8. putat hoc Sacramentum tribui debere etiã valde infantibus, quia ampliorem gratiã consequuntur, & ideo ampliorem gloriã si decesserint. quæ morem etiã nos seruauimus, tanti viri auctoritate nixi. verum si maior esset habenda ratio Sacramenti, visibilis scilicet signi, sicuti renasci

- A** non potest, qui nō natus, ita etiā, qui naturā non est factus paulo firmior, non videretur congrue accedere ad firmitatis, & roboris spiritualis Sacramentum; gratia nanque & perficit naturā, & eandem habet progressionem. Hæc nobis norasse sufficiat, peritiores statuere verū poterūt & melius diiudicare. Anadochus præterea in hoc Sacramento locum habet, qui veluti infirmum adhuc, & imbecillem sustinet confirmandum. cum hoc etiam contrahitur spiritualis cognatio, vt infra dicemus. Vñs Romanæ Ecclesiæ fuit, vt patet in Decr. de consecr. distin. 4. c. in catechismo, ne idem esset anadochus in hoc Sacramento, & in baptismo, neque etiam in catechismo. mos ille non seruatur in pluribus Ecclesiis. Hoc Sacramento largitas quædam amplior gratiæ datur, & maioris sanctificationis. datur item sacramentalis gratia illa, in remedium imbecillitatis animi, ad confessionem Christianæ fidei, conferitur item consecratio, & character, quo statuitur in ordine perfectiorum, & veluti adulatorū in populo Christiano. Sacramentū hoc est baptismate perfectius, veluti inchoatione rei, ipsius perfectio, vt habetur distin. v. c. de his verò, Melchiade Papa auctore. neque iterum assumi potest hoc Sacramētum, sicuti nec baptisma, eò quòd consecratio in ipso conferatur, & character imprimatur. Hæc de confirmatione sint satis.
- B**

*De Sacramento Eucharistiæ. CAP. III.*

- C** INSTITVTVM naturæ progressum nulla in parte deferentes in spirituali vita, donec mortalis fuerit, & in carne peccati cōstituta, indigemus etiam, postquā robur adepti sumus, nutrimento, & fomento, ne ad carnis desyderia defluamus; quemadmodū in hac à natura nobis præstita vita indigemus nutrimento, cibo, inquam, & potu, quo si diutius caruerimus, tendimus in corruptionem, & interitum. hoc nutrimentum, quamuis & frequens meditatio, & oratio, cæteraquæ id genus nobis præstent, oportuit tamen institutum à Christo esse in Ecclesia Sacramentum, id est sensibilem rem, quæ arcanum hoc, & mysticum contineret. non defuit hac in parte Ecclesiæ suæ diuina bonitas, quamobrem in postrema cœna dominus noster Iesus Christus hoc Sacramentum omnium præcipuum reliquit Apostolis, & in sui memoriam præcepit celebrati. hoc Eucharistiæ Sacramentum sicuti longè omnium maximum, & excellentissimum est, ita in multis differt à cæteris Sacramentis. Cætera nanque Sacramenta continent gratiam imperfectè, vt instrumenta, sicuti diximus in priori libro; hoc verò continet cuiuscunque gratiæ fontē, Christū, in quā Deū, à quo omnis gratia, & hominē, qui nobis omnē gratiā meruit, & per quē omnē gratiā cōsequimur. itē differt ab aliis, quonia alia perficiūt in vsu materiæ, sicuti, baptisma ablutione, cōfirmatio vnctione, nō autē in eius benedictione, seu cōsecratione; hoc verò Sacramētum conficitur in consecratione materiæ. Præterea differt ab aliis, quoniam omnia alia, sicut vtuntur enunciatua oratione, ita dispensat sacerdos, vt ipse personam ministri gerens ea cōficiat; in hoc verò sacerdos induit personam
- D**

Christi, & verba consecrantia profert vt Christus : quo fit, vt Sacramentum hoc conficiatur verbo saluatoris, nō verbo sacerdotis, vt inquit Ambrosius. Sub hoc Sacramento duplex latet mysterium, seu duplex res Sacramenti, vt posterioriū more loquamur. Altera in Sacramento continetur, verum, scilicet, corpus, & sanguis Christi. Altera verò significatur, & non continetur, mysticum, scilicet corpus Christi, id est, fidelium Ecclesia. materia eius est panis triticeus, & vinum, quæ naturali specie significant nutrimentum. Communius nāque, & magis necessarium nutrimentū hominis constar pane, ac vino; pane inquā, triticeo, & vino ex vuis expresso. nam quæcūque alia genera panis, & vini per quādam horum similitudinem, & proportionem dicuntur panes, & vina, primò verò, & proprie triticeus panis est, & vneus humor, F  
vinum. Hæc est propria huius Sacramenti materia, adeo vt ex aliis confici non possit. Er quamuis esse videantur duæ rerum species, ex his tamen conficitur, veluti ex partibus completum nutrimentum : sic in spiritali nutrimento Sacramentum vnum est, quod perficitur ex duabus partibus, pane scilicet & vino, quibus Christus, prout passus est, continetur, & nobis significatur. quo fit, vt grauissime peccaret sacerdos, qui panem absque vino, aut vinum absque pane consecraret. De vsu verò, an bene in Ecclesiam Romanam inductus fuerit hic vsus, vt, scilicet, populo sub vna tantum specie, panis scilicet, dispensetur, quæstio est; de qua infra dicemus. vino aqua misceri debet, quamuis etiam si non misceretur, conficeretur nihilominus Sacramentum. ideo miscetur, quia aqua populum Dei significat, iuxta illud. Aquæ G  
multæ, Populi multi. & quoniam in hoc Sacramento significatio est Christianæ Ecclesiæ, quæ Christo capiti coniuncta est, & in ipsum mutata, idcirco parum ponimus aquæ, vt vi ipsius vini possit in vinum commutari. Hæc de materia Sacramenti. Forma in verbis est, quæ proferuntur à sacerdote, scilicet, hoc est enim corpus meū; hic calix est sanguinis mei, noui & æterni testamenti, mysterium fidei, qui pro vobis, & pro multis effundetur in remissionem peccatorum. Dubitant Theologi, an verba hæc omnia sint necessaria ad cōsecrationem Sacramenti. Scotus purat non tantū hæc, sed etiam, quæ præcedunt, vt accipite, & manducate, irem, accipite, & bibite, esse summa cum attentione proferenda; nam nescire nos, quibus verbis propriè fiat consecratio, & in corpus Christi mutatio. Theologi alij item præcipiunt H  
omnia esse attente, & magna cum veneratione proferenda, verum verba consecrationis propria dicunt esse in pane; hoc est enim corpus meū; quāuis si quis præteriret particulam, enim; nō tamen propterea non conficeret. de verbis in consecratione calicis est etiam controuersia. Verum assentiendum puto sententiæ Thomæ, qui sentit omnia esse necessaria, quoniam inuenimus in Euangelio prolata fuisse à Christo in institutione huius sanctissimi Sacramenti, præter ea, quæ, vt dicit Innocētius tertius extra de celeb. missa. Ecclesia per manus tradita ab Apostolis accepit, scilicet, æterni testamenti, item, mysterium fidei; item, hic calix est sanguinis mei, non autem hic est sanguis meus; neque, hic est calix nouum testamentum in sanguine meo. hoc postremo



- A** mum cōsignificat vsum illius sanguinis, vt pote, quem bibitori sumus. cætera explicant planius sensum verborum. Testamentum nanque hoc, ad quod pertinemus per Christum, nouum est, & in æternis rebus consumatur, vt inquit Apostolus Paulus in Epistola ad Hebræos .c.8. in hoc etiā sanguine est mysteriū fidei, id est, arcanum, quo innitur fides. nam vt item inquit Paulus, ad Romanos capite tertio. per fidem in sanguine eius constituit eum Deus propitiatorem. Antequā ad ministrum huius Sacramēti, & suscipientes, aliumque ritum accedamus, soluendæ nobis sunt quædam petidifficiles quæstiones. Prima est de vi horum verborum. item an sint enūciationes, quæ prius desinant esse, quā ibi sub specie panis sit corpus Christi, & sub specie vini, sanguis. est præterea maxima quæstio, quo nam pacto corpus Christi, quod credimus ascendisse supra cœlos, sit sub paruo panis frusto, aut in paucis vini guttis. est præterea quæstio de accidentibus, quæ sentimus, eorumque actionibus. item modus, quo Christus magnus homo sub eo Sacramento contineatur, satis ab hominis intellectu comprehendi posse non videtur. Antequā perscrutemur vim verborum, quibus sit consecratio, & quomodo vera sint, quæ dicuntur, erigenda mens est, & cogitandum augustius quoddam, & amplius hoc Sacramento contineri, & confici; ideo excellentiori quadā vi opus esse. Sacerdos non ministri personam, sed vices Christi sibi sumit: neque materia vtitur præter eam, in quam agit, non qua, aliud quippiam agit, vt in aliis Sacramētis, sed verbis tantum perficit consecrationem. quæ verba ratione significati efficiunt ex pane Corpus Christi, & ex vino sanguinem. neque proferuntur à sacerdote enuntiationis modo, quasi recitentur à Christo dicta: sed sicuti ars in artifice, quæ forma est rei faciendæ, in materia formam effingit: ita in his verbis significatum, quo significatum contentum sub illis accidentibus esse corpus Christi, ex pauca efficit corpus Christi, nec significat, quòd fiat corpus Christi; hoc nanque quadā esset significatio rei inchoatæ, non perfectæ; sed quòd sit, quod est significatum rei iam perfectæ: etenim par fuit, vt in verbis Christi perfectius sit res Sacramenti, quæ sit eius verbis, quā in verbis ministri: idcirco magna de causa factum est, vt in solius huius Sacramenti consecratione, hæc forma locutionis adhibita sit, qua explicetur rem esse, quæ eius vi fiat. Accepit Ecclesia verba hæc à Christo, & verbo eius conficitur hoc Sacramentum. verissima etiā est hæc enuntiatio, nam perfecte significatio enuntiationis non est expressa, nisi in vltimo momento, & cum significando efficiat in vltimo momento, illud est corpus Christi, antea verò, semper fuit panis. Nolo nunc eam aggredi quæstionem Aristotelicam de primo & vltimo momento rei permanentis; de qua agitur in octauo libro Physicorum; nam nō multum facit ad erudiendum Episcopum; satis sit nobis hoc verum esse, & Aristoteli cōsonum, in toto præcedenti, ac priori tempore ibi panem esse, in vltimo momento, non esse panem, sed corpus Christi. Secunda verò longe difficillima quæstio est de modo, quo Christus, seu corpus Christi, cum prius non fuisset sub illis accidentibus, tunc primum incipiat esse. Omnes Theologi cōueniunt, licet
- B**
- C**
- D**

non sit proditum in sacris literis, rationis tamen ductū sequentes, quod fieri E  
 illud nō queat motu locali, sed mutatione quadam substantiæ panis in cor-  
 pus Christi, quam appellant Transsubstantiationem. hoc item statutum fuit  
 in cōcilio generali sub Innocentio tertio. Res certe hominis captum supe-  
 rat. verū obsequendū est, & obediendū fidei; summittēdūque intellectus  
 diuinæ authoritati, & sententiæ Ecclesiæ. Hæc mutatio, vt inquit Thomas, cō-  
 uenit partim cū creatione, & naturali mutatione, partim differt ab alterutra,  
 partim ab vtraque. nā conueniunt tres hæ, quas diximus, factiones in ordine  
 extremorū, vt, scilicet, vnū sit post alterū, nec simul esse queūt, sic in creatio-  
 ne est ens, post nō ens, neq; simul esse queunt. quī enim fieri potest, vt idē sit  
 ens, & nō ens, sic neq; album, & nigrū simul; ita postremò nec panis, & cor- F  
 pus Christi, sed ob prioris, & posterioris ordinem, dici potest ex non ente,  
 eis; ex albo nigrum; ex pane fieri corpus Christi, differūt verò quod in crea-  
 tione, nō ens, non mutatur in ens, neque fit ens. in naturali mutatione, album  
 mutatur in nigrum, ratione subiectū, quod prius erat sub albedine, postea  
 verò sub nigredine, non tamen albedo fit nigredo in hac verò, quam dici-  
 mus, mutatione, tota substantia panis, materia, inquam, & forma constans  
 mutatur, & transit in corpus Christi. si quæras quomodo hoc fiat, responde-  
 bo verbo creatoris, diuina virtute. si item quæras, quā ratione intelligere  
 queam totā substantiā, rem, scilicet, existentem posse mutari in rem aliam  
 existentem, fatebor ingenue me non intelligere, qua ratione queat fieri, &  
 fiat; nihilominus certissimum mihi esse, quod fiat. an videor fortasse tibi rem G  
 miram dixisse: expedita res est, facilis est. innumera sunt, quæ natura fiunt,  
 quorum ego rationē, vel minima ex parte attingere non queam; nihilomi-  
 nus sensu percipio, neque dubitare possum, quin fiāt. cur ergo miraris, si par-  
 uus, & vilis homuncio, rei factæ diuinitus rationem intelligere non potest.  
 Redeamus ad rem nostram. Conuenit hæc transsubstantiatio cum creatio-  
 ne, quia in neutra subiectum aliquod est; differt tamen, quia, vt dixi, termi-  
 nus à quo, panis, inquam, mutatur in Corpus Christi, in ea neutiquam, non  
 ens, mutatur in ens, creatio nanque, non est mutatio, sed simplex quædam  
 emanatio rei à prima causa, verū cum mutatione naturali conuenit, quod  
 in vtraque aliquid idem remanet, & constat sub vtroque termino. id in mu-  
 tatione naturali est subiectum, in hac verò transsubstantiatione sunt acciden-  
 dentia, quæ remanent. Hæc satis sint dicta de quæstione secunda à nobis  
 proposita, in quibus conueniunt omnes Theologi posteriores. illi verò, qui  
 existimant in Sacramēto sanctissimo hoc, nō esse corpus Christi verum, sed  
 esse illum verum panem, & signum corporis Christi veri, Hæretici habendi  
 sunt. Hæc hæresim, vt habetur in Decretis, Berengarius excitauit, qui postea  
 eam abiurauit. Zuinglius autem nostris temporibus, quibus prodeunt omnia  
 monstra, instaurauit; quam sequuntur Sacramentarij in Germania. alia quæ-  
 dam etiam hæresis in hoc Sacramēto, Luthero fuit excitata, quæ tamen nūc  
 mihi videtur sopita. Nam dicebat in Sacramento altaris esse verum corpus  
 Christi

- A** Christi, & sanguinem, simulque esse substantiam panis, & vini. Verum vtraque hæresis confutatur verbis Christi, nam inquit Christus, hoc est corpus meum, quod pro vobis datur, hic est sanguis meus, qui pro vobis, & pro multis effundetur. Tu dicis sacramentarie, ibi esse signum corporis veri, at Christus dixit, hoc esse corpus suum, non signum corporis, sed corpus, & verum corpus, ut pote, id, quod pro nobis tradetur, seu datur, seu frangitur. Quid expressius dici potuit Hæretice? pari pacto, hic est sanguis, & verus sanguis, is scilicet, qui pro multis effundetur. quis tam cæcus, qui tam illustrem rem non videat? is tantum, quem ambitio, superbia, fratrum odium excecavit. Tu vetò Lutherè inspicere an verba Christi tuâ sententiam refellant. Putas tu ibi esse verum panem, sicuti erat ante consecrationem. Postmodum, quia à nobis comprehendere non potest modus, quo incipiat ibi esse corpus Christi si diceret incipere ibi esse corpus Christi, modo, quem non capis, laudarem. si item diceret, te non intelligere transubstantiationem illâ, quam videbaris irridere, quamvis infinita esset audacia: irridere tot Theologorum, & totius Ecclesiæ sensum, propterea quod non intelligeres, rogarem, ut non ita audacter te probares: ea, quæ non intelligis. at cum dicas ibi esse substantiam panis, & eum panem, qui prius erat, intollerabile est. Nam verbis Christi contradicis. non dixit Christus, hic est corpus meum, sed hoc est corpus meum. hoc ea, scilicet, substantia, id individuum, quod sub eis accidentibus demonstratur, est corpus meum. ecce, quàm perspicue Christus hoc explicet, adeo, ut nulli dubium esse queat. submitendus est fastus, curuanda ceruix, ut obediamus fidei, ut in verbis veritatis nullam suspicemur esse posse falsitatem. Sequitur non minus priori difficilis quæstio de accidentibus, quæ ibi esse, & remanere sensu percipimus, an scilicet quemadmodum erant in pane, tanquàm in subiecto, ita sint in corpore Christi, adeo ut Christus afficiatur. utique primò certissimum sit, & exploratissimum corpus Christi non esse subiectum eorum accidentium neque accidentibus illis affici. absit hoc à christiana mente, nō enim fit adeo pusillus Christus, neque formam, figuramue hominis amittit. Ex hoc sequitur nullam substantiam subiectam esse illis accidentibus. verum animaduertendum est non esse eandem rationem omnium illorum accidentiorum, nam quantitas proculdubio subiectum est figuræ albedinis, saporis, odoris, omniumque aliorum, quippe, quæ substantiæ inesse non queunt, nisi media quantitate. in hisce igitur nullum esse mirum: sed omne quod mirari iure possumus, redigitur ad quantitatem, quæ in hoc Sacramento per se est, & habet modum substantiæ. Mira res certe naturæ repugnans. verumtamen nō est adeo aliena à rerū natura, quin multi Philosophi (hi inquam, qui posuerunt vacuum esse) imaginati sint fieri hoc posse, ut quantitas per se sit, nec insit cuiuspiam substantiæ, imò nec sit ullis qualitatibus sensibilibus affecta. id nanque vacuum est. cur ergo mirabimur Deum id facere, quod illi sæpius naturæ scrutatores putarunt esse secundum naturam. quantitas ergo habet esse per se, & modum substantiæ. nolo hoc in loco eam dubitationem tangere, an, scilicet, esse substantiæ panis, inquam, remaneat in quantitate illa, ut
- B** tu ibi esse verum panem, sicuti erat ante consecrationem. Postmodum, quia à nobis comprehendere non potest modus, quo incipiat ibi esse corpus Christi si diceret incipere ibi esse corpus Christi, modo, quem non capis, laudarem. si item diceret, te non intelligere transubstantiationem illâ, quam videbaris irridere, quamvis infinita esset audacia: irridere tot Theologorum, & totius Ecclesiæ sensum, propterea quod non intelligeres, rogarem, ut non ita audacter te probares: ea, quæ non intelligis. at cum dicas ibi esse substantiam panis, & eum panem, qui prius erat, intollerabile est. Nam verbis Christi contradicis. non dixit Christus, hic est corpus meum, sed hoc est corpus meum. hoc ea, scilicet, substantia, id individuum, quod sub eis accidentibus demonstratur, est corpus meum. ecce, quàm perspicue Christus hoc explicet, adeo, ut nulli dubium esse queat. submitendus est fastus, curuanda ceruix, ut obediamus fidei, ut in verbis veritatis nullam suspicemur esse posse falsitatem. Sequitur non minus priori difficilis quæstio de accidentibus, quæ ibi esse, & remanere sensu percipimus, an scilicet quemadmodum erant in pane, tanquàm in subiecto, ita sint in corpore Christi, adeo ut Christus afficiatur. utique primò certissimum sit, & exploratissimum corpus Christi non esse subiectum eorum accidentium neque accidentibus illis affici. absit hoc à christiana mente, nō enim fit adeo pusillus Christus, neque formam, figuramue hominis amittit. Ex hoc sequitur nullam substantiam subiectam esse illis accidentibus. verum animaduertendum est non esse eandem rationem omnium illorum accidentiorum, nam quantitas proculdubio subiectum est figuræ albedinis, saporis, odoris, omniumque aliorum, quippe, quæ substantiæ inesse non queunt, nisi media quantitate. in hisce igitur nullum esse mirum: sed omne quod mirari iure possumus, redigitur ad quantitatem, quæ in hoc Sacramento per se est, & habet modum substantiæ. Mira res certe naturæ repugnans. verumtamen nō est adeo aliena à rerū natura, quin multi Philosophi (hi inquam, qui posuerunt vacuum esse) imaginati sint fieri hoc posse, ut quantitas per se sit, nec insit cuiuspiam substantiæ, imò nec sit ullis qualitatibus sensibilibus affecta. id nanque vacuum est. cur ergo mirabimur Deum id facere, quod illi sæpius naturæ scrutatores putarunt esse secundum naturam. quantitas ergo habet esse per se, & modum substantiæ. nolo hoc in loco eam dubitationem tangere, an, scilicet, esse substantiæ panis, inquam, remaneat in quantitate illa, ut
- C**
- D**

inquit Thomas, qui sensit esse, seu existere rei cuiuscunque distingui secundum rem ab essentia: an potius, ut inquit Ioannes Scotus, non esse de ratione accidentis, quod actu insit subiecto, sed quod sit aptum natum inesse, quare nil videri posse impossibile, si quantitas non actu insit cuiuspiā subiecto, cum habeat tamen aptitudinem naturalem, qua sit apta nata inesse subiecto. nolo ut hanc quæstionē discuteamus, quam ignorare sine crimine villo potest Episcopus; nobis satis sit, quod diuina virtute quantitas illa per se sit, nullique inhæreat, ac propterea habeat modum substantiæ. De actionibus verò & passionibus quas sentimus in illis accidentibus, supposito eo, quod modo diximus, quantitatem, scilicet, habere modum substantiæ, & per se existere, non satis difficile est, intelligere, & quod fiat & quod fieri sentiam<sup>r</sup>. de actionibus res perspicua est, nam cum ea quantitas habeat modum substantiæ, ex diuina virtute, & affecta sit accidentibus, quæ sunt principia actionum, ut albedo visionis, odor olfactionis, siccitas exsiccandi; nil mirum si agat, nec mirum si alteretur ab accidentibus contrariis. magis mirum est de eius corruptione, & mutatione in substantiam alteram, cum quantitas sit forma simplex, res autem generata sit composita ex materia, & forma. Hoc in loco difficillimo, & vix explicabili Innocentius. 3. in libro de sacrificio Missæ, quem sequitur Alexāder de Ales, putauit ante corruptionem sensibilis Eucharistiæ, & alterius substantiæ generationem, ex ea redire substantiam panis, & vini, ex cuius postea corruptione alia substantia generetur. Sed hæc opinio à posterioribus reicitur, Thomæ, inquam, & Scoti. quia donec remanēt species G panis, & vini, ibi est corpus, & sanguis Christi; si ergo eò redit substantia panis, simul ibi esset substantia panis, & corpus Christi. si autē cum corruptæ sunt species sacramentales, redit substantia panis, præterquam quod esset tunc absque propriis accidentibus, simul etiam esset cum substantia ex ea genita, quod esse nequit. quidam voluerunt materiam tantum redire, de qua eadem dubitatio cōsurget, ac præter eam, alia, quod materiam videtur ponere esse sine forma aliqua. Thomas in tertia parte summæ videtur dicere, quod quantitas habet vicem materiæ, & quod in ea suscipitur forma generanda. hæc positio multas habet quæstiones, à quibus se satis explicare non potest. nam nescimus an semper mēsurā sit quantitas illa pro materia in successuris innumeris generationibus, an aliquādo pro ea sit materia reuersura. Scotus vult, H quod tota substātia redit genita, scilicet ex sensibili Eucharistia. verū nō queo ego intelligere, quo nā pacto tota substātia redeat, præsertim quæ nunquam fuerit, nisi per creationem, quam tamen vitat: ideo fortasse minus esset inconueniens, si quis diceret quantitatem, quæ nō per se existat, nisi quatenus est quantitas panis, mutatis speciebus, & accidentibus panis, cum vi consecrationis amplius per se existere nequeat, sed tendat in non esse, mutari vi diuina in substantiā rei generandæ modo propinquo illi, quo dixi substantiam panis mutari in corpus Christi. omnia hæc mira: omnia supra captum hominis sunt. Postrema quæstio est de modo, quo Christus magnus homo, & decorus supra filios hominum sit sub paruo panis frusto; an fortasse con-

globatus,

- A** globatus, & complicatus tam patuus efficitur. absint hæc monstra à sanctissimo Christi corpore. immortalis in eo est decor, immortalis proceritas, cæteraq; dotes illustissimi illius corporis. quid ergo inquires. quo nam pacto ibi est? paucis expediam si attetum te exhibueris. Diximus in pane vi consecrationis mutari substantiam corporis Christi. primò igitur sub accidentibus panis est substantia corporis Christi. substantia omnis per se, id est, sua natura, non est diuisibilis, sed ob quantitatem sit diuisibilis, perspicuum est hoc cuius philosopho. aduertat tamē nos eò, quòd diximus substantiam per se non esse diuisibilem, noluisse tamen propterea dicere substantiam per se esse indiuisibilem; hoc nanque longe aliud est à priore. id enim quod per se est indiuisibile, nequit fieri diuisibile. cum ergo substantia non sit diuisibilis per se, & mutatio sit per se, in substantiam, ideo sub accidentibus illis substantia corporis Christi non est diuisibiliter, ut ita dicam. verum in quavis particula panis, in qua fuerat substantia panis, vi conuersionis, in ea est tota substantia corporis Christi, quæ non est indiuisibilis in se, imò proceras, & magna in loco, in quo est ratione suarum dimensionum. at, cum in pane hoc non sit secundum modum dimensionum suarum, sed secundum modum substantiæ, non est hic diuisibiliter, quamuis diuisibilis sit; imò omnis eius quantitas, & proceritas sub accidentibus his est, & sub qualibet eorum particula, non diuisibiliter tamen, sed per modum substantiæ, cuius affectus sunt, & comites; sic est ibi anima Christi, sanguis, diuinitas, quamuis ex vi consecrationis non nisi substantia corporis Christi. ille idem igitur Christus, qui in cælo est magnus, ac decorus præ filiis hominum, (est nanque ibi sicuti in loco ratione suarum dimensionum) ille idem, inquam, totus est in qualibet particula, ubi fuerat substantia panis, non eo modo, quo est in cælo, ubi in loco est, ubi videri potest, quia ratione suæ quantitatis ibi est, sed secundum modum substantiæ, quæ non est diuisibilis per se, cæteraque ibi sunt tanquam affectus substantiæ. quo fit, ut inquit beatus Thomas, quòd Christi corpus, & sanguis, prout sunt in Sacramento panis, & vini, neque etiam ab oculo cuiusquam beati videri possent. nam substantia non est per se sensibilis, sed ratione accidentium sentitur, in Sacramento verò per se est substantia, accidentia verò sequuntur substantiam, & ibi sunt per modum substantiæ. Hæc nostro operi instituto sint satis de difficillimis quæstionibus his.
- D** Nunc pauca quædam dicenda sunt de ministro huius Sacramenti, & de accedentibus ad illud. minister sacerdos est, qui habet characterem Christi, per consecrationem Episcopi. is semper dummodo intendat conficere corpus, & sanguinem Christi, conficiet, verba ea proferens, quæ diximus supra formam esse huius Sacramenti, Hæc de potestate sint dicta. Verum, si indigne conficiat conscius sibi mortalis culpæ, ad perniciem sui conficiet Item, si degradatus, aut excommunicatus, seu suspensus, irregularisue cofecerit, ad interitum sui conficiet. Item, si constitutus in hæresi, aut ubi interdictum loco cuiuspiam fuerit factis, in caput suum coficiet. Oportet etiam ut seruet ritum Ecclesiæ in cōsecratione huius Sacramēti, Missam celebrando. Accedētes ve-

rò puros esse oportet ab omni mortifeta culpa. nec audiendi sunt illi, qui putant posse differri confessionē peccatorum mortaliū cum intentione, ac proposito cōfessionē faciendi, prætstituto ab Ecclesia tēpore, etiā si nulla necessitas urgeat, etiam si habuerint copiam sacerdotis, cui possint cōfiteri. purgandus est animus, habenda est à sacerdote absolutio, ne iudiciū nobis manducemus, & bibamus, ut inquit Paulus apostolus primæ Cor. c. vñdecimo, ita dicunt omnes Theologi, quidquid imaginati sint quidā iuniores: oportet etiam non esse excommunicatum, & esse ieiunum, qui accedit. Vis huius Sacramenti est augete gratiam, & fouete, non dare habenti, qui sibi sit conscius, imò perniciem illi affert. verū, si quis nō haberet gratiam, quam habere se putat, & dum confidit venerationi, accedit, consequitur gratiam, hoc tamen per accidens fit. valet etiam ad abolenda peccata venialia, saltem quoad culpam, nam actus ille fidei per charitatem operantis, culpam venialium delictorū delet. prætstat etiam nobis robur ad peccata vitanda, quatenus auget gratiam. non tamen institutum fuit hoc Sacramentum ad hoc potissimum, ut peccatum debeat, sed ut augeat gratiam, ac nutriat, ex qua robur prætatur, non particulate quoddam, ut in chris̄matis vn̄ctione, ad confessionem, scilicet, fidei pertinens, sed commune quoddam ad sustinendam humanam infirmitatem ne labatur, sed hinc robur capiat. nullam consecrationem confert hoc Sacramentum. nam, ut supra dixi, conficitur hoc Sacramentum non vsu materiæ, sed consecratione, vsus verò pestiferior est, nec Sacramentum est, sed vsus Sacramenti, quo nutritur, & fouetur spiritualis vita. quo fit, ut prætponat in accedente vitam. Cum etiā significet corpus mysticum Christi, id est, Ecclesiam, supponit quoque accedentem esse in Ecclesia non ab ea excommunicatum. is ergo qui sibi est conscius mortalis culpe, seu excōmunicationis adtingit falsitatē Sacramēto; ideo grauissime peccat. Apud fideles vsus huius Sacramenti duplex est, sacramentalis, scilicet, & spiritualis. in sumptione signorū sensibilibum consistit sacramentalis vsus, qui bonis, & malis communis est. Spiritualis verò est per fidem, & charitatem, qua credimus in eo contineri, ac passionem eius, qua redempti sumus in eo referri; ac amamus, & veneramur tam magnam eius erga nos charitatem, ac vouemus ei⁹ corporis membrum esse. hic vsus solum bonorum hominum est, & angelis huius Sacramenti vsus, neq; aliquibus conuenit, qui incorporei sunt, & inuisibiles; fruūtur attamē semper te huius Sacramēti, Christo, in quā, nō Sacramēto corporis aut sanguinis Christi. Laicis Ecclesia Latina dat sub specie tātū panis, ad multa vitāda scādala, sacerdos verò pro populo, cui⁹ personā gerit, sanguinē sumit, verū quoniā diximus præt̄ re cōtentam in hoc Sacramēto significari corpus Christi mysticū, id est Ecclesiā, quoniam tota hæc res bene intelligi non potest, nisi prius explicuerimus nostrū sacrificium; hoc enim Sacramentum est etiam sacrificium, & in Missa offertur Deo ab Ecclesia Catholica, qua de re à Lutheranis nostra hac tempestate tam magnæ contentiones ortæ sunt, idcirco non ab re futurum putamus, si quā altius repetemus de hoc nostro sacrificio. Verū frustra conabimur

- A** conabimur de nostro sacrificio agere, nisi prius intellexerimus quid sit sacrificiū, quod video multos ignorare, qui tamē frequenter in ore habēt sacrificiū nostrum & Missam. Paucos etiam inueni auctores, qui bene prodiderint scriptis suis, quid natū sit sacrificiū. ex omnibus, quos ego legi, Augustinus mihi videtur hanc totam rem explicuisse in libro decimo de ciuitate Dei, quem auctorem potissimum sequemur. Sacrificiū duplex est, interius & exterius. exterius sensibile illud signū est eius, quod Deo offerimus, & est, ut inquit August. Sacramentū sacrificij interioris. interius verò sacrificiū, nihil aliud est, nisi nostri ipsorū oblatio Deo, ut ei inhæream⁹, cuius tantū participatione felices esse possumus. hoc est sacrificiū interi⁹ cuius
- B** Sacramētū est sacrificiū exteri⁹, quo fit, ut in scripturis sacris, in prophetis in quā, & in psalmis sæpenumero dicat De⁹, sibi nō placere sacrificia exteriora, quibus nō indiget, reprehēdens, scilicet illos, qui superstitiose Deū colēbāt, putantes se fecisse satis, si frequentia Deo sacrificia offerrent exteriori, scilicet cultu, parum solliciti interioris. hac etiam de causa Dæmones superbi, & maligni, qui diuinam sibi venerationem appetunt, volunt sibi sacrificia fieri, non ut insipientes quidam putabant, ob id, quod delectentur nidore pecorum, aut eo vescantur, ut sæpe est apud Homerum, sed quoniam intērius sacrificiū, quod soli Deo debetur, in exteriori illo sacrificio sibi offerri voluit, ut homo illis inhæreat, & non Deo. hæc est sacrificij distinctio, & definitio, quam in eo, quem citauimus libro, Augustinus optime omnium explicat. Hoc fundamento iactō propius ad rem nostram accedamus. Cum igitur ea, quam diximus, sit sacrificij ratio, fieri non potest, ut donec sumus inimici Dei, nos Deo offeramus, ut illi tanquā summo bono inhæreamus. peccatori enim dixit Deus, ut in psalmo 49. quare tu enarras iustitias & assumis testamentum meum per os tuum: igitur oportet ut reconciliati Deo nos ipsos illi offeramus. Cum autem hæc reconciliatio esse non possit nisi per Christum, & per sacrificiū illud, quo se ipsum Deo patri obtulit Christus, imò nos omnes, & totum humanum genus, in se ipso, id est, in homine, quē assumpserat, obtulit Deo. idcirco cum nos vnum simus facti cum ipso per fidem, & charitatem diffusam in cordibus nostris, sicuti ipse in suo illo vni-co sacrificio, quo reconciliauit nos Deo, se ipsum, & totum humanum genus in hominē, quem assumpserat obtulit Deo: ita nos eius, scilicet, corpus vniuersa Ecclesia offert Deo Christum repræsentans, & recolēs memoriam passionis eius, & se ipsam per Christum Deo offert, ut illi inhæreat summo bono, cuius participatione fiat beata, & felix. & quoniam nostris temporibus res est in magna cōtrouersia, & Lutherani vrgent Catholicos, dicētes Missam esse sacrificiū, tanquā qui aboleant meritum passionis Christi, dicentes hoc nouum commentum esse, non ab re putamus esse ponere verba Augustini in capite vigesimo decimi huius libri de ciuitate Dei. inquit ibi sanctissimus hic, doctissimus, & antiquissimus auctor. Vnde verus ille mediator, in quātum formam serui accipiens, effectus est mediator Dei, & hominum. homo Christus Iesus, cum in forma Dei sacrificiū cum patre



sumat, cum quo & vnus est Deus, tamen in forma serui sacrificium maluit  
 esse, quàm sumere, ne vel hac existimatione quispiam existimaret cuiuspiam  
 sacrificandum esse creaturæ. per hoc & sacerdos est ipse offerens, & ipsa o-  
 blatio, cuius rei Sacramentum, esse voluit quotidianum Ecclesiæ sacrificiū,  
 cum ipsius corporis ipse sit caput, & ipsius capitis ipsa sit corpus, tam ipsa  
 per ipsum, quàm ipse per ipsam suetus offerri. Hæc ad litteram sunt Augusti-  
 ni verba, in quibus expresse est, quòd Christus voluit nostrum sacrificium, id  
 est Ecclesiæ, esse Sacramentum, id est, memoriam illius sacrificij, quo sicuti  
 Ecclesiæ oblata est per Christum caput, ita ipse per ipsam est suetus offerri.  
 offert ergo Ecclesiæ in suo sacrificio Christum, offert etiā se ipsam in Chri-  
 sto. Hoc expresse dicit Augustinus in decimo illo libro capite sexto. Hoc  
 est sacrificium Christianorum. Multi vnum corpus sumus in Christo, quod  
 etiam Sacramento altaris fidelibus noto frequentat Ecclesiæ, vbi ei demon-  
 stratur, quòd in ipsa oblatione, quam offert, ipsa offeratur. Offert igitur in  
 Christo se ipsam Deo Ecclesiæ, & hoc est sacrificium Ecclesiæ. Quòd autem  
 ita offeratur Christus, vt recolatur memoria passionis eius, & non cœnæ,  
 præterquàm quòd hoc euidenter ostendi potest ex consecratione panis, &  
 vini seorsum, tanquàm corporis, & sanguinis separati, quod fuit in passione,  
 verba Christi hoc significant; verba Pauli expresse ostendunt. Nam apud  
 Mat. c. 26. Christus dixit de sanguine, Qui pro vobis, & pro multis effunde-  
 tur, quod in passione factum fuit; ac subdit, hoc facite in meam commemo-  
 rationem, & Paulus apostolus primæ Cor. c. vndecimo expresse hæc inquit.  
 quotiescunque feceritis, mortem domini annunciabitis donec veniat. Quid  
 clarius? Quid illustrius? Verùm ignari hi dogmati Ecclesiæ Romanæ, & vni-  
 uersalis, ac superbi impingunt nobis, quòd dicamus Missam esse sacrificium  
 propitiatorium, ad remissionem peccatorum tam pro viuis, quàm pro de-  
 functis, quasi opus illud operatum sacerdotis æquiparetur Christi passioni,  
 & quòd nobis remittantur peccata non tantum per Christi oblationem, &  
 vnum illud verum sacrificium, sed etiam per opus operatum sacerdotis. im-  
 probant quòd Christum offeramus tanquàm impium cultum, & non sen-  
 tiunt in singulis orationibus nos offerre Deo Christum, cum dicimus, per  
 dominum nostrum Iesum Christum &c. Nonne hoc facere docemur, cum  
 docti simus solum mediatorem esse Christum, & quidquid Deo placet, in  
 illo placere? vnde etiam totum canonem tanquàm impium abstulerunt. mi-  
 ra certe violentia est, magnus impetus superbiæ, præsertim si acciderit in ho-  
 minibus suapte natura elatis. addunt præterea inuocationem sanctorum in  
 canone esse impiam. idque ausi sunt nullius auctoritate nixi, inconsultis Epi-  
 scopis vniuersis Catholicis. De Romano Pontifice nihil dicam, cum tamen  
 præcipue de eo dicere oportuerit, vt pote, ad quæ referendæ sunt quæstiones  
 difficiliore de fide; de hoc nihil dicā: ne obiiciāt mihi, me loqui in gratiā, sed  
 vnusquisq; per se facile existimare potest, cuius pudoris sit antiquissimū mo-  
 rē totius Ecclesiæ propria auctoritate mutare, vt neq; videātur hēsitasse. Nos  
 paucis respōdebim⁹ calūniis horū hominū, qui nihil habēt pēsi. Primū dici-

- A**mus nullū authorē Christianū ex vetustioribus, neq; ex iunioribus, qui præcipui sit nominis, dixisse Missam esse sacrificiū ex opere operātis sacerdotis, quō veluti æmulo sacrificij Christi sacerdos nobis mereatur remissionem peccatorum; hoc tamen inculcant hi in auribus populorum, & gētium; imō Ambrosius in libro de Sacramentis, Augustinus cōtra Faustū manichæū, in libro de ciuitate Dei locis, quos adduximus, dicunt, quōd in Missa sit memoria & commemoratio illius vnus sacrificij, quod Christus obtulit. Quid plura? nonne in canone dicimus, suscipe sancta Trinitas hanc oblationem, quam tibi offerimus ob memoriam passionis, resurrectionis, & ascensionis Iesu Christi dōmini nostri. Item, hoc facite in meam commemorationem, vnde & nos serui tui memores venerandæ passionis &c. Ecce expresse dicimus, quōd memoriam facim⁹ passionis Christi, per quod vnum sacrificium reconciliati sumus Deo. Quōd si quæsierint, an ex Missa contingat aliqua reconciliatio, & remissio viuus, & defunctis, dicimus, quōd remissio ad duo referri potest. ad culpam, scilicet & ad pœnam, cuius remanemus rei etiā post abolitionem culpæ. si de culpa mortali, inquam, quaratur, respondemus, quōd propiciario facta per Christum, cuius in Missa sit memoria, existenti in peccato mortali potest prodesse; & ad ipsum attingere per modū precis; Quamobrem, in canone cum mentio sit de viuus, & de defunctis orat sacerdos, vt perspicue intueri potest quicumque legerit canonem. nec huiusmodi peccatoribus viuus, inquam, alio modo potest applicari remissio facta per Christum. quæ preces maximam vim habere credendæ sunt, cum fiant in Missa, in qua sacerdos gerit personam totius Ecclesiæ, easq; offert in sacrificio, quo Ecclesia Christum, & se per Christum Deo offert, quas orat offerri per manus sancti angeli ad sublime altare Dei. si autem loquamur de remissione pœnæ in viuus, & defunctis, seu de gratiæ augmento; in viuus dico, quōd valet. primum modo superius dicto, scilicet, ratione precum, quæ efficacissimæ esse putandæ sunt in Missa; ideo & apud Græcos, & Latinos iā à primordio Ecclesiæ institutæ fuerunt preces in Missa pro defunctis. locupletissimus testis Augustinus in confessionum libro, cum loquitur de obitu Monachæ maris suæ, in libro de cura agenda pro mortuis; vbi de orationibus, de elemosynis, & de sacrificio altaris loquitur, tanquam de his, quibus præcipua suffragia præstentur defunctis. item, remittitur vtrisque pœna pro deuotione, fide, & charitate vnus cuiusque, sic enim dicitur in canone, quorum tibi cognita est fides, & nota deuotio, & ita dicit beatus Thomas in tertia parte, illis valere. offerentis etiā deuotio valet: sed hoc pertinet ad precum vim. Item, valet speciatim his qui sese offerunt sacrificium Deo per eū sacerdotem. Illi enim veluti propinquiore memorix passionis Christi, magis participes sunt illius meriti, & satisfactionis factæ per Christum. Hoc nobis insinuat antiquus mos Ecclesiæ nam post symbolum fidei, quicumque circumstabant, offerebant. item pro defunctis fiebant oblationes, vt ex sacris canonibus facile coniecere possumus, cum nonnullis eorum prohibeatur, ne pro quibusdam defunctis caperentur oblationes, quas omnes veluti hostiā

Deo offerebat sacerdos. Ecce, quonam pacto particulari, & priuato in ea E Missa, præter oblationem totius Ecclesiæ, cuius sunt membra, quidam tam viui, quàm defuncti, sese offerunt Deo, & fiunt ei sacrificium, quare verissimum est eos etiam participes fieri satisfactionis factæ per Christum, peculiari etiam, & priuato quodam modo. Hæc est Catholicæ Ecclesiæ doctrina, hæc continetur in canone; non nefanda illa, quam nobis impingunt, nos, scilicet, profiteri Missam, opus, scilicet, illud sacerdotis esse sacrificium, quod æmuletur passionem Christi, per quod nouum sacrificium sacerdos nobis mereatur remissionem peccatorum. Quis hoc dicit? Quis hoc sentit; nullus profecto sanæ mentis. at displicet eis, quod in canone inuocentur sancti. Dicunt quod hoc est nouum commentum. vide quorsum progrediatur superbia: illud etiam impingunt Ecclesiæ Catholicæ, quod inuocet sanctos, veluti alteros deos, & hoc pacto ferè decidat in idololatriam. Vide quàm nullum pudorem retineat inuidia, & maleuolentia. ab hoc postremo incipiam. Nonne docemur in sacris literis, Deum laudari in sanctis eius, vt in psalmo C L. nonne multa ostendit sæpius miracula in sanctorum suorum laudem. Certissimi, & grauissimi testes sunt Augustinus, & Ambrosius, cum vterque adesset Mediolani, inuentis e corporibus Geruasij, & Protasij martyrum, cæcum illuminatum fuisse, vt innumera alia taceam. Ecclesia nō colit sanctos, vt alteros Deos, sed vt Deo plenos, vt membra Christi, eorumque precibus petit à Deo adiuuari. De priori verò, quod dicunt nouum commentum, quod memoria Martyrum fiat in canone, illud primò notandum nobis est. F Sacrificium hoc, quod agitur in Missa esse sacrificium vniuersalis Ecclesiæ, cuius pars adhuc peregrinatur in terris, alia verò in cœlis fruitur Deo. Vna hæc Ecclesia est, vna ciuitas Dei, vt inquit sæpius Augustinus: Cur igitur nō decet in sacrificio vniuersalis Ecclesiæ mentionem facere sanctorum, sicuti fit mētio & viuorum & defunctorum omnium. Quàm autem vetustum sit hoc, videre poterit qui legerit Augustinum, qui in libro vigesimo de ciuitate Dei inquit hæc ad verbum notata. Neque enim piorum animæ mortuorum separantur ab Ecclesia, que nunc est etiam regnum Christi, alioqui nec ad altare Dei eorū memoria fieret in communione corporis Christi. idem dicit in libro vigesimo secundo eius operis. Græca etiam natio nomini Latinorum satis infensa, nonne in Missa composita à Basilio, & Chrysostomo de sanctis mētionem facit, imò pro eis dicit se sacrificium offerre. Verum, iam longius digressi sumus à negocio instituto. Cum igitur de Eucharistiæ Sacramento, & sacrificio Missæ, in qua fit eius consecratio, satis hæctenus tractatum sit, finem faciamus huic secundo libro. G



## LIBER TERTIVS.

De Sacramento Pœnitentiæ.

CAP. I.

**B** N H O C libro aliud de Sacramentorum genus ag-  
 grediendum est, nam ea, de quibus hæcenus actum  
 est, pertinet ad prosperum vitæ spiritualis cursum,  
 quo progredimur à prima baptismatis gratia, ad  
 gratiam vberiore, seu à spirituali generatione ad  
 incrementum, & fomentum spiritualis vitæ. verum,  
 quoniam donec mortalem vitam agimus, nec ad-  
 huc peruenimus ad perfectum, & firmum statum  
 vitæ spiritualis, retrocedere possumus facile, & à  
 vita spirituali decedere, idcirco ab optimo vitæ  
 christianæ institutore præstita nobis fuere Sacramenta quædam veluti me-  
 dicamenta; quibus ægritudo animi contracta expelli queat, & perfecta sani-  
 tas instaurari. Duo sunt huiusmodi Sacramenta, pœnitentiæ, inquam, & ex-  
 tremæ vnctionis. prius de pœnitentia, postmodum dicemus, de extrema vn-  
 ctione. Pœnitentiæ Sacramentum veluti secunda tabula est post naufragium  
 innocentiæ illius, quam baptismatis virtute adepti fueramus. & ne institutum  
 ab initio huius opusculi modum deferamus, sicuti in mortali vita, in qua à  
 Domino peregrinamur, interdum incidimus in grauissimas ægritudines, quæ  
 certissimam nobis essent perniciem allaturæ, nisi medicamenta à Deo opti-  
 mo nobis præstita fuissent, quibus mederi possemus, & opem ferre labanti  
 naturæ; ita in hac spirituali vita, in quam per Christum, & baptisma generati  
 sumus, antequam (vt dixi) perueniat ad immobilem, & firmum statum, plu-  
 rimæ ægritudines mortiferæ, nostra culpa nobis accidunt, quibus sanandis  
 institutum fuit pœnitentiæ Sacramentum. nam quemadmodum cōtra pec-  
 catum originale, quod est vitium naturæ, datum nobis fuit Sacramentum  
 baptismatis (nec refert, si in adulto vi baptismatis remittatur etiam alia quæ-  
 cunque peccata, vt diximus in superiore libro, quoniam nunc loquimur de  
 eo, quod per se est, & primum respicit baptismum) ita institutum fuit Sacramen-  
 tum pœnitentiæ ad abolitionem peccati mortalis. de veniali vero, quo-  
 niam gratiæ, & charitati non repugnat, non oportuit rationem haberi in Sa-  
 cramentis instituendis. nam Sacramenta contra peccatum instituta gratiam  
 conferunt; ideo ea peccata respiciunt, cum quibus gratia consistere non po-  
 test. verum ex actu voluntatis, quo in Deum fertur charitate incitata, & ei

H h iij

displicet quicquid officere ei possit, ne tota feratur in Deum, abolentur peccata venialia. qui motus voluntatis semper in nobis fit, cum Dei charitas, & gratia diffunditur in cordibus nostris per spiritum Sanctum. sic igitur abolentur per Sacramenta peccata venialia, sed veluti per accidens, & non primo, ut ergo redeamus unde digressi sumus, Sacramentum poenitentiae institutum ad abolitionem peccati, suam habet & materiam, & formam, sicuti alia Sacramenta omnia. verum alia est ratio materiae in hoc Sacramento, ab ea, quae inuenitur in aliis, praesertim hisce, de quibus haecenus tractauimus. nam in aliis omnibus & materia, & forma distinctae quaedam res sunt ab eo, qui Sacramentum suscipit; in Sacramento vero poenitentiae nulla est alia materia praeterquam operationes, & actus poenitentis, qui materialis pars sunt huius Sacramenti. quod si quis dixerit peccata etiam esse huius Sacramenti materiam, fatebimur utique peccata esse Sacramenti huius materiam, non eam tamen, quae sit pars Sacramenti, neque eam, quam sanet, & sanctificet, sed eam, quam destruat, & aboleat; non dissimili ratione, qua morbus est materiae medicinae, & pharmaci: actus ergo poenitentis ad abolitionem peccati sunt materia, id est materialis pars huius Sacramenti. forma vero est absolutio, quae fit à sacerdote. verum, quoniam Sacramentum est visibile signum illud, sub quo arcanum latet inuisibile, non erit ab re si prius quo ad materiam utrumque exponamus, deinde quo ad formam. quantum ad materiam pertinet, illud in primis nobis praefandum est. quamuis peccato mortali perdamus animae vitam, Deum, inquam, qui habitat in cordibus nostris per charitatem, quam tollit peccatum mortale; sicuti auersio à corpore lucido lucem tollit, longe etenim est diuersa ratio charitatis, & virtutum moralium: nam hae habitus quidam animi sunt comparati actu, ideo per peccatum non tollitur virtutis habitus, at charitas veluti lumen est dependens omnino à Dei bonitate, à qua, cum primum oculos auerterimus, amittimus diuinum lumen, diuinam vitam, ac recidimus in nostras, & nobis inferiores tenebras, sed de his satis. igitur ut dicebam, quamuis peccato mortali aboleatur animi vita, tamen quia sumus adhuc in Sacramentis Ecclesiae, & Deo consecrati per baptismum, in nobis remanet & si non vita, semen tamen quoddam vitae spiritualis, quo excitetur animus oportet ad vitae germinationem. huius incitationis primus motor, primusque author est Deus, qui nisi conuerterit nos, viribus nostris tantum ad eum nequimus conuerti. motus autem hic animi poenitentis, cum fuerit completus, pertinet ad poenitentiam animi virtutem, siue prodeat ab habitu, vel sine habitu fiat. non enim hoc in quaestione versari volumus. incipit igitur hic motus à peccati detestatione, siue ob timorem poenae, qui seruilis est timor, siue ob peccati turpitudinem, quam lumine naturali intelligere possumus. postea sequitur motus fidei, qua credimus diuinis promissis, ut scilicet paratus sit misereri ei, qui per Christum, & eius Sacramenta, ad eum conuersus fuerit. hinc rursus incipit peccator non tantum detestari peccatum, & poenitentiam agere, quod peccauerit; verum etiam & abstinere in futurum à peccato statuit pro virili; & insuper proponit Deo pro,

- A** pro modulo suo satisfacere, adeundo sacerdotem, humiliter cōfitemdo peccata, quæ fecit, & parendo iudicio sacerdotis in satisfactione facienda, rariōnabili, scilicet, & possibili; nā si scus esset, iam non esset voluntas ea conformis diuinæ voluntati. Quam satisfactionem scit per se nihili futuram, sed quoniam innititur satisfactioni factæ per Christum, cui assimilamur satisfactione hac quantulacunque; ideo etiam fructiferam, & vtilem sibi putat. motus hic est pœnitentiæ virtutis, quæ pars est iustitiæ commutatiuæ, illius, inquam, quæ delet culpam multa, & pœna. verum differt pœna à satisfactione, quia pœna nolenti infligitur, satisfactio vero fit à volente, iuxta iudicium tamen, & arbitrium illius, in quem peccatum est. igitur imposita multa à sacerdote, qui gerit Dei personam, quam volūtarie peccator subire paratus est, dicitur satisfactio. hic ergo pœnitentis actus est veluti materia in hoc, de quo agimus, pœnitentiæ Sacramēto; quæ vim habet ad remissionem peccati veluti secundariam. nam prima consistit in absolutione sacerdotis, quæ est huius Sacramenti forma. huius rei Sacramentum est signum sensibile, exterius actus, scilicet, pœnitentis, accessus ad sacerdotem, genuflexio, peccatorum confessio, satisfactio imposita. hæc omnia pertinent ad materiā huius Sacramenti. absolutio sacerdotis est forma, quæ habet vim, quam significant verba prolata ad absolutionem, & remissionem peccatorum, sicuti Christus pollicetur est, cum Apostolis, & discipulis dixit prout habetur in Euangelio Ioannis cap. 20. accipite Spiritum Sanctum, quorum remiseritis peccata remittuntur eis, & quorum retinueritis, tetenta sunt eis. ex hac ergo Christi promissione, & potestate sacerdotibus tradita, absoluit sacerdos, postquam peccata ex ore confitentis cognouerit, seu retinet, si ita visum fuerit; fungitur etenim officio iudicis. verba verò absolutionis enuncians profert: suntque hæc necessaria, vt multis videtur, ego te absoluo in nomine patris, & filij, & spiritus sancti. quidam vero putant etiam si addita non fuisset inuocatio trinitatis, absolutionem in illis verbis cōsistere, te absoluo, seu ego te absoluo. magis tamen mihi placet priorum sentētia, quæ etiam turior est. peccata verò ea tenemur confiteri, quæ mortalia sunt; quamuis nonnulli Theologi addant etiā venialia, cum quispiam mortalibus caret. verum Scoti sententia mihi valde probatur. non diffitemur confessionem venialium etiam bonam esse, & eorum culpam dimitti ex absolutione; verum nos ex præcepto non teneri ad confessionem venialium sentimus. Absolutioni annexus est tractatus de potestate clauium, & de clauibus, de iurisdictione, de indulgentiis, de excommunicatione, suspensione, ac de interdicto; quibus annexus est etiam tractatus de purgatorio. verum, antequam aggrediamur tractationem de rebus propositis, soluendæ nobis sunt nonnullæ dubitationes. prima pertinet ad institutionem huius Sacramenti, an, scilicet, sit de iure diuino, & à Christo institutum; alia de partibus huius Sacramēti, an, scilicet, constet ex tribus illis partibus, quæ passim vulgatæ sunt esse partes Sacramēti pœnitentiæ, contritione, scilicet, confessione, & satisfactione. Quantum ad priorem quæstionem, nulli dubium, quòd illi, qui putant Sacramentum pœ-

nitentia quoad materiam, & formam, non esse de iure diuino, cōtradiciunt E  
 Euangelio. nam Ioannis cap. vigesimo est locus, quē paulo supra citauimus,  
 Chritus infusus in suos discipulos dixit. accipite Spiritum Sanctum, quo-  
 rumcunque remiseritis peccata, remissa sunt eis, & quorumcunque retine-  
 ritis retenta sunt eis. idcirco alij dixerunt absolutionem, quæ est forma Sa-  
 cramenti pœnitentiæ, esse de iure diuino, sed neque confessionem, neque sa-  
 tisfactionem esse de iure diuino. verum nunc eis responderetur de confes-  
 sione, nam de satisfactione posterius dicemus. quo nam pacto potest sacerdos  
 fungi officio, & potestare data sibi à Christo, nisi peccata intellexerit, neque  
 ab alio liceat ea inquirere, aut suspicari? hoc enim pertineret potius, cum li-  
 cet, ad forum iudicii, quàm ad forum conscientia. oportet ergo, vt à pœnitē- F  
 te ea intelligat, quòd est eius confessio. nōnulli dicunt, & Lutherani huius  
 erant sectæ, quòd illis verbis Christus non dedit sacerdotibus potestatem  
 vllam, sed tantum officium; quare putant satis esse sacerdoti fateri se pecca-  
 torem esse, is vero officium habet absoluendi. horum sententia clarius luce  
 meridiana contradicit Euangelio Ioānis loco paulo supra citato, in quo pa-  
 riter fit mentio de remissione, & retentione peccatorum. item in collatione  
 clauium Petro, fit mētio apud Matthæum. cap. 16. & de solutione, & de liga-  
 mento perspicuum est. igitur, illis verbis sacerdotes iudices constitui, qui iu-  
 dicium certum nullum asserre possunt, nisi sciuerint, & cognouerint quorū  
 sint dimittenda, & quorum sint retinenda peccata. Nonnulli putant necesse  
 esse, vt is, qui voluerit subire iudicium sacerdotis, & obtinere ab eo absolu- G  
 tionem, vr peccata sua confiteatur. verum iniquiunt, ex sacris literis non con-  
 stat, quòd hac tantum via pateat nobis aditū ad recōciliationem cum Deo,  
 & ad obtinendam remissionem peccatorum, sicuti de baptismo constat,  
 nisi quis renatus fuerit ex aqua, & spiritu sancto, &c. Scotus in quarto sentē-  
 tiarum conatur ostendere ex nullo sacræ scripturæ loco hoc nobis constare.  
 tenet tamen ob authoritatem Ecclesiæ sentiendum esse confessionem auri-  
 cularem, inquam, esse de iure diuino. mihi certe subtilitas, & diligentia Sco-  
 ti hoc loco non satis probatur. nollem iniecisset hunc scrupulū. beatus Tho-  
 mas in quarto sententiarum adducit locum vnum, cum Christus, scilicet, lo-  
 queretur de his, super quos ceciderat turris Silo, inquit, nisi pœnitentiā ege-  
 ritis, omnes similiter peribitis. & interpretatur aliud esse pœnitere, & aliud H  
 pœnitentiam agere. nam agere pœnitentiam pertinet ad exteriores actus, in  
 quibus consistit Sacramentum pœnitentiæ. pia certe est diui huius senten-  
 tia, & à piis menibus amplectanda. verum calumniari pertinax homo facie  
 posset, & ad alium sensum trahere illum locum. idcirco his, quæ sanctissi-  
 mus hic, & doctissimus vir scripsit, pauca quædam addam, illud præfatus,  
 quod & cuius perspicuum est, & patres nostri obseruauerunt. non tantum exi-  
 stimare nos debere ea tradi in sacris literis, quæ expressa sunt in literis illis;  
 verum etiam ea, quæ deducuntur, & sequuntur ex his, quæ prodita sunt in  
 literis illis; præsertim si vsus vniuersalis Ecclesiæ consenserit, ad peccati ab-  
 solutionem, necessariam esse in pœnitente contritionem, & dolorem de admis-  
 sis in



- A** sis in Deum & innumeri scripturæ sunt loci, & ratio naturalis dicat, cui cōtradici non potest, vt in psalmo 4. quæ dicitis in cordibus vestris, & in cubilibus vestris compungimini. & Ioelis. cap. 2. scindite corda vestra, & non vestimenta vestra. & apud Matthæum. cap. 3. pœnitentiam agite, appropinquet enim regnum cœlorum. innumeri alij sunt loci de contritione. confessio vero quod illi sit facienda, qui remissurus est peccata, præterquam quod ratio naturalis hoc ostendit, & consuetudo ciuilis docet; indignus enim venia est, qui non vult fateri se in quempiam deliquisse, sacræ etiam literæ hoc testantur vt in psalmo 31. dixi confitebor aduersum me iniustitiam meam domino, & tu remisisti impietatem peccati mei. item, ex contrario sensu dictum est. vt in psalmo 140. non declines cor meum in verba malitiæ ad excusandas excusationes in peccatis. illi etiam, qui à Ioanne baptizabantur in pœnitentiam, & non in remissionem peccatorum, confitebantur peccata sua. hoc obseruant Iudæi, & Mahometani ab ipsa natura docti. confitentur etenim Deo peccata sua, à quo sperant remissionem peccatorum. ex his absque dubio sequitur confessionem, & remissionem peccatorum, veluti reciproca esse, & sibi vicissim respondentia. cum igitur Christus dederit sacerdotibus insufflans in eos potestatem remittendi peccata, simul cum Spiritu Sancto, nulli dubium, quin præceperit pœnitentibus, qui egent remissione peccatorum, vt delicta sua confiteantur sacerdotibus. reciproca hæc etenim sunt (vt diximus.) at dixeris, nōne potest Deus peccata dimittere absq; munere sacerdotis? potest vtique, potest etiam sine baptismate gratiam conferre, & regenerationem: at dices, cur in baptismatis Sacramento dixit, nisi quis renatus fuerit ex aqua, & spiritu sancto, &c. in hoc verò Sacramento non dixit, nisi quis sacerdoti confessus fuerit. respondeo, baptismatis Sacramentum magis necessarium esse, vt pōt, quo etiam infantes egeant, ideo, vt diligentes omnes faceret tum pro se, tum pro infantibus, illud fuisse expressius dictum in baptismate, quam in pœnitentia, tum quia, cum in baptismate vtrunque expressisset, scilicet, & quod pertinet ad sacerdotes, euntes baptizate omnes gentes in nomine patris, & filij, & spiritus sancti; & id, quod pertinet ad suscipiētes baptismā, nisi quis renatus fuerit, &c. non putauit in pœnitentia hoc repetendum, verū expressit id, quod est potissimum, & pertinet ad formam. illud verò, quod reciprocum est, non ita expressit, quia reciprocum est, & quia expresserat in baptismate vtrunque reciprocum, ac par esset in hoc ratio, non putauit necessario exprimendum. hanc deductionem nostram comprobat vsus Ecclesiæ tum Græcæ, tum Latine, Ethiopice, Maronice, aliarumq; nationum, quæ omnes confitentur sacerdoti peccata, vt impetrent veniam, & remissionem peccatorū. est præterea alia ratio, nam nullus inimicus Dei potest Deo reconciliari, nisi per Christum, & fidem in sanguine eius, vt Apostolus dicit in epistola ad Romanos, Sacramenta verò operantur, & efficaciam habent à passionē Christi, & per fidem passionis, ideo ei qui eget reconciliatione, opus est post baptismā hoc Sacramento. id vero, quod adducunt ex capitulo. Omnis vtriusque sexus de pœnitentia &

remissione, quasi ex eo loco habeatur institutio confessionis, verum nisi fuerint omnino pertinaces, nec caruerint sensu communi, facile intelligent eo in canone, Innocentium. 3. non instituisse confessionem, sed instituisse quòd saltem semel vno quoque anno omnes vtriusque sexus cōfiterentur proprio sacerdoti. Hac explicata quæstione, vt potuimus, accedamus ad alterā explicandā, de partibus, scilicet, pœnitentiæ Sacramēti. Duæ sunt huius Sacramēti partes, sicuti & cuiuslibet alterius, forma, scilicet, & materia, forma in absolutione est, & hæc est simplex vnitas, namque maxime sequitur formam. altera est materia, quæ, vt supra diximus, est actus confitentis. peccata vero sunt materia, vt morbus, quam expellit, & destruit pœnitentia, non illius generis materia, de qua loquimur, quæ est pars Sacramenti pœnitentiæ. ex hac parte ferè omnes Theologi ponunt tres esse pœnitentiæ partes, contritionē, scilicet, confessionem, & satisfactionem. Scotus in quarto sententiarum videtur ferè reicere satisfactionem. inquit enim, pœnitentem posse, postquam confessus fuerit peccata, & absolutus à sacerdote, recusare satisfactionem, etiam impositam ab eo, scēdum rectam rationem. verum meo iudicio hoc in loco Scoti sententia periculosa est. nam si in civili republica tenemur parere iudici procedenti secundum formam iuris, etiam in foro conscientiz, eiūque interroganti nos etiam de delictis capitali pœna puniendis verum respondere, & iure impositam pœnam patienter ferre: longe plus debemus teneri sacerdoti satisfactionem rationabilem imponenti parere. & si quis teneat posse nos recusare satisfactionem impositam nobis à sacerdote, videretur fateri sacerdotem non esse iudicem constitutum à Deo in foro eo, scilicet, in causa, quæ agitur inter nos, & Deum. quòd si quis fateretur, difficile posset vitare eorum sentētiā, quam supra reiecidimus vt erroneam, ex textu Euangelij, Ioannis, c. 20. scilicet, quòd sacerdos in absolutione fungitur munere quodam, & officio, sicuti in baptismate conferendo; non autem agit officium iudicis, quo efficeretur, vt confessio singulorum peccatorum non esset necessaria. præterea id, quod supra diximus, actus, scilicet, pœnitētis completos pertinere ad iustitiam punitiuam, esset reiiciendum. nam si non est paratus pœnam subire pro delicto, quomodo vult satisfacere? neque in satisfactione hac standum est iudicio suo, sed eius, qui tenet locum Dei, in quem admissa est culpa omnis. his rationibus adducor, vt sentiam longe saniores esse aliorum Theologorum sententiā, qui ponunt satisfactionem esse partem pœnitentiæ, quæ in proposito antecedit absolutionem, præstatum autem actu post absolutionem. nec audiendi sunt illi, qui putant deleta culpa, deleri omnem pœnam, & quòd efficiamur participes satisfactionis factæ à Christo, qui satisfecit satis, superque pro peccatis totius mundi, & etiam ob diuinam liberalitatem mouentur hi, quam non decenter putant remittere culpam, reos tamen pœnæ eos adhuc detinere. verum sentiendum est cum vniuersa Ecclesia, etiam post dimissam culpam, Deum à nobis poscere pœnam, tum quia pœnæ sunt medicinæ, ac nobis prosunt, tum etiam quia oportet conformari nos Christo in patiēdo, si satisfactionis eius sumus futuri participes

- A** ticipes, inquit Paulus ad Romanos cap. 8. si quidem compatimur, ut & glorificemur. in multis scripturæ sanctæ locis idem reperimus. sed apertissimus est locus in secundo Regum libro cap. 12. de David, qui postquam reprehensus fuit à Nathan, quod adulterium, & homicidium perpetrasset, & graviter indoluisse, audiuit à Nathan, transtulit Dominus peccatum tuum, verum is, qui tibi natus est filius, morietur. His explicatis, quoniam Sacramento huius, de quo agimus, absolutio, quæ est forma, recte intelligi non potest, nisi agamus de clauibus, & de potestate clauium, ac de cæteris, de quibus supra fecimus mentionem, aggrediendus est tractatus ille. Duæ sunt clauēs ordinis sacerdotalis, clauis, scilicet, scientiæ, seu iudicii, & clauis ex-  
**B** cendi iudicii, ligandi, scilicet, & soluendi. hæc clauēs conferuntur sacerdoti in consecratione cum ordine sacerdotali, & pertinent ad forum hominis cum Deo. clauis scientiæ, & iudicii prior est, quæ non sic accipienda est, ut referatur ad scientiam, & disciplinam, quam habent eruditi homines, qui propterea etiam recte iudicant; sed referenda est ad potestatem iudicandi ex officio, & ut ita dicam, ex magistratu, quem gerunt. multi sunt peritissimi Iurisperiti, qui ex scientia recte iudicare possunt; attamen cum non sint iudices, non habent iudicandi potestatem. contra multi iudices imperiti habent iudicandi potestatem, carent tamen scientia. clauis ergo hæc referenda est ad potestatem, non ad scientiam. attamen censendi sunt indigni hac clauē, qui ighari sunt, sicuti de iudicibus in ciuili scientia diceremus.   
**C** Altera vero, quæ est clauis ligandi, & soluendi pertinet ad executionem iudicii facti, quæ vel soluit, vel ligat si non soluit, si ita ei videbitur debere fieri, vel simul soluit, & ligat, soluit utique à culpa, & à reatu poenæ æternæ; ligat verò poenæ satisfactionis, quam poenitenti imponit. verum; quoniam sacerdos hæc facit, ut minister Dei; & Christi, minister verò est organum animatum, ac organum vim non habet, nisi quatenus mouetur ab auctore, & causa superiori; utique si sacerdos non nitens diuinis legibus, & ratione soluerit quempiam, non tamen propterea solutus erit, in foro conscientiæ, inquam, eo quod subtraxerit se à regula superiori, cuius est organum. ex his etiam apparet sigillum confessionis, quod in nullo casu potest frangi, nam Deus peccata tegit, quæ peccator confitetur; ideo debent tegi, & non pa-  
**D** di à Sacerdote; qui etiam iurare posset se nihil eorum scire, cum ea audierit, non ut homo, sed ut vel Deus, vel ut minister Dei, ut tegantur peccata, non ut pandantur. Duæ hæc clauēs pertinent ad ordinem; verum actus, & usus harum clauium, indiget præter ordinem etiam iurisdictione. non enim sacerdos potest absolvere, præterquam subiectum sibi, non alicuium, is verò subiectus ei est, in quem iurisdictionem habet: in casu tamen necessitatis quilibet sacerdos potest confitentem absolvere, etiam non subditum, quia eo in casu efficitur sibi subditus; neque opus est, ut iterum confiteatur proprio sacerdoti, quia etiam sacramentaliter, ut ita dicam, est absolutus. hoc vero non contingeret si laico confiteretur. nam cum laicus non posset sacramentaliter eum absolvere, quamvis Deo satisfiat illa confessione, si periculi

tatus is fuerit, attamen si euaserit periculum, debet sacerdoti confiteri. hæc de clauibus ordinis. Sequitur ut de iurisdictione dicamus, & de clauibus iurisdictionis, quæ utique secundæ quædam sunt clauces. nam potestas ordinis est in foro hominis, ad Deum; ideo, primæ, & præcipuæ clauces sunt illæ, quibus referatur, & clauditur aditus hominis ad Deum. iurisdictionis vero potestas pertinet ad spirituale forum, quod est hominis ad Ecclesiam. idcirco clauces hæc sunt secundariæ. potestas ordinis à Deo est, & quilibet sacerdos cuius alteri par est, non vnus superior, alter inferior in sacerdotio; nec Papa maiorem vim habet in consecrando corpus Christi, quàm minimus sacerdos, similiter absoluen-do in foro conscientiæ, nisi in casibus reſeruatis, quod pertinet ad iurisdictionem, ut infra dicemus. at in iurisdictione magna est F imparitas, ut ex Euangelio colligi potest; nam meo iudicio potestas ordinis remittendi, & retinendi peccata data potissimum fuit post resurrectionem omnibus discipulis simul, non vni præ alteri. dixit enim Iesus postquam insufflauerat in eos, ut narratur apud Ioannem cap. 20. accipite Spiritum Sanctum, quorumcunque remiseritis peccata, remittentur eis, & quorumcunque retinueritis, retenta sunt eis. similiter omnibus dixit in consecratione corporis, & sanguinis sui. hæc facite in mei commemorationem; omnibus simul, non vni præ aliis. potestas vero iurisdictionis meo iudicio potissimum data fuit in collatione clauium apud Matthæum cap. 16. quæ primum data fuit Petro, deinde aliis discipulis omnibus, postquam data fuerat Petro, dixit etenim Petro post grauiora verba, dabo tibi clauces regni cælorum, &c. dixit G postea discipulis omnibus, quæcunque ligaueritis super terram, &c. apud Matthæum cap. 18. infra, ubi ex antecedentibus perspicuè potest colligi locutum fuisse præcipue Dominum de potestate iurisdictionis; inquit enim clare suprâ, si Ecclesiam non audierit, sit tibi sicut Ethnicus, & Publicanus, quod vim habet excommunicationis; postea statim subdit, amen dico vobis, quæcunque alligaueritis super terram, erunt alligata etiam in cælis, & quæcunque solueritis super terram, erunt soluta & in cælis. ecce quàm perspicuè ex contextu locutionis apparet, præcipue locutum hic fuisse Christum de potestate, quæ pertinet ad iurisdictionem, quæ potissimum, & primum data est Petro; magno illo molimine verborum, postmodum data fuit Apostolis omnibus. nec te moueat quorundam acumen, qui inquirunt tunc non fuisse datam hanc potestatem, sed promissum à Christo, quod daturus eis esset. nam non inquit, do tibi clauces, sed dabo: hoc etenim potius subtiliter dicitur, quam vere. etenim futurum illud refertur ad vsum clauium, & potestatis, qua Christo viuenti uti non poterat, neque est vſus. est etiâ alius locus perspicuus in Euangelio secundum Ioannem c. vltimo, ubi post resurrectionem cum Dominus Petrum ter rogasset an amaret ipsum præ aliis, ac ter Petrus respondisset, ter quoque ei subdidit, pascue oues meas, pascue agnos meos, quæ pastoris cura omnem iurisdictionem continet, id, quod sigillatim inuenienti facile patere potest de doctrina etiâ fidei, quod à Petro ad alios deduci, ac veluti deriuari deberet, est locus expressus apud Lucam cap. 22. Satha-

- A** nas expetiuit, vt ctribaret vos, sed ego rogavi pro te Petre, vt non deficiat fides tua, & tu aliquando conuersus confirma fratres tuos. diuersa est ergo hæc iurisdictionis potestas à potestate ordinis sacerdotalis. hæc posterior est à Christo, & omnes sacerdotes in ea sunt pares; sic Episcopi omnes sunt pares, quoad actiones hierarchicas. sed de his infra dicemus, cum tractabimus de Sacramento ordinis. at potestas iurisdictionis tota, quantacunque est, in Pontifice Romano collocata est, reliqui omnes sunt sub ipso, eiusque potestatis participes. vnde Cyprianus antiquissimus, & præstantissimus author, & martyr dicit, vnum tantum esse Episcopatum, cuius participes sunt singuli Episcopi. hæc vero potestas cōmitti potest etiam non sacerdotibus. ad hanc pertinet Excommunicatio, Interdictum, Suspendio, Deposio, Irregularitas, & Infamia, de quibus pauca quædam perstringemus potiora, quæ satis sint ad peritiam Episcopi. Excommunicatio definitur à Theologis, esse separatio à communione fidelium, quo ad suffragia, & fructus. nam pro excommunicatis non orat Ecclesia, non dico, quòd si in gratia Dei fuerint, non sint participes bonorum omnium operum, quæ in Ecclesia sunt, sicuti quoduis membrum viuum corporis influentiam recipit ab aliis membris, ac vicissim reddit; iuxta id, quod dicitur in psalmo 118. particeps ego sum omnium timentium te, non hoc dico; sed cum Ecclesia publica orat pro fidelibus omnibus, excommunicati excommunicatione maiori non includuntur in his, pro quibus orat Ecclesia. ideo in hac excōmunicatiōis definitione dicitur, quoad suffragia. additur, quoad fructus, id est, Sacramenta. quia excōmunicatis Sacramenta non sunt ministranda. neque fideles debent cōuersari cum excōmunicatis, præterquā in quibusdā casibus, quos si vellem sigillatim recensere, longius, quā institutū opusculū exigit, oratione nostra vagaretur. est præterea excōmunicatio minor, quæ & imperfecta excōmunicatio, qua quispian tantum arcetur à cōmunionē, & participatione Sacramentorū, non autē à cōmunionē fidelīū, neque à suffragiis. ab excōmunicatione maiori, quæ pœna est valde grauis, absoluerē potest iudex, qui eam intulit, siue eo superior, nō tamē is superior, qui est superior quoad appellationē tantum, vt Archiepiscopus Episcopo superior est. quòd si non ab homine fuerit lata excommunicationis sententia, sed à iure, in eo, scilicet, casu in quo lex præcipit eum, qui quippiam peccauerit, confestim ipso facto excommunicationem incurrere, potest absolui à proprio Episcopo, nisi Pontifex sibi absolutionem reseruauerit. huius generis excommunicatio cum sit pœna, non culpa, & grauissima pœna, non debet infligi, nisi pro culpa, & ea quidem graui. vnde non debet inferri nisi pro peccato mortali, & eo quidem graui. hic notandum, quòd licet ab Ecclesia pœna non possit inferri nisi viuētibz, qui sunt in Ecclesia militanti; nihilominus in causa hereseos excommunicari solent etiam mortui, & eorum ossa effodi à sacro cœmeterio, nō quòd illi tunc excommunicari incipiant, sed quòd tunc manifestum sit eos fuisse excommunicatos. & hæc pœna medicina est non eorum hæreticorum, sed aliorum, qui dedecus eorum videntes abstinent magis à crimine hæreseos.

viui etiam quandoque inuiti possunt, & debent absolui ab excommunicatione: nam pœna est, non culpa, & medicinalis pœna, vt inquit Apostolus ad Corinthios 1. cap. 5. idcirco sicuti probus, & peritus medicus abstinet à medicina cum incipit nocere, ita etiam probus Prælatus abstinet ab excommunicatione, cum obest. ab excommunicatione vero minori, quæ contrahitur, cum quispiam versatus est cum excommunicato maiori excommunicatione, non tamen participando in crimine, pro quo fuerat excommunicatus, aut in diuinis, neque in contemptum, vel contra præceptum superioris contumaciter; ab ea ergo, quæ sic contrahitur, potest quilibet sacerdos absolvere. verum complures sunt casus sigillatim à Theologis, præsertim à Canonistis nominati, in quibus licet cum excommunicato conuersari. personæ etiam certæ excipiuntur. quæ omnia & beatus Thomas in quarto sententiarum, & Archiepiscopus Antoninus in tertia parte suæ summæ collegit. nobis sufficiat lectorem admonuisse. Hoc tantum superioribus addemus, quòd communicans cum excommunicato seu à iure, seu ab homine, nisi is fuerit publice denunciatus excommunicatus, non propterea excommunicationem incurrit. excipit Antoninus vnum tantum, scilicet, si excommunicatus esset ob percussum clericum, & crimen esset publicum, & notorium; sic etenim videtur dicere Apostolus, primæ Corinth. cap. 5. si quis nominatur auarus inter vos, cum eo nec cibum sumere, interpretatur nanque nominatum cum dici, qui sit publicatus. hætenus de excommunicatione. Suspendio verò nihil aliud est, quàm pœna canonica, qua clericus arcetur ab executione officij, quod ei competit; non tamen propterea est excommunicatus, imò eius consuetudo nulli prohibetur. est etiam participes suffragiorum Ecclesiæ. exequi tamen non potest officium, quod habet. hæc pœna clericorum est, si proprie sumatur. quandoque tamen illata est etiam laicis, vt inquit Archiepiscopus Antoninus. Interdictum vero pœna est, qua plecti solet communitas. interdumque respicit locum tantum, interdum verò etiam homines. interdicitur autem quibusdam Sacramentis, & diuinis officiis, ac sepultura Ecclesiastica. cum interdicitur loco, vtrique publice diuina celebrari non possunt eo in loco: verum homines si alibi fuerint, possunt diuinis interesse; quòd si fuerit interdictum hominibus, nullibi possunt interesse diuinis. possunt tamen vbi est interdictum pueri baptizari, nec negatur confitentibus pœnitentia. chrismate etiam iungi queunt. aliorum Sacramentorum participatione interdictum est eis. viaticum tamen decedentibus non negatur. at negatur extrema vnctio etiam decedentibus. extra de sentent. excom. c. responso, & de pœnitent. ac remiss. c. quod in te. quidam tamen dies solennes excipiuntur vt Pascha, Natale Domini, Dies Pentecostes, & Assumptio Virginis, de sentent. excom. libro 6. c. alma. Hæc de interdicto. Depositiō quid sit, ex ipsa nominis significatione facile potest intelligi. deponitur enim is, qui à suo gradu deiicitur in perpetuū. Irregularitas vero est inhabilitas quædam, quæ impedit, ne quis officiū, quod habet, exercere possit, vel etiā ad illud admitti nō possit. sæpenumero irregularitas

- A** laritas contrahitur absque delicto, vt illegitime natus irregularis est ad ordines ecclesiasticos. bigamus etiam irregularis est. Infamiam autem incurrit Simoniacus conuictus. verum discutere latius de his poenis canonicis, non pertinet ad institutum opus. Omnis hic poenarum tractatus annexus est tractationi de clauibus, & clauium potestate; ea vero pertinet ad absolutionem, quæ est forma in Sacramento poenitentiae. Materiam vero diximus constare ex tribus partibus, contritione, scilicet, confessione, & satisfactione. de satisfactione tractatui annexus est tractatus de Purgatorio, & indulgentia. superius diximus, quod dimissa culpa, & facta cum Deo reconciliatione, adhuc supererat reatus alicuius poenae temporanae. nam poenae aeternae reatus repugnat gratiae, & reconciliationi factae. & hoc probauimus luce clarius ex sacris literis de Dauid, &c. nolo repetere ea, quæ supra dixeram. oportet enim socios nos esse tribulationis cuiuspiam, si futuri sumus participes gloriæ. poena vero omnis duplicem vim habet. nam medicina quædã est, dolor etenim poenae facit, vt nõ recedamus ab honesto propter voluptatem, aut ob quempiam dolorem alium minorem, vt colligitur ab Aristotele in secundo Ethicorum. fit etiam per poenam quædam recompensatio iustitiae. nam sicuti quispiam genio obsequens contra legem, sibi aliquid attribuit; ita oportet, vt præter voluntatem aliquid patiat. hæc vero temporanea poena innititur satisfactioni factae per Christum, sicuti primæ causæ, & respondet peccato, quatenus inordinate conuertitur ad bonum cõmutabile. sic etenim est contra legem naturalem. vnde etiam peccatis venialibus ob inordinatam conuersionem, quamuis in ea non sit auersio à Deo, debetur tamen aliqua poena: quod si fuerit contra ciuilem legem illud idem peccatum, debebitur ei præterea etiam poena statuta per legem ciuilem. hoc ergo posito, post culpæ dimissionem, imponitur satisfactio, quæ si fuerit imposita peccati reatui æqualis, nil amplius soluendum restat. Contritio etiam, quia dolor est, vim habet satisfaciendi; quod si non fuerit æqualis, sed inferior, & minor, id, quod reliquum est, soluendum est post obitum, eluendæque sordes omnes, antequam perueniamus ad gloriam. Ignis, hoc, purgatorius appellatur ab omnibus. Lutherani, & quipia alij contra cõsuetudinem, & sensum totius Ecclesiæ purgatorium ignem negarunt, eò quod non sit expressa mentio de eo facta in sacris literis, nec verentur contradicere sententiæ vniuersalis Ecclesiæ, & antiquorum doctorum patrum nostrorum. Augustinus præter locos alios, & in confessionibus, de obitu matris, & in libro de ciuitate Dei, propriũ opusculum fecit de cura agenda pro mortuis, vbi adducit locum illum Machabæorum lib. 2. cap. 12. de Iuda Machabæo, qui misit duodecim millia drachmarũ Hierosolymã, cogitans, quod pium esset orare pro mortuis. & subdit statim, quod etiam si non esset locus scripturæ, ei sufficeret autoritas totius Ecclesiæ. Græci nõne orant pro mortuis? in missis eorum compositis à Basilio, & Chrysostomo nõne fit oratio pro mortuis? idem dicit Chrysostomus in quodam suorum sermonum. Damascenus tractatum peculiarem composuit. idem colligitur à Dionysio in libro de Ecclesiastica hierarchia.



Vide quanta sit audacia quorundam homuncionum, qui audent cristas erigere contra sensum Ecclesiæ vniuersalis, iam per tot secula diuulgatum. verum in sacra scriptura sunt loci, ex quibus hoc colligi potest, si non volumus esse pertinaces. locus ille de Iuda Machabæo, quem supra tetigimus. in epistola Pauli ad Corinth. i. cap. 3. de eo, qui superædificat scænum, ligna, & stipulam super fundamentum, & aurum, & argentum, siue gemmas, & quod ignis probabit, quale sit vniuscuiusq; opus, est etiam locus meo iudicio expressus. scio esse aliquos doctores, Chrysostomum scilicet, qui interpretantur eum locum de doctrina, deinde extorquent id, scilicet, quod ignis probabit. attamen locus ille clarus est, & expressus, si quis noluerit vim interpretationis alterius ei adhibere. Præter purgatorium, & damnatorum in perpetuum locum, est puerorum Limbus, qui decedunt tantum cum originali peccato. hunc locum Augustinus in multis suorum operum locis non videtur agnoscere, licet dicat, quod leuissima omnium pœna mulcentur. nonnulli etiam moderni doctores videntur assentiri huic sententiæ. in concilio Florentino tempore Eugenij quarti celebrato, nihil certi statutum est. verum omnes ferè posteriores, Limbum puerorum posuere. fit in scriptura præterea mentio de sinu Abrahæ, in quo, in Euangelio Lucæ, c. 16. dicitur fuisse Lazarus pauper ille. fuit pater credentium Abraham, ideo qui salui erant per fidem, nec tamen admitti poterant ad gloriam, nondum soluto peccato naturæ passionis Christi, dicti sunt fuisse in sinu Abrahæ. nunc vero sinus Abrahæ est vita æterna, ad quam gratia Dei perducatur nos. Tractatui de purgatorio annexa est tractatio de indulgentiis. Vetus Ecclesiæ antiquus fuit, quæ spiritu Christi regitur, & ideo errare non potest, indulgentias concedere ad abludendum reatum pœnarum purgatorii. ratio vero, qua nititur hæc concessio indulgentiarum, est, quoniam, si qui duo fuerint, vnus vinculo charitatis efficiuntur; amor etenim, ut inquit Dionysius in libro de diuinis nominibus, habet virtutem vnitionis, ut ex pluribus vnum faciat: potest ergo amicus soluere amici debitum, & iustitiæ satisfacere. pœnæ igitur, non quatenus medicina est, sed quatenus per eam satisfit culpæ, & culpa pœnæ æquatur, potest amicus pro alio subiens pœnam satisfacere, sibi quæ ex charitate illa, qua pro amico satisfacit, mereri. hoc supposito, cum in Ecclesia sit satisfactio Christi, qua pro omnibus satisfecit, & pro totius mundi peccatis; sunt etiam opera satisfactoria sanctorum, qui austeram vitam egerunt, multumque laboris subierunt, quæ superant reatum pœnæ eorum, & in vtilitatem Ecclesiæ passi sunt, iuxta illud Pauli, ad Collocens. cap. i. suppleo in corpore meo, quæ desunt passionum Christi, pro corpore eius, quod est Ecclesia. si quis ergo reus pœnæ fuerit charitate his coniunctus, utique ex iusta, & pia causa, ut Sanctorum, & Christi seruetur intentio, poterit is, qui Ecclesiæ propositus est, satisfactionem eam applicare. ideo tria requiruntur ad concessionem indulgentiæ, in suscipiente charitas, nam sine charitate vnus non esset cum Christo, & Sanctis. in concedente, & dante autoritas, in causa pietas. vnde non possunt concedi pro arbitrio, & voluntate dantis, sed ex iusta, & pia causa. hu-

- A** la . huiusce rei potestas omnis in Pontifice est; in Episcopis verò limitata. alij verò cum propriæ Ecclesiæ non omnino præsent, hac authoritate carent. diximus supra , cum Sacramentum sit inuisibilis gratiæ visibilis forma, peccatum verò veniale non repugnet gratiæ, & charitati, nullum fuisse institutum Sacramentum ad abolitionem peccati venialis, vt putat Thomas, quamuis Scotus teneat extremam vnctionem institutam fuisse ad veniale peccatum delendum. verùm cum peccatum veniale repugnet actui charitatis. etenim, quamuis in peccato veniali non sit auersio à bono incommutabili, est tamen inordinata conuersio ad bonum commutabile; ideo quædam non Sacramenta, sed sacramentalia sunt in Ecclesia instituta, quibus cum excitetur animus ad peccatorum detestationem, vel ad charitatem, & amorem Dei, in quo necesse est, vt nobis displiceant omnia quæ impediunt nos, ne semper actu feramur in Deum, huiusce omnibus soluitur reatus peccatorum venialium quoad culpam, & sæpe quoad poenā, licet hoc non sit necessarium. huiusmodi verò sunt, confessio illa, quæ fit in hora diei prima, & in completorio, quæ ex deuotione confitentis, & ex humilitate confessionis, & ex oratione, misereatur &c. vim habet ad remissionem venialium. oratio etiam dominica, si fuerit deuote pronunciata, cum dicimus, dimitte nobis debita nostra, ad deletionem culpæ venialium valet. item aspersio aquæ Sanctæ. excitatur enim his omnibus affectus animi in Deum, & in peccatorum detestationem. Præter hanc poenitentiam, quam diximus esse Sacramentum, est etiam poenitentia solennis, quæ sub parte Sacramenti est, id est sub satisfactione. hac antiqua Ecclesia vti solebat, nunc venit in desuetudinem. vtebatur longa & varia cæremonia. nam poenitentes in exordio quadragesimæ cum suis presbyteris accedebant ad Ecclesiam ad Episcopum, ac ingrediebantur nudis pedibus sacco induti, legebantur septem psalmi poenitentiales, aspergebantur aqua benedicta, imponebatur cinis super eorum capita. deinde sicuti Adam eiectus est de paradiso, ita denunciabatur, quod eiicerentur ab Ecclesia, & ita expellebantur vsque ad cœnam Domini; tunc recipiebantur, non tamen communicabant, neque eis dabatur pax à suis presbyteris. hocque seruabatur singulo quoque anno, quousque erant poenitentes, donec ab Episcopo iterum recipiebantur. hæcquæ poenitentia semel tantum poterat iniungi. ac tales multis carebant postmodum priuilegiis. hæc nisi ab Episcopo imponi non poterat. est præterea poenitentia, satisfactio scilicet, non solennis, sed publica, qua nunc etiam solemus vti interdum, vt is, scilicet, qui magnū quodpiam scelus commisit, præsertim si ex eo scandalum publicum sit ortum, etiam publice satisfaciatur. hæc tamen in summa de Sacramento poenitentiae dixisse sufficiat.

POst pœnitentiæ Sacramentum institutum à Christo fuit, sed promulgatū ab Apostolis, Sacramentum extremæ vnctionis, qui etiam ante obitum Christi dicuntur in Euāgelio Mar. c. 6. vnxisse infirmos oleo. hoc Sacramentum veluti quidam est apex Sacramenti pœnitentiæ, quod institutum fuit ad abolendum reliquias peccati, quæ supersunt, & ad infirmitatis reliquias tollendas. hæc prima vis est huius, de quo agimus, Sacramenti. Posterior verò prioris affecta est, curatio ægritudinis corporis, si ita expedit animi bono; sic etenim habemus, in epistola Iacobi c. v. infirmatur quis in vobis, aduocet presbyteros Ecclesiæ, qui vngāt eum oleo, & oratio fidei saluabit infirmum, F & si fuerint in peccatis dimittentur ei. Idcirco datur tantum infirmis, & per modū medicinæ. aliter verò perituris, vt à iudicibus condēnatis, non datur hoc Sacramentum; in extremo etiam vitæ constitutis, solet hoc Sacramentum conferri, quando non videtur amplius spes relicta medicinæ, humanæ, his, scilicet, qui vel adhuc sanæ sunt mentis, & Sacramentum hoc petunt, vel his qui cum sanæ fuerint mentis, habuerunt huius desiderium Sacramenti, vt superius dictum est, cum ageremus de baptismo adultorum, pueris non datur, sicuti nec Eucharistia, quia eget deuotione. huius Sacramenti materia est oleum oliuæ, ab Episcopo in hunc vsum consecratum. forma verò sunt verba prolata à presbytero, qui huius Sacramenti minister est, proferruntur autem per modum orationis, videlicet, per istam sacratissimam vn- G ctionem, & per Dei misericordiam, indulgeat tibi Dominus, quidquid per oculos deliquisti, sicque in cæteris locis, qui inunguntur. hi verò sunt oculi, propter visum; aures ob auditum, nares, ob olfactum; os propter gustum; manus propter tactum, & in his locis necessaria est vnctio de necessitate Sacramenti. quidam vngunt pedes ob vim motiuam. nonnulli etiam renes ob vim appetitiuam. hoc peculiare est in forma huius Sacramenti, quòd in ea vtimur oratione deprecatiua, non enunciativa, vt in aliis Sacramentis, nec imperatiua, vt dicemus infra in Sacramento ordinis. ratio huius duplex adducitur à diuo Thoma, primò quoniam datur infirmis in extremo vitæ constitutis, qui videntur maximè indigere Dei misericordia, qua oratio nititur. item quoniam actus recipientis non est de integritate huius Sacramenti, nulla- H que sit impressio in materia male disposita, idcirco propter indispositionem recipientis nulla fieri potest impressio, sicque irrita esset vis Sacramenti. quamobrem vtitur sacerdos oratione deprecatiua. in Sacramento autem pœnitentiæ, quoniam actus pœnitentis sunt de integritate Sacramenti, ideo enunciativa oratione vtitur in absolutione sacerdos. in baptismo verò, etiā in fide accedentibus, si non gratia, character tamen, & consecratio certa recipitur, cuius vi etiam recedente fide, adest gratia, hæc de forma, & materia, item de ministro & recipientibus, ac institutione huius Sacramenti. Nolo in calce huius tractatus præterire, quibusdam videri Dionysium in libro de Ecclesiastica Hierarchia, vbi loquitur de defunctis, & eorū exequiis, mentio-

- A** mentionem facere de hoc extrema vñctionis Sacramento, cum dicit corpus oleo inungi. verum falluntur. nam illa vñctio cadaueris erat, quod nullius capax est Sacramenti, neque vlla adhibentur verba, sine quibus veluti sine forma nulla confici, aut constare possunt Sacramenta. ideo cæremonia tantum quædam illa erat, qua significabatur defunctum illum fuisse plurimis certaminibus aduersus Diabolum, ad quæ obeunda in baptisinate vñctus fuerat. quod si quæras qua ratione de hoc Sacramento mentionem non fecerit Dionysius. respondeo eadem propemodum, qua, neque de poenitentia Sacramento, neque de matrimonio mentionem fecerat. eius etenim institutum fuit tractare de actionibus hierarchicis, in quibus hæc Sacramenta numerari non poterant. nam purgatio potius pertinet ad doctrinam, & satisfactionem, & diabolicam vexationem, quam ad absolutionem à culpa, quam diaconus præstare non potest, cum sacerdotis sit munus, Purgatio tamen hierarchica pertinet ad diaconum. hætenus de hoc Sacramento extrema vñctionis. &c.
- B**



## LIBER QVARTVS.

*De Sacramento Ordinis.*

C A P. I.



**H**ACTENVS ea Sacramenta sunt à nobis exposita, quæ ad sanctificationem, & expiationem singuli cuiusque Christiani pertineant: verùm quoniam horum Sacramentorum omnium ministri sunt Sacerdotes, & Episcopi, quorũ ministerio & regeneratur vnusquisque in Ecclesia Christi secũdũ inferiorem hominem, & expiatur à contracta peccatorũ labe; ideo nunc est à nobis agendum de ordinibus Ecclesiasticis. illudque in primis discutendum sacerdotium, ac reliquos ordines non conuenire vnique Christiano, vt Lutherani dicere solebant, nisi quibusdam Sacrae scripturae locis ab eis perperam intellectis. locus est apud Petrum I. c. 2. vos autem genus electum, regale sacerdotium, gens sancta. item in Apocalypsi c. 1. fecit nos regnum, & sacerdotes Deo. Ex his locis nonnulli parum eruditi volebant deduci omnibus Christianis sacerdotium conuenire, adeo, quòd etiam scemini. verùm quàm fallantur præter vsum Ecclesiae, & rationem, innumeratque authoritates scripturae sacrae, res ipsa, & loci illi eos docere poterant, aliud esse sacerdotium, quod omnibus Christianis conuenit, qui in baptismo vncti sunt, & aliud hoc quod nos sacrum ordinem appellamus. sicuti apud Hebræos, à quibus locum illũ sumpsit Petrus, quamuis omni populo dictum fuerit, vos regale sacerdotium; attamen erat priuatus ordo sacerdotalis, qui pertinebat ad trahentes originem ab Aaron, neque etiam omnes erant Reges, sicuti David; quemadmodum neque Christiani omnes sunt Reges, quamuis dictum sit omnibus regale sacerdotium. verba beati Petri, quæ sequuntur, indicant quo pacto sumus omnes sacerdotes. nam subdit, offerentes spirituales hostias Deo. ecce, quomodo sumus sacerdotes, quia offerimus Deo hostias spirituales, cordis affectũ, orationes, elemosynas, ceteraq; bona opera. nã talibus hostiis promeretur Deus. ecce, quo pacto omnes sumus sacerdotes. sic omnes sumus Reges, si prauis affectibus fuerimus dominati. sed plusquã par erat morati sumus in hac stulta sententia exploranda. Veniamus ad exponendum hoc ordinis Sacramentum. Ordo est signaculũ quoddam, seu sacrum signum, quo ordinatis tra-

ditur

**A**ditur spiritualis potestas, & officium. Ordo hic sumitur, non pro respectu & habitudine quapiam, sed pro gradu. nam in superiori gradu supra populum constituti sunt clerici, sic dicimus senatorium ordinem. hoc Sacramentum non est institutum ad expiationem, imò expiati per poenitentiam, tantum digne accedunt ad sacros ordines: augetur tamen gratia, & infirmitati, quæ solet contingere in exercendis sacris muneribus, remedium adhibetur. confertur præterea consecratio, siue character sicuti in baptismo, & confirmatione, quem quidam interpretantur esse signaculum illud, seu sacrum signū. verū & character, & etiam, visibilis illa cæremonia, qua clerici ad hūc ordinē assumuntur, recte potuit fuisse dicta signaculū, seu sacrum signū. nā Sacramentū, est inuisibilis gratiæ, visibilis forma. consecratio hæc potissimum est in hoc Sacramento ordinis Ecclesiastici. nam institutum fuit non ob maiorem sanctificationem suscipientium ordines sacros, se ob id potissimum, vt consecrati ministri essent, ac medij inter Deum & populum. sunt in hoc quoque Sacramento materia, & forma, quemamodum in aliis Sacramentis: non tamen omnino similis est in hoc, & in aliis ratio materiæ, & formæ. ideo vt à forma incipiamus, Episcopus in conferendis ordinibus, nō vitur enunciatione, sed modo imperatio. inquit enim, accipe potestatem &c. nam in aliis Sacramentis, cum traduntur, sacerdos seu Episcopus tantum minister est, & instrumentum: in hoc verò, cum Episcopus tradat potestatem, quam habet, imò minorem, vitur etiam modo imperandi, inquitque, accipe &c.

**C** materiæ quoque in hoc Sacramento, aliquo pacto ratio est diuersa à materia aliorum Sacramentorum. nam in aliis materia efficientis vim habet, vt aqua in baptismo, sic oleum in chrismate. in hoc verò Sacramento materia, sunt instrumenta, quib⁹ vtūtur in eo ordine existētes, vt clauēs, Vtcei, cæteraq; id genus. quāobrem in hoc Sacramento lōge potior vis est in forma, quā in materia. quo fit, vt in nonnullis Sacramentis vasa tradantur consecrata nō ab Episcopo, sed à Diacono. minister est Episcopus, qui habeat iurisdictionem, quamuis minores ordines conferantur ab Abbatibus, & per cōmissionem Papæ possint conferri à sacerdotibus quibuscunque. Maiores verò ordines ab Episcopo tantum conferri possunt, adeo, quòd per cōmissionem Papæ simplex sacerdos non posset conferre diaconatum, & sacerdotium.

**D** item, subdiaconatum, vt inquit beatus Thomas in quarto sentētiarum libro. verūm de his infra, cum agemus de Episcopatu. suscipientes verò, primum necesse est, vt sint baptizati. nam omnium Sacramentorum ianua est Baptisma, vt supra diximus: adeo, quòd si non baptizatus susciperet quempiam ordinem, necesse esset, vt baptizaretur, ac rursus consecraretur, quoniam baptismate confertur esse, & viuere vita Christiana, ut supra diximus, vt extra de presbytero non baptizato. oportet etiam vt sint confirmati, & ordine quodam ordines suscipiant, scilicet, vt non prius suscipiant superiorem ordinem. quā susceperint inferiorem, quòd si secus factum fuerit, oportet, si nō fuerint confirmati, vt confirmentur, quòd si ordine inferiori nō fuerint initiati, vt initientur, non tamen propterea debent repetere consecrationem

ordinis suscepti, quod in præterito baptisinate fieri oportebat, ut diximus. E  
 Debent etiam accedentes ad suscipiendos ordines purgati esse per pœnitentiæ Sacramentum, non tamen necessarium est, adeo quod non purgati etiam non accipiant characterem, & ordinem sacrum. Hoc Sacramento confertur suscipienti sua sacramentalis gratia, qua magis idoneus fit ad functionem illius muneris. augetur etiam prior gratia, ac propterea adhibetur peccato remedium, & robur ad resistendum. verum, ut supra tetigimus, magis respicit hoc Sacramentum peccata populi expianda ministerio sacerdotis, quam ipsius peccata clerici, & ideo consecratio potiorē partem habet.  
 Ordines Ecclesiastici septem sunt. quatuor, scilicet, minores & tres sacri, qui hoc, soli, nomine appellantur, non quod minores etiam non sint sacri, sed F  
 quod his initiati solummodo admittuntur ad tægenda vasa sacra, in quibus corpus, & sanguis Christi continetur, patenam, scilicet, & calicem. minores ordines sunt ostiarius, Lector, Exorcista, Acolytus. hi ordines non impediunt matrimonium contrahendum, imò si contrahant, erunt clerici coniugati: aduertendum tamen, quod de consuetudine Ecclesiæ est, quod donec uxorem habent, suspendantur ab executione officij, illi ordini debito. horum officia ferè manifesta sunt ex eorum nominibus. nam Ostiarius præpositus ostio templi, excludit excommunicatos, & interdictos à sacris, admittit autem ceteros. item arcebat pœnitentes energumēnos, & catechumēnos ab aspectu sacrificij corporis, & sanguinis Christi. Lectoris officium est legere populo libros veteris testamenti, in quo figuræ sunt, & Prophetiæ Christi. G  
 Exorcistæ adiurabant immundos spiritus ab energumēnis, qui vexabantur. Acolytus postremo, qui & ceroferarius, afferebat lumina ad Euāgelij lectionem in sacris Missarum: affert etiam vinum, & aquam in vasculis, eaque offert sacerdoti Missam dicenti, vnde quodammodo attingit officium subdiaconi. nam quamuis Acolyti non attingant vasa sacra sacrificij, offerunt tamen sacerdoti materiam, & si non sanctam, quæ tamen sit sanctificanda ad sacrificium. vnde puto eos fuisse appellatos Acolytos, vel quia arceri nō poterant, quin accederent ad sacerdotem, vel quia assequēbātur statim subdiaconum. Acolytum, scilicet, quasi Acoluthum. priores horū actiones respiciunt verum Christi corpus, secundariæ populum. Ostiarius admittit dignos, & excludit indignos à corpore Christi. Lector verò in Figuris, & Prophetis H  
 Christum, & Christi sacrificium nuntiat. Exorcista Energumenum dignum facit, expellendo Dæmones, ad communionem corporis Christi. Acolytus affert materiam sanctificandam in corpus & sanguinē Christi. ordine solēbāt hæc singula fieri à suis quæque ordinibus, nunc omīssa est prisca illa consuetudo. hos minores quatuor ordines, sequuntur tres maiores, qui etiā sacri appellātur, Subdiaconus, scilicet, Diaconus, & Sacerdos. dicuntur hi ordines sacri, quia accedūt ad facta propinquius aliis, tangereque eis licet vasa sacra, quod nō licet inferioribus ordinibus. hi omnes votū faciūt castitatis solēne, quamobrem cōtrahere matrimoniū nō possunt, & si cōtraxerint, irritū est propter votū solenne factum. Quo in loco notādum est, Votū castitatis quod-  
dam



- A**dam simplex esse, quoddam solenne, & publicum. simplex Votum est, quando quis Deo vouet se seruaturum castitatem, & acturum vitam continentē. hoc Votum impedit matrimonium contrahendum, & reus fit, qui cōtrahit, fidei fractus, non tamen fit irritum matrimonium postquam contractum est. at, Voto publico, & solenni, quale fit in Religionis professione, & in ordinibus sacris suscipiendis, non tantum impeditur matrimonium contrahendū, verum etiam contractū dirimitur, sed de hac re plura inferius, cum dicemus de Sacramento matrimonij. Redeamus ad sacros ordines. Primus est Subdiaconus. huic priscis temporibus non erat annexum Votum continentię, visum posterioribus fuit, cum tāgat vasa sacra Subdiaconus, pertinere etiam
- B** ad hunc ordinem munditiā castitatis. mundi estote, & mundamini, inquit scriptura, vt Esa. c. i. qui fertis vasa Domini. ordo hic, quantū ad corpus Domini, verum quod primò respiciūt ordines Ecclesiastici, officium habet subministrare Diacono vasa sacra, vnde etiam nomen accepit; vocatusque fuit Subdiaconus. ad corpus verò Christi mysticum, ad Ecclesiā, scilicet, & populum Christianum munus habet legere doctrinam Apostolicam in epistolis Apostolorum contentā, sicuti Acolytus, & fert cereos ad lectionē Euangelij, quæ populo fit: & in missæ celebratione affert vrceolos, quibus continetur materia Sacramenti nondum consecrata. post Subdiaconum, est Diaconus, qui primus minister est. huic licet tāgere vasa sacra, cum in eis est materia consecrata. vnde antiquitus Diaconi dispensabant populo sanguinem Christi, quando eo more utebatur Ecclesia, vt sub vtraque specie communicatio fieret populo corporis & sanguinis Christi. legit etiam populo Diaconus Euangelium, in quo continetur doctrina tradita à Christo immediate, non per Spiritum exiistētem in Apostolis. Dionysius in libro de Ecclesiastica Hierarchia, cum faciat mentionē de Episcopo, de presbytero, & de Diacono, non tamen expresse mentionem facit de Subdiacono, & de ordinibus inferioribus. verum ex eius dictis colligitur fuisse Diaconorum, id est, ministrorum diuersos ordines; inquit enim selectos ministros assistere sacerdoti in Missarum solennibus, alios verò ad fores templi, sicque ad alia munera obeūda. post Diaconum est Sacerdos, qui ad verum Christi corpus summā habet potestatem. nam conficit consecrationē corpus Christi, quod est Sacramentum omnium Sacramentorum. hæ præcipuæ sunt actiones horum trium, seu etiam quatuor superiorum ordinum, quæ directe spectant ad verum corpus Christi, & ad illud ordinantur. habent præterea hi ordines, vt tetigimus etiam supra, aliquas actiones, quæ respiciunt corpus Christi mysticum, id est, Ecclesiā, & populum Christianum, quatenus idoneus fit ad Eucharistiarum sumptionē. Et quia, vt à Philosophis accepit beatus Thomas, eiusdem agentis est disponere materiam ad susceptionem formæ vltima dispositione, & formam inducere, ideo ad sacerdotem pertinet absoluerē, & remittere peccata, vt scilicet, absolutus sit maximè idoneus ad sumptionem corporis Christi, & etiam corpus Christi conficere; ideo, cum vtriusque officij potestatem accipiat in huiusmodi consecratione, characterem cum

accipit in susceptione calicis, qui ei traditur cum vino, & patena, quæ datur ei, cum hostia non Sacra. Diacon' verò, quia ei nō traditur in vasis sacris aliqua materia, vt sacerdoti, & vasa sacra tågere etiā Subdiacono licet, credendus est ideo accipere characterem in manus impositione, qua in re præeminet eius cōsecratio cōsecrationi Subdiaconi. actio secunda Diaconi spectās ad populū, est lectio Euāgelij, vt diximus / Subdiaconi prima actio, est oblatio vasorum sacrorum Diacono, & per illum sacerdoti. secūda legere populo doctrinam Apostolicā, & vtriusque officij in cōsecratione potestatem accipit. attamen in susceptione vasorum sacrorum vacuorum tamen characterem, & cōsecrationem caput. Acolytus primā actionem habet afferendi vtreolū ad sacrificiū, qui ei datur in cōsecratione vacuus, Subdiacono verò F plenus. actio secunda est ferrē cereos, & lumina, ad expellēdas animi, & mētis tenebras, ideo datur ei in cōsecratione Cereofetarius. cōsecrationē tamen accipit in susceptione vtreoli. tres alij ordines ferrē distinctam non habent actionē, quæ est ad verum Christi corpus pertinens, ab ea, quam habet ad corpus mysticum, id est, ad populum, præterquā cum in tēplo, quo populus conuenit ad Missarū sacra, Ostiarius omnino expellat indignos, Exorcista certo tempore Energumēnos, quibus præest, Lector verò Catechumenos, qui etiā sæpe in concilijs appellatur audiētes, & pœnitentes. quos quædam Conciliorum Decreta in nonnullis delictis coniungunt audientibus. Hæ actiones respiciunt corpus Christi, quatenus exercentur in Missarum sacris; tamen præcipue respiciunt populum, neq; satis perspicue possunt distinguī. hī septē sunt ordines Clericorum in Ecclesia. verū infra minores ordines est Corona, seu Tonsura, & supra maiores est Episcopatus, Archiepiscopatus, Primas, seu Patriarcha, & Pontifex Romanus. quantum ad clericalem coronam, tenet beatus Thomas in quarto, quod non sit ordo. & recte. nam, cum ordo sit signaculum, quo ordinatis traditur & spiritualis potestas, & officium, ac per coronam nulla tradatur potestas & officium clericis, vt patet ex his, quæ ab Episcopo recitantur, cum clericum tondet. nam asciscitur tantum in clerum, & ad diuina obsequia, spiritualemq; vitam, nullum tamen officium, nec potestas ei propterea traditur. corona ergo non est ordo, sed est aditus & vestibulum ad ordines, sicut sponsalia ad matrimonium. At de Episcopatu magna est quæstio, an sit ordo necne. Magister sententiarum in quarto ponit tantum septē ordines, sacerdotemque summum facit, deinde numerat quasdam in Ecclesia dignitates vt Episcopatum, Archiepiscopatum, Primatem &c. beatus Thomas, item, in quarto tenet, quod propriè capiēdo ordinem, Episcopatus nō sit ordo, quia potestas ordinis primò respicit corpus Christi verum, supra quod Episcopus non habet quapiam in parte maiorem potestatem simplici sacerdote, si verò ordo capiatur pro officio supra mysticum corpus, sic Episcopatus dici poterit ordo, sed improprie. attamen contra magnam dubitationem facit, quia potestas spiritualis, si non est ordinis, est iurisdictionis Episcopalis, ergo potestas esset iurisdictionis. ex quo sequitur, quod munera Episcopi possent committi

- A** committi exequenda non Episcopo. superius diximus de vñctione chris-  
 matis, quòd presbyter ex commissione Papæ potest confetre chrisma, de mino-  
 ribus ordinibus diximus, quòd conferri possunt ab Abbatibus, quamobrem  
 potestas Episcopi in ea re non est ordinis, sed potius iurisdictionis. verum,  
 quia committi non potest nisi sacerdotibus, non autem diaconis, sicuti ea,  
 quæ sunt tantum iurisdictionis, vt excommunicatio, indulgentiæ &c. idcir-  
 co superius diximus, esse huiusmodi facultatem mediam inter iurisdictionis  
 facultates, & ordinis. verum potestas illa Episcopi cõferendi sacros ordines,  
 nulli potest committi, neq; ab alio, quàm ab Episcopo possunt cõferri, quia  
 propinquissime respiciunt corpus Christi; sicuti ergo vt inquit item beatus
- B** Thomas in quarto, solus sacerdos, qui potest conficere verum corpus Chri-  
 sti, potest etiam absolvere in foro conscientiæ, & facere pœnitentem idoneũ  
 ad suscipiendum corpus Christi; ita hi sacri ordines præsertim præbyteratus,  
 cum habeant immediatum respectum quẽdam ad verum corpus Chri-  
 sti, non potest committi hoc munus alteri, quàm Episcopo. ex quo videtur  
 sequi, quòd potestas hæc sit ordinis, & non iurisdictionis. verum, si huic ra-  
 tioni concesserimus, & dicemus Episcopatum ordinem esse, & superiorem  
 sacerdotio, ab eoque distinctum, confestim maior quædam quæstio oritur.  
 nam si diaconus nondum presbyter consecratur in Episcopum per saltum,  
 vt habetur extra de presbytero ordinato per saltum, accipiet hic characterẽ,  
 & consecrationem Episcopi, cum non sit presbyter, poterit igitur facere ea,  
 quæ sunt illius ordinis; igitur poterit consecrare quẽpiam in presbyterum,  
 cum tamen ipse non sit presbyter, quod videtur valde absurdum. nimirum  
 quæstio hæc est valde implicata, verum, vt reor, Durandus in quarto opti-  
 me eam soluit. putat ipse Episcopatum esse ordinem, non tamen distinctum  
 à sacerdotio, sicuti sacerdotiũ distinguitur à diaconatu, sed sicuti perfe-  
 ctum in eodem genere differt ab imperfecto, sicuti in humano genere puer  
 à viro, nam sacerdos est imperfectus Episcopus, & Episcopus perfectus sa-  
 cerdos. nam perfecti est posse facere tale, quale ipsum est; imperfectum verò  
 hoc non potest; vir potest virum alium generare, quod puer non potest; ita  
 Episcopus potest sacerdotem consecrare, quod sacerdos non potest. ex quo  
 sequitur, quòd is, qui non est presbyter, non possit in Episcopum con-  
 secrari; sicuti fieri non potest vir, qui prius non fuit puer; quòd si consecrare-  
 tur nullam reciperet in consecrationem, seu characterem, & ideo fungi mu-  
 nere Episcopi non posset, sed oporteret, vt is consecraretur prius in sacer-  
 dotem, ac postmodum iterum consecraretur in Episcopum. hæc Durandi  
 sententia mihi summopere probatur. Canonistæ verò tenent Episcopatũ or-  
 dinẽ esse supra sacerdotiũ. & quia nõ satis acutè hæc intelligũt, eorum com-  
 plures, vt refert Abbas Panormitanus extra de presby. ordin. per saltum te-  
 nent, quod Diaconus ordinatus in Episcopum per saltum, oportet vt con-  
 secratur in presbyterum, non tamen iterum consecrandus est in Episco-  
 pum, sicuti de subdiacono diceremus ordinato per saltum in presbyterum,  
 sed in his rebus authoritas Canonistarum non est magni faciẽda. Episcopus

supra ea, quæ potest sacerdos facere, potest nouē. nam potest Clericos ordi-  
nare, Virgines benedicere, Ecclesias dedicare, Clericos deponere, Synodos  
celebrare, Chrisma conficere, Vestes, & vasa consecrare, Chrismate ungere,  
excommunicare. Quæ omnia pertinet ad actiones Hierarchicas in hac Eccle-  
siastica Hierarchia. nec est vlla actio Hierarchica, quæ Episcopus non possit  
ex suo officio facere. Archiepiscopus, Primas, & Papa habent in his iisdem  
actionibus ampliorem potestatem, Episcopus magis augustam. quamobrem cum  
Episcopus celebrat, decem etiā ornamenta habet supra sacerdotem, caligas,  
scilicet, sandalia, crucē, succinctoriū, tunicam, dalmaticam, chirotecas, mi-  
trā, annulum, baculum. Hæc de ordine Episcopali. nam quod Archiepisco-  
pus, Primas, & Papa nō habeant ordinē supra Episcopū nullus ambigit. ete-  
nim, vt diximus, nullā habent actionē hierarchicā supra Episcopū, quam-  
uis eas obtineant ampliores. Hierarchicæ verò actiones genere tres sunt, vt  
ait Dionysius, purgare, scilicet, illuminare, & perficere. tres, item, ordines eas  
agētes tres, itē, suscipientes; Diaconi est purgare, Presbyteri illuminare, Epi-  
scopi perficere. Infra hos clericorū ordines, sunt item in populo tres ordines,  
purgantur quidam, illuminantur alij, tertij perficiuntur, seu ad perfectionē ten-  
dunt. purgantur Catechumeni, Energumēni, & Pœnitentes. illuminantur reli-  
quus populus. ad perfectionē tendunt Monachi, quorū, cum initiantur, cæ-  
remoniam exponit Dionysius. Hierarchiæ item tres sunt. Cœlestis, in quam,  
postquam est Ecclesiastica hæc nostra. postrema fuit Hebraei populi Hie-  
rarchia. prima tota spiritualis, nil corporeum, vel sensibile habens, sed actio-  
nibus spiritualibus superiores angeli, inferiores ducūt ad diuinās intelligen-  
tias, Dei quæ imitationem. Iudaici populi Hierarchia tota sensibilis, & cor-  
porea, vt pote cuius fuit scopus ex obseruantis illis, & cæremoniis diuer-  
tere populum à cultu idolorum, & adducere ad Dei cultum spiritualem. no-  
stra Hierarchia harum media vtriusque partem habet. nam cultum spiritua-  
lem habet expressum, quo, vt valemus, quamuis tenuiter, attingimus Hie-  
rarchiæ cœlestis similitudinem. verū cum cognitio nostra à sensibus pen-  
deat, vt imur etiam symbolis sensibilibus; qua in resequimur modum Hie-  
rarchiæ populi Hebraici. institutio sacrōrum, & ceterorum ordinum, quan-  
tum ad sacerdotium, in quo omnes continentur, expresse habetur in Euan-  
gelio, Mat. c. 26. nam & cōficiendi corpus verum Christi dedit potestatem  
discipulis in cœna, cum dixit, hæc facite in mei commemorationem. item  
absoluendi in foro conscientie dedit discipulis, vt habetur in Euangelio Io-  
annis. c. 20. cum dixit, accipite spiritū Sanctum, quorū remisericis peccata,  
remittuntur eis &c. De potestate iurisdictionis iā supra annotauimus locos.  
institutio aliorū ordinū nō ita expresse habetur. verum; cū omnes cōtinean-  
tur in sacerdotio, fuere postea explicati & distincti Spiritu Sancto docēte, ab  
Apostolis, qui instituere Diaconos, vt manifestū est ex actibus Apostolorū,  
sub quibus omnes alij continentur. nam sex ordines ministrāt sacerdoti, &  
populo, quorum alij erant potiores, alij inferiores, vt colligitur à Dionysio,  
quem locum supra citauimus. Hactenus dicta de sacris ordinibus satis sint.

A

*De Sacramento Matrimonij*

CAP. II.

Postremum omnium Sacramentum est Matrimonium, quo, in Christia-  
 no populo sanctificantur Vir, & Vxor, eorumque coniunctio ad genera-  
 tionem carnalem, naturalemque populi Christiani, sicuti per sacros ordines  
 instituuntur ministri ad spiritualem generationem. in matrimonio primum  
 illud est inspiciendum, quod veluti basis est Sactamenti, scilicet, quod insti-  
 tutum fuit in officium naturæ ad sobolis propagationem, eaque institutio  
 facta fuit matrimonij maxime perfecti secundum naturam hominis pro-  
 priam. Nam cum naturale sit omnibus animatibus, in quibus distinctus est  
 vterque sexus maris, inquam, & fœminæ, sexuū coniunctio ad sobolis pro-  
 pagationem; non tamen idem modus est in omnibus, verum pro cuiusque  
 natura diuersus. Nam in animalibus illis in quibus ad sobolis nutritionem,  
 & tutionem mas nihil operatur, promiscua est coniunctio hæc, neque fœ-  
 mina certum matrem habet, nec mas certam fœminam, sic equorum, boum  
 armenta, caprarum, & ouium greges venerem exercent, vt sola fœmina pro-  
 lem agnoscat, & eousque, quoad egeat proles opera matris, postmodum ca-  
 pit eam obliuio omnis materni, filialisque iuris, nisi si quādo quidpiam mon-  
 stri contingat, vt refert Aristoteles de equo illo, qui se se percipitem dedit,  
 postquam rescuit habuisse rem cum matre. in animalibus verò, in quibus  
 proles indiget vtriusque opeta maris, scilicet, & fœminæ, non est ira promif-  
 cua coniunctio; verum mas, & fœmina post coitum, & conceptum, se inui-  
 cem noscunt. in compluribus auium generibus licet hoc intueri, simul labo-  
 rat vterque in constructione nidi, incubant ouis vicissim, simul postquam  
 pulli sunt exclusi, dant operā vt pascant pullos, qui postquam adulti fuerint,  
 ac volare per se, cibosque cōparare poterunt, destituuntur à parentibus, vt-  
 pote, qui functi sint officio eis à natura iniuncto. In homine verò, qui ratio-  
 nale est animal, multarumque disciplinarum capax, & actionū effector, non  
 tantū proles indiget nutritione matris donec adolescat, sed maximè eget in-  
 stitutione, itemque rei familiaris copia, pro tuēda corporis firmitate, & aliis  
 cōpluribus functionibus ciuilis virtutis, quæ à patre liberis cōparantur. item-  
 que cum homo natura ciuile sit animal, ac prius domesticum, quàm ciuile,  
 sicuti prior est domus, quàm ciuitas, finis matrimonij, prout est naturæ offi-  
 cium, primus est generatio, educatio, & institutio prolis: secundus verò est  
 vita domestica, tranquilla sine tumultu. ideo matrimonium secundum natu-  
 ram vere perfectum debet ad vtrunque finem cōsentaneum institutum esse;  
 in quo non tantum vtriusque finis assequendi habita fuisse ratio videatur,  
 verum etiam vt modo maxime commodo id fieret. idcirco oportuit matri-  
 monium maxime perfectum secundum naturam esse, non promiscuū, nam  
 sic pater nō agnosceret prole, neque ei⁹ curā habere posset. itē, domesticæ paci  
 & gubernationi nō cōuenit, neque etiā educationi prolis, vt vn⁹ vir plures vxor-  
 es habeat, inter quas rixas oriri sit necesse, & pacē domesticā turbari, impe-

Kk iij

dirique maxime prolis educationem, & institutionem. quo fit, vt videamus animalia, in quibus vterque sexus curam habet prolis quandiu durant, eorū E  
matrimonia ad adultam, scilicet, prolem, coniunctionem esse vnus ad vnā  
tātum. item gentiles Romani, & Græci, docente natura, simul vnam tantum  
vxorem habere solitos esse Historiæ testatur. Quod etiam vinculum matri-  
monij sit perpetuum, quoad vixerint, summopere pertinere videtur ad ma-  
trimonium perfectum: nam vbi non est certitudo perpetuæ societatis, nun-  
quam est perfectus, & securus amor, dum vterque cogitat posse dissidiū fie-  
ri. pertinet item ad hominis naturam, quæ rationalis est, vt sicuti parentes  
robusti filios paruulos, & imbecilles educarunt, ita filij vicissim robusti effe-  
cti, educent parentes, eisque vicem reddant; quod fieri nequit nisi perpetuū F  
sit matrimonij vinculum. hæc est humani matrimonij perfectio naturalis,  
sicque institutum fuit in Paradiso, antequam homines primi peccarēt. nihil  
etenim nisi perfectum prima illa institutione fuit à Deo institutum. Hoc lo-  
co non erit ab re, quoniam de natura matrimonij, & de perfectione eius na-  
turali mentionē fecimus, multisque modis dicatur quippiam secundum na-  
turam esse, paucis hoc totum explicare, ne æquiocatione fallamur. Dicitur  
ergo aliquod naturale alicui, vel secundum naturam generis, vel secundum  
naturam differentię propriæ, seu speciei: verbi gratia, vti cibo, ac rebus vene-  
reis ad propagationem sobolis est naturale homini, quatenus animal est, &  
ratione sui generis; sed ratione speciei, & differentię, quatenus homo ratio-  
nis est compos, est homini naturale vti cibis coctis, & apparatu quopiā con-  
ditis, sic vti re venerea nō promiscue: nam male proles educari posset, etiam G  
institui incerto parente nata. dummodo ergo certus sit pater, & mater, pro-  
les poterit nasci, & educari, qui est primus matrimonij finis, & in hoc essen-  
tia matrimonij, quod est naturæ officium, continetur; ita, quod si hæc condi-  
tio defuerit, nullo pacto censeri poterit esse matrimonium. & hæc est prima  
naturæ lex in matrimonio. attamen cum non tantum primus finis sit secun-  
dum naturam, ac ea, quæ ad eum finem sunt necessaria, verum etiam ea sint  
naturalia, quæ quamuis non sint omnino necessaria, eiusmodi tamen sunt,  
quod commode sine iis cōsequi finē non possumus. itē cū secundus finis sit  
etiā naturalis, & ea, sine quib⁹ aut finis ille haberi nō potest, aut nō cōmode  
haberi potest. vxores autē plures impediāt exactā prolis educationē, & insti-  
tutionem, impediāt etiā domesticam vitā, idque etiam dissolutio matri-  
monij faciat, ideo horum vtrunque est naturale, nō tamen primi ordinis, sed se-  
cundi. quo fit vt matrimonium absque his esse possit, imperfectum tamen,  
& mancum. His constitutis redeat oratio vnde digressa est. Matrimonium  
prima sui institutione institutum fuit maxime perfectum, secundum natu-  
ram, ideo fuit vnus ad vnam, & indissolubili copula coniunctum, quod Do-  
minus noster in Euangelio scilicet Math. capite decimonono excellenter  
interpretatur, nam in Genesi capite secundo dicitur, erunt duo in car-  
ne vna; si duo, vnus ergo tantum vir, & mulier vna: si in carnem vnam,  
indissolubili vinculo coniuncti: quod ergo Deus coniunxit, homo non  
separet.

**A** separet. ecce matrimonium maxime perfectum. verum post peccatum corrupta hominis natura, & præsertim corrupta vi generatiua præ aliis, imò etiam infecta, nam ex ea trahitur peccatum originale in prolem matrimonij, ratio multum decidit à naturali perfectione: vnde multi etiam probi, & sancti viri plures vxores habuerunt: non tamen propterea improbanda sunt huiusmodi matrimonia in Patriarchis, & Sanctis viris, qui intrinseco instinctu, & dispensatione Spiritus Sancti, credendi sunt plures vxores habuisse ad propagationem populi Dei, & diuini cultus. erant illa priorum matrimonia, quia nõ promiscui coitus, sed in quibus, certæ matris, & certi patris certa proles; atramen imperfecta, & quæ multum deciderant à naturali perfectione. Post legem Moysi ille seruatus est mos, vt lege permittente daretur libellis repudij: paucique leguntur habuisse plures vxores: apud Romanos veteres, & Græcos mos ille videtur fuisse, vt vnus viri vna esset vxor, poterat tamen à viro dimitti, sicque nusquam ac nullibi gentium matrimonium fuit perfectum, sicuti ab initio fuerat à Deo institutum, ad quam perfectionem naturalem solum per Iesum Christum fuit redactum, postquam eius, & Ecclesiæ coepit esse Sacramentum. Sed antequam ad matrimonium, quatenus est Sacramentum, procedamus, pauca perstringemus de libello repudij, qui à Mose, teste Domino in Euangelio Mat. h. c. 5. & Mar. c. 10. fuit permissus ob cordis eorum duritiam. cōplures Theologi putant in populo Hebræo peccasse illos, qui vxoribus repudiatis, alias superinduxerunt, nec putant ob repudium solutum fuisse vinculum matrimonij, nisi causa fornicationis. omnes etenim eam excipiunt. Canonistæ videntur sequi hanc sententiam. Nam opinantur, si infideles sint vir, & vxor, ac repudiata muliere conuertantur, & fiant Christiani, quod vir debeat vxorem dimittere, quam habet, ac repudiatam ducere; præterquam si fuisset repudiata causa fornicationis; præsupponunt etenim vinculum remanere: nam illam permissionem interpretantur, sicuti mali minoris ad euitandum maius; sic vt leges civiles permittunt meretrices, & fornicationes ad euitandum adulteria. attamen sanctus Thomas in quarto existimat, quod cum perpetuum vinculum non sit legis naturalis primi, sed secundi ordinis, quod in eo potuit dispensari. & licet illud, quod diximus, inquit idem author, sit communius, verius tamen est, quod quamuis ob eorum malitiam præstita eis fuerit ea potestas. fuit nihilominus à lege concessa, neque illi, qui ea lege utebantur, peccabāt, aut quippiam contra legem faciebant. hæc Thomæ sententia mihi magis probatur, quam mihi persuadent verba legis Moysi, ex quibus nihil possumus colligere de permissione mali, vt meretricum permissio, quia si vinculum remansisset post repudium, non videretur satis æque à Mose statutum, quod vir repudiatam mulierem, in coniugem, iterum sumere non posset. scio posse dici fuisse illud statutum ad pœnam viri, qui post repudium vxoris, nullius mulieris vir esse iure posset; sicuti de vxoricida, qui, vt infra dicam, legibus mulcatur, ne possit aliam vxorem ducere. hæc acute dicuntur, attamen si quis attente legat textum Moysi, Thomæ sententiam potiore putabit. Decretum vero



Innocentij tertij extra de diuortijs c. gaudemus, quo nituntur Canonistæ, factum fuit, quia cessauit status illius populi, & leges illæ non sunt tenendæ vt cogentes, quin possit statui contra eas. omisso repudio redeamus ad matrimonij Sacramentum, ad pristinam illam perfectionem, quam habuerat in Eua, & Adam. verum, antequam eius definitionem, ac proprietates inuestigemus, operæpretiū erit, si clarius explicabimus id, quod tetigimus in procemio. Lutherani nostra tempestate, qui magnos hos tumultus excitarunt in Ecclesia Dei propter alia nouæ sapientiæ inuenta, illud etiam perspicaci ingenio indagasse videntur ex verbis Apostoli in epistola ad Ephesios c. 5. non posse colligi matrimonium esse Sacramentum, imò potius non esse. Nam cum Apostolis dixisset multa de coniunctione viri, & vxoris, significareque docuisset coniunctionem illam, coniunctionē Christi cum Ecclesia, ideoque viros diligere debere vxores, vt Christus dilexit Ecclesiam, subdit, hoc autē magnum Sacramentū est, dico autem in Christo, & Ecclesia. ecce, inquit, quod Sacramentum non est in coniunctione viri, & vxoris, sed in coniunctione Christi cum Ecclesia. superius diximus in primo libro totius huius operis procemio Sacramentum, quod Græci dicunt mysterium, significare arcanum, quod sub re sensibili lateret, iuniores postmodum appellasse Sacramentum rem illam sensibilem; & arcanum, quod later sub ea, vocasse rem Sacramenti. exponamus ergo Paulum, exponamus inquam, id est, iuniorum lingua audiamus eum loquentem. coniunctio viri, & vxoris similitudinem habet, seu significat, seu signum quoddam sensibile est coniunctionis Christi, & Ecclesiæ, quod magnum arcanum est, arcanum inquam, in Christo, & Ecclesia. Si ergo hoc arcanum sacrum later sub ea re sensibili, quis ambigat iuxta iuniorum sententiam coniunctionē viri, & vxoris esse Sacramentum. Explicato hoc loco Apostoli, accedamus ad definitionem matrimonij. Magister sententiarum in quarto, definit matrimonium esse maritalem coniunctionem viri, & vxoris inter personas legitimas, indiuiduam vitæ consuetudinem continentem. Hæc definitio est matrimonij perfecti secundum naturam, ad quam reductum est matrimonium in officium naturæ institutum per Sacramentum Christi. Idcirco matrimoniis infidelium, quamuis sint legitima, & vera matrimonia, non tamen conuenit vltima particula, quia possunt dissolui, remanent enim à naturali summa perfectione deficientia, eò, quod illis deest Sacramentum Christi. non enim significare queunt coniunctionem Christi & Ecclesiæ in illis, qui sunt extra Ecclesiam, & extra Sacramenta omnia Ecclesiæ. explicemus nunc singulas particulas positas in hac definitione. Matrimonium est coniunctio viri, & mulieris, non quæcunque coniunctio, sed coniunctio maritalis. Hac particula & animorum coniunctio explicatur, & potestas, quam vterque habet in alterius corpora, ac mutua fides. nam maritus, quatenus maritus, habet potestatem corporis vxoris, non sui; item vxor, quatenus vxor, non habet potestatem sui corporis, sed viri; fides igitur mutua, & potestas corporum includitur in hac particula maritalis. Potestas autem corporum pertinet ad prolem, quatenus definitio posita

- A sita conuenit matrimonio instituto ad naturæ officium, quale est in infidelibus, quod tamen deciderit à summa perfectione naturali, in qua primum à Deo fuerat institutum. vltima vero particula indiuiduam, scilicet, vitæ consuetudinem continens, pertinet ad matrimonium, quatenus est Sacramentum Ecclesiæ Christi. Nam sicuti coniunctio Christi, & Ecclesiæ est indissolubilis, ita coniunctio maritalis, & vinculum coniugale est indissolubile. conueniret etiam matrimonio perfectissimo secundum naturam, quemadmodum à Deo fuit institutum: sed quoniam summa hæc naturalis perfectio, potest amoueri, essentia matrimonij manente, nec est ad eam redactū, ac firmitatem matrimonium, nisi propter Christi Sacramentū; idcirco ea particula non conuenit matrimonio, nisi quatenus est Sacramentum. ex hac definitione colligitur, vt Augustinus dicit in libro de nuptiis, tria esse bona coniugij, Proles, scilicet, & Fides, & Sacramentum, quæ coniugium honestant; quod non est ita intelligendum, quod coniugium esset per se inhonestum, & honestum fiat ab his tribus bonis, veluti à quibusdam extrinsecis rebus, sed quod hæc bona intrinseca sunt matrimonio. continentur etenim, vt diximus, in definitione matrimonij, sine quibus, coitus verus, inquam, matrimonij esset inhonestus, quoniam sine his bonis matrimonium non existeret. coitus vero extra matrimonium est fornicatio, & peccatum. Quod si conferas inter se tria hæc matrimonij bona, prout actu sunt, Sacramentum vtique maxime omnium perfectū est, tum quia pertineat ad Christi gratiam, tum quia est vltima differentia, quæ omnium videtur perfectissima esse. amplius sine prole, & fide Matrimonium constat propter Sacramentum. verū si capiat proles & fides, non prout actu sunt, sed prout sunt in suis causis, proles, scilicet, in intentione, & debitum seruandæ fidei, sic vtique sumpta sunt magis ad essentiam matrimonij pertinentia, quia ad coniugium pertinent, vt est naturæ officium; hæc vero, quæ pertinent ad naturam, sunt magis intrinseca, quàm ea, quæ sunt gratiæ, quæ vtique superuenit naturæ. Hactenus de tribus bonis matrimonij. Sequitur post hæc quæstio valde difficilis, an scilicet, ex Matrimonio, quod diximus esse Sacramentum, gratia conferatur. Magister sententiarum in quarto libro, & Hostiensis de Sacramētis non iterandis dicunt, quod ex matrimonio gratia non cōfertur, sed ideo esse Sacramentum, quia est signum rei sacræ, coniunctionis, inquam, Christi, & Ecclesiæ, non tamen eo sanctificantur coniuges. Horum sententia potest satis euidentibus rationibus comprobari, nam cum Matrimonium contrahatur per verba de præsentī, vt infra dicemus, ex quibus fit pactum inter virum, & vxorem, si hoc Sacramentum esset, quo conferretur gratia, vtique dotis pactio esset Simoniacæ, cum in collatione Sacramenti, seu initiatione nulla fieri debeat pactio de pecunia. item sine verbis inter absentes potest Matrimonium contrahi, vbi vir absens per internuncium contrahit cum muliere absente; nullum autem Sacramentum confertur absenti. amplius, inter infideles est verum Matrimonium, licet, non perfectum; qui nequeunt esse participes Sacramentorum Ecclesiæ Christi, qui, si conuersi fuerint ad fidem, non contra-
- D

hunc de nouo, sed remanent in priori, quod incipit in eis esse Sacramentum E  
post baptisma, cum tamen prius non esset, nullum tamen fit signum sensibile  
notum. His rationibus videtur satis perspicue probari Matrimonium Sa-  
cramentum non esse, quo gratia conferatur. at contra, hoc peculiare, & pro-  
prium est Sacramentis nouæ legis, quod gratiam cōferunt. quo fit, vt omnes  
posteriores Theologi teneant gratiam conferri hoc Sacramento, qua coniuges  
secundum Deum operantur ea, quæ pertinent ad matrimonium, & diuina  
ope in eo adiuuantur. verum meo iudicio, vt inquit Durādus, non eadem  
ratione vniuoca Sacramentum dicitur de Sacramentis aliis, & de matrimo-  
nio, sed secundum quandam analogiam, quam tamen non explicat. Cona-  
bor ego meum sensum exponere: peritiores iudicabunt, quorū iudicio sem- F  
per meum subiiciam. Alia Sacramenta, in quibus vis est instrumentaria gra-  
tiam conferendi, seu certum signum secundum se, sunt quædam res sensibi-  
les, sub quibus latet mysteriū, & gratia inuisibilis; at in matrimonio id, quod  
est Sacramentum, & ex quo sequitur gratia, est secundum se insensibile, sed  
sensibile est in sua causa, quæ non est Sacramentum, sed est efficiens Sacra-  
menti. quod vt melius intelligatur, versabimur ex vtraque parte Matrimo-  
nium, & prout accipit ab officio naturæ, & definit in Sacramentum, & rur-  
sus ab arcano Sacramenti versus officium naturæ. Matrimonium, quod est  
officium naturæ, coniunctio, scilicet, maritalis, fit pactione quadam inter cō-  
iuges, quæ pactio explicatur per verba de præsentī, verba igitur illa sensibilia  
sunt causa, quæ efficit coniunctionem maritalem; quæ si fuerit inter infide- G  
les, est vtique verum, & legitimum matrimonium in officium naturæ, non  
tamen est Sacramentum, quia coniunctio Christi cum Ecclesia bene signifi-  
cari nō potest ab his, qui sunt omnino extra Ecclesiam. Ecce quid primò ef-  
ficiant verba, causa sunt, ac efficiunt coniunctionem maritalem in officium  
naturæ. at si talis coniunctio fuerit inter fideles, est etiam Sacramētum, quia  
recte, & rite significant coniunctionem Christi cum Ecclesia. idcirco in pri-  
ma illa pactione, quæ Sacramentum non est, sed efficit Sacramentum, potest  
fieri pactum pecuniarium. potest etiam fieri inter absentes, nec oportet vt re-  
petantur, cum coniuges infideles fidem suscipiunt, quia in his non est Sacra-  
mentum, sed in coniunctione maritali, quæ est inter fideles, deest tamen ei  
significatio, vt diximus. sed cum primum fidem suscipiunt, incipit significare H  
Christi, & Ecclesiæ vnionem, ideoque incipit esse Sacramētum, gratiamque  
inuisibilem nanciscuntur ex maritali cōiunctione illa. non ergo vniuoca ra-  
tione Sacramentum dicitur de matrimonio, quod in se non est sensibile, sed  
est sensibile in sua causa, & de aliis Sacramentis, quæ sunt in seipsis sensibilia.  
si rursus incipiamus ab arcano, Christi, scilicet, & Ecclesiæ vnione, non signi-  
ficatur illud à verbis, sed à cōiunctione, quam faciunt verba. repetamus pau-  
cis omnem matrimonij institutionem, & vim. Fuit primò institutum in Pa-  
radiso ante peccatum in officium naturæ, perfectum tamen: post Diluuium  
fuit institutum in officium naturæ, & remedium concupiscentiæ, cui ex ma-  
trimonio impositi sunt certi fines, ne vagentur matrimonij iura. per Christū  
in

- A** in Euāgelio Matthæi cap. 18. fuit Matrimonium restitutum ad primam illam perfectionē, addita vi Sacramenti, quam Apostolus explicauit in epistola ad Ephes. c. 5. in remedium etiam concupiscentiæ, quæ adhuc in nobis multum potest, ut inquit Apostolus, prima Cor. c. 7. melius est nubere, quàm vri. Quæ hactenus nobis dicta sunt de matrimonio, pro huius opusculi compendio, satis esse uideri debent. Nunc paucis perstringemus matrimonij impedimēta, quæ commode colligi possunt ex matrimonij definitione. Diximus Matrimonium esse societatem maritalem; societas verò hæc inter virum, & mulierem initur contractu, & pactione quadam; contractus vero efficiens causa est consensus eorum, qui inter se paciscuntur: consensus verò, si cōsensus iure dici debet, voluntarius vti sit, necesse est; ea igitur, quæ voluntario aduersantur, destruunt consensum, & per eum pactionem, voluntario autem, ut dicit Philosophus in tertio Ethicorum, aduersatur coactio, item ignorātia. coactio igitur, & metus, qui iure dici potest humanus metus, impediunt Matrimonium, quia tollūt consensum voluntarium. item error personæ, ut puta, si vir putet Martham, esse Mariam, aut si mulier reatur Paulum, Petrum esse; quamuis contrahant per verba de præsentī, Matrimonium nullum est, item error status personæ, verbi gratia, si putat mulier esse liberum eum, qui seruus sit, si mulier nō fuerit etiam ipsa serua, Matrimonium nullum est. Hic non est dicendus error quispiam, si eum putet diuitem, qui est pauper, aut bonum, qui est malus, aut sanum eum, qui est aeger; utique hi errores nullo pacto Matrimonium impediūt, cuius rei ea ratio est, quoniam is error, qui auferit voluntarium circa ea, quæ per se pertinet ad societatem maritalem, quæ ea pactione initur, destruit voluntarium quo ad societatem, ut puta si volo inire societatem cum Maria; & mihi offeras Martham, utique per accidens contrahō cum Martha; per se autem, quo ad meam voluntatem contrahō cum Maria, ecce quòd error est in his, quæ per se pertinent ad societatem, quam in eo. si ego item liber contrahō cum serua, quam puto liberam, utiq; fallor in eo, quod per se pertinet ad societatem hanc. nō enim cum serua potest esse commoda societas maritalis, præsertim ad tuendam rem, & conuersationem domesticam, neque tradi perfecte potestas corporis, in quòd ius habet dominus. quòd vero sit sana, aut ægra, sapiens, vel insipiens, non per se pertinet ad maritalem societatem; ideo hic error non impedit matrimoniū, nec etiam si libera sit, quam puto seruam, quia ea mutatio status, potiorē & commodiorem facit illam maritalem cōiunctionem, & societate. si item seruus putet mulierem liberam, quæ est serua, error hic non facit matrimonium irritum, ratio est in promptu, quia non tenetur alter asserre meliorem, & potiorē statum, quàm is sit, in quo compar est coniugium. quòd si quæras circa coactionem, cur est, quòd in susceptione baptismatis, cum coactus metu, inquam, etiam mortis, qui cadit in cōstantissimum virum, dummodo vi extrinseca non sit tractus ad fontem, si baptizatur, baptismi characterem suscipit, & cogendus est viuere Christiane; in matrimonio verò omnes hæc coactiones mixtæ ex voluntario & in voluntario impediūt matrimonium.

Respondeo, quòd còsensùs alio modo se habet in baptis-<sup>E</sup>mate, & alio modo in matrimonio: nam in matrimonio, causa est efficiens matrimonij, in baptis-  
 mate verò consensus non est causa consecrationis illius, & regenerationis,  
 sed causa Deus est per Sacramentum exterius; consensus verò est dispositio  
 recipientis; ideo qualiscunque consensus, dummodo sit consensus, facit reci-  
 pientem dispositum: at in matrimonio, cum consensus sit causa efficiens ma-  
 trimonij, nisi fuerit perfectus, & omnino voluntarius, vim non habet efficien-  
 di matrimonium. Quòd si iterum roges, an is, qui non coactus aliqua ratio-  
 ne, dolo tamen, fictis verbis de præsenti consentit, an is matrimonium còtra-  
 hat, & còsensùs ille efficiat matrimonium. Nimirum nulli dubium est, quin  
 in foro Ecclesiæ, quæ non iudicat de occultis, sed de his, quæ apparent, ma-<sup>F</sup>trimonium contractum censetur. Quòd si quæras in foro còscientiæ quid  
 sentiendum, beatus Thomas, & alij quos vidi, tenent quòd is non contraxit  
 matrimonium, quia non adhibuit consensum animi, sed fictis verbis tantum  
 expresse-<sup>F</sup>rit. Mihi certe res hæc videtur paulo durior. Nam cum pactiones  
 sint ad alterum, qui animi inspector esse non potest, sed verba, quæ indicant  
 animi mentem intelligit, cum is voluntarie omnino ea verba expresse-<sup>F</sup>rit in-  
 dicantia conceptum animi, quòd in foro còscientiæ non inierit pactum, nec  
 propterea, quòd inierit teneatur ipsum seruare, satis durum est: quia mihi vi-  
 deretur hoc voluntarium sufficere ad ineundum pactum, quod pertinet ad  
 expressionem verborum, quibus contrahi consuevit matrimonium. idem  
 censerem de alijs pactis. Attamen nihil statuo. dubitavi tantum, ac iudicio G  
 petitorum meam semper sententiam subdam. Impotentia etiam in mare,  
 seu natura talis sit, siue accidit quopiam, adeo, quòd statuto à legibus tem-  
 pore, biennio, ni fallor, nunquā à prima accubatione habuerit rem cum vx-  
 ore, matrimonium soluit. ratio in promptu est. nam obligatio non valet si fue-  
 rit de eo facta, quod à paciscente non potest præstari. eadem ratio est de mu-  
 liere si fuerit arcta. longe tamen rarior hic casus est in muliere, quā in viro.  
 item Matrimonium non fit, si appositæ fuerint còditiones citra bona matri-  
 monij superius dicta, vtpote, si quis contraxerit cum muliere hac conditio-  
 ne, vt abortum procreet, aut vt fornicetur cum alio quopiam, aut, vt non pe-  
 tat debitum à viro, utique matrimonium nullum est, quia conditiones hæc  
 destruunt naturam matrimonij. Quòd si fuerint appositæ aliæ conditiones, H  
 siquidem sint inhonestæ, & iniustæ, non sunt seruandæ, sed matrimoniū con-  
 trahitur: sin vero fuerint iustæ, sub illis còditionibus ratum est, sine illis non  
 est ratum, dummodo non fuerit antea còsummatum. hæc omnia tractantur  
 a Canonistis extra de conditionibus apposis. Quoniam verò in definitione  
 matrimonij dictum est, Matrimonium esse societatem maritalem inter legi-  
 timas personas, omnia ea, quæ faciunt personas illegitimas, impediunt matri-  
 monium. is igitur, qui, vel quæ iunctus est alteri, vinculo matrimonij viuente  
 coniuge, est illegitimus ad aliud matrimonium contrahendum, quia iam  
 obligatus est alteri. hoc manifestum est. Votum etiam solenne continentiæ,  
 quod fit & in susceptione sacri ordinis, & in professione vitæ Monasticæ, seu  
 Religio-

- A** Religioſe impedit matrimonium . hoc in loco de voto continentie clarius explicabimus id , quod inceperamus in ſuperiori tractatu de ordinibus Eccleſiaſticis . Vorum continentie duplex eſt, ſimplex, ſcilicet, & ſolenne, ſeu publicum. ſimplex votum eſt, quando quiſpiam Deo vouet vitam ſe ducturum continentem . ſolenne vero, ſeu publicum, quando quis continentiam vouet per ſuſceptionem ſacri ordinis, vel per profeſſionem religionis . nec huiusmodi votum propterea dicitur publicum vel ſolenne, quia palam fiat, ſed quoniam annexum eſt officio ; ex quo neceſſe eſt, vt in publicum prodeat, quamuis etiam non palam, neque coram multis, ſed in cubiculo fieret. ſuſcipiens etenim ordinem ſacrum deputatus eſt in Eccleſia publico muneti. item
- B** profeſſus religionem, ex vita monaſtica, quam publice eſt ducturus, in publicum eſſet legem continetie, quam vouit. is vero, qui ſimpliciter vouit, nulli huiusmodi muneri eſt addictus, vnde in publicum prodeat votum . ſimplex votum continentie impedit matrimonium contrahendum ; vnde is, qui contrahit poſt votum ſimplex, mortaliter peccat, quia fidem datam Deo frangit; attamen matrimonium illud ratum eſt. vt tamen multi tenent, peccat mortaliter petendo debitum a coniuge, reddendo vero non peccat. verum, quoniam hoc valde periculofum eſt, nec ita facile imponendus eſt laqueus mortis perpetue, mihi magis placet aliorum ſententia, qui tenent fractionem fidei datam Deo per contractum matrimonium eſſe peccatum mortale, poſtmodum vero actum, & uſum matrimonij, quod eſt ratum, non eſſe peccatum. hac etenim ratione, nec laqueus imponetur, nec etiam conuiſtus coniugum alteri parti erit oneroſus, illi inquam, cui incumberet, vt ſemper exigeret debitum, & fungeretur vtriuſque munere. votum vero continentie ſolenne in ſuſceptione, ſcilicet, ſacri ordinis, & in profeſſione religionis ſuſceptum, non tantum impedit matrimonium contrahendum, ſed etiam dirimit contractum, quoniam efficit perſonas illas mere illegitimas . rationem diuerſam huius rationis in voto ſimplici, & ſoleni, Scotus in quarto inueſtigat, ac multis recitatis, conſutatisque tandem hanc rationem alius præfert. quonia in voto ſoleni is, qui vouet, ſubiicit ſe iudicio Eccleſie, quæ ita ſtatuit, & eas perſonas illegitimas fecit. hæc Scotus . verum, vt puto ego, ratio beati Thomæ, ſi recte fuerit expoſita, eſt efficacior ; nam cum votum continentie monachatu ſit eſſentialiter annexum, ordini vero ſacro ſit annexum ex decreto, & ſtatuto Eccleſie, is, qui ſuſcipit ordinem ſacrum, vel monachum ſe facit, iam dat Deo continentiam ſuam, nec tantum promittit, vt in voto ſimplici, quoniam actu munus ſuſcipit, cui annexa eſt continentia ipſo iure, quod ius ipſe non facit, ſed Eccleſia, cui ſubeſt, quod munus cum ipſe amplius deponere nequeat, neque poſſit deficere, quin illi annexa ſit continentia, ideo non tantum promittit, ſed actu dat Deo continentiam, & debitum ad eam ſeruandam, non ex promiſſione tantum, ſed ex ordine, vel profeſſione religionis, quam actu ſuſcipit . hæc beati Thomæ ratio ſic expoſita meo iudicio eſt efficaciffima. hoc in loco nolo præterire locum apud Auguſtinum in libello de bono viduitatis, quæ citat Hugo de ſancto Victore. inquit Au-

gustinus exponens eum locū Pauli de virginibus, quæ post votum volūt nu-  
 bere, & damnationem capiunt, quoniā primam fidem irritam fecerunt, vbi  
 inquit Augustinus, notandū esse non propterea eas damnationē capere, quo-  
 niā contraxerunt matrimonium, quod sit irritum, in quo non possint per-  
 manere: sed quoniā priorem fidem irritam fecerunt. ex quibus Augustini di-  
 ctis sequi videtur, quod votum religionis impedit matrimonium cōtrahe-  
 dum, non tamen dirimit, nec facit irritum postquam cōtractum est. hæc Au-  
 gustini dicta exponēda sunt in voto religionis simplici, nō in solenni. sic Hu-  
 go ea interpretatur. Votum solenne, vt diximus, continentiz fit & in susce-  
 ptione sacri ordinis, & in professione religionis. verū sacro ordini votū il-  
 lud annexū est ex statuto Ecclesiæ, sed statui monachus est essentialiter an-  
 nexū; ideo Papa, qui potest dispensare in iure positivo, posset dispensare cum  
 diacono, & presbytero in voto continentiz facto, ita, quod possent cōtrahe-  
 re matrimonium, quamvis non posset facere presbyterum non esse presby-  
 terum, aut diaconum nō esse diaconum post consecrationē. at statui mona-  
 chorum votum cōtinentiz est essentialiter annexum, vnde, scilicet, Thomas  
 tenet, quod Papa non posset dispensare, quod monachus professus vxorē du-  
 ceret, quoniam nō potest facere de monacho nō monachū. ratio beati Tho-  
 mæ solui nō posset, si propositio, qua vritur, esset omnino vera, scilicet, quod  
 monachus fieret consecratione quapiam, vt solebat tēpore Dionysij; nunc  
 verò non ita fit, nulla accedit cōsecratio, nulla benedictio, qua efficiatur mo-  
 nachus, & religiosus, sed tantum promissio corrigendi mores, & vitam secū-  
 dum regulam beati Benedicti, aut quidpiam simile, quod promissionem cō-  
 tinet, non cōsecrationem. verū de hac quæstione alias. Hæc de impedimē-  
 to per votum continentiz, quod personas efficit illegitimas. præterea dispar  
 cultus: fidelis etenim non potest contrahere matrimoniū cum infideli, quod  
 dicit Apostolus 1. Corint. c. 7. nubat cui vult, tantum in Domino. nam si for-  
 nicatione fit diuortium in matrimonio contracto, eo modo, quo infra dice-  
 mus, multo magis spiritalis fornicatio impedit contrahendum. neque etiā  
 ratio Sacramēti potest seruari, vbi vterque, vel alter coniugum fuerit omni-  
 no extra Ecclesiam. fidelis namque, & infidelis magis inter se distant, quā  
 vt matrimonio coniungi queant. item consanguinei vsque ad quartum gra-  
 dum personæ sunt illegitimæ. hoc partim sumptū est à lege naturali, partim  
 à Iure Pontificio, & à Canonibus. nam cum amor, & charitas valde propin-  
 quorum quandā habeat venerationem, & honestatem annexam, quæ in cō-  
 iugio seruari non potest; ideo lex naturalis homines docuit, vt abstineant à  
 coniugio consanguineorum. quis non abhorreat coniugiū patris cum filia,  
 vel matris cū filio? & hoc magis quā prius, quia filius subiectus est matri,  
 viro autem subiaceret vxor. sic inter fratrem, & sororem cōiugium abomina-  
 tur humanum ingenium. sunt præterea hæc rationes facientes ad civilem so-  
 cietatem ampliandam, ac inter se deuinciendam. has rationes, quia obuiæ  
 sunt omnibus, præmitto. ex lege ergo naturali est hominibus insitum, vt  
 abstineant à coniugio consanguineorum primi ordinis, id est, valde propin-  
 quorum.



- A** quorum. lege deinde Canonica terminus fuit præfixus vsque ad quartū gradum. ratio à quibusdam excellentibus authoribus adduci solet. quoniā cum matrimonium fuerit institutum præter alia in remedium concupiscentiæ; & ad eam coercendam, rationi consentaneum visum fuit, à spe coniugij prohibere eos, qui in eadem domo, & familia solent esse; ideo vsque ad quartum gradum prohibitio extensa fuit. præscis christianorum temporibus, adhuc ad septimum gradum extendebatur prohibitio, quæ postea ab Innocētio tertio contracta fuit vsque ad quartum gradum. nunc nulla etiam ratio habetur de gradu quarto, sed passim absque alia causa dispensatio fit in eo gradu. quòd si quæras, qui sint, & quales gradus cōsanguineorum; consanguinei vel sunt in eadem linea recta, quæ est ascendentium, & descendentium, patris, inquam, filij, nepotis, sicque deinceps; aut patris, aui, proau, atau, & sic deinceps, in his nullus est gradus matrimonio aptus, sed omnes prohibiti lege Naturali, & Pontificia, præterquam quòd ætatis ratio non permittat eos, qui ita distūcti sunt, posse matrimonio coniungi. alij consanguinei sunt, qui originem trahunt ab eadem radice, sed diuersis inter se lineis prodeunt, semperque magis inter se distant. horum inter se gradus sumuntur per distantiam eius qui magis distat à radice illa prima. fratres sunt in primo gradu, vnico enim uterque interuallo distant à patre, vel à matre. patrueles in secundo; sic eorum filij in tertio, eadēque ratione vltiores efficiuntur gradus. quòd si alter quarto interuallo distans sit à prima radice, alter verò tertio, maior distantia capitur. distabunt igitur hi in quarto gradu. hic animaduertendum est, in vno, & eodem gradu latitudinem quandam esse, quamuis enim filius fratris, à fratre patris sui distet in secundo gradu, itēque in eodem gradu, scilicet, in secundo distet à patruele suo, propinquior tamen est patruo, quàm patru eli, licet idem sit vtriusque gradus. hæc de consanguineis. Affinitas etiam matrimonium impedit. est autem affinitas, & propinquitas, & cognatio, quæ non ex radice sanguinis, sed ex coniugio provenit. nam cum per matrimonium vir, & vxor sit vna caro, necesse est, quòd consanguinei viri, sint vxoris cognati; & econtra, vt consanguinei vxoris, sint cognati, & propinqui viro. viri vero ad vxorem non est neque affinitas, neque consanguinitas, sed principium affinitatis consanguineorum, & consanguinitatis descendentium ex eo matrimonio; sicuti amor suiipsius non est amicitia, sed principium amicitie, & potior amicitia; sic coniunctio viri, & vxoris est potior affinitate omni, sunt enim vna caro. gradus verò affinitatis sumuntur ex gradibus consanguineorum, ique gradus consanguineorum, qui est viri, est gradus affinitatis vxoris, itēque is gradus, qui est consanguineorum vxoris, est gradus affinitatis viri; eadēque est prohibitio, ac in eodem gradu in consanguineis, & affinis, quæ impedit matrimonium contrahendum, & dirimit contractum. sicuti autem ex consanguineis per coniugium fiunt affines, ita coniugium affinium secundam quandam affinitatem facit, non proprie dictam, sed secundariam. item tertium coniugium faciebat tertiam affinitatem. verum de iis secundariis, & tertiis affinitatibus, quibus olim impedimentum præstaba-

tur, at nunc nullam habet Ecclesia rationem, præterquam consanguineorum, & primorum affinium. ad honestatem nuptiarum aliud quoque propinquitatis genus Ecclesia exclusit à nuptiis, quod contrahitur non ex matrimonio consummato, sed ex sponsalibus matrimonio non cōsummato. sunt sponsalia promissio futurarum nuptiarum. hoc impedimentum appellant iustitiam publicæ honestatis, quam definiunt esse impedimentum matrimonij proueniens ex spōsalibus, robur habens ex Ecclesiæ institutione propter spem honestatis. verum cum hoc non sit magnum vinculum, ex leuiori causa poterit ius hoc relaxari, & in eo dispensari. nolumus omittere id, quod supra præteriuimus, non tantum contrahi vinculum affinitatis ex iusto, & legitimo matrimonio, si fuerit consummatum, sed etiam ex quocunque alio coitu, in quo fiat coniunctio, seminum maris, & mulieris; nam ex coitu fiunt vna caro, & vnum corpus, vt expresse dicit Apostolus Paulus 1. Corinth. c. 6. qui adhæret meretrici, fit vnum corpus: tollens ergo membrum Christi, efficit membrum meretricis; & cum contrahatur affinitas ex coniugio, quia sunt vna caro, eadem erit ratio de coitu fornicario, in quo fiunt vna caro fornicantes. est præterea cognatio spiritualis, quæ impedit matrimonium, & efficit personas illegitimas. contrahitur verò hæc spiritualis cognatio ex baptismo, & confirmatione tam inter susipientem, & susceptum, seu in confirmatione inter sustinentem, & eum, qui sustinetur, quam inter patrem, & matrem naturalem illius, qui baptizatur, seu confirmatur, & huc spirituales patrem & matrem: item inter conferentem hæc Sacramenta, & susipientem: item inter filios naturales, & spirituales filium, seu filiam; vnde est in hac cognatione spiritualis paternitas, seu maternitas, spiritualis compaternitas, spiritualis filiatio, & spiritualis fraternitas, quæ matrimonium impediunt. quidam præter confirmationem, & baptismum addunt etiam catechismum. alij vero tenent, quod in catechismo cognatio impediatur contrahendum matrimonium, non tamen dirimat contractum, quod verum esse patet ex libro sexto per catechismum de spirituali cognatione. ex hac spirituali cognatione oritur quædam spiritualis affinitas; nam cum vir, & vxor sint vna caro, illi, qui sunt cognati viri, cognatione hac spirituali fiunt affines vxoris, & econtra cognati vxoris fiunt affines viri, spirituali quadam affinitate, quæ etiam matrimonium impedit. Hic tamen notandum est, quod affinitas hæc contrahitur inter illos, qui ex actu coniugis, aut vxoris post consummatum matrimonium sunt ipsi cognati cognatione hac spirituali, quod si cognatio hæc contrahatur ex actu alterius, non fit propterea hæc spiritualis affinitas. exemplum vtriusque si vir suscipit quempiam ex fonte baptismatis, aut sustinet in confirmatione, proculdubio is fit affinis vxoris: sic si vxor suscipiat, vel sustinet aliquem, contrahit cum ea vir spirituales hanc affinitatem. at si vir filium habeat ex priori vxore, & postea aliam coniugem ducat, aliusque quispiam sustineat, aut suscipiat filium viri, vxoris priuignum, fit utique is viri compater, non tamen fit propterea compater vxoris, quia non ex actu viri, sed alterius facta est hæc compaternitas. hoc notat beatus Thomas in 4. lib. sequitur

has

- A** has cognationes cognatio legalis, seu civilis vsus legis, qua constitutum fuit, hoc cognationis genus nostris temporibus in desuetudinem serè abiit. olim fuit frequens. nam cum vnusquisque naturaliter appetat nominis, & familiæ hæredem filiū relinquere, si cui valde successionis cupido liberi non fuissent, poterit alterius naturalem filium adoptare, & loco filij naturalis habere. ex adoptione contrahitur cognatio hæc legalis, quæ primo est inter patrem, seu matrem adoptatam, & filium adoptatum, ac inter personas his matrimonio iunctas. quam possumus appellare affinitatem legalem. eritque paternitas, & filiatio huiusmodi cognatio, quæ recta linea manat etiam in descēdentes, & ascendentes. Est præterea cognatio legalis inter filiū adoptatum, & filios naturales adoptatis, quæ poterit dici fraternitas. differt hæc à priori, scilicet fraternitate spirituali, quia si filius adoptiuus emancipatur à patre, nil prohibet, quin vxorem possit ducere, & habere naturalem filiā patris adoptiui. etenim ad frenandam concupiscentiā lex prohibuit connubiā inter eos, quos necessesse est simul habitare; adoptiuus ergo filius, quandiu est sub potestate patris, & in eius domo, iure arcetur à nuptiis sororis, cum vero emancipatus est à patre, nec in eius cōtubernio est, soluitur prohibitio, quia causa ablata est. Vxoridæ etiam hac pœna mulctantur, nisi cum eis dispensetur, vt vxorem ducere non queant. itē incestuosi. sed si de facto contrahunt, non dirimitur matrimonium, extra de eo, qui cogno. consang. vxo. c. trāsmisissæ. Adulteri etiam si cōtraxerint, aut fidem dederint contrahendi post obitum cōparis, & se polluerint coitu: itē si machinati fuerint in mortem cōiugis, ac occiderint: item si alter tantum machinatus sit, vt adultero, vel adultera frueretur coniuge, ac interim se polluerint, nequeunt contrahere. Hactenus de matrimonij impedimentis. Nunc pauca quædam de sponsalibus, & de secundis nuptiis. Sponsalia, à quibus sponsi dicuntur, sunt promissio futurarum nuptiarum. possunt contrahi post septennium. solui etiam possunt postquam fuerint contracta, quandoque sine iudicio Ecclesiæ, quandoque iudicio Ecclesiæ, absque iudicio, vt si alteruter coniugū fuerit religionem ingressus, vel per verba de præsentī cum alio matrimonium cōtraxerit, vel mox sacrum ordinem suscepit. iudicio Ecclesiæ soluuntur, vt si affinitas quæpiam superuenerit in fornicatione alterius, si lepra, cæcitas, aut quippiam simile. alij etiam sunt casus, in quibus sponsalia soluuntur. quòd si post sponsalia contracta, se inuicem spōsi cognouerint, interpretatur Ecclesia contractū fuisse inter sponsum, & sponsam matrimonium, eamque vxorem esse, non sponsam, & illum virum. secundæ autem nuptiæ, ac tertiæ, sicque deinceps non sunt prohibita, vt quidā Hæretici putauerunt. ad quorum hæresim ob indignationem conceptā Tertullianus declinauit, opusculum quoque cōposuit super ea re, quod inscripsit de Monogamia. suntque & ipsæ per se sumptæ Sacramentū coniunctionis Christi, & Ecclesiæ, cum sint vnus ad vnum. verum si ratio habeatur contrahentium, deficiunt à perfectā ratione Sacramenti, cum is non fuerit tantum vni iunctus, vt Christus Ecclesiæ, sed pluribus. inde est, quòd bigamus est irregularis ad ordines sacros suscipiendos. nam in ministro Sacramentorum non

debet esse quispiam Sacramentorum defectus. Post ea, quæ hæcenus diximus de matrimonio, sponsalibus, & posterioribus nuptiis, restat quaestio soluenda de beatæ Virginis, & Ioseph matrimonio, an fuit verum, & perfectum matrimonium, cum nunquā fuerit consummatum: & quo nam pacto, cum perpetua virginitate mentis potuit matrimonium conuenire, in quo coniuges sibi inuicem iradunt potestatem proprii corporis ad generationem proles. Ad priorem quaestionem, ut præclare inquit beatus Thomas è sententia Aristotelis in secundo de anima, quod duplex est rei perfectio, prima, scilicet, & secunda. prima pertinet ad essentiam rei, & definitionem, secunda ad operationem. de prima perfectione matrimonij non est carnalis coniunctio, ante namque quam coniungantur, is maritus est, & illa vxor est, nec legitime coniungeretur, nisi prius coniuges essent, sed coniunctio pertinet ad perfectionem secundam matrimonij, scilicet, ad ipsius usum. nil ergo obstat, quin beatæ Virginis, & Ioseph fuerit verum, & perfectum matrimoniū, quamuis non fuerit consummatum. alia dubitatio difficilior est. August. in lib. de Nuptiis, & Concupiscentia, quem locum Magister sententiarum in quarto libro adducit, inquit, quod beata Virgo votum fecit virginitatis perpetuò seruandæ, nisi aliter Deo visum fuisset, similiter in matrimonio contrahendo supposuit se Diuinæ voluntati, de qua tamen certa erat, ut quidam dicunt. Scotus enim inquit quod certa erat Ioseph nunquam petiturum debitum post contractum matrimonium. uterque coniugum virginitatem vouit. Postremus tractatus pertinet ad Sacramentum matrimonij est de diuortii. Matrimonium vel est perfectum, & ratum, ut matrimonium fidelium; vel imperfectum, quamuis verum, & legitimum, ut matrimonium infidelium. hoc postremum non ratum, nec perfectum, si uterque coniugum conuertatur ad Religionem nostram, & Christiani fiant, efficitur Sacramentum, ut supra diximus, ac perfectum, & ratum. at si alter coniugum efficiatur Christianus, altero infideli permanente, distinguendum est. nam vel infidelis vult habitare, & degere simul cum fidei, vel non vult: aut si vult, cum iniuria fidei videtur hoc facturum, si voluerit simul degere, utique nullo præcepto Domini fidelis renetur admittere societatem, & contubernium infidelis. attamen beatus Paulus 1. Cor. c. 7. consilium dat, quod habiter, ac simul degar. quod si voluerit simul degere, & Pauli consiliū sequi, omnes Theologi tenent, quod propterea vinculum matrimonij cum vxore, seu viro infideli permaneat, ac propterea non posse nouum matrimonium cum alio, seu alia contrahere, nisi mulier fuisset adultera, vir verò fidem vxori seruauerit. etenim si hoc acciderit, iure posse virum vxorem dimittere infidelem, ac aliam ducere. quod si matrimonium non tantum fuerit verum, & legitimum, sed etiam perfectum, & firmum, cuiusmodi est matrimonium fidelium, distinguendum est. nam vel consummatum est huiusmodi matrimonium per viri, & vxoris copulam, vel nondum est consummatum: si non fuerit consummatum, potest dissolui, si alter coniugum religionem ingrediatur, & vouerit, quod potest facere etiam altero coniuge inuito. huius potestatis rationem adducit beatus Thomas: nam coniunctio viri, & vxoris duplex est:

nam

- A** nam & est animorum coniunctio, & corporum carnali nexu. carnalis nexus soluitur morte corporea, & naturali, animorū verò nexus solui potest morte spiritali. cum igitur ante consummationem matrimonij, inter coniuges sit spiritalis coniunctio animorum tantum, & ingrediens religionē priori vitæ moriatur, ac incipiat noua vita viuere, ideo soluitur nexus ille hac morte, & religionis voto. Canonistæ plurimi ex quadam glosa de conuers. coniugatorum c. ex publico, tenent quòd ex legitima causa Pontifex possit dissoluere matrimonium perfectum, non tamen consummatum, multaque dicunt, quæ meo iudicio sunt satis leuia. ideo nunquam auderem ego dicere, quòd quos Deus coniunxit ante consummatum matrimonium in Paradiso terrestri, homo posset dissoluere. Scotus dicit rationem Thomæ non esse efficacem, sed quòd Christus in eo casu dispensauit, cum vocauit Ioannem à nuptiis, neque vnquam Ecclesia ausa hoc fuisset, nisi accepisset à Christo. post consummatū matrimonium, vinculum coniugij nunquam solui potest, donec vterque vixerit: sed obligatio soluendi debitum officium coniugij solui potest per fornicationem, seu carnalem, seu spiritualem, si alter fidem seruauerit inuiolatā. fornicatio spiritalis est, si ex Christiano quispiā efficiatur infidelis. nam cum Christus in Euāg. Math. c. 19. exceperit fornicationem, ob quam soluitur ius, & potestas in corpus alterius, in eo, qui fidem frangit non minus intelligenda est spiritalis fornicatio, vt sæpe in Prophetis Deus appellat idolatriā, quā carnalis, & corporea. Nonnulli ex verbis Euangelij apud Math. c. 19. & ex auctoritate Ambrosij in expositione epist. ad Cor. volunt solui vinculum coniugale ob adulterium, ita quòd vir dimissa adultera, possit aliā vxorem ducere. sed August. in lib. de adulterinis connubiis ad Polentium optime, & iure probat hoc iure fieri non posse, & ea cōnubia esse adulterina, id est adulteria non connubia. hæc quæstio si discutienda esset, longiori tractatu indigeret, quam ratio suscepti operis exposcat; ideo satis nobis fuerit locos notasse. ob alias etiam causas, quæ tamen per se non pertinent ad matrimonium, iure separari posset vir ab vxore, seu vxor à viro. quæ quoniam non per se faciunt ad matrimonium, sed per accidens, vt iustus timor mortis, &c. nos omittimus, & Iurisconsultis, ac iuris Pōtificij doctoribus dimittimus. Quamuis Nuptiæ earūque consummatio sit Christi, & Ecclesiæ Sacramentum, nihilominus quoniam carnalis illa voluptas obruit animum, & distrahit summo opere à rerum spiritalium contemplatione, ideo coniugalis actus, nisi ob causam necessariam vitandi lubricum, & incontinentiæ vim, peti decenter non debet diebus ieiuniorum, & festis præsertim solennibus. si petatur verò, reddi debet seruara debita honestate, cæterisque circumstantiis, quæ seruari debent secundum rectam rationem. Neque Nuptiæ celebrari iure queunt à Septuagesima vsque ad octauam Paschæ: à Rogationibus vsque ad octauam Pentecostes: ab Aduentu Domini vsque ad Epiphaniā. His nanque temporibus solennibus solebant omnes communicari corpori, & sanguini Christi. Iam peruenimus ad instituti operis calcem Deo bene iuuante, cui sit laus sempiterna. Amen.



GASPARIS CON-  
TARENI S.R.E. CARDI-  
NALIS. DE OFFICIO  
EPISCOPI.



W. J. P. & S. CO.

100 N. 3rd St. St. Louis, Mo.

1887

1887



## DE OFFICIO EPISCOPI.

### LIBER PRIMVS.

B



**D**EVS optimus vniuersitatis rerum cōditor, sapientissimusque naturæ iustitutor, duplici via, tum res, quæ oculis subiectæ sunt, atque sensu comprehendiqueunt, tum etiam illas, quæ cuiusque sensus facultatem excedunt, ad propriam perfectionem deducit. nonnullæ etenim ductui naturæ obtréperantes, suos quæque attingunt fines, nullo rationis, aut electionis vñ adhibito. Res verò mentis compotes tali natura instituit, vt se ipsi quodammodo ducibus, rationis. sc. electionisque vñ, ad illam, quæ

**E** debetur eis, perfectionem deuenirent. qua in re excellentiori modo similitudinem suam in rationali natura expressit, quam in rationis experite. Nam quemadmodum ipsi sibi perfectio est, neque alicui felicitatem suam acceptam refert, pari quoque ratione, pro earum naturæ modo, rationales naturas voluit sibi vt essent perfectionis auctores: quod tamen nequaquam fieri absque eius influentia putandum est. nihil enim principis illius causæ ordinem euadit; cum irrationalia alieno veluti impulsu suis quæque finibus potiantur. Hæ verò rationales naturæ, quæ suis quodammodo auspiciis, optatum à naturaque insitum finem adipiscuntur, sunt duplices. quædam enim omnino corporum sunt immunes, quales sunt Angeli: contra aliæ corporeis rebus affines, quæ non nisi corporibus coniunctæ à primo illo omnium auctore in lucem prodeunt, rationales hominum animi. Horum vñque duo fines, duplexque perfectio debetur. quorum alterum assequi queunt innatis viribus, atque naturali facultate. Alterum verò nequaquam adipisci possunt absque peculiari quâdam ope, priuatim sibi diuinitus allata. prior finis, posteriori hoc longè inferior; verum præparatio quædam existit ad posteriorem adipiscendum. Angeli multò excellentiorem in rerum hac vniuersitate gradum sortiti quàm homines, in primo statim rerum exordio sunt assecuti naturalem atque inchoatâ, quam supra dixi, perfectionem: simulque gratiam sunt adepti, quæ tanquam seminarium quoddam est perfectissimæ atque excellentissimæ illius felicitatis; ad quam paulo post hi euecti sunt, qui à supremo bonorum omnium fonte non auersi, in eo potius, quàm in se

felices esse voluerunt. Hominum verò natura, quoniam ab angelica perfectione distat, multum temporis multumque sudoris impendit in illa felicitate consequenda: perfectam autem nequaquam attingit in hac mortali vita; verum post mortem qui sanctè pieque vivere, diuino numine ad eam euohuntur. satis verò habent, si donec mortalem vitam in terris agunt, Christianis virtutibus, præter eas quas morales dicimus, excolant animum; quibus veluti catenis ac vestibus trahuntur ad supremum felicitatis gradum. Sed quoniam homo solus nequaquam sufficit ad ea sibi comparanda quæ pro tuendo corpore necessaria sunt, nedum beatitudinem per se acquirat; effectum est, vt homines simul viuerent in ciuili societate, in qua alter alterius ope, tum politicam, tum etiam Christianam adipisceretur perfectionem: vt nò tantum propter liberà eligendi vim, sed etiam propter operà vicissim præstitam sibi ipsis essent perfectionis ac felicitatis auctores. cæterum, quia vnusquisque maximè suum aut familiæ bonum procurat, opus fuit vt commune bonum alicui demandaretur. quod, cum in communione quadam ciuilis cœtus præcipuè consistat, melius mandatur vni, quàm pluribus. Hinc ciuitatibus atque populis Reges atque Episcopi præsidēt. Regum officium præcipuum est, vt ciues bona ciuitatis institutione probos reddant, eosque euehant qui natura capaces sunt ad contemplatiuam vsque felicitatem. Horum gratia, externorum bonorum copiam, militaremque potentiam ciuitati, cui præsunt, nituntur omnibus viribus comparare. Episcopus autem altiore quendā scopū præscriptum habet. Nā fidei suæ commissam ciuitatem Christianis institutionibus, diuinisque legibus etudiendam, atque in officio continēdam suscipit, susceptamque ad supremam eam felicitatem dirigit omni conatu; quam sine Christiana pietate atque institutione sperare stultum, simulque nefarium est. quò fit, vt longè maiori dignitate Episcopus præditus esse censeri debeat, quàm princeps ciuitatis. Hic namque curam habet humanæ felicitatis, quæ dispositio quædam est ad Christianas virtutes supremamque illam beatitudinem; quarum ducem, ac magistrum Episcopum esse diximus. ita fit, vt vtrunque oporteat excellenti quodam animo esse, omnibusque virtutibus ornato. primum quoniam natura comparatum est, vt vnumquodque efficiens similem sibi effectum pariat; forma enim & natura proptia rei, quæ agit, actionis principium est; ex quo efficitur, vt gubernator ac princeps, qualis ipse fuerit, talem efficiat ciuitatem. bonam ergò & beatam nequaquam reddet is gubernator qui non tali ipse quoque habitu præditus fuerit. Huc adde, quod in his quæ ad mores pertinent, vnusquisque facta potius monitoris sectatur, quàm verba; tumque sibi verè dati verba à præcipiente credit, si secus viuat, ac viuendum esse aliis præcipiat. postremo, vt inquit Plato, præfectus ciuitatis talem in vrbe Reipublicæ institutionem facit, qualem prius in animi sui Republica gesserit. Nam in quouis homine ex irascibili concupiscibilique animæ partibus, atque ex rationali, veluti quædā Respublica constituitur. si quis ergo ita viuit, vt eius appetitus à virtutibus nò defleat, solamque rationem ducem in quacunque actione sequantur,

- A sequatur, optimam hic in animo suo constituit Reipublicæ, formam, & eam ex qua in ciuitatem deriuetur optimatum, seu probi principis principatus, at si irascibilis animi vis ambitione, aut huiusmodi quopiam morbo affecta, imperium in animum nostrum exerceat, ipsique cætera pateant quæ in homine sunt, ambitionem aut militarem gubernationis formam, in populo atque vrbe, cui præest, statim parit. sin verò libido, aut avaritia, cæteræque concupiscibilis partis ægitudines, ac pestes aliis omnibus præstiterint, hinc popularis, ac tandem tyrannica ciuitas efficitur, cum maximo ciuium omnium detrimento. quamobrem ciuitatis principem, christianique gregis pastorem maximè decet, vt quàm optimam animi Rempublicam intra se gerant, si recte ciuitatem sint administraturi, atque ad optatam beatitudinem pro viribus perducturi. longè tamen maior animi perfectio in Episcopo requiritur, quàm in principe: tum quia ad supremum quendam finem atque excellentissimis virtutibus Christianis populus, cuius curam gerit, est ipsi instituendus: tum etiam quòd cum vnusquisque tanto oneri ferendo per se sit impar, purgatissimo animo eum esse oportet, atque ad diuinas illuminationes suscipiendas idoneo, qui se tam magnæ provincie accingit. Nam cum egregio miroque ordine hanc rerum vniuersitatè supremus ille artifex moderetur, inferiora que superioribus, veluti quibusdam instrumentis, perducatur ad proprios naturalesque fines, hunc tamen ordinem maximè præstat in humano genere dirigendo, ad æternam illam felicitatem, quò fit vt Angelis vtatur tanquam ministris ad purgandas illustrandasque hominum mentes: obscurius tamen id præstat in his qui aliorum impetio & moderationi subiecti sunt; clarissimè verò ac lucidissimè in illis qui aliis curandis præsunt, dummodo sibi ipsi non desint, ipsumque humanum genus supremæ huius beatitudinis quodammodo sibi auctor esse velit. Episcopus autè medius est inter diuinos spiritus, & humanum genus. ex quo perspicuum est, oportere Episcopum tum angelicæ, tum humanæ naturæ quadam ratione participare esse; quod cum de se nullus, quanquam virtutibus ornatissimus, polliceri possit, iccirco Episcopatum optare absque arrogantie crimine, aut avaritiæ, aut ambitionis, nequit vllus. absque vllò tamen crimine quisque optare potest, eam sibi diuinitus animi excellentiæ concedi, vt gerendo Episcopatu idoneus haberi possit: ad eam tamen dignitatè nequaquam accedendum est, nisi vocatus à Deo, & à summo Potestate cooptatus, absque vllò ipsorum ambitu, quæadmodum à Moyse Aaron fratrem ad sacerdotium vocatum legimus. ex his igitur nemo, quantum tardus ingenio, non perspicere potest, quanta animi perfectione atque excellentia præditus is ipse esse debeat, quæ diximus oportere supra humanam sortem, ad Angelicæ vsque naturæ participationem extolli. Cæterum, quoniàm ad tam magnū animi profectū non nili quibusdam veluti gradibus peruenitur, nos quoque ordiemur à leuioribus, pedetentimque accedemus ad sublimiora: idque prius generali quadam figura ac ratione; postmodum vero in specie magis. Principio ergo, qui Episcopatu gerendo dignus ha-

beri vult, aciem mentis intesdat, vt in vnaquaque actione quod honestum ac decorum sit intueri queat. multi sunt enim qui ad honesti splendorem vel nullos, vel lippiētes oculos adferant. deinde tam vehementi amore erga honestum afficiatur, vt nullis illecebris voluptatum, nullaque alia animi perturbatione ab hoc honesti sensu possit abduci. verū quoniam honestum rationis quoddam est bonum, multaque animi partes sunt rationis expertes, quas scilicet communes gerimus cum ceteris animantibus brutis: duæ verò sunt appetitus vires, quæ sensibilem animi partem comitantur: quarum alteram concupiscendi vim, alteram autem irascendi appellare consueuimus: Hæ autem suapte natura rationis expertes sunt, neque appetunt honestum, quod rationis esse bonum suprà diximus: in homine mentis compote; in quo naturali quodam ordine tum corpus animæ paret, & ex imperio animæ in quascunque mouetur partes, tum ratio ceteris animæ facultatibus imperat: atque hæ tamen partes, quas ratione cārere diximus, nescio quonam pacto factæ sunt ipsæ quoque compotes rationis, quatenus scilicet naturali quodam nexu natæ sunt menti obsequi, si interim paulatim assuescant nihil agere præter rationalis partis imperium. Hoc verò nunquam commodè præstare poterunt, nisi virtutes morales imbibierint, quibus exuperent naturæ suæ facultatem, & rationem quo vis pacto pertingant. ex his ergo sic collectis efficitur, vt continuò ab ineunte ætate, qui probus Episcopus futurus sit, coercere has animi vires debeat, continereq; intra limites à ratione præscriptas, atque his virtutibus excolere, quibus vtrunque excitari, ac rationem, honestique veluti quandam sensum adipisci, & ratione, & experimento compertum cuilibet potest esse. quam viam nisi fuerit ab adolescentia ingressus, in virili ætate constitutus, id aut nunquam, aut ægre præstabit. iuxta viam suam adolescens [inquit Salomon] cum senuerit non recedet ab ea. totis ergo viribus enitendum est, omniq; conatu contendendum, vt à teneris annis, Herculis more, hæc monstra molliamus ac perdomemus, atque assuefaciamus, vt iugum rationis pati in tenera ætate discant. Sed prius compescendæ nobis erunt concupiscibilis animi perturbationes; quæ & vehementissimæ sunt, & in prima statim adolescentia bellum cient aduersus rationem acerrimum. Hæc igitur animi vis in illo ætatis lubrico temperantia est cohibenda: quæ, si propriè sumatur, compescit ac coercet voluptates ex cibo potuque, atque ex venereis rebus emergentes: sed alio modo sumpta, latè patet, atque auaritiam, inuidentiam, & ambitionem, grauissimos animi morbos, expurgat. Quid enim est liberalitas, nisi temperantia quædam à nimia pecuniarum cupiditate, immoderataque largitione? aut quid aliud est ea virtus, quæ cum sit circa mediocres honores, propria appellatione caret, nisi temperantia quædam à nimia honoris cupiditate, indignatio quoque, ab inuidentia téperat, de qua infra cum de charitate disseremus. sunt etiam nonnulla concupiscibilis animi vitia, quæ

- A quæ hominum inter se consuetudinem maculant deterioremque faciunt. Hic fictus arque, adulator; ille urbanus aut scurra. contra quos morbos his pharmacis est utendum, ut veritate seu viuendi simplicitate, Christiano enim mori loquar, simulationem omnem vitemus, affabilitate, turpes adulationes, atque importunas vel de minimis rebus contentiones: urbanitate, & scurrilitatem, & consuetudinem agrestem ac morosam. his non minus quam superioribus, temperantiæ nomen accommodari potest. Nam & verus seu simplex, à quacunque temperat fictione, & affabilis à contentione, & urbanus, à scurræ verbis ac motibus. His ergo virtutibus concupiscibilis anima est excolenda; ut discat rationem ducem in omnibus sequi, & ad quandam honesti sensum paulatim subduci cōsuecat, in nulla tamen animi perturbatione sedanda, magis est euitandum, in iuuenili præsertim ætate, quam in ea, quæ ex ardore libidinis, illiusque voluptatis illecebris excitatur. Hæc enim omnium vehementissima est, maximeque affigit humo diuinæ particulam auræ (ut inquit Flaccus.) qua in re considerandum erit, quàm homine indignæ sint eæ voluptates, quibus in bruta animantia quodammodo degenerat; ante oculosque proponendum, quot celebres ac illustres viri res pulcherrimæ ab ipsis gestas, hac labe fœdarint. maximaq; cum ignominia tum superstites vixerint, tum etiam post obitum in memoria vulgi ore versentur, in quibus satis erit Salomonis sapientissimi ac potētissimi Regis exemplum; qui post multa præclare ac magnificè gesta, tam turpiter, huiusce voluptatis illecebris captus, deflexit de via; ut ad idolatriæ vsque nefandissimum crimen collapsus fuerit, simulque abstinendum erit à consuetudine eorum quæ animos iuuenum solent allicere ad huiusmodi voluptates, nec minus parcendum erit lectioni eorum auctorum, ac præsertim poetarum, qui amorū monumēta posteris reliquerunt. qua in re non possum satis mirari nostrorū temporum consuetudinem, cum scilicet puetis (ut ita dixerim) vix bene natis, continuo legendos ac ediscendos, proponunt nonnullos poerarum libellos, amoribus ac libidinibus plenos, calcariaque addunt ætati, per se ad libidines sponte currenti. Nostrum verò Episcopum nollem ego à teneris annis hac vulgari ratione, sed potius secretæ quadam ac diuersæ à vulgi consuetudine institutum fuisse, sin alitet, cum primum licebit, vellem ut ab huiusmodi poetarum studiis temperaret. sed nūc de his satis inferius namque fusi, dicturi sumus de Episcopi studio. A crapula verò abstineat quātum fieri potest, nihil enim viro ingenno indignius, quàm ista ciborum ac potus ingluuiens. de liberalitate, quæ sequitur, pauca quædam nūc dicam; plura infra dicturus, cum de dispensatione reddituum annuorum Episcopatus disseram. nunc id tantum monuisse sufficiat, nihil esse animi magis angusti, quàm hæc comparandarum pecuniarum sitis. miserāda ptosectō animarum ægritudo, quæ hominēs vsque eo oblequatur, ut vitæ perfectionē, summumque bonū ex diuinarij opibus sibi comparari posse existiment. sed ambitio, quæ tota pēdet ex vulgi errore, miserissima est: quam tamen differimus ad eum vsque locum, in quo de magnanimitate dicemus. Verū cum homo non solus

viuat, sed aliorum quoque commercio vtatur, dandū operæ, plurimum erit, p  
 vt iucundi amicis simus, cæterisque hominibus non ingrati. primum igitur  
 obseruandum est, vt quàm maximè fieri potest, in quacunque actione veri-  
 tatem quandam (vt verbis Aristotelis vtar,) vel potius simplicitatem præste-  
 mus [vt Christiano more loquar.] Hæc animi virtus fictionem omnem, et in  
 corporis gestu, atq; habitu & ī quacūque alia actione prorsus excludit; neq;  
 aliud ore præ se fert aliud corde occultat. Rei namque simplicis vnica quædā  
 est, in quacunque eius parte, eademq; habitudo. Nec etiā in cōuersatione ho-  
 minum negligēda est iocunda quædam affabilitas ac decor; ita vt neq; adu-  
 lationis crimine insimulari possimus, neque vlla morositate culpari: sed in  
 conuictu quoque hominum, vt simus faciles ac iocundi, pari ratione cōsue-  
 tudinis nobis vtrūm est, si quando iocosa incidunt, ad quæ, animi reficien-  
 di causa, plerunque homines diuertunt, vt alacriores reuertantur ad seria ho-  
 nestaque studia. in iocis ergo decorum quoddam seruandum erit; ne vide-  
 licet videamur rustici, atque agrestes, neue contrā scurræ ac mimi. sed con-  
 dienda oratio erit vrbānitate quadam ac lepore; vt simul faceta grauiusque  
 habeatur. Reprehendet aliquis fortasse diligentiam hac in parte nostram,  
 quod potius ciuilem virum, quàm Episcopum erudire videar. cui respon-  
 sum velim, morales ac ciuiles virtutes, quamuis non ita Episcopi sint, vt aliis  
 quoque non conueniant, quemadmodum nonnullæ aliæ, de quibus infra  
 dicturi sumus, non tamen ab Episcopo putādum est alienas esse, quin potius  
 fundamenra sunt quædam, quibus sublati, cæteræ quoque Episcopo pecu-  
 liares & propriæ ruant necesse est. iccirco nobis, quibus tanquam ab incun-  
 bulis perfectum Episcopum erudire propositum fuit, nequaquam fuerunt  
 omittendæ. Tempus nunc est, vt duram efferamque animi partem, irascen-  
 di inquam vim, nō mollem quidem, sed constantem efficiamus. Huius præ-  
 cipua virtus est fortitudo, qua firmam<sup>9</sup> molle illud animæ atq; effœminatū,  
 ne penitus subsidat ac defluat. Hæc ea est virtus, quæ virilitatem quandam,  
 & robur animo præstat, omnibusque mortalibus, ac humanis rebus superio-  
 rem facit: in hac plus multo elucet decorum illud atque admirandum hone-  
 sti, quàm in quauis alia virtute: vnde etiam sola per excellentiam quandam,  
 virtutis nomē obtinuit apud veteres Romanos. circa mortis pericula, dolo-  
 rumque toleranciam maximè versatur hæc virtus; in quibus ea potissimum H  
 rariorione firmabimus animum, si cōstantissimè tenebimus nihil honesto præ-  
 ferendum esse, nullamque rem homini accidere posse, quæ intolerabilis sit;  
 quod facile ei persuadebitur; qui diuinitatem & excellentiam humani ani-  
 mi nouerit, quem turpe tantum atque inhonestum factum inficere potest:  
 cætera verò, quæ maxima putantur mala, dolores inquam, labores, tormēta,  
 ac denique mors, si constanter ferantur ac fortiter, perficiūt, magisque egre-  
 gium præstant. Hic opere precium erit cogitatione versare plurima à maio-  
 rib<sup>9</sup> nostris cōstantissime gesta, & cuiuscunque generis tormēta fortiter su-  
 perata. Horum plerosque ante Christianā religionē, antiquitas est admirata;  
 sed post effusā Euāgelij lucē tā magnāhuiusmodi exēplorū copiā christiana  
religio



- A** religio suppeditat, vt vix vlla cogitatione cōprehendi queat. Nullo pacto omitterenda quoque erit magni excellēque animi virtus, cuius opera magnis etiam honoribus animus superior fit: vnde eam appellationē sumpsit, dictaque est magnanimitas. Hanc Philosophi perfectionem irascibilis animæ posuerunt, quia circa arduum quoddam versari videretur, quod propriè ad irascendi vim pertinet. eam verò, quæ in mediocribus quibusdam est honoribus, in concupiscente, seu desideratiua animæ parte statuerunt: quoniam nihil arduum propositum haberet. Hisce virtutibus, tanquam ad fortitudinem pertinentibus, firmatur animus, ne ab honore pendeat ex errore vulgi.
- B** plerumque præstito, in quod virium animi præstātes & egregiæ naturæ sæpe numero incidere solent, nisi exculti prius fuerint tum recta quadam existimatione, tum etiam magnanimitate. Nam cum honor virtutis sit præmiū, virtutemque sequatur velut vmbra corpus, præstans excellēsque ingenium, si parumper ab honesto, quod virtutis est finis, deflexerit, continuo pro virtutis sine honorem sibi proponit, quam actionum omnium postremum finem: id putant excellsi, atque magni viri esse, vt vitam etiam pro laude paciscantur, hanc verò laudem, atque gloriam (qui maximus est error) iudicio vulgi metiuntur: inde fiunt sæpe ambitiosi, & additi penitus auræ populari. quomobrem cum locus hic tam lubricus sit præstantibus egregiisque naturis, maximè cauendum erit, illi præsertim, qui aliis regendis idoneum se esse profiteatur, & velit, ne quandoque corruat in perniciosam hanc ambitionis voraginem. omni ergo conatu formandus ipsi animus erit hac fortitudinis specie, magnanimitate scilicet, præstabitque se magnis honoribus dignum, qui si pro meritis ipsi à vulgo non deferantur, negliget ac paruipendat; vnde fit, vt difficillimum sit magnanimum esse, quia valde arduum quoque est magnis honoribus esse dignum; ex quibus efficitur, vt valde ridiculus, ac vanus sit habendus ille, qui, cum honoribus sit indignus, se magnanimum hisce contemnendis esse profiteri audeat. Sequitur magnificentia, quæ circa magnos est sumptus (hoc namque & ipsum arduum est) quam nolim à Christiani gregis præside in hanc partē vsurpari, vt ad animi hanc, quā statuo, magnificentiā attinere arbitretur, magnos cenarū, ac splendidos apparatus, ingentem famulorum ordinē, magnam & eximiam aulcorū ac valorū
- D** argenteorum suppellectilem, cæteraque huiusmodi impensas, vt turpiores nunc omitam, non enim eadem quācumque personam decent. in Principe fortasse non indecora hæc erunt, & ad magnificentiam spectabūt, at Episcopo, Christianique gregis pastori, nihil (vt existimo) magis indecens. verum magnificentiæ Episcopi interesse reor, primum vt erga inopes profusissimus sit, magnæque hōspicia construat, in quibus pauperum præsertim cum ægrotant, & victui & sanitati consulatur: deinde vt templa, vasa, vestes, cæteraque, quæ ad diuinum cultum pertinent, quantum fieri possit, nō omisso interim erga pauperes officio, magnifica ornataque habeat. ab hisce rebus Episcopo debetur magnificentiæ laus. Reliqua ex virtutibus irascibilis appetitus est māsuetudo, qua mollitur animus, ac refrænatur, ne iracundiæ stimulis in præ-

ceptus actus rationem reuocantem nequaquam audiat, sed longissime præ-  
 currat. nam quemadmodum tribus superioribus virtutibus præstat quod-  
 dam animo robor, ac rebus arduis cedat, neue præcurrentem rationem de-  
 serat: ita contrà mansuetudine frenatur irascendi vis, ne rationem præcurrat,  
 eiusque mandatis obaudiat. Hæc virtus maximè splendet à principe, in quo omnium  
 maxime sapiētiam optare solemus. nulla verò animi perturbatio magis ho-  
 mines agit in furorem, quàm iracundia, ex qua non tantū in animo, verum-  
 etiā in corpore magna turbatio excitatur. licet intueri ora, gressus, omnem-  
 que habitum corporis hominis irati: nihil decorum, nihil compositum spe-  
 ctabis. Hæc ferè virtutes sunt à Peripateticis cōnumeratæ, quibus sensibilis ap-  
 petitus, qui suapte natura rationis est expers, neque ullum honesti sensum ha-  
 bet, quodammodo ad participationem rationis assurgit. Nūc tempus posco-  
 re videtur, ut pauca quædam, quæ ad hoc negotium pertinent, dicamus de  
 virtutibus partis rationalis. Nam ex hac, veluti ex radice quadam, rectitudo  
 influit in reliquas quoque animi vires. Nisi enim hæc rectè in sua actione  
 versabitur, frustra reliquæ vires sequentur imperium rationis: at rectè agere  
 non poterit, nisi propriis virtutibus fuerit prius imbuta: huius autem animi  
 vis altera comprehendit, ratiocinatur ac cogitat, altera verò appetitus qui-  
 dam est cogitationis assecla. huius posterioris, appetitus inquam, rationalis  
 iustitia perfectio est. non enim in sensibili appetitu rectè hæc animi virtus  
 potuit collocari: nam non versatur circa sedandas perturbationes ut reli-  
 quæ, sed tantum æquum seruat ac tenet. æquum verò collatione discursuque  
 rationis comprehenditur, & iccirco ad sensibilem partem pertinere non po-  
 tuit, sed ad rationalem huius namque multorum inuicem collatio propria  
 quædam est actio. iccirco in eo appetitu, qui rationē sequitur, iustitiam col-  
 locarunt. Hæc verò virtus, si in genere sumatur, tam late patet, ut ad eam ez-  
 terarum omnium virtutum actiones referri quæant. quod si pressius eam  
 sumperis, æquitatem tantum amplectitur in externis bonis, ut non plus si-  
 bi, quam æquum sit, neque alteri minus, sed æquum omnibus tribuatur. ho-  
 minum quidem communitati, coetuique ciuili tam necessaria est hæc animi  
 virtus, ut ausim dicere sine reliquis virtutibus consistere posse hominum  
 societatem, at nūquam ne vel temporis momentum permanfuram, si quævis  
 iustitia auferatur. in priuato viro satis iustitiæ esse putandum est, si ab in-  
 ferenda iniuria abstinet, at in principe ac præside late patet. Nam non satis est  
 principi, si ab inferenda iniuria temperet ipse, verum oportet, ut et illatam  
 ab alio iniuriam pœna compenset, & ne inferatur pro virili provideat. qua in  
 re tum mira prudentia, tum etiā diligētia nō mediocri opus erit. Hanc igitur  
 principū ac præsidū propriā peculiaremque virtutē, futurū Episcopū admiri-  
 ri oportet, à tenerisq; annis afuescere, ut nō modo facere, sed ne audire quidē  
 iniustum aliquid patiat. Hanc & in cōmutationibus seruari curabit, & in  
 distributionibus, quod præsidis officiū est, diligētissime seruabit. Altera vir-  
 tutū rationalis animi in ea est parte cōstituta, quæ ratiocinatur & sapit. Hæc pruden-

- A prudentiam nominabimus latiori quadam significatione, quàm à Peripateticis sumatur. Hæc virtutum omnium princeps, sine quâ nullum virtutis officium rectum esse potest. huius proprium est, quod in vna quaque actione decorum, atque honestum sit intueri. quæ licet quodam modo non in ciue libero solum qui tum sui, tum familiæ curam habet, sed etiam in seruo esse debeat: hic tamen angustis quibusdam terminis coercetur in principe vero ac præside, quibus alij obediunt, proprios ac latissimos fines habet. nō enim huic satis erit compertum habuisse, quid certo cuidam hominum generi in ciuitate & decens, & vtile sit; sed in vniuersis generibus, vt hoc norit, oportet. huius præcipua pars, quæ omnium maxime principi conuenit, est legum ferendarum facultas, vt scilicet leges ferat, quarum obseruatiā ciues ciuilem felicitatem mancā illam, quā diximus, adipiscātur; Habiles autem atque apti fiant ad christianas virtutes capeffendas, quarum demum ope supremā beatitudinem consequantur. at enim prudentiam meo quidem iudicio difficile adipiscetur, qui philosophiæ morali nullam operam dederit; quo fit vt ea studia pulcherrima & Principe maxime digna existimē. in his vellem ego Episcopum nostrum, quem instituimus, dies atque noctes versari. Historiarum quoque cognitio non parum ad prudentiam facit, dum aliorum exemplis illustrium alioqui virorū, quid deceat, & quid operæ precium sit in vna quaque actione facile discimus. Huic quoque virtuti copulemus reliquarū rerum cognitionem, præ omnibus vero naturalium, diuinarumque rerum contemplationem: quæ & per se pulcherrima est, maximeque momentum præbet, vt ad earum rerum imitationem, atque exemplū, tum animi eorum, qui illam perceperint, tum vniuersa ciuitas illorum ductū se effingat. prudentiæ quoque officium est, vt nouas quasdam, superstitiosasque artes à veris honestisque dignoscat, ne fortasse (qui multorum est error) in monstis quibusdam, & nugis magno cum dispendio tempus terat. Hactenus eas virtutes persecuti sumus, quibus humana vita continetur; vt prius illud in Episcopo nostro caueretur, ne quandoque ex homine in brutum animal degeneraret. Nam cum Episcopus (vt supra diximus) hominem quodam modo excedat, nostrumque institutum fuerit, de integro Episcopum ab incunabulis constituere, necesse fuit, vt prius hominem faceremus; quem postmodum Episcopum facturi essemus, Hucusque procedunt humanæ vires, neque vltra hominem promouent, quam vt in nationibus quibuscunque decorum, honestumque seruet, ac diuina quoquo pacto attingat ex rerum sensibilibus contemplatione, admirabilique in rebus omnibus naturæ ordine. Hæc manca illa, atque imperfecta felicitas est, ad quam supra dixi posse hominem naturali lumine peruenire. Verū non est hæc suprema illa beatitudo: quæ omni ex parte appetitum hominis compleat. sed quærenda est multo excellentior, ad quam consequendam nunquam sufficienter naturales conatus, sed opus homini est peculiari quadam gratia diuinitus imperita, nonnullisque virtutibus consequentibus gratiam, quarum adiumento humanus animus ad quandam participationem diuinæ naturæ attollitur: hæc vero sunt veluti

elementa supremæ illius felicitatis, quæ sola animum implere potest. nihil enim aliud est summa hominis beatitudo, quàm Deum fieri adeptio diuinitatis, eoque bono felicem esse, quo semper Deus est felix. Hoc summum supremumque bonum sola christiana religio præstare potest, in qua per fidem legemque Iesu Christi Dei & hominis ad assequendam diuinitatem peruenire speramus; in quo certe tanquã in arctissimo, indissolubiliq; nexu queunt tam longe distantes naturæ diuina inquam, atque humana coniungi. nam cum diuina cõgruit, quia personam Dei gerit, nec ab homine discrepat, cum sit homo; quo fit, vt in ipso possit homo Deum comprehendere (vt ita dicam) diuinæque actiones imitari. Hoc illud est Dei arcanum & reconditum mysterium, quod stulti philosophi non intelligentes interdum christianam religionem derident. sed reuertatur oratio, vnde digressa est. Excel-

lentiſſimus hic finis, quem cõsequi expetit christiana religio, perfecte in hac mortali vita obtineri non potest. sed satis homini esse debet, si dum in viuis agit, semina quædam consequatur, ad eum finem adipiscendum. id namque in quibuscunque naturæ effectibus clarissime conspicitur, si non statim debitam sibi attigerint perfectionem, priusquam absolutam obtineant, obtinere inchoatam. quamobrem oportuit hominis animum christianis ac diuinis virtutibus supra se quodã modo attolli, paulatimque ad diuinam progredi, vt sic affectus post obitum absolute perfectæque beatitudinem consequeretur. Hi christiani animi habitus facultatẽ intellectus nostri excedunt: quod maxime congrue modoque in primis naturali contingit. euehunt namque hominis animum ad eam perfectionem, à qua homo longissime distat, id est: cet intueri in habitibus sensibilis appetitus de quibus quàm plurima à nobis sunt superius explicata. illi quoque sensitiuam vim ad honestum appetendũ, quod nequaquã suapte natura sensibilis anima appetit, verũ conuenit superiori virtuti, rationi (inquam,) mirũ ergo nulli esse debet, si christianis, quibus proposita est diuini boni adeptio, quædam sunt proprie peculiareque virtutes, quas philosophi, qui tantum naturæ lumine aguntur, nunquam perspicere potuerunt. his igitur christianis seu diuinis virtutibus, maxime non dicam imbutus, sed ornatus, & exultus esse debet is, quem instituimus, Episcopus; adeo vt ex sua plenitudine commissam sibi impleat ciuitatem. tres huiusmodi virtutes Theologi numerant, quarum vna, fides scilicet, pertinet ad intellectum, dux vero, spes inquam & charitas, ad voluntatem. harũ prima est fides. absolutissima vero est charitas, sine qua nihil possunt quæcunque alie virtutes. fides quarundam rerum diuinatum cognitionẽ nobis præstat; ad quas capessendas intellectus sibi ipse nõ est satis. Hæc omnia ea sunt, quæ in sacris litteris continentur, ac certa ratione potest cuilibet cõpertum esse; oportuisse in huiusmodi quibusdam intellectum hominis exerceri, vt fieret diuinitatis capax. Hoc namque præcipue obseruandum his, qui in cognitione diuinorum proficere cupiunt, tum penitus videlicet ab homine ignorari Deum cum putatur aliqua ex parte comprehendẽ, quid sit. quapropter Dionysius Areopagita summus diuinorũ scrutator, Dei cognitionem summam

- A summam appellat scientiam diuinæ ignorationis . vt ergo hoc homini penitus insideret, Dei naturam lôgissime distare ab omni eo, quod intellectus noster cogitat, necesse fuit quædam de Deo credenda his proponi, quæ omnino mentis aciem superarent; quibus tanquã finis propolita est nuda, aperta quæ diuinæ naturæ contemplatio. fidem ipse sequitur. fieri namque non posset, vt quispiam bono illius potiundo accingeretur, quod nequaquam speraret adipisci. Hæc virtus fortitudini quodam modo respondet, nam animum firmat, vt ne difficultate rei, ac prope desperatione terreatur. quare si rationali appetitui adhiberi posset ea differētia, quã sensitiuo adhibuimus, vt scilicet diuideretur in vim desiderandi ac irascendi; perfectionem irascibilis rationalis, spem vtique statueremus. Omnibus hisce virtutibus tam moralibus, quàm diuinis supremam manum imponit charitas, absolutionem quæ præstat. Hac virtute tam egregie assurgit animus hominis, vt iam non in se ipso, sed in Deo viuere incipiat, nam cum cætera omnia, tum etiam seipsum in Deo amat vir perfectus charitate. huius vi morales virtutes attolluntur ad altiorem, sublimiorem quæ finem, vel, vt nonnulli perhibent, nouæ quædam in animum influunt excellentes, atque egregiæ magis, quàm morales. honestum namque & decorum, qui præstitutus finis erat virtuti morali, à bono diuino longissime abest; quo tanquam sine omnium virtutum, actiones moderatur charitas. hoc in loco non absurde puto dicemus, si actioni honestæ, ac propterea decoræ dixerimus vitam quandam præstari à charitate; sine qua honestum, quod philosophi tanti faciunt, friget quodam modo ac marcescit. huius rei similitudinem ipse fingere potes, si vnquam pulcherrimi alicuius cadauer, seu marmoream statuam à Praxitele summo artifice diligentissime confectam vidisti: spectabis enim in vtroque miram quædam membrorum formationem, atque egregiam harmoniam, vt nulla in parte suspicari queas prætermisum esse decorum. attamen pulchra ea statua iacet ac friget, cur? nepe, quia anima vitæ quæ caret. pari ratione, honesta decora quæ actio pulchra est, omni sibi ex parte respondet, considerantem oblectat: friget tamen, nisi à charitate vitam fuerit assecuta. Diuinæ igitur hæc virtutes esse debent in Episcopo adeo excellentes, vt ab ipso in vniuersam ciuitatem emanent, tanquam à quodam fonte perenni. primum namque oportet non ea solum credere, & nosse virum Episcopum, quæ christianus quiuus vel mediocriter in religione eruditus nouit: verum etiam Theologiam christianam callere, vt alios docere queat christianum scilicet dogma, rationes quæ reddere occultarum rerum, ministeriorum quæ christianorum, & impugnantes refellere, tum ea quæ iuris pontificij sunt probe nosse. in primis autem vtrūque testamentum sic tenere, vt vngues, digitos quæ suos, atque in ea lectione oblectari assidue quæ versari; ac postremo quæcunque alia studia ad hæc referre. quod nostris temporibus omnium maxime præstandum est, cum turpe sit sacerdoti, & Episcopo non si Virgilianū carmen, aut huiusmodi quippiam non intellexerit, sed si Euangelium nunquam totum perlegerit, ac diuinæ scripturæ spiritū nō hauserit, quid quæ de sanctissima trinitate, de sacro-

sancta eucharistia, cæterisque Sacramentis ac religionis christianæ mysteriis credendum explicite sit, non curauerit. Quod si in christianis omnibus studium aliquod, cœlestiumque rerum sciëntia aliqua necessaria est, quãtò magis hoc in sacerdote requiritur? verum in Episcopo spei virtus latius patet, quàm in privato viro, non enim diuinum bonum sibi assequi solum sperare debet, verum etiam posse, Dei numine fauente, commissam suæ fidei ciuitatem promouere ad illud bonum consequendum. sibi ipse tamen deesse non debet, quin animum paret ad diuinas illustrationes suscipiendas, omnemque diligentiam, atque operam præstet in suo grege gubernando. Perfectio autem & absolutio horum omnium est charitas, quæ cum christiano cuique, tum præcipue necessaria est pastori christiani gregis. quæ virtus, cum præstantissima sit, atque reliquis virtutibus omnibus vitam præbeat, latissime manat, nulloque ferè termino cohibetur, sed ad omnes spectat: itcirco opus erit ne erga dispares pari munere fungamur, vt rectus ordo seruetur in officiis charitatis, sine quo nulla huiusmodi virtutis actio constabit. primum ergo Episcopi munus est, vt Deum præ omnibus amet, nihilque conferendum arbitretur, cum diuini honoris ac laudis tuitione, præ qua & vitam, & ipsam denique felicitatem nihili faciat, & ad hoc tanquam ad postremum finem referat omnes suas actiones. summopere enim & decus, & dignitatē Dei Episcopum sustinere decet. mirabitur fortasse aliquis, alienumque à natura rerū arbitrabitur hoc præceptum esse, cum omnibus rebus insitum natura videatur, vt maxime ac præ omnibus ament se ipsas, cæterum diligentius, ac interiorius re perspecta cuilibet compertum esse poterit, nequaquam hoc esse à naturæ legibus alienum. nam cum omnia præcipue appetant esse, præ omnibus etiam naturali desiderio cupiunt eius conseruationem, & incolumitatem; in quo putant maxime eorum esse constare. quamobrem natura fit, vt nonnulla, quorum esse magis sit in alio quopiam, quàm in ipsis, magis optent illius, quàm sui ipsorum conseruationem. In promptu sunt partes, quarum esse consistit in ipsa integritate totius, eaque ratione se vel certissimo periculo exponunt pro totius incolumitate tuenda. Nullus ergo mirari debet, si nouerit diuinum esse cuiusque alterius rei esse continere, & magis in ipso consistere, quàm in rebus ipsis, si secundum naturam esse diximus, cuius ordinem egregie christiana religio imitatur, magis oportere Deum à nobis amari, quàm nosmet ipsos; post Deum, quia vnū quodquoque magis est in se, quàm in alio quopiam, salutem ac felicitatem vnusquisque procurari debet. hoc veto ab Episcopo præstabitur, si innocentissime vixerit, animumque quacunque labe purgarit. postremo inserviendum est alienæ infelicitati, ac egentibus opem ferre par est. qua in re valde Episcopo est enitendum, ne huiusmodi officio desit. hoc namque præcipuum munus eius est, & quod à pastoribus christiani populi requiri maxime solet. Non possum hoc in loco non magnopere miserari nostræ tempestatis calamitatem, cum paucos admodum christiani populi moderatores comperias, qui degant in ciuitatibus fidei eorum commissis. Verum satis officio suo fecisse putant; si procuratori regendam urbem

**A** urbem tradiderint, ipsi vero redditibus potiantur. ac magni quidem cuiuspiam in Romana curia pompam comitantur, regnorumque tractant, ac bellorum negotia; de populo vero cui præsumt, an in christiana religione proficiat, an deficiat, ne nuntium quidem accipiunt, egenosque gregis sui omnino negligunt & ignorant. hoc cene est Episcopum gerere? hoc cene discipulos Christi imitari, præceptaque Euangelica seruare? probus ergo Episcopus operam dabit ne alteri tradat gregem suum curandum, sed quàm breuissimo tempore ab ouili aberit, nisi aliqua ratione à Pontifice euocatus alicui officio inferuiat, quod ad emolumentum christianæ Reip. spectet. verum non hanc dari sibi occasionem optet, neque tale quid ambiat, sed ægre ac ferè inuitus huiusmodi onus suscipiat. quo expedito, non aliud procuret, sed quàm citissime ad gregem redeat. In populi vero (cui præest) gubernatione æquum quoddam seruabit, cetumque tenebit ordinem (nam hac in re charitas cum iustitia proportionem habet.) primum igitur sacerdotum ac cleri magnam habeat curam, his enim ministris vtatur opus est in sacris administrandis, populoque curando. quare quamoptimos sacerdotes habere, ac in christianis rebus eruditos magni momēti instar habet ad populi gerbernationem. hos ergo erudire ac bonos facere præcipue ad ipsos spectat. deinde bonos viros instruet & diliget. prauis tamen curandis maior opera impendi debet. non enim (vt inquit Christus) est opus medico bene valentibus, sed ægrotis. virgines Christo dicat, ne vitam vllò libidinis, aut lasciuiarum genere polluant, quantū fieri potest, cauebit. Egenos, præsertim ægrotos, aut nobiles, quibus egestas ignominie habetur, fouebit opibus ac redditibus suis. in quo officio si cætera paria in vtroque sint, præferendum puto virum bonum iniquo. viuendi norma seruata (vt reor) optime præstabit charitatis munera. Nam ea ratione extra se quodam modo positus alienam rem aget, quod charitati peculiare est. cupiebat Moyses pro salute Israëliti populi deleri ex libro viuentium. Paulus optabat fieri anathema pro patribus, qui loci quo pacto sint intelligendi, nunc omitimus: in præsentia sit satis dixisse charitatem ecclasiam facere, ita vt extra se diffuset qui fuerit præditus hac virtute, potiusque in aliis, quàm in se viuat. quod etiam Deo cōtigisse in rerum creatione Dionysius dicit. ex amore, nanque ecclasiis passus in alias creaturas defluxit, ac eas ita condidit: nuncque in illis existens quasi extra se in aliis continet ac conseruat. quare clarissime patet nullum animi vitium charitati magis contrarium esse inuidentia ac maleuolentia. inuidus nanque tantum bonum suum vult, alienum nollet: de proximi autem amici malo gaudium concipit, de successu merorem. at contrà, charitas aliena procurat, sua negligit. nec tamen ignoro interdum ex charitate quoddam odij genus excitari, quo odimus iniquos, quatenus iniqui sunt, ac de eorum successibus dolemus: cupimus tamen vt boni fiant, sicque affecti optatis fruantur. hoc odium perfectum appellat Dauid in psalmo, super inimicos tuos (inquit) tabescebam, perfectio odio oderat illos, & inimici facti sunt mihi: hæc est ea virtus, quam indignationem Peripatetici nominant quam in medio statuunt maleuolen-



tiæ, & inuidetiæ. Satis vt arbitror hucusque generali quadam forma Episcopum nostrum effinximus, dedimusque operam, vt prius hominem, deinde Episcopum formaremus. nunc quę supersunt, in alterũ volumen differimus.



## LIBER SECVNDVS.



**M**VLTVM diuque dubitatum est apud veteres rerũ scrutatores, humanũ ne genus religioni diuinoque cultui natura duce inseruiret, an potius cõsilio quodam, ac sapientum instituto, qui homines in officio contineri non posse arbitrati sunt, si Deorum metus ac reuerentia de medio sublata esset. verũ ipsam rem paulo attentius consideranti manifestissimum esse potest, hoc minime humanum fuisse cõmentum, sed ita natura comparatum esse, vt quemadmodum homines civilem vitam naturali quadam propensione agunt, nec non loquendi vsum (quod nulli animantium generi contigit) à natura foriiti sunt, ita etiam naturalibus quibusdam stimulis homo actus ad diuinum cultum contenderet. quod puro tum ratione, tum re ipsa facillime cõprobari. Cum enim cuiusque rei perfectio tunc penitus absoluitur, cum ad eam conuersa fuerit causam, quam substantiæ, atque esse habuerit auctorem; in hac ratione veluti solidum quendam citulum iaciat; hominis vero animus, quo præcipue eius substantia constat, Deum optimum haber auctorem: nihil mirum videri debet, si naturali innataque inclinatione cõuertatur ad Deum, quem colat, ac veneretur. huic rationi res ipsa firmam facit fidem. Nam neque vllis vnquam temporibus gentem aliquam fuisse, neque hac tempestate inueniri, vel in extremis oceani litoribus, vel in insulis penitus à reliquo orbe diuisis, memoriæ proditum est; apud quem nullus esset Deorum cultus: licet de diis alia alij sentiant; maluntque boui aut igni, aut saxeo vel æneo simulacro diuinum cultum præstare; quàm omni prorsus religione carere. quamobrem nulli dubium relinqui posse existimo, religionem naturaliter homini insitam esse, sicut & civilis vita & loquendi vis. verum natura, quemadmodum neque civiles mores & leges, neque sermonem, quæ in homine inchoauerat, perfecit, sic vtique religionem perficere non potuit. quia in re naturæ vis longius à perfectione atque ab absoluteione abfuit, quàm in civilibus moribus & orationis facultate. Homo nanque vi luminis

- A** minis naturalis paulatim pro populorum ac regionum ingenio vtrūque eorum compleuit, vt ex monumētis philosophorum, & oratorum patere cuiuslibet potest. At religionem veram nisi diuina ope adiutus nullus vnquam potuit inuenire. consideranti vero penitusque discutienti quascunque religiones, quæ aut nostris, aut priscis temporibus aliæ fuerint à christiana pietate, perspicuum erit vix vllam esse, quæ hominem contineat in munere atque officio hominis, nedum ad altiora, sublimioraque promoueat. sola verò christiana religio non solum hoc præstat, vt ne homo brutis appetitionibus inferuiat neglecto imperio rationis; sed etiam noua quadam vita hominem imbuit diuinæ vitæ particeps. ideo instituta sunt in Ecclesia Sacramenta,
- B** quibus veluti sensibilibus quibusdam signis, quorum cognitio de sensu pēdet, nobis indicaretur, quid ex christiana pietate inuisibiliter in animo fieret. primumque institutū fuit baptismatis seu ablutionis Sacramētum, per quod non solum significatur, verum etiam efficitur, vt vetus homo deponatur, sordibusque peccatorum ablutis, nouus ac cœlestis regeneretur. verū sicut post naturalem corporeamque generationem præstatur naturæ homini incrementum ac robur; ita etiam diuina gratia secūdam hanc spiritualem generationem præstatur homini robur in christiana pietate, a duersus quascunque vel hominum vel dēmonū oppugnationes. huius rei signum est in chrismate. deinde quemadmodum nisi iugi alimento calor hominis foueretur; continuo ad corruptionem tenderet; pari modo ad fomentum diuini caloris institutum est sanctissimum eucharistiæ Sacramētum, quo virtutes omnes fortæ, viuicæque Christi carne nutritæ hominem semper ad potiora melioraque promouēt. accidunt sæpenumero ægritudines & molestæ, & perniciosæ corpori. eis pharinci ope continuo occurrendum est. sic in christiana vita frequenter contingit, vt delictorum labe omnis prorsus diuina gratia extinguitur. huic perniciosæ ægritudini pœnitentiæ Sacramentum tanquam præsentaneum remedium est institutum. Ac quem morem medici seruant, vt reliquias morbi leui quodam medicamento expurgent; eundem imitatur christiana religio in spiritali vita hominis, vt extremam adhibeat vñctionem in exitu mortalis vitæ, tanquam in ægritudinum fine, quibus continuis donec vitam ducimus vexamur, atque affligimur. Verum cum vnusquisque christicola, ex quibus tanquam ex membris constat mysticum corpus Ecclesiæ, cuius caput est Christus, simul non sit; sed aliis alijs in vita succedat, oportuit matrimonij, coniugalisque lecti Sacramentum institui, quod ad sanctæ naturæ propagationē spectat. his omnibus veluti postremū accedit Sacramentum ecclesiasticorum ordinum, qui ad generationē spiritualem, vitamque ac robur, nec non pharmaca ea præstāda, de quibus supra meminimus, sunt diuinitus instituti. vt, quod in priore diximus libro, homo pro suæ naturæ modo sibi sit perfectionis ac felicitatis auctor. Ordinū vero omnium supremus est sacerdotium, cui eucharistiæ cōficiēdæ potestas data est; in super ligandū soluendūque arbitrium. Episcopus vero tametsi nō ipsius sacri ordinis causa, iurisdictione tamen est sacerdote superior. nam præterquā quod potestate ha-

bet eucharistiæ cōficiendæ, in qua verum Christi corpus cōinetur. in mysti-  
 cum etiam corpus, id est in Ecclesiā iurisdictio eius longe lateque patet. ho-  
 rum verò quidā tantū Episcopi sunt, qui vni dūtaxat præsunt ciuitati: quidā  
 Archiepiscopi, qui regioni & vrbi metropoli, quibus Episcopi parere in non-  
 nullis debēt. superiores adhuc Archiepiscopis sunt Patriarchæ. Omniū verò  
 supremus est summus Pōtifex, qui vicē Christi in terris gerit, dictusq; est Pa-  
 pa per excellentiā quandā vocabulo à veteribus tā Græcis quàm Latinis v-  
 surpato, quasi pater patrū Episcoporū. Nam si quilibet princeps recte impe-  
 rans paternā nuncupationē meretur, quāto magis Episcopo vrbem christia-  
 na pietate moderanti nomen cōuenit patris? Nos autem in priore libro Epi-  
 scopum cum humanis tum diuinis virtutibus instituimus. Nūc vero qua ra-  
 tione sic institutus Episcopus, hisceq; virtutibus ornatus exercere se in qui-  
 busve officiis versari debeat, pro virili persequemur. sed quoniam actiones  
 circa singula quædam sunt, præcepta quoque traduntur à nobis particularia  
 magis quàm in superiori libro fecimus. qua in re imitati pictorum solertiā  
 videbimur, qui prius lineis quibusdam totam figuram informant ac com-  
 prehendunt; postmodum vero singulas partes effingunt lineamentis, colori-  
 busque aptis ac propriis. eadem ratione nos quoque cum Episcopum virtu-  
 tibus omnibus veluti primis lineis adumbrauerimus; nunc explicandum du-  
 cimur, quo nam pacto in cuiuscunque virtutis munere, quod ad Episco-  
 pum pertineat, recte versari queat. principio quia charitas, veluti princeps  
 virtutum omnium existit, si per singula charitatis officia discurremus, nihil G  
 vtiq; à nobis omissum, quod ad hoc negotium spectet, iure videbitur. pri-  
 mum ergo, ne à recto ordine veluti de via defleat oratio, persequenda sunt  
 à nobis officia, quæ pertinent ad diuinum cultum. proxima his erunt illa,  
 quæ impendi debent in gubernatione ac curatione christiani gregis, iuxta  
 Christi vitam ac mores. hæc sequentur beneficentiæ officia, & liberalitates,  
 quibus vti Episcopū decet in leuanda ac fouenda inopum hominum egesta-  
 re. postremo qua ratione & exigi & impendi debeant redditus Episcopatus.  
 his explicatis (vt reor) satis commodè ac diligenter tractatum erit de omni-  
 bus Episcopi officiis. Diuinus cultus præter interiorem animi habitum, de  
 quo plura superius à nobis sunt dicta, primum requirit ab Episcopo, sicut à  
 quouis sacerdote, vt quotidie diuinas laudes, ac preces, quæ in Ecclesiastico H  
 officio continentur, dicat magna in Deum animi intētiōe (vt autem vsi-  
 tata officij appellatione, quæ quidem ab ea re deducta est, quod præcipuum  
 sacerdotis officium sit, quotidie diuinas eas laudes narrare) neque aliena a-  
 nimo verset, cum diuinas laudes canit. verum omni conatu nitatur, vt ea,  
 quæ verbis promit, & intelligat, & quodam veluti animi gustu, si fieri pos-  
 sit, attingat. mira certe huiusce intentionis vis est, si probis ac piis viris credi-  
 mus, & ea, quam nullus, nisi experiarur, crediderit. commodius vero hoc af-  
 sequetur, si non continēter totum diuinum officium dixerit, sed per partes,  
 aptis, cōuenientibusq; diei horis, ad eò vt diei partibus singulis reddantur of-  
 ficij portiones eæ, quæ sancto quodam instituto illis accommodatæ fuere. Nā  
 diutur-

- A diuturnæ lectionis tadio mens affecta, plerûque potius fastidium grauat ac deprimitur, quàm ad sublimiora attollatur; præterquam quòd sic per partes diuinas laudes dici debere, & Propheta ipse in psalmo innuit. septies namque indie, inquit, laudem dixi tibi, & preces atque hymni singulis portionibus accommodari palam explicant. quamobrem vellem ego (vt ab initio tandem ordiar diei ad exitum vsque Episcopum pet ducturus) vt Episcopus in ciuitate fidei suæ commissa residens (hoc namque eum præstare oportere supra diximus) antelucanis horis è cubili surgeret, matutiniq; laudes caneret, et namque diei horæ hymni ac preces matutini fuere accommodatæ: propheta quoque dicit, media nocte surgebam ad confitendum tibi. his accedit peropportunum esse id tempus, idque silentium diuinorum contemplationi; nec non etiam matutinam eam vigiliam mirifice prodesse bonæ corporis valetudini, si Aristoteli credimus in æconomicis id dicenti: post matutini laudes cum aurora instar, ambiguaq; inter diem ac noctem est hora, quàm maxime optarem, quando tunc & corpus somno penitus solutum est, & mens diuinarum laudû narratione erecta, vt id tēporis impenderetur orationi, quæ sine vocis vllius strepitu sola mentis erectione meditationeq; in Deum fieri solet. Nulla ratione fax maior menti adhiberi potest, quàm hac animi excitatione. ex qua perhibent viri sanctitate ac religione insignes interdû cordi influere tam magnâ diuinorû, ac clarâ adeò intelligentiâ, vt non amplius intelligendi modo cōsueti, sed aliena quadâ ab homine ratione Deus menti adesse sentiatur, tantumq; excitati in animo diuini amoris ardorē, vt nihil aliud quàm Deum mens sic affecta cogitare queat, neq; se ipsam, nedum alia sentire, cum Deum sentiat. satis explicari oratione vlla non posset quantû intellectui luminis, quantumq; viri ac roboris menti accedet ex hac diuini radij illustratione. Nil vel abstrusissimû non intelligere, nulli quâuis arduæ prouinciæ nō satis esse potest mens tali fulgore perstricta. Hoc verò in munere humilē submissumq; animû seruet, neque mente assequi speret diuinum illud arcanum ab omni eo remotissimum, quod mens hominum capere possit. Nam, vt in sacris literis traditur, qui perscrutator est maiestatis opprimetur à gloria. neque ad satietatem morari in huiusmodi cōtēplatione eum velim, ex qua plerunq; fastidium ac torpor animi solet oriri. quamobrem si se quandoque senserit ingenio ad eam orationem inepto esse, nolim vt quicquâ molietur inuita (vt aiunt) Minerva, id est, repugnante natura: sed ea temporis hora se ad studia cōferat, quæ vel sint sacrarum literarum vel cuiuspiâ alterius, quod ad sacras literas attineat. Nam impudica quædam studia, nonnullasq; superstitiosas disciplinas, vt magiâ, diuinandiq; peritiâ siue ex astris siue ex huiusmodi quopiam, non solum aliena putet, atque aduersantia Episcopi studiis & officio verum etiâ pro virili nitatur vt penitus expellatur è ciuitate ea, cui præest; cū verò iam dies illuxerit, solisq; radiis fuerint reserata tenebrarû inuolucra, tūc primæ diei horæ laudes Deo cōcinat, quibus si voluerit tertiæ quoq; laudes cōtinenter annexere, nil puto fecerit reprehensione dignû. ab his statim eucharistiæ sacra vel

ipse celebret, vel saltem singulis quibusque diebus illis intersit alio ea celebrante sacerdote. Non tamen committendum reor, quin frequenter, si minus quotidie, celebret sacra missarum, sanctissimumque eucharistiae Sacramentum, & conficiat & sumat. Nam cum hoc cuilibet sacerdoti faciendum incumbat; ne sit Deo parum gratus pro sacerdotij dignitate, néue intermissione tantæ oblationis viuorum mortuorumque animas leuare cesset, aut parum lubenti animo dominicæ mortis memoriam colat; tum maxime ad Episcopum videtur hoc pertinere, qui cum sacerdos sit, purgatissimo etiam animo esse debet, & diuinæ illustrationi vndique peruiro. quod maxime assequetur frequenti illius Sacramenti oblatione atque vsu. quo fit ut improbendam quorundam Episcoporum consuetudinem reor, qui rarò admodum ad participationem mensæ cœlestis accedunt. Vidi ego Petrum Barocium Episcopum Patauinum, virum, qui nunquam satis pro meritis laudari queat. quotidie, cum primùm dies illuxerat, in priuato quodam sacello missarum solemniter celebrantem eximia sanctitate animique intentione in Deum. idem quoque factitasse plerosque probos Episcopos memorie proditum est, qui ex frequenti huius Sacramenti vsu assequebantur, ut aptissimo perspicacique admodum ingenio essent ad abstrusissima quæque scripturarum loca intelligenda, efficacique ac viuida oratione facillimè christianam quemque ad suscipiendam vitam & mores christianos impellerent. Nam, ut inquit Propheta in psalmo, memoriam suauitatis tuæ eructabunt. his peractis, quæ tum ad diuinum cultum, tum etiam ad animi erectionem quandam faciunt; tertia iam diei hora instante, conferet se Episcopus noster ad eos excipiendos, atque audiendos, qui ipsum vel tanquam iudicem, vel tanquam consultorem, vel tanquam adiutorem adibunt; quibus se facilem, benignumque præbeat, ita tamen ne à gravitate recedat. Expediat statim quæ potest, recte, iusteque iudicet, consulentibus fidum consilium det, opemque ferat quibus poterit; nec ab hoc munere cesset, quousque omnes audierit. hoc enim officium quibuscunque aliis præferendum duco; dimittat vero, quantum fieri possit, omnes à se lætos, tristem nullum. quod si non poterit, conetur saltem humana, lenique oratione mitigare eorum tristitiam, animique turbationem. non tamen præterea committendum puto; ut non interdum virorum improborum ac peruiaciarum, quos si lenius tractes magis exasperes, contumaciam retundat asperis grauibisque verbis; quibus profecto parentes in filios, quos maxime amant, uti quandoque solent. Hæc vero omnia quam optime præstabit, si vera, non autem ficta charitate præditus fuerit, suæque fidei commissos amauerit tanquam filios. probe enim in omnibus hisce officiis ab ea erudietur virtute. non me latet plerosque Episcopos hæc munera vicario delegare: quod (ut reor) ex molliuie quadam animi faciunt: ne scilicet horum negotiorum impedimētis interpellantur, ne animo queant operâ dare. Vacationem hanc, rerumque procuracionem per Vicariū nūquam ego laudauerim; nisi Episcopus vel incōmoda corporis valetudine, aut cuiuspiam alterius officij occupatione, quod sine reprehensione omitti non

- A** non possit, impeditus, operam ipse suam præstare nequeat. non tamen alienū esse puto, vr Episcopus vicarium habeat virum aliquem doctum, ac probū, cuius opera vtatur in plerisque. Nam si multitudine negotiorum oppressus ad omnia expedienda satis ipse non esset, vel si longinqua loca essent adeunda, ad quæ satis commodè nequiret ipse accedere; in hisce huiusmodique officij vicarij opera vti, & decorū & necessarium prope est. Post peracta negotia iterum ad diuinas laudes reuertatur, sextamque ac nonam dicat. his nanque laudibus ea propemodum diei hora conueniet. post id, si volet, se ad prandium conferat: in quo sordes non laudo, magnificum vero apparatus & vasorum & ciborum, ministrorumque copiam & nimiam lautitiam summopere vitupero. Nam per Deos quid magis alienum à natura rerum conspici potest, quàm pastorem christiani gregis, cui vita Christi tanquam exemplar proposita sit, epulis emāciparum videre, eaque ipsa facientem ac perpetrantem, quæ in aliis vituperare ac corrigere in primis ille ipse debet? præterea quid magis indecens, quàm reditus Episcopatus, quos probi viri olim legarunt ad diuinum cultum augendum & ad leuandam egenium inopiam, in magnis cœnarum apparatusibus atque gulæ ingluuie profundi? erit ergo Episcopi prandium non sordidum, parcum tamen, vt magis naturæ necessitati quàm gulæ voluptati consulrum videatur. sed ne illo etiam tempore cibi voluptate penitus capiantur, magnopere laudo quorundam consuetudinem, qui semper prandio cœnæ diuinam aliquam adhibent lectionem: ex qua duplicem fructum meo iudicio reportant. Nam primum, vt dicebam, erigitur animus, ne voluptate cibi prematur, simulque cauetur, ne fiat lapsus in scurriles iocos, quod interdum inter cœnandū accidere solet. quibus omnibus optime puto consultum iri, si diuina lectio adhibeatur, si non toti prandio cœnæ, attamen maxime parti. post prandium iocari aliquantulum liceat cum familiaribus, qui aderunt, dummodo iocus neque in cōtumeliam alicuius, neque in obscœnitatem labatur. verum & scurrilitas summopere vitanda, & in lepore orationis quàm maxime seruanda est grauitas. Ritus quoque immodicus cohibendus. Neque reprehenderim aliquod musicæ genus. liberalissimam nanque relaxationem censuerim ex musica animo adhiberi: sed cum valde afficiatur animus harmonia, multumque valeat & ad sedandas, & ad excitandas perturbaciones, nec non ad mores animi cōponendos, diligentissime obseruandum duco, quod etiam inter Ethnicos Aristoteles philosophorum princeps monuit in politicis, & Plato in plerisque prodidit locis, ne Episcopi aures, ac per eas animus assuescat mollibus quibusdam canrus ac soni harmoniis, quibus vel robustissimi animi vigor molliori obtunditur queat, & ad libidines excitari: neque rursus Phrygius ille harmoniæ modus est admittendus, quo in furorem hominum mentes plerunque aguntur; quo in genere, nostris temporibus rarius peccatur, frequentissime vero in priori: sed solida quædam constansque musica recipienda est: qua animum oblectare liberalis atque ingenui est viri, dummodo ne tota teratur dies in huiusmodi oblectatione. Nam iocus atque animi relaxatio ad nego-

tia, actionesque serias referenda est, ut scilicet animus alacrior factus ex ioco g  
in quavis functione melius versari queat. quo fit ut postquam id temporis  
iocis impensum fuerit, quod satis esse videbitur & ad animi relaxationem, &  
ad bonam valetudinem corporis, continuo ad seria redeundum sit, ac si qua  
negotia incumbent, danda opera est, ut conficiantur. si quid vero supererit  
temporis: vel consuetudinibus amicorum, vel literarum studiis est id omne  
impendendum, colloquia vero cum amicis à tenore vitæ discrepari nequa-  
quam debent. sint igitur de rebus christianis, aut de re aliqua, quæ ad bonos  
mores, vel ad studia literarum pertineat. Hoc etenim cum eruditæ ac pro-  
bis viris consuetudinis genus magni studij interdum vicem gerit ac præstat.  
multra namque plerunque ab amicis, veluti ex viuis libris, decerpimus. quæ f  
magis inhærere animo quandoque solent, quàm ea, quæ ex librorum disci-  
mus lectione. Nollem tamē propterea quempiam suspicari, laudare nos mo-  
rosū quoddam ac graue consuetudinis genus: immò quā maxime fieri pos-  
sit affabilitatem ac facilitatem adhibendam esse censemus. At cum in occa-  
sum inclinat dies ad diuinas laudes reuertendum est: ne in postrema diei ho-  
ra tanquam abortum fecisse videamur. dicendæ ergo sunt vespertinæ laudes,  
dirigendæque mens in Deum. quibus si completorium, hoc est vltimam of-  
ficij portionem conuinxerit; non ab re facturum puto. quod si postremam  
hanc parrem post cœnam, cum cubile petiturus est, dixerit: satis arbitror tē-  
pestiue id faciet. Reliquum veto temporis, quod à vespers ad cœnam vsque  
pertinet, vellem, ni aliud obliterit, lectioni ac studiis impendi, quæ cuiusmo- g  
di futura sint, satis suprâ à nobis est dictum. in cœna eundem morem seruet,  
quem in prandio seruauit, ut & parca sit cœna, & diuina lectio adhibeatur,  
& vrbantate concludatur, ac musica, si lubebit. valde tamen proderit, si ma-  
iori vtatur in cœna, quàm in prandio, abstinentia cibi. Nam & leniorem som-  
num ducet, & alacrior erit ad matutinam vigiliam. quorum vtrunque impe-  
dit stomachus nimio cibo grauatus. Hanc ferè vitæ seriem Episcopo seruandam  
esse arbitramur, nullum tamen propterea opinari vellem ita hunc ordi-  
nem viuendi à nobis institui, ut & omnibus & semper seruandum esse du-  
camus. quin potius censemus fieri non posse, ut humanæ actiones in re qua-  
piam certa quadam regula concludantur. sed vtendum esse remut in huma-  
nis actionibus tegula Lesbica, id est, plumbea, flexili inquam, nō rigida, ut sci- h  
licet pro conditione temporum ac personarū flecti, deduci, ac reduci queat.  
sic igitur in hoc quoque negotio pro temporum occasione ac terum, pro  
personarum ingenio, & flecti & reduci regula hæc poterit à nobis præscrip-  
ta. Nihil enim prohibet, si quando rus ex vrbe secesserit, ut nonnullis hone-  
stissimis exercitationibus per aliquot dies operam det, trectandi animi cau-  
sa, alium vitæ morem seruate. si qua etiam vel negotij conficiendi occasio,  
vel amici aduentus interuenerit, deesse vtiq; officio non debet, nec præscrip-  
tam viuendi normam deferere. difficile vero in huiusmodi officiis sese con-  
tinere Episcopus poterit; nisi eam sibi familiam paret, quæ & vitæ probitate  
sit insignis, nec bonas artes aspernetur, quod ipsum etiam maxime spectare  
puto



- A** puto ad decorem Episcopi. Nā familiaris, qui prauis sit moribus, & vniuersam familiam domi perurbat, & foris maximo plerunque dedecore afficit. quare magna illi adhibenda est diligentia, ne quēpiam in familiam admittat; qui probitate conspicuus non sit. Hac enim ratione tum quietam domi vitam agat, tum etiam male foris non audiet; quod maxime Episcopo cauendum est, non tantum sui commodi gratia, quantum ne ciuibus suis noceat malo exemplo. Natura enim comparatum est; vt imitatione præsulum quodcūque sibi licere cæteri homines putent; ac illud quōque non est negligendum, ne aliquam familiam sibi adiscat, quæ malis quidem moribus nō sit, sed tamen suspicionem iute asserre possit malæ cuiuspiam artis, vel de se vel de domino, vel de quopiā alio familiari. qua in re perpulchrā mehetcle sententiam plane Cæsare dignam sequetur, qui cum uxorem dimisisset ex suspitione tantum stupri cū Clodio, coniugē, inquit Cæsaris non solum culpa, sed etiam suspitione culpæ, vacare oportet. Sic Episcopus ac multo magis, cum eius vita velut exemplar aliis proposita sit, non tantum macula, verum etiam omni vel leuissima suspitione maculæ carere debet. Danda ipsi etiam opera erit, vt familiam quam probam elegerit, in officio contineat, atque vnumquenque familiarium pro meritum, ac virtutum magnitudine ad maiorem promoveat dignitatis gradum. ea verò ratione & victui & vestitui consulat domesticorum, vt nec dignitas Episcopatus neglecta, nec luxuria aut pompa vlla adhibita esse videatur. familiarium verò, cum ægrotāt, magnam habeat curam, provideatque eo pacto illorum incolumitati, vt neque impensæ, nec cuiuspiam incommodi ratio habita fuisse videatur. memini ego, dum Patavij agerem, Petrum Barocium, de quo supra dixi, insignem Episcopum, constantissime hoc seruasse, præterquam quod egrotis familiaribus omnia suppeditarentur, quibus erat opus, ne vnumquam Medicus sine ipso ægrotum inuiseret. aderat ipse & consultationibus Medicorum & prognosticis. Hoc verò præstabat in singulos, vt ne postremos aut infimos neglexisse videretur. laudanda sanè charitas, verēque Episcopo dignū officiū. Consuetudo autem cum familiaribus tum grauitate, tum facilitate condita sit, ne scilicet vel despectui vel odio habeatur: sed ea vtatur dexteritate, vt & verendum & charum sese familiaribus præbeat. satis dictum puto pro opusculi nostri breuitate de officiis Episcopi, quibus & diuinum cultum seruare, & se ac familiam in muneribus virtutum continere debeat. Nunc quod secundo loco propositum erat; ea nobis officia exponenda sunt quæ præstare Episcopum oportet in gubernatione gregis fidei suæ commissi, quantum ad virtutes, ac vitā Christianam pertinet. Omnis ciuitatis multitudo in mares ac fœminas primo diuisa est: marium porro quidā sacerdotes sunt, vel sacris initiari, alij prophani; mulieres itē, quædam Christo virginitatem vouerunt, ac in cœnobiis viuunt. reliquæ aliud vitæ genus elegerunt. prior cura Episcopo de matib<sup>9</sup> esse debet, quā de fœminis, tum quia mares natura fœminis præstant, tum etiam, quoniam cum ordine quodam gubernatio procedat ciuitatis, fœminæ natura sunt viris subiectæ eorumque imperio præsto

esse debent. quare Episcopi regimen mediis viris veluti instrumentis quibusdam ad scēminas vsque pertendi videtur. ac virorum quoniam quidam communi vitæ Christianæ ratione funguntur, quidam verò sacris initiati sunt, eadem ratione clerici primum spectant ad cutam Episcopi. Nam eis veluti ministris vtatur oportet ad gregis reliqui moderationem. In clericis verò hi, qui seculares laiciue dicuntur, præferendi itidem sunt iis, qui vulgo religiosi, vocantur qui propriis quibusdam ducibus parent, & à ciuitatis grege seclusi esse videntur; clerici ergo ij adsciscuntur ad Ecclesiasticos ordines ab Episcopo, & ab eo in officio contineri debent. principio igitur magna disquisitione, nec mediocri iudicio vtatur op<sup>9</sup> est in promotione clericorum ad ordines Ecclesiasticos. qua in re hac tempestate, meo quidem iudicio, grauissime ferè omnes peccant, nullo enim discrimine habito & sceleratissimi & maximè ignari omnium bonarum artium homines ad participationem diuinæ potestatis, quæ est in sacerdotibus admittuntur. qui postmodum pollutis manibus, inquinatissimaque mente tractant quotidie inefabile, ac omni veneratione dignissimum corporis Christi Sacramentum. in magnis autem sceleribus deprehensi Christianæ rei maximum afferunt detrimentum. quibus tādē auctoribus præstitam sibi quoque eorum imitatione plebs licentiam putat quoduis facinus perpetrandi. quo fit vt existimem magnam adhiberi diligentiam oportere, ne huiusmodi aliquod monstrum Episcopo, quæ instituiamus, auctore ad ordines Ecclesiasticos admittatur; quin potius eligentur viri & probis moribus ornati, & doctrina conspicui, vt idonei ministri Episcopo ad esse queant in erudienda ciuitate Christiana religione, & bonis moribus excolenda. Hoc in loco illud quoque obiter admonere in mentem venit, ne cōs vllo pacto admittat ad ordinem Ecclesiasticum, qui potius vt impunitatem peccandi habeant sacris initiandos se procurant, quàm quod clerici esse velint. sunt inter hos plerunque viri genere nobiles, seruiili tamen ingenio: qui tanquam ad arcē scelerū, quæ animo conceperūt, ad sacra ordinesque cōfugiunt. Hi penitus relegādi sunt à Sacramenti huius participatione. quod si quando accidat, vt horum aliquis in scelere deprehensus se se tutari velit, ne debitas pœnas luat, sacri ordinis causa ope ab Episcopo implorata, nequaquā cōmittat, me auctore, Episcopus, vt scelorum patrocinium ac iustitiæ impedimentum sacra ordinesque esse velit. verum, nisi omnia seruauerit, quæ is, qui sacris initiatus est, seruare debet, tum vita, tum cultu, tum etiam toto habitu corporis, illum prophano præsidii puniendum tradat. Si vero obfisteret aliqua causa, propter quam tradendus non videretur iudici, legibusque ciuilibus: tunc iudex ipse seuerissimo vtatur iudicio, ne Ecclesiam Christi Asylum facere videatur. Sed redeat vnde deflexit oratio. Parū quidē laboris reliquū erit Episcopo in cleri moderatione, si in electione clericorum non peccauerit. Nā facile in officio continebit eos qui statim ab ineūte ætate bonis artibus, probisque moribus fuerint instituti. iuniores ergo erudiendos cutabit, non humanitatis, aut huiusmodi quibusdam studiis, nisi quantum sit satis; sed Christiana disciplina,

Theolo-

- A. Theologia inquam, non ea contentiosa ac peruicaci, vt ita dixerim, quæ animum tumore quodam inflat, magis quæ obest quàm proficit, sed veterum theologorum disciplinis, nec non etiam iure pontificio quod theologiæ illi conueniat. Nam contentiosum hoc ius quod circa sacerdotiorum iura literis quæ versatur, & ingeniosè adinuentum est ab adulatoribus plerisque clericorum (libere agam, vt res postulat) quoque permittitur, vt quiduis rectè fieri posse videatur, non dicam amplius, non magni faciendum sanè reor, in his verò locis penitus aspernandum, in quibus discrepant iurisperiti nostræ tempestatis à priscis Theologis. præferenda tamen omnibus sunt studia sacræ scripturæ, quæ absolutionem tandem imponant quibuslibet clericorum studiis. Hæc volumina semper in manibus esse debent, vt quod Flaccus dicit de auctoribus Græcis, dicamus nos de sacris, vos ò sacerdotes volumina sacra nocturna versate manu, versate diurna. impudici verò poetæ, superstitiosæque nonnullæ artes procul sint omnes à clerico. Opera verò atque industria Episcopi hæc omnia rectè præstabit, si vnumquemque nouerit clericorum, scripturæque ad se accersiri iusserit, percunctandoque tentauerit quantum vnusquisque proficiat. quod si quis non profecerit repugnante natura, saltem ne labatur in peius, procurabit: sicque iuniores erudiet vt singulis pro ratione profectus conferat etiam dignitates. senes verò an officio suo desint inquirat, eosque mulctabit, qui deerunt. qui verò bene se gesserint, laudabit, premioque afficiet si occasio dabitur. Diligentissime quoque horum iura tuebitur, ne sacerdotum ministri habeantur ludibrio, sed sustinere queant decus & maiestatem sacerdotalis dignitatis. maiori tamen sedulitate vtatur opus est, in his sacerdotibus curandis, quibus alios regendi cura commissa est, à quibus pœnitentiæ Sacramento veluti pharmaco, populi delicta ablui purgarique solent, qui iuniores quidam Episcopi appellari possunt. Ac non tantum in vrbe hoc procurabit, sed in oppidis villisque: licet non ea doctrina, neque ea studiorum ratio, quæ ab urbano requiritur à rustico quoque sacerdote requitenda sit. non tamen rudem omnino literarum rusticum sacerdotem esse vellem, sed tantum in literis profecisse, quantum sit satis ad erudiendos rusticos homines in his, quæ necesse est quemlibet Christianum nosse: præcipue tamen bonos mores atque integram vitam ab his requiri debere admoneo. Nihil enim magis noxium Christiano gregi quam improbus atque inhonestus sacerdos. Hactenus de clericis nulli certo ordine obstrictis. At illi qui sub aliquo ordine familiarum merent, ex prærogatiua quadam Romani Pontificis, Episcopi curæ solent non subesse, verum duces seorsum habent, sub quibus militent. Non tamen propterea Episcopo cessandum duco, quin & hortetur præsides cœnobiorum, vt monasteria in religione contineant, & si quis eorum forte facinus quodpiam perpetraverit, quod cedere queat in aliorum detrimentum, pro virili procuret, vt ex vrbe pellatur suæ fidei commissæ, si alia ratione non dabitur manantem pestem coercere. Atque hæc quidem priuata quædam officia sunt, quibus erga clerum vtendum est. Nunc verò erga vniuersum populum communia quædam of-

ficia persequamur. Diebus solennibus, quorum plerique sunt anniuersarij, E officium Episcopi est, vt missarum solennia sacra coram vniuerso populo celebret, vesperis quoque adsit chori princeps, vestibus sacris indutus oleū chrisimatis ipse conficiat, atque cerimonias alias sibi conficiendas potius quàm alijs mādandas existimet. nā, vt inquit Paulus, qui Episcopatū desiderat, opus desiderat nō quietā ac desidem vitā. illud etiā non ab re erit, vt mo- neam nostrā tēpestatis Episcopos, ne penitus omittant vetustissimū morem à patribus nostris diligētissime seruatum; solebant illi celebres viri diebus festis, atque interdum quotidie inter missarum sacra orationem habere ad vni- uersum populum, qua & erudiebant ignaros Christianarum rerum, & ad be- ne viuendum mirifice vniuersos hortabantur. extant non solum Episcopo- F rum, sed etiam summorum Pontificum quamplurimā excellentissimęque orationes ad populum habitę; quod munus religiosi nostris temporibus vsurparunt ob lāguorem ac segnitiam Episcoporum, cum tamen hoc onus, imo potius honor erudiendi populi maxime proprium Episcoporum sit. vellem si non omnino, aliquo saltem pacto morem hunc instaurari, ac in pristinum restitui ab eo pręsidente, quem erudimus. nam festis quibusque die- bus, & qui aliqua insigni celebritate aguntur, sermonē ei habendū cēserem, quo vel Euangelium declararetur, vel aliqua ex sacris literis aut ex morali philosophia in medium adducerentur: si minus coram vniuerso populo, saltem pręsente atque audiente clero, nam per clerum ad omnes quoque eā orationem manaturam verisimile est. nequaquam, vt reor, huic officio bo- G nus Episcopus deerit, nisi penitus se ineptum esse senserit ad id pręstandum, de qua re potius aliorum quam suo iudicio credat. Proximum huic officiū est, vt non monitu atque hortatione duntaxat, sed decretis legumque sancti- one, vniuersum populum in recto religionis proposito contineat. Hoc verò facillime assequetur, si duo contraria inter se vitia, quę plerunque in cœtu hominum pullulare solent, medio quodam tenore deuitet. Horum alterum irreligiositatem seu impietatem nominabimus, alterū verò superstitionem: prius vitium oritur plerunque ex quibusdam disciplinis & artibus religioni aduersantibus, quę sapientię nomen prę se ferunt, cū tamen verę sapientię aduersentur. Huiusmodi autem artes sunt, nonnullę scientię diuinandi, vt Magia & Astrologia, quas omnes sub idolatrię genere cōtineri compertum H esse potest omnibus, qui norint per has artes astris seu dēmonibus id ascribi, quod tantum diuinę naturę est proprium: nec minus quoddam philoso- phandi genus, quod nostra tempestate in gymnasijs inoleuit à religione dis- crepat, penitusque dissentit, deuiosque ducit ignaros adolescentes, qui cum nihil sciant, ex nescio quibusdam figmentis magnam de se opinionem scienti- ę nāciscuntur: adeo vt pre se alios nihili faciant, ignarosque rerum naturę putent merumque vulgus nuncupent. has omnes perniciosissimas artes Epi- scopus pro vitij procul pellat à suo grege: sanciatque omnes huiusmodi artes tanquam religioni aduersantes, ab omnibus fugiendas esse atque rei- ciendas; idque vt fiat, & sanctionibus, vt dixi, & sermonibus hortationibusque sedulo

- A** sedulo cutes. Huc pertinet illa diligentia, quam summam adhibere debet Episcopus, ne hæresis serpat, neque libri Hæreticorum latenter in suam dioccesim importentur. Nulla enim capitalior pestis, nec quæ facilius atheismo fenestram patefaciat quam hæresis est, quæ fundamenta fidei cum tollat, etiam omnem Reipublicæ statum subito evertit. Alterum verò peccatum huic contrarium est superstitio, quæ excessus quidam religionis est, sicuti superius vitium defectus est quidam. omnis itaque superstitio diligenter tollatur: ita ut cum vel sancti, qui vitam agunt in cælis inuocantur, vel cum eorum reliquias veneramur: vel cum imagines Domini & beatissimæ virginis, aliorumue in Ecclesiis pinguntur, omnia honestissime ordinateque fiant, illamque plebem ad Dei vnius cultum quemadmodum decet, quasi per gradus manu ducât. Prudenti autem Episcopo, & Ecclesiastico facile fuerit, si quis in his rebus abusus irrepsit, sensim abolere: ne si inconsiderate, siue præcipientes feramur, ipsum iam Dei cultû, fidemque Sacramentorû, ordinem quoque Hierarchicum Ecclesiæ, ut heretici fecerunt, tollamus. Doceatur itaque sæpe populus in omnibus & super omnia Deû amandû atque colendû esse omnia autem propter Deû, sine quo nihil est factû; sanctique ipsi nihil essent. ita omnis actio, cogitatioque ab ipso proficiatur, & in ipsû denique, ut alpha & omega, referatur. si ad sanctos cõfugiant, noscât cur id faciât, ceteraque, quæ à synodis sapientissime decreta sût, & exposita. quod si quis aut ob avaritiã, aut ob aliã causam reliquias, aut imaginib' sacris abuteretur, protinus tales pestes ab Ecclesia Dei arceantur, grauique multa afficiantur, ne hisce monstris Christiana puritas inquinetur. Superstitionis errore impietatisque scelere vitatis, facile in recta religionẽ populus poterit contineri. procuret tamẽ, ut quilibet suis saltem tẽporibus penitentia & Eucharistiæ Sacramenta frequetet; idque diligenter sciscietur ab antistitibus, qui vrbis regionibus ac vicis præfunt. Cui officio si quis deerit, primum nitatur ad se accersitum suasionibus lenique increpatione ad rectum pietatis iter, ac munus reuocare. quod si pertinaci mente aliquem scelerei cuiuspiam adstrictum corrigi nolle senserit, tunc multis notisque Ecclesiasticis multatum infamẽ cæteris reddat, ne contagione pestis illius cæteri quoque inficiantur. Curet præterea adolescentium institutionem, ac pro virili non permittat statim ab ineunte ætate puerorum animos corrumpi poetarû, cæterorumque huiusmodi auctorum lasciuiis: quas si à teneris annis imbiberint, impossibile prope erit, ut in maturiori ætate ad meliorem frugem reuocentur. quæ in re nostris temporibus, ut in primo libro diximus, magnopere peccatur. præclare enim Aristoteles in Ethicis non parum, inquit, sed totû differt quomodo quis ab adolescentia assuescat. quamobrem diuinus quoque Plato in libris de Republica iure optimo execrari Poetas videtur, & ab ea ciuitate pellere, quam optimam ipse instituit. Non tamen propterea quempiam suspicari velim nos eodem ordine Poetas omnes habere, neque intelligere, diuinum quandam afflatum Poetis ineffe: non adeò rudes sumus adeoque tardo ingenio, ut id non sentiamus. Verum longe præferendam censemus animi integritatem, ac pudicitiam
- B**
- C**
- D**

voluptati illi, ac titillationi, quæ ex lectione poetarum huiusmodi capi so-  
 let paulatim nanque tabes dulci cantu perfusa, diuinoque poetæ spiritu con-  
 dita repit in animum, penitusque inheret: ut postmodum vix vnquam ablu-  
 queat. ab huiusmodi poetarum studiis abstinere debent adolefcētes. si quis  
 verò, ut apud Latinos Virgilius, vel componendis moribus studet, quod opti-  
 mum est, vel bella tempestatesque canit, eum nō esse legendū nō pronuntio,  
 immò laudo, si quis ita legit, ut ab eo non solum delectetur, sed etiā iuuetur.  
 Sed interim si fieri posset, ut cū profanis auctoribus simul aliqua Christiana  
 lectio pueris discenda proponeretur, mirum quā bene id fieret. Nam, ut  
 vetum fateamur, turpissimum est Christi pietatem profitentibus, Romano-  
 rum gesta, cerimonialque, atque auguria nosse, Christianam verò religionē F  
 penitus ignorare. utinā nostro Episcopo auctore talis inolescet cōsuetudo,  
 ut pueri continuo ab infantia (ut ita dicam) Christianis lectionibus assuesce-  
 rent. Sunt enim etiam apud nos auctores latini satis multi, ne fortasse aliquis  
 vereatur, ne eloquentia latina studiis sacrarū literarum corrumpatur. sed iam  
 satis persecuti videmur pro nostri operis modo Episcopi officia circa viro-  
 rum gubernationem impendenda: quæ ad eorum institutionem atque in  
 Christiana pietate profectum pertinere videatur. Sequitur, ut pauca quz-  
 dam dicamus, que curare Episcopus debeat circa mulierum vitam. hæc  
 quoniam virorum imperio subditæ sunt, generali quadam ratione guberna-  
 ri debent. singula verò eorum gesta maribus, quibus parent, moderanda lin-  
 quantur. atque hoc de laicis mulieribus dictū esse intelligatur. eas verò, quæ G  
 Deo virginitatem vouere, atque in cænobiis degunt, non modo communi  
 quadam ratione ut alias, Episcopus tueri, ac regere debet; verum omnē ope-  
 ram adhibere, ne ignoret, vel minimam earū culpam. nam periculosum ad-  
 modum est in lubrico eo sexu, parum etiam deflexisse de via. Nisi enim prin-  
 cipiis obstiteris, frustra postmodum retinacula cōtrahas, cum in præceps de-  
 late iam retineri non possunt, quin omnino ruant. quæ res quanto dedecori  
 sit Christianæ religioni, in quantam ciuitatis ignominiam cedat, satis expli-  
 cari non potest. Neque hoc loco non sum mopere indignari, celebres non-  
 nullas ac principes Christianorum vrbes adeo hac peste coinquinatas esse,  
 ut pleraque monasteria virginum olim Deo dicata lupanarium vicem præ-  
 beāt. quo quid turpius, quid sceleratius excogitari potest? cur tandē ludibrio H  
 sanctissimam Christianam religionem obnoxiam hæc culpa non facit apud  
 eos omnes, qui alieni à Christi grege, aut iudaicam, aut Maumeticā, aut hæ-  
 reticam perfidiam profitentur? quamobrem in primis Episcopi officiū reor  
 providere, ne quod huiusmodi scelus in ea, cui præest, ciuitate contingat di-  
 ligenterque scrutetur cōmercia, ac consuetudines monacharū: ut principiis  
 ob stare possit. Si quando verò (quod auertat Deus) contractā alicubi hæc ta-  
 bē senserit, ad viuū vsque refecet, imploret opē à principe ciuitatis, obsecret,  
 obtestetur, imperet Dei iussu, ne hæc iniuriam patiatur fieri diuino nomini:  
 nullo tandē in munere se magis ardentē præbeat. Non tamen propterea lau-  
 dauerim, ut Episcopus, aut quiuis Episcopi minister familiaritate, ac frequēti  
 mona-

- A** monacharum cōsuetudine vtatur. Nam pręterquam quod periculosa est ea familiaritas, certe plerunque culpę suspiciōē prębet. quę maxime carendū est illi, cuius vita veluti exēplar cęteris proposita esse debet. illud adeo dicere ausim, peiorē ferē esse in Episcopo suspiciōē innoxia, quā latētem culpā. Nunc quando de monachis mulieribus dictū est, restat vt pauca quędā de laicis quoq; dicamus. Hęc cū virorū imperio sūt subiectę: generali tantū ac cōmuni quadā ratione ab Episcopo curari debent. prętereo quędā superius de viris pręcepta, quę ad mulieres quoque pertinet, vt quotāns scilicet pręnitētię, & Eucharistię Sacramēta frequentent, huiusmodi alia nōnulla dicā quędā solū, quę ipsarū tantū sūt, nequaquā verō spectāt ad viros. primū nitēdū pro virib; est, vt decētī, pudico moderatoq; cultu corporis vtatur, iuxta regulā Apostoli Pauli; Non in tortis crinibus &c. impudicus enim immodicusq; mulierū ornatus religioni Christianę aduersatur, & reipublicę bono. Nā primū eius, quę eo vitur cultu, mores corrūpit, dū enim se suamq; pulchritudinē, atq; ornatū admiratur & diligit, tū sui, tum Dei obliuiscitur, seq; aliis mulieribus digniorē excellentiorēq; facit. mentēq; rurgida nil non superbū, nil nō iniuriū aliis sapit. hęc prima est labes, primaq; mentis corruptio: quę infecta facile ad impudiciā prolabitur. Nec minus obeest mulierū immodicus atque impudicus ornatus iuuenibus viris, qui facilius immoderati cultus muliebris illecebris ad libidines alliciūtur. hinc in sanctissimis tēplis amores exercēt oculis atq; nutibus, passimq; inter se de amoribus sermones cōferunt. obiter hoc in loco, quādo in huius rei mentionē incidimus, admonēdus nobis Episcopus est, vt suasionibus, increpationib;, sanctionibusq; illud cōficiat: ne Dei immortalis tēplis pro areis & foro ciues vtantur, per eā deābulando, & inter se de mercatura, de bellis, plerunque verō de amoribus disserēdo, sed religiosē sanctēq; in illis versentur. Nūc reuertamur ad mulierum ornatū, quē quidē religionis primum aduersari insistentis affirmamus, si nimis diffuat, deinde etiā reipublicę bono tantum nocere, vt nihil supra. dum enim magni sumptus in ornatum mulierum ā viris fiunt, alteraq; alteram superare contendit; magna sit ciuium rei domesticę totiusque tandem ciuitatis opum iactura. cohibendus ergo continendusq; erit iuxta pręcepta Apostoli mulierum cultus. illud quoque pręcipiendum reor, curare Episcopum debere, ne impudicis spectaculis mulieres intersint. Corrumpunt mores bonos, mentisq; integritatem labefaciunt turpia spectacula, quęque in eis obscęna dicuntur, atque aguntur. Hoc idem in pueris prouidēdum erit. prius quidem temporibus huiusmodi spectaculis ac fabulis, quę publicē recitantur, magnam operam dabant, maximisque sumptibus publicē instructa erant theatra, in quibus populus ad prophana ea, & impudica spectacula conueniebat. quod veteres satyrici poetę increpant vehementer. postmodum verō, cum Christiana veritas illuxit, patrum nostrorum institutis sublata fuere. nostra verō tēpestate in plerasque Italię ciuitates obrepit hic morbus, qui ā pręside Christiano tollēdus penitus esset, si fieri posset, sin minus, saltem hac ratione cohibendus, vt pueri, ac mulieres



ab huiusmodi spectaculis abstinerent. Cæterum quoniam nuptæ mulie-  
res, ac pueri, qui parentes habent superstites, minus obnoxij iniuriæ sunt,  
viuendique præceptores parentes habent, ac maritos: iccirco vniuersali qua-  
dam ratione ab Episcopo sunt instituendi, eisque nõ peculiari quodam mo-  
do, sed communi subsidium ferendum est. At pupilli, & viduæ quæ expositæ  
sunt iniuriæ, neque proprios præceptores habent, qui eos recte instituere va-  
leant, præcipua quadam ope tuendi sunt. Episcopus enim communis quidã  
est pater totius ciuitatis, à quo illi, qui magis indigent, magis item subleuan-  
di atque adiuuandi sunt. Hinc est quod in sacris literis præcipue commen-  
dantur hi, qui pupillum & viduam fouent, ab eisque propulsant iniuriam.  
quamobrem his vtrisque Christianum præsidem decet maiore animi cura  
atque studio acriore opem ferre, ad eosque recte instituendos omnem dili-  
gentiam adhibere. satis arbitror hucusque à nobis explicata sunt officia Epi-  
scopi: quæ ciuiri, cui præest, instituendæ atque in Christiana pietate conti-  
nendæ accommodata videntur: eoque processimus ordine, quem charitatis  
iura præscribunt. Nunc pauca quedam dicenda restant de officiis, quæ circa  
opes, ac reditus Episcopatus versantur. Eorum enim distributio ad Christia-  
ni præsidis charitatem iure optimo spectare videtur. Nam si huiusmodi opũ  
erogatio in sacris literis, ac præsertim in Euangelio, prophanis viris præcipi-  
tur: qui nullo religionis priuato iure sunt obstricti: quique in comparandis  
sibi opibus infudarunt: quanto magis censendum est fuisse hoc Episcopis  
præceptum qui perfectissimum in Christiana religione ordinem proficere:  
quibusque opes non sudore partæ, sed testamentis legatæ sunt, vt cultui diui-  
no & egenorum necessitatibus inferuirent. qua de causa verius procuratores  
quidam, ac rurores bonorum, quæ pauperibus legata sunt, quàm alia quauis  
appellatione nuncupari debent. Nõ ignoro ram in theologorum libris, quã  
in sacris canonibus sancitum esse, quã regula vti Episcopum oporteat, in re-  
dituũ Episcopatus dispensatione. Nos verò præcepta dabimus: quæ seruan-  
da esse putamus Episcopo viro bono, non aurem illi, qui tanquã in foro sibi  
cum Deo litigandum esse putet, nihil aliud agere velit, quàm id, quod ei sa-  
cris sanctionibus iniunctũ esse appareat, quodque sine scelere præterire non  
posset. hoc (mihi crede) non est agere ex charitate, sed ex multæ timore: qui  
si absit, neque illud facias, quod nũc facis. hi qui hoc pacto seruari à se opor-  
tere Episcopi munera existimant, intra præscriptos quosdã terminos liberali-  
tatis, ac munificentiz continentur. At charitas terminũ nescit, nullis finibus  
cohibetur. quamobrẽ cum illud in primis studeamus, vt Episcopus, quẽ in-  
stituimus, charitatis igne accẽsus nil non ex charitatis præcepto faciat: iccir-  
co nullis præceptorũ angustis cõtineatur, sed omne quod ex victus parci ac  
modici sumptibus reliquum est, cum diuino cultui, tum maxime egenorum  
necessitatibus impendat. turpissimum enim ac maximè nefarium reor, velle  
quempiam ex inopum peculio diuicias sibi comparare, aut bona pauperum  
in suppellectilem domus magnificam, in longum seruorũ ordinẽ, cæterosque  
huiusmodi sumptus profundere. de quibus, quoniã supra abũde satis à nobis  
est di-

- A** est dictum, cum de vita ac victu Episcopi loqueremur, nil in præsentia amplius puto dicendum esse, nisi vt dignitatem ordinis tueatur, superfluis impèis omnino reiectis, cumque nostra tēpestate in sumptibus nō necessariis magis peccetur, ille ad defectum potius tendere conetur. sic enim medium tenebitur in quo est virtus constituta. Diuino igitur cultui primum id, quod necessarium est impendat, reliquum pauperibus eroget: quod si indigentia pauperū tāta esset, vt pro eorū vita tuēda opoteret aliquid demere de sumptibus quę in diuino cultu de more fieri solent, censeo ego maximè secundū Christianam pietatem Episcopum facturum, si minus magnificè Deum coluerit in templis lapideis, vt relarciat, opemque ferat tēplis Dei non marmoreis & insensibilibus, sed viuētibz, atque intelligentibus. Dei enim templū vos estis, inquit ille. quod si tanta necessitas eum non vrgeat, Deum colat ea magnificētia, quę pro cōsuetudine, & vrbis dgnitate satis esse videatur. quod superest vērō pauperibus eroget, sentiatque se procuratorem, ac tutorē potius pauperum esse, quam dominū: si quid autem adhuc supererit: ad ornatum templi id omne conuertat. pauperes verò nō omnes eodem ordine habeat, sed potius opem ferat illis, qui ditioni suæ subiecti sunt, quàm externis. Nam ea videtur etiam mens fuisse illorum, qui bona sua legarunt Ecclesiæ, cui præsidet, vt scilicet municipibus egenis potius quàm externis ea erogentur. Petrus Barocius, de quo supra quoque à nobis facta est mentio, diligenter hoc seruabat, mallebatque Patauinis egenis opem ferre ex Episcopatus redditibus, quàm Venetis cōsanguineis suis: quòd diceret eā vim agrorum, villarumque testamentis à Patauinis ciuibz Episcopo legatam esse ea mente, vt quilibet coniectari facile potest, quo Patauinorum inopum necessitati ex his opibus subueniretur. inter inopes verò, bonos viros, bonique nominis mulieres aliis nō probis semper præferat. Hi etenim & Christo & nobis magis proximi sunt quàm improbi, ac scelesti. scelestos tamen extrema indigentia oppressos non negligat. Deumque imitetur, qui vt sacræ perhibent literę, solem suum oriri eque facit super iustos & iniustos. omnibus verò in hoc officio anteferendi sunt illi, quibus nobili genere ortis paupertas ignominiz esse solet; neque mercenarias artes exercere sine calūnia queūt. his maxime tribuendum, neque expectandum, vt elemosinas petant, verum his
- D** etiam non petentibus largiendum, & quandoque insciis. post hos alios curret pauperes. verum in hac largitione, & munificentia illud cauendum est, ne inertes nonnulli, quod frequenter accidit, liberalitate hac illecti se ocio dedant, segnemque ac tandem turpem vitam ducant. attinet ad hoc officium etiam illud. vti Nosodochiorum siue hospitalium (vtar enim nouo vocabulo) curam habeat, quæ Episcopo deberi videtur. Nam pleraque omnia hospitalia suos tutores, ac præfides habere solent, quibus hæc cura præcipue debetur, quæ & singula eorum visere aliquando Episcopi debebunt. Dubitabit hic aliquis, clam ne hæc in pauperes munificentia, cæteraque virtutum officia præstari debeant, an potius aperte, ita vt omnes ea intelligant &

sciant. Arbitror ego in hac re, si præcepto Augustini vtatur, eū optime factu- E  
 rum. ille enim inquit oportere animi intentionem esse in occulto, bona ve-  
 rō opera, si inspiciantur & luceant, vt lux coram hominibus, prodesse. Non  
 ergo ex his officiis laudem sibi Episcopus, aut vllam nominis celebritatem,  
 (ambitiosum enim hoc esset) sed Dei laudē quærat. hac enim ratione inten-  
 tionem in occulto habebit, opera verō bona, quæ lucebunt coram homi-  
 nibus in laudem Dei cedent, omnibusque exemplo proderunt atque imita-  
 tione: vt ergo laus Dei celebrior fiat, simulque vt ciuibus suis exemplo pro-  
 sis, optime facturum reor, si non clam officia hæc virtutum præstiterit, sed  
 palam. in quo illud obseruet, ne aliquis iure suspicari queat fieri ea palam  
 propter ambitionem, aut aliquam improbam causam sic enim dum exem- F  
 plo prodesse vellet, multum obesset: id ergo si cauerit, facturum optime ar-  
 bitror, si palam, tum munificentia in egenos, tum cæteris virtutum muneri-  
 bus vtatur. Nam inquit Christus, vos estis lux mundi. vicem igitur lucis præ-  
 stare non pigeat. Hoc vero nequaquam fiet, nisi virtutum officiis veluti lu-  
 ce quadā fulgētissima corā omnibus noster Episcopus luxerit. His officiis,  
 quæ ad impensas ac sumptus pertinere videtur, ea attinent, quæ ad exigendos  
 spectāt redditus Episcopatus. Nā si hoc minus neglexerit, neq; erga pauperes  
 liberalitate vlla vri, neq; diuinocultui satisfacere poterit, prouidēdū ergo pro  
 virib⁹, ne redditus Episcopatus per inertiam pereant, sed adhibeat diligentiam se-  
 dulusque curet, ne procurator vrbani, aut villicus bona pauperibus erogan- G  
 da dilapidet, sed fidei ministris diligentissimisque vtatur, qua in re illud ca-  
 uendum est, ne à debitoribus, qui plerumque rustici sunt admodum egeni,  
 crudeliter ea quādoque villicus exigat, quæ soluendo ipsi non sunt, nisi à fi-  
 liis totaque familia victus extorquatur. Hoc nanque maxime alienum cen-  
 seri debet à Christiana pietate, quodque in quouis prophano sit valde re-  
 prehendum, nedum in Episcopo Christiani gregis pastore, præterea  
 quænam maior dementia esse potest, quam velle, dum inopum necessitati  
 inferuis, in egenos rusticos continuo crudelem esse. atque pietatis officium  
 ab impietate auspicari: medium igitur tenorem quendam seruabit: ne scili-  
 cet sinat per inertiam, aut cupiditatem ministrorum bona Episcopatus dila-  
 pidari, neue patiatu exactione pauperibus injuriam fieri. satis superque à no-  
 bis exposita videntur ea, quæ ab Episcopo in seriis rebus præstanda sunt. Cæ- H  
 terum quoniam animus interdum requie indiget, quadamque curarum  
 vacuitate: iccirco laxandus honestissimis iocis quandoque erit, alicuiusque  
 secessus amenitate leuandus, vbi & deambulationibus & aucupis, venationi-  
 busque & reliquis rusticis oblectationibus relaxari poterit. Hac enim ra-  
 tione & animum recreabit, & valetudini consulēt. Sed in iocis grauitatem,  
 seruare oportet: neque sumptus faciēdi in venationes & aucupia. Nihil enim  
 magis Episcopo indecens magisque eius officio contrariū existimari debet,  
 quam quæ sunt in huiusmodi res impensæ. ab vrbe verō non secedat, nisi iis  
 diebus, quibus si secesserit, officio tamen non deerit. Hæc ferè officia esse pu-  
 to, quæ pro operis nostri breuitate strictim colligenda censuimus. Reliqua  
 verō

- A** verò quæ omiffa funt, ex horum fimilitudine facilè intelligi poffe exiftimo. Hactenus nobis difseruiſſe ſufficiat de officio viri boni, ac probi Epifcopi: quales noſtra hac corruptiſſima tempeſtate pauci ſunt. quomobrem nequaquam in animum inducas velim, aut turpe eſſe hiſce temporibus aliorum vita ac moribus ſpretis, proprium quoddam ſequi viuendi genus, aut difficile eſſe, ac prope impoſſibile muneribus hiſce fungi, atque hanc vitæ normam ſeruare. Nam illud eſt in primis viri Chriſtiani, nullo pacto duci humana laude, aut hominum iudicio, ſed diuina præcepta ſibi ſeruanda eſſe cenſere, quicquid de ipſo loquantur homines, charumque & honorificum ſibi putare ſi pro Chriſti nomine, ac Chriſtiana vita dignus ſit ignonimiam pati. de qua re Chriſti Apoſtolos plurimum gauiſos ſacræ literæ teſtantur. deinde certo ſciat fruſtra ſe hoc metu tereri: nam virtutis officia eoſunt præclariora, quò maiora; neque vereri debet difficultatem vllam ſibi fore in hac viuendi norma à nobis præſcripta, ſi non in ſe, aut in virtute ſua ſperauerit, ſed tantum à Deo optimo auxilium implorauerit. Nullus enim qui in eius ope confidit, vel in perquam arduis prouinciis vnamquam defecit. Habes itaque Reuerendiſſime præſul amici munus, neque re ipſa de qua tractat, neque te dignum, ſed (ni fallor) ex animi noſtri erga te propenſione non ingratum omnino tibi futurum.





GASPARIS CON-  
TARENI S.R.E. CARDI-  
NALIS. SCHOLIA IN  
EPISTOLAS DIVI  
PAVLI.

WILLIAM H. H. CO.  
JAMES H. H. CO.  
JAMES H. H. CO.  
JAMES H. H. CO.  
JAMES H. H. CO.





## SCHOLIA IN EPISTOLAS DIVI PAULI.

### B IN CAPVT PRIMVM EPISTOLÆ AD ROMANOS.

**Q**VI prædestinatus est filius Dei in virtute, secundum spiritum sanctificationis, ex resurrectione mortuorum Iesu Christi Domini nostri.] Locus hic difficilis est. nā primò, quomodo Christus sit prædestinatus filius Dei, multa dicunt Theologi recentiores. Melius tamen, & absque scrupulo habet textus Græcus, ut legamus, definitus, id est ostensus; ut etiam totum quod sequitur, referatur ad hanc ostensionē, quod scilicet ostensus sit filius Dei propter virtutem, id est potentiam, qua per spiritum sanctum resuscitauit se ex mortuis. In Actis Apost. cap. 13. Paulus hunc sensum innuit: & versiculum psalmi, Filius meus es tu, ego hodie genui te, refert ad diē, quo Christus à mortuis resurrexit. *Ad obediendum fidei in omnibus gentibus.*] Fides qua credimus, quamuis sit in intellectu, pendet tamen à voluntate. Credimus etenim, quia volumus obedire Deo. Hoc ergo prædicabāt Apostoli, Deo obediendum esse, & illi subiiciendam ceruicem, qui voluit homines iustificari per fidem, & viuere ex fide; cui obediendum est, & recurrendum ad fidem, ut infra amplissimè ostendit. *Primum quidem gratias ago Deo meo per Iesum Christum.*] Notandum, Paulum in locis innumeris, eum morem secutum; ut semper utatur mediatore & interpellatore Christo, cum ad Deum conuertitur. Nam nihil nostrum Deo placere potest, nisi per Christum, & in Christo, in quo nos elegit, & in quo nos gratificauit, id est, gratos sibi fecit. *Iudæo primum & Græco.*] Vel voluit præferre Iudæos Græcis, id est, Gentilibus, ad retundendam superbiam Gētilium: vel primo loco posuit Iudæos, ut retunderet eorum superbiam, cum dicit, primum illis ad salutem opus esse Evangelio Christi. *Ex fide in fidem.*] Quoniam omnis christiani vita nititur fide. Innuit ergo semper nobis, qui incipimus à fide & nitimur fide, tendendum esse ad maiorem fidei profectum. vel, ex fide, refert ad Deum, qui promisit & dedit nobis fidem. Ad fidem, verò refert ad nos, quorum assensus & fiducia nititur promissioni diuinæ, & fidei nobis datæ à Deo. *Reuelatur enim ira Dei de*

*celo super omnem impietatem, & iniustitiam hominum detinentium veritatem Dei in iniustitia.]* Locus hic valde difficilis est. si volumus reddi rationem & causam, quamobrem iustus viuat ex fide, & quod iustitia Dei reuelatur ex fide in fidem; Duobus modis reddi causa potest. Nam cum ex Euangelio reuelatur ira Dei super omnem impietatem, & super omne peccatum, cogimur nos (qui ex lege naturæ, quantum ad Gentiles; & ex lege Moyfi, quantum ad Iudæos pertinet, cognoscimus nos esse peccatores) confugere ad iustitiam fidei, & ad iustitiam Dei, quæ est per fidem. Vel impietas & iniustitia, de qua fit hic mentio, non est referenda ad quodcunque genus peccati, sed ad superbiam philosophorum Gentilium; qui cum agnouissent Deum, à quo erant, voluerunt tamen bonos & perfectos fieri & esse, non à Deo, sed à seipsis, ob animi tumorem. ac ideo non glorificauerunt Deum cognitum tanquam Deum: quemadmodum nec Lucifer, cum cecidit à Deo, elatus in seipso: & primi parentes, qui voluerunt esse tanquam Dei, scientes bonum & malum: ac propterea detestati à Deo, traditi sunt in reprobum sensum, & in immunditiâ.

## CAPVT 2.

**C**UM iudicabit Deus occulta cordium secundum Euangelium meum per Iesum Christum.] Sic Ioannes Euangelista; Pater non iudicat quæquam, sed omne iudicium dedit filio, quoniam filius hominis est.

## CAPVT 3.

**Q**UID ergo amplius Iudeo est? aut quæ utilitas Circūcisionis? Multum per omnem modum: primum quidem quia credita sunt illis eloquia Dei.] Non intelligendus est locus, quod ab ipsis Iudæis fuerint credita Dei eloquia; sed quod Deus crediderit eis sua eloquia. Nam aliis nationibus non fuit lex data, sed solis Iudæis. *Quid enim si quidam illorum non crediderunt? Nunquid incredulitas illorum fidem Dei euacuauit? &c.* Solet dici & est regula iuris. Frangenti fidem, fides frangatur eidem. Quapropter posset aliquis suspicari, cum pactum & fœdus fuerit factum inter Deum & nationem Iudaicam, ac ipsi fidem fregerint, & recesserint à fide data. (Sic enim puto intelligendum esse, Non crediderunt; & significantius exprimitur in Græco textu) quod propter hoc etiam Deus non seruaturus esset fidem datam. Hanc suspicionem remouet Apostolus dicēs, quod mendacium hominum non euacuat fidem Dei; eò quod Deus sibi ipsi debitor est, & seipsum negare non potest; vt dicit idem Apostolus in secunda ad Timotheum. *Quid ergo? præcellimus eos? nequaquam, &c.* Videtur contradicere his, quæ paulò ante dixerat, quid, scilicet, amplius est Iudæo? Sensus est, quod ex parte beneficiorum Dei, Iudæi præcellunt gentes, vt supra. Sed ex parte ipsorum minime præcellunt, eò quod peccauerint, sicuti gentes. *Omnes enim peccauerunt & egent gloria Dei.]* Ex textu Græco collitur, omnes inferiores esse gloria Dei, id est, vt coram Deo iustificentur, eò quod peccauerint. *Ad ostensionem iustitiæ suæ propter remissionem præcedentium delictorum.]* Hoc in loco fete reddit causam, cur Deus gratis iustificet peccatores per fidem, in sanguine Christi; & inquit. Voluit Deus gratis dimittere peccata nostra, seruata tamen iustitia sua, quam exerceuit Christi sanguine effuso

**A** effuso; vlciscens in eo omnia peccata nostra, vt non dimitteret peccata impunita: sicut dicit ad Corinthios. Eum, qui non fecit peccatū pro nobis peccatum fecit, vt nos efficeremur iustitiam Dei in ipso. Esaias quoque ait, Posuit Deus in eo iniquitatem omnium nostrum, & ideo subiūgit in textu Paulus, in sustentatione Dei, ad ostensionem iustitiæ suæ in hoc tempore. Sustinuit, inquit, Deus peccata, nec puniuit, vt per iustitiam ea puniret in Christo: & ita hoc in tempore ostenderet iustitiam suam; vt scilicet sit ipse iustus, peccata puniens; & tamen gratis iustificaret eum qui est ex fide Christi.

## CAPVT 4.

- B** **Q**UID ergò dicemus inuenisse Abraham patrem nostrum secundū carnem? &c.] Notandum primò, Verbum illud, secundum carnem, posse referri ad, patrē nostrum. Nam Apostolus Hebræus erat: & in hac parte Epistolæ potius alloquitur Iudæos, quàm Gentiles, ad quos lex non pertinebat; qui omnes carnali generatione descenderāt ab Abraham. Vel referri potest ad Verbum, inuenisse, id est, inuenisse secundum carnem; quod & de circumcisione potest intelligi; id est, quod cōtulerit Abraham circumcisio; de qua infra inquit, quod accepit illam signaculū iustitiæ quam habuerat in præputio. Vel, secundum carnem, possumus interpretari, opera illa bona & secundum legē, quæ Abraham operatus est. Nam sæpe Apostolus vtitur hoc modo loquendi, vt per carnem intelligat legem: dum essemus in carne, infra dicit, id est, sub lege, vt pote ex qua & ex cuius operibus non trahamus spiritum, & ideo adhuc sumus in carne. Præterea notandus est & colligendus sensus Pauli totus, quidnam sibi velit ex hoc exemplo Abraham, quod adducit. Abraham, vt in Genesi legitur, vir bonus fuit, & sine iniuria cuiuspiam vixit: vnde posset facile quispiam credere, eum fuisse iustificatum & effectum amicum Dei ex suis operibus. Attamen scriptura non dicit fuisse eum iustificatum ex operibus; sed dicit. Credidit Abraham Deo & reputatum est illi ad iustitiam. Ergo scripturæ intentio est, quod quamuis Abraham potuerit apud homines iustificari, id est, haberi & pronunciari iustus; non tamen apud Deum, cur inquires, scriptura dicit, quod reputarū est ei ad iustitiā, quod credidit Deo? Vbi notat Paulus primò, Verbum hoc, reputatum; quod non habet vim, nec eo vti rectè possumus, nisi cū ex gratia prouenit reputantis, non ex meritis eius cui reputatur. Cū igitur dicat scriptura, reputatum est ei ad iustitiam; manifestè apparet, quod non tribuatur operibus; quia merces operum imputatur secundum iustitiam & secundum debitum, non autem secundum gratiam. Cū ergo dicat scriptura, reputatum est, innuit gratiam, & excludit iustitiæ debitum. Notandum etiam, quod hanc imputationem iustitiæ scriptura nulli alteri rei tribuit, quàm fidei. Credidit Abraham Deo, inquit, & reputatum est illi ad iustitiam: quod confirmat ex testimonio David; qui nō attribuit beatitudinē hominis ulli operi, sed tantū remissioni peccatorum, & non imputationi peccati. Et huic beatitudini, tanquam primæ, innuntur alix beatitudines, in alijs psalmis dictæ à David. *Et propterea ex fide, & se-*

*cundum gratiam sit firma promissio.*] In Græco significantius, & ideò ex fide, vt secundum gratiam, ad hoc vt sit firma promissio. quasi dicat, ideo Deus iustificat ex fide, vt iustificatio sit ex gratia Dei, & non ex nobis. Ideo autem secundum gratiam, ad hoc, vt promissio sit firma: nam si res penderet ex iustitia, vt scilicet redderetur operibus nostris, & non ex gratia Dei; promissio nullam haberet firmitatem, ob defectum nostrorum operum.

## CAPVT 5.

*SI ENIM cùm inimici essemus reconciliati sumus Deo per mortem filij eius, multò magis reconciliati saluabimur in vita ipsius.*] Vltima hæc paticula saluabimur in vita ipsius duobus modis potest intelligi. vel in vita ipsius, quoniam non oportet amplius Christum mori, vt, priusquam recòciliaremur, mortuus est; sed viuente ipso, & ideo in vita ipsius saluabimur. vel innuit id, quod dixerat in fine superioris capituli; quòd scilicet Christus traditus est propter delicta nostra, & resurrexit propter iustificationem nostram; quia eius vita immortalis, est causa exemplaris, & efficax nostræ saluationis & vitæ spiritualis. *Propterea, sicut per unū hominem peccatū intrauit in mundum, &c. quæ sequuntur.* Nota sensum totius huius loci, pulcherrimum scilicet Apostoli argumentum. Et est argumentum à simili, & à minori. Adam primus homo de terra terrenus, typus & forma fuit, secundi Adam de cælo cælestis; in contrariis tamen rebus. Nam primus origo fuit mali, & detrimenti hominum; secundus verò omnis boni. Igitur ab detrimento illato per primum, possumus à simili coniecere bona acquisita nobis per alterum. Imò quoniam donum Dei superat delictum, & longè est eo efficacius. Idcirco bona, quæ nobis Christus largitus est, superat mala, quæ primus Adam nobis intulit. Enumeremus nunc mala, quæ intulit nobis primus Adam. primum per ipsum peccatum intrauit in mundū, & in omnes homines. nam in ipso omnes peccauerunt. inclinatio ergo ad malum per Adam intrauit in mundum, & reatus peccati: quoniam eius peccatum omnibus imputatur, qui ab eo originem trahunt per virtutem seminalem: nam in eo omnes peccauerunt. & per peccatum intrauit mors: nam mors est pœna peccati. Vnde arguit Apostolus, quòd peccatum intrauit in omnes, quia omnes ab Adam vique ad Moysen mortui sunt; ne putaret quispiam peccatum incepisse post legem datam à Moysen. Cùm igitur mortui sint omnes, etiam autem Moysen; in omnes intrauit peccatum. Lex autem operata est maiorem imputationem peccati propter transgressionem legis. Hæc detrimenta accepimus à primo Adam, qui est typus & forma futuri in rebus contrariis. A simili ergo computabimus bona per Christum donata nobis, imò maiora. quoniam donum superat delictum. Primò namque in locum peccati & mortis, quam contraximus ex Adam, per Christum adepti sumus gratiam & iustitiam in vitam æternam. Ex vno peccato Adam cecidimus in condemnationem. Per Christum autem nou tantum sutreximus ab eo peccato, sed à multis aliis peccatis, non tantum in absolutionem, sed etiam in iustificationem: quia habemur apud Deū iusti per

**A** per Christum dominum nostrum. quod ratione probat Apostolus. Nam si delictum vnius hominis tantum potuit, multò magis poterit donum per vnum hominem Iesum Christum. concludit deinde: igitur sicuti per vnius peccatum, &c. quæ fuit conclusio optimùm proposita. Et quemadmodum summa totius mali, quod contraximus ex Adam, fuit ex eo, quòd omnes in eo peccauimus, & id eò multi sunt constituti peccatores; sic per obedientiam vnius hominis Iesu Christi, iusti constituuntur multi; illi scilicet qui renati sunt, & inhaerent Christo per fidem & charitatem, quia scilicet in ipso obediunt; & ita iustitia, ac propterea meritum Christi nobis imputatur.

## CAPVT 6.

**B** *Q*UOD enim mortuus est, peccato mortuus est semel; quod autem viuuit, viuuit Deo.] Reddit rationem, cur mors illi, scilicet Christo, ultra nõ dominabitur: quoniam, scilicet, semel mortuus est peccato; id est, ad destruendum peccatum. Vnica etenim oblatione consummauit in sempiternum sanctificatos ad Hebr. 10. Vel per peccatum intelligit corpus Christi mortale, in quo præfiguratur peccatum: nam mors peccatum sequitur; & id eò Christus habuit similitudinem carnis, id est, carnem mortale similem carni peccatrici. quod autem viuuit, viuuit Deo, id est, virtute diuina, ex qua corpus eius est immortale, & impassibile. Idcirco & nos, qui in baptismo mortui sumus peccato, id est, vitæ peccatrici, viuamus Deo, id est, in spiritu Dei, quem accepimus; per quem adipiscemur etiam corporis immortalitatem. *Humanum dico propter infirmitatem carnis vestrae.*] Dicit se dicere humanum. Nam multò magis debemus seruire iustitiæ, quàm seruiuerimus peccato. *Si spèdia enim peccati mors, gratia autem Dei vita æterna, in Christo Iesu domino nostro.*] Notandum hîc, quod innuit Apostolus, ex iustitia, peccato deberi mortem. (Nomen enim stipèdij videtur hoc significare) vitam autem æternam esse ex dono Dei gratuito.

## CAPVT 7.

**A** *N* ignoratis fratres (scitibus enim legē loquor.) quia lex in homine dominatur, &c.] Sensus primæ partis huius capituli videtur satis perplexus. explicari tamē commodè potest. inquit Apostolus, lex tandiu homini dominatur, quandiu viuuit, id est, vel homo, vel lex. Nam si moritur homo, quis dubitat eum non esse amplius sub lege? Si etiam lex moritur, vetbi gratia, si contraria lege abrogaretur, vel consuetudine diuturna; pariter homo amplius non est sub lege. Hoc quod dixerat, morte, inquam, tolli & auferri seruitutem legis, probat exemplo. Nam vir & mulier matrimonio cōiuncti, alterque sub alterius lege & potestate constitutus, si mors alterius euenerit, alter, qui superest, soluitur à lege & potestate mortui; ac multò magis mortuus soluitur à potestate viuētis. Hæc, quæ dixerat, applicat legi Moysæ & homini christiano; dicitque, quòd donec vivebat vita contracta ab Adam, cui vitæ data fuit lex, erat sub seruitute legis; quia suberat maledictio legis, & non accepto spiri-

tui, & coactus legi parebat. Postquam verò mortuus est legi, id est, carnali vitæ, & infertus Christo; non est amplius sub lege, id est, sub legis maledicto, neque coactus obedit legi, imò sponte & alacriter. Hic mihi videtur esse sensus liuius primæ partis. *Quando eramus in carne, passione peccatorum, quæ per legem erant, operabantur in membris nostris, ut fructificarent morti.*] Apud Apostolum, esse in carne, accipitur pro, esse sub lege: non quod lex sit carnalis, imò spiritualis est: sed nos quandiu sumus sub lege, non sumus in spiritu, sed in carne. quoniam lex non potest viuificare nos, quamuis sit spiritualis, ut in Epistola ad Galatas dicitur, si data esset lex, quæ posset viuificare, ex lege esset iustitia. *Peccatum non noui, nisi per legem. Nam concupiscentiam nesciebam, nisi lex diceret, non concupisces.*] Ex hoc loco colligi potest apud Apostolum, concupiscentiam esse peccatum, non actuale, sed originale; ut tenuit Augustinus. *Occasione autem accepta per legem operatum est in me omnem concupiscentiam.*] Etenim nitimur in vetitum. *Ego autem vivebam sine lege aliquando.*] Id est, iudicio meo vivebam, quia putabam me vivere. *Veniente autem mandato peccatum reuixit. Ego autem mortuus sum.*] Reuixit, ut suprà diximus. Ego autem mortuus sum, quoniam sensi me mortuum esse. Nam per legem cognitio peccati. *Peccatum enim occasionem accipiens per mandatum decepit me, & per ipsum seduxit.*] Quomodo decepit & seduxit? nimirum, puto, ut dicit Augustinus in libro 83. q. quoniam superbia extulit hominem, ut putaret posse se suis viribus seruare mandata: quo pacto sunt decepti philosophi & Iudæi. *Quod operor, non cognosco. non enim quod volo bonum hoc ago, &c. usque ad fidem capituli.*] Augustinus primùm interpretatus est, dici hæc de homine nondum reparato post lapsum. postea se retractauit, & voluit dici de Paulo ipso, & de quouis sancto viro. Meo iudicio ex literæ contextu, magis dicuntur hæc de homine post lapsum, nõdum reparato. possunt tamen ad vtrumque referri, ut, scilicet, ex morbo qui naturæ inhaeret nostræ, etiam post reparationem, cognoscamus detrimentum nobis illatum per peccatum, à cuius reatu liberati sumus, per gratiam Iesu Christi.

## CAPVT 8.

**N**IL ergo nunc damnationis est his, qui sunt in Christo Iesu, qui non secundum carnem ambulant, sed secundum spiritum. Non est quippiam damnationis, tum quoniam solutus est reatus peccati originalis; tum etiam quoniam per virtutem gratiæ Christi non superamur à peccato. Nam quod impossibile erat legi, in quo infirmabatur per carnem, mittens Deus filium suum in similitudinem carnis peccati, de peccato damnauit peccatum in carne, ut iustificatio legis impleretur in nobis, qui non secundum carnem ambulamus, sed secundum spiritum. Dixerat quòd lex spiritus vitæ in Christo Iesu, liberauerat eum à lege mortis: nam per fidem in Christum adipiscimur spiritum sanctum, qui nobis præstat vitam spiritus & sanctificat, soluens reatum omnem, & ita liberat nos à lege mortis, in quam incideramus per peccatum. Huius, quod dixerat, reddit rationē, inqui-

- A** iniquiens . Non quod erat impossibile legi, in quo infirmabatur per carnem. Iam supra diximus, quod lex, quamvis spiritalis esset, non poterat tamen viuificare ; & ideo ii, qui erant sub lege, erant in carne . Inquit ergo, id, quod lex non poterat præstare, vt, scilicet, transferret nos à carne ad spiritum; Deus mittens filium suum in similitudinem carnis peccati, id est, in carnem mortalem, quæ erat similis carni, in qua esset peccatum, pronitas scilicet ad malum, quia passibilis & mortalis; damnauit peccatum de peccato . Iu carne, id est, patiendo & tradendo morti carnem suam non peccatricem; damnauit peccatum de peccato, id est, abstulit vim omnem peccato in nobis existentis; ne scilicet faceret nos reos, & superaret nos : & sic iustificatio legis imple-  
**B** retur in nobis, qui secundum spiritum ambulamus, non secundum carnem. Et ne quis putaret, se posse esse in Christo, & liberum à peccato, quamvis ambulet secundum carnem, addit omnia, quæ sequuntur, ad destruendum hunc errorem, [*Nam expectatio creatura reuelationem filiorum Dei expectat, &c.*] Augustinus in libro 83. quæstionum, exponit de corpore nostro ea, quæ hic Apostolus dicit de creatura, quod scilicet expectat liberari à mortalitate. Videtur hic sensus sequi ex dictis paulò ante . Tamen si quis etiam adaptaret ad vniuersam creaturam sensibilem, optimè, vt reor, quadraret etiam superioribus. Explicat etenim quàm magna sit futura gloria, quam expectamus non tantum ex nobis, sed ex vniuersa creatura sensibili. [*Similiter spiritus coadiuuat infirmitatem nostram : nam quid oremus, sicut oportet, nescimus ; sed spiritus intercedit pro nobis gemitibus inenarrabilibus.*] Supra dixerat dona nobis collata per spiritum, liberationem scilicet à seruitute peccati & spem gloriæ . Addit nunc & aliud beneficium, quòd, scilicet, in orationibus nostris adiuuat infirmitatem nostram, ex qua efficeretur ferè semper, vt nobis noxia petere-  
**C** mus . at spiritus habitans in nobis dirigit voluntatem nostram in Deum, vt, scilicet, semper dicamus, saltem in corde, cum oramus . Non tamen sicuti ego volo, sed sicut tu : quia in nobis voluntatem, factam à spiritu, inspicit Deus, qui est scrutator cordium. [*Scimus quoniam diligensibus Deum, omnia cooperantur in bonum.*] Subdit, vt reor, quod orationes hæ directæ à spiritu semper exaudiuntur, ad sanctorum, in quibus est spiritus, vtilitatem . Nam omnia, quæcunque illis accidunt, cooperantur ad bonum . & ita orationes spiritus pro sanctis semper exaudiuntur. [*Quos enim præsciuit, & prædestinauit conformes fieri imaginis filij eius : vt sit ipse primogenitus in multis fratribus.*] Hic reddit rationem, & probat iis, qui secundum propositum Dei vocati sunt sancti, omnia cooperari ad bonum . Nam quos præsciuit, & prædestinauit, id est, etiam prædestinauit . Prædestinatio etenim est ex Dei voluntate, quæ præexigit scientiam . Addit postea ea, quæ à Deo efficiuntur in vtilitatem prædestinatorum, vt nullus relinquantur locus, vbi offendant . Et iccirco palàm est, omnia eis cooperari ad bonum . Egre ditur postremò Paulus ad explicandum amorem suum erga Christum ; & quasi ecclasiu patitur.



**O**PTABAM ego anathema esse pro fratribus meis.] Nulli dubium esse potest ex his, quæ dixerat Apostolus statim superius, quod innuit se fuisse ita animo affectum vt Moyſes, qui dixit Deo, dele me de libro tuo, & parce huic populo, ne forè dicant, callidè eduxit Deus eos ex Ægypto. Ita hîc Paulus, ne videretur verbum Dei excidiſſe, promiſſionem ſcilicet factam patribus Iudæorum; optabat ipſe anathema eſſe à Chriſto. Sed dubitationem facere poterit, cur dixerit, optabam, & non dixerit, Opto. Puto ego ob modeſtiam ſic fuiſſe locutum Apoſtolum: nam eſſe maioris perfectionis eſt, quàm fuiſſe; Ideò inquit, optabam: ac ſi diceret, memini me tali fuiſſe animo præditum; quòd longè minus eſt, quàm ſi diceret, tali nunc ſum animo præditus. *Non quod exciderit verbum Dei: non enim omnes qui ex Iſraël ſunt, hi ſunt Iſraelitæ, &c.* Supra dixerat, ſe optaſſe anathema eſſe pro patribus, &c. Innuit hoc loco, ob Dei amorem & honorem ſe hoc optaſſe, ne, ſcilicet, aliquibus videri poſſet, verbum Dei excidiſſe in promiſſionibus factis populo Iſraëlis. Verum, inquit, videri poterat excidiſſe conſiderantibus tantum carnis originem; ſed non excidit verbum Dei, quod referri debet ad filios promiſſionis, quibus ſcilicet, promiſſum fuit ducentibus originem fidei & ſpiritus Abraham. deinde hanc Dei electionem, filiorum ſcilicet, promiſſionis ampliat, vt oſtendat pendere ex Deo nõ ex operibus noſtris nec ex origine carnis. Nam & Iſmaël fuit filius Abraham ſecundum carnem, ad quem tamen non G pertinuit promiſſio. Magis deinde rem coarctat, vt oſtendat, non fuiſſe promiſſionis Dei verbum deſcendentibus ſecundum carnem factum. Nam eadem mulier Rebecca, ex eodem viro Iſaac, & eodem concubitu, concepit Eſau & Iacob: tamen antequam quicquam boni facerent aut mali, dictum eſt, Iacob dilexi, Eſau autem odio habui; vt totum ſit ex vocante & eligente Deo. *Quid ergo dicemus? nunquid iniquitas eſt apud Deum?* Reor ego totum quod ſequitur, uſque ad eum locum; O homo tu quis eſ qui reſpondeas Deo? pertinere ad dubitantem & quærentem, interpoſitis quibuſdam verbis reſpondentis Pauli, vt in familiari ſermone fieri ſolet. Inquit ergo quærens & dubitans; ſi ex vocante tantum Deo eſt electio, quid dicemus? nunquid iniquitas eſt apud Deum? Abſit, inquit Paulus. Proſequitur ille, H vt inceperat. Moyſi enim dicit, miſerebor, cuius miſereor, &c. quæ ſequuntur uſque ad eum locum. Dicis itaque mihi, quid adhuc quæritur? Quæ ſunt Pauli verba reſumentis dubitationem adductam. *O homo tu quis eſ qui reſpondeas Deo?* Hîc Paulus dubitationi propoſitæ reſpõdet; & primùm increpans audaciam quærentis. Non enim debemus ita impudenter rationem exigere à Deo ſuorum operum, iuxta dictum ſapientis in Eccleſiaſtico: & in pluribus operibus eius ne fueris curioſus. Deinde, meo iudicio, quæſtioni reſpõdet ibi, quod ſi Deus volens oſtendete iram, &c. Inquit ergo, nullum eſſe locum querelæ nobis, imò bonitatē & lóganimitatē dei ſummopere laudare, qui in multa patiétia ſuſtinuit vaſa apta in interitum; Nā nõ ipſe aptauit ea in interitum, ſed

- A** sed ipsa se aptarunt tum ex originali peccato, tum ex aliis additis, ut ostenderet diuitias gloriæ suæ in vasa misericordiæ, quæ præparauit in gloriâ. Nam utique præparasset vasa iræ in gloriâ, nisi obstitissent ipsi, iuxta illud psalmi, Hodie si vocem eius audieritis, nolite obdurare corda vestra. Subdit postea vasa misericordiæ esse illos, quos Deus vocauit ex gentibus & ex Iudæis. Nam prophætæ etiâ hoc prædixerunt, vocandos esse à Deo & ex gentibus, & ex Iudæis. *Quid dicemus? quod Gentes quæ non scēbantur iustitiam, &c.* In hac postrema huius capituli parte, Apostolus colligit summâ totius rei; cur, scilicet, & gentes apprehenderint iustitiam, & maior pars populi Israëlitiçi exciderit à iustitiâ; & totam causam refert ad fidem, & iustitiam fidei, quam secutæ sunt gentes, & Israël auertus est, scētando iustificari ex suis operibus.

## CAPVT IO.

- I**n hoc capitulo nihil aliud agit Paulus, nisi ut ostēdat ignorantiam Iudæorum, qui non peruenierunt in legem iustitiæ, ut supra dictum est: propterea quod æmulati sunt Deum, non tamen secundum scientiam. Nam volentes Deo placere ex sua iustitiâ, id est, ex suis operibus, ut supra dixerat, noluerunt esse subiecti iustitiæ Dei, ut eius, scilicet, fierent compotes. quæ iustitiâ Dei est Christus. Nam Christus est finis legis ad iustitiam omni credenti. Hoc postmodum declarat ex eo quod lex dicit, quod qui fecerit ea quæ lex dicit, viuet in ea: & alibi. Maledictus qui non permanet in verbis legis huius. Quâobrem, ut dicit Apostolus in Epistola ad Galatas. *Qui sunt sub lege, sunt sub maledictio.* Adiungit postmodum, quid scriptura dicat de fide quod, quomodo faciat ad propositum, dicam paulò post. *Nam dicas in corde tuo, quis ascendet in cælum, &c.* Hoc est verbum fidei quod prædicamus, ad quam fidem requiritur & actus interior, qui est, credere; & actus exterior qui est, cōfiteri. Vtriusq; Apostolus meminit & alterū alteri attribuit, ut tamen intelligendū sit, utrūque debere utriūque attribui. dicit enim, cū dicat scriptura in Deuteronomio, quis ascendet in cælum? addit Paulus, hoc est Christum deducere. aut quis descendit in abyssum? addit Paulus, hoc est Christum ab inferis reuocare. Nam velle persecrari & intelligere, & incarnationē verbi, qua descendit ad nos è cœlis, & resurrectionem eius, qua ab inferis resurrexit, est dementis & aberrantis. *Sed quid dicis scriptura? prope est verbum in ore tuo &c. in corde tuo.* Hoc (inquit Apostolus) est verbum fidei quod prædicamus. *Nam si cōfitearis in ore tuo Dominum Iesum.* Ecce applicat confessionē articulo de incarnatione verbi, quæ præsupponit fidē cordis. Nam qui profitetur Iesum esse dominū Deum, profitetur verbum fuisse incarnatū. sequitur. *Et credideris quod Deus suscitauit eū à mortuis, saluus eris.* Ecce applicat alteri articulo de resurrectione, qui pertinet ad eam partē scripturæ, aut quis descēdet in abyssum, quod est Christum reuocare à mortuis. *saluus eris.* Vtrumque tamen oportet credere, & vtrumque, cū fuerit opus, cōfiteri ore. Subdit. *Nam corde creditur ad iustitiam, ore autem confessio fit ad salutem.* Nam iustificamur per fidem cordis, tamen non possumus per hanc cordis iustitiam peruenire ad sa-

lutem: imò à iustitia decidimus nisi ore confiteamur vtrumque cùm opus fuerit. Nunc dicendum quonam pacto dictum in Deuteronomio, in quo Moyses loquitur de præcepto & lege Dei, applicari Apostolus ad propositum fidei, de qua agit. Puto ego noluisse Apostolum ex dicto Moyse, cùm loquitur de lege & mandato, adducere rationem, quasi Moyses esset locutus de fide. Nam haberet contadictionem ab aduersariis manifestam; sed voluisse vti auctoritate scripturæ secundum analogiam, & proportionem quādam; sicuti dixit Moyses de mandato Dei, quòd non repetendum nec requirèdum erat, nec à cœlo, nec ab abyssis sed propè erat. Ita nos dicimus de credendis, & de fide. Possemus etiam dicere, quòd Moyses illis verbis innuerit, credendum esse simplici ex corde mandato illi, nec quærenda vlla ratio: sic nos de Christo dicere, & fide in eius incarnatione, & resurrectione. Nam in his duobus articulis alij omnes continentur. Conuertit deinde se Apostolus ad Iudæos; & eos reprehendit, quòd vocati à Deo, contradixerint & restiterint. Id quod inquit etiam prophetatum fuisse in scripturis, sicuti prophetatum fuit de conuersione gentium. Hæc ferè est summa huius capituli.

## CAPVT II.

**R**EPREHENSIS Iudæis, conuertit se Apostolus ad retundendam arrogantiam gentium, quæ Iudæis insultabant: ostenditque Deum non repulisse Iudæos: primùm quidem, quantum ad electionem, id est, ad eos, quos Deus elegerat ex Iudæis. Nam & se profitetur esse Iudæum, ex tribu Beniamin, &c. atque id accidisse hoc tempore, quod contigit sub Elia. Nam tunc cùm putaret Elias se solum relictum, accepit tamen ex diuino responso, relictæ esse septem millia virorum, qui non curauerunt genua sua ante Baal. Sic etiam nunc Iudæi, qui crediderunt, electi sunt à Deo. quamobrem innuit non rectè gentes facere, si insultarent Iudæis electis. Subdit postmodum Apostolus, vniuersæ Iudæorum genti, à Christianis gentilibus non debere insultari, quoniam is populus primùm est à Deo electus, & sanctificatus in eius patribus, Abraham, Isaac & Iacob. Nec propterea debere cõtèmnari arborè, quamuis quidam rami ex ea fracti sunt; nã ob incredulitatem fracti sunt. Tu autè fide stas. multa que adducit in hanc sententiam. Prodit deinde arcanū quoddam & mysterium; quòd scilicet, postquam gentes intrauerint in Christum, etiam Israël intrabit, & saluus fiet. Desinit tandem in admirationem diuinorum operum & diuinæ sapientiæ. Hæc est summa huius capituli. *Secundum Euangelium quidem, inimici propter nos; secundum electionem autem, charissimi propter patres. sine penitentia enim sunt gratia (seu dona) & vocatio Dei.* Locus hic obscurior est. Augustinus vult, alios ex Iudæis esse inimicos, & alios charissimos. Inimicos eos, qui non crediderunt, charissimos secundum electionem, & eos qui crediderunt. Ego potius puto, vtrumque referri ad eundem Iudæorum populum; qui, scilicet, sit & inimicus Dei, & charissimus. Inimicus quidem, quia eo tempore nondum receperat Euangelium: ex quo contigerat salus gentibus, conuersis Apostolis ad prædicandū gentibus, vt in actis Apostolorum

A stolorum. Ideo hic dicit Apostolus, propter vos. Hic idem populus est Deo charissimus, secundum electionem propter patres, id est, quoniam eius patres electi sunt à Deo. Nam Dei dona & vocatio sunt sine pœnitentia; id est, non reuocantur à Deo quasi eum pœniteat se illos elegisse. *Cœclusus Deus omnes in incredulitate, ut omnium misereatur.* ] Ambrosius exponit incredulitatē, desperationē; id est, ut ex experientia de se desperantes, cōuertantur ad misericordiam Dei; & sic omnium misereatur, & Iudæorum & gentium: sed magis ad textū videtur facere, si infidelitatē intellexerimus, sub qua Deus prius concluderat gentes, nunc autem Iudæorum populum: ut tandem, vtrisque ad fidem conuerfis, omnium misereatur.

B

## CAPVT. 12.

O BSECRŌ itaque vos fratres per miserationes Dei, ut exhibeatis corpora vestra hostiam viuentem, sanctam, beneplacētē Deo, rationabilem latrām vestram.] Hostiam viuentem, commodè dictum. Nam hostiæ solent occidi; Deus verò exigit à nobis corpora nostra hostias viuentes, sanctas & Deo beneplacentes; sic etenim viuentes hostiæ erunt. addit, rationabilem latrām vestram, ne quispiam putaret, verum Dei cultum pertinere tantum ad corpus, & ad exteriora; iccirco addit Cultum Deo deberi secundum rationem, id est, secundum spiritum, vbi viget ratio. *Vt probetis quæ sit voluntas Dei bona beneplacens & perfecta.* ] Ut scilicet experiēdo cognoscatis, quæ sit voluntas Dei, id est, mandatum & consilium Dei bonum perfectum & beneplacens, id est, in quo persistentes boni eritis, Deo placentes, & perfecti. Hanc Dei voluntatē postmodum explicat; ut scilicet non altum sapiant, sed sapiant ad sobrietatem; id est, intra terminos eis à Deo præscriptos, iuxta mensuram fidei; id est, iuxta mensuram, quam ad astruendam fidem acceperunt. *Sive prophetiam, secundum rationem, vel proportionem fidei.* ] Duobus modis locus hic potest exponi, vel, scilicet, ut prophetent, id est, exponant mysteria & arcana secundum regulas fidei; ne, scilicet, indulgeant ingenio suo, & quidpiam interpretentur non secundum regulam rectę fidei, vel secundum analogiam fidei, auditorum inquam; ut scilicet, accommodent se capacitati auditorum.

D

## CAPVT 13.

S YP E R I O R I capite præcepit Apostolus, qualis vnusquisque Christianus debeat esse, & quo ad Deum, & quo ad seipsum; ne scilicet sapiat plus quàm oportet: in hoc præcipit, qualis debeat esse erga proximum, quod etiam in fine præcedentis capitis tetigerat; sed ea potius pertinent ad bonitatem quandam animi: Hæc verò pertinent ad iustitiam; ut scilicet vnicuique reddatur debitum.

## CAPVT 14.

I N hoc capite nihil aliud agit Apostolus, nisi ut reprimat quorundam gentiliū & Iudæorum fortem arrogantiam: qui insultabant quibusdam in-

firmioribus in fide, qui adhuc detinebantur in obseruatione legalium; tum in delectu ciborum, tum etiam in diebus quibusdam obseruandis, sabbato scilicet, neomeniis, & eiusmodi aliis. Hos contemnebant alij firmiores in fide, qui scilicet stabilierant cor fide, non escis. Econtrà arguit hos supersticiosiores, qui condemnabant eos, qui his obseruantis non detinebantur; dicitq; iudicium non ad nos pertinere, sed ad Deum, cuius serui sumus. insuper, cauendum illis esse, ne præbeant occasionem scandali proximo, ac omnia inquit, quæ fiunt contra fidem, id est conscientiam, quamuis in se bona sint, mala tamen esse ei qui ea facit. *Manducans non manducantem non iudicet; Deus enim assumpsit.* Innuit his verbis Apostolus, perfectiorem esse manducantem non manducante; ut pote qui sit assumptus à Deo. *Tu quis es qui iudicas alienum seruum? proprio domino stat, aut cadit; stabit autem, potens est enim Dominus eum statuere.* Hic Apostolus conuertit se ad eos, qui firmiores in fide, contemnebant illos infirmiores qui non manducabant; ac propterea etiam eos iudicabant & condemnabant, docens non pertinere ad eos hoc iudicium, sed ad eorum Dominum, qui statuet eos, id est firmiores in fide faciet. potens est enim hoc præstare. *Sive enim uiuimus, Domino uiuimus: sive morimur, Domino morimur.* Pertinet iudicium de morte & vita nostra ad Deum, non ad hominem. *In hoc enim Christus & mortuus est, & resurrexit, ut uiuorum dominetur & mortuorum.* Multa possent subtiliter inueniri & dici; ego transius intelligens, puto sensum Apostoli fuisse, Christum, eò quòd & mortuus est, & resurrexit, meruisse ut iudex esset utrorumque; tâquam qui verumque statum expertus esset; non quidem peccatorum, sed mortuorum: mors autem peccato debetur, & per peccatum introiuit in mundum.

## CAPVT IS.

**E** Pilogum facit in hoc capite Apostolus omnium ferè, quæ dixerat. scopus etenim huius Epistolæ fuerat, remouere contentiones, quæ fuerant ortæ inter Iudæos & gentiles, qui in Christum crediderant. sensim ergo ex his, quæ statim supra dixerat, de obseruatione ciborum & dierum, inquit firmiores debere substinere, & ferre imbecillitates infirmorum, nec nobis ipsis placere. postmodum sensim, post controuersias has de ciborum & dierum obseruatione, descendit ad præcipuam controuersiam inter Iudæos & gentiles exortam, hortans ut se inuicem suscipiant ex charitate; concludens Christum natum fuisse & versatum in Iudæa ob seruandas promissiones factas à Deo patribus Iudæorum: quibus promiserat Christum ex eorum semine nasciturum; ideoque fuisse ministrum Circumcisionis; gentes verò, quibus nihil fuerat promissum, quamuis de earum uocatione fuerit prophetatum, debere laudare misericordiam Dei: quarum sibi datum fuisse ministerium dicit; multaque addit de professione sua ad urbem. Hæc ferè est summa. *Etenim Christus non sibi placuit; sed sicut scriptum est, impropria exprobrantium tibi ceciderunt super me.* Is sibi placet, qui non se accommodat alteri; neque à rigore discedit, ut imbecillioribus se accommodet. Hoc minime faciendum

- A**ciendum esse monet Apostolus; ac Christi exēplo nos hortatur. Nam Christus sibi non placuit, sed peccatoribus sese accommodabat, ac cū illis prandeat; adēo, vt fuerit appellatus vini potator, & amicus Publicanorū & peccatorum. Hoc innuit ac dicit Apostolus, cū inquit, impropertia impropertantium tibi ceciderunt super me. quoniam ea opprobria, quibus solemus afficere illos, qui Deo impropertant, & aduersantur, ceciderunt super Christum. *Vt per patientiam & consolationem scripturearum spem habeamus.*] Ille enim, qui se infirmiori accommodat, patientia vtitur: nam illius mores patitur contra genium suum. consolationem verò capit ex scripturis, ad medellam eius molestiæ, quam patitur; legens ita etiam vixisse Christum. *Sanctificans Euangelium Dei.*] Phrasis Paulina, qua attribuit Euangelio id, quod in nobis efficit Euangelium. Nam per Euangelium sanctificamur nos. *Repleuerim Euangelium Dei.*] Eadem ferè phrasis. nam gentes & nationes eas, quas memorat repleuerat Apostolus Euangelio Dei.
- B**

## CAPVT 16.

- S*i autem qui potens est vos confirmare iuxta Euāgelium meum, & predicationem Iesu Christi; secundum reuelationem mysterij temporibus æternis taciti quod nunc patefactum est, & per scripturas Prophetarum, secundum præceptum æterni Dei, in obedientiam fidei, in cūctis gentibus cogniti; soli sapienti Deo per Iesum Christum, cui honor & gloria, in secula seculorū. *Amē.* Et per scripturas Prophetarū secūdu præceptū æterni Dei, in obedientiā fidei, in cūctis gentibus cogniti.] Videtur hæc cōtradidere his, quæ statim dixerat superius. quomodo namq; fuit Euangeliiū occultum temporibus æternis, si per scripturas Prophetarum fuit cognitū? Puto Paulum velle Euangelium, cū te proditum est, fuisse etiam cognitū per scripturas Prophetarum, quæ ante rein proditam non intelligebātur. Sic dicit Petrus, & habemus fitmiorem Propheticum sermonem. Sic in Euangelio, spiritus domini super me: in actis Apostolorum, de Eunuchō qui legebat Eſaiam prophetam. *Cui honor & gloria in secula seculorum.*] Puto subintelligi prius soli Deo gloria; deinde subdi, per Iesum Christum, cui etiam honor & gloria.
- C**



IN CAPVT PRIMVM AD  
CORINTHIOS.



ARGVMENTVM facile & obuium. nam primò gratias agit Deo de Corinthiorum profectu in Christo Iesu; deinde arguit schismata, quæ esse inter eos audierat, ex immoderato affectu, quo doctorē quisque suum aliis præferebat. *Cum omnibus qui inuocant nomen Domini nostri Iesu Christi, in omni loco ipsorum & nostro.* ] Quidam diuidunt particulam illam, in omni loco, ab ea quæ sequitur, ipsorum & nostro, & coniungunt hanc postremam iis quæ prius dixerat, Domini nostri Iesu Christi, domini inquam ipsorū & nostri; sic etenim in Græco. vel appellauit locum ipsorū, G etiam suum; utpote ab eo constitutum, & in quo ius habebat. *Secundum quod testimonium Iesu Christi confirmatum est in nobis.* ] Testimonium Christi, accipi potest actiue & passiuè. passiuè uidelicet quod de Christo asserimus fideles omnes: vel actiue, quod Christus perhibuit & de seipso, & de Deo, & de mundo. ipse namque missus fuit in mūdum, ut testimonium adferret veritati, ut apud Ioannem legitur. *Fidelis Deus à quo vocari estis.* ] Si fidelis, omnia bona, quæ pollicitus est nobis in Christo, proculdubio præstabit. *Ego sum Pauli, ego Apollo, ego Cepha, ego Christi: diuinus est Christus.* ] Vel dicit Christum diuinum esse apud eos: quoniam, quasi ab his doctoribus non idem Christus fuerit prædicatus, inter se dissident: vel, quoniam nonnulli in- H ter ipsos erant, qui diuidebant & separabant Christum ab doctoribus, quasi connumerandus esset cum illis, & in eorum esset ordine constitutus. *Quoniam enim in sapientia Dei non cognouit mundus per sapientiam Deum; placuit Deo per stultitiam prædicationis saluos facere credentes.* ] Alia deinde subdit in eundem sensum. Sapientiam Dei appellat Paulus constitutionē mundi, eiusque gubernationem; ex quibus omnes fatentur summam esse in Deo sapiētiam. stultum verò Dei appellat Paulus, redemptionem humani generis per crucem. Hoc etenim mysterium Dei videtur sapientibus huius mundi stultitia. Inquit ergo Apostolus, quoniam mundus non cognouit Deum per sapientiam, id est, ex mundi constitutione (non quod non nouerint; nam nouerant Deum, ut in Epistola ad Romanos dicit; sed quoniam non glorificauerunt



- A** ut Deum, neque sese ei subiecerunt; dicuntur in hoc loco non novisse Deū.) placuit Deo saluos facere credentes per stultitiam prædicationis, id est, per crucis prædicationem. Nam verbum crucis, pereuntibus stultitia est, id est, non credentibus; credentibus verò, est Dei virtus, qua saluantur credentes. *Nos prædicamus Christum crucifixum. Iudæis scandalum, gentibus stultitiam.* Gentes, quibus Prophetæ & lex omninò ignoti erant, putabant Christi prædicatione stultitiâ quâdam esse & meras fabulas: Iudæi verò, qui & de Messia venturo, & de multis aliis pertinentibus ad Christum, ex scriptura edocti erant, in Christo offenderunt. nam ex signis cogebantur credere; & ex malitia & invidia obcæcabantur; & ideo offenderunt. *Ex ipso autem vos estis in Christo Iesu, qui factus est nobis à Deo sapientia, iustitia, sanctificatio, & redemptio: ut sicut scriptum est, qui gloriatur, in domino gloriatur.* ] Supra Apostolus, quod sicut Deus per stultitiâ crucis voluit saluos facere credentes, non per sapientiam; ita etiam elegerat homines ignobiles, indoctos, contemptibiles, & qui tanquam non sint; ut confundat nobiles, doctos & divites. subdit Christianos omnes natos esse ex Deo in Christo Iesu, qui est sapientia, iustitia, sanctificatio, & redemptio nostra, quod ad duo potest referri; scilicet, quoniam ex Christo in nobis influxit sapientia, & iustitia, & sanctitas; nam de plenitudine eius omnes accepimus. subinde potest etiam intelligi, quòd sapientia, & iustitia, & sanctitas, quæ est in Christo, tanquam in capite, attribuitur à Deo nobis; ita ut qui gloriatur, non in se ipso gloriatur, id est, ob virtutes, quibus ipse sit præditus; sed in domino, id est, in Christo, capite suo, cuius virtutes membris imputantur. vel, ob virtutes gloriatur quas accepit de plenitudine Christi, non autem ipse comparavit.
- B**
- C**

## CAPVT 2.

- N**ihil aliud agit Apostolus in capite hoc, quàm ut doceat se eandem regulam sectatum fuisse ( ut scilicet putaret inter eos nihil scire, nisi Iesum crucifixum) quæ stultitiâ haberetur & scandalum. neque eloquẽtia vlla usum fuisse, sed tantum spiritum ostendisse, eiusque virtutem, ac sapientiam absconditam inter perfectos ostendisse, ( Christum scilicet ) quam sapientes huius mundi non nouerant. Nouerunt verò hi qui habent spiritum à Deo.
- D** Nam spiritus Dei scrutatur; itaque hi qui acceperunt spiritum à Deo, possunt etiam ea percipere & scire, quæ à Deo sint nobis donata, quæ animalis homo nequaquam percipit; imò stulticia sunt illi. *Testimonium Christi.* ] Supra expositum est hoc testimoniũ. *Et sermo meus non in persuasibilibus humane sapientiæ verbis, sed in ostensione Spiritus & virtutis.* ] Sermo, quo Corinthiis vltus est Paulus, non ornatus aut comptus fuit, sed accommodatus, ut eis ostenderetur spiritus Dei per Christum & virtutem eius. Nam ministri ac prædicatores verbi tantum ostendunt: Deus autem per fidem Christi, intus operatur & spiritum infundit; & sic fides nostra nititur, non humana auctoritate, sed diuina. *Sapientiam verò, non huius mundi, neque principium huius mundi qui destruuntur.* ] Destruuntur utique huius mundi sapiẽtes: quoniam Deus

stultam fecit eorum sapientiam, qua putarunt se posse ad felicitatem pervenire. *Sed loquimur Dei sapientiam in mysterio, quæ abscondita est, quam prædestinavit Deus ante secula in gloriam nostram.* ] Sapientia hæc Dei de qua loquitur, vel Christus est, qui ante secula prædestinatus est, ut fieret homo in gloriam hominum & naturæ humanæ; vel in gloriam eorum qui eum receperunt. vel per sapientiam Dei, intelligit hoc Dei arcanum consilium, quod ante secula prædestinavit, id est decevit, ut suis temporibus fieret. Hoc Dei consilium nullus principum huius seculi novit. *Si enim cognovissent, nunquā Dominum gloria crucifixissent.* ] Populus Iudæorum non cognovit Christum. Principes & scribæ cognoverunt eum esse Messiam, non tamen esse Deum; quæ cæcitas eis contigit ob eorum superbiam & invidiam. *Quæ & loquimur non in doctis humana sapientia verbis, sed in doctrina spiritus, spiritualibus spiritualia comparantes.* ] Vnaqueque doctrina sua habet verba, suamque orationem ipsi accommodatam. doctrina humana habet verba docta & orationem comptam; doctrina spiritus, cuiusmodi est Christi doctrina, habet orationem incomptam, verba non admodum exquisita; ut tota præ se ferat simplicitatem quandam, quæ à doctis humana sapientia negligatur. vñ et ego sumus, inquit Paulus, spiritualibus spiritualia comparantes; id est, accommodantes rebus spiritualibus spiritualia, & spiritualement orationem, quæ incompta & simplex est; spiritualibus, scilicet, rebus. *Animalis homo non percipit ea quæ sunt spiritus Dei; stulticia siquidem sunt illi. Spiritualis autem &c.* ] Homo animalis non solum is dicitur, qui brutorum vitam agit, voluptatibus mancipatus, sed omnis is, qui non transcendit humanum lumen, & sine spiritu est. Hi in psalmo dicuntur filij hominum. *Spiritualis à nemine iudicatur, & ipse iudicat omnia.* ] Potentia inferior, non ascendit ad ea iudicanda, quæ pertinent ad superiorem; superior vetò & sua & inferiora discernit. *Sicut scriptum est, quis cognovit sensum Domini? aut quis instruxit eum? Nos autem sensum Christi habemus.* ] Necessè est, ut is, qui aliquem intelligit, & ab eo dicta & facta, eundem sensum habeat cum eo, quæ intelligit. Is ergo, qui intelligit facta & dicta à Deo, eundem habet sensum cum Deo; quem cum prius non habuerit, oportet, vel quòd fuerit instructus à Deo, vel Deum ipse instruxerit. instruere Deum nemo potest: oportet ergo ut sit à Deo instructus. Nos, inquit Apostolus, habemus sensum Christi, à Christo instructi: homo verò animalis, non instructus à Christo, sensum Christi non habet, & idèò non potest intelligere.

## CAPVT 3.

**S**U PRA multa dixerat Paulus, quæ pertinent ad reprimendam hominum elationem, qui putant se esse præ aliis sapientes, ostendens hanc sapientiam esse apud Deum stultitiam; sicut econtrà ea quæ habetur ab hominibus stulticia. est apud Deum sapientia; imò Dei sapientia qua usus est ad salutem hominum. Hæc autem omnia eò tendunt, ut reprimat eorum insolentiam, qui auctores fuerunt scismatum Corinthiorum; dum quisque sibi

- A sibi usurpat nomen Magistri & principis suæ sectæ. Hoc autem Paulus oblique facit, ne auctores illos nimis irritaret, ac ad discipulos se conuertit, eò quòd vnus infletur aduersus alterum pro hominibus; quisque scilicet pro suo præceptore: ostenditque Deum solum auctorem esse sui profectus cognoscendum, eique omnia attribuenda, homines autem esse ministros Dei, & dispensatores mysteriorum Dei; & tandem, & ministros hos, & omnia esse sua; id est, à Deo instituta & facta propter eorum vsum & vtilitatem, eos verò esse Christi, Christum verò Dei, vt omnes tandem sint vnum in Deo. *Tanquam paruulis in Christo lac vobis dedi in escam: nondum enim poteratis, sed nec nunc quidem potestis.* ] Innuit hoc in loco Apostolus, nondum eos, qui se magistros faciebant, & auctores erant schismatis, solidiorem escam gustasse in Christo, sed tantum lac, vt paruuli, tamē velle haberi magistros. *Dei adiutores sumus; Dei agricultura esis.* ] Ministri sunt adiutores non quia dant virtutem agentibus, sed vt instrumenta & organa. *Vis sapiens Architectus fundamentum posui, alius autem superædificat. &c.* ] Vt oratio consequens sibi sit, oportet hunc locum potius ad doctrinam referri, quàm ad opera, in hoc enim versatur Paulus, attramen docere, opus quoddam est doctoris, pro quo mercedem habiturus est, vel detrimentum passurus: quod tamen detrimentum, si non destruxerit fundamentum, quod est Christus, sed ædificauerit super fundamentum, non cessurum est in illius perniciem, sed ad operis destructionem. Ex quo fiet, vt ipse sit saluus, sic tamen quasi per ignem. Ex hoc loco piè, & non absque ratione colligitur, proditum fuisse ab Apostolo ignem purgatorium. Verùm fideli (vt inquit Augustinus in libro de cura agenda pro mortuis sufficit Ecclesiæ auctoritas, etiam si nullus esset scripturæ locus de igne purgatorio. *Omnia vestra sunt, siue Paulus siue Cephas siue Apollo, siue mundus siue vita siue mors siue presentia siue futura: omnia enim vestra sunt, Vos autem Christi, Christus autem Dei.*) Cùm finis præstantior sit illis, quæ sunt ad finem; contra naturam est, si quis gloriatur in eo, qui est se inferior, nullus ergo in hominibus præceptoribus, Dei ministris gloriatur: quia nobis seruiunt à Deo dati: sic mundus nobis seruit, seruiunt vita & mors: nam ad vtilitatem nostram cedunt, Sic presentia nobis seruiunt, etiam cùm tribulationes patimur, faciunt enim ad profectum nostrum; sic futura nobis parata sunt, vt in ea vita felices simus. Nos autem Christi sumus, quia illi seruiamus; non autē ob illius vtilitatē, sicuti cætera nostra sunt, sed vt in illo simus, vnum, & vt in nobis glorificetur. Sic etiam Christus est Dei, quia Deus clarificatur in ipso, & per ipsum in nobis. Sicuti dicitur in Euangelio, pater clarifica Filium tuum, vt & filius tuus clarificet te. &c.
- D

## CAPVT 4.

TOTIVS rei ac negocij, de quo instituerat agere Apostolus vsque ab initio, in hoc capite summam manum imponit, inquitque componendo se cum aliis, debere omnes nos existimari non auctores & Dominos, sed ministros & dispensatores mysteriorum. In ministris verò requiritur fidelitas. Is autē fidelis est minister, qui sibi nō usurpat locū Domini. Docet deinde trāstulisse

omnia in se & Apostolo, ne videretur acrius illos incessere, & de se altius sentire. Ironia quadam deinceps vitur, ac se doctoribus illis Corinthiorum confert: postremò dicit se eorum charitate motum, mittere Timotheum discipulum charissimum, Corinthum. *Mihi autem pro minimo est, ut à vobis iudicer, aut ab humano die. Sed neq; me ipsum iudico; nihil enim mihi conscius sum, sed non in hoc iustificatus sum: qui autem me iudicat Dominus est.*] Sententia lata à non iudice, nihil est facienda. Cùm ergo solus Deus sit noster iudex, aliorum hominum de nobis iudicium & condemnatio; nostræ quoque ipsius conscientie absolutio, minimi facienda est. quandoquidem ad solum Deum iudicium de nobis pertineat. appellat humanum diem, homines illustres, qui inter alios splendent ut dies quidam. *Quis enim te discernit? quid habes quod non accepisti?*] Discernuntur illi à populo, qui constituuntur aliorum doctores & præceptores. Hos autem Deus constituit, nili ipsi sibi honorem assumant. quamobrem ea de causa, non debent quicquam sibi arrogare & insollescere: *Tanquam purgamenta huius mundi facti sumus omnium peripsa.*] Purgamenta ea dicuntur, in quibus sordes colliguntur: similiter peripsa, lineum est, quo corpus abstergimus; significans Apostolus in se & labores, & maledicta, & iniurias omnes confluisse tanquam ad sentinam & purgamenta. *Si decem millia pedagogorū habeatis in Christo; sed non multos patres: nam per Euangelium ego vos genui.*] Innuit hic se meritò præferri debere à Corinthiis omnibus aliis eorum doctoribus; cùm ipse sit veluti pater, illi vero tanquam pedagogi. ob eandem etiam causam innuit, & maiorem sibi eorum curam deberi, quàm aliis. quamobrem dicit se eis missurum Timotheum. *Quid vultis, in virga veniam ad vos, an in charitate, & spiritu lenitatis?*] Hoc accommodatum est potius his quæ dicturus est, quàm his quæ supra dixerat. Nam nimius videretur Apostolus contra Doctores illos, iccirco melius annectitur illis, quæ infra dicturus est de eo, qui duxerat, seu habebat uxore patris.

## CAPVT 5.

**R**EM aliam Apostolus aggreditur, & summa per se nota est. Nam acriter reprehendit & incusat Corinthium illum, qui habebat uxorem patris sui; nouercam inquam; eumque tradit Sathanæ, in interitum carnis, ut spiritus saluus fiat. nam excommunicatio est pœna medicinalis. demum docet exercendam esse excommunicationem & iudicium contra fideles, & eos qui sunt in Ecclesia; non cōtra infideles, qui ad nos nō pertinet. *Sis, qui pater nominatur inter vos sit fornicator aut auarus.*] Notandum quòd in Græco codice deest particula, sit; & ideo intelligitur verbum, nominatur, adaptari his quæ sequuntur. quamobrem bene adducitur hic textus, ad probandum conuersionem cum excommunicatis non prohiberi, nisi fuerint pronuntiati excommunicati. *Scripti vobis in Epistola, nō commiseri fornicariis, &c.*] Vel aliā, vel hanc eandem Epistolam innuit, in qua hoc scribit; ut sit quidam Hebraismus. ecce prius excomunicat fornicarium, deinde docet, cū fornicariis, &c.

non

**A** non esse conuerſandum; fornicariis inquam fratribus & nominatis fornicariis &c. id eſt, publicatis & pronunciatis.

## CAPVT 6.

**I**N duobus taxat Corinthios Apoſtolus in hoc capite. primũ quod iudicia inter fratres exercebatur ſub iudicibus infidelibus; deinde quod dabant operam ventri, ſub prætextu libertatis & licentiæ, quod non ſubiiciebantur legibus ciborum & ventri. Hæc ſumma eſt. *Secularia igitur iudicia ſi habueritis, contemptibiles qui ſunt in Eccleſia, illos conſtituiſe ad iudicandum, ad verecundiam veſtram dico. &c.* ] Appellat contemptibiles in Eccleſia per ironiam: quoniam illi qui ſub infidelibus litigabant, dicebant imperitos Chriſtianos eſſe, ac præterea minus idoneos iudices. *Omnia mihi licent, ſed non omnia expediunt. omnia mihi licent, ſed ego ſub nullius redigar poteſtate. eſca ventri, & venter eſcis. Deus autem hunc & hanc deſtruet.* ] Quoniam ab obſeruantia ciborum in libertatem Chriſtiani vocati erant, quidam dabant ſe crapulæ. ob hanc libertatem dicit Apoſtolus, non debere nos ea omnia agere quæ licent, nulla habita ratione eius quod expedit; ſed quæ expediunt eligenda & facienda. Nec propterea quod quippiam licet, debemus nos in ſeruitutem tradere cupiditati, quæ cupiditatem appellat ventrem, quæ addiſta eſt & famulatur cibis. Hæc inquit ſimul cum cibis, id eſt ſuperfluis, inquæ Deus deſtruet; quia vlcifcetur & punit. Vel dicit eſſe deſtruendam ſimul cum cibis poſt reſurrectionem corporum.

**C** Modus loquendi eſt, quo vti ſolemus cum actionem, ſeu affectum aliquem volumus improbare; vt ſimul quoque faciamus mentionem obiecti illius affectus ſeu actionis. *Omne peccatum quodcumque fecerit homo, extra corpus eſt: qui autem fornicatur, in corpus ſuum peccat.* ] Simplex, vt reor, intelligentia; quoniã in fornicatione immunditiam quandam contrahit corpus, quod non contingit in aliis peccatis, vnde in lege veteri mundos legimus à mulieribus: hinc quæ ſermone eſt omnium gentium conſenſus.

## CAPVT 7.

**F**ACILIS eſt ſumma totius huius capituli. Nam ob incontinentiæ periculum conſilium dat vt vnusquisque habeat propriam vxorem, & vnaquæque habeat proprium virum: Si quis, aut ſi qua verò habuerit virginittatis donum, ſummopere laudat, quod virgo ſeu innupta perfeueret. & allicit homines ad virginittatem ex commodo. Nam præſentis vitæ neceſſitas, maritis & vxoribus multa adfert incommoda. Vxorem non debere à viro ſeparari dicit eſſe præceptum Domini. Ipſe deinde conſilium dat fidei, qui copulatus ſit infideli, ne ab ea diſcedat: ac tandem ſuadet vnicuique in ea manere vocatione, in qua vocatus eſt. Sic ſeruis & liberis ſuadet manere in ſua vocatione. poſtmodum ob breuitatem huius vitæ aſſerit pro nihilo habenda eſſe ea omnia quæ habemus. & exiſtimare nos debemus, tanquam nihil eorum habeamus. repetit nonnulla, quæ dixerat de virginibus & nuptis, ac ita deſinit. *Quod ſi diſceſſeris, manere innuptam, aut viro reconciliari.* ] Auguſtinus, de adulterinis connubiis ad Pollentium, ex hoc loco deducit, quod

etiam dimissa ob fornicationem à viro, non potest alteri nubere, neque vir aliam ducere. *In pace autem vocauit vos Dominus &c.* ] Nam si, cum primum vir aut mulier facta esset Christiana, fieret diuortium matrimonij, multæ discordiæ orituræ fuissent: ideo cùm Dominus vocauerit nos in pace, illud consilium dat Apostolus. *Qui enim in Domino vocatus est seruus, libertus est Domini. Similiter qui liber vocatus est, seruus est Christi. pretio enim empti estis, nolite fieri serui hominum.* ] Antithetis quibusdam orationem ornat: simulque docet Christianam libertatem & seruitutem. Nam qui vocatus est seruus existēs, parere domino nō debet in his quæ sunt impietatis & vitiositatis: nā ab ea seruitute liberat⁹ est à Christo. iccirco Apostolus dicit, eū esse libertū Domini. Ecotrā is, qui liber vocatus est, empe⁹ à Christo factus est seruus Christi, sicuti seru⁹ iustitiæ. Idcirco cōcludit, nolite fieri serui hominū, ea parte scilicet, qua estis liberati à peccato, & facti serui iustitiæ, id est, Christi.

## CAPVT 8.

**I**NTER Corinthios Christi nomen professos, quidam erant, qui priores cæteris sibi videbantur. hi non abstinebant ab esu victimarum, quæ fuerāt immolatæ idolis; dicentes, & rectè, idolum nihil esse, quatenus, scilicet, idolum est: ideoque victimas illas non infici, propterea quod essent immolatæ idolis. Hos peritiores infirmi quidam & imperiti videntes non abstinete ab esu talium victimarum, putabant eos peritiores adhuc venerari idola; & ideo scandalizabantur. Hos arguit Apostolus inquiens scientiam absque charitate inflare, sed charitatem ædificare: docetque abstinendum esse ab his, G quibus frater scandalizatur, etiamsi nobis his vti liceat. ac concludit se non comesturum nedum victimas idolorum, sed nec etiam vllam carnem in æternum; ne proximum & fratrem scandalizet. *De his quæ idolis sacrificantur, scimus quia omnes scientiam habemus. Scientia inflat, charitas ædificat.* ] Apostolus se interferit illis peritioribus; dicens se cum illis scire, quod bene intelligant victimas illas non esse infectas. sed innuit se ab illis differre, quod sciat scientiam inflare sine charitate, charitatem verò ædificare, scilicet & eum qui charitatem habet, & eius proximos. *Si quis autem putat se scire aliquid, nondum cognoscit quemadmodum oporteat scire. si quis autem diligit Deum, cognitus est à Deo.* ] Duobus modis primum, quod dicit, exponi potest: vel scilicet, vt arguat imbecillitatem scientiæ nostræ, vt sit sensus, ille qui putat se quippiam scire, nondum nouit quid sit scire, nam clara certa & stabilis cognitio rei, & eius principiorum, scientia est; quam hic non habemus, præsertim rerum diuinarum. Ignorat ergo quid sit scire, & quomodo oporteat scire, ille qui putat se aliquid scire. Vel referendum est hoc, quod dicit, non ad scientiam, sed ad modum, quo vti debemus nostra scientia: quoniam ad ædificationem proximi ea est vtendum. Ideò inquit, nondum scit quemadmodum oporteat scire. Sequitur: qui autem diligit Deū hic cognitus est à Deo. Meo iudicio, cognitus, hic nō significat approbat⁹ & dilectus, sed significat figura quadā dicēdi Hebraica, in cognitionē adductus; id est est is qui charitatē habet & Deū diligit, docetur à Deo, quomodo oporteat scire; id est quomodo oporteat

- A** oporteat nos vti sciētia nostra, quia scilicet ad proximi ædificationem. *Idolum nihil est in mundo.*] Quoniam Idolum figmentum est hominum; vel quia simulachrum est rei nullius, sed cōfictæ ab hominibus: vel etiam quòd numen illud quod ei ab hominibus tribuitur, nihil est, sed merum figmentum. Vnde etiam alibi Idolum appellatur in scriptura mendacium. *Nullus est Deus nisi vnus. Nam & si sunt qui dicantur Dij, siquidem sunt dij multi, & domini multi; nobis tamen vnus est Deus pater, ex quo omnia, & nos in illo: & vnus Dominus Iesus Christus, per quem omnia & nos per illum: sed non in omnibus est scientia.*] Deus non potest esse nisi vnus: opinio tamen hominum confinxit Deos multos, & dominos multos; sed Christianis vn' est Deus pater, ex quo omnia vt dicit Augustinus & Hilarius. Vnitas est in patre, & Trinitas vna est propter patrem. Iccirco de patre mentionē facit, ex quo est omnis creatura per creationem; non excludendo filium & sanctum spiritum: sed & Filius & Spiritus sanctus est à patre per originem; & à patre habent, quo d sunt, principium creaturæ. ideo ex patre sunt omnia, & nos in illo. Deus non tantum est efficiens omnium causa, ex qua sunt omnia, sed etiam est causa finalis omnium. ideo subdit Apostolus, & nos in illo: Christus verò est verbum Dei, & eius ars, per quam facta sunt omnia, & nos sumus instaurati & reformati. Hæc est veritas, & Christianis notissima; non tamen omnes idiotæ hanc scientiam firmam habent. *Esca nos non commendat Deo, neque enim si manducauerimus, abundabimus: neque si non manducauerimus, deficiemus.*] Ostendit Apostolus ab indifferentibus omnino abstinentum esse, ob vitandum scandalum proximi. *Ædificabitur ad manducandum idolothyta.*] Hoc pacto ædificabitur, quia putabit in idolo numen esse: & ideo cum veneratione eius numinis idolothyta manducabit; & sic labetur in idolatriam. *Peccantes in fratres, & percutientes eorum conscientiam peccatis in Christum.*] Nam fratres sunt membra Christi; vnusque est Christus cum Ecclesia. ideo qui in fratres peccat, peccat in Christum, sic in Euangelio, quod vni ex istis minimis fecistis, mihi fecistis.
- C**

## CAPVT 9.

- D** LONGAM digressionem Apostolus facit, vt id quod dixerat, communiati sui exemplo; abstinentum scilicet, etiam esse ab his quæ licent, ne scandalizetur proximus; aut etiam, vt magis ædificetur. Habebat potestatem Apostolus, officij sui ratione, & victum petere ab his quibus Euangelium prædicabat; & sororem mulierem circumducendi, quæ ei inseruiret, vt alij Apostoli: abstinebat tamen ab omni huius potestatis vsu, propter Euangelium; id est, vt omnes magis ædificarentur, ac facilius allicerentur ad Euangelium. imò subdit sese omnibus accommodasse, vt omnes lucrificeret. Hæc summa est. *Et si alius non sum Apostolus, vobis sum. nam signaculum Apostolatus mei vos estis in Domino.*] Supra dixerat se genuisse Corinthios in Euangelio, seque esse eorum patrem, alios verò prædagogos. idem



nunc repetit; dicitque, quamuis aliis non esset Apostolus, esse tamen se E  
 Apostolum Corinthiis, quos genuerat in Euangelio; & illos esse signacu-  
 lum sui Apostolatus. translatione utitur: Nam sicuti priuilegium munitur si-  
 gnaculo Principis: ita actio & potestas causæ, ex effectu dignoscitur. Cum  
 ergo Apostolus genuisset in Euangelio Corinthios, Corinthij utique erant  
 veluti signaculum sui Apostolatus. *Mea defensio apud eos qui me interrogant,  
 hæc est, &c.* ] Defensionem hic dicit responsonem, ad eos, scilicet, qui ab  
 illo inquirebant rationem vitæ quam agebat. *Nunquid de bobus cura est Deo?  
 an propter nos utique dicit?* ] Deus vniuersorum prouidentiam habet, prout  
 eorum naturæ competit. in scriptura tamen edenda, tantum hominum cu-  
 ram habuit & prouidentiam; non bouum & brutorum animalium, ad quæ scri- F  
 pturam non instituit. *Nam etsi euangelizauero, non est mihi gloria. Necessitas  
 enim mihi incumbit. Væ enim mihi est, si non euangelizauero. Si enim volens hoc ago,  
 mercedem habeo: Si autem inuitus, dispensatio mihi credita est. Quæ est ergo merces  
 mea? ut Euangelium prædicans sine sumptu ponam Euangelium Christi: ut nõ ab-  
 utar potestate mea in Euangelio.* ] Sententia clara est. Nam inquit, cum sibi  
 mandatum à Domino fuerit, ut Euangelium prædicet; necessario sibi esse  
 hoc munus obeundum; nec ob hoc, quod mandato Dei, obediat, vllam sibi  
 gloriam vllamue ampliorem mercedem aliis deberi; sed si hoc faciat sine  
 sumptu & impensa eorum, quibus prædicat, quod non cogitur ex mandato  
 Christi præstare; ex hoc sibi gloriam & præ aliis mercedem deberi. ideoque  
 semper se eam regulam seruaturum. Verba nonnulla difficilia; vt si volens G  
 fecero, si autem inuitus: quæ debent accipi in hunc sensum, vt volens dicatur  
 ea facere, quæ hilari & prompto animo, non tantum ex mandato & debito,  
 sed etiam ex charitate Dei & proximi: Inuitus verò, cum tantum ex manda-  
 to & debito quasi coactus agat. quod etiam addit, ut non abutar potestate  
 mea in Euangelio: notandum quod apud Apostolum, etiam is, qui seruat  
 mandatum, si non dirigat actionem suam ad charitatem proximi, ita quod  
 non vitat scandalum, & omne illud quod impedit profectum, dicitur pote-  
 state abuti. *His qui sub lege sunt, quasi essem sub lege &c. his qui sine lege erant,  
 tanquam essem sine lege: cum sine lege non essem, sed in lege essem Christi.* ] Hoc in  
 loco Apostolus, qui sui exemplum aliis proponebat, pergit ostendere, quan- H  
 toperè omnes suas actiones dirigebat ad charitatē proximi, & ad cuiusque  
 profectum & ædificationem. ac propterea inquit sese accommodasse ludæis,  
 seruando eorum ceremonias, quæ nondum factæ erant mortifieræ,  
 vt eos lucrificeret & inuitaret ad Christum: sic sese accommodasse gentili-  
 bus seruando eorum consuetudines non improbas, ac si sub nulla lege esset,  
 vt gentiles lucrificeret. Per parenthesim autem interponit, se tamen esse  
 sub lege Dei & Christi, quod positum est ad remouendam obiectionem &  
 calumniam: ne scilicet ex his verbis aliquis obiiceret Apostolum esse exle-  
 gem: sicuti hi, qui putant mundum à casu gubernari, & nullum esse Deum, ideo per  
 parenthesim ea verba interponit. Dicit etiā se factum fuisse infirmatum cum infir-  
 mis, his scilicet, de quib⁹ mentionē fecit in Epist. ad Romanos, & paulò supra;  
 qui,

**A** qui, scilicet, adhuc detinebantur obseruantis legalibus. *Omnia autem facio propter Euangelium, ut particeps eius efficiar.*] Cupit fieri Apostolus particeps Euangelij, non vt doceatur ipse ab aliis, sed vt alios doceat, & participes efficiat Euangelij. hebraïsmus enim est. vel cupit fieri particeps præmij promissi in Euangelio; ad quem sensum quæ subdit videtur posse rectè accommodari.

## CAPVT IO.

**P**ROSEQUITVR Apostolus id, quod cœperat; ac inquit, non sufficit induisse Christum, & baptizatum esse; verum oportet in vita benè agere, & legitimè pugnare, nec ubi offendere. Nam & patres nostri omnes fuerunt sub nube & in mari; ac sub Moyse baptizati. nihilominus plerique eorum omnes non fuerunt Deo accepti, sed perierunt in deserto. Eorum autem actiones & euentus, figuræ quædam fuerunt rerum nostrarum, & nostri, in quos fines sæculorum deueniunt. Paulatim postmodum Apostolus redit vnde fuerat digressus, ac inquit, omnia fieri debet à nobis in ædificationem, & vitanda esse scādala. Prosequitur deinde de esu victimarum idolorum, ac primò, vt reor ego, increpat christianos, qui comedebant in idolio idolothyta, atque illos fieri participes dæmoniorum; quoniam edunt in idolio ea, quæ sunt dæmoniis immolata. Deinde instruit eos, qui non comedebant in idolio, sed vel eas emebant in macello, vel inuitari à gentilibus eas carnes comedebant; vt in textu patet. Postremo in calce, quasi aliud agens, conuertit se ad eos, qui scandalizabantur, cum videbant christianos doctos comedere idolothyta, ostendens eos scandalizari non debere, eò quod proximus ea edat, gratias tamen agat Deo; cuius ea animalia factura sunt, creata in vsum hominis. Hæc est summa. *Omnes sub Moyse in nube baptizati sunt & in mari.*] Plura baptismatum genera connumerat Damascenus in quarto libro: inter quæ etiam hæc: quæ non verum baptisma sunt, sed veri baptismatis figuræ. *Non potestis fieri participes calicis domini, & calicis demoniorum.*] Pars hæc ad eos pertinet, qui recumbebant in idolio, ac fiebant participes eorum sacrorum. *An dominum æmulamur? an fortiores illo sumus?*] Sæpè in psalmis dicit David, eos qui ex Iudæis seruiunt idolis, prouocare dominum ad æmulationem & ad zelum, constituentes illi veluti riuales alios Deos. fortiorem is videtur se facere Deo, qui Deum negligit, eumque offendere non vetetur. *Omne quod in macello venit, māducate.*] Hic alia pars incipit, in qua admonet eos qui vescabantur idolothytis, vel domi suæ, vel apud gentiles, à quibus inuitabantur ad prandium seu cœnam. *Vt quidem libertas mea indicatur à conscientia aliena.*] In hac postrema parte callidè & argutè vertit se ad eos reprehendendos, qui infirmi erant, & scandalizabantur de esu idolothytorum.

## CAPVT II.

**H**VIUS capitis principium est annexum præcedentibus. Christus se omnibus accommodauit, sicuti in Epistola ad Romanos inquit Apostolus, quem imitari se dicit. Iure ergo hortatur Corinthios vt imitentur se. Laudat

deinde quod meminissent ipsius traditionum; quas saltem nonnulli eorum meminerant & seruabant. Præcipit postmodum mulieribus, ut orent, & prophetent velato capite. Demum eos reprehendit, quod non conuenirent ad ecclesiam domini, ut par est & decet. Hæc summa. *Caput mulieris vir; caput viri Christus; caput Christi Deus.* Caput, principium est, & id, à quo ea, quorum est caput diriguntur. Hic ergo est verus & rectus ordo, ut vir, dirigat mulierem; virum Christus; Christum Deus. Idcirco, cum vir non habeat supra se terrenam potestatem, ut liber, non debet caput velare. Econtrà mulier, cum sit sub viri potestate, debet velare caput in signum subiectionis. Multa Augustinus in 12. de Trinitate. *Vir imago & gloria Dei.* Non propterea hoc dicitur, quod mulier non sit etiam ipsa secundum mentem facta ad imaginem Dei, in qua non differunt vir & mulier. Sed quoniam, sicuti Deus est principium & finis totius creaturæ; ita vir est principium mulieris, ex quo facta est mulier; & est etiam finis, quia propter virum facta est mulier, non propter mulierem vir.

## CAPVT 12.

Cum Apostolus in initio Epistolæ arguisset Corinthios ob schismata, quæ erant inter eos, ob æmulationem præceptorum & doctorum; ac postea quædam alia in eis respondisset, ac benignè eos admonuisset: in hoc capite iterum admonet eos, ut caueant zelum & æmulationem, qua laborabant ob dona spiritus sancti. Vnusquisque etenim donum sibi datum aliis præferbat. Hoc Apostolus arguit, docens omnia dona necessaria esse ad perfectionem corporis huius mystici, quod est Ecclesia: idque mirifice probat ex comparatione humani corporis, seu cuiusvis animalis. Verum, quoniam tota christiani hominis perfectio consistit in fide & charitate, in exordio huius capituli ostendit differentiam inter christianum habentem spiritum sanctum, & eum qui spiritum sanctum non habet; ex confessione scilicet diuinitatis Christi. Confessio etenim est posterior actus fidei, prior verò credere: ut in Epistola ad Romanos, in sequenti verò capitulo aget de charitate. *Diuisiones gratiarum sunt, idem autem spiritus diuisiones ministrationum sunt, idem autem dominus: diuisiones operationum sunt, idem autem Deus, qui operatur omnia in omnibus.* Aptè singula singulis accommodauit Apostolus. Nam cum primum donum Dei sit spiritus; reliqua dona & gratiæ à spiritu pendent. Ministri, & ministrationes ad dominum referuntur: operationes verò ad primam omnium causam, quæ operatur in omnibus. vsque modo pater meus operatur & ego operor, apud Ioannem. Vnus tamen atque idem Deus est, dominus & spiritus, sed distinctio hæc est secundum rationem & effectus diuersos. *Alij sermo sapientiæ, alij sermo scientiæ seu cognitionis, alij fides in eodem spiritu, alij gratia sanitarum, alij operatio virtutum.* Quoniam sancti Doctores, & sanctus Thomas in prima secundæ, de gratiis gratis daris, has gratias optimè distinguunt, vnum tantum admonebo, quod sanctus Thomas notat: per fidem hoc loco intelligi, non illam, qua quis efficitur christianus; sed certiorē quandam & clariorem euidentiā. Item gratiam virtutum differre à gratia sanitarum; quod sanita-

- A sanitates & curationes sint ex miraculis, quæ sũt ad hominis vtilitatem: virtutes verò miracula sũt circa res naturales alias ab homine. *Omnia corporis membra cũ sint multa, unum tamen corpus sunt: ita est Christus.*] Notandum, quòd Ecclesiam totam, & hoc corporis mysterium appellat nomine Christi. idem etenim corpus est caput cum membris. *Sed multò magis quæ putantur membra corporis infirmiora esse, necessariora sunt: & quæ ignobiliora putamus, abundantiorẽ his honorem circumdamus.*] Notandum hoc loco, quòd Apostolus tacitè arguit illos, quibus videbantur datæ gratiæ potiores; ne scilicet, ob eam causam se extolleret & aliis præferrent: imò putarent se membra esse infirmiora & ignobiliora; & ideo maiorem sibi honorem tribui. *Amulami- ni charismata meliora, & adhuc excellentiorẽ vobis viam demonstro.*] Statuit primò de quo postèrius aget, præferens donum prophetiæ & interpretationis, dono linguarũ; & cõcludit id, in quo est summa omniũ donorum, charitatẽ.
- B

## CAPVT 13.

- I N toto hoc capite, vt patet legenti, nihil aliud agit Apostolus, quàm vt extollat charitatẽ. Nam, sicuti suprà diximus, christiani hominis vita fide cõstat & charitate: sed per fidem venit ad charitatem, per quam spiritus sanctus habitat in nobis. *Si habuerio omnem fidem ita vt montes transferam.*] Fidem hoc loco quidam interpretantur, gratiam miraculorum, ad fidei confirmationem. *Charitas non amulatur, non agit perperam.*] Perperam agit, qui inconsideratè agit, nullòque sibi fine constituto. Charitas verò semper in Deum tendit, tanquam in finem, propter quem agit omnia; & ideo non agit perperam. *Nunc cognosco ex parte, tunc cognoscã, sicuti & cognitus sum.*] Similitudo hæc non est omnimoda: nam Deus perfectius nos cognoscit, ac comprehendit, quàm nos simus Deum cognituri. Sed in eo similitudo est, quod sicuti cogniti sumus abque vllò medio à Deo, ita Deũ sine medio cognoscemus.
- C

## CAPVT 14.

- I N hoc capite Apostolus, cũ declarasset viro christiano potissimum incumbendum esse charitati, in qua omnis rei summa consisteret, accedit ad gratias datas gratis, ad Ecclesiæ ædificationem. Et quoniam Corinthij magni faciebant donum linguarum, ipse præfert donum prophetiæ & interpretationis, dono linguarum; idque multis argumentis conatur ostendere. Prophetiæ donum hic dicitur, quo atcanus & mysticus sensus scripturæ intelligitur, & exponitur Ecclesiæ interpretationis donum refertur ad sensum literæ. *Qui loquitur lingua semetipsum ædificat: qui autem prophetat, Ecclesiam Dei ædificat.*] Is qui lingua loquitur, vel intelligit quid dicat, vel non intelligit. si intelligit, nec tamen habet donum interpretandi; quia fortasse ineptus est, nec scit explicandi rationem, & ideo non interpretatur; seipsum vtique ædificat, non Ecclesiam, quæ non intelligit quæ dicit ille. Si non intelligit, seipsum etiam ædificat ex deuotione & motu interiori spiritus; sciens se laudare Deũ & orare, quamuis non intelligat in particulari quid oret, & quas laudes pro-
- D

ferat. Sic in Epistola ad Romanos, nescimus quid oremus, sed spiritus interpellat pro nobis gemitibus inenarrabilibus. *Quid vobis prodero, nisi loquar vobis, aut in reuelatione, aut in scientia, aut in prophetia, aut in doctrina* ] Satis difficile est quatuor hæc distinguere. Reuelatio est à Deo. scientia eorum quæ antea sciebamus, nec noua reuelatione nobis innotescunt. prophetia est sensus mystici. doctrina, vt reor, est, cum quis non interpretatur aliena, sed ex suo proferit; & docet, ea præsertim, vt puto, quæ pertinent ad mores. *Si orẽ lingua, spiritus meus orat, mens autẽ sine fructu est.* ] Hic vtique de his loquitur Apostolus, qui non intelligunt id, quod pronunciant: nam à spiritu impelluntur, vt orent, cum tamen speciatim non intelligant quid dicant. mens vacat fructu; quia non intendit in ea, quæ proferuntur, cum non intelligat. Neque etiam potest ea exponere Ecclesiæ; & ideo etiam fructu vacat, in aliis scilicet, id est, in Ecclesia, quam non ædificat. *Fratres nolite pueri effici sensibus, sed malitia paruuli estote.* ] Is puer est sensibus, qui nõ intelligit quæ pronũciat, vt pueri solent. *Itaque lingue in signũ sunt, nõ fidelibus, sed infidelibus: Prophetiæ autẽ, non infidelibus sed fidelibus.* Si ergo cõueniat Ecclesia tota in vnũ, & omnes linguis loquantur, intrent autem idiotæ aut infideles, nonne dicet quod insanitis? Si autem omnes prophetent, intret autem quis infidelis vel idiota, conuincitur ab omnibus, diiudicatur ab omnibus. ] Videtur Apostolus sibi ipsi in paucis his verbis contradicere. nam cum primũ dixisset linguas esse in signum non fidelibus, sed infidelibus; postea dicit, quod si introierit infidelis, & audiat vos loquentes linguis, vti- que dicit quod insanitis. idẽ locus prior exponendus est, vt, per signum, intelligat signum perditionis & condemnationis infidelis obstinati, quẽ Deus non putat dignum, vt audiat sermonis sui interpretationem. postmodum autem loquitur de infideli non pertinaci, sed qui futurus sit fidelis per verbum Dei intellectum: idẽ subdit, quod occulta cordis eius manifesta fiunt, & ita cadens in faciem adorabit Deum, dicens, quod Deus in nobis est. Occulta cordis, vt reor, appellat Apostolus, occultos stimulos cordis immisos à Deo, qui per verbum excitantur & foras procedunt. *An à vobis processit sermo Dei? aut in vos solos peruenit?* ] Auctores cuiuspiam rei maiorem fidem merentur, quàm alij qui eos sunt secuti. illi etiam apud quos solos est res quæpiam maioris sunt auctoritatis: quibus alij cedere debeant. *Siquis autem ignorat, ignoret, aut ignoretur.* ] Is dicitur ignorare ab Apostolo, qui in sua ignorantia est pertinax. talis ergo, quoniã ita vult, ignoret, id est, perseueret in sua illa ignorantia: aut ignoretur, id est, à nobis habendus est vt ignotus & alienus.

## CAPVT 15.

**H**VIUS capituli argumentum facile est, & in promptu. Nam Apostolus agit de mortuorum resurrectione. Etenim nonnulli pseudoapostoli, conati erant persuadere Corinthiis, falsam esse mortuorum resurrectionem. Hos acriter arguit Apostolus, inquires; cum eadem sit ratio capitis & corporis, si hi, qui pertinent ad corpus Christi, non resurgunt, neque Christus resurrexit: quod si Christus nõ resurrexit, destructa est prædicatio fidei in Christum.

- A**stum. Nam & falsa testati sumus nos, qui prædicauimus Christum resurrexisse. deinde spes nostra omnino inanis est. Etenim in hac vita mortali additi sumus variis tribulationibus & angustis; si post hanc vitam nihil speramus, miseri magis sumus, quàm quipiam alij homines. Postea multa disserit de resurrectione; quæ patebunt clariùs infra. *Notum vobis facio Euangelium, &c. quia ratione prædicauerim vobis si tenetis: nisi frustra credidistis.* In principio inquit, & velle illis in memoriam reuocare Euangelium quod prædicauerat. deinde vt eos faceret attentiores, summis effert laudibus hoc Euangelium; dicens, quod in illo stant; ne scilicet cadant, &, per quod saluantur. subdit postmodum, si tenetis qua ratione prædicauerim vobis; ac si diceret, nisi obliti penitus estis, nam longiore præceptore indigeretis. addit deinde, nisi frustra credidistis: hoc ad duo potest referri; ad obliuionem, scilicet Euangelij: nam frustra eo prædicante credidissent, si postmodum obliti essent: vel ad resurrectionem mortuorum, quam pseudoapostoli dicebant non esse. Nam si ita esset, vt infra dicet, inanis est fides nostra; quia ex ea nihil nobis est sperandum. *Tradidi enim vobis quod & accepi.* Vt reor dicit Apostolus se accepisse, non quidem ab aliquo homine, sed à Deo, & per reuelationem Dei. *Si autem Christus prædicatur, quod resurrexerit à mortuis, quomodo quidam dicunt in vobis, quoniam resurrectio mortuorum non est?* Vt in præfatione diximus, eadem est ratio capitis & corporis. *Quod si Christus non resurrexit, vana est fides vestra: adhuc estis in peccatis.* Mors intrauit in mundum per peccatum, vt in Epistola ad Romanos inquit Apostolus; ex quo arguit peccatum peruenisse ad omnes: quia mors peruenit ad omnes. Sic econtra hic argumentatur: si resurrectio mortuorum non est, & Christus non resurrexit: ergo non destruxit mortem. quod si mortem non destruxit; neque destruxit peccatum. Sumus ergo adhuc in peccatis; & qui in Christo sunt mortui, perierunt. *Vnusquisque in suo ordine. Primitiæ Christus;* deinde *hi qui sunt Christi,* qui in aduentum eius sperauerunt. deinde *finis,* cum tradiderit regnum Deo & patri: cum euacuauerit omnem principatum, & potestatem & virtutem. *Oportet enim illum regnare, donec ponat omnes inimicos sub pedibus eius. Nouissimè autem inimica destruetur mors.* Exponit Apostolus ordinem, quo genus humanum, hi, scilicet, qui pertinent ad Christum, peruenturi sint ad vitam, destructa morte. Primum inquit, vita ad Christum pertinet; qui vita est, vt verbum Dei, vt homo plenus gratia, nulli peccato obnoxius: deinde primus etiam resurrexit ad vitam omninò immortalem. Deinde viuificatio hæc contigit, & continget his, qui sunt Christi; qui prius incipiunt viuere in Christo, vita animæ & spiritus viuificati per ipsum; deinde resurgent ad veram corporis immortalitatem, vt Christus. Sed de hac resurrectione speciatim in postremis verbis mentionem facit. Interponit autem, postea finis cum tradiderit regnum Deo & patri: quoniam resurrectio corporum futura est in fine seculi, & omnium simul. ideò antequam expresse de hac resurrectione dicat; inquit, futurum esse finem huius scilicet mutabilis seculi, & finem omnium: quia omnes peruenient ad finem; neque dirigentur & regentur amplius. ad finem etenim adipiscendum, directio fit; &
- B**
- C**
- D**

hoc innuit, cum dicit. Oportet illum regnare, &c. Et quod euacuabitur omnis potestas & principatus. Postmodum descendit ad corporum resurrectionem, & ad omnimodam mortis destructionem. Cum autem illi subiecta fuerint omnia, tunc & ipse filius subiectus erit illi, qui subiecit illi omnia: ut sit Deus omnia in omnibus. Filius, ut Deus est, quamvis sit de patre tãquam de principio; non tamen subiectus est patri: imò in omnibus est æqualis patri. Ut autem homo est, statim à sua cõceptione subiectus fuit patri & Deo. Idèò hic Filius accipitur, pro Christo cum eius corpore, quod nos sumus. Nam tunc totum corpus Christi erit omninò Deo subiectum; neque indigebit interpellatore & mediatore, cuius iusticia fulcimur, ut apud Deum iustificetur. Sed tunc Deus erit omnia in omnibus, ita sanctus Augustinus in primo de Trinitate. *Alioqui quid facient, qui baptizantur pro mortuis, si mortui non resurgunt? ut quid & pro illis baptizantur?* Quidam putant Apostolum argumentari ex quorundam more, qui baptizabantur pro mortuis hominibus. Sed mihi non satis probabile videtur, quod Apostolus sumpserit argumentum ex auctoritate illorum, qui errabant in ea ratione & modo baptismatis. Idèò melius est, ut intelligamus mortua peccata, quæ alibi appellat opera mortua: ut argumentum nitatur eo fundamento, quod, scilicet, mors & peccatum sese cõsequantur. Frustra enim pro peccatis, id est, ad ea abluenda baptizantur, si mortui nò resurgunt: nam non mundantur baptismate à peccatis. *Quotidie morior propter vestram gloriam, fratres, quam habeo in Christo Iesu.* Gloria Apostoli erat conuersio Corinthiorum ad Christum, tãquam de illis optimè meritis esset. Hæc utique gloria nulla esset, & omnis eius labor inanis, si mortui nò resurgunt. *Ignorantiam Dei quidam habet, ad reuerentiã vobis loquor.* Paulò actius & asperius increpat eos Apostolus, ut magis respicerent. Dicit itaque eos habere ignorantiam Dei, id est, ignorare quæ Dei sunt, & hoc asserit se dicere ad eorum reuerentiam, id est, ut reuerentur & compescantur. Sæpè in psalmis inuenimus nomen hoc reuerentiã, & reuerentur, in hac significatione poni. *Factus est primus Adam in animam viventem, nouissimus Adam in spiritum viuificantem.* Anima vivens, est ea quæ dat vitam mortalem corpori; qua, scilicet, corpus nutritur, augetur, sentit, &c. talis fuit vita primi Adam. In Christo verò nouissimo Adam est spiritus viuificans; qui, scilicet, dat vitam animæ, & in se animam transformat, & per animam, subiectum corpus. *Hoc autem dico, fratres, quod caro & sanguis regnum Dei possidere non possunt; neque corruptio incorruptionem.* Sensus est, quod fieri nequit, ut vivens hac mortali vita, qua nutrimur, comedimus, potamus, possideat regnum Dei: hoc etenim intelligimus per carnem & sanguinem. *Ecce mysterium vobis dico, omnes quidem resurgemus, sed non omnes immutabimur.* Græcus textus. *Omnes quidem nò dormiemus, sed omnes immutabimur.* Locus hic à sancto Hieronymo, in quadam Epistola, multum tractatur, & diuersimodè exponitur: videant qui voluerint. Nos ad litteram dicimus, sensum esse, omnes resurrecturos esse, sed nò omnes immutandos ad vitam gloriæ. Sic in psalmo; quoniam non resurgent impij in iudicio. In eo enim sensu capit Apostolus immutationem. Si verò textum

Græcum



- A** Græcum exponimus, per immutationem intelligemus (si loquitur tantum de bonis, non autem de omnibus tam bonis quam malis) immutationem ad vitam gloriæ, ut supra. Sin verò de omnibus, tam bonis, quam malis intellexerimus eum loqui, per immutationem accipiendum est, ad vitam immortalem seu gloriæ, seu miserix. Id autem quod dicit, non omnes dormiemus, videtur fauere eorum opinioni, qui volunt non omnes morituros; qui scilicet inuenientur viui in hora iudicii. Sed potest dici etiam secundum aliorum sententiam, quod tam breuem mortem non putat Apostolus dicendam mortem: idè dicit non omnes dormituros. Expositor quidam Græcus, coniungit hoc dictum cum inferioribus quæ sequuntur, scilicet, in momèto, in ictu oculi: quoniam, ut habetur in Apocalypsi, non omnes moriètur in ictu oculi & in momento, imò per interualla; omnes tamen resurgent in momento & in ictu oculi. *Vbi est mors victoria tua? vbi est mors stimulus tuus? stimulus mortis peccatum; virtus peccati lex. Deo autem gratias, qui dedit nobis victoriam, per Iesum Christum dominum nostrum.*] Mors intrauit in mundum per peccatum. lex verò dedit vim peccato, quia addidit transgressionem legis datæ, ut in Epistola ad Romanos plenè & cumulatè dicit Apostolus. Christus verò vicir peccatum & mortem, & sic liberauit nos à reatu legis, & à peccato; quare etiam à condemnatione mortis. *Scientes quòd labor vester non est inanis.*] Non est inanis labor, cui datur resurrectio & vita immortalis, ut disseruit supra.
- B**

C

## CAPVT 16.

- I**N hoc postremo capite, admonet eos quædam familiaria, ut ita dicam, officia, simulque certiores eos facit, quidnam sit ipse acturus; & de fratribus nonnulla alia, quæ satis sunt exposita legenti. *Quos probaueritis per Epistolas, hos mittam, &c.*] Vel Epistolas dicit eas, quas ad illum daturi erant Corinthij, antequam ipse Corinthum perueniret. Vel Epistolas appellat libellos & tabellas, quibus secreto notabantur nomina eorum, quos electuri erant. *Ut vos me deducatis quocunque iero.*] Figura loquendi Paulina, nò reor deduci dixisse; quoniam ab illis peteret viaticum, & pecuniam, quæ sufficeret ad iter, sed deduci intelligit dimissionem, quasi vltimum vale, ut ita dicam, quo solemus uti, cum quis longius est iter ingressurus. sic infra deducite illu in pace. *Gaudeo in præsentia Stephane, Fortunati & Achaici.*] Amphibologicum est. Nam referri potest præsentia ad Corinthios, quia scilicet præsentem erant Corinthiis: vel ad ipsum Paulum, quoniam aderant Paulo. nam quæ sequuntur utroque modo commodè possunt aptari. *Si quis non amat Dominum nostrum Iesum Christum, sit anathema, Maran atha.*] Execratur eos, qui non amant Christum: hoc enim significat, anathema. Addit deinde, Maran atha, id est, dominus venit vindex illius. Quod contra eos dicitur, qui non amabant Christum, eò quod non fatebantur Iesum esse dominum, & verbum Dei quod in carne venisset.
- D**

R r



SECUNDA AD CORINTHIOS  
EPISTOLA.

CAPVT PRIMVM.



**H**VIVS capitis argumentum in promptu est. Nam primum facit Corinthios certiores de tribulationibus, quas passus fuerat, & de consolationibus ei à Deo præstitis; quarum utræque in profectum eorum cedunt. Deinde excusat se, quod ad eos non venerit, ut dixerat se venturum; ac rationem reddit, cuius pars eò pertinet, quod noluerit Corinthios contristare. *Et spes nostra firma sit pro vobis; scientes, quoniam sicuti socij passionum estis, sic eritis & consolationis.*] Ea quæ Apostolus dicit in toto hoc contextu tria sunt; quorum duo pertinent ad Apostolum, vnum ad Corinthios. Inquit ergo se multas tribulationes passum, consolatum tamen à Deo fuisse; ea de causa puto, quoniam tribulationes eas euaserit. Ex quo euentu persuadere sibi possunt etiam Corinthij, quòd si in quampiam tribulationem inciderint, quod parata est etiam ipsis à Deo propinqua consolatio, qua spe semper lati & tuti esse queunt. Hinc duplex Apostolo gaudium; primum, quoniam Corinthij ex hoc fiunt meliores, & magis firmi in fide: alterum, quod si in quaspiam angustias inciderint, spem firmam ipse conceperit, paratam ipsis à Deo consolationem. *Adiuuantibus & vobis in oratione pro nobis, ut ex multarum personis facierum, eius quæ in nobis est donationis, per multos gratia agantur pro nobis.*] Hic notandum omnia Apostolum direxisse ad gloriam & laudem dei. Non inquit se petere adiuuari ab eis in oratione, ut facilius impetret, & ibi sistat; sed ut à multis gratiæ deo agantur pro impetrata eius salute. *Nam gloria nostra hæc est, testimonium cōscientiæ nostræ, &c.*] Dubitare quispiam potest, cuiusnam rei causam reddat Apostolus, cum inquit. Nam gloria nostra hæc est, testimonium conscientiæ nostræ. reor ego reddere causam, quòd iure petat ab illis adiuuari in oratione, eò, scilicet, quòd eos ex corde dilexerit & diligat, sicuti & cæteros, sed abundantius Corinthios; cuius affectus testimonium habet conscientiam suam; quoniam pacto? ex sinceritate cordis, qua cum eis fuerat conuersatus. Subdit postea eos etiam posse testimonium afferre, cum viderint & cognouerint. idèò inquit; Non enim alia scribimus vobis, quàm quæ legistis & cognouistis: spero autem quod & vsque in finem cogno-

- A** cognoscetis, &c. *Quia gloria vestra sumus, sicut & vos nostra.*] Gloriaripotest discipulus in bonitate præceptoris; similiter præceptor in probitate discipuli. *Cum ergo hoc voluissem, nunquid leuitate usus sum? aut quæ cogito, secundum hominem cogito? ut sit apud me est, est; non, non* ] Apostolus duo à se remouet, primū, se non vsum fuisse leuitate, vt sententiam leuiter mutauerit. alterum, se non duci sua voluntate humana, sed dei spiritu & instinctu: ideoque apud se nō esse, est, est, non, non. Id est, vt persistat in iis, quæ semel dixit se facturum: nō enim suæ spontis se esse. *Fidelis Deus, quia sermo noster, qui fuit apud vos, non est in illo, est & non, sed est in illo, est.*] Veretur Apostolus ne quis possit suspicari, ex his quæ dixerat, apud se non esse, est, est, non, non: etiam in doctrina, quam
- B** eos docuerat, posse mutationem fieri. Huic obiectioni statim obstitit, & inquit; Deum fidelem esse & promissis stare: idcirco etiam sermonem eius, qui niritur fide à Deo data, firmum esse, immutabilem esse, neque in eo inueniri, est, & non; sed tantum, est. *Et in ipso, Amen, Deo ad gloriam propter nos.*] Dicit promissiones à Deo factas in Christo Iesu, habere, Amen, id est, firmitatem & complementum, quod cedit Deo ad gloriam: propter nos autem, quia ad vtilitatem nostram. Ea etenim, quæ habemus à Deo in Christo, ad gloriam dei sunt & ad nostram vtilitatem. *Qui autem confirmat nos vobiscum in Christo, & qui vinxit nos Deus, & qui signauit nos, & dedit pignus spiritus in cordibus nostris.*] Declarat promissiones & dona nobis fuisse à deo præstita. *Ego autem testem Deum inuoco in animam meam, quod parcens vobis non veni vltra Corinthum: non quia dominamur fidei vestræ, sed adiutores sumus gaudij vestri. Nam fide statis* ] Apostolus, in hac postrema huius capitis parte, explicat rationem qua motus, Corinthum non venerit, quam suprà tacuerat: inquitque se ideo non venisse, ne afficeret eos tristitia. Hæc summa. Dicit autem, parcens vobis non veni: & ne quis suspicaretur, his verbis innuere Apostolum, vel eos parū firmos in fide haberi ab eo, vel quod vellet imperiū exercere in eos; idcirco statim addit. non quod dominemur fidei vestræ. Ad vtrūq; hoc referri potest: & ad dominum Pauli, & ad exiguā eorum fidē; quod in postremis verbis explicat, inquiens, nam fide statis. Explicat subinde causam cur nō iuerit, sed adiutores sumus gaudij vestri: id est, cupimus nostra præsentia adferre vobis gaudiū, non mœstitiā; quā certè vobis intulisset nostra mœstitia, quā fueramus concepturi ex eius delicto, qui nouercam habebat in delitiis, nec pœnitentiā egerit. Hæc, quia tægit & innuit, latius explicat in capite sequenti.
- D**

## CAPYT 2.

**I**N hoc capite explicat id, quod in fine præcedentis tantū tetigerat: rationem, scilicet, cur non prius ad eos rediisset: ne scilicet afficeret eos tristitia, tristis ipse effectus ob illum, qui in se commiserat id scelus, vt haberet nouercam, nec adhuc egisset pœnitentiam. de quo ad eos scripserat priori Epistola ex abundantia charitatis, qua eos prosequabarur præ cæteris. Hortatur autem, vt cū iam eum sceleris admissi pœniterit, velint ei condonare hoc delictum, quod & ipse in persona Christi, eius scilicet vicem gerens, condonaret. Narrat demum iter suum Troadem primò,

deinde in Macedoniam: & quod esset bonus odor Christi, quibusdam in vitam; aliis autem indispositis in interitum. Hæc summa. *[Si quis autem me contristauit, non me contristauit, sed ex parte, ut non onerem omnes vos.]* Apostolus se vnum cum omnibus Corinthiis facit, eundemque affectum induit. ideo inquit se non contristatum fuisse, nisi ex parte, id est, non ex omnibus Corinthiis cœpisse tristitiam, sed tantum ex illo, qui noueracam duxerat. Quod autem paulò supra dixit, se scripsisse per multas lachrymas, referendum est ad priorem Epistolam, nō ad hanc. Nam in hac scribit, se iam illi donasse in persona Christi; & hortatur Corinthios, ut illum consolentur, ne nimia tristitia absterbeatur, & desperans de venia, maioribus flagitiis se polluat. *Deo autem gratias, qui semper triumphat nos in Christo Iesu. nam Christi bonus odor sumus in his qui pereunt, & in his qui salui sunt. Alius quidem odor mortis in mortem: alius autem odor vite in vitam.]* Triumphat nos in Christo, Hebraica locutio, id est, triumphare nos facit, vel facit per nos triumphare Christum de Sathana. Quod subdit, se esse bonum odorē Christi, quāuis quibusdam sint odor mortis in mortem: nihil prohibet bonum suapte natura odorem nocere, & detrimentum quibusdam afferre, ob indispositionem eorum. *Non enim sumus, sicuti plurimi, adulterantes verbum Dei.]* In textu Græco, cauponantes, id est, lucrum nobis comparantes ex prædicatione verbi Dei, sicuti caupones soliti sunt agere.

## CAPVT 3.

CUM in capite superiori dixisset se non cauponam facere verbū Dei, quod G plurimi faciebant, hîc prosequitur quod cœperat. Nam pseudoapostoli, ut facilius deciperēt, adferebant commendatitias literas: Apostolus verò inquit se non indigere commendatitiis literis, aut aliorum ad Corinthios, aut Corinthiorum ad alios. Nam Corinthios esse suam Epistolam, quam ad ipsos gerebat, eò quod deferret eam scriptam in corde suo. Item Corinthios esse suam Epistolam ad alios, cum opere omnibus indicent se esse Epistolam Christi. aliaque addit de suo ministerio, quod dicit esse spiritus, non literæ, ut ministerium Moyfi: quod, si fuit in gloria, multò magis hoc Pauli ministerium debet esse in gloria, &c. *Aus egemus commendatitiū literarum ex vobis, aut ad vos? Epistola nostra vos estis, scripta in cordibus nostris, qua scitur & legitur ab omnibus hominibus; manifestati quod estis Epistola Christi, ministrata à nobis & scripta, non a tramento, sed spiritu Dei viuentis, &c.]* Nota, ut diximus supra, quod Corinthij & eorum opera erant Epistola Pauli ad ipsos Corinthios, & ad alios omnes. Ad Corinthios, quatenus erant insculpti cordi Pauli: ideo cum deferret eos in corde, eius affectum Corinthij cognoscentes, nō egebant aliis commendatitiis literis ad ipsos. Item cum Corinthij ostenderent omnibus, sese ex doctrina Pauli bonos christianos, & habere legem Christi scriptam in cordibus suis, ministerio Pauli, erant utique apud omnes Epistola commendatitia Pauli. *Non quod sumus sufficientes cogitare aliquid ex nobis, tanquā ex nobis, &c.]* Hoc pertinet ad ministeriū, de quo supra memin-  
non

- A** non licetæ, sed spiritus. *Quod si ministratio mortis literis deformata, &c.* (& infet.) *nam si ministratio damnationis in gloria.*] Notandum quòd appellat testamentum vetus, ministratorem damnationis, & ministratorem mortis; nò per se, sed per accidens, ob infirmitatem liberi arbitrij, quod sine gratia Christi, & lege noua, seruit peccato. *Vt non intenderent filij Israël in faciem eius quod euacuatur* (in Græco) *in finem.*] Cùm finis legis sit Christus, vt alibi dicit Paulus, & lex fuerit pædagogus in Christo, Iudæi qui nò potuerunt videre Christum, nò potuerunt intendere oculos in finem legis, quæ euacuatur in Christo; quia Christus exemit nos à maledictio legis, factus pro nobis maledictus. *Dominus spiritus est: ubi spiritus Domini, ibi libertas.*] Per libertatem, hîc Paulus non intelligit libertatem à peccato, aut à miseris: sed libertatem penetrandi ad interiorē scripturæ sensum, qui legitur sub velamine literæ. *Nos verò, reuelata facie gloriam domini speculantes, in eandem imaginem transformamur à claritate in claritatem, tanquam à domini spiritus.*] Declarat quam libertatem spiritus nobis attulerit. inquit ergo, nos non velata, sed reuelata facie gloriam domini speculantes: in Græco textu hoc melius explicatur, tanquam in speculo videntes. Speculum, in quo inspicimus Dei gloriam in hac vita, donec ambulamus per fidem, & non per speciem, est Christus, qui finis legis est: in quem Iudæi, velata facie, nequeunt oculos intendere. Nos verò, in eum oculos intendentes, transformamur à claritate in claritatem; à claritate fidei ad claritatem speciei, tanquam à domini spîritu. In Græco dicitur, sicuti à domini spîritu, id est, sicut par est, nos transformati à domini spîritu. Et Græcus textus potest exponi, tanquam in speculo referentes.
- C**

## CAPVT 4.

- E**x his, quæ statim in fine præcedentis capitis dixerat, habere se faciem reuelatam, qua potest introspicere sensum interiorē literæ, & Christum in ea; potest etiam ipse inspicere, ita vt nihil occultum adferat auditoribus suis; sed animum totum ac mentem eis patefaciat; quod non seruabant pseudo-apostoli, sed occultabant, fictis & compositis verbis ac gestu, auaritiā & intemperantiā animi. Quod si quibus adhuc opertum erat Euangelium Pauli, non continebat hoc eis ob velamen, quod Paulus gestaret, sed ob eorum cœcitatē. Non enim seipsum prædicabat Paulus, sed Iesum Christum; cuius mortem ob varias & magnas tribulationes, quas patiebatur, circumferebat in corpore suo, ob spem futuræ resurrectionis. nam in ea, quæ non videntur & æterna sunt, intendebat oculos, non autem in temporalia, quæ videntur. Hæc summa. *Idco habentes hanc administrationem, iuxta quæ misericordiam consecuti sumus, non desicimus, sed abiicimus occulta dedecoris: non ambulantes in astutia, neque adulterantes verbum Dei, sed in manifestatione veritatis.*] Occulta dedecoris, omnes fetē intelligunt scelera, quæ in occulto fiunt, sed ego potius intelligo dolos & astutias, quibus animi malitia occultatur; adulterantes, in Græco, dolosè prædicantes verbum Dei. *In quibus Deus huius seculi obcecavit mentes infidelium.*] Deum seculi, appellat Diabolum, quem amatores
- D**

seculi, præsertim idololatæ sibi Deum fecerunt: & idè infideles erant, nec E poterant Christum intueri. *Ipse illuxit in cordibus nostris, ad illuminationem scientiæ claritatis Dei, in facie Christi Iesu.*] Dicit Paulus, cordibus nostris Deum illuxisse, vt illuminati sciremus quàm magna sit claritas Dei in facie Christi Iesu, quia per faciem præcipuè homo cognoscitur, ideo dicit in facie Christi Iesu, id est, in eius cognitione perspici & sciri Dei claritatem. *Ergo mors operatur in nobis; vita autem in vobis.*] Præter modos, quibus hic locus ab aliis exponitur, hunc addam in textu Græco verbum *ἐκπύρου* voce passiva ponitur; & si eo modo, operatur, passivè exponamus, sensus facilis est. Nam in Apostolo ob tribulationes & angustias mors efficiebatur, id est, effingebatur in eo mors Christi; vt in Corinthiis, qui sine afflictionibus spiritualiter vivebant, F effingebatur vita Christi. *Habentes autem eundem spiritum fidei, sicut scriptum est; credidi propter quod locutus sum: & nos credimus propter quod loquimur; scientes quoniam qui suscitavit Iesum, & nos cum Iesu suscitabit, & constituet vobiscum.*] Supra commemorauerat afflictiones, quas patiebatur; & quòd mors Christi in eo effingebatur. Nunc subdit qua spe id faciat; inquirque ex spe fidei se ea facere, quæ erat Apostolo cum illis communis; loquebatur & docebat sciens se cum illis suscitandum esse ab eo, qui suscitavit Iesum, id est, à Deo. *Omnia enim propter vos, vt gratia abundans in gratiarum actione, per multos abundet in gloriam Dei.*] Duo nobis constituendi fines; vtilitas scilicet proximi, & gloria Dei: quorum prior referri debet ad posteriorem. Idè dicit omnia fieri propter Corinthios, & alios eius discipulos, id est, ad eorum vtilitatem & confirmationem in finem; vt postmodum cum gratia Dei afflictiones præterierint, abundans gratia Dei abundet in gratiarum actione ad Dei gloriam.

## CAPVT 5.

DIXERAT in fine superioris capituli se propter afflictiones non deici sed quamuis homo exterior corrumpetur, interior tamen de die in diem fiebat robustior & renouabatur, quia in nouitate crescebat: quia in æterna intentus, spiritualia scilicet, non in sensibilia temporalia. Nunc prosequitur id, quod cœperat de bonis æternis, in quibus est nostra cœlestis habitatio parata, quotiescunque terrena hæc dissoluetur; quæ non tantum animas in se recipiet & transformabit, sed etiam corpora nostra, quæ spiritualia efficiuntur, absorpta mortalitate: vt in fine prioris Epistolæ abundè disseruit. H quoniam videtur Apostolus se aliquantum laudasse, ideo causam reddit cur id fecerit; vt ipsi scilicet possint gloriari aduersus pseudoapostolos. Postremo dicit se omnia facere causa Christi; vt nō sibi viuat, cum mortuus sit in Christo, sed Christo, in quo viuut, sibi ipsi mortuus. Et quoniam Christus missus à Deo fuerat, vt per eum, & in eo mundus Deo reconciliaretur, idè inquit se pro Christo etiam, in quo viueret, legatione fungi, vt mundus Deo reconcilietur in Christo scilicet: cuius rationem & modum exponit. Nam Deus, inquit, fecit Christum peccatum, qui tamen nullum habebat peccatum proprium, sed in eo posuit iniquitatem omnium nostrum, & ei impuraui: pro quibus

- A** quibus passus est, ut nos efficeremur Iustitia Dei in ipso: nam Christi iustitia nobis donata est, & nobis imputatur. Hęc summa. *Si tamen vestiti, & non nudi inueniamur.*] Hoc meo iudicio, referendum est ad animi dotes & virtutes; quibus veluti superinduitur beatitudo & felicitas. *Nā & qui sumus in hoc tabernaculo ingemiscimus grauati; eò quod nolumus expoliari, sed superueſtiri, ut absorbeatur quod mortale est à vita.*] Hic, ut reor, amplificat hanc domum æternam, quam habemus in cœlis: quæ tam ampla est & efficax, ut non tantum animam absorbeat, sed etiam mortale corpus. *Audentes autem & bonam voluntatem habemus magis peregrinari à corpore, & præſentes eſſe apud Deū.*] Videtur Apostolus sibi contrarius eſſe. nam supra dixerat, nos ingemiscere, eò quod nolumus expoliari sed superueſtiri. Hic verò dicit habere se bonam voluntatem magis peregrinari à corpore & præſens eſſe ad Deum. Non tamen contraria dicit, si quis rectè animaduertat. Tria namque sunt inuicem conferenda; eſſe in corpore mortali, peregrinus à Domino; eſſe ſeparatus à mortali corpore, & præſens Deo; & eſſe Deo præſens ſuperindutus corporis immortalitate. Nulli dubium eſt, hoc poſtremum eſſe aliis duobus præferendum; iccirco etiam illud primò optamus, & hoc supra dixerat. Comparat poſtea duo priora adinuicem, inquitque ſe malle peregrinari à corpore, & præſens eſſe ad Deum; quàm peregrinari à Deo, & eſſe in mortali corpore. *ſcientes autem terrorem Domini hominibus ſuademus: Deo autem maniſeſti ſumus. ſpero autem & in conſcientiis veſtris maniſeſtos nos eſſe.*] Loco infiniti poſuit participationem, inquitque, Deus nouit; hominibus autem, qui cor inſpicere nequeunt, ſuademus ſcire nos timorem Domini; id eſt, quantoperè ſit Deus timendus, coram quo præſentari nos oportet; ut paulo supra dixerat. *ſiue enim mente excedimus, Deo: ſiue mente ſobrii ſumus vobis.* Reor Apostolum rationem reddere cur velit ſe commendari; & inquit ideo hoc facere, quoniam non ſibi viuat, ſed Deo & proximo; dicitque ſiue mente excedat, penetrando & exponendo myſteria, ſe hoc facere ad Dei honorem; ſiue ſobrius ſit, cum ſcilicet ſe dimittit ad paruulos; propter eorum vilitatem hoc agere, nullam ſui ipſius rationem habens. *Charitas enim Chriſti urget nos, exiſtimantes hoc, quoniam ſi vnus pro omnibus mortuus eſt; ergo, omnes mortui ſunt: Et pro omnibus mortuus eſt Chriſtus, ut & qui viuunt, iam non ſibi viuant, ſed ei qui pro ipſis mortuus eſt, & reſurrexit.*] Declarat cur nullam ſui habeat rationem; hocque facere dicit ea charitate Chriſti, qua ſibi mortuus eſt, & viuuit Chriſto: quod etiam nos facere debere innuit, cum pro nobis quoque mortuus ſit Chriſtus. *Et ſi cognouiſſemus ſecundum carnem Chriſtum, nunc iam non nouimus.*] Cognoscere Chriſtum ſecundum carnem, eſt ipſum ex coniunctione carnis cognoscere. Verbi gratia, quia Iudaus & ſemen Abraham, ſicut Paulus; quia conſanguineus & humani ſmodi alia: qualem affectum erga ſe Chriſtus in Euangelio reprehendit. *Omnia autem ex Deo, qui nos ſibi reconciliauit per Chriſtum.*] Declarat à quo, & qualiter ſimus noua creatura, nobis mortui & creati in Chriſto; inquitque hoc eſſe à Deo, & ob reconciliationem per Chriſtum, quam ampliatur, ut patet legenti. *Eum qui non nouerat peccatum, pro nobis peccatum fecit, ut nos efficeremur*



*remur iustitia Dei in ipso.]* Declarat modū reconciliationis nostræ & creationis in Christo; & rationem inquit. Nam Deus Christum, qui non nouit peccatum fecit peccatum, id est hostiam pro peccato, cui imputantur peccata eorum, pro quibus offertur; ita etiam Deus posuit in Christo iniquitatem nostram, ut ait Esaias, ut econtra nos efficeremur iustitia Dei in ipso; quoniā eius iustitia facta est nostra, nobis donata, & nobis imputata.

## CAPVT 6.

**D**IXERAT superius se pro Christo legatione fungi. Iccirco incipit in hoc capite obire munus suum, & eos hortatur, ne frustra gratiam Dei accipiant. Is autem frustra accipit, qui non eam accipit ad salutem, non benè ea utens, neque exercens bona opera. iccirco hortatur Corinthios ad patientiam, ad charitatem, cæterasque virtutes; ac postremò reuocat eos à participatione idolorum & communicatione cum infidelibus. Hæc summa. *Adinuantes autem exhortamur, ne in vacuum gratiam Dei recipiatis]* In textu Græco dicitur, cooperantes; & est sensus idem. Nā minister cooperatur Domino, veluti eius instrumentum; sic etiam adiuuat dominum: non autem adiuuat, quia ei det aliquo pacto virtutem agendi. *Nemini dantes ullam offensionem ne vituperetur ministerium nostrum.]* Ministerium hīc appellat officium, quo ministri sumus Dei in bonis operibus; quod declarat paulò post, dicēs, sed exhibeamus nos tanquam Dei ministros. &c. *In multa patientia, in tribulationibus, in necessitatibus &c. in castitate, in scientia, in longanimitate. &c.]* Patientia coniungi debet cum omnibus quæ sequuntur, vsq; ad castitatē; nam in prioribus omnibus opus est patientia, cui adiungitur castitas, & aliæ virtutes, de quibus meminit. Longanimitas differt à patientia; quia patientia utimur in malis tolerandis; longanimitate, in dilatione bonorū. *In virtute Dei.]* Eam virtutem reor intelligere, qua fiebant miracula: vel generali nomine comprehendīdīr particulares virtutes, de quibus fecerat mentionem. *Sicuti ignoti & cogniti.* Viles ignoti sunt, & celebres, cogniti. *Os nostrum patet ad vos o Corinthij, Cor nostrum dilatatum est. non angustiamini in nobis; angustiamini autem in visceribus vestris. eandem autem habentes remunerationem, dilatamini & vos.]* Apostolus fungens officio suo, legatione pto Christo, erga Corinthios dilatar os suum, docendo; dilatat cor amando. Corinthij verò non recipiendo monita Apostoli, & communicando cum infidelibus angustiaati erant, non capientes nec admittentes quæ dicententur. Inquit ergo angustias non esse ex parte eius docentis & monentis, sed ex parte Corinthiorum.

## CAPVT 7.

**P**ENDET huius principium à fine superioris. Nam cum dixisset nos esse Dei templum, in quo habitat per gratiā Deus, & habitaturus sit per gloriam; iccirco iam infert mundemus nos ab omni inquinamēto carnis & spiritus, ut simus dignum Deo habitaculum. Seipsum deinde illis proponit exemplum. Ostendit demum quantopere illos amet; quantum de ipsis confidat;

- A** dar; quantum gauisus sit ex aduentu Titi, qui ei retulerat eorum pœnitentiam, & obedientiam, & quàm amanter fuisset ab eis exceptus & tractatus, & quantoperè erga eos propterea esset benè affectus. Hæc summa. *Capite nos neminem lesimus.*] Idem ferè est quod suprà, cùm dixit dilatemini & vos, ut scilicet eius doctrinam & affectum caperent. Hoc dicit hic, capite nos. *Multa mihi fiducia apud vos; multa mihi gloriatio pro nobis.*] Ad superiora, & ad inferiora adaptari potest hæc particula; ad superiora, quoniam eos reprehendit ob magnam fiduciam, quam habet erga ipsos. Ad infra dicenda, pro his quæ ei retulerat Titus veniens ex Corintho. *Vestram emulationem pro me.*] Emulationem hic appellat Zelotypiam. Nam zelum habebant Corinthij, ne alieniori animo Apostolus factus esset erga eos, ob stuprum, &c. *Vi in nullo detrimentum patiamini ex nobis.*] Videlicet, quoniam ex reprehensione & monitis Pauli nihil passi essent detrimenti: quandoquidem illa eorum concepta tristitia eis profuisset ad salutem. *Sed defensionem, sed indignationem, sed timorem, sed vindictam. In omnibus exhibuistis vos incontaminatos esse negotio.*] Hæc ad diuersa sunt referenda, & ad diuersos. Defensio ad illos pertinet, qui non deerant officio suo. Indignatio in illum, qui perpetrauerat facinus illud: timor, ad Deum; quia timebant Deum vltorem sceleris. Desiderium, ut satisfaceret delicto. Emulatio, ne Paulus factus esset animo alieniori: vindicta pertinet ad satisfactionem, quam fecerat & subieciarat is, qui peccarat; adeo quòd omnes exhibuerant se incontaminatos in eo negotio, id est, non amplius reos. *Gaudeo, quoniam in omnibus confido in vobis.*] **C** Suprà Apostolus ostenderat se magnam habere confidentiam in Corinthiis: quæ de illis opinio, ex his quæ Titus retulerat, non eum fallebat. Ideo inquit se gaudere & voluptatem capere, quod in omnibus confidentiam haberet in ipsis.

## CAPVT 8.

- P**OSTERMA superioris capituli verba de confidentia Apostoli in Corinthiis præmiū sunt eorum quæ hic dicturus est; adhortationis, inquam ut pro viribus & hilariter pararent Eleemosynam, qua sanctis existentibus in Hierusalem prouideatur. ad quod faciendum prompte eos prouocat ex liberalitate Macedonum, ex imitatione Christi: ad quam rem conficiendam dicit se mittere Titum, & nonnullos alios discipulos; quos ut amanter excipiant eos hortatur. Hæc summa. *Qui non solum facere, sed etiam velle cepistis ex anno superiore.*] Nota apud Apostolum plus significare, velle, quàm facere. Nam per, velle, promptitudo quædam animi exprimitur. Ita in superiori Epistola, quod si volens hoc fecero, merces est mihi. *Cum esset sollicitior, sua voluntate profectus est ad vos.*] Eodem modo etiam hic accipit voluntatem, pro animi promptitudine. *Confidentia multa in vobis, siue pro Tito, qui socius noster est, & in vobis adiutor: siue fratres nostri Apostoli Ecclesiarum gloria Christi.*] Figura dicēdi Hebraica. reddit causam, cur confidat eos quos mittit amanter recipiendos. De Tito inquit, socius noster est, & vester adiutor: reliqui

sunt fratres nostri & missi ab Ecclesiis; vt de Luca ad hoc munus ordi nato E  
ab Ecclesiis dixerat. In quibus amanter recipiendistribuitur etiam Christo  
gloria.

## CAPVT 9.

SUMMA huius capituli in promptu est. Nam sensim Paulus reuertitur ad  
eos hortandos, vt liberaliter agant in Elemosyna, quam parant mitteri san-  
ctis, qui Hierosolymis erant; ac variis inductionibus accedit eorum animos  
ad hoc agendum; quarum quædam pertinet ad gloriam Dei; partim ad præ-  
mia maiora, quæ eis debentur, quanto magis fuerint liberales; partim ad  
honorem Corinthiorum, & ad vitandum infamiam, quæ in promptu sunt F  
legentibus omnibus. *Vt in omnibus locupletati abundetis in omnem simplicita-  
tem, quæ operatur per nos gratiarum actionem Deo.*] Simplicitatem Apostolus  
appellat, innocentiam sine avaritia: quoniam avari duplices & mēdaces esse  
confueverunt.

## CAPVT 10.

ALIAM rem incipit aggredi: contra pseudoapostolos se vertit, qui sui mo-  
ris hominem Paulum reputantes, diuersis eum calumniis insectabantur.  
Hos Paulus admonet, terret, & vndique versat. Sensus in promptu est le-  
genti. *Absens autem confido in vobis.*] Appellat Paulus confidentiam, auda-  
ciam; quoniam per Epistolas eos reprehenderat. *Nam arma militia nostre  
non carnalia sunt, sed potentia Deo ad destructionem munitionum.*] Carnalia arma G  
sunt astutia, illecebræ, & humana vis. Arma Apostoli erant potentia Deo,  
id est, ad Dei honorem, vel diuinitus potentia. *Qui gloriatur, in Domino glo-  
rietur, non enim qui se ipsum commendat probatus est; sed quem Deus commendat.*] Hæc est conclusio torius postremæ partis huius capituli; in qua significat se  
à Christo missum esse, potestatem sibi datam à Christo, & ita à Christo  
probatum esse, non à seipso. E contra verò pseudoapostolos non missos à  
Deo in quo possint gloriari, & ita probari; sed à seipsis missos, elatione inquā  
& avaritia sua: quos etiam gloriari innuit non in Deo, in donis à Deo sibi  
daris, sed à seipsis; id est, potestate, & aliis huiusmodi à se ipsis usurpatis.

## CAPVT. II.

HOC in capite prosequitur id, quod fuerat orditus de pseudoapostolo H  
quondam, qui absente Paulo Corinthium venerat, & molitus erat eos  
auertere à simplicitate Christi, ad ceremonias Iudaicas; vt conicere possu-  
mus. Nam pseudoapostoli hi Iudæi erant; & gloriabantur, quod non descen-  
dissent ab Idololatris, sed à populo, qui Deum semper coluisset; aliæque hu-  
iusmodi iactabant. Apostolus in hoc capite zelans salutem & integritatem  
Corinthiorum, tanquam virginis desponsatæ Christo, ac verens ne corrup-  
perentur, à Christi simplicitate declinantes ad Iudaicas ceremonias; dicit co-  
gi se esse insipientem, vt scilicet laudet seipsum. Idcirco multa de se ipso di-  
citur, quorum pars pertinet ad eius genus, pars verò ad labores susceptos, &  
pericula propter Euangelium Christi. Hæc summa. *Vnimam sustineretis, &c.*

Sapiens

- A** Sapiens expectat laudem alienam, non se laudat, iuxta illud, non te laudet os tuum, sed alienum. *Amulor vos Dei emulatione. despondi enim vos uniuiro virginem castam exhibere Christo.*] Sumit hic emulationem pro zelotypia, qua non sibi, sed Christo erat sollicitus. *Ita corrumpantur sensus vestri, & excidant à simplicitate, quæ es in Christo Iesu.*] Christi religio simplex est, qua per fidem & charitatem inhaeremus Deo per Christum; & est scripta in tabulis cordis, non in tabulis ligneis aut ahæneis. E contra Iudaicæ ceremoniæ & lex erat tantum exterior, multumque inuoluta & grauis, adeo ut nec ludæi, nec eorum patres potuerint illam portare. *Nam si is, qui venit, alium Christum prædicat quem non prædicauimus; aut alium Spiritum accipitis, quem non accepistis; aut alium Euangelium, quod non recepistis, rectè pascere mini.*] **B** Quæri potest. Cur ergo reprehendendus is qui venit si eundem Christum prædicat? &c. Dicimus reprehendendum & vitandum, quia astute, sub Christi prædicatione, Iudaicæ ceremonias subinferebat. *Nam etsi imperitus sermone, sed non scientia. In omnibus autem manifestus sum vobis.*] Locutio ipsa Pauli, ut dicit Hieronimus, ostendit eum non admodum fuisse peritum sermonis Græci & Latini; non tamen erat imperitus scientia; imo adeo doctus & peritissimus; dicit autem se eis manifestum esse. *Iterum dico, ne quis me putet esse insipientem: alioquin uelut insipientem accipite me.*] Longè differt insipiens ab eo, qui sciens & volens ex causa suscipit personam insipientis. Inquit ergo Paulus. Non me putetis insipientem esse, si me laudauero; sed date veniam, & assumite me tanquam gerentem personam insipientis. **C** *Secundum ignobilisatem dico, quasi nos infirmi fuerimus in hac parte.*] Modus locutionis Paulinæ qui certè fuit imperitus sermone. Hæc quæ hætenus dixi; quod sustinetis illos qui extolluntur, qui à vobis accipiunt, qui vos in faciem cadunt; dixi, quasi ego fuerim ignobilis, quasi fuerim ego infirmus. Sic etenim de me illi significabant, & vos fortasse eratis persuasi. Ictricò ex causa incipio audere, incipio esse insipiens, cogor à vobis. Quæ tamen omnia faciebat Paulus, non ad astruendam suam gloriam; sed ad profectum Euangelij, quod prædicabat ipse missus à Christo. *Nocte ac die in profundo maris fui.*] Quando hoc contigerit Paulo, nescimus. Non tamè putauerim hæc ab eo dici, quia verè fuerit in profundo maris; sed quoniam in tali periculo constitutus in mari, cum naufragium fecit, ac si fuisset in profundo maris. **D** *Periculis ex genere, periculis ex gentibus.*] Pericula ex genere, suorum scilicet Iudæorum, qui eum persequebantur.

## CAPVT. 13

**F**ACILE est cuius colligere summam huius capituli. Nā Apostolus coactus ut suprà diximus, seipsum laudare, narrat primò reuelationes & visiones, quas habuit à Deo, raptum ipsius ad tertium cælum & ad Paradisum. Hæc autem dicit non sua esse, non ad se pertinere, sed ad donum Dei. In se autem se non posse gloriari, nisi in infirmitatibus suis, siue propter persecutiones, quas passus est à Diabolo in tentatione carnis, & ab hominibus aliisque externis rebus; in quibus expertus est suam infirmitatem, & virtutem sibi à Deo præstitam. Demum narrat beneuolentiam suam qua persequebatur Corin-

thios. Monet ut poenitentiam faciant, ne cogatur veniens acerbior esse ver-  
sus eos. *Si gloriari oportet, non expedit quidem.*] In Græco est. Non expedit  
vtique gloriari. Magis mihi placet Latinus textus. nam innuit se eligere id  
quod opus est fieri, quamuis sibi non expediat. In Græco verò satis mancum  
& mutilum videtur, si dicat, non expedit vtique gloriari. *Veniam ad reuelationes & visiones meas.*] De raptu Pauli ante annos quatuordecim cum hæc  
Epistolam scripsit, an tunc fuerit, cum conuersus est prope Damascum, ful-  
gore illo perfrictus, an aliàs, querant diligentiores, nihil facit hoc ad intel-  
ligendum textum Pauli, nec ad nostram ædificationem. *Datus est mihi stimu-  
lus carnis meæ* (in Græco) *carni meæ.*] Quidam putant ægritudinem quãdam  
quam patiebatur, innuisse Apostolum; quidam putant libidinis stimulum. **F**  
*Rursus putatis, quod excusemus nos apud vos: coram Deo in Christo loquimur, omnia  
autem propter ædificationem vestram.*] Remouet obiectionem, quam supra re-  
mouerat. Dicit itaque se non ea dixisse, ut se excusaret, ita quòd sui rationem  
habeat: sed inquit primum se vera dicere, & Deum testatur. Postmodum di-  
cit, omnia propter ædificationem eorum se dixisse. *Et lugeã multos, ex hiis qui  
ante peccauerunt, & non egerunt poenitentiam super fornicatione, & immunditia, &  
impudicitia quam gesserunt.*] Non puto hîc ab Apostolo tangi fornicariũ illũ,  
qui habebat patris vxorem: iam enim de eo dixerat, quod poenitentiam fece-  
rat. Alios fornicarios & impudicos tangit, ut reor.

## CAPVT. 13.

**I**N hoc capite se venturum tertio Corinthum pollicetur; & pro potestate **G**  
sua se & iudicaturum & vlturum eos dicit: orat deinde ut conuertantur:  
cupere etenim se non posse uti potestate sua, & videri infirmus. Hos demum  
hortatur ad omne virtutis genus. *An* (vel, ut in Græco) *quoniã experimentũ  
quaritis eius qui in me loquitur Christus; qui in vobis non infirmatur, sed potens est in  
vobis. Nam etsi crucifixus est ex infirmitate, viuit ex virtute Dei.*] Hoc est quod  
suprà dixerat, quòd vita Christi operabatur seu effingebatur in Corinthiis.  
*Nam & nos infirmi sumus in illo; sed viuemus cum eo, ex virtute Dei in vobis.*] **H**  
Item supra dixerat, quod mors Christi operabatur seu effingebatur in ipso:  
sperare tamen se victurum cum Christo, ex virtute Dei, quam nũc videmus  
operari in vobis. Ne cuiuspiam varius & sibi non constans videatur Aposto-  
lus, quomodo namque illos reprehendit & arguit, in quibus vita Christi ef-  
fingebatur? Idcirco aduertendum alios fuisse Corinthi, quos laudat, alios  
quos vituperat: sed cum in vniuersum omnes compellat, attribuit illis, et id  
quod est laudis, & id quod est increpationis.

AD



## AD GALATAS.

## CAPVT PRIMVM.

B



RGVMENTVM Epistolæ obuium est omnibus. Nam cùm Galatæ ab Apostolo conuersi fuissent ad Christi Euangelium, post eius inde discessum Iudaizantes quidam pseudoapostoli, in Gallatiam se contulerunt, ac persuaferant Ecclesijs Gallatiæ necessariam esse circumcisionem; aliosque ritus Iudaicos, fortasse, suaserant seruandos esse. Apostolus vehementior aliquanto, quia sic eorum morbus exigebat, reprehendit Galatas. ac primum personam suam statuit; inquit se non missum ab homine

C rmine quopiam, sed à Christo. eos deinde reprehendit, quòd tam citò Christi Euangelium à se prædicatum reliquerint. Postmodum narrat & priorem affectum suum erga Iudaismum, & cōuersionem; & quòd à Christo doctus non contulerit Euangelium cum quopiam homine; sed post triennium profectum Hierosolymam, ac ibi fuisse cum Petro dies quindecim; aliaque in hanc sententiam. *Qui dedit semetipsum pro nobis, ut eriperet nos de presenti seculo nequam, secundum voluntatem Dei & patris nostri.*] Christus eripuit nos de presenti seculo nequam; quia liberauit nos à seruitute peccati, quo detinebamur vinciti in hoc seculo nequam. Secundum voluntatem Dei; Omnem causam salutis & liberationis nostræ, Paulus semper Deo attribuit. *Miror quod sic tam citò transferimini ab eo qui vocauit vos in gratiam Christi, in aliud Euangelium: quod non est aliud, nisi sunt aliqui, qui vos conturbant, & volunt conuersere Euangelium Christi.*] Ex abrupto orditur zelo percitus. Ab eo qui vocauit vòs in gratiam Christi; id est, à Deo. Deus enim quos præsciuit, vocauit, in aliud Euangelium, quod non est aliud vel, quod non est aliud, quoniam vnū tantum est Euangelium Christi, quod nos prædicauimus. Vel, quod non est aliud; quoniam pseudoapostoli nihil adferunt noui ad Christū pertinens; sed perturbant sinceritatem Euangelij Christi. *Modò enim suadeo hominibus an Deo?*] Adducit Deum in testem; ac si diceret, coram Deo loquor, non coram hominibus; illum adhibeo testem non homines, quod referri potest ad dicta, & ad dicēda. *Ad antecessores meos Apostolos.*] Euidētius

In Græco; qui fuerunt Apostoli ante me.

E

## CAPVT. 2.

PROSEQUITVR id quod cœperat in capite priori, astuens se non accepisse ab homine, neque doctum ab homine Euangelium, sed à Christo. inquitque post primum illum congressum cum Petro, post triennium conuersionis suæ, annos quatuordecim permanisse, antequam secundò Hierosolymam reuerteretur. Reuersus contulit Euangelium quod prædicabat, cum Petro, Iacobo & Ioanne; vt illos certos faceret Euangelij quod prædicabat, & eorum auctoritate confirmaret etiam alios. Nam ipse certus erat, vt pote doctus à Christo. Addit Titum, qui gentilis erat, ab Apostolis non fuisse coactum circumcidi, ob libertatem quam adepti sumus in Christo Iesu; de qua prosequitur, & inquit, postmodum, cum esset Antiochiæ, se restitisse Petro in faciem, qui simulatione, qua vsus fuerat, cogebat gentes Iudaizare. Postmodum in vniuersum de lege loquens, & de fide in Christum; docet homines iustificari per fidem, non autem per legem. *Seorsum autem his qui videbantur esse aliquid.* Seorsum accipitur pro præcipuè, vt scilicet eorum auctoritate confirmaret gentes in Euangelio, quod prædicabat. *Ne fortè in vanum currorem, aut eucurrissem.* Hoc nõ est referendum ad Apostolum; nam conscius sibi erat veritatis Euangelij quod prædicabat doctus à Christo: sed referendum est ad eius auditores, & gentes, quas confirmatura fuerat apostolorum auctoritas. *Sed propter introductos falsos fratres, qui subintroierunt explorare libertatem nostram, quam habemus in Christo Iesu; vt nos in seruitutem redigerent: quibus neque ad horam cessimus subiectioni, vt veritas Euangelij permaneat apud vos.* Contulit Apostolus Euangelium cum Apostolis, vt gentes confirmaret, & argueret falsos quosdam fratres, qui vt exploratores subintroierant; & ex libertate Christi volebant gentes subiicere seruituti legis. *Ab his qui videbantur esse aliquid, quales quondam fuerint, mea non interest; Deus enim non accipit personam hominis.* Obscurè loquitur Apostolus, taxans Petrum, vt ego teor, propter simulationem illam, de qua infra; vel inuens ignobilitatem & vilitatem eorum, qui ignari piscatores fuerant: qua in re eis Paulus præstabat. Sed se corrigens inquit, Deum non accipere personam hominis, seu vilis, seu nobilis, seu docti, seu ignari; Ideoque nihil interesse sua hoc quod quispiam in eis reprehenderit. *In faciem ei restitit quia reprehensibilis erat,* [in Græco] reprehensus. Meo iudicio, melius scribitur reprehensus; & vt reor, innuit rationem Apostolus, cur non clam, sed in faciem restiterit Petro; quoniam audierat scandalizari gentiles, & eum reprehendere; inde palam restitit, vt scilicet veritas esset euidentior, falso Petro id verum esse, quod à Paulo dicebatur. *Non ex gentibus peccatores.* Quoniam sanctus putabatur, Iudæus populus; gentes vero nequam & peccatores. *Scientes autem quod non iustificabitur homo ex operibus legis; sed ex fide Iesu Christi: & nos in Christo credimus.* Notandum

F

G

H



- A** dum quod Paulus occasione sumpta ex ceremoniis legis Mosaicæ, amplificat sermonem suum, & extendit ad vniuersam legem, in qua etiam moralia præcepta continentur; iuxta ea quæ dixerat & tractauerat in Epistola ad Romanos, differens nullum hominem iustificari ex operibus legis sed ex fide Iesu Christi. *Quod si quærentes iustificari in Christo, inuenti sumus & ipsi peccatores, nūquid Christus peccati minister est? absit. Si enim quæ destruxi, hæc iterum redifico, præuicinatorem me constituo.* ] Illi qui simul cum fide Christi assererent seruandam esse legem & legalia præcepta, per eorum transgressionem peccabant; quia non seruabant legem cui se subiecerant. Hoc autem non contingebat illis ex Christo, sed ex ipsis. Nam per Christum liberati erant ab eo legis imperio, cui tamen sponte ipsi se subiiciebant. Ideo Christus non erat eis minister peccati, sed ipsi se peccatores subiiciebant. *Ego enim per legem legi mortuus sum, ut Deo uiuam.* ] Quoniam ex vaticiniis legis & Prophetarum prædictus fuerat Christus, qui est finis legis, & per quem liberamur à seruitute legis, à legis maledicto; Idcirco dicit Apostolus se legi mortuum esse, ut uiuat Deo per Christum & in Christo: & hoc per legem, id est, per ea quæ lex dicebat, & vaticinata erat. quæ subdit pertinent ad eandem sententiam explicandam, antea dicta.

## CAPVT 3.

- A**CCENSUS Paulus amore Christi, & gratia Christi, quam miseri Galatæ reiciebant, putantes se iustificari per legem; in eos inuehitur, ob nimiam charitatem, appellatque eos insensatos & stultos: qui cum cœperint spiritu, nunc volunt profici carne. Supra diximus carnem Apostolum appellare legem; & qua ratione explicauim⁹. Multa deinde disserit, ac eadem ferè quæ in Epistola ad Romanos; ut astruat hominem iustificari per fidem, per quam inferitur Christo, sibi ipsi mortuus: ut iam non sit ipse, sed Christus in quo uiuit, & qui in eo uiuat. Nam promissiones factæ Abraham factæ sunt semini, non seminibus; quia in vno, & non in multis, id est in Christo. In eo enim donec viuimus imperfecti & multas habentes maculas, benedicimus, iustificamur apud Deum, & Deo placemus; non in nobis. Interpellat nunc Christus pro nobis; quia se medium opponit inter nos & Deum, ut Deus videat nos in ipso. Cum autem tradiderit regnum Deo & patri, & deus erit omnia in omnibus; tunc non interpellabit pro nobis. In primo de Trinitate Augustinus pulchrè hoc tractat. Hæc summa. *Ante quorum oculos Christus proscriptus est, in vobis crucifixus.* Galatæ, cum primum fidem acceperunt ab Apostolo prædicatâ, ideo ei adhæserunt, adeo imbiberunt, ut non credere, sed viderentur prospicere Christum ante eorum oculos crucifixum. *Sic stulti estis, ut cum spiritu cœperitis, nunc carne consummamini.* Semper consuminatio ex perfectiori fit, quàm initium. Cœperant Galatæ ex spiritu, ex fide; postmodum volebant perfici per legem, per ceremonias illas, præposterus certè progressus. *Tanta passi estis sine causa, si tamen sine causa.* ] Laborat & pa-

titur sine causa, qui frustra laborat, nec assequitur finem, ad quem institutus est labor: quod omen postmodum auertit à Galatis, dicens, si tamen sine causa; ac si diceret, absit, ut sine causa passi fueritis & laboraueritis. *Christus nos redemit de maledicto legis; factus pro nobis maledictum; quia scriptum est, maledictus omnis qui pendet in ligno; ut in gentibus benedictio Abraham fieret in Christo Iesu.* ] Mira commutatio, iustitia seruata est, & nobis iuste donata est Christi iustitia; facti omnes vnus in Christo Iesu. Suscepit Christus in se maledictum nostrum, quod incurrimus legi subiecti, & factus est maledictum pro nobis, ut promissio Abraham, id est, ut benedictio, quā Deus Abraham promiserat, fieret in gentibus in Christo Iesu, id est, ut gentes per fidem insertæ Christo, & in se mortuæ, in illo viuentes, fierent in Christo benedictio. *Abraham dictæ sunt promissiones & semini eius: non dicit in seminibus quasi in multis; sed quasi in vno, & semini tuo, qui est Christus.* ] Ex his verbis Apostolus adstuit, quod dixerat supra; nos, scilicet, benedicendos & benedictos esse in Christo, & non in alio; quia dicit scriptura Abraham, Et in semine tuo benedicentur omnes gentes; non dicit in seminibus, sed in semine, quasi in vno. Hoc vnum semen est Christus. *Quid igitur lex? propter transgressionem posita est, donec venires semen, cui promiserat; ordinata per Angelos in manu mediatoris.* ] Legem positam esse propter transgressionem. Augustinus de verbis Apostoli exponit, legem datam, ut efficeremur transgressores; ut facti transgressores, recurreremus ad Christum. sed magis conuenit his, quæ sequuntur, cum dicit, lex pædagogus fuit in Christo, ideo dictum G ab Apostolo, legem positam fuisse propter transgressionem, ut, scilicet, timore pœnæ coerceret nos à transgressionem; & cum non generaret in nobis amorem iustitiæ, tandem nos ipsos nobis ostenderet iniustos. ideoque assimilatur pædagogo, qui continet puerum in officio timore pœnæ, donec adultus eadem faciat sponte, & amore decori ciuilib. Sequitur, donec veniret semen, cui promiserat. semen hoc vnum Abraham Christus est, in quo benedicimur omnes. Ordinata per Angelos: Nonnulli interpretantur Angelos Moysem & Aaron, tanquam Dei nuncios. Sed mihi magis placet ut veri Angeli intelligantur, qui apparuerunt Moyse, & ei locuti sunt in personam Dei. in manu mediatoris, id est, in eius potestate, Christi inquam; quoniam per Christum impleta est, quoad ceremonialia, & ideo abrogata: à Christo inpleta est, quoad moralia, pro nobis: eius etenim iustitia & merita, nostra sunt. Liberavit etiam nos Christus ab eius maledicto, & ab eius potestate. Idcirco posita fuit in eius manu. *Mediator autem vnus non est: Deus autem vnus est.* ] Mediatorem non esse vnus, quidam interpretantur, quasi inter duos semper mediator sit. quod quamuis sit verum, nescio quomodo faciat ad propositum. Nisi fortasse velit Christum dicere mediatorē, non tantum inter nos & Deum, sed inter vetus testamentum & nouum. Sic in Epistola ad Hebræos. Noui testamenti mediator est. Et hoc pacto conueniret cum his quæ dixerat de lege. Possumus tamen exponere, ut ea de causa Paulus addiderit hæc verba: Nam cum dixisset legem positam fuisse in manu

- A** manu mediatoris, ostendit conuenire Christo esse mediatorem quatenus homo est, vnitus Deo in vnitate personæ. *Lex ergo aduersus promissa Dei est absit. Si enim data esset lex quæ posset viuificare, verè ex lege esset iustitia. Sed conclusit scriptura omnia sub peccato, vt promissio ex fide Iesu Christi daretur credentibus.* Quoniam suprà dixerat promissionem & testamentum antè legem, legem posteriorem nõ abrogasse, sed firmum manere, vt scilicet hæc promissio, id est, benedictio promissa daretur credentibus in semine, in quo promiserat se eam daturam, posset aliquis obiiicere, ex hoc sequi, legem datam esse contra promissa Dei; vtpote quæ faceret nos præuaricatores, & ideo non compotes promissorum. Hanc obiectionem remouet Apostolus, & dicit; absit. Ac deinde prosequitur, ostendens primò legis infirmitatem, ad iustitiam in nobis faciendam, quoniã nõ est data lex quæ posset viuificare animã. Sed quid vtilitatis nobis lex præstat? præstat hoc, quia ostendit nos peccatores, vt quoquoersum nos verterimus, videamus nos conclusos esse sub peccato; vt ex ea admoniti curramus ad fidem, vt scilicet credentes promissionis efficiamur compotes, & benedicamur in Christo: & per ipsum vitam accipiamus, quam lex dare non poterat. *Priusquam veniret fides, sub lege custodiebamur, conclusi in eam fidem quæ reuelanda erat. Itaque lex paedagogus noster fuit in Christo, vt ex fide iustificemur. At vbi venit fides, non sumus sub paedago.* Prosequitur id quod cõperat de lege & fide; & inquit, antequam veniret fides prolata & prædicata per Christum, custodiebamur sub lege, à qua timore pænæ quoquomodo à peccatis abstinebamur; conclusi in eam fidem quæ reuelanda erat, per quam in Christo benediceremur, & acciperemus promissionem factam ad Abraham. Itaque concludit legem fuisse paedagogum in Christo, vt iustificemur ex fide. Cum ergo venit fides non sumus amplius sub paedago. Nota tamen quod prima ea verba, quæ suprà exposuimus. Si enim data esset lex, quæ posset viuificare, verè ex lege esset iustitia. Quod, cum Apostolus videatur reddere causam, dictorũ suprà, scilicet quòd lex non est aduersus promissa Dei; posset etiam alio modo exponi ab eo, quem supra tetigimus. Nam Dei promissio fuit, quod in semine Abraham omnes gentes erant benedicendæ. Postea verò data fuit lex, quam qui seruabat, benedicebatur: ergo videbatur lex esse Dei promissio, cum aliqui essent benedicendi per legem, & non in semine Abraham. Inquit Apostolus, absit vt lex sit contra promissa Dei: quia non est data lex quæ posset viuificare, ac propterea posset seruari. Sed data est lex quæ ostenderet nos peccatores, vt inuitaret nos ad fidem; & per fidem in Christum, essemus compotes benedictionis & promissionis Dei. *Omnes enim filij Dei estis per fidem quæ est in Christo Iesu.* (vsque ad finem capituli.) Ex hoc loco clarè perspicitur potest, quoniam pacto, secundum sententiam Apostoli; iustificemur, id est, reconciliemur Deo, efficiamur filij Dei, & accipiamus Spiritum Sanctum. Nam per fidem inferimur in Christum, induimus Christum, nobis mortui, transformamur in ipsum, & omnes vnus sumus in ipso, & sic sumus in semine Abraham, & in ipso efficiamur compotes benedictionis, iuxta promissionem Dei.

## CAPVT 4.

**P**ROSEQUITVR comparisonem quàm incepterat de pædagogō & lege. Inquitque hæredem esse sub pædagogō vsque ad tempus præfinitum; postmodum fieri, liberum & dominum. ita nos quoque paruulos fuisse sub lege, vsque ad temporis cōsummationem, quando Deus misit Filium suum factum sub lege, vt eos qui sub lege erant, redimeret. quoniam Christus pro nobis legem impleuit; per quem liberati sumus à lege, & adoptati in filios Dei. Deinde hortatur Galatas, vt quomodo cœperant, pergant. & tandem interpretatur allegoricè filios illos duos Abraham, Ismaël & Isaac, & transfert ad duo testamenta: res perspicua est. *Sub Elementis mundi eramus seruientes.* ] **F** Appellat mundi Elementa traditiones legis Mosaicæ, sub quibus erudiebamur, sicuti pueri qui discunt Elementa. *Quoniam autem estis filij Dei, misit Deus spiritum filij sui in corda nostra clamantem Abba pater.* ] Notandum, ex hoc loco Pauli posse elici, nos prius esse Dei filios, & ob id accepisse spiritum filij Dei; & non è contrà, vt scilicet, propterea simus filij Dei quia accepimus spiritum filij sui clamantem Abba pater. *Nunc autem cùm cognoueritis Deum, imò cogniti sitis à Deo.* ] Figura loquendi Hebraica, cogniti sitis à Deo, id est, in cognitionem adducti. Sic in alio loco, qui diligit Deum, cognitus est à Deo, id est, in cognitionem adductus: vt suprà notauimus in prima ad Corinthios. *Esse sicut ego, quia ego sicuti vos.* ] Persecutus fuerat Paulus Ecclesiam Christi, vt seruaret ceremonias Iudaicas; postmodum conuersus ad Christum, G omnes illas reliquit: quare ad idem suo exemplo hortatur Galatas.

## CAPVT 5.

**H**ORTATUR Galatas cùm Christiani sint, filij liberæ, & non ancillæ, vt persistant in ea libertate, in quam illos vocauit Christus; neque iterum se subiiciant seruituti legis. Nam qui circumciditur, debitor est seruandæ vniuersæ legis, neque Christus quicquam illi proderit. Et ne falleretur sub hoc nomine libertatis, declarat se per libertatem intelligere, libertatem spiritus, non carnis; per quā non perficimus opera carnis, neque sequimur eius concupiscentias, quæ in nobis sunt. Narrat deinde opera spiritus, aduersus quæ non est lex: & deinde opera carnis, aduersus quæ lex est. *Stare & nolite iterum iugo seruitutis contineri.* ] **H** In Græco textu, principium huius capituli connectitur fini alterius: inquit enim, qua ergo libertate liberauit vos Christus, stare, & nolite iterum iugo seruitutis contineri. *Ecce ego Paulus dico vobis, quoniam si circumcidamini, Christus vobis nihil proderit.* ] Nihil prodest Christus ei qui fide non est ei coniunctus: non est autem ei fide coniunctus, qui circumciditur; nam factō testatur Christum venturum esse. *Testificor rursus omni homini circumcidenti se, quoniam debitor est vniuersæ legis faciendæ.* ] Nam qui circumciditur submittit se legi, & eam seruare proficitur; debitor ergo est vniuersæ legis faciendæ. *Fides quæ per dilectionem operatur.* ] Melius est vt, operatur, passiuè intelligatur, vt Græci auctores exponunt: sic suprà in secunda

A secunda Epistola ad Corinthios. Mors in nobis operatur, id est, efficitur & effingitur. *Nemini conserferit.*] Id est, gratia nullius hominis; persuasio nullius hominis auertat vos ab Euangelio quod accepistis. *Spiritu ambulate, & desideria carnis non perficietis, &c.*] Sanctus Augustinus notat, aliud esse apud Apostolum, facere, & aliud, perficere. qui concupiscit, facit quod non vult: sed si non consentiat concupiscentiæ, non perficit opera carnis. *Fructus autem spiritus est charitas, gaudium, &c.*] Quod charitas & fides sit fructus spiritus, Apostolus inquit, cum tamen fides præcedat acceptionem spiritus, & charitas sit ipse spiritus: demum quod procedimus ex fide in fidem, & charitatem, crescendo in Christo Iesu.

B

## CAPVT 6.

S<sup>i</sup> spiritu vivimus, spiritu & ambulemus. *Non efficiamur inanis gloriæ cupidi, inuicem inuidentes, inuicem prouocantes.*] Hoc loco taxat pseudoapostolos, qui, ob cupiditatem gloriæ, quærebant pervertere Galatas, vt apud Iudæos gratiani adipiscerentur. *Vnusquisque enim onus suum portabit.*] Et ideo oportet vt quisque probet opus suum, & gloriam habeat apud se, non apud alterum. *Per quæ mihi mūdus crucifixus est, & ego mundo.*] Illi crucifixus est mūdus, qui putat mundum, & ea quæ sunt mundi veluti mortua, & tanquam non sint. Ex è contrā ille est crucifixus mundo, quem mundus nihili facit, & putat veluti mortuum. *Et quicumque hanc regulam secuti fuerint, pax super illos, & super Israël Dei.*] Ita in Epistola ad Romanos, iustificati ex fide pacem habemus ad Deum. inquit ergo quicumque sequuntur hanc regulam, vt fiant in Christo noua creatura, pax super illos: non enim amplius habent cur diffidant se non esse reconciliatos Deo: & hi verè sunt Israël Dei; non autem illi qui circumcidunt se, vt fiant Israël. *De cætero nullus mihi molestus sit. ego enim stigmata domini Iesu in corpore meo porto.*] Insinuat se totum in Christum transformatum esse. Vnde etiam in corpore ferebat stigmata Christi, eò quòd virgis percussus fuerat, & tot passus ob nomen Christi.

28



## AD EPHESIOS.



HÆC Pauli Epistola grauissima est, & plena mysteriorũ. Nam gratias agit Deo quòd Ephesij crediderint, & iudicati sint in charitate erga sanctos: aperitque mysterium, docens eos, omnia hæc beneficia esse ipsis à Deo præstita in Christo Iesu; qui vocauit eos cùm gentes essent, alienati à Deo: nec tantum vocauit, sed etiam elegit & prædestinauit ante mundi cõstitutionem. multaque in hanc sententiam adfert, vt eis ostendat, quantum debeant Deo & Christo. In posteriori deinde parte Epistolæ, iuxta morem, quem etiam in alijs Epistolis seruat, multa eis præcepta tradit, quæ pertinent ad benè viuendum secundum christianam pietatem. Hæc summa.

## CAPVT I.

NIL fetè aliud agit in hoc capite, præterquam agere gratias Deo, pro beneficijs collatis Ephesijs, imò omnibus christianis, quos elegit in Christo ante mundi constitutionem; in quo omnia voluit instaurare, quæ in cælis, & quæ in terris; & hoc gratis, secundum propositum gratiæ suæ, nullis meritis nostris præcedentibus. *Benedictus Deus, & pater domini nostri Iesu Christi, qui benedixit nos omni benedictione spiritali in cælestibus in Christo; sicut elegit nos in ipso ante mundi constitutionem.*] Scopus Pauli in hoc loco est, vt, gratias agēs Deo, ostendat beneficia gratis nobis collata, per Christum & in Christo: à quo etiam venit, vt facti christiani, mereri possimus vitam æternam. Idèò bene dicit primò Deum, quem coniungit cum Christo, dicēs, Pater domini nostri Iesu Christi. Subdit deinde pro qua re illum laudet & gratias agat. (nam tantum valet benedictus, id est, sit Deus, &c. sicut in alijs Epistolis, gratias ago Deo meo.) & inquit, qui benedixit nos omni benedictione spiritali. benedictio pertinet ad largitionem boni effluentis & sese multiplicantis. Sic ferè vsurpatur in omnibus scripturæ locis. Hæc autem boni largitio spiritalis est, non corporalis; & pro bonis cælestibus, non terrenis: & hanc habemus in Christo, id est, in quantum sumus inserti Christo, cuius sumus participes: & habemus gratiam in nobis participatam, in eo verò plenam. Et vt ostendat quàm magnum sit in hac benedictione Dei beneficium, inquit, sicuti elegit nos in ipso ante mundi constitutionem. Videre hinc possumus, quàm nihil sit nostrum in hac benedictione: quandoquidem ante mundi constitutionē  
Deus

- A Deus nos elegit in Christo; quod ubique Paulus conatur ostendere, nos per fidem & charitatem insertos esse Christo; & quod Deus respiciat nos semper per Christum; unde suppleatur omnibus defectibus nostris. *[Vt effemus sancti & immaculati in conspectu Dei, in charitate.]* Deus non elegit nos quia sancti eramus; sed elegit, ut nobis sanctitatem elargiretur; quam in hac vita incipimus habere, in conspectu tamen Dei, qui nobis largitur iustitiam Christi, & nos inspicit per ipsum, iam habemus, & immaculati sumus in eius conspectu. *[Qui predestinavit nos in adoptionem filiorum, per Iesum Christum in ipsum, secundum propositum voluntatis suae, in laudem gloriæ gratiæ suae.]* Per filium naturalem in eo inserti, efficimur filij adoptivi Dei, in ipsum scilicet Deum;
- B eò quod efficiamur participes diuinæ naturæ per Christum: & est phrasus Paulina. & hanc adoptionem adipiscimur, non ex nobis, sed secundum propositum voluntatis Dei, in laudem gloriæ gratiæ suæ; ut scilicet solus ipse laudetur, soli ipsi gloria debeatur, pro gratia quam nobis est impartitus. *[In qua gratificauit nos in dilecto filio suo.]* Per gratiam Dei, & spiritum sanctum inserimur in Christo, & in ipso perfecte sumus grati Deo. *[In quo habemus redemptionem peccatorum.]* Nam inserti Christo, redempti sunt à seruitute Diaboli, & peccati; & obtinuerunt remissionem peccatorum. *[Secundum diuitias gratiæ eius, quæ superabundauit in vobis in omni sapientia & prudentia: ut notum faceret nobis Sacramentum voluntatis suæ, secundum beneplacitum eius.]* Non potest Paulus verbis assequi id quod mente conceperat, de beneficiis nobis à Deo collatis
- C per Christum, & in Christo. Ad pleniorē boni possessionem, pertinet cognitio magnitudinis boni illius quod possidemus. Sic Petrus in secunda Epistola, ut sciamus quæ à Deo donata sunt nobis. Ita hīc Paulus appellat diuitias gratiæ Dei, quod nobis reuelauit Sacramentum, id est, arcanum voluntatis suæ; quod, scilicet, sibi placuit instaurare omnia in Christo Iesu; & sub eo capite, (sic enim in Græco recapitulare) conciliare inuicem ea quæ sunt in cœlis, id est, angelos, & ea quæ sunt in terris, id est, homines. Vide quantum sit hoc beneficium; quod etiam latius patet erga gentes, quæ erant alienæ à Deo, ut infra docet expressius. *[In quo etiam nos sorte vocati sumus, predestinati secundum propositum eius, qui operatur omnia secundum consilium voluntatis suæ; ut simus in laudem gloriæ eius, nos qui antè sperauimus in Christo.]* Sortem hīc appellat Paulus, non casum & temeritatem, sed partem & hereditatem, sic in aliis scripturæ locis, nam apud Græcos κλῆρος & sortem, & hereditatem significat. Ea quæ subdit, omnia pertinent ad expressionem gratiæ Dei; ut omnis laus & gloria ei soli debeatur, nihil autem nobis. *[In quo & vos cum audissetis verbum veritatis, Euangelium salutis vestræ, in quo credentes signati estis spiritu promissionis sancto.]* Orditur id, quod postea clarius & vberius est explicaturus. Nam cū dixisset suprā, in quo nos vocati sumus; quod pertinet ad Iudæos qui crediderant, accedit ad Gentiles, in quibus erant Ephesij, & inquit, in quo & vos, scilicet, vocati estis; sicuti suprā, in quo nos vocati sumus; cū audissetis verbum veritatis, appositione, Euangelium salutis vestræ. Nam fides ex auditu; auditus autem per verbum Dei. Sequitur, in quo credentes signati estis spiri-



tu promissionis sancto; id est, in quo Christo signati estis vos credentes; quia **E**  
 per fidem inserimur Christo, à quo haurimus gratiam & spiritum sanctum;  
 ut dixit ad Galatas: ut accipiamus pollicitationē spiritus per fidem; quo spiritu  
 signati sumus, vncti sumus, & christiani appellati. vocat spiritum promissionis,  
 spiritum promissum, more Hebræorum. *Qui est pignus hereditatis vestre, in redemptionē acquisitionis, in laudem gloria ipsius.*] Spiritus sanctus qui habitat  
 in cordibus christianorum, est pignus; melius in Græco ἀρραβὼν, quod  
 notat Augustinus de verbis Apostoli. Nam pignus restituendum traditur,  
 cum redditū fuerit id pro quo datū est pignus: sed arra non restituitur. Nam  
 est quædam portio eius, quod est accepturus is qui arram habet. Sic spiritus  
 sanctus, non redditur, sed augetur, vsque ad plenam possessionem. Sequitur, **F**  
 in redemptionem acquisitionis. Hebraïsmus est: appellat acquisitionem, populum  
 credentem, acquisitum à Christo: redemit nos Christus à seruitute  
 Diaboli, à seruitute peccati. Hæc redemptio fit perfecta, cum accipimus spiritum  
 sanctum, & efficimur dei participes, per spiritum sanctum nobis datum.  
 Ideo dicit Paulus, signatos arra spiritus sancti, in redemptionem acquisitionis.  
 Sequitur, in laudem gloria ipsius. Non sibi, & affectui cordis sui  
 satisfacere potest Apostolus in tribuendo omnem laudem & gloriam Deo.  
*Vt Deus domini nostri Iesu Christi, pater gloria.*] Quidā ita distinguunt, ut deus,  
 domini Iesu Christi pater, gloria; ut scilicet, deus coniungatur cum particula,  
 gloria. Deus etenim gloria, est deus gloriosus, domini Iesu Christi pater.  
 Est enim Christus, dei patris vnigenitus filius. Tamen credo, quod etiā deus **G**  
 possit cōiungi cum Christo, qui ut homo dei est, & deum habet. Sic in Euāgelio:  
 Adscendo ad deum meum & deum vestrum. Ita Apostolus suprā secunda  
 ad Corinthios, caput Christi Deus. est enim minor patre secundum  
 humanam naturam, & ita deum habet maiorem se. *Illuminatos oculos cordis  
 vestri, ut sciatis quæ sit spes vocationis eius; & quæ diuitia gloria hereditatis eius in  
 sanctis; & quæ sit supereminens magnitudo virtutis eius in nos, qui credimus, secundū  
 operationem virtutis eius, quam operatus est in Christo Iesu, suscitans eum à mortuis.*] Maximum vitium est ingratitude. idcirco Apostolus nos omnibus modis  
 prouocat ad gratitudinem. gratitudo autem excitatur ex cognitione beneficii  
 in nos collati. Ideo Apostolus orat Ephesij cognoscant, sciant, illuminentur  
 in cognitione, quæ sit spes vocationis eorum, id est, quo tendere debeat **H**  
 eorum spes. Et quia spes nostra est, ut simus compotes hereditatis; ideò addit,  
 & quæ diuitiæ gloria hereditatis eius in sanctis. Et quia cor nostrū magis  
 in deum erigitur, si, præter beneficiorum magnitudinem, perspiciat etiā  
 magnitudinem virtutis, qua vtitur deus conferens nobis tam magna beneficia;  
 ideò subdit & quæ sit magnitudo virtutis eius in nos, qui credimus. Declarat  
 deinde qualis sit magnitudo hæc, & dicit esse parem magnitudini operationis,  
 qua suscitauit Christum à mortuis, & constituit ad dexterā suam  
 in cœlestibus, super omnem principatum, &c. Etenim eadem est ratio capitis  
 & membrorum, licet prius & excellentius sit in capite, quàm in membris.  
 Eadem ergo virtute, qua suscitauit Christum à mortuis, & ad tam sublimem  
 statum

- A** statum euexit, utitur Deus etiam in nobis, qui nunc secundum spiritum suscitati sumus, per fidem & spiritum Christi nobis infusum: cuius vi suscitabuntur etiam corpora nostra mortalia. Sensus hic magis conuenit, ut reor, quàm si cōiungatur particula, secundum operationem virtutis eius, cum superiori verbo, credimus, ut scilicet credamus resurrectisse Christum. *Omne nomen quod nominatur, non solum in hoc mundo, sed etiam in futuro.* [Sicuti in futuro seculo longè altior erit nostra cognitio, ita etiam erunt altiora nomina & plura. *Et ipsum dedit caput super omnem Ecclesiam.*] In Græco, & ipsum dedit caput super omnia Ecclesiæ, id est, ipsum constitutum super omnia, ut suprà dixerat, dedit caput Ecclesiæ. *Quæ est corpus eius, & plenitudo eius, qui omnia in omnibus adimplet.*] Ecclesia est corpus Christi, cuius ipse est caput. quare, sicuti membra, corpus capitis implent & conficiunt, ita Ecclesia est plenitudo Christi: est enim corpus eius capitis, & nos membra Christi; idè plenitudo eius est. Sequitur, qui omnia in omnibus adimpler, seu adimpletur; nam in Græco verbum medium est, quod actiue & passiue accipi potest. Et in utroque sensu hic commodè accipitur: Nam & Christus adimpletur ab Ecclesia, ut suprà diximus, quia corpus eius est Ecclesia: quare tota etiam cum capite potest appellari vnus Christus. & Christus implet per omnia, & in omnibus Ecclesiam & omnia eius membra; quia in ea influens perficit: & si quis in membris defectus est, in ipso euanesceat & diluitur.

## CAPVT 2.

- C** **E**xplicat in hoc capitulo Paulus illud quod suprà pressius dixerat, ostendens Ephesiis quantum debeant Christo, qui prius in peccatis & desiderijs carnis vixerant, sicuti & Iudæi; nunc autem in Christo renati sunt. Idè hac ratione tantum debent, quantum omnes alij. sed præter hanc communem cum alijs causam, magis adhuc Christo debent, quoniam cùm gentiles essent, erant alieni à populo Dei, & à promissionibus factis Israëlitis populo. Nunc verò facti vnum cum Iudæis credentibus in Christo Iesu; in quo sunt dissolutæ omnes inimicitie inter nos & Deum, inter gentes & Israël; pariter in eodem spiritu habemus accessum ad Deum. Non mirum est quod adeò studeat Paulus, ut simus grati Deo & Christo, à quo omnia bona, & sine quo nihil est factum. *Et vos cùm essetis mortui in delictis & peccatis vestris, in quibus aliquando ambulastis secundum seculum mundi huius, secundum principem potestatis aeris huius spiritus, qui nunc operatur in filiis diffidentie.* Appellat Paulus, seculum mudi huius, durationem, & vitam eorum qui amant mundum. Hoc nomen, seculum, seu æuum, durationem cuiuscunque rei significat: vnde & vita & medulla dorsi in qua est vita, secundum Platonem, ab Homero appellatur *αἰς*. Sequitur in textu, secundum principem potestatis aeris huius spiritus: Hebraïsmus, & figura locutionis Paulinæ. Secundum principem, id est, secundum instituta & exempla principis aeris huius spiritus, &c. Caliginosus hic aer habitatio est dæmonum, qui nos exercent, & qui habent potestatem in prauos homines qui eis seruiunt. Filios diffide-

tiæ appellat eos, qui fidem reiiciebant, per quam est introductio ad vitam & ad libertatem. *Pacientes voluntatem carnis & cogitationum.*] Quicquid est in mundo inquit Ioannes, vel est concupiscentia carnis, vel concupiscentia oculorum, vel superbia vitæ. Ad hæc posteriora, pertinet volûtas cogitationum, sicuti concupiscentia carnis ad primum. *Eramus natura filij ira, sicut, &c.*] Nô sumus natura filij, id est, ex principiis naturæ; sed ab ipsa natiuitate, propter originale peccatum, in quo concipimur omnes & nascimur. *Cōuinisctauit nos in Christo,* &c. quæ sequuntur.] Animaduerte hunc perpetuum esse scopum Pauli, vt doceat nos esse insertos Christo: vnde omnia quæ Christi sunt, nobis attribuit. *Vt ostenderet in seculis superuenientibus.*] Secula superuenientia possunt intelligi æuum illud post iudicium; quod superuenturum est tempori, id est, post destructionem temporis: tunc enim perfectè apparebunt diuitiæ bonitatis Dei super nos. vel intelligit tempus omne post mortē Christi, in quo reuelata est hæc bonitas Dei erga nos, per Christum. vel intelligit tempora post ipsum Paulum futura; promulgato iam Euangelio, & in honore habito apud omnes gentes. *Dei enim donum est, non ex operibus, vt ne quis gloriatur*] Hæc particula potest referri & ad gratiam, qua salui facti sumus; hæc enim est Dei donum, non ex operibus nostris, & ad fidem. nam etiam fides donum Dei est, non ex opetibus, vt ne quis gloriatur. *Propter quod memores estote quod aliquando vos, qui gentes eratis in carne, &c.*] Hæc est pars secunda huius capitis, in qua, postquam ostenderat maximum beneficiū eis per Christum collatum; quod commune erat in omnibus credentibus, tam Iudæis quàm gentilibus; ostendit priuatum etga eos Dei beneficiū, ob id, quòd erant ipsi gentiles, alieni à populi Dei, alieni à promissionibus Israëliti populi, vocati tamen fuerant ad Christum. *Sine Deo in hoc mundo*] Non quod Deus, non esset illorum Deus; sed quoniam ipsi alieni omninò erant à cultu veri Dei. *Ipsè enim est pax nostra, qui fecit vtraque vnum, & medium parietem macerie soluens, inimicitias in carne sua, legem mandatorum decretis euacuans; vt duos condas in semetipso, in vno nouo homine.*] Diuisi erant gentiles à populo Israëlítico per legem, quæ data fuerat Iudæis, & sub qua vivebat populus ille; ad gentes autem non pertinebat. Hac igitur, veluti maceria diiuncti inuicem erant. Erant etiam diuisi à Deo, propter peccata, quæ admiſerant, & in quibus nati erant. Primò ergo dicit Apostolus, quod Christus vtrunque populū reconciliauit, condens eos denuo in semetipso in nouum hominem; & ita liberauit vtrunque à legis maledicto, & à seruitute legis, cui seruiebant ob timorem pœnæ. Ipse autem Christus perfectè legem seruans, & condens vtrūque in semetipso, in nouum hominem, per spiritum sanctum nobis datum, liberauit à lege, id est, à legis maledicto; & à seruitute timoris, dans nobis spiritum charitatis & adoptionis: ideo dicit Paulus, quod Christus dissoluit parietem macetiæ inter vtrunque populum, & euacuauit legem positam in decretis veterum mandatorum. *Vt recōciliet ambos in vno corpore, Deo per crucem, interficiens inimicitias in semetipso.*] Altera erat diiunctio inter Deum & vtrūque populū, proptet peccata vtriusque gentis. Hanc Paulus tractat, & eius dissolu-

A dissolutionem per Christum, qui per crucem in semetipso destruxit inimicitias inter nos & Deum. Inimicitias peccata appellat, propter quæ eramus Deo inimici: peccata omnium nostrum posuit Christus in semetipso, & pro illis satisfecit amplissimè per crucem, & pro nobis efficacissimè; si dignè Deo ambulemus. Et sic in semetipso destruxit inimicitias, & nos Deo reconciliavit.

## CAPVT 3.

SUPRA exposuerat Apostolus, quantum Ephesij priuato nomine deberent Deo & Christo, quod vocati essent per Euangelium, & inhæsisent Christo, in quo facti essent participes promissionis Dei, &c. In hoc capite magis hoc Dei arcanum explanat, dicitque se ministrum constitutum fuisse à Deo, in gentibus, vt eis hoc arcanum patefaceret, & vocaret eos per Euangelium ad Christum, pro quo ministerio, sibi credito, vinctus erat. Rogat deinde Deum, vt det Ephesiis indies magis corroborari in spiritu, secundum interiorem hominem; & Christum per fidem habitare in cordibus eorum, vt possint comprehendere, quæ sit longitudo latitudo, &c. *Huius rei gratia ego Paulus vinctus Christi Iesu pro vobis gentibus.*] Sermo pendet, multis interpositis, vsque ad eam particulam, propter quod peto, ne deficiatis in tribulationibus. *Quod aliis generationibus non est agnitus filius hominum.*] Filios hominū appellat prudentes & sapientes seculi, qui sapiunt secundum humanam prudentiam. Sic in multis scripturæ locis. *Esse gentes coheredes, concorporales, & cōparticipes promissionis in Christo Iesu per Euangelium.*] Promissio Dei facta Abraham, fuit, quod in eius semine benediceretur omnes gentes; quod semen Christus est, vt in Epistola ad Galatas superius. In Christo autem per Euangelium, id est, prædicationem fidei, gentes fiunt coheredes cum Israëlitis populo, qui est in Christo: concorporales, quia simul membra eiusdem corporis; & cōparticipes hereditatis & benedictionis promissæ à Deo in Christo Iesu. *Euangelizare inuestigabiles diuitias Christi.*] Quoniam facti sumus diuites in illo, eò quod diuitiæ illius nobis donatæ sunt, & pro nostris nobis imputantur. *Vi innotescat principatibus & potestatibus in cælestibus, per Ecclesiam, multiforinū sapientia Dei.*] Fuit reuelatum mysterium Christi angelis, multa tamē particularia non fuere eis reuelata, quæ de die in diem videntes in Ecclesia fieri, eis nota fiebant. Hæc autem multiformia erant: idèd dicit Apostolus, multiformis sapientia Dei innotescit principatibus, & potestatibus, per Ecclesiam. *In quo habemus fiduciam & accessum in confidentia, per fidem ipsius.*] Hoc in loco, vt reor, Paulus explicat, quidnam per fidem intellexerit in multis locis aliis. Nam explicat nos habere fiduciam & accessum in confidentia, per fidem ipsius, id est, Christi. Nam quoniam credimus in Christum, id est, ad eum, per eius præcepta, credendo beneque agendo ambulamus; & ipsi fidimus, à quo nobis fuit facta promissio, & prædicatum Euangelium; habemus fiduciam ad Deum, itemque accessum ad Deum in confidentia. *Propter quod, peto ne deficiatis in tribulationibus meis pro vobis.*] Ecce

locus, cui annectitur prima huius capituli particula. Ego Paulus victus Iesu Christi, peto ne deficiatis, à fide scilicet; & ne despondeatis animum in tribulationibus meis. nam erat victus, pro eis: eo enim quod prædicabat Euangelium in gentium utilitatem, victus erat. *Ex quo omni paternitas in celo & in terra nominatur.* In Græco *πατήρ*. significat autem cognitionem & genus, ab quoquam vno deducta. Quia ergo pater in diuinis, est primū principium totius diuinitatis in personis diuinis; & ab eo, in quo primo inuenitur ratio alicuius nominis, deducitur illa ratio ad postetiora omnia; Idcirco omnis paternitas, id est, hominum vel angelorum collectio ab vno deducta; seu per originem, vt in hominibus; seu per gubernationem & directionem, vt in angelis; deriuatur à patre diuino, in quo primo huiusmodi ratio est & inuenitur. *Vt possit comprehendere cum omnibus sanctis, quæ sit longitudo, latitudo, sublimitas, & profundum* ] Aliqui hæc referunt ad crucem; quos non improbo: sed melius referuntur ad Dei potentiam, gubernationem, virtutem, & sapientiam. vt longitudo, ad temporis immensitatem, quæ sub æternitate eius concluditur: latitudo, ad omnium comprehensionē, nam sicuti nullum est tempus, quod non contineatur ab eius æternitate; ita nulla res vnquam est, fuit, aut erit, quæ sub eius sapientia & potentia non contineatur. Sublimitas, ad excellentiam, quoniam, quantumuis excelsa, excellit. profundum contra sublimitatem, quoniam Deus demittit se sub omnibus, quantumuis infimis, & ea continet, iuxta illud: si descendero in infernum, ades. Potest etiam profundum referri ad Abyssum iudiciorum Dei, vt Augustinus exposuit. *Vt impleamini in omnem plenitudinem Dei.* ] Phrasia Paulina. plenitudo Dei est, non sola eius scientia, neque sola potentia, aut bonitas; sed omnia hæc, & alia complura, quantum, scilicet, ad nostrum modum intelligendi. Idcirco dicit hic Paulus, vt vos impleamini in omnem plenitudinem Dei, id est, vt attingatis & miremini, non tantum sapientiā aut bonitatem Dei, sed omnem eius excellentiam; quam insinuauimus per longitudinem, latitudinem, sublimitatē, & profundum. *Ipsi gloria in Ecclesia & in Christo Iesu.* ] Gloria Dei nobis nota est in eius operibus, quæ percipimus maxima in rationali creatura; & ea, in qua est adoptio filiorum, quæ Ecclesia est fidelium, cuius caput est Christus: idē de Ecclesia & de Christo mentionem facit.

## CAPVT. 4.

H.

CUM fuerit constitutus à Deo Apostolus doctor gentium, & in superioribus confirmauit Ephesios in Christo, eorum fidem laudans; nunc hortatur eos ad bona opera, quæ per viuam fidem operamur. Hunc morē Apostolus seruat in omnibus suis Epistolis; nequis putaret, quia Moyses legem antiquatam esse ostendit, opera Euangelicæ legis non esse obseruanda. Eos autem præcipue hortatur ad charitatem mutuam, & pacem, in qua perfectio legis consistit. præcepta deinde particularia quædam tradit, facientia ad charitatem seruandam. Hæc summa. *Ascendens in altum, captiuam duxit captiuitatem; dedit dona hominibus.* ] In quibusdam codicibus scribitur, accepit dona

- A** dona in hominibus. Captiuitas, quam Christus captiuam duxit, est peccatū diabolus, & mors; quæ dicuntur captiuas, eò quòd nos tenebāt captiuos. Ab horum captiuitate Christus nos liberauit, ideo triūphans de eis, & ea captiua ducens ascendit in cœlum. Inde dedit dona hominibus varia; vel ipse accepit dona hæc in mēbris suis, tanta enim est vnitas Christi, cum mēbris suis, vt inuicē ea quæ vnus sunt, alteri tribuantur. *Qui descendit ipse est, & qui ascendit super omnes cœlos, vt adimpleret omnia.*] Christus vt verbū Dei omnia implet: sed vt homo, etiā impleuit omnia; nō per essentiam, vt Deus, sed per virtutē & operationē virtutis suæ. Superna implebit, instaurādo & refarciendo choros angelorū, qui ob casum eorū, qui effecti sunt dæmones, diminuti erant. Impleuit etiā inferiora, supra terram; super quā passione & resurrectione sua, tot & tam magna bona hominibus contulit. Infra terrā etiā triūphans principatus & potestates, & spolians infernū, animabus piorum inde deductis & liberatis: & ita adimpleuit omnia idē Christus, descendēdo, in inferiores parres terræ, & ascendendo super cœlos. *Et ipse dedit quosdā quidem Apostolos, quosdā autē prophetas, quosdā verò Euangelistas, alios autem pastores & doctores, ad consumationem (anciorum.)* Apostoli huc illuc ibāt & mittebātur. Prophetæ dicebantur, qui exponebāt arcana, & mysteria cōtenta in scriptura sacra: Euangelistæ qui prædicabant Euangelium, bonum scilicet nuncium, remissionem, inquam, peccatorum per Christum, huic obediendo. Pastores & doctores iidem erant, Episcopi, scilicet, præpositi singulis ciuitatibus. Nam ad Episcopos pertinet & docere populum, & dirigere ad pascua Christi, moribus, exemplo, & rectis institutis. *In ædificationē corporis Christi, donec occurramus omnes in unitatem fidei & cognitionis filij Dei, in virum perfectum, in mensuram ætatis plenitudinis Christi.*] Corpus Christi Ecclesia est, quæ ædificatur ex lapidibus viuis; non tantūm carnis vita, sed vita spiritus. Ædificatur ergo dum noui lapides imponuntur, & hi qui iam sunt positi per bona opera, suam vocationem certam faciunt, & perfectius inhzrent fundamento & capiti, quod est Christus. Perficietur autem cū omnes electi erimus in Christo: & tunc Deo dedicabitur, cū tradiderit Christus regnum Deo & patri, vt inquit ad Corinthios, idem nunc dicit, donec occurramus omnes in vnitatem fidei & agnitionis filij Dei: in hoc enim viua fides consistit. In virum perfectum. sicuti in
- D** vita naturæ, quidam sunt pueri, quidam adolescentes, quidam viri perfecti; sic in vita christiana, in vita spiritus, quidam pueri & paruuli sunt, quidam augentur, quidam ad perfectionem deuenerunt; ad perfectionem viæ non patitur. Hoc est ergo quod nunc dicit, donec occurramus omnes in virum perfectum: occurramus autem vel inuicem, vel Christo capiti nostro & Deo. In mensuram ætatis plenitudinis Christi, implet Christum, qui perfectus est in Christo: qui autem imperfectus est, quamuis sit membrum Christi, non tamen est perfectum membrum; & ideo non implet. Persistens ergo in metaphora Paulus inquit, in mensuram ætatis, id est, in ætatem spiritualem perfectam; vt adimpleamus Christum, corpus scilicet eius, quod simul cum capite vnus est Christus. Sequitur secundum ean-

dem metaphoram, vt non simus paruuli fluctuantes, &c. *Veritatem autem facientes, in ebaritate crescimus in illo per omnia, qui est caput, Christum.*] Sicuti mala opera in scriptura dicuntur mendacia, ita bona dicuntur veritas, quoniam correspondent legi diuinæ, sicuti cum res intellecta æquatur intellectui peccata verò, quia discordant à lege æterna, dicuntur mendacia; sicuti cum non est æquatio inter rem intellectam & intellectum, falsitas est & mendacium. *Ex quo totum corpus compactum & connexum, per omnem iuncturam subministrationis, secundum operationem, in mensuram vniuscuiusque membri, augmentum corpori facit in ædificationem sui in ebaritate.*] Exactè Paulus persistit in metaphora quam accepit. Nam sicuti ex capite deductis nervis, totum animalis corpus connectitur & compingitur iuncturis, ita & totum corpus Ecclesiæ & omnia eius membra connectuntur & compinguntur in vnum, ex vi spiritus demissi à capite Christo in omnia membra. subministrationis secundum operationem. Non est ita copulandum vt dicamus, secundum omnem iuncturam subministrationis, sed secundum operationem subministrationis. Nam Christi operatio est, subministrare cuius membro virtutē. sequitur, in mensuram vniuscuiusque membri: non enim omnium membrorum est eadem mensura, neque convenit omnibus eadem, vt in humano corpore, & sic facit augmentum corporis, Christus, vt reor: vel corpus ipsum facit augmentum corporis, quoniam se ipsum auget ex virtute influxa à capite. Sequitur, in ædificationem sui in charitate. si superius intellexerit, quod Christus facit augmentum, &c. hic sui, debet referri ad Christum, quia vt dixi, totum corpus cum capite Christus dicitur. Si referatur ad corpus, ita quod corpus se ipsum auget, &c. vt diximus, sui, referendum est ad corpus. *Per ignorantiam, qua est in illis, propter cæcitatem cordis eorum.*] Cæcitas cordis appellatur malitia, ex qua fit vt finis actionum nostrarū malus statuatur. Inde verò provenit ignorantia in actionibus nostris, iuxta illud. Omnis malus, ignarus. *Qui desperantes semetipsos tradiderunt impudicitie, in operationem immunditiæ omnium, in avaritiam.*] In Græco textu ἀπολυσμένοι, quasi qui dolere desierint de peccatis. tradiderunt se, quasi totos se, omninò dederunt impudicitie, in operationem omnis immunditiæ, quocunque scilicet libidinis genere contaminati. In avaritia, in Græco, ἐπιπορευόμενοι, quæ refectri potest, non tantum ad avaritiā, sed ad libidinem, quæ fit cum alterius iniuria, vt in adultetio, rapto, &c. *Qui secundum Deum creati est in iustitia, & sanctitate veritatis.*] Phrasit Paulina; in sanctitate veritatis, id est, in vera sanctitate. *Nolite dare locum Diabolo.*] Duobus modis exponi potest locus hic: vel vt referatur ad cuiusque animum. Is enim dat locum Diabolo, qui cedit suggestionibus eius. vel vt referatur ad omnes eos, eorūque societate. nam cum Diabolus sit seditionis stimulator, & querat dissidium, debemus nos colere vnitatem; & non dare hosti locum. vt diuidat vnitatem societatis nostræ.

## CAP. V. §.

**M**ULTA præcepta tradit in hoc capite; vt imitentur Deum, vt vitia fugiāt, nec imitentur improbos homines; imò potius illustratione suarum virtutum,



- A virtutum, vt detegant eorum vitia . Postmodum vertit se ad mulieres & viros, qui sunt matrimonio iuncti ; & exemplo Christi & Ecclesiæ eos admonet, qua viuendi ratione inuicem vti debeant . *Nemo vos seducat inanibus verbis . propter hæc enim venit ira Dei in filios dissidentia.* ] Variis modis homines in vitia inducuntur : spe misericordiæ Dei , spe baptismatis Christi , in quo sumus inserti . Omnia hæc, & similia appellat Apostolus verba inania . filios dissidentiz, id est, dissidentes & non credentes, scilicet, quòd, nisi simus mortui peccato, non possumus esse inserti in Christo ; & sunt sub ira Dei qui mala agunt . *Non insipientes, sed quasi sapientes, redimentes tempus, quoniã dies mali sunt.* ] Eò quòd dies huius vitæ mali sunt, nam mundus positus est in maligno ; idcirco oportet tempus redimere . Is redimit tempus, vt dicit Augustinus, qui dat quippiam de suo, vt tempus habeat seruiendi Deo . Indicenti litem cedit, vt tempus illud quod erat perdendum in causæ tuitione , Dei obsequiis impēdat . Sic alia damna patitur, vt tēpus redimat . *Sacramentum hoc magnum est: dico autem in Christo & in Ecclesia.* ] Sacramētum, id est, hoc est magnum mysterium in Christo & Ecclesia . Ita verò matrimonium magnum Sacramentum est, quod latet sub matrimonio viri & vxoris .
- B

## CAPVT 6.

- C PROSEQUITVR quæ instituerat, præcepta; filios instruit & parentes, seruos & dominos : omnes tandem adhortatur vt sumant armaturam Dei, & fortiter pugnent aduersus diabolum . Quoniam expositores satis ample exponunt omnia ea, quæ pertinent ad hanc armaturam; nihil amplius dicam . De Euangelio pacis tantum dicam ; dictum esse Euangelium pacis, quoniam annunciat nobis pacem cum Deo, & pacem inter Israëliticum populum & gentes, si in Christum credentes secundum eius sanctam legem ambulemus.

28



## AD PHILIPPENSES.

## CAPVT PRIMVM.



AVDAT Philippenses, quod perstiterint in puritate Euangelij; confidens quod usque in extremum diē persistent in eo. Narrat quòd sit in vinculis pro Euangelio, & quòd vincula eius cesserunt in profectum Euangelij. Hæc huius capituli summa; & in tota Epistola ferè in iisdem versatur. *Omnibus sanctis qui sunt Philippis, cum Episcopis & diaconibus.* Nullam fecit mentionem de presbyteris; nam cum Episcopis eos computat. quia eo tempore, qui presbyteri erant, erant etiam Episcopi. non quod ordines non differrent, sed vterque conferebatur presbytero. *Gratias ago Deo meo in omni memoria vestri, semper in cunctis orationibus meis.* Memoria repetebat **G** Apostolus omnes christianos in suis orationibus; intet quos etiam Philippenses, pro quibus semper gratias agebat Deo; quoniam proficiebant magis de die in diem in Euangelio Christi. *Sicuti mihi iustum est hoc sentire pro omnibus vobis, quòd habeam vos in corde, in vinculis meis, & in defensione & confirmatione Euangelij socios gaudij mei omnes vos esse.* Meo iudicio particula illa, sicuti iustum est me sentire pro omnibus vobis, referenda est ad omnia quæ suprà dixerat, tam de orationibus, quàm de gratiarum actionibus, & de spe quam conceperat de ipsorum perseverantia usque in finem. Hæc enim omnia sunt amantis officia, quorum nec in vinculis oblitus fuerat vnquam. Sequitur, socios gaudij mei omnes vos esse: Scabrosa locutio. In Græco habetur, socios gratiæ mecum vos omnes existentes; & intellectus clarior. Nam cum amaret vehementissimè omnes, Apostolus, qui cōmunicantes erant gratiæ christi, vique amabat vehementer Philippenses comparticipes gratiæ. *Testis est mihi Deus, quomodo cupiam vos in visceribus Iesu Christi.* Cupiebat Apostolus Philippenses esse maximè intimos Christo; & quoniam viscera sunt valde intima corpori, ideo inquit, se eos cupere in visceribus Iesu Christi esse, id est, habitare. *Repleti fructu iustitiæ per Iesum Christum in laudem & gloriam Dei.* Longè melius in Græco, repleti fructibus iustitiæ, id est, bonis operibus, quæ fructificat iustitia: qui fructus sunt per Iesum Christum, in laudem & gloriam Dei. Nam Deus per Christum respicit nos & nostra opera, & per eum & in eo sunt ei grata. *Vt plures è fratribus in domino, confidentes in vinculis meis,*  
*abundan-*

- A** *abundantius, &c.*] Nota primò, distinguendum esse & dicendum plures è fratribus in Domino: omnes namque sumus fratres, quia eundem Dominum patrem habemus; deinde prosequendum, confidentes in vinculis meis abundantius audeant. Vide quantum possit virtus, & gratia Dei. Vincula Pauli non petterefecerunt fratres alios, imò audaciores fecerunt; excitati exemplo Pauli, & seruire fidei, quam in eò videbant firmiorem & efficaciorē fieri in vinculis; non autem illo pacto deferuescere, propter vincula. *Quidam quidem propter invidiam, & contentionem, &c.*] Hi Pauli inimici, & invidi eius gloriæ, prædicabant Christum, non syncere, sed ob contentionem; existimantes se pressuram addere vinculis Pauli. Hic locus duobus modis
- B** potest intelligi: vel quòd Paulo non prædicante, putabant hi mali se in maiorem existimationem deventuros carentes æmulo; & ita se pressuram addituros eius vinculis, cuius animum ex suo æstimabant; ac propterea putabant eum doliturum de eorum æstimatione. vel quia arbitrabantur, Imperatorem, aliosquè primores; qui dolebant quòd Christiani crescerent, omnem culpam reiecturum in Paulum, ac magis in eam seviturum. *Mibi vivere Christus est, & mori lucrum.*] Sibi mortuus erat Apostolus, & vivebat tantum in Christo, & in opus Christi; iuxta illud primæ ad Corinthios: Pro Christo legatione fungimur &c. Mori verò erat ipsi lucrum, qui ad beatitudinem, exclusis molestiis per mortem venturus erat. Cætera vsque in finem capitis pertinet ad eundem sensum.

C

## CAPVT 2.

- P**OSTQUAM Paulus Philippenses cõfirmavit in fide Christi, nunc instruit vitam ipsorum; ac præcipuè ad humilitatem hortatur, vt sibi inuicem cedant, & curent non sua sed alienum, vt Christus fecit. Postmodum dicit se missurum Timotheum, imò ipsum venturum ad eos: Interim verò mittere Epaphroditum de quo multa dicit. *Si qua viscera miserationis.*] Nota feruorem charitatis Pauli. putabat se miserum esse, si Philippenses in quopiam deficerent, & ideo miseratione indigere, ac si diceret; Si qua mei misericordia vos tangit, implete gaudium meum. *Per humilitatem superiores inuicem arbitantes.*] Vt dicit Sanctus Augustinus de verbis Apostoli, non admonet
- D** Paulus, vt ficta humilitate vitamur, & quod nõ verè arbitremur ad inuicem superiores, sed simulemus. Hoc autem verè fieri potest, si vnusquisque cõsideret interiora sua mala, quæ certò scit sibi inesse; de proximo verò, cui' cor non videt, vt suum, potest credere, & aliqua ex illis suis malis non inesse; & quoddam sibi occultum, & ignoratum bonum. *Non rapinam est arbitratus esse se æqualem Deo.*] Omnes ferè exponunt, quòd cum Christus de se dixerit, quòd erat Deus, non rapuit sibi honorem, quem non habebat, sed naturalem sibi honorem attribuit. Ego verò non incongruè exponi posse crederem, quòd Christus, cum esset Deus secundum naturam, non seruauit morem, quem solent seruare illi, qui non habent honorem ex natura, sed ex rapina. Hi namque superbi sunt & arrogantes; at Christus seipsum exinaniuit.

*Cum timore & tremore salutem vestram operamini. Deus est enim qui operatur in vobis & velle, & perficere, pro bona voluntate.* ] Iure posset quispiam mirari de hac causa, quam adfert Apostolus; cur, scilicet, debeamus operari cum timore & tremore salutem nostram, eò quòd Deus operatur in nobis. &c. Nam potius videretur posse dici contrarium. Nam si Deus in nobis operatur, qui summæ virtutis est, & bonitatis, confidentissimè debemus salutem nostram operari. Iccircò aduertendum, quod vtrumque sequitur, vt scilicet, confidentissimè operemur nostram salutem, innixi diuina bonitate & potentia: quòd si respiciamus ad nòs, qui tam peccatores fuimus, & tam fragiles sumus, debemus, vt inquit Apostolus, semper operari cum timore & tremore. *Lucetis sicut luminaria in mundo, verbum vitæ continentes.* ] Verbum vitæ lux est, qua illuminati lucent, & facti sunt luminaria; & hoc cedebat in gloriam Apostoli, quod non in vanum in illis laborasset. ac propterea si immolandus erat ob sacrificium fidei Philippensium, seu gentium omnium, quibus prædicauerat, & qui obsecuti Deo crediderant; gaudebat & illis congratulabatur, hortās ipsos quoque ad idem officium vicissim, vt scilicet, sibi gaudentes, & ipsi Apostolo congratulentur.

## CAPVT 3.

**H**ORTATUR in hoc capite Apostolus Philippenses, vt caueant pseudoapostolos, qui inculcabant ceremonias legis, tanquàm necessarias ad salutem, præsertim circumcisionem: quos canes Paulus appellat, dicēs, quòd quamuis ipse posset habere confidentiam in carne, id est, in lege, vt mos eius est; tamen quo ad ceremonias, & genus, & conuersationem moralem in lege; nihilominus omnia putauit stercora, vt lucrificeret Christum, vt inueniretur in eo parriceps illius iustitiæ per fidem, & communicans eius passionibus; vt in eo veniret etiam ad gloriam resurrectionis. Addit excelsa quædam de Christo in postremis verbis; hæc summa. *Propter eminentem scientiam Iesu Christi.* ] Nam scientia hæc qua cognoscimus Christum, & beneficia nobis in eo præstita à Deo, superat omnem aliam scientiam. *Et arbitror vt stercora, vt Christum lucrificiam, vt & inueniar in illo, non habens meam iustitiam, quæ ex lege est, sed eam quæ est ex fide Iesu Christi, quæ ex Deo est iustitia in fide.* ] Hoc in loco Paulus clarè ostendit, quàm sit negligenda & nihili facienda iustitia moralis, quæ ex nobis est, cùm dicat se arbitratū esse, præter multa alia; quæ commemorauit, etiam fuisse in lege sine querela, ( Hoc etenim pertinet ad vitam moralem, & præcepta moralia legis ) vt stercora, vt Christum lucrificaret, & vt inueniretur in illo fixus, scilicet, vt illius membrum. non habens meam iustitiam, id est moralem, quam habebam ex obseruatione legis, sed eam, quæ est ex fide Iesu Christi. Hæc iustitia duplex est; altera nobis inhærens, quæ imperfecta est, & perficitur continenter. Altera quæ est in capite nostro, quæ plena est & perfecta, & nobis donatur; nam obediimus omnes in Christo, & meruimus omnes in Christo, sicuti peccauimus omnes in Adam, & in eo mortem meruimus, vt dicit Apostolus in Epistola ad Romanos. Vt hanc iustitiā, quæ est ex fide, & est ex Deo iustitia, Apostolus

- A stulus lucrificeret, omnia alia putauit vt detrimenta, & stercore. *Ad cognoscendum eum, & virtutem resurrectionis eius, & societatem passionum eius, configuratus morti eius, si quo modo occurram ad resurrectionem, quæ est ex mortuis.* Christus resurrexit propter iustificationem nostram; Hæc est virtus quam Paulus optat cognoscere. Et societatem passionum eius; Duobus modis hæc societas potest intelligi, nam qui est in Christo, iam est socius passionum, quas per tulit Christus: nam ei attribuuntur, ac si ipse passus fuisset, vel intelligit hanc societatem passionum, propterea quod quotidie affligebatur, & patiebatur, & sic efficiebatur particeps & socius passionum Christi. Sic alibi, vt suppleâ ea, quæ desunt passionum Christi, in corpore meo, &c. Ideo fortasse subdit,
- B configuratus morti eius: quamuis hoc possit referri ad mortificationem passionum, cui debemus semper intenti esse. *Sequitur autem, si quo modo comprehendam, in quo & comprehensus sum à Christo Iesu.* Esse comprehensum à Christo Iesu, duobus modis potest intelligi: vel quo ad opus & perfectionem vitæ, ad quam à Deo & Christo electus fuerat; vt sit sensus, Sequor, non desisto vt assequar id, ad quod à Christo sum electus. Hoc enim significat, comprehensus, vel quo ad imputationem: nam membris Christi, ea quæ illis desunt ad perfectionem iustitiæ, imputantur ex iustitia & meritis Iesu Christi. Ad eam ergo perfectionem assequendam, & comprehendendam, properabat Apostolus, in qua iam comprehensus erat à Christo Iesu. *Quicumque ergo perfecti sumus, hoc sentiamus: & si quis aliter sentit, & hoc illi Deus reuelabit.*
- C Videtur Apostolus sibi ipsi repugnans: nam suprà negauit se perfectum esse; non quod perfectus sim, inquit: hinc autem dicit quorquor perfecti sumus, hoc sentiamus. Augustinus de verbis Apostoli soluit: Hinc non sumus perfecti; neque erat perfectus Paulus, sicuti sunt illi, qui iam comprehenderunt brauium supernæ vocationis. nam nos adhuc ambulamus per fidem, non peruenimus ad speciem. Erat tamen perfectus viator; quia persequebatur, intēdebat vires, vt perueniret ad brauium. Pertinet autem ad perfectum viatorem, vt cognoscat se non peruenisse, nec comprehendisse; ac propterea non sinit in via, sed continenter progreditur. *Veruntamen in quod peruenimus, vt idem sapiamus, & in eadem permaneamus regula.*] In Græco codice non est perueniamus, sed præuenimus. Meo tamē iudicio idem est sensus. nam propterea dicit se præuenisse, quo peruenit, quoniam continenter se extendebat in alteriora, ac seipsum præueniebat. Ergo hortatur Philippenses, ne recedât in hoc processu, sed vtantur regula Apostoli, & idem sapiant: quod dicit propter pseudoapostolos, qui conabantur eos diuertere à regula Apostoli, quæ erat in Christo Iesu, & conuertere eos ad obseruantiam legis; quod posterior statim probè declarat, & explicat, imitatores mei estote, &c. *Secundum operationem virtutis eius, qua posuit subicere sibi omnia.*] Nam Christus subiecit sibi mortem, resurgens immortalis, & nos ad eandem immortalitatem perducens.

SALVAT, hortatur, & gratias agit, quòd ei miserant nescio quæ. *Etiã te rogo germane compar.* ] Nonnulli ex hoc loco dixerunt, Paulum vxorem habuisse, quam nunc compellat; leui, vt reor argumento. nam in Græco verbum quod ponitur, quamuis ad vxorem referri possit, nihilominus significat eos qui pariter sub eodem sunt iugo, & ad marem accommodari melius potest, quàm ad forminã, *ἄλλοι*; quasi qui fuerit ei socius legitimus. Dominus propè est, nihil solliciti sitis, sed in omni oratione, & deprecatione, petitiones vestra cū gratiarũ actione innotescant apud Deũ. Qui habet adiutorẽ Dominum propè, non debet esse sollicitus cuiuspiam rei; imò, vt securus, debet in omni petitione agere primũ gratias Deo, quod semper facit Apostolus. *Resloruistis pro me sentire, sicuti & sentiebatis, sed occupati eratis.* Mira locutio Pauli, trãslatio ab arbore, quæ per intermissionem temporis iterum floret. Sic Philippenses post intermissum tempus cœperunt iterum sentire pro Apostolo, id est, illius curam habere, missis ad eum muneribus, quos excusat. *Non quia quero datum, sed requiro fructum abundantem in rationem vestram.* Solent quidam, eleemosinas dari consuetas ab aliquo, veluti debitum repetere. Ideo Apostolus dicit, non se ab eis quærere datum, id est, id quod alias dederint; quod fortasse detrimentum & impensam eis esset allaturum; sed quærere eorum fructum, quo abundant in rationem suam, id est, in suum compendium & vtilitatem.





## AD COLLOSSENSES:

B



NON viderat Paulus Collossenses; audierat tantum eorum fidem, & quod pseudoapostoli querebant eos auertere à fiducia seu fide in Christo, ad ceremonias & obseruantias veteris legis. Ideo Apostolus cum primum eos laudasset, ac ostendisset quantum deberent Deo, à quo translati essent à tenebris, in lumen dilecti filij sui, docet ne se decipi permittant & trahi in obseruantias legis, tanquam per illas iustificandos; cum solum per fidem Christi sit prima iustificatio apud Deum, & illa iam eneruata essent. Dat deinde præcepta quædam ad mores & bonam vitam pertinentia. Hoc est Epistolæ argumentum.

C

## CAPVT I.

D

IN hoc capite nil aliud agit, præterquam quod confirmat Collossenses in Christo, gratias agens Deo pro eorū fide, & charitate erga sanctos; ostendens omnes nos translatos à tenebris in lumen Christi; in cuius sanguine habemus redemptionem, & remissionem peccatorum. Demonstrat deinde excellentiam Christi, qui primatum in omnibus teneat, cuius prædicationis ipse Apostolus fuerat factus minister. *Quam audistis in verbo veritatis Euangelij.* Veritatem Euangelij, vel dicit, propterea quod per Euangelium eis fuerat veritas annunciata: vel, ut indicet illud quod audierant esse verum Euangelium, per quod euangelizatur veritas, non autem esse veritatis Euangelium id, quod docebant pseudoapostoli. *Et transfulsi in regnum filij dilectionis sue.* Mos loquendi Pauli, id est, in filij sui dilecti regnum. *Primogenitus omnis creature.* Non quod creatura sit à Deo genita, ut filia, & ipse sit genitus priusquam creatura, ut contingit in fratribus; nam verbum à patre procedit, ut genitus ex eius substantia, creatura procedit, ut facta ex nihilo. Sed quoniam ipse fuit genitus ante omnem creaturam, id est, ante factionem cuiusvis creature; quoniam omnia per ipsum facta sunt. *Primogenitus ex mortuis.* Multi ante Christum resurrexerunt, ut Lazarus, quem ipse suscitauit; sed ad vitam mortalem; iterum morituri. Solus Christus suscitatus est ad vitam immortalem, cui mors non amplius dominatur; & nullus ante ipsum. Notandum in scriptura, resurrectionem dici generationem, ac si ex cadauere, tan-



quam, ex semine, ut inquit Paulus ad Corinthios prima, generetur ac nascatur immortale corpus. In regeneratione cum sederit filius hominis, &c. in Evangelio; & Paulus in actibus Apostolorum, ad resurrectionem Christi applicat versiculum psalmi, ego hodie genui te. *Et vos cum essetis aliquando alienati, & inimici sensu, in operibus malis.* Inimicos sensu eos fuisse dicit, quoniam non bene sentiebant de ratione viuendi, additi malis operibus. *Nunc autem reconciliauit in corpore carnis eius per mortem, exhibere vos sanctos & immaculatos & irreprehensibiles.* Sic supra ad Ephesios, ut reor, destruens inimicitias in carne sua; eò quod Deus posuerit in eo iniquitates nostras, & per mortem eius, eis satisfactione digna destructis, reconciliauit nos sibi. in corpore ergo Christi reconciliauit nos, & destructis peccatis, exhibuit nos sanctos & immaculatos. &c. *Et adimpleo ea quæ defunct passionum Christi in carne mea, pro corpore eius, quod est Ecclesia; cuius &c.* Non ea ratione hæc dicuntur à Paulo, quasi passionem Christi non sufficiant, quantum est ex se, ad delenda peccata; & quod illis quippiam desit, quod oporteat in nobis impleri; absit hoc: Sed quoniam debemus nos imitari Christum, & pati pro ædificatione Ecclesiæ sicuti Christus passus est. Modus autem passionis nostræ præscriptus est à Deo, sicuti & munus nobis ab eo impositum. Ideo dicit Paulus, quod implet ea quæ defunct in carne sua passionum Christi, id est, ut imitetur passionem Christi pro corpore eius, quod est Ecclesia. In textu Græco ὡς ἡμέτερον; quidam expositores Græci exponunt, quod Paulus appellauerit passionem suam quas patiebatur, collatas passionibus Christi, eo vocabulo; ac si diceret, vestigia quedam, inferiora passionum Christi. *Ut impleam verbum Dei, mysterium, quod fuit absconditum.* Locutio Paulina: dixit implere verbum Dei, & mysterium, id est, in gentibus illud diffundere & prædicare. *Certando secundum operationem eius, quam operatur in me in virtute.* Veretur Paulus, ne fortè lapsu linguæ videri possit sibi attribuere, quasi ipse esset, qui ageret virtute sua: ideo, sicuti alibi, ita etiam hîc dicit, hanc operationem Dei esse, & in virtute ipsius Dei, quam Deus operabatur in ipso Paulo.

## CAPVT 2.

PROSEQUITVR Paulus id quod cœperat; ac præcipuè eò intendit orationem suam, ut eos instruat magnitudinem, & plenitudinem scientiæ, & perfectionis omnis, quæ in mysterio Christi continetur. Nam coniuncti illi capiti, in eo sumus repleti omni perfectione; quippe in quo habitat omnis plenitudo diuinitatis corporaliter: & hoc mysterium nosse, superat omnem aliam scientiam. Quamobrem subdit, ut non sinant se à quopiam decipi, quasi ex quapiam alia obseruantia, & quopiam alio cultu, ut angelorum, possint quippiam perfectionis acquirere, quam in Christo fuerint adepti. & sic ab obseruatione veterum ceremoniarum legalium, eos quantum potest debortatur. *Ut consententur corda ipsorum instructi in charitate, & in omnes diuitias plenitudinis intellectus, in agnitione mysterij patris & Christi Iesu*

- A** *Iesu &c.*] In Græco, ut corda ipsorum consolationem capiant instructorum in charitate. Nam fides inchoat, & charitas perficit hoc spirituale ædificium. Sequitur, & in omnes diuitias plenitudinis intellectus; deest verbū, ut putā, proficiant, vel quippiam simile, proficiant, inquam, in has diuitias plenitudinis & perfectionis intellectus. Sequitur, in agnitione mysterij Dei & patris, id est, ut cognoscant arcanum Dei & Christi, quod scilicet arcanum est in Christo. Sequitur, in quo sunt omnes thesauri sapientiæ & scientiæ absconditi; id est, in quo, vel Christo; sed melius, & magis ad sensum literæ puto esse, in quo, scilicet mysterio, & arcano Dei, sunt omnes thesauri scientiæ, & sapientiæ: quoniam nos in hac vitā nihil melius, nihil utilius, nihil amplius possumus scire, quam mysterium Christi; quod scilicet in eo radicatis, nihil desit, neque quopiam alio medio inter ipsos & Deum indigeāt. *Videte ne quis vos decipiat per Philosophiam, & inanem fallaciam, secundum traditionem hominum, secundum elementa mundi, & non secundum Christum; quia in ipso inhabitat omnis plenitudo diuinitatis corporaliter, & estis in illo repleti, qui est caput omnis principatus & potestatis.*] Collossenses imperij erant, decepti duplicibus insidiis. nam & Iudaizantes, illos volebant trahere ad obseruationem ceremoniarum veteris legis, quasi necessarias præter fidem Christi. Philosophi alij volebant eos trahere ad culturam Angelorum, à quibus putabant se purgatum iri; de qua re Augustinus in decimo de ciuitate Dei multa agit. Iccircò Apostolus admonet Collossenses ne sinant se decipi, nec à Iudæis nec à Philosophis; quoniam in Christo est omnis plenitudo, neque quippiam aliud requiritur ad implendum, & perficiendum hominem, præter Christum; ac consequenter, quod ipse in sua Ecclesia faciendum iussit. Vnde & obseruantias veteres reiiciendas esse, & cultum superstitiosum; quippe quæ eò tendunt, ut nobis persuadeant Christum, suæque nobis non sufficere, sed quippiam aliud necessarium esse, ad perfectionem, & impletionem, nostri: Appellat autem elementa mundi; legem Moysei; quæ cum fuerit pædagogus, imposita illi populo, tanquam puero, continebat lex illa veluti elementa, quæ solemus docere pueros: dicit in Christo habitare omnem plenitudinem diuinitatis corporaliter; vel quia diuinitas in Christo assumpsit corpus sicut animam; vel corporaliter, id est, non in vmbra, sicuti sunt ceremoniæ legis; sed in veritate, ut corpus habet se ad vmbra corporis. sic infra, quæ sunt vmbra futurorum, corpus autem Christi. Sequitur, & estis repleti in illo, qui est caput omnis principatus & c. docet quod cum omnis plenitudo sit in Christo, repleti in illo nihil sit præterea querendum; Imò quod, querere quippiam, in quo repleamur præter Christum, est decidere à vera fide, & verā agnitione Christi. *In quo & circumcisi estis, circumcissione non manu facta, & cetera quæ sequuntur.*] Enumerat Apostolus quæ in Christo adepti sumus, ea omnia scilicet vera, quorum vmbra erat lex, ut circumcisio; &c. *Delens quod aduersus nos erat Chirurgicalium decreti, quod contrarium nobis erat,*

*affigens illud cruci.*] Chirographum, propriè est scriptura manu nostra confecta, qua nos obligamus ad quippiam. Iccirco Paulus hinc appellauit Chirographum, obligationem nostram ad seruandam legem, quam populus Israël suscepit, & promiserat se seruaturum; & idè qui non seruabat eam suo proprio Chirographo erat sub maledicto. Hoc ergo maledictum, ex Chirographo nobis debitum, deleuit, & affixit cruci, factus pro nobis maledictum. Vel Chirographum appellat Apostolus, obligationem nostram, qua sponte vendidimus nos peccato & Diabolo. vtriusque serui effecti; vt per decreta, seu in decretis, non intelligamus legem Moyli, sed communem & naturalem legem, qua quis efficitur seruus illius, sub cuius potestate ipse poluit & vendidit. *Expolians principatus & potestates traduxit confidenter palam, triumphans in semetipso.*] Fortior fuit Christus Diabolo, ideo ingressus in domum eius, corda scilicet hominum, diripuit vasa eius, & ita expoliavit potestates & principatus, malos dæmones, ex illis ordinibus Angelorum traduxit confidenter; transtulit enim nos de tenebris in admirabile lumen, triumphans illos in semetipso, cò quod nullum adiutorem habuit in hac victoria & triumpho; solus ipse calcavit torcular vt est apud Esaiam, & inquinauit vestimenta sua sanguine, neque erat vir secum. *Nemo ergo vos iudicat in cibo aut potu, aut parte diei festi, aut neomenia. &c.* item *nemo vos seducat volens in humilitate, & religione Angelorum. &c.*] Diximus suprà quod apostolus docens nos esse repletos omnino in Christo, propterea docet etiam nos non indigere ad expiationem nostram, seu ad perfectionem, neque obseruantis legis Iudaicæ, neque cultu bonorum dæmonum & Angelorum, vt Porphyrius & alij Philosophi sunt opinati, de quibus Augustinus in 10. de ciuitate Dei. Horum vtrumque hinc tangit Apostolus, & primum obseruantias legis, quas dicit esse vmbra, corpus verò esse Christi: iccirco qui tenet Christum, vmbra illis non indigere. Postmodum dicit de cultu & religione Angelorum, quem philosophi efferebant, quam vocat humilitatem; non virtutem, sed depressionem animi, qui enim perfectus est in Christo, deiicit se, si voluerit expiari per Angelos. Quæ non vidit ambulans: Addit hæc vt doceat Philosophos illos mendaces esse, quippe qui asserchant multa se vidisse ex Angelis, quæ tamen non viderant. Sed mendax & infatus sensu carnis suæ, id est, carnali sensu; neque tenens caput Christum, scilicet, ex quo totum corpus connexum &c. vt suprà ad Ephesios. *Si igitur mortui estis cum Christo, ab elementis mundi. &c.*] Iterum legem Iudaicam, & obseruantias illas appellat elementa mundi, quæ pueris debentur. *Quæ sunt omnia in interitu ipso usu, secundum præcepta & doctrinas hominum quæ sunt quidem rationem habentia sapientia in superfluitate, & humilitate, & ad non parcendum corpori, non in honore aliquo ad saturitatem carnis.*] Locutio de phrasia valde extranea, & eius qui erat sermone imperitus. inquit ergo, cibi & potus in interitu sunt ipso usu, vel vt in Euangelio dicit Christus, quod intrat per os, non coinquinat hominem, nam

- A** nam in secessum vadit, &c. ut ita hîc dicat Apostolus, quod cibi & potus cum ipso ipsorum vîu intereat, non possunt nos inficere. Vel ut velit has obseruantias nobis interitum asserre ipso vîu, seu abusu, ut in Græco; quoniam nos auertunt à Christo. & à capite. Sequitur quod rationem habent sapientiæ, id est speciem sapientiæ propter superstitionem, & humilitatem, nam superstitio videtur multis religio; & delectio animi humilitas. Sequitur, & ad non parcendum corpori. Aliam etiam speciem sapientiæ habent, eò quod nō indulgere corpori in cibis, & potu, videtur esse religiosi, & sapientis. Sequitur non in honore aliquo ad saturitatem carnis: Complet superiorem particulam; nam non indulgere corpori, neque in honore habere,
- B** ea, quæ pertinent ad saturitatem carnis, præ se ferunt quandam sapientiæ, & religionis speciem. Omnia verò hæc de Iudaismo intelligit, ut ait Sanctus Augustinus ad Paulinum; ne quis putet sanctum Ecclesiæ ieiunium, abstinentiamque, ad cœlestia contemplanda, & ad carnem edomandam, necessariam reici.

## CAPVT. 3.

- I**N hoc capite iuxta morem suum Apostolus, Postquam statuit eos in Christo, & ea reiecit, quæ dimotura erant eos à Christo capite; docet eos ea, quæ ipsis agenda sunt, ut Christi membra, ut induti nouum hominem, & mortui veteri homini cum Christo. descendit ad officium viri & vxoris, patris & filij, serui & domini. *Cum apparuerit Christus vita vestra, tunc & vos apparebitis cum eo in gloria.* Mortui huic mundo sunt veri Christiani, & viuunt in Christo. ideo nihil sunt in hoc mundo, quoniam eorum gloria & vita latent in Christo. Cum Christus apparuerit, eorum quoque gloria, quæ nunc latet, apparebit. *Mortificate membra vestra. &c.* Membra correspondent corpori; mundani corporis membra sunt vitia, ex quibus quasi conflatur, quatenus mundanum est. *Auaritia quæ est idololum seruitus, propter quæ venit ira Dei super filios diffidentie seu inobedientie.* Illi propriè seruimus, quod tanquam finem vltimum nobis constituimus; avaritia autem hoc in nobis agit, ut diuitias nobis constituamus tanquam
- D** finem vltimum, & ita honorem, ac seruitutem Deo debitam auro intendimus, neque ex perturbatione animi; sed ex electione. hoc faciunt avari, ideo dicit Apostolus avaritiam esse idolatriam. Filij diffidentie seu incredulitatis sunt illi, qui carent ea fide, qua in Deum intendimus; omnes autem mali, qui non recedunt à peccatis, in hoc ordine sunt. In Græco vocabulum positum, potest etiam applicari ad inobedientiam, id est, ad filios diffidentes, seu incredulos, & inobedientes. Vocat autem filios more scripturæ, & Hæbraicæ linguæ, ut filius gehennæ. *Eum qui renouatur in agnitione Dei, secundum imaginem eius, qui creauit eum.* Renouamur in cognitione Dei, id est, quando cognoscimus bonitatem nostram non esse

à nobis, sed à Deo per Iesum Christum; & infirmitatem nostram cognoscimus, tunc renouamur in nouum hominem per spiritum Christi. Imago verò & effigies huius noui hominis, quem induimus, est imago Dei, nam efficiamur participes diuinæ naturæ, & imago Dei in nobis obscurata per peccatum renouatur. *Charitatem, quod est vinculum perfectionis.*] Quoniam omnes virtutes, quibus perficimur, continentur & vinciuntur in vnum, per charitatem. Necnon etiam nos omnes, ex quibus tanquam membris compingitur corpus christi mysticum, id est Ecclesia, vincimur inuicem per charitatem,

## CAPVT 4.

OMNIA quæ in hoc capite continentur, præcepta sunt ad vitam & mores pertinentia, & sunt facilia omnibusque exposita.

AD



## AD THESSALONICENSES

PRIMA.

**B** AVLVVS fuerat Theſſalonicæ, ibique docuerat Chriſtum; paſſus tamen multa fuerat: vnde conceſſit Berræam & Corinthum, vbi multa etiam paſſus fuerat. Quare ſollicitus factus ex charitate, ne ob huiusmodi perſecutiones Theſſalonicenſes dimoueretur à firmitate fidei, illuc deſtinauit Timothoum, ex Athenis; quo reuerſo, illis hanc Epiſtolam ſcripſit, in qua, more ſuo, prius eos in fide confirmat. docet deinde quæ ad mores & vitam pertinent, deinde tractat de reſurrectione mortuorum, quod ſimul omnium erit; tempus verò & horam incertam eſſe. Vnde hortatur, vt nullam fidem præſtent his, qui dicebant diem Domini inſtare. Hæc eſt ſumma Epiſtolæ huius.

## CAPVT I.

**F**ACILIS ſumma huius capituli. Gratias Deo agit pro eorum conſtantia in fide; laudat eos quòd imitati fuerint Apoſtolum, accepta fide in multis tribulationibus, prout ipſe etiam multa fuerat paſſus. *Suſtinentis ſpei Domini noſtri Jeſu Chriſti ante Deum.* Perſeuerentiam in ſpe, dixit ſuſtinentiam ſpei, in qua, qua ſpetabāt, cetèrò futura, quæ Deus fuerat pollicitus per Chriſtū.

## CAPVT 2.

**D**ARGVMENTVM Facile in memoriam eis reducit, quàm magna charitate illis Euangelium prædicaffer, ac item quàm magna charitate illi Euangelium excepiſſent, multis aduerſantibus & perſequentibus, præſertim Iudæis. *Scitis introitum noſtrum ad vos; quia non fuit inanis, ſed ante paſſi multa.* Inanem appellat, vt reor, leuem, id eſt, ex quadam animi leuitate prodeuntem. Nam qui ex leuitate mouetur, facile etiam deſiſtunt: Paulus autè multa perpeſſus, non deſtitit tamen à prædicatione Euangelij. *Sed facti ſumus paruuli in medio veſtri; ſicuti ſi nutrix foueat filios ſuos.* Nutrix accommodat ſe infantibus, & eorum balbutiem imitatur: ſic Apoſtolus ſe accommodauerat & demiſerat, vt eos foueret in Euangelio Chriſti. *Aut corona gloriæ.* Dicit Theſſalonicenſes eſſe coronam gloriæ ipſi Paulo, quoniam in proſpectu illorum, doctorem ab ipſo, gloriabatur, & coronari à Deo expectabat.

Vv iij

## CAPVT 3.

E

**N**ARRAT pro animi affectu se misisse ad illos Timotheum; à quo, nuper redeunte, intellexerit eorum constantiam in fide & charitate; & quanto animi affectu prosequerentur Paulum: pro quo nuncio effunditur totus in gratiarum actionem. Nihil est difficile, quod expositione egeat.

## CAPVT 4.

**M**ULTA in hoc capite præcipit Apostolus Theſſalonicenſibus; præſertim vt abſtineant à fornicatione, quam gentiles non putabāt eſſe peccatum. laudat eos, quòd charitatem habeant erga omnes; ſed admonet, vt in ea proficiant. Tandem, quoniam nonnulli eorum magis dolebant, in obitu charorum, quàm par erat; ſermonem facit de reſurrectione mortuorum. *Scio enim quæ præcepta dederim vobis per Dominum Ieſum.* ] Id eſt, per virtutem mihi præſtitam à Domino Ieſu; item, per auctoritatem & officiū mihi datū ab illo. *Vt ſciat vnusquiſque veſtrū vas ſuum poſſidere in ſanctificationem.* ] Per vas ſuū, vel intelligit corpus vniuſcuiuſq;. Corpus enim eſt veluti vas animę. vel vas ſuum, id eſt, vxorem ſuam, quæ ſeruit viro vt vas. Is autem tenet vxorem in ſanctificatione, qui ei fidem ſeruat, nec vitur vxore laſciuē, vt meretrice. *Et ne quis ſupergrediatur, aut circumueniat in negotio fratrem ſuum.* ] Nonnulli referunt hoc ad auaritiā & iniuſtitiam, qua in commerciis inuicem vtuntur nonnulli. Mihi magis probatur, quod perſtet Apoſtolus in his, quæ dixerat de fornicatione; in qua, vitanda eſt laſciuiā & petulantia libidinis. Sed imprimis vitanda eſt iniuſtitia; cūm quiſpiam non veretur iniuriā & fraudem illatam proximo, vt libidini faciat ſatis. ideo concludit ſermonem, non enim vocauit vos Deus in immunditiā ſed in ſanctificationē. *Non hominē ſpernis, ſed Deum; qui etiam dedit ſpiritum ſanctū ſuum in vobis.* ] Deum ſpernere, magnum eſt, ſed inſuper ingratiffimum Deo eſſe, intolerabile malum. iccirco addit Paulus, qui etiam dedit ſpiritum ſuum ſanctum in vobis. *Et vt nullius aliquid deſideretis.* &c. ] In Græco, vt nullius indigeatis, id eſt, vt perfecti ſitis, vt viatores inquam. Ille enim qui imperfectus eſt, indiget aliquo quo perficiatur: is verò qui perfectus eſt, nullius indiget. Quæ addit de reſurrectione mortuorum, ſerè ſunt eadem cum his quæ dixerat in eūdē ſenſum, in Epiſtola prima ad Corinthios. Id tantū notādum, in voce Archangeli, dictū eſſe, vt nonnulli exponunt, id eſt, in voce Chriſti; quem appellat Archangelum, quaſi principem Angelorum omnium.

## CAPVT. 5.

**P**ROSEQUITVR ſicuti certiffimum eſt futuram reſurrectionem, ita incertiffimum eſſe tempus & horam, quæ ventura eſt tãquam fur in nocte. Deinde in hac noctis & diei metaphora ſœliciter verſatur, dicens nos non eſſe in nocte neque in tenebris, ſed in luce & in die; ideoque honeſtè nobis ambulandum. Nonnulla deinde monita ſubdir, ſicque finit Epiſtolam. *Pacem habete cum eis.* ] Is pacem habet cum doctore ſuo, qui ei paret & bene agit. in Græco potius eſt, pacem inuicem habete.

AD





## AD THESSALONICENSES

## SECUNDA.

B



ARGUMENTVM Epistolæ promptum & facile. Scopus est, vt amoveat Thessalonicenses à persuasione, quòd dies domini instaret. Verùm primum eos laudat, quòd sint in fide radicati; & quòd ob eam rem sint facti exemplum aliis, à quibus laudetur. Docet deinde ante iudicium vniuersale venturum Antichristum, de quo multa dicit; quem detineri innuit quodā mysterio, seu arcano: ac demum multa tradit præcepta, quæ ad vitam & mores pertinent.

## CAPVT I.

- C GRATIAS agit Deo, & laudat Thessalonicenses pro eorum fide & charitate, in qua gloriari se dicit apud alias Ecclesias. *Quia creditum est Euangelium nostrum super vos, in die illo; in quo oramus etiam semper pro vobis, vt dignetur vos sua vocatione, &c.* Locutio Paulina, duobus modis exponi potest; scilicet, vel quòd in die illo revelationis Christi apparebit eorum fides, qua crediderunt Euangelio, & testimonio Apostolorum; pro quo dicit se semper orare pro illis. Vel quod crediderint Thessalonicenses testimonio Apostolorum, de fide resurrectionis & vniuersalis iudicii: nam in eo articulo est summa fidei nostræ, pro quo indefinenter Paulus orabat. *Et impleat omnem voluntatem bonitatis sue, & opus fidei in virtute.* Cùm bonitas sui ipsius sit diffusiva, is implet voluntatem bonitatis, qui maximè perfectionem & bonitatem largitur. Et opus fidei; Omnia etenim bona opera nostra nituntur fide. in virtute: id est, vel in animi robore in tolerandis tribulationibus, vel in perfectione. Nam virtus est rei perfectio.
- D

## CAPVT 2.

MONET eos ne terreantur quasi instet dies domini; & de Antichristo multa dicit. *Nisi venerit discessio primū.* Discessio, Apostasia Græcè. Hæc quænam sit ignoramus: fortasse innuitur Maumethana. Certam rem meo iudicio, adferre non possumus. *Et nunc quid detineat scitis; vt reueletur in suo tempore. Nam mysteriū iam operatur iniquitatis, tantum vt qui tenet nunc teneat, donec de medio tollatur.* Noluist Apostolus intelligi. Quidā putāt locutum fuisse de

Romano imperio, cuius destructionem noluerit palam prædicare. Ego certe non ausim certum quippiam asserere. Nam mysterium iniquitatis iam operatur; puto ego verbum Græcum *διεστρα* passivè accipi; quasi diceret, hoc iniquitatis arcanum iam concipitur. *Eò quod veritatem charitatis non receperunt, &c.*] Iudæos innuit. Veritatem charitatis appellat mysterium Christi: sicut enim Deus dilexit mundum, &c. Vel veritatem charitatis, refert ad consortium gentilium, quibus Iudæi volebant Evangelium prædicari. In textu Græco, charitatem veritatis, & sensus est planus; eò scilicet quòd non fuerunt affecti veritati, & reiecerunt veritatem, misit in eos Deus spiritum erroris, ut credant mendacio.

## CAPYT 3.

**Q**UONIAM plerique pseudoapostoli otiosi homines erant, qui absque labore volebant dilatarì; Idcirco huiusmodi homines notat Apostolus, & suo exemplo inuitat ad operandum, & viuendum ex sudore & labore suo. *Dominus dirigat corda vestra in charitate Dei & patientia Christi.*] Christi patientiam, dicit expectationem aduentus Christi. *Vos autem fratres nolite deficere benefacere.*] Notauit superius hos otiosos: sed ne ex hac exhortatione, eorum multi pigriores fierent ad eleemosinas largiendas; addit, quòd propterea ipsi non efficerentur pigri, & deficerent in benefaciendo aliis.

*Quòd si quis non obedierit verbo nostro, per Epistolam hunc notate.*] Particula, per Epistolam, potest iungi & superioribus; verbo, scilicet, nostro per Epistolam, id est, vobis significato hac nostra Epistola: vel inferioribus; hunc, scilicet notate per Epistolam. Melius tamen iungitur superioribus meo iudicio.



## AD TIMOTHEVM PRIMA.



B

RESCENTI vbique fidei in Christum Iudæi insidiabatur, subinferentes legem Moyfi: ac si non iustificarentur homines per fidem in Christum; sed præter fidem, tanquam per se non sufficientem, oporteret etiam addi obseruantias veteris legis. Vbi- que ferè struebantur hæ insidie fidei; contra quas acerrimus fuit fidei propugnator Paulus. Quamobrem, cum reliquisset Timotheum Ephesi, vbi etiam inueniebatur, qui hoc pacto fidem oppugnaret; Apostolus statim in exordio redigit Timotheo

hoc in memoriam. Iusuper docet vsum legis legitimum, qui tendit ad hunc finem, vt nos liberos faciat à veteri lege; id est, à coactione legis. Et hoc est Euangelium, nam per Christum perducimur ad hunc legis finem: cuius erat constitutus à Deo prædicator Paulus. Subdit multa deinde, quæ pertinet ad morum correctionem; qui mos eius perpetuus est.

C

## CAPVT I.

REDIGIT in memoriam Timotheo, quæ præceperit ei cum discederet ab Epheso, in eos qui intermiscabant legem fidei, veluti per se non sufficienti. Docet vim legis: sequè per Dei misericordiam, licet persecutorem & blasphemum, constitutum fidei & Euangelij prædicatorem. *Sicuti rogavi te, vt remaneres Ephesi, &c.* Figura locutionis, in qua deest verbum principale; ideo sup- plendum, verbi gratia, ita facito, vel quippiam simile. *Finis præcepti est charitas, de corde puro, conscientia bona, & fide non ficta.* Multa alia quidam dicunt.

D

Ego verò simplicius puto intelligendum locum hunc: nam ad veram charitatem, quæ est finis præcepti, requiritur fides vera non ficta, viuæque non mortua; & cor purum, conscientiaque bona, id est, bona intentio, quo ad finis constitutionem; & conscientia bona, quoad operis exhibitionem: quorum vtrumque apertius tangit in fine capitis huius. *Scimus autem, quia lex bona est, si quis ea legitime vtiatur; scientes hoc, quod iusto lex non est posita, sed iniustu, &c.* Lex vt ait Aristoteles in decimo Ethicorum, de sui ratione habet vim cogendi. Idcirco qui sponte agit & amore iustitiæ ea, quæ præcipit lex, non est sub lege, sed peruenit ad finem legis. lex etenim ducit nos ad hoc, vt, scilicet, non sumus sub lege; sicuti finis pædagogici est, perducere adolescentem & puerum ad hoc, vt non sit amplius sub pædagogia. *Secundum Euangelium glo-*

ria beati Dei.] Gloria beati Dei est, quod præstet nobis ex sua bonitate per fidem in Christum, & charitatem, quæ est finis legis, & quæ nos liberat à veteri lege; id est, à coactione legis. *Sed misericordiam, consecutus sum; quia ignarus feci in incredulitate, &c.* Notandum, quod eorum, qui longè sunt à Deo, quidam longius sunt, quidam propius. Paulus longè erat à Deo; quia tamen fallebatur sub specie boni, minus distabat; idèò minus erat per se ineptus, ut à Deo traheretur. Non ergo accipienda sunt eius verba, tanquam se excusare voluerit; sed quod minorem quãdam ineptitudinem significarit. idcirco addit superabundasse Dei gratiam, præstando ei fidem & dilectionem; & quod Christus venerit, ut saluos faceret peccatores, quorum ipse esset primus. *Hoc præceptum commendo tibi fili Timothee, secundum præcedentes in te prophetias; ut milites in illa bonam militiam habens fidem, & bonam conscientiam.* Præcedentes prophetias (ut alias expositiones omittam) fortasse appellat benedictiones & orationes, quibus utimur in consecratione sacerdotis; quibus & fides & bona conscientia; id est, bona vita & morum probitas continetur. Infrà hoc tanget cum dicet, cum impositione manuum presbyterij. *Quos tradidi Sathanae ut discant non blasphemare.* Hæc finis excommunicationis, correctio excommunicati.

## CAPVT 2.

In hoc capite monet orandum pro principibus; docet item officia mulierum & virorum. *Obsecro vos, &c.* Quid intet sit inter orationes, postulationes, obsecrationes, & gratiarum actiones, beatus Thomas in secunda secundæ G declarat optime: Sanctus Augustinus etiam in quadam Epistola ad Paulinũ, siue Probam. *Qui vult omnes homines saluos fieri, &c.* Quomodo Deus velit omnes homines saluos fieri, in primo sententiarum agitur, ubi multa ex sancto Augustino. *Qui dedit redemptionem semetipsum pro multis; cuius testimonium temporibus suis confirmatum est.* In Græco exemplari impresso dicitur, testimonium temporibus suis. passio Christi fuit testimonium iustitiæ Dei & veritatis Dei; qui, scilicet, stat promissis, & nullum peccatum sinit impunitum; quã passionem suis & destinatis temporibus exhibuit. Idem sensus Latini exemplaris verbis adaptari potest. attamen Latino textui adaptari etiam potest, ut per testimonium intelligantur etiam prophetiæ, quæ præcesserant de Christo, quarum veritas est exhibita suis temporibus. *Saluabitur autem per filiorum generationis si permanferit in fide, & dilectione, & sanctificatione cum sobrietate.* H Postquam inferri sumus Christo per fidem, ambulandum est nobis in bonis operibus, ut dicit Apostolus ad Ephesios. Bona opera sunt officia quæ cuiq; conveniunt. Ideo hic Apostolus commemorat officia mulierum. Id quod dicitur, per filiorum generationem, intelligendum est, & referendum ad mulieres, ut in pluribus quæ nõ vouent castitatem, sed nubunt. (cõmunia namque officia tangit, non gratiam paucarum) & non tantum carnis illam generationem intelligit, sed bonam educationem liberorum; quæ est perfecta ipsorum generatio. Et sanctificatione cum sobrietate. Tangit hic pudicitia, cui annexa est sobrietas. sic ad Thessalonicenses. Hæc est voluntas Dei, sanctificatio vestra.

## CAPVT 3.

A

**I**NSTRVIT Episcopum & Diaconum, eorumque officia refert, vt patet ex textu. *Fidelis sermo, id est fide dignus. Non neophytum; ne in superbiam elatus, in iudicium incidat diaboli.*] Is qui nouus est, & ad summum dignitatis gradū euehitur, dum id putat suæ excellētiz attribui, facile inflatur; & sic incidit in iudiciū diaboli: nam ob superbiam præcipuè dānatus fuit diabolus. *Oportet autem & testimonium habere bonum ab his qui foris sunt; vt nō in opprobrium incidat, & in laqueum Diaboli*] Laqueus diaboli præcipuus est, exempla malorum præpositorum. Laqueus ergo hīc, vt reor, non dicitur, quo ipse capiatur à diabolo; sed quo diabolus alios capiat eius exemplo, si malè audierit. *Habentes mysterium fidei in conscientia pura.*] Arcanum fidei coniungi debet conscientiz puræ; aliter nihil prodest. *Mulieres similiter, &c.*] Prius de mulieribus in generali locutus fuerat, nunc agit, vt reor, de his, quæ erant vxores diaconorum, de quibus tractat. *Qui benè ministraverint gradum bonum sibi acquirēt.*] In Græco significantiū, & ἀπομύσσει, nam per gradus adscendimus. Innuit hīc diaconos benè ministrantes sibi parare ascēsum ad sacerdotium. *Quæ est Ecclesia Dei, columna & firmamentum veritatis.*] Non quod Ecclesia firmet & sustentet veritatem, sed quoniam firmatur & sustentatur à veritate; sicuti fundamentum quoddam stabile & columna, qua qui innititur, innititur etiam veritate. *Et manifestè magnum est pietatis Sacramentum, quod manifestatum est in carne, iustificatum est in spiritu, apparuit angelis prædicatum est gentibus, creditum est in mundo, assumptum est in gloria.*] Ecclesia firmata est & innixa veritate. Veritas Christus est; sic ad Ephesios ædificati super fundamentum Apostolorum & prophetarum, ipso angulari lapide Christo Iesu. Christus ergo est manifestè magnum Sacramentum, id est, arcanum pietatis, qua in ipso Deus profecutus est mundum: quod arcanum carne manifestatum est; quia verbum Dei arcanum, assumpta carne, factū est visibile. Tamen iustificatum est in spiritu, quia habitum iustum à spiritualibus, iuxta illud, & iustificata est sapientia à filiis suis. Apparuit angelis, qui Christū primi nunciauerunt pastoribus & Magis. Prædicatum est gentibus, omnibus, scilicet, populis, & sic creditum est in mundo, & assumptum in gloria post resurrectionem.

B

C

## CAPVT 4.

D

**M**VLTA in hoc capite præcipit, quæ manifesta sunt cuique qui textum legerit. *Cauteriatam habentium conscientiam.*] Alibi dicit Paulus, melius est nubere, quàm vri. Is enim vritur, cuius cor perturbationibus animi penetratur & foditur. sic hoc loco. Cauteriatam habentium cōscientiam, id est, vltā perturbationibus & peccatis. *Sāctificatur enim per verbum Dei & per orationē.*] Hoc dicit Paulus, vt probeat, etiā si aliqua ratione cibi quiddā essent immundi, quod tamen sanctificantur per orationem & verbum, quod ante mensam seu prandium & cenam recitamus. *Exerce autem te ipsum ad pietatem: nam corporalis exercitatio ad modicum utilis est. Pietas autem ad omnia utilis est, promissionem habens vite quæ nunc est, & futura.*] Non possum mihi persuadere, Paulū

C

hic intellexisse per corporalem exercitationem, eam quæ sit labore corporis, E  
 quæ valer ad tuendam sanitatem. Sed puto per exercitationem corporis, Paulum intellexisse ieiunia, abstinentiasque ceteras à cibis, &c. Quæ quidè si fiât sine interiori pietate, parum valent, & ad modicum viles sunt. Sed pietas est illa, cui sunt proposita præmia in hac vita & in futura; vt patet ex nonnullis locis Euangelij. *Qui est saluator omnium hominum, maxime fidelium.*] Deus vnicuique prouidet secundum propriam naturam: ita etiam hominibus prouidet, & eos saluat. Fidelibus verò benè viuentibus dat supernam gloriâ. *Gratiæque data est tibi per prophetiam, cum impositione manuum presbyterij.*] Hoc in loco per prophetiam intelligit orationes, & verba consecrationis, cum iniantur ordinibus sacris sacerdotes & Episcopi. suprâ, secundum præcedentes F  
 de te prophetias: nam in illis continetur officium cuiusque ordinum.

## CAPVT 5.

**M**ULTA quoque præcipit in hoc capite, quæ facile patere poterunt legēti cuilibet. *Si quis suorum, & maxime domesticorum curam non habet, fidem negauit, & infideli deterior.*] Fundamentum virtutum omnium christianorum est fides. idcirco in multis locis Paulus, omne ferè erratum dicit esse contra fidem. Nam omne christianum ædificium pertinet ad fidem, tâquam ad fundamentum, quo primū nititur. *Cum luxuriata fuerint in Christo, nubere volūt.*] Illa seu is luxuriat in Christo, qui sub habitu & prætextu religionis dat operam genio. *Sine præiudicio nihil faciens in alteram partem declinando.*] Præiudicium hic Paulus appellat consultationem & deliberationem, quæ iudicium G  
 debet præcedere. *Quorundam hominum peccata manifesta sunt, præcedētia ad iudicium; quorundā & cōsequuntur. Similiter & facta bona, &c.*] Multi multa dicūt in expositione huius loci, quæ omitimus, dicam tantum quæ mihi vidētur. Puto hunc locum pendere ex superiori; vbi præcipitur nihil esse faciendum sine præiudicio, id est, consultatione & deliberatione & inquisitione; & nemini citò esse ruanum imponēdam. inquit ergo quòd cum incedit locus imponendi manus, quidam ita se habēt, quòd eorum facta mala manifesta sunt antè inquisitionem; quædam verò fiunt ex inquisitione, id est, ex præiudicio, manifesta. Sic etiam benefacta. Hic sensus videtur mihi planus & verus.

## CAPVT 6.

**P**ROSEQUITVR monita quæ tradere ceperat. *Radix omnium malorum* H  
*est cupiditas, quam quidem, &c.*] Auaritia est radix malorum omnium; vel vt inquit beatus Thomas, quia præstat nutrimentum malis omnibus: nam pecuniæ omnia seruiunt. vel quoniam ob vehementiam appetitus pecuniarum innumera mala perpetramus. *Et confessus bonam confessionem coram multis testibus.*] In baptismo, vbi renūciamus Sathanæ & omnibus pompis & vitiis eius; & in consecratione, cum teceptione ordinis. *Et Christo Iesu, qui testimonium reddidit sub Pontio Pilato bonam confessionem.*] Christus patiendo reddidit testimonium veritati; bona, scilicet, hæc, & vitam parupēdenda esse. reddidit etiam testimonium obediendum Deo; iuxta illud. Venit princeps huius mundi, & in me non habet quicquam, sed vt cognoscat mundus, quia diligo

A go patrem; & sicuti mandatum mihi dedit, sic facio, surgite eamus hinc. *O Timothee depositum custodi, &c.*] Depositum hic appellat, vel eos christianos, qui eius fidei, sicuti depositum, crediti erant: vel gratiam Dei & spiritum sanctum, quæ acceperat; quod Dei depositum est, & custodiendū omni conatu.



## EPISTOLA SECUNDA

AD TIMOTHEVM.

C **R**ELIQUERAT Timotheum Paulus, & peregrinatus fuerat, comites habens nonnullos, prædicans gentibus Euangelium Christi. Tandem ductus fuerat victus. Comites Pauli plerique omnes timētes eius catenam deferuerant eum: nonnulli etiam pseudoapostoli, inferentes se vanis questionibus, eundem corrumpebant. Scribit igitur Paulus ex Roma ad Timotheum, omniaque, quæ suprà narrauimus, ei significat; ac insuper instare tempus suæ resolutionis & obitus, sicuti Christus ei significauerat. quāobrem rogar Timotheum ut ad se veniat, vitæque nonnullos; ac deferat secum mēbranas & penulam.

## CAPVT I.

D **S**ENSVS capituli huius per se patet legenti. Laudat Timotheum, magnificat Dei gratiam & Euangelium, & enarrat suas tribulationes. *Paulus Apostolus Iesu Christi per voluntatem Dei, secundum promissionem vitæ, quæ est in Christo Iesu.*] Primis his verbis Apostolus explicat se Apostolum esse constitutum, non ab homine, ut inquit ad Galatas, sed per voluntatem Dei; & esse constitutum ad hoc, ut patefaceret promissionem Dei, qui promisit nobis vitam in Christo Iesu, in quo nos elegit ante mundi constitutionem. *Quæ data est nobis ante tempora secularia, manifestat autem nunc, &c.*] Ante tempora secularia, id est, quæ mensurantur per secula, quæ cōueniunt & tempori nostro continuo & quanto; & durationi angelorum, quorum duratio seculi nomen habet. æternitas verò, in qua est diuina prædestinatio, est supra hæc omnia secula, & tempora secularia. *Potens est depositum meum seruare in illum diem.*] Depositum hic appellat gratiam Dei ipsi inspiratam, & ei creditā, veluti quoddam depositum. *Bonum depositum custodi.*] Iterum in eadem significatione accipit depositum.



**PROSEQUITVR** multa præcepta & ad doctrinam & ad vitā pertinentia: quorum quædā referantur ad bona, quæ sunt agenda; nonnulla ad mala, à quibus est abstinendum. *Quæ audisti à me per multos testes, hæc commenda fidelibus hominibus, &c.*] Puto Apostolum innuere, non tantum simplicem quandam doctrinam, ab eo traditam fuisse Timotheo, sed probatam testimoniis scripturarum, & miraculorum fortasse. *Laborantem agricolam oportet primum de fructibus accipere.*] Verbum illud, primum, copulandum est, cum, laborantem; nō autem, cum, accipere: vt sit sensus. Primum oportet laborare, deinde de fructibus accipere. *Memor esto dominum Iesum resurrexisse à mortuis, secundū Euāgelium meum.*] Omnis vis fidei christianæ consistit in resurrectione Christi, vt scilicet credamus eum resurrexisse à mortuis. Nam inde & eius diuinitas, & nostra resurrectio astringitur; cæteraque ferè omnia, quibus nititur nostra salus. *Si non credimus, ille fidelium manet, seipsum negare non potest.*] Sic in Epistola ad Romanos, nunquid incredulitas nostra fidem Dei euacuauit? Absit, quia sibi ipsi est debitor, neque potest agere contra voluntatem suam. Non autem nobis debitor, vt ex infidelitate nostra minus nobis debeat. *Sed firmū fundamentum Dei stat, habens signaculum hoc. Cognouit dominus qui sunt eius, & discedat ab iniquitate omnis, qui inuocat nomen domini.*] Dei fundamentū firmum, quod scilicet Deus cōstituit, & firmauit, sunt electi; quorum signaculum, quo scilicet signati sunt, primum est ex Dei præscientia, & prædestinatione; secundum ex parte ipsorum, quo eos nos possumus cognoscere, sunt bona opera. *Si quis se emundauerit ab istis, erit vas in honorē.*] Ecce quod nisi resistamus Deo, efficiemur vas in honorem, ex vase in cōtumeliam fabrefacto. *Nequādo det eis Deus penitentia, & respiciant, &c.*] Locutio quæ & in Euangelio; ne quando, id est, si quando à Deo ei detur penitentia, &c. Omnia bona nostra à Deo esse restatur.

**MONET** Timotheum iam prædictum esse, futuros post Christū homines improbos, sub specie pietatis peccantes, & alios decipientes: hortatur vt hos deuieret, & sequatur doctrinam, quam ab eo didicerat: demum hortatur ad studium sacrarum literarum. *Quæmadmodum autem Iannes, & Ambros restiterunt Moyse: ita & hi resistunt veritati.*] Nomina hæc non sunt prodita in exodo. Fortasse per manus tradita Paulus acceperat.

**PROSEQUITVR** monita & hortationes: suum obitum instare prædicit: rogat demū vt ad se veniat, cum Marco. *Testificor corā Deo & Christo Iesu.*] Idem est ac si diceret, adiuro te corā Deo & Christo, ita alibi si rectè memini. *Increpa in omni patientia, & doctrina.*] Oportet doctorem in docendo patientem esse, & accommodare se infirmitati audientium, eosque tolerare, imitās Dei longanimitatem. *Liberabis me dominus ab omni opere malo.*] Quamuis generaliter intelligi possit, ramen, vt teor, præcipue opus malum intelligit, recessum à vera prædicatione fidei, & morum.



## EPISTOLA AD TITVM.

**B** **S**CRIBIT ex Nicopoli, vbi hyemem acturus erat, ad Titum in Creta degentem; eumque admonet, seu potius in memoriam ei redigit, quæ iam præceperat de constituendis clericis per ciuitates; de vitandis pseudoapostolis, & præsertim Iudæis; qui commiscebant ea, quæ sunt legis, cum fide in Christum. Multa deinde monet, quæ spectant ad populi institutionem: Et sic concludit Epistolam.

## CAPVT I.

**C** **A**DMONET Titum de constituendis per ciuitates Episcopis; vbi notandum, quòd, quem prius appellauerat presbyterum, vocat Episcopum: pro eodem enim vtrumque accipit, eò quod quicunque ordinabantur presbyteri, ordinabantur etiam Episcopi. Docet vitandos eos, qui obseruantias legis miscebant fidei in Christum. *Paulus seruus Dei, Apostolus autem Iesu Christi secundum fidem electorum Dei, & agnitionem veritatis, quæ secundum pietatem, est in spem vitæ æternæ.* Cùm Apostolus sit missus, docet Paulus ad quid fuit missus, & secundum quidnam esset Apostolus: inquit igitur se esse Apostolum secundum fidem electorum Dei, id est, ad fidem statuendam, ad quam vocantur electi à deo, & qua veritas cognoscitur; quæ veritas est secundum pietatem, quæ præcipua pars est charitatis, erga Deum scilicet, & maiores. In spem vitæ æternæ. nam fideles, & pij compotes erant vitæ æternæ. *Quam promissit, qui non mentitur, Deus, ante tempora secularia: manifestant autem temporibus suis verbum suum, in prædicatione, quæ credita est mihi, &c.* Dei ab æterno ordinationem, appellat Dei promissionem. Tempora verò secularia, dicit, hæc nostra, quæ mensurantur per secula: destinato deinde tempore est manifestata. Hæc autem omnia dicit Paulus, vt ostendat prædicationem Euāgelij non esse rem nouam, neque nouum inuentum, sed Dei præordinationem, ante mundi constitutionem. Alibi multa in eandem sententiam.

## CAPVT 2.

**P**ROSEQUITVR monita quæ cæperat. *Anus similiter in habitu sancto, non criminatrices seu calumniatrices.*] Notandum quod in Græco textu dicitur, in habitu qui sanctas deceat; ex quo quispiam posset credere Paulum loqui de vxoribus presbyterorum, vel de anibus, quæ se dedicauerant Deo, viduis inquam. Sed quoniam subdit de iunioribus, fortasse melius accipietur, hic omnes anus monitas esse. *Sobriè, iustè, & piè viuamus in hoc seculo.*] Sobrietas compositionem sui ipsius indicat, iustitia proximum respicit, pietas Deum. *Nemo te contemnas.*] Id est, contemptibilem iudicet ex tua vita, & moribus.

F

## CAPVT 3.

**D**ISCANT fideles bonis operibus præstare. In Græco, antestare, id est, primos & præcipuos esse, quos alij sequantur, non vt ipsi sequantur alios. *Hæreticum hominem, post primam, & secundam correptionem deuicta, sciens quod subuersus est, & delinquit cum sit proprio iudicio condemnatus.*] Hæreticus admonitus sæpè, & non resipiens, est proprio iudicio condemnatus: quia ipse se potest iudicare peccatorem, quod constituit hominem hæreticum.

28

EPIST.



## EPISTOLA AD HEBRÆOS.

**H**ANC Epistolā ab Italia scripsit Apostolus ad eos qui crediderant, Hebræos. qui, quoniam pendebāt à lege, & obseruantis legis erant addiçti, quasi fides in Christum non iustificaret homines credentes, sed vmbra veteris legis: idcirco primum statuit dignitatem Christi, tum pertinentem ad diuinam naturam, tum etiam pertinentem ad naturam humanam quam assumpsit: ac primò præfert eum angelis, deinde Moyfi, postremò sacerdotibus Leuiticis, demum definit in fidem quā definit, & fidei vim, declarans sanctos omnes merè iustificatos fuisse, ex fide & per fidē. Hæc summa. *Multifariam multisque modis olim loquens Deus patribus in prophetis, nouissimè diebus istis locutus est nobis in filio.* Quidam dubitarunt an hæc Pauli sit Epistola, nixi nonnullis argumentis, inter quæ est hoc, quod in exordio nulla eius nominis facta sit mentio, quemadmodum mos eius est in omnibus aliis suis Epistolis. Nos sequemur auctoritatem Ecclesiæ, quæ hanc Epistolam recognoscit, & legit vt Pauli Epistolam. quòd nomen eius non sit positum in exordio, præter alias causas, puto hanc veram. Erat gētium Apostolus Paulus, non circūcisionis, vt in Epistola ad Galatas patet: idcirco scribens gentibus, suæ auctoritatis nō obliuiscitur, & nominis sui meminit; scribens autem Hebræis, quorum non erat Apostolus, humilitatem secutus est. Dicit Deum locutum in prophetis, potius quā per prophetas, & in filio potius quā per filium, cum tamen vtraque locutio sit commoda; vt ostenderet Deum ita locutum fuisse per prophetas, vt tamen in eis esset: quā obrem putandum est potius fuisse verba eorum verba Dei, quā prophetarum; nam sic rex loquitur per oratorem suum, vt sit in ipso. *Quem constituit hæredem vniuersorum, per quē fecit & secula.* Nota Paulum velle adituere Christum fuisse & Deum, & hominem verum: idē vtrūque dicit. Nam constitui hæredem, pertinet ad hominem; sed per eum facta esse secula, pertinet ad Dei verbum. *Cui enim angelorū dixit, filius meus es tu, &c.* Auctoritates quas adducit ex scriptura sacra, quibus ostēdit Christū omnibus angelis prælatū fuisse, sumptæ sunt ex diuersis scripturæ locis, quibus adstruit Christū vt Dei verbū, per quē facta sunt omnia, ita angelis antecellere, sicuti creator creaturæ. Christus etiā secundum humanā naturā, propter plenitudinē gratiæ omnibus angelis prælatus est, & ab eo omnes accipiunt: licet in naturalibus

puris sit inferior. Prima auctoritas est ex psalmo, & potest ad literam accipi de Christo. Alia est ex libro regū; ad literam loquitur de David, qui Christi figuram gerebat. Alia est ex psalmo, 96. in quo describitur secundus aduentus Christi, in quo veniet tanquam iudex, & tanquam regnans, ut patet ex lectione psalmi. Alia de Angelis in psalmo. Benedic anima mea Domino. Alia ex psalmo 44. qui est Epithalamium Christi & Ecclesię, seu humanę naturę in beatę virginis conceptione. Postrema ex psalmo 101. quę prę se fert nonnullam difficultatem. Nam non videtur posse commodē applicari ad filium, & verbū Dei, seu ad Christum; nam totus ille psalmus dirigitur ad Deū. Nihilominus si quis interius speculetur, cūm pręmiserit; Scribantur hæc in generatione altera, & populus qui creabitur laudabit Dominū; videtur loqui ad literā de populo Christiano, & de die iudicij: quamobrem possunt ea verba commodē attribui Christo. Postrema ex psalmo, 109. apertissima, de qua in Euangelio fit mentio à Christo.

## CAPVT 2.

**I**N hoc capite prosequitur id quod cœperat, ut scilicet Christum Angelis præstantiorem ostendat, cūm ei Deus subiecerit omnia; quod tamen nōdum apparet, in die iudicij verò omnibus apparebit. ac ostendit summa ratione verbum Dei; hominem passibilem factum esse, ut homines sanctificaret, & pro eis satisfaceret; non autem apprehendit naturam angelicam, in vnitatem personę. Hęc summa. *Sic enim qui per angelos factus est sermo.* G  
Hinc colligitur datam fuisse legem Moy si à Deo, ministerio tamen Angelorum. *Que cum cepisset enarrari per Dominum, ab eis qui audierunt, in nos confirmata est, constante Deo. &c.* Ex hoc loco quidam suspicantur hanc Epistolam non fuisse Pauli, sed posterioris cuiusdam. Ego verò putauim Paulum, pro humilitate animi, se cum aliis miscuisse, ac si esset vnus ex Hebręis ad quos scribit. Vitat enim quantum potest videri arrogans. *Testatus est in quodam loco dicens, quid est homo? quia innotuisti ei &c.* [vsque ad eum locum] *non dum videmus ei omnia subiecta.* In psalmo octauo ea quę de homine David dicit, meritò Paulus transtulit ad Christum, per quem humanum genus potestatem perditā non tantū recuperauit, sed ampliori potitus est & in quo humana natura, longē maiori gratia, & potioribus donis donata sit quām H  
Angeli; adeo ut de eius plenitudine etiam Angeli accipiant. Subdit, nunc autem nō videmus omnia ei subiecta. Hęc potestas super omnia data est Christo, statim ab exordio suę conceptionis, tum ratione diuinę personę, ad quā assumpta est humana natura, tum ratione superabundantis gratię. Apparuit autem Apostolis, & aliis qui viderunt Christum post resurrectionem, cūm dixit, data mihi est potestas in cœlo & in terra. Dicitur enim in scriptura sapius, tunc res dari, cūm apparet eius datio: apparebit autem omnibus in die iudicij. *Ut gratia Dei pro omnibus gustaret mortem.* Carnem passibilem & mortalem verbum Dei assumpsit, ut pro omnibus nobis pœnas subiret & satisfaceret: & ideo hac in parte tunc minoratus est ab Angelis; & vicissim deinde

- A** deinde per resurrectionem, gloria & honore coronatus? *Decebat enim eum per quem omnia, & propter quem omnia, auctorem salutis eorum per passionem consummare. qui enim sanctificat & qui sanctificatur ex vno omnes.*] Probat Apostolus iure merito verbum Dei, carnem & naturam humanam, passibilem, & mortale assumpsisse. Nam mediator futurus erat Christus, Dei & hominum: igitur utriusque naturæ particeps esse debuit, iuxta illud, Mediator vnus non est, Deus autem vnus est. Deinde oportebat eum pati & satisfacere, qui peccauerat. Peccauerat autem homo, ideo hic dicit, quod decebat Deum adducere auctorem salutis nostræ ad cōsummationem, id est, ad perfectionem resurrectionis, per passionem moris. Nam qui sanctificat & qui
- B** sanctificatur ex vno omnes, id est, ex eadem natura, & ex eadem origine, id est, ab Adam descendente, quamuis non secundū seminalem rationem: quæ sequuntur, hinc pendunt omnia. *Vt per mortem, destrueret eum qui habebat mortis imperium, id est diabolus; & liberaret eos, qui timore mortis per totam vitam obnoxij erant seruituti.*] Per mortem, quæ Christo indebitū fuit à Diabolo illata, eo quod nullum haberet peccatum, & qua satisfacii pro peccatis omnium, liberati sumus nos peccatores à potestate & seruitute Diaboli; adeo ut secundum animam viuamus, & expectemus per Christum immortalitatem corporis, adeo ut amplius non simus sub diabolo, qui per mortē animæ nobis illatam, conduxerat etiam nos ad necessitatem mortis corporis. Item cum omnes ferē cupiditates, referantur ad cupiditatem huius vitæ mortalis quam degimus; & omnes timores ad formidinem mortis, cui seruebamus, aliam vitam & resurrectionem corporis desperantes, Christus ab hoc timore, cui eramus obnoxij, nos liberauit, per promissionem melioris vitæ: cuius arram iam dedit per spiritum suum, & per certam promissionem futuræ resurrectionis corporis. *Vnde debuit per omnia fratribus assimilari, ut fieret misericors, & fidelis pontifex ad Deum: in eo enim, in quo passus est ipse, & tentatus, potens est & eis, qui tentantur, auxiliari.*] Cōcludit id quod suprà dixerat cur scilicet oportuit filium Dei carnem assumere: Nam oportebat inuenire hostiam, & Pontificem, per quos humano generi Deus reconciliaretur; quorum vtrūque oportebat hominem esse, & Deo gratissimum; idcirco, inquit debuisse Christum assimilari fratribus, id est hominibus per omnia, id est,
- D** quæ sunt naturæ humanæ præter peccatum; ut esse posset pontifex misericors, non solum quia Deus, sed etiam quia homo, qui naturalem cognationem habet cum aliis hominibus, & esset etiam fidelis tam Deo, quam hominibus cognatis secundum naturam, & ut propitiaret delicta populi; non tantum ut Pontifex, sed ut hostia subdit rationem. Nam in quo est passus & tentatus, potens est & eis qui tentantur subuenire. Hoc etenim iustitiæ est, ut is qui tanquam hostia pro omnibus passus est & tentatus, non pro delictis propriis, possit auxiliari illis qui tentantur & patiuntur, utpote qui pro illis iam soluerit pretium, & iustitiæ satisfecerit.

**C**VM mentionem fecisset de Pontificatu Christi; accedit in hoc capite vt Christum conferat Moyfi, & præferat. Nam in domo Dei, quæ nos sumus, Moyses versatus est tanquam famulus, Christus verò tanquam Dominus, qui eam fabricatus est; quod maximè propriè competit Christo, prout est Deus, quamuis vt homini etiam idem posset aliquo modo, præ Moyse, ei attribui, sed Deum tantum tangit Apostolus in textu. Postmodum declarat quod nos oporteat initium hoc substantiæ, quam habemus in Christo retinere vsque ad finem, ne incidamus in infidelitatem Iudæorum, & demus pœnas pares eis propter incredulitatem. Hæc summa. *Et Moyses fidelis erat tanquam famulus.* Nota quod supra dixerat, ideo Christum præferendum Moyfi, quoniam is qui domum fabricatur, potior est, quam domus ipsa: ex quo inferitur, quod Moyses sit pars huius domus, quam Deus ædificauit per spiritum suum in Christo. Nunc dicit in hac domo Moysen fuisse tanquam famulum; Christum verò, tanquam filium in domo sua: famuli pariter sunt domus, ministrant tamen aliis, vt ex primo Politicæ patet. Vnde non repugnat, esse partem domus, & famulum. *Vt non obdureretur quis ex vobis fallacia peccati.* Peccatum non est nisi cum quapiam ignorantia, vnde fallit nos. Est etiam cum cordis obduratione, contra Dei inspirationem interiorem.

**P**ROSEQUITVR id quod cœperat, raramq; figuram Iosue temporibus in populo Hebræo expressam, eorum quæ sub Christo facta sunt explicat. Inquit ergo, figuram nostrorum temporum in factis sub Iosue contemplerur, & caueamus ne nobis per incredulitatē accidat, quod & illis accidit; ne scilicet sicut illi nō potuerūt ingredi in terrā, quam De⁹ eis promiserat, propter incredulitatē & impatientiā; ita & nos quibus promissa vera in Deo requies, de qua mētio fit; quod Deus in ea requieuit die septima, propter incredulitatē; & fallaciā peccati obdurato corde, nequeamus introire in requiem Dei. Hortatur denique vt cū fiducia adeamus ad thronum gratiæ, talem Pontificem habētes. &c. *Et quidem operibus ab institutione mundi profectis, dixit enim in quodam loco de die septima sic, & requieuit Deus die septimo ab omnibus operibus suis, & in illo rursus si introibunt in requiem meam.* Paulus ex scripturæ locis convenientibus inuicem ostendit, quod requies promissa fidelibus Christi, est requies in Deo, æterna scilicet felicitas & beatitudo, cuius figura fuit requies in terra promissionis sub Iosue. Nam in psalmo dicitur in persona Dei, Si introibunt in requiem meam, & in genesi dicitur, quod die septima requieuit Deus ab operibus suis. Ecce requies quam in psalmo meminit Dauid, cū tamen loquatur de exacerbatione & obduratione Iudaici populi sub Iosue & Moyse. *Quoniā igitur superest introire quosdam, & illi quibus promissum est non introierunt; iterum terminat diem quendam hodie in Dauid dicendo*



- A** *credo. &c.*] Omnibus Iudæis sub Moyse & Iosue, promissa fuerat requies, in terra promissionis, multi tamen eorum nõ introierunt propter incredulitatem: Iccirco cum illa, fuerint figuræ eorum, quæ nunc aguntur, David in psalmo, post tantũ tẽporis ab Moyse & Iosue, terminat quendã diem, dicẽs, Hodie, qui referri debet ad præsens tempus prædicationis Euangelij, cui & illa requies, & eorum incredulitas, ac fides quorundam accommodari debent. *Nam si eis Iesus requiem præstisset, nunquam de alio loqueretur posthac, die. Itaque relinquitur Sabbatismus populo Dei.*] Subtiliter, & diuine, Paulus argumentatur, inquiẽs, si Dei promissio de quiete, referretur tantũ ad eam quietem corpoream, quam habiruri essent in terra Cananeorum, nunquam David de alia requie post rantum temporis locutus fuisset: sed quoniam illa fuit vmbra & figura huius, iccirco David de hac alia quiete mentionem facit, quæ sabbatismus verus relinquitur populo Dei. *Qui enim ingressus est in requiem eius, requieuit ab operibus suis, quemadmodum Deus à suis. &c.*] Nonnulli dicunt opera nostra, intelligi labores & molestias, à quibus quiescunt, qui quiescunt in requie Dei. Sed reor ego altiorem fuisse sensum Pauli, vt scilicet ostendat id, quod Dionysius dicit, altiorem scilicet esse nostram fœlicitatem, & cum Deo coniunctionem, & ab Deo absorptionem nostri, quàm quoduis opus, seu operatio nostra; vnde requies illa est in cessatione omnium nostrarum operationum, quia eas transcendit & supergreditur. *Vivus est enim sermo Dei & efficax & penetrabilior. &c.*] Sermo Dei, est verbum Dei, quod factum est caro, nam in Græco idem vtroque verbum, eadem dictio. Hæc verò Apostolus subdit vt reor, vt scilicet ostendat verbo Dei Christo Iesu, & ineffe vim diuinã, qua possit & sanctificare nos interius, & præstare promissa, simulque scientiam, qua simulationes & dissimulationes omnes cognoscit, ideo sincere nobis agendum esse & cum fiducia. *Tentatum autem per omnia pro similitudine, absque peccato.*] Hottatur ad fiduciam, ex conditione Sacerdotis & Pontificis nostri, qui cum sit filius Dei, omnipotens est; & cum sit homo, tẽtatus & passus multa, quãuis absq; peccato existẽs, sed habẽs tantum similitudinem carnis peccati, iccirco ex cognitione naturæ; & experimento tentationum, quæ validæ sunt; ex merito, quia absque peccato tẽtatus & passus, nostri miserebitur, & gratiam præstabit.

**D** 1. ad 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. CAPVT. 5.

**P**RÆTULIT superius Paulus Christum Angelis, prætulit Moyse, nũc vult præferre Sacerdotium Christi, Sacerdotio Aaron, eo quod Christus constitutus sit Sacerdos in æternũ, secundum ordinem Melchisedech, & per Dei iururadum; de quibus inferius in hoc capite, veluti præmium facit ad ea, quæ dicturus est. Ac primò statuit qualis sit Sacerdos, & Pontifex, quod eius officium, & quod nullus sese ingerere debet huic muneris, sed tantum vocatur, sic Aaron, sic etiam Christus effecti sunt Sacerdotes. Postmodum sensim descendit ad Christum, & eius Sacerdotium, qui est secundũ ordinem Mel-

chisedech; de quo inquit grandem sermonē esse, ob eorum imbecillitatem, E  
 Hebræorum scilicet, qui nondum erant apti solido cibo, sed lacte erant nutriendi. *Omnis namque pontifex ex hominibus assumptus, pro hominibus constituitur in his, quæ sunt ad Deum, &c.* ] Cōditiones Pōtificis, quod homo sit, quod cōstituitur pro hominib⁹ in his quæ ad Deū pertinet, vt pro populo offerat munera & hostias Deo; quod sit circumdatus infirmitate, vt condolare possit peccantibus; vnde & pro se debet offerre pro peccatis, sicuti pro aliis hominibus. Harum conditionum priores sunt necessaria; vt scilicet, sit homo, vt constituitur pro hominibus ad Deum, vt offerat munera & victimas Deo: quod verò sit circumdatus infirmitate, vnde debeat & pro se ipso offerre pro peccatis; non sunt necessaria; conditiones Sacerdotij; sed consequentes humanæ naturæ corruptionem. vnde non fuerunt in Christo. Sed ad bene esse Sacerdotis requiritur, quod sit etiam ipse corpore infirmus, qui pati possit, qui tentari possit, imò qui passus & tentatus sit; vt ex expetiētia cognoscens vim passionis & tentationis misericors sit. Et hæc conditio fuit in Christo. Sequitur alia conditio Sacerdotis, vt sit vocatus, non vt ipse sese ingerat huic muneri. *Qui possit eum saluum facere à morte.* ] Non vt non moreretur, & non pateretur, sed vt à morte non detineretur. Sic Petrus in sua Epistola, & in psalmo; non detinebis animam meam in inferno, nec dabis sanctum tuum videre corruptionem, id est corporis dissolutionem. *Es quidem cum esset filius Dei, didicit ex his, quæ passus est, obedientiam.* ] Non didicit obedientiam, quam nesciret, & cuius habitum non haberet; sed didicit experiendo, & actu G  
 obediendo: vnde eius obedientia iusti effecti sunt multi; sicuti inobedientia Adam peccatores constituti sunt multi. factus est enim obediens vsque ad mortē &c. ad Philippēses. *Et facti estis quibus lacte opus est, nō solido cibo &c.* ] Idem est cibus, & lac, & solidus: lac quidem, secundum sensum quem præ se fert litera: solidus verò, secundum sensum interiorem, qui latet sub litera. Idem Apostolus cum interiorem sensum scrutaturus esset Sacerdotij Christi, qui constitutus est per iusiurandum à Deo Sacerdos secundum ordinem Melchisedech; Hebræi autem addicti essent cortici literæ, eique inhærent, ac ceremonias legis ægrè relinquerent; ideo eos Paulus hic reprehendit, ac paruulos vocat: licet postmodum in fine dicat se de eis credere meliora; & accedit ad interiorem sensum huius Sacerdotij. *Qui exercitatos habent sensus ad discretionem boni & mali.* Lac non est cibus malus, imò bonus, sed paruulis: gradibus verò malus est cibus; quia eis non conuenit. Sic exterior literæ sensus bonus est, sed paruulis, Iudaicæ scilicet populo; qui vt paruulus detinebatur sub pædagogō. At factis gradibus in Christo nō est conueniēs; ideo illis malus efficitur. H

## CAPYT 6.

**R**EPREHENDIT Hebræos vt paruulos & ineptos ad solidum cibum superius, vt eos excitaret, nunc quasi excitatis loquitur, seque intermissurum inquit, initium sermonum Christi, & ad perfectiora ascensurum. Deinde

- A** de parenthesis magnam facit pertinentem ad ea, quæ supra tetigerat, ut scilicet, deterreat eos à cortice legis, & à ceremoniis Iudaicis, quibus annexi erant, & tandem in fine capituli redit ad id, quod instituerat, ut scilicet, ostendat ex interiori sensu legis, Sacerdotium Christi longè præferendum esse Sacerdotio Leuitico. Hæc summa. *Quapropter, intermittentes inchoationis Christi sermonem, ad perfectiora feramus, non rursus iacientes fundamentum penitentiae ab operibus mortuis, & fidei in Deum, baptismatum doctrinæ, impositionis quoque manuum, ac resurrectionis mortuorum, & iudicii æterni.* Sermo inchoationis Christi, sunt elementa Christianæ religionis, quæ doceri debent & solent catechumenis; & Sacramenta, quibus inserimur Christo. Primum horum est pœnitentia à peccatis, quæ hic appellat mortua opera. Alterum post pœnitentiam est fides ad Deum per Christum. Sequitur baptisma, quod est Sacramentum fidei. Sequitur doctrinæ. Hoc verbum ad omnia superiora & inferiora referri potest, ut scilicet, dicamus, iacientes fundamentum pœnitentiz ab operibus mortuis, & fundamentum doctrinæ fidei ad Deum, & baptismatum & impositionis manuum, & resurrectionis mortuorum, & iudicii æterni. Hæc enim omnia doceri solebāt catechumeni, & huiusmodi doctrina pertinet ad lac. potest etiam exponi & accipi doctrina per se, id est, iacientes fundamentum. Nam catechumeni & docebantur, & simul præstabant ipsi omnia hæc quæ memorat Apostolus. nam & pœnitebat eos veteris vitæ, & baptizabantur, & manus eis imponebatur, & per baptismum resurgebant à mortuis, & expectabāt iudicium æternum. Dixit autem, baptismatum; quia plura sunt baptismatis genera, ut dicūt Theologi, & Damascenus meminit. Vel fortasse hic Hebræos perstringit & carpit, quod obseruarent ceremonias Iudaicas, inter quas in Euangelio fit mentio baptismatum. *Impossibile est enim eos qui semel sunt illuminati &c. & prolapsi sunt rursus, reuocari ad penitentiam, rursus crucifigentes submetipsi filium Dei, & ostensui habentes.* ] Diximus suprà omnia superiora, quæ sunt lactis, pertinere ad Catechumenos: nam & ea docebantur, & re præstabant, ideo docti, ad baptismum accedebant, quod iterari non potest: cum fiat in mortem Christi, qui semel mortuus est, & resurrexit, non moriturus. Ideo qui baptismum iterant, irrident Christi mortem; & quantum in se est, profitentur eum non resurrexisse immortalē. Sicuti ergo baptismum iterari non debet, ita quæ ante baptismum ab iis percepta fuerant, non debebant ex eorū memoria decidere, ut essent iteranda, siue iterum inculcāda. *Non enim iniustus est Deus, ut obliuiscatur operis vestri, & dilectionis, quam ostendistis in nomine ipsius. &c.* ] Increpauit suprà Apostolus Hebræos, ut paruulos. Nūc verò delinuit animos eorum, laudatque eos ab operibus eorum; quibus retributionem à Deo sperandam asserit: simulque ad perseverantiam in huiusmodi operibus Hebræos hortatur, ostendens maximam voluisse Deū suæ promissioni adhibere firmitatem; cum & promiserit, & iurauerit per semetipsum, ut spem nostram firmam statueret; quæ est velut anchora, quæ penetrat usque ad interiora velaminis; id est, ad bona æterna & spiritualia, quæ latent ultra temporalia & sensibilia; quibus coniungimur & nitimur
- B** pœnitentia à peccatis, quæ hic appellat mortua opera. Alterum post pœnitentiam est fides ad Deum per Christum. Sequitur baptisma, quod est Sacramentum fidei. Sequitur doctrinæ. Hoc verbum ad omnia superiora & inferiora referri potest, ut scilicet, dicamus, iacientes fundamentum pœnitentiz ab operibus mortuis, & fundamentum doctrinæ fidei ad Deum, & baptismatum & impositionis manuum, & resurrectionis mortuorum, & iudicii æterni. Hæc enim omnia doceri solebāt catechumeni, & huiusmodi doctrina pertinet ad lac. potest etiam exponi & accipi doctrina per se, id est, iacientes fundamentum. Nam catechumeni & docebantur, & simul præstabant ipsi omnia hæc quæ memorat Apostolus. nam & pœnitebat eos veteris vitæ, & baptizabantur, & manus eis imponebatur, & per baptismum resurgebant à mortuis, & expectabāt iudicium æternum. Dixit autem, baptismatum; quia plura sunt baptismatis genera, ut dicūt Theologi, & Damascenus meminit. Vel fortasse hic Hebræos perstringit & carpit, quod obseruarent ceremonias Iudaicas, inter quas in Euangelio fit mentio baptismatum. *Impossibile est enim eos qui semel sunt illuminati &c. & prolapsi sunt rursus, reuocari ad penitentiam, rursus crucifigentes submetipsi filium Dei, & ostensui habentes.* ] Diximus suprà omnia superiora, quæ sunt lactis, pertinere ad Catechumenos: nam & ea docebantur, & re præstabant, ideo docti, ad baptismum accedebant, quod iterari non potest: cum fiat in mortem Christi, qui semel mortuus est, & resurrexit, non moriturus. Ideo qui baptismum iterant, irrident Christi mortem; & quantum in se est, profitentur eum non resurrexisse immortalē. Sicuti ergo baptismum iterari non debet, ita quæ ante baptismum ab iis percepta fuerant, non debebant ex eorū memoria decidere, ut essent iteranda, siue iterum inculcāda. *Non enim iniustus est Deus, ut obliuiscatur operis vestri, & dilectionis, quam ostendistis in nomine ipsius. &c.* ] Increpauit suprà Apostolus Hebræos, ut paruulos. Nūc verò delinuit animos eorum, laudatque eos ab operibus eorum; quibus retributionem à Deo sperandam asserit: simulque ad perseverantiam in huiusmodi operibus Hebræos hortatur, ostendens maximam voluisse Deū suæ promissioni adhibere firmitatem; cum & promiserit, & iurauerit per semetipsum, ut spem nostram firmam statueret; quæ est velut anchora, quæ penetrat usque ad interiora velaminis; id est, ad bona æterna & spiritualia, quæ latent ultra temporalia & sensibilia; quibus coniungimur & nitimur
- C** ra sunt baptismatis genera, ut dicūt Theologi, & Damascenus meminit. Vel fortasse hic Hebræos perstringit & carpit, quod obseruarent ceremonias Iudaicas, inter quas in Euangelio fit mentio baptismatum. *Impossibile est enim eos qui semel sunt illuminati &c. & prolapsi sunt rursus, reuocari ad penitentiam, rursus crucifigentes submetipsi filium Dei, & ostensui habentes.* ] Diximus suprà omnia superiora, quæ sunt lactis, pertinere ad Catechumenos: nam & ea docebantur, & re præstabant, ideo docti, ad baptismum accedebant, quod iterari non potest: cum fiat in mortem Christi, qui semel mortuus est, & resurrexit, non moriturus. Ideo qui baptismum iterant, irrident Christi mortem; & quantum in se est, profitentur eum non resurrexisse immortalē. Sicuti ergo baptismum iterari non debet, ita quæ ante baptismum ab iis percepta fuerant, non debebant ex eorū memoria decidere, ut essent iteranda, siue iterum inculcāda. *Non enim iniustus est Deus, ut obliuiscatur operis vestri, & dilectionis, quam ostendistis in nomine ipsius. &c.* ] Increpauit suprà Apostolus Hebræos, ut paruulos. Nūc verò delinuit animos eorum, laudatque eos ab operibus eorum; quibus retributionem à Deo sperandam asserit: simulque ad perseverantiam in huiusmodi operibus Hebræos hortatur, ostendens maximam voluisse Deū suæ promissioni adhibere firmitatem; cum & promiserit, & iurauerit per semetipsum, ut spem nostram firmam statueret; quæ est velut anchora, quæ penetrat usque ad interiora velaminis; id est, ad bona æterna & spiritualia, quæ latent ultra temporalia & sensibilia; quibus coniungimur & nitimur
- D** Non enim iniustus est Deus, ut obliuiscatur operis vestri, & dilectionis, quam ostendistis in nomine ipsius. &c. ] Increpauit suprà Apostolus Hebræos, ut paruulos. Nūc verò delinuit animos eorum, laudatque eos ab operibus eorum; quibus retributionem à Deo sperandam asserit: simulque ad perseverantiam in huiusmodi operibus Hebræos hortatur, ostendens maximam voluisse Deū suæ promissioni adhibere firmitatem; cum & promiserit, & iurauerit per semetipsum, ut spem nostram firmam statueret; quæ est velut anchora, quæ penetrat usque ad interiora velaminis; id est, ad bona æterna & spiritualia, quæ latent ultra temporalia & sensibilia; quibus coniungimur & nitimur

per spem, donec peregrinamur à Domino. *Vbi præcursor pro nobis introiuit Iesus, secundum ordinem Melchisedech pontifex factus in æternum.*] Aptè reuertitur eò vnde digressus erat, ad Sacerdotium, scilicet, Christi secundum ordinem Melchisedech. Dicit autem quòd Iesus introiuit præcursor pro nobis; quia eius introitus aditum nobis referauit ad ea interna & spiritualia bona.

## CAPVT 7.

IN hoc capite rem aggreditur, de qua se dicturum proposuerat, distulerat tamen, dicitque primum, quæ ex scriptura colligi possunt de hoc Melchisedech, secundum cuius ordinem est institutum, & prædictum in psalmo, sacerdotium Christi. Huius nomen interpretatur per ea quæ conueniunt Christo. De patre, & matre, & genealogia huius nulla fit mentio in scriptura. Sic dictum est de Christo, Generationem eius quis enarrabit? Cõparat deinde ex historia Genesis, hunc Melchisedech Abraam, longèque illi eum præfert: vnde & Leui præferri ostenditur, & translationem Sacerdotij debere fieri quare etiam legis: & hoc propter imperfectionem prioris, quæ non poterat viuificare. Multa postremò addit de excellẽtia Sacerdotij Christi, & quantum vtilitatis nobis attulerit, & adferat eius Sacerdotium. Hæc satis. *Sine patre, sine matre, sine genealogia, neque initium dierum habens neque finem.* Non vult Paulus ex his, vt nonnulli crediderunt, Melchisedech non habuisse patrem & matrem; sed quòd in scriptura, nulla fiat mentio, de patre, aut de matre Melchisedech, neque de eius ortu aut obitu: vt scilicet in eo possit constitui conueniens figura filij Dei, & eius Sacerdotij. *Et amplius adhuc manifestum est: si secundum ordinem Melchisedech exurgat alius Sacerdos, qui non secundum mandatum legis carnalis factus est, sed secundum virtutem vitæ indissolubilis factus est.* (contestatur enim quoniam tu es Sacerdos in æternum secundum ordinem Melchisedech.) reprobatio quidem fit præcedentis mandati propter infirmitatem eius & inutilitatem. Nihil enim ad perfectum adducit lex, introductio verò melioris spei, per quam appropinquamus ad Deum. *Ecce.*] Suprà dixerat Apostolus, quòd, translatò Sacerdotio à tribu Leuitica ad tribum Iuda, necesse erat fieri legis translationem: nunc verò quantò hoc Sacerdotium sit illo præstantius, nam illo cõstituebant Sacerdotes mortales, & ad adipiscenda bona mortalia. Hoc enim vult Apostolus cùm ait, qui non secundum legem mandati carnalis factus est. Nam mandatum carnale, quod non viuificat, bonis sensibilibus, tãquam præmiis, allicit ad virtutem; & pœnis temporalibus deterret à vitio. Insuper ministrabatur hoc Sacerdotium ab hominibus in carne mortalibus: at de Sacerdotio Christi cùm dicitur, quòd est Sacerdos in æternum; constitui significatur Sacerdos secundum virtutem vitæ indissolubilis. infert Paulus ex his, quòd sit reprobatio prioris testamenti, tanquam infirmum: quia lex non poterat viuificare, & ideo inutilis. & sit introductio melioris spei, per quam proximamus ad Deum, vt scilicet fruamur Deo, & diuina nobis debeatur hereditas: quam obrem & æterna. Vide quàm acutè Paulus ex æternitate Sacerdotis,

**A** Sacerdotis, arguit æternitatem bonorum nobis promissorum. His addit, quòd hic sit factus Sacerdos cum iureiurando; non item alij, alij plures, quia mortales; hic vnus tantum, quia immortalis. *Hoc enim fecit semel semetipsum offerendo.*] Differt huius Sacerdotis oblatio, ab oblationibus Sacerdotum Leuitici generis, quia illi sæpè offerunt hostias pro peccatis, primum suis, deinde populi: Hic verò pro suis peccatis non opus habet vt offerat; quippe qui innocens est & immaculatus: pro peccatis verò populi semel obtulit semetipsum, cuius oblationis virtus manet in æternum, quæ quotidie per eandem hostiam nobis applicatur.

Admittit: 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845. 846. 847. 848. 849. 850. 851. 852. 853. 854. 855. 856. 857. 858. 859. 860. 861. 862. 863. 864. 865. 866. 867. 868. 869. 870. 871. 872. 873. 874. 875. 876. 877. 878. 879. 880. 881. 882. 883. 884. 885. 886. 887. 888. 889. 890. 891. 892. 893. 894. 895. 896. 897. 898. 899. 900. 901. 902. 903. 904. 905. 906. 907. 908. 909. 910. 911. 912. 913. 914. 915. 916. 917. 918. 919. 920. 921. 922. 923. 924. 925. 926. 927. 928. 929. 930. 931. 932. 933. 934. 935. 936. 937. 938. 939. 940. 941. 942. 943. 944. 945. 946. 947. 948. 949. 950. 951. 952. 953. 954. 955. 956. 957. 958. 959. 960. 961. 962. 963. 964. 965. 966. 967. 968. 969. 970. 971. 972. 973. 974. 975. 976. 977. 978. 979. 980. 981. 982. 983. 984. 985. 986. 987. 988. 989. 990. 991. 992. 993. 994. 995. 996. 997. 998. 999. 1000.

## CAPVT 8.

**N** HIL aliud agit in hoc capite, quàm quòd conatur ostendere excellentiam Sacerdotij Christi; & quòd in Sacerdotio Leuitico vmbra quèdam fuit eorum quæ sunt præstita per Sacerdotium Christi; quæ enumerat & declarat. *Capitulum super ea quæ dicuntur.*] Summa eorum quæ vult Paulus nos docere de Sacerdotio Christi, hæc sunt. *Talem habemus Pontificem, qui confedit in dextera sedis magnitudinis in caelis, Sanctorum minister, & tabernaculi veri, quòd fixit Deus & nō homo. Omnis enim Pontifex ad offerenda munera & hostias constituitur.*] In superiori capitulo dixerat, quòd Christus cum iureiurando est cōstitutus à Deo Sacerdos in æternum; quod declarauit, ac duplicem rationē reddidit. Est enim Sacerdos in æternum, quia eius Sacerdotij effectus est acquisitio, & hæreditas bonorum æternorum, non temporalium. Est etiā Sacerdos in æternum, quia semper saluare potest accedentes ad Deum per ipsum; vnde dictus est etiam esse positus ad interpellandum pro nobis, & quod interpellat pro nobis. Cyrillus super Leuiticum dicit, duo esse sacrificia Christi figurata in sacrificiis veteris legis, vnum in terris, quasi extra castra cœlestia vbi immolatus est pro peccatis; cuius figura erat hostia, quæ offerebatur pro peccato. aliud autē sacrificium Christi est in cœlis, quod Cyrillus applicat Angelis; nos autem cōmodè possumus adaptare nobis hominibus. Nam sicut post immolationem hostiæ pro peccato, quæ comburebatur extra castra, Pontifex cū eius sanguine introibat in Sancta Sanctorum, ibique septies aspergebat sanguinem versus arcam. Ita Christus postquam in terris extra castra Angelorum, seipsum obtulit, in proprio sanguine introiuit in tabernaculum, non huius creationis, sed in cœlum: vbi in æternum manet offerēs se Deo pro nobis: & hæc oblatio, proportionata oblationi Sacerdotis in Sancta Sanctorū, semper manet: & ideo est Sacerdos in æternū, & in perpetuū saluare potest accedētes per ipsum ad Deum. *Quoniam ipsi nō permanferunt in testamēto meo, & ego neglexi eos, dicit Dominus.*] Exprimit causam cur statuere velit De' testamētū nouū. Causa, inquit, est, quoniā Iudei, quib' data fuit lex nō permanferunt in testamēto dato eis à Deo; ac propterea fuerūt neglecti à Deo: nā lex irā operatur. iccirco De', propter infirmitatē illi' & lāgorē mētis nostrę, voluit nobis dare testamētū nouū, in cordib' nostris scriptū, quo viuificaremur. Hic Iesus. *Et nō docebit vnusquisq; proximū suū &c. quoniam omnes sciēt me à minore vsq; ad maiōrē.*] Hoc nō impletur in hac vita, sed in patria imple-

tur; vbi omnes per essentiam Deum vident immediatè. quamvis quantum E  
ad infusionem Spiritus Sancti; & luminis fidei interius, omnes immediatè,  
etiam nunc in hoc seculo doceantur à Deo.

## CAPVT 9.

**A**NALOGIAM, vt prædiximus Paulus proponit; ac comparat sacrifici-  
cium expiationis Israëliticum sacrificio Christi, quo se obtulit Deo pro  
nobis. Prius narrat ritum prioris sacrificij: postmodum accommodat huic  
ea quæ Christus gessit in sui immolatione, & ad Deum oblatione: simul-  
que ostendit, in quibus præstat longè Christi sacrificium, sacrificio Leui- F  
tico: hæc summa. *Habuit quidem & prius iustificationes cultura & sanctum  
seculare.*] Iustificationes culturae intelligit Paulus, veteris testamenti cere-  
monias; quibus illi iustificabantur, non secundum cor & mentem, sed  
vt essent idonei ad diuinum illum cultum exteriorum; sicuti apud nos  
dicerentur absolutiones ab irregularitate, iustificationes; sic absolutiones  
ab excommunicatione. Sanctum seculare, seu mundanum, appellat eam  
sanctitatem, quæ non est mentis & animæ; Sed sanctitas est mundana &  
in hoc seculo, qua illi, qui in ea sunt, habentur in congregatione San-  
ctorum; qui, scilicet, ab ea non expelluntur propter aliquam labem, quam  
exterior contraxerint, vt immundi &c.] *Aureum habens Thuribulum. &c.*] Magnus hic scrupulus; nam altare thymiamatis non erat intra velum G  
in secundo tabernaculo, sed in primo contra velum. vnde multi exponunt,  
vas quoddam fuisse hoc Thuribulum, in quo incensum ab altari thymia-  
matis ferebatur in sancta sanctorum. *Hoc significante spiritu sancto, nondum  
propalatam esse sanctorum viam adhuc priore tabernaculo habente statum, que pa-  
rabola est instantis temporis, iuxta quod munera & hostia offeruntur.*] Esse pa-  
rabolam instantis temporis, non est sic accipiendum, quasi velit intelligen-  
re tempus noui testamenti post Christum; sed instans tempus intelligit,  
tempus Iudaicorum sacrificiorum: quare inquit, iuxta quod offeruntur  
munera & hostiæ; ac si diceret, voluit Spiritus Sanctus per tabernaculum  
prius, & per velamen, post quod erat tabernaculum secundum, infra quod  
ingrediebatur Sacerdos; ostendere nondum fuisse propalatam Sanctorum H  
viam Mosæicæ legis tempore. *Per tabernaculum non manufactum, id est, non  
huius creationis.*] Tabernaculum intra quod ingressus est Christus (per quem  
Pontificem futura bona, æterna inquam, nobis præstantur) quod non est  
huius creationis, duplex est; corpus scilicet suum, quod non moretur,  
neque secundum seminalem causam est formatum, vt aliorum hominum  
corpus; sed per virtutem Spiritus sancti. aliud etiam tabernaculum ingres-  
sus est Christus, id est cælum; quod non est manufactum, neque per homi-  
nes, vt prius Iudaicum; sed à deo creatum. *Inquinatos sanctificat ad emun-  
dationem carnis.*] Ecce quem emundationem præstabant veteris legis cere-  
moniæ, & quomodo iustificabant, exterius, scilicet; vt emundati essent  
idonei

- A** idonei ad cultum illum exteriorem. vnde Apostolus alibi appellat eas iustitias carnis, & hic ad emundationem carnis inquit. *Et ideo noui testamenti mediator est, ut morte intercedente in redemptionem earum prauaricationum, quæ erant sub priori testamento &c.* ] Est hic notandum quod Paulus utitur nomine testamenti, quod aliqui accipi volunt pro fœdere, sicuti in plerisque scripturæ locis. Attamen cum agatur de hæreditate, cuius nos hæredes sumus, non incongruè Paulus accipit testamentum hic magis propriè, & ei accommodat ea, quæ in testamentis, propriè dictis solent obseruari; ut, scilicet, confirmentur per mortem testatoris, ut infra pluribus dicit. Verùm mors Christi non tantum nobis testamentum hoc hæreditatis confirmauit, verùm
- B** etiam idoneos nos fecit capescendæ illius hæreditatis, propter redemptionem prauaricationum; quibus obuoluti, non poteramus hæreditatem adire. Hoc primum hic tangit, aliud posterius de confirmatione promissionis & hæreditatis. *Et quemadmodum hominibus statutum est semel mori, post autem iudicium. Sic & Christus semel oblatus est ad multorum exhauriendâ peccata: Secundo sine peccato apparebit omnibus expectantibus se in salutem.* ] Ea quæ post mortem accidunt, omnia firma sunt, nihil mutabile. Sic in hominibus omnibus accidit; semel moriuntur; post mortem statim sequitur iudicium; status, in quo semper futuri sunt. Sic & Christus, qui per suam mortem nos redemit, & reliquit hæredes eternæ hæreditatis, semel mortuus est ad exhauriendâ multorum peccata; pro quibus satisfecit, non tantum sufficienter sed etiam efficienter; pro clectis, scilicet, & compotibus hæreditatis.
- C** postmodum illis eisdem apparebit sine peccato; vel sine hostia noua pro peccato; vel sine carne mortali quæ habet similitudinem carnis peccati: & apparebit in salutem eorum; cum scilicet, tradet regnum Deo & patri.

## CAPVT IO.

- P**ROSEQUITUR primum id quod cœperat; ostenditque quantum iure præcellat sacrificium Christi, quo sese Deo obtulit hostiam immaculatam in cruce; sacrificiis quæ secundum legem offeruntur. Nam in his umbra erat, non expressa imago futurorum bonorum. Idcirco non auferebantur
- D** peccata per ea sacrificia, sed fiebat peccatorum commemoratio quotannis; & erant figura & simulachra veri sacrificij, quo ablata sunt peccata mundi: quod, quia perfectissimum est, vnicum etiam est. vnus enim & idem Christus est, qui & nunc offertur in sanctissimo Altaris sacrificio. Vna autē oblatione, id est, re oblata, omnes sanctificamur in Christo. Accedit deinde Paulus ad monita & præcepta iuxta morem, quem perpetuum seruat. *Umbra enim habens lex futurorum bonorum, non ipsam imaginem rerum.* ] Duobus modis locus hic intelligi potest; vel ut per imaginē rerum res ipsas intelligamus; ac si diceret, faciem rerum. Nam res est redemptio nostra à peccatis; quæ præstita est, per passionem Christi & eius sacrificium. Umbra huius rei fuere sacrificia veteris legis quibus significabatur & præfigurabatur vnum



illud sacrificium: vel per imaginem rerum, intelligenda ea quæ proximè & propinquè res repræsentant; per vmbra verò illa quæ longius distant, & à longè repræsentant. Nam, sicut dicit Sanctus Dionysius de Ecclesiastica Hierarchia, nostra Ecclesia est media inter Hierarchiam cœlestem, & legem veterem: nam in hac nostra, nonnulla sunt figura cœlestis Hierusalem, quædam verò figurata à lege veteri, in qua etiam sunt figuræ cœlestis hierarchiæ, sed remotæ. In passione Christi est Sacramētum, & imago nostræ mortificationis, quoad veterem hominē, & noui hominis noua natiuitas. Huius vmbra quædam longinqua est in sacrificiis veteris legis. *Non deferentes collectionem nostram, sicut consuetudinis est quibusdam.* ] Maximum Christiani viri officium est tenere vnitatem Ecclesiæ, ab vnitatem non separari ob vllas tentationes & molestias: Hoc admonet Paulus in hoc loco. *Voluntariè enim peccantibus vobis, post acceptam notitiam veritatis, iam non relinquitur vltius pro peccatis hostia: terribilis autem quadam expectatio iudicij & ignis aeterni.* ] Idem repetit quod suprà dixerat, impossibile esse renouari per pœnitentiam. Nam sicuti semel tantum mortuus est Christus; ita semel tantum baptizamus, nec post baptismum, si peccauerimus, possumus iterum expiari per aliud baptismum. non tamen propterea tollit pœnitentia, & renouatio per pœnitentiam, non tamen noua natiuitas.

## CAPV T. II.

**S**UPRA dixetat opus esse Christianis, in perseuerentia bonorum operum, patientia & fide; scilicet vt certissimè confisi promissionibus diuinis, patienter ferant & tolerant, quicquid acciderit. In hoc capite prosequitur tractare de fide; priusque eam definit. Deinde exemplis innumeris ostendit fidem esse Deo maximè gratam, & per illam antiquos patres placuisse Deo, & cùm fidem viuam habuissent consecutos fuisse mira præmia. *Est itaque fides substantia sperandarum rerum, argumentum non apparentium.* ] Fides est qua credimus & qua fidimus; ideo magnam habet cum spe affinitatem. Quinimò Damascenus in quarto, dicit, hoc in loco fidem accipi pro spe. quia ergo res sperandæ futuræ sunt, idcirco substantiam & esse habent in credente & fidente per fidem: sic etiam cùm non appareant, neque ex ratione colligi possunt, eis tamen assentimur ex fide: & idcirco fides veluti argumentum quoddam est, per quod assentimur non apparentibus. *In hac enim testimonium consecuti sunt senes.* ] Senes, patres, maiores consecuti sunt testimonium placuisse Deo, & compotes factos promissionum, eò quod crediderint, & firmiter confisi sint diuinis promissis. *Fide, intelligimus aptata esse secula verbo Dei; vt ex inuisibilibus visibilia fierent.* Creationem mundi & apriationem, seu formationem materiæ corporeæ per verbum Dei, ex genesi intelligimus per fidē. Et quātum ad hoc, fides est argumentū nō apparentiū,

- A vt ex inuisibilibus visibilia fierent, in verbo Dei inuisibilia erāt secula; postmodū visibilia facta sunt. *Fide vberiorē, hostiam Abel, quam Cain obtulit.*] De Abel & Cain sacrificiis scriptū est, quod Cain malē diuidebat; quia, vt inquit beatus Augustinus, sacrificium interius cordis, Cain Deo non offerebat, obtulit autem Abel; quod cordis sacrificium maximē nitebatur fide. Quod si quis dubitauerit, an hic Apostolus loquatur de fide in Christum, per quam iustificamur; an latius de fide, qua credimus Deo, quicquid dixerit, & eius promissis quibusuis fidimus. Crediderim ego potius Apostolum loqui de fide latius sumpta; vt ex hac adstruat, per fidem in Christum, in quo habemus promissionem remissionis peccatorum, & hereditatis vitæ æternæ; accedendum esse nobis ad Deum, vt simus cōpotes promissionum. *Sine fide autem impossibile est placere Deo.*] Dixerat impossibile esse placere Deo sine fide. Quod si simpliciter intelligatur, vt, scilicet, quispiam sit simpliciter gratus Deo, vtique hoc esse non potest sine fide mediatoris, vel explicita, vel implicita. Si verō quod ad aliquid consequendum, placere Deo accipiat, fides illa latius sumpta hīc à Paulo sumitur, cū dicit, sine fide impossibile est placere Deo. *Credere enim oportet accedentem ad Deum, quia est, & quod inquirentibus se remunerator sit.*] Hoc quoque ad vtramque fidem aptari potest: Si ad eam qua Deo simpliciter placemus, referas; opus est vt exponas sub illis verbis (& quod inquirentibus se remunerator sit) implicitē contineri fidem in Christum; vt sit sensus, oportet credere Deum aliquo modo nobis, etiam ignotis, providere, vt qui illi fidunt, salutem cōsequantur: quod si ad fidem latius sumptam aptetur, sensus est, quod oportet credere Deum veracem esse promissorem; & quod retribuat illis qui querunt ipsum, & ipsi fidunt. *Per quam damnauit mūdum, & eius iustitia, quæ est per fidem, factus est beatus.*] Mos scripturæ, vt dicat, eum qui bona operatur, iudicare & cōdemnare eum qui operatur mala. Sic in Euangelio, regina Saba dicitur cōdemnaturā Israhēliticū populum. *Qui vocabatur Abraham.*] In Græco, vocatus Abraham, à Deo videlicet, à quo fuit ei mandatum; Exi de domo tua & de cognatione tua. *Expectauit enim fundamenta habentem ciuitatem, cuius artifex & auctor est Deus.*] Ex his verbis Pauli facile intelligere possumus, omnia ferē quæ hīc dicuntur de fide, quamuis de fide illa latius sumpta ad literam exponatur; intelligitamen in sensu mystico, qui sub litera iacet, de fide iustificante, per quam compotes iustitiæ, futura bona expectamus. *Vnde & eum in parabolā accepit. &c.*] Locus hic duobus modis exponi potest: vel, vt Isaac & immolatio illa dicatur fuisse parabola Christi; cuius diuinitas, cuius fuit parabola Isaac, non est immolata; immolatus autem fuit secundum humanā naturā, cuius parabola fuit hircus. Vel quod hircus ille fuerit parabola Isaac, quia pro eo fuit immolatus: vel potius è contra, quod Isaac fuit parabola illius hirci; vnde euasit ipse, qui prius erat hostia, & hircus immolatus est. *Et adorauit fastigiū virgæ eius, in Hebræo, fulcrū lecti: Maiores existimās diuitias Thesaurō Aegyptiorum improprium Christi.*] Ecce sub litera latet sen-

sus mysticus, qui ad Christum pertinet, & ad bona futura, ad quæ speramus E  
peruenire per Christum.

## CAPVT 12.

**H**oc caput præclarum est, plenum dulcedine charitatis; magnamque ha-  
bet vim in animo cuiusque mouedo. Excitat nos, vt per fidem & pa-  
tientiam (proponentes nobis exempla tot excellentissimorum hominum, de qui-  
bus meminerat supra; & præsertim Iesum Christum auctore salutis nostræ)  
curramus per bona opera ad propositum nobis præmiū; certissimè fiden-  
tes Deo nos id consecuturos esse. *Ideoque tantam habentes impositam nubem*  
*testium.*] Sicuti nubes nos ab æstu solis defendit; sic ab æstu tentationum, F  
ne à fide diuertamus, defendit nos, veluti nubes, exemplum tot præclarissi-  
morum hominum. *In disciplina perseuerate.*] Distincte legendum, in disci-  
plina; id est, exsistentes in disciplina & correctione Domini; perseuerate in  
fide, scilicet, & bonis operibus, non deficientes, vt supra dixerat. *Ad asper-*  
*sionem sanguinis melius clamantem quàm sanguis Abel.*] Sanguis Abel apud  
Dominum clamabat ultionem aduersus Cain. Sanguis autem Christi cla-  
mat misericordiam & veniam etiam erga illos, per quos effusus est, Iudæos  
scilicet & gentiles. *Adhuc semel, & ego mouebo non solum terram sed & cælum.*  
*quod dicit, semel, significat mobilium translationem. &c.*] Figura locutionis scri-  
pturæ, vt, semel, significet immutabilitatem quandam. Hoc Paulus exponit  
sumptum à Propheta Aggeō: sic in psalmo, semel locutus est Deus, vt osten- G  
dat immutabilitatem diuini eloquij.

## CAPVT 13.

**M**EMENTOTE vincitorum tanquam simul victi, & laborantium, tanquam  
simul in corpore morantes] Sumus eiusdem corporis membra: ideo ad  
vnumquemque pertinent ea quæ sunt alterius. *Iesus Christus heri, & hodie, ip-*  
*se in secula.*] Cum Christus, vt pote Deus, incommutabilis semper sit idem;  
nec eius potestas & bonitas sit imminuta, si imitati fuerimus priscorum fidē  
poterimus etiam sperare eundem exitum. *Habemus altare, de quo edere non*  
*habēt potestatem, qui tabernaculo deseruiunt, quorum enim animalium. &c.* [vsque H  
ad id:] *Excitemus ergo ad eū extra castra improperium eius portantes. &c.*] Posset  
quispiam ambigere, quomodo reddatur ratio superius dicti, ex eo quod di-  
citur, quorum enim animalium &c. Ratio sumitur ex figura: nam sicuti ho-  
stia, qua fiebat expiatio à peccato, comburebatur extra castra, id est, extra cō-  
gregationem Iudaici populi, ip qua erat altare victimarum, ita Christus pas-  
sus est extra portam, id est, extra Iudaicam congregationem. nos ergo acce-  
dentes ad Christum, qui passus est extra portam, eximus à congregatione  
Iudaici populi: & ita illi qui sunt in ea congregatione, non pertinent ad nos;  
& ideo non habent potestatem accedendi ad nostrum altare. Ex hoc loco  
colligi-

A colligitur contra Lutheranos, in missa non fieri tantum mentionem cœnæ, sed fieri oblationem & sacrificium, cui conuenit altare, non autem conuenit cœnæ. *Non enim habemus manentem ciuitatem, sed futuram inquirimus.*] Cere-  
monia Iudaicæ pertinet ad hanc mundi ciuitatem; quia sunt umbra futuro-  
rum. Nos verò, qui futuram inquirimus, debemus egredi extra castra. *Rogo*  
*autem vos fratres, ut sufferatis verbum solatii.*] Idem dicit quod suprâ, in disci-  
plina perseverare. quia post perseverantiam in certamine, venimus ad sola-  
tium. idem dicit hic. Sufferre enim verbum solatii, est per patientiam boni  
operis sufferre, quousque adsit solatium. Laus Deo per Iesum Christum.



## EX EPISTOLA IACOBI.

C **S**ic loquimini & sic facite, tanquam per legem perfecta  
libertatis incipientes iudicari. Iudicium enim sine misericor-  
dia non facientibus misericordiam. *superexaltat autē mi-*  
*sercordia iudicium.*] In hac Epistola duo potissimū  
agit Iacobus; prius, scilicet, ut hortetur omnes ad  
misericordiam erga pauperes, & humiles. Alterum  
verò, ut compescat ambitionem quorundam, qui  
volebant fieri magistri, & contendebant inter se.  
de priori locus hic est. Nam cum dixisset eum qui  
contemnit pauperem, facere contra legem & cha-  
ritatē, quia omnia peccata prohibentur, Addit aduertendum nobis esse, quod  
constituti sumus in summa libertate, ut scilicet ex operibus nostris erga pro-  
ximum, præscribamur omne nobis iudicium faciendum. Nam qui non fa-  
cit misericordiam erga proximum, iudicabitur sine misericordia, ex rigore  
iustitiæ tantum: sed qui facit misericordiam, dilatat & amplificat erga se iu-  
diciū; quoniam non districte ex rigore iustitiæ, sed misericorditer iudica-  
bitur. *An putatis, quod inaniter scriptura dicat; Ad inuidiam concupiscit spiritus*  
*(seu spiritum) qui habitat in vobis? Maiorem autem dat gratiam. Propter quod dic-*  
*it, Deus superbis resistit, humilibus autem dat gratiam. Humiliamini sub potenti ma-*  
*nu Dei.*] Vult Apostolus hortari eos, ad quos scribit, ad pœnitentiam, & hu-  
militatem, sine qua nequit esse pœnitentia; & adducit scripturam idem in-  
nuentem. inquit ergo. An putatis, quod scriptura inaniter dicat? Deinde se-

quitur. Ad inuidiam concupiscit spiritus, seu spiritum, qui est in vobis. Duo-  
 bus modis legitur, spiritus, vel spiritum; & duobus modis exponitur. Primo, E  
 quod hic sit textus seu sententia scripturæ citata ex Esaia. Deus noster, Deus  
 zelator est; & ideo quia zelat, non patitur quicquam aliud sibi præferri aut  
 conferri; vt maiorem det nobis gratiam, si non prouocauerimus eum ad æ-  
 mulationem. Spiritus ergo Dei, qui habitat in nobis, concupiscit ad inuidiam,  
 id est, ad zelum. Maiorem tamen dat gratiam. Propter id etiam dicit scriptu-  
 ra, quod Deus superbis resistit, humilibus autem dat gratiam. Humiliamini  
 ergo; quæ est vltima conclusio, quam intendit. Vel alio modo legitur & ex-  
 ponitur; putatis quòd scriptura dicat inaniter, & ad inuidiam? id est, vt vobis  
 inuideat, quasi dicat, Minime. Sed concupiscit spiritum qui est in vobis; id est, F  
 concupiscit gratiam spiritus, vt sit in vobis; vt maiorem gratiam semper ha-  
 beat. Sequitur deinde, quod dicat scriptura, Deus superbis resistit; humili-  
 bus autem dat gratiam. Conclusio postrema. Humiliamini igitur sub poten-  
 ti manu Dei. *Qui indicat fratrem, indicat legem.*] Id est, facit contra legem, &  
 quasi eam damnat, quæ præcipit fratrem amari & non condemnari. *Exem-  
 plum accipite fratres, exitus mali laboris & patientie prophetas.*] Exitus mali, id  
 est, euasione à malo, vt de Iob exemplum ponit. *Aurum & argentum ve-  
 strum aruginis, & arugo eorum erit vobis in testimonium, & comedet animas  
 vestras, sicut ignis.*] *Ærugo* erit in testimonium contra vos, auari-  
 tiæ & crudelitatis erga proximum, cuius non mi-  
 ferti estis, cum inde aurum & argentum  
 collectum à vobis contraxe-  
 rit aruginem.

GASPARIS

G A S P A R I S  
CONTARENI S.R.E.  
CARDINALIS.

*Catechismus.*

*Conciliorum summa.*

*Confutatio articulorum Lutheri.*

*De potestate Pontificis.*

*De iustificatione.*

*De libero arbitrio.*

*De predestinatione.*

*Explanatio Psalmi, Ad te levavi oculos.*

THE UNIVERSITY OF CHICAGO

LIBRARY

1890

1891

1892

1893

1894

1895

1896

1897

1898

1899

1900

1901

1902

1903

1904

1905

1906

1907

1908

1909

1910





# KATH'XHΣΙΣ

## SIVE CHRISTIA-

### NA INSTRUCTIO.

#### INTERROGATIO PRIMÆ.

VID est esse Christianum?

*Responsio.*

Esse christianum, est esse membrum Christi, ei incorporatum per fidem, & fidei Sacramenta.

*Interrogatio Secunda.*

Membra omnia Christi sunt ne vnus tantū modū?

*Responsio.*

Minime. Nam quædam in Christo viuunt, quædam vero non viuunt; licet quodammodo possint dici esse in Christo, & esse membra Christi.

*Interrogatio Tertia.*

Quæ sunt membra quæ viuunt in Christo?

*Responsio.*

Christiani illi, in quibus per fidem, & charitatem inhabitat spiritus sanctus, spiritus Christi, per quē accepimus adoptionem filiorum, & in quo clamamus Abba, Pater: quæ dona preciosa & excelsa promeruit nobis Christus.

*Interrogatio Quarta.*

Quæ nam sunt membra in Christo, mortua tamen?

*Responsio.*

Christiani illi qui per baptismum, consecrationem & characterem Christi acceperunt, sed Spiritu Sancto carent, vel ob fictionem, cum qua accesserunt ad baptismum, & in qua perseuerant, nam Spiritus Sanctus disciplinæ effugiet dolum; vel quia illum ob prauitatem amiserunt.

*Interrogatio Quinta.*

Quid sentiendum de Sacramentis Ecclesiæ secundum fidem orthodoxam, & catholicam?

*Responsio.*

Sacramenta esse sensibilia signa inuisibilis gratiæ, quæ in eorum susceptio-  
ne infunditur per fidem passionis Christi, per quam nobis remittuntur pec-

cata, & datur Spiritus Sanctus, datúsque fouetur, & augetur iuxta dictum **E**  
Apostoli ad Romanos cap. 3. Quem Deus posuit Propitiatorem per fidem in  
sanguine eius. item ad Rom. cap. 8. per quem accepistis Spiritum adoptionis  
filiorum Dei. item ad Gal. cap. 3. vt pollicitationem Spiritus accipiamus per  
fidem. item; vt in ipso crescamus. Hæc omnia expresse dicuntur à beato Tho-  
ma in sua Summa.

*Interrogatio Sexta.*

Quot sunt Sacramenta? visibilia inquam signa?

*Responsio.*

Septem; quæ dicis in summa, quamuis non eadem penitus ratione dicantur omnia hæc Sacramenta. sed hæc quaestio non est nunc discutienda. **F**

*Interrogatio Septima.*

Quæ nam sunt hæc septem Sacramenta?

*Responsio.*

Baptisma, Chrisma, Eucharistia, Pœnitentiæ Sacramentum, Extrema vnctio, Ordo, & Matrimonium.

*Interrogatio Octaua.*

Quid sentiendum de Baptismate, secundum fidem orthodoxam?

*Responsio.*

Baptisma esse ablutionem corporis exteriorem, quæ perficitur aqua simplici, & verbo, inuocatione sanctæ Trinitatis, iuxta formam traditâ in Euangelio, Mat. cap. 28. baptizantes eos, in nomine patris, & filij, & spiritus sancti. **G**  
& Apostolus ad Ephesios cap. 5. Mundans eam, id est, Ecclesiam lauacro aquæ in verbo. interior vero gratia, est consecratio, seu character quo baptizatus inferitur Christo, ac deinde Spiritus Sanctus, seu gratia, qua adoptamur in filios Dei, iuxta illud Apostoli ad Gal. cap. 4. Misit Deus spiritum filij sui in corda vestra clamantem, Abba. in adultis per fidem Christi, & eius virtutis. & consecratio, & Spiritus eius recipitur, præcedente pœnitentiâ veteris vitæ, quod si fide accedant, intendant tamen baptizari, recipiunt utique consecrationem, sed non recipiunt Spiritum Sanctum. à pueris verò per fidem Ecclesiæ, à qua offeruntur, vtrunque recipitur.

*Interrogatio Nona.*

Quid sentiendum de Chrismate secundum fidem orthodoxam?

*Responsio.*

Esse vnctionem exteriorem, quæ fit in fronte oleo mixto, balsamo. sub præscripta forma verborum, cum inuocatione sanctæ Trinitatis. hoc Sacramentum colligitur ex nonnullis scripturæ locis aperte, licet non fiat mentio vnctionis, & olei. quoniam cœlitus in igne visibili Spiritus Sanctus descende-  
bat per impositionem manuum Apostolorum, quo deficiente ex diuina  
providentia, ne vilescerent miracula, & frustra fierent, iam fide diffusa, Ec-  
clesia diuinitus instituta, & per traditionem Apostolorum, sufficit olei vn-  
ctionem. Hoc Sacramento omnes Ecclesiæ vtuntur. sed Græci statim post  
baptisimum vngunt Chrismate baptizatum. ideo Dionysius de hac vnctione  
mentio-

**A** mentionem facit, cum tractat de baptismo: interior effectus huius Sacramenti est consecratio primo, qua deputatur Christum vnctus inter perfectos Christi professores, qui non egent lacte, sed solido cibo, & palam Christum profiteantur. datur itē deuote, & cum fide accedentibus spiritus robur.

*Interrogatio Decima.*

72. Quid sentiendum de Eucharistia?

*Responsio.*

**B** Duplici signo hoc Sacramentum constare, pane triticeo, scilicet, & vino ex vuis confecto, quæ vtraque simul conficiunt vnum corporis nutrimentum. consecratur autem vtraque species certa forma verborum, de qua non est nunc dicendum. neque rite altera species sine altera posset consecrari. sumitur autem, vt spirituale animæ nutrimentum, si cum fide perfecta, per charitatem sumatur. quod si indigne sumatur, sumitur ad iudicium, vt inquit Paulus ad Corint. I. cap. II.

*Interrogatio Vndecima.*

Post consecrationem, est ne sub sensibilibus illis signis, substantia panis, an verum corpus christi?

*Responsio.*

**C** Post consecrationem non est sub sensibilibus illis signis substantia panis, seu vini, sed verum corpus Christi, & eius sanguis: quod perspicuum est, & sensu totius Ecclesiæ, & doctorum omnium. Item ex declaratione facta in concilio Lateranensi sub Innocentio tertio. Sed ista omittantur. Verba christi hoc aperte adstruunt, qui cum dixit, Hoc est corpus meum, quod pro vobis tradetur, & sanguis qui pro vobis fundetur, ostendit substantiam eam, quæ digito demonstrari potest ratione accidentium sensibilibus esse corpus, & sanguinem christi, nō autem panem, seu vinum. Ex Græcis & Latinis doctoribus antiquis idem clare percipitur.

*Interrogatio Duodecima.*

Signa sensibilia in Eucharistiæ Sacramento, aliud ne significant præter corpus, & sanguinem christi, quæ continent vere?

*Responsio.*

**D** Vtique: præter verum corpus, & sanguinem christi, quæ continentur, significant etiam corpus christi mysticum: vnitatem sanctæ Ecclesiæ. quod cum à quibusdam doctoribus quandoque dicatur, sumpserunt nonnulli seditionis occasionem, vt dicerent, corpus christi mysticum tantum significari hoc Sacramento non autem verum contineri.

*Interrogatio Tertiadecima.*

Post consecrationem, in Eucharistia, est ne christi diuinitas?

*Responsio.*

Vtique; Nam quis dubitare queat, cum ibi sit corpus Christi vere, quin sit eo modo, quo existit, existit autem in verbo Dei, vnica persona existente Deo, & homine. quare nemo nisi insipiens diceret, ibi non esse diuinitatem & sanguinem, cæteraque omnia, quæ in Christo sunt. ex vi tamen consecra-

tionis tantum corpus in pane est, & in vino sanguis:

*Interrogatio Quarta decima.*

Remanet ne corpus Christi, & sanguis in Eucharistia, donec species illæ remanent?

*Responsio.*

Quis sanus mente posset de hoc ambigere? nam vis cōsecrationis semper durat, donec res cōsecrata duraverit. & ideo nihil cōsecratum, denuo cōsecratur. vnde Baptisma, sanctum Chrisma, & ordinis Sacramentum, quibus cōsecratio confertur, nunquam iterantur, si sciantur rite tradita esse.

*Interrogatio Quinta decima.*

Adorandus ne est Christus in Eucharistia existens?

*Responsio.*

Quis ambiget Regem terrenum vbicunque fuerit honorandum esse vt Regem decet? ita quis ambiget, vbicunque Christus Deus, & homo fuerit, ibi esse adorandum?

*Interrogatio Sexta decima.*

Quid sentiendum de Missa, an sit sacrificium?

*Responsio.*

Missa vt omnes doctores Antiqui & Iuniores dicunt, est sacrificium.

*Interrogatio Septima decima.*

Quo nam modo Missa sacrificiū est? cum multa sint sacrificiorū genera.

*Responsio.*

Missa est sacrificium laudis. est sacrificium gratiarum actionis. est sacrificium, quia est memoria vnici illius sacrificij, quo Christus se pro nobis obtulit patri, per Spiritum Sanctum. est etiam sacrificium, quia est oblatio, qua offerimus Christum, eiusque passionem, vt inquit Augustinus in decimo de ciuitate Dei, & totam Ecclesiam per Christum Deo omnipotenti, vt ei inhaereamus per Christum, tanquam supremo omnium bono.

*Interrogatio Octaua decima.*

Quem nam fructum percipiunt in Missa hi qui ad sunt, & illi pro quibus fit oblatio?

*Responsio.*

Hic animaduertendum oblationem illam sacerdotis, & opus illud, non esse nouum sacrificium propitiatorium, aliquid addens propitiationis, præter propitiationem factam nobis per Christum. sed pie credendum est, vt tota Ecclesia sentit, quod ex oblatione sacerdotis, illi omnes, qui sunt viuia membra Christi, qui ei inhaerent per fidem, & charitatem, aliquid virtutis spiritalis capiunt ex participatione, seu influxu, meriti passionis Christi: & illi præsertim, qui ad sunt, & deuote interfunt, & illi pro quibus offertur, si fuerint viuia membra Christi, qui omnes offerunt Christum, & se per Christum Deo, vt illi inhaereant per ministerium, & in persona sacerdotis.

*Interrogatio Decima nona.*

Quid prodest Missa illis, qui non sunt viuia membra Christi?

*Responsio.*

A

*Responsio.*

Ex vi oblationis expetite sunt fructus omnis, vt dicit beatus Thomas, sed credendum est iuari ex orationibus in Missa dictis à sacerdote in persona Ecclesiæ, & ipsius etiam, si fuerit gratus Deo.

*Interrogatio Vigesima.*

Quid prodest Missa defunctis?

*Responsio.*

Defunctis, qui ad felicem in Deo vitam deuenerunt, quoniam pertinent ad Ecclesiam, & ciuitatem Christi, & hoc sacrificium est vniuersalis Ecclesiæ, ac ideo eorum fit commemoratio, vt dicit Augustinus in vigesimo libro de ciuitate Dei, nihil melius fit ex Missa: sed laus, & honor tribuitur, & nos qui adhuc iactamur mundanis fluctibus, oramus in eorum consortium admitti. ac interim communicantes cum eis votis nostris, vt summo bono inhaereamus, per fidem ambulamus ad speciem. aliis vero, qui nondum ad eam felicitatem perueniunt, attramen dum viuerent, meruerunt, vt eis prodesse sacrificia Missarum, orationes & eleemosynæ, profunt, vt dicit Augustinus in libro de cura agenda pro mortuis. frustra namque fierent pro eis orationes in Missa ab vniuersa Ecclesia tam Græca quam Latina, nisi profuturæ eis essent. pium quoque est credere, quoniam membræ sunt Christi viuæ, cum tota Ecclesia fieri participes satisfactionis, & sacrificij Christi, illos præsertim quorum fit priuatim commemoratio.

C

*Interrogatio Vigesima prima.*

Est ne in Missa necessaria communicatio corporis & sanguinis Christi?

*Responsio.*

Vtique necessaria est communicatio per fidem, & charitatem, si quibus profutura est Missa, & sacramentalis: sed sacerdoti tantum, qui gerit personam totius Ecclesiæ, & præsertim astantium. quod si qui præsentium communicarent, etiam sacramentaliter, laudandi essent, dummodo non sumerent indigne.

*Interrogatio Vigesima secunda.*

Est ne laicis communicandum sub vna tantum specie, vel sub vtraque specie?

*Responsio.*

D Cum Sacramentum sit propter rem, quam confert, non autem res propter Sacramentum, idcirco cum sub vtraque specie simul, & sub altera eorum, vtravis fuerit specie, totus Christus continetur, vt supra diximus, ac per huius Sacramenti sumptionem queramus coniungi Christo, vt spiritali nutrimento, nihil refert, siue sub vna, siue sub vtraque sumatur. sed mos Ecclesiæ suæ seruandus est cuique. Græci sumant à suis sacerdotibus sub vtraque specie: Latini sub vna tantum, donec aliter sit statutum. ob multa namque scandala vitanda, Ecclesia Latina, eum morem suscepit. sacerdos autem pro populo calicem sumit.

*Interrogatio Vigesima tertia.*

Quid sentiendum de Sacramento poenitentiae secundum fidem orthodoxam?

Zz ij

*Responsio.*

Sacramentum poenitentiae cuius forma, & perfectio est absolutio sacerdotis, secunda tabula est, qua membra Christi mortua resurgunt ad spiritua-  
lem vitam, nam per baptismum generantur, & inseruntur Christo, per poenitentiam resurgunt, & reuiuiscunt.

*Interrogatio Vigesimaquarta.*

Vnde vim habet Sacramentum poenitentiae?

*Responsio.*

A fide passionis Christi, ut dicit beatus Thomas. Nam sicut dicit Apostolus in pluribus locis, ut in Epistola ad Ephes. c. 1. remissio peccatorum, & reconciliatio cum Deo, non fit nisi per Christum, & eius merita: cui coniungimur per fidem, ut accipiamus spiritum, per quem, vel noua creatura efficiamur, ut in baptismo, vel resurgamus, & reuiuiscamus, ut in Sacramento poenitentiae.

*Interrogatio Vigesimaquinta.*

Quae sunt necessaria poenitenti, ad assequendam absolutionem sacerdotis, ac per eam ex meritis Christi spiritualement vitam?

*Responsio.*

Vtrique necessarium primum est, ut cum veteris vitae, vere poeniteat, ac deinde, ut mortalia peccata, quorum sibi est conscius, cōfiteatur, discussit diligenter suis actionibus. Nam Christus constituit, in absolutione sacerdotem iudicem, non tantum ministrum, ut in baptismo, cum & remittendi, & retinendi peccata ei auctoritatem dederit, ut legitur in Euangelio Ioannis cap. 20. quod iudicio quodam faciat oportet. iudicare autem nemo potest quae ignorat: à confitente, igitur necesse est, ut ea nouerit. requiritur etiam propositum imitandi Christum, ut scilicet, suo modo satisfaciatur. Quae tamen satisfactio imitatur Christi satisfactione. secus autem nihil esset. Christianus enim Christum imitari debet pro suo modo, ut simul patiarur pro peccatis quibusque suis, pro quibus etiam Christus passus est, ut cum Christo perueniat ad resurrectionem ex mortuis, & ad vitam æternam.

*Interrogatio Vigesima sexta.*

Cur in baptismo suscipiendo non imponitur satisfactio? in absolutione vero sacerdotis requiritur?

*Responsio.*

Quoniam ei, qui peccauit, & post peccatum idem remanet, aliqua satisfactio debetur, ut Christum imitetur, & aliqua iustitiae species seruetur, quod si is, qui peccauit, non remaneat, sed moriatur, ac nouus homo generetur, satisfactio locum non habet: sed sicuti ad nouam generationem, per quam fit membrum Christi, sufficit Christi meritum, ita sufficit satisfactio Christi, nec ab eo ulla requiritur, ut aliquo modo species iustitiae seruetur: non enim amplius est secundum imputationem homo, qui peccauit, sed nouus homo. at in reuiuificatione membri Christi mortui, is remanet viuificatus, qui prius fuerat mortificatus. ideo diuerso modo, meritum, & satisfactio Christi, huius, & illi applicatur. quem diuersum modum ostendunt diuersa Sacramen-  
torum

A<sup>1</sup> torum genera . nam si eodem præcise modo fieret applicatio christi passionis pœnitenti , & baptizato , eodem vtiq; Sacramento vti in vtroque deberemus . Sacramentum etenim est visibile signum invisibilis applicationis , seu infusionis gratiæ . ex diuersitate ergo signi conuincitur diuersus infusionis , & applicationis modus . Hanc diuersitatem ex diuersitate Sacramenti compertam , & perspicuam , nonnulli nostris temporibus , non intelligentes , putauerunt eodem modo , hominem renasci per pœnitentiam , sicuti per baptismum renascitur . ex quo ausi sunt improbare sensum vniuersalis Ecclesiæ in hoc articulo . Quos monitos velim , vt bene attendant quæ diximus . Nam sicuti impium esset iterum baptismum pœnitenti conferri , ita erroneum existimare debent , eundem esse in vtroque , baptizato , scilicet , & pœnitenti applicationis modum .

*Interrogatio Vigesima septima.*

An confessio laico facta , & absolutio à laico præstita , valeat , & vim habeat Sacramenti .

*Responsio.*

Quamuis in casu necessitatis Deo sit grata ea confessionis humilitas , nihilominus laicus non debet , neque potest absolvere . orare tamen Deum potest , vt confitentem absoluat . isque si euaserit , ad sacerdotem , vt accedat necesse est , & ab eo absolutionem impetret , prius peccata mortalia , quorum sibi conscius est , confessus .

*Interrogatio Vigesima octaua.*

C An confessio facta sacerdoti non proprio valeat , & is sacerdos possit absolvere confitentem ?

*Responsio.*

In casu necessitatis , quæ diuersis modis contineri potest , valet : & cōfiteus est absolutus . secus non valet , neque absolutus est ; quoniam cum sacerdos iudex sit in Sacramento pœnitentiæ , necesse est quod confitens sit eius curæ subditus , vt in eum possit iurisdictionem exercere . Canones idem præcipiunt , & consuetudo vniuersalis Ecclesiæ semper hoc admisit .

*Interrogatio Vigesima nona.*

D An absolutio facta à sacerdote proprio , peccatore & indigno , valeat : si militer administratio aliorum Sacramentorum ?

*Responsio.*

Ea quæ sunt tantū ordinis facta à sacerdote , quantumvis indigno , & peccatore , semper valent . nam virtus , & meritum Christi non inquinatur , & immutatur à malis ministris . ea verò quæ sunt iurisdictionis , vel iurisdictione annexam requirunt , item valent , nisi habeat sacerdos impedimentum canonicum , vt suspensionis , & huiusmodi .

*Interrogatio Trigesima.*

An aliqui defuncti in Christo , non statim admittantur ad felicem vitam , sed purgentur per ignem à maculis peccatorum , & à pœnæ reatu , quam sunt meriti ?



*Responsio.*

Ex superius dictis, iam cōperta potest esse solutio huius quæstionis. nam si in Missa sit oratio ab Ecclesia pro defunctis, si in penitente aliqua requiritur satisfactio, manifestū est aliquos post obitū detineri, vt per ignē salui fiant.

*Interrogatio Trigesima prima.*

An sancti statim euolent ad cœlos, vel omnes expectent resurrectionem corporum, antequam admittantur ad æternam vitam?

*Responsio.*

Qui ex hac vita decedunt, soluti à vinculis peccati, & abluti in sanguine Christi peccatorum maculas, nullique reatui pœnz obnoxij, confestim ad beatitudinem perueniunt animo, & spiritu, donec Sanctorum, & Electorum numero completo, cum corporibus immortalibus integra facta natura, perfecta omnino beatitudine perficiantur. Hic est Ecclesiæ sensus in Euangelio Luca: cap. 23. Dixit Christus latroni, hodie mecum eris in paradiso. item Paulus 1. Cor. cap. 5. nunc donec sumus in corpore peregrinamur à domino, melius multo est peregrinari à corpore, & esse cum domino. item ad Philip. cap. 1. cupio dissolui & esse cum Christo. item 1. Cor. c. 5. scimus enim quod si terrestis nostra domus huius tabernaculi destruat, ædificatiōe ex Deo habemus, æternam domum non manufactam in cœlis.

*Interrogatio Trigesima secunda.*

Quid sentiendum de extrema vnctione?

*Responsio.*

Extrema vnctio signum visibile est, cuius materia est oleū, in hunc vsum consecratum, sub præscripta forma verborum, in orationis modum, ad tollendas peccati reliquias, seu etiam, ad abolenda peccata venialia, vt quidam Theologi dicunt. Iacobus in Epistola sua c. 5. huius Sacramenti mentionem facit. valet etiam ad tollendas ægritudines corporis, si ita ad salutem ægroti expediens fuerit. vtriusque commodi Iacobus meminit.

*Interrogatio Trigesima tertia.*

Quid sentiendum de Sacramento ordinis, cum ex dictis Petri Apostoli in Epistola 1. cap. 2. & Ioannis in Apocalypsi, c. 1. omnes christiani videantur esse sacerdotes?

*Responsio.*

Omnes Christiani per baptismi consecrationem, & characterem consequuntur, qui est character sacerdotij Christi, vnde efficiuntur participes illius sacerdotij, vt scilicet, offerant spirituales hostias Deo per Iesum Christum. hoc sacerdotium non pertinet ad Sacramentum ordinis de quo agimus. Nam ordo, de quo tractamus, est spiritualis potestas, & spirituale officium, seu signaculum, & consecratio, qua traditur priuata alia quædam potestas ordinatis, & super corpus Christi verum, & super corpus mysticum, sicuti sacerdoti consecrandi corporis Christi, & absoluendi subditum sibi gregem à peccatis in Sacramento penitentia. Sed de sacris ordinibus tā maioribus, quam minoribus tractare, non est præsentis negotij.

*Interro-*

A *Interrogatio Trigesimaquarta.*

Quid sentit Ecclesia de Matrimonio?

*Responsio.*

Sensus Ecclesiæ de matrimonio, non tantum legitimo, quod in infidelibus esse potest in naturæ officium: sed de perfecto, quod est in christianis hominibus, Matrimonium esse Sacramentum, quia est visibile signum coniunctionis Christi & Ecclesiæ; ut dicit Apostolus in Epistola ad Ephesios cap. 5. Nec obstat id quod quidam scioli dicunt Apostolum, scilicet, dixisse esse magnum Sacramentum, dico autem in Christo, & Ecclesia. Nam Græce Apostolus scripsit mysterium, id est, arcanum, inueniens sub hoc visibili matrimonio, tanquam sub signo sensibili arcanum illud contineri. multa discutiuntur à Theologis circa hoc Sacramentum; quæ non pertinent ad præsens negotium.

Post Sacramenta, & fidem, quibus viuimus in Christo, tanquam membra vnius corporis, cuius caput est Christus, restat, ut quædam discutiamus instituto modo, quæ pertinent ad corpus hoc mysticum, quo ad ipsius vitæ cultum, & gubernationem. Partes vnius Ecclesiæ, sunt defuncti in Christo, & qui in hac vita peregrinantur siue grana, seu paleæ sint. nam ut inquit Augustinus in libro de vnitæ Ecclesiæ, omnes christiani baptizati, sunt in eisdem Sacramentis Ecclesiæ, Christo per baptismum consecrati.

*Interrogatio Trigesimaquinta.*

C Quid sentiendum de ratione viuendi, & cultus Ecclesiæ, an scilicet, vnusquisque Christianus sit liber caeremoniis, & aliis humanis legibus, & ritibus, sicuti Paulus videtur dicere, ad Gal. c. 4. in libertate igitur, qua Christus vos dotauit state.

*Responsio.*

D Christus Christianos omnes liberauit à caeremoniis, & iudicialibus præceptis legis Moysæ; quia soluto statu eius populi, abrogatæ etiam sunt leges, quibus is populus continebatur, & quæ illi populo tantum datæ erant. itæ caeremoniæ, quibus Christus vêturus significabatur, abolitæ sunt post Christi resurrectionem. Christianis etiam data est libertas in huiusmodi caeremoniis, ritibus, & legibus, quia nihil nobis præscriptum fuit à Christo, præter Sacramenta. non tamen accipere debemus datam esse christiano populo libertatem, ut nullo ordine, nullo ritu, nulla caeremonia communi vtamur, sed ut viuamus more cyclopum, ut inquit Homerus, ut scilicet pro arbitrio, quisque sibi caeremonias constituat, rationem viuendi pro arbitrio sequatur. Nam hæc vitæ ratio, potius pertinet ad Babylonem, quam ad Ecclesiā Christi, quæ est eius corpus distinctum, & cōpaginatum per membra in vnitæ spiritus. Hæc ergo à christo nobis data libertas (præter libertatem à seruitute peccati) ita est accipienda, quod Christus nihil præscripsit, neque quoad vitam civilem terrenam in iudicialibus præceptis, neque quoad vitam politicam christianam, sed reliquit hæc ut iuniora, & quæ pro ratione locorum, & temporum, sæpe mutari possint, & debeant, arbitrio Principum, & Epi-

scoporum.nam cum humana vita, sine his duobus non possit, neque seruari  
 E unitas queat, nisi in communi seruetur, utique seditiosi hominis, & pa-  
 rum sani esset velle Christianam Ecclesiam facere Babylonem, & cyclo-  
 pum Ecclesiam. Principibus vero in legibus quas statuunt parere debemus,  
 dummodo non discrepent à lege diuina, & naturali. scriptum est, 1. Pé. c. 2.  
 obedite Regibus, & Principibus. Episcopis in legibus, & ritibus pertinenti-  
 bus ad Christianam politiam. nam itidem scriptum est, ad Hebræos, c. 13.  
 obedite Præpositis vestris, & subiaceite eis, ipsi. n. vigilante pro animabus ves-  
 stris tanquam rationem reddituri. Seruandi sunt ergo à viro Christiano Ri-  
 tus, cæremoniæ, & obseruantia, à maioribus nostris instituta, & ab vniuer-  
 sali Ecclesia recepta. Quorum quædam vt dicit Augustinus ad Ianuarium, p.  
 sunt receptæ ab vniuersali Ecclesia, neque memoria superest earum institu-  
 tionis, quæ credendæ sunt fuisse institutæ ab Apostolis. Quædam vero pri-  
 uatæ Episcopatus alicuius, quæ in eo sunt seruandæ, & qui eas non seruat  
 peccat contra iustitiam, ad quam pertinet obedientia præstanda Præpositis  
 nostris, & contra charitatem, vt pote qui quantum in se est, scindit Ecclesiæ  
 unitatem: quemadmodum in vita ciuili, cuius peccaret, si vellet immutare rationem  
 viuendi, iam à ciuitate receptam, & institutam. E contra si obedit,  
 humiliter, & ex corde, Christianè, & ex charitate operatur, & viuunt, cuius vi-  
 tæ merces, copiosa est in cælis. Neque tamen propterea dicimus hos cultus  
 esse, quibus mereamur remissionem peccatorum, quæ solum est nobis per  
 Christum, in quo habemus redemptionem, & remissionem peccatorum, vt  
 inquit Apostolus ad Ephesios. c. 1. & est clare expositum à beato Thoma. G

*Interrogatio Trigesima sexta.*

Ecclesiæ vniuersalis, est ne aliquod caput, à quo dirigatur in vita Christia-  
 nal

*Responsio.*

Vtique, nam & caput est Christus, à quo infunditur sensus, & motus, & vi-  
 ta spiritualis vnicuique Christiano, qui viuunt in Christo, & interius eam diri-  
 git, & sanctificat. item, inferiori ratione & modo, caput Ecclesiæ est Vica-  
 rius Christi, Petri successor, Pontifex Romanus, qui non interius ei fundit  
 vitam, sed exterius eam regit, & gubernat. Nam impossibile est multitudi-  
 nem in vnum conuenire, & contineri, nisi ab vno. Ecclesiam verò Christia-  
 nam maxime vnā oportet esse, vt pote, quæ non ciuitas vna, sed vnum cor-  
 pus dicta sit in sacris literis. idcirco ab vno capite contineri debet. sunt huius  
 rei expressa testimonia in Euangelio, & euidentissima est sententia doctorū  
 omnium Antiquorum, & Modernorum. Post Pontificem Romanum sunt  
 ciuitatum Episcopi, post hos alij curatj Sacerdotes, de quibus non est insti-  
 tuti negocij sigillatim agere. H

*Interrogatio Trigesima septima.*

An in Ecclesia Christiana, quæ sui gubernatione gradibus quibusdam  
 distincta est, laicorum scilicet, & clericorum, & in cleris, sacerdotali, episco-  
 pali, & pontificali ordine, sit admittendus religiosorum status, & qualis sit,  
 &

A & quæ sint vota supererogationis?

*Responsio.*

Ciuitas Dei, Christiana, scilicet, Ecclesia nullo perfectionis statu inferior esse debet ciuitate terrena, in qua ut philosophi produnt, duplex est hominum vita; eorum scilicet qui versantur, in actionibus, & negociis ciuilibus, & eorum qui se manciparunt speculationi; ita decet in Ecclesia Dei esse statum quorundam, qui contemptis omnibus actionibus, intendant charitati Christianæ, & sint veluti perfecti viatores, qui abiectis omnibus impedimentis, contendant omnibus viribus ut magis, ac magis accedant ad destinatum sibi locum, sic hi contendant ad perfectionem charitatis, abiectis impedimentis vitæ ciuilis quæ cursum huiusmodi tardiores efficere solent. ideo re ipsa compertum omnibus esse potest; fuisse semper in Ecclesia Dei horum hominum statum, legat Christianorum historias qui hoc non credit nobis.

B pleni sunt libri in Ægypti solitudine, adhuc extant vestigia monasteriorum celeberrimorum, vitæ Antonij, Hilarij, Pauli heremitæ, & aliorum literis mandata sanctissimorum, & doctissimorum hominum opera. Dionysius antiquissimus author meminit huius ordinis monastici. Basilius viuendi normam suis monachis conscripsit, qui adhuc frequentissimi in Græcia florent. de votis monasticis in suis asceticis meminit Benedictus apud latinos celeberrimus, & antiquissimus monasticæ vitæ author. Horum status, exercitium est, à quo etiam apud Græcos dicuntur ascetæ, id est exercitatores. & beatus Thomas in secunda secunda, dicit frequentissime, religiones monachorum esse exercitia tendentium ad perfectionem charitatis. neque opera supererogationis, ob id dicuntur, quia superent præcepta charitatis: sed quoniam in exercitiis quibus ad charitatis perfectionem tenditur, plus erogent quàm communis hominum Christianorum vita, qui tantum exercitantur, quantum est necessarium, & sine quo vita Christiana consistere non posset. Neque audiendi sunt seditiosi quidam, qui impingunt Ecclesiæ, quod sentiant per huiusmodi exercitia, nos consequi vitam æternam, & non per Christum: & quod ponimus opera, quæ excedunt præcepta charitatis. minime omnia hæc dicuntur nisi ab imperitis. minora sunt consilia de Religione tradita, quàm præcepta charitatis, imò illis deseruiunt minora, inquam, imò

C nec conferenda cum gratia, & spiritu, quem habemus per Christum: sed illi inseruiunt, ut scilicet, amoueantur ea, quibus solemus amoueri à via Christi, vel saltem retardari, & in eis versari, quibus magis, ac magis proficiamus in gratia Christi. Hæc est sententia Ecclesiæ, & doctorum hominum, non superior illa, quam nobis volunt impingere. omitto consilia data in Euangelio, & à Paulo de hac vita, & de hoc statu perfectiori, quia vulgata sunt.

*Interrogatio Trigesima octaua.*

Quid sentiendum de cultu, & inuocatione sanctorum; quia Ecclesia vtitur, id est, cum dicimus, sancte Pette ora pro nobis.

*Responsio.*

Sancti sunt viuissima, & nobilissima membra Christi, quos Christus adeo

voluit exaltare, vt in Euangelio Mat. c. 19. & Lucæ. c. 22. dicat in fine seculi ipso-  
 fos quoque mundum iudicatu-  
 ros esse sedentes super sedes. ideo nulli dubiū  
 esse debet, quin institutum Ecclesiæ sanctissimum sit in veneratione sancto-  
 rum, & eorum inuocatione, vt pro nobis orent. neque timendum ne non  
 audiant nos, vt sapientes quidam nostra hac tempestate dicunt, eò quòd non  
 sint vbique sancti. etenim dicimus sanctos in Deo videre nos, & ea quæ hic  
 geruntur, ea inquam tantum, quæ Deus vult illis reuelare. Angeli superiores  
 natura hominibus vi naturæ hoc assequuntur. homines beati ex diuina tan-  
 tum reuelatione. de Angelis in Apocalypsi, in Thobia, in Actis Apostolo-  
 tum, & frequentissime in sacris literis sunt testimonia. de animabus sanctis,  
 expresse in Apocalypsi est textus, de vintiquatuor senioribus præcipuis, F  
 scilicet, sanctis hominibus, vt ibidem patet, qui odoramenta Deo offerebāt,  
 quæ sunt orationes sanctorum, id est Christianorum, qui omnes solent ab  
 Apostolo appellari sancti, quasi sanctificati in Christo. indoctorum ergo est,  
 & sediciosorum velle hoc in controuersia ponere.

*Interrogatio Trigesima nona.*

Quid sentiendum de imaginibus, & picturis sanctorum?

*Responsio.*

In septima Synodo sub Constantino, & Irene, decretum fuit imagines,  
 tanquam libros idiotarum vt aspectu etiam doctos moueant, & excitent ad  
 venerationē, & imitationē optimorū hominū. In Ecclesia admittēdas, & ve-  
 nerandas esse: nō quidē vt eis veneratio deferatur, sed sanctis per eas. quam-  
 obrem non probādum censemus eorum vsum, qui in picturis, & imaginibus G  
 sanctorum, vt artificis peritia ostendatur, & delectatio, vel vana, vel turpis,  
 ex earum aspectu, videntibus offeratur, nullam habent rationem institu-  
 tionis Ecclesiæ, in imaginibus admittendis; imò ea abutuntur in lasciuia,  
 vel inanem oblectationem.

*Interrogatio quadagesima.*

Quæ nam veneratio adhibenda est sanctis?

*Responsio.*

Nō ea, qua Deum veneramur, tanquam primum principium omnium,  
 & supremum bonum, cui inhereamus, & cuius participatione felices simus,  
 quæ latra dicitur. nec veneratio quæ debetur Christo, qui solus verè me-  
 diator est Dei, & hominis, sed inferior quædam, quæ amicis Dei, & mem-  
 bris Christi conueniat in quorum veneratione pium, & Christianum est il-  
 lud seruare vt semper in eis venerādis, recordemur Christi, cuius sunt mem-  
 bra, & Dei cuius sunt amici, & filij. nam si propterea eis honorē deferimus,  
 quia sunt membra Christi, & amici Dei, mirum in modum consentaneū  
 est, vt in eis venerandis, non obliuiscamur Dei, & Christi Domini nostri. H

*Interrogatio Vltima.*

Quid sentiendum de orationibus, quæ fiunt à viris idiotis, qui eas non in-  
 telligunt?

*Responsio.*

Sentiendum

- A** Sentiendum valere ex affectu animi, & intentione, qua intendunt Deum orare, & sanctos, licet nō intelligant quid petant. carēt tamen eo fructu, quē perciperent, si orationes eas, quas ore proferunt, etiam intelligerent, nam & speciatim intenderent animum, & mentem in Deum, vt ab eo impetrarent, etiam speciatim ea, quæ ore petunt; & magis ædificarentur ex sensu pio earum orationum, quas ore proferunt. carent ergo hoc fructu. Non tamen frustra orant; nam vt inquit Apostolus Paulus ad Romanos capite sexto. spiritus orat pro nobis gemitibus inenarrabilibus, quatenus dirigit orationes nostras ad Deum, & animum nostrum sursum erigit. item ad Corinthios prima, capite quatuordecimo, spiritus orat. subdit postea; mens autem fructu vacat, eo scilicet, quem caperet, vt supra diximus, si intelligeret is, qui orat, ea quæ dicit. idcirco hortandi sunt idiotæ, vt orent, etiam si non intelligunt. Melius tamen orarent si discerent sensum orationum, quibus frequenter vtuntur, vt orationis dominicæ, & salutationis Angelicæ, quæ in ore omnium solent esse.
- B** Nam & spiritu orarent, & eorum mens non careret eo fructu, de quo supra diximus.





# CONCILIORVM MAGIS

ILLVSTRIVM SVMMÆ AD

PAVLVM TERTIVM PONTI-

ficem Maximum.



**N**VL: mirum videri debet beatissime Pater, si Ecclesiastica Hierarchia, quin potius omnis Ciuiliſ societas, rerum naturæ constantium modum, ac ingenium imitetur. nam cum idem sit author, & causa naturæ rerum, ac humanarum huiusmodi societatum, quæ à natura hominum originem trahunt, eique summopere conueniunt ( Homo etenim natura ciuile est, & sociale animal ) utique consentaneum est, vt vtrunque genus sui authoris imaginem præ se ferat, ac propterea inter sese etiã consentiat, alterumque alterius simile sit. Enimuero in rebus natura constantibus omnibus videmus luce clarius, vnitatem quadam multitudinem quandam contineri, Deus etenim solus, sicuti vere est, ita etiam vere est vnus: inferiora verò omnia, quoniam non sunt Deus, multitudinem quandam habent, neque vere sunt vna: at quoniam sunt à Deo; & habent pro sui natura vnitatem, & vnitatem ea multitudinem suam colligunt, & continent. ea verò vnitas tanto est maior, & vt ita dicam, vniior, quanto natura perfectior fuerit. Linquam nunc cœlestes illas mentes, quæ ratione quadam inexplicabili & se in multitudinem suam pandunt, atque explicant: itemque circunquaque multitudinem illam suam ita continent vnitatem, vt omnia vnum sint. Venio ad res, quæ sensu percipi possunt. in rebus inanimatis, quæ imperfectissimæ omnium sunt, minima quædam apparet vnitas, in plantis maior: nam principium vitæ in quadam sui parte habent, à quo & radices infra, & rami in superna mittuntur. id tamen vitæ principium diuisibile est, ac propterea non valde vnũ, quod ex eo liquet: nam quamuis surculus ex planta decerptus sit, si deffossus fuerit in terram, & radices emittit, & truncum, in ramosque se fundit, ac tandem crescit in arborem. imperfectissima animalia, quæ ab insectis, insecta appellari consuevere, principium hoc vitæ habent plantis simile, quare dissecta etiam aliquo temporis spacio viuunt. At in animalibus perfectis, & absolutis principium hoc vitæ magis est vnum, à quo si qua animantis eius pars diuisa fuerit, statim interit, eoque principio quauis ratione extincto



- A** Æto, confestim animal totum perit. in homine verò omnium perfectissimo animalium, anima, quæ est vitæ humanæ principium, est maxime vna, vtpote, quæ omnino indivisibilis existat; verû à se in corp' multas vires diffundit, sui que vnitate eas cõtinet, corpusque totû humanû, totque eius humores, ac mēbra cõpescit in vnû, ne diffuant, sed vnum animal omniû pulcherrimû, ac excellentissimum conficiant. Hoc rerû natura constantium ingenium, ac vniuersam rationē humanę societates imitantur, & referunt, vtpote, quæ ab eadē causâ authore existât. id quod, vt alias rationes omittā, Philosophorûq; sententias, apertissime testatur Apostolus Paulus. qui in Epist. ad Ephesios c. 3. inquit, huius rei gratia flecto genua mea ante Patrem Domini nostri Iesu Christi, à quo est omnis paternitas: seu vt Græce significantius scribitur, omnis *πατρις*, id est, tribus seu familia, & conuentus in cælo, & in terra, vt Chrysostomus interpretatur. & ex psalmo vigesimoprimo euidenter colligitur. ecce quod omnis hominum societas à Deo est, nam linquimus nunc Angelos, & cœlestes mentes. In his autem hominû Cõuentibus, & multitudo hominum est, & vnitas, qua Conuentus continetur, & constat. imperfectiores minore quadam vnitate cõtinentur, vt popularis Gubernatio. meliores maiori vnitate, vt Principatus Optimatum. optima verò omnium constitutio est ea, quæ ab optimo Principe gubernatur: sicque maximè omnium est vna. Huiusmodi, & rationis præ aliis omnibus Christus Deus, & seruator noster Ecclesiasticam hanc Hierarchiam constituit, tãquam bene compactum hominis corpus, in qua, ne qua vnquã fieret ex natura cõstitutionis scissura, vnû Principem esse voluit, seu potius, Patrem, & Caput. non caput illud, à quo diffunderet vita in corpus, id etenim Christus est: vt inquit Apostolus Paulus, ad Col. c. 1. sed à quo Gubernatio, & iurisdicctio in hac Hierarchiam vniuersam influeret, ab eo que penderet. Verum, sicuti hominis anima rōulris indiget viribus, multisque mēbris, vt in totû corpus operetur, plurimasque functiones agat, quibus homo eget vt viuatur, & bene viuatur; sic Pontifex Ecclesiasticæ Hierarchiæ caput multis eget potestatis huius participibus: quibus Ecclesia dirigi commodè queat ad supernam illam beatitudinem, quam nobis ipse cõparauit. præcipui omniû Episcopi sunt Christiani populi Doctores, ac Præsides. & quemadmodû, si qua humanæ menti difficilia occurrunt inuestiganda, vtitur viribus inferioribus, cogitatiua, in quâ, & rememoratua potentia, ac interdum exteriori sensu, vt in cõmentationibus Mathematicis, quæ omnes pro sui quæque natura in id intentæ mitifice opem ferunt intellectui, & menti; culus solius quâuis sit iudicare, & discernere, id tamen cõmode facere nõ posset, nisi in vnum, vt ita dixerim, Conciliû, & Conuentum inferiores vires secum cõuocasset, nõ illas, quæ nullo pacto sunt rationis participes, sed superiores, quæ sunt menti proximæ. simili, ac propemodum eadē ratione in Ecclesia Christi, quâ omniû perfectissimâ societate, quis negare aulit? princeps est, & caput Pontifex Maximus vnus, sub quo inferiores Episcopi, ei' tamē potestatis participes in gubernatione Ecclesiæ sunt, sicut vires quæquã sensitiuæ rationalis cognitionis participes. si quãdo ergo quispiam nodus

ineidat, si qua in hoc Ecclesiæ corpore ægritudo contingat, officium Pontificis est in vnum vocare Episcopos Christiani populi, simulque Concilium inire, qua ratione & nodus dissoluendus sit, & curanda ægritudo, idque decernere, quod ex consulatione illa, & inuestigatione maxime ad rem facere videatur. Hoc natura duce semper seruatum fuit in omnibus hominū conuentibus, non tantum ciuitatibus, sed etiā vicis & pagis. Hoc Ecclesiæ Christiani semper seruauit, edocta à spiritu Dei: qui naturam hominis nullo pacto imminuit, sed prouehit ad altiora, & diuiniora. dicit hoc Christus in Euangelio Mar. c. 18. si fuerint duo, aut tres congregati in nomine meo, in medio illorū sum. itē si duo, aut tres in oratione consenserint &c. item dicit in Euangelio Mat. c. ultimo, vobiscum sum, id est, in Ecclesia vsque ad consumationem seculi. item in eodem Euangelio Mar. c. 18. si non audierit, dic Ecclesiæ: quam si non audierit, sit tibi sicut Ethnicus, & Publicanus. Paulus etiam Apostolus in Epistola prima ad Timotheum c. 3. appellat Ecclesiam columnam, & firmamentum veritatis. Nec mirū, nam si Ecclesia corpus est Christi, & nos sumus inuicem membra eiusdem corporis, cuius Christus est caput, à quo vita, & directio manare in corpus totum nulli dubium esse potest, proculdubio id, in quo Ecclesia consenserit, à Christo est, à veritate est, quæ falli non potest. Hoc, quod ratio, & autoritates Scripturæ canonicæ persuadent, ac Apostolica doctrina nobis tradidit, Apostoli primum, alij deinde patres nostri sanctissimi ac sapientissimi pleni diuino spiritu factis ipsis nos docuerūt, nam & Apostoli Hierosolymæ præterquam quod in pluribus rebus simul Concilia iniissent, orasse leguntur in Actibus Apostolorum c. 15. in quaestione ea an Gentes, quæ ad Christi gratiam veniebant, cogendæ essent ad seruandas legis Moysæ cæremonias, iustum Conciliū fecerunt: in quo Petrus primus omnium sententiam dixit, quam subinde secutus Iacobus, cæterisque communi nomine significauerunt Gentibus, & Discipulis Antiochiæ morantibus, quos secuti corū successores, quamuis non potuerint indicare vniuersale Oecumenicum Concilium ante tempora Constantini Imperatoris, ob potentiam Regum & Principum, qui seuebant in Christianos omnes, fuisse tamen ante Nicenum Concilium provincialia Concilia plurima: quæ obsecrata sunt vetustate, prodita tamen memoriæ sunt Antycitanum & Neocaesariense, ante Concilium Nicenū fuisse celebrata. Hos tu Pater Beatissime imitatus, & à spiritu Dei edoctus, his temporibus difficilissimis Christianæ Reipublicæ, quibus præter alia incommoda humana, & bellis intestinis cōsumimur, & Ecclesia Christi tuæ curæ commissæ vexatur tot schismatibus, tot hæresibus, conuocasti vniuersale, & Oecumenicum concilium. quod certo spero, incolumis celebrabis, & instaurabis Ecclesiā Dei, adeo vt cum Apostolo 2. Cor. c. 5. canere poterimus, recedant vetera; omnes, inquam veteris hominis mores, & corruptelæ, ac noua sint omnia, fruerisque tu hac pace, hac sanctimonia, quam inducturus es in Christi Ecclesiam. Verum, quoniam in his negotiis concilij non inutile est memoria tenere, quæ quotque & qualia fuerint concilia celebrata retro actis temporibus, eorumque san-  
cita

- A** cita, & decreta, dedi ego lectioni eorum operam mensibus his hybernis, & à Græcis, latinisquæ authoribus Summā quandam collegi: quam si legendam tradereh̄ Sanctitati tuæ, non putavi rem ingratam me tibi facturum, mihi-  
quæ non summo opere debitam. Nā cum occupatissimus sis, integrosquæ dies omnes consumas in negociis grauissimis, curisquæ distineas ingētibz, nostri ordinis hominum officium esse duco, qui vicem membrorum gerimus huius Ecclesiæ; cuius es caput, vt tibi laboremus, & ocium nostrum tibi dicemus: adeo vt si qua tibi detrahunt tua negocia, in ocio nostro relaxiatur. Videbis igitur paucis à nobis comprehensam Summam Conciliorum magis illustrium, quæ Patrum nostrorum tēporibus celebrata fuerūt, simulquæ
- B** Hæreses ab eis damnatas: ac si quid etiam decreuerint memoria dignum, id quoque breuiter, & dilucide explicare conabimur. Rem ergo aggrediamur. Post ea, quæ Apostolica doctrina fuere nobis tradita in scripturis. canonicis, inueniuntur Decreta, & Canones Apostolorū. Ysidorus collegit quinquaginta: verum in Græcis codicibus canonū inueniuntur octuagintaquinque, trigintaquinque hi canōnes, quos desideramus in Ysidoro, & in Græcis codicibus repetiuntur, quorum duos vidi, Vaticanum, scilicet, & Venetum alterum; in latinam linguam versi sunt à Germano quodā, & impressi in Germania post Auēsticorū librum Iustiniani Imperatoris. in quibus id notandum, quod in canone, quo maxime damnatur Simonia, ac sit mentio de Simone Mago, qui damnatus fuit, in Græcis codicibus addita inuenimus hæc verba, scilicet à me Petro: in latino apud Ysidorum desiderantur. Illud etiam non prætereundum, quod in postremo canone Apostolorum in Græcis codicibus videlicet, in octuagesimo quinto, fit mentio de quibusdā aliis canonibus missis per Clementem. Hos sexta synodus reprobabat, quoniam fuerunt corrupti ab Hæreticis. Horum quadraginta septem collegit Ysidorus. Post hos canones Apostolorum, antiquissima omnium, quæ sunt memoriæ prodita, fuit Synodus Ancyritana prouincialis, non vniuersalis: quamuis sit recepta, & approbata in sexta synodo. ignoratur quibus temporibus fuerit. id tamen constat fuisse parum ante synodum Nicenam, & Ancytæ celebratam, quæ est ciuitas Galatiæ. edidit canones vngintiquinque, quos collegit Ysidorus. sequitur hanc synodus Neocæsariensis Neocæsareæ co-  
acta, quæ sita ciuitas est in Ponto Cappadociæ. Hæc paulopost Ancyritanam fuit celebrata. Nam vtrique interfuit Basilius, qui sub Licinio Cæsare martyrium meruit, anno domini ttecentesimo vigesimotertio, vt refert Eusebius de temporibus. condidit quatuordecim canones, in quorum postremo cauetur, ne in vlla ciuitate quantumuis magna plures quàm septem Diaconi constituentur, quemadmodum fecere Apostoli, vt legimus in actibus Apostolorum. Hic canon reuocatus fuit in sexta synodo. Has synodos memoria proditum est fuisse ante Nicenam Synodum. sequitur has Nicena omnium celeberrima, quæ est prima OEcumenica. Hoc loco non duco prætereundum esse à Græcis illas synodos appellatas Oecumenicas, in quibus Græci, Latini quæ pariter conuenere. Hæc synodus sub Constantino

Imperatore, anno eius imperij vigesimo coacta fuit, tempore Beatissimi Syluestri Pontificis, anno domini tricentesimo vigesimo quinto. quidam volūt sub Iulio Pontifice hanc synodum fuisse. verisimile putauerim ego fuisse, synodum indictam sub Syluestro, decreta vero fecisse, & dimissam sub Iulio. Ysidorus refert missos à Syluestro ad eandem fuisse Victore, & Innocentiū Romanos presbyteros, qui Pontificis nomine interessent. interfuit etiā Hosius Episcopus Cordubēsis, tunc habitus sanctissimus vir, quē nonnulli scribunt simul cum Victore à Syluestro missum. nam postea Sirmi declinauit ad Arriū, vt dicit Hilarius in libro de synodo. Valde quoque celebris est memoria Paphnutij Ægyptij Episcopi, quē Cōstantinum tetunt maximis fuisse honoribus prosequutum. in summa trecentum & decem, ac octo Episcopi sanctissimi, & doctissimi viri conuenerunt in hoc Concilium. damnata fuit Hæresis Arrij Alexandrini presbyteri, qui inani ambitione elatus cōtra Alexandrum Episcopum suum, cœpit dicere filium Dei & verbum, per quod facta sunt omnia, esse minorem patre, creaturamque non creatorem, neque genitum de substantia patris, sed factū ex non existentibus: & quod fuit quando non erat Dei filius. Huius blasphemias Episcopus Alexander cum dissimulare non posset, à communione Arrium separauit, expulitque ab Ecclesia. Hæc Arriana labe peruagata per Christianum orbem plurimos infecit, inuenitque sectatores complures homines doctos, ac in Platonica Philosophia præsertim enutritos. Qui cum legissent apud Platonem in Timæo, primum rerum omnium principium vsum fuisse in constituendo hoc, quem videmus, orbe, quodam exemplari, quod etiam animal perfectissimum appellat, cuius imaginem hoc vniuersum gerat, lōge perfectius omnibus aliis, vt pote per quod facta sint omnia, infra Deum tamen existens, quod posteriores Platonici tuundum intelligibilem, ens etiam appellauerunt; itemque cum legissent in Euāgelio Ioannis. c. i. per verbum facta esse omnia, nonnullosque alios scripturæ locos, qui fauere videbantur ei sententiæ, confestim ex humana Philosophia Euāgelicam, & Christianam doctrinam de filio Dei composuerūt. arbitrati que sunt causam illam exemplarem Platonis, quæ est infra Deum, esse Dei filium, & verbum, de quo Euangelia, & doctrina Apostolica meminissent. ex hac Hæresi cum maximus in Christiano populo tumultus concitatus fuisset, indicta fuit hæc synodus in Nicea ciuitate Bithyniæ. cui interfuit Constantinus, ac, vt diximus, tercetum & decem octo Episcopi. intet fuit etiam Arrius. affuit etiam Athanasius, qui tunc diaconus erat Alexandrinæ Ecclesiæ, cum Alexādro Episcopo suo. damnata fuit post diuinam inquisitionem & consultationem, Hæresis hæc Arriana, consecutumque symbolum, in quo fuit dictum verbum, & filium Dei esse patri homouision, id est, consubstantialem. Compositi etiam fuere Canones: viginii tantum reperiuntur collecti ab Ysidoro: quidam perhibent fuisse longe plures. attamen in Concilio sexto Carthaginensi legitur, quod cum Patres illi scripsissent Attico Episcopo Constantinopolitano, vt ad eos mitteret integros Canones concilij Niceni; respondit Atticus mittere se ad

- A** eos per Marcellum subdiaconū Canones integros synodi Nicenæ, qui sub-  
 inserti essent, nec aliquis alius reperitur præter hos vincti. in quibus ille sci-  
 tu dignus, quo iubetur in diebus Pentecostes, id est, quinquaginta diebus  
 post pascha, & diebus dominicis non flectenda esse genua ad orationem do-  
 minicam scilicet. de hæc mentionem etiam facit Augustinus in epistola  
 ad Ianuariū, vbi scilicet erectione corporis testemur Christum vere surrexisse  
 à mortuis. fuit etiam in hac magna Nicena synodo constitutio facta de Pas-  
 chatis celebratione, de qua magna fuit controuersia, præcipue cū Asiaticis  
 Episcopis, qui quartadecima luna, quicunque is fuisset dies, sacratissimum  
 Pascha celebrabant; quique ob eam rem appellati fuere. *Quartadecimani.*
- B** Statutumque est in hoc Concilio, primo mense, id est, ea luna cuius plenilunium  
 fuisset post æquinoctium vernū, quod tunc erat vigesima prima die Martij  
 mensis, diem dominicam, post plenilunium illud, solennem esse, paschaque  
 à Christianis eā die celebrandum, qua Christus resurrexit, qui est Pascha no-  
 strum, nec seruandum morem Iudaicum, vt quartadecima luna à Christia-  
 nis fiat Pascha, quæcunque ea fuerit. Hoc præter alios authores Augustinus  
 refert in Epistola ad inquisitiones Ianuarij. postea autem melius fuit res di-  
 stincta, decretumque ne memoria passionis Domini celebretur ante lunam  
 quartadecimam: ideoque si plenilunium contigerit esse die dominica,  
 aut die sabbati, qui à meridie inchoaretur, transfertur Paschatis solennitas  
 ad proximam diem dominicam, post octo, scilicet, dies. de hoc Ambrosius  
 in Epistola ad Episcopos Æmilie. Hæc solennitatis Paschalis forma ad hæc  
 diem perseverat, ac si nostris temporibus vigesima prima dies Martij esset dies  
 æquinoctij verni, cum tamen nunc retrocesserit ad diem decimam. Hæc di-  
 cta de Nicena Synodo sufficiant. Hisdem temporibus Sylvestri scilicet Pon-  
 tificis, Ysidorus refert celebratas fuisse synodos provinciales Arelate, quæ  
 ciuitas insignis est in Prouincia, sita iuxta fluuium Rhodanum. mirum tamē,  
 quod in secunda sit mentio de statutis Nicenæ synodi, quā verisimile est, sub  
 Iulio dimissam fuisse. id etiam notandum, quod in prima Arelateni synodo  
 statutum fuit, vt persuaderi debeat adolecentibus, quorum vxores se adul-  
 terio polluisent, ne eis viuentibus alias ducerent vxores. ex quo videtur col-  
 ligi posse, ea ætate quosdam fuisse, qui existimarent sibi licere dimissa vxore  
 fornicationis causā aliam ducere. quod Ambrosius in expositione epistolæ  
 ad Corinthios tangit. licet Magister sententiarum dicat illum locum Am-  
 brosij fuisse à falsariis corruptum. Duo præterea fuere Arelate celebrata  
 Concilia, quorum postremum coactum fuit sub Martiano Principe, sub quo  
 fuit synodus Chalcedonensis, quarta, scilicet, Oecumenica. Post Nicenam  
 synodum reperiuntur, & in Græcis canonibus, & apud Ysidorum fuisse  
 nonnullæ synodi provinciales; de quibus non constat quibusnam tempori-  
 bus fuerint: sed verisimile est quoniam de eis sit mentio ab authoribus sta-  
 tim post Nicenum Concilium, fuisse etiam paulopost coactas. harum  
 prima est Gangrensis, coacta in Gangre ciuitate Paphlagoniæ. de qua  
 vrbe meminit Stephanus Græcus author in libro quem scripsit de Vr-

E  
 bibus in hac damnata fuit Hæresis Eustathianorum, qui nuptias damna-  
 bant. constituti que sunt viginti Canones, qui extant tam apud Græcos, quam  
 apud Latinos. nihil in his egregium annotavi. Huic proximus fuit conuen-  
 tus Antiochenus, coactus Antiochia, quæ sita est apud Orontem. interfuere  
 huic synodo Formilianus, & Gregorius mirabilium effector nuncupatus. vi-  
 gintiquinque canones fuere in hac constituti. sequitur synodus habita Lao-  
 dicea: quæ vrbs est Phrygiæ Capatiana, in qua editi fuere Canones quinqu-  
 aginta noui, nihil in his memoratu dignum reperi. in sexta synodo omnium horum  
 Conciliorum canones approbantur. Post obitum Constantini Imperatoris  
 anno duodecimo, ut refert Socrates in historia tripartita, eum post Nicenam  
 synodum Arriani maximos ubique tumultus concitassent, expulsusque ob  
 F  
 eam causam Athanasius Episcopus Alexandrinus à sua Ecclesia fuisset ab Ar-  
 rianis, quibus Constantius Imperator Oriens magni Constantini filius sum-  
 mopere fauebat, ac venisset in Italiam ad Pontificem Iulium, atque ad Con-  
 stantem imperatorem Occidentis perrexisset, qui frater erat Constantij, indi-  
 cta fuit Synodus Sardicæ. Sardicæ Metropolis est Dacorum sita iuxta Danu-  
 biū. quidam dicunt esse in Illyrico, cuius fortasse fines hi auctores ad Danubiū  
 usque extendebant. fuit hæc synodus indicta literis Constantij Imperatoris ob  
 metum fratris Constantis piissimi principis fratrisque Constantij luge dissimilis. co-  
 uenere in hac synodum omnes fere occidentales Episcopi, tercentum inquam, inter  
 quos Hosius Cordubensis. magna pars fuit illi? Concilij, orientaliū circiter sep-  
 tuaginta: ceteri namque, quorum plerique erant infensi Athanasio, & fauebant G  
 partibus Arrianis, causas dixere, quare non possent accedere ad eum conuen-  
 tum. hi etiam septuaginta, qui conuenerant, postquam viderunt agi de resti-  
 tutione Athanasij Episcopi Alexandrini, & Pauli Constantinopolitani, alio-  
 rumque quorundam, qui pulsi fuerant ab Arrianis, quibus ipsi quoque faue-  
 bant, recessere à Sardica, & conuenerunt in Philippopoli, nonnullaque de-  
 creuere contra Athanasium: fuere hi omnes damnati à synodo Sardicensi: si-  
 mulque restitutus Athanasius Alexandrinæ Ecclesiæ, & Paulus Constanti-  
 nopolitanæ. scripsit Constans fratri Constantio pias, ac Imperatore Christia-  
 no dignas literas in commendationem Athanasij. paruit Constantius fratris  
 literis, & restituit Athanasium: ideoque repressa aliquantulum Arrianorum  
 rabies. constituti fuerunt in hac Synodo Canones vnus & viginti. in quibus H  
 illud puto non esse prætereundum, ex quo facile colligi potest Romani Pon-  
 tificis autoritas, quod in quinto, sextoque canone statutum est: quod si quis  
 Episcopus accusatus, fuerit ab Episcopis suæ illius provincie depositus, illeque  
 voluerit appellare Romanum sanctissimum Episcopum, ut ab eo eius causa  
 audiat, utique conuocandi sunt proximæ provincie Episcopi, qui iudicet  
 de illius causa. qui si priorum sententiam secuti fuerint, isque rursus appellet  
 Romanum Pontificem, Pontifex Romanus, si voluerit, mittat duos presby-  
 teros à latere, qui simul cum Episcopis illis in provincia ea, ubi melius causa  
 discuti potest, & intelligi, autoritate fungentes eius, à quo sunt missi, rem  
 diiudicent. quod si etiam voluerit ratam habere Episcoporum priorum sen-  
 tentiam,

- A** tentiam, nullumque à latere mittere, id vtiq; faciat, quod pro prudentia sua melius fore putauerit. Hoc nolui prætermittere, quo in loco neque est silentio prætereundum; ante hanc Sardicensem synodum fuisse ab Arrianis synodum in Antiochia coactam: quæ decreuit Athanasium Alexandrinum, & Paulum Constantinopolitanum Episcopum pelli à suis Ecclesiis; qui vt supra diximus ad Iulium Romanum Pontificem se contulerunt. à quo impetratum fuit ab orientalibus Episcopis, vt vtrumque sedi suæ restituerent: vbi in libro quarto Tripartite Historiæ authores illi Græci inquiunt Antiochenum illud Concilium nullius habitum existimationis, eo quòd fuerit coactum absque Romani Pontificis autoritate, eiusque nomine nullus Antiocheno illi concilio interfuisset. Hæc, quæ pertinent ad Romani Pontificis auctoritatem sumpta ab antiquissimo concilio Sardicensi, & ab authoribus Græcis illustribus omittere nolui. Redeamus iam vnde digressi sumus. Decreto Sardicensis concilij restituto Paulo Constantinopolitano, & Athanasio Alexandrino Episcopo suis sedibus, diem obiit Constans pius Imperator, & Niceni Concilij obseruantissimus, ac ideo infestus Arrianis. Rerum potitus Constantius frater, postremus ex filiis magni Constantini, fautor hæreseos Arrianæ, cui orientales Episcopi complures fauebant: cum cuperet Constantius occidentales etiā Episcopos traducere à Niceni concilij fide ad Hæresim Arrianam, simulq; danare Hæresim Photini, qui dicebat Christum tantum ex Maria natum, indixit concilium Sirmij. ciuitas hæc sita est prope fluvium Drauam, non longe à Danubio, à qua nostris hisce temporibus provincia ea vniuersa, appellatur Serimia: ibique constitutum Symbolum, quo damnatur Photini Hæresis. Nam fateantur se in Iesum Christum credere filium Dei vni-genitum, natum ante omnia secula, &c. Arriamen nulla sit mentio, quòd sit patri consubstantialis. Verum cum duo symbola Sirmij confecta referat historia Tripartita, in altero nulla sit mentio de eadem, aut simili substantia patris, aut filij: in altero filius dicitur similis patri, nulla facta de substantia mentione. post Sirmiense hoc concilium fuit aliud concilium coactum Mediolani: & tandem tertium Arimini. in quibus demum eo deuotum vt Homousion aboleretur à Symbolo, deceptis catholicis Arimini; vt author est Rufinus: vel contradicentibus, vt memoriæ proditum est in historia Tripartita.
- D** Rufinus scripsit fuisse hac versutia deceptos patres Arimini. quòd interrogati fuere, an mallent credere in Christum, an in Homousion: at illi nouitate nominis moti respondere se malle in Christum credere, quam in Homousiō. postea cum nihilo secius tumultus sedarentur, iterum decreuere Orientales Arriani concilium facere in Nicea ciuitate Bithyniæ, vt Niceni concilij nomine prolato possent facilius decipere rudes homines: nam non multo antea coegerant concilium in Nicea Thraciæ. non tamen potuerunt illudere catholicis. Hanc fraudem diuina providentia remouit: nam magno terræmotu concussa, ac penè diruta vrbe concilium cogi non potuit. translatum fuit postmodum in Seleuciam Isauriæ: illud omnibus his conciliis Sirmiensi inquam Mediolanensi, Arimineni, & hoc Seleucienti consecere, vt hi, qui



dicerent filium patri dissimile anathematizaretur, id est, diris execrati essent. nec tamen propterea dicendum esse filium eiusdem substantiæ cum patre, cum hoc non inueniretur in scripturis canonicis fuisse scriptum, idcircoque non Homoiusion, id est, similis substantiæ, sed filium tantum similem patri, quod si quem delectaret nomen substantiæ, diceret potius filium Homoiusion, id est, similis substantiæ. Hoc etenim medium esse inter Homoiusion, & *akéumw*, id est, consubstantialiæ, & dissimilem. Hæc concilia omnia damnata sunt, ut Hæresis Arrianæ fauentia: quæ sicuti non fuisse coacta authoritate Romanæ sedis: ita etiam confestim ab ea damnata sunt. Adhuc flamma Arrianæ pestis Ecclesiam deuastante, orta est alia seditio inter Homoiusionianos, id est, eos qui asserabant filium esse eiusdem substantiæ cum patre, & alios nonnullos, qui sanctissimum spiritum blasphemabant, eumque dicebant seruum patris, & filij, puramque creaturam. hi quamuis diuersis fuerint nominibus, tandem omnes dicti sunt Macedoniani à Macedonio Episcopo Constantinopolis. consentiebant synodo Ariminensi, & Seleuciæ de filio Dei, quod scilicet esset Homoiusionios, id est, similis substantiæ. de Spiritu Sancto autem profitebantur eum esse *akéumw*, id est, dissimilem, patrisque, & filij ministrum, & seruum: quæ Hæresis cum inualeceret, ac principatu potitus fuisset Theodosius senior, vir pietate & religione illustris anno Domini trecentesimo trigésimo octauo, sub Damaso Pontifice Romano congregata fuit synodus Constantinopoli centum & quinquaginta patrum, in qua damnata fuit Hæresis Macedonij: editumque symbolum, in quo magis exprimitur diuinitas Sancti Spiritus, quam in symbolo edito à synodo Nicenensi: in qua non cõtingeret dubitatio, præterquam de filio Dei, de Spiritu Sancto nulla. hocque symbolo Constantinopolitanæ synodi utitur Ecclesia ad hanc diem vsque. addita tamen est particula illa de Spiritu Sancto, filioque. Nam in Constantinopolitano symbolo scriptum fuerat, qui à patre procedit. Hinc maximè exortæ cõtrouersie fuisse inter Ecclesiam Romanam, & Constantinopolitanam, ut inferius latius dicturi sumus. Constituti fuere in hoc concilio pauci quidam canones: sex apud Ysidorum, in Græco codice duo præterea reperiuntur. nihil in his notatu dignum, præterquam in postremo Græco Canone modus statuitur, quo recipi debent hi, qui ab Hæresi ad catholicam Ecclesiam veniunt: quorum nonnulli tantum oleo inunguntur. quorundam verò Hæresum sectatores, post multas cõremonias etiam baptizantur: ut potè quibus non traditum fuisset baptisma iuxta ritum Ecclesiæ catholicæ Orthodoxæ. in historia Tripartita memoriæ proditum est Damasum Pontificem rogatum fuisse, ut ipse cum Episcopis Occidentis, qui iam Romæ conuenerant sedederent Constantinopolim, ubi simul decerneretur quæ ad fidem christianam pertinerent. excusauit se Damasus, multasque causas attulit, cur eò venire nequirit, celebrauit tamen synodum Romæ: in qua eadem sancita sunt contra Macedonium, quæ & Constantinopoli à centum & quinquaginta illis patribus. Hæc secunda OEcumenica synodus, his duobus concilijs Niceno, scilicet, & Constantinopolitano statuta sunt ea, quæ Apostolica traditione, catholica

- A**tholica Ecclesia fuit edocta, de vnitate substantiæ supereminentissimæ Trinitatis, & distinctione hypostaseon, seu personarum. Hanc synodum sequitur tertia OEcumenica synodus, quæ coacta fuit sub Theodosio Iunioris filio Arcadij, anno domini quatercentesimo & vigesimo. & sub Pontifice Cælestino primo cōuenere in Epheso ducenti patres, inter quos fuit Cyrillus Alexandrinus Episcopus, qui etiam locum, & vices tenuit Cælestini Romani Pontificis, & maxima pars fuit huius concilij Epbesini, damnata fuit hæresis Nestorij Episcopi Constantinopolitani: qui cum omnino non consentiret hæresi Phrygij & Pauli Samosatani, qui asserabant Christum fuisse purum hominem, neque extitisse ante Mariam, id quod Ebion, & Charinthus prædicauerant longo prius tempore, videlicet Ioannis Euangelistæ; huic ergo hæresi Nestorius non plane assentiens, posuit in Christo duo supposita seu duas personas: quæ charitate in tantum fuere vnitæ, vt quodammodo vnus dici potuerint. Itaque apud Nestorium, ille, qui fuit filius hominis, non fuit ille, qui est filius Dei, nisi vnione charitatis, & vinculo amoris. quāobrem negabant etiam dici posse Mariam matrem Dei, vt potè quæ hominem illū, non autem Deum genuisset. Hæc Nestorij hæresis ab hac synodo Ephesina damnata est: arque decretum, credendum nobis esse verbum Dei à patre ante secula genitum, patrique consubstantialem, factum hominem ex muliere, assumptam non alia persona hominis, sed hominis natura perfectam ita, quod ille, qui semper fuit Deus, factus sit nouiter homo. sicque vere dici Mariam matrem Dei, secundum humanam naturam, quam ex ea verbum Dei assumpsit. Epistolam in synodo Cyrillus recitauit scriptam Nestorio ab eo, & synodo prius Alexandria coacta, quam Cōcilium approbavit. hanc Ysidorus nobis legendam tradidit. in qua continentur omnia Decreta huius synodi Ephesinæ; & in qua illud annotandum est in calce Epistolæ fuisse à Cyrillo conscriptum de Spiritu Sancto, quod  $\omega\tau\epsilon\chi\theta$ , seu profuit à filio, sicut à patre. item non est prætereundū id, quod in codice Græco legitur. cum in synodo lectum fuisset symbolum fidei cōpositum à Theodoro Mupsesthiæ, & Carisio presbytero Philadelphæ: in quo blasphemie hæreticorū damnatorum continebantur, fuit à synodo statutum nulli licere aliam fidem profetere, aut scribere, aut componere ab ea, quam tercentum & decem octo patres in Nicea composuerant. Hoc adnotavi, quoniam Græci vsque à tempore Petri Lombardi magistri sententiarum contra Latinos adferunt hunc canonem synodi Ephesinæ ob particulam, filiūque, additam symbolo; ac si cōtra illud factum esset, quæ obiectio quā sit friuola, perspicuum est ex illius decreti ratione, ob quam, scilicet, editum fuit. quam propterea à Græcis acceptam inferendam huic opusculo putavi, vt pateat quā inique Græci nos calumnientur, tanquam qui fecerimus contra hunc canonem. Hactenus de tertia synodo OEcumenica Ephesina. hanc sequitur quarta synodus OEcumenica, vigesimosexto anno post Ephesinam celebrata, anno inquam quatercentesimo quinquagesimo sexto à Domini natiuitate sub Imperatore Martino, & Pontifice Romano Leone primo viro præstantissimo. coacta fuit Chalce-

done in Bithynia sita iuxta Bosporum Thracium ferè contra Constantino-<sup>B</sup>  
polim . sexcentum & triginta patres ibi conuenere . qua de causa appellatur  
hæc synodus à Græcis magna synodus . cur verò hæc synodus facta fuerit,  
Necphorus Ecclesiasticæ historiæ scriptor luculenter nos docet in commē-  
tariis suis . habuit uxorem Theodosius minor Impetator feminā animi imp-  
pij, ideoque in peiorem partem procliuis; cum ergo post sublatum errorem  
Nestorij alius fuisset error exortus , cuius authores præcipui fuere Diofco-  
rus Episcopus Alexandrinus, & Euthices Abbas Cōstantinopolitanus, hi cō-  
fidentēs vnā esse Christi personam , negauere tamen in Christo duas esse  
naturas, humanā, scilicet, & diuinā, quarum vtraque perfectā esset; sed  
docebant duas naturas, diuinā, scilicet, & humanā in vnā naturam vā-<sup>B</sup>  
luisse in Christo . ex quo sequebatur vel Christum non fuisse verum Deum,  
vel non fuisse verum hominem , vel neque hominem verum , neque Deum  
verum . His vxor Theodosij Eudocia fauit summo opere, ideoque dedit ope-  
ram vt synodus Ephesi cogeretur. coacta synodus per vim hæresim Euthice-  
tis, & Dioscori approbauit. Hæc synodus secunda Ephesina damnata est, &  
reproba statim habita. Nam post obitum Theodosij foror eius pulcherrima  
mulier, valde pia, cum eius opera Martianus Imperio fuisset potius, ab Im-  
peratore impetrauit vt synodus OEcumenica cogeretur Chalcedone . ita-  
que coacta fuit synodus Chalcedonenſis quarta OEcumenica . in qua dam-  
natus fuit error Euthicetis, explicatūque, fuisse in Christo vnā personam  
verbi diuini in duabus perfectis naturis, diuina, scilicet, & humana, ita vt idē<sup>G</sup>  
sit perfectus Deus, & perfectus homo. fuit etiam damnata hæresis Apollina-  
ris Episcopi Antiocheni, quo Hieronymus præceptore vsus fuerat : qui ne-  
gauerat prius in Christo fuisse animā, sed corpus tantum humanum . ani-  
mæ vero vicem gessisse diuinum verbum. postmodum falsus in Christo ani-  
mā sensituiam fuisse , negauit Christum habuisse rationalem animā . ex  
quo sequebatur non fuisse Christum verum hominem , neque assumpsisse  
mentem humanā , ad quam purgandā , & sanctificandā præ omnibus  
aliis in mundū venerat. constituit hæc synodus Chalcedonenſis vigintiseptē  
Canones. in quibus non præmitrendum reor morem illorum temporum,  
qui colligitur ex canone huius synodi, quo decernitur Diaconissā fieri nō  
posse, nisi postquam exegisset quadraginta annos. quæ nulli postea nubat. at<sup>H</sup>  
vero si cuiquam nupserit, vterque, ipsā, inquā, & maritus deuotus sit diris, &  
execrationibus. id enim interpretor anathema esse, seu anathematizari. statu-  
tum etiam, quòd si qua virgo se Deo dicauerit, aut quispiam monachus fa-  
ctus fuerit: neutrum posse matrimonio iungi cuiquam . quòd si fecerint, sint  
excommunicari . Episcopus tamen loci illius possit vti misericordia erga il-  
los . quod non est in eum sensum accipiendum, vt scilicet queant perseuera-  
re in matrimonio eo adulterino, quod contraxerunt; sed ad remissionem, seu  
imminutionem pœnæ. statutum quoque, vt in quauis prouincia bis in anno  
fierent Concilia Episcoporum prouinciar . Huic cōcilio interfuere Pascasinus,  
& Lucinius Episcopi, Bonifaciūque presbyter locum tenentes Romanæ se-  
dis.

- A dis. itémque horum patrum auctoritate confirmatum fuit Decretum synodi Constantinopolitanae. quo Archiepiscopus Constantinopolis fuerat post Romanum, alius praelatus. Diuus Gregorius in epistolis plurimis refert in Chalcedonenſi ſynodo fuiſſe cōceſſum Romano Pontifici, vt OEcumenicus vocaretur, quò tamen titulo ob modestiam, inquit, nullum fuiſſe Romanum Pontificem vſum ad ſua vſque tempora. Tempus eſt, vt accedamus ad ſynodos Africanas, quæ fuerunt celebratæ ante hanc quartam ſynodum, tempore, ſcilicet, Arcadij, & Honorij, itémque ſub Honorio, & Theodoſio iuniore, cui ſucceſſit Martianus. nihilominus quia ex ſecūda ſynodo Ephesine damnata originem trahit quarta hæc ſynodus Chalcedonenſis, vt ſupra expoſui-  
 mus, ſatiſ vſum nobis eſt, ne ſeries rei geſtæ diſrumperetur, Chalcedonenſem ſynodum Carthaginēſibus præferre. ſynodi hæc Africanæ octo fuere, ſeptem Carthagine celebratæ: vna Mileueti. Quibus Auguſtinus interfuit omnibus ſerè, vt reor. quòd vero aliquibus interfuerit compertiſſimum eſt. facti ſunt in his ſynodis Africanis multi Canones. quorum quidam in Decretalibus ſunt notati: in quibus eſt Canon de continentia clericorum, qui ad ſacros ordines accedunt. Quem ex hac ſynodo colligere poſſumus fuiſſe antiquiſſimum. illud etiam minime prætereundum eſt, quòd in ſexta ſynodo Africana legitur miſſos fuiſſe à Zoſimo Pontifice Romano Fauſtinum Episcopum, Philippum, & Afellum præbyteros ob id, quòd quidam Africanus præbyter Fauſtinus damnatus ibi prouocauerat ad Romanum Pontificem. mandatum hi Pontificis Zoſimi obtulerunt: in quo adducebatur ſtatutum fuiſſe à Nicena ſynodo, poſſe à ſententia Episcopum ſui præbyterum, & etiam Episcopum à ſententia ſynodi prouocare ad Pontificem Romanum. quæ ſtatuta ſunt Sardicenſis concilij, vt ſuperius diximus. Carthaginēſes Episcopum ob eam rem ſcripſere Cyrillo Episcopo Alexandriæ, & Attico Cōſtantinopolis Episcopo, vt eis mitterent integra, & incorrupta decreta ſynodi Nicenæ. miſerunt illi viginti Canones, qui extant. in quibus nulla de ea re fit mentio: quibus acceptis noluerunt tunc Carthaginēſes admittere prouocationem illius Fauſtini præbyteri ad Romanum Pontificem. Quinimò ſtatu-  
 erunt, quòd ſi quiſpiam prouocaret vltra mare, nec acquieſceret iudicio conciliorum Africanorum, quòd nullus in Africa ei communicaret, ſtatuit hæc ſynodus Carthaginēſis, & Mileuitana. Hæc inter Africanam, & Romanam Eccleſiā diſcordiæ initium ſub Zoſimo Pōtifice habuit. ſub Bonifat-  
 tio deinde, & cœleſtino decreta fuere hæc, quæ narrauimus cōtra Apoſtolice ſedis auctoritatem. durauit hæc rebellio vſque ad Bonifatium poſterio-  
 rem Pontificem, ſub quo Carthaginēſis Eccleſia damnans decreta facta à præceſſoribus ſuis, Aureliōque tunc Africæ Primate, & Episcopo Carthaginēſi, ſe Romano Pontifici Bonifatio ſubmiſit, & ad vnitatem Eccleſiaſticam reduit: id Bonifatius hic poſterior ſignificauit Eulalio Episcopo Alexandri-  
 no, inſeruitque Africanæ Episcopum literarum exemplum. Quæ omnia Yſidorus collegit. Mileuitanum concilium celebre eſt ob Hæreſim Pelagij; quæ in eo concilio fuit damnata. negabat hic Pelagius gratiam Dei ad ſalutem

necessariam esse, sed posse hominem liberi arbitrij viribus legem implere. **E** itémque negauit peccatum originale. in hanc Hæresim plurima scripsit Augustinus. Hæc magis illustria, & notatu digna comperi in cōcilijs carthagenensibus. Post hæc concilia, fuere pleraque Hispana. fuit etiam iisdem temporibus quinta synodus Constantinopoli celebrata sub Iustiniāno Imperatore. De qua prius; postea de Hispanis cōcilijs. Cum post Ephesinā, & Chalcedonensem synodos OEcumenicas: in quibus fuere damnati Nestorius, & Dioscorus, ac Eutyches, à sequacibus earū Hæresim plurimis annis vexata fuisset Ecclesia, ac tādē cum sub Theodosio Iuniore, Proclo Episcopo Cōstantinopolis terræmotus ingentes per quatuor menses fierent, ac vniuersus **F** populus cum Episcopo per campos fusus summis precibus Deum optimum oraret vt terremotibus, & ruinis parceret, & clamarent omnes kyrie eleison: contigit vt diuina virtute adolescētulus quidam in aëra rapēretur corā omnibus, circa horam diei tertiam. Hic in aëra sublatuſ monitus à Deo est, vt Episcopo, & vniuerso populo nunciaret loco kyrie eleison, vt dicerēt sanctus Deus, sanctus fortis, sanctus, & immortalis. Quas preces cum vniuersus populus ad Deum fudisset, quieuerunt terræmotus. Huius historię author Nicephorus. Damascenus etiam meminit. igitur cū præter hæreses, quibus Ecclesia turbabatur, Petrus Alexandriæ Episcopus, Anthimus Trapezontius, Seuerus, & Zonora huic Trisagio, quod modo narrauimus, doctum fuisse populum à Deo per adolescētulum in aëra raptum, addidere. Qui crucifixus est pro nobis. quæ particula si separata intelligatur à Trisagio, innuit quartā **G** in Deo personam, quæ pro nobis sit crucifixa: si vero coniungatur, innuit vel Spiritum Sāctum passum, vel diuinam naturam passam. quamobrem appellati etiam hi fuere Theopassani. Horum noua hæc inuenio magnopere turbauit Ecclesiam. ideo sub Iustiniāno Imperatore, & Vigilio Pōtifice indicta fuit Cōstantinopoli hæc quinta synodus, anno domini quingentesimo quinquagesimo tertio: nonaginta tribus fere annis post Chalcedonensem quartā synodum. damnati fuere illi omnes, qui aduersabantur Ephesinæ, & Chalcedonensi synodis, & negabant vel vnā tantum personam in Christo fuisse, vel Mariam Dei genertricem fateri nolebāt: vel aliquo pacto diuinam, aut naturam humanam perfectam in Christo fuisse distinebantur. damnati sunt etiā **H** hi, qui Trisagio addiderant, qui pro nobis crucifixus est. damnata præterea fuit positio Origenis de teditu animorum ad corpora, secundum Gentilium fabulas. insuper Euagrius, & Didymus, libæque Epistolam damnauerunt. hæc ferè sunt gesta synodi quintæ OEcumenicæ: in qua fuere centum sexaginta quinque patres. Nulli canones editi sunt ab hac synodo. Iisdem ferè temporibus in Hispania celebratæ fuerunt complures synodi prouinciales. quarum quædam præcessere quintam, & fortasse quartam synodum: vt Toletanum primum, quod fuit temporibus Honorij, & Arcadij. nonnullæ temporibus Theodorici. posteriores verò longe post ea tempora. ne tamen disiungamus vnius prouinciæ Concilia; paucis tractabimus ea, quæ arbitramur scitu digna. fuere collecta ab Ysidoro tredecim concilia Toletana, in quorum **tertio**

- A** tertio traditum est Recaredum regem Hispaniæ, Gottorum Principem, Reginamque Baddam, simul cum proceribus gentis eius, ac vniuerso Gottorum populo renunciaſſe hæreſi Arrianæ, & fidem ſuſcepſiſſe: quam catholica Eccleſia per orbem diſfuſa prædicat, & proſitetur. Gens hæc Gottorum ſub Imperatore Valente, à quo præſtita ei fuerant auxilia aduerſus alteram factionem eiufdem gentis, Chriſtianam religionem ſuſcepit, ſimulque Hæreſim Arrianam cui Valens Imperator omnibus viribus fauit: quam labem vſque ad tempus Regis Recaredi retinuit: cui renunciauit Rex in hac tertia ſynodo Toletana palam coram vniuerso populo. Quamobrem acclamatum ei fuit ab omnibus, ſalus Regi catholico. vnde veriſimile eſt Hispaniæ Reges hoc honoris titulo vſos fuiſſe. Arriani enim catholicis erant aduerſi, ſimulque
- B** catholici Arrianis. relicta ergo labe Arriana Recaredus, quia ad catholicos acceſſiſſet, appellatione meruiſſe Catholici ſatis credibile exiſtimari poteſt. in quarto vero concilio Toletano, capite tertio traditur modus, & ordo celebrandorum conciliorum prouincialium. quem reor hoc in loco ſilentio prætereundum, ne lectori tedium faciam in re non magni momenti. poterit is, quem delectauerit cognitio huiusmodi, locum citatum apud Yſidorum inquirere in quarto concilio Toletano capite tertio. item Decretum in hoc concilio, quod Iudæi illi, qui etiam coacti fidem Chriſti receperant, cogerentur, vt in ea perſeuerarent. in decimo concilio capite tertio, grauis multa indicta Episcopis: qui ob ſanguinis coniunctionem vel fauore quopiam cõferunt Monasteria, & Eccleſias. Hæc ſerè notatu digna comperi in conciliis Toletanis. in concilio Illiberitino, Illiberi, ſcilicet, celebrato, quam urbem quidam putant Granatam eſſe, ſcitu dignum, quod in quadrageſimo octauo capite cauetur, ne à ſacerdotibus, vel clericis lauentur pedes eorum, qui baptizantur. quem morem in multis Eccleſiis ſeruatum fuiſſe comperimus ab Ambroſio in libro de Sacramentis: nam Mediolanæ Eccleſia tempore Ambroſij eo more utebatur in baptiſmate. Eccleſia Romana nunquam eſt vſa, vt colligitur ex his, quæ narrat Ambroſius in eo opere. Braccarenſis quoque cõcilij, ea vrbs Metropolis fuit Gallitiæ; decreta collegit Yſidorus, ex quibus multa ſummi poſſunt pertinentia ad ſedis Apoſtolicæ authoritatẽ. ſtatutum etiam fuit capite trigefimo ſexto ne in Eccleſiis quĩſpiã ſepeliretur. in deſuetudinem abiit decretum hoc non irrationabile, vt reor. item non prætereundum morem hunc ſalutandi populum à ſacerdotibus, & Episcopis, quo nũc vtuntur dicentes, Dominiſ vobiſcum, & reſpondendi, cum ſpiritu tuo, ab Apoſtoliſ traditum Eccleſiæ fuiſſe. multa quoque fuere decreta contra Priſcillianiſtas: quorũ hæreſis ſerpebat per Hispaniam. Hi ſecuti Manichæos bonum, & malum Deum aſſerebant, nonnullaque à Gnoſticis acceperẽ, collegit præterea Yſidorus Tarraconenſe concilium; Gerundenſe; Illerdenſe, Valentiniũ; nonnullaque Hiſpalenſia, in quibus nihil ſerè comperi: quod eximium putem; ideo eis omiſſis accedam ad ſextam ſynodum. Sexta OEcumenica ſynodus coacta fuit. Conſtantinopoli; tempore Conſtantini Imperatoris; qui dictus eſt Põgonatũs, & Agathonis Pontificis anno Do-

mini sexcentesimo septuagesimo quarto. conuenere centum & septuagin-  
 ta Patres. Hanc Ysidorus totam collegit. damnata fuit in hac synodo hæ-  
 resis Theodori, & Macarij Antiocheni Episcopi, qui prope sentientes cum  
 Eutychete posuere in Christo domino nostro vnam tantum fuisse volun-  
 tatem, & vnam operationem. vnde etiam nomen habuere Monophelita-  
 rû. huic hæresi fauit Honorius Episcopus Romanus, vt Græci authores per-  
 hibent. ideoque reor nomen huius Honorij non fuisse descriptum in Cata-  
 logo Pôitificum. Hi omnes eorumque sectatores à synodo damnati sunt. Hi  
 patres tunc, tempore, videlicet, Cōstantini nullum canonem ediderû, itaque  
 nullum canonem habemus statutum neque à quinta, neque à sexta synodo.  
 Verum paucos post annos defuncto Constantino, cum Iustinianus filius in  
 Imperium successisset, illi serè iidē patres iterum conuenere Constantinopoli,  
 ediderûntque centum & duos canones: quos appellare consuevit Gratia-  
 nus, & alij Canones sextæ synodi. Nonnulli hanc synodum appellât *πρωτη*  
*quasi quæ satisfecerit quintæ, & sextæ synodis: in quibus nulli fuerunt editi*  
*canones. in primo huius synodi capite repetuntur sex priorum synodorum*  
*Decreta contra hæreses, quæ damnatæ in eis fuerant. in secundo vero capite,*  
*recepit, & approbavit ptouincialia quædam concilia, à quibus plurima acce-*  
*pit vniuersalis Ecclesia, necnon monumenta nōnullorum sanctorum, qui ea*  
*tractauerint, quæ à nobis credenda sunt. illud notandum, quod in fine huius*  
*capitis videtur aptobari concilium illud vetustissimum Africanum celebra-*  
*tum sub Cypriano martyre, in quo patres illi habentes zelum Dei, non tamē*  
*secundum scientiam, vt inquit Paulus, statuerunt rebaptizandos omnes eos,*  
*qui ab hæreticis baptizati ad Ecclesiam catholicam veniebāt. quod certe er-*  
*roneum esse nullus est christianus qui ambigat, si quidem ab hæreticis bapti-*  
*zati fuerunt secundum formam Ecclesiæ catholicæ. Verum patres hi in sex-*  
*ta synodo seruare volentes, vt reor, quantum fieri poterat Ecclesię vnitatem,*  
*mentionem fecere de hoc concilio, non aspere improbantes, sed veluti excu-*  
*santes errorem, dixere in hoc loco statutum illud concilij Africani fuisse se-*  
*cundum morem, qui in ea gente inualuerat. Est præterea cānon prohibens*  
*Episcopum, postquam ad Episcopatum euectus fuerit, habitare cum vxore,*  
*si habuerit, quāuis asserat se abstinenter viuere, ne det offendiculum, & scan-*  
*dalum. prohibuit etiā hæc synodus, ne accedētes ad sacros ordines cogantur*  
*polliceri abstinentiā à propriis vxoribus, quem morē seruari dicic à Romana*  
*Ecclesia. quod est intelligendum Orientali Ecclesiæ præceptum, quæ nun-*  
*quam recepit Romanam hanc sanctimoniam. id ex eo colligitur, quod paulo*  
*post præcipit synodus in Ecclesiis Barbaris, clericos non habitare simul cum*  
*vxoribus ob scādalum, quod de Episcopis in vniuersum prius præceperat. itē*  
*præcipit ne soluatur ieiunium quinta feria maioris Hebdomadæ, quod qui-*  
*dam soluebāt, vt iudaicum Pascha imitarentur. inuenitur quoq; in hac syno-*  
*do fuisse sedes Patriarcharum pro dignitate tribusq; ordine collocatas, prima*  
*Rōmana, secunda Cōstantinopolitana, tertia Alexandrina, quarta Hieroso-*  
*lymitana, de Antiochena nulla mētiō. Notandum etiam in cōtrahendis ma-*  
*trimo-*



- A** trimoniis prohibitos fuisse quosdam gradus secundæ affinitatis, ne scilicet pater & filius duceret matrē, & filiam, item duas sorores. sic neque duos fratres matrem, & filiam, duasque sorores. mos hic nunc abolutus est, habitaque est ratio tantum primæ affinitatis, non secundæ, aut tertiæ. illud quoque non prætereundum, in quinquagesimo quinto capite horum Canonum, prohibitum fuisse morē Romanæ Ecclesiæ in ieiunio sabbati, ut pote, quod antiqui patres etiam prohibuerint. Hoc nunquam receptum fuit ab Ecclesiâ Romana, neque autoritate Pontificum Romanorum sancitum. pari quoque ratione non fuit receptum quòd tota hebdomada paschatis esset celebris, & dicata psalmodiæ in templis. omnes ludi alij, & spectacula his diebus minime possent celebrari. prohibetur item, ne, nisi necessaria causa cogat, quispiam linquat propriam Ecclesiam tribus dominicis, anathematis pœna iniuncta. fuisse hunc antiquissimum, & optimum morem alibi etiam legimus. quis nō laudet Canonem alium, quo prohibetur, ne quis pingat tabulam, aut quippiam tale fingat, imaginibus, quibus excitari possit turpitudinis libido, sub pœna excommunicationis? Nostris vero temporibus, ut omittā priuatas & publicas ædes, templa Dei Optimi, & sanctorum monumenta, altaria etiam ornare putamus huiusmodi picturis, & statuis; quod certe abusus est magnus. in vltimo Canone, in quo agitur, in constituendis pœnitentiis non tantum habendam esse rationem delicti, sed etiam conditionis personæ, contritionis, &c. posset ratio elici de confessionis Sacramento: quamvis pertinax referre etiam Canonem eum valeret ad pœnitentias publicas. sed mos vetustissimus totius Græciæ omnibus aliis argumentis huius ordinis antecellit. Hactenus de canonibus sextæ synodi. collegit Ysidorus Romanas synodos tertiam, quartam, quintam, & sextam, in quibus nihil memoratu dignum comperi. desunt prima, & secunda. primam fuisse reor sub Damaso Pontifice, tempore Theodosij senioris, & Constantinopolitanæ primæ synodi contra Macedonium celebratæ. in qua idem error fuit damnatus. Nos superius de hac synodo mentionē fecimus ex Tripartita historia. sub Innocentio tertio Romæ in Laterano magna fuit synodus celebrata: in qua fuere Constantinopolitanus, & Hierosolymorum Patriarchæ, Metropolitæ multi, Episcopi quadrigenti. innumeri Canones facti sunt in hac synodo, ut patet in Decretalibus. ac abolutus Canon de affinitatibus secūdi, & tertij generis. & à septimo consanguinitatis gradu ad quartum redacta prohibitio de matrimoniis cōtrahendis. Hæc de Romanis, quāuis hæc fuerit posterior his, de quibus sumus acturi. Sequitur septima synodus OEcumenica. Hæc fuit celebrata in Nicea ciuitate Bithyniæ, vbi prima vniuersalis illustris illa, & celebris coacta fuit sub Cōstantino, & Irene matre anno Domini septingentesimo nonagesimo tertio, & sub Adriano primo Pōtifice Romano, cuius nomine duo interfuere, Petrus Cardinalis, & Abbas sanctæ Sabbæ. cōuenere tercentū & sexaginta sex Patres. in hac synodo damnati sunt impugnatores sanctarum imaginum, quos Christianocategoros appellatur. & præter alia adductus Athanasij libellus, qui extat de imagine Christi, quæ Beryti relicta à Christiano in

domo, quam conduxit Iudæus, ibique cum à Iudæis variis tormentis illuderetur in hanc Christi imaginem, cœpit ex ea sanguis fluere in maxima copia; multisque miraculis, & insignibus eius sanguinis tactu à Deo factis, innumeri Iudæi scelus palam fatentes christianam pietatem amplexi sunt. sanguis hic diuifus fuit inter christianas omnes Ecclesias. Nos Venetiis in tēplo D. Marci vase ex crystallo confecto habemus huius sanguinis portionem, & maxima veneratione colimus. Beatus etiā Thomas mentionē facit huius sanguinis in tertia parte summæ. Edidit hæc synodus vigintiduo canones; in quibus nil propemodum cōperi eximium, nisi, quis notaret morem eum seponendi in Episcopatu omnia hæreticorum monumenta. Nam cauetur à synodo, vt omnia monumenta impugnatorum imaginum, seu christianocategororum E ab omnibus sub pœna anathematis traderetur, vt possint in Episcopatu cum aliis deliramentis hæreticorum collocari. Item sublata reliquiæ sanctorū ab hæreticis sunt templis restituta: cautūmq; ne vllum templum consecraretur absque sanctorum reliquiis. Post hæc septuaginta quinque annis fuit octaua synodus OEcumenica Constantinopoli sub Impetatore Constantinopolis Basilio, & Adriano secundo Pontifice, anno domini octingentesimo sexagesimo octauo. nulla Hæresis in causā fuit vt hoc cōcilium coeretur, sed scelus Michaëlis Imperatoris, cui Basilius successit, & ambitio Photij. Nā cum sub Michaële Imperatore, cui successit Basilius, sedem Constantinopolitanam teneret Ignatius vir sanctissimus, auunculus Imperatoris ausus est dimissa vxore, quam habebat, nūrum ducere in vxorem. Hoc facinore cognito Ignatius admonuit auunculū Imperatoris sceleris, quod in se admiserat, simulq; præcepit vt relicta nuru, & incestis nuptiis, priorem vxorem ad se adferret. recusauit ille. quomobrem fuit ab Ignatio excōmunicatus. Is non penitentia tam magni sceleris, sed ira percitus, persuasit Imperatori, vt pulso Ignatio, Photium tunc Patriarcham Constantinopolis faceret, obsecutus est Imperator auunculo. sicque per scelus potitus est Photius sede Cōstantinopolitana. Nicolaus primus Pōtifex Maximus cum hoc rescuisset, Photium excōmunicauit. Hic furore percitus cum nulla alia ratione & causam suam tueri, & Pontificem vlcisci posset, cœpit dicere Pontificem Romanum, & Romanam Ecclesiam esse hæreticos, & excōmunicatos, quoniam in symbolo addidissent Spiritum Sanctum à filio procedere contra statuta antiquorum cōciliorum. inde orta seditio maxima inter Græcos, & Latinos, quæ Græciam miseram tandem perdidit. successit Michaëli Basilius, & Nicolao primo Adrianus secundus. is tres Cardinales misit Constantinopolim, coactaque synodo Photium à sede expulit, & Ignatium restituit. Nō destitit Photius à maledictiā, & quantum potuit, fouit seditionē inter Latinos, & Græcos. Hæc octaua synodus nullum canonē insignem edidit. Gratianus sexagesima tertia distinct. capitulo Adrianus: in primo de hac meminit, ac dicit statutū fuisse in hac synodo, ne quis laicus in electione Episcoporum ius haberet, nec interesset, nisi vocatus, tuncque humiliter susciperet, quæ cletus statuisset. Post hanc octauam synodum, seditionem inter Latinos, & Græcos, cuius auctor fuit H

- A** fuit Photius, vt diximus, quâvis sopita potius quàm extincta fuit aliquot annis, nihilominus Cōstantinopolitani Imperatōres, & Græca natio agre ferētes nostrarum rerum amplificationem, suatūmq; imminutionem, p̄to tēporis occasione excitarunt: ac rursus prout expedire suæ rei videbant, sedarunt. in 6. *Decretalium* lib. cap. 1. legitur sub Gregorio decimo in cōcilio Lugdunenſi, quo Palæologus Imperator venerat, conuenisse inter Græcos, & Latinos, ibique Decretum de processione Spiritus Sancti. postmodū iterum excitata est seditio, adeo, vt vsque ad tēpora Eugēnij quatti Pōtificis, & Ioannis Palæologi Græcorum Imperatoris, deducta fuerit: sub quibus coacta fuit synodus OEcumēnica. Verum ante hanc synodum sub Eugenio, celebrata fuit
- B** synodus Constantiensis tempore magni schismatis: quo tres Pōtiffices erant Benedictus, Gregorius, & Ioānes vigesimus tertius. opera Sigismondi Imperatoris, qui multū laboris, & industriæ impendit, vt schisma illud tolleretur, fuit coacta synodus constantiæ, in qua depositis Pontificibus, qui fuerūt electi per seditionē cardinalium (quâvis Gregorius, & Ioānes vigesimus tertius prius renūciaſſent suis iuribus) electus fuit Martinus Columna vir egregius, & pius. post Cōstantienſe concilium, vt seruaretur Decretum de cōgregatione cōciliorum, indictum fuit concilium, quod fuit Basileæ coactum, postea vero ab Eugenio Ferrariam trāſlatum, qui eodem tēpore vocatis ad OEcumēnicum cōciliū Græcis Ferrariæ synodum indixit. Venit ex Cōstantinopoli Imperator Palæologus, ac Patriarcha Constantinopolis, coacta ſynodo, ob multa incōmoda, & pestem, ex Ferrariā Florentiam translata fuit, ibique post diutinas diſputationes tandē conuenere Græci ac Latini. Armeni quoq; in ea ſynodo ad vnitatem catholicæ Ecclesiæ sub Romano Pōtifice venerē, magnāq; omnium lætitiā ſynodus dimiſſa fuit, creatique cardinales Beſſariō Nicenus Episcopus, & Ruthenus Græci homines. quorū prior valde illuſtris & doctrina, & probitate. attamē post Imperatoris reditum in Græciā Marcus Ephesinus Episcopus, alter Photius cōcilio rebellis non destitit calūniari cōciliū, ſimulq; Nicenū cardinalē, & Ruthenū: quod ambitione corrupti rem Græciæ, & religionis Latinis prodidiſſent. ſicque iterum exarſit ſeditio apud plerōsq; Græcos, quæ tandē Græciam miseram perdidit. Post hanc ſynodum Florentinam nonam OEcumēnicam tempotibus nostris sub Iulio, & Leone
- D** Pontificibus fuit ſynodus Latetanenſis: cui quoniam ſanctitas tua interfuit, nihil mihi est amplius dicendum. Hæ beatiffime Pater fuere illuſtres ſynodi, quarum ſummā vt potui literis mandandam duxi, tibiq; legendam trado. Tu pro tua humanitatē, ſi non rem, officium tamen, & animi noſtri propenſionē læto animo accipito. Nā tum perſonæ, qua abs te honeſtatus fui, officiū eſſe arbitratuſ ſum his tēporibus, iam indicto per te cōcilio hæc colligere, atque otij noſtri fructum tibi in maximis, & frequētiffimis negotiis occupatiſſimo reuerenter offerre: tum pro tuis erga me meritis putaui maxime debere à me præſtari, vt ſaltem teſtimonium quoddam animi grati haberes, quandoquidem certo ſcio nihil vnquam à me his dignum rependi poſſe. Vale in Domino, qui diu te nobis, ac Ecclesiæ ſuæ incolumem ſeruet.



## CONFUTATIO ARTICV- LORVM SEV QVÆSTIO.

NVM LVTHÆR.



V M summopere cupiam adeoque cupiam, vt nihil prius ac potius habeā quā rem tibi gratā facere, ac studia tua promouere, quantum possum; id quod à me proximis literis enixè petiisti, præstare conabor; ac paucis horis hisce, quas mihi à publicis negotiis surripui, ad te perscribam, sed paucis omnino verbis, quæ mihi dicenda videantur, super articulis seu quæstionibus Lutheranorum, de quibus in conuentu Augustæ habito, cum Cæsare actum est; ac ne te pluribus morer, ad rem deueniam.

Primus articulus, in quo Lutherus se plurimum iactat, hic est, hominem iustificari ex fide, non ex operibus. Hac in re scias velim iustificationem hominis apud Christianos nihil aliud esse quā fieri participem diuinæ iustitiæ, quæ scilicet homini suapte natura non conuenit, sed ei tribuitur ex diuina liberalitate ac bonitate; qua iustitia homo supra hominis statum eleuatur, ac fit particeps & consors diuinæ naturæ, vi inquit beatus Petrus, quod maxima & pretiosa nobis promissa donauit, vi per hæc efficiamini diuinæ consortes naturæ. Cū ergo iustificatione hac nouam quandam naturam, & nouum quoddam esse acquiramus diuinū, participatione quadam, noua etiam natiuitate indigemus. Natiuitate etenim animalia ac viuientia naturā, ac esse suum acquirunt. Ac quoniam hoc esse spirituale est, non animale ac sensibile. Ideo natiuitas hæc nō est sensibilis, sed spiritualis; quod exactissimè Christus dominus in Euangelio Nicodemo legis Moisaicæ perito declarauit dicens, nisi quis renatus fuerit ex aqua & Spiritu Sancto, non potest introire in regnum cælorum. Quam natiuitatem cū Nicodemus putaret esse Carnalem, neque intelligeret, quidnam dictum esset à Domino, subdidi Christus per comparationem spiritus seu ueni qui stat, & non videtur vnde veniat, aut quò vadat, eiusmodi esse eum qui natus est ex Spiritu Sancto. Paucis ergo concludamus, nihil aliud esse iustificationem hanc nisi spiritualem generationem, per quam efficiamur consortes diuinæ naturæ, & in filios Dei adoptamur. Hæc iustificatio seu hæc generatio, manifestum est, quod non sit ex operibus, id est, quod ex operibus nostris mereamur adoptari in filios Dei,

ante-

- A *antequam regenerati simus; hoc ratione probatur: nullius opera possunt excedere naturæ limites, illius inquam, quæ est eorum operum principium. Sed ante regenerationem operum nostrorum principium est natura hominis ex peccato, etiâ deprauata. Idcirco operibus nostris quâtuvis bonis nûquam hæc excellentia veluti merces debetur, vt excedamus hominem, ac eleuemur ad diuinæ naturæ participationem. Hoc igitur pacto verissimū est, & maximè consentaneum religioni Christianæ, nullum ex operibus propriis iustificari. Verùm formaliter iustificamur, id est, efficimur diuini per gratiā, quæ est quædam spiritalis qualitas in animam à Deo optimo infusa, ac participatio quædam est diuinæ naturæ, sicuti virtutes morales sunt perfectiones partis sensitiuæ, quibus pars sensitiua attollitur supra se, ac fit particeps rationis. Sicuti ergo temperatus temperantia est temperatus, & liberalis liberalitate liberalis, sic iustificatus hac gratia, & hac animi perfectione, formaliter iustificatus est. Verùm quoniam ( vt perhibent Philosophi, ratioque naturalis suadet ) actus non sit nisi in patiēte disposito; dispositio animæ ad hanc gratiam suscipiendam, per quam renascimur, nihil aliud est, quàm fides, qua tendimus in Christum & in Deum: fidem hîc appello non habitum atque virtutem intellectus, sed actum, quo intellectus à Deo mouetur, vt in eum credat, & quem misit Iesum Christum. Hic ergo credulitatis motus, quo Deus animā mouet ad Christum, & ad se Deum, dispositio illa est qua tendimus ad iustificationem. Hoc docemur in sacris literis, nam in Euangelio inquit Ioannes, dedit eis potestatem filios Dei fieri, his qui credunt in nomine eius, qui non ex sanguinibus, sed Deo nati. Idem dicit Paulus in Epist. ad Romanos: hoc ergo pacto iustificamur per fidem. Sed quoniā fides & credulitas hæc non est ea tantum qua credimus Deum esse, & qua credimus vera esse, quæ dicit Deus; hæc etenim est etiam in Dæmonibus, ac perditissimis hominibus, sed est ea crudelitas, qua in Deum tendimus, ab hac autem necesse est bona opera provenire. Ideo hac ratione & hoc sensu possumus dicere, hominem iustificari ex operibus, non autem ex sola fide. Non propterea quidem quod operibus nostris mereamur iustificari, hoc etenim supra est improbatū, sed quoniā fides illa, quæ est sine operibus non est fides, qua tendimus in Deum; & qua disponimur ad gratiam recipiendam, & idcirco mortua est, vt inquit Iacobus Apostolus: & hoc sensu dicit idē Apostolus in eodem loco quod Abraham iustificatus est ex operibus, quia obtulit Isaac filium in holocaustum, non autem ex sola fide, quod tamen Paulus negare videtur in Epistola ad Romanos: cū tamen nō hoc neget in eo sensu, in quo dictum est à Iacobo, sed in illo sensu, quem supra improbauimus, quoniā ex operibus nostris mereri non possumus gratiam ac iustificationem, hæc satis de prima Lutheri questione.*
- D *Secundus Lutheranorum articulus est, de bonis operibus, quæ facienda esse perhibent, vt destruamus corpus peccati, quod contraximus ex Adam, non tamen valere inquirunt ad id, vt mereamur per ea felicitatem ac vitam beatam æternamque consequi. Hæc Lutherani. Positionis huius priorem*

partem approbandam esse censeo. Nam ex operibus bonis, eorumque consuetudine virtutes comparamus, quibus perturbationes inferioris animæ partis sedantur, omnesque ægritudines sanantur, quod pertinet ad animi purificationem, ut purificato ab omni labe animo, pura mente possimus attingere purum, quod dicit Plato in locis pluribus. Idem etiam affirmat Iulius Apostolus. Secundam verò partem sic discutiendam esse reor, opera nostra bona ac laudabilia duplicia esse, ea inquam quæ gratiam & iustificationem præcedunt, & ea quæ sunt ab homine. Iam renato per gratiam Dei, & in filiū Dei adoptato; prioribus operibus nequaquam nos posse mereri beatam vitam nullus est qui ambigere queat; quia eorum operum quantumvis bonorum principium est natura hominis, quæ etiam adhuc est per peccatum deprauata. Iccirco eis nequitiam deberi potest bonum illud & ea vita, quæ Deo optimo maximo conuenit per naturam, ac in infinitum excedit naturæ humanæ limites. Si verò accipiatur bona opera, quæ sequuntur gratiam ac adoptionem in filios Dei. Sic dicendum iudico, huiusmodi opera considerari posse, prout sunt ab animo hominis eiusque viribus, ac etiam prout sunt à gratia ac virtutibus diuinis gratiam consequentibus priori modo sumpta eadem ratione, quam supra attuli, perspicuum est opera non eiusmodi esse illius diuinæ vitæ meritoria. quia non possunt excedere naturæ humanæ limites. Quod si illa opera considerentur prout sunt, à gratia ac ab esse diuino per gratiam nobis dato, atque à virtutibus diuinis in animam nostram infusis, rectè dici potest, ea opera beatæ vitæ esse meritoria, quod ratione probatur. Nam vnaquæque natura suum bonum attingit propriis actionibus & operibus. Natura ergò diuina nobis per gratiam tributa suis actionibus & operibus attinget bonum diuinum, felicitatem inquam ac vitam æternam. Prout ergo opera bona sunt à gratia & ab esse diuino, cuius facti sumus participes ex diuina liberalitate & bonitate, attingunt bonum ac felicitatem diuinam, quod nihil aliud esset, quàm eis meritò deberi vitam æternam & diuinæ felicitatis participationem. Nam in Euangelio secundum Mattheum. Christus Adolefcenti respondit. Si vis vitam ingredi, serua mandata, quasi diceret, seruatione mandatorum vitam æternam deberi. Item in eodem Euangelio postquam in monte præcipiens Apostolis multa quæ seruare atque operari deberent, concludit, ac perorat hoc Epilogo, qui intellexerit quæ præcepi, ac ea fecerit, adsimilabo eum viro sapienti, qui ædificat domum suam super petram; qui non fecerit, adsimilabo eum viro, qui ædificauit domum super arenam; Item in Euangelio secundum Mattheum. Cùm diem supremi iudicij describit, inquit beatis, quod veniant benedicti in regnum eis paratum ante secula, reddit deinde rationem, adducens opera, quæ operati fuissent ex charitate. Item in eodem Euangelio præcipit Christus nos ad Cœnam inuitare non debere diuites, sed pauperes, eisque benefacere, à quibus vicissim nihil sperare possumus, ut fiat nobis retributio in resurrectione iustorum. Item in Euangelio dicit, qui accipit discipulum in nomine discipuli, habebit mercedem discipuli; merces verò, ut inquit Paulus, est secundum debitum, non

- A** secundum gratiam; Item dicitur in Euangelio, Merces vestra copiosa est in cœlis. Paulus etiam dicit, bonum certamen certavi, fidem consummaui, in reliquum reposita est mihi corona iustitiæ, quam retribuet mihi dominus iustus iudex: Ecce eò quod certavi certamen bonum fideliter, dicit sibi repositam coronam iustitiæ, felicitatem scilicet æternam, quam iustus iudex Dominus, id est secundum iustitiã ipsi redditurus est, quod idem est, ac si diceret, ex merito fidelis certaminis. Quæ enim dantur ex gratia non traduntur secundum iustitiam sententia Pauli. Item in Psalmo, & secundum puritatem manuum mearum retribuet mihi, quia custodiui vias Domini. Item alio etiam Psalmo inquit, Semel loquutus est Deus, duo hæc audiui, quia potestas Dei est, & tua domine misericordia, quia tu reddes unicuique iuxta opera sua. Ecce retributio datur operibus. Longè plures alios locos adducere possem, ex sacris literis, sed ne te adficiam tædio hæc sint satis. Tertius Lutheranorum articulus est de peccato originis. Inquirunt enim illi ex Lutheranis, qui melius sentiunt, quod peccatum originis, in quo omnes nascimur, est esse sine timore Dei, sine lege ad malum proclives, adeo ut non possimus bona opera neque quippiam boni facere; sed omnia quæ facimus peccata sunt, legemque tum Mosaicam tum etiam naturæ esse nobis à Deo datam, ut per eam cognoscamus ægritudinem nostrã, ac propterea recurramus ad gratiam Dei, quã, non operibus, sed fide cõsequi possumus. Hæc Lutherani, hi inquam qui melius sentiunt Lutheranorum. Hæc sententia si paucis in verbis corrigatur, & secundum rectum sensum intelligatur, non est repudianda, quod ut rectius intelligatur, pauca quædam præfabor. Peccatum originis nihil aliud est quàm carentia iustitiæ, & gratiæ Dei; quam optimus Deus dederat Adam eiusque natis, & prognatis omnibus, qui cum ex inobedientia peccasset, tum sibi, tum etiam posteris ab eo nascituris maximum attulit detrimentum. Nã & gratia Dei priuatus reus factus est æternæ mortis, ex amissa iustitia illa, quam ex Dei liberalitate acceperat, ex qua vires omnes inferiores animi ad nutum rationi parebant, corpusque immortale poterat ab anima sustentari; posterius verò eius ex gratiæ priuatione vitæ æternæ compotes esse non poterant, ex priuatione verò iustitiæ, tum corpus omninò morti obnoxium sortiti sunt, tum etiam deprauationẽ in viribus animi, quæ ad vitia peccataque proclives, nec rationi obsequentes, animum semper ad deteriora trahunt, qui licet cogi non possit, infirmus tamen ac eger ex carentiâ gratiæ facile in malum deducitur. Hunc igitur animi defectum, quem contraximus ex origine Adam, appellare soliti sunt christiani peccatũ non mortale, aut veniale, ea namque peccata actus quidam sunt prauis illius, cui imputari solent, sed dixerunt peccatum originis, id est, defectum animi eum quem descripsimus, qui nobis inest imputaturque, eò quod prognati sumus, ac veluti soboles quædam inhæremus primo parenti, qui opere eo actuque inobediendiæ peccauit. Hæc brevis est descriptio peccati originis, cuius rei exempla in ciuili hac nostra societate euidentissima comperiri possunt. Donetur quispiam aduena vir non nostri ordinis, cui iure, & ex genere ius patricij ordinis



non conuenit, liberalitate Senatus nostri Ciuitatē hac veneta, & iure patri-  
cio, hæc donatio idque ius, tum ad eum tum etiam ad prognatos eius perti-  
net. Hic si postquam fuerit hoc iure donatus, quippiam molitur in Rem-  
publicam ac donato iure priuetur, in exiliumque mittatur, certē detrimentū  
hoc ad posteros ei⁹ perueniet, qui, etsi nihil in nos peccauerint ipsi, sed quod  
soboles sint radicis, vt dicam, illius, qui in nos peccauit. Hæc satis sunt pro  
descriptione peccati originis.

Defectus hic animi, maximē verò deprauatio virium animæ, eiusque ad  
malum procliuus in sacris literis præcipuē à Paulo Apostolo peccatum so-  
let appellari iuxta illud in Epistola ad Romanos: iam non ego facio illud, sed  
inhabitans in me peccatum; sicuti etiam hostiæ quæ pro peccatis offerri soli-  
tæ sunt in lege Moyſi, peccata appellatur in sacris literis, vt apud Oseam pro-  
phetā, Sacerdotes comedent peccata populi, id est, hostias oblatas pro pecca-  
tis, & Paulus Apostolus loquens de Christo; qui oblatus est pro peccatis po-  
puli inquit, Deus fecit ipsum peccatum, id est, hostiam pro peccatis oblatam.  
His, quæ de peccato originis sentienda sunt, ex sacris literis, vt reor, non diffi-  
cilē accommodari possunt ea, quæ Lutherani dicunt. Nam si in his, quæ de  
peccato originis dicunt censeant actum quempiam nostrum esse peccatum  
originis, falluntur, adhuc etiam falluntur, si post baptismam susceptum, quam-  
uis sanati non simus, à deprauatione virium animæ inferiorum, & à procli-  
uitate ad malum, propterea nos adhuc esse obnoxios peccato originis, ac il-  
lius reos arbitrentur; Nam habita grata per baptismam, seu lauacrum regene-  
rationis, vt inquit Paulus, non amplius sumus peccato obnoxij, quod per  
Christum deletum est. Sed si volunt peccatum appellare pœnam peccati,  
quæ relicta est in inferiori parte animi verum dicent, ac iuxta Pauli senten-  
tiam, vt supra dixi, qui etiam appellat corpus peccati, quod nobis summo  
studio ac diligenti opera mortificandum est. Quæ verò addunt de operibus  
nostris, quod nō quimus bona opera facere &c. mox à nobis dicitur, cūm  
de libero arbitrio agemus.

Quartus Lutheranorum articulus est, de libero arbitrio, non vidi ego  
librum Lutheri, quem inscripsit, vt accepi, de seruo arbitrio. Verum quæ  
ex nonnullis intellexi, ac collegi ex opusculo Erasmi, qui Lutheri sententiam  
confutare conatur, ac tueri arbitrij libertatem, cūm Lutherus ex nonnullis  
sacræ scripturæ locis collegisset, nos sine diuina ope nihil posse boni agere,  
neque cogitare, neque velle, conspiceretque Pelagianos hæreticos habitos,  
qui sine Dei ope putarunt propter arbitrij libertatem nos posse bona opera  
facere, in eam sententiam incidisse videtur, vt auferat à nobis arbitrij liberta-  
tem, adeo, vt si credimus Erasmo, & ego rectē recolo, quæ legi, & bona &  
mala opera nostra redigat in Deum auctorem, dicatque Deum optimum,  
& sua bona in nobis præmio adficere, suaque mala in nobis vlscisci. Hæc Lu-  
theri positio adeo aduersatur rationi naturali, & sacris literis, vt nihil magis  
absolum inueniri possit. Quis etenim sanæ mentis diceret Deum esse au-  
ctorem malorum nostrorum operum? Malum namque quod est pœna, à  
Deo

- A** Deo est, qui est iustus, huiusmodi malum pœnæ scilicet facere, bonum est facere quia est opus iustitiæ. At mali, quod peccatum est, dicere Deum auctorem, certè est hominis dementis; Aduersatur hoc naturali rationi. Nam cum natura cuiusque rei sit principium actionis, quam ea res agit, conuenit naturæ propriæ cuiusque actio. Deus autem bonus est per naturam, nec habet bonitatem aduentitiam. Iccircò non potest esse auctor mali operis, per se inquam. Item cum peccatum ea ratione sit peccatum, quia deficiat, iccirco non habet per se causam efficientem, vt inquit Augustinus: sed habet causam deficientem. Iccircò referri debet ad causam, in qua est defectus, non autem ad primam causam supra omnem cogitationem indefectibilem. Pars etiam
- B** altera quam tangit, quod ideò in nobis non est liberum arbitrium, quia sine ope diuina nihil possumus boni facere, non satis à Luthero intelligitur. Ideò paucis hanc totam rem comprehendam, vt quisque intelligat libertatem arbitrij non officere diuinæ gratiæ, neque opem Dei nobis præstitam libero arbitrio quippiam officere. Animaduertendum est primò illud, Deum supremum non esse causam determinati cuiusdam generis, scilicet necessariam aut contingentem naturalem uè, aut cuiuspiam alterius modi, qualem cogitatio humana assequi potest, sed esse supremam omnium causam; quæ moderetur & temperet pro cuiusque natura, tum causas necessarias, tum contingentes, necnon naturales, & voluntarias liberas, & non liberas: Hanc primæ causæ excellentiam vniuersitatem omnium complectentem nequaquam
- C** possumus mente concipere, quia nihil mens nostra capere potest, quod non sit cuiuspiam determinatæ naturæ. Tamen esse eiusmodi supremam causam, ratione naturali & sacræ scripturæ auctoritatibus facillè probare possemus, quas omitto ne te adiciā tædio. Nō enim puto à quopiam hoc negatū iri, liberum verò arbitrium nihil aliud est, nisi de eligendis iudicium liberum ac optio libera: quæ non ex impressione formæ conceptæ procedit, sed ex consultatione & iudicio mentis nostræ, quæ excellentia ideò menti nostræ tributa est, quia mens non est à natura addicta cuiuspiam particulari bono, ac certi cuiuspiam generis, quemadmodum addictæ sunt vires sensitiuæ, sed vniuersali bono, à natura addicta fuit. Ideo secundum impressionem formæ particularis alicuius boni non conuincitur vt in illud feratur, sed conferre cum
- D** alio bono illud potest, & quatenus bonum est eligere, quatenus etiā particulari bonum in quo necesse est esse alteri boni defectū, reicere. Liberum ergo à natura ipsa mens nostra iudicium habuit, liberamque optionem. Non tamen propterea nisi peccet, & deficiat, poterit quantumuis liber velle, optare, eligere, ac operari præter vim primæ causæ, à qua omnes aliæ pro sua cuiusque natura mouentur & temperantur. His hætenus discussis, dicendum est, opera nostra; quæ libere agimus, vel eiusmodi esse, quod meritoria sint vitæ æternæ supremæque felicitatis, vel esse humana tantum, & hæc duplicia, bona inquam seu mala opera; à secundo hoc membro ordiemur. Opera nostra mala à libero arbitrio sunt, & quatenus sunt mala, sunt tantum nostra, & à nobis, non autem à Deo. Deus etenim, vt supra ostensum est, nequit esse

malorum, id est, peccatorum causa per se, vt supra ostensum est: à nobis ta-  
men sunt & à libero arbitrio, quia ex nobis deficere possumus; imperfecti  
namque sumus, & deficientem naturam habemus, quæ adhuc ex peccato æ-  
gritudinem contraxit; facta quæ est magis deficiens; & hoc dicitur ab Osea  
Propheta, Perditio tua Israël, tantummodò in me auxilium tuum; sic Jac. in  
Epistola, Deus intentator malorum est, sed vnusquisque tentatur à concupi-  
scentia sua. Bona verò opera nostra humana à libero arbitrio sunt, non tamè  
sine ope primæ causæ & primi mouentis. Nam vt præteream Philosopho-  
rum rationes, sic dicitur in Psal. aperis tu manum tuam & implebis omne ani-  
mal benedictione, auertente autem te faciem turbabuntur, & in puluerem  
suum reuertentur. Quod si accipiantur bona opera nostra, quibus fælicitas  
suprema debetur, manifestum est, quod præter vniuersalem illam vim, qua  
naturaliter, secundum tamen nostræ naturæ captum mouemur à causa pri-  
ma, requiritur priuatus quidem, & particularis propriusque motus, quo in  
Deum per fidem conuertamur, & conuersi per grauiam iustificemur, adopte-  
murque in filios Dei, neque tamen hoc tollit libertatem arbitrij; imò magis  
liberos nos facit, nullique deest hic motus à Deo, dummodo quis non offi-  
ciat, ac per defectum malæ voluntatis reiiciat diuinum hunc adflatum. Nā  
quæ per alios possumus dummodò velimus, seu dummodò non reuicimus  
bonū oblatū, nostri esse arbitrij dicimus; & hoc in tertio Ethicon dicit Ari-  
stoteles, nullusque propterea à Deo reprobatur, si ipse sibi non defuerit: pos-  
sumus ergo per nos peccare & perire, non tamen possumus salui fieri, nisi  
per gratiam Dei; quæ vt dixi, non aufert arbitrij libertatem, sed perfectiorem  
eam reddit. Ideo quod supra adduximus, dicit Osea Propheta, Perditio tua  
Israel, tantummodò in me auxilium tuum, ac si diceret, per te perire poteris,  
nec Deo sed tibi ascribenda est tua perditio, auxilium autem tuum tantum-  
modò est à me, quia neque humana bona sine diuina vi facere possumus ne-  
que diuina illa, quibus beatitudo debetur, sine motu mentis ad Deum, quo  
ad Deum mouemur per fidem, & sine gratia, quam ad Deum, conuersi con-  
sequimur. Ideo dicebat Apostolus Paulus, Non sumus sufficientes à nobis,  
tāquam à nobis aliquid facere, aut velle, sed omnis sufficientia nostra à Deo  
est; & in Euangelio dicit Christus, sine me nihil potestis facere, ego sum vi-  
tis, vos palmites; sicuti palmes non potest quippiam à se facere nisi manse-  
rit in vite, sic nisi in me manseritis, nihil potestis facere. Item, non vos  
estis qui loquimini, sed spiritus patris vestri est, qui in vobis loquitur. Item,  
vivo ego, Experimentum queritis eius qui in me loquitur, Christus.  
iam non ego, sed in me Christus. Item, Aperi os tuum & implebo  
illud. Item factus sum tanquam iumentum apud te, & ego semper tecum;  
Ex quibus omnibus auctoritatibus facile colligitur id quod dice-  
bam, nos non posse quippiam boni facere, sine diuina gratia, & ideo  
pulchrè & excellenter, meo iudicio, hac in parte, dicit Lutherus, recurren-  
dum nobis esse ad gratiam Dei si bona facturi sumus, legemque mosaicam,  
per quam non iustificamur, datam nobis propterea esse, vt per eam cogno-  
scamus

A scamus peccatum ægritudinemque nostram, & ad gratiam recurramus. Hæc mihi videtur esse sententia Pauli perspicua in Epistola ad Romanos, per legem, inquit, cognitio peccati, multa que in hanc sententiam dicit, quæ non oſcitant lectori compertissima esse poterunt, satis de hoc articulo.

Quintus Lutheranorum articulus est de Sacramento confessionis, inquit Lutherani confessionem retinendam esse, non autem omnium peccatorum, sed eorum duntaxat quæ conscientiam mordent. Nam cætera propè impossibile est intelligere, ac nosse, quod etiam pehibetur in psalmo dici, delicta quis intelligit? Peccatorum ergo, quæ vrgent nos, ac sui gravitate premunt conscientiam, confessionem dicunt retinendam propter vim absolutionis, cui fides est adhibenda, Christoque sine hæſitatione vlla credendum, qui inquit, quoruncunque remiseritis peccata, remittuntur eis; ob eamque potissimum causam nobis peccata remitti, quia credimus verbis Christi, nosque absolutos propterea esse nequaquam dubitemus. Neque negant Lutherani contritionem peccatorum inesse oportere ei qui absolvendus est, cæterum negant post absolutionem habitam vlli nos satisfactioni esse obnoxios. Non enim, inquit par est Deum maxime bonum maximeque liberalem non omnino omnia condonare illi, quem gratia impartitur, sibi que ex inimico amicū facit, sed penam æternam ac supplicium nunquam desitutum cōdonare, pōscere vero ab eo temporariam multam.

C Quocirca negant Sacramenti huius tertiam partem, quæ scilicet Sacramentum & absolutionem consequitur, satisfactionem velidelicet. Quare negant etiam purgatorium ignem. Hæc Lutherani. Huius eorum sententiarum primam partem, retinendam scilicet confessionem propter absolutionem, credendumque absolutioni propter verba Christi hæc in Evangelio dicentis, non cenſeo ego esse improbandam. Verum quod addunt gravia tantum delicta, quæ conscientiam vrgent, Sacerdoti dicenda, alia verò minime, quia nullus delicta intelligit, reor posse ad rectum sensum reduci. Nam peccata mortalia sunt ea, quæ conscientiam premunt. Hæc verò sunt explicanda pro virili. Reliqua verò venialia inquam, generali quadam confessione si explicentur satis esse; nec insistendum esse quibusdam scrupulis, quos Sathanas plerumque viris probis ac religionis observantia præcipuis obicit, incredibilibusque stimulis eos agit. Hæc ex verbis Lutheranorum si colligantur, sensus eorum meo iudicio non est improbandus. Quid si enormia tantum peccata exponenda Sacerdoti esse censeant, reliqua verò, si mortalia fuerint, reticenda, aut generali tantum confessione explicanda, longè errant, suisque se ipsi rationibus conuincunt. Non enim Sacerdos ea remittere peccata poterit, quæ ignorat, neque iudicare in quempiam debet, aut malum de quopiam suspicari, aut scrutari. Hoc namque ab officio viri Christiani maxime est alienum. Confiteri ergo is debet, qui absolutionem petit. Quod si dicant sufficere generalem confessionem; cur etiam in enormibus peccatis eam sufficere non credunt? Cognoscat ergo necesse est Sacerdos eam lepram, quam absolutione est sanaturus. Præterea ignatus & idiota Christianus,

suiſque amore corruptus, quoniam pacto rectum iudicium ferre de ſe ſuiſque  
 geſtis poterit, vt diſcernar, in quibus grauiter, & in quibus leuiter delique-  
 rit. Retinendus eſt mos antiquus Catholicę Eccleſię, quem ſeruant non  
 tantum ſectatores Romanę Eccleſię, verum etiam Chriſtianorum natio-  
 nes, quę maximę diſſident à Romana ſede. Gręci, inquam, Armeni, Ma-  
 ro- nitę, Coptę, ac nonnullę alię Chriſtianorum ſectę, lingua, moribus, & inſti-  
 tutis maximę alieni à Pontifice Romano. Ex quo certiffimam coniecturam  
 facere poſſumus rraditum hunc confeſſionis morem à Chriſto & Apoſtoliſ  
 Chriſtiano populo, ad nos vſque deueniſſe: nam & de baptiſmate Ioannis,  
 quo homines vocabantur ad pęnitentiam, dicit Euangeliſta, Baptizabantur  
 omnes conſistentes peccata ſua. Quo fit vt exiſtitem priore ſenſu non im-  
 probando, Lutheranos primam huius ſententię ac dogmatis ſui partem  
 protuliſſe. Quod verò inquirunt credendum eſſe abſolutioni præſtitę, mini-  
 meque hæſitandum ſe abſolutos eſſe propter verba Chriſti id dicentis; non  
 credim⁹ eſſe reiiciendū, imò ſummopere nos etiā fidē, qua in Deū tēdimus,  
 cōmēdamus, cui, vt perueniamus ad gratiā, maximę innitendū eſſe ſatemur,  
 ſecūdū ſententiā Pauli ſepiſſime id aſſerentis, & Chriſti in Euāgelio in com-  
 pluribus locis quos nunc citare non eſt opus. Id verò quod addunt de ſatiſ-  
 factiōe, inanem ſcilicet eſſe poſt abſolutionem, quia Deus ex infinita libe-  
 ralitate ac miſericordia, qua vtitur erga nos, totam multā dimittit, non  
 autem partem adhuc retinet, cuius ſumus rei, & quę ſatiſſactiōe compen-  
 ſanda ſit; reor ego alienum eſſe à ratione naturali, ac diſſentiens à locis qui-  
 buſdam ſacrę ſcripturę, quos infra citabo. Primò rationem adducā; in quo-  
 libet peccato mortali, vt inquirunt noſtri Theologi, eſt auerſio à ſummo &  
 immutabili bono, & eſt inordinata conuerſio ad bonum cōmutabile, quod  
 eſt infra Deum. Ex auerſione ab infinito bono, rei effici-mur æterni & infiniti  
 ſupplicij. Ex conuerſione verò ad bonum commutabile inordinata pęnę  
 etiam ſumus obnoxij, ſed temporarię. Prior abſolutione remittitur per gra-  
 tiam Dei, cui reconciliamur, poſterior ſatiſſactiōe diluenda eſt. Ridebunt,  
 vt ſolēt, hanc noſtrorū Theologorum diſtinctionem Lutherani; dicentque  
 figmenta eſſe, quę nec ratione nitantur, nec ſacris literis. Iccirco minime à  
 noſtrorum ſententia diſſidentes alia via aggrediamur. In nobis eſt lex natu-  
 rę, quam Deus ex naturali lumine cuiuſcunque hominis menti indidit, iux-  
 ta id quod dicitur in pſalmo, Multi dicunt quis oſtendit nobis bona? Signa-  
 rum eſt ſuper nos lumen vultus tui Domine: ſupra hanc eſt lex diuina nobis  
 tradita in ſacris literis, infra verò legem naturalem eſt lex ciuiliſ, quam ſcili-  
 cet ciuiliſ ſocietates hominum conſtituere. Hęc quidem à nullo ſanę men-  
 tiſ negari queunt. Fundamento hoc iactō dictis illud addimus, vnum idem-  
 que peccatum eſſe poſſe contra leges has omnes, Diuinam ſcilicet, Natura-  
 lem, & Ciuilem, verbi gratia, homicidium, & fur-tum eſt contra legem di-  
 uinam, quia homicidia & furta Deus ſacris literis prohibuit: Eſt etiam con-  
 tra naturalem legem nobis inditam, cuius rei vnusquique in ſe periculum  
 poterit facere, adhuc eſt contra legem ciuilem: præuicatio autem legis  
 vtriuſque

- A** vtriusque iniustitia & iniquitas est, quæ poenam seu multam, quam lex iubet, ad æquitatem reducit. Sicuti ergò homicidæ, quia contra legem diuinam egit, statuta multa est, ita etiam statuta est ei poena, quia egit contra legem naturæ; & adhuc multa alia statuta, quia egit contra legem ciuilem. Quemadmodum ergo non est dicendum homicidam, qui contritus est, & à Sacerdote absolutus, ac propterea Deo reconciliatus, neque obnoxius amplius gehennæ, absolutum etiam esse à poena, quam iubet lex ciuilis, neque debere ciuitati poenas homicidij perpetrati dare, quoniam Deo reconciliatus, neque amplius reus æterni supplicij. Sic etiam non est negandum hunc homicidam Deo reconciliatum, remanere adhuc obnoxium
- B** poenæ, quæ ei luenda est, quod egerit contra ordinem rationis & legem naturalem. Et sic est inordinata illa conuersio ad bonum commutabile, quam dicunt nostri Theologi temporaria poena diluendam esse, cuique aiunt satisfactionem deberi; Nisi quis ergo voluerit esse pertinax, vt reor, facile intelliget, hæc quæ de satisfactione dicta sunt, maximè esse dicta secundum rationem naturalem, Idemque propemodum esse, si quis dicat ei qui reconciliatus sit Deo, cuique non imputetur amplius quod egerit contra legem diuinam, nullam amplius poenam deberi, quia transgressus est legem naturalem, ac si quis diceret, nullam etiam poenam ei deberi si pariter transgressus fuisset legem ciuilem, ac ideo iniustus iudex censendus esset, qui homicidam iam Deo reconciliatum aliqua poena afficeret, quod homicidium perpetrasset. Hactenus ratione disputatum sit: hoc verò comprobatur exemplis Sanctorum omnium, qui pro peccatis quæ fecerunt, se ipsos sunt vlti, & spontè poenas dederunt. Sic Niniuitæ veniam meruerunt, sic rex Ezechias, sic David rex; Ioannes Baptista hortatur in Euangelio vt faciant dignos fructus poenitentia. Item in Euangelio Christus inquit, vè tibi Capharnaum, vè tibi Cotsim, quia si in Sodomis & Gomorra fuissent virtutes, quæ factæ sunt in te, iam dudum in cinere & cilicio poenitentiam egissent. Item apud Daniele notissima est auctoritas, Peccata tua elemosinis redime. Multa præterea in hanc sententiam adduci possent, quæ prætereo breuitati præcipuè studens.
- C**

- Sextus Lutheranorum articulus est de inuocatione sanctorum, eorumque cultu: inquiunt enim, cum ex sacris literis vnus sit Mediator Dei & hominum Christus Iesus; qui etiam, vt inquit Paulus, interpellat pro nobis, Sancti mediatores esse non poterunt, neque inuocari debent vt orent pro nobis; nam etiam Ioannes in Epistola sua inquit, filioli nolite peccare, quod si peccauerimus, Aduocatum habemus apud Deum Iesum Christum, qui est propitiatio pro peccatis nostris. Hæc Lutherani; qui si negant Sanctos orare pro nobis, aut intercessionibus eorum nullam nobis comparari vilitatem, ac propterea inuocandos non esse, procul dubiò maximè errant. Nam cum sancti ciues sint ciuitatis Dei, & Christi membra præcipua, cuius nos etià sumus ciues, & pariter Christi membra ac egregia præditi sint charitate erga nos, quis, ambigere potest, quod

pro nobis adhuc periclitantibus orent? Valet autem eorum oratio. Nam <sup>E</sup> si ut inquit Iacobus, assidua iusti oratio multum valet, multò magis valebit Sanctorum oratio; quis etiam vertere in dubium debeat, quod non frustra à nobis inuocantur, eorumque gesta nobis imitanda proponuntur? Nec obstant auctoritates quas adducunt. Nulli namque dubium est, Christum solum Meditatore[m] esse Dei & hominum. Solus namque meruit gratiam & gloriam his qui in ipsum credunt. Hoc pacto nullus Sanctorum est mediator; imò contra eos, qui secus sentiunt, exclamat Paulus in Epistola ad Corinthios, inquit, An Paulus pro vobis crucifixus est? Sic etiam est aduocatus, & interpellat pro nobis, cuius orationes efficaciam habeant, ut efficiant id quod Christus voluerit. Sancti ergo <sup>F</sup> mediatores sunt & aduocati, sicuti conserui nostri, sed domino chariores & propiores nobis; inuocandi ergo sunt, non ut Christus, sed ut membra Christi, orantque pro nobis, ut ex pluribus sacræ scripturæ locis probati posset, quos consultò prætereo. Verùm quia in hac Sanctorum inuocatione potest irrepere abusus, cum ita quis ad superstitionem declinaret, ut obliuisceretur Dauidicum illud, Vacate & videte quoniam ego sum Deus, & alibi, videte quod non sit alius præter me; censerem ego interesse plurimum bonorum præsum, huiusmodi abusus cohibere, ea tamen moderatione ac dexteritate ut nihil vi fieret, sed pro reorum ratione ac moribus nationum in melius paulatim mutarentur.

Septimus Lutheranorum articulus est, de votis Monasticis, & cœli- <sup>G</sup> batu Sacerdotum. inquit Lutherani: Vota Monastica perpetuè præfertim continentia esse reiicienda: tum quia sunt contra mandatum Dei, qui in Genesi dixit ad Adam, & ad Noë post diluuium, Crescite & multiplicamini, ac implete terram. Item de re impossibili votum fieri, est contra rationem. Sed seruare perpetuam continentiam est res impossibilis: ut experimento compertum esse, potest sumpto à Monachis, qui vouerunt cœlibatum, & à Sacerdotibus. igitur talia vota tollenda sunt. Hæc in summa Lutherani.

Quantum ad priorem partem pertinet, scilicet de votis Monasticis, dicimus, nulli dubium esse, vitam cœlibem perfectiorem esse, magisque aptam rerum diuinarum cõtemplationi, quàm vitam eius qui vxorem habeat. <sup>H</sup> Nam & rei domesticæ cura distrahit animum hominis à cõtemplatione: & voluptas venerea adigit humi diuinæ particulam auræ, adeò ut nihil serium in ea homo cogitare possit, ut dicit Philosophus in Ethicis. Auerroës etiam in septimo Physicorum idem dicit fere. Inquit enim, perturbationum sedatio ad cõtemplationem summopere facit: sed præcipue omnium castitas. Paulus etiam idem adserit. Qui vxorem habet, quatit ea quæ sunt vxoris, & diuisus est. Item, qui dat virginem suam nuptus, bene facit, & qui non dat, melius facit. Item de virginibus præceptum non habeo, concilium autem do tanquam misericordiam à Domino consecutus. Innumera huiusmodi possem adducere ex sacris literis; Nulli ergo dubium esse debet, quin   
 Vita



- A** Vita cœlibum sit præstantior vita eorū , qui vxores habent . Quod si melior ac excellentior est vita Cœlibum , nullus ambigere potest , quin etiam in hac Ecclesiastica Hierarchiā eiusmodi hominum perfectiorum status esse debeat ; quæ , si hoc statu careret , imperfecta esset . vtpote cui deesset perfectior status hominum . Status autem firmitatem dicit , quæ firmitas is qui est in eo ordine , descendere non queat ab eo viuendi gradu ad inferiorem ordinem . Sic dicimus Sacerdotum seu clericorum statum , sic statum eorum qui vxores habent , statum : Quæ statum Cœlibum si concedere debemus Ecclesiæ Christianæ , necesse est vt firmitas hæc adsit . Firmitas autem hæc ex voto comparari solum potest ; quo quispiam se vitamque suam vniuersam diuinis obsequiis contemplationique offerat , ac veluti holocaustum faciat . Nisi ergo velimus perfectiorem hunc hominum statum ab Ecclesia remouere , manifestum est Cœlibatus vota improbanda non esse , Imò ad decorem & perfectionem Ecclesiæ maximè facere . Hoc ex sacris literis comprobatur . Nam Christus in Euangelio inquit , diuersa esse Eunuchorum genera ; eorum scilicet qui deprauata natura nati sunt , & eorum qui manu arteque hominum facti , & eorum demum qui se castrauerunt propter regnum cœlorum . Sed omnes non capiunt hoc verbum . Ex quo colligi potest , esse genus hominum maximè probandum , qui se castrauerunt propter regnum cœlorum . Hi , qui sine voto cœlibes sunt non propterea dici queunt castrauisse se propter regnum Cœlorum . Nam Eunuchi non dicuntur tantum quoniam non generant , sed quia impotentiam habent generandi . li ergo tantum , qui ex voto castitatis sibi ademerunt potentiam generandi , possunt dici verè sese Eunuchos fecisse propter regnum cœlorum . Paulus item Apostolus , cum loquertur de viduis , quæ se diuino obsequio manciparent , admonet viduas iuniores admittendas non esse , quia cum luxuriatæ fuerint , in Christo nubere volunt , damnationem habentes , quoniam priorem fidem irritam fecerunt , nubentes autè non possunt mereri dānationē quoniā priorem fidem irritā fecerūt , nisi quoniam vouerāt , & fidem Deo dederant , sese nulli amplius nupturas , Rationes quas adferunt Lutherani non est difficile soluere . Nam priorem rationem de mandato Dei in Genesi , nisi velint asserere contra dictum Apostoli Pauli , virginitem esse peccatum , & esse contra Dei præceptum , illis quoque nobiscum soluenda est ea ratio contra Iouinianum , dicendumque , præceptum illud Adæ datum & Noë , tanquam parentibus humani generis , ac humano generi in illis esistenti : non tamen datum , vt quilibet homo id mandatum seruet ; generatio enim est propter bonum speciei , vt species scilicet perseueret , sicuti agricultura , vt cibum habeamus , quo nutriri possimus : non tamen propterea quilibet homo dare operam debet agriculturæ ; sic neque quilibet homo dare debet operam libetis procreandis . Imò cum homo ciuile sit animal , nimiaque ciuium multitudo officiat bono ciuitatis , vt philosophi probant , multū confert bonæ & felici hominū vitæ nonnullorū hominū cœlibatus . Quod postea dicūt , seruare castitatē esse impossibile : quonā

pacto asserere possunt id esse impossibile, quod tam multa hominum, virorum & mulierum millia seruauere, & in monumentis patrum nostrorum Christianorum memoriæ proditum est? Plenæ fuere ingentes eremi Monachorum cœnobiis. Innumeræ virgines, quæ vitam cum morte commutârunt, ne vlla in parte semel animo conceptam virginitatem macularent. Non tamen inficias eo, nostris temporibus ad hunc vitæ statum perfectorum hominum & virginum temetè ac passim paruo aut nullo discrimine plures sæpe admitti, quo fit vt etiam eorum multi in maxima labentur scclera; cæterosque illius ordinis & status, probos alioqui homines infament. Quamobrem maiorem diligentiam adhiberi oportere, nec abbates cæterosque qui monasteriis præfunt, ira faciles esse, vt plerique eorum sunt ad Monachos recipiendos. De Cœlibatu Sacerdotum, quæ secûda pars erat, nulli dubium, quin hoc sit institutum Ecclesiæ. Verùm hoc institutum maximè puto conuenire Sacerdotis ministerio, qui semper ferè addictus esse debet diuinis rebus; vt qui vxorem habet, diuisus est, vt inquit Paulus. Non tamen probandum cenleo hunc morem, qui iam inualuit in Ecclesiis multis, vt quiuis passim admittatur ad Ecclesiasticos ordines, etiam primæ lanuginis adolescentes, & homines inopes, ignariq; rerum omnium, & sæpenumero viri prauis, quamobrem abusus hic etiam esset corrigendus.

Ostauus Lutheranorum articulus est de Canone Missæ, quem summo-pere improbant; eò quod ex eo videamur nouum sacrificium Deo offerre, ac propterea aperte contradicamus Pauli sententiæ in Epistola ad Hebræos, G vbi inquit, Christû vnico Ablato sacrificio sacrificasse omnes ad se accedentes, neque reliquam nobis esse nouam hostiam pro peccatis offerendam: Imò si Christus, inquit, inter nos esset Pontifex, nõ haberet amplius hostiam quam offerret. Hæc igitur Pauli expressa sententia improbare viderur Canonem missæ, quo videmur Deo nouam hostiam offerre, nouumque sacrificiû de manib<sup>9</sup> Sacerdotis. improbât deinde vehemētissima oratione hæc Missarû, quæ passim dicuntur, multitudinē & frequentiâ, vnâmq; tantû sufficere asserunt in tēplo vno dici singulis quibûsq; dieb<sup>9</sup>, præsentēsq; Eucharistiâ de manibus Sacerdotis sumere debere dicunt, si nõ omnes maiorem, tamē eorum partem. Hæc Lutherani. Vtinam Christiani homines qui Christum sequi, & in eum quàm maximè credere profitētur charitatem seruarent ac humili-tatem: quas Virtutes tanquam omnium præstantissimas Christum commen-dat, facile namque esset controuersias omnes de medio tollere. Nunc verò cum arrogantia & superbia elati, verbis tantum profitemur charitatem erga Deum & proximum, & animi humilitatem: dum vnusquisque sapientior fuisse videri vult, ac non sine causa proximum arguisse; fit vt pertinacia ob-cæcari, nihil potius nobis sit quàm sententiam nostram tueri, & aduersarij refellere. Teneamus animi humilitatem, faciliq; erit nostram hanc cōtro-uerfiam cōponere, Christum dominum nostrum sese patri Deo hostiam & holocaustum obtulisse pro peccatis omnium quotquot vnquam fuerunt & futuri

- A** futuri sunt, ac vnica ea hostia sanctificari & perfectos reddi quosunque qui pet fidem & charitatem ei adhaerint, nullus christianorum est qui dubitet. Nullus etiam ambigere potest, in Eucharistia & Calice, quos offerimus, esse verum corpus & sanguinem Christi sub specie vini & panis, eum in qua sanguis idque corpus quod in cruce oblatum fuit. His addatur id quod Christus dicit in Euangelio. Hoc facite in mei commemorationem: postquam dixerat, Hoc est corpus meum quod pro vobis tradetur: in holocaustu scilicet & hostia. Item Paulus Apostolus in Epistola ad Corinthios inquit; Hoc quotiescunque feceritis, mortem domini annuntiabitis donec veniet. Ex his quibus colligere potest, in Missa Deo patri sacrificium & hostiam offerri, non nouam, sed eam quae oblata est. Nam id quod offertur, est corpus Christi verum & sanguis verus. idem numero cum eo quod ipse obtulit: est etiam idem sacrificium, quia fit in memoriam ipsius, & in annunciationem mortis domini: & est repetita memoria vnus illius sacrificij, quod semel à Christo oblatus est. Nouitas verò est non ratione sacrificij. (Illud namque idem offertur,) sed ratione modi. Nam tunc oblatum est sacrificium illud sub specie hominis, in qua filius Dei apparuit, nunc verò offertur sub specie panis & vini. Est etiam nouitas, quia veteris sacrificij est noua memoria. Ea ergo quae dicuntur in canone Missae, sunt vera, quia offertur hostia Christus, & sacrificium quod Christus obtulit: non tamen offertur noua hostia; sed ea quae oblata fuit sub specie hominis, offertur sub specie panis & vini: noua quoque fit memoria veteris rei.
- C** Quam oblationem praeuidens Spiritus sanctus, sacerdotium Christi dicit esse secundum ordinem Melchisedech: qui cum esset sacerdos Dei altissimi, protulit panem & vinum; quia scilicet sub huiusmodi speciebus Patri offerendum esset verum holocaustum, Christum inquam, in memoriam oblationis eius, qua seipsum obtulit in ara crucis sub specie & forma hominis. Sic interpretandus est canon Missae, eaque sententia intelligendus, quae ex verbis in eo positis, si recte animaduertantur, manifestè elicitur. Non ergo offerimus nouam hostiam, neque nouum sacrificium facimus; nulla enim est hostia Deo accepta praeter Christum: sed sub speciebus nouis eum offerimus in memoriam oblationis illius, qua se ipse in cruce obtulit. Et haec est oblatio munda, de qua Malachias meminit, locutus in persona Dei, Nomen meum magnū est in gentibus, inquit, & vbique offertur mihi oblatio munda. Quod autem Lutherani reprehendant hanc Missarum frequentiam tanquam quae contemptum pariat, fortasse non omnino reiiciendum est, quod dicunt: beneque forsā religionis maiestati consuleretur, si non tam temerè ac passim à sacerdotibus praefertim ignaris aut malis, Missae dicerentur, nec in priuatas ac prophanas aedes inducerentur. Haec satis.
- D**

Nonus Lutheranorum articulus pertinet ad abstinentiam institutam ab esu carniū die Veneris & Sabbathi, item diebus quadragesimae, ceterisque huiusmodi, prout Christiani omnes seruare solent; dicuntque haec instituta praua esse, & multum officere libertati, qua vt inquit Paulus, liberauit nos Christus, id est, in quam nos asseruit ab obseruationibus & ceremoniis legis

Mosaicæ, inquit, quæ sufficere fidē in Deum & Christum, cui debeat regnum cælorum: huiusmodi verò dierum obseruantias nihili existimandas esse. Nam, ut item inquit Paulus, regnum cælorū neque est cibus neque potus, sed pax & gaudium in Spiritu Sæcto, &c. Improbant etiam ritum Ecclesiæ, in qua Eucharistia laicis hominibus datur sub specie panis tantum, & nō vini, multosque ex Euāgelio locos adducunt, ex quibus conantur colligere, præceptum Christi esse, ut vtraque species laicis detur. Huiusmodi dicunt Lutherani in obseruantias & ritus Ecclesiæ. His paucis respondebimus. Fatemur primū, instituta & obseruantias has non esse diuini iuris, sed à patribus nostris & ab Ecclesia statutas; cōtra quas Ecclesia etiam statuere posset, si fore in rem communem hoc videretur. Non tamen propterea sequitur instituta hæc bona non esse & seruari non debere. Nam cū Paulus præcipiat omnem animam subiectam esse debere potestatibus sublimioribus, (omnis enim, ut inquit, potestas à Deo est, &c. Qui potestati resistit, ordinationi Dei resistit: nulli dubium, quin sit cōtra iustitiam & præcepta Pauli, hæc inobedientia: præsertim cū maximè sint hominum naturæ accommodatæ huiusmodi obseruantie. Nulli etenim etiam gentilium philosophorum fuit vnquam dubium, quin abstinentia à carnibus & ieiunium mētem euehar ad superna: contra, crapula, delicatæque mensæ animum grauent, ne quippiam sublime sapiat. Cur ergo improbandum est Ecclesiæ institutum, quo præcipitur huiusmodi abstinentia, his qui sine detrimento bonæ valetudinis ea uti possunt? quem morē vetustissimum, forsitan à temporibus Apostolorum, vel post Apostolos in Ecclesiam deductum ad nostra vsque tempora cuiuscunque nationis & ordinis Christiani seruauerunt ac seruāt, quibus nihil est commune cum institutis Romanæ Ecclesiæ. Græci hunc morē seruant, Maronitæ, Iacobitæ, Abissenī, Armeni, moribus, lingua, ac institutis aliis inuicē longissimè diuersi. At, inquit, Christus hæc facienda non præcepit. Si non scriptum est, præcepisse, non tamen propterea colligi posset quod non præceperit. Nam multa dixit & fecit Iesus, quæ non sunt in Euangelio scripta, ut testatur Ioannes Euangelista. Multa per spiritum sanctum datum Apostolis, eos docuit, & palàm fecit, quæ antea non præceperat, inquit enim ipse Apostolis. Multa habeo vobis dicere, sed non potestis portare modo. Paracletus autem spiritus, quem mittet pater in nomine meo, ille vos docebit, &c. Verū quāuis à Christo & ab Apostolis non fuerint hæc instituta, an propterea non sunt seruanda patrum nostrorum sanctissimorum hominum antiquissima instituta? quæ ratione naturali nituntur? quibus Christum imitamur, qui quadraginta diebus & noctibus ieiunauit? quæ prodesse tantum, obesse verò minimè queunt? Si etiam quippiam obessent, non tamen propter hæc rumpenda erat Christiana charitas, & Ecclesiæ vnitas. Fatemur nos quoque cum Paulo Apostolo, regnum Dei non esse cibum aut potum, &c. Quod intrat per os, non coinquinare hominem, ut Iudaizantes dicebant, qui cibos quosdam mundos, nonnullos immundos faciebant, quibus infici conscientiam mentēque hominis prædicabant, qui eis vesceretur. Contra hos exclamar

Aposto-

- A** Apostolus, & Christus in Euāgelio, hāucque discretionem ciborum impro-  
bant. Præterea fatemur, etiam si huiusmodi etiam apud nos instituta abstine-  
tiæ superstitione seruentur, ut nonnulli faciunt, & contra rationis regulam, qui  
de charitate erga Deum & proximum parum curant: si inuidi sint, aut super-  
bi, nihil cogitant, dummodo in huiusmodi obseruantis non delinquāt: quas  
etiam ægitudine pressi minimè omitterent: superstitionis hæ obseruationes  
addictæ exteriori cultui tantum, de interiori verò ne somniātes quidem, non  
profunt Christiano viro. Non tamen propterea censendum est, huiusmodi  
obseruantias esse omninò reiiciendas, cum sint maximè vtilis, & magnope-  
rè faciant ad interiorem cultum excitandum & augendum: neque desciscē-  
dum est ab ea obedientia, quā debemus Ecclesiæ eiusque præpositis ac sum-  
**B**mo Pontifici: De Eucharistia quod addunt, debere scilicet tribui laicis sub  
vtraque specie. Nimirum cum ipsi fateantur Lutherani verum corpus & san-  
guinem Christi per concomitantiam esse sub specie panis tantum, sicuti sub  
specie vini verum sanguinem, & verum corpus per concomitantiam. Mirum  
est cur improbit institutum hoc Ecclesiæ, quæ ob euitanda innumera scā-  
dala, & plurima quæ sceleratam adferebant huic Sacramento, cum præbeba-  
tur laicis sub vtraque specie, statuerit sub specie tantum panis laicis præberi,  
cum nulli dubium sit, quod & sanguis & corpus Christi assumitur sub vna  
tantum panis specie: & in actibus Apostolorum fiat mentio tantum de pane,  
ubi dicitur de Apostolis, quod perseverantes erant in fractione panis: sub spe-  
**C**cie namque panis & corpus Christi comeditur & sanguis bibitur, & cuilibet  
saris compertum esse potest. Quæ addunt de potestate Pontificis & Episco-  
porum, nulli dubium, si ratione nitamur, & sacræ scripturæ authoritate, quin  
in Ecclesia catholica debeant esse præsides, qui potestatem habeant in spiri-  
tualibus iudicandi, & coercendi; puniendi denique, si qui deliquerint: qua uti  
debent ad edificationem Ecclesiæ, non ad destructionem, ut inquit beatus Pau-  
lus; Nisi enim in spiritualibus in Ecclesia essent præsides, qui & docerēt po-  
pulum christianum, & coercere possent eos, qui secus fecissent, aut dicerent,  
nimirum Ecclesia Christianorum pastoribus careret, peccatisque haberet quā  
societas civilis, quæ rectores habet & pastores. Aliter enim humanū genus,  
non hominum more, sed more ferarum degeret. Eāque libertas, quam prædi-  
cant, maxima efficeretur servitus. Quod Plato adnotavit in libris de legibus.  
**D** In ea, inquit, civitate, in qua libertas hæc esset, ut unusquisque id ageret, & eo,  
quo vellet, viveret modo, maximam servitutem efficeret, cum probis viris  
contra improbos nullum esset publicum auxilium. Absit ergo ut hæc perturbatio  
sit in Christiana Ecclesia, quam optimè omnium institutam esse oportet,  
ita ut hierarchiam quandam præ se ferat, quod Dionysius in libris de Ec-  
clesiastica hierarchia pulcherrimè ostendit. Hoc idē inquit beatus Paulus:  
Vultis in virga veniam ad vos, an in lenitate? Tradere etiā Sathanæ eum qui  
peccauerat, potestatis fuit. Sic in actibus Apostolorum Petrus Saphyram &  
Ananiam multatus est, eo quod voluissent fraudem facere Spiritui sancto.  
Innumera adduci possent ex sacris literis, & ex sanctissimis patrum nostrorum

monimentis, quæ quia exposita sunt & obuia omnibus, silêtio prætereo. Sic etiam nulli christiano, qui nouit ex symbolo Ecclesiâ vnâ esse, sicut vnâ est fides, vnûmq; baptisma, vnâ vocatio. Denique sicuti est vnum Christianorû corpus, cuius nos membra sumus, ita etiam esse in Ecclesiâ vnum Pontificē, à quo hæc vnitas contineatur in terris. Nā multitudo principatus mala, & quæ vnitati valdè officiat. Nec satis est vnicū esse Christum Ecclesiæ caput, quandoquidē ita diuinitus est hominū genus institutum, vt præter diuinum spiritale afflatum, egeat etiam sensibili quodam dispensatore, qui sit homo, à quo dirigatur in viam rectā: quod partim ascribendū est imperfectiōni humani generis, quod à sensibilibus pēdeat, partē etiam eius dignitati: nam hoc pacto quodāmodo pro suæ naturæ imbecillitate ipse sibi auctor est fœlicitatis, cum per hominē dispensatorem mysteriorum Dei & rectorē, humanum genus ad fœlicitatē dirigatur. Propriū namq; rationalis naturæ est, vt ex se agat, quod pro diuina bonitate naturæ humanæ inditum, voluit etiam Deus, quantū fieri poterat, seruari etiam in hac suprema fœlicitate adipiscenda. Vnius ergo Ecclesiæ vnū caput, vnûsq; rector. De eius verò potestate quia multi multa dicunt, ac nōnulla, quæ longiori oratione indigerēt, quàm suscepti huius opusculi breuitas patitur, idcirco nihil amplius dicam de hac re. Illud verò quod primo, medio, ac postremo tandē loco dicunt Lutherani de abusu multimodo & ingenti, qui inductus est in Ecclesiâ Christi, qua de re tantopere exclamāt, tot grauamina protulerunt, non est quod aliud dicam, nisi vt precer primū Deum optimū maximum patrē Domini nostri, eiûsq; vnigenitum filium, qui semper interpellat pro nobis, & Sanctum Spiritū quo vncti sumus christiani omnes per gratiā Dei & Sacramentū Baptismatis, vt velit respicere labantem Ecclesiā ac certē periclitantē, moueatq; animum prælatorum Ecclesiæ, vt tandē paulisper amore hoc sui omnium perniciosissimo deposito, ea quæ manifesta sunt corrigant, seq; ipsi castigent. Non est opus cōcilio, non disputationibus & Syllogismis, nō locis ex sacra scriptura excerptis ad sedādos hos Lutheranorū motus; opus est tantū bona voluntate, charitate erga Deum & proximum, animi humilitate opus est, vt deponamus avaritiā, fastum magnū hunc rerum omnium, & cuiuscunq; generis rerum domesticarum apparatū, magnas has familias, cōtrahamûsq; nos ad ea, quæ nobis in Euāgelio præcepta sunt. His opus est, si velimus hos Lutheranorum errores & tumultus sedare, non adferamus contra eos librorum copiā, non orationem Ciceronianā, non subtilia argumēta: adferamus tātū vitæ probitatē, animū humilē, fastu deposito, nihil cupientē præter Christum & bonū proximi. His armis, mihi credite, nullo negotio Lutherani, imò Turcæ & Iudæi cōvincerētur. Hoc præstare, officiū est christianorum prælatorū, huic rei tātū operam dare, quæ si omittatur, & niti voluerint fauore principū, & rationibus ac auctoritatibus, & librorū copia, vt meus fert animus, parū proficiēt. Hęc ego sentio. In omnibus tamen quæ scripsi, si quippiā minus rectè dictum esset, me semper, cum admonitus fuero, profiteor auctoritati Ecclesiæ catholicæ Romanæ, imò etiā cuiuscunq; alterius cum illa sentientis, pariturum, ac sine morâ obtemperaturum.



## DE POTESTATE PONTI- FICIS, QVOD DIVINITVS

SIT TRADITA, AD NICO-

*laum Tempolum.*

B



C

V M hoc vesperi tecum in eum sermonem incidissem, an auctoritas illa, & potestas, qua Pōtīfex Maximus fungitur, sit ei consensu quodam hominis tributa, an potius diuinitus ei tradita, qua de re nostris hisce temporibus maximos tumultus excitos esse perspicimus; neque etiam veriti sint viri in omni disciplinarum genere celebres, ac in Christianæ Theologiæ studiis illustres in magno hominum cōuentu asserere, hoc ius Pōtīficis humanum esse, dixi cōfestim me ab horum hominum sentētia ma-

D

xime dissentire, ac prope compertum habere diuinitus concessum esse Pontifici ius illud, eamque potestatem, qua regit, ac moderatur Christianum gregem. in qua sententia cum te quoque esse constantissime asseuerares, neque commodē tamē posses per tuas occupationes familiares, quibus adeo te implicatum esse noui, vt vix habeas liberam spirandi facultatem, nūc memoria repetere rationes illas, quibus iam pridem inductus in hanc sententiam deuissēs: rogasti me hominem minus occupatum, vt breui commentatiolo eas colligerem rationes, quibus mihi persuasum est à Deo Optimo potestatem hanc datam esse Romano Pontifici, neque à consensu hominum vllorum pendere. Respōdi paratum me esse morem tibi gerere in quacunque re opera mea vtī velles, posseque te amicitiaē nostræ iure mihi quod voueris munus iniungere, neque diffiteri me minus occupatū, quā te esse, longe tamē magis inertem. Quamobrem ea me tibi conditione hanc operā præstiturum vt mihi necesse non sit vllum authorem videre, verum ea tantum colligere, quæ memoria repetere possum, neque ab aliorū pendere commentis, sed ea tantum in medium asserre quæ mihi videantur. tuum verò fore, vt omnia acerrimo illo ingenio tuo discutias, ac diiudices, quæ recte, item, quæ perperā dicta tibi videbuntur. nam cum doctissimus sis, pariterq; mihi amicissimus, nimirum neque te aliquid præteribit, quod minus recte prolatum sit; atque pro amicitiaē nostræ iure illud ipsū quidquid erit mihi ingenuè significa-



bis. verum ne te amplius morer, deueniã ad discutiendam quæstionẽ propo- E  
 sitam. Dico ex Euangelij dictis perspicue colligi à Christo Dei filio tributã  
 fuisse Petro, eiusque successoribus hanc potestatem: ex epistolis Pauli colligi  
 etiam potestatem hanc eandem diuinitus ei datam fuisse. item assero ratione  
 euidentissima hoc idem probari, adeo vt si quis negare non audeat diuinam  
 prouidentiam gubernationi Ecclesiæ non defuisse, nec deesse, à ratione no-  
 stra dissentire non valeat. Docebo postremo, sed paucis, rerum euentu com-  
 probari clarissime id, quod authoritates sacræ paginæ, & ratio astruunt. Po-  
 testas omnis, quam non tantum Romanus Pontifex Petri successor, verum  
 etiam Episcopi, sacerdotēsque omnes habent, non ea, inquam, qua Sacramen- F  
 ta conficiant, sed qua utantur in populo Christiano ad beatitudinem perdu-  
 cendo, & in Christiana vita erudiendo, cui veluti Architectonicæ, & Princi-  
 pi ciuilibus quæcunque potestas inseruit, cum inferiores quosdam fines habeat,  
 qui omnes ad supremum illum referri debent, colligitur, quãtũ memoria  
 repetere possum, ex his Euangelij locis. Apud Ioan. c. 20. postquam Christus  
 à mortuis surrexisset, discipulisq; apparuisset, insuflauit in eos, & dixit. Acci-  
 pite Spiritum Sanctum, quorumcunque remiseritis peccata, remissa sunt: &  
 quorumcunque retinueritis peccata retenta sunt. item apud Matth. c. 18. in-  
 quit. Quæcunque ligaueritis super terram, ligata sunt, & c. Item apud Matth.  
 cap. 16. post Petri confessionem, quod Christus sit filius Dei, inquit Christus,  
 quia tu es Petrus, super hanc Petram ædificabo Ecclesiam meã, & portæ inferi  
 non præualebunt aduersus eam. tibi que dabo clauēs Regni cœlorum, &  
 quodcunque ligaueris super terram, erit ligatum, & in cœlis: & quodcunque  
 solueris super terram, erit solutum & in cœlis. item alibi dicitur in Euange- G  
 lio apud Lucam c. 22. Petre Sathanas expetiuit, vt cribraret vos, ego autem  
 pro te orauī, vt non deficiat fides tua, & tu aliquando conuersus cõfirma fra-  
 tres tuos. item alibi in Euangelio Ioan. c. 21. dicitur. Petre amas me? cui Petrus,  
 Domine, tu scis, quia amo te. & rursus Christus. pascē oues meas. iterumque  
 interrogat. Petre amas me plus his? cui Petrus. Domine tu scis, quia amo re.  
 pascē, inquit, agnos meos. sicque tertio Petro iniunxit, vt pasceret oues suas.  
 Ex his Euangelij locis, vt reor, quadruplex quædam potestas perspicuo col-  
 ligitur tributa à Christo, discipulis omnibus vna plene. item altera nõ tamen  
 omnino neque plene. Petro vero soli posterior hæc, quã diximus aliis etiam H  
 tributam, sed non plene, plenissime, vt ita dixerim, tributa est. itẽque dua a-  
 liæ. Omnibus tributa est potestas remittendi peccata per insuflationem, &  
 largitionem Spiritus sancti. hac potestate quilibet sacerdos in confessionis  
 Sacramento vitur, soluitque à peccatis confitentem curæ ipsius subiectum.  
 hæcque potestas sequitur ordinem, & characterem sacerdotalis ordinis, & à  
 Spiritu sancto dependet; sicuti etiam operatio baptismatis, confirmationis,  
 aliorumque huiusmodi Sacramentorum, quorum ministri sunt sacerdotes.  
 Diuina verò virtus agens est; sicuti enim solus Christus baptizat, ita solus  
 Christus, qui & Deus est, solus peccata dimittit, & gratiam confert. hoc cer-  
 tissimis argumentis, & Sacræ paginæ locis comprobatur à Theologis Chri-  
 stianis.

- A stianis: quæ te non latere probè intelligo. sed præter alia hoc, quod adduximus ex Euangelio Ioan. c. 20. euidenter id adstruit. inquit enim Christus. Accipite Spiritum sanctum, quorumcunque remiseritis peccata, remittuntur eis. quasi expresse dixerit. Potestas hæc remittendi peccata ex Spiritu sancto est, quæ vobis trado. licet ergo collatio ordinis fiat à Pontifice, seu ab Episcopo, potestas ea tamen sequitur characterem, & participationem Spiritus sancti, non autem est participatio quædam potestatis, quam primò, & perfecte habeant Pontifex, Episcopusve, sicuti quamuis baptisumus conferatur à sacerdote, sanctificatio tamen, & character non est à sacerdote, neque participatio aliqua sanctitatis sacerdotis, sed à Deo tantum est. hæc prima potestas omnibus data, & nulli præ aliis; nullibi nãque in vniuersa sacra pagina comperies alicui præcipuè, ac præ aliis tributam fuisse hanc potestatem. Altera potestas omnibus item Episcopis tributa est, sed præcipuè, ac præ aliis Petro. Potestas hæc, est ligandi, ac soluendi, quam reor ego non esse priorem illam, de qua fecimus mentionem, qua scilicet remittuntur peccata, sed esse potestatem infligendi Ecclesiasticas multas, & ab eis soluendi (an vero etiam comprehendatur sub hac potestate solutio à purgatorii ignis pœnis, nolo vt in præsentia discutiamus; ea namque, quæ pertinent ad vitam aliam, omnia mihi nunc committenda esse duxi) opus est proculdubio, vt quicūque gubernationi aliquorum præest, aliquam potestatem habeat coercendi contumaces, tum vt facilius metu pœnæ corrigantur, tum ne eorum ægritudo, si libere, & impune vagari possent, alios, gregemque totum inficiat, idcirco vocis illius diuinæ oraculo data est hæc potestas præcipuè, & cum prærogatiua quadam soli Petro, deinde discipulis omnibus. hæc ego ratione præcipue adducor, vt credã potestatem hanc ligandi, & soluendi nõ præcipuè pertinere ad peccatorum absolutionem, sed ad multas, quas infligit Põtifex contumacibus, & peccantibus. vt alias omittã. quoniam sicuti prior illa potestas primũ respicit peccatorum remissionem, per accidens vero, & oblique retentionem; ita e contra potestas hæc coercendi primũ respicit pœnarum inflectionem, deinde solutionem. ite prior illa sequitur characterem ordinis, & à Spiritu sancto est per sacerdotem ministrum, ita hæc posterior iurisdictionis cuiusdã est, non ordinis, aut characteris. ideo in dãda priori illa inquit Christus, Accipite Spiritum sanctum. subdit deinde, quorumcunque remiseritis peccata, remissa sunt eis. addit postremo, quorum retinueritis retenta sunt. in hac vero posteriori non facta mentione de datione Spiritus sancti, confestim, & primum tradit potestatem ligandi, cui subdit potestatem soluendi. idem & illustrius ostenditur ex eo Matthæi loco, in Euangelio cap. 18. vbi omnibus discipulis inquit, quæcunque ligaueritis in terris, erunt ligata in cœlis; & quæcunque solueritis, erunt soluta. nam posteaquam præcepit fratrem corrigendum esse si peccauerit primum solum, deinde adhibitis testibus: postremo dicit, quod si in peccato perseuerauerit, sit tibi sicuti Ethnicus, & Publicanus; hoc vero nihil est aliud quàm eum ablegare à cœtu fidelium, sicuti Ethnici, id est, Gentiles separati sunt, quod vim obtinet excommunicationis, confestim subdit. amen di-

co vobis. quæcunque ligaueritis super terram, erunt ligata & in cœlis, & quæcunque solueritis, erunt soluta; ac si diceret. erunt vere hi sicuti Ethnici, nam vobis hanc potestatem trado ligandi, & soluendi, idq;, quod agetis, ratum habeo. ecce quàm luculenter apparet ex hoc loco potestatem hanc pertinere ad penas Ecclesiasticas infligendas. hæc ergo potestas quâuis dissipulis omnibus tributa sit, nihilominus, si quis non cōiuentibus oculis legerit Euangelium, luce clarius perspiciet præcipue, ac præ omnibus aliis tributam fuisse Petro: per quem, scilicet, ad alios deuetura esset. nam si nihil magis auctoritatis in hac ligandi, & soluendi potestate voluisset Christus Dei filius, à quo nihil temere, nihil inconsiderate actum vnquam fuit (quo nâque pacto à diuina sapientia quippiam temere?) Petro concedere, quàm aliis omnibus, F cur ergo magna ea verborum mole vsus ad Petrum inquit. Simon Bariona, amè dico tibi quoniam caro, & sanguis non reuelauit tibi, scilicet, quòd sis Dei filius, sed pater meus, qui est in cœlis: & quoniâ tu es Petrus super hanc petram ædificabo Ecclesiam meâ, & portæ inferi non præualebunt aduersus eam, sed tibi dabo claues Regni cœlorum, vt quodcûque ligaueris super terram, sit ligatum & in cœlis, & quodcunque solueris sit solutum. videat vnusquisque tam magnam præfationem, consideret datas claues Petro soli, aliis nequaquam. Potestas verò clauium, vt omnes Theologi dicunt in quarto sententiarum, est potestas iudicandi. & hæc est vna clauis. altera potestas ligandi, & soluendi. cum ergo hæc sint claues, nullâque mētio eas aliis datas fuisse, sed soli Petro: quis sanæ mentis negare audeat in hac ligandi, & soluendi potestate principem esse Petrum, cui plenè & perfectè sit data, aliis vero per participationem quandâ huiusce potestatis, quæ tota est in Petro, ac ideo posterius datam. Hoc vero magis comprobatur ex his, quæ infra dicturi sumus. Duæ aliæ sunt potestates, de quibus non fit mentio in Euangeliiis, quòd datæ sint alij vlli præterquam Petro. prior est pascendi Christianû gregem; altera discutiendi, & confirmandi dogmata ea, quæ pertinent ad Christianâ fidem. Quântum ad priorē, soli Petro dictum est à Christo nō semel, sed ter, qui numerus maxime perfectionē ostendit, magnâq; continet Sacramenta, quemadmodû etiâ philosophi testantur, vt præterea tot, & tam magnos Christianos auctores. obtestatur ergo Christus Petrum per eum amorē, quo præ aliis omnibus ab illo amabatur, vt pasceret oues suas, vt pasceret agnos suos. Potestas hæc H pascendi oues domini nulli data præterquam Petro. volue totum Euangeliorû codicē, neque verbum cōperies. sed fortasse quispiam ridebit, huiusmodique potestatem nihil esse existimabit, ideo erit operæpretium, si paululum in hac remorabimur, & perscrutabimur, quæ nam, & qualis sit hæc potestas. Potestatem dedit Christus pascēdi oues suas, igitur absq; dubio Petrus cōstitutus est pastor Christiani gregis. nam quisnam alius officiû habet oues pascendi præterquam pastor? proportio igitur Petri, eiûsq; successorum ad populû Christianum, est proportio pastoris ad oues. Non reor posse quempiam in hac re ambigere, adeo perspicua est. ex hoc duo sequuntur, prius, quòd Petrus sit Christi vicarius, seu Christi vicem gerat in terris: alterum, quòd quemadmodum

**A** dum omnia, quæ pertinent ad sanitatem, ad curationem, ad directionem quædam, seu intra septa detinenda esse videantur, seu ducenda ad pascua, siue flumine perfundenda, vel curanda, necnon acie ferri vlcus quarundam rescindenda sit, seu potius à grege reliquo relegenda nonnulla fuerint, pastoris munus est: ita etiam quæcunque pertinet ad institutionem Christiani gregis in vita Christiana, quæcunque ad gubernationem, ad curationem, ceteraq; huiusmodi spectant ad Petrum, & successores Petri, ex quo elicitur, quòd etiam potestas ligandi, & soluendi præcipue, & præ aliis data sit Petro, quòd prius sequatur vicariū, scilicet Christi esse Petrum, còpertum omnibus esse potest, qui locū illum annotauerint Euangelij Ioan. c. 10. vbi inquit Christus, **B** ego sum pastor bonus, & cognosco oues meas: aliāq; oues habeo, quæ non sunt de hoc ovili: si Christus pastor suarū ovium, constituit Petrum itē pastorem ovium non Petri, sed suarum, nō enim inquit, pascet oues tuas, sed pascet oues meas, itē pascet agnos meos: cui non exploratum fuerit Christum pastorem esse, & dominū ovium, Petrum pastorem tantum non dominum, à domino tamen constitutū, vicem ergo gerit Petrus Christi domini ovium, alterū quoque absq; dubio euidenter sequitur. nam cuiusq; aliquòd munus iniunctum fuerit, utique omnia etiā, quæ pertinent ad id munus, iniuncta illi fuisse videri debent. si ergo munus pastoris datum est Petro, quæcunque pertinent ad pastorem, omnisq; potestas illa tradita sunt Petro. quamobrem eum coercere, multatq; imponere præcipue spectet ad eum, cui commissa est gubernatio, **C** præ aliis ergo data est Petro ligandi & soluendi potestas, cui rationi ad stipulatur locus ille Euangelij, de quo à nobis superius est facta mentio, & per Petrum aliis Episcopis participatione quadā, sicuti & ovium regimen, sese etenim consequitur regimen, & potestas coercendi, puniēdivē eos, qui cōsumaces fuerūt. Præter has potestates, alia item potestas data est Petro tantum declarandi, scilicet & discutiendi ea, quæ pertinent ad fidei christianæ dogmata, eīsq; sententiæ parere ceteri debent. Nolo nunc adducere in hac parte innumeras sanctorū auctoritates. satis nobis sint Christi verba. inquit ipse apud Luc. c. 22. Sathanas expetiuit, ut cribraret vos, si aliqua videlicet posset ratione vos dimouere à vera fide, ego verò oraui pro te Petre, ut non deficiat fides tua. nititur ergo fides Petri Christi orationi: quæ inefficax nulla ratione esse potest. **D** subdit deinde. & tu conuersus confirma fratres tuos. ecce quòd cura confirmandi alios, non oues, non pusillos, sed fratres suos, tradita est Dei oraculo tantū Petro non aliis. luce meridiana illustrius ostēsum puto ex diuinæ sapiētiæ vocibus ius hoc Romani Pontificis nullo hominū cōsensu, sed diuinitus ei tributū esse. de industria præteriuī locum illum in Euāgelio Matth. c. 18. qui à plerisq; notatur, ad astruendā nostrā hanc sententiā, vbi, scilicet, Petrus dominum rogauit, quoties dimittendū esset à se peccatū fratri, an vsque ad septies? quoniā mihi videtur potius eò spectare ille locus, ut semper sit danda venia peccatū in se fratri, semp̄q; acceptas iniurias obliuiscēdas, quàm ad vllā potestatem Petro concessam. Hanc itē potestatem cōcessam fuisse diuinitus Paulo, ex plerisq; locis Epistolarū eius colligi certissime potest: & primo ex Epistola

prima ad Cor. c. 5. Nam tradere hominē Sathanæ ad interitū carnis, vt lucrificeret spiritum, potestatis fuit. venire etiā in virga vt ex eadem epistola c. 4. est potestatis. item in epistola 2. ad Cor. c. 10. inquit, iuxta potestātē, quæ data est mihi in ædificationem. Episcopos instituere, vt instituit Paulus Timotheum, & Titum, & per eos item alios, potestatis fuit. hos locos notasse tantum, & innuisse sit satis. tute per te alios quoque in memoriam tibi rediges. vereor ego ne noster hic libellus modū excedat. iam satis auctoritatibus probatum est diuinitus, non hominum consensu Pontifici Romano Petri successori hanc fuisse auctoritatem attributam. nūc paucis explicemus an idem etiam ratio nobis persua deat. Multitudinē omnem, quæ vna sit, nequaquā posse vnā esse perseverare, nisi contineatur ab vno, & philosophi omnes prodidere, & tantum non voce ipsius rerū naturæ docemur. nā suapte natura multitudo omnis in plura dilabitur; aliunde vero vna est, & vna esse perseverat. id verò à quo est vna, & in vnione cōtinetur necesse est, vt sit vnū, alioqui ipsum quoque aliena opera indigebit vt vnum sit. vnde illud Homericum ab Aristotele, vt notissimum prolātū in duodecimo lib. primæ Philosophiæ, Multitudo principatus mala, vt pote, quæ inepta sit ad continendā vnitatem multitudinis subditorum hominum. cum ergo Ecclesia Christiana vna sit (sicut enim vna fides est, vnū baptisma, vna vocatio; ita vna Ecclesia, quin potius omnes vnum corpus sumus, inuicēq; membra, vt perhibet Apostolus Paulus, sed cur amplius moror? in symbolo ab omnibus christianis prædicatur se credere vnā esse sanctā catholicā, & Apostolicā Ecclesiam.) indiget ergo vno E F G H I K L M N O P Q R S T U V W X Y Z A B C D E F G H I K L M N O P Q R S T U V W X Y Z A B C D E F G H I K L M N O P Q R S T U V W X Y Z A B C D E F G H I K L M N O P Q R S T U V W X Y Z A B C D E F G H I K L M N O P Q R S T U V W X Y Z A B C D E F G H I K L M N O P Q R S T U V W X Y Z A B C D E F G H I K L M N O P Q R S T U V W X Y Z A B C D E F G H I K L M N O P Q R S T U V W X Y Z A B C D E F G H I K L M N O P Q R S T U V W X Y Z A B C D E F G H I K L M N O P Q R S T U V W X Y Z A B C D E F G H I K L M N O P Q R S T U V W X Y Z A B C D E F G H I K L M N O P Q R S T U V W X Y Z A B C D E F G H I K L M N O P Q R S T U V W X Y Z A B C D E F G H I K L M N O P Q R S T U V W X Y Z A B C D E F G H I K L M N O P Q R S T U V W X Y Z A B C D E F G H I K L M N O P Q R S T U V W X Y Z A B C D E F G H I K L M N O P Q R S T U V W X Y Z A B C D E F G H I K L M N O P Q R S T U V W X Y Z A B C D E F G H I K L M N O P Q R S T U V W X Y Z A B C D E F G H I K L M N O P Q R S T U V W X Y Z A B C D E F G H I K L M N O P Q R S T U V W X Y Z A B C D E F G H I K L M N O P Q R S T U V W X Y Z A B C D E F G H I K L M N O P Q R S T U V W X Y Z A B C D E F G H I K L M N O P Q R S T U V W X Y Z A B C D E F G H I K L M N O P Q R S T U V W X Y Z A B C D E F G H I K L M N O P Q R S T U V W X Y Z A B C D E F G H I K L M N O P Q R S T U V W X Y Z A B C D E F G H I K L M N O P Q R S T U V W X Y Z A B C D E F G H I K L M N O P Q R S T U V W X Y Z A B C D E F G H I K L M N O P Q R S T U V W X Y Z A B C D E F G H I K L M N O P Q R S T U V W X Y Z A B C D E F G H I K L M N O P Q R S T U V W X Y Z A B C D E F G H I K L M N O P Q R S T U V W X Y Z A B C D E F G H I K L M N O P Q R S T U V W X Y Z A B C D E F G H I K L M N O P Q R S T U V W X Y Z A B C D E F G H I K L M N O P Q R S T U V W X Y Z A B C D E F G H I K L M N O P Q R S T U V W X Y Z A B C D E F G H I K L M N O P Q R S T U V W X Y Z A B C D E F G H I K L M N O P Q R S T U V W X Y Z A B C D E F G</

- A** nime. nisi ergo velimus fateri defuisse, deesseve diuinā prouidentia gubernationi, ac vnitati Ecclesiæ, cuius ratio persuaserit diuinitus Pontifici Petri successori hanc potestatem collatā fuisse. quo fit, vt si nullus esset sacræ paginæ locus, ex quo id asstruere possemus, pium tamen esset credere diuinitus datam fuisse Petro hanc potestatem; sicq; per manus, non per præscriptionē ad nos deuenisse. sed cum tam euidentia sint Christi oracula, quæ supra tetigimus, quis amplius in dubiū verterit rem tam clarā, & omnibus obuiā? At dixerit quispiam fortasse rerū euentus, quæ res tertio loco à nobis proposita fuerat, huic sententiæ nō adstipulatur: quin potius nihil magis. nam cōfestim post Christi ascensionē cum adhuc Petrus Hierosolymis esset, cuius Vrbis Episcopus erat Iacobus, inquit Paulus in epistola ad Galat. cap. 2. qui enim operarius est Petro in Apostolatū circuncisionis operatus est mihi. inter gentes. Iacobus erat Hierosolymitanæ vrbis Episcopus, Petrus tamen erat à Deo Apostolus circuncisionis, id est, Iudæorum, quibus tunc præerat, nondum enim Romā venerat: ecce à Deo traditā Petro potestatem quandam, qua Episcopum superabat. nōne illis tēporibus, tum Petrus, tum Paulus Episcopos instituebant. de Paulo diximus. Petrus nōne Prosdocimū creauit Episcopum Patavinū, cum Romam venisset. dicerem etiā alios, si per inertiam meā possem libros euoluere, in quibus eorū tēporū historia cōtinetur. vterq; postea Romam venit, ibiq; sub Nerone Imperatore in vrbe vniuersi orbis principe martyrio coronati sunt. quibus suffectus Linus, deinde Clemēs, ceteriq; sanctissimi viri, à quibus plurimos Episcopos creatos fuisse cōperies, si eorum vitas perlegeris. itaq; semper à probis omnibus chrtistianis Romanæ sedi, sedi, inquam Petri, summa veneratio, summa autoritas est delata. laetata fuit magnis procellis cum Imperatorū Cōstātinopolis arrogātia, interdū eiūsq; vrbis Antislitū, tum Gothis, ac Lōgobardis res Italix, ac præsertim Romanæ vrbis turbantibus, qui etiam Arrianā hæresim sectati sunt, tamē semper emiuit, ac pristinā dignitatē paulopost recuperauit. nec obstat his, quæ diximus, quòd Cōstātinopolis Imperatores Pontifices Romanos cōfirmabant, quasi ab Imperatoribus potestatem haberent, non à Deo. nam nullus sanæ mētis putauerit potestatem Pontificis, qua gerit vicem Christi, ab Imperatore pendere. sed quoniam Pōiifices ab Imperatoribus habuerant vrbis Romę Imperium, quo res Italix maxime nitebatur, ideo præter clerum Romanū, & populum requirebatur etiā Imperatoris suffragium ad Pontificē eligendū, eius tamē autoritas, quatenus Pontifex est, non princeps Romanus, à Deo est non ab homine aliquo. Cum ergo historia, ratio, & euidentissima Christi oracula nobis ostendant à Christo Dei filio datam esse Romano Pōiifici autoritatem, & potestatem hanc, qua vicem Christi gerit, nullus nisi pertinax, & qui partes, quas temere suscepit, tueri velit, inficias iuerit, Christiani hominis esse fateri, & credere Pontificis potestatem non ab hominum consensu pendere, sed diuinitus produsse. longius quā putaram processit Commentariolus hic, quem vnico spiritu conscripsi. tuum erit corrigere, ac summam manum ei imponere. Mihi satis sit hucusque laborasse. Vale.



## DE IUSTIFICATIONE.



QVONIAM in omni disputatione primùm oportet disquirere, ac planè percipere, quidnam significant vocabula, quibus utimur in disputatione, præsertim cum eorū multipliciās & æquiuocatio facile possit confundere, ac inuertere totius rei significatiōnem: idcirco primùm explicabimus quidnā significet iustificatio, deinde quid significet fides, quoniā tota huiusce causæ disquisitio pendet ex illustratione horum nominum. Iustificari igitur nihil aliud est, quàm iustum fieri, ac propterea etiam haberi iustum. Iustitia autem multis modis sumitur. Nam & particularis quædam virtus, quæ dirigit operationes ac actiones nostras ad alios quoscunque, qua tribuitur vnique quod suum est, iustitia appellatur, cuius obiectum est iustum & æquum. Item iustitia est vniuersalis quædam virtus, quæ dirigit actiones vniuscuiusque ad bonum cōmune, quod præcipuè continetur in legibus seruandis, quamobrem appellata est etiam iustitia legalis. De vtraque iustitia amplè & diffusè Aristoteles tractat in quinto Ethicorum. Verùm nos hic non loquimur de duabus his iustitiis, cum dicimus hominem iustificari, amplius quiddam dicimus & augustius. Præter hos duos iustitiæ modos, est quoque aliud iustitiæ genus, de qua amplissimè tractat Plato in decem libris quos inscripsit de iusto, qui etiam Poliia Platonis dici solent. Aristoteles verò tangit tantùm hoc iustitiæ genus in quinto Ethicorum, quam appellat iustitiam metaphoricè dictam. Hæc iustitia constituta est in animi nostri viribus, quæ quamuis sint eiusdem animi, ac propterea in eis nequeat esse iustitia propriè dicta, quæ est virtus ad alterum: quoniam tamen aliæ inter se sunt hæ animi vires, & vnique earum debetur certus quidam modus ad alias sui cōpares vires, qui si peruertatur, iam non tribuitur vnique animi parium quod suum est; ac idè iustitiæ inuicem se habēt, tunc iustitia in eis erit, cum vnaquæque persistit in modo sibi à natura præstituto, vt scilicet ratio imperet, inferiores verò animi vires pareant rationi, ac ratio recta sit. Hæc iustitia parens est virtutum omnium, & ampliori modo virtus quàm priores dux. Hæc est animi sanitas, ex hac virum bonum appellare solemus iustum. Hic modus iustitiæ est humanus, facit hominem bonum, vt homo est, vt rationalis est, & idcirco in nostra inquisitione iustificationis, de qua loquimur,

non



- A non tantum duo illi priores iustitiæ modi non satis faciunt, sed neque hic tertius satis est, amplius quidpiam querimus. Nam non querimus iustitiam illam, quæ tantum deceat homines, sed querimus iustitiam & bonitatem, quæ deceat filios Dei, cuius adoptionem allequimur per Christum, ut vocemur & simus filij Dei, ut simus consortes diuinæ naturæ. Hæc ergo bonitas, hæc animi iustitia, quæ filios Dei deceat, appellatur iustitia Christiana; hæc iustificatur in conspectu Dei, prioribus illis iustificatur corâ hominibus. Huius rei exemplum commodè possumus capere ex hominū vitâ, & consuetudine. Sit quispiam rusticus, cuius genus vixit semper ruri, habeat hic filios, eosque erudiat ut rustici moribus turis, ac bene & diligenter instituat, utque si a-
- B dolescens ita institutus fiat ciuis, fiat principi familiaris, & aulicus in gratiam regij filij, mores utique priores illi pertinent ad vrbaneitatem & ingenuitatem rustici, longè tamen inferiores sunt, & degenerant à moribus, qui exiguntur à ciue, ac præsertim à familiari regis. Sic humane illæ iustitiæ, quæ homini conueniunt, longè inferiores sunt hac iustitia, quæ exigitur à filiis Dei, à consortibus diuinæ naturæ. Hactenus sufficiant ea, quæ diximus de iustitia. Nunc accedamus ad aliud vocabulum, quod includitur in nomine iustificationis, quod est fieri iustum. Dicamus ergo quod fieri & facere, quo ad propositum negotium pertinet, duobus modis accipitur. Nam dicimus albedinem facere parietem album, dicimus etiam liniitionem pictoris facere parietem album: Eadem propemodum ratione dicimus sanitatem facere hominem sanum; Item dicimus medicationem facere hominem sanum.
- C Differunt hi duo modi, nam albedo facit parietem album, ut forma inharēs parietis, & sanitas facit hominem sanum, ut forma corpori inharēs. Quare dicemus hanc, ut ita dicam, factionem esse formalem, & dicemus formaliter facere; Liniitio verò facit parietem album, ut actio pictoris, ideoque efficienter; Sic dicemus medicationem efficienter facere hominem sanum. Accedamus his expositis de iustificatione ad fidem. Fides quoque multipliciter dicitur; Nam quandoque id quod creditur appellatur fides iuxta id quod continetur in Symbolo Athanasij. Hæc est fides Catholica, quam nisi quisque crediderit, &c. Quandoque habitus ille quo credimus his quæ tradita sunt à Deo, appellatur fides: Interdum actus ipse quo credimus, consuevit
- D appellari fides; qui actus quamuis sit elicited ab intellectu, est tamen imperatus à voluntate, Iccirco Apostolus dicit, Ad obediendum fidei. Credimus etenim quia volumus Deo obedire. Fides etiam appellatur fiducia, quia confidimus promissioni nobis factæ à quocunque. Hoc modo dicimus, fidem seruare & fidem frangere. Hanc Cicero in primo de officiis inquit dictam fuisse, quasi qua fiat quod dictum est, & ponit fidem hanc partem iustitiæ. Sic inter tria matrimonij bona ponitur maritalis fides, qua uterque coniugū sibi inuicem dant fidem, promissioni alterius vicissim credit & confidit: verum nos contrahamus hanc fidem ad promissionem diuinā, quæ est in Deo quatenus promissa seruat; Sic in Psalmo: Fidelis Deus in omnibus verbis suis, sic apud Paulum: Nunquid eorum iniquitas fidem Dei euacuauit? In nobis

verò est hæc fides, prout fidimus promissioni diuinæ. Hæc fidei significatio E  
 pro fiducia, cōiuncta est significationi spei, quāvis spes propriè respiciat futu-  
 ra, fiducia verò etiā præsentia & præterita, attamē propinqua est hæc fiducia  
 spei. Quamobrē sepe numero vna pro altera sumitur. Damasenus in quarto  
 libro inquit, fidem duobus modis accipi, quorum alterum dicit esse assen-  
 sum, alterum verò dicit esse spem eorum, quæ sunt nobis promissa; & ad hūc  
 posteriorem modum refert definitionem fidei datam ab Apostolo in Epi-  
 stola ad Hebræos, cū dicit fidem esse substantiam sperandarum rerum. &c.  
 Ex Apostolo Paulo in pluribus locis habemus hanc acceptionem fidei pro  
 confidentia, sufficiat nunc vnus in Epistola ad Romanos, cū loqueretur  
 de Abraam, cuius exemplo maximè nititur Apostolus; inquit, Non infirma F  
 tus est diffidentia, sed confortatus est fide. Ecce opposuit diffidentiae fidem,  
 id est, confidentiam. His discussis, quæ si quispiam non benè intellexerit, to-  
 tam hanc, quam agimus, rem, non rectè percipiet. Addamus quod iustificari  
 seu iustum fieri; sumptum etiam efficiēter (vt suprā diximus) potest adhuc  
 accipi duobus modis, propriè scilicet, cū quis ex iniusto efficitur iustus mi-  
 nus etiam propriè, cū quispiam fit iustior, & ex minori iustitia proficit, in  
 maiorem iustitiam, qua ratione dicimus etiam duobus modis quidpiam ca-  
 les fieri. Nunc tempus est vt accedamus ad explicationem iustificationis, ac  
 primū de iustificatione ea, qua impius ad iustum fit iustus. Hæc iu-  
 stificatio, si queritur de causa eius efficiente, nulli dubium est, quin sit à spiri-  
 tu sancto, Nam Deus solus remittit peccata, Deus dat gratiam, Deus iustificat  
 impium. Modus autem, quo spiritus sanctus hoc efficit, est motus etiam G  
 inspiratio, qua eius intellectum illustrat, & voluntatem mouet, hic etenim  
 est modus, quo homo agit quidpiā vt homo est, vt scilicet id agat sponte &  
 voluntariè. Mouet autem spiritus sanctus hominis voluntatem, conuertendo  
 eam ad Deum, & hac ratione præparatur cor à Domino, & homo præ-  
 parat se, quatenus ea conuersio est voluntaria, nullo pacto coacta; verū  
 quoniam nequit ad Dominum quispiam voluntariè conuerti; nisi auertatur  
 ab impietate, & à peccato, sicuti contingit in quocunque motu, nam in quo-  
 uis receditur à contrario, vt perueniat ad alterum contrarium. Iccirco pri-  
 mū hominis voluntas recedit à peccato, relinquit impietatem, per detesta-  
 tionem impietatis, & peccati, erigit deinde se ad Deum, ad quem reuertitur. H  
 Primus hic animi motus, vt inquit beatus Thomas, & ratione euidentissima  
 colligi potest, est motus fidei, quem motum seu actum appellamus fidem.  
 Hic autem motus incipit à voluntate, quæ obediens Deo & fidei, efficit vt  
 intellectus assentiatur absque hæsitatione traditis à Deo, & ideo promissio-  
 nibus diuinis confidat, & concipiat ex illis firmam fiduciam, quæ pertinet ad  
 voluntatem, vt quasi circulo quodam incipiat à voluntate hæc fides, & desi-  
 nat in voluntatem. Promissio autem Dei, cui firmiter credit, ac propterea fi-  
 duciam concipit, est (vt inquit beatus Thomas in prima secundæ.) Quod  
 Deus remittat peccata, & iustificet impium per mysteriū Christi. Ipse enim  
 est factus auctor salutis omnibus credentibus in eum. Motus ergo hic fidei  
 post

- A post detestationem peccati erigit mentem ad Deum, atque animum ad ipsum conuertit, quem conuersum, Deus, infundens spiritum suum sanat, & sanctificat, iustificat, adoptat in filium per spiritum filij sui, per quem diffusum in cordibus nostris clamamus Abba pater. Insuper donat nobis eum spiritum Christi, Christum ipsum & omnem iustitiam eius gratis ex ipsius misericordia nostram facit, nobis imputat, qui induimus Christum. Interim verò dum animus ita preparatur à Domino, & se ipse preparat, quādo hæc præparatio nō fiat momento temporis, præterquam miraculo quodam, vt accidit Paulo Apostolo, si adsit occasio, operatur bona, & cauet à malo is qui conuertitur. Nihilominus non redditur iustificatio & sanctificatio operibus, vt Paulus
- B inquit, vt in locis innumeris dicit beatus Augustinus, & Thomas in prima secundæ expressè, sed debetur fidei, non quod mereamur iustificationem per fidem & quia credimus, sed quia accipimus eam per fidem. Sic enim inquit Apostolus in Epistola ad Galatas. Accipientes pollicitationem spiritus per fidem. Item in Epistola ad Romanos, per quem habemus accessum in hanc gratiam per fidem. In Epistola ad Hebræos, Accedentem ad Deum oportet credere, eò quòd credendo accedimus ad hunc accessum. Hanc acceptionem ab Apostolo dictam beatus Thomas in tertia parte appellat applicationem inquiring passionem Christi esse veluti medicinam communem, quanti quisque sibi applicat per fidem, & Sacramenta fidei. Hi protestantes appellant apprehensionem non ea significatione, quam tu in literis ad me datus arbitraris, quæ scilicet pertinet ad cognitionem intellectus, sed significatione superius dicta, qua scilicet illud dicimus apprehendere quòd peruenimus & quod post mortem nostrum attingimus. Attingimus autem ad duplicem iustitiam, alteram nobis inhaerentem, qua incipimus esse iusti; & efficimur cōsortes diuinæ naturæ; & habem⁹ Charitatē diffusam in cordib⁹ nostris; alterā verò non inhaerentem, sed nobis donatam cum Christo, iustitiam inquam Christi, & omne eius meritum; simul tempore vtræque nobis donatur, & vtramque attingimus per fidem. Vtrā verò sit natura prior, potius pertinet ad disputationes scholasticas, quàm ad negotiū fidei de quo agimus; idèò in aliud tempus differemus, sicuti etiā differimus aliā controuersia, quæ offerri nobis possit, vtrum scilicet sit natura prior remissio peccatorum & reconciliatio cū Deo, an infusio gratiæ: Si quādo inciderit locus magis opportunus dicam quid in vtræque sentiam, nunc vtræque omittatur. Quod autem Deus donauerit nobis Christum & omnia cum eo, est textus Apostoli expressus in Epistola ad Romanos, Qui filio suo non pepercit, nonne omnia nobis donauit cū illo? Itē filius natus est nobis, & filius datus est nobis. In Missa, cū Christū Deo offerimus, nonne dicim⁹ in canone, Tibi offerim⁹ de tuis donis & datis hostiam puram, hostiam sanctam, hostiam immaculatam. Beatus pater Augustinus in pluribus locis, sed vnus nūc in mentem venit, nescio an sit in soliloquiis aut in meditationibus. Quicquid mihi deest, inquit bonus ille pater, vsurpo mihi ex visceribus Domini mei. His hæcten⁹ discussis, quibus reor nullū posse contradicere, discutiam propositionem propositam.

Fide iustificamur, non formaliter, quòd scilicet fides inherens nobis efficiat nos iustos, sicuti albedo efficit parietem album, aut sanitas hominem sanum. Nam hoc pacto Charitas & gratia Dei nobis inherens & iustitia Christi nobis donata & imputata efficit nos iustos, neque per fidem intelligimus habitum, ut superius diximus, sed actum. Sed vera est propositio, si capitur efficienter, sicuti linitio efficit parietem album, & medicatio efficit sanum; sic, vel non dissimili ratione, fides efficit hominem iustum, & iustificat, quia per fidem attingimus ad vtramque iustitiam: & quoniam motus omnis est imperfectus, nisi perueniat ad terminum, accitò etiam motus fidei, nisi perueniat ad Charitatem, quam adipiscimur, est imperfectus. Iccitò fides quæ iustificat, est fides formata per charitatem, seu efficax per charitatem, ad quæ nisi peruenierit est inefficax ad iustificationem, sicuti si dicemus, ea medicatio efficit sanitatem, quæ peruenit ad sanitatem, & illa est efficax per sanitatem, quamobrem potest etiam appellari sanatio. Hactenus dicta satis esse videri possunt quoad iustificationem nostram, quæ mihi adeò perspicua esse videntur, ut nihil reliquum sit, in quo quis hæsitare queat. Verum quoniam diximus ad duplicem iustitiam nos peruenire per fidem, iustitiam inquam inherentem nobis, & charitatem, ac gratiam qua efficitur consortes diuinæ naturæ, & iustitiam Christi nobis donatam & imputatam, quoniam inseri sumus Christo & induimus Christum; Restat inquirere vtra nam debeamus niti, & existimare nos iustificari coram Deo, id est, sanctos & iustos haberi; ea inquam iustitia, quæ deceat filios Dei, ac oculis Dei satisfaciatur, an hac iustitia & charitate nobis inherente, an potius iustitia Christi nobis donata & imputata? Ego prorsus existimo piè & Christianè dici, quòd debeamus niti, niti inquam tanquam re stabili, quæ certò nos sustentat, iustitia Christi nobis donata, non autem sanctitate & gratia nobis inherente. Hæc etenim nostra iustitia est inchoata & imperfecta, quæ tueri nos non potest, quin in multis offendamus, quin assidue peccemus, ac propterea indigeamus oratione, qua quotidie petamus dimitti nobis debita nostra. Iccitò in conspectu Dei non possumus ob hanc iustitiam nostram haberi iusti & boni, quemadmodum deceret filios Dei esse bonos & sanctos, sed iustitia Christi nobis donata est vera & perfecta iustitia, quæ omninò placet oculis Dei, in qua nihil est quod Deum offendant, quod Deo non summopere placeat. Hac ergò sola, certa, & stabili nobis nitendum est, & ob eam solam credere, nos iustificari coram Deo, id est, iustos haberi & dici iustos. Hic est pretiosus ille Christianorum thesaurus, quem qui inuenit, vendit omnia quæ habet ut emat illum. Hæc est pretiosa margarita, quam qui inuenit, omnia linquit, ut eam habeat. Dicit Apostolus Paulus, Omnia alia detrimenta putavi ut Christum lucrificerem, non habens iustitiam meam, sed eam, quæ est per fidem Christi: Illis verò qui nituntur Sanctitate sua dicitur in Apocalypsi: Quia tepidus es incipiam te euomere ex ore meo; dicis enim diues sum, nullius egeo, & non vides nuditatem tuam, &c. & alibi. Item in Apocalypsi: Dabo tibi calculum nouum, in quo est nomen scriptum quod nemo scit nisi qui accipit. Hoc nomen

- A**men est nomen Christi, & verè nullus scit nisi qui accipit. Inde est quod experimento videmus viros sanctos, qui quanto magis in sanctitate proficiunt, tanto minus sibi placent: ac propterea tanto magis intelligunt se indigere Christo, & iustitia Christi sibi donata, ideoque se relinquunt, & soli Christo incumbunt. Hoc nõ ob eam accidit causam, quod facti sanctiores minus videant quàm prius, neque quoniam facti sint animo dimissiori & viliori, imò quanto magis in sanctitate proficiunt, tanto maiori sunt animo, tanto sunt perspicaciores. Quamobrem facti perspicaciores magis intuetur sanctitatis & iustitiæ ipsi in hærentis tenuitatem, cum qua perspiciunt multas maculas, quæ eorum oculos factos perspicaciores magis offendunt, ac
- B** propterea re ipsa cognoscunt, non sibi nitendum esse sanctitate, charitate, & grãtia sibi in hærente, sed confugiendum sibi esse ad Christum & ad gratiam Christi ipsi donatam, quã nitantur & incumbant. Repetamus exemplum quod supra adduximus de Rustico, qui in gratiam filij Regis, factus sit cuius & aulicus regis, & qui iam cœperit imbui morib<sup>9</sup> regis: utique hic cum in eo maneant vestigia ruris, quamvis cœperit institui moribus regis, nihilominus regi non placet, multa in eo sunt quæ Regem offendant, nihilominus habet eum ut aulicum & familiarem ob gratiam & merita filij; quæ rustico illi donauit. Dicit beatus Thomas cum loquitur de baptismatis Sacramento, quod eo abluantur omnia peccata & omnis reatus culpæ & pænæ cuiuscunque, & reddat rationem, eò quod vnusquisque baptizatur in mortem Christi, & cum eo sepelitur, vt inquit Apostolus. Itcirco ita se habet baptizatus, ac si ipse gerens personam Christi mortuus fuisset, passus & confepultus cum Christo, & cum Christo resurrexisset in nouam vitam. Ecce quàm præclare dicit doctissimus patiter ac sanctissimus vir, mortem Christi, passionem ac meritum nobis donari, nobis imputari in baptismo, quod est fidei Sacramentum, non quod nobis in hæreant, qui iam viuimus, sed quia nobis donantur & imputantur. Credo satis illustratum fuisse hæcenus locum de iustificatione apud Deum, vtra debeamus niti, niti inquam, an iustitia nobis in hærente, an iustitia Christi nobis donata & imputata. At dices, quod auctoritates illæ quas adduxi in meis literis, huic videntur sententiæ ob stare. Prima est David in psalmo decimo septimo; Iudica me domine secundum iustitiam meam, & secundum innocentiam meam, secundum puritatem manuum mearum, quia custodiui vias domini, nec impiè gessi à Deo meo, quoniam omnia iudicia eius in conspectu meo, & iustitias eius non re-puli à me. Ecce quàm clarè inquiunt hi qui ad pauca respiciunt, quod David innuitur suæ iustitiæ & innocentie suæ. Certe si David ea intellexisset quæ hi intelligunt, ita quod propterea putasset se iustificatum coram Deo, non tantum hæc quæ dicit essent dicta arroganter & superbè, ac propterea magis reprehendenda, quàm oratio Pharisei in Euangelio, qui longè minora de se dicit, sed essent mera mædacia. Quo etenim pacto (vt relinquam quotidiana peccata) is qui fuerat adulter, qui propinquissimum sibi amicum interfecerat, vt vxorẽ eius potiretur, potuit vetè dicere, quod non impiè ges-

sisset à Deo suo, quod habuerit omnia iudicia eius in conspectu suo, & cætera quæ ibi dicuntur. Idèò ne impingamus hanc arrogantiam, hæc mendacia mansuetissimo & mitissimo regi, propius accedamus, & benè eius sensum perspiciamus. Psalmum illum decimum septimum David composuit & cecinit, ut ex titulo psalmi comprehenditur, post debellatos eius hostes, quorum præcipui fuerunt Saul & Absalon, quos David semper humaniter tractavit, nihil unquam contra ipsos est machinatus, quin potius in potestatem eius traditos servauit, utriusque interitum magno animi dolore accepit. Idcirco omnia quæ dicuntur in eo psalmo ad hos eius hostes sunt dirigenda, id est, ad eius benemerita, & ad omnia eius opera erga ipsos, non autem ad suam iustitiam inhaerentem ipsi coram Deo, & in conspectu oculorum eius. Hæc sententiæ plana est, in qua nullus hætere potest. At cum secum ipse loquitur David, & ad animam suam verba facit, aduerte quid dicat: Benedic anima mea domino, & noli obliuisci omnes retributiones eius, qui propitiatur omnibus iniquitatibus tuis, qui sanat omnes infirmitates tuas, qui coronat te in miserationibus, qui replet in bonis desiderium tuum, quoniam miseretur pater filiorum, misertus est Dominus timentibus se, quando distat ortus ab occidente longè fecit à nobis iniquitates nostras. &c. Confer hæc, te oro, cum his quæ adducis de psalmo decimo septimo, & videbis quantum distant. Apertissima etgò est sententiæ in qua conueniunt. Alius locus qui citatur, Hæc erit iustitia nostra si custodierimus præcepta hæc omnia; nihil facit contra nostram sententiæ. Nam verum est quod iustitia nostra, humana inquam, & quæ est iustitia legalis, de qua diximus suprâ, est custodire præcepta legis, & quamuis, ut suprâ diximus, augustinum quâdam quæramus, quæ deceat filios Dei; nihilominus, ut inquit Paulus Apostolus, cum nullus seruet omnia præcepta legis, quantum pertinet ad iustitiam legis, omnes sumus sub maledicto, iuxta illud; Maledictus qui non permanet in omnibus verbis legis huius, quia nullus seruat omnia præcepta legis præsertim præceptum de charitate quantum ad motum animi interiorem, ac idèò omnes indigemus Christo, per quem adipiscimur gratiam & charitatem, qua inferiori quodam modo incipimus legem seruare; ac insuper omnis eius iustitia attribuitur nobis, quicumque Christum induimus. Alius locus, quem adducis, erat, Habebitur pro iustitia coram Domino reddere pauperi depositum. Nulli dubium quin pertineat ad iustitiam virtutem illam particularem, de qua diximus superius, reddere depositum non tantum pauperi sed cuicumque. Sed quoniam pauper magis indiget, si nõ reddatur maior sit iniuria, & iniustitia maior est; ac propterea hortatur nos spiritus sanctus ad illam iustitiam. Non ob id tamen sumus iustificati coram Deo, secundum eam rationem & modum, quem supra attulimus. Nam si reddere depositum pauperi sufficeret ad eam iustificationem, multi Iudæi, complures Mahumetani essent iustificati coram Deo; Etenim eorum multi ita sunt instituti, quod nunquam detinerent depositum sibi creditum. Sic de Phinees dicendum. Mihi videtur hi loci addu-

- A** tti esse adeò perspicui, quod nullam dubitationem facere possint in sententia ea, in qua Catholici & protestantes conuenerunt, & quod non satis rectè intelligantur ab his, qui eis nituntur. Abundè reor hucusque dictum à nobis fuisse de iustificatione illa, qua ex impio quispiam adultus efficitur iustus. Verum quoniam est & alius iustificationis modus, quo quispiam ex iusto fit iustior, sicuti calefieri etiam is dicitur, qui ex minus calido fit calidior, secundum quem modum dicitur in Apocalypsi, *Qui iustus est, iustificetur adhuc*; idcirco ut vniuersa ratio iustificationis intelligatur, pauca addemus de hoc iustificationis genere. Vnumquodque animal seu plàta, quam natura ædit in lucè ac generat, quāvis generatione speciem quampiā seu naturam sortita sit, nō tamē in eo gradu sistit, in quo sortita est naturā & speciem animalis, sed progressum quēdam habet, donec perueniat ad perfectum illius naturæ statum. Sic homo, sic aues, sic terrestria & aquatica animalia non sistūt in ea magnitudine & infirmitate membrorum in qua nata sunt, sed continenter feruntur ad perfectionem, quam eius natura præstituit, aut obeant necesse est. Pari ratione qui per fidem adeptus est charitatem & spiritum Christi, & factus est noua creatura in Christo Iesu, si voluerit sistere in eo gradu, in quo spiritualiter natus est, nec ulterius progredi: nulli dubium, quin breui temporis spacio relabatur in deterius, ac perdat spiritum quem acceperat, ac vtrāque iustitiam amittat. Nam nullus sibi usurpare potest iustitiam Christi qui non habeat spiritum Christi, & non viuat in Christo. Progrediendum est ergo nobis omnibus, ac in anteriora tendendum; nam si brachia fortè remisit, atque illum in præcepis prono rapit alueus amni. Progressus hic fit per bona opera interna & externa, quæ cum sint à charitate & à spiritu Dei, augent etiam charitatem. Etenim sicuti principium generationis vniuscuiusque rei est extrinsecum; nihil etenim seipsum generat, ita augmenti principium est extrinsecum, omne namque animal ab anima sua augetur. Charitas ergo inhærens, spiritus Christi, gratia quæ ab eo semper fouetur, & emanat à plenitudine gratiæ eius, Christi inquam, otiosa esse non potest. sed vel internis meditationibus atque orationibus se exercet, vel externis operibus piis. Hinc augetur charitas & gratia, quæ etiam augent fidem, nam magis credimus & fidimus ei quem magis amamus, sicque magis ac magis iustificamur. Idcirco, ut suprà citauimus, in Apocalypsi dicit spiritus sanctus, *Qui iustus est iustificetur adhuc*. Hæc iustificatio potest dici fieri ex operibus, & potest appellari iustificatio operum. Prior verò, quia quis efficitur noua creatura in Christo, non debetur operibus nostris, sed spiritui sancto, qui mouet corda nostra, remouendo ea à vita peccati, & per fidem erigendo ad Deum per Christum, donec fiat compos charitatis & gratiæ, ut superius latè exposuimus. Ex operibus tamen quæ sequuntur ostenditur hæc iustificatio, & hæc fides perfectæ, seu formata & efficax per charitatem, ut dicit Iacobus in sua Epistola. Nam si opera bona non sequantur, imperfecta fuit fides illa & inanis. In his ergo bonis operibus ambulamus, ut inquit beatus Paulus, & sic fit certa nostra vocatio, ut inquit Petrus. Quoniam eis magis iustificamur, & ad perfectum



tendimus, quæ si intermittimus, regredimur. Nâm in via domini nō progredi est regredi, & tandem præcipitem labi. Ideò ex operibus qui dicunt nos iustificari, verum dicunt, & qui dicunt nos iustificari non ex operibus, sed per fidem, verum etiam dicunt. Sed vt rectè intelligatur vtrumque, oportet rem totam benè explicare & illustrare: est etenim satis inuoluta & obsita. Deditur nos operam in hac Epistola, quantam potuimus adhibere, vt ea euolu-  
ueremus & illustra efficeremus. An verò assecuti fuerimus, cum  
reuerendissimi & illustrissimi Cardinalis Mâtuani patro-  
ni tui, quem scis quantoperè obseruem, tūc e-  
tiam tuum erit iudicium. Benè vale in  
domino. Ratisponæ x x v  
Maij M. D. x l l.

DE LIBERO



## DE LIBERO ARBITRIO.

**B** VANDO & tu literis, & Aloisius noster tui nomine obnixè mecum verbis egit, vt scripto tibi explicem, quid de vulgata hac quæstione sentiam, quæ de arbitrij libertate, tot diuersorum dissentientibus sententiis, & variis disputationibus agitur: malui cum petitioni tuæ satisfacere desiderari in me doctrinam, quàm si non obtemperauero, gratificandi tibi voluntatem: & quamvis nec rem ipsam, quàm ardua sit, & grauior, quàm vt vinum mearum tenuitate ferri queat, ignorem, & te maiore ingenij acumine esse intelligam, quàm vt facile à me satisfieri tibi possit: Tamen vt, quantum in me est, morem tibi geram, dicam hac de re, quæ mihi sese offerret in præsentia. Ac primò quidè ea dicam, quæ natura duce ex philosophiæ doctrina de libero arbitrio cognoscimus: tum quæ sit catholica, & in christiana religione recepta de hac re sententia exponam. Neque vero te philosophiæ nomine commoueri velim. Nō enim illam, quæ à Diuo Paulo repudiatur, adhibebimus, sed veram, quæ à naturali & à Deo nostris mentibus impresso lumine nata; earum nos omnium rerum veritatem docet, quæ intellectui subiiciuntur. Atque hoc quidem lumen aliud nihil quàm riuulus quasi & pars quædam est diuini splendoris nature nostræ inserui, neque penitus ob peccatum extincti. vt autem disputationem hanc nostram aggrediamur, ad liberi arbitrij vim naturamque cognoscendam, quid liberi primò nomine significetur, quæque sit illius verbi vis, intelligamus necesse est: tum vero ad liberum arbitrium explicandum veniemus. Vt igitur seruus ille est, qui sui iuris non est, quique in iis actionibus, quæ serui sunt, non sponte sua, sed domini imperio & voluntate mouetur, ita liber dicitur esse is, qui & sui, non alieni iuris est, & sua non aliena voluntate ad agendum excitatur. quare quò quidpiam longius ab alieno imperio abest, magisq; suapte sponte mouetur, eò etiam à seruitute cum longius absit, ad libertatem propius accedit. Verù communi hoc omnibûsque notissimo principio constituto, rebus id singulis accommodemus, atque ab inanimis, qualis sunt terra, lapides, aliæque generis eiusdem ordiamur. Terræ glebâ, aut lapidem, vel in superna, vel ad ima mouere possumus: atq; horum quidè alter naturalis motus est, nempe cum ad ima vergit; violētus alter, cum ad superna. quare quo motu sursum feruntur, seruum omnino esse dico; quo vero deorsum, non liberum quidem omnino

esse, ad libertatem tamen magis accedere cōfirmo, quā cum violenter sur-  
sum ferebarur. motu nanque naturali, insitæ sibi grauitatis propensione gleba  
terra, aut lapis ille mouetur, violēto verò non insitæ alicuius rei impulsu, sed  
contra potius insitam sibi propensionē fertur, impellentis violentia coactus:  
quare in hoc motu omni prorsus libertate catet: in motu verò naturali, quo-  
niam ab innato principio mouetur, à seruitute longius discedit, atq; ad liberi  
conditionē accedit propius: non tamen liber omnino est, cum grauitatis im-  
pressione moueatur, cuius nec terra nec lapis auctor ipse sibi est, sed eidē illā  
causæ acceptam referte deber, à qua ortus sui principiū accepit. Quamobrē  
ad præscriptam etiam sibi ab ea legem mouetur. Vnde non modo liberū esse  
non dicimus: sed philosophorum etiam sententia, quæ huiusmodi sunt, non  
à seipsis, sed à generante causā mouentur: & inter ea quæ alterius impulsu a-  
gitantur, numerari debent. Hinc iam ad bruta animantia progrediamur, quæ  
à seipsis auctore Aristotele cientur, quoniam propria sensus sui mouetur co-  
gnitione, quam appetitionis etiā ipsorum propensio sequitur ad ea, quæ co-  
gnoscent, vel persequenda, vel fugienda: quare cum ea appetitus propensio-  
ne moueantur, quæ à cognoscendi facultate generatur, ad libertatem propius  
accedūt, quā quæ sensus omnis sunt expertia: nam quæ in naturali illorum  
motu est propensio, non ex seipsis est, sed à generante causā. Bruta igitur ani-  
mātia à seipsis non, vt de iis quæ sensu carent diximus, ab alio mouentur: atq;  
in his arbitrium cognoscere incipimus, nec liberum tamē. In Brutis enim ea-  
renus arbitrium est, quatenus cognitio quēdā in ipsis inest, & certa rerū, quæ  
cōprehendunt, existimatio. neque tamen liberū dici debet, quoniam ab ipsis  
non est, sed à natura ex obiecti nimirū quod cōprehendūt impressione: vnde  
nec motuū suorum finē, qua ratione finis est, & vt natura finis cognosci de-  
bet, agnoscunt; neq; eam quæ mediorū est cum fine ad quē tendunt, propor-  
tionē intelligunt. sed naturā ducem non aliter sequuntur quā qui ad prima  
literaria elementa perdiscēda, nutrice aut pedagogo duce in scholas profici-  
scitur puer. is enim quamuis propriis pedibus incedat, viāq; qua ingreditur  
& gymnasium etiā quo rendit conspiciat, nescit tamen disciplinam quam in  
gymnasio discit, finem esse, cuius causā illud iter suscepit: nec quæ sit cōfecti  
irinetis proportio ad gymnasiū intelligit, sed ducem tantū sequitur nutricē.  
Idem planē brutis animantibus vsu venire solet, quæ ob ipsarū cognoscendi,  
atq; ad eò etiam appetēdi facultatis imbecillitatē, nec finem qua ratione finis  
est, nec mediorum finisq; cognitionē agnoscunt: sed à natura duce, atq; insita  
cognitione & appetitione statim definitisq; mediis ad finē impelluntur. & qui-  
dem Bruta à natura, non proprio ferri iudicio, Auscultationis Physicæ lib. 2.  
Aristot. hoc argumēto demonstrat. eorū enim inquit, quæ sunt eiūsde species  
vna est atq; eadē agēdi ratio: quo fit, vt non à proprio peculiarisq; iudicio sin-  
gula brutorū animantiū geneta, tanquā à principio moueantur (quod nō pos-  
set in diuersis speciebus esse idē) sed ab aliquo superiore, quo ducantur atq; im-  
pellantur omnia. Hoc igitur statuamus, à se moueri, & liberiore proinde motu  
ferri bruta, quā quæ sensu carēt, & arbitrio quidē suo ferri, nō libero tamē.  
q̄ si huius etiā rei causam audire velles, eā tibi paucis exponā, atq; hoc quasi  
vesti-

- A vestibulo tandem deueniemus ad liberi hominis arbitrij, eiusque originis cognitionem. quæ igitur paulo ante dicta sunt hoc loco repetamus. in brutis diximus animantibus ideo liberum arbitrium non esse quod angustior in illis & debilior sit cognoscendi atque appetendi vis. Nam ut quid arbitrij ac iudicij libertate sit præditum necesse est, ut res omnes, eorumque naturam, & quam inter se habeant proportionem, bonitatem denique siue minor ea sit siue maior comprehendere possit. quod in nullam cognoscendi vim cadit, quæ non vniuersi boni naturam, & inde singula intelligat quæ vniuersi boni amplitudine continentur. Atque illud etiam oportet non tenuem atque angustam, & certo aliquo boni genere definitam, sed amplam & bonorum omnium ipsiusque boni vniuersi capacem appetitionem habere. quare cum hac boni vniuersi comprehendendi facultate bruta careant animantia & bona tantum quædam particularia sibi apta & congruentia cognoscant, & appetitionem etiam angustam, ipsarumque cognitioni accommodatam habeant, libero præditi arbitrio dici nulla ratione possunt. & ut qui carcere, aut alio quouis loco clausus detinetur, liber esse non dicitur, sed eius voluntati subiectus est, qui illum conclusit: ita bruta quoque animantia arbitrium non liberum, sed terminatum et certis quibusdam angustisque limitibus circumseptum habent. Iam verò cum contrariorum alterum ex altero cognosci faciliè possit, ad hominem ipsum accedamus; quem suapte natura arbitrij libertate præditum esse planè intelligemus. Nam cum sit hominis voluntas, facultas quædam & appetendi vis, quæ intellectum sequitur & ad omnia se extendit ad quæ ipse se extendit intellectus, cumque intellectus amplissimus sit quoniam intelligit omnia; voluntas etiam ipsa amplissima est, seseque ad omnia bonorum genera, atque ad bonum ipsum vniuersum extendit, quare præcedente cognitione in finem ut finis est fertur & media, quæ sibi accommodata fini videntur, eligit. Spontanea ergo voluntate homo, proprio, neque villo termino circumscripto sed amplo, ac libero mouetur arbitrio, quod tum ad singula tum ad vniuersum bonum extenditur. En tibi liberum arbitrium quid sit, curque in solis hominibus, non in brutis etiam animantibus reperiatur, verum progrediamur in humana voluntate ulterius, & quo modo liberum hoc arbitrium conseruetur & perficiatur; quò contra pacto imminuatur & in seruitutem tandem redigatur, videamus. Vnum tamen prius addamus quo finem imponamus iis quæ ante à nobis de voluntate & libero arbitrio dicta sunt. Hacten? voluntatis nostræ ac liberi arbitrij naturam in genere exposuimus. Sed quonià omniū humanarum actionum, quæ circa singula sunt principium est & origo, voluntas, quæ supra vniuersim diximus, ad res singulas accommodare ià oportet. Hanc igitur quæ ad vniuersum bonum est, voluntatis propensione, ad singula ab ipsa accommodati necesse est quoniam verò finis appetitio prima est, & reliquarum appetitionum moderatrix: voluntatis nostræ finis vniuersum illud bonum est, quod reliqua bona omnia complexu suo continet, quodque nunc beatitudinem, nunc verò felicitatem appellamus. quoniam vetò intellectus in huius

quem hic degimus vitæ statu, vbi hæc felicitas & beatitudo nostra collocata sit intueri non potest, & propensio deprauata est, vt postea dicturi sumus, diuersæ propterea & variæ diuersorum hominū de felicitate ac sine vltimo sententiæ fuerunt, atque in aliis alijs rebus, hominis constituunt felicitatem: Cum verus tamen, & omnia in se bona ineffabili modo complectens finis vnicus sit, æternus ille Deus. quare tunc demum rectè homo libero vitur arbitrio, cum vt vniuersum, ita particulare illud bonum propositum habet, quo non modo reliqua bona continentur, sed ipsius etiam boni natura dici debet, atque ad id cunctas suas actiones dirigit. Queret hoc loco à me quispiam, ad liberi ne arbitrij facultatem spectet, vt ab hoc fine qui Deus est desistere quis possit, & aliud quidpiam vltimi finis loco sibi constituere? F Hunc ego scire velim, non esse liberi arbitrij facultati tribuendum, quod à vero quis fine ad alium declinare possit, imò impotentia potius & imbecillitati ascribendum, cum eo ipso à libertate discedens incidat in seruitutem, quod ex his quæ ante dicta sunt intelligi faciliè potest. Expositum iam à nobis est libertatem à voluntatis amplitudine, seruitutem autem ab eiusdem angustias & imbecillitate pendere. An non vides tantum esse voluntatis motum quātus est finis vltimus qui reliquis actionibus moderatur? Si à Deo igitur discesse ris, qui bonum est maxime vniuersum ac generale, quod rerum omnium in se complectitur naturam, atque finem tuum vltimū in re quauis alia collocaueris, relicta amplitudine in angustias te deduces, cū cætera omnia angustiora infinitis partibus sint Deo, atque ita te à libertate transferes in seruitutē, posse itaque à Deo declinare, non facultatis est aut potētiae, quæ admodum ex Philosophorum etiam sententia, nec claudicare aut lædi posse potentia est, sed impotentia magis, neque ad libertatem hoc spectat, cum libertatem eripiat potius, eamque in seruitutem pertrahat. ex his igitur quæ hæcenus dicta sunt, planum iam euasit, quod in hunc vsque locum antea distulimus. quæ nimirum sit, & quo conseruetur modo vera libertas, quæque illius perfectio dicenda sit. qua contra ratione imminui, & in seruitutē redigi tandem possit, conseruetur enim voluntatis libertas, si in boni amplitudine contineatur, neque à Deo ad angustiores alium finem desleat. perfectio autem eius est remota ea, quæ quamuis potentia nominetur, vere tamen imbecillitas est, atque impotentia, non posse ab illa amplitudine declinare. Imminui verò libertatem aliud nihil est quàm ab vniuerso bono, ad particulare aliquod & singulare desistere, in coque finem vltimū collocare. in quo si paulo diutius voluntatem fixam teneas seruam efficis. Redcundi autem facultate priuari & à nō verò sine sese referre non posse, id demū est veram libertatē penitus amittere, & seruam omnino reddere voluntatē. Manet tamen liberum arbitrium, sed in seruitutem redactum. manet enim illa naturalis animi facultas, manet cognitio, & ad bonū vniuersum propensio. quare qui in ea seruitutē constitutus aliquid agit, nō à natura quemadmodū bruta animantia, sed proprio iudicio mouetur. Hæcenus veram ac naturalem voluntatis libertatem, atque eius ex aduerso seruitutem perspeximus. quoniam  
autem

- A** autem hucusque Philosophos egimus,libet paulo vltcrius Philosophorum adhuc more disputâdo progredi,vt rem hanc sanè difficillimam,quàm fieri planissime possit, explicemus. experientia quæ rerum magistra iure vocatur philosophos ipsos veræ quâuis causæ ignaros docuit hominē à primo statim ortu ad malū esse suapte natura pronum,non ob sensus tantū & carnis appetitū, sed ob ipsius etiam volūtatis propensionē. Nā ad superbiam, inuidiam avaritiam, qui spiritales morbi sunt, non corporei esse propensum animaduertunt. vnde Aristoteles sexto Politicorum, ē re esse docet, vt quisque, sit quantavis in Republica nobilitate, amplitudine, & publici muneris autoritate insignis, rerum à se gestarum rationem populo reddat. cuius rei rationē subiicit his ferè verbis. Nam si omnibus quæ libet agendi facultas concedatur, non potest ea quæ innata hominibus est malitia comprimi & coerceri: non vides, quàm expressis verbis eum, qui nobis simul cum natura ingenuus est, defectum ostēdat. Plato verò, & qui eius familiam sequuntur, vt Porphyrius, expiationes etiam nescio quas, vt Diuus Augustinus, auctor est. excogitari, sed hæcenus de voluntate disputatum sit, in qua liberum cōsistit arbitrium, quod ab ipsa postea in sensibilem hominis appetitum deriuatur, quem natura rationis quodammodo participem effecit, cum ad obtemperandū rationi aptum reddiderit, atque hinc etiam libertas hæc manat ad membrorum corporis motus, atque ad cæteras humanas actiones, quæ ætenuis humanæ sunt, quatenus à voluntate proficiuntur. Verum satis iam sit philosophatum. ad catholicę fidei veritatem proprius accedamus, vbi perspicue videbimus, quę philosophi obscura tantum & adumbrata cognitione perceperunt, & veram certamque, quàm ipsi somniarūt, expiationem intelligemus. Diuinis est nobis literis reuelatum hominem qui à Deo rectus procreatus esset, diaboli inuidia impellente in labyrinthos sese inextricabiles coniecisse. neq; vero moris author Deus fuit, sed aditus ei ad hominem paruit per peccatum. Hęc autem in qua primū conditus est homo rectitudo, originalis iustitia fuit, in qua vera est hominis libertas constituta. Voluntas enim non in vniuersum modo bonum propendebat, sed in Deum maxime tanquam in vltimum finem ferebatur, atq; ad eius nutū omnes suas actiones conformabat. Atq; hinc factū est, vt nullis angustiis adstricta, aut certis limitibus occlusa teneretur, sed libere per omnia bonorum genera, totiusq; naturę amplitudinem in summa tranquillitate constituta nulloque impedimēto remorata spatietur. quemadmodum enim res omnes creatę, earumq; bonitas & essentia tota in Deo ineffabili simplicitate sunt vnita, nullam vt naturę vel bonitatis repugnantiam vel contrarietatem admittant, à Deo autem vbi processerint & in res creatas sese diffuderint, quia angustior cuiusque redditur natura, sibi inuicem opponi, & cōtrariis pugnare naturis incipiunt. ita enim res vna ab altera diuisa est, vt plura simul vñiri nequeant, neque idem homo simul & equus esse possit, aut Archāgelus idē & seraphinus, cum verò in maiores deuenietis rerū angustias, tanta oritur contrariarum rerum lis & contentio, vt vna alteram eorumpat, vt in rerum quę sensibus obiecta sunt ortu & interitu cerni potest,

cum tamē in infinita illa diuinæ naturæ amplitudine eadem sint, & omni careant repugnantia. eodem prorsus modo humana voluntas, quandiu vere in Deo solo libere defixa fuit omnis expers repugnantia; summa trāquillitate fruebatur vt recte cecinit regius propheta. pax multa diligentibus legem tuam, & non est illis scandalū. In hac itaque rectitudine & vera libertatē cōdita voluntas est. at cum non eam vim sit consecuta, vt pelli dimouetique à rectitudine ac libertate non posset: sed ea quā supra diximus à bono vniuerso & vltimo fine qui Deus est, ad alia deflectendi, particulariāq; bona sectandi impotentia comitata dæmonis impulsu & promissa felicitate incitata, bono vniuerso quod Deus est relicto, ad particulare se bonū, id est, ad se ipsam sese conuertit, in se suāque gloria & commodis, non in Deo vltimum cōstituens finem, vnde miserum in modū flexa est & pernicioso vulnere sauciata. hinc enim intellectus maxime agens ita obcæcatus est, vt cum ad agendum deuenērit, discursus sui principium à praua propensione voluntatis accipiat. nam ex philosophorū etiam placitis sensitiuæ partis propensio finē in agēdo intellectui constituit, vt paulō pōst plenius attingemus. In illa vero originali iustitia sensitiuus appetitus rationis imperio omnino erat subiectus & creaturarum rerum angustiiis liberatus, magna libertate fruebatur, nec dissimili ratione corpus animæ obtēpetabat. Verū ne à proposita de libero arbitrio disputatione lōgius aberremus, cēteras iustitię originalis cōditiones missas hoc loco faciamus. vt igitur sensitiuus appetitus rationis quasi particeps fuerat effectus: ita cū à Deo voluntas ad se ipsam defecit, appetitus spreto rationis imperio sui iuris esse cēpit atq; hinc innumere cupiditates, innumeri timores, atq; morbi. ex quo etiā factum est, vt cum in primo actionū suarū principio obcæcatus sit intellectus, & in particulari bono vltimū finē collocarit, & lūe dignitatis ignarus, in corpus sese & sensum demerserit, & in corporis naturā degenerarit in corporis voluptatibus assequēdis & fugiendis doloribus finē suum constituerit; atque hæc illa corruptio est, quā christiani, originale peccatum postea nuncupatūt: de quo nihil est sub peccati ratione nobis hoc loco dicendū, aut subtilius perferutandum, sed vt animi tātum ægritudo quædam est, & ad præsentem spectat de libero arbitrio quæstionē. cum hæc igitur humanæ naturæ corruptio atq; ægritudo esset, eamque, vt dictum antea est, philosophi tum natura duce tum experiētia cognouissent, quibus posset remediis ac pharmacis sanari indagarunt. cumque deprauatā propensionem esse animaduertērent, & mutari eam, bonarumque actionum consuetudine dirigi posse crederent: in morali philosophia, atq; in virtutis studio, cuius habitu ad bona inelinamur, desudarunt. Sed cum esset ægritudo hæc in primo humanarum actionum principio, id est, in vltimo fine, à quo voluntas deflecterat, & intellectus quoties ad agendum accedebat, quoniā appetitus propensionē in vltimū finē sequitur obcæcābatur, nec posset ægritudo hæc (quæ admodum nec ij quoque corporis morbi, qui primū vitæ principiū & humorem quē vocant radicalem inficiunt) vlla vel artis vel naturæ curatione tolli: idcirco vehementer philosophi aberrabāt. Quare docet primo Ethicor. Aristoteles



- A *Stoteles* cum non esse satis idoneum philosophiæ moralis auditorem, qui nō ante sit bene educatus, & probis moribus institutus. Cū enim animaduertet ægritudinem hanc quæ primum principiū occupauit, ex iis quæ in nobis natua insunt, sanari non posse; ab extrinseca causa, & bona institutione remedium petere voluit. Tum verò vt apparet, adhuc anceps, nec satis esse iudicans quæ dixisset, dubitare cœpit à fortuna ne, an casu, an cōsuetudine, an diuino aliquo munere felicitas homini contingeret. Affirmatq; siquod à Deo aliud datum munus hominibus est, cōsentaneum esse felicitatem etiā datam esse à Deo. nos tamen multū vel bene agendi consuetudine vel scientia præstare potuisse longeq; melius diuiniúsque futurū, si etiā nos felicitatis nostræ auctores essemus. in sexto verò politicæ ea dicit quæ ante à nobis allata sunt.
- B *Plato* verò multis locis scribit, diuina effici benignitate, vt quis bonus euadat. Qui verò cōsecuti sunt Platonici, vt de *Porphyrio* dictū est, cum ulterius progredierentur lōge turpius errarunt. affirmarūt enim eius generis expiationē hominibus esse necessariā, quam *Porphyrius* angelis boniſue dēmonibus ascribit. Iam ni fallor perspicue intelligis quo nos natura, & tū naturalis, tum moralis philosophia perducatur, non inanis illa quā *D. Paulus* statutos prætergressam tetminos, & cōtra præscriptas ab auctore suo leges superbe exultantem respuit, sed quæ suis cōtenta finibus diuina opera contēplatur. Nam hæc quasi ad veri nos cognitionem inducit, accedente enim diuino lumine, & splendore fidei, qua verum perfectē intelligimus, hoc nobis defuisse statim confitemur, cuius obscuram quandam, & adumbratā cognitionem philosophia nobis antea ingenerauerat. sed ad catholicā veritatem redeamus, ex qua planum est externo nos neque alio quā diuino egere auxilio, vt ab hac quæ supapte natura curari minime potest, ægritudine liberemur. solus enim Deus est qui secretos mentis nostræ recessus perscrutari potest, internāq; spiritus sancti, quem infundit, agitatione mutatam volūtatis nostræ propensionem, ad se ipsum conuertit, eatenus itaque expiatione indigemus, quatenus peccatum hoc culpæ rationem habet. ad eam autem purgationis gratiā per Christum, & quæ in Christi sanguine est, fidē charitatē formatā peruenitur. Atq; ita fide & Sacramentis ab ægritudine ista liberati, Deum nobis, nō ipsos nos vltimum finem proponimus, carnis concupiscentiis, & lubrica appetitus infirmitate conculcata. manent tamen in nobis quædā huius ægritudinis quasi reliquiæ, quandiu peccatorum immunditiis obnoxij corporis huius carceribus detinemur. Hæc est quam Ecclesia nobis catholica præscibit de arbitrij libertate sententia, ad quam parum abest, quin nos naturale lumen adducat. Atq; hæc tibi hæc de re difficillima scripsisse satis. in qua vereor ne plus æquo fuerim molestus, sed obsequendi studium efficit, vt longius sæpiſſime tranſuehamur, estque in imperantem potius quā in obtemperantē culpa transferenda. Quæ verò à me hoc loco disputata sunt, tuo atque adeo cuiusuis iudicio subiecta esse volo, qui acutius de his & rectius sentite videatur. Bene vale mēque semper tuis precibus apud Deum adiua.
- C
- D



## DE PRAEDESTINATIONE.



**I**NCREDIBILI me dolore affecerunt literæ tuæ, ex quibus patriæ tuæ, ciuitatis, multis nominibus mihi charissimæ, perturbationem intellexi. Atque eò maiorem cōcepi animo dolorem, quòd non de terrenis & caducis; sed de iis agi bonis animaduerti, quibus omnis nostra felicitas continetur. Crescit verò & augetur magis ac magis meus iste mœror, quòd ex optima causa tam grauem morbum erupisse videā; quodque tartarei hostis fraude factum esse sciam, ne illud in ea ciuitate frumentum nasceretur, cuius causa semen istud à Christo est institutū: sed infelix illud lolium pullularet, quod humani generis hostis opera, bonum etiam semē corrumpit. Itaque ardentissimo animi zelo ex concepto dolore proficiscente inflammatus, variis licet distractus occupationibus, temperare mihi non potui, quin arrepto calamo de hac difficillima quæstione, ea scribere conarer, quæ benignissimus Deus spiritus sui gratia suggerere dignaretur: non minima spes, fore, vt per me quædam proponeret, quæ nec aliena ab immensâ diuinæ maiestatis amplitudine, nec nobis ipsis essent inutilia futura. Atque vt ab imis quasi fundamentis rem hanc ordiamur, Animaduertere nos oportet, in duas iam sectas Christi Ecclesiam dæmonis astutia esse dissectam, quæ suum potius quàm Christi negotium agentes, ac priuatæ magis gloriæ, quàm Dei honori ac proximorum vilitati studentes, pertinaci dissidentiū opinionum defensione, incautos & imperitos homines in præcipitium deducunt. Alij enim catholicæ sese religionis titulo venditantes, & Lutheranorum aduersarios iactitantes, dum arbitrij libertatem nimium astruere conantur, Christi se gratiæ plurimum detrahare non intelligunt: & nimio Lutheranos oppugnandi studio, maximis Ecclesiæ Christianæ luminibus, primisque catholicæ veritatis doctoribus aduersantur, in Pelagij hæresim plus æquo declinantes. Alij contrà, vbi in D. Augustini scriptis nonnihil versati, sanctissimique illius viri verbis tincti fuerint, ab eius tamen animi modestia, atque in Deum amore longè alieni; difficilima è suggestio, & quæstionum labyrinthis intricatissima dogmata populo proponunt, quæ neque ipsi intelligunt, nec sine paradoxis explicare possunt. quo fit vt ex optimo semine, illorū superbia, & populi imperitia concepto non frumentum, sed

*Infelix*

**A** *Infelix lolium & sterile nascuntur auena.*

sed de his postea fufius.

Ve autē quæ ex primis planiora fiant, notandū diligēter est, & philosophorū, & Christianorū theologorū sententia, infinitam, simplicissimā, maximēque vnā bonitatem, maiestatemq; diuinā, omnia sua amplitudine causarum generā, naturāque completi. Earum autem nōnullæ contingentes sunt, necessariæ verò aliæ, atque aliæ arbitrij libertate præditæ, expertes aliæ, nōnullæ fortuitæ, quæ casu, non vlla certa naturæ lege, effectū consequuntur. Hæc inquam causarum genera à prima illa causā comprehenduntur, ab eaque reguntur omnia; cum illa tamē nullo earum genere contineatur, sed vna atque simplicissima efficiendi vi, quā cæteris præstat, illas omnes produxit, dirigit,

**B** continetque causas, quæ certis (vt diximus) naturæ alicuius terminis concluduntur. Id verò regni nobis exemplo, perspicuum esse facile potest: in quo alij iudices sunt, alij vœtigalium & ararij publici quæstores, alij equitum peditūve duces: his tamē omnibus certis regni muneribus præfectis, vnus rex præest: qui cū neque prætor ipse sit, neque quæstor, neque dux, vnica tamē regali potestate, illos omnes, certis quibusdam regni muneribus destinatos, constituit, & regit; neque illorum cuiquam ab hac simplici regis potestatis amplitudine discedere vllō pacto licet. Hinc statuunt philosophi, christiani-que doctores, omnes efficiētium, inferiorūque causarum actiones, quod actionis habent, nō defectus, id à Deo vt prima earum efficiēte causā accipere. Secundas verò & certis quasi limitibus circumscriptas causas, quasi Dei

**C** quædam instrumenta esse; qui eas (vt dictum est) simplici sua, & vnica, nullis-que definita terminis actione producit: à quo effecta quoque omnia, ita vt illorum postular natura, per inferiores causas, huiusmodi effectis accommodatas, tanquā per instrumēta producuntur. Quamobrem necessaria effecta, per necessaria etiā causas, simplex illa causā, qui Deus est, efficit, ac necessitudo: contingētia verò per contingentes: libera per liberas; fortuita verò per incertas, nulliusque naturæ legibus terminatas. Ipse verò naturis his omnibus longē præstat, eiūsque efficiendi ratio, suapte natura, res omnes longo superat intervallo, neque nostra capi intelligentia potest: cui ea tantum percipere datum est, quæ ad certam sunt speciem redacta. Quo fit vt nec diuinæ causæ amplitudinem angustius suis comprehendere queat, neque quidquam

**D** de ea aliud scire, quā eiūsmodi eam esse, quam comprehendere ipsa non possit. His autem quæ de diuina efficiendi vi, causarum omnium; in cunctis earum actionibus principe, dicta sunt, addi hoc etiam debet: diuinam bonitatem, in earum quæ toto vniuerso continētur, productione rerum; quibusdā fines illarum naturis congruentes præscripsisse, atque instrumēta etiam largiri esse, quibus naturalitē ad præscriptos sibi fines peruenire possint, neque id tantum sine vi & efficacia à prima causā profluēte, vt suprà est à nobis expositum. Aliis verò rebus concessit præter naturales illarum fines, vt ad quozundā bonorum fines, illarum naturam excedentes, extolli possent: vt in aëre, & in aqua cerni potest: quæ præter aëris & aquæ formam, atque operationem; illam etiam qualitatem habent, per quam transparentia, & luminis

capacia efficiuntur : quod tamen lumen, cūm portio quædam sit lucis, quæ  
 cœlestium corporum qualitas est, illarum naturis longe præstat. auium etiā  
 nonnullis, vis ea data est à natura; qua hominum verba & addiscere possunt, &  
 firmare. eos vero, canes, atque elephantes ita ad nutritionem capessendam  
 natos videmus, vt multa admiratione digna efficiant. Hi vero fines & elemē-  
 torum, & animalium naturas longè superant : sed à Deo ita efformata sunt,  
 vt ad fines, eorum naturis superiores perducere possint. Atque hæc quidem suis  
 viribus, nec ad supetiores illos fines peruenire, nec etiā eò sua sponte moue-  
 ri possent: sed præter communē illam vim à prima causā diffuētē; particu-  
 lari etiā quadam externæ causæ actione opus habent: vt aër & aqua splen-  
 detis alicuius corporis præsentia. aues autem, canes, equi, atque id genus alia  
 hominibus egent, à quibus edoceantur. Duobus autem his principiis ira cō-  
 stitutis, terrium addamus : rerum nempe creaturarum naturas, interdum inte-  
 gras, benèque constitutas esse; interdum verò ægras, & aduersæ valetudini  
 obnoxias : ab integra incorruptâque natura, integræ atque incorruptæ, illa-  
 rumque naturæ accommodatæ actiones manant; ex corrupta verò & ægra,  
 actiones etiā corruptæ atque infectæ proficiscuntur. quod tum inductione  
 patet, tum etiā rationibus planissimum vīs est, qui ægritudinis ac sanitatis  
 vim probè intelligūt. Verum non molestum tibi sit si iis, quæ de diuinæ cau-  
 sæ efficiendi ratione diximus, pauca quædam adiiciam. Illud ergo sciendum,  
 Deum opt. max. primum rerum omnium principium, quemadmodum sim-  
 plici & vnica actione, quæ cum ipsius substantia eadē est, (si tamen substan-  
 tiam appellare licet,) omnes effectus producit: ita nullo etiā tempore, aut  
 temporis parte aliqua, actionem eius contineri : sed omne tempus excedere,  
 non quod tempore prior, aut posterior dici debeat, vt vel illum, quo natus  
 Christus est, annum, hunc annum præcedere, vel eum, quo venturus est Anti-  
 christus, annum hunc subsequi, eoque posteriorem esse dicimus, in quam lo-  
 quendi atque intelligendi rationē, intellectus nostri imbecillitas nos inducit.  
 nam eius operatio, quia cum imaginandi facultate cōiuncta & copulata est,  
 difficilē à tempore, & continua quātitate abducitur: sed omni tempore supe-  
 rior actio Dei, omne tempus excedit; atq; omnis expers vicissitudinis, omnes  
 in se rerum vicissitudines cōprehendit. neq; aut fuisse, aut futura dici potest,  
 sed vt in Timæo scripsit Plato, esse tātum. neque verò diuinū illud, est, nostro  
 præsentī rēpori simile iudicari debet, de quo esse fuisse, & futurū esse affirma-  
 mus. Verū vt in libro super Gen. ad literā D. Augustinus testatur, Diuinitas  
 rebus omnibus & antiquior est & iunior. atque antiquior quidem, nō quod  
 fuerit: sed quia est ante res omnes. iunior verò, quia est, non erit post res om-  
 nes, & post extremum vltimi iudicij diem. Hac via & quasi methodo, eam,  
 qua Deus in operando vtitur rationem explicabimus: quam tām, adeoque  
 amplam esse certo scimus, vt quantumcunque intellectus nostri aciem intē-  
 damus, atque à rerum inferiorum naturis abducamus; quæcunque tamen de  
 ea, mente concepimus, infinitis partibus angustiora, humiliora, magisque cō-  
 posita sunt, quàm ea in seipsa sit: cum omnem, quæ sub intellectu cadere po-  
 rest

- A** test naturam, longo illa superet intervallo. His ita constitutis, quæ ab iis intelligi necesse est, qui hanc quæstionem aggrediuntur, ad gratiam modo, prædestinationem, atque ad arbitrij libertatem veniamus. Produxit Deus hominẽ omni naturalium rerum perfectione absolutũ, cui præter diuinam gratiam, eam quoque largitus est iustitiam, quæ originalis appellari vulgò solet, cuius beneficio, vt Deo voluntas, ita inferiores animi facultates, omni procul repugnantia, rationis imperio subiectæ obtemperabant: neque rariũ eorum, quæ naturæ humanæ debetur bonorum cumulo, & naturali voluti felicitate, perfecit, sed etiam diuinæ felicitatis, quæ humanæ naturæ vim immenso superat intervallo, capacem effecit, quæ etiam conditione procreati sunt angeli & naturæ omnes intellectuales. Iam suprà à nobis explicatum est, diuinam bonitatem, cum rerum à se factarum naturas, quantum fieri potest, vellet extolles, earum nonnullis potestatem fecisse, quæ ad fines propria natura longe superiores, peruenire possent: quemadmodum aërem luminis capacem effecit. item & quidem homini gratiam, quæ diuinæ naturæ participatio quædã est, largitus iam fuerat, quo quasi iactò semine, ad diuinæ felicitatis communionem paulatim deduci posset. Homo itaque ita perfectus à Deo, atque absolutus, humani generis hostis fraudibus, in superbiam elatus, præscriptam sibi à Deo legem violauit, & virium potius suarum confidentia, quàm debita demissi animi obedientia, bonorum malorumque cognitionem adipisci, creatorique suo similis effici voluit. Quæ quidem arrogantia factum est, vt diuina gratia, & originali iustitia priuatus, carnis continuò copra rationis imperium rebellionem, experiri cœperit, vt obcæcata sit hebeti & ignauo mentis cognitio, debilitatus atq; exhaustus animi vigor, vt aduersos propulsare impetus non possit, quin & voluntas quoque à Deo, qui summum bonum est, alienata, & ad se, suamque dignitatem conuersa, ægritudine quandam contraxit, quæ à Deo auersus in improbo sui ipsius amore sit, qui omniũ illi malorum radix extitit, & origo: vnde voluntatis illa ad male agendum propensio remansit, cunctis diuinæ literæ, & ipse in Politicis Aristoteles sæpe meminit, & in se quisque experientia satis dignoscit. Quoniam verò Deus, vt dictũ est ante, in simplici illa sua vnitatem, quæ eadem, & ipsius operatio est, res inferiores omnes quamuis multiplices, admodumque varias regit, easque ad earum naturis accommodatos fines, perducit; suæque impulsus bonitate, humanam quoque naturam voluit, à deprauata, in quam incideret, ægritudine liberare: neque ad accommodatum modo illi finem, sed ad illum etiam qui humanam naturam longe superat, & in diuinæ felicitatis communicatione consistit, reuocare: cumque homo naturaliter præditus esset arbitrij libertate & voluntate, quæ non externi tantũ motoris, sed interna quoque sui ipsius vi cietur, eam, quam habet rerum cognitionem sequuta: nec suis viribus, etiã in naturali integritate constitutus, ad eum qui naturæ suæ vim superat, finem extolli posset: illa fuit ad hoc præstandum ratio necessaria, de qua postea dicemus, nempe vt naturæ propensionem, hoc est voluntatem, ipse naturæ auctor interiore motu impelleret: cum præferim ad naturæ ipsius imbecillita-

tem, ægritudo quoque accessisset, ex Adami superbia cōtracta; & in omnem eius posteritatem propagata; ex qua natus est error quidam voluntatis in ultimo fine constituendo. Nāque à Deo ad seipsam conuersa, non ad eum tantum finem qui eius naturam superat non excitari; sed ne ad eum quidem, qui naturalis illi est suis viribus reduci vlla ratione potuisset. Id verò præterquā quod sacrarum literarum testimoniis confirmatur, naturalibus etiam rationibus demonstrari potest. Etenim defectus errorésque omnes, siue ægritudines appellare velis, quæ primum actionum principium non inficiunt, illius principij integritate corrigi curarique possunt. vt, si quis artis alicuius principijs optime instructus, in eius aliqua cōclusionē falleretur, per se principiorum præsidio, & mentis suæ cogitatione sese ab illo cōclusionis errore liberare posset: si vero in artis alicuius principijs labatur, nec superiora, ad quæ confugere possit, principia suppetant, fieri non potest, vt per se ab illo errore vnquam liberetur. quod idem in corporis tum sanitate, tum morbo, quoties humor (quem radicalem appellant) inficitur, vsu venire solet. & vt breuiter dicam, aliarū quoque rerum omnium consimilem rationē esse videmus. Cum igitur voluntas ægrotaret, atque ab ea propensione aberrasset, quæ in finem vltimum, qui cæteris omnibus operationibus moderatur, ferri debet; humanis viribus ægritudo ista curari non potuit. Neque verò satis erat finem cognouisse: cum propensio ad finem, ex innata quadam erga finem affectione, & insita animis nostris affinitate potius dependeat, quam ex eius cognitione: quin etiam rerum quoque agendarum cognitio, ex appetitus ac voluntatis propensione proficitur. Quocirca dixit Aristoteles eum non satis idoneum esse moralis philosophiæ auditorem, qui non sit antè bene educatus, & probis moribus institutus. Neque verò naturalem liberi arbitrij facultatem perdidisse dici debemus, ob hanc improbitatis ægritudinem, & volūtatis in malum propensionem: corruptam tamen negare non possumus. Libero namque arbitrio agere censetur is, qui non alieno impulsu, sed suo ipsius iudicio operatur. Ac licet vni tantum fini, hoc est soli bono, quemadmodum angeli, beatique omnes addictam & infixam voluntatem habeant; non ideo tamen arbitrij libertate præditos esse angelos negandum est, etiam si à bono deflectere, à Deoque recedere nequeant: quin potius perfectissimum, liberrimumque arbitrium habent, quippe qui proprio iudicio ac propensione ad agendum impelluntur. Eodem plane pacto & qui damnati sunt, in malo fixam voluntatem habent & destinata, eadēque de causa arbitrij sunt libertate præditi, licet corrupta & deprauata. Vtique verò finibus suis, siue bono, siue malo constitutis libetum arbitrium habent: cum ex multis ac variis finem consequēdi rationibus quā probet quisque, eam maximè consecutur. Homo igitur hac originalis culpæ ægritudine corruptus, & à Deo ad seipsum, atque idcirco etiam ad malum conuersus, liberum quidem habebat arbitrium, sed ægrum tamen, corruptum atque imbecillum. Quocirca, vt antè dictum est, non modo ad eum, qui eius naturam superat, viribus suis sese extollere non poterat, sed ne in naturali quidem fine consistere. Quare cum clementissimus ille pa-

- A**rens misero homini opem afferre, eumque ratione aliqua naturæ ipsius accommodata altius extollere constituisset: necesse fuit, ut in suæ illum ægritudinis cognitionem primum induceret: quo medium sibi quæreret, & illius imperio subiectus curaretur. Cum verò summe arrogans, suique amore captus homo esset, suæ ægritudinem facilius cognoscere non potuit, quàm si sui iuris factus, sua ipse se sapientia atque arrogantia gubernaret. Ita enim in idololatriam incidit, animalibus omnibus, arboribus, & se inferioribus seipso creaturis diuinum exhibuit honorem, atque in impia & nefaria scelera lapsus est. Deus itaque cum suam vellet homini insipientiam ostendere, qui cum seipsum regeret, suoque viveret arbitratu insanisset, & in omnium mētibus insculptam
- B** à Deo naturæ legem deleuisset, scriptam illi legem tradidit: non quod eam posset homo suis tantum nixus viribus obseruare, sed ut hinc propositam sibi ob oculos vitæ regulam cernens, illinc actiones suas legi contrarias animaduertens, in peccati sui, & ægritudinis cognitionem inductus, ad medium sese conferret, & suarum virium abiecta confidentia, animum submitteret, & in Deo opt. max. spem omnem collocaret: cui per Christum vnicū & verum inter Deum & homines mediatorē terrestri Adamo mortuus, à quo secundum carnem est propagatus, in nouo illo cœlestique Adamo spiritali generatione nasceretur: atque in Christo renatus, cœlestem ac spiritalē vitam viuere inciperet, terræna penitus repudiata: eaque præstaret opera, quibus (quatenus ex diuini spiritus per Christum animis nostris inserta gratia manant) sempiternam felicitatem mereretur. Et quoniam dum hic viuimus principiū quoddam habemus, & quasi semen cœlestis vitæ, ex spiritali, quo in Christo nascimur ortu, & spiritus sancti gratia animis nostris à Deo infusa: manet nihilominus maxima illius corruptionis portio, quæ ex peccato contracta est, in inferioribus animi partibus, in appetitu inquam sensituo; manent in voluntate prauitatis reliquæ, & in intellectu obcœcatio, neque omni prorsus morbo caremus, sed conualescimus potius, confugiendum sæpe nobis ad medicum est, multa spiritalia pharmaca sumenda, confirmanda in dies valetudo, debilitanda ægritudo, quo integram tandem ac perfectam in cœlesti vita valetudinem consequamur. Hæc in Christiana Ecclesia recepta doctrina est: hoc est verè Christianum esse, suam imbecillitatem probè nosse, & ad Christum per fidem cōfugere, in eoque spem omnem collocare, propria diffisum imbecillitate: atque ad hoc impellendi christiani sunt, hoc præcipue edocendi. Hæc doctrina plenæ sunt D. Pauli Epistolæ, plena Euangelia, plenæ sacræ omnes literæ. Non liberum nostrum arbitrium, quod ægrum infirmumque est, atque in peccati seruitutem redactum, non nostra ipsorum opera; sed solus qui potest Christus, arbitrium ex hac eripit seruitute. Nam in Euangelio ipse Christus ait, Qui fecit peccatum seruus est peccati: quod si filius vos liberauerit, verè liberi eritis. At verò ut ad id quod initio propositum à nobis est, veniamus. Quoniam qui Lutherum sequuti sunt, arrogantia nescio quæ, & superbia impulsu paradoxis quibuldam propositionibus, arbitrium nostrum non liberum, sed seruituti obnoxium esse affirmarunt, eaque esse à Deo præ-



cepta, quæ seruari à nobis non possunt, aliâque huiusmodi, quæ veram, quam E  
 exposuimus paulo ante doctrinam fallaciter imitantur: exorti quidam sunt,  
 qui se Lutheranorû hostes atque aduersarios, catholicæq; veritatis patronos  
 esse profitentur, qui statim atque de humanæ naturæ imbecillitate, de arbitrij  
 ægitudine, de gratia, de fide, qua erga Christum affici debemus, verba apud  
 populum fieri audiunt, Lutheranorum doctrinam esse clamant, & cum per-  
 tinaciter arbitrij libertatem asserere volunt, hominem paulatim extollit, di-  
 uinam gratiam deprimunt, ipsi ex catholicis Pelagianos sese faciunt, & ne  
 quod in christiana religione caput & radix est propagetur, & latius diffun-  
 datur impediunt: imperitam verò multitudinē multis modis offendunt, mul-  
 tarumque seditionum ac dissensionum telas ordiuntur.

De priori quæstionis huius parte hætenus dictū sit, quæ ad eos pertinet,  
 qui superbia inflati, rerumque omnium ignari, dum se Lutheranorum hostes  
 profitentur, catholicos se dici volunt, cum Pelagiani potius quàm catholici  
 dici debeant. Ad eos nunc venio, qui vbi aliquod D. Augustini opus perle-  
 gerint, vt ea quæ ceteros latent sibi cognita esse demonstrent, multitudinem  
 multis ineptiis circunueniunt, eaque docent, quæ nec ipsa capere possit, nec  
 ipsi fortè probè intellexerint: atque ita optimā illam docendi multitudinem,  
 populisq; concionandi consuetudinem, in turpissimum abusum, atque in  
 summam insaniam conuerunt, vt, diuina fauente gratia, luce clarius perspe-  
 cturum te confido. Quod vt facilius intelligatur, à primis rei radicibus exor-  
 diar. D. igitur Pauli ætate, cum à Iudæis fere repudiata, inter Gentiles propa-  
 gari christiana religio cœpit, cœpit & humani generis aduersarius varia quo-  
 que zizania suo more disseminare, ex eo superbiæ semine occasione sumpta;  
 quod in hominum animis primum consequutum est peccatum, quod per  
 carnis originem, in omnem est humani generis propagationem derivatum.  
 Ac gentiles quidem ob excellenrem, qua floruerunt, philosophiæ cognitionē  
 Iudæorumque tum alia multa, tum maximè in Christum nefaria facta, diui-  
 ni huius iudicij rationem explicare primum voluerunt: quasi gentes Deus ad  
 se vocasse, Iudæos autem repulisse videretur, aut illorum meritis, aut horum  
 flagitiis prouocatus. Ex aduerso Iudæi, illi inquam qui Christo nomen de-  
 derant, suo ipsorum amore impulsī, & nimio in tuenda populi Hebræi di-  
 gnitate ardore abducti, gentibus insultabant, genūque suum summis lau-  
 dibus extollebant, ranquam Deo præcipuè earum: cui nimirum lex data,  
 missi Prophetæ, multaque summæ benevolentix signa demonstrata es-  
 sent: cum omnes, vt sacrarum literarum verbis utar, promissiones atque  
 fœdeta cum Hebræorum natione inita fuissent, quippe quæ Abrahæ semen  
 esset, atque ab Israël manaret, cui semper in diuinis literis promissiones  
 factæ dicuntur. Quin & hæ quoque promissiones nonnullos postea offen-  
 derunt, cum suis Deus pollicitis minime stetisse videretur. atque ita pau-  
 latim Deum non modo tacite, verum etiam palam atque aperte, fraudu-  
 lenter atque impie minime veracem, minimèque constantem vocitare  
 cœperunt. Ac huiusmodi quidem seditiones Romæ præcipue ortæ sunt,  
H  
 qua in

- A** qua in vrbe plurimi fuerunt diuites Iudæi; Gentiles quoque multi ad christianam conuersi religionem; vtrique verò Romani nominis splendore ac dignitate arrogantes. Tum D. Paulus, qui quasi vas quoddam quo Christi nomen & gratia toto diffunderetur orbe delectus à Deo fuerat, christiani nominis amore inflammatus, eaque occasione inuitatus, pulcherrimam & difficillimam, quæ ad Romanos est, Epistolam scripsit: in qua propositum illi est, vtriusque gentis superbiam comprimere, suam ipsorum illis imbecillitatem ob oculos ponere, & quod ante dictum à nobis est, probare. non nostris nos meritis, cum merita in nobis nulla, peccata verò quamplurima sint; sed diuinæ tantum bonitatis, ac misericordiæ beneficio, per nouam quæ in Christo facta est spiritus generationem, diuinam nos gratiam esse consecutos: & ad Dei iussa obseruanda, & bene beatæque viuendum, neque naturalem legem, neque philosophiæ moralis cognitionem, neque ipsa etiam Mosaicæ præscripta quidquam prodesse: cum hæc alioqui suapte natura bona, nobis ob naturæ corruptionem noceant, & violata lege maiori peccati obnoxios reddant: atque hoc vnum nobis præstitisse legem, vt in peccati cognitionem veniamus, quò nostræ nobis conscij ægritudinis, quam sæpe D. Paulus peccatū appellat, ad medicum, hoc est ad Christū per fidem confugiamus. Hanc cum Epistolæ initio copiosissime doctrinam tradidisset D. Paulus: nono deinde capite quod Hebræos multos, qui à Christi gratia, & salutari vita discessissent, multis offendiculo esse animaduerteter, quibus Deus quod promississet minimè præstitisse videretur: vellētque Hebræorum compescere arrogantiam qui uitam nobilitatem iactabāt, eiusque nomine obstrictum sibi Deum iudicabant, vt & benigne illis prouideret; & ad sempiternam quoque salutem perduceret: hæc inquam cum Paulus animaduerteter, instituta præfatione immensi quo populum illum complectebatur amoris, quem tantū esse proficitur, vt vel suo ipsius anathemate ipsum saluare desideret, quod in maiore diuinæ bonitatis gloriam, & honorem vniuersæ illius gentis, quā suam ipsius salutem redundare arbitraretur. hæc inquam præfatus statim ad eorum se calumnias dissoluendas conuertit, qui Deum quasi mēdacem, aut certe ad promissa sua exequenda infirmum accusabant. Ac primum quidem eorum errorem redarguit, qui iis tantum qui ab Abrahamo atque Israël secundum carnem originem ducerent, diuinas promissiones factas esse arbitratētur, iisque factas esse docet, qui à patriarchis illis spiritali essent generatione propagati, atque Abrahami fidem imitarentur, siue Hebræi illi fuissent, siue gentiles: atque his quod Deus promississet, fixum esse ac stabile, cum & verissimus Deus sit, & quæ promisit omnia infinita sua potentia præstare queat. Deinde verò D. Paulus quo promissionis firmitatem patefaceret, coactus est rerum humanarum circulum transcendere, in quo & humanarum actionum causæ, atque ipsæ etiam actiones, earumque fines contingentes sunt, atque à contingentibus pendēt causis, à nobis videlicet, qui nonnulla necessitate operamur, sed liberè & contingenter, rerum & conciliorum mutationi subiecti: & multa quoque frequenter interueniunt, quæ omnem ex rebus humanis stabilita

tem adimunt, & constantiam. Harum inquam rerum ambitum D. Paulus transcendere coactus est, & maxima, ut videbimus, reuerentia, ad diuinum illum simplicissimum, omniq[ue] fine carentem circulum sese conuertere, qui ut initio dictum est, nulli peculiari causarum naturæ, aut efficiendi rationi addictus est; sed vnica & simplicissima operatione, quæ ipsius eadem diuinitas est, omnes complectitur causas inferiores, earumq[ue] vim naturamq[ue] conseruat, neque vlla in hoc orbe vicissitudo, neque fuit, neque erat, sed est tantum simplicissimum reperitur, quod omne tamen præteritum futurumq[ue] tempus continet, & diuturnitate sua infinito spatio excedit. Idcirco in hoc diuino orbe neque indefinita est vllius effecti, etiam contingentis scientia, ut apud homines, neque voluntas, quæ prima est omnium effectuum contingentium causa, (defectus semper excipio) vel indefinita est vel inconstans, sed certissima semper & constantissima. Proinde D. Paulo ut Deum & veracem esse, & quæ promississet reddere posse probaret; ex hoc nostro qui facile mutatur, ad diuinum illum orbem conscendere necesse fuit: atque ita subiungit firmissimas esse promissiones, Deumq[ue] iis quos elegit, & ad Abrahami hereditatem ac benedictionem destinauit, non propter carnis affinitatem, aut quæ diuinam gratiam præcesserint merita, sed sua tantum bonitate inductum, quod promissit præstare contendit. Duo itaque simul conficit. primum enim contra eorum opinionem, qui & instabile Deum, & imbecillio rem esse affirmabāt, quàm ut promissa sua adimplere posset, diuinarum promissionum firmitatem ostendit: hominis deinde comprimit superbiam, qua ille inflatus quidquid in nobis esse cogitaret, quod æternam illam electionem, & diuinam gratiam antecederet: ut hac vana mentis commentatione deturbati, magis, magisque in diuino nos conspectu submitteremus; & ne tantæ bonitatis, atque immensi erga nos beneficii immemores aliquando videremur, summo studio cauermus. Quoniam verò his auditis homo arrogantia elatus, (cum tamen tantæ diuini huius orbis amplitudinem, atque admirabilem simplicitatem capere non possit) præfracta statim temeritate percontari potuisset, cur hunc potius Deus, quàm illum ad æternam vitam destinaret; Paulus diuini numinis ardore inflammatus, in hanc contra superbiam, & intolerandam arrogantiam insurgit, eamq[ue] iusta reprehensione compescens, Tu (inquit) quis es, qui respondeas deo? An non habet potestatem figulus, &c. & paululum postea delapsus, ad rerum humanarum orbem, atque ad eam etiam rationem, qua vitam nostram, operationes, & eas qui consequuntur effectus, vel inuitis etiam nobis, institui necesse est: in fidei nos viam inducit, non in operum nostrorum superbiam, aut legis cognitionem. Ex quo manifestè nobis ostendit, quæ causa Hebræorum populo extitit tantæ ruinæ, qui contempta Christi fide, cum operibus suis, & legis obseruatione niti voluissent; gentibus animum præbuerunt, ut eorum æmulatione fidem complecterentur. & Iudæos pari modo docet, gentium tandem exemplo prouocatos, fidei Euangelicæ ceruicem submissuros. Denique eorum quæ ingenio humano obuia sunt, ambitum transiliens, & ad rerum diuinarum orbem sese conuertens, non arroganter & stupidè,

- A** pidè, ut hi solent, qui imperitæ atque insaniæti multitudini doctrinæ opinione imponunt, sed magna animi reuerentia exclamat, O altitudo diuitiarum sapientiæ Dei! quàm incomprehensibilia sunt iudicia eius, & quàm inuestigabiles viæ eius! Scribit vero insignis gentium doctoris insignis discipulus, Dionysius in celesti sua hierarchia, adducto illo Esaiæ testimonio, ubi deum se vidisse dicit sedentem super thronum; & post pauca verba seraphinos duos senas alas singulos habentes, quarum binis obuelabant facies suas; docet inquam vir ille sanctissimus, alis vultum obtegere aliud nihil esse, quàm summum illum primæ hierarchiæ ordinem, in ea præcellentia, qua ineffabili ratione diuinam intelligit naturam, maximam exhibere reuerentiã, eaque contentum præstantia, quam deus illi largitus est, aliud præterea nihil scire velle: eoque propterea habitu, atque obuoluta facie prophetæ apparuisse, & insuistam dei naturam admirantes cecinisse, Sanctus, Sanctus, Sanctus, Dominus Deus sebaoth, pleni sunt cœli & terra, &c. videmus itaque seraphinos, quid in diuinum orbem conuersi agant: videmus item inter homines D. Paulum in similem admirationem prorumpens exclamet, O altitudo diuitiarum scientiæ Dei, &c. Nos verò miseri vermes, atque in nobis maximè imperiti, eò prorumpunt audaciæ, aut insaniæ potius, ut scrutari velint, & causam inuestigare qua Deus certissima & scientia & voluntate res omnes disponit secundum eam, quæ vniuscuiusque naturæ attributa est rationem: in quibus causarum effectorumque contingentium orbis est, cuius ambitu humanæ quoque actiones continentur. O miseros homines, & communi naturæ sensu carentes! At longe est quod colligunt acutius & subtilius. voluptatibus enim, iniquiunt, indulgeamus, quippe prædestinati cum iam simus, salutem omnino consequamur necesse est. audierunt enim ex suis doctoribus, delectari etiam deum prædestinatorum peccatis: sin autem (aiunt) reprobi sumus, quid in bene beatèque viuendo laboramus, cum bona quoque reproborum opera deum offendant? Verùm antequam horum tibi stultitiam quanta sit explicco, & manibus veluti atrectandam exhibeo: legit fortasse imperitorum hoc hominum genus ex D. Augustini scriptis nonnulla, quæ non sano hausta sensu, superbiæ illis ansam præbuerunt: quo fit, ut hisce paradoxis suam præ aliis scientiam ostētare velint. Fuit igitur Augustini & Hieronymi ætate vir quidam cui Pelagio nomen erat, vita & moribus, quantum intelligi potest, minime improbis, hic cum magnum sibi apud omnes honestæ vitæ opinionem conciliaisset, ea est dæmonis fraude deceptus, quæ ut illi consueta, ita & nobis vehementer periculosa, ac iis præsertim perniciosa est, quorum vita insigni probitate relucet. Sua nāque ipsius bonitate plus æquo delectatus, cœpit humanæ naturæ plurimum tribuere, & arbitrij libertatem supra quàm par erat efferre: nōsque ea quam à deo accepimus, arbitrij libertate, omnes virtutis partes absolvere, legique per nos parere posse affirmavit. hinc originale peccatum inficiatus, non dubitauit asserere, bonum Christianum posse se à minimis etiam peccatis immunem perpetuo conseruare: quòd peccatum volūtarium diceret, & arbitrium nostrum in nostra situm potestate. Diuinam ve-

rò gratiam se minime negare, sed prædicare potius ac promulgare prætendebat. Etenim diuino nobis munere hanc concessam naturam esse dicebat, ut quidquid liberet, id agere possemus, quare & bene agere nos nostra omnino sponte posse. Addebat etiam ea quæ in Euangelii scripta sunt, atque etiam humilitatis, & charitatis Christi exemplum, viam nobis ad recte agendum manifestè monstrasse. Hæc Pelagij religionis zelo ardētissimi Hieronymus & Augustinus multa scripserunt. Sed Hieronymum hoc loco prætermitto, de Augustino tantum loquor, qui plura multo, quam Hieronymus in Pelagianos scripta reliquit, atque ab his egregiis Euangelij concionatoribus frequenter est lectitatus. D. igitur Augustinus, cum animaduertetet, hæc quæ à Pelagio profecta est doctrinam, in eam Christianos inducere sententiam, quæ longè est à proposito nobis sine aliena, atque eiusmodi esse, quæ plurimum Christi gratiæ, cuius beneficio peccati curatur egritudo, derogaret, atque eas denique, quæ ex peccato originis in nobis remanserunt, superbix radices foueret: multa scripsit, quibus Pelagianorum heresim opprimeret, & apertissimis sacrarum literarum testimoniis demonstraret, tum originale peccatum, tum etiam quæ nobis per Christi fidem data est, medicinam, qua liberi arbitrij egritudo sanatur, atque, ut paucis complectar, omnia quæ à nobis in prima huius disputationis parte dicta sunt. Diuinam verò gratiam, de qua Pelagius loquebatur, concessam affirmavit, vel ad efformandam naturam, vel ad legis cognitionem, qua peccata nostra deteguntur, ut iam ante de naturali & Mosaica lege diximus: at non eò spectasse, ut naturæ mederetur, eamque ad diuinæ sobolis dignitatem extolleret. Ac n. quidem Augustinus, cum incidisset in sermonem de diuina gratia, quæ omnem hominis & actionem, & voluntatem, & cognitionem antecedit, ita ut non gloriatur omnis homo coram deo: disputationem de prædestinatione suscipere coactus est; quæ aliud nihil censenda est, quam hominum quædam ad beatitudinem consequendam designatio: quæ destinatio quidem nominari posset: verum quoniam in diuina illa eternitate facta est, quæ omnem temporis mensuram longè excedit, nostro more, nobisque accommodata loquendi ratione, prædestinationem, quasi ante factam destinationem, appellauit. Quæ quidem vox præteritū tempus designat, quod tamen, ut ante diximus, in diuina eternitate minime reperitur; neque hoc vocabulo in reliquis rebus contingentibus, etiam bonis, siue humanæ illæ sint, siue ab humanis alienæ, utimur, quamuis & harum quoque diuina voluntas causa sit, atque in omnibus certissima, in qua nihil non definitum. eo tamen utimur cum in excellenti aliquo gradu quidpiam collocamus, tunc enim id nos, ad illum dignitatis gradum destinasse dicere solemus. In hanc igitur D. Augustinus de prædestinatione disputationem ingressus, cum veller amplitudinem explicare diuinæ gratiæ, quæ non merita tantum, sed actiones etiam cogitationesque nostras omnes antecedit: causam inuestigare necesse illi fuit, cur non omnibus hanc gratiam Deus largiatur. Ac primo quidem, sæpe diuina iudicia, Paulum auctorem sequutus, nobis quidem ignota, iustissima tamen

- A men esse affirmavit. Deinde verò ad specialem, magisque propriam rationem declarandam, aduersariorum improbitate impulsus est. mihi tamen, si in generali illa causa perstitisset, longè facilius suam comprobasset sententiam. Itaque cum homines (inquit Augustinus) ob originale peccatum optimo iure perpetuis suppliciis essent obnoxij, (à quibus ille nec infantes absque baptismo vita functos, immunes esse censet) placuit diuinæ bonitati nonnullis, in quibus suæ misericordiae magnitudinem declararet, opem ferre; hisque tantum gratiam largitur, atque ad summam beatitudinem perducit, seu ad diuinæ felicitatis communionem. reliquos verò, ut iustitiæ æquitas postulabat, iis quæ peccato debentur, pœnis obnoxios reliquit: atque hi sunt qui reprobi nominantur. Atque huius discriminis rationem, ut nobis occulissimam, ita in se iustissimam esse tradit. Hæc D. Augustini sententia, præter eius postremam partem, his optimis concionatoribus, eorumque paradoxis sententiis materiam suppeditauit. verum de his postea. Nunc verò liceat mihi, quanta decet animi reuerentia, de eo viro loquenti (cui ego tantum tribuo, quantum ab ullo est homine tributum unquam) sed liceat tamen ignorantiae mihi meæ specimen præbere. hæc mihi sententia omnino non placet. Primò enim originale peccatum perpetuæ damnationi hominem non addicit, & quamvis illud diuino conspectu, & ea quæ supra naturam est felicitate priuet, in eo tamen fine, eaque cognitione relinquit, cuius capax est, eorum hominum natura, qui in originali peccato sine baptismo decesserunt. Sed hoc quidè dogma D. Augustini ætate nondum erat in Ecclesia definitum, ut neque ea quæ de animi origine magna olim contentione agitata est quaestio, ut ex ipsius scriptis manifeste apparet. Deinde vero plani est, id quod à D. Augustino assertur, nos omnes filios iræ nasci, ut supra diximus, reprobationis satis idoneam causam non esse. hoc enim si verum esset, ubicunque reprobatio esset, ibi ea quoque reprobationis causa reperiretur. Hoc verò ita sequi, & natura ipsa docet, & in post. analyticis Aristoteles. at in angelis, quorum nullus vel originali peccato obnoxius, vel iræ filius natus est, nonnullos tamen prædestinatos, alios rursus reprobatos videmus. vera igitur D. Augustini ratio reprobationis esse non potest: quæ diuinæ quoque bonitati nonnihil detrudere videtur, quasi per illam stet, quo minus omnes qui reprobi sunt erigantur. quo fit, ut hanc D.
- D Augustini loquendi rationem qui audiunt, offendantur. Quare doctores complures, atque inter alios D. Thomas, qui D. Augustino plurimum tribuit, non in aliis quidem operibus, sed certè in præstantissimo illo, quem contra gentes conscripsit libro, iis quæ ab Augustino dicuntur, minime contentus, affirmat Deum cordis ianuam perpetuò pulsare, eiusque duritiem perfringere: verum eos ad salutem perducere, qui aperuerint; eos verò qui cor illi recludere recusant, in sua cœcitate & ægitudine permanere, suæque culpa, non illa originali, sed actuali hæc, qua pulsanti Deo cordis ianuam recludere noluerunt, in perpetuam damnationem detrudi. Sed quoniam cordis ianuam aperire nostrum est, suspicari posset fortè quispiam, diuinam gratiam subsequenter nostra opera non anteire. Quocirca exemplum excogitavi, meo quidem iudicio

ad hanc D. Thomæ opinionem intelligendam aptissimū, illo semper seruatō principio, & verissimo fundamento, prædestinationis salutisquæ nostræ, deū; damnationis verò nobis nosipsoſ esse auctores: non ob originale peccatum; sed ob actuale culpam, qua nos deo naturalem peccati nostri duritiæ mol-  
 lire, penitūsque frangere volenti, maiorem duritiem opponimus: quo sit, vt non ex gratiæ ipsius efficacitate, sed ex nostra voluntate pendeat, quo minus illa cordis nostri obſtinatio perturbetur. Hoc verò generaliter dictum esse velim; non de peculiari quadam gratia, quam si minus omnes assequuti sunt, nullus tamen est qui iure queri possit. Verū vt ad rem nostram veniamus, proponendum exemplum esse censeo, quo facilius quæ dicimus intelligatur. Fingamus igitur homines, (quorum natura cum cœlesti felicitate compara-  
 ta humillima est, vt de peccato interim taceā, quo natura est corrupta,) late-  
 ribus esse similes, qui nulla in sublime propensione feruntur, in ima verò ma-  
 xima: nostramque non secus se habere felicitatem, ac si laterum felicitas in  
 eo esset, vt in excellētis alicuius ædificij fastigium collocarentur. Planum verò  
 est, lateres suapte natura, nō modo ad fastigium peruenire nullo modo posse,  
 sed ne tantillum quidem humo excitari, vt in supetna moueantur, cum natu-  
 ra in cōtrarium motum propendeant. Iam verò fingamus eam esse lateribus  
 innatam potestatem, vt præter naturalem grauitatem, aliam adhuc nouam,  
 quotiescunque liberet, adiungere possent: atque id quoque illis à natura in-  
 situm, vt & in sublime tollere volenti, noua hac grauitate, & in imum propē-  
 sione, non resistant, naturali tamen grauitate nulla ex parte imminuta. si quis  
 igitur extrinsecus motor accederet, (de iis loquor quæ cōmuniter fiunt, pecu-  
 liati, quæ quibusdam rariis contingit, gratia prætermiſſa) qui satis cōmodam  
 facultatē suppedicaret, qua in sublime lateres ferri possent: atque eorum nō-  
 nulli, nouam ei qui sursum impellit, grauitatem, & ad ima propēſionem op-  
 ponerent; alij verò minime: dubium non est quin ij, qui noua grauitate non  
 resistissent, ad ædificij fastigium tollerentur, non propria quidem, sed extrin-  
 seci tantum motoris vi & facultate. cæteri verò qui eo sublati non essent, sed  
 nouæ grauitatis accessione, magis, magisq; ad ima deprimerentur, non moto-  
 rem, sed se potius ipsos accusare debuissent; quod cum à motore satis ad sese  
 extollendos accepissent auxilij, eius tamen motui contrariam vim opposuif-  
 sent. ita dicendum de Deo est. ille enim omnium hominum corda eo motu  
 mouet, qui eorum duritiem mollire, eaque ad se conuertere possit: nonnulli  
 tamen nouam sponte duritiem opponunt. Quare sua ipſorum culpa perpet-  
 uis obnoxij suppliciis præſciuntur, & iusto Dei iudicio reprobantur, cuius  
 rigorem sentiunt, qui malitia sua diuinam experiri misericordiam noluerūt.  
 Alij verò contrā ad salutem deliguntur, non ob eorum, vel opera, vel volun-  
 tatem, vel cogitationem vllam, quæ diuinam in illis gratiam antecedit, & ad  
 præscriptum spectet finem; sed diuinæ tantum misericordiæ beneficio, quæ  
 omnes illorum cogitationes, ac voluntates antevertit. hæc mihi ratio magis  
 quàm vlla alia probatur: sed nec ea tamen diuinæ erga electos misericordiæ;  
 cuiusque erga reproboſ iustitiæ, satis idoneam causam affert. electis enim pri-  
 uantem



- A**uantem saltem actum tribuit, qui diuino motui antecire videtur, nempe, quòd nouam illi duritiem nullam opponant: quamuis hoc minime absurdum fortè videatur, cum actus ille in bonis numerari non possit, sed in iis tantum, quæ sese cohibent à perpetrando malo; quod in improbis etiam hominibus cernere licet, cum eorum plerique à nonnullis prauis actionibus abstineant. De reprobis autem ambigere fortasse quispiam posset, quamuis leuior subfit dubitandi ratio, diuinam videlicet voluntatem minus in illis iuuandis videri efficacem. qua se difficultate vt explicaret Damascenus, hanc distinctionem excogitauit, esse nimirum in Deo, si nostram loquendi consuetudinem sequamur, vnā voluntatem, quæ antecedens appellatur, qua omnes homines vult
- B**saluos esse, vt per voluntatem intelligatur diuinæ gratiæ operatio, quæ in nobis sufficiens est ad salutem consequendam. Alteram deinde tribuit Deo voluntatem consequentem, qua scilicet eos condemnat, qui spiritus sancti suggestiones contumaciter repudiant, atque eos contrà seruat, qui oblatam sibi gratiam humiliter admittunt, nec peruicaci obstinatione reluctantur. Multa in huc sensum ex sacris literis afferri possent; at nolo hac nos via incedamus: sed diuinorum potius iudiciorum celsitatem in æternitate illa constitutam agnoscere, atque in vnico illo & simplici causarum principio positam cōfiteri; (quod non modo nostram, sed angelicam etiam intelligendi vim, & secundum D. Dionysium, ipsam quoque intelligibilem naturam, infinito superat intervallo) imitemur D. Paulum, seraphinos sequamur, nec oblatam cōtra diuinam simplicitatem alis, & impudenter erecto vultu, præscriptos infirmæ huic naturæ terminos transgredi conemur. verum defixis in terram oculis, reuerenter cum electionis vase exclamemus, ô altitudo sciētiae Dei, quàm incomprehensibilia sunt iudicia eius, & inuestigabiles viæ eius; & velata facie cum seraphinis, in laudem & admirationem prorumpamus, alterna voce hymnum illum concinentes, Sanctus, Sanctus, Sanctus, Dominus Deus sabaoth; pleni sunt cæli & terra gloria eius. Hanc ergo à cōcionatoribus rationem teneri vehementer optarem, si quādo occasio postularet, vt de sublimibus hisce & arduis rebus ad populum verba facerent; si quando (inquam) postularet occasio. nam insignis profecto superbiæ, & non parux (meo quidem iudicio) temeritatis argumentum est, si quis vltro isthæc in vulgus proferre studeat. Quanquam videatur alicubi D. Augustinus, eorum studia laudare, qui palam ista plebi concionantur. sed tum fortasse necessaria erant ob Pelagij errorem, qui multorum animos occupat: & Augustinum etiam cōstat expressis postea verbis statuisse, nulla prorsus ratione cuiquam fas esse, æternam prædestinationem, & gratuitam electionem impugnare, nisi quis veritati simul bellum indicere auderet. Hactenus, quantum passa est rei difficultas, conati sumus causam differentiae huius inuestigare, qua ab electis reprobi distinguuntur. Hæc verò, quamuis ad obscurissimæ quæstionis explicationem, non inutilia fore videantur; nō tamen eiusmodi sunt, vt manifeste satis detegere statim queant, quorundam hominum imperitam, qui eo insanie prolapsi sunt, vt effutire nihil erubescant, stultum omnino esse, continentiae,

& sobrietatis legibus anxie sese torquere, ac non potius omnes effrenatæ libidini habenas relaxare, cum definitus iam à Deo sit, & certus electorum atque reproborum numerus: nec quicquam ab electis, quantumvis peruersum fieri possit, quod Deo displiceat, nec à reprobis tam sanctum, & honestum, quod gratum esse queat. Ex quo insolentissime concludunt, si electi, iniquissimi, saluari necesse est, si reprobi verò, damnari, nec alterutram in partem piis nos, aut sceleratis operibus iuari, vel lædi credendum est. Hic cardo præcipuus est, quo res tota versatur. Hoc lethale poculum, quod salutis nostræ aduersarius nobis porrigit, pestifero plenum veneno, quod ille ex purissimis illis oraculis suxit, quæ cœlitus sunt nobis eo consilio reuelata; vt patefacta diuinæ maiestatis excellentia, nostræque sortis humilitate, ad opem illius implorandam excitemur; atque vt cuncta illi accepta referentes, & ex illius provenire gratia agnoscentes quidquid volumus, sentimus, cogitamus, quoad eius fieri posset, fugeremus ingrati animi ctimen. Vide obsecro, qua arte modo, in contrarium omnino sensum ista detorsit callidissimus ille serpens, male sa- quorundam hominum arrogantia abusus, & incertia, ad fraudem suâ imperitæ multitudini persuadendam. ego verò diuinæ opis adminiculo effecturum me confido, vt luce clarius appareat, in quantas inciderint errorum tenebras, in re omnium maxima. Quem sane furorem, si in cæteris quoque vitæ functionibus præ se ferrent, necesse omnino videretur, publico magistratus decreto, tanquam mente captos, tutoribus committere gubernandos. In eo igitur insanix huius summa consistit, quod cum in vnica illa, & simplici diuinitate definita sit omnium salus, & condemnatio; non amplius contingentem, sed plane necessariam esse putant; nec humano consilio, aut providentiæ locum superesse: cum sapientis non sit, de rebus necessariis, & inuitabili lege constitutis deliberare. His addunt, præclarum illud ingenij sui dogma; nec improba electorum opera Deo displicere, nec grata esse reproborum opera bona. Sed de his postea. Nunc verò remoto ignorantix velo demonstramus, quàm leui sibi fallacia grauiter imponi sinant. Ac primum quidem, respondeant mihi velim, qui falsa doctrinæ opinione tanto pere gloriantur; num in diuina illa æternitate, electorum tantum, & reproborum numerum certa contineri lege arbitrentur, an aliarum quoque rerum omnium rationem, quæ ad tuendam vitam, & Rempub. ciuilitate administrandam pertinet; quorum nihil non fortuitum videmus & contingens: vt sunt, verbi causa, vniuscuiusque vita, mors, diuitiæ, paupertas, sanitas, ægrotudo, agrorum fructus, & ne plura commemorem, quæcunque ex casu fortuito contingunt: cum ipsa nihilominus æterna lex præcipua sit earum rerum effectrix, quæ ex fortuita causa proficiuntur: excipio tamen defectus. Hoc certe nemo sanæ mentis inficias ire audebit. Nam cum purissimus sit, & simplicissimus sempiternæ mentis actus, nihil in eo non definitum, cogitari potest. Age vero & illud mihi respondeant. Cum æterno sit decreto constitutum, prandere ne debeant, aut cœnare; hoc ne, an illo apparatu; quid cause est, quod tanta sollicitudine curent, ne æconomus in cibis emendis, & coquus in præparandis, atque eleganter condien-

dis of-

- A dis officio defuit suo? Ac non eadem potius ratiocinatione nituntur, nimirum cum alterutrum sit à Deo constitutum, necesse esse, illud eueniat, quod certò est determinatù. Quid igitur aduersa valetudine afflicti, medicos accersunt, & præscriptam ab iis viuendi regulam tam diligenter obseruant? cum de salute, aut interitu prorsus sit definitum? cur semina terræ mandare iubet? cum fato destinatum sit quos fructus sint percepturi. Dubium ne cuiquam esse potest, quin insanus omnium iudicio videretur, qui hanc rationem sequi vellet in vita ciuili instituenda? Quin magistratus interdicto, bonorum illi procuratio, vt dementi adimeretur? vsque adeo tamen naturæ nostræ superbia, altis radicibus ex primi parentis delicto infixæ, abusus est humani generis hostis, vt arrepta occasione, ex iis, quæ à spiritu sancto ideo sunt reuelata, vt stabilem nobis diuinæ maiestatis præcellentiæ, omni rerum natura, omni que intelligendi capacitate infinitè superiorem demonstraret, vt in eius laudes raperet & admirationem, vt sortis nostræ humilitatem nobis, & vilitatem ob oculos poneret; quo cum Christo demissi, & verà nostri eognitione deiecti, diuinæ naturæ, immortalis vitæ & æternæ felicitatis communione tolleremur; ex his, inquam, maximè salutaribus mysteriis sumpta occasione, eò nos superbix euexit versipellis ille dæmon, vt non modo humanarum causarum ambitum excedere nos posse operibus nostris putemus; sed infinitis quoque diuini orbis terminos transilire, sapientiam fallere, voluntati resistere insipientissimè speremus. atque eò cecitatis, seu furoris potius vanam hominum astutiam perduxit, vt impiissima hac cogitatione animum suum oblectare audeant nonnulli: valeant precor omnes vitæ anxietates, securè mihi licet voluptatibus meis inferuire, & pulla procul molestia, corpori indulgere. omnino enim saluari me necesse est, si æterni consilij decreto sum electus. At ego contrà, constanter affirmate tibi non dubito, fore vt in æterni carceris supplicia detrudaris; cum non salutis sit, sed mortis perpetuæ via, quæ flagitiose es ingressus. Nam vt metere non potes, quin prius semina sulcis iniicias, aut nisi medicum adhibeas, ex morbo còualescere; ita nisi pedem retuleris, fieri non potest, vt propositum piis omnibus salutis scopù attingas. Quòd si respondeas, esse te de salute tua securù, si modo electus es, nec perire posse; ego vicissim exte quæro, sit ne messis tua definita, & quid, quantum metere debeas? sit ne tibi vitæ terminus, mortisque tempus destinatum? cur ergo nò eandem sequeris rationem, in rerum ciuiliū administratione, qua ad vitæ felicitatem consequendam, & euitandis inferni miseriis vti velis? Vide in quantum nos insaniam perduxit tartareus ille dæmon? Sed iam promissi mei memor, diuina fauente clementia, rationis huius quæ euidentissima esse videtur, & forissimè, fallaciam detegere conabor. Operapretium ergo fuerit, paulò diligentius notare, & memoria iterum repetere, quæ suprà sunt à nobis disputata, de ea, quæ in Deo est efficiendi ratione; quam simplicissimam, immutabilem, & propterea definitam esse diximus: quæ cum in æternitate sua operetur, nec fuit, nec erit vllum admittit; sed, est, solo continetur, quod tempus omne inuenso spatio excedit. Hoc igitur ante diluuium, esse, non,

fuisse, & post Antichristum similiter, esse, non, fore, dico. & illud quoque à nobis est prius explicatum, æternum hoc, est, omnes in se completi causarum differentias, necessarias videlicet, fortuitas, liberas, coactas, &c. Iam verò intellectus nostri acumen, quantumvis sese extollat, fieri non potest, ut ad, est, illud diuinum vnuquam pertingat; sed iis, quæ cogitando finguntur imaginibus affixum, (in singularium præsertim rerum intelligentia) nunquam se à tempore, & particularium causarum ordine diuellit. Quo fit ut diuinum illud, cum est suo temporali mens nostra confundat, & ita diuinam efficiendi vim intelligat, non in immensa ipsius latitudine, quæ omnē superat intellectus capacitatem, sed in ingenij nostri angustis, & infirmitate, atque in eo causarum ordine, qui ad certum quendam est naturæ affectum definitus. E

Atque hinc nobis oritur fallax illa cogitatio, qua in altissimo prædestinationis mysterio, tam misere decipimur. Quod ut manifestius appareat: cedo mihi respondeant isti sapientes. Primum, an Petri aut Ioannis determinatam omnino putent salutem, vel damnationem? Non dubito quin certum esse alterutrum confiteri velint. & hæcenus quidam rectè, si ad, est, illud diuinum, in quo nihil non immutabili consilio fixum est, & ratum, meam referant quæstionem. Sin verò percontando pergam, Num Petrum, aut Ioannem, vel saluos iam, cœlestis regni voluptatibus frui, vel dānatos, inferni suppliciis torqueri existiment? Negaturos certò scio; cum tamē est, illud diuinum, (in quo salus istorum, aut interitus, non erit dico; sed est, decretus) quidquid apud nos futurum est completatur. Ex his perspicuum est, priori meæ interrogationi ita esse responsum, ut quamuis verba prima fronte, ad est, illud diuinum spectasse viderentur; si quis tamen paulò diligentius animum aduertat, de hoc nostro est, enunciata fuisse, & intellecta comperiet: ante quod & ea fuerunt, quæ præterita dicuntur, & post sequētur quæ futura. Verum quia prædestinationis nomen, si cum effectu conferatur, quandam, significationem suā, prioritatem (ut vocant) seu prioris rationem includit: non eo quidem modo, quo præsens tempus, tempore futuro superius esse dicimus; sed quo causam effectu priorē enunciamus; perdocti isti viri, in prima illa interrogatione, eam quæ in prædestinationis vocabulo latet, prioris rationē intelligentes, Petrum aut Ioannem prædestinatum esse ultro concesserunt. At cum longissimo sit discrimine hoc nostrum, est, ab illo diuino separatum, & percontanti propterea mihi, saluus ne iam esset Ioannes, an damnatus, id est, an ad destinatum adhuc finem peruenisset; hoc inquam percontanti, cum inficias ire cogerentur, confestim detecta est ambigui sermonis fallacia: atque manifestum euasit, cum definitam esse hominū salutem, aut interitum vulgo dicimus, non diuinum illud, est, designari, sed tēporis nostri instantis differentiam, in qua nihil est de futuris contingentibus certò constitutum. Si mihi prorsus errore, & prædestinationem, nostro intelligendi modo, ut causam quandam concipimus, temporis successione effectu suo, superiorem: cumque hac imprudentia ad rerum humanarum angustias, diuinæ efficiētiæ amplitudinem restringimus, quæ causarum omnium naturam complexu suo

F
G
H

- A** xū suo cōtīnens, omnibūsq; longissime antecellit, & cum animo eam percipimus, vt causā quandam certis terminis circūscriptā, & effectu suo, temporis successione, superiorem; hac inquā inscitia decepti, nullā ratione comprehendere possumus effectū cōtingentium naturā, vt pote, quibus cōtingentia quoque omnia, necessitate quadā prouenire vidētur. Nam in causis illis, quæ fixis naturæ cuiusdā limitibus inclūsæ sunt, is demū effectus necessarius omnino est, nō cōtingens, qui in causā suā definitiū existit. & effecta quoq; cōtingentia ideo cōtingentia sunt, quia in causis suis, esse (vt dici solet) determinati non habent. En tibi fallacia, quā tam misere nobis imponimus, quæ inde est (vt vides) profecta, quod intellectus nostri tenuitate, & loquendi consuetudine, immenā Dei amplitudinē, in earum rerū angustias coarctemus, quæ ingenij nostri debilitate comprehendendi possunt. Quæ cū ita sint, restat vt inclināta ceruice, diuinorum mysteriorum excellentiam suspicientes, (quæ non modo nostræ fortis humilitatem, sed omnem quoque naturæ capacitatem exsuperat) rerū humanarum actiones, causas, euentus cōtingentes esse fateamur, nec certæ vllius naturæ finibus terminatos. Atque ita rutilissimā illā fidei in Christum viam, non lubricā liberi arbitrij semitā ingressi, non nostris operibus, sed illius misericordia nixi, eum ducem fortī animo sequamur, & (quoad diuinæ gratiæ subsidio fieri potest,) sedulō conemur, vt magis quotidie, magisque refrāgnis ac imminutis peccati reliquiis, & prauæ cupiditatis affectibus, perpetua in dies accessione, cœlestis in nos gratiæ, & diuinæ (vt inquit D. Petrus) naturæ participatio augeatur, in quā per lauacrum spiritalis generationis nati sumus. Neque enī dubium est, quin si hoc iter teneamus propositā electis omnibus salutem, electi tandem consequemur. At si post impias cogitationum nostrarū prætigiās insipienter diuagemur, fieri non potest, vt sempiternæ perditionis præcipitia euadamus. Plurima in hanc sententiam ex sacris literis affetre possem, quæ quotiescunq; nobis viuendi normā præscribunt, de salute & damnatione nostro more verba faciunt: nihil adhuc definitum affirmantes; sed non obscurē insinuantes, quā sint incerta omnia: vt dubio procul sese res habet, non secus quā in cæteris omnibus, quæ cōtingentia vocantur. Hac nos opinione animis nostris penitus defixa, nō aliter Christianā vitā (quod ad rerū certitudinē spectat,) instituere debemus quā ciuilem. & si quando de ætēno Dei decreto, mentionem fieri contigerit, diligenter cauendum ne ad nos illud pertinere arbitremur, aut intellectus nostri viribus percipi posse: sed ideo tantum arcanum hoc diuini consilij mysterium patefactum nobis putemus; vt in immensæ amplitudinē, & ineffabilis Dei simplicitatis admirationem rapemur, & summā denique amplecteremur bonitatem, quæ præuenientis gratiæ auxilio, omnes actiones nostras moderatur. Hic fructus est, quem ex reuelatā prædestinatione percipere oportuit; nec eō audaciæ & arrogantiæ effert, vt præscriptos à Deo rerū humanarū terminos, vesana temeritate transgredi velimus. Sed de his suprà. Paulò iam longius prouecta est ora-

tio nostra, petulantiae huius indignitate, sed temperabo iam mihi, & vnde digressus sum reuertar. Nolo igitur ex sacris eloquiis innumera proferre testimonia, ad sententiam nostram confirmandam, ne nimia prolixitate tedio te afficiam. Hoc tamen breuiter dicam, de execrando illo furiosorum hominum dogmate, qui mala etiam electorum opera Deo placere; teptoborum verò facta quantumuis honesta odiosa esse docent: Mirari me, quod non pudeat impetitissimum hoc, & impiissimum hominum genus, tam ineptè ista effutire, quæ patrum fortasse aliquis non absurdè pronunciauit, si quis benigne interpretetur. At si in eum quispiam sensum detorqueat, quem verba præ se ferunt, nihil absurdius, aut à veritate alienius, dici aut cogitari potest. Neque enim in controuersiam vocare fas est quin Deo maxime displiceant, quæcunque contra ipsius præscripta ab electis perpetrantur. Non fauet Deus hominum sceleribus, quæ funditus delere summo studio contendit. Verum quidem est, solere probos & electos, ex peccatorum cæno emergentes, non minimam inde percipere vtilitatem: cum imbecillitatis suæ conscij, animum & fastum demittant, & ad deuitandas delictorum occasiones, cautiore efficiantur. Quæ tamen ratione, non electorum maleficia, sed ipsimet electi, qui ex maleficiis resipiscentes, meliores euadunt, placere dicuntur. Ita & teptoborum recte facta, magnoperè Deo grata sunt & accepta, nec aliud quidquā offendit, quàm quòd bene agendo non perseuerent. Quo fit, vt in ingrati animi crimen delapsi, maiorem in se diuinæ iustitiæ indignationem prouocare non desinant. Hoc sensu à veteribus dicta sunt, & à nobis intelligi debet, quæ indocti isti, & præfracti iudicij homines, paradoxa & mirabilia populo proponunt. Quæ cum non explicantur, non modo nullam pariūt vtilitatem, sed pios omnes summoperè offendunt: imperitos verò in perniciosissimos perducunt errores. Iam finem scribēdi faciam, vbi prius fuero ciues tuos exhortatus, vt procul ex Repub. sua pellant, pestifera isthæc dogmata, quæ ad fallēdam plebeculam dæmonis fraudibus excogitata sunt, & à temerariis hominibus in Ecclesiam inuecta. Primi generis arrogantia vt retundatur, quoad eius fieri potest maximè, Dei gratia, & fides in Christum extollatur, repressa ex aduerso operum, scientiæ & arbitrij nostri cōfidentia. Altera verò opinio, vt funditus tollatur, danda est opera diligenter, ne de prædestinatione, & præscientia Dei, quidquam à concionatoribus proferatur; & ne hoc præsertim modo, populum vlla ratione doceant, quo in manifestam adiguntur homines insania, cauendū. Sin verò res aliquādo postularit, vt de hisce rebus verba faciant, non ad plebis perniciem, referant sermonem; sed eum semper vtilitatis scopum propositum sibi habeant, qui sapius est à nobis antea declaratus. Deus optimus Max. Rempub. vestram incolumem conseruet, & gressus vestros in semitis suis dirigat. Bene vale in Domino.

IN PSAL.



## IN PSALMV M.

AD TE LEVAVI OCVLOS MEOS.

**B** **Q**UARE tristis es anima mea & quare cōturbas me? Reuera si benè perspexeris, nihil aliud te conturbat ac mœstam facit, nisi peruersus animi affectus; cuiuscunque verò affectus principium est amor, qui est etiam omnium affectuum animi primus. is si iratus fuerit, alij quoque affectus irati sunt oportet. Sin verò peruersus fuerit amor, statim affectus reliquos inficit, ac animam conturbat. Ac is rectus est amor, quo tendimus in eum, à quo vita nostra & nostra perfectio est, Deum inquam optimum & maximū,

Is enim animæ vita est, vt anima corporis vita. Peruersus amor ille est, quo anima à vita sua degenerat, & à creatore ad creaturam conuertitur. Imò plerunque à se ipsa degenerat, cū tendit in ea, quæ longè sunt animo imperfectiora & viliora; in voluptates, in quā, corporis brutas ac ferinas, quibus brutescit homo, & comparatur iumentis insipientibus, ac similis illis fit. Item in cupiditatem pecuniæ, aut ambitionem honoris, ac huius generis reliqua. Hic peruersus est amor, hic affectus omnes inficit, animamque conturbat ac tristem reddit. quare anima mea, si ertere tristitiam volueris, necesse est vt amore mutetur, ac ex præpostero rectum, ex malo bonum efficias. Sed quis hominis voluntatem mutare potest nisi Deus, in cuius manu omnium sunt corda; certè à nobis neque facere, neque cogitare aliquid valemus. Præterea maximum Dei donum est charitas & amor, quo Deum plus quàm omnia

**D** diligimus, in quo quiescimus, per quem supra corporeā omnem creaturam ac supra mentem nostram conscendimus vsque ad arculas aromatum, vsque ad summi boni ac bonorum omnium fontis gustum quandam, supra quam dici aut explicari possit, suauissimum. Sed anima mea si querās quomodo amore hunc à domino impetrare queas, cū sis in peccatorum profundo submersa, conuerte oculos tuos ad dominum, de profundis ad ipsum clama, exaudiet te procul dubio. Nam etsi in profundis es tu, Deus autem in altissimis, non tamen abest à profundis, qui vbiq; est. Clama ergo ad dominum de profundis, & dic cum Propheta David. *Ad te leuani oculos meos qui habitas in caelis.* Leua, attolle primū oculos corporeos, suspice caelos, intueri stellas, lunam ac solem. Hæc omnia fecit dominus Deus tuus. magna certè est



virtus domini, & ineffabilis potētia est altissimi. Hanc eius potentiā cœli sa-  
 nis omnibus enarrant ac prædicant, surdi sunt qui tam illustres voces nō ex-  
 audiunt; Magnus ergo dominus qui tam magna de nihilo creauit, non tamē  
 deterreberis magnitudine, si bonitatem cogitabis, si tecum putabis quātum  
 te dilexerit. Hæc tam magna propter te facta sunt, vt tibi seruiant cæterisque  
 animantibus, & plūis, quæ omnia subiecit tibi, omnia nāque subiecit sub pe-  
 dibus hominis, oues & boues vniuersas, insuper & pecora campi. Demū pro-  
 pter te hic immensus omniū creator verbū Dei, per quod facta sunt omnia,  
 factus est homo, inter homines versatus, ac tandem ab impiis pro salute om-  
 nium hominū crucifixus. Cur ergo vereberis adire eum, qui tantum te amat;  
 tam magna propter te fecit? Quamobrē, postquā eleuasti oculos corporeos F  
 ad cœlum, attolle oculos mentis ad Deum, & dic, ad te leuavi oculos meos,  
 ad te inquam, Deum verū & viuū, Nō ad aliquā creaturam, quam mihi vt  
 Deum meum constituerim, sed ad te qui habitas in cœlis, domicilium tuum  
 sunt cœli, non quod domicilio aliquo egeas, qui in te solo es, & omnia conti-  
 nes, sed ea appellamus habitacula tua, in quibus peculiaris quidā fulgor bo-  
 nitatis tuæ præ aliis apparet. Cœli isti visibiles domicilium tuū sunt, vt tu di-  
 cis apud Prophetam, Cœlū sedes mea, & terra scabellum pedum meorum.  
 Sublimiora tamē habitacula tua sunt cœli cœlorum, cœli qui te semper lau-  
 dant, supernæ inquam Hierosolymæ ciues angelicæ mētes, ac beatorum spi-  
 rituū chori; in quibus ad eō manes, vt tuæ diuinitatis participatione facti sint  
 Dij, eiUSDēq; felicitatis compotes, qua tu in æternum es scēlix, qui habitas G  
 ergo in hiscē cœlis, ad te leuavi oculos mētis, vt me adiuues, vt me liberares ab  
 æstibus cogitationū prauarum, vt me in profundis iacentē erigas & attollas,  
 stillamque dulcedinis ac amoris tui instilles, curret post te anima mea Deus  
 meus, si vel paucillū senserit, quātum sis dulcis redemptor meus. Nunc, quia  
 ægrota est dulcissimum te non sentit, tuo splendore nō capitur, imō volupta-  
 res huius seculi amaras, dulces iudicat. Memoria repeto redēptor meus, cū  
 olim tuo amore capiebar, omnia mihi alia nihil facienda visā esse, tu solus a-  
 nimū occupabas, implebas ac possidebas, necnon erigebas supra hanc cor-  
 poream molē, imō suprā seipsum, vt penē se nō sentiret, qui tuo amore totus  
 tenebatur. Nunc verō sua ignauia domine mī, redēptor mī, salus animæ meæ,  
 spes mea, vsque ad profundum abyssi descēdit, innumeris laqueis detinetur, H  
 curuatus est vsque in finē, obliuiscit tui est, obliuiscit sui, similis factus est iumen-  
 tis insipientibus. Sed amator mī, seruator meus, qui infinities me de innume-  
 ris tribulationibus liberaisti, quē nunquā frustra inuocaui, exaudi seruū tuum,  
 libera captiuum, suscipe impulsū ne corruat, suppone manum tuam Deus  
 meus. Ad te enim leuavi oculos meos, *sicuti oculi seruorū in manibus dominorum  
 suorum, ita oculi nostri ad dominum Deum nostrū.* Vellem domine te amare vt fi-  
 lius, quem gratiā tua per fidem Iesu Christi in filium adoptasti. Verū in-  
 gratus ac tam magni beneficii immemor, cecidi ā gratia tua, amare te non  
 possum. Sed pro te vilem quāpiam creaturam amo. Iccirco timebo te vt  
 seruus,

- A eruus, tormenta gehennæ verebor, quæ parata sunt vasis iustitiæ tuæ, quæ quia misericordiam tuam neglexere, inciderunt in iustitiam tuam: timor hic servilis est, fateor, non ingenui animi, concedo, non tamè negligendus. Nam initium sapientiæ est timor domini; hunc timorem consequetur charitas, & amq̃r ille suavis omni melle dulcior, cùm mei misertus eris, donec tamen miserearis nostri. *Sicuti oculi servorum in manibus dominorum suorum, ita erunt oculi nostri ad dominum Deum nostrum donec misereatur nostri.*] Quod si quando servi ob virilem sensum protervi sunt, pertinaces sunt, contumaces dominis suis sunt; *Sicut oculi ancille in manibus dominae suæ, ita oculi nostri ad dominum Deum nostrum.*] Paudent ancillæ, vel nutū dominae suæ verentur; quod si quando erraverint, muliebri gemitu ac vlulatu, pròptisque lachrymis veniam petunt. Ita oculi mei ad te domine, iniquitatem meam agnosco, fateor, veniam peto, ac gemitibus ab intimis cordis visceribus adductis te oro, vt mei miserearis, vt subleues me de luto fecis, & de profundis aquarum, vt ætus cogitationum prauarum, quæ me vehementer infestant, miiges ac sedes; quot aspera sunt in anima mea? quot distorta & luxata membra? quos fluctus imaginationum sentio? O domine mi, spes mea, in quo confido ab vberibus matris meæ, pone torta in directâ, & aspera in vias planas, confirma luxata & debilia, amoue imaginationes prauas; & conuertem mentē meam ad te altissimum & optimum, vt me pudeat terrenæ cuiuspiam voluptatis, dum nectare tuo perfundor, conuerte interiorem sensum meum ad Iesum filium tuum
- C crucifixum, illius imaginem imprime in memoriam meam, eius me signo inure, vt nihil aliud imaginari queam nisi Iesum Christū; ille via est qua ascendimus ad patrem, per hominem Deum quem imaginari queo, ascendam ad Deum meum, quem nullus intellectus capere valet; Reminiscar domine per gratiam tuam vulnerum domini, reminiscar flagellorum, sputorum, & acerbissimæ mortis, quam pro me subiit; intuear hominem Deum in cruce pendentem pro me, ac ex eo gloriam capiam. Nihil sapiebat Apostolus Paulus nisi Iesum, & eum crucifixum, Absit, inquit idem Paulus, vt gloriar nisi in cruce domini nostri Iesu Christi, per quem mundus mihi crucifixus est, & ego mundo: ita quoque spes mea & refugium meum in omnibus tribulationibus meis. sit per illū mundus crucifixus mihi, & ego mundo. Si homo hic terrenus, quem mecum gero, qui me premit, fuerit crucifixus cum Christo & mortuus mundo resurgam domine cum Christo mundo spiritu ac à terrenis affectibus purgato. Hæc magna misericordia tua domine, imò omnium maxima, fac me; oro te, participem huius misericordiæ tuæ. Semper ergo oculi mei erunt ad dominum nostrum, donec misereatur nostri. *Misere nostri domine*, iterum dico, *misere nostri*. Nam vniuersæ viæ domini misericordia & veritas, id est iustitia, opera iustitiæ tuæ immensa sunt, infinita est iustitia tua, sed infinita quoque est misericordia tua, & in omnibus operibus tuis opeta misericordiæ præcedunt opera iustitiæ. Iustitiæ opus est, vnicuique debitum reddere, quid autem debitum alicui rei erat, antequam ea

ex nihilo faceres; prius ergo ex bonitate & misericordia tua fuerunt, quàm  
 eis aliquid deberetur. Ecce quomodo misericordia præcedit iustitiæ opera.  
 Ergo domine si misereberis mei, si eriges sensum animæ meæ ad inferos vs-  
 que incuruatum, si attolles ad te Deum viuentem, saluabis postea me per ius-  
 titiam tuam. Misertus es mei semel, fateor, misertus iterum, concedo, eripisti  
 me sapius ex abyssis peccatorum & tribulationum. Non dissiteor. Tamen  
 domine miserere nostri adhuc; donec viuimus in mundo, indigemus ope  
 tua, cespitamus sapius, cadimus frequenter quia in mundo sumus. Tu au-  
 tem non es in mundo; quando autem etiam nos per gratiam tuam non eri-  
 mus in mundo, non aberrabimus, non cademus; Nunc verò peregrinamur  
 abs te, in mundo sumus innumeris laqueis impliciti. Memento quod ad te F  
 patrem dixerit filius tuus Iesus, Pater serua eos, quia in mundo sunt. Vide-  
 bat pius Iesus mundi stimulos, infirmitatem nostram sciebat, quare nouerat  
 continuo quodam fomento nos indigere, idcirco ante obitum orat te patet  
 omnipotens pro nobis, vt serues nos, quia in mundo sumus. Orauit etiam  
 pro nobis, cum pro se dixit, Pater glorifica filium tuum, vt filius tuus glorifi-  
 cet te. Scio domine quod effectus perfectio ad gloriam causæ attinet, nos  
 miseri figmentum sumus manuum tuarum, vt ergo in nobis sanctificetur ac  
 glorificetur nomen tuum sanctifica & glorifica nos. Tunc enim euident in  
 nobis erit imago tua, ad quam facti sumus, quam deformem adeò vitiis ac  
 peccatis nostris fecimus, vt deformati ab imagine tua ad Diaboli imaginem  
 videamur. Sanctifica ergò nos domine, ac instaura imaginem tuam, Diabo- G  
 li verò imaginem destrue. Pudet me domine imaginis Diaboli, pudet me  
 prauarum cogitationem ac affectuum quibus distrahor. Miserere ergo no-  
 stri, *quia multum repleti sumus despectione, multum repleta est anima nostra.* Exter-  
 na laus, & externa despectio animam nostram non implet. Si qui vani hu-  
 manis laudibus ducuntur atque extolluntur, aut vituperis deprimuntur, non  
 tamen eorum anima impletur laude aut despectione: laus & despectio quæ  
 implent animam, à propria vniuscuiusque conscientia proficiscitur: qui sibi  
 peccati conscius est, licet vbique sentiat se laudibus celebrari, quamuis ad-  
 miratione dignus habeatur, quia tamen se ipse negligit ac despiciit delicti  
 conscius, anima eius non externa laude, sed propriæ conscientie despectio-  
 ne repleta est; Omne namque negligendum ac despiciendum est à quo Deus H  
 procul est. Sibi verò delicti conscius, sentit Deum procul à se esse, quare se  
 despiciit. Itidem à Deo despiciitur, cui factus sua culpa ex filio inimicus, à cæ-  
 lestibus etiam mentibus ac angelorum choris vituperatur: quomobrem fit  
*opprobrium abundantibus*, abundant illi ac supereffluunt veris bonis, diuino  
 lumine perfusi, ac diuinitatis compotes. vituperant illi ac impropere pec-  
 catori, non tamen despiciunt, sed potius misereantur, ac pro eius salute altissi-  
 mum orant. At superbi, mali inquam, spiritus ac nequam homines despi-  
 ciunt, conculcant & conterunt. Sic ergò fit *opprobrium abundantibus ac super-  
 bis despectio.* Tu verò Deus omnipotens gratiù affluens ac misericordia illu-  
 stris

A stris proteges hunc misellum servum tuum ad te clamantem, ad te suspirantem, opem tuam implorantem, illi portiges dexteram, ac de luto fecis ad flagrantiam ac lumen tuum eriges; sperat in te, confidit in te, liberabis eum procul dubio, quia in te sperat. Tu namque dixisti in psalmo per prophetam, quoniam in me speravit liberabo eum; clamauit ad me, exaudiam eum. Nullam aliam liberationis causam affers, nisi quia in te speravit, & ad te clamauit. Noli ergo esse tristis anima mea, ne conturbes me, spera in

Deo, quoniam adhuc confitebor illi, licet interpellatus aliquantisper fuerim ab eius confessione, nihilominus confitebor illi adhuc. Ne desperes, citò

B me eriget misericordia eius qui  
est benedictus in secula  
seculorum.

# RERVM AC VERBORVM QVÆ HOC VOLVGINE CONTI- NENTVR, INDEX COPIOSISSIMVS.



<i>Abraha sinus.</i>	372.f	<i>ararij curam habētes magistratus.</i>	368.g
<i>absolutio sacerdotis est</i>		<i>as alienum Reip. Venetæ.</i>	310.h
<i>forma sacramēti pœ-</i>		<i>astus marini causa.</i>	32.f
<i>nitentia.</i>	363.b	<i>etatis solum discrimen inter ciues Vene-</i>	
<i>abstinētia carniū.</i>	577.d	<i>tos spectatur.</i>	273.a
<i>Accidens quomodo dica-</i>		<i>æthiopes cur in Africa tantum inueniā-</i>	
<i>tur ens.</i>	172.g	<i>tur.</i>	40.f
<i>accidentis natura.</i>	134.f	<i>Affinitatum gradus matrimonii impe-</i>	
<i>accidentia complexionum.</i>	73.b	<i>dientes.</i>	393.a
<i>acetum.</i>	65.c	<i>affinitas ex fornicatione. affinitas spiritua-</i>	
<i>acerum cur ignem extinguat.</i>	53.c. 54.f	<i>lis.</i>	394.f
<i>acolytus.</i>	378.g	<i>aliquid significet apud Hom.</i>	485.d
<i>actus per se existens.</i>	7.d	<i>Alimentum mixtum corpus esse.</i>	73.c
<i>actus non indiget potentia in sui definitio-</i>		<i>aliquid quā cognationē habeat cum ente.</i>	
<i>ne.</i>	131.d		128.g
<i>actus perfectio multiplex</i>	131.a	<i>allia efficiunt plantas propinquas odora-</i>	
<i>actus substantiales &amp; actus accidenta-</i>		<i>tiores.</i>	81.c
<i>les.</i>	131.a	<i>alpharabij opinio de entium principio.</i>	
<i>accusare soli Aduocatores possunt.</i>	300.e		155.b
<i>Adam primi mala, &amp; bona secundi, qui</i>		<i>alteratio ex qualitatibus contrariis pēdet.</i>	
<i>est Christus.</i>	437.f		41.d
<i>adiuncti decemviri collegio.</i>	292.b	<i>Amans verus quis sit.</i>	126.f
<i>adiuncti senatores.</i>	291.d	<i>amor est principium cuiuscunque affectus.</i>	
<i>adoratio sanctorum.</i>	544.b		625.b
<i>aduocati reorum publici.</i>	300.e	<i>amor appetitus intellectualis.</i>	163.c
<i>aduoicatorius magistratus.</i>	269.c. 298.h	<i>amor ex bono originem trahit.</i>	125.d
<i>Æquale significat unum quātitate.</i>	114.g	<i>ex abundātia &amp; penuria natus est.</i>	126.a
<i>æqualitas Arithmetica.</i>	276.b	<i>affectus omnis principium est amor.</i>	625.b
<i>æquinoctialis circuli habitatio.</i>	39.d	<i>Anaxagoræ opinio de elementis.</i>	3.c
<i>Ær cur non calefacit vt ignis.</i>	43.d	<i>andreas Contarenus Dux Venetiarum.</i>	
<i>ær vt rum sit coloris candidi.</i>	86.g		263.d
<i>ær Demonum habitatio.</i>	485.d	<i>Andree Gritti comitis quibus ille dux Ve-</i>	
<i>æris elementum nullibi simplex &amp; purū.</i>		<i>tiarum electus est.</i>	287.a
	26.e	<i>angeli.</i>	156.h
<i>æris accidentia.</i>	26.h	<i>angeli Dei ministri ad illustrandas homi-</i>	
<i>æris vires in mixtionibus.</i>	54.h	<i>num mentes.</i>	403.c
<i>æri leuitas &amp; grauitas accommodatur.</i>		<i>angelorum liberum arbitrium.</i>	608.g
	19.d	<i>angelorum ac demonum cultus reicitur.</i>	
			499.b.

# INDEX.

499.b.500.g  
anguli recti ad semirectum proportio in  
Isoſceli triangulo. 4.g  
anima non poteſt eſſe entium principium.  
135.c  
anima immaterialis poſt intellectum pro-  
ximum primo enti locum obtinet. 139.c  
anima celeſtium corporum an cauſam ef-  
ficienſem habeat. 139.d. quali ſit. 161.d  
anima ſeparata ſecundum rheologos habet  
rationem partiu. 124.e  
anima cur deſiniatur per eſſe actum corpo-  
ris & non per eſſe ſeparatum. 125.a  
anima ſeparata quomodo ſenſibilia intel-  
ligat. 127.c  
anime eſſentia conſiſtit inter diuiſibilia &  
indiuſibilia. 135.e  
anime motus quodammodo circularis. 239.b  
anime ſtatus poſt mortem. 194.f  
animam eſſe mortalem quibus argumen-  
ti oſtendatur. 195.a. eorum argumen-  
torum conſutatio. 195.d  
anime totius litera Græca x figura Pla-  
to attribuit. 239.e  
anime celorum. 145.g  
anima ſuperiores & inferiores quo pacto  
ſe inuicem intelligant. 162.f  
anime ſeparata diſtinguuntur ſecundum  
ſe. 226.f  
animal ex ſe mouetur. 11.e  
anni initium. 255.d. 258.e  
Apoſtolorum decreta & canones. 549.b  
appetitui intellectuales. 163.e  
appetitui & voluntati differentia. 191.a  
appetitui triplex eſt. 192.b  
Aqua magis grauis quam aër leuis. 18.h.  
nullibi pura. 29.a  
aqua terra & aëri immixta. 29.d. 30.e  
aqua cur terra maior. 36.f  
aqua & terra ſunt materia mixtorū. 55.b  
aqua vtrum ſit coloris candidi. 86.g  
aqua in Sacramento eucharistiæ quid ſi-  
gnificet. 350.f

aque leuitas & grauitas accommoda-  
tur. 19.d  
aque elementum intra viſcera terre ſitum  
ſecundum Platonem. 29.b  
Arbitrium in bruti quale. 598.f  
archangelus pro Chriſtus. 504.g  
area ignis accidens. 26.b. 27.a  
argentum viuum. c.  
Ariſtoreli locus in predicamentis de con-  
trariis. 129.c  
Ariſtoteles Deum ſimilem facit antiquæ  
legi. 266.f  
Ariſtoreli ſententia de aque elemento.  
29.c  
Ariſtoreli de terra habitabili opinio. 38.g  
Ariſtoreli ſententia que fuit de anima.  
201.d  
arra & pignus quid inter ſe differant.  
484.e  
hæſetæ.  
Aſſatio. 63.a  
aſtologia ars inani. 9.a  
Athalanta inſula ex terra motu obruta.  
38.f  
athanaſij libellus de imagine Chriſti. 561.d  
atheniensium rogationes quomodo ſigebat.  
294.e  
atheniensium mos in iudiciis. 301.a  
atoma. 3.d  
Auaritia radix malorum omnium. 510.b  
auditor idoneus prime philoſophie. 99.d  
auditores veteres ac noui. 305.c  
Auguſtini verba de ſacrificio Eccleſiæ.  
357.d  
auen Pace ſententia conſutatur de colo-  
ribus. 83.e. 149.b  
auerroes reſellitur. 46.f  
auerroes vniuem intellectū ponebat. 181.c  
auerroes de motu Planetarum. 243.a  
auerrois opinio de terra habitabili. 39.b  
auerroes reprehendit auicennam. 153.c  
auerroes opinatur nullū ens à materia ab-  
ſtractū eſſe præter animas celorum. 154.h

# INDEX.

aeurois sententia de numero complexio- num.	70.e	piendos.	395.d
auicenna primum principium nominat ne- cesse esse.	155.b	Bonum quid sit, & quod est aequale enti.	124.g
auicenna opinio de terra habitabili.	39.b	bonum simpliciter & ens simpliciter diffe- runt.	125.a
auicenna opinio refellitur, ponentis elemē- ta esse in mixto corpore in actu perfe- cto.	44.f	bonum commune melius mandatur uni quā pluribus.	402.f
auicenna amoris modum non intellexit.	152.f	Brumale solstitium.	255.c. & 257.a
aurum.	171.c	bruta à natura, non autem proprio iudi- cio ferri.	598.b
auerus numerus.	253.d. 257.d	Bucentaurus nauis.	282.f
<b>B</b>		<b>C</b>	
Baptisma spiritus & sanguinis.	342.h	Cecitas cordis cur dicatur malitia.	490.g
ad efficiendum baptismatis sacramentum quae requirantur.	343.b	calibatus praestantia.	574.g
baptisma in nomine Christi an valeat.	343.d	caelum quo pacto ignis sphaeram mouere queat.	23.b
baptisma Ioannis.	346.h	celi natura.	164.g
baptisma.	534.f	celestis corpus habet esse ab intelligentia.	214.h
baptismatis generatio respondet naturali generationi.	342.a	cape.	81.e
baptismatis arcanum, forma, materia, vis, minister.	341.a. minister vnus tan- tum.	caremonie.	541.e
baptismatis solemnitas.	344.g	Calidum per accides interdum efficit coa- gulationem.	64.e
baptismatis iteratio.	521.e	caliditatis natura.	48.f
baptizare seipsum nemo potest.	344.e	calor naturalis & calor extraneus inter se pugnant.	59.a
baptizati ab haeretico non rebaptizandi.	560.b	calor humiditati coniunctus facit digestio- nem per modum elixationis.	63.a
Bartholomaeus Coroneus Bergomensis, vir praestans rei militaris gloria.	318.g	coniunctus siccitati facit digestionem per modum assationis.	ibidem.
Basilus quo tempore Martyrium meruit.	549.d	calor celestis, & elementatis.	164.h. & 165.a
Beatitudo hominis suprema quae nam sit.	410.e	calor naturalis.	165.b
beatitudo hominis tribuitur remissioni pec- catorum.	437.d	caloris definitio.	57.b
bella non esse per se expetenda.	264.h	caloris actiones atque operationes in mixtis.	61.c
benedictus ac benedictio quid valeant.	482.h	calori in mixtorum generatione vim prin- cipem attribui.	58.d
Berengarius auctor haereticos de Sacramē- to eucharistia.	352.h	calorum causa in terris.	39.b
Bigami irregulares ad sacros ordines susci-		calx cur aqua accenditur.	72.f
		cancellarius Venetorum.	233.d
		capita decemurum.	296.f
		capita tribuum.	304.g
		caro pro lege.	437.b
		caro	



# INDEX.

- caro esse in carne pro esse sub lege.* 440.e  
*carnium abſtinentia.* 577.d  
*cauſa non entis.* 8.b  
*cauſa materialis prima aliarum homini-  
 bus ſe obrulit.* 145.e  
*cauſa agens materiam præſupponit, non  
 efficit.* 147.d  
*cauſa efficientes noſtri ordinis quâ-  
 tum deficiant à primo efficiente.* 148.h  
*cauſas medias perquirere philoſophi eſſe.*  
 249.c  
*cauſarum genera.* 605.a  
*Character ſacramentorum.* 337.f  
*charitas eſt virtus ad voluntatem perti-  
 nens.* 410.h. 412.e  
*charitas terminum neſcit.* 428.h  
*charitas non agit perperam.* 459.b  
*charitatem tolli per peccatum.* 362.b  
*chirographum.* 500.e  
*chriſma.* 534.h  
*chriſma quando & à quo cõſecretur.* 348.e  
*Chriſtus cur naturam humanã aſſumpſe-  
 rit.* 517.a  
*Chriſtus Moyſi præfertur.* 518.e  
*Chriſtus quomodo omnia impleuit.* 489.b  
*Chriſti iuſtitia nobis imputatur.* 469.a  
*Chriſti corpus organum diuinitatis.* 332.h  
*Chriſti paſſio teſtimonium iuſtitie & ve-  
 ritatis Dei.* 508.g  
*Chriſti ſacerdotium.* 519.d  
*Chriſti duo ſacrificia figurata in ſacrificiis  
 veteris legis.* 523.e  
*Chriſtum omnibus angelis prelatũ fuiſſe.*  
 535.d  
*Cibi immũdi ſanctificãtur oratione.* 509.d  
*circitor cur non tantum in latitudinẽ mo-  
 ueat, quantum in longitudinem retro-  
 ducit.* 251.b  
*circumciſio quid ſignificabat.* 330.f  
*circumciſio.* 346.e  
*civitatis gubernatio an uni vel paucis vel  
 multitudini committenda.* 265.b  
*civitatis gubernatio que optima.* 267.a  
*civitatis regende ius nobilitati tributum.*  
 269.a  
*civium numero qui habendi ſunt.* 268.f  
*civilem ſocietate unitate contineri.* 282.g  
*Clauſis legatus.* 320.g. Imperator. ibid.  
*Clauſes ordinis ſacerdotalis.* 367.b  
*clauſes iuriſdictionis.* 368.e  
*clauſum poteſtas.* 584.f  
*clericorum electio & promotio quanta di-  
 ligentia faciẽda ſit ab Epifcopo.* 422.e  
*clericorum inſtitutio.* 422.h  
*Coagulatio.* 63.c  
*cognitus à Deo pro in cognitionem addu-  
 ctus.* 480.f  
*coitus extra matrimonium eſt fornicatio  
 & peccatum.* 387.b  
*collegium præconſultorum.* 293.b  
*collegium x virum.* 296.f  
*collegia tria xxxix iudicum.* 302.h  
*color unde efficitur.* 82.h. quid ſit. ibid.  
 eſt in ſuperficie. 83.a  
*coloris natura alia eſt à natura luminis.*  
 84.e  
*coloris ſpecies.* 85.b  
*colores medijs.* 88.e  
*colores raro tales apparent, quales ſunt.*  
 88.h  
*colorũ differentie Deo tantum notæ.* 88.g  
*columella citatur.* 255.d. 257.a  
*cometa quando fiat.* 24.f  
*comete ſpecies.* 24.f  
*comitia ducis Venetiarum creandi.* 284.b  
*comitia ultra ſoli occaſum non protrahũ-  
 tur.* 275.d  
*comitiorum habendorum ratio.* 271.a  
*communicatio ſub vtraque ſpecie.* 537.c  
*comparationes in analogis commodius fie-  
 ri quam in vniuocis.* 106.f  
*competiſtores magiſtratum ab electoribus  
 renuntiat.* 274.e  
*complexionum genera.* 67.c  
*complexionem temperatam inueniri non  
 poſſe.* 67.g



# INDEX.

<i>diaphanum.</i>	83.a	<i>elementi definitio.</i>	2.f
<i>dictiones non sunt elementa orationis.</i>	3.a	<i>elementa compositionis ac mixtionis.</i>	3.a
<i>dies humanus.</i>	452.e	<i>elementa simplicia corpora esse.</i>	3.b
<i>differentia semper contraria.</i>	118.h	<i>elementa ex prioribus quibusdam corporibus composita esse, cur a quibusdam existimatum est.</i>	3.b
<i>dimensiones animalium &amp; corporum re- torum.</i>	239.a. & 245.b	<i>elementa composita esse ex materia &amp; for- ma substantiali.</i>	7.c
<i>Dionysius in lib. de mystica theologia quid dicat de primo principio.</i>	142.h	<i>elementa esse corruptibilia.</i>	7.d.8.e
<i>Dionysius Arcopagita.</i>	410.h	<i>elementa utrum per se an ab alio mouean- tur.</i>	10.g
<i>diuersa quæ dicantur.</i>	115.b	<i>elementa non ex se mouentur, sed à gene- rante.</i>	11.d
<i>diuortia matrimonij.</i>	396.g	<i>elementa in motu naturali utrum indigeat medio per se &amp; quomodo moueatur.</i>	12.h
<i>Dux Venetii regiam dignitatem præ se fert.</i>	269.b	<i>elementa quot sint.</i>	17.d
<i>ducis Reipub. Venetæ usus, munus, pote- estas, ornatus.</i>	279.c	<i>elementa omnia apud nos impura.</i>	25.a
<i>ducis creandi Venetiis origo.</i>	283.a	<i>elementa mixtionis.</i>	41.b
<i>ducis Venetiarum eligendi ratio.</i>	284.g	<i>elementa substantiis infimum locum obri- nent.</i>	172.e
<i>E</i>		<i>elementa extrema mediis vinciuntur.</i>	290.h
<i>Eccentricorum ratio.</i>	242.d. & 251.c	<i>elementa mundi appellantur legis Mo- saicæ traditiones.</i>	480.f. 499.c
<i>Ecclesia est Christi plenitudo.</i>	485.b	<i>elementorum formæ omnium formarum imperfectissimæ.</i>	45.a
<i>Ecclesia vnum caput esse debere.</i>	542.g	<i>elementorum consideratio prout sunt ele- menta mixtionis.</i>	52.f
<i>ecclasiis.</i>	229.a	<i>elixatio.</i>	63.a
<i>ecclasiis quam facit charitas.</i>	413.c	<i>Empedoclis opinio de saporibus.</i>	73.d
<i>effectus refert imaginem suæ causæ.</i>	21.a	<i>Ens de entibus agere quomodo ad plures sciencias pertineat &amp; ad vnâ tantum.</i>	97.d
<i>Effectus gerit similitudinem sui principij.</i>	123.b	<i>ens de entibus analogice predicari.</i>	105.c
<i>effectus nullus de potentia ad actum deduci- tur, nisi ab aliquo existente in actu.</i>	131.d	<i>ens ad entia analogice se habere.</i>	106.g
<i>effectus indiget continuo effluxu agentis.</i>	148.f	<i>ens omne appellari posse non ens, primo ex- cepto.</i>	106.h
<i>effectuum omnium causas ex rebus cele- stibus sciri non posse.</i>	8.h	<i>ens primum ceterorum mensura.</i>	110.f
<i>Electi à reprobis quo causæ discrimine di- stinguntur.</i>	617.a	<i>ens simpliciter &amp; bonum simpliciter diffe- runt.</i>	125.a
<i>elector vnus tantum ex vna familia.</i>	272.g	<i>ens nullum immune à malo præter pri- mum.</i>	128.f
<i>electores ad creandos magistratus quot &amp; qua ratione instituantur.</i>	272.g	<i>ens primum est ipsum esse per se existens.</i>	155.a
<i>electores competitorum fidei iussores.</i>	274.g	<i>entis definitionem requiri non debere.</i>	102.f
<i>electores ad creandum Ducem quomodo eligantur.</i>	285.a		
<i>elementum pertinet ad genus causa mate- rialis.</i>	2.g		
<i>elementum aliquid actu est.</i>	2.g		

# INDEX.

<i>entis conceptus simplicior conceptu unius.</i>		<i>eucharistia sub utraque specie.</i>	579.b
108.b		<i>Eudoxus Astrologus.</i>	257.a
<i>entis collatio cum non ente.</i>	143.a	<i>Excommunicatio maior &amp; minor.</i>	369.c
<i>entia plura esse.</i>	102.b	<i>excommunicatio contra quos exercenda.</i>	452.g
<i>entia quomodo se habeant ad ipsum esse.</i>		<i>exemplum ad demonstrandum quomodo</i>	
149.a		<i>entia se habeant ad ipsum esse.</i>	149.a
<i>entia omnia pendere quodammodo à primo.</i>		<i>exhalatio.</i>	27.d
146.f depēdere à primo tum causa finali, tum efficiente.	147.b	<i>exorcista.</i>	378.f
<i>entia se habent ad primum ens, ut ad formam omnium primam.</i>	152.b	<i>expiationes.</i>	603.b
<i>entia nonnulla immaterialia esse atque abstracta.</i>	153.b	<i>extrema uniu distantie duotātum sunt.</i>	
<i>entia generationi ac corruptioni obnoxia.</i>		118.b	
167.b		<i>extremitas minor non potest continere medium, quod prædicetur de maiori.</i>	236.g
<i>entia quæ non sunt per se.</i>	172.f	<i>exultio.</i>	59.b
<i>entia rationis.</i>	175.d		
<i>entium plura genera.</i>	119.c	<b>F</b>	
<i>entium principia.</i>	133.a	<i>Facere &amp; perficere quid differant apud</i>	
<i>Episcopus in quo superior sit sacerdote.</i>		<i>D. Paulum.</i>	481.a
415.d		<i>facere quot modis dicitur.</i>	589.b
<i>Episcop⁹ &amp; presbyter idē nominatus.</i>	513.c	<i>Felicitas. cur variæ de felicitate opiniones.</i>	600.e unde contingat. 603.a
<i>episcopi actiones quas simplex sacerdos obire non potest, &amp; ornamenta, quæ habet supra sacerdotem.</i>	382.c	<i>falsum quid sit, &amp; quot modis dicatur.</i>	
<i>Episcopi dignitas maior quam Principis.</i>		124.e	
402.g eius virtus & perfectio quanta esse debeat.	405.b	<i>Fermentum.</i>	35.d
<i>Episcopi familia qualis esse debeat.</i>	421.a	<i>Fides per se &amp; per accidens.</i>	186.f
<i>Episcopi officia erga clerum.</i>	422.e	<i>fides est virtus ad intellectum pertinens.</i>	
<i>erga uniuersum populum.</i>	423.d	410.b. 411.a	
<i>Episcopi officia erga mulieres.</i>	426.f	<i>fides est in intellectu &amp; tamen pendet à</i>	
<i>erga viduas &amp; pupillos.</i>	428.e	<i>voluntate.</i>	435.e vinere ex fide. 436.e
<i>Episcopi officia erga pauperes.</i>	428.h	<i>fides fundamentum omnium virtutum.</i>	
<i>in retributis exigendis.</i>	430.f	510.f	
<i>Episcopum clam ne an aperte deceat munificum esse.</i>	430.e	<i>fides &amp; spes inter se affines.</i>	526.g
<i>quibus rebus animum relaxare possit Episcopus.</i>	430.h	<i>fides dupliciter intelligitur.</i>	565.c
<i>Episcopus an sit ordo.</i>	380.h	<i>fides quot modis dicitur.</i>	589.c
<i>Essentia rei an distinguatur ab ipsius esse.</i>		<i>fieri quot modis dicitur.</i>	589.b
150.g		<i>figura rectilinea prima &amp; perfectissima.</i>	
<i>Eucharistia.</i>	535.a	5.d	
		<i>figura octahedra aëri ascribitur.</i>	6.e
		<i>figura sensibile commune.</i>	73.c
		<i>filius dilectionis pro filius dilectus.</i>	497.d
		<i>filij hominum qui dicantur.</i>	450.g
		<i>filij diffidentie.</i>	486.e
		<i>filij hominum.</i>	487.b
		<i>finis habet rationem boni.</i>	147.b
		<i>finis</i>	

# INDEX.

<i>finis duplex quibusdam naturis à Deo cō-</i> <i>cessu.</i>	605.d	<i>gustus potentia eadem in omnibus anima-</i> <i>libus.</i>	74.g
<i>fons in medio paradisi.</i>	30.e		
<i>forma &amp; materia sese inuicem contrahūt.</i>		<b>H</b>	
140.g		<i>Hæresis Ariana.</i>	550.f
<i>forma suscitatur &amp; p̄det à materia.</i>	147.d	<i>hæreses de Sacramento.</i>	352.b
<i>forma materialis extensa ad extensionem</i> <i>subjecti.</i>	211.d	<i>hæresis Eustathianorum.</i>	552.e
<i>forma materialis nulla est indissolubilis vs</i> <i>vox est inuisibilis.</i>	214.e	<i>hæresis Photini.</i>	553.b
<i>forma non est illud quod est.</i>	218.e	<i>hæresis Macedoniana.</i>	554.f
<i>formam materialem non esse principium</i> <i>entium.</i>	134.e	<i>hæresis Nestoriana.</i>	555.a
<i>formā abstractā nō esse principium entiu.</i>	135.b	<i>hæresis Dioscori &amp; Eutychis.</i>	556.e
<i>forma materiales sunt mortales.</i>	185.b	<i>hæresis Pelagij.</i>	557.d
<i>fornicatio immunditiam cōtrahit corpori.</i>	453.e	<i>hæresis theopassana.</i>	558.g
		<i>hæresis Monothelitarum.</i>	560.e
<i>fortitudo anime irascibilis est.</i>	406.g	<i>hæresis Pelagiana.</i>	568.b
<i>forum hominis ad Deum, &amp; forum homi-</i> <i>nis ad Ecclesiam.</i>	368.e	<i>Heraclea Venetorum oppidum.</i>	283.d
<i>Frigiditatis natura.</i>	49.a	<i>Hierarchice actiones.</i>	382.f
<i>frigidus quomodo operetur in mixtorum</i> <i>generatione.</i>	58.d	<i>hierarchia tres.</i>	382.f
<i>frigoris definitio.</i>	57.b	<i>hipparchus Astrologus.</i>	257.b
<b>G</b>		<i>Hispanie Reges quando primum Catho-</i> <i>lici nominati.</i>	559.a
<i>Galenus quartæ figuræ syllogismorum in-</i> <i>uentor.</i>	235.b	<i>Homerus quid intellexerit per oceanū ter-</i> <i>ras circumfluentem.</i>	28.f.30.e
<i>galeni sententia de numero cōplexionū.</i>	70.e	<i>homeri sententia, multitudo principū ma-</i> <i>la.</i>	139.a
<i>gallina prior ovo.</i>	226.g	<i>homo habet sensum odoris valde imper-</i> <i>fectum.</i>	79.e
<i>Generatio quare non sit motus.</i>	214.f	<i>homo animal ciuile.</i>	264.g
<i>generationis definitio ab antiquioribus phi-</i> <i>losophis tradita.</i>	199.a	<i>homo animalis quis dicatur.</i>	450.g
<i>genus naturā indeterminatam significare.</i>	118.g	<i>homo sua natura pronus ad malum.</i>	601.a
<i>genere eadem.</i>	114.b	<i>hominis cōplexio proxima tēperata.</i>	67.g
<i>Glacies actu sicca, virtute humida.</i>	70.g	<i>hominis forma immortalis.</i>	170.e
<i>Græcorum formula in baptizando.</i>	343.b	<i>hominis voluntas libera.</i>	599.e
<i>grandines.</i>	28.e	<i>homines quas rerum causas primum con-</i> <i>templati sint.</i>	145.e
<i>gratia sacramentalis.</i>	338.f	<i>hominū institutio naturam imitari debet.</i>	290.e
<i>grauitas sensu per se percipitur.</i>	12.e	<i>Homonsiani.</i>	554.e
<i>grauitas est accidens.</i>	12.f	<i>Honor premium bene gesti magistratus.</i>	281.a
<i>Gubernatores redituū publicorum.</i>	309.d	<i>Humiditas grauitati magis affinis est, quā</i> <i>lenitati.</i>	20.g
		<i>humiditas magis affinis est frigiditati quā</i> <i>calori.</i>	26.g

# INDEX.

<i>humiditas quot modis fiat.</i>	63.d	<i>infinitas perfectionis &amp; imperfectionis.</i>	
<i>humiditatis natura.</i>	50.e		140.g
<i>humidū propior materia concoctionis quā siccum.</i>	61.d	<i>Innocentium 3. non instituisse cōfessionem</i>	
<i>humidum cur maturationem recipit.</i>	62.d		366.e
<i>humidi definitio.</i>	57.b	<i>inquinatio quid &amp; unde.</i>	63.b
<i>Hypotenuse quadratum.</i>	5.e	<i>insipidum non est sapor.</i>	76.e
I		<i>intellectio vniuersaliū quomodo fiat.</i>	175.b
<i>Ianuarij calenda cur protracta fuerint octo diebus post Brumam.</i>	253.d	<i>intellectio, qua intellectus se intelligit est similis circulo.</i>	219.b
<i>Idea.</i>	101.a	<i>intellectus mediū locum obtinet inter sen- sibilia &amp; intelligibilia.</i>	100.h
<i>idea.</i>	174.b	<i>intellectus prior voluntate.</i>	121.c
<i>idem significat vnum substantia.</i>	114.b	<i>intellectus &amp; voluntas omnia entia per- tingunt.</i>	121.c
<i>idem genere specie, proportionē.</i>	114.b	<i>intellectus quod vno conceptu assequi ne- quit, multis conceptibus pertinere co- natur.</i>	124.b
<i>Ignis simpliciter levis.</i>	19.a	<i>intellectus esse cōtractum ad intelligibili- tatem.</i>	156.g.
<i>ignis naturali motu ad celum tendit.</i>	21.b	<i>intellectus est causa exē- plaris.</i>	ibid. & 161.b
<i>emulatur præstātiā corporis celestis.</i>		<i>intellectus humanus quomodo seipsum in- telligat.</i>	163.b
22.e		<i>intellectus humanus.</i>	170.g
<i>ignis quot modis generetur.</i>	53.a	<i>intellectus seipsum intelligit, intelligendo alia.</i>	202.f
<i>ignis vires variæ earūque causæ.</i>	53.c	<i>intellectus agens immortalis.</i>	203.c
<i>ignis purgatorius.</i>	371.e. 451.b	<i>intellectus possibilis remanet post mortem.</i>	
<i>ignis cōparatio cum cæteris elemētis.</i>	22.e		204.e
<i>ignis elemētum quā purum quāque impu- rum.</i>	25.b	<i>intellectus nostri obiectum est quod quid est rei materialis.</i>	216.g
<i>ignis spheram eximia magnitudinis esse.</i>		<i>intellectus omnia intelligit.</i>	599.c
22.f		<i>intellectus finis est Deus.</i>	220.e
<i>ignis sphaera circumacta quas res efficiat.</i>		<i>res duobus modis ad intellectū referuntur.</i>	
24.a			122.b
<i>igni quomodo conueniat motus circularis.</i>		<i>intellectum nō esse principiū entium.</i>	135.d
23.a		<i>intellectum non esse vnicū.</i>	181.c
<i>Imperator classis Venetæ.</i>	320.g	<i>intellectum humanum esse immortalem.</i>	
<i>impietas ex quibus disciplinis atque arti- bus oriatur.</i>	424.g		186.b
<i>implere verbum Dei quid sis.</i>	498.f	<i>intellectus esse supra animas celorū.</i>	157.a.
<i>implere omnem volūtatem bonitatis suæ.</i>		<i>de intellectu numero. ibidem. intel- lectus appellatur vnum multa.</i>	158.g
505.c		<i>intellectualis appetitus.</i>	163.c
<i>impotens &amp; impotentia.</i>	129.d	<i>intelligentia an sit forma corporis celestis.</i>	
<i>improperia impropertantium tibi cecide- runt super me.</i>	447.a		214.f
<i>In prophetis loqui.</i>	525.c		
<i>indigestio vnde fiat.</i>	63.a		
<i>indignatio.</i>	413.d		
<i>indulgentia.</i>	372.g		

## INDEX.

HH iiij



# INDEX.

*Lumen* in diaphano non manet, cessante  
effluxu corporū lucem præbentis. 148.f  
*lumen* est actus diaphani. 165.b  
*luna* astus marinos efficiens. 477  
*luna* epicyclus. 222.e  
*Lutheri* heresis in Sacramento. 352.b  
*Lutheranorum* error de sacerdotio. 376.f  
*Lutheranorū* error de matrimonio. 386.e  
*luxuriari* in Christo. 510.f

## M

*Magistratus* Aduocatorius. 269.c 298.b  
*magistratus* idem non deferretur duobus ex  
vna familia. 376.c  
*magistratus* vnus eodem tempore pluribus  
vnius familia non patet. 291.b  
*magistratus* Aerario præfecti. 309.a  
*magistratus* præfectus mutui. 310.g  
*magistratus* præfecti ciuitatibus Veneri  
Imperij. 316.f  
*magistratus* maritimi. 320.f  
*magistratum* comitia. 271.a  
*magnanimitas* animæ irascibilis perfectio.

407.a

*magnanimum* esse quare arduū sit. 407.c

*magnificentiā*. 407.c

*Mahometani* cōsistunt Deo peccata sua.

365.b

*malitia* cur appellatur cecitas cordis. 490.g

*malum* esse naturam quādam bono oppo-

sitam Pythagorici existimauere. 127.a

*malum* quomodo in rebus sit. 127.b

*malum* omnino boni expertis non inueniri.

128.f

*mansuetudo*. 407.d

*Marcus* Diuus Euangelista Venetorum

tutor. 315.a

*maria*. 30.f

*maris* desponsatio. 282.g

*marinus* Phalerus Dux Venetorū. 297.c

*materia* & forma sese inuicem contrahūt.

140.g

*materia* prima quesit. 173.b

*materiam* in rerum generatione plurimū

posse.

40.b

*mathematica* disciplina imaginatione ma-

gū quam vi intelligendi nituntur. 99.a

*mathematicæ* artes sunt exēplaidicarū. 99.c

*mathematica* sepe aliter se habere ac na-

turalia. 239.b. & 245.d

*matrimonium* esse Sacramentum. 331.a

*matrimonij* fines. 383.d definitio. 386.g

*matrimonij* Sacramento an gratia cōfera-

tur. 387.c cuius insinuatio. 389.a

impedimenta. ibidem.

*matrimonij* Sacramentum. 541.a

*maturatio* quid sit. 62.e à qua re fiat. ibid.

*Media* pertinet ad genus superius. 201.b

*media* densa diuersimode representant in

diuersis distantibus. 250.g

*mediterranei* maris motus. 31.b

*melamocum* oppidum Venetorum. 283.d

mel. 65.b

*Melchisedech* sacerdotium. 522.e

*melissus* omnia vnum esse dicebat. 41.d

*mensium* initia à noua luna. 258.e

*mensura* omnis vnigenea mensurato. 114.e

*mens* inter homines moderatoris locum te-

nere debet. 265.c

*mentes* superiores quomodo sint causa re-

rum inferiorum. 163.d

*metalla* cur ab igne liquecunt, non autem

ab aqua. 54.f

*metalla* omnia ex argento viuo & sulphu-

re. 60.g

*metella* actu sicca, virtute humida. 70.g

metalla. 171.b

*metabo* Astrologus. 257.a

*Ministri* Dei quomodo illius adiutores

sint. 451.b

*miraculum* sanguinis ex imagine Christi

fluens. 562.e

*missa*. in missa non fieri tantum mentionem

eane sed oblationē & sacrificiū. 529.a

*missa* sacrificium. 359.a quid valeat præ-

ces quæ in eo fiunt. 359.c

*missa* sacrificium. 536.f. 576.f

mixta

# INDEX.

<i>mixta quomodo fiant.</i>	42.e	<i>motus obliquus Planetarū defenditur esse naturalis.</i>	239.e
<i>mixta à calore generantur ac dissoluntur.</i>	58.b	<i>motus circulares non differunt specie, sed numero.</i>	240.e
<i>mixta quomodo generentur à calore.</i>	59.c	<i>motus refectionis.</i>	240.f. & 248.e
<i>mixta valde frigida quomodo à calore effici possint.</i>	70.h	<i>motus contranitentis orbis.</i>	241.a
<i>mixta corpora ex aqua &amp; terra precipue constant.</i>	74.e	<i>motum. vide mouens.</i>	
<i>mixtorum compositio ac genera.</i>	55.e	<i>motum ex se.</i>	159.c
<i>mixtorū generatio calorū vi efficitur primo &amp; per se.</i>	57.a	<i>motum omne indiget quiescente.</i>	240.f.
<i>mixtorum qualitates ac differentie in partiendo.</i>	67.c		247.d
<i>mixtio popularis status &amp; optimatum in iudiciis.</i>	303.d	<i>mouens proximū &amp; motū sunt simul.</i>	11.a
<i>Mobile omne semper generatur.</i>	133.d	<i>mouens proximum &amp; motum simul sunt.</i>	165.b
<i>monasteriū monacharum quāta cura proficiendum sit ab Episcopo.</i>	426.b	<i>moueri per accidens.</i>	15.d
<i>montes cur à natura effecti.</i>	37.a	<i>moueri ad tres positionis differentias tantum animalium est.</i>	239.a & 245.a
<i>mors propter peccatum extitit.</i>	601.c	<i>Moyfes.</i>	413.c
<i>mortui in causa hæreseos excommunicari possunt.</i>	369.d	<i>mosis sententia de aquæ elemento.</i>	29.c
<i>mortuorum resurrectio.</i>	460.h	<i>Mulier debet velare caput in signum subiectionis.</i>	458.e
<i>mota ex se simplicia esse non possunt.</i>	183.c	<i>mulierum ornatum modum esse adhibendum ab Episcopo.</i>	427.b
<i>motor alius est à re mobili.</i>	159.b	<i>multiplicitatem non esse in primo entium principio.</i>	141.d
<i>motus simplex conuenit corpori simplici.</i>	10.e	<i>multitudo. 110.b. eius modi plures. 111.b</i>	
		<i>multitudo &amp; vnitas sese inuicem cōpescūt.</i>	140.b
<i>motus genera.</i>	10.f	<i>multitudo gubernationi inepta, nisi vnitate quadam contineatur.</i>	267.a
<i>motus recti principium.</i>	10.g	<i>mundus maxime vnus est.</i>	21.a
<i>motus omni in tempore.</i>	13.a	<i>mundus intelligibilis.</i>	158.f. 161.a
<i>motus velocitas sequitur motoris excellentiam.</i>	13.a	<i>mundi partes vicissim oriuntur &amp; occidunt.</i>	37.b
<i>motus omnis continuus est.</i>	14.f	<i>mundum ex quatuor constare elementis.</i>	18.f
<i>motus naturalis grauium ac lenium corporum citius semper fieri quousque eo peruenierint quo tendunt.</i>	16.e	<i>musica genus ab episcopo inter epulas admittendum.</i>	419.d
<i>motus circularis simplex corpori celestis tantum conuenit.</i>	23.a	<i>Mysteria appellari Sacramenta.</i>	330.b
<i>motus marini.</i>	30.g		N
<i>motus vnus est vnus corporis.</i>	31.d	<i>Natiuitas corporea &amp; spiritalis.</i>	340.b
<i>motus simplex vel est à medio mundi vel ad medium vel circa medium.</i>	219.a	<i>natura est principium. motus eius, in quo est.</i>	12.e
<i>motus corporū rectorū, &amp; animalū.</i>	239.a	<i>naturam omnem, quatenus esse habet, bo-</i>	

# INDEX.

nam esse.	127.b	Opera bona veritas, mala mendacia dicuntur.	490.e
naturale dicitur secundum genus & secundum speciem.	384.f	opera bona hominis duplicia.	566.e
naturalia & mathematica non semper eodem modo se habere.	239.b. & 245.d	opposita relatiue.	119.c
naturalis Veneti descriptio.	313.a	oppositio contradictionis.	116.e
Necesse esse, ita nominatur primum principium ab Auicenna.	155.b	oppositio qua est inter habitum & priuationem.	117.a
ne quando pro si quando.	512.g	oppositio contrariorum.	117.d
Nigrum non esse priuationem luminis.	85.c	optimatum species in Rep. Veneta.	269.c
nituisse æquiuocum in corporibus rectis & circularibus.	248.h	optimatum imparitas.	276.h
nitrum vnde liquefeat.	65.a	Oratio tacita mentis in Deū erecta quantam vim habeat.	417.b
nines.	28.f	orationes ac preces idiotarum.	544.h
Nobilitati ius tributum administrande ciuitatis.	269.a	oratores à senatu eliguntur.	292.f
non entis collatio cum ipso ente.	143.a	oratores principum à quibus excipiantur, & audiantur.	295.b
non entis consideratio.	106.b	orbis vnus an moueri possit à duobus intellectibus.	240.e
Numerus.	110.b. 113.c	orbem vnum non habere nisi vnum motū.	246.g
numerus ad quantitatem pertinet.	114.e	orbes contranitentes in sole.	250.e. in saturno.
numerus numerans, & numerus numeratus.	114.f	ordinis potestas.	368.f
numero eadem.	115.a	ordinis sacramentum.	376.f. 540.g
numeros esse rerum substantiam Pythagorici ponebant.	112.e	ordines Ecclesiastici quot.	378.f
nuptiarū celebrandarum tempora.	397.d	organum medium est inter virtutem operantem & obiectum, in quod operatur.	188.f
nuptias secundas ac deinceps alias non esse prohibitas.	395.d	organum esse medium inter virtutem sentientem & sensationem.	218.g
O		Ostiarius.	378.f
Oceanus.	28.f. 30.f. 35.g	Ouidius citatur.	255.d. 257.a
oceanus motus.	30.g	P	
occulta dedecoris.	467.d	Palmarum radicibus cur sal aspergatur.	77.b
Odium perfectum quodnam Dauid appellauerit.	413.d	Papa Episcoporum supremus.	416.e
odor quomodo sentiat.	82.e	Paphnutius Episcopus Aegyptius.	550.e
odoris definitio.	79.b. genera & modi.	pardalis odor cetera animalia ad se attrahit.	80.e
79.c		parmenidis opinio de ente.	102.g
O Ecumenici titulus Pont. Max. concessus.	557.a	parmenidis ratio sumpta ad probandum ens esse vnum.	139.b
Oleum cur ignem extinguat.	53.c	pars ratione sui habet esse deficiens.	223.c
oleum.	65.b	partes	
oleum conseruat odores.	81.d		

# INDEX.

<i>partes similes.</i>	3.c	<i>peripsema.</i>	452.f
<i>partes habent esse in potentia.</i>	133.d	<i>per prophetas loqui.</i>	515.c
<i>pascuati celebrandi constitutio.</i>	551.a	<i>perspectiuorum propositio de rebus longe suis.</i>	27.c
<i>paternitas quid significet.</i>	488.e	<i>Petrus Barocius Episcopus Patavinus.</i>	
<i>patientia &amp; longanimitas.</i>	470.g	418.f. 421.c. 429.b	
<i>patriarchatum inter se ordo.</i>	560.h	<i>Petro data potestas à Christo.</i>	368.f
<i>patrij qua etate quoque modo in magnum consilium admittuntur.</i>	269.c	<i>Philo quid dicat de fonte qui est in medio paradisi.</i>	30.e
<i>Paulus Apostolus gentium non circumcisionis.</i>	515.c	<i>philosophia prima.</i>	98.e
<i>Pauli Apostoli locus de Sacramento.</i>	331.a	<i>philosophia prima præstatiissima ac certissima.</i>	98.h
<i>Pauli locus de matrimonio explicatus.</i>	386.f	<i>philosophia naturalis scientie nomen non meretur.</i>	99.b
<i>Pauli Apostoli optatum.</i>	413.c	<i>physice quatenus Deum speculetur.</i>	98.e
<i>pauperum habendum esse delectum.</i>	429.c	<i>Pictorum artificium à perspectiu sumptum.</i>	27.c
<i>Peccatum quid proprie dicatur.</i>	128.e	<i>pilule suffragiorum.</i>	275.a
<i>peccatum originale.</i>	602.g	<i>pipinus.</i>	284.e
<i>peccatum originale perpetua damnationi hominem non addicit.</i>	615.b	<i>Plantæ quare sint coloris viridis.</i>	88.f
<i>peccatum originis.</i>	567.e	<i>Planetæ.</i>	166.f
<i>peccatum pro hostia.</i>	568.f	<i>Planetarum motum obliquum esse naturalem.</i>	239.c
<i>peccati mortalis abolitio per penitentiam.</i>	361.d	<i>planetarum motus dubitatio.</i>	241.e
<i>peccato veniali abolendo non sacramenta, sed sacramentalia quædam instituta sunt.</i>	373.a	<i>planetarum situm non esse naturalem.</i>	246.e
<i>peccata venialia quomodo per sacramenta aboleantur.</i>	362.e	<i>plantæ.</i>	170.h
<i>peccata venialia an ad confessionem pertineant.</i>	363.c	<i>Plato quam causam rerum productionis attulerit.</i>	126.g
<i>peccata quare mendacia appellatur.</i>	490.e	<i>Plato de primo principio se nihil dicere posse assenerat.</i>	142.h
<i>peculatus damnatorum ignominia.</i>	309.a	<i>Platonis opinio de aquæ elemento.</i>	29.b
<i>pecunie summa duci Veneriarum constituta in singulos annos.</i>	281.c	<i>Platonis definitio saporis.</i>	74.f
<i>pecunie publice genera.</i>	309.a	<i>Platonis sententia de scientiis.</i>	99.b.d
<i>pecunie ex censu conferende ratio.</i>	310.f	<i>Platonis ratio fallax ad confirmandam immortalitatem animæ.</i>	117.c
<i>Pelagij error.</i>	613.c	<i>Platonis sententia de non negligendo bellica rei studio.</i>	317.b
<i>Pelagiani.</i>	568.h	<i>Platonici putant res esse eo modo, quo ab intellectu concipiuntur.</i>	174.b
<i>perfecti est suam perfectionem capacibus imperiri.</i>	125.c	<i>Platoniorum opinio de non ente confutatur.</i>	109.b
<i>perfectio essentia &amp; perfectio operationis.</i>	396.e	<i>Platoniorum.</i>	490.g
<i>perficere &amp; facere.</i>	481.a		

# INDEX.

<i>pluvia.</i>	28.e	<i>praefecti noctis.</i>	304.e
<i>Poëtarum delectus in pueris.</i>	425.d	<i>praefecti moneta.</i> 312.e. <i>annone triticea.</i>	
<i>pæna &amp; satisfactiois differentia.</i>	363.a	<i>ibid. vrbis salubritati.</i>	312.g
<i>pænitentia solemnis.</i>	373.c	<i>praefecti triremum.</i>	320.f
<i>pænitentia Sacramentum esse de iure diuino.</i>	364.e	<i>præiudicium quid sit.</i>	510.g
<i>pænitentia Sacramentum.</i>	538.e	<i>prandia Ducis Venetiarum.</i>	282.e
<i>pænitentis actus est materia Sacramenti pænitentia.</i>	363.b	<i>preces in missa quid valeant, &amp; quando institutæ.</i>	359.c
<i>Poli motus proprii solis an sint poli eclipticæ.</i>	241.b	<i>presbyter an possit conferre Sacramentum chrismatis.</i>	348.f
<i>Pontifex Max. Ecclesiæ caput.</i>	547.c	<i>presbyter idem &amp; episcopus nominatur.</i>	
<i>Pontifici datam fuisse diuinum potestatē.</i>	586.b		513.e
<i>populus paritatem querit.</i>	276.b	<i>prima philosophia.</i>	98.e
<i>popularis status species Venetiis.</i>	269.b	<i>prime philosophiæ auditor idoneus.</i>	99.d
<i>potentia definiri nō potest, nisi per actum.</i>	131.d	<i>prima philosophia est scientia de Deo.</i>	
<i>potentia una aliā adiuuans in eadem forma est, in qua illa.</i>	206.e		228.g
<i>potentia non est supra essentiam.</i>	223.b.	<i>primum principium non agit ex necessitate natura.</i>	151.d
<i>que potentia separaretur &amp; que non separaretur ab essentia.</i>	223.b	<i>primi principij proprietates in agendo.</i>	
<i>potentiam esse duplicem.</i>	128.h		152.e
<i>potestas quadruplex à Christo concessa discipulis.</i>	582.g	<i>primogenitus omnis creatura, id est, genitus ante omnem creaturam.</i>	497.d
<i>potestas clauium.</i> 584.f. <i>pascendi. ibid.</i>		<i>principis in Rep. Veneta munus, vsus, potestas.</i>	279.c
<i>discutiendi dogmata christiana.</i> 585.c		<i>principium primum entium esse per se existens.</i> 136. g. <i>esse ipsum vnum, atque ipsum bonum, ipsumq; verum.</i>	137.4
<i>præconsultores.</i>	269.c	<i>principium entium super omnia esse quæ mens concipere possit.</i>	142.e
<i>præconsultores à Senatu eliguntur.</i>	292.f	<i>principium primum entium esse causam finalem &amp; efficientem omnium.</i>	147.b
<i>eorum munus.</i>	293.a	<i>principium primum absurde constituitur in serie animarum celestium.</i>	155.a
<i>præconsultorum tres ordines.</i>	293.a	<i>principij entium proprietates.</i>	139.c
<i>prædestinatio quid sit.</i>	614.g	<i>principio entium quæ attribuantur, non secundum proprietatem illi conueniunt, sed secundum eminentiam.</i>	142.b
<i>Diui Augustini de prædestinatione sententia.</i>	614.g	<i>principia non esse infinita.</i>	132.f
<i>predicantur superiora de inferioribus, non autem contra.</i>	234.e	<i>principia entium.</i>	133.b
<i>predicationes secundum se &amp; secundū accidens.</i>	233.d	<i>primatio definitione &amp; natura à materia distinguitur.</i>	2.g
<i>praefectus hebdomadæ primi ordinis sapientum.</i>	294.f	<i>primatiales in duplici differentia sunt.</i>	117.b
<i>praefectus Naualis.</i>	314.e	<i>primatiue opposita.</i>	117.g
<i>praefecti xxx virum.</i>	288.b		procu-

# INDEX.

- procuratores Dñi Marci.* 314. f  
*Prophetia donum.* 459. d. 560. e  
*proportione eadem.* 114. b  
*prostitutiones fides.* 331. d. 332. g  
*promotio à pratoribus ciuitatum ad no-  
 uos auditores.* 317. a  
*promouatur ab omnibus magistratibus.*  
 302. e. 305. b  
*prudencia.* 408. d  
*prima.* 28. f  
*pruna cur sub cinere conseruentur.* 53. e.  
 54. f  
*Psalmi locus declaratus.* 593. e  
*Pueri in utero matris mortui an Christi  
 participes futuri sint.* 345. d  
*pueris sacros scriptores legendos esse.*  
 426. e  
*pueros in limbo carere pena sensus.* 220. e  
*purgatorius ignis.* 371. c. 451. b  
*putrefactio quid.* 59. a  
*Pyramis aquilatra igni ascribitur.* 62  
*Pythagorici putauerunt elementa compo-  
 sita esse ex superficiebus.* 3. b. 4. a  
*pythagoricorum opinio de principiis ma-  
 lorum.* 127. a
- Q**
- Quadraginta indices rerum capitalium.*  
 302. g  
*quadratum hypotenuse.* 5. e  
*quadrata sex corpus cubum efficiunt.* 6. e  
*questio de beata Virgini & Ioseph ma-  
 trimonio.* 396. e  
*questio de diuortio.* 396. g  
*questiones de Sacramento eucharistie.*  
 351. b  
*questiones de Sacramento panis etia.*  
 363. d  
*questiones de matrimonio.* 389. c  
*questores urbani.* 310. e  
*qualitas.* 172. h  
*qualitatis inductione non induci formam  
 elementi.* 46. f  
*qualitates prime.* 41. d
- qualitates prime an remaneant in mixto.*  
 47. b  
*qualitates non esse formas substantiales e-  
 lementorum.* 42. b. esse intensissimas  
 in elementis simplicibus. 43. b  
*qualitates elementorum utrum in corpore  
 mixto corrumpantur.* 44. e  
*qualitatum coniunctiones.* 42. e  
*quantitas.* 172. g  
*quantitatem per se esse nonnulli philoso-  
 phi posuerunt.* 353. d  
*quid nominis intelligitur de re, de qua non  
 constat quid rei.* 151. a  
*quid rei de nulla re potest intelligi, nisi de  
 qua constiterit quod existat.* 151. a  
*quid rei & quid nominis quandoq; idē. ibid.*  
*quod quid est.* 175. b  
*quod quid est rei materialis obiectum in-  
 tellectus.* 216. g
- R**
- Ratio est intellectus obumbratus.* 225. b  
*Reflorescere.* 496. f  
*regeneratio.* 340. b  
*regius principatus in tyrannidem facile  
 delabitur.* 267. a  
*regij status species in Veneta Rep.* 269. b  
*relatio secundum rem & secundum ratio-  
 nem.* 120. f  
*relatiue opposita.* 119. e  
*religionis christiana prestantia.* 415. a  
*religionem esse naturalem in hominibus.*  
 414. f  
*religiosorum ac monachorum status.* 543. a  
*reos proprios aduocatos non habentes pu-  
 blici aduocati defendunt.* 300. e  
*reprobi ab electis quo cause discrimine di-  
 stinguuntur.* 617. a  
*reproborum recte facta quomodo grata  
 Deo esse possint.* 622. f  
*repudij libellus.* 385. b  
*res quam cognationem habeat cum ente.*  
 128. g  
*resurrectio prima quid sit.* 340. h

# INDEX.

<i>resurrectio apud scripturam dicitur gene- ratio.</i>	497.d	360.f	<i>sanctorum inuocatio.</i>	544.e.	<i>imagines.</i>
<i>Rivus magnus Venetiis.</i>	282.b	<i>ibidem.</i>	<i>sanctorum inuocatio.</i>	583.c	
<i>Romanorum Rempub. quid euerterit.</i>	267.b		<i>sanctos post mortem statim ascendere in caelum.</i>	540.e	
<i>ros.</i>	28.e		<i>sapiens tum in aliqua disciplina, tum ab- solute quis.</i>	97.a	
<i>S</i>			<i>sapientes qui &amp; praefatores.</i>	292.f	
<i>Sacerdos.</i>	378.b		<i>eorum munus.</i>	293.a	
<i>sacerdotium non cōuenire unicuique chri- stiano.</i>	376.f		<i>tractare de entibus ad sapientiam perti- net.</i>	97.d	
<i>sacerdotium Christi praefertur sacerdotio Aaron.</i>	519.d		<i>sapor omnium vnde efficiatur.</i>	29.a	
<i>sacramentum quid.</i>	330.b		<i>sapor non potest esse accedens simplicis ele- menti.</i>	73.c	
<i>sacramentum confirmationis.</i>	347.b		<i>sapor sensibile proprium sensus gustus.</i>	73.e	
<i>sacramentum eucharistiae.</i>	349.e		<i>saporis definitio.</i>	74.f	
<i>sacramentum poenitentiae.</i>	361.d.	<i>eius</i>	<i>saporis naturam Democritus figuris accō- modauit.</i>	73.c	
<i>materia &amp; forma.</i>	362.f		<i>saporis genera.</i>	75.a	
<i>sacramentum extremae vnctionis.</i>	374.e		<i>sapores contrarij.</i>	78.e	<i>ibidem.</i>
<i>sacramentum ordinis.</i>	376.f		<i>sapores quid sit &amp; vnde fiat.</i>	63.b	
<i>sacramenti res.</i>	331.b.	<i>definitio.</i>	<i>satisfactio &amp; poena in quo differant.</i>	363.a	
<i>sacramenti forma &amp; materia.</i>	333.c		<i>satisfactio pro peccatis.</i>	538.b	
<i>sacramentorum effectus, character, gratia.</i>	333.d		<i>satisfactionem esse partem sacramenti poe- nitentiae.</i>	366.b	
<i>sacramenti eucharistiae minister.</i>	355.d.		<i>satisfactionem esse necessariam post abso- lutionem.</i>	572.f	
<i>eius sacramenti vii atque usus.</i>	356.g		<i>saturni motus.</i>	241.c	
<i>sacramenta à Christo instituta, &amp; rebus ac verbis constare.</i>	332.g.	<i>in rebus sensibilibus esse.</i>	<i>Scientia vtendum esse ad proximi adifi- cationem, non ad scandalum.</i>	454.g	
<i>sacramenta ea peccata respiciunt, eum quibus gratia consistere non potest.</i>	361.d		<i>scientiam vnā esse posse eorum, quae ana- logice dicuntur.</i>	106.e	
<i>sacramēta quare in Ecclesia instituta fue- rint.</i>	415.b		<i>scientiae plures quomodo vnā atque ean- dem rem considerent.</i>	97.d	
<i>sacramentorum numerus, fines, perfectio- nis gradus.</i>	339.a		<i>scotus.</i>	226.e	
<i>sacramentorum explicatio.</i>	534.f		<i>scribarum Venetorum ordo.</i>	323.b	
<i>sacrificium quid sit.</i>	357.a		<i>Seculum quid significet.</i>	485.d	
<i>sal ab humido frigido liquefit.</i>	65.a		<i>seculum.</i>	511.d	
<i>Salomon à voluptate victus.</i>	405.b		<i>secundum principem apud Hebraeos quid significet.</i>	485.d	
<i>sanctificare Euangelium Dei.</i>	447.b		<i>Senatores</i>		
<i>sanctitas veritatis pro vera sanctitas.</i>	490.b				
<i>sancti qua ratione colantur ab Ecclesia.</i>					



# INDEX.

<i>Senatores Veneri non pedibus, sed suffragiis in sententiam eunt.</i>	294.h	<i>fors pro hereditate.</i>	483.d
<i>senatorum lectio.</i>	291.a	<i>Species non predicatur secundum magis &amp; minus de individuo.</i>	45.d
<i>senatorium ius Quæstoribus datum.</i>	310.e	<i>Species naturam significat determinatam.</i>	118.g
<i>Senatus Veneriis quam Reip. speciem refert.</i>	269.c	<i>Species non semper contraria inter se.</i>	119.a
<i>Senatus grauiorum magistratuum elector.</i>	277.b	<i>Species non predicatur de genere.</i>	234.e
<i>Senatus ac x virum cõsiliũ optimatium statum Veneriis referunt.</i>	290.g	<i>Specie eadem.</i>	114.h
<i>Senatus potestas.</i>	292.e	<i>Spectaculis turpibus mulieres &amp; pueros prohiberi debere.</i>	427.d
<i>Senatus consilium datus.</i>	292.b	<i>Spes fortitudini respondet.</i>	411.a
<i>sensus versantur circa accidentia.</i>	12.f	<i>Spes est virtus ad voluntatem pertinens.</i>	410.b. 412.e
<i>sensus an sentiat suam operationem.</i>	218.h	<i>Sphæra octaua.</i>	165.d
<i>sensus communis.</i>	219.a	<i>Spiritus sanctus non habitat in anima peccatis subiecta.</i>	348.h
<i>sententia in Senatu per suffragia.</i>	294.h	<i>Spiritus promissionis pro spiritus promissus.</i>	484.e
<i>sentire est motus anima per corpus.</i>	218.h	<i>Sponsalia quibus causis soluantur.</i>	395.c
<i>senem ac iuuenem munus in Rep.</i>	290.f	<i>Status ciuitatis quis optimus.</i>	267.a
<i>seruitus christiana.</i>	454.e	<i>Stelle currentes quomodo fiant.</i>	24.b
<i>sesquositis Ægyptiorum legislator.</i>	321.d	<i>Stelle currentes.</i>	27.b
<i>Sicci definitio.</i>	57.b	<i>Stipendium ex ærario iudicibus tributum.</i>	303.c
<i>sicci definitio.</i>	51.a	<i>Subdiaconus.</i>	378.b
<i>siccitas quot modis fiat.</i>	63.c	<i>Substantia habens contrarium corruptibilibus est.</i>	7.d
<i>siccitatis natura.</i>	50.h	<i>Substantia nulla est sensibilis per se.</i>	12.e
<i>signaculum Apostolatus.</i>	456.e	<i>Substantia ex materia &amp; forma.</i>	169.b.
<i>similarium partium corpora.</i>	3.c	<i>Suffragij ferendi ius quomodo Patrij adipsicuntur.</i>	269.c
<i>simile significat vnum qualitate.</i>	114.g	<i>Suffragia in comitiis magistratuum.</i>	275.a
<i>sinciput cur à natura positum fuit in summa hominis parte.</i>	35.d	<i>Suffragia in sententiis senatorum.</i>	294.b
<i>Societates sub diuorum nomine institutæ Veneriis.</i>	324.f	<i>Sulphur.</i>	171.e
<i>sol præstantissimus Planetarum.</i>	166.g	<i>Superstitionis vitanda &amp; expellenda admonitio ad Episcopum.</i>	425.a
<i>solis moram calores facere.</i>	39.b	<i>Sureulus in arbore habet rationem partis.</i>	223.d
<i>de solis centro.</i>	221.a	<i>Suspensio, quid sit.</i>	370.g
<i>solem aliquid operari ad cõcitandos æstus maris.</i>	34.g	<i>Syllogismus secunda, &amp; tertie figure.</i>	234.b.
<i>solem non habere per se vt semper per eclipsicam feratur.</i>	246.c	<i>prime figure.</i>	235.a
<i>soles gemini.</i>	26.b. 27.a		
<i>solstitium brumale.</i>	255.c. & 257.a		
<i>solonis sententia de felicitate.</i>	228.b		
<i>fors est status popularis.</i>	276.b		

# INDEX.

<i>Syllogismi</i> vniuersales plures conclusiones.	235.e	<i>terram</i> inter duo maria assurgere in medio, utrinque vero demitti.	37.c
<i>Symbolum</i> compositum in concilio Niceno.	550.h	<i>terra</i> habitabilis.	38.g
<i>Symbolum</i> Sirmij constitutum.	553.c	<i>terra</i> & aqua materia mixtorum.	38.b
<i>Symbolum</i> Constantinopolitanum.	554.g	<i>terra</i> color.	87.b
<i>Syndici</i> siue recognitores.	321.b	<i>terremotus</i> precibus sedati.	558.f
<i>Synodus</i> Ancyritana, Neocesariensis, Nicena.	549.e	<i>Tertullianus</i> de monogamia.	395.d
<i>Synodus</i> Graeci quas appellauerunt Oecumenicas.	349.d	<i>testamentum</i> vetus cur mortis ministerio appelletur.	467.a
<i>Synodus</i> Antiochena.	552.e	<i>testificor</i> pro adiuro.	512.h
<i>Laodicensis, Sardicensis.</i>	ibidem.	<i>Theologia.</i>	98.e
<i>Synodus</i> Arelate celebrata.	551.c	<i>Thoma</i> diuini opinio de elementis in corporibus mixtis.	44.g
<i>Synodus</i> Chalcedonensis.	551.d. 556.e.g	<i>Tonsura</i> seu coronam non esse ordinem.	380.g
<i>Synodus</i> Sirmiensis, Mediolanensis, Ariminensis, Seleuciensis.	553.b	<i>totum</i> quid sit.	112.b
<i>Synodus</i> Constantinopolitana.	554.f	<i>totum</i> habet esse perfectum.	223.c
<i>Ephesina.</i>	555.a. 556.f	<i>totum</i> & perfectum sunt idem.	223.d
<i>Synodus</i> Constantinopolitana.	558.e	<i>Transsubstantiatio.</i>	352.e
<i>Synodus</i> Nicena.	561.d	<i>triangulus</i> Scalenus.	4.f
<i>Synodus</i> Constantinopolitana.	559.d.	<i>triangulus</i> Isosceles.	4.f
562.f		<i>tribuni</i> qui in oppidis Venetorum creati solebant.	283.b
<i>Synodi</i> provinciales.	551.d	<i>triumviri</i> ex ordine xxxi iudicum.	303.a
<i>Synodi</i> Africana.	557.b	<i>tropicorum</i> habitatio.	40.f
<i>Synodi</i> Hispana.	558.b	<i>Tyrannidem</i> Dux Venetorum affectus oppressus.	297.e
<i>Synodi</i> Romanae.	561.c		V
<i>Synodus</i> Lugudunensis, Cöstantiensis, Basileensis, Ferrariensis, Florentina, Lateranensis.	563.a	<i>Vacuum</i> quantitas per se.	353.d
	T	<i>vas</i> pro corpore, vel pro uxore.	504.f
<i>Temperantiam</i> ad omnes virtutes referri.		<i>valentie</i> in Hispania vim maximam aquarum exiisse.	38.f
404.b		<i>vapor</i> quid sit.	30.e
<i>templum</i> Diui Marci.	325.a	<i>Veclionis</i> motus.	240.f
<i>templa</i> Dei viuonia.	429.a	<i>Venetie</i> nomen cur numero plurali.	307.b
<i>tempora</i> secularia.	511.d. 513.d	<i>Venetiarum</i> situs.	262.e
<i>tenebrae</i> ideo percipiuntur, quia visum non mouent.	85.e	<i>Venetiae</i> Reipub. institutio.	268.e
<i>Terra</i> simpliciter grauis.	19.a	<i>Venetiae</i> vrbis regiones quot.	288.g
<i>terra</i> sola non afficitur calorum motu.	23.d	<i>Venetia</i> plebi in classes distributa.	323.a
<i>terra</i> iuxta centrum pura.	25.f	<i>Venetia</i> plebi munera & honores.	323.c
<i>terra</i> vbi pura.	35.a. cur supra aquam emineat.	<i>Venetia</i> Reip. etas.	325.a
	35.e		Venetia-

# INDEX.

<i>Venetam Remp. omnes rectas gubernationes in se continere.</i>	276.g	<i>virtutum quid sit.</i>	128.e
<i>Veneri externo milite continentis imperium defendunt.</i>	318.g	<i>Vinctio extrema.</i>	374.e-540.g
<i>iuuentutem ad rem maritimam qua ratione exerceant.</i>	319.c	<i>vnitas ad quantitatem pertinet.</i>	114.e
<i>Veneri qua ratione populum in officio continent.</i>	321.c	<i>vnitas &amp; multitudo sese inuicem compescunt.</i>	140.h
<i>Venetorum gloria in re maritima.</i>	317.d.	<i>vnitatis in ciuili societate ratio.</i>	278.g
<i>prolatandi in continentem Imperij occasio.</i>	ibidem.	<i>vnitatem in omnibus inueniri.</i>	546.f
<i>Venetorum atque Atheniensium mos similis in iudiciis.</i>	301.a	<i>vnus natura.</i>	107.d. eius multiplicitas.
<i>vera res qua dicantur.</i>	123.a	108.e. vnus nihil aliud significare quam ens indiuisum.	108.f
<i>verbum quo baptizamur, Petrus Ap. appellat semen incorruptibile.</i>	341.a	<i>Voluntas &amp; intellectus omnia entia pertingunt.</i>	121.c
<i>veritas enti equalis.</i>	123.b	<i>voluntas ad omnia se extendit, ad que se extendit intellectus.</i>	599.c
<i>veritati primorum intellectuum non opponitur falsitas, sed ignorantia.</i>	123.d	<i>voluntas &amp; appetitus differentia.</i>	190.h.
<i>veritas charitatis.</i>	506.e	<i>voluntas duplex operatio.</i>	391.a
<i>Verum non est in concceptu simplici, sed aut in compositione aut in diuisione.</i>	122.e	<i>voluntatis libertas.</i>	600.g
<i>Via lactea.</i>	24.h	<i>votum castitatis.</i>	379.a
<i>virga acris accidens.</i>	26.b.27.b	<i>voti castitatis simplex &amp; solenne.</i>	391.a
<i>virtus quid sit.</i>	128.e	<i>vota monastica.</i>	574.g
<i>virtus cognoscens vniuersale per se stat.</i>	187.b	<i>Urne sortium in comitiis ad Electores instituendos.</i>	271.d
<i>virtutis habitus non tollitur per peccatum.</i>	362.g	<i>urne ad suffragia ferenda.</i>	274.h
<i>virtute censeri debere ciuium discrimen.</i>	277.b	<i>uxorem a viro dimissam ob fornicationem non posse alteri nubere ex D. Pauli loco tradit Augustinus.</i>	454.e
<i>virtutes partis rationalis.</i>	498.f		X
<i>vite operationes precipue, intelligere &amp; velle.</i>	140.e	<i>X figura litera Græca anima totius attributa à Platone.</i>	239.c

F I N I S.

# ERRATA, EORVMQVE CORRECTIO.

prior numerus paginam, posterior lineam indicat.

pag. 2. lin. 27. quid. quod pag. 5. lin. 24. triginta. vingiti pag. 7. lin. 8. cuius. cuius  
 pag. 8. lin. 25. mutatione. mutationi 9. 8. tempore. tepore lin. 27. vniuersa. vniuersi  
 12. 18. conuenerat. connumerat 42. etiam. enim 43. 32. vi. vt 18. collata. collo-  
 cata 22. 8. forma. format 23. 37. cutus. euinis 26. 35. nalli. nullibi. 28. 32. non-  
 nulla. nonnullam 29. 20. abscribant. adscribunt 31. 19. otam. & otam 33. 27.  
 appositam. oppositam 43. 8. esse & vnum dicant eandem natoram, vnum quoque  
 clementum 50. 18. humefaciant. humefaciunt 24. habet. habeat 29. non habeat.  
 habear 58. 31. qui. at qui 37. maiorem. ob maiorem 59. 2. soluto. resoluto 69. 37.  
 etiam. etiam 71. 32. aqua. aliqua 72. 1. appota. apposita 78. 40. sit. sit 80. 29. ve-  
 rustate. venustate 34. sed. seu 81. 8. nisi. si 84. 34. deficient. deficiente 94. 28. inqua-  
 tum. inquam tum 105. 33. dicantur. dieuntur 112. 12. vnitatis. vntus 114. 28. praxidica.  
 praxidita 116. 10. appareat. primum apparet 38. enti vetò. enti veto. 117. 18. generatio.  
 est generatio 119. 36. relationem. relationum 127. 25. bonum. bono 142. 27. propor-  
 tionem. proprietatem 150. 22. te. rem 153. 27. agar de primis principiis, ac de primis  
 155. 24. nobiliora. nobiliores 157. 4. sunt. sint 159. 19. eum materia diuisibilis 160. 14.  
 oportet. oporteret 165. 5. committam. omitam 28. circularis. circulares 171. 16. ge-  
 nero. genera 37. à te fieri. are fieri 173. 10. sit. sit 181. 25. colligimus. colligemus. 182. 18.  
 illarum. harum 25. nouetur. mouetur 183. 1. formam. omnem formam 8. quarù.  
 quare 35. primum non agunt. primum nõ agit. 184. 1. intrinsecam. materiam intrin-  
 secã 25. ad quod. ad quod est 30. motus. motui 185. 10. Ad. A Diuo 25. quia. quare  
 186. 1. firmam. firmam 6. istum. ipsum 31. vramut velle atque. vramurque 187. 4. qua-  
 dam. quardã 188. 8. quia. qua 191. 3. in se. in se est 22. Argumentum. Argumentum  
 28. illius. istius 192. 3. peruenit. peruenit 27. necessario. nõ necessario 193. 13. cor-  
 poreã. est corporea 17. sit. sit 18. negatiua. vegetatiua 20. mouetur. mouetur 26.  
 non. neque 199. 14. fieri. nihil fieri 24. peruenire. provenire 204. 36. forma. in for-  
 ma 205. 35. quæ. qua 39. atque. vtique 206. 15. quia. qui 26. peruenit. perueniat  
 207. 19. quam. quem 212. 9. brutorum. brutorum. 213. 19. nata. nota 214. 32. ratio-  
 nem. rationum 216. 19. seipso. à seipso 32. semper. est semper 35. ac proprie. vere ac  
 proprie 218. 21. sentit. sentit 219. 14. dilungetur. dilongetur 29. inducere. vi ducere  
 220. 25. ista. illa 223. 7. virtute. virtutē 226. 7. habet esse. habet etiã esse 229. 4. qui.  
 quod 233. 9. haberi. Galeni 137. 17. præcipi. præcipiri 139. 6. didiscere. didicere  
 35. interfecari. interfecare 37. nariua. nariuz 240. 31. volucto. coluto 246. 28. & per  
 animam 251. 6. hoe. bze 252. 28. amplexẽdẽ. amplexandẽ 34. Astronomiẽ. Astro-  
 nomiẽ 153. 38. fastis. fastis 157. 8. Budoxo. ab Eudoxo 17. Buxo. Eudoxo 258. 28.  
 occasione. errorum occasione 263. 3. quibus. quicunque 264. 12. antiquiorum. an-  
 tiquorum 20. dum. eum 276. 29. forte elegi. forte eligi 278. 8. principes. principi-  
 pis 182. 4. principes princeps 40. confutum. consultum 283. 5. ducem. duci 286.  
 24. xxxxi. viri prinespis 287. 21. curam. curiam 316. 14. vitur. licet apud prætorem  
 sit omnis auctoritas. Prætor 319. 35. ducẽ amplius. ducẽti & amplius 37. ad ti & tem.  
 ad rem 323. 13 nonnullis. nonnullius 333. 38. Altera. Alret 347. 24. linguis. lin-  
 guis 352. 39. Luthero. à Luthero 353. 24. afficiatur. eis afficiatur 355. 8. habenti. non  
 habenti 361. 1. de sacramentorum. sacramentorum 363. 5. assimilatur. assimilatur  
 369. 24. quæ & quæ est 382. 7. augustam. angustam 401. 10. qua in. qua de 20. ani-  
 mi sunt 402. 30. ex quo. quo 403. 13. Christianis inquam 407. 14. quam. tanquam  
 408. 3. ac ne 409. 31. nationibus. adionibus 410. 32. possunt ptosunt 412. 32. pro-  
 cueari. procuret 413. 22. Hæc viuẽdi 26. patribus. fratribus 416. 25. liberalita-  
 tes. liberalitatis 419. 24. maxime. maximz 420. 7. diserepari. discrepare 18. con-  
 uinxerit. coniunxerit 421. 9. ne aliquem in familiam sibi adsciscat, qui malis. 423.  
 24. iuniores. minores 449. 29. nouetant. nouetunt 30. secretatur Dei secreta. itaq.

450. 18. sp̄itualia verba 451. 40. deinde se transulisse 451. 1. Apostolo. Apollo  
 7. nihil. nihili 22. accommodatur. accommodandum 454. 14. qui petitiōes  
 459. 4. dominam. dominium 31. egerit. egerat 477. 34. ideo. adeo 484. 29. orat,  
 vt. 486. 22. populi. populo 488. 17. quoniam. quā omnia 28. maxima. maxime  
 488. 2. captiuas. captiuitas 495. 29. perueniamus. peruenimus 31. alteriora. vltorio-  
 ra 32. recedant à regula 500. 15. lumen suum. 510. 26. incedit. incidit. 512. 2. re-  
 ferentur. referuntur 518. 27. propter in credulitatem idem accidat 548. 20. simul-  
 que orasse. 29. Antycitarum. Ancyritarum 565. 14. fit. fit 25. crudelitas. credulitas  
 566. 31. ædificat. ædificauit 570. 33. item experimentum quæritis 34. item viuo ego,  
 iam non ego 571. 8. perhibetur. pethibent 13. dubitemus. dubitamus 15. abolu-  
 tionem. absolurionem 578. 21. vel paulo post 589. 32. etiam quandoque appellatur  
 605. 25. nullūque naturæ certis legibus 909. 3. medium. medicum.

## *INDEX QVATERNIONVM.*

a b c d    A B C D E F G H I K L M N O P Q R S T V X Y Z.  
 Aa Bb Cc Dd Ee Ff Gg Hh Ii Kk Ll Mm Nn Oo Pp Qq Rr Ss Tt  
 Vu Xx Yy Zz.    AA BB CC DD EE FF GG HH II.    Omnes sunt  
 terniones præter a d H & II. duerniones.



